


Cohãcjũ Yere  
Yahuducuri Tju



New Testament in Piratapuyo (CO:pir:Piratapuyo)

# Cohãcjã Yere Yahuducuri Tju

## New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

### Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

#### **The New Testament**

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 11 Nov 2022 from source files dated 29 Jan 2022  
ad83cef1-6eb5-5233-a8f3-356e47bbda0d

## Contents

San Mateo . . . . .	1
San Marcos . . . . .	72
San Lucas . . . . .	115
San Juan . . . . .	189
Hechos . . . . .	242
Romanos . . . . .	305
1 Corintios . . . . .	335
2 Corintios . . . . .	364
Gálatas . . . . .	383
Efesios . . . . .	393
Filipenses . . . . .	404
Colosenses . . . . .	411
1 Tesalonicenses . . . . .	418
2 Tesalonicenses . . . . .	424
1 Timoteo . . . . .	428
2 Timoteo . . . . .	437
Tito . . . . .	443
Filemón . . . . .	447
Hebreos . . . . .	449
Santiago . . . . .	473
1 San Pedro . . . . .	481
2 San Pedro . . . . .	489
1 San Juan . . . . .	494
2 San Juan . . . . .	501
3 San Juan . . . . .	502
San Judas . . . . .	503
Apocalipsis . . . . .	506

## San Mateo

### *Jesucristo Cohācjū macuno tiquiro acaye panopu cjēna ijire (Lc 3.23-38)*

<sup>1</sup> Jesucristo acayere panopu cjēnare yahutja yūhu. Tiquiro ñecuno munano panopu cjāno Davi wame tiriquire ijie tiahye. Tiquiro ijiato pano tiquina ñecuno munano iji turiariquire Abrahā wame tiriquire ijie tiahye.

<sup>2</sup> Abrahā Isaac pacuro ijiahye. Isaac Jacob pacuro ijiahye. Jacob Judá gāhu pacuro ijiahye. <sup>3</sup> Fare, Zara mehna tiquina pacuro Judá ijiahye. Tiquina pacoro Tamar wame tiricoro ijiahye. Fare Esrom pacuro ijiahye. Esrom Aram pacuro ijiahye. <sup>4</sup> Aram Aminadab pacuro ijiahye. Aminadab Naasón pacuro ijiahye. Naasón Salmón pacuro ijiahye. <sup>5</sup> Salmón Booz pacuro ijiahye. Tiquiro pacoro Rahab ijiahye. Booz Obed pacuro ijiahye. Tiquiro pacoro Rut ijiahye. Obed Isai pacuro ijiahye. <sup>6</sup> Isai Davi pacuro ijiahye. Davi pehe Israe masa pūhtoro ijiahye. Tiquiro Uria wame tiriquire munano namonore tiquire namo tiri bato Salomo wame tiriquire pohna tiahye.

<sup>7</sup> Salomo Roboam pacuro ijiahye. Roboam Abia pacuro ijiahye. Abia Asa pacuro ijiahye. <sup>8</sup> Asa Josafat pacuro ijiahye. Josafat Joram pacuro ijiahye. Joram Uzia pacuro ijiahye. <sup>9</sup> Uzia Jotam pacuro ijiahye. Jotam Acaz pacuro ijiahye. Acaz Ezequia pacuro ijiahye. <sup>10</sup> Ezequia Manase pacuro ijiahye. Manase Amón pacuro ijiahye. Amón Josia pacuro ijiahye. <sup>11</sup> Josia Jeconia gāhu pacuro ijiahye. Tiquina ijiri pjere Israe yehpa cjēnare Babilonia cjēna pehe ñehe cāhye tiquina ya yehpapu.

<sup>12</sup> Sa ye Babilonia yehpapu tiquina esari bato, Jeconia Salatiere pohna tiahye. Salatiel Zorobabel pacuro ijiahye. <sup>13</sup> Zorobabel Abiud pacuro ijiahye. Abiud Eliaquim pacuro ijiahye. Eliaquim Azor pacuro ijiahye. <sup>14</sup> Azor Zadoc pacuro ijiahye. Zadoc Aquim pacuro ijiahye. Aquim Eliud pacuro ijiahye. <sup>15</sup> Eliud Eleazar pacuro ijiahye. Eleazar Matán pacuro ijiahye. Matán Jacob pacuro ijiahye. <sup>16</sup> Jacob José pacuro ijiahye. José María manuno ijiahye. María pehe Jesu pacoro ijiri. Jesu pehe masare yūhñoatiquiro ijiro, Cristo tiquina ni pisuriquire ijiri.

<sup>17</sup> Sa yeye Abrahāre mari queo māhtagū tee Davire mari queo bato tigū ahriquina ijipihtiequina tiquina panamena mehna ijiye, catorce cururi waro ijiahye. Sa yeye mari pari turi Davire mari queo māhtagū tee Babiloniapū Israe masare tiquina neato pano mari queo bato tigū ijipihtiequina tiquina panamena mehna ijiye, catorce cururi waro pari turi ijiahye. Sa ye tuhasa Babiloniapū tiquina esari bato mari queo māhtagū tee Cristo tiquire masa bajuagūpu mari queo bato tigū ijipihtiequina tiquina panamena mehna ijiye, catorce cururi waro ijiahye tja.

### *Jesucristo tiquire masa bajarire yuahuey (Lc 2.1-7)*

<sup>18</sup> Sa ye ohō saha Jesucristo masa bajuari jiri. Tiquiro pacoro María pehe José mehna omoca dūhteaticoro ijiahye. Sa yero ticoro omoca dūhteato pano Espiritu Santo tutuaye mehna coā nininogāre ne būcna cāhtaro masiahye ticoro basi. <sup>19</sup> Sa yero José ticorore omoca dūhteatiquiro tire masino, poto ijiyere yeriquiro ijiro ticorore cohāno taro niahye. Masa tiquina ihñono ticorore buōro ye dueraro, masa tiquina tūhoato pano yahuro marieno ticorore cohāno taro niahye. <sup>20</sup> Tire tiquire tūhoturi watoa Cohācjū yaquire angel pehe quehēnopu Josere bajuaro, ohō saha niahye:

—José, Davi manano panami iji turiagu, María mehna bæ tiro marieno omoca dæhteya. Ticoro Espiritu Santo yedohoro mehna coã nijinogãre ne bæcua cãhtaricoro ijire. Sa yegu bæ tiro marieno omoca dæhteya ticorore. <sup>21</sup> Ticoro pohna tirota. Tiquirota ticoro macanota tiquiro ya maca cjênare pecaru wahaboriquinare yãhdæoatiqiro ijirota. Tiquiro sa yãhdæoatiqiro ijigũ ihñagũ Jesu wame yeguta mæhu tiquirogãre, niahye angel Josére.

<sup>22</sup> Ahri ijipihtiye sa wahahye panoru cjãno Cohãcjũ yere yahu mæhtariqiro tiquiro ni ojoariro sahata. Tire tiquirore Cohãcjũ ojoa dutiahye. Ohõ saha ni ojoahye Cohãcjũ yere:

<sup>23</sup> Nuhmino, nijinogãre bocaro pohna tirota ticoro macanogãre. Sa yero Emanuel wame tirota tiquirogã, ni ojoahye Cohãcjũ yere.

“Emanuel” nino “Cohãcjũ mari mehnata ijire”, nino niaga.

<sup>24</sup> Cohãcjũ yaquiro angel Josére tiquiro ni yahuri bato José pehe wahcã, angel dutiriro sahata María mehna omoca dæhteahye. <sup>25</sup> Tiquiro macanogãre ticoro pohna tiato pano José pehe ticoro mehna ijiera tiahye. Ticoro pehe pohna tia wahahye. Sa yero tiquiro pehe macanogãre Jesu wame yeahye.

## 2

### *Asũ mujã taro cjêna Jesugãre ihñãne esahye*

<sup>1</sup> Herode Judea yehpa cjêna pæhtoro tiquiro ijiri pje ti yehparu ijiri macaru Belêru Jesu masa bajuahye. Tiquiro sa masa bajuari bato ñahpicohare buheyequina ñahpicohare quehnoano masiñequina asũ mujã taro cjêna ahta, Jerusalêru wihiahye. <sup>2</sup> Sa wihiye, masare to cjênare sinituahye:

—¿Judio masa pæhtoro ijiatiquiro yojorare nohoru masa bajuagari tiquiro? Asũ mujã taroru cjãna ijiaja. Sa yena ñahpicoha coã bajua wahã sagũ ihñana “Pæhtoro masa bajuaro niaga”, ni masi usã. Sa tia bajuagũ ihñana, usã ihcãno mehna tiquirore ño peona ahtaæ ohõru, ni, yahuahye buheyequina masare.

<sup>3</sup> Sa ye apequina Herodere tire yahuahye. Tiquina sa yahugũ tæhoro Herode pehe bæjua witi tæhotuahye. Sa yeye ijipihtiyequina Jerusalê cjêna gũhu tiquiro yero sahata bæjua witi tæhotuahye tiquina gũhu. <sup>4</sup> Sa yero Herode pehe ijipihtiyequina pahia pæhtoare, mari judio masare buheyequina gũhare tiquiro piji cahmecoa peho, tiquinare sinituahye tiquiro:

—¿Nohoru masa bajuaboagari Cristo pehe, mæsa tæhotugũ? ni sinituahye tiquiro.

<sup>5</sup> Ohõ saha ni yahuahye tiquirore:

—Belêru, Judea yehparu ijiri macaru Cristo masa bajarota. Ohõ saha ni ojoahye Cohãcjũ yere yahu mæhtariqiro:

<sup>6</sup> Belêru yeequinare Israe masare dutiatiquiro, tiquinare cohteatiqiro ahtarota. Sa yero apeye macari Judea yehparu ijiye macari yãhdæoro ijire Belê pehe, ni ojoahye Cohãcjũ yere, ni yahuahye tiquina Herodere.

<sup>7</sup> Tiquina sa ni yahuri bato Herode masa tæhoeroru asũ mujã taroru ahtariquinare pjiõahye. Tiquiro caharu tiquina esagũ ihñano, tiquinare sinituahye. Tiquiro sa sinitugũ tæhoye, tiquina ñahpicohare ihñari decore yahuahye tiquina. <sup>8</sup> Tiquina sa yahuri bato Herode pehe tiquinare Belêru ohoro, ohõ saha niahye tiquinare:

—Tiquirogãre quehnoano macañã. Tiquirogãre bocana yæhure tojoana yahu tojoaya. Yæhu gũhu tiquirogãre ño peou wahæ tæu niãja, niahye tiquinare Herode.

<sup>9</sup> Tiquiro sa nidi bato, tiquina wahahye. Tiquina sa wahagū asū mija taropu tiquina ihñaria ñahpicoha pehe tiquina pano umu tāducuahye. Sa yero nijinogā tiquiro ijero bui waro tojoa wahā sahye tia ñahpicoha. <sup>10</sup> Sa yeye ñahpicohare ihñañe, tutuaro bucueahye tiquina. <sup>11</sup> Nijinogā tiquiro ijero wuhuru esa, sajāa wahahye tiquina. Sa sajā saye, nijinogāre tiquiro pacoro mehna ijiriquirogāre ihñahye tiquina. Sa ihñañe tiquina dusepe curi mehna quehe sa, tiquirogāre ño peoahye. Ño peo tuhasa tiquina acarire pōoahye. Urure, bueyere, mirra wame tiye ehme sitiye gāhure ne wio, tire tiquirogāre wapa marieno ohoahye. <sup>12</sup> Tire oho tuhasa caria wahahye tiquina. Tiquina sa carigū quehēnopu Cohācjū yahuahye tiquinare: “Herode cahapu tojoeracāhña”, ni yahuahye Cohācjū tiquinare quehēnopure. Tiquiro sa ni yahuri bato, tiquina pehe wahcāhye. Tiquina sa wahcāri bato ape mahapu tiquina ya dihtapu tojoaa wahahye.

*José gāhu Jesugāre Egiptopu ne duhti cāa wahahye*

<sup>13</sup> Tiquina sa wahari bato Cohācjū yaquiro angel quehēnopu Josére bajuaro, ohō saha niahye:

—Wahcāña. Herode pehe nijinogāre wejēno taro, macano nine yojoopure. Sa ye nijinogāre tiquiro pacoro gāhure Egiptopu umāñano ne duhti cāa wahaya. Topure yahu nidiro punota ijiya, tee yahu yahugāpu, ni yahuahye angel Josére.

<sup>14</sup> Tiquiro sa nigū tūhoro, José pehe ñamita wahcā, nijinogāre, tiquiro pacoro gāhure Egiptopu ne duhti cāa wahahye. <sup>15</sup> Egiptopu esa, Herode catiro puno topure ijiahye tiquina. Sa yeahye panopu cjanō Cohācjū yere yahu mūhtariquiro tiquiro ni ojoariro sahata. Tire tiquirore Cohācjū ojoa dutiahye. Ohō saha ni ojoahye Cohācjū yere: “Egiptopu ijiriquirore yahu macure pijiou”, ni ojoahye Cohācjū yere.

*Herode macanagāre wejē dutiahye*

<sup>16</sup> Sa ye ñahpicohare buheyequina tiquina duhti yahu dūcā gāgū tūhoro Herode pehe usua yahu dūcā wahahye. Sa usuario, Belē cjenare, ti maca dūhtu caha cjenā gāhure tiquina pohne ñamagāre pu cūhma cūoyequinagāre wejē bato ti dutiahye tiquiro. Coā warore ñahpicohare buheyequina ñahpicohare tiquina ihñari decore yahuahye Herodere. Tiquina sa nigū tūhoro tiquiro wejē duariquirogā masa bajuari decore masino, “Ohōpe cūhmari cūore” nino, pu cūhma cūoyequinagāre wejē bato ti dutiahye. <sup>17</sup> Panopu cjanō Jeremia Cohācjū yere yahu mūhtariquiro tiquiro ni ojoariro sahata wahahye. Ohō saha ni ojoahye tiquiro:

<sup>18</sup> “Ramá wame tirōpu bisirota. Tutuaro bujua witiye mehna utiye bisirota. Raquel panamena numia iji turiaye numiapu Israe masa namosānumia tiquina pohne tutuaro utieta. Tiquina pohne apequina wejēgū ihñañe, ne bujua witi dhusi”, ni ojoahye panopu.

<sup>19</sup> Sa ye Herode tiquiro jariari bato Egiptopu ijiriquirore Josére Cohācjū yaquiro angel quehēnopu bajuahye. Sa bajuaro ohō saha niahye Josére:

<sup>20</sup> —Nijinogāre wejē duamediquina yariaa wahari. Sa yegu wahcāña. Tiquirogāre pacoro mehna Israe yehapu ne tojoaa wahaya mūhu, ni yahuahye angel Josére:

<sup>21</sup> Tiquiro sa nidi bato José wahcā, nijinogāre pacoro mehnata Israe yehapu ne tojoaa wahahye. <sup>22</sup> Sa yeperota Arquelao Herode macano pehe tiquiro pacoro comesariquiro ijigū tūhoro José pehe Judea yehapu tojoa duaro cueahye. Sa yero pari turi tja quehēnopu tiquirore yahu nemoahye. Tiquirore pari turi Judea yehapu iji dutierahye. Tiquiro sa ni yahuri bato,

tiquina Galilea yehparu wahaa wahahye. <sup>23</sup> Ti yehparure Nazare wame tiri macaru ijiahye tiquina. Sa yeahye tiquina Cohacjü yere yahu mahtariquina tiquina ojoariro sahata. Ohõ saha ni ojoahye: “Cristo Nazare cjünota ijire”, ni ojoahye Cohacjü yere yahu mahtariquina panoru cjëna.

### 3

*Ñu wame yeriquiro masare yahuahye  
(Mr 1.1-8; Lc 3.1-9, 15-17; Jn 1.19-28)*

<sup>1</sup> Sa ye ti pjere Ñu Cohacjü yequinare wame yeriquiro ijiahye. Judea yehparu masa marienoru tiquiro Cohacjü yere yahu ducahye masare. <sup>2</sup> Ohõ saha ni yahuahye tiquinare:

—Musa ñahe yerire bujua witiya. Tire duhuya. Ëhmuse cjüno Cohacjü musa puhtoro tiquiro ijiato mehenogã ducsare, ni yahuahye tiquiro.

<sup>3</sup> Panoru cjüno Isaia Cohacjü yere yahu mahtariquiro Ñu tiquiro buheatire ohõ saha ni ojoahye:

Masa marienoru yahuducu sañuducuriquiro ohõ saha ni buherota tiquiro: “Mari puhtoro ahtato pano mahare mari quehnoyuro saha quehnoana ijiyuya musa. Musa ñahe yerire bujua witiya”, ni sañuducurota, ni ojoahye Isaia Ñure.

<sup>4</sup> Sa yero Ñu camello poari suhtirore sañariquiro, wahiquiro cahsero mehna tãã dihoriquiro ijiahye. Poreroare, nucü cjë umi gühare ihyae tiahye.

<sup>5</sup> Jerusalë cjëna, ijipihtiro Judea yehparu ijiyequina, Jordã wame tiri ma caharu ijiyequina gühu tiquirore tuhoye ahtahye. <sup>6</sup> Wihi, tiquirore tuho, tiquina ñahe yerire bujua witi, Cohacjüre tire yahu yahduahye tiquina. Sa tiquina yahugã tuhoro Jordãru Ñu tiquinare wame yeahye.

<sup>7</sup> Sa yero peyequina fariseo masa, saduceo masa gühu Ñure tiquina wame ye dutiye ahtagü ihñano tiquiro yahuahye tiquinare:

—Aña yero saha ña yahduana ijire musa. Musa ñahe yerire bujua witi duerana Cohacjü musa ñahe yeri buhiri tiquiro buhiri dahreato pano duhti masiedare musa. <sup>8</sup> Sa yena potota musa ñañene bujua witiya. Quehnoañene comesaya. Sa yena quehnoañe pehere yeya musa. <sup>9</sup> Ohõ saha ni tuhotueracãhña: “Panoru cjüno Abrahã mari ñecü munano ijie tiahye. Sa yena tiquiro panamena iji turiana ijina mari Cohacjü yequina ijiaja”, ni, tuhotueracãhña musa. Musare niita niaja. Abrahã panamena iji turiana ijimene musa. Musa sa ijipegüta ti musa sa ijiye dahseati ijierare. Cohacjü pehe ahri utã paca mehna Abrahã panamenare dojugü ye masine. Sa yero Abrahã panamena iji turiana musa ijiye ihyo waro ijire utã paca ti paca ihyo waro ijiro sahata. <sup>10</sup> Ohõ saha ijire: Masa yucari yero saha ijire. Cohacjü pehe yucare quëatiare comeare cuoriquiro yero saha ijire. Sa yero ñahe ducã tiye cjüre quë cohã, ti nuhcori gühare dute surerota. Dute sure tuhasa, pecaru ujãnata tiquiro ti cjüre, nuhcori gühare. Sata yerota masa gühare tiquirore cahmeeñequinare. <sup>11</sup> Yuhu bato yuhu yahduoro tutuariquiro ahtarota. Quehno yahduariquiro ijire tiquiro. Tiquiro yero saha ijieraja yuhu pehe. Sa yegu tiquirore tuhotugu, “Ihyo ijigü ijiaja yuhu”, ni tuhotuaja yuhu. Yuhu pehe musa ñahe yerire bujua witi duti, musare wame yegu aco mehna yemi. Tiquiro pehe yuhu yahduoro yerota. Espiritu Santore masa mehna ijiducugü yerota tiquiro. Sa yero peca ñañene ujãa wero sahata tiquiro ahtariquiro pehe musa ñahe yerire cose werota. <sup>12</sup> Yuhu bato ahtariquiro cahseri cohãriquiro yero saha ijire. Cahseri cohãriquiro tiquiro batiro mehna ijipihtiyi trigo cahserire puti were. Tiquiro sa puti weri bato trigo pehere tiquiro ihbori wuhuru ihborota. Sata yerota tiquina ñañene

bujna witiyequinare yahu bato ahtariquiro. Tiquiro puti weye cahseri pehere tiquiro ujūanota. Ti peca ujūari peca ne yatisi. Sata yerota tiquiro yahu bato ahtariquiro tiquina ñañene bujna witiyequinare, ni yahuahye Ñu.

*Ñu Jesure wame yeahye  
(Mr 1.9-11; Lc 3.21-22)*

<sup>13</sup> Came Jesu Galilearū ijiriquiro waha, Jordā wame tiri mapu buha sahye Ñure wame ye dutiro. <sup>14</sup> Coā warore Ñu wame ye dueramahye.

—Yohou, mahū pehe yahu yuhdoro tutuagu yahu pehere mahū wame yegū quehnoaboaga. Muhure wame yebogu ijieraja yahu, ni yuhtimahye Ñu Jesure.

<sup>15</sup> Jesu pehe yuhtiahye tiquirore:

—Yuhure wame yeya. Ohō saha yena, Cohācjū dutiro saha sohtoa tina niaja mari, niahye Jesu.

Tiquiro sa nigū tuhoro,

—Añ, ni yuhtiahye Ñu.

<sup>16</sup> Sa ni tuhasa, Jesure wame yeahye. Tiquiro wame ye tuhasagū Jesu diaru ducuriquiro maja dcahaye. Tiquiro maja dcaagū, uhmnanorū parī maahye. Cohācjū yaquiro Espiritu bujua yero saha tiquiro bui dijia tagū ihñahye. <sup>17</sup> Sa dijia tagū uhmnanorū yahuducuye bisiahye:

—Ahrīquiro yahu macu yahu cahñiquiro ijire. Tiquiro mehna tutuaro bucueja, niahye uhmnanorū.

## 4

*Watīno ñañene ye dutimahye Jesure  
(Mr 1.12-13; Lc 4.1-13)*

<sup>1</sup> Sa ye Espiritu Santo pehe Jesure masa marienorū neahye, torū watīno tiquirore ñañene ye dutiāto saha.

<sup>2</sup> Torū esaro cuarenta decori waro ihyaro marieno ijiahye Jesu. Sa yero ujna ahbahye. <sup>3</sup> Ujna tiquirore ahbagū ihñano watīno pehe tiquiro caharū esaro, ohō saha niahye:

—Mahū Cohācjū macu ijigu, ahria utāre ihyaye dojomehneña, nimahye tiquiro Jesure.

<sup>4</sup> Jesu ohō saha ni yuhtiahye:

—Yeraja. Cohācjū yere tiquina ojoari pūru ohō saha nine: “Masare ihyaye mehna dihita catieraro cahmene. Ijipihtiye Cohācjū tiquiro ye yahuye mehna ijiro cahmene”, nine Cohācjū, ni yuhtiahye Jesu watīnore.

<sup>5</sup> Tiquiro sa ni yuhtiri bato watīno pehe Jerusalēru “Cohācjū ya maca” tiquina nidi macaru Jesure neahye. Torū esa, Cohācjū ya wahu bui Jesure ne sahye tiquiro. <sup>6</sup> Ne sa tuhasa, tiquirore ohō saha nimahye:

—Cohācjū yere tiquina ojoari pū ohō saha nine:

“Cohācjū tiquiro yequina angelere mahure ihña ihbo dutirota. Sa yeye tiquina pehe mahure ihña ihboeta ‘Utāru paha tu maari,’ niñe”, nine tiquiro ojoari pū.

Tiquiro sa nidi poto ijigū mahū Cohācjū macu ijigu yehparū uhpu dijia ihñoña yuhure. Mahure tiquina yedohogū ihñoña yuhure, nimahye watīno.

<sup>7</sup> Jesu uhpu dijia ihño dueraro ohō saha ni yuhtiahye:

—Cohācjū yere tiquina ojoari pū ohō saha nine: “Musa puhtoro Cohācjū tiquiro nidire ‘¿Poto ijiajari?’ ni masi duana Cohācjūre ye ihño duti tuhuer-acāhña”, nine Cohācjū yere tiquina ojoari pū, niahye Jesu.



<sup>8</sup> Tiqairo sa ni yahtiri bato ahma yhdadu canpu Jesure ne majahye watino tja. Tu buiru ne mja sa pje, ijiptiye macarine ihdoque dijoahye Jesure. Tiquina cayo gahre ihhoahye. <sup>9</sup> Sa ihono Jesure ohō saha nimahye: —Yahre dusepe curi mehna quehe sa, ño peoya mhu. Mhu sa yegū ijiptiye ahli macarine mahre ohoutja, ni yahumahye watino.

<sup>10</sup> Tiqairo sa nigū Jesu ohō saha ni yahtiahye:

—Safana, wahaya mhu. Ohō saha nine Cohācjū yere tiquina ojoari pū: “Mhu pūhoro Cohācjū dihitare ño peoya. Tiqairo ye dutiye dihitare yeya”, nine Cohācjū yere tiquina ojoari pū, niahye Jesu watinore.

<sup>11</sup> Tiqairo sa nigū thoro watino wahaa wahahye. Tiqairo wahari bato angele pehe wihi, Jesure yedohoye ihyayere ohoahye angele.

*Galilea yehpau Jesu buhe dcahye*  
(Mr 1.14-15; Lc 4.14-15)

<sup>12</sup> Sa ye Nure peresupu tiquina yegū thoro, wahaa wahahye Jesu. Waha, Galilea yehpau esahye. <sup>13</sup> Topu ijiri macapu Nazarepu waha, yhdū cā, Capernau wame tiri macapu esahye. Galilea wame tiri ditara dhtu cahapu ijiri Capernau. Ti maca Zebulón yehpa cahapu, Neftalí yehpa cahapu ijiri Capernau. Topu esa, ijiahye Jesu. <sup>14</sup> Sata yeahye Jesu panoru cjāno Cohācjū yere yahu mūhantariqairo Isaia tiqairo ni ojoariro sahata. Ohō saha ni ojoahye:

<sup>15</sup> Zebulón yehpa cahapu, Neftalí yehpa cahapu, ditarapu wahari mahapu, Jordá wame tiri ma ape sie pahrepu Galilea yehpa ijire. Ti yehpa judio masa ijieyequina ya yehpa ijire. <sup>16</sup> To cjēna Cohācjū yere quehnoano masiedare. Sa masiedapeta quehnoariqairore ihñañepu masieta. Tiquina pehe Cohācjūre ne masiedare. Sa yeye pecapu wahaboriquina ijimahye. Sa yero ihcāqairo tiquinare Cohācjū yere masigū yerota, ni ojoahye Isaia.

<sup>17</sup> Topu ijiro, Cohācjū yere yahu dcahye Jesu:

—Musa ñañe yerire buja witiya. Sa yena quehnoañene comesaya. Hmuse cjāno Cohācjū ijiptiyequina pūhoro tiqairo ijiato mehenogā dhsare, ni yahu dcahye tiqairo.

*Pititiaro wahi wejñequinare tiqairo mehna cjēna ijiatiquinare pijiahye Jesu*  
(Mr 1.16-20; Lc 5.1-11)

<sup>18</sup> Sa ye Galilea wame tiri ditara dhtu cahapu esaro, Simore, tiqairo bahoro Andre mehna boca sahye Jesu. Simo tiquina Pedro ni pisuriqairo ijiahye. Tiquina pehe wahi wejñequina ijiye, tiquina wñecjare doque ñoñe niahye ditarapu.

<sup>19</sup> —Yhu mehna cjāna ijianaja ahtaya musa. Yhu mehna musa ahtagū musa wahire ñehe cahmecoana musa ijiro saha, Cohācjū yequina ijiatiquinare masare piji cahmecoana ijigū yeitja musare. Yhu mehna musa ahtagū sa yeana jare cūtja musare, niahye tiqairo tiquinare.

<sup>20</sup> Tiqairo sa nigū thoyeta tiquina wñecjare cū cā, tiqairo mehna wahaye.

<sup>21</sup> Sa ye Jesu tiquina mehna yhdū cā, Santiagore tiqairo bahoro Ñu gahre boca sahye tja. Tiquina Zebedeo pohne ijiri. Tiquina yaria yucsapu tiquina pacro mehna tiquina wñecjare quehnoñe niahye. Tiquina puarore tiqairo pijioahye. <sup>22</sup> Tiqairo sa pijiogū thoye, tiquina pehe duita tiquina pacrore, yucsa gahre cū, Jesu mehna wahaye.



Sa ijieperota moa pehe ti ñaÑe wahagū pari turi quehnoañe ye masiedare. Ti moa ne quehnoaedare. Ti sa wahagū ti moare cohāno cahmene. Ti moare cohāri bato ti bui masa cahta cūre. Ne dahseati ijierare ti moa tiqairo cohāÑe. (Ti dahseati ijieraro saha ijieracāhña masa. Cohācǵu ye pehere cohāedacāhña,) ni yahuahye Jesu.

<sup>14</sup> Sa ye tiqairo buhe nemoahye:

—Buhrioro marine ihñagū yero sahata masa pehe yeequina pehe ahri yehpa cǵenare Cohācǵure masigū yere. Cǵnǵu bui ijiri macare nǵono basioerare. <sup>15</sup> Sa ye sihāriare masa sihāÑe, sutu docarǵu moha dapo masiedare. Tiare sihāriare uhmǵanorǵu duhu peore ti wǵhǵu cǵēna ijiphiyequina tiquina ihñatiare. <sup>16</sup> Ohō sahata masa gǵhǵu buhrioro yero saha ijina, quehnoañene yeya. Masa sa yegū ihñañe masa mari Pacǵu uhmǵuse cǵānore ño peo, “Tutuagǵu, quehnoagǵu ijire”, nieta, ni yahuahye Jesu.

### *Cohācǵu tiqairo dutiyere tiqairo ojoari gǵhǵure yahuahye Jesu*

<sup>17</sup> Sa ni tuhasa, tiquinare yahu nemoahye:

—Ahrire masa masigū cahmeaja yǵhǵu. Cohācǵū dutiyere Moiserere tiqairo cūrire, tiqairo yere yahu mǵhtaÑequina tiquina ojoari gǵhǵure cohāgǵu tagu nēdǵu. Ti dutiyere mǵsare quehnoano yahu potou tǵhǵu nii. Ti dutiyere poto ijigū ihñou ahtaǵu. Ti dutiye nidiro sahata ye sohtori tii tǵhǵu nii. <sup>18</sup> Ijirota mǵsare niaja. Pihtiri deco pano ijinigū Cohācǵū dutiye Moiserere tiqairo cūrire ne mehenogā cohāsi mari. Ahri yehpa, uhmǵuse gǵhǵu ti ijiro puno tiqairo dutiye gǵhǵu ijirota. <sup>19</sup> Sa yeye ti dutiyere ihquēquina yǵhdǵudǵcaye, apeqinare sata ye dutiye, uhmǵuse cǵāno tiqairo pǵhtoro ijirorǵu cahacǵēna yero saha ijieta. Ihcā dutirogā ijiepegūta tiquina yǵhdǵudǵcaye, cahacǵēna yero saha ijieta tiquina. Apeqina ti dutiyere quehnoano yeye, apeqinare tiquina yero saha ye dutiye, uhmǵuse cǵāno tiqairo pǵhtoro ijirorǵu pǵhtoa yero saha ijieta tiquina pehe. <sup>20</sup> Mǵsare nieta niaja yǵhǵu. Judio masare buheyequina, fariseo masa gǵhǵu Cohācǵū cahmeÑene queoro yerare. Tiquina yǵhdǵoro Cohācǵū cahmeÑene yeya masa. Masa sa yerana, tiqairo pǵhtoro ijirorǵure ne esasi masa, ni yahuahye Jesu.

### *Usuayere yahuahye Jesu*

*(Lc 12.57-59)*

<sup>21</sup> Sa ni tuhasa, tiquinare yahu nemoahye:

—Panorǵu cǵēna ohō saha ni tiquina yahurire tǵhori jimedi masa: “Masare wejēdacāhña. Masare wejēdiqirore tiquina buhiri dahreatiqiro ijire”, tiquina nidire tǵhori jimedi masa. <sup>22</sup> Ahri tiquina yahuri yǵhdǵo cǵūno mǵsare ahri pehere yahu nemoutja. Tiqairo acayǵoro mehna usuariqiro pehe tiquina buhiri dahreatiqiro ijire masǵnore wejēdiqiro yero saha. Tiqairo acayǵore tuhtiriqiro “Ne tǵho masiÑe mariegǵu ijire mǵhǵu”, nidiqiro buhiri dahre dutiyequina caharǵu tiquina neatiqiro ijire. “Tǵho masiegǵu ijire mǵhǵu”, tiqairo acayǵore sa nidiqirore pecarǵu wahaboaga tiqiro.

<sup>23</sup> Masa acayǵoro mǵsare tiqairo ihña tuhtigū ohō saha yeya. Cohācǵū wǵhǵurǵu Cohācǵūre masa ño peoato pano, tiqirore wahiqirore masa ohoato pano ohō saha yeya. <sup>24</sup> Cohācǵūre masa ohoatire duhu cū, masa acayǵoro caharǵu waha, “Pari turi cahmequedacǵhna. To punota duhuuǵhna tire”, niña tiqirore. Masa sa nidi bato Cohācǵūre oho, ño peona wahaya tiqiro ya wǵhǵurǵu.

<sup>25</sup> Apeqiro mǵhǵure yahusā duaro, pǵhtoro masare beseriqiro caharǵu mǵhǵure tiqiro nea duagū, tiqiro mehna usuaro marieno ijiya. Beseriqiro caharǵu tiqiro neato pano tiqiro mehna quehnoano ijiya. Mǵhǵu sa yegū

ihñano tiquiuro mũhare yahusãedaboaga. Mũhu sa quehnoano ijieragũ ihñano topũre mũsa esagũ tiquiuro pehe mũhare masare beseriquiurore yahusãnota. Tiquiuro sa yahusãgũ, beseriquiuro pehe peresu yeyequinapũre mũhare ohorota. Sa yeye tiquina mũhare peresu yeeta. <sup>26</sup> Ijirota niaja mũhare. Topũ ijiniita mũhu. Tee tiquina wapa ye dutirire mũhu wapa ye pehogũũ wijiagũta mũhu, ni yahuahye Jesu.

*Apequiuro namono mehna ñano yeyere yahuahye Jesu*

<sup>27</sup> Ohõ saha ni yahu nemoahye Jesu:

—Panopũ cjẽnare ohõ saha tiquina ni yahurire tũhori jimedi mũsa: “Apequiuro namono mehna ñano yeracãhña”, tiquina nidire tũhori jimedi mũsa.

<sup>28</sup> Ahri tiquina yahuri yũhdũo cjũno mũsare ahri pehere yahu nemoutja. Numinore ñehedaperota, ihcãquiuro ticorore ñano tutuaro cahmeno, ñano wacũ tũhoturo, ñano ye tuhasari ticoro mehna.

<sup>29</sup> Sa yegu mũhu capea poto pehepũ ijiria mehna ñano yegu, tiare ore we ne mũhu cohãboriro sahata ti ñañene duhuya. Tire duhueragũ pecapũ wahagũta. Mũhu capeare mũhu cohãgũ tia capea dihita butire. Mũhu pehere pecapũ mũhu wahagũ ña yũhdũare. Sa yegu ti ñañene duhuya. <sup>30</sup> Sa yegu mũhu omoca poto pehe ijiri omoca mehna ñano yegu, ti omocare mũhu dũte cohãboriro sahata ti ñañene duhuya. Tire duhueragũ pecapũ wahagũta. Mũhu omocare mũhu cohãgũ ti omoca dihita butire. Mũhu pehe pecapũ mũhu wahagũ ña yũhdũare. Sa yegu ti ñañene duhuya, ni yahuahye Jesu.

*Tiquiro namonore cohãñene, wame peoye gũhare yahuahye Jesu (Mt 19.9; Mr 10.11-12; Lc 16.18)*

<sup>31</sup> Ohõ saha ni yahu nemoahye Jesu:

—Panopũ ahri gũhare niahye: “Tiquiro namonore cohã duariquiuro tiquiro cohãtire yahuri pũ mehna ticorore cohã masine”, nimahye panopũ. <sup>32</sup> Ahri tiquina yahuri yũhdũo cjũno mũsare ahri pehere yahu nemoutja. Tiquiro namono apequiuro mehna ñano yericooro ticoro ijierapegũta ticoro manũno ticorore cohãboaga. Ticoro sa cohãnohricoro apequiuro mehna omoca dũhtero, ñano yero niaga ticoro apequiuro mehna ijiro. Ticoro manũno ticorore tiquiro cohãri bato ticorore apequiuro mehna ñano yegũ yere. Sa yero tiquiro bato namo tiriquiuro gũhu ticoro mehna ñano yero nine, ni yahuahye Jesu.

<sup>33</sup> Ohõ saha ni yahu nemoahye Jesu:

—Panopũ cjẽna ohõ saha tiquina ni yahurire tũhori jimedi mũsa: “Mũsa nidiro sahata yeya. ‘Cohãcjũ mehna poto sa yeitja’ mũsa nidiro sahata yeya”, tiquina ni yahurire tũhori jimedi mũsa. <sup>34</sup> Ahri tiquina yahuri yũhdũo cjũno mũsare ahri pehere yahu nemoutja. “Ehmũse mehna poto nii niaja”, ni ahmũse mehna wame peoeracãhña. Ehmũse pehe Cohãcjũ mari pũhtoro tiquiro ijiro ijire. Ihyo ijiro ijierare. Sa ijigũ ihñana sa niedacãhña. <sup>35</sup> Ahri yehpa mehna ne wame peoeracãhña. Ahri yehpa Cohãcjũ ya yehpa ijire. Sa ijigũ ihñana sa niedacãhña. Jerusalẽ mehna ne wame peoeracãhña. Tutuariquiuro mari pũhtoro ya maca ijire Jerusalẽ. Ihyo ijiri maca ijierare. Sa ijigũ ihñana sa niedacãhña ti wamene. <sup>36</sup> “Yũhu dapu mehna poto nii niaja”, ni wame peoeracãhña. Mũsa poari yehseye poari wahagũ ye masiedare mũsa. Ti poarire ñiñe wahagũ gũhare ye masiedare mũsa. Sa ye masiena “Yũhu dapu mehna poto nii niaja”, ni wame peoeracãhña. <sup>37</sup> “Yenatja”, nina wame peoro marieno ohõ saha dihita tire niducuya. “Yesi”, nina gũhu wame peoro marieno niducuya. Mũsa wame peo nina, watũno ñariquiuro dutiro saha yena niaga, ni yahuahye Jesu.

*Tiquina cahme ihña tuhtiyere yahuahye Jesu (Lc 6.29-30)*

<sup>38</sup> Ohō saha ni yahu nemoahye Jesu:

—Panopu ohō saha tiquina ni yahurire tūhori jimedi mūsa. “Mūhare apequiro mūhu capeare tiquiro quē tihāriro sahata mūhu gūhu tiquirore quē tihā cahmeña. Mūhu upiriare tiquiro quē nuhariro saha mūhu gūhu quē nuha cahmeña”, tiquina nidire tūhori ijimedi mūsa. <sup>39</sup> Tiquina yahuri yūhduo cjūno ahri pehere yahu nemoutja mūsare. Mūhare ñano yeriquirore sa ihña cāhña. Ihcā pehe mūhu wahsupure tiquiro quēgū, ape sie gūhare quē dutiya tiquirore. <sup>40</sup> Apequiro buhiri dahre dutiriquirore mūhare tiquiro yahusāgū, dutiriquiro pehe mūhu camisare mūhare yahusāriquirore oho dutiboaga. Tiquiro oho dutigū, tiquirore ohoya. Mūhu bui cā suhtiro gūhare oho nemoña tiquirore. <sup>41</sup> Apequiro surara apee borore ihcā kilómetro mūhare tiquiro nea basa dutigū, ape kilómetrore waha nemoña tja. <sup>42</sup> Mūhare sinidiquirore ohoya. Sa yegu apequiro mūhare waso dutigū wasoya tiquirore, ni yahuahye Jesu.

*Mūsare ihña tuhtyequinare cahñña*  
(Lc 6.27-28, 32-36)

<sup>43</sup> Ohō saha ni yahu nemoahye Jesu:

—Masa ohō saha nine: “Musa mehna cjenare cahñña. Sa yena mūsare ihña tuhtyequinare ihña tuhti cahmeña tja”, tiquina nidire tūhori jimedi mūsa. <sup>44</sup> Tiquina yahuri yūhduo cjūno ahri pehere yahu nemoutja mūsare: Mūsare ihña tuhtyequinare cahñña. Mūsare ñano yeyequinare tiquina ye ijiatire Cohācjüre sini basaya. <sup>45</sup> Musa sa yena mari Pacu ūhmuse cjūno pohna ijire mūsa. Cohācjū pehe ihcāno saha yere masare. Ñañequina gūhare quehnoañequina gūhare asū asigū yere tiquiro. Sa yero Cohācjū dutiyere yeyequina gūhare, yeyequina gūhare acoro ahtagū yere tiquiro. Masare ihcāno saha tiquiro yeriro sahata mūsa gūhu yeya. <sup>46</sup> Mūsare cahññequina dihitarre mūsa cahīgū ti ne dahseati ijierare. Wapa ne cohteyequinare gūhu sata yere. Sa yena ijipihtyequinare cahñña. <sup>47</sup> Musa acaye dihitarre mūsa quehnoano piti cagū ti ne dahseati ijierare. Cohācjüre masieñequina gūhu sata yere. Sa yena ijipihtyequinare quehnoano piti caya. <sup>48</sup> Ñañe mariena ijija mūsa. Mari Pacu ūhmuse cjūno tiquiro ñañe marieniquiro tiquiro ijiro sahata mūsa gūhu ñañe mariena ijija, ni yahuahye Jesu.

## 6

*Quehnoañe yeyere yahuahye Jesu*

<sup>1</sup> Pari turi tiquiro yahu nemoahye:

—Cohācjū ye ijiatire quehnoañene yena, tire masare “Ohō saha ijigu ijijaja yūhu”, ni ye ihñoadacāhña apequinare. Musa sa ni ye ihñori buhiri quehnoañene mūsa yeri dahseati ijierare. Sa yero Cohācjū ūhmuse cjūno quehnoañene mūsa yeri wapa mūsare ohosi. <sup>2</sup> Sa yena pejecuoyequinare yedohona, tire masare ye ihñoadacāhña. Masa tiquina ihñenopu yedohoya tiquinare. Sata ihquēquina ye ihñore mahapu ijieyequinare, judio masa mari buheye wūhasepu ijieyequina gūhare. Tiquina mari ihñono dihita quehnoano iji mehoñequina ijire. Sa ye ihñore tiquina, “Quehnoañequina ijire ahriquina”, masare ni ihña dutiye. Tiquina sa ni ihñagū sa ye ihñoñequina pehe bucue tuhasari. “Quehnoañequina ijire”, ni masa tiquina ño peogū bucue tuhasari tiquina. Sa yero Cohācjū pehe ne bucue nemogū yesi tiquinare. <sup>3</sup> Sa yena pejecuoyequinare yedohona, masa tiquina ihñenopu yedohoya tiquinare. Musa mehna cjena mehna ijina tiquina ihñeno pejecuoyequinare yedohoya. <sup>4</sup> Masa tiquina ihñenopu mūsa yedohoepegūta Cohācjū pehe ihñare. Sa ihñano mūsa sa yeri wapa ohorota mūsare, ni yahuahye Jesu.

*Cohãcjüre siniñene yahuahye Jesu*  
(Lc 11.2-4)

<sup>5</sup> Pari turi tiqiro yahu nemoahye:

—Cohãcjüre sinina, masa ihñoño dihita quehnoano iji mehoñequina yero saha yeracãhña m̄sa. Judio masa mari buheye w̄h̄m̄s̄er̄m̄ ducu, mahar̄m̄ ḡuh̄re ducu, Cohãcjüre sini ihñore tiquina masare. Sa sini ihñoñe poto masa tiquina ño peoye mehna tiquina bucue tuhasari. <sup>6</sup> Cohãcjüre siniḡm̄ taḡm̄, m̄h̄m̄ ya tuc̄r̄m̄ biha sajãña. Biha sajã, mari Pac̄m̄ ihñamehneniquirote siniña. M̄sa sa yeḡm̄ masa marienop̄m̄ m̄sa siniepeḡta mari Pac̄m̄ m̄sare t̄horota. Sa t̄horoto m̄sare quehnoano yerota tiqiro.

<sup>7</sup> Sa yena Cohãcjüre sinina, t̄hoturo marieno m̄sa sinidireta pari turi sini majare tojoeracãhña. Ohõ sahta yere Cohãcjüre masieñequina. “Peye tahari ihcãno saha usã siniḡm̄ Cohãcj̄ usãre t̄horota”, ni t̄hotumene tiquina.

<sup>8</sup> Tiquina yero saha yeracãhña m̄sa. M̄sa siniato pano mari Pac̄m̄ m̄sa cahmeñene masi tuhasare. <sup>9</sup> Sa yena ohõ saha ni siniña m̄sa Cohãcjüre:

Usã Pac̄m̄, ðhm̄se cj̄m̄ m̄h̄m̄ quehnoaḡm̄ sa ijiducure.

<sup>10</sup> Yojoer̄re ijipih̄tiyequina p̄hto ijiya. ðhm̄s̄er̄m̄ m̄h̄m̄ dutiro sahata tiquina yeriro sahata ahri yehpa cj̄ne ḡuh̄m̄ yeahro.

<sup>11</sup> Sa yeḡm̄ decoripe usã ihyatire ohoducuya usãre.

<sup>12</sup> Apequina usãre tiquina ñano yerire usã boaja. Sa yeḡm̄ m̄h̄m̄ ḡuh̄m̄ usã ñano yerire boya.

<sup>13</sup> Sa yeḡm̄ usã ñañene ye duaḡm̄ usã tutuaro cahmeḡm̄ ihñaḡm̄ tire usãre ye dutiegata. Sa yeḡm̄ usãre usã ñañene yeraḡm̄ yeya.

M̄h̄m̄ usã p̄hto tutuaḡm̄ sa ijiducugata. Ijipih̄tiyequina m̄h̄re sa ño peoducuhro, ni siniña Cohãcjüre.

<sup>14</sup> Apequina m̄sare tiquina ñano yerire m̄sa boḡm̄ ihñano, mari Pac̄m̄ ðhm̄se cj̄no ḡuh̄m̄ m̄sa ñano yerire borota. <sup>15</sup> Sa boeperota apequina m̄sare tiquina ñano yerire m̄sa boaeraḡm̄ mari Pac̄m̄ ḡuh̄m̄ m̄sa ñano yerire bos̄i, ni yahuahye Jesu.

*Sijiyere buheahye Jesu*

<sup>16</sup> Sa yero tiqiro tiquinare yahu nemoahye:

—Cohãcjüre ño peona tana sijina buj̄m̄a witiyequina yero saha ye ihñoedacãhña. Sata yere masa ihñoño dihita quehnoano iji mehoñequina. Tiquina w̄h̄doa paca buj̄m̄a witiyequina yero saha ijire. Tiquina sa ijiyequina ijiḡm̄ tiquina sijiḡm̄ ihña masine masa. Ijirota m̄sare niñiaja. Masa tiquinare ño peoḡm̄ cahmene tiquina. Sa yeje tiquinare tiquina ño peoḡm̄ ihñañe bucue tuhasari. Cohãcj̄m̄ pehe tiqirore tiquina ño peori wapa tiquinare bucueḡm̄ yesi. Sa yena tiquina yero saha ye ihñoedacãhña m̄sa.

<sup>17</sup> M̄sa sijina, m̄sa poarire aco mehna wa peo w̄h̄apo peoya. Sa yena m̄sa w̄h̄doa pacare coseya. <sup>18</sup> M̄sa sa yeḡm̄ m̄sa sijiḡm̄ ihña masisi masa. Cohãcj̄m̄ dihita m̄sa sijiyere ihña masinota. M̄sa seháro m̄sa ijiḡm̄ tiqiro m̄sa mehna sa ijiducure. Sa ihñano tiqiro m̄sare quehnoano yerota tiqirore m̄sa ño peori wapa, ni yahuahye Jesu.

*ðhm̄se cj̄ne c̄no dutiahye Jesu*  
(Lc 12.33-34)

<sup>19</sup> Sa yero tiqiro yahu nemoahye:

—Ahri yehpa cj̄ne ne cahmeoedacãhña. Ohõ cj̄m̄ ahbaa wahaboaga. Ti ahbaeraḡm̄ yaqueriqiro neboaga tire. Tiquiro yaqueraḡm̄ mecasia t̄aboaga. Sa yero ahri yehpa cj̄m̄ butiario cuar̄ne. Sa yena ahri yehpa cj̄ne tutuaro cahmedacãhña. <sup>20</sup> ðhm̄se cj̄m̄ pehere cahmeña m̄sa. ðhm̄se cj̄ne mecasia

tua masiedare. Topu musa cwoye ne ahbaerare. Topure yaqueriquiro ne masiedare. Sa yena uhmuse cjene cahmeña musa. <sup>21</sup> Topu musa cwoye ijigü, uhmuse cjene Cohäcju yere tutuaro wacure musa, ni yahuahye Jesu.

*Masa tiquina tuhoturo sahata yere*

*(Lc 11.34-36)*

<sup>22</sup> Sa yero ohö saha ni yahu nemoahye tiquinare:

—Sihäria quehnoano buhriogü mari quehnoano ihña masino sahata quehnoañene tuhotuye mehna quehnoano ye masinata musa. Musa tuhoturo sahata yere musa. Quehnoañene tuhotuna quehnoano yere musa.

<sup>23</sup> Quehnoañene tuhotuerana ñañene yere musa. Musa ñañe dihitaré musa tuhotuducugü ti ñañe pehe ña yuhduye ijire, ni yahuahye Jesu.

*Niñerure cahñequina, Cohäcju pehere cahiedare*

*(Lc 16.13)*

<sup>24</sup> Sa yero tiquiro yahu nemoahye tiquinare:

—Ihcäquiro Cohäcju pehere wacüno, tutua yuhduaro niñeru pehere wacüedare. Niñeru pehere tutua yuhduaro wacüno Cohäcju pehere wacüedare. Niñeru dihitaré cahmediquiro ijiro Cohäcjüre bucuegü yerare. Cohäcju gühare, niñeru gühare puarore cahme yuhduarocaró basioerare musare.

*Cohäcju tiquiro pohnene ihña ihbore*

*(Lc 12.22-31)*

<sup>25</sup> Sa yegu ahrire musare nii niaja: Musa ihyayere, sihniñene, suhti gühare pajiro bujua witi tuhotueracähña. Musare bajumehnenó ihyayere ihyatina dihitaré suhti sañatina dihitaré Cohäcju yerari musare. <sup>26</sup> Minicjua parire Cohäcju tiquiro ihña ihboyere masiña musa. Tiquina weseri marieñequina ijire. Sa yeye ihyayere tiquina ihboye wuhuse tiquinare mariédare. Mari Pacu pehe tiquinare tiquina ihyatire ohore. Minicjua yuhduoro musa pehere cahñe Cohäcju. Sa yero musa gühare ihña ihborota tiquiro. <sup>27</sup> Pajiro musa tuhotuye mehna ti musare ihcä hora cati nemogü yerare. Sa yero musa pajiro tuhotuye dahseati ijierare.

<sup>28</sup> Sa yena musa suhti sañatire pajiro bujua witi tuhotueracähña. Nucu cjé cohorí ti cohayere tuhotuya. Ti cohorí ti basi suhtire yerare. Sa yerapeta ti cohorí quehnoañe suhti yero saha quehnoañe cohorí bajure.

<sup>29</sup> Salomo manano quehnoañe suhtire sañariquiro tiquiro ijepegüta ti cohorí pehe tiquiro yuhduoro quehnoa yuhduaye cohorí waró ijire. <sup>30</sup> Cohorire quehnoañe cohorí yere Cohäcju pehe. Ti cohorí pehe meheñe decorigü ijiducu ñai bora dijiaa wahare. Mehenogä iji, ape decoru pecaru ujua wahare. Sa ijepegüta cohorire quehnoañe cohorí ijigü yere Cohäcju. Sa yero Cohäcju cohorire tiquiro quehnoañe cohorí tiquiro yeriro yuhduoro musa gühare quehnoano yerota. Suhtire ohorota. Cohäcjüre mehenogä wacü tutuare musa. <sup>31</sup> Sa yena musa ihyatire, musa sihniatire, musa suhti sañatire pajiro bujua witi tuhotueracähña. <sup>32</sup> Cohäcjüre cahmeeñequina pehe tire sa macaducuye nine. Mari Pacu uhmuse cjäno ijipihtiye musa cahmeñene masine. Tiquiro sa masigü pajiro bujua witi tuhotueracähña. <sup>33</sup> Cohäcju musa puhtoro tiquiro ijiatore cahme mahñaña musa. Ijipihtiye apee boro yuhduoro tiquirore cahmeña musa. Quehnoañene tiquiro ye dutiyé gühare cahmeña. Musa sa yeri bato Cohäcju pehe musa cahmeñe dñhsagü ohorota. <sup>34</sup> Sa yena ñamiarüge musa dñhse wahatore pajiro bujua witi tuhotueracähña. Ñamiare musa ñano yuhdugü Cohäcju yedohorota musare. Miare musa ñano yuhduato iji tuhasare. Sa yena mia cjé dihitaré tuhotuya. Ape deco cjéne pajiro bujua



witi t̄ahotu nemoedac̄h̄ña. Coh̄c̄j̄u pehe m̄sare yedohorota, ni yahuahye Jesu.

## 7

*Apequinare “Ñañequina ijire”, niedac̄h̄ña  
(Lc 6.37-38, 41-42)*

<sup>1</sup> Sa yero tiquiro tiquinare yahu nemoahye:

—Apequinare “Ñañequina ijire”, niedac̄h̄ña m̄sa. M̄sa sa niedaḡū Coh̄c̄j̄u m̄sare “Ñana ijire”, nisi. <sup>2</sup> Apequinare “Quehnoano yerare”, m̄sa ni ih̄ñano sahata Coh̄c̄j̄u pehe m̄sa ḡuh̄are sata ni ih̄ñanota. <sup>3</sup> Mari queoye mehna mari buheḡū oh̄ō saha yena ijire m̄sa. M̄sa acayuro tiquiro capeapu meheni pohcaroḡā sajāḡū ti pohcaroḡāre quehnoano ih̄ñare m̄sa. M̄sa ya capea pehere pajiri p̄j̄i ijiepeḡūta ti p̄j̄ine ne ih̄ñedare m̄sa. Meheni pohcaroḡāre m̄sa ih̄ñano saha m̄sa acayuro tiquiro ñano yeye pehere quehnoano ih̄ñare m̄sa. M̄sa basi m̄sa ñañene tutuaro yepenata tire masiedare m̄sa, pajiri p̄j̄ine m̄sa ih̄ñeno saha. ¿D̄hse ijiro boro sa ijijari m̄sa? <sup>4</sup> Oh̄ō saha nibona ijire m̄sa: “Yuh̄u acayu, ñañene yei nine m̄h̄u. Sa yeḡu tire duhuya”, nibona ijire m̄sa. Sa nibona ijiepenata pajiro ñañene yere m̄sa. ¿D̄hsena m̄sa ñañene yepenata tire masiedajari m̄sa? <sup>5</sup> Masa tiquina ih̄ñono dih̄ta quehnoano iji mehona ijire m̄sa sa yena. Pajiri p̄j̄ine m̄sa capeapu ijiri p̄j̄ine m̄sa ne mahtaboriro sahata m̄sa ñano yeye pehere duhu mahtaña. M̄sa sa yeri bato m̄sa acayuro tiquiro ñano yeyere duhuḡū ye masiboaga, meheni pohcaroḡāre m̄sa neboriro sahata.

<sup>6</sup> Diayea yero saha ijieyequina, yesea yero saha ijieyequina ḡuh̄u ñañequina Coh̄c̄j̄u yere quehnoa yuh̄duyere tiquina ño peoerare. Tiquina pehere yahuerac̄h̄ña. “Tiquina buj̄upe, ñano niari”, nina, yahuerac̄h̄ña tiquinare, ni yahuahye Jesu.

*Coh̄c̄j̄ure mari siniñene yahuahye Jesu  
(Lc 11.9-13; 6.31)*

<sup>7</sup> Sa yero tiquiro tiquinare yahu nemoahye:

—Coh̄c̄j̄ure siniña m̄sa. Sinina m̄sa nenata. M̄sa sinidire bocanata. Tiquirore sa siniducuya m̄sa. M̄sa sa yeḡū tiquiro m̄sare ohorota.

<sup>8</sup> Ijipihtiyequina Coh̄c̄j̄ure siniñequina neeta. Sa yeye tiquina sinidire bocaeta. Sa yero ijipihtiyequina Coh̄c̄j̄ure sa siniducuyequinare tiquiro tiquinare ohorota.

<sup>9</sup> ¿M̄sa pohna p̄ḡāre m̄sare tiquina siniḡū ut̄ā pehere ohoboagari m̄sa tiquinare? Ne ohosi. <sup>10</sup> ¿M̄sa pohna wahire m̄sare tiquina siniḡū aña pehere ohoboagari m̄sa tiquinare? Ne ohosi. <sup>11</sup> M̄sa ñana ijiepenata m̄sa pohna quehnoañene ohoe tiri m̄sa. Sa yero Coh̄c̄j̄u pehe m̄sa yuh̄duro quehnoañene ohore m̄sare tiquiro pohna tiquirore sininare. M̄sa pohna m̄sa ohoriro yuh̄duro Coh̄c̄j̄u pehe tiquiro pohnene ohore.

<sup>12</sup> Apequina m̄sare tiquina quehnoano yeḡū cahmene m̄sa. Tiquinare m̄sa quehnoano yeḡū cahmeno sahata quehnoano yeya tiquina ḡuh̄are. Tiquina quehnoano yerapeḡūta m̄sa pehe tiquinare quehnoano yeya. Sata ye dutire Coh̄c̄j̄u dutiye Moiserere tiquiro c̄ur̄ip̄u, Coh̄c̄j̄u yere yahu mahtariquina tiquina ojoari ḡuh̄u, ni yahuahye Jesu.

*Meheni sopecahaḡā quitire yahuahye Jesu  
(Lc 13.24)*

<sup>13</sup> Sa yero tiquiro yahu nemoahye tiquinare.



—Hmusep<sub>u</sub> Cohācjū cahap<sub>u</sub> waha duana tiqiro yere yero cahmene m<sub>u</sub>sare. Sa yena tiqiro yere sa ye macaedacāno cahmene. Meheni sopecahagāp<sub>u</sub> m<sub>u</sub>sa sajā duagū mijorīne. Sata mijorīne Cohācjū cahap<sub>u</sub> m<sub>u</sub>sa waha duagū. Pecap<sub>u</sub> masa tiqina wahagū mijoodare. Pajiri sopecahap<sub>u</sub> mari sajāgū mijoodare. Ti sopecahap<sub>u</sub> masa tiqina sajāboro saha pecap<sub>u</sub> masa tiqina wahagū mijoodare. Sa yeye peyequina masa top<sub>u</sub> wahaye nine. <sup>14</sup> Cohācjū cahap<sub>u</sub> m<sub>u</sub>sa waha duagū mijorīne. Meheñequinagā masa top<sub>u</sub> wahaeta. Top<sub>u</sub> wahayequina ijipihtiye decori Cohācjū mehna ijiducueta, ni yahuahye Jesu.

*Yuc<sub>u</sub>g<sub>u</sub> d<sub>u</sub>care masina, t<sub>u</sub> pad<sub>u</sub> g<sub>u</sub>h<sub>u</sub>re masine m<sub>u</sub>sa*  
(Lc 6.43-44)

<sup>15</sup> Sa yero tiqiro yahu nemoahye tiquinare:

—Quehnoano yeya. “Cohācjū yere yahu m<sub>u</sub>htana ijiaja”, ni mehoñequinare t<sub>u</sub>hoeracāh<sub>u</sub>na m<sub>u</sub>sa. Tiquina oveja yero saha usueyequina saha bajumene. Tiquina t<sub>u</sub>hotuyep<sub>u</sub> ñañequina ijire tiqina. <sup>16</sup> Tiquina ñano yegū ihñana, ñañequina tiqina ijigū masinata m<sub>u</sub>sa. Tiquina quehnoano yegū ihñana quehnoañequina tiqina ijigū masinata m<sub>u</sub>sa. Potā buc<sub>u</sub>g<sub>u</sub> h<sub>u</sub>se tōhorine d<sub>u</sub>ca tierare. Potag<sub>u</sub> higuera pacare d<sub>u</sub>ca tierare. <sup>17</sup> Quehnoad<sub>u</sub> yuc<sub>u</sub>g<sub>u</sub> quehnoañene d<sub>u</sub>ca tire. Ñad<sub>u</sub> pehe ñañene d<sub>u</sub>ca tire. <sup>18</sup> Quehnoad<sub>u</sub> yuc<sub>u</sub>g<sub>u</sub> ñañene ne d<sub>u</sub>ca tierare. Sa yero ñad<sub>u</sub> quehnoañene d<sub>u</sub>ca tierare. <sup>19</sup> Quehnoañene d<sub>u</sub>ca tieye cjare d<sub>u</sub>te cohā cā, pecap<sub>u</sub> u<sub>u</sub>janota. Sata yerota Cohācjū tiqiro cahmeñene yerariquinare. <sup>20</sup> Sa yena “Cohācjū yere yahu m<sub>u</sub>htana ijiaja”, ni mehoñequinare ohō saha masinata. Tiquina yerire ihñana, tiqina ni mehoñequina ijigū masinata, ni yahuahye Jesu.

*“M<sub>u</sub>sare ne masiedaja”, ninota Cohācjū peyequina masare*  
(Lc 13.25-27)

<sup>21</sup> Sa yero tiqiro yahu nemoahye tiquinare:

—Peyequina y<sub>u</sub>h<sub>u</sub>re “P<sub>u</sub>hto” niñequina ijiepetā hmuse cjāno Cohācjū tiqiro p<sub>u</sub>htoro ijirōp<sub>u</sub>re wahasi tiqina. Y<sub>u</sub>h<sub>u</sub> Pac<sub>u</sub> hmuse cjāno tiqiro cahmeñene yeyequina dihita tiqiro p<sub>u</sub>htoro ijirōp<sub>u</sub>re wahaeta. <sup>22</sup> Decori pihtigūp<sub>u</sub>re peyequina masa ohō saha nieta y<sub>u</sub>h<sub>u</sub>re: “P<sub>u</sub>hto, m<sub>u</sub>h<sub>u</sub> yere usā buhei. M<sub>u</sub>h<sub>u</sub> wame mehna watīare cohāc<sub>u</sub>. Sa yena m<sub>u</sub>h<sub>u</sub> tutuaye mehna peye bajumehneñene yei usā”, y<sub>u</sub>h<sub>u</sub>re niñequina ijietā. <sup>23</sup> Ohō saha y<sub>u</sub>htiitja tiquinare: “M<sub>u</sub>sare ne masiedaja. Ñañene yena ijire m<sub>u</sub>sa. Y<sub>u</sub>h<sub>u</sub> cahap<sub>u</sub> ahtaeracāh<sub>u</sub>na”, niitja y<sub>u</sub>h<sub>u</sub> tiquinare, ni yahuahye Jesu.

*P<sub>u</sub>na w<sub>u</sub>h<sub>u</sub> yeyequina quitire yahuahye Jesu*  
(Mr 1.22; Lc 6.47-49)

<sup>24</sup> Sa yero tiqiro yahu nemoahye tiquinare:

—Sa ye ijipihtiyequina ahri y<sub>u</sub>h<sub>u</sub> buherire t<sub>u</sub>horiquina y<sub>u</sub>h<sub>u</sub> dutiyere yeyequina, quehnoano t<sub>u</sub>ho masiniquiro w<sub>u</sub>h<sub>u</sub> dahreriquiro yero saha ijire tiqina. Tiquiro pehe h<sub>u</sub>scāñe coperi sehe, w<sub>u</sub>h<sub>u</sub>re doco d<sub>u</sub>cah<sub>u</sub>ye. <sup>25</sup> Ti w<sub>u</sub>h<sub>u</sub>re peho tuhasari bato acoro tutuaro ahta, dia mini y<sub>u</sub>hd<sub>u</sub>na waha, tutuaro wiwnono wēah<sub>u</sub>ye. Sa ti tutuaro wēpegūta ti w<sub>u</sub>h<sub>u</sub> h<sub>u</sub>scāno tiqiro docori w<sub>u</sub>h<sub>u</sub> ijiro ne waha sa queherah<sub>u</sub>ye. <sup>26</sup> Sa yeye ijipihtiyequina y<sub>u</sub>h<sub>u</sub> buherire t<sub>u</sub>hoepeta y<sub>u</sub>h<sub>u</sub> dutiyere yerariquina, t<sub>u</sub>ho masiniquiro w<sub>u</sub>h<sub>u</sub> dahreriquiro yero saha ijire. Tiquiro pehe ti w<sub>u</sub>h<sub>u</sub>re pad<sub>u</sub>ro buigā doco, quehnoano ye d<sub>u</sub>caerah<sub>u</sub>ye. <sup>27</sup> Ti w<sub>u</sub>h<sub>u</sub>re peho tuhasari bato, acoro tutuaro ahta, dia mini y<sub>u</sub>hd<sub>u</sub>na waha, wiwnono tutuaro wēah<sub>u</sub>ye. Sa tutuaro wēno ti w<sub>u</sub>h<sub>u</sub> pehere wēdoque cū cāh<sub>u</sub>ye. Sa yero ti w<sub>u</sub>h<sub>u</sub> tutuaro bora sa quehea wahah<sub>u</sub>ye, ni yahuahye Jesu.



—Tojoahya mahu ya wahu. Mahu cahacjano yuhdaro. “Potota yuhdaro”, ni mahu tuhoturiro sahata yuhdaro, nidi Jesu.

Sa nigata tiquiuro cahacjano pehe quehnoa wahari.

*Pedro mareonore dohatiricorore yuhdoahye Jesu*

(Mr 1.29-31; Lc 4.38-39)

<sup>14</sup> Sa ye Jesu Pedro ya wahu esa, Pedro mareono dohatigū ihñahye tiquiuro. Ujuaye tigū cuñahye ticoro. <sup>15</sup> Ticoro sa ijigū ihñano ticoro omocare ña peoahye. Tiquiuro sa ña peogūta ujuaye surua wahahye. Surugū tuhuturo ticoro pehe wahcādaca, tiquinare ihyayere peoahye.

*Jesu peyequina dohatiyequinare yuhdoahye*

(Mr 1.32-34; Lc 4.40-41)

<sup>16</sup> Sa ye ñamicahapu peyequina watīare cūoyequinare masa ne wihahye Jesu cahapu. Tiquina sa ne wihigū ihñano ihcā tahata tiquiuro waha dutigū watīa wahaa wahahye. Sa yero ijipihtiyequina dohatiyequina tiquina ne sariquinare yuhdo pehoahye Jesu. <sup>17</sup> Sata yeahye tiquiuro panopu cñano Cohācjū yere yahu mūhtariquiuro Isaia tiquiuro nidiro sahata. Ohō saha ni ojoahye: “Mari dohatiyere yuhdo cānota tiquiuro. Mari duti tiyere cohā cānota”, ni ojoahye Isaia Jesure.

*Ihquēquina Jesu mehna waha duamahye*

(Lc 9.57-62)

<sup>18</sup> Ape taha Jesu peyequina masa tiquiuro cahapu tiquina ijigū ihñano, ohō saha nidi.

—Ape sie pahrēpu isa pehāhna, nidi.

<sup>19</sup> Sa usā pehāto pano mari judio masare buheriquiro Jesu cahapu esa, ohō saha nidi:

—Buhegu, mahu mehna waha duaja noho mahu waharopu, nidi.

<sup>20</sup> Jesu ohō saha ni yūhtiri:

—Ihquēquina nucu cñena wahiquina tiquina coperi cūore. Minicjua gūhu tiquina suhti cūore. Yuhu masu Cohācjū ohorigu pehe yuhu carīni wahu cūoeraja, ni yūhtiri Jesu.

<sup>21</sup> Sa ye arequiuro Jesu buheriquiro ohō saha nidi:

—Puhto, yuhu pacu tiquiuro yariagū yariğutja. Sa ya tuhasagu pūrita mahu mehna wahagutja, nidi tiquiuro Jesure.

<sup>22</sup> Jesu yūhtiri:

—Yuhare cahmeeñequina yariariquina yero saha ijire. Tiquina pehe yariariquinare yaahro. Sa yegu mahu pehe yuhu mehna cñū ijiajū ahtaya, nidi tiquiuro.

*Jesu wihnonore yusu dutiahye*

(Mr 4.35-41; Lc 8.22-25)

<sup>23</sup> Sa ni tuhasa yucūsapu sajāri. Sa yena usā tiquiuro buhena gūhu tiquiuro mehna waha, sajā. <sup>24</sup> Ti ditarapu usā pehāgū waro wihnono tutuaro wēdi. Sa yero pahcōri yucū sare quē mio cāmedi. Sa wihnono wēpegūta Jesu pehe carīno nidi. <sup>25</sup> Sa wahagū ihñana usā tiquiuro wahcōu. Wahcō ohō saha ni:

—Puhto, yuhdooya. Mari minina tana niajū, nii usā.

<sup>26</sup> Usā sa nigū Jesu yūhtiri:

—¿Duhšena cue maca cāri mūsa? Yuhare wacū tutuerare mūsa, nidi Jesu usāre.

Sa ninota wahcādaca sa, wihnonore pahcōri gūhare “Yusūahya”, nidi. Tiquiuro sa nigū wihnono yuhdu wahari. Sa ye pahcōri gūhu yusu dijiaa wahari. <sup>27</sup> Tiquiuro sa yegu ihña acūana, ohō saha nii usā:

—¿Yohou, dahse ijiriqiro boro masano ijajari ahriqiro? Ahri wihnono, pahcōri gūhū tiqiro dutigū yuhducaerare tiqirore, nii usā.

*Watīa cūoyequinare watīare cohāhye Jesu*

*(Mr 5.1-20; Lc 8.26-39)*

<sup>28</sup> To bato pehā sa, Gadara cjēna ya yehparū esa. Topū usā esagū p̄aro amūa masa coperi caharū ijiyequina Jesure piti cari. Tiquina watīare cūoyequina cuayequina ijiri. Sa yero topū masa tiquina wahamehnenno ijiri.

<sup>29</sup> Tiquirore piti ca, sañuducuri:

—¿Mūhū Cohācjū macū dahse yegū ahtajari mūhū usā caharūre? ¿Usāre Cohācjū tiqiro buhiri dahreati pje ijierapegūta usāre buhiri dahrei ahtau nijajari mūhū? ni sañuducuri tiquina.

<sup>30</sup> Tiquina caharū peyequina yesea maca ihyaye nidi. <sup>31</sup> Tiquinare ihñāñe, watīa ohō saha nidi Jesure:

—Usāre cohāgū sisequina caharū waha dutiya usāre. Tiquina mehna iji dutiya usāre, ni sinidi watīa Jesure.

<sup>32</sup> —Au, wahaya, nidi Jesu.

Tiquiro sa nigū watīa p̄aro masa mehna ijiriqina waha, yesea caharū esari. Tiquina mehna tiquina ijigūta yesea pari, pari cjūrū oma maa buha, ditararū bora űojoa, mini yaria pihtia wahari.

<sup>33</sup> Tiquina sa wahagū ihñāñe yeseare ihña ihboyequina pehe cuea waha, oma maa cāa wahari. Macarū esa, yesea tiquina minidire yahu site pehoahye. Watīare cūoriqinare Jesu watīare tiquinap̄are ijiriqinare cohā wiori gūhūre yahu pehoahye tiquina. <sup>34</sup> Sa tiquina yahu siteri bato ti maca cjēna ijiptiyequina Jesure ihñāñe ahtari. Sa ye tiqirore ihñāñe, tutuaro mehna waha dutiri tiqirore.

## 9

*Tini masieniquirore yuhduoahye Jesu*

*(Mr 2.1-12; Lc 5.17-26)*

<sup>1</sup> Sa ye Jesu yucasarū sajā, ditararū pehā, tiqiro masari macarū esahye.

<sup>2</sup> Topū arequina tini masieniquirore tiqiro cuñari cahsero mehna yo wūa wihahye Jesu caharū. “Jesu ahriqirore dohatiyere yuhdugū yerota”, ni tūhotuahye tiquina. Tiquina sa ni tūhotugū masino dohatiriqirore ohō saha niahye Jesu:

—Bucueya mūhū. Mūhū ñāñe yeyere cohā tuhasarū yūhū, niahye tiqiro.

<sup>3</sup> Tiquiro sa nigū tūhoye ihquēquina mari judio masare buheyequina ohō saha ni tūhotumahye. “Ahriqiro ihyo ijiriqiro sa nino ‘Cohācjū ijajaja’, nino nine. Sa nino Cohācjūre ñano nino nine”, ni tūhotumahye tiquina. <sup>4</sup> Tiquina sa ni tūhotugū masino, ohō saha niahye Jesu:

—¿Dūhsena sa ñano tūhotuajari mūsa? <sup>5</sup> “Mūhū ñāñe yeyere cohā tuhasaja”, yūhū nigū “Ni mehogu ijire”, nine mūsa quehnoano masiedapena. “Wahcādūca, wahaya”, yūhū nigū tiqiro tinigū ihñāñe, yūhū nidi poto ijigū duita mūsa masinata. <sup>6</sup> Yūhū masū Cohācjū ohorigū ahri yehparū masa tiquina ñāñe yeyere cohā masiaja yūhū. Masa tiquina ñāñe yeyere cohācjūre cūri Cohācjū yūhūre. Yūhū sa cohārire mūsa masiato saha ohō sahata ye ihñoutja mūsa ihñāñe, niahye Jesu.

Sa ni tuhasa tini masieniquirore ohō saha niahye:

—Wahcādūcaya. Mūhū cuñari cahserore ne cāhñā mūhū ya wūhū, niahye tiqirore.

<sup>7</sup> Tiquiro sa nigū tūhoro tini masieniquiro wahcādūca sa, tiqiro ya wūhū, tojoa wahahye. <sup>8</sup> Sa wahagū ihñāñe masa cueahye. Sa ye Jesure Cohācjū

tiqairo tutuayere tiqairo ohogū ihñañe masa Cohācǵäre ño peo, quehnoano yahuducuahye.

*Jesu Mateore pijiahye*  
(Mr 2.13-17; Lc 5.27-32)

<sup>9</sup> Tiquina sa yeri bato Jesu topu ijiriquiro ahta, yuhare Mateore boca sari. Pāhtoa ye ijiatire masare wapa ne cohtegu ijimi. Sa yegu ti pjere yuhā dahrari tucūru dujii. Topu yuhā dujigū ihñano ohō saha nidi yuhare:

—Yuhā mehna cǵū ijia cǵū ahtaya, nidi Jesu yuhare.

Tiqairo sa nigū tūhogu wahcādaca tiqairo mehna waha.

<sup>10</sup> Came ya wāhuru Jesu gūhū ihyaye ahtari. Peyequina wapa ne cohteyequina, “Ñano yeyequina”, tiquina niñequina gūhū usā mehna ihyari.

<sup>11</sup> Tiquina mehna usā ihyagū ihñañe, fariseo masa usāre Jesu buhenare ohō saha nidi:

—¿Duhse yero masare buheriquiro wapa ne cohteyequina mehna, ñano yeyequina mehna ihyajari? nidi tiquina usāre tiqairo buhenare.

<sup>12-13</sup> Tiquina sa nigū tūhoro Jesu pehe queoye mehna buhero yūhtiri:

—Dohatieyequina daturure macaedare. Dohatieyequina dihita daturure macare. Ñañequina dohatieyequina yero saha ijire. Sa yegu ñañequina dihitare tiquina ñañene yerire bujua witi duti, quehnoañe pehere comesagū yei ahta nū yuhā. Tiquina basi “Quehnoana ijiaja usā”, ni tūhotuyequinare yedohogu ahtaera. Cohācǵū tiqairo nidire tiquina ojoarire masiña masa. “Wahiquinare masa wejē, uǵū māoñe mehna yuhare masa ño peogū cahmedaja. Apequinare masa paja ihñagū pehere cahmeaja”, ni ojoahye. Ahri tiqairo ojoari duhse nidire masiña masa. Tire quehnoano buhe nemona wahaya, nidi Jesu fariseo masare.

*Sijiyere sinituahye Ñū buheyequina Jesure*  
(Mr 2.18-22; Lc 5.33-39)

<sup>14</sup> Came Ñū wame yeriquiro buheyequina Jesu caharu esa, sinituri:

—Usā Ñū buhena pehe peye tahari Cohācǵäre ño peona tana, sijiaja. Fariseo masa gūhū sata sijire. ¿Duhse yeye māhū buheyequina pehe sijierajari? nidi tiquina Jesure.

<sup>15</sup> Jesu tiqairo tūhotuyē mehna queoye mehna buhero taro tiquinare ohō saha ni yūhtiri:

—Ohō saha ijire ti: Omoca dūhteroru tiquina pijioriquina omoca dūhteriquiro mehna ijie, siji masiedare. Sata yuhā buheyequina gūhū yuhā mehna ijie, siji masiedare. Yuhā omoca dūhteriquiro yero saha ijiaja. Omoca dūhteriquiro bose deco tiqairo yegū tiqairo mehna cǵēna bujua witiye mehna ijierare. Sa yeye ihyeyequina ijlerare. Yuhā Pacū Cohācǵū yuhare tiqairo nedi bato pūritare yuhā buheyequina mehna ijisi yuhā. Sa yeye ti pjereta yuhā buheyequina gūhū sijieta, ni yūhtiri Jesu.

<sup>16</sup> Panoru cǵē buheye wahma buheye mehna tiquina buhe more duagū ihñano ohō saha ni nemori Jesu tiquinare queoye mehna buhero.

—Ne wahma cahsero suhtiro cahsero mehna mānāno suhtirore sere ohōno cahmedare. Sa yegū wahma cahsero mari coseri bato mānāno suhtirore weje cahmedoa, paji yuhduaro tūhnūgū yere. (Ahri yero saha māna buheyere wahma buheye mehna piti dahre buheraro cahmene.) <sup>17</sup> Sa yena ne uhse co bisiyē core wahiquiro cahsero ajurore māna ajurore pose yeraro cahmene. Sa yegū uhse co bisiyē pahmuñeru māna ajurore tūhrē cāhre. Sa tūhnūgū uhse co gūhū, ajuro gūhū cohāa wahare. Sa yena uhse co wahma core wahma ajurore pose yero cahmene. Sa yegū uhse co cohāeda, ajuro

gūhū cohāedare. (Sata wahma buheye mūna buheye mehna buhe moredaro cahmene,) ni yahuri Jesu tiquinare.

*Jairo maconore maso, dii mūna dohatiducuricoro gūhūre yūhdūoahye Jesu (Mr 5.21-43; Lc 8.40-56)*

<sup>18</sup> Tiquiro sa ni yahuri watoa mari judio masa puhto mehna cjāno Jesu caharū wihiri. Wihi, dūsepe curi mehna quehe sa, ohō saha nidi.

—Yūhū maco mianogā yariaa wahari. Ticorore mūhū omocare duhu peogū ahtaya. Mūhū sa yegū masanota, nidi tiquiro Jesure.

<sup>19</sup> Tiquiro sa nigū tūhoro Jesu wahcādūca tiquiro mehna wahari. Ūsā tiquiro buhena gūhū wahā. <sup>20</sup> Ūsā maharū wahaducugū topū numino dii mūna dohatiducuricoro Jesu batopū ahta, tiquiro suhtiro sohtoare dahra tuhūahye. Doce cūhmarī waro decoripe dii mūna dohatiro niahye. <sup>21</sup> Ohō saha nī tūhotuahye ticoro sa yero: “Ti suhtirore dahra tuhugo, quehnoa wahagota”, ni tūhotuahye ticoro. <sup>22</sup> Ticoro sa yegū masino Jesu majaredūca, ticorore nidi.

—Maco, bucueya mūhū. Mūhū yūhūre wacū tutuaye mehna quehnoago tojoare yojopare, nidi tiquiro.

Tiquiro sa nigūta yūhdūa wahari ticoro.

<sup>23</sup> Sa ye tuhāsa Jesu puhtoro ya wūhūpū esari. Topū esa, űehe quea utiyequinare weōgū mūte pohoro saha ijidūre putiyequinare ihūari. Peyequina masa tiquina űano bisigū gūhūre tūhori tiquiro. <sup>24</sup> Tiquina sa yegū ihūano masare ohō saha nidi:

—Wijiaya masa. Yariere ticoro. Carūno nine, nidi tiquinare.

Tiquiro sa nigū tūhoye “Sa ni maca cāno nine ahriquirō”, niűe, masa būjūri tiquirore. <sup>25</sup> Sa yero wūhū puhiapūre ijiyequina masare tiquiro wio pehori bato yariaricoro caharū esa, ticoro omocare űeheahye. Tiquiro sa űehēgū masa quehe sa, wahcādūca sahye ticoro. <sup>26</sup> Tiquiro sa yerire tūhoye, to cjēna masa ijipliyequina yahu siteri.

*Pūaro caperi bajueyequinare ihūagū yēahye Jesu*

<sup>27</sup> Sa yero Jesu topū ijiriquiro wahagū, pūaro caperi bajueyequina tiquirore pīsu nūnū tāri:

—Davi panami iji turiagū, masare yūhdūoacjū, ūsāre paja ihūāűa mūhū, ni saūducūri tiquina.

<sup>28</sup> Tiquina sa nigūta Jesu ape wūhūpū sajāri. Tiquiro sa sajāgū masiűe caperi bajueyequina tiquiro caharū sajāa wahari. Tiquina sa sajā sagū ihūano tiquiro pehe sinituri tiquinare:

—¿“Marine ihūagū yerota tiquiro”, ni tūhotujari mūsa yūhūre? nidi tiquiro.

—Puhto, sata ni tūhotuaja ūsā, ni yūhtiri tiquina.

<sup>29</sup> Tiquina sa nigūta tiquina caperire űa peori. űa peo ohō saha nidi:

—Yūhūre “Sa yerota”, masa ni tūhoturiro sahata sa yeaja masare, nidi Jesu.

<sup>30</sup> Tiquiro sa nigūta tiquina caperi pehe quehnoa wahari. Sa ye Jesu ohō saha nidi tiquinare:

—Ahri yūhū ohō saha yerire apequinare ne yahueracāhūa, nidi.

<sup>31</sup> Tiquiro sa niepegūta waha, topū ijiyequinare yahu siteri tiquina tiquiro sa yerire.

*Yahuducueriquirore yahuducugū yēahye Jesu*

<sup>32</sup> Ti wūhūre tiquina wijiagū waro ihcāquiro yahuducueriquirore ne cāhtari masa. Watūno tiquiro mehna ijiriquiro tiquirore yahuducueragū yēahye.

<sup>33</sup> Tiquina ne sagū ihūano watūnore Jesu cohā wiori. Tiquiro sa cohāgū

watĩnore c̄oriquiro pehe yahuducua wahari. Tiquiro sa yegū ihñañe ijipihtiyequina ihña maria pihtia wahari.

—Ne, ahri yehpa Israe yehpap̄are ohō saha yeyere ihñedahti mari, ni yahuducuri tiquina basi.

<sup>34</sup> Fariseo masa pehe sijoro saha ni yahuducuri:

—Watĩa p̄ah̄toro tutuaye mehna watĩare cohāre ahriquiro, ni yahuducuri tiquina.

### *Masare paja ihñahye Jesu*

<sup>35</sup> Sa ye ijipihtiye macari top̄u ijiye macarigāre, buj̄aye macari gūh̄are buhe tinino wahari Jesu. Quehnoañe buheyere judio masa mari buheye wah̄usep̄u buhero wahari tiquiro. Sa yero Cohāc̄j̄u p̄ah̄toro tiquiro ijiatire yahuri. Ijipihtiye dohatiye gūh̄are to c̄j̄enare yuh̄d̄ori tiquiro. <sup>36</sup> Masa peyequina ñano yuh̄d̄uyequinare, pejec̄oro wahayequinare tiquina ijigū ihñano Jesu tiquinare paja ihñari. Tiquina oveja opana marieñequina yero saha tiquina ijigū ihñano Jesu tutuaro paja ihñari tiquinare. <sup>37</sup> Sa yero ohō saha nidi tiquiro usāre tiquiro buhenare, queoye mehna buhero:

—Trigo peye buc̄na tuhasagū peye ijigū dahraye pajiro ijire. Sa ijiepegūta dahrayequina pehe meheñequinagā ijire. Sata quehnoañe buheyere tuhoatiquina peyequina ijigū pajiro ijire mari dahraye. Sa ijiepegūta meheñequinagā dahrari masa yero saha quehnoañe buheyere buheatiquina gūh̄u meheñequinagā ijire. <sup>38</sup> Sa yena quehnoañe buheyere buheatiquinare apequnare tiquiro ohoatire siniña Cohāc̄j̄are, nidi Jesu.

## 10

### *Jesu doce waro beseahye tiquiro ohoatiquinare*

(Mr 3.13-19; Lc 6.12-16)

<sup>1</sup> Came doce usāre tiquiro buhenare Jesu pijio, tutuayere ohori usāre. Watĩare usā cohā masiatire ijipihtiye dohatiyere usā cohā masiatire ohori usāre.

<sup>2</sup> Ohō saha wame tii usā Jesu cūrina: Simo ijiri. Tiquiroreta Pedro ni pisuri Jesu. Simo bah̄uro Andre gūh̄u ijiri. Santiago gūh̄u tiquiro bah̄uro Ñu mehna ijiri. Tiquina Santiago gūh̄u pac̄uro Zebedeo wame tiri. <sup>3</sup> Felipe, Bartolomé, Tomasu, yuh̄u Mateo ijii usā. Yuh̄u pehe p̄ah̄toa ye ijiatire masare wapa ne cohtegū ijimi. Usā mehna Santiago ijiri. Tiquiro pehe Alfeo mac̄ano ijiri. Sa yero Tadeo gūh̄u ijiri. <sup>4</sup> Simo celote ya curua c̄j̄ano ijimediquiro, Juda Iscariote gūh̄u ijiri. Juda pehe Jesure ihña tuhtyequinare ihñoatiquiro ijiri.

### *Jesu tiquiro buheyequinare buhe dutiro ohoahye*

(Mr 6.7-13; Lc 9.1-6)

<sup>5</sup> Sa ye usāre doce tiquiro buhenare ohoro, “Ohō saha yeya”, ni yahuri usāre Jesu:

—Judio masa ijieyequina cahap̄are wahaeracāhña. Ne Samaria yehpap̄u ijiye macarip̄u gūh̄are wahaeracāhña. <sup>6</sup> Israe yehpa c̄j̄ena cahap̄u pehere wahaya. Cohāc̄j̄are masieñequina ijire tiquina. <sup>7</sup> “Uhm̄use c̄j̄ano p̄ah̄toro tiquiro ijiatō mehenogā d̄ah̄sare”, ni buheya tiquinare. <sup>8</sup> Sa yena cami buc̄u m̄ana wihare, apeye peye sijoro saha ijiye dohatiyere c̄oyequina gūh̄are yuh̄d̄ugū yeya. Yariariquinare masoña. Watĩa masa mehna ijieyequinare cohāna tiquinare. M̄asare sa ohogū niāja ahri tutuayere. Sa yena m̄asa gūh̄u yuh̄u sa ohoriro sahata masare yuh̄d̄ugū yeya wapa neno marieno.

<sup>9</sup> M̄asa wahana niñerure ne nedacāhña. <sup>10</sup> Ne m̄asa ajurore, p̄araro camisare, p̄na pa dahpo suhtire, tuaye c̄j̄u gūh̄are nedacāhña. M̄asa sañano dihitare



saña wahaya. Apeye suhtire nedacãhña. M̄sa buhena waharop̄u ijiyequina tiquina pehe m̄sare pohe ijiatire ohoeta. Sata ohoro cahmene tiquinare.

<sup>11</sup> Ti macarip̄u esana, m̄sare quehnoano piti catiquirore macañã. Sa yena ti wuh̄p̄uta tojoarĩña. Tee, coã wahanap̄u wijiaya ti wuh̄ure. <sup>12</sup> Sa yena wuh̄p̄u sajãna, “¿Ijjajari m̄sa?” niña ti wuh̄u cjẽnare. M̄sare quehnoano tiquina cahmegũ “Cohãcjũ mehna quehnoano ijiya m̄sa”, niña tiquinare. <sup>13</sup> M̄sare tiquina cahmedagũ, m̄sa sa niborire niedacãhña. <sup>14</sup> Sa yena m̄sare tiquina cahmedagũ, tiquina tãho dueragũ ti wuh̄ure wijiaya. Wijiana, dahpocãri cjẽ dihta esa wahãr̄ire wejẽ site cũña m̄sa tiquinare tiquina ye buhirire masigũ yena. Ti maca cjẽna m̄sare cahmedagũ sata yeya tiquina gũh̄ure. <sup>15</sup> Ijirota m̄sare niita niaja. Ahri deco pihtigũp̄are Sodoma cjẽna, Gomorra cjẽna gũh̄u tutuaro buhiri tiatiquinata ijire. Tiquina sa ijiepegũta tiquina yãhd̄oro m̄sare cahmeeñequina buhiri tiatiquina ijietã, ni yahuri Jesu.

### *Jesu yequinare apequina ñano yeatire yahuahye Jesu*

<sup>16</sup> Sa ni tuhasa ohõ saha ni nemori:

—Yuh̄ure tãhoya m̄sa. Oveja yero saha ijinare m̄sare ñañequina watoa ohogũ niaja. Tiquina ñañequina n̄scũ cjẽna yayia usuayequina yero saha ijire. Sa yena m̄sa pehe apequina wahiquina wacũ masiñequina yero saha ijiya. Sa ijina ijiepenata bujua yero saha ne usuena ijiya m̄sa. <sup>17</sup> Quehnoano yeya m̄sa. M̄sare masa pũhtoare ohoeta. Judio masa mari buheye wuh̄usep̄u quẽeta m̄sare. <sup>18</sup> Sa yeye yeequina m̄sa ijiri buhiri macari cjẽna pũhtoã cahap̄u tiquina bui ijiyequina pũhtoã cahap̄u gũh̄ure neañeta m̄sare. Sa yena m̄sare top̄u tiquina neagũ pũhtoare, judio masa ijiyequina gũh̄ure quehnoañe buheyere buhenata m̄sa. <sup>19-20</sup> M̄sare pũhtoare tiquina ohogũ tiquinare m̄sa niatire “Yohou, masiedaboaga”, ni tãhotueracãhña. M̄sare tiquina sinitugũta m̄sa niatire masinata. Sa masina tiquinare yahuna, m̄sa tire m̄sa esa tuharo yahuducuna nisi. Cohãcjũ pehe mari Pacũ tiquiro yaquiro Espĩritu mehna m̄sare yahuducugũ yerota.

<sup>21</sup> Ti pjere tiquina wahmis̄m̄sa tiquina bahanare wejẽ dutiye ohoeta pũhtoare yeequina tiquina ijiri buhiri. Tiquina pac̄s̄m̄sa tiquina pohne wejẽ dutiye ohoeta pũhtoare. Tiquina pohne pehe tiquina pac̄s̄m̄sare wejẽ dutiye ohoeta pũhtoare. <sup>22</sup> Sa yeye yeequina m̄sa ijiri buhiri ihña tuhtietã masa ijiptiyequina m̄sare. Tiquina sa yepegũta ahri yehp̄ap̄u m̄sa catiro puno m̄sare tiquina ñano yerire ihcãno sahana yuh̄ure duhuerana, yãhd̄nata m̄sa. <sup>23</sup> Ihcã macap̄u m̄sare tiquina ñano yegũ ape macap̄u duhti cãhña. Ijirota m̄sare niita niaja. Israe yehp̄ap̄u ijiye macarine m̄sa pehoato pano, yuh̄u masũ Cohãcjũ ohorigũ ahri yehp̄ap̄u tojoã tãtjã.

<sup>24</sup> Ne ihcãquiro buheriquiro tiquirore yahuriquiro buip̄u ijierare. Sa yero cahacjũno gũh̄u tiquiro pũhtoro bui cjũno ijierare. <sup>25</sup> Sa yero ohõ saha tãhoturo cahmene buheriquirore: “Yuh̄ure buheriquiro yero sahata ijjatjã”, ni tãhoturo cahmene. Cahacjũno gũh̄ure sata ni tãhoturo cahmene. “Yuh̄u pũhtoro yero sahata ijjatjã”, ni tãhoturo cahmene. “Tiquiro bui ijjatjã. Sa yegũ yuh̄u pũhtoro tiquiro ñano yãhd̄ũro sahata ñano yãhd̄ũsi yuh̄u pehe”, ni tãhotueraro cahmene. Yuh̄u pehe wuh̄u cjãno yero saha ijjaja. M̄sa pehe ti wuh̄up̄u dahrayequina yero saha ijire. Sa yeye masa yuh̄ure “Beelzebũ ijire”, ni yahusãñe, m̄sa gũh̄ure yeequinare ñano ni yahuducuetã tiquina, ni yahuri Jesu.

*“¿Noa pehere cuegũ quehnoajari?” ni yahuahye Jesu  
(Lc 12.2-7)*

<sup>26</sup> Sa ni tuhasa ohõ saha ni nemori:



—Sa yena masare ñano yeyequinare cueracãhña. Masa tiquina yahuerarire came apequina masieta. Sa yeye tiquina ñaori gãhũre apequina masieta. <sup>27</sup> Masare tũhoerogã yãhũ yahurire peyequina masa watoa buhe turiaya masa. <sup>28</sup> Masanore wejẽñequina tiquiropã pagũ dihitarer wejẽne. Tiquiropã jeripohna yariere. Sa yena masare wejẽ duayequinare cueracãhña. Cohãcã pehere cueya. Tiquiropã masa pagũre, masa jeripohnari gãhũre pecarũ cohã masine. Sa yena tiquiropã pehere cueya.

<sup>29</sup> 'Pũaro siripia wapa mariedare. Tiquina sa wapa mariedapegũta ihcãquirogãre Cohãcã ne boerare. Cohãcã dutieragũ ne yariere tiquiropã. <sup>30</sup> Sa yero masa poarire ne ihcã poa da dũsaro marieno masi pehere Cohãcã. Sata masa ijije tiye gãhũre masi pehere Cohãcã. Sa masino masare ihña ihboducure. <sup>31</sup> Siripiare tiquiropã cahĩno yũhdũoro, masa pehere cahĩne Cohãcã. Sa yena pajiro tũhotueracãhña masa.

*Jesure masa wacũ tutuarire yahuya masare  
(Lc 12.8-9)*

<sup>32</sup> 'Ihcãquiro "Jesu yaquiropã ijiaja", masare tiquiropã ni yahugũ yãhũ gãhũ tiquiropãre "Yaquiropã ijire", ni yahugũtja yãhũ Pacũre aũmũse cãñore. <sup>33</sup> Sa ijiepegũta ihcãquiro "Jesu yaquiropã ijieraja", masare tiquiropã nigũ yãhũ gãhũ "Yaquiropã ijierare tiquiropã", ni yahugũtja yãhũ Pacũre, ni yahuri Jesu.

*Jesu masare tu wagũ yere  
(Lc 12.51-53; 14.26-27)*

<sup>34</sup> Sa ni tuhasa ohõ saha ni yahu nemori:

—¿Dũhse ni tũhotuajari masa yãhũre? ¿"Tiquiropã masare tiquiropã buheri bato apequina tiquinare ihña tuhtisi", ni, tũhotuajari masa? Sa ijierare. Masare yãhũ buheri bato ihquẽquina yeere tũhoeta. Apequina pehe tiquinare ihña tuhtietã. Ihcãno saha ijisi masa. <sup>35</sup> Bũcũna yãhũ buheyere tiquina tũhori buhiri tiquina pohne tiquinare ihña tuhtietã. Bũcũna numia gãhũ yãhũ buheyere tiquina tũhori buhiri tiquina pohna numia tiquinare ihña tuhtietã. Tiquina mareosãnumia yãhũ buheyere tiquina tũhori buhiri tiquina macũ namosãnumia tiquinare ihña tuhtietã. <sup>36</sup> Sa yeye masa tiquina acayere ihña tuhtiequina ijietã.

<sup>37</sup> 'Yũhũre tiquina cahĩboriro yũhdũoro tiquina pacũsumũna pehere cahĩ yũhdũũcaye, yeequina ijisi tiquina. Yũhũre tiquina cahĩboriro yũhdũoro tiquina pohne pehere cahĩ yũhdũũcaye, yeequina ijisi tiquina. <sup>38</sup> Sa yeye apequina curusarũ yariariro saha yeequina tiquina ijiri buhiri ñano yũhdũeta tiquina gãhũ. Sata ñano yũhdũ dueyequina yeequina ijisi tiquina. <sup>39</sup> Masa yãhũre wacũno marieno tiquina esa tuharo yeye pecarũ wahaeta tiquina. Sa yeye yeere sa yeducuyere ijipihtie decori yãhũ mehna ijietã tiquina, ni yahuri Jesu.

*Mari wapatatire yahuahye Jesu  
(Mr 9.41)*

<sup>40</sup> Sa ni tuhasa ohõ saha ni yahu nemori:

—Masare yeequinare ihcãquiro quehnoano cahmeno, yãhũ gãhũre cahmeno nine tiquiropã. Sa yero tiquiropã yãhũre quehnoano cahmediquiro yãhũre ohoriquiro gãhũre cahmeno nine. <sup>41</sup> Sa yero Cohãcã yere yahuriquiro wapatarota. Tiquiropãre quehnoano yerota Cohãcã. Sa yero tiquiropã yere yahuriquiro tiquiropã ijigũ ihñano apequiropã pehe yahuriquiro quehnoano cahmeno, yahuriquiro yero sahata wapatarota tiquiropã gãhũ. Sa ye apequiropã quehnoano yeriquiropã wapatarota. Sa yero quehnoano yeriquiropã tiquiropã ijigũ ihñano apequiropã pehe tiquiropãre quehnoano cahmeno, quehnoano yeriquiropã yero saha wapatarota tiquiropã gãhũ. <sup>42</sup> Yaquiropã ihcãquiro

tiquiro ijigū ihñañe dahse ijiyequina tiquirogāre acore mehenogā tiquina sihōpegāta, potota tiquinare quehnoano yerota Cohācjū, ni yahuri Jesu.

## 11

*Ñu wame yeriquiro tiquiro buheyequinare Jesure sinitu dutiro ohoahye (Lc 7.18-35)*

<sup>1</sup> Ūsāre tiquiro buhenare tiquiro sa ni yahuri bato to caharū ijiye macaripū buhero wahari tiquiro.

<sup>2</sup> Sa ye tiquiro yerire Ñu peresupū ijiriquiro tūhoohāye. Sa tūhooro Ñu tiquiro buheyequinare Jesure sinitu dutiro ohoahye. <sup>3</sup> Sa ye Jesu caharū esa, sinituri tiquina Ñu buheyequina.

—¿Ñu “Yūhū bato apeqiro ahtarota”, tiquiro nidigū ijiajari māhū? ¿Tiquiro nidigū māhū ijieragā apeqirore cohtenatari ūsā? ni sinituri tiquina pehe Jesure.

<sup>4</sup> Tiquina sa nigū tūhoro Jesu yūhtiri:

—Yojopūre māsa tūhorire, māsa ihñāre Ñure yahuna wahaya: <sup>5</sup> “Caperi bajueyequina ihñare. Tini masieñequina tinine. Cami bucūna quehnoa wahare. Cahmono tūhoeyequina tūhoa wahare. Yariariquina masaa wahare. Tiquina ijipihtieyquinare quehnoa wahagū yei yūhū. Sa yegū pe-jecūoyequinare quehnoañe buheyere yahuaaja. <sup>6</sup> Yūhūre tūhoriqiro “Poto ijire”, niniqiro tiquiro bucueriquiro ijire’, nidi”, ni, Ñure yahuna wahaya, nidi Jesu.

<sup>7</sup> Ñu buheyequina tiquina wahari bato, Jesu pehe Ñu ijiye tiyere yahu dcāri peyequina masare:

—Masa marienopū taare wihnono wēdoqueo mājagū ihñana eserari māsa.

<sup>8</sup> “Quehnoañe suhti tiriquirore ihñana wahañhna”, niedari māsa masa marienopū wahana. Quehnoañe suhti tiyequina wapa bujūyere cūoyequina pūhtoā ye wūhūsepū ijire. <sup>9</sup> Masa marienopū esana Cohācjū yere yahu māhtariqirore ihñana esari māsa. Ijirota ijire. Ñu Cohācjū yere yahu māhtariqiro ijire. Apequina Cohācjū yere yahu māhtañequina yūhdūoro ijiriquiro ijire tiquiro pehe. <sup>10</sup> Panopū Cohācjū yere tiquina ojoari pūpū Ñure ohō saha ni yahuahye:

Mari Pacū tiquiro macūnore ohō saha niahye: “Mūhū pano māhūre yahuyū-atiquirore ohogū niaja”, niahye, ni ojoahye panopūre Ñure.

<sup>11</sup> Mūsare ijirota niaja. Apequina ijipihtieyquina bui ijire Ñu wame yeriquiro. Ahri decoripāre tiquiro sa ijepegāta ūhmūse cjanō pūhtoro ijirōpūre ijipihtieyquina docapū ijiriquiro pūrita Ñu bui ijire.

<sup>12</sup> Ñu wame yeriquiro tiquiro buhe, wame ye dcagū peyequina masa ūhmūse cjanō pūhtoro ijirōpū tiquina tutuaye mehna, tiquina esa tuhāro sajā duamedī. <sup>13</sup> Cohācjū yere yahu māhtañequina tiquina ojoarire, Cohācjū Moiserē tiquiro cūripū gūhūre buhena Cohācjū tiquiro pūhtoro ijiatore masiaja mari. Ñu gūhū tireta yahuri. <sup>14</sup> “Elia ahtarota”, panopū tiquina nidiquirota ijire Ñu pehe. Panopū cjanā tiquina nidire “Poto ijire”, ni duana Ñu tiquina sa nidiquiro tiquiro ijigū masinata māsa. <sup>15</sup> Quehnoano tūhoya māsa ahirire.

<sup>16</sup> ¿Yojopū cjanā masa yabequina yero saha ijiajari tiquina, māsa tūhotugū? Tiquina macanagā yero saha ijire. Apequina tiquina cahmeno saha tiquina yeragū bucuereare tiquinagā. Doeri cje duaropū ape dujiye, ohō saha ni pisupere tiquinagā basi: <sup>17</sup> “Mūsa basatire ūsā putipemi. ¿Dūhsena māsa basaerari ūsā tire putigū? Ūsā tutuaro ñehe quea utipe, sañuducupemi. ¿Mūsa

pehe dahsena usã mehna utiperari?” niducuriquina yero sahata ijire yojoꝛu cĵena gũhũ. Yojoꝛu cĵena tiquina cahmeno saha usã yeragũ ihñañe bucuere tiquina gũhũ. <sup>18</sup> Tiquina yero saha yena ohõ saha yere mũasa yojoꝛu cĵana. Ñu wame yeriquiro Cohãcĵare ño peoro taro sijiꝛo, vinoꝛe sihniedari. Tiquiro sa sihniedagũ ihñaña “Watĩnoꝛe cuoꝛiquiro ijire”, nimeidi mũasa tiquiro pehere. <sup>19</sup> Yũhũ masũ Cohãcĵũ ohorigũ ijigũ yũhũ ihya, sihniaja. Yũhũ sa yegũ ihñaña ohõ saha nine mũasa yũhũ pehere: “Ihñaña. Ahriquiro pajiro ihyariquiro, queheriquiro ijire. Wapa ne cohteyequina, ñano yeyequina gũhũ tiquina piti tiriquiro ijire tiquiro”, nine mũasa yũhũre. Sa nina macanagã yero saha yahuducuna nine mũasa. Mũasa cahmeno saha usã yeragũ bucuere mũasa. Sa masiedapenata usã ye ihñõꝛe ihñaña, Cohãcĵũ yere usã masigũ masinata mũasa, nidi Jesu tiquinare.

*Tiquina ñañene bujũa witiyequina ye macari cĵenare tuhtiahye Jesu (Lc 10.13-15)*

<sup>20</sup> Apeye macari cĵenare tuhtiri Jesu. Ti macarine apeye macari yũhdũoro Cohãcĵũ tutuaye mehna ye ihñõmedi tiquiro. Tiquiro sa ye ihñõepẽgũta tiquina ñañe yerire duhuerari tiquina. Sa yero ohõ saha ni tuhtiri Jesu tiquinare.

<sup>21</sup> —Corazĩn cĵana, mũasa ñano yũhdũnata. Betsaida cĵana, mũasa gũhũ ñano yũhdũnata. Mũasa ye macaripure Cohãcĵũ tutuaye mehna ye ihñõmi. Tiro wame tiri macare, Sidõ wame tiri maca gũhũre tiquiro tutuaye mehna yũhũ ye ihñõgũ ihñañe panopũ to cĵena pehe tiquina ñañene bujũa witiyoaga. Sa yeye quehnoañene comesaboaga. Masa dija suhtire saña, peca cĵẽ nujuare tiquina bui dahra site peoboaga tiquina ñañene bujũa witiyere ihñõñe.

<sup>22</sup> Mũasaꝛe niita niaja. Buhiri dahreati deco ijigũ Cohãcĵũ Tiro cĵena, Sidõ cĵena yũhdũoro mũasa pehere mũasa ñari buhirire ña yũhdũaro buhiri dahrerota.

<sup>23</sup> Capernaũ cĵana, mũasa esa tuhuro uhmũseꝛũ waha duamedidi. Mũasa Cohãcĵũ pecapũ cohãnota. Mũasa ya macapũ Cohãcĵũ tutuaye mehna ye ihñõmi. Mũasa yũhũre tuhõerari. Sodoma wame tiri macare Cohãcĵũ tutuaye mehna yũhũ ye ihñõgũ ti maca pehe yojoꝛũre ijiyoaga. <sup>24</sup> Mũasaꝛe niita niaja. Buhiri dahrerĩ deco ijigũ Cohãcĵũ Sodoma cĵena yũhdũoro, mũasa pehere mũasa ñari buhiri ña yũhdũaro buhiri dahrerota, nidi Jesu ti macari cĵenare.

*—Yũhũ cahapũ sona taya, niahye Jesu (Lc 10.21-22)*

<sup>25</sup> Ti pĵere ohõ saha nidi Jesu tiquiro Pacũro mehna yahuducuro:

—Yũhũ Pacũ, mũhũ uhmũse cĵena puhto, ahri yehpa cĵena puhto ijire. Ahri mũhũ buheyere “Quehnoano masina ijaia usã”, niñequinare masigũ yerare mũhũ. Buhe pehoeyequina pehere mũhũ yere masigũ yere mũhũ. Mũhũ sa yegũ, “Quehnoare”, niaja yũhũ mũhũre. <sup>26</sup> Sata ijire. Tiquina pehere masigũ cahmedi mũhũ, nidi Jesu tiquiro Pacũrore.

<sup>27</sup> Sa yero masare ohõ saha ni yahu nemori:

—Yũhũ Pacũ ijipihtiyere yũhũre ohõri. Tiquiro dihita yũhũre quehnoano masine. Sa yena usã dihita yũhũ masi dutiyequina mehna yũhũ Pacũre masiaja usã. <sup>28</sup> Mũasa ñañe apee boro nũcuñe yero saha ijire. Nũcuñene wũana mũasa tahrĩno saha ñañene wahyia wahare mũasa. Sa wahyarina ijina yũhũre cahmeña mũasa. Mũasaꝛe sogũ yeitja. Mũasa ñañe yeyere duhugũ yeitja.

<sup>29</sup> Yũhũ dutiyere yeya. Yeere quehnoano masiña. Yũhũ paja ihñagũ ijaia. Sa yegũ yũhdũũcaegũ ijaia. Yũhũ sa ijigũ yeere quehnoano masiña mũasa. Sa yena soye mehna quehnoano jeripohna tinata mũasa. <sup>30</sup> Yeere mũasa yegũ mijoedare. Sa yero mũasa wũaye ti nũcuẽdaro sahata yũhũ pehe mũasa mehenogã ye dutiaja, nidi Jesu.

## 12

### *Judio masa tiquina sori decore trigore peheahye Jesu buheyequina* (Mr 2.23-28; Lc 6.1-5)

<sup>1</sup> Mehenogā tiquiro sa ni buheri bato saurú ijigū usā Jesu mehna trigo wesepu esau. Usā tiquiro buhena ujua ahbana, trigore pehe, ihya tuhasa, yuhdu cāa waha usā. <sup>2</sup> Usā sa yegū ihñañe, fariseo masa Jesure ohō saha nidi: —Tuhorīña usāre. ¿Dahse ye mahu buheyequina saurú mari sori deco ijiepegūta dahrajari? Marine dutiyere yuhduhucaye nine, nidi tiquina.

<sup>3-4</sup> Jesu yuhtiri. “Yuhū buheyequina yuhduhucaye niedare”, ni yahuro taro ohō saha ni yuhtiri:

—Davi tiquiro mehna cjēna mehna ujua ahbaro Cohācjū wuhupū sajā, Cohācjū ye pāre ihyahye. Ti pāre pahia dihita ihyae tiahye. Cohācjū dutiyere tiquina ojoari pū apequinare ti pāre ihya dutierare. ¿Davi gūhu tire tiquina yerire Cohācjū ojoari pūpu buherari mūsa? (Ti pāre ihyaro Cohācjūre yuhduhucaro niedahye. Miare ahri pjerire ihyaye yuhū buheyequina gūhu Cohācjūre yuhduhucaye niedare.) <sup>5</sup> Sa ye Cohācjū wuhupū dahrayequina pahia ne soerare mari soye decorire. Sa soerapeta Cohācjū dutiyere yuhduhucayequina ijierare. ¿Tire buherari mūsa Cohācjū Moisere tiquiro cūri pūpu? <sup>6</sup> Mū sare niita niaja. Cohācjū wuhure űo peona ti wuhupū dahrayequina tiquina soeragū ihñaepenata “Quehnoanota”, nine mūsa. Ti wuhū yuhduoro yuhū pehere űo peoro cahmene. <sup>7</sup> Cohācjū yere tiquina ojoari pū ohō saha nine: “Wahiquinare wejē, ujua mūoñe mehna yuhure mūsa űo peogū cahmedaja. Apequinare mūsa paja ihñagū pehere cahmeaja yuhū”, nine tiquiro yere tiquina ojoari pū. Tiquiro sa nidire mūsa quehnoano tuhona, yuhū buheyequinare tiquina buhiri mariedapegūta tiquinare tuhtieraboaga mūsa. <sup>8</sup> Yuhū masu Cohācjū ohorigū ahri deco saurú decore masa tiquina yeatire yahugū ijigū puhto ijiaja, nidi Jesu fariseo masare.

### *Omoca buhariquiro quitu ijire* (Mr 3.1-6; Lc 6.6-11)

<sup>9</sup> Tiquiro sa nidi bato waha, judio masa mari buheri wuhupū esau usā Jesu mehna. <sup>10</sup> Topu omoca buhariquiro ijiri. Sa yeye fariseo masa pehe Jesure yahusāñe tehe, tiquirore sinituri:

—Saurú decore mari sori decore masunore yuhduo dutierare Cohācjū. ¿Sata ijiajari, mahū tuhutugū? ni sinituri tiquina.

<sup>11</sup> Jesu yuhtiri tiquinare:

—¿Mūsa yaquiro oveja saurú ijigū coperu tiquiro bora sajāgū tiquirore ne wioeraboagari mūsa? Ne wionata mūsa. <sup>12</sup> Oveja yuhduoro ijire masuno pehe Cohācjū tiquiro ihñagū. Sa yero saurú ijigū quehnoañene mari yegū quehnoarīne, ni yuhtiri Jesu tiquinare.

<sup>13</sup> Tiquiro sa nidi bato omoca buhariquirore ohō saha nidi:

—Mahū omocare siō potoya, nidi tiquiro.

Tiquiro sa nigū omoca buhariquiro pehe siō poto, omoca quehnoa wahari ape omoca quehnoari omoca yero saha. <sup>14</sup> Sori decore tiquiro sa yegū ihñañe, fariseo masa waha, tiquina basi ohō saha niahye:

—¿Duhse Jesure wejēnatari mari? niahye tiquina basi.

### *Cohācjū yere yahu muhtariquiro panopū cjāno Jesure yahuahye*

<sup>15</sup> Jesu tiquina sa nidire masino, wahaa wahari. Tiquiro sa wahagū peyequina masa tiquirore nūnū tāri. Sa yero tiquiro pehe ijipihtiyequina

tiquina mehna cjēnare dohatiyequinare yūhdugū yeri. <sup>16</sup> Sa yero dohatiyequinare tiquinare tiquiuro yūhdūorire apeqūnare yahu site dutierari tiquiuro. <sup>17</sup> Sa dohatiyequinare yūhdugū yero, Cohācjū yere yahu māhtariquiuro Isaia panopū tiquiuro ni ojoariro sahata yero nidi Jesu. Ohō saha ni ojoahye Isaia: <sup>18</sup> Ohō saha nine Cohācjū: “Ahriquiuro yūhū cahacjāno ijire. Tiquiro yūhū beseriquiro ijire. Tiquirore cahāja. Sa yegū tiquiro mehna bucueaja. Yāquiuro Espīriture tiquirore ohogūtja. Sa yero yūhū tutuaye mehna ijipihtiyequina masare yūhū buheyere yahurota tiquiro. <sup>19</sup> Sa yahuro tiquiro ne purīno mehna yahusi. Sa yero sañuducusi. Sa yero maca cjā maharū peyequina masa watōa tiquiro tutuaro sañuducu yahusi. <sup>20</sup> Wūjūgū nuhrino cuadū tiquiro nuhriedagū yero saha masa gūhūre quehnoano yerota tiquiro. Mehenogā ūjūri pecare tiquiro yatīgū yeraro saha masa gūhūre quehnoano yerota tiquiro. Sata yeducurota tiquiro watīnore tiquiro yūhdūdcato pano. <sup>21</sup> Sa yeye peyequina masa tiquirore wacū tutueta”, nine Cohācjū, ni ojoahye Isaia.

—*Jesu watīno tutuayere cūore, ni yahusāhye masa*

(*Mr 3.20-30; Lc 11.14-23; 12.10*)

<sup>22</sup> Ihcā deco watīno cūoriquirore masa ne cāhtari Jesu caharū. Tiquiro pehe watīnore cūoro yahuducu masiedari. Sa yero caperi ne bajuerari. Tiquina sa ne wihigū ihñano, yūhdugū yeri Jesu tiquirore. Tiquiro sa yegū watīno cūoriquiro ihña, yahuducuri. <sup>23</sup> Tiquiro sa wahagū ihñañe, masa ihña maria wahari.

—¿Ahriquiuro Davi panamino iji turiariquiuro masare yūhdūoatiquiuro ijia-jari? nidi tiquina basi.

<sup>24</sup> Jesu watīare tiquiro cohārire tūhoye fariseo masa ohō saha ni tūhoturi:

—Beelzebú watīa pūhtoro tiquiro tutuaye mehna watīare cohāre Jesu, ni tūhoturi tiquina.

<sup>25</sup> Tiquina sa ni tūhotugū masino, Jesu queoye mehna yahuri tiquinare, “Watīno ye tutuaye mehna watīare cohāgū niedaja”, nino taro:

—Ihcā yehpa cjēna tiquina basi cahmequeñe, ti yehpa cjēna waha pihtia wahaboaga. Ihcā maca cjēna tiquina basi cahmequeñe ti maca cjēna waha pihtia wahaboaga. Ihcā wūhū cjēna gūhū sata wahaboaga. <sup>26</sup> Sa yeye Beelzebú watīa pūhtoro pehe watīare cohāno, tiquina watīa tiquina basi cahmequeñe niboaga. Sa ye tiquina gūhū waha pihtia wahaboaga. <sup>27</sup> Ohō saha ni yahusāre mūsa yūhūre: “Tiquiro Beelzebú yedohoye mehna watīare cohāre”, ni yahusāre mūsa. Mūsa mehna cjēna gūhū watīare cohāre. ¿Watīno tiquiro tutuaye mehna watīare cohājari tiquina gūhū, mūsa ihñagū? Sa cohāedare. Tire masine mūsa. Yūhū gūhū watīno tutuaye mehna watīare cohāedaja. <sup>28</sup> Sa yegū yūhū pehe watīare cohāgū Cohācjū yaquiuro Espīritu tutuaye mehna tiquinare cohāja. Yūhū sa cohāgū ihñana ohō saha masiñā mūsa: Cohācjū masa bui pūhtoro ahri yehpapare iji tuhasare yojopare.

<sup>29</sup> Ohō sahata ijire queoye mehna mari buhegū: Tutuariquiuro ya wūhūpū apeqūro sajā sa yaque masiedare. Tutuariquiurore dūhteraro tiquiro ya wūhūpū sajā sa yaque masiedare. Tutuariquiurore tiquiro dūhteri bato sajā sa yaque masine, ni yahuri Jesu.

(Sa ni yahuri, watīnore tiquiro yūhdūdcarire yahuro. Watīno tutuariquiuro tiquiro ijiepegūta Jesu tiquirore yūhdūdcare watīare cohāno.)

Sa ni tuhasa ohō saha ni yahu nemori Jesu.

<sup>30</sup> —Ihcāquiuro yūhūre cahmedaro, yūhūre ihña tuhtiriquiro ijire. Ihcāquiuro yūhūre yedohoeraro, yūhūre wape tigū yero nine.

<sup>31</sup> Sa yegũ mʉsare poto niita niaja yũhũ. Ijipihtiye ñañene masa tiquina yegũ, yahuducugũ gãhũre Cohãcjũ bo masine. Sa boeperota Espĩritu Santore tiquina ñano ni yahuducugũ ti pũritare ne bosĩ. <sup>32</sup> Yũhũre masũ Cohãcjũ ohorigũre yũhũre tiquina ñano ni yahuducurire bo masine Cohãcjũ. Espĩritu Santo pehere tiquina ñano ni yahuducurire ne bosĩ Cohãcjũ. Yojoꝛũre, deco pihtigũ gãhũre tiquina sa nidire bosĩ tiquiro, ni buheri Jesu tiquinare.

*Masa tiquina yahuducuyere tũhona tiquina ijiye tiyere masiaja mari*  
(Lc 6.43-45)

<sup>33</sup> Sa yero queoye mehna buhero ohõ saha ni yahu nemori tiquinare:

—Quehnoada yucũgũ quehnoañene dũca tire. Ñada yucũgũ ñañene dũca tire. Yucũgũ dũcare masina “Tu dũcata ijire”, ni masiaja mari. Mari sa masino saha masa tiquina yahuducuyere tũhona tiquina ijiye tiyere masiaja mari. <sup>34</sup> Añaa yero saha ñana ijire mʉsa. Mʉsa ñana ijina, quehnoañene ni masiedare mʉsa. Mari wacũũerũ mari tũhoturiro sahata mari dũserorũ wijiare. <sup>35</sup> Quehnoariquiro quehnoañene tũhoture. Sa yero quehnoañene yahuducure. Ñariquiro ñañene tũhoture. Sa yero ñañene yahuducure. <sup>36</sup> Quehnoano tũhotu yahuducuna ijiya mʉsa. Quehnoano yahuducuerana, buhiri dahreati deco ijigũ mʉsa sa ni maca cãrire Cohãcjũre yahu yũhdũnata. <sup>37</sup> Queoro mʉsa yahuducurire masino “Quehnoana ijire”, ninota Cohãcjũ. Sa yero ñano mʉsa yahuducurire masino “Ñana ijire”, ninota tiquiro, nidi Jesu tiquinare.

*Masa ñañequina Jesure Cohãcjũ tutuaye mehna ye ihõo dutiahye*  
(Mr 8.12; Lc 11.29-32)

<sup>38</sup> Tiquiro sa nidi bato mari judio masare buheyequina, fariseo masa gãhũ tiquirore ohõ saha nidi:

—Buhegũ, Cohãcjũ ohorigũ ijigũ Cohãcjũ tutuaye mehna ye ihõoña ʉsãre, nimesi tiquina.

<sup>39</sup> Jesu yahtiri:

—Yojoꝛũ cjenã ñañequina, Cohãcjũre cahmeeñequina Cohãcjũ tutuaye mehna yũhũ ye ihõogũ ihõa duamene. Tiquina sa ihõa duepegũta Cohãcjũ yere yahu mũhtariquirore Jona panorũ cjãnore Cohãcjũ tiquiro tutuaye mehna tiquiro yeri dihitare ye ihõnota masare. <sup>40</sup> Jona ihtia deco waro pajiriquiro wahĩ paa puhiaꝛũ ijiahye. Tiquiro sa wahariro sahata yũhũ gãhũ masũ Cohãcjũ ohorigũ ihtia deco waro masa coperũ ijigata. <sup>41</sup> Ninive cjẽna pehe Jona Cohãcjũ yere tiquiro yahurire tũhoye tiquina ñañe yerire bujũa witiahye. Sa bujũa witiyequina ijiye buhiri dahreati deco ijigũ tiquina yojoꝛũ cjẽnare tiquina ñañene bujũa witiyequinare “Ñañequina ijire”, ni, yahusãeta. Jona tiquinare Cohãcjũ yere tiquiro yahugũ tũhoye quehnoañene cahmeahye tiquina pehe. Sa cahmeñe quehnoano yeye niahye yojoꝛũ cjẽna yũhdũoro. Sa yeye tiquina yojoꝛũ cjẽnare yahusãeta. Mʉsare niita niaja. Yojoꝛũ mʉsare yũhũ buheye Jona tiquiro buheri yũhdũoro ijire. <sup>42</sup> Sa ye buhiri dahreati deco ijigũ pũthoro sur cjõno panorũ cjõno ducu, yojoꝛũ cjẽnare “Ñañequina ijire”, ni yahusãnota ticoro gãhũ. Ticoro Salomo panorũ cjãno tiquiro masiñene tũho duaro yoarorũ ahri yehpa ape sieꝛũ ijiricoro Salomoro tũhoro ahtahye. Sa yero quehnoano yero niahye yojoꝛũ cjẽna yũhdũoro. Sa yero ticoro yahusãnota yojoꝛũ cjẽnare. Mʉsare niita niaja. Yojoꝛũ mʉsare yũhũ buheri Salomo tiquiro buheri yũhdũoro ijire, nidi Jesu tiquinare.

*Watĩno pari turi masũnore tiquiro sajãri quitire yahuahye Jesu*  
(Lc 11.24-26)

<sup>43</sup> Sa yero pari turi Jesu tiquiro t̄hotuye mehna ohō saha ni quti yahuri tiquinare:

—Wat̄no mas̄no mehna ijiriquiro waha, aco marieni yehpap̄a tini, tiquiro ijiatore macamahye. <sup>44</sup> Sa bocaeraro, ohō saha ni t̄hotuahye tiquiro. “Mas̄no yuh̄u coh̄ariquiro mehnata pari turi ijiḡu wahaŋta”, ni t̄hotuahye tiquiro. Sa ni t̄hoturo tojoaa waha, tiquiro coh̄ariquiroeta bocahye. Sa tiquiro bocaḡu mas̄no pehe quehnoariquiro ijimahye. <sup>45</sup> Sa yero wat̄no apequina siete wat̄are tiquiro yuh̄d̄oro ñañequinare pijiro wahahye. Tiquiro sa pijiḡu tiquina ijipih̄tiyequina tiquiro mehna ijiahye. Mas̄no pehe to pano ih̄c̄aquiwo wat̄no re c̄oro, ñariquiro ijimahye. Camer̄u pehere peyequina wat̄are c̄oriquiro ijiro, to pano tiquiro ijiriro yuh̄d̄oro ña yuh̄d̄ariquiro ijiahye. Yojoṗ̄u c̄j̄ena Coh̄c̄j̄ure c̄omediquina tiquirore coh̄añe, tiquina ḡah̄u ña yuh̄d̄ah̄yequina waro wahaeta, nidi Jesu tiquinare.

*Jesu acaye tiquirore yahu duahye*

(Mr 3.31-35; Lc 8.19-21)

<sup>46</sup> Masare tiquiro sa ni yahuducuri watoa tiquiro pacoro tiquiro bahana mehna sopecahap̄u ducu, tiquirore yahu duari. <sup>47</sup> Sa yero ih̄c̄aquiwo Jesure yahuri:

—M̄uh̄u paco m̄uh̄u bahana mehna m̄uh̄re yahu duaye sopecahap̄u ducuri, nidi.

<sup>48</sup> Tiquiro sa niḡu t̄horo top̄u ijieyequinare ohō saha nidi Jesu tiquinare buhero taro:

—¿Noa ijajari yuh̄u paco, yuh̄u bahana ḡah̄u, m̄usa ih̄ñaḡu? nidi.

<sup>49</sup> Sa nino, us̄are tiquiro buhenare ñup̄uha, ohō saha nidi:

—Ahriquina ijire yuh̄u paco, yuh̄u bahana yero saha ijieyequina. <sup>50</sup> Tiquina yuh̄u Pac̄u uhm̄use c̄j̄ano tiquiro cahmeñene yere. Sa yevequina yuh̄u bah̄u, yuh̄u baho, yuh̄u paco yero saha ijire, nidi Jesu tiquinare.

## 13

*Jesu oteriquiro quitire yahuahye*

(Mr 4.1-9; Lc 8.4-8)

<sup>1</sup> Ti decota Jesu wuh̄p̄u ijiriquiro wijiari. Wijia, ditarap̄u waha, ditara d̄uh̄tu cahap̄u dujiri. <sup>2</sup> Tiquiro sa dujiḡu ih̄ñañe peyequina masa tiquiro cahap̄u cahmecoa wahpaa waha, bihsaro yeri Jesure. Sa bihsaḡu ih̄ñano yuc̄sap̄u sajā, tiap̄u dujiri tiquiro. Masa pehe pad̄rop̄u ducuri. <sup>3</sup> Sa yero tiquiro peye queoye mehna yahuri tiquinare, buhero taro. Ohō saha nidi tiquiro:

—Oteriquiro otero wahahye. <sup>4</sup> Tiquiro sa otero wahaḡu apeye p̄jeri maha d̄uh̄tu cahap̄u bora quehe sahye. Top̄u bora quehe saye p̄jerire minic̄ua ahta, ih̄ya c̄ah̄ye. <sup>5</sup> Sa ye apeye p̄jeri ut̄a paca watoa bora quehe sahye. Ut̄a paca watoa dihta marieda c̄j̄unop̄u duita pih̄nimahye. <sup>6</sup> Sa pih̄nieperota as̄u tutuaro asiḡu, nuh̄cori marieda, ñaia wahahye. <sup>7</sup> Apeye p̄jeri taa watoa bora quehe sahye. Taa pehe dia yuh̄d̄ua waha, oteye pehere wej̄eah̄ye. <sup>8</sup> Apeye p̄jeri quehnoari yehpap̄u bora quehe sahye. Quehnoano pih̄ni, d̄aca tiahye. Apeye c̄j̄u cien p̄jeri, apeye c̄j̄u sesenta p̄jeri, apeye c̄j̄u treinta p̄jeri d̄aca tiahye. <sup>9</sup> Ahrire quehnoano t̄hoya m̄usa, nidi Jesu.

*Jesu queoye mehna tiquiro buherire yahuahye*

(Mr 4.10-12; Lc 8.9-10)

<sup>10</sup> Tiquiro sa nidi bato us̄a tiquiro buhena tiquiro cahap̄u esa, sinituu us̄a tiquirore:

—¿Duh̄se yeḡu masare queoye mehna buheajari m̄uh̄u? ni, sinituu us̄a.



### 11 Jesu yuhtiri:

—Uhmuse cjäno tiquiro puhtoro ijiyere panopu cjäna tiquina masiedarire musare yuhu buhenare masigü yere Cohäcju. Apequina pehere sa yerare tiquiro. <sup>12</sup> Sa yero masiñequinare masi nemogü yerota tiquiro. Sa yeye tiquina pehe quehnoano masieta. Masiñequina pehe mehenogä tiquina masiepegäti tiquina pehere masiedagü yerota tiquiro. <sup>13</sup> Sa yegu queoye mehna buheaja. Ohö saha ijire. Yojopu cjäna ihñaepeta, ihñedariquina yero saha tojoare. Sa yeye tuhoepeta masiedare. Tire tuhoeyequina yero saha ijire tiquina. <sup>14</sup> Sa ijiyequina ijiye Isaia panopu cjäno tiquiro ni ojoariro sahata yere tiquina. Ohö saha ni ojoahye:

Ohö saha nine Cohäcju: “Cohäcju yere tuhonata musa. Sa tuhoepenata, ne masisi musa. <sup>15</sup> Ahriquina masa dapu paca butiyequina tojoare. Sa ye tiquina cahmo coperire bihare, ‘tuhoari’, niñe. Tiquina caperire ihmitihäre, ‘ihñari’, niñe. Sa yeraye quehnoano ihñañe, masiboaga tiquina. Sa ye tuhoye, masiboaga tiquina. Tiquina wacüñepu quehnoano masiboaga. Sa masiñe yuhäre Cohäcjüre cahmeboaga tiquina. Sa yuhäre cahmegü tiquina ñañene cohä, tiquinare pecapu wahaboriquinare yuhdugü yeboaga yuhu”, nine Cohäcju, ni ojoahye Isaia.

<sup>16</sup> Musa pehe musa caperi mehna ihñana, masine. Musa cahmo mehna tuhona, masine. Sa yena bucuena ijire musa. <sup>17</sup> Musare niita niaja. Yojopu musa ihñañene musa tuhoyere panopu cjäna Cohäcju yequina tutuaro ihña duamahye. Cohäcju yere yahu muhtariquina gühu tire tutuaro ihña duamahye. Sa ihña duepeta ne ihñedahye. Yojopu musa tuhoye gühure tutuaro tuho duamahye tiquina. Sa masi duepeta tire masiedahye, ni yahuri Jesu usäre tiquiro buhenare.

### *Jesu oteriquiro queoyere yahu pehoahye* (Mr 4.13-20; Lc 8.11-15)

### 18 Came Jesu usäre yahu nemori:

—Tuhoya musa. Oteriquiro queoyere musare yahutja. Yuhäre tuhona, quehnoano masiña. <sup>19</sup> Oteye pjeri quehnoañe buheye yero saha ijire. Sa yeye maha dautu cahapu borari pjeri quehnoañe buheye yero saha ijire. Sa yeye masa quehnoañe buheyere tuhoepeta ne masiedare. Sa yero masa quehnoañe buheyere tiquina tuhogü ihñano watino pehe ahta, ti buheyere quehnoañe buheyere masi dutierare masare. Minicjua ti pjerire tiquina dote nediro saha yere watino. <sup>20</sup> Sa ye utä paca watoa borari pjeri quehnoañe buheye yero saha ijire. Sa yeye masa quehnoañe buheyere tuho, bucueye mehna duita tire tuho nene. <sup>21</sup> Sa tuho nepeta utä paca watoa ijiye cju nuhcori marieñe cju yero saha ahriquina masa gühu tutuerare. Sa tutueraye ñano yuhduye, yeequina tiquina ijiri buhiri apequina tiquinare ñano yegü ihñañe yee pehere duhu cähre. Apequina tiquinare ñano yegü tire ihcäno sahaaray, yeere duhu cähre. <sup>22</sup> Sa ye taa watoa borari pjeri quehnoañe buheye yero saha ijire. Sa yeye masa quehnoañe buheyere tuhoepeta, ahri yehpa cjäne pajiro bujua witu tuhotuye, niñeru pehere cahñe. Tiquina sa yegü ti pehe quehnoañe buheyere cahmotare. Sa cahmotagü masa quehnoañe pehere yerare. <sup>23</sup> Sa ye quehnoari yehrapu borari pjeri quehnoañe buheye yero saha ijire. Sa ye masa quehnoañe buheyere tuhoye, tire quehnoano masine. Sa masiñequina ijiye, Cohäcju cahmeno sahata quehnoañene yere tiquina. Ihquëquina pajiro quehnoañene yere cien pjeri daca tiro saha. Apequina doca cjünogä quehnoañene yere sesenta pjeri daca tiro saha. Apequina mehenogä quehnoañene yere treinta pjeri daca tiro saha, ni yahuri Jesu usäre.



### *Trigo watoa taa diari queoyere yahuahye*

<sup>24</sup> Sa ye pari turi queoye mehna buheri Jesu:

—Ūhmuse cĵāno tiqiro puhtoro ijiye ohō saha ijire. Wese upuro tiqiro wesepu quehnoañe pjerire tiqiro oteriro saha ijire ūhmuse cĵāno tiqiro puhtoro ijiye. <sup>25</sup> Wese upuro ijiptiyequina tiqiro mehna cĵēna gāhu tiquina carino watoa tiqirore ihña tuhtiriquiro ahtahye. Sa ahtaro trigore ti oteriro pu taare oteahye. Ote tuhasa wahaa wahahye. <sup>26</sup> Came trigo pihni-ahye. Sa ye ti dūca tiro taro yegū waro diaa wahahye. <sup>27</sup> Sa ye wese upurore dahra cohteyequina tiqiro cahapu esa, yahuahye: “ĶPuhto, quehnoañe pjeri dihitaro mahu wesere mahu otepegūta, dahse ye taa gāhu diajari ti wesere?” nidi tiquina. <sup>28</sup> “Yuhare ihña tuhtiriquiro ijiaga ti taare oteriquiro”, niahye wese upuro. “ĶTaare usā curegū cahmeajari mahū?” nimahye tiqirore dahra cohteyequina. <sup>29</sup> “Taare cureracāhña, ‘Trigo pehere cureari’, nina. <sup>30</sup> Trigo taa mehnata bucariahdo. Dūca nedi pje ijigū neñequinare ohō saha niitja: ‘Taare cure mahña. Tuhasa musa curerire ūjāña. Came trigore peheya. Pehe peho, tire yahu ihbori wuhapu cūña’, niitja tiquinare”, niahye wese upuro, nidi Jesu, queoye mehna yahuro.

### *Mostaza pje queoyere yahuahye Jesu*

*(Mr 4.30-32; Lc 13.18-19)*

<sup>31</sup> Sa ye apeye queoye mehna usāre ohō saha ni buheri tja:

—Ūhmuse cĵāno tiqiro puhtoro ijiye mostaza pjegā yero saha ijire. Ti pjegā meheni pjegā waro ijire. <sup>32</sup> Ti pjegāre wesepu tiqiro oteri bato, quehnoano pihnine. Sa yero paji yuhduadu wahare. Sa wahagū minicĵaa pari ti dūpripu suhti suhare, ni yahuri Jesu. (Sa nino ohō saha nino niahye. Mostaza pjegā pajidu tu bucariro saha ūhmuse cĵānore mari puhtorore masiñequina meheñequinagā tiquina iji mahātepegūta cameru peyequina wahaeta.)

### *Pāre pugū yeye queoyere yahuahye Jesu*

*(Lc 13.20-21)*

<sup>33</sup> Sa ye apeye queoye mehna usāre ohō saha ni buheri tja:

—Ūhmuse cĵāno tiqiro puhtoro ijiye pāre pugū yeye yero saha ijire. Tire numino ihcā ajuro trigore aco mehna quehnoano tire dahra morene pā bucatire. Ticoro sa yegū pāre pugū yeye pehe trigore quehnoano sehśaa wahare, nidi Jesu. (Sa nino ohō saha nino niahye. Pāre pugū yeye trigore ti sehśaa wahariro saha ūhmuse cĵānore mari puhtorore peyequina masa ijiptitiro cĵēna masieta.)

### *Queoye mehna Jesu tiqiro buherire yahuahye*

*(Mr 4.33-34)*

<sup>34</sup> Ahri ijiptiyere buhero, queoye mehna yahuri Jesu. Queoye marieno yahuerari tiqiro tiquinare. <sup>35</sup> Sata yeri tiqiro Cohācĵū yere yahu mahātariquiro ni ojariro sahata. Ohō saha ni ojahye panopu:

Queoye mehna yahutja. Cohācĵū ahri yehpare tiqiro bajumehnedi bato ne masare tiqiro yahuerarire yahutja, ni ojahye Cohācĵū yere yahu mahātariquiro manano.

### *Trigo watoa taa diari queoyere yahu pehoahye*

<sup>36</sup> Sa ye masare cohe ti, wuhapu saĵāa wahari Jesu. Sa yena usā tiqiro buhena tiqiro cahapu esa, sinituu usā:

—Trigo watoa taa diari queoyere yahu pehoya usāre, nii usā tiqirore.

<sup>37</sup> Jesu yahrtiri usāre:

—Wese upuro quehnoañe pjerire oteriquiro yero saha iĵiaja yahu. Yahu masu Cohācĵū ohorigu iĵiaja. <sup>38</sup> Wese pehe ahri yehpa yero saha ijire.

Quehnoañe pjeri pihniñe ʘhmʘse cǰāno pʘhtoro ijiropʘ ijiatiquina yero saha ijire. Taa pehe watino yequina yero saha ijire. <sup>39</sup> Wese uparore ihña tuhtiriquiro saare oteriquiro watino yero saha ijire. Tire nedi pje pihtiri deco yero saha ijire. Sa ye trigore neñequina angele yero saha ijire. <sup>40</sup> Taare tiquina cure ʘjǰariro saha pihtiri deco ijjǰu watino yequinare pecarʘ cohāeta tiquinare. <sup>41</sup> Yʘhʘ masʘ Cohācǰū ohorigu yequina angelere ohogʘtǰa. Yʘhʘ ohogū angele pehe ñañene ye dutiyequinare, ñañene yeyequinare yʘhʘ pʘhtoro ijiropʘ neañeta. <sup>42</sup> Ne sa tuhasa pecarʘ cohāeta tiquinare. Topʘ tiquina tutuaro uti, bʘjʘa witiye mehna bahque dihoeta. <sup>43</sup> Sa ye Cohācǰū yequina tiquina Pacaro tiquiro pʘhtoro ijiropʘ ijieta. Topʘ ijiye, asū deco cǰāno yero saha quehnoano buhrioeta tiquina. Ahrire quehnoano tʘhoya mʘsa, ni yahuri Jesu.

*Quehnoa yʘhdʘyere tiquiro nʘorire tiquiro bocari queoyere yahuahye*

<sup>44</sup> Sa ye apeye queoye mehna yahuri tǰa:

—ʘhmʘse cǰāno tiquiro pʘhtoro ijiye niñeru tiquiro nʘori yero saha ijire. Masano tire wesepʘ wacūeno mehna boca, pari turi tire nʘo nemoahye. Sa bocaro tutuaro bucueahye tiquiro. Sa yero tiquiro bocarire neno taro, ti wesere dú duahye. Sa yero tiquiro yere dua peho, ti wesere dúahye, ni yahuri Jesu. (Sa nino ohō saha nino niahye. ʘhmʘse cǰāno tiquiro pʘhtoro ijiye tiquiro bocari yero saha ijire. Tiquiro bocarire tiquiro tutuaro cahmediro sahata ʘhmʘse cǰānore masa pʘhtorore tiquina masidi bato masa tutuaro cahmene tiquirore.)

*Wapa bʘjʘari pje queoyere yahuahye*

<sup>45</sup> Sa ye apeye queoye mehna yahuri tǰa:

—ʘhmʘse cǰāno tiquiro pʘhtoro ijiye wapa bʘjʘaye pjerire perla wame tiye pjerire dúriquiro yero saha ijire. <sup>46</sup> Ti pjerire macano quehnoa yʘhdʘari pjerire bocahye. Bocaro, ti pjere dú duaro, ijiptiye tiquiro yere dua pehoru wahahye. Sa dua tuhasa ti pjere wapa bʘjʘari pjere dúahye, nidi Jesu. (Sa nino ohō saha nino niahye. Ti pjere perla pjere tiquiro cahmediro sahata ʘhmʘse cǰānore masa pʘhtorore quehnoano tiquina masidi bato masa tutuaro cahmene tiquirore.)

*Wēñanʘ queoyere yahuahye*

<sup>47</sup> Sa ye apeye queoye mehna Jesu yahuri tǰa:

—ʘhmʘse cǰāno tiquiro pʘhtoro ijiye wēñanʘ tiquina doque ñodʘ yero saha ijire. Tʘ wēñanʘ mehna peyequina wahi sǰoro saha ijiyequinare ñehene. <sup>48</sup> Tʘ wahpaa wahagū wahi wejēñequina pehe tʘre padʘropʘ weje nʘjʘa, quehnoañequina wahire besere. Quehnoañequinare tiquina pʘhasepʘ bese saǰāre. Ñañequina wahire cohāre. <sup>49</sup> Pihtiri deco ijjǰu ohō saha ijirota. Angele pehe masare beseeta. Ñañequinare ne wioeta quehnoañequina caharʘ ijiyequinare. <sup>50</sup> Ne wio, tiquinare pecarʘ cohāeta. Topʘ tiquina uti, tutuaro bʘjʘa witiye mehna upiri bahque dihoeta ñañequina pehe, ni yahuri Jesu.

*Mʘna buheyere, wahma buheye gʘhʘre yahuahye*

<sup>51</sup> Tiquiro sa ni yahuri bato sinituri asāre:

—ǰAhri ijiptiyere tʘhoajari mʘsa? ni sinituri tiquiro.

—Tʘhoaja usā, ni yʘhtii usā.

<sup>52</sup> ʘsā sa nigū tiquiro yahuri asāre:

—Judio masare buheyequina ʘhmʘse cǰāno tiquiro pʘhtoro ijiyere buheye, pʘaro buheyere yahure. Mʘna buheyere, wahma buheye gʘhʘre yahure. Tiquina wʘhʘ uparo yero saha ijire. Tiquiro wʘhʘpʘ ijiyere

quehnoañene ne wioro, wahmare, muna gāhare ne wiore tiquiro, nidi Jesu usāre.

*Jesu Nazarep# wahahye*  
(Mr 6.1-6; Lc 4.16-30)

<sup>53</sup> Ti queoyere tiquiro buheri bato, waha# usā tiquiro mehna. <sup>54</sup> Waha, tiquiro masari macap# esa#. Top# esa, judio masa mari buheye wuhusep# buheri tiquiro. Tiquiro sa buheg# tahoye, taho maria wahari tiquina.

—¿Ahriquiroy nohor# tahoyari ahri buheye? ¿Duhsero quehnoano masi pehoajari tiquiro? Cohācj# tutuaye mehna ye ihñore tiquiro basi. <sup>55</sup> Ahriquiroy taboa dahrariquiroy macano ijire. Sa ye tiquiro pacoro María ijire. Sa ye Santiago, José, Simo, Juda, tiquiro bahana ijire. <sup>56</sup> Yojop#re tiquiro bahana numia ahri macap# ijire. Sa yero tiquiro mari yero saha ijiriquiro ijire. ¿Sa ijieperota nohor# tahoyari tiquiro ahri buheye? ni yahuducuri tiquina basi.

<sup>57</sup> Sa ye tiquina tiquirore cahmedari. Tiquina sa cahmedag# ihñano ohō saha nidi Jesu tiquinare:

—Cohācj# yere yahu mahtariquiroyre apequina ño peore. Tiquina sa ño peoep#g#ta tiquiro ya maca cj#na, tiquiro acaye tiquirore ño peorare. Sa yena yuhare ño peorare m#sa ohōp# yuh# masarig# ijig#, nidi tiquiro tiquinare.

<sup>58</sup> Sa yero tiquirore tiquina wac# tutuerag# ihñano, ti macap# Cohācj# tutuaye mehna peye tahari ye ihñoadari Jesu.

## 14

*Ñu wame yeriquiro m#n#ano yariarire yahuahye*  
(Mr 6.14-29; Lc 9.7-9)

<sup>1</sup> Ti pjere Herode Galilea cj#ano p#htoro Jesu yerire tahooahye. <sup>2</sup> Sa t#hooro ohō saha nimahye:

—Ñu wame yeriquiro ijiaga masatji#ano. Sa yero yojop#re tiquiro masari bato ahri tutuayer# c#ore tiquiro bajumehneñene yero, nimahye Herode tiquiro cahacj#nare. Jesure “Ñuta ijire”, ni tahotumahye tiquiro Ñure tiquina wej#di bato.

<sup>3-5</sup> Sa yero Ñure tiquiro wej# dutiatio pano Herode tiquiro baharo Felipe namonore namo tiahye. Tiquiro sa yeg# ihñano Ñu wame yeriquiro Herode pehere ohō saha nie timahye:

—Muh# bah# namonore namo tig# Cohācj# dutiyere yuhd#dcag# nine mah#, nie timahye Ñu.

Tiquiro sa nidi buhiri Herode tiquirore wej# duamahye. “Ñu Cohācj# yere yahu mahtariquiroy ijire”, ni tahoturi judio masa”, nino, tiquina pehere cueahye Herode. “Ñure yuh# wej#g# tiquina usuaboaga”, nino tiquinare cueahye. Sa cuero Ñure wej# dueramahye. Sa wej# dueraperota Herode tiquirore ñehe dahte duti, peresu yeahye. Tiquiro namono Herodia dutiro mehna sa yeahye Herode. <sup>6</sup> Sa ye Herode masa bajuari deco ijig# bosc deco yeahye tiquiro. Top# Herodia macono bosc deco wihyequina tiquina ihñonop# basa ihñoahe. Ticoro sa basa ihñog# ihñano Herode bucueahye. Sa bucuero ticorore niahye:

<sup>7</sup>—Cohācj# mehna poto niita niaja. Yuhare mah# sinino punota ohog#tja yuh# mahare, niahye Herode pehe Herodia maconore.

<sup>8</sup> Tiquiro sa nigū tūhoro Herodia ticoro maconore ticoro siniatire yahuahye ticorore. Ticoro sa yahugū ticoro macono pehe ohō saha ni siniahye Herodere.

—Ñu wame yeriquiro dapure date sure dutiya. Sa yegu waparo mehna tiquiro dapure ohoya yūhure, niahye ticoro.

<sup>9</sup> Ticoro sa nigū tūhoro Herode tutuaro bujña witiahye. Masa tiquina ihñonopu “Ohogutja mūhare”, niahye tiquiro. Sa yero tiquiro bæ tiro “Mūhare ohoeraja”, ni masiedahye ticorore. Sa yero ticoro dutiriro sahata Herode pehe tiquiro cahacjēnare Ñure wejē dutiahye. <sup>10</sup> Sa yero Ñu dapure date sure dutiahye. <sup>11</sup> Sa date sure tuhasa, waparo mehna tiquiro dapure ne cāhtahye tiquina. Herodia maconore tiquiro dapure tiquina ohogū, ticoro pehe ticoro pacorore yūhdūoahye tja.

<sup>12</sup> Tiquina sa yeri bato Ñu buhयेquina ahta, tiquiro pagare masa copepu nea cūahye. Sa cū tuhasa, tiquina tire Jesure yahuye wihiri.

### *Cinco mil masare ihyaye ohoahye Jesu*

*(Mr 6.30-44; Lc 9.10-17; Jn 6.1-14)*

<sup>13</sup> Tiquina sa ni yahugū tūhoro, Jesu usā mehna yucūsapu sajā, masa marienopu siho wahari. Jesu topu wahagū tūhoye, masa tiquina ye macaripu ijiriquina ahta, mahapu tiquirore nūnu tā cāa wahari. <sup>14</sup> Sa yero usā wahā sari bato tiquiro peyēquina masare ihñano, paja ihñari tiquinare. Sa paja ihñano tiquina mehna cjēna dohatiyequinare yūhdugū yeri. <sup>15</sup> Ñamicahapu usā tiquiro buhena tiquirore ohō saha ni:

—Ñamicahapu waharo nine. Ohō masa marienopu ijire. Sa yegu macaripu masare tiquina ihyatire dú dutiya tiquina pohe tiatire, nimi usā tiquirore.

<sup>16</sup> Jesu yūhtiri usāre:

—Wahaeracāhdo tiquina. Mūsa basita ihyayere ohoya tiquinare, nidi usāre.

<sup>17</sup> —Ihcā omope paca pā paca, wahi pūaro to punota ijire usāre, ni yūhtii usā.

<sup>18</sup> —Tire yūhure ne cāhtaya mūsa, nidi usāre.

<sup>19</sup> Tiquiro sa nigū tūhona nean usā. Usā ne sari bato taa bui masare tiquiro duji dutiri. Tiquina dujigū ihcā omope paca pā pacare, pūaro wahire ne, uhmasepu ihña mūo, Cohācjāre “Quehnoare”, nidi. Sa ninota pā pacare nuhano, usāre tiquiro buhenare ohori. Tiquiro sa ohogū usā pehe tire masare itii. <sup>20</sup> Sa ye ijipihtiyequina quehnoano ihya, yapi yūhdūa wahari. Tiquina yapi wehorire doce pūhuse waro ne cahmecoā, wahpo dapou usā tiquiro buhena. <sup>21</sup> Topu tire ihyariquina umua dihitarre queogū cinco mil umua ijiri. Numia, macanagā gāhu ijiri.

### *Jesu aco bui tiniahye*

*(Mr 6.45-52; Jn 6.16-21)*

<sup>22</sup> Came usāre tiquiro buhenare Jesu ditara ape sie pahrepu pehāyu dutiri masare tiquiro cohe tiri watoa. <sup>23</sup> Cohe ti tuhasa, cūhpū mūja, Cohācjāre sinino wahahye. Ñamine topu tiquiro ihcāquirola ijiahye. <sup>24</sup> Ti pjeta ditara decopu yucūsa mehna pehāducuna nimi usā. Wihnono tutuaro ahta, pahcōri bujūye wahcā, yucū sare quē sajāri. <sup>25</sup> Sa wahagū bohrea mūja tato pano Jesu aco bui tini cāhtari usā cahapu. <sup>26</sup> Usā cahapu tiquiro ahtagū ihñana cue ni usā. Sa cuena sañuducumi usā.

—Yariariquiro mūnāno pagu ijire, ni sañuducumi usā.

<sup>27</sup> Usā sa cuegū ihñano Jesu ohō saha nidi:

—Ne yūhure ihña cueracāhña. Yūhuta ijiaja, nidi usāre.

<sup>28</sup> Tiquiro sa nigū tuhoro Pedro nidi tiquirore:

—Puhto, potota mūhata ijigū, aco bui yūhure mūhū caharū ducu cā dutiya, nidi tiquiro.

<sup>29</sup>—Ahtaya, ni yūhtiri tiquiro pehe.

Tiquiro sa nigū Pedro yucū sare dijia, aco bui Jesu caharū ducu cāmedi.

<sup>30</sup> Wihnono tutuaro ahtagū ihñano cueri tiquiro. Sa cuero diha dijiaa wahamedi.

—Yūhure yedohoya puhto, ni sañuducuri tiquiro Jesure.

<sup>31</sup> Tiquiro sa nigūta tiquiro omocare ñehe,

—Mehenogā wacū tufuare mūhū yūhure. ¿Dahsegu yūhure wacū tutuera-jari mūhū? nidi tiquiro Pedrorre.

<sup>32</sup> Tiquiro sa nidi bato yucū sarū sajāri tiquina. Tiquina sa sajāri bato wihnono yūhdūa wahari. <sup>33</sup> Sa yena ūsā tiquiro buhena yucū sarū ijina Jesure ño peou.

—Potota mūhū Cohācjū macūta ijire, nii ūsā tiquirore.

### *Genesare cjēna dohatiyequinare yūhdūoahye Jesu*

(Mr 6.53-56)

<sup>34</sup> Sa yeri bato pehā, Genesare wame tiri yehparū esan. <sup>35</sup> To cjēna Jesure ihñā masidi. Sa masiñe tiquiro caharū ijieyequinare dohatiyequinare ne cāhta dutiri. Sa ye tiquina dohatiyequinare tiquiro caharū ne cāhtari.

<sup>36</sup>—Mūhū suhtiro dūhtū caha dihitare ūsāre ñehe tuhu dutiya, ni sinidi tiquina Jesure.

Sa ye tiquiro suhtirore ñehe tuhuriquinape topequinata quehnoa wahari.

## 15

### *Masa ñañequina wahagū yeyere yahuahye Jesu*

(Mr 7.1-23)

<sup>1</sup> Sa ye Jerusalē cjēna, fariseo masa, marine judio masare buheyequina mehna Jesu caharū wihiye, sinituri tiquirore:

<sup>2</sup>—¿Dahse ijiro boro mari acaye būsana mūnarū tiquina dutirire yerajari mūhū buheyequina pehe? Tiquina ihyato pano tiquina dutiriro sahata omo coserare, nidi tiquina Jesure.

<sup>3</sup> Jesu yūhtiri tiquinare:

—¿Dahse yena mari acaye panorū cjēna ye dutiye dihitare yena tana Cohācjū ye dutiye pehere yerajari mūsa pehe? <sup>4</sup> Ohō saha nine Cohācjū: “Mūsa pacūsumūare ño peoya”, nine. Sa yero “Ihcāquiro tiquiro pacūsumūare ñañene quitī dahreriquiro ijiro ti buhiri arequina tiquina wejēatiquiro ijirota”, nine Cohācjū. <sup>5</sup> Tiquiro sa niepegūta ohō saha ye dutire mūsa pehe tiquina pacūsumūare yedoho dutierana: Tiquina pacūsumūare ohoborire Cohācjū pehere oho dutire mūsa. Sa ni buhemene mūsa. <sup>6</sup> Sa buhena tiquina pacūsumūare ño peogū yerare mūsa. Mūsa sa yena Cohācjū dutiyere yūhdūdcana nine mūsa, mari acaye panorū cjēna ye dutiye dihitare yena. <sup>7</sup> Masa tiquina ihñono dihita quehnoano iji mehona ijire mūsa. Cohācjū yere yahu mūhtariquiro Isaia mū sare potota yahu ojoahye panorūre:

<sup>8</sup> Ahriquina masa yūhure quehnoano yahuducerpeta yūhure ne ño peoerare.

<sup>9</sup> Sa ye yūhure tiquina ñu buheye ne dahseati ijierare. “Cohācjū ye dutiye ijire ahri”, ni meho buhere tiquina ye buheye pehere, ni ojoahye Isaia, nidi Jesu fariseo masare, mari judio masare buheye-quina gūhare.

<sup>10</sup> Sa ni tuhasa tiquiro caharū masare pijio, ohō saha nidi:

11 —Tuhoya musa. Yuhū niñene quehnoano masiña musa. Musa duserire sajañe pehe musa ihyaye pehe masare ñana ijigū yerare. Musa ñañe yahuducuye pehe musa duseri wijiaye pehe masare ñana ijigū yere, nidi Jesu.

12 Tiquiro sa ni buheri bato usā tiquiro buhena pehe tiquirore yahuu.

—Muhū sa nigū tuhoye fariseo masa usuari, ni yahuu usā tiquirore.

13 TIRE tuhō, ohō saha ni yuhtiri usāre:

—Tiquina fariseo masa taa yero saha ijire. Yuhū Pacu uhmuse cjeño ijipihitiye oteyere tiquiro oterarire nuhcori mehnata cure, cohānota. Sata yerōta tiquinare. 14 Tiquinare sa ihña cāhña musa. Tiquina caperi bajueyequina tiquina ihña masiedaro saha ne Cohācjū yere masiedare. Sa ye pecarū wahaeta. Sa masiedapeta apequina masieñequinare buhe duamedī. Sa ye caperi bajueyequina coperu tiquina boraboriro saha tiquina buhenohriquina gūhū pecarū wahaeta, nidi Jesu.

15 Tiquiro sa nigū tuhoro Pedro nidi:

—Ahri quitire masa tiquina duseri wijiaye quitire yahu nemoña usāre tja, nidi tiquiro Jesure.

16 Jesu yuhtiri:

—¿Ne, vojopu tuhoerajari musa? 17 Masa ihyayere ihyagū tiquina duseripu sajarē. Sa ye tiquina paaru saja, yuhduā wahare. Ihyo waro ijire. Mari ihyaye marine ñana wahagū yerare. ¿Ahrirē masiedajari musa? 18 Masa duseripu wijiaye, tiquina yahuducuye pehe tiquina tuhotuyeru ahtare. Tiquina yahuducuye pehe ñañe ijiro, masare ñañequina ijigū yere. 19 Ñañe tuhotuye, masare wejēñe, apeqiro namono mehna ñano yeye, ñano yeye numia mehna ñano yeye, yaqueye, ni mehoñe, masare ñañe quiti dahreye masa tuhotuyeru ahtare. 20 Ti ñañe pehe masare ñañequina ijigū yere. Sa yepēgūta bucūna yee tiri sahata masa omo coserapeta tiquina ihyagū ti masare ñañequina ijigū yerare, nidi Jesu.

### *Judio masono ijericoro Jesure wacū tutuahye* (Mr 7.24-30)

21 Sa ni buhe tuhasa, usāre siho wahari tja. Tiro wame tiri maca caharu Sidō wame tiri maca caharu esau usā. 22 Usā toru esagū Canaa yehpa cjeño toru ijiricoro Jesu caharu esa, sañuducuri:

—Puhto, Davi panami iji turiagu masare yuhduoacju, yuhare paja ihñañā muhū. Yuhū maco watinore cuoro, ña yuhduaro yuhduari ticoro, ni sañuducuri ticoro.

23 Ticoro sa niepegūta Jesu yuhtierari. Sa yegū ihñana usā tiquiro buhena pehe tiquirore ohō saha nimi.

—Waha dutiaye ticorore. Ñano cariboro bisiaga, nimi usā.

24 Usā sa nigū tuhoro yuhtiri ticorore:

—Israe masare Cohācjūre masieñequina dihitare yedoho dutiro ohori yuhū Pacu yuhare, nidi tiquiro.

25 Tiquiro sa niepegūta Jesu dahrocāri caharu dusepe curi mehna quehe sari ticoro.

—Puhto, yedohoya yuhare, nidi ticoro.

26 Jesu yuhtiri ticorore.

—Ohō saha ijire ahri: Coā warore wuhū upuro pohne ye ihyayere diayeare oho muhtagū quehnoaedare. Israe masa yere ape yehpa cjenare yuhū oho muhtagū quehnoaedare, nidi Jesu ticorore queoye mehna yahuro.

27 —Sata ijire puhto. Sa ijepegūta diayeā gūhū wuhū upuro mesa docaru tiquina ihya site boroyere ihya cohtere tiquina gūhū. Ape yehpa cje yuhū ijepegūta yuhū gūhare yedoho masine muhū, ni yuhtiri ticoro.

<sup>28</sup> Ticoro sa nigū tiquiro yəhtiri:

—Numio, mahu yuhare tutuaro wacū tutuare. Mahu cahmeno sahata sa waharota, nidi Jesu ticorore.

Tiquiro sa nigūta duita quehnoa wahari ticoro macono.

### *Peyequina dohatiyequinare yəhdugū yeahye Jesu*

<sup>29</sup> Sa ni tuhasa usāre siho waha, Galilea wame tiri ditara dāhtu cahapū siho esari tja. Esa, mehenagā cunare maja, tu buipū dujiri. <sup>30</sup> Topū tiquiro ijigū peyequina masa tini masieñequinare, caperi bajueyequinare, pari yuri wahayequinare, yahuducu masieñequinare, peyequina apequina dohatiyequinare tiquiro cahapū ne wihiri masa. Ne wihi tuhasa Jesu dahpocāri cahapū duhu cūri tiquina. Tiquina sa duhu cūri bato quehnoa wahagū yeri Jesu tiquinare. <sup>31</sup> Tiquiro sa yegū ihñañe masa ihña maria wahari. Yahuducu masieñequina tiquina yahuducugū ihñañe, pari yuri wahayequina tiquina quehnoa wahagū ihñañe, tini masieñequina tiquina tinigū ihñañe, caperi bajueyequina tiquina ihñagū ihñañe, ihña maria wahari tiquina. Sa ye ohō saha nidi:

—Israe masa usā puhto, Cohācjū tutuagū, quehnoagū ijire, ni ño peori tiquina Cohācjūre.

### *Cuatro mil masare ihyayere ohoahye Jesu*

*(Mr 8.1-10)*

<sup>32</sup> Tiquiro sa yeri bato Jesu usāre tiquiro buhenare ohō saha nidi:

—Ahriquina masa yahu mehna ihtia deco waro iji tuhasare. Sa ye pohe mariedare tiquinare. Pohe mariedagū ihñagū tiquinare paja ihñaja. “Tiquina huja ahbayequina, mahapū borari”, nigū tiquinare ihyaye marieno tiquina ye wuhusepū waha duti dueraja. Sa yegū tiquinare pohe oho duaja, nidi tiquiro.

<sup>33</sup> Tiquiro sa nigū usā tiquiro buhena tiquirore sinituu:

—¿Duhse mari ohōre masa marienopare pāre boca ohoboagari mari? nii usā tiquirore.

<sup>34</sup> —¿Nohope paca pā pacare cūojari masa? nidi.

—Siete pā pacare, meheñequinagā wahire cūoja, ni yəhtii usā.

<sup>35</sup> Usā sa nigū tiquiro masare yehrapū duji dutiri. <sup>36</sup> Tuhasa siete pā pacare, wahigā gūhure ne, Cohācjūre “Quehnoare”, nidi. Sa ninota pā pacare nuha, usāre tiquiro buhenare ohori. Sa yena usā pehe ti ihyayere masare itii. <sup>37</sup> Sa ye masa tire ihya, yapi yəhdūa wahari. Tiquina yapi wehorire siete puhuse waro ne cahmecoa, wahpo dapou usā. <sup>38</sup> Topū ihyariquinare amua dihitare queogū cuatro mil waro amua ijiri. Numia, macanagā gūhū ijiri. <sup>39</sup> Tiquina sa ihya tuhasagū Jesu masare waha duti, yuchapū sajā, Magadān wame tiri yehrapū usāre siho esari.

## 16

*Fariseo masa, saduceo masa gūhū Cohācjū tutuaye mehna ye ihñogū ihña duamahye*

*(Mr 8.11-13; Lc 12.54-56)*

<sup>1</sup> Sa ye fariseo masa, saduceo masa mehna Jesu cahapū wihiri. Tiquiro ñano yegū ihña duamedi tiquirore yahusā duaye. Sa ye tiquina tiquirore Cohācjū tutuaye mehna ye ihño dutimedi tiquiro masiedagū ihña duaye, “Cohācjū ohoriquiro ijierare”, ni duaye. <sup>2</sup> Tiquina sa ye dutigū Jesu yəhtiri tiquinare:



—Ñamicahapu umuano sohāgū ihñana “Quehnoari ñami ijirota”, nine masa. <sup>3</sup> Sa yena bohrearo umuano sohāgū, ñicuri deco ijigū ihñana “Acoro ahtarota”, nine masa. Sa quehnoano masiepenata Cohācjū tutuaye mehna masare yuhu ye ihñogū ihñae penata ne tire quehnoano masiedare masa. <sup>4</sup> Yojoṛu cǵēna ña yuhduyequina Cohācjūre ño peo dueyequina Cohācjū tutuaye mehna ye ihñogū ihñā duamene. Ye ihñosi yuhu. Cohācjū yere yahu mahtariquiṛo Jona tiquiṛo duhse waharire masi tuhasare masa. Ti dihitare ihñoutja masare, ni yuhtiri Jesu.

Sa ni yahu tuhasa siho wahaa wahari tja.

*Fariseo masa saduceo masa tiquina ñañe buheyere yahuahye Jesu (Mr 8.14-21)*

<sup>5</sup> Ditarare usā pehāna, pāre bo cū cā, pehā tari jii usā. <sup>6</sup> Sa yero Jesu usāre yahuri:

—Quehnoano yeya. Fariseo masa, saduceo masa tiquina ye pā pugū yeyere ihñana quehnoano yeya. Cuarīne ti, ni yahuri.

<sup>7</sup> Tiquiṛo sa nigū tuhona tuho masiedana, usā basi tire yahuducuu:

—Mari pāre mari ne cāhtaeragū ihñano sa niaga ahriquiṛo, nimi usā basi.

<sup>8</sup> Usā sa nidire masino, usāre sinituri:

—¿Duhse na masa pā borire wacūajari masa? Mehenogā waro yuhure wacū tutuare masa. <sup>9</sup> ¿Yojoṛu masiedajari masa? ¿Cinco mil amuare ihcā omope pā pacare yuhu nuha ohorire, numia gūhure yuhu ohorire wacūedagari masa? ¿Nohope puhuse waro masa ne cahmecoa wahpo daporire wacūedagari masa?

<sup>10</sup> ¿Sa yegu siete pā pacare nuha, cuatro mil amuare yuhu ohorire, numia gūhure yuhu ohorire wacūedagari masa? ¿Nohope puhuse waro masa ne cahmecoa wahpo daporire wacūedagari masa? <sup>11</sup> ¿Sa yena pā pugū yeyere yuhu yahugū duhse yena quehnoano tuhoerajari masa? Sa nigū pā warore nigū niedaja. Fariseo masa, saduceo masa tiquina pā pugū yeyere ihñana quehnoano yeya. Cuarīne ti, ni yahuri usāre tiquiṛo.

<sup>12</sup> Tiquiṛo sa ni yahugūpū usā masii. “Pā pugū yeye”, nino pā warore nino niedari. Sa nino fariseo masa, saduceo masa tiquina buheyere nino nidi. “Tiquina ye buheyere tuhoeracāhña”, nino nidi.

*Jesu poto Cristo tiquiṛo ijiyere Cohācjū ohoriquiṛo tiquiṛo ijiyere yahuahye Pedro*

*(Mr 8.27-30; Lc 9.18-21)*

<sup>13</sup> Sa ye Jesu mehna wahana, Cesarea Filipino wame tiri maca cahapu ijiye macaripū esau usā. Sa yero macapū sajā sari bato Jesu usāre tiquiṛo buhenare sinituri:

—¿Noa boro ijiagari yuhu, masa yuhure tiquina tuhotugū? ni sinituri tiquiṛo.

<sup>14</sup> —“Ñu wame yeriquiṛo ijire”, nine muhure. Apequina “Elia ijire”, nine. Apequina “Jeremia ijiṛoaga o apequiṛo Cohācjū yere yahu mahtariquina mehna cǵēno munano ijiṛoaga”, nine, ni yuhtii usā tiquiṛore.

<sup>15</sup> —¿Masa pehe masa tuhotugū noa boro ijiagari yuhu? ni, sinituri tiquiṛo.

<sup>16</sup> Simo Pedro yuhtiri:

—Muhu Cristo Cohācjū ohorigū ijire. Cohācjū catiriquiṛo waro macū ijire muhu, ni yuhtiri Simo Pedro.

<sup>17</sup> —Simo Ñu macū muhu bucuegu ijire. Ohō saha ni muhu yuhure yuhtiyē masa tiquina yahuri ijierare. Yuhu Pacū umhuse cǵēno pehe tire muhure masigū yeri. <sup>18</sup> Muhure niita niaja. Muhū Pedro wame tigū ijire. (Pedro nino atā nino nine.) Ahri atā paa bui tutuari wuhure yuhu yeboriro saha yeequina



pehere wacū tutuayequina ijigū yeitja yuhū. Sa ye yeequina ne pecarū wahasi. <sup>19</sup> Ʋhmase cjāno mari pūhtoro ijiro cjā sawire mahūre ohoutja. Sa yegū ahri yehpare mahū ye dutieragū Ʋhmasepū gūhūre ye dutisi. Ahri yehpare mahū ye dutigū Ʋhmasepū gūhūre ye dutiye ijeta, nidi Jesu.

<sup>20</sup> Tiquiro sa nidi bato ʼsāre tiquiro buhenare ohō saha nidi:

—Yuhūre “Cristo ijire tiquiro”, ni yahu sitenedacāhña apeqinare, ni, dutiri ʼsāre.

### *Jesu tiquiro yaria masa wijiatire yahuahye*

(Mr 8.31–9.1; Lc 9.22-27)

<sup>21</sup> Ti pjeta Jesu ʼsāre tiquiro buhenare quehnoano yahu peho dūcari:

—Jerusalēpū yuhūre waharo cahmene yojopure. Topū judio masa mari bācuna, mari pahia pūhtoa, marine judio masare buheyequina gūhū yuhūre űano yeeta. Yuhūre wejēeta. Sata űano yūhdaro cahmenē yuhūre. Sa yegū ihtia deco wahaboro masa wijagata, ni yahuri ʼsāre tiquiro.

<sup>22</sup> Tiquiro sa nigū tuhoro Pedro pehe ape sie cjūnogā Jesure ne sadūca, tiquirore ohō saha nidi:

—Pūhto, mahū nino saha sa wahaeracāhdo. Mūhūre tiquina wejēdacāhdo, nimesi tiquiro Jesure.

<sup>23</sup> Tiquiro sa nigū tuhoro Jesu majaredūca, tiquirore ohō saha nidi:

—Safana yero saha yahuducugū nine mahū. Sa niedacāhña. Mahū tuhotuye masa ye ijire. Cohācjū ye ijierare. Sa yegū yuhū yeatire cahmota duare mahū, nidi Jesu Pedrore.

<sup>24</sup> Tiquiro sa nidi bato ʼsāre yahuri:

—Ihcāquiro yaquiro iji duaro, tiquiro cahmeno ye duamedire duhu cānota. Sa yero yaquiro tiquiro ijiri buhiri űano yūhdūeperota yuhūre duhusi. Sa yero yeere yeducuriquiro ijirota. <sup>25</sup> Masūno yuhūre wacūno marieno tiquiro esa tuhoro tiquiro cahmeno sahata yero, pecarū waharota. Sa yero yeere masūno sa yeducuriquiro ijipihtiye decori yuhū mehna Ʋhmasepū ijirota tiquiro. <sup>26</sup> Ihcāquiro masūno ahri yehpa cjēne ijipihtiyere cūoriquiro Cohācjūre cahmedaro pecarū waharo, yabere wapatajari tiquiro? Sa ijiriquiro ne wapataerare. Pecarū tiquiro jeripohna wahagū ne dhse wapa ye wiro basioerare. <sup>27</sup> Yuhū masū Cohācjū ohorigū yeequina angele mehna ahri yehparū tojoa tagū yuhū Pacū asi siteye mehna tojoa tagū ijipihtiyequina masare tiquina űaűe yeri buhiri buhiri dahreitja. Tiquina quehnoaűe pehere yegū quehnoano yeitja tiquinare. <sup>28</sup> Ijirota mū sare yahutja. Ihgūequina mūsa ohōpūre ijina mūsa yariato pano yuhūre yuhū pūhto sajāgū ihűanata, ni yahuri Jesu.

## 17

### *Jesu tiquiro pagūre comesahye*

(Mr 9.2-13; Lc 9.28-36)

<sup>1</sup> Sa ye seis decori bato Jesu Pedrore, Santiagore tiquiro bahūro űū gūhūre Ʋhmānāpū cūnarū tiquina dihitare piji mūjari. <sup>2</sup> Ʋhmānāpū tiquina esari bato tiquina ihűāpōrū tiquiro pagūre comesahye. Tiquiro wūhdōa asū deco cjāno yero saha asi siteahye. Sa yero tiquiro suhtiro buhrioro yero saha yehsero wahahye. <sup>3</sup> Sa ye Jesu Moise mūnāno, Elia mūnāno mehna tiquina yahuducugū ihűahye tiquina ihtiaro buheyequina. <sup>4</sup> Sa yero Pedro Jesure nimahye:

—Pūhto, mari ohōpū ijigū quehnoa duare. Mahū cahmegū ihtia wūhūgā yeitja. Mahū ya wūhūgā, Moise ya wūhūgā, Elia ya wūhūgā yeitja, nimahye tiquiro.



masine m̄sa. [ 21 Sa ijiepeḡata ahriquiroy boro watĩnore m̄sa coh̄a duana Coh̄ac̄jũre tutuaro sinino cahmene m̄sare. Sa ye duana sijiro cahmene m̄sare Coh̄ac̄jũre sinina tana,] nidi Jesu us̄are.

*Pari turi Jesu tiquiro yaria masa wijiatiye yahuahye*  
(Mr 9.30-32; Lc 9.43-45)

22 Sa ye Galilea yehpap̄u us̄a tiniḡũ, Jesu us̄are yahuri:

—Yũhũ masũ Coh̄ac̄jũ ohorigũ ijiaja. Masa yũhũre ñehe, apeq̄uina p̄re yũhũre ohoeta. 23 Sa tiquina ohori bato yũhũre wejẽeta. Sa tiquina wejẽgũ ihtia deco wahaboro masa wijiaḡata, ni yahuri tiquiro us̄are.

Tiquiro sa ni yahugũ tutuaro buj̄ua witi us̄a.

*Coh̄ac̄jũ wũhũ c̄jẽ wapare sinituahye apeq̄uina*

24 Sa yena Capernaup̄u saj̄a saḡũ, Coh̄ac̄jũ wũhũ c̄jẽ ijiatire wapa ne cohteyequina Pedro cahap̄u esa, tiquirore sinituahye.

—¿M̄sare buheriquiro Coh̄ac̄jũ wũhũ c̄jẽ wapa ijiatire wapa yeajari tiquiro? ni sinituahye tiquina.

25 —Wapa yere tiquiro, ni yahtiahye Pedro.

Tiquiro sa nidi bato wũhũp̄u tiquiro saj̄agũ Jesu sinitu mahtahye Pedroy:

—¿Simo d̄hse ni t̄hotuajari m̄hũ? ¿Ahri yehpa c̄jẽna p̄h̄toa yabequina pehere wapa neajari, m̄hũ t̄hotugũ? ¿Tiquina mehna c̄jẽnare wapa neajari? ¿O ape yehpa c̄jẽna pehere wapa neajari, m̄hũ t̄hotugũ? ni sinituahye tiquiro Pedroy.

26 —Ape yehpa c̄jẽna pehere wapa nene, ni yahtiahye Pedro.

Tiquiro sa nigũ Jesu yahuahye:

—Sa yero p̄h̄toro tiquiro ya yehpa c̄jẽnare wapa nedari. 27 Sa ijiepeḡata wapa ne cohteyequinare usuagũ ye dueraja mari. Sa yena wapa yenata. Ditarap̄u wahaya. Top̄u esa, yohyeri dare doque ñoña. Sa yegũ wahi m̄hũre ihyariquirore weje ñoña. Tiquiro d̄serop̄u niñeru cjoere bocaḡata m̄hũ. Ti cjoere queoro wapa tiri cjoere ijirota. Yũhũre, m̄hũ gũhũre Coh̄ac̄jũ wũhũ c̄jẽna tiquina wapa negũ quehnoano queoro esa tuharota ti cjoere. Ti cjoere bocagũ mari wapamonore wapa yegũ wahaya, niahye Jesu Pedroy.

## 18

*Jesu buheyequina tiquina mehna c̄jãnore p̄h̄to s̄o duamahye*  
(Mr 9.33-37; Lc 9.46-48)

1 Ti pjere us̄a tiquiro buhena Jesu cahap̄u esa, sinituu tiquirore:

—¿Uhm̄use c̄jãno p̄h̄toro ijirorp̄re us̄a mehna c̄jãno noa wahaboagari p̄h̄toro? ni sinituu us̄a.

2 Us̄a sa nigũ Jesu nijinoḡare pijio, tiquiroḡare us̄a caha duhu docori. Duhu doco tuhasa, us̄are nidi:

3 —Poto musare yahuḡutja. Ahriquina macanaḡa Coh̄ac̄jũre tiquina p̄h̄toro waro t̄hoture. Sa yena m̄sa gũhũ tiquina yero saha t̄hotuna, quehnoañene comesana, uhm̄use c̄jãno p̄h̄toro ijirorp̄re wahanata. Tiquina yero saha t̄hotuerana p̄h̄toro tiquiro ijirorp̄u wahasi m̄sa. 4 Sa yero uhm̄use c̄jãno p̄h̄toro ijirorp̄re sa t̄hotu c̄ariquiro ahriquiro nijinoḡa yero saha t̄hoturiquirota apeq̄uina bui p̄h̄toro wahare. 5 Sa yena yeere yena tana oh̄o saha ijieyequinaḡare cahmena, yũhũ gũhũre cahmene m̄sa, ni yahuri Jesu.

*Ñañene yegũ cuarĩne*  
(Mr 9.42-48; Lc 17.1-2)

6 Sa yero tiquinare yahu nemori:

—Ahriquirogā yero saha ijiriqiro yuh̄ure wacū tutuariquiogāre yahutja m̄sare. Apeqiro ahriquiogā yero saha ijiriqirore ñañene ye dutiro tiqiro ña yuh̄d̄uro yuh̄d̄urota. Tiquiro wam̄are pajiria ut̄are duhte yo, pajiri mar̄u tiqirore coh̄gū ñano wahaboaga tiqiro. Sa ijepegata ahriquiogā yero saha ijiriqirore ñañene ye dutiriqiro tiqiro pehe pajiri mar̄u tiquina coh̄riqiro yuh̄d̄uro ñano yuh̄d̄urota. <sup>7</sup> Masare ñañene yegū yeye ijire. Tire yeye ahri yehpa cjēna ñano yuh̄d̄ure. Ñañene yeducure masa. Tiquina sa yegū tiquinare ñañene yegū yeyequina pehe ña yuh̄d̄uro yuh̄d̄ureta.

<sup>8</sup> M̄h̄u omoca mehna ñano yegū ti omocare m̄h̄u d̄ate coh̄boro saha ti ñañene duhuya. Tire duhueragū pecar̄u wahagūta. Top̄ure ne peca yatierare. M̄h̄u omocare m̄h̄u coh̄gū ti si dihita butiboaga. Sa yegū m̄h̄u pehe sa bajuri turu ijepegata came Coh̄cj̄u mehna ijigūta. P̄na omoca mehna pecar̄u wahagū m̄h̄u sa wahagū ña yuh̄d̄uro. Sa yegū ti ñañene duhuya. M̄h̄u dahpocā mehna ñano yegū ti dahpocā gūh̄ure m̄h̄u d̄ate coh̄boro saha ti ñañene duhuya. Tire duhueragū pecar̄u wahagūta. Top̄ure ne peca yatierare. M̄h̄u dahpocāre m̄h̄u coh̄gū ti si dihita butiboaga. Sa yegū sa bajuri turu ijepegata came Coh̄cj̄u mehna ijigūta. P̄na dahpocā mehna pecar̄u wahagū m̄h̄u sa wahagū ña yuh̄d̄uro. Sa yegū ti ñañene duhuya. <sup>9</sup> M̄h̄u capea mehna ñano yegū tiare ore we m̄h̄u coh̄boro saha ti ñañene duhuya. Tire duhueragū pecar̄u wahagūta. Top̄ure ne peca yatierare. Tiare m̄h̄u coh̄gū tia dihita butiboaga. Ihcā pehe capea mariedapegata came Coh̄cj̄u mehna ijigūta. P̄na capea mehna pecar̄u wahagū m̄h̄u sa wahagū ña yuh̄d̄uro. Sa yegū ti ñañene duhuya, ni yahuri Jesu.

*Oveja butiriqiro queoyere yahuahye Jesu*  
(Lc 15.3-7)

<sup>10</sup> Sa ni tuhasa oh̄o saha ni yahu nemori:

—Ne, ahriquinagāre macanagāre ih̄ña tuhtieracāh̄ña. M̄sare niita niaja yuh̄u. Tiquinagā yeequina angele tiquinagāre cohteyequina uhm̄sepu ijiyequina pehe yuh̄u Pac̄u cahar̄u sa ijiducure. [ <sup>11</sup> Yuh̄u mas̄u Coh̄cj̄u ohorigū ahri yehpar̄u pecar̄u wahaboriqinare yuh̄d̄urogū t̄h̄u nii yuh̄u,] ni yahuri Jesu.

<sup>12</sup> Sa ni tuhasa tiqiro t̄hotuye mehna oh̄o saha ni queoye mehna buheri us̄are.

—Ovejare cohteriqiro cien ovejare c̄oriqiro ihcāqiro oveja butia wahagū oh̄o saha yerota tiquinare cohteriqiro pehe. Apequina ovejare noventa y nueve ovejare tiquina ihyarop̄u duhu doco, butiriqirore macano wahaota. <sup>13</sup> Ijirota nii niaja m̄sare. Tiquirore bocaro bucueroa tiqiro. Apequina noventa y nueve duhsayequina mehna bucueroa tiqiro. Tiquinare tiqiro bucueroa yuh̄d̄uro butiriqiro pehere bocaro tutuaro bucueroa.

<sup>14</sup> Sata mari Pac̄u uhm̄se cj̄ano ahriquina ihyo ijiyequina gūh̄ure pecar̄u tiquina wahagū cahmedare, ni yahuri Jesu.

*M̄h̄u acayuro m̄h̄ure ñano yegū oh̄o saha ye dutiahye Jesu*  
(Lc 17.3)

<sup>15</sup> Sa ni tuhasa oh̄o saha ni yahu nemori:

—M̄h̄u acayuro m̄h̄ure ñano tiqiro yegū tiqiro mehna yahugū waha. M̄sa seh̄saro tire yahuya. M̄h̄u sa yegū tiqiro m̄h̄ure t̄h̄oboaga. Tiquiro t̄h̄ogū “M̄h̄ure ne pari turi oh̄o saha yesi yuh̄u”, tiqiro nigū m̄h̄u acayurore pari turi piti tigū niaga m̄h̄u. <sup>16</sup> M̄h̄ure tiqiro t̄h̄o dueragū p̄rita ihcāqiro mehna waha duagu o p̄aro mehna waha duagu tiquinare piti ti cā, pari turi tiqirore yahuna waha. M̄sa sa yena p̄ana o ihtiana

tiquirore m̄sa yahusāgū, “Poto tjire”, ni masieta apequina. <sup>17</sup> Sa yena m̄h̄u mehna cjēna gūhare tiquiro t̄ho dueragū ijipihtiyequina Jesu yequina cahmecoañequinare yahusāna wahaya. Sa yena Jesu yequina cahmecoañequinare tiquiro t̄ho dueragū ihñana Cohācjüre ño peo dueriquiro tiquiro ijiro saha yeya tiquirore. Wapa ne cohteriquiro tiquiro ijiro saha yeya tiquirore.

<sup>18</sup> ‘Ijirota m̄sare niita niaja. Ahri yehpap̄u m̄sa Jesu yequina ñañene m̄sa ye dutieragū uhm̄sepeu gūhare ye dutisi. Ahri yehpap̄u m̄sa quehnoañene ye dutigū uhm̄sepeu gūhare ye dutiye ijirota.

<sup>19</sup> ‘Pari turi m̄sare yahutja ahrire: M̄sa p̄uana Cohācjüre sinigū, m̄sa p̄uana m̄sa sinidire ihcāno saha m̄sa t̄hotugū yūhu Pacu uhm̄se cjāno tire yerota. <sup>20</sup> P̄uaro o ihtiaro yeequina, yeere yeatiquina tiquina cahmecoagū yūhu tiquina mehna ijiaja, ni yahuri Jesu.

### *Cahacjāno apequiro tiquiro wapamonore tiquiro bo duerari quitire yahuahye Jesu*

<sup>21</sup> Came Pedro Jesu cahap̄u esa, sinituri:

—¿P̄ahto, yūhu acayuro m̄h̄u yaquiro peye tahari yūhare ñano tiquiro yegū ihñagu nohope tahari tire bogutari yūhu? ¿Siete tahari bogutari yūhu? ni sinituri Pedro.

<sup>22</sup> Jesu yūhtiri:

—Siete taharita m̄h̄ure apequiro ñano yerire m̄h̄u bogū to wahaerare. Peye tahari m̄h̄ure ñano tiquiro yegū gūhare boya.

<sup>23</sup> ‘Uhm̄se cjāno masa p̄ahtoro tiquiro ijiye ahri queoye yero saha ijire. Ijipihtiyequina masa p̄ahtoro tiquiro cahacjēnare tiquirore wapamoñequinare wapa ye peho duti duamahye. <sup>24</sup> Tiquina wapamorire tiquiro queo d̄cagū, tiquirore dahra cohteyequina pehe pajiro wapamoriqirore tiquiro cahap̄u ne cāhtahye. Wapamoriqirore paji yūhd̄uaro wapamoahye tiquiro p̄ahtoro. <sup>25</sup> Sa yero tiquiro wapa ye masiedagū tiquiro p̄ahtoro tiquirore, tiquiro namonore, tiquiro pohnene cahacjēna sō, tiquinare apequinare dua dutimahye. Sa ye ijipihtiye tiquiro c̄oye gūhare dua dutimahye, tiquiro wapamonore wapa ye peho dutiro. <sup>26</sup> Tiquiro sa dua dutigū pajiro wapamoriqirore pehe d̄sepe curi mehna quehe sa, tiquiro p̄ahtoro tutuaro siniahye: “P̄ahto, yūhare paja ihñagu cohteniña. M̄h̄ure wapa ye pehoutja”, niahye tiquiro p̄ahtoro. <sup>27</sup> Tiquiro sa nigū t̄horo, tiquirore paja ihñano tiquiro wapamonore sata bo cāhye.

<sup>28</sup> Tiquiro sa yeri bato wapamoriqirore pehe waha, apequiro cahacjānore tiquirore mehenogā wapamoriqirore boca sahye. Sa boca saro wam̄a ñehēahye tiquirore. “Yūhare m̄h̄u wapamonore wapa ye pehoya”, niahye tiquiro mehna cjānore tiquiro yero saha ijiriqirore cahacjānore. <sup>29</sup> Tiquiro sa nigū apequiro cahacjāno pehe d̄sepe curi mehna quehe sa, tiquirore tutuaro sinimahye. “Yūhare paja ihñagu mehenogā cohteniña. M̄h̄ure wapa ye pehoutja”, nimahye apequiro cahacjāno tiquirore. <sup>30</sup> Tiquiro sa ni siniepegūta yūhtierahye. Sa yero tiquiro apequiro cahacjānore peresu ye dutiahye. Tee tiquiro wapa ye pehogūp̄u wioro taro niahye tiquirore. <sup>31</sup> Pajiro wapamoriqirore mehenogā wapamoriqirore tiquiro sa yegū ihñā, usua, apequina cahacjēna pehe tiquina p̄ahtoro yahusāñe wahahye. <sup>32</sup> Tiquina sa ni yahusāgū t̄horo tiquina p̄ahtoro tiquina yahusāriqirore pijio, ohō saha niahye: “M̄h̄u ña yūhd̄uagu ijire. M̄h̄u yūhare tutuaro sinigū m̄h̄u wapamonore bo pehomi yūhu. <sup>33</sup> M̄h̄ure yūhu sa yepēgūta m̄h̄u pehe m̄h̄ure wapamoriqirore boerañohi. M̄h̄u wapamono pehere yūhu boriro sahata tiquirō m̄h̄ure wapamono gūhare m̄h̄u bogū quehnoa yūhd̄uaboaga. ¿D̄ahsegu tiquirore paja ihñedari m̄h̄u, sa yegu?” niahye p̄ahtoro tiquirore.

<sup>34</sup> Sa nino tutuaro usua, peresu yeahye tiqiro cahacjānore. Tee tiqiro wapa ye pehogūpū wioro taro niahye, ni yahuri Jesu.

<sup>35</sup> Sa yero ohō saha ni ahri quitire yahu bato tiri:

—Sata yerota yāhū Pacū ūhmūse cjanō mūsare. Mūsa ijipihina mūsa acaye mūsare tiqina űano yerire quehnoano mūsa bo pehoeragū tiqiro mūsare buhiri dahrerota, nidi Jesu.

## 19

*Tiqina namosānumiare cohāñene yahuahye Jesu*

*(Mr 10.1-12; Lc 16.18)*

<sup>1</sup> Tire tiqiro sa ni yahuri bato tiqiro Galileapū ijiriquiro Judea yehpapū ūsāre siho wahari. Jordā wame tiri ma ape sie pahrēpū esau ūsā. <sup>2</sup> Topū ūsā wahagū peyequina masa ūsāre nūnū tā cāri. Tiqina mehna cjenare dohatiyequinare yāhdūgū yeri tiqiro.

<sup>3</sup> Sa ye ihquēquina fariseo masa Jesure yahusā duaye, űano tiqiro yahudugū tūho duaye, tiqirore sinituri:

—¿Mari namosānumiare cohāgū quehnoaboagari? ¿Mari dutiye pehe sata ye dutiagari, māhū tūhotugū? ni sinituri tiqina.

<sup>4</sup> Jesu yāhtiri:

—¿Cohācjū yere tiqina ojoari pūpū ne ahrire buherari mūsa? Ohō saha ni ojoahye: “Coā waropūre ahri yehpare bajumehnediquiro ūmūno, numino gūhūre yeahye”, ni ojoahye. <sup>5</sup> Sa yero ohō saha ni oja nemoahye: “Sa yero ūmūno tiqiro pacūsmūare cohā wijia, tiqiro namono mehna ijirota. Sa ye tiqina pūaro ijiepetā ihcā pagū yero saha ijire. <sup>6</sup> Sa ye tiqina pūaro yero saha ijierare. Ihcā pagū yero saha ijieye nine. Cohācjū tiqiro omoca dūhte dutiyequina ijire. Sa ye tiqinare cahme duhueraro cahmene”, ni ojoahye, nidi Jesu tiqinare.

<sup>7</sup> Tiqiro sa nigū fariseo masa sinituri tja:

—Mūhū ohō saha ni yahuepegūta ohō saha ni ojoahye Moise pehe: “Mūhū namonore cohā duagū papera pūre tire ojoaya. Sa ojoagū ti pūre māhū namonore mūhū ohori bato ticorore cohā masine māhū”, ni ojoahye Moise. ¿Mūhū nino saha ijiepegūta Moise pehe dūhsero ohō saha ni ojoayari? ni yāhtiri tiqina tiqirore.

<sup>8</sup> Jesu yāhti cahmedi tiqinare:

—Cohācjūre mūsa űesūsmūa papopū cjenā tiqina tūho dueragū ihñano tiqina namosānumiare tiqina cohāgū, “Sata wahacūnahdo”, niahye Moise. Tiqiro sa niepegūta coā waropūre ahri yehpare sa ijierari. <sup>9</sup> Mūsare niita niāja. Masūno tiqiro namono ticoro űano yerapegūta ticorore cohāno, apesorore namo tiro, tiqiro apecoro mehna űano yero nine. [Sa yero ahriquiro cohāricorore namo tiriquiro gūhū ticoro mehna űano yeriquiro ijire,] nidi Jesu.

<sup>10</sup> Tiqina sa nigū tūhona, ūsā tiqiro buhena pehe tiqirore ohō saha nii:

—Sata ūmūno tiqiro namono mehna tiqina cahme cohāedagū mari pehere mari namo tieragū quehnoaboaga, nii ūsā.

<sup>11</sup> Jesu yāhtiri:

—Ihquēquinareta namo ti dutierare Cohācjū. Tiqiro namo ti dutiriquina dihita namo tieta. <sup>12</sup> Ūmūare namo ti dutieraye ihquēgā ijire. Ihquēquina ūmūa numiare cahmeeñequina masa bajuare. Apequina ūmūa masa tiqina apēni tōho tiqina weriquina pehe namo ti masiedare. Apequina ūmūa ūhmūse cjanō tiqina pūhtoro yere yedoho duaye, namo tierare. Sa ye ahriquina namo ti dueyequina sata tūhotu cāhñequina, sata tiqina sohtori tigū quehnoare, nidi Jesu ūsāre.

*Macanagã ye ijiatire Cohãcjãre sini basahye Jesu  
(Mr 10.13-16; Lc 18.15-17)*

<sup>13</sup> Sa ye masa macanagãre Jesu cahapũ ne wihiri. Sa ne wihye, tiquina Jesure tiqũro omocare tiquinagã bui ña peo duti duamede. Sa ye tiquinagãre Cohãcjãre sini basa duti duamede Jesure. Tiquina sa yegũ ihñana usã tiqũro buhena tiquinare tuhtimi. <sup>14</sup> Usã sa tuhtigũ ihñano, usãre Jesu ohõ saha nidi: —Macanagã yahũ cahapũ ahtaahro. “Waharĩsa”, niedacãhña tiquinagãre. Tiquinagã Cohãcjãre tiquina puhtoro tuhoture. Sa ye tiqũro umũse cjãno puhtoro ijiporũ ahriquinagã yero saha tuhotuyequina ijire topũre, nidi Jesu usãre.

<sup>15</sup> Sa ninota tiqũro omocare tiquinagã bui ña peo tuhasa, wahaa wahari.

*Doeri cjẽ upũro Jesure sinituahye  
(Mr 10.17-31; Lc 18.18-30)*

<sup>16</sup> Tiqũro sa yeri bato ihcãquiro Jesu cahapũ wihi, sinituri tiqũrore: —¿Ne quehnoagu buhegu, ijipihtye decori Cohãcjũ mehna iji duagu, quehnoañene ye duagu dahse yeboagari yahũ? nidi tiqũro.

<sup>17</sup> —¿Dahse ijiro boro yahũre quehnoañene sinituajari mũhũ? Cohãcjũ dihita quehnoariquiro ijire. Ijipihtye decori Cohãcjũ mehna iji duagu tiqũro dutiyere yeya, nidi Jesu.

<sup>18</sup> —¿Dise boro dutiye pehere nigũ niajari? ni sinitu nemori tiqũro.

Jesu yahũtiri:

—Masare wejẽdacãhña. Wuana tieracãhña. Yaqueracãhña. Ni mehoedacãhña. <sup>19</sup> Mũhũ pacũsumũare ño peoya. Mũhũ basi mũhũ cahĩno saha mũhũ cahapũ ijiriqũro gũhũre cahĩna. Ahri dutiyere yero cahmene, nidi Jesu.

<sup>20</sup> —Ahri dutiyere ne yahũduũcaera tii yahũ. ¿Dahse ye nemoagari yahũ ijipihtye decori Cohãcjũ mehna iji duagu? nidi tiqũro Jesure.

<sup>21</sup> Tiqũro sa nigũ tuhoro Jesu yahu nemori:

—Mũhũ ñañe mariegu iji duagu mũhũ ye ijipihtiyere duagu wahaya. Sa duagu ijipihtye mũhũ wapatarĩ niñerure pejesũoyequinare ohoya. Mũhũ sa yegũ pajiro mũhũ ye umũsepu, Cohãcjũ cahapũ ijirota. Mũhũ sa yeri bato yahũ mehna cjã ijigũ ahtaya, ni yahuri Jesu.

<sup>22</sup> Tiqũro sa nigũ tuhoro tutuaro bujũa witiri. Tiqũro doeri cjẽ upũro ijipihtye caoriqũro ijiri. Sa yero Jesu yahugũ tuhoro tutuaro bujũa witiri. Pejesũoyequinare oho dueraro wahaa wahari.

<sup>23</sup> Tiqũro sa wahari bato Jesu usãre tiqũro buhenare yahu nemori:

—Ijirota masare niita niaja. Doeri cjẽ upũro Cohãcjũ puhtoro ijiporũre tiqũrore waharo basioera cjũre. <sup>24</sup> Mũsare yahu nemoutja: Camello pehe awia coperu tiqũro sajã duagũ basioerare tiqũrore. Tiqũro sa ijiro yahũoro doeri cjẽ upũro Cohãcjũre cahmedaro, Cohãcjũ puhtoro ijiporũre waharo basioerare, nidi tiqũro.

<sup>25</sup> Tiqũro sa nigũ tuhona usã tuho maria waha, usã basi ohõ saha nii:

—Aa, dahse tiqũro nino sahata ijigũ, ne ihcãquiro masũno Cohãcjũ cahapũ waha masiedaboaga, nii usã basi.

<sup>26</sup> Usã sa nigũ Jesu usãre ihñano, yahuri:

—Masa tiquina esa tuhoro tiquina quehnoano yeri mehna Cohãcjũ cahapũ waha masiedare. Cohãcjũ pehe masare pecapu wahaboriquinare yahũno masine. Tiqũro ijipihtiyere quehnoano ye masi peho cãre, nidi tiqũro usãre.

<sup>27</sup> Tiqũro sa nigũ Pedro tiqũrore nidi:

—Tuhorĩña. Usã pehe usã ye ijipihtiyere cũ cãũ mũhũ mehna wahana tana. ¿Usã ohõ saha yena, dahse ijiyere wapatanatari usã? nidi tiqũro.



<sup>28</sup> Tiquiro sa nigū tūhoro ohō saha nidi Jesu:

—Mūsare niita niaja: Pihitiri deco bato ijipihtiye wahma dihita comesaeta. Ti pjeppure yūhū masū Cohācǵū ohorigū yūhū pūhtoro yūhū dujiropū asi siteropū dujiitja yūhū. Topū yūhū dujigū mūsa gūhū doce dujiye pahtaripū pūhtoa tiqūina dujiye pahtaripū dujinata. Sa yena Israe masare doce cururi cǵēnare besenata mūsa quehnoañequina gūhūre, ñañequina gūhūre. <sup>29</sup> Sa ye yeere yena tana mūsa wāhūserē, mūsa bahanare, mūsa pacusūmūare, mūsa pohñare, mūsa weserire cūrina ijina, pajiro wapatanata. Sa yena ijipihtiye decori Cohācǵū mehna ijinata. <sup>30</sup> Sa ijiepegūta yojopure peyequina pūhtoa ijiriqūina ti pjeppure ihyo ijiequina tojoaeta. Sa ye yojopure peyequina ihyo ijiequina ijimediquina ti pjeppure pūhtoa comesaeta, ni yahuri Jesu ūsāre tiquiro buhenare.

## 20

*Thse wesere dahrayequina queoyere yahuahye Jesu*

<sup>1</sup> Sa ye Jesu pari turi queoye mehna yahu nemori tja:

—Ūhmūse cǵāno masā pūhtoro ijire. Wese upūro queoye mehna tiquiro pūhtoro ijiyere yahutja mūsare. Tiquiro wese upūro bohrea quehagū tiquiro ya wesere dahratiquinare pijiro wahahye. <sup>2</sup> “Ihcā cǵoe niñeru cǵoe wapa yegūtja ihcā decorē”, niahye tiquinare. “Añ”, niahye dahratiquina. Tiquina sa nigū wesepū dahra dutiro ohoahye tiquiro tiquinare. <sup>3</sup> Sa yero decopū nueve ijigū doeri cǵē duaropū wahahye tiquiro. Topū esaro, apequina dahraeyequinare ihñahye. <sup>4</sup> Sa ihñano tiquinare niahye: “Mūsa gūhū ya wesere dahrana wahaya. Quehnoano wapa yegūtja”, niahye tiquiro. <sup>5</sup> Sa ye tiqūina wesepū dahraye wahahye. Sa ye wese upūro coheri pje ijigū, ñamicahapū tres ijigū gūhūre dahra dutiahye. <sup>6</sup> Sa ye ñamicahapū cinco ijigū doeri cǵē duaropū tiquiro wahahye tja. Topū esa, apequina dahraeyequinare ihñano, tiquinare niahye: “¿Mūsa dahse yena nijari dahraerapenata ohōpūre?” ni sinituahye tiquinare. <sup>7</sup> “Ne, ūsāre dahraye mariedare”, ni yahtiahye tiqūina. “Mūsa gūhū ya wesere dahrana wahaya”, niahye tiquinare. Sa ye tiquiro nidiro sahata tiquiro ya wesere dahraye wahahye.

<sup>8</sup> Sa ye ñamicahapū dahra duhuri pje ijigū wese upūro tiquiro dahrayequinare cohteriquirore ohō saha niahye: “Dahrayequinare pijiya. Tiquina wihigū tiquinare wapa yeya. Camepū yūhū dahra dutiriquinare wapa ye mūhtaña. Tiquinare wapa ye tuhasa, apequina gūhūre wapa ye tuhasa, yūhū dahra duti mūhtariquinare wapa ye bato tiya”, niahye tiquiro. <sup>9</sup> Sa yero cinco ijigū dahra dūcayequinare ihcā cǵoe niñeru cǵoe wapa yeahye. <sup>10</sup> Tiquiro sa wapa yegū ihñañe, “Ūsāre paji cǵūnogā wapa yerota”, ni tūhotumahye tiquiro duti mūhtariquina pehe. Tiquina gūhūre ihcāno saha wapa yeahye. <sup>11</sup> Sa ye niñerure tiquiro wapa yegū tiqūina pūhtoro mehna usuaye, tiqūina basi cahme niahye: <sup>12</sup> “Ahriqūina ūsā batopū tiquiro dahra dutiriquina pehe ihcā horata dahrari. Ūsā pehe ihcā deco quehnoano dahra nahñoa wahami. Ñano asū asiri ūsāre. Ūsā sa yoari pje dahraepēgūta ūsā batopū dahra dūcariqūina gūhūre ihcāno saha wapa yeri tiquiro”, ni usuahye tiqūina basi. <sup>13</sup> Ihcāquiro tiqūina mehna cǵāno tiquiro sa nigū tūhoro, wese upūro yahtiahye tiquirore: “Ne yūhū acayū, ‘Ihcā cǵoe niñeru cǵoere wapa yegūtja’, nimi mūsare. Yūhū sa nigū yahtiri mūsa. Sa yegū yūhū nidiro sahata mūsare wapa yei yūhū. Queoro wapa yei mūsare. Ne yaquerū mūsare. <sup>14</sup> Sa yegū yūhū wapa yerire ne, mūhū ya wāhūpū tojoarisa. Ahriquirore came yūhū dahra dutiriquiro gūhūre mūsare yūhū wapa yeriro punota wapa yegūtja. <sup>15</sup> Yee niñeru ijire ahri. Sa yegū yūhū

cahmeno sahata ahri mehna wapa yegutja. ¿Apequinare bui cjunogã yuhũ quehnoano wapa yegũ ihña tuhtiajari mũhũ?” niahye tiquiro wese upũro, ni yahuri ti queoyere Jesu.

<sup>16</sup> Sa nino, yahu nemori tiquiro:

—Ahri queoye nidiro saha came cjã curua iji mũhtari curua ijirota ahmũserũ. Sa ye iji mũhtari curua pehe tiquina camerũ cjã curua tojoarota ahmũserũ, ni yahuri Jesu.

*Pari turi Jesu tiquiro yaria masa wijiatire yahuahye  
(Mr 10.32-34; Lc 18.31-34)*

<sup>17</sup> Sa ye Jerusalẽrũ wahaducu, usãre doce tiquiro buhenare pijio tuhasa, ape sierũ usãre usã sehsaro neari Jesu. Usã sehsaro usã ijigũ usãre yahuri:

<sup>18</sup> —Tũhoya yũhũre. Yojoapũre Jerusalẽrũ wahana niaja mari. Topũ yũhũre masũre Cohãcjũ ohorigũre ñehe, apequinapũre yũhũre ohoeta. Pahia pũhtoare, judio masare buheyequina gũhũre yũhũre ohoeta. Sa ye yũhũre wejẽ dutieta tiquina. <sup>19</sup> Sa wejẽ dutiye, judio masa ijieyequinare yũhũre ohoeta. Tiquina sa ohori bato tiquina pehe yũhũre bujũpe, tana, curusapũ quẽ bihaeta yũhũre. Sa yegũ yũhũ yariari bato ihtia deco wahaboro masa wijiatũta, ni yahuri Jesu usãre.

*Santiago, Ñũ mehna tiquina pacoro pehe tiquinare sini basahye Jesure  
(Mr 10.35-45)*

<sup>20</sup> Sa ye Zebedeo namono pũaro ticoro pohne mehna Jesu cahapũ esa, dũsepe curi mehna quehe sahye tiquirore sinino taro.

<sup>21</sup> —¿Dũhse yũhũ yegũ cahmeajari mũhũ? niahye Jesu ticorore.

—Mũhũ pũhto sajãgũ yũhũ pohnare dutiyequina sũña. Sa yegũ mũhũ pũa peheripũ duji dutiya tiquinare, ni siniahye ticoro.

<sup>22</sup> Jesu ohõ saha niahye:

—Mũsa ñano yũhdũatire masiedapenata sa sinine mũsa. ¿Yojoapũre yũhũ ñano yũhdũato saha mũsa gũhũ ñano yũhdũana ihcãno sahaboagari mũsa? niahye Jesu ticoro pohnene.

—Ihcãno sahanata, ni yũhtiahye Santiago, Ñũ mehna.

<sup>23</sup> —Ijirota niita niaja mũsare. Yũhũ ñano yũhdũato saha ñano yũhdũnata mũsa gũhũ. Sa ijiepegũta yũhũ mehna dutiatiquinare, yũhũ mehna dujia-tiquinare bese masiedaja yũhũ. Yũhũ Pacũ pehe quehno tuhasari tire. Sa ye tiquiro beseatiquina dihita yũhũ poto pehe yũhũ cũ pehe pehe dujieta, niahye Jesu tiquinare.

<sup>24</sup> Sa yena usã apequina diez tiquiro buhena pehe Santiago, Ñũ ahriquina pũaro mehna usuau usã. Jesure tiquina pacoro ticoro sini basarire tahona usuau tiquina mehna. <sup>25</sup> Usã sa usuagũ ihñano, Jesu usãre ijipihtina tiquiro buhenare pijio cahmecoa, yahuri usãre:

—Cohãcjũre masieñequina pũhtoa pehe tiquina masare dutiye, usuaro mehna dutire. <sup>26</sup> Mũsa pehe ne sa yesi mũsa basi. Mũsa mehna cjũno pũhtoro iji duaro, ijipihtiequina tiquiro mehna cjẽna cahacjũno ijiro cahmene tiquirore. <sup>27</sup> Sa yero ijipihtiequinare dutiriquiro iji duaro, apequina cahacjũno ijiro cahmene tiquirore. <sup>28</sup> Sata ijigũ ijiaja yũhũ gũhũ. Yũhũ masũ Cohãcjũ ohorigũ ahri yehpapũre masare yedohogũ ahtaũ. Sa yegũ peyequina masa ye buhirire yariagũ ahtaũ nii. Sa yegũ masare pecapũ wahaboriquinare yũhdũogũ ahtaũ nii. Masare dutipegũ tagũ niedũ, nidi Jesu usãre.

*Pũaro caperi bajueyequinare ihñagũ yeahye Jesu  
(Mr 10.46-52; Lc 18.35-43)*

<sup>29</sup> Sa ye Jericóꝛꝛu ijjirina usã wahagū peyequina masa Jesure nꝛꝛu tãri. <sup>30</sup> Sa ye Jesu tiqiuo yuhduagū þuaro caperi bajueyequina maha duhtu caharu dujiyequina tuhori. Sa tuhoye, ohõ saha ni sañuducuri:

—Puhto, Davi mꝛꝛano panami iji turiagu, masare yuhduoacju, usãre paja ihñaña, ni sañuducuri.

<sup>31</sup> Tiquina sa ni sañuducugū masa pehe tiquinare tuhtiri.

—Dihta mariaña, nidi masa tiquinare.

Tiquina sa tuhtigū tuhoye, to pano tiquina sañuducuriro yuhduoro sañuducu nemori tja.

—Usã puhto, Davi mꝛꝛano panami iji turiagu, usãre paja ihñaña, ni sañuducu nemori.

<sup>32</sup> Tiquina sa nigū tuhoro Jesu esaduca, tiquinare pijio, sinituri:

—¿Duhse yuhꝛu yegū cahmeajari mꝛꝛa? ni sinituri.

<sup>33</sup> —Puhto, usãre ihñañagū yeya, ni yuhtiri tiquina.

<sup>34</sup> Tiquina sa nigū Jesu tiquinare paja ihñari. Sa paja ihñano tiquina caperire ña peori. Tiquiro sa ña peogūta tiquina pehe ihñaa wahari. Sa ihñañe, tiquiore nꝛꝛu tã cãa wahari.

## 21

### *Jerusalēꝛꝛu esahye Jesu*

(Mr 11.1-11; Lc 19.28-40; Jn 12.12-19)

<sup>1</sup> Sa ye Jerusalēꝛꝛu esana tana Betfagé wame tiri macaru esa muhtau usã Jesu mehna. Cꝛꝛu Olivo wame tidu caharu Betfagé ijiri. Topu esaro, usã tiqiuo buhena mehna cjēnare þuaro Jesu tiqiuo pano oho muhtari. <sup>2</sup> Ohõ saha dutiri tiquinare:

—Si macaru burroare nena wahaya. Topu esana, duita burrore ticoro macꝛꝛnogã mehna tiquina duhte docoricorõre bocanata. Tiquinare boca, yuta dare pã, ne cãhta basaya yuhure. <sup>3</sup> Mꝛꝛa sa yegū ihñano, burroa upuro “¿Duhseña tana burroare pãjari mꝛꝛa?” tiqiuo nigū tuhona ohõ saha ni yuhtiya. “Mari puhtoro burroare cahmedi. Sa yero mianogã wiarota tiqiuo”, ni yuhtiya tiquiore, ni duti ohori Jesu þuaro tiqiuo buheyequinare.

<sup>4</sup> Sa yeri Cohãcju yere yahu muhtariqiuo tiqiuo ni ojoariro sahata. Ohõ sahata ni ojoahye panopu:

<sup>5</sup> Jerusalē cjēnare ohõ saha ni yahuya:

“Ihñaña mꝛꝛa. Mꝛꝛa puhtoro mꝛꝛa caharu ahtare. Tiquiro quehnoano masa quehnoariqiuo ijire. Burro macꝛꝛnogã bui pesariqiuo ahtarota”, ni yahuya Jerusalē cjēnare, ni ojoahye panopu.

<sup>6</sup> Jesu tiqiuo dutiriqiuo þuaro ti macaru esa, tiqiuo dutiriro sahata yeahye tiquina. <sup>7</sup> Burrore, ticoro macꝛꝛnogã gũhare ne cãhta, tiquina bui sañañe suhtire tu we ne, burrogã bui duhu peori tiquina. Tiquina sa yeri bato Jesu tiquiogã bui mꝛꝛa pjeri, waharo taro. <sup>8</sup> Mꝛꝛa pje tuhasa, tiquiogã bui Jerusalēꝛꝛu wahari. Tiquiro ahtagū ihñañe masa peyequina tiquina bui cjē suhtire tu we ne, seõ cū muhtari tiqiuo wahari mahare, Jesure ño peoye.

<sup>9</sup> Sa ye tiqiuo pano wahayequina, tiqiuo bato nꝛꝛu tãñequina mehna sañuducuri:

—Davi panamino iji turiariqiuore marine yuhduoatiqiuore ño peouhna. Ahriqiuo Cohãcju ohoriqiuo quehnoano ijiaho. Uhmuse cjānore “Tutuagu ijire”, ni ño peouhna, ni sañuducuri masa.

<sup>10</sup> Sa ye Jerusalēꝛꝛu tiquina esagū to cjēna pehe ihña maria wahari.

—¿Noa ijiajari ahriqiuo? ni cahme sinituri tiquina.

<sup>11</sup> Apequina masa yuhtiri:

—Ahriquiroy Cohācjū yere yahu m̄htariquiroy Nazare cjāno Jesu wame tiriquiroy ijire, ni yahuri tiquna masare.

*Cohācjū w̄h̄r̄p̄ esahye Jesu*  
(Mr 11.15-19; Lc 19.45-48; Jn 2.13-22)

<sup>12</sup> Came Cohācjū w̄h̄r̄p̄ esari Jesu. Ti w̄h̄r̄p̄ esa, sajāa wahari. Ti w̄h̄r̄p̄ duayequinare, dūyequina ḡh̄re cohā wiori tiquiroy. Sa yero niñeru comesaye mesarire ne majare cū m̄jari. Bujuare duayequina tiquna dujiye pahtari ḡh̄re sata yeri. <sup>13</sup> Sa yero tiquinare ohō saha nidi:

—Cohācjū yere tiquna ojoari p̄r̄p̄ ohō saha nine: “Ya w̄h̄r̄ Cohācjū mehna yahuducuri w̄h̄r̄ wame tirota”, nimene tiquiroy ojoari p̄r̄p̄. M̄sa pehe ahri w̄h̄r̄p̄ duana m̄sa basi cahme yaquere m̄sa, nidi tiquiroy tiquinare.

<sup>14</sup> Tiquiroy sa yeri bato caperi bajueyequina, tini masieñequina ḡh̄r̄ Cohācjū w̄h̄r̄p̄ tiquiroy cahar̄p̄ wihiri. Tiquna sa wihigū tiquinare yuhdugū yeri tiquiroy. <sup>15</sup> Sa quehnoañene tiquiroy yegū ihñañe, pahia p̄h̄toa, marine judio masare buheyequina ḡh̄r̄ usuari tiquiroy mehna. Sa ye macanagā Jesure “Davi panamī iji turiaḡr̄, masare yuhd̄noacj̄r̄, tutuaḡr̄ ijire m̄h̄r̄”, tiquna ni ño peogū t̄h̄oye usuari pari turi tiquna. <sup>16</sup> Sa usuaye ohō saha nidi Jesure:

—Tiquna sa nigū t̄hoerajari m̄h̄r̄? Sa niedacāhdo, ni tuhtiri tiquna Jesure.

—Tiquna sa nigū t̄hoaja. ¿Cohācjū ojoari p̄r̄p̄ ahrire ne buherari m̄sa? Macanagāre Cohācjūre quehnoano ño peogū yeri m̄h̄r̄, nine Cohācjū yere tiquna ojoari p̄r̄p̄, nidi Jesu.

<sup>17</sup> Sa ni tuhasa tiquinare cohā cā, Betania wame tiri macar̄p̄ esa, ti ñamine tor̄p̄ ijiri.

*Jesu higuerağ̄re yaria dutiahye*  
(Mr 11.12-14, 20-26)

<sup>18</sup> Ape deco bohrearor̄p̄ Jerusalēr̄p̄ tojoaro, çj̄na ahbari Jesu. <sup>19</sup> Sa çj̄na ahbaro, maha d̄h̄t̄r̄ cahar̄p̄ ijid̄r̄ higuerağ̄r̄ wame tid̄re ihñano, t̄r̄ d̄rcare macano wahamedi. D̄r̄ca mariedari t̄r̄ pehe. P̄uri dihita ijiri. T̄r̄ sa ijigū ihñano Jesu t̄re ohō saha nidi:

—Ahd̄r̄ ne pari turi d̄r̄ca tisi, nidi tiquiroy.

Tiquiroy sa nigūta duita t̄r̄ pehe ñaia wahari. <sup>20</sup> T̄r̄ sa wahagū ihñana usā tiquiroy buhena ihñana maria wahar̄p̄.

—¿Yohou, d̄h̄sero ahd̄r̄ duita ñaia wahajari? ni sinituu usā.

<sup>21</sup> Jesu ȳh̄tiri:

—Ahrire wacūña m̄sa. Cohācjūre quehnoano wacū tutuaya. “Potota sa yerota tiquiroy”, nina, ahd̄re ȳh̄r̄ yeriro sahata ye masinata m̄sa ḡh̄r̄. Sa yena ahd̄re ȳh̄r̄ yaria dutiriro yuhd̄oro ye masinata m̄sa. Ahd̄r̄ c̄n̄re “Duha ne, pajiri mar̄p̄ cohādu ijiahro”, m̄sa nigū duha cohādu ijirota.

<sup>22</sup> Cohācjūre m̄sa wacū tutuagū, “Ȳh̄r̄ sinidiro sahata waharota”, m̄sa ni wacūgū m̄sa sinidiro sahata waharota, nidi Jesu usāre.

*Jesure dutiriquiroyre sinituahye apequna*  
(Mr 11.27-33; Lc 20.1-8)

<sup>23</sup> Sa ye Cohācjū w̄h̄r̄p̄ tojoa sa, buheri tiquiroy. Tiquiroy sa buhegū pahia p̄h̄toa, mari judio masa b̄rc̄na mehna tiquiroy cahar̄p̄ wihī, sinituri:

—¿D̄h̄seğ̄r̄ can̄r̄ ñamicahare sa yeari m̄h̄r̄? ¿Noa m̄h̄re tire sa ye dutiari? ni sinituri tiquna.

<sup>24</sup> Tiquna sa nigū Jesu ȳh̄tiri:

—Musa pehere sinitu mahtagutja. Quehnoano yuhare musa queoro yuhtigā musare yahutja yuhū gāhū. <sup>25</sup> ¿Ñu masare tiquiro wame yegū noa boro pehe tiquirore wame ye dutiyari, musa tūhotugū? ¿O Cohācjū dutierayari? ¿O masa pehe dutiyari, musa tūhotugū? ni sinituri Jesu tiquinare.

Tiquiro sa nigū tiquina pehe tiquina basi ohō saha nidi:

—¿Dūhse ni yuhtinatari mari? “Cohācjū Ñure dutie tiahye”, mari nigū, “¿Dūhsena Ñu tiquiro dutiepegūta tūho duerari musa?” niboaga Jesu marine. Sa yena “Cohācjū Ñure dutie tiahye”, ni yuhti masiedaja mari. <sup>26</sup> Ahriquina masa pehe “Potota Ñu Cohācjū yere yahu mahtariquiro ijiri”, ni tūhoturi tiquina. Sa ni tūhotuye “Ñu tiquiro wame yegū Cohācjū pehe tiquirore dutierahye”, mari nigū tūho ye masa usueta mari mehna. Sa yena ti gāhure yahu masiedaja mari, nidi tiquina basi.

<sup>27</sup> Tiquina sa nidi bato Jesure yuhtiri tiquina.

—Ñure wame ye dutiriquirore usā masiedaga, nidi tiquina.

Tiquina sa nigū tūhoro ohō saha nidi Jesu:

—Ti pje pūrita yuhū gāhū musa sinitu mahtarire yahueraja musare. Yuhū yerire dutiriquirore yahueraja musare, nidi tiquiro tiquinare.

### *Puaro pacuro queoyere yahuahye Jesu*

<sup>28</sup> Tiquiro sa nidi bato Jesu queoye mehna buhe nemori tiquinare:

—¿Ne, dūhse tūhotuajari musa ahri queoyere? Puaro pacuro ijiahye. Wahmino pehere ohō saha niahye tiquiro pacuro: “Macu, wesepu dahragu waha haya”, niahye. <sup>29</sup> “Wahaeraja”, ni yuhtimahye tiquiro macuro coā warore. Sa nieperota cameru wesepu waha duaro ijiahye tiquirore. Sa yero wahahye tiquiro. <sup>30</sup> Sa yero tiquina pacuro tiquiro macuro dūhsariquiro cahapu esa, tiquiro wahminore tiquiro dutiriro sahata wesepu waha dutimahye. “Au”, nimahye dūhsariquiro. Sa nieperota wahaerahye tiquiro.

<sup>31</sup> ¿Diquiro pehe tiquiro pacuro dutiriro sahata yeari? ni sinituri Jesu.

—Tiquiro wahmino pehe yeahye, ni yuhtiri tiquina.

Tiquina sa nigū Jesu yahuri:

—Musare niita niaja. Wapa ne cohteyequina, umua mehna ñano yeducuye numia tiquina buiru waro musa pehe ña yūhdūana ijire. Sa ye Cohācjū puhtoro ijiropure musa esaborirore tiquina pehe musare esa mahtaboaga.

<sup>32</sup> Ñu wame yeriquiro buhero musare “Quehnoano yeya”, ni yahumedi. Sa tiquiro yahugū dūhsariquiro pacurore tiquiro yuhtierariro sahata tiquirore tūhoerari musa. Sa yena tiquirore yuhtierari. Wapa ne cohteyequina pehe, umua mehna ñano yeducuye numia gāhū tiquirore tūhori. Tiquina sa tūhogū ihñari musa. Musa sa ihñapenata tiquirore ne tūho duerari. Sa yena tūhoerari musa, nidi Jesu pahia puhtoare, mari judio masa bacuna gāhure.

### *Ñañequina dahra cohteyequina queoyere yahuahye Jesu*

*(Mr 12.1-12; Lc 20.9-19)*

<sup>33</sup> Sa ye Jesu pari turi queoye mehna ohō saha ni tiquinare buhe nemori:

—Apeye queoyere tūhoya musa. Dihta cūoriquiro ijiahye. Tiquiro ya dihtapu ūhse dahire oteahye. Ote tūhasa, sahrinore ye tūhasa, ūhserē tiquina cūhta mūtoati copere sehe, ūhmuari wāhugā yeahye.

‘Sa yero ti wesere apequinare ihcā pehe pahre pahma cūahye. Sa yero ti wesere tiquinare ihña ihbo duti, ape yehapu wahaa wahahye tiquiro.

<sup>34</sup> Sa ye ūhse ñidi pje ijigū wese upuro tiquiro cahacjēnare wesere ihña ihboyequina cahapu ohoahye. Wese cjē tiquiro oteri dūcare tiquiro ya pahre cjē dūcare ne dutiro ohomahye. <sup>35</sup> Sa ye wesere ihña ihboyequina pehe tiquiro cahacjēnare ñano yeahye. Ihcāquirore tutuaro quē, apequirore wejē,

apequirore utā mehna doqueahye. <sup>36</sup> Came wese upuro pari turi tiquiro cahacjēnare tiquiro oho mahtariquina yuhduo cjuño ijiri curuare ohomahye tja. Sa ye wesere ihña ihboyequina tiquina gūhare mananota yeahye tja.

<sup>37</sup> Sa yero tiquiro oho bato tiriquire tiquiro macno ijiahye. “Yuhū macu pehere ño peota”, nino tiquirore ohomahye. <sup>38</sup> Tiquiro sa ni tuhotepegūta wesere ihña ihboyequina tiquiro macno ahtagū ihñañe, ohō saha niahye: “Wese upuro macno ijire ahriquire. Tiquirore wejēihna mari. Sa yero ahri wese mari ya wese tojarota”, nimahye tiquina basi. <sup>39</sup> Sa niñeta tiquirore ñehe, wese dāhtu cahapn ne cā, wejēahye tiquina tiquirore.

<sup>40</sup> ‘¿Ne, wese upuro ahtaro dahse yerotari tiquiro wesere ihña ihboyequinare? ni sinituri Jesu pahia pūhtoare, bācuna gūhare.

<sup>41</sup> Tiquiro sa nigū tiquina yūhtiri:

—Tiquiro apequinare wesere ihña ihboatiquinare comesarota iji mahtañequinare ña yuhduayequinare wejēno taro. Tiquirore queoro dūcare tu watiquina pehere ihña ihbo dutirota, ni yūhtiri tiquina.

<sup>42</sup> Tiquina sa nigūta Jesu yahu nemori tiquinare:

—¿Cohācjū yere tiquina ojoari pūpu ahrire yūhare tiquiro ni ojoarire ne buherari mūsa?

Ahriquire Cristo utā yero saha ijire. Utāre wūhu dahreyequina tiquina cohāno saha masa tiquirore cohāeta. Tiquina sa yepegūta yojoḡpūre wūhu dahreyequina wūhare yeye tiquina cū mahtaria utāre tiquina cūno saha Cohācjū tiquirore pūhtoro sōri. Cohācjū pehe ahrire yeri. Tiquiro sa yegū ihñana, “Quehnoa yuhduare”, ni, tuhotaaja mari, ni ojoahye panopū.

‘¿Tire ne buherari mūsa? <sup>43</sup> Mū sare niita niaja yūhu. Cohācjū tiquiro pūhtoro ijiro mūsa ijiato ijiboaga. Tiquiro pūhtoro ijirore apequina pehere mūsa ijiborirore ohorota Cohācjū. Apequina masa pehe tiquiro dutiro sahata yeeta. [ <sup>44</sup> Ijipihtiyequina tia utā bui doque queheyequinare mūta sitea wahaeta. Sa yero tia utā pehe masno bui bora pjero mūtaa wahagū yerota tiquirore. Tiquiro pagū mūnanore daye manarigā wahagū yerota. (Sata yūhare ño peo dueyequina yūhu buhiri dahreatiquina ñano yuhdueta.) ] nidi Jesu pahia pūhtoare, mari acaye judio masa bācuna gūhare.

<sup>45</sup> Ti queoyere tiquiro nigū tahoye, “Sohō tiquiro yahu mahtari queoye, wesere ihña ihboyequina queoye mehna marine nino niaga tiquiro”, ni tuhoturi tiquina. <sup>46</sup> Sa ni tuhotuye, tiquirore ñehe duamedī. Masa pehe Jesure ño peo, “Cohācjū yere yahu mahtariquire ijire tiquiro”, niñequina ijie tiri tiquina. Tire masiñe, pahia pūhtoā, bācuna mehna masare cueye, Jesure ñehedari.

## 22

### *Pajiri bōse deco cjē queoyere yahuahye Jesu (Lc 14.15-24)*

<sup>1</sup> Sa ye pari turi queoye mehna tiquinare buhe dūcari Jesu.

<sup>2</sup> —Hmūse cjuño pūhtoro ijiro ahri queoye yero saha ijire. Ihcā yehpa cjēna pūhtoro ijiahye. Sa yero tiquiro macno ya deco bōse deco yeahye. Tiquiro omoca dūhteri bōse deco ijiahye. <sup>3</sup> Sa yero pūhtoro tiquiro cahacjēnare bōse decore ihñañe ahtatiquinare piji dutiro ohomahye. Tiquina pehe ahta dūerahye. <sup>4</sup> Sa yero apequinare piji dutiro ohomahye tja tiquiro cahacjēnare. “Yūhu pijjioriquinare ohō saha ni yahuya. ‘Mari ihyatire dahre tuhasari. Wesnare, decuagā dihi tiyequinagā gūhare wejē tuhasari. Sa yero ijipihtiro bōse deco cjē ijiatire quehno tuhasari. Sa yena bōse deco cjēne ihyana ahtaya’, ni yahuya tiquinare”, ni ohomahye pūhtoro tiquiro

cahacjēnare. <sup>5</sup> Tiquina sa yahuri bato tiquiro pijionohriquina sa tuhotu cāhye. Bose decore ihñañe wahaerahye. Ihcāquiro tiquiro ya wesepu waha wahahye. Apequiro tiquiro dahrayere ihñano wahahye. <sup>6</sup> Apequina pehe tiquiro cahacjēnare ñehe, tiquinare ñano ye, wejē cāhye. <sup>7</sup> Tiquina sa yegū tuhoro, puhtoro pehe usuahye. Usua, tiquina sa wejēdi buhiri buhiri dahre dutiro tiquiro surarare ohoahye. Sa ye surara tiquinare wejē peho, tiquina ya macare ujā cāhye. <sup>8</sup> Tiquina sa yeri bato, puhtoro tiquiro cahacjēnare ohō saha niahye: “Bose deco cjē ijiatire quehno tuhasamedi. Sa ijiepegūta yuhū pijio mahitariquina yuhū bose decore ihñaboriquina ijierare. Ñañequina ijiri tiquina. <sup>9</sup> Sa yena macare ijie maharipu dahse ijiequina mahsa boca sayequinare bose decore ihñatiquinare pijiya”, niahye tiquiro cahacjēnare. <sup>10</sup> Tiquiro sa nigū tiquiro cahacjēna maharipu waha, ijipihitiyequinare tiquina boca sayequinare, ñañequina, quehnoañequina gāhure yahuahye. Tiquina sa pijiri bato esahye tiquina pari. Quehnoano ti bose deco tiquina yeri tucūre masa wahpa yuhūna wahahye.

<sup>11</sup> Topu tiquina dujigū puhtoro pehe ihcāquiro omoca dūhteri deco cjā suhtirore sañeniquore ihñahye. <sup>12</sup> “¿Ne yuhū acayū, dahse yegū omoca dūhteri deco cjā suhtirore sañedapeguta sajā tari mūhū?” ni sinituahye puhtoro.

Tiquiro sa sinitugū masano pehe yahtierahye. <sup>13</sup> Tiquiro sa yahtieragū ihñano tiquiro cahacjēnare ohō saha niahye: “Ahriquirore omocarine dūhteya. Tiquiro dahpocāri gāhure dūhteya. Dūhte tuhāsa ne wijia, sopec-ahapū cohāña tiquirore nahitianopū. Topu tiquiro tutuaro uti, bujua wifiro mehna bahque dihorota”, niahye puhtoro, ni yahuri Jesu.

<sup>14</sup> Tiquiro sa nidi bato ohō saha ni bato tiri tiquiro:

—Ahri queoye ijiro saha Cohācjū peyequina masa tiquiro pijioriquina ijiepetā meheñequinagā tiquiro mehna tojoaeta, ni yahu bato tiri Jesu.

### *Puhtoa ye wapare apequina sinituahye Jesure*

*(Mr 12.13-17; Lc 20.20-26)*

<sup>15</sup> Tiquiro sa nidi bato fariseo masa waha, tiquirore tiquina yahusātire tiquina basi yahuducuahye. Tiquiro ñano yahtigū tūho duaye nimahye tiquirore yahusāñe tehe. <sup>16</sup> Sa yahuducuye tiquina mehna cjēnare, Herode ya curua cjēna gāhure Jesure sinitu dutiye ohoahye. Tiquina pehe Jesu cahapu wihi, tiquirore meje cū sinitumedi:

—Buhēgū, poto yahuducugū ni mehoñe mariegū mūhū ijigū masiaja usā. Cohācjū yere queoro mūhū yahugū gāhure usā masiaja. Sa yegū ihcāquiro puhtoro waro ijiepegūta tiquiro gāhure dōyaro marieno potota yahure mūhū.

<sup>17</sup> Sa yegū usāre yahuya. ¿Roma cjāno ijipihitiyequina puhtoro yere marine wapa yero cahmeajari, mūhū tuhōtugū? ¿Mari dutiye wapa ye dutiajari, mūhū tuhōtugū? ni sinitumedi tiquina Jesure.

<sup>18</sup> Tiquina sa nigū tuhoro tiquirore tiquina ñano ye duayere masino ohō saha nidi:

—Masa ihñono dihita quehnoano iji mehona ijire mūsa. ¿Dahsena yuhū ñano yahuducugū tūho duajari mūsa? <sup>19</sup> Yojoḡure niñeru cjoere puhtoare wapa yeati cjoere ne cāhtaya. Ti cjoere ihñañna, nidi tiquiro.

Tiquiro sa nigū tuhoye niñeru cjoere ne cāhtari tiquina.

<sup>20</sup> Sa yero tiquiro sinituri tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituri.

<sup>21</sup> —César, masa ijipihitiyequina puhtoro queoye, tiquiro wame gāhū wahñare, ni yahtiri tiquina.

Tiquina sa nigū tuhoro Jesu yahuri:



—Ti pje pūrta masa ijipihtiyequina puhtoro yere tiquiro pehere ohoya. Cohācjū yere Cohācjū pehere ohoya, nidi Jesu.

<sup>22</sup> Tiquiro sa nigū tūhoye, tūho maria waha, wahaah wahari.

*Saduceo masa Cohācjū tiquiro masoñene sinituahye Jesure*

(Mr 12.18-27; Lc 20.27-40)

<sup>23</sup> Sa ye ti decota ihquēquina saduceo masa Jesu cahapū wihiri. Saduceo masa pehe “Cohācjū yariariquinare masosi”, ni tūhotuyequina ijiri. Sa ye ohō saha nidi tiquina tiquirore:

<sup>24</sup> —Buhegū, ohō saha ni buheahye Moise: “Ihcāquiro wahmino namo tiriquiro pohna mariedaperota yariagū ihñano tiquiro bahūrore tiquiro wahmino namono ijiricorore nūoano cahmene. Sa yero wahmino mūnāno tiquiro pohna taboriro saha pohna tiro cahmene tiquiro bahūrore. Sa ye tiquiro pohne tiquiro wahmino mūnāno pohne yero saha ijieta”, ni ojoahye Moise, nidi tiquina saduceo masa.

<sup>25</sup> Tire sa ni yahu tuhasa ahri queoyere yahu nemori tiquina Jesure:

—Ihcāquiro masūno ijiahye. Seis bahana tiahye tiquiro. Tiquina wahmino pehe namo ti, pohna mariediquiro yariaa wahahye. Sa yero apequiro tiquiro bahūro gūhū tiquiro wahmino namono ijiricorore nūoahye. <sup>26</sup> Sa nūoari bato tiquiro wahmino yero sahata pohna mariedaperota yariaa wahahye tja. Sa yero ahriquiro bahūro tiquiro wahmino mūnāno yero sahata pohna mariedaperota yariaa wahahye. Sa dihita wahahye ihcāquiro pohne waro. Ne pohna mariedapeta yaria pihtia wahahye tiquina. <sup>27</sup> Tiquina namono ijiricoro gūhū tiquina bato yariaa wahahye. <sup>28</sup> ¿Cohācjū ijipihtiyequinare yariariquina mūnare tiquiro masogū diquiro boro namono pehe ijiboagari ticoro? Tiquina ijipihtiyequina ticorore namo tiriquina mūna ijiahye. ¿Sa yero diquiro namono pehe ijiboagari ticoro pototi? ni sinituri tiquina.

<sup>29</sup> Jesu yūhtiri tiquinare:

—Cohācjū yere tiquina ojoari pūre, tiquiro masiñe gūhūre ne masiedare mūsa. Sa ye mūsa tūhotuye pehe ne poto ijierare. <sup>30</sup> Yariariquina mūna tiquina masa mūjari bato tiquina angelé yero saha ijire. Namō marieñequina, manū marieñe numia ijire topūre. <sup>31</sup> Yariariquina mūna tiquina masa wijiato pehere mū sare yahutja. ¿Cohācjū mū sare tiquiro nidire ne buherari mūsa? Ohō saha niahye tiquiro. <sup>32</sup> “Yūhū Abrahā, Isaac, Jacob tiquina puhto ijiaja’, nine Cohācjū”, ni ojoahye panopūre. Tiquina yariari bato “Tiquina puhto ijiaja”, ni yahuahye Cohācjū. Sa nieperota yariariquina mūna puhtoro ijierare Cohācjū. “Tiquina puhto ijiaja”, tiquiro niñe mehna catiyequina tiquina ijigū masiaja mari. Tiquiro catiyequina puhtoro ijire, ni yahuri Jesu tiquinare.

<sup>33</sup> Tiquiro sa ni buhegū tūhoye peyequina masa tūho maria wahari.

*Quehnoa yūhdūari dutirore yahuahye Jesu*

(Mr 12.28-34)

<sup>34</sup> Sa ye saduceo masa Jesure tiquina yūhti masiedagū tūhoye, fariseo masa pehe tiquiro cahapū cahmecoari. <sup>35</sup> Sa yero tiquina mehna cjāno marine judio masare buheriquiro pehe Jesu tiquiro ñano nigū tūho duaro meje cū sinitumedi tiquirore.

<sup>36</sup> —¿Buhegū, Cohācjū ye dutiro quehnoa yūhdūari dutiro noho pehe ijiajari, mūhū tūhotugū? ni sinituri tiquiro.

<sup>37</sup> Jesu tiquirore yūhtiri:

—“Tutuario mūsa jeripohna mehna, mūsa tutuaye mehna, quehnoano mūsa wacūñe mehna Cohācjūre cahñā”, nine Cohācjū. <sup>38</sup> Ahri dutirota

ijire quehnoa yãhdũari dutiro apeye dutiye yãhdũoro. <sup>39</sup> Ahri dutiro bato apero dutiro quehnoa yãhdũare: “Mũhũ basi mũhũ cahĩno saha mũhũ caharũ ijyeyuina gãhũre cahĩña”, nine Cohãcjũ. <sup>40</sup> Ahri pũa dutirota apeye dutiye gãhũre masi pehogũ yere. Ahri pũa dutirore yena, ijipihtiyey apeye dutiyere ye pehona niaja mari. Cohãcjũ yere yahu mũhtariquina panopũ tiquina ojoari gãhũre yena niaja mari, ni yahuri Jesu.

*Cristo Davi mũnano pũhtoro ijire*  
(Mr 12.35-37; Lc 20.41-44)

<sup>41</sup> Sa ye fariseo masa topũ cahmecoañequina tiquina ijigũ Jesu tiquinare sinituri:

<sup>42</sup> —“Cristo Cohãcjũ tiquiro ohoatiquiro ijire”, nine mũsa. ¿Noa boro ijiajari tiquiro ñecano mũnano panopũ cjũno, mũsa tãhotugũ? nidi tiquiro.

—Cristo Davi mũnano panamino iji turiariquiro ijirota, ni yãhtiri tiquina. Jesu yahuri:

<sup>43</sup> —¿Cristo Davi mũnano panamino iji turiariquiro tiquiro ijigũ dũhse yero Davi pehe pũhtoro tiyari Cristore? ¿Dũhse yero sa pũhtoro ti dutiyari Espĩritu Santo tiquirore? Ohõ saha niahye Davi:

<sup>44</sup> Cohãcjũ yãhũ pũhtorore ohõ saha nidi: “Ohõpũ yãhũ poto pehepũ dujiya. Sa yegũ mũhũre ihña tuhtiyequinare mũhũre yãhdũũca basautja yãhũ”, nidi Cohãcjũ yãhũ pũhtorore, ni ojoahye Davi.

<sup>45</sup> Sa ni ojoarota Davi pũhtoro tiahye Cristore. ¿Davi Cristo ñecano iji turiariquiro ijiro dũhse yero tiquiro pũhtoro tiyari Cristore? Cristo Davi pũhtoro ijire, ni yahuri Jesu.

<sup>46</sup> Tiquiro sa ni yahugũ tiquina tiquirore ne yãhti masiedari. Sa ye to punota sinitu duhu cãri tiquina tiquirore. Sa ye cueye, pari turi sinituerari tiquirore.

## 23

*Judio masare buheyequina, fariseo masa gãhũ tiquina ñano yeyere yahuahye Jesu*

(Mr 12.38-40; Lc 11.37-54; 20.45-47)

<sup>1</sup> Sa ye peyequina masare, usã gãhũre Jesu yahuri tja.

<sup>2</sup> —Marine judio masare buheyequina fariseo masa gãhũ Cohãcjũ dutiye Moiserer tiquiro cũrire yahuyequina ijire tiquina. <sup>3</sup> Tiquina sa yahuyequina ijigũ masare tiquina yahuriro sahata tire ye pehoya masa. Sa yepenata tiquinare ihña cũedacãhña masa. Tiquina buheriro sahata yerare tiquina.

<sup>4</sup> Masare peye dutire tiquina. Sa dutiepeta tiquina dutiro saha masa yeragũ ihñañe tiquinare yedohoerare. <sup>5</sup> Masa tiquina ihñono dihita quehnoano ye ihñomene tiquina. Cohãcjũ yere tiquina ojoari pũre tiquina duhu sãñe acarigãre, bujũ cjũñe acarigãre tiquina wãhdõa bui dũhte yori, masare ihña dutiye. Tiquina omocari gãhũre dũhte yori. Sa ye tiquina suhti tu pjeri da bui tiquina ohõri da ehõsa yãhdũari da ijire. Cohãcjũre tiquina ño peorire masa pehere ye ihñõñe nimene tiquina. Ti queoro ijierare tiquina sa ye ihñõñe.

<sup>6</sup> Sa ye bõse decori ijigũ pũhtoa tiquina dujiyepũ duji duare. Sa ye judio masa mari buheye wãhũsepũ gãhũre quehnoañe dujiye pahtari dihitarer cahmene tiquina. <sup>7</sup> Sa ye doeri cjẽ duaropũ apequina pũhtoare quehnoano ño peo tiquina sinino saha tiquina piti cagũ cahmene tiquina. Tiquinare “Buhegũ”, masa tiquina ni pisugũ cahmene.

<sup>8</sup> Apequina masare pisuye “Buhegũ”, niedacãhdo. Mũsa ijipihtina ihcãno saha ijina nine. Sa yegũ masare buhegũ ihcãta ijiaja. <sup>9</sup> Sa yena ahri yehpa cjẽnare “Mari pacũ”, nina tiquinare ño peona niaga. Ne sa niedacãhña.

Ɛhmuse cjāno dihita mari Pacu ijire. Tiquiro dihitaro ño peoro cahmene marine. <sup>10</sup> Sa yena masunore “Puhito”, niedacāhña. MUSA puhito yuhu Cristo pehe ihcāta ijiaja. <sup>11</sup> Cahacjāno yero saha musare yedohoriquiro tiquiro ijire MUSA puhitoro ijiatiquiro. <sup>12</sup> Ihcāquiro puhitoro iji duaro tiquirore ihyo jiriquiro yero saha ijiro cahmene. Sa yero “Ihyo ijigū ijiaja yuhu”, ni tuhotoriquiro pehe puhitoro ijirota, ni yahuri Jesu.

*Judio masare buheyequina, fariseo masa mehna tiquina ni mehoñene yahuahye Jesu*

<sup>13</sup> Tiquiro sa nidi bato tiquinare yahu nemori:

—MUSA judio masare buhena, fariseo masa gūhu ñano yuhdunata. Masa ihñono dihita quehnoano iji mehona ijire MUSA. Sijoro saha MUSA buhegū tuhoye masa pehe Cohācjū puhitoro ijiropure wahasi. MUSA gūhu topure wahasi. Sa yena topure waha duayequinare cahmotare MUSA.

[<sup>14</sup> MUSA judio masare buhena, fariseo masa gūhu ñano yuhdunata. Masa ihñono dihita quehnoano iji mehona ijire MUSA. Wape wiha numia ye wuhusere tiquina cūoye gūhure ehmare MUSA tiquina numiare. Sa yena yoari pje masa ihñonopu Cohācjūre sini ihñomene MUSA masare. MUSA sa yeri buhiri peyequina yuhdunoro Cohācjū buhiri dahrerota musare.]

<sup>15</sup> MUSA judio masare buhena, fariseo masa gūhu ñano yuhdunata. Masa ihñono dihita quehnoano iji mehona ijire MUSA. Pajiri mapu pehā, yoaro cjē yehparipu wahare MUSA, MUSA dutiyere yeatiqirore macana tana. MUSA dutiyere yeatiqirore boca, tiquirore buhere. MUSA sa yegū tiquiro pehe MUSA yuhdunoro pecapu wahatiqiro ijirota.

<sup>16</sup> MUSA ñano yuhdunata. Caperi bajueyequina tiquina ihña masieno saha masiena ijire MUSA. Sa ijiepenata arequinare buhemene MUSA. Ohō saha ni buhemene MUSA: “Cohācjū wūhu mehna yuhu nino sahata yeitja’, nidiquiro, tiquiro nidiro sahata yerapegāta quehnoanota”, ni buhemene MUSA. “Cohācjū ya wūhu cjē uru mehna yuhu nino sahata yeitja’, nidiquiro tiquiro pehere tiquiro nidiro sahata ye sohtori tiro cahmene”, ni ti gūhure buhemene MUSA. <sup>17</sup> Caperi bajueyequina tiquina ihña masieno saha masiena ijire MUSA. Tūho masiena ijire. ¿Dise boro pehere ño peoro cahmeajari? Urure ño peorero cahmene. Cohācjū pehe ti uru ti wūhupu ijigū quehnoañe ijigū yere tire. Sa yena ti wūhu pehere ño peoro cahmene musare. Sa ye MUSA buheye pehe queoro ijierare. <sup>18</sup> Ahri gūhure buhemene MUSA: “Cohācjū wūhu cjā altar mehna yuhu nino sahata yeitja’, nidiquiro tiquiro nidiro sahata yeragū quehnoanota”, ni buhemene MUSA. “Ti altar bui ijieye mehna Cohācjūre tiquina ohori mehna yuhu nino sahata yeitja’, nidiquiro tiquiro pehere tiquiro nidiro sahata ye sohtori tiro cahmene”, ni buhemene MUSA. <sup>19</sup> Caperi bajueyequina tiquina ihña masieno saha masiena ijire MUSA. ¿Dise boro pehe ti waro ijiajari, MUSA tuhutugū? Cohācjūre masuno tiquiro ohori ti waro ijiera cjūre. Ti altar bui Cohācjūre tiquiro ohogū, quehnoañe wahare ti altar bui ijieye. Sa yero ti altar pehe ihyo ijiri altar ijierare. Cohācjūre tiquina ohori bui cjūnogā quehnoari altar ijire. <sup>20</sup> Sa yero “Cohācjū wūhu cjā altar mehna yuhu nino sahata yeitja’”, ihcāquiro nino, ti altar bui cjē tiquiro ohori mehna sa nino niaga. Sa ye MUSA buheye pehe queoro ijierare. <sup>21</sup> Sa yero “Cohācjū wūhu mehna yuhu nino sahata yeitja’”, ihcāquiro nino, potota Cohācjū mehnata sa ninota niaga. Cohācjū ti wūhu cjāno ijire. <sup>22</sup> Sa yero “Ɛhmuse mehna yuhu nino sahata yeitja’”, ihcāquiro nino, Cohācjū ijirōpu mehnata sa nino niaga. Sa yero Cohācjū mehnata sa nino niaga. Tiquiro pehe to cjāno ijire. Sa ye MUSA buheye pehe queoro ijierare.

<sup>23</sup> MUSA judio masare buhena, fariseo masa gũhũ ñano yũhdũnata. Masa ihũono dihita quehnoano iji mehona ijire mUSA. Moa yero saha ijiyere ihayere ocagũ yeyere cũona mehenogã ohomene mUSA. Cohãcjũre ño peona tana pahiare ohomene mUSA. Mehenogã ohomene mUSA. Menta, anís, comino wame tiye ocagũ yeyere ohomene mUSA. Sa ohoepe-nata quehnoañene yerare mUSA. Sa yena masare paja ihũedare mUSA. Sa yena Cohãcjũre wacũ tutuerare mUSA. Oteye dũcare mUSA nedire mehenogã pahiare mUSA ohogũ quehnoare. Sa ohona ohõ saha ye nemoña: Quehnoañene yeya. Sa yena paja ihũñaña masare. Sa yena Cohãcjũre wacũ tutuaya. <sup>24</sup> Caperi bajueyequina tiquina ihũña masieno saha masiena ijire mUSA. Ohõ saha yere mUSA: MUSA ye dutiyere ye dutina, ihyo ijiyegã warore dutiyere yere mUSA. Sa yepenata Cohãcjũ pototĩ tiquiuro dutiye warore yerare mUSA.

<sup>25</sup> MUSA judio masare buhena, fariseo masa gũhũ ñano yũhdũnata mUSA. Masa ihũono dihita quehnoano iji mehona ijire mUSA. MUSA waparire, mUSA sihniñe wajarire bui mUSA cosero saha quehnoañene ye ihũore mUSA buigã warona. Sa yepenata Cohãcjũ yere queoro yerare mUSA. Apequina yere ehmana, mUSA basi dihita bujũyere ne duana ijire mUSA. Sa dihita tũhoture mUSA. <sup>26</sup> Caperi bajueyequina tiquina ihũña masieno saha masiena ijire mUSA fariseo masa. MUSA jeripohnarine comesaya mUSA. Quehnoañe pehere yeya. MUSA sa yena masa tiquina ihũnopũ quehnoana ijinata mUSA.

<sup>27</sup> MUSA judio masare buhena, fariseo masa gũhũ ñano yũhdũnata. Masa ihũono dihita quehnoano iji mehona ijire mUSA. Masa cope, yehseye mehna tiquina wisõri cope yero saha ijire mUSA. Masa ti coperi tiquina ihũagũ quehnoari cope bajure. Sa bajuepegũta, puhĩapũ ahbariquirore, tiquiuro cohãrine, ñañene ihũedare tiquina. <sup>28</sup> Sata mUSA gũhũ masa ihũnopũ quehnoañequina yero saha bajumene mUSA. Sa quehnoañequina yero saha bajuna mUSA ijiepegũta mUSA tũhotuyepũ ñañe, ni mehoñe iji yũhdũare ahbaye yero saha, ni yahuri Jesu.

*Judio masare buheyequina, fariseo masa gũhũre tiquiuro buhiri dahreatire yahuahye Jesu*

<sup>29</sup> Sa ni tuhasa ohõ saha ni yahu nemori tiquinare:

—MUSA judio masare buhena, fariseo masa gũhũ ñano yũhdũnata. Masa ihũono dihita quehnoano iji mehona ijire mUSA. Cohãcjũ yere yahu mũhtañequina panopũ cjẽna tiquina masa coperire quehnoano quehnomene mUSA, tiquinare ño peoro saha yena. Sa yena quehnoano yeyequina mũna tiquina queoyere mUSA yeri queoyere quehnoano quehnomene mUSA. <sup>30</sup> Sa yena ohõ saha niducumene mUSA: “Panopũre usã ñecũsumũa iji turiayequina mũna tiquina yeriro saha usã pehe yeraboaga. Ti pjerũ ijieyequinare Cohãcjũ yere yahu mũhtariquinare usã wejẽdaboaga”, niducumene mUSA. <sup>31</sup> Sa nina mUSA ñecũsumũa iji turiayequina Cohãcjũ yere yahu mũhtariquinare wejẽdiquina mũna tiquina yerire ihũona nine. Tiquinare wejẽdiquina mũna tiquina panamena iji turiana mUSA ijieye gũhũre ihũona nine mUSA. <sup>32</sup> MUSA ñecũsumũa iji turiayequina mũna tiquina yeriro sahata ye sohtori ticũnahũa.

<sup>33</sup> Añaã yero saha ña yũhdũana ijire mUSA. MUSA ñañe yerire bujũna witi duerana Cohãcjũ mUSA ñañe buhirire pecapũ mUSAre tiquiuro cohãto pano duhtĩ masiedare mUSA. <sup>34</sup> Sa yegũ mUSAre niita niaja. Cohãcjũ yere yahu mũhtariquinare, apequina quehnoano masiñequinare, apequina mUSAre buheatiquinare mUSA cahapũ ohoutja. Yũhũ sa ohogũ mUSA pehe ihquẽquina tiquinare wejẽnata. Apequina curusapũ quẽ bihanata. Apequina mUSA buheye wũhũsepũ tananata. Sa yena macaripepũ tiquinare ñano yena, oma

nunū tānata mūsa. <sup>35</sup> Mūsa sa yena ijipihtiyequina ñañe marieñequinare mūsa wejēdi buhiri buhiri tinata. Abe mūnanore Caī wejēdi buhiri ijipitina mūsa gāhū buhiri tinata. Ijipihtiyequina tiqiro bato ijiyequinare quehnoañequinare tiquina wejēdi buhiri gāhure buhiri tinata mūsa gāhū. Sa yena Cohācjū wūhū cahapū wahiquinare mūsa ohori altar cahapū Zacariare wejēahye mūsa. Tiqiro pehe Berequia macano ijiahye. Sa yena tiqiro gāhure mūsa wejēdi buhiri buhiri tinata mūsa. <sup>36</sup> Ijirota mūsare yahugata niaja. Tiquina ijipihtiyequinare tiquina wejēdi buhiri yojorū cjēna gāhū buhiri tieta, ni yahuri Jesu.

### *Jerusalē cjēnare tutuaro cahīahye Jesu*

*(Lc 13.34-35)*

<sup>37</sup> Sa ni tuhasa ohō saha ni nemori:

—Ahyou, Jerusalē cjāna, Cohācjū yere yahu muhtariquinare wejēdina ijire mūsa. Mūsa acaye panorū cjēna gāhū sata yeyequina mūna ijiahye. Sa yena mūsa cahapū tiqiro ohoriquinare utā paca mehna doque wejēdina ijire mūsa. Canaca ticoro pohnenē ticoro wūye dūpāri mehna ticoro moha cuñano saha peye tahari cahīducumi mūsare. Mūsare cahmemi. Mūsa pehe yūhure ne cahmedari. <sup>38</sup> Yojorū mūsa ya maca cohōri maca ijirota. <sup>39</sup> Ijirota mūsare niita niaja. Camerū ahtaatja yūhū. Sa yūhū ahtagū ihñana mūsa yūhure “Cohācjū tutuaye mehna ahtariqiro quehnoahdo”, ninata. Yūhure mūsa tire niato pano yūhū tojoa tato pano pari turi yūhure ihñasi mūsa, nidi Jesu tiquinare.

## 24

### *—Cohācjū wūhū cohāri wūhū ijirota, niahye Jesu*

*(Mr 13.1-2; Lc 21.5-6)*

<sup>1</sup> Sa ye Cohācjū wūhūpū ijiriquiro Jesu tiqiro wijia wihigū usā tiqiro buhena ti wūhure ti wūhū cahapū ijiye wūhuse gāhure ihñana,

—Quehnoa yūhdūye wūhuse ijicjoare. Ihñañā mūhū gāhū, nii usā tiqirore.

<sup>2</sup> Jesu yūhtiri:

—Ahri wūhūserē yojorūre ihñamene mūsa. Mūsare yahugata niaja. Ahri wūhūserē ijipihtiye mūsa ihñari, ahri wūhuse cjē utā paca gāhure cohā pehoeta. Ne ihcāria utā tojoasi, nidi tiqiro usāre.

### *Pihtiri deco ijiatire yahuahye Jesu*

*(Mr 13.3-23; Lc 21.7-24; 17.22-24)*

<sup>3</sup> Came Olivo wame tidū canpū esa, topū dujiri Jesu. Topū dujigū usā tiqiro buhena usā sehstaro tiqiro cahapū esau.

—Yahuya usāre. ¿Dūhse ijigū sa waharotari mūhū nidiro saha waharo? ¿Ahri yehparū mūhū tojoa tati deco, pihtiatī deco panogā ijigū dūhse ti waha dūcagū ihñanatarī usā? ni sinituu usā.

<sup>4</sup> Jesu yūhtiri:

—Quehnoano yeya mūsa. Sa yena mūsare apeqūna tiquina ni mehoñene tuhoeracāhña. <sup>5</sup> Peyequina masa “Cristo ijiaja yūhū”, ni mehoñequina ahtaeta. Tiquina sa ni mehogū tuhoeye peyequina masa Cohācjū yere duhueta. <sup>6</sup> Mūsa cahagāpū masa apeqūna tiquina cahme wejēgū tuhonata mūsa. Sa yena yoarorū gāhure tiquina cahme wejēgū tuhoonata mūsa. Sa tuhoopenata ne tire pajiro wacūedacāhña. Sa waharota. Tiquina sa yegū pihtiatī deco dūhsarīnota. <sup>7</sup> Ti pjere ihcā yehpa cjēna ape yehpa cjēna mehna cahme wejēeta. Sa ye ihcāqiro pūhtoro yeqūna apeqūro pūhtoro yeqūna mehna cahme wejēeta. Sa ye peyequina masa ūjūa mehna yarieta. Sa yero

peye yehparip̄a yehpa ñuhminota. <sup>8</sup> Sa wahagū ahri yehpa cjenare tiquina ñano yuhdu nemoato dūhsarota ti pjere. Ñano yuhdu nemoeta.

<sup>9</sup> 'Ti pjere apequina masare ñehe, ñano ye dutiye ohoeta masare apequina puhtoap̄are. Tiquina sa ohogū masare wejēeta. Yeequina masa ijiri buhiri ijipihitiyequina masare ihña tuhtieta. <sup>10</sup> Ti pjere peyequina yeequina ijimediquina yuhare cohāeta. Sa ye tiquina mehna cjenare tiquina ihña tuhtieta. Sa ye tiquina mehna cjenā tiquina ijiepegūta tiquinare ñano yeatiquinare ohoeta tiquina. <sup>11</sup> Ti pjere peyequina "Cohāc̄jū yere yahu mahtana ijiaja", ni mehoñequina ijietā. Sa ye peyequina masa tiquina ni mehoñene tūhoeta. <sup>12</sup> Ti pjere ña yuhduaro yeeta masa. Sa ye tiquina mehna cjenare cahī nemosi. <sup>13</sup> Sa yena masa tutuana ijina, ahri yehpar̄a masa catinino puno ihcāno sahana, yuhduanata masa. <sup>14</sup> Sa yero ahri quehnoañe buheye ijipihitrop̄a ahri yehpar̄are tiquina yahuri buheye ijirota. Cohāc̄jū puhtoro ijijere yahuri buheye tiquina yahu siteri buheye ijirota, ijipihitiyequina ti buheyere tiquina masiata saha. Tiquina sa yahuri bato pihitiri deco ducarota.

<sup>15</sup> 'Cohāc̄jū yere yahu mahtariquiro Daniel manano panop̄a cjenā ña yuhduariquirore Cohāc̄jū yere ñano yeriquirore yahue tiahye panop̄are. Ti pjere tiquiro ñariquiro pehe Cohāc̄jū ya wuhap̄a tiquiro ducugū ihñanata masa. Ahri yuhā nidire quehnoano masiña masa. <sup>16</sup> Top̄a tiquiro ducugū ihñañe, Judea yehpar̄a ijijeyequina pehe cūnā cahap̄a oma duhtiahro. <sup>17</sup> Sojaro mehna oma duhtiahro. Ti pjere tiquina wuhāseri bui cje paarip̄a ijijeyequina wuhā puhiar̄a ijijere tiquina yere neñe wahaeracāhdo tiquina amañano waharo. <sup>18</sup> Sa ye ti pjere apequina weserip̄a ijijeyequina tiquina bui cje suhti wuhap̄a ijijere suhtire neñe wahaeracāhdo tiquina amañano waharo. <sup>19</sup> Ti pjere niji pacosānumia, tiquina pohnene apūoñe numia gūhā pejesoro wahaeta. <sup>20</sup> Sa yena Cohāc̄jūre ohō saha ni siniña: "Pohēcū ijigū judio masa usā soye decori ijigū gūhare usā oma duhtiati deco ijieracāhdo", ni siniña masa Cohāc̄jūre. <sup>21</sup> Ti decorire masa ña yuhduaro wahaeta. Ahri yehpare tiquiro bajumehnedi bato masa ñano yuhduē tiahye. Tiquina sa yuhduerepegūta ijipihitiye ti puriñe yuhduoro pihitiri deco panogā ña yuhduaro yuhdueta masa. Sa ñano tiquina yuhduari bato pari turī sata ñano yuhduasi ahri yehpar̄a. <sup>22</sup> Cohāc̄jū ti decorire meheñe decorigā ijigū yerota. Tiquiro sa yeragū ne ihcāquiro masūno yuhdueraboaga. Sa yero tiquiro beseriquina tiquina yuhduatire meheñe decorigā cūnota Cohāc̄jū.

<sup>23</sup> Ti pjere apequina masare "Ihñaña. Ohōp̄a ijire Cristo", tiquina nigū tiquinare tūhoeracāhña. "Top̄a ijire Cristo", tiquina nigū tiquinare tūhoeracāhña. <sup>24</sup> "Cristo ijiaja", ni mehoñequina, "Cohāc̄jū yere yahu mahtarina ijiaja", ni mehoñequina ijietā ti pjere. Sa ye Cohāc̄jū tiquiro beseriquinare ni mehoñe, tiquina bajumehneñe ye ihñoeta. Cohāc̄jū yequinare Cohāc̄jūre tiquina cohāgū ye duare tiquina ni mehoñequina. <sup>25</sup> Ahri ijipihitijere yahuyujaja masare ti sa wahato pano. Sa yena tūhoya masa. <sup>26</sup> Apequina masa masare "Ihñaña. Masa marienop̄a ijire Cristo", tiquina nigū top̄are ihñana wahaeracāhña. Sa yena "Ohōp̄a ahri tucūrip̄a ijire tiquiro", tiquina nigū tiquinare tūhoeracāhña. <sup>27</sup> Yuhā masū Cohāc̄jū ohorigū wacūeno mehna toja tautja. Up̄o miadoqueoro sahmasere asū mija tarop̄a, asū sajānop̄a wacūeno mehna ti miadoqueoro saha wacūeno mehna toja tautja yuhā. <sup>28</sup> Masa tiquina ñañe yeducurirop̄a top̄a Cohāc̄jū tiquina ñañe buhiri buhiri dahrerota tiquinare, ni yahuri Jesu.

*Cristo ahri yehpapu tiquiro tojoa tatire yahuahye tiquiro  
(Mr 13.24-37; Lc 21.25-33; 17.26-30, 34-36)*

<sup>29</sup> Sa ye tiquinare yahu nemori:

—Ti ñano yahduye decori bato asū deco cjäno, ñami cjäno gūhu buhrio duhueta. Tiquina sa wahagū ñahpicoha paca uhmusepu ijiye paca bora dijia taeta. Sa ye uhmuse cje yehpari, ñahpicoha gūhu ti sa wahaducurore comesaeta. Sa ye ñuhmieta. <sup>30</sup> Ti pjeta yūhu masu Cohācjū ohorigu uhmusepu yūhu bajumehnenore yūhu ihñogū ihñæta masa. Sa ye ijipihtiye cururi cjäna utieta. Sa yegu yūhu tutuaye mehna, yūhu asi siteye mehna uhmūano cje ehmeo cururi bui ahri yehpapure yūhu tojoa tagū ihñæta tiquina. <sup>31</sup> Corneta bisirota. Sa yegu yeequina angelere ijipihtiropu ahri yehpapu ohoutja yūhu. Sa ye ijipihtiropu yeequina yūhu beseriquinare tiquina neeta.

<sup>32</sup> 'Yojopure higuerağure tūhotuya mūsa. Tu queoye mehna mū sare buhejtja. Tu yucūgu pūri tigū ihñana, cūhma mehenogū dūhsagū masine mūsa. <sup>33</sup> Sata ahri ijipihtiye yūhu nidire ti sa wahagū ihñana, yūhu tojoa tato mehenogū ti dūhsagū masinata mūsa. <sup>34</sup> Ijirota niita niaja mū sare. Ti pje cjäna tiquina yariato pano ijipihtiye yūhu nidiro sahata sa waharota. Uhmuse, ahri yehpa gūhu pihtia waharota. <sup>35</sup> Yūhu yahuducuye pehe ne comesasi. Ijipihtiye yūhu nidiro sahata sa waha sohtori tirota.

<sup>36</sup> 'Ti decore yūhu tojoa tati decore, ti hora gūhare masiedaja yūhu. Angele gūhu tire masiedare. Masa gūhu masiedare. Yūhu Pacu dihita tire masine.

<sup>37</sup> 'Noé tiquiro ijiri pje cjäna tiquina ijiriro sahata ahri yehpapu yūhu tojoa tato panogāre sata ijietā masa. <sup>38</sup> Yehpa miniato pano masa ihya, sihni, yeahye. Sa yeye amua, numia mehna omoca dūhteahye. Noé gūhu yucūsapu tiquina sajāto pano sa yee timahye masa. <sup>39</sup> Duita tutuaro acoro ahta, wacūeno mehna yehpa minia wahahye. Masa gūhu mini pihtia wahahye. Wacūeno mehna tiquina minidiro saha yūhu masu Cohācjū ohorigu ahri yehpapure wacūeno mehna tojoa tautja. <sup>40</sup> Ti pjere wesepu pūaro dahrayequina ijigū ihcāquiro yūhure cahmediquirore neitja. Sa yero yūhure cahmediquiro topu tojoarota. <sup>41</sup> Ti pjere pūaro nahua ihcānopu tiquina trigore ña mūtoñequina numia ijigū ihcācoro yūhure cahmedicorore neitja. Sa yero yūhure cahmedicoro topu tojoarota.

<sup>42</sup> 'Quehnoano wacū masi cohteya. Yūhu mūsa pūhto, yūhu tojoa tati decore ne masiedare mūsa. <sup>43</sup> Ahrire wacūña. Yaqueriquiro wūhūpu tiquiro sajā yaqueato panore wūhū upūro masino, ti ñami tiquiro cañedaboaga, yaqueriquirore cohtero. Sa yero yaqueriquirore tiquiro ya wūhūpu sajā dutieraboaga. Yaqueriquiro tiquiro wacūeno mehna tiquiro ahtariro saha wacūeno mehna ahtautja yūhu. <sup>44</sup> Sa yena yeere sa yeducuna yūhure cohteya. Yūhu masu Cohācjū ohorigu ahri yehpapu tojoa tagu wacūeno mehna ahtautja, nidi Jesu.

*Apequiro dahra cohteriquiro tiquiro pūhtorore ño peo, apequiro ño peoer-are*

*(Lc 12.41-48)*

<sup>45</sup> Sa ye Jesu queoye mehna ohō saha ni buhe nemori tja:

—Dahra cohteriquiro tiquiro pūhtorore ño peoriquiro tūho masiniquiro ijire. Tiquiro sa ijigū ihñano apequina dahra cohteyequina bui cūre tiquirore tiquiro pūhtoro pehe waharo taro. Sa tiquirore cū tuhasa wahaa wahare pūhtoro. Sa yero ihyari pje ijigū dahra cohteriquiro apequinare ihyayere itire. <sup>46</sup> Came pūhtoro tiquiro ya wūhūpu tojoa wihire. Tiquiro tojoa wihigū ihñano dahra cohteriquiro pehe tiquiro pūhtoro dutiriro sahata ye pehoriquiro ijiro, bucueriquiro ijirota. <sup>47</sup> Ijirota mū sare niita niaja. Tiquiro



sa yegū ihñano tiquiuro pahtoro ijipihtiye tiquiuro yere ihña ihboriquiro cūnota tiquiore. <sup>48</sup> Sa yepegūta ñariquiuro dahra cohteriquiro pehe “Yuhū pahtoro bajuerare”, nino, <sup>49</sup> apequina dahra cohteyequinare quēpe, pajiro ihya, sihni, queheyequina mehna queherota. <sup>50</sup> Came tiquiuro pahtoro wačieno mehna tojoa tarota. Ti deco, ti hora gūhare ne masiedare dahra cohteriquiro. <sup>51</sup> Pahtoro pehe tojoa taro ñariquiuro tiquiuro ñano yerire tuhorō, tiquiore tutuaro buhiri dahrerota. Sa yero ni mehoñequina tiquina waharopū cohānota tiquiore. Topare tiquiuro tutuaro uti, bujua witiro mehna bahque dihorota, ni yahuri Jesu.

## 25

### *Pua omope numia queoye mehna buheahye Jesu*

<sup>1</sup> Sa ye Jesu pari turi queoye mehna ohō saha ni buhe nemori tja:

—Uhmuse cñano pahtoro tiquiuro ijiye ahri queoye yero saha ijire: Pua omope numia ijiahye. Ihcā ñami tiquina sihōñe paca mehna omoca dūteatiquiore piti caye wahahye. <sup>2</sup> Tiquina mehna ihcā omope numia tuho masiñequina numia ijiahye. Apequina numia pehe ihcā omope numia tuho masiñequina numia ijiahye. <sup>3</sup> Tuho masiñequina numia pehe tiquina sihōñe pacare, pose tiye pacare nemahye. Apee pacare uhse pose tiye pacare ti pihtigū tiquina pioborire nedahye. <sup>4</sup> Tuho masiñequina numia pehe tiquina sihōñe paca uhse pose tiye pacare neahye. Apee paca tiquina pioati paca gūhare neahye. <sup>5</sup> Sa ye omoca dūteatiquiuro tiquiuro bajueragū tiquina numiare wujua purigū carīa wahahye. <sup>6</sup> Sa yero ñami decopū sañuducugū tuhoahye. “Tuhoaya. Omoca dūteatiquiuro ahtaro ca tare. Tiquiore piti cana ahtaya”, ni sañuducugū tuhoahye. <sup>7</sup> Tiquiuro sa nigū tuhoaya numia wahcā, tiquina ye sihōñe pacare quehnoahye. <sup>8</sup> Sa ye tuho masiñequina numia pehe apee numia tuho masiñequina numiare ohō saha niahye: “Usā sihōñe paca yatiro nine. Sa yena mehenogā masa ye uhsero ohoya usāre”, ni sinimahye tiquina numia. <sup>9</sup> Tiquina sa siniepegūta tuho masiñequina numia ohō saha yūhtiahye: “Usā ye uhse mari ijipihtinare esa tuhaeraboaga. Sa yena uhse cūoyequinare masa basi dūna wahaya”, ni yūhtiahye tuho masiñequina numia pehe. <sup>10</sup> Sa ye tuho masiñequina numia dūye wahahye. Tiquina sa wahari bato omoca dūteatiquiuro wihiahye. Tiquiuro wihigū ihña tiquina yere quehno tuhasariquina numia tuho masiñequina numia tiquiore piti cahye. Piti ca bōse deco omoca dūhteri decopū tiquiuro mehna ihñañe wahahye. Sa ye bōse decore tiquina yeri waharū apequina mehna numia tiquina sajāri bato, sopecahare biha cāhye. <sup>11</sup> Camerū tuho masiñequina numia pehe wihimahye. “Pahto, usāre pōohña”, nimahye tiquina numia. <sup>12</sup> “Ijirota masare niita niaja. Masare masiedaja yuhū”, niahye tiquiuro tiquina numiare.

<sup>13</sup> Sa yena tuho masiñequina numia tiquina yere quehnoano quehno tuhasa, tiquina cohteriro saha quehnoana, ñañe marieña iji, cohteya masa gūhū. Yuhū tojoa tati decore ti hora gūhare ne masiedare masa, ni yahuri Jesu.

### *Niñeru cjoeri uru cjoeri queoyere yahuahye Jesu*

<sup>14</sup> Sa ni yahu tuhasa queoye mehna ohō saha ni buhe nemori tja:

—Ti pjeere yuhū tojoa tati pje ahri queoye yero saha ijirota. Wuhū upurō iji-ahye. Tiquiuro ape siepū tinino waharo taro, tiquiore dahra cohteyequinare pijioahye. Sa yero tiquinare tiquiuro yere cohte dutiahye.

15 'Sa cohte dutiro tiquina ihbo masino puno tiquinare niñeru cjoerire ohoahye. Ihcāquirore ihcā omope cjoeri wapa bujaye cjoerire uru cjoerire ohoahye. Apequirore pua cjoer ohoahye. Apequirore ihcā cjoer ohoahye. Tiquinare oho tuhasa, wahaa wahahye. 16 Sa ye ihcā omope cjoeri tiquiro ohoriquiro duita tiquiro wahari batota ti cjoeri mehna apee borore dūahye. Tiquiro dūrire apequinare duahye. Tiquiro duari wapa pua omope cjoeri wapa yeahye tiquirore. Sa yero pua omope cjoeri cūoahye. 17 Sa yero pua cjoer tiquiro ohoriquiro duita tiquiro wahari batota ti cjoeri mehna apee borore dūahye. Tiquiro dūrire apequinare duahye. Tiquiro duari wapa pititia cjoer wapa yeahye tiquirore. Sa yero pititia cjoer cūoahye. 18 Ihcā cjoere tiquiro ohoriquiro pehe cope sehe, ti cjoere yahye, ti coperepū nūono.

19 'Came yoari bato tiquina puhtoro wihiahye. Sa wihiro tiquiro niñeru cjoeri mehna tiquina ñehe nemorire queoro ahtarō tiquirore dahra cohteyequinare pijioahye. 20 Sa yero ihcā omope cjoeri tiquiro ohoriquiro puhtoro cahapū esa, pua omope cjoeri wiahye tiquirore. "Ihcā omope cjoeri yūhure ohori māhū. Ihñaña. Ti cjoeri mehna apee cjoerire ñehe nemou", niahye tiquirore. 21 "Quehnoano yeaya māhū. Mūhū quehnoagu, yūhū dutiriro saha yerigū ijire. Mehenogāre quehnoano yeaya māhū. Sa yegū yojoḡare māhure pajiro māhū dahratire cūtja. Sa yegū yūhū mehna bucueya māhū", niahye tiquiro puhtoro. 22 Sa yero pua cjoere ñehediquiro puhtoro cahapū esa, yuahahye tiquirore: "Pua cjoer yūhure ohori māhū. Ihñaña. Ti cjoeri mehna apee cjoeri pua cjoer ñehe nemou", niahye tiquiro. 23 "Quehnoano yeaya māhū. Mūhū quehnoagu, yūhū dutiriro saha yerigū ijire. Mehenogāre quehnoano yeaya māhū. Sa yegū yojoḡare pajiro māhū dahratire cūtja. Sa yegū yūhū mehna bucueya māhū", niahye tiquiro puhtoro.

24 'Sa yero ihcā cjoere ñehediquiro puhtoro cahapū esa, yuahahye tiquirore: "Puhto, māhū apequina pehere tutuaro dahra dutigū ijire. Sa tutuaro dahra dutigū ijigū māhū basi oterapegata ti ducare nene māhū. 25 Mūhū sa ijigū māhure cuei. Sa cuegū cope sehe, ti coperepū māhū niñeru cjoere nūou. Ihñaña. Ohōrū ijire māhū ya cjoer niñeru cjoer", niahye tiquiro. 26 "Mūhū ñagu, cape bujigū ijire. Yūhū basi oterapegata ti ducare yūhū negū ijigū masine māhū. 27 Yūhū sa ijigū ihñaaepēgata yūhū niñeru cjoere niñeru ihbori wuhapū ihboboaya māhū. Mūhū sa ihbogū tiquina ti cjoere wiayerū apee niñeru oho nemoboaya tiquina", niahye puhtoro tiquirore. 28 Sa nino apequina tiquiro dahra cohteyequinare dutiahye tiquiro: "Niñeru cjoere ehmaña tiquirore. Pua omope cjoerire cūoriquiro pehere ohoya. 29 Cūoyequinare oho nemoutja. Sa ye pajiro cūoeta. Cūoyequina pehere mehenogā tiquina cūoepēgata tire ehmañtja. 30 Ahriquiro dahra cohteriquiro dūhseatiquiro ijierare. Nahitianorū ñaporū cohā cāhña tiquirore. Topū tiquiro tutuaro uti, bujua witiro mehna bahque dihorota", niahye puhtoro, ni yahuri Jesu.

### *Buhiri dahreatire yuahahye Jesu*

31 Sa ye Jesu yahu nemori:

—Yūhū masū Cohācūjū ohorigū ijipihtiyequina angele mehna puhto ijigū tagū, yūhū puhtoro dūjiorū yūhū asi siteye mehna dūjigatja. 32 Sa yūhū dūjigū, ahri yehpa cġēna ijipihtiyequina yūhū cahapū cahmecoaeta. Tiquina sa cahmecoari bato pua curua tu wañtja tiquinare. Ovejare ihña ihboriquiro ovejare, cabra gūhure tiquiro tu wariro saha masare tu wa docoutja. 33 Sa tu wagū oveja yero saha ijiyequinare quehnoañequinare yūhū potō pehe bese docoutja. Sa yegū cabra yero saha ijiyequinare ñañequinare yūhū cū pehe peherū bese docoutja. 34 Yūhū sa yeri bato yūhū ijipihtiyequina puhto pehe yūhū potō peherū yūhū bese docoriquinare ohō saha nī yahutja: "Yūhū

Pacu masare quehnoano yere. Ahri yehpare bajumehnenopu masa ye ijiatire tiquiuro puhtoro ijirore quehnoyu tuhasari Cohācjū. Sa yena yojopure tiquiuro quehnoriropure ijina ahtaya. <sup>35</sup> Yuhu ujua ahbagū masa pehe yuhure ihyayere ohori. Yuhu aco wuogū yuhure masa sihōri. Masa cahapu yuhu tinigū yuhure ihña masiedapenata yuhure quehnoano piti cari masa. <sup>36</sup> Suhti mariegu yuhu ijigū ihñana masa pehe yuhure suhti sāari. Dohatigu yuhu ijigū masa yuhure ihñana ahtari. Peresupu yuhu ijigū gūhure yuhure ihñana ahtari masa”, niitja quehnoañequinare. <sup>37</sup> Yuhu sa nigū tuhoye tiquina yuhure sinitueta: “¿Puhto, dahse ijigū mahu ujua ahbagū mahure ihyayere ohori usā? ¿Dahse ijigū mahu aco wuogū mahure sihōri usā? <sup>38</sup> ¿Dahse ijigū mahu ihña masiedapenata mahure quehnoano piti cari usā? ¿Dahse ijigū suhti mariegu mahu ijigū mahure suhti sāari usā? <sup>39</sup> ¿Dahse ijigū mahu dohatigū o peresupu mahu ijigū gūhure mahure ihñana esari usā?” nieta yuhure. <sup>40</sup> Tiquina sa ni sinitugū tuhogu yuhu puhto tiquinare yahutja. “Ijirota masare niita niaja. Ahriquina yeequina mehna cjāno ihyo ijiriquiro tiquiuro ijiepegāta, tiquiore masa sata yeri. Sa ijiriquirore sa yena, yuhure yero saha yena nidi masa tiquinare”, ni yahutja.

<sup>41</sup> Quehnoañequinare yuhu sa ni yahuri bato yuhu cū pehe pehepu ducuyequinare yuhu ijipihiyequina puhto ohō saha ni yahutja: “Cohācjū tiquiuro buhiri dahreatina ijire masa. Yuhu mehna tojoeracāhña. Pecapu wahaya masa. Ti peca ne yatierare. Watño, tiquiuro yequina angele gūhu tiquina ijiatire ti pecare yeri Cohācjū. <sup>42</sup> Yuhu ujua ahbagū masa pehe yuhure ihyayere ohoerari. Yuhu aco wuogū masa yuhure sihōedari. <sup>43</sup> Yuhure masiedana masa yuhure piti caerari. Sa ihña cāri. Suhti mariegu yuhu ijiepegāta, yuhure suhti sāadari masa. Dohatigu yuhu ijigū peresupu yuhu ijigū gūhure sa ihña cāri masa yuhure”, ni yahutja tiquinare ñañequinare. <sup>44</sup> Yuhu sa nigū tuhoye tiquina yuhure sinitueta: “¿Puhto, mahu ujua ahbagū, mahu aco wuogū, usā masiedigu mahu ijigū, suhti mariegu mahu ijigū, dohatigu mahu ijigū, peresupu mahu ijigū dahse ijigū usā pehe mahure yedohoerari?” ni sinitueta yuhure. <sup>45</sup> Tiquina sa ni sinitugū yuhu tiquinare ohō saha ni yahutja: “Ijirota masare niita niaja. Ahriquina yeequina mehna cjāno ihyo ijiriquirore masa ne yedohoerari. Sa ijiriquirore masa yedohoerana, yuhureta sa yena nidi masa”, ni yahutja tiquinare. <sup>46</sup> Sa yero tiquinare sa buhiri dahreducurota Cohācjū. Ti buhiri dahreye ne pihiti. Sa ye, quehnoañequina pehe ijipihiyede decori quehnoano ijieta, ni yahuri Jesu.

## 26

*Pahia puhtoa, judio masa bucna mehna Jesure wejē duahye  
(Mr 14.1-2; Lc 22.1-2; Jn 11.45-53)*

<sup>1</sup> Ti ijipihiyere tiquiuro buheri bato Jesu usāre tiquiuro buhenare yahuri:

<sup>2</sup> —Pu deco bato pascua ijirota. Tire masa masine. Ti pjere yuhu masure Cohācjū ohorigure ñeheeta. Ñeheñe, yuhure curusapu wejēeta, nidi tiquiuro usāre.

<sup>3</sup> Sa ye pahia puhtoa, judio masa bucna gūhu cahmecoahye. Caifa pahia puhtoro ya wuhuru cahmecoahye tiquina. <sup>4</sup> Topu cahmeco, tiquina ni mehoñe mehna Jesure ñehe tiquina wejēatire cahme yahuye niahye.

<sup>5</sup> —Bose deco ijigū tiquiore ñehedacāhna, “Masa usuari”, nina, niahye tiquina basi.

*Numino ehme sitiye uhse mehna Jesure pio peoahye  
(Mr 14.3-9; Jn 12.1-8)*

<sup>6</sup> Ti pjere Simo cami buca muna wihiro ijimediquire ya wuhapu ijiri Jesu. Tiquiro ijiri maca Betania wame tiri maca ijiri. <sup>7</sup> Ti wuhapu tiquiro ihyari watoa ihcācoro numino ehme sitiye ne cāhta, Jesu dapu bui pio peori. Ti ehme sitiye alabastro wame tiriapu pose tiri. Wapa bujuye co ijiri. <sup>8</sup> Ticoro sa pio peogū ihñana usā Jesu buhena usua.

—¿Dahsero ahricoro ahri core wapa bujuyere sa ye siteajari? <sup>9</sup> Ti ehme sitiye duaboaya. Sa duaro pajiro wapa ñeheboaya. Sa ñeheno ti niñerure pejecuoyequinare ohoboaya ahricoro, nii usā tiquiro buhena.

<sup>10</sup> Usā sa ni usuagū ihñano, Jesu yahuri usāre:

—Sa niedacāhña ticorore. Yahare quehnoano yero nine.

<sup>11</sup> Pejecuoyequina pehe masa mehna sa ijiducuenta. Sa yena tiquina pehere masa oho masine. Yahu pehe ahri yehpapare masa mehna sa ijiducusi.

<sup>12</sup> Yahare tiquina yato pano yahu pagare quehnoyuro, ticoro yahare pio peori. <sup>13</sup> Ijirota masare niita niaja. Ijipihtiro ahri yehpapare quehnoañe buheyere tiquina yahuropu ahricoro yojopare ticoro yerire yahueta. Tiquina sa yahugū tuhoye ticorore masa peyequina wacūeta, ni yahuri Jesu usāre.

*Juda Iscariote Jesure ihña tuhtiyequinare ihñeahye*

*(Mr 14.10-11; Lc 22.3-6)*

<sup>14</sup> Ti pjere ihcāquiro usā mehna cñano Juda Iscariote pahia pūhtoah capapu esahye. <sup>15</sup> Esa, tiquinare sinituahye.

—¿Jesure masare yahu ihñogū noho puno wapa yenatari masa? ni sinituahye tiquinare.

Tiquiro sa nigū tiquina tiquirore treinta cjoeri plata cjoerire ohoahye.

<sup>16</sup> Tiquina sa ohogū Juda pehe Jesure tiquiro ihñoati ñamine cohtero niahye.

*Jesu tiquiro buheyequina mehna tiquiro ihya bato tiri deco ijahye*

*(Mr 14.12-25; Lc 22.7-23; Jn 13.21-30; 1 Co 11.23-26)*

<sup>17</sup> Sa ye pugū yeye moremehneñe pāre tiquina ihyati deco bose deco iji ducari deco usā tiquiro buhena Jesu capapu waha, sinituu tiquirore:

—¿Noho boropu bose deco ijigū mari ihyatire quehnoyuro dutigū ohoutjari mahū usāre? nii tiquirore.

<sup>18</sup> Usā sa nigū tiquiro yūhtiri:

—Jerusalēpu wahaya. Topu ijiriquirore ohō saha ni yahuya: “Marine buheriquiro tiquiro ñano yūhdūati deco mehenogā dahsatjiñhohti. Pascua ijigū mahū ya wuhapu Jesu usāre tiquiro buhenare siho ihyati ijiñhohti”, ni yahuya ti wuhū upūrore, ni ohori Jesu usāre.

<sup>19</sup> Sa yena usāre tiquiro dutiriro sahata yena, pascua ijigū usā ihyatire quehnoy usā.

<sup>20</sup> Sa ye ti ñamine usā mehna doce tiquiro buhena mehna ihyaro nidi Jesu.

<sup>21</sup> Usā ihyari watoa tiquiro usāre yahuri:

—Ijirota masare niita niaja. Ihcāquiro masa mehna cñano yahare ihña tuhtiyequinare ihñonota yahare, ni yahuri tiquiro usāre.

<sup>22</sup> Tiquiro sa nigū tuhona tutuaro bujua witina, tiquirore sinitu ducan usā ijipihtina:

—¿Pūhto, yūhūta ijiajari mahare ihñoaçju? ni sinituu.

<sup>23</sup> Usā sa ni sinitugū tiquiro yūhtiri:

—Yahu ihyari papu yahu mehna soha ihyariquiro jire yahare ihña tuhtiyequinare ihñoahtiquiro. <sup>24</sup> Panopu yahare tiquina ojoariro sahata yahu masu Cohāçjū ohorigū yariagutja. Sa yero yahare ihña tuhtiyequinare ihñoahtiquiro ñano yūhdūrota. Tiquiro pehe masa bajueraro quehnoa yūhdūaboaya. Ñano yūhdūeraboaya, nidi Jesu.

<sup>25</sup> Tiqairo sa nigūta tiqairore ihñoatiqairo Juda sinituri:  
—¿Buhegu, mūhare ihñoacjū ijiajari yūhū? ni sinituri tiqairo.

Jesu yūhtiri:

—Ūhū. Mūhata ijire, nidi.

<sup>26</sup> Sa ni yahu tuhasa usā tiqairo buhena mehna ihyaro taro nidi. Sa yero Jesu pāre ne, Cohācjūre “Quehnoare”, nidi. Sa ni tuhasa tire nuha, usāre tiqairo buhenare itiri.

—Ahrire ne, ihyaya. Ahri yūhū pagū ijire, nidi tiqairo.

<sup>27</sup> Sa ni tuhasa tiqairo sihnidi pare ne, Cohācjūre “Quehnoare”, ni, usāre ohori.

—Mūsa ijipihitina ahrire sihniñā. <sup>28</sup> Ahri yūhū dii ijire. Peyequina masa tiquina ñañe yerire cohāgū tagū yariūtja. Sa yegū yūhū diire cohāūtja. Cohācjū “Mūsare yūhdūūtja”, tiqairo nidiro esagū yūhū yariaro mehna tiqairo nidiro sohtori tirota. <sup>29</sup> Mūsare niita niaja. Yūhū Pacū tiqairo pūhtoro ijiropū uhmasepū mūsa mehna wahma core ūhse core sihniūtja. Mari sa sihniato pano ahri core sihni nemosi yūhū, nidi Jesu usāre.

<sup>30</sup> Sa yena Cohācjū yere basa tuhasana cūnūpū Olivo wame tidūpū wahau usā.

*Pedro Jesure tiqairo cohātire yahuahye Jesu  
(Mr 14.26-31; Lc 22.31-34; Jn 13.36-38)*

<sup>31</sup> Topū usā esagū Jesu pehe usāre yahuri:

—Mia ñami yūhūre cohā cānata mūsa. Ohō sahata nine Cohācjū tiqairo yere yere tiqairo ojoari pūpū yūhūre yahuro: “Ovejare ihñā ihboriqairo yero saha ijiiriquore yūhū Cohācjū cohāgūtja. Yūhū sa cohāgū tiqairo yequina oveja yero saha ijiyequina duhti site cāa wahaeta”, nine Cohācjū tiqairo yere tiquina ojoari pūpū. <sup>32</sup> Sa yegū Cohācjū yūhūre tiqairo masori bato mūsa pano Galileapū wahayūtja yūhū, nidi tiqairo.

<sup>33</sup> Tiqairo sa nigū tūhoro ohō saha nimedi Pedro:

—Yūhū mehna cjēna ijipihitiyequina mūhare tiquina cohāepēgūta yūhū pehe mūhare ne cohāsi, nimedi Pedro tiqairore.

<sup>34</sup> Jesu yūhtiri:

—Ijirota niita niaja mūhare. Mia ñami canaca tiqairo yahuato pano “Yūhū Jesure masiedaga”, niita mūhū. Ihtia taha sa niita mūhū, nidi tiqairo Pedrorre.

<sup>35</sup> Tiqairo sa niepēgūta Pedro ohō saha ni yūhtiri:

—Mūhū mehna yūhūre tiquina wejē duepēgūta “Jesure masiedaga”, ne nisi yūhū, ni yūhtimedi Pedro.

Sa yena usā gūhū apequna tiqairo buhena Pedro tiqairo nidiro sahata nimi usā Jesure.

*Getsemaní wame tiri wesepū Cohācjūre siniahye Jesu  
(Mr 14.32-42; Lc 22.39-46)*

<sup>36</sup> Sa ye Getsemaní wame tiri wesepū Jesu usā tiqairo buhena mehna waha, topū esa, usāre nidi:

—Ohō dujiyuya. Mūsa ohō dujiri watoa sohō cjūnogāpū Cohācjūre sinigu wahagū niaja, nidi tiqairo usāre.

<sup>37</sup> Sa ni tuhasa, Pedrorre, pūaro Zebedeo pohnene tiquina ihtiarore piji cāri. Sa yero tiqairo tutuaro bujua witi, ñano jeripohna tiahye. <sup>38</sup> Sa bujua witiro tiqairo mehna cjēnare tiqairo piji cāriquinare ohō saha niahye:

—Tutuaro ñano jeripohna tiaja yūhū. Yūhūre tutuaro purīno saha tūhotugū niaja. Sohō cjūnogā wahagū niaja. Ohōpū tojoaya. Sa yena yūhū mehnata carīedacāhñā mūsa gūhū, niahye tiqairo tiquinare.

39 Sa ni tuhasa mehenogā waha nemo, yehparu quehe sa, Cohācjüre niahye:

—Mai, yuhu ñano yuhduatire ye dueragu yeracāhña. Yuhu sa niepegūta yuha cahmeno saha yeracāhña. Muhu pehe masine. Muhu cahmeno saha yeya yuhure, ni siniahye tiqiuro Cohācjüre.

40 Sa ni tuhasa, ihtiaro tiqiuro buheyequina caharu wihiro, carñequinare ihñahye. Tiquinare ihñano, Pedrore ohō saha niahye:

—¿Ihcā hora waro yuhu mehna carñegu iji masiedajari mahu?

41 Quehnoano yeya musa. Sa yena Cohācjüre siniducuya musa, “Ñano yeari”, nina. Musa tuhohutuye mehna quehnoañene ye duamene musa. Musa sehsharo sa ye duepenata tire ye masiedare musa, ni yahuhaye Jesu.

42 Sa ni yahu tuhasa, pari turi waha, Cohācjüre siniahye:

—Mai, yuhu ñano yuhduatire ye duagu yeya yuhure. Muhu cahmeno saha yeya, ni siniahye tiqiuro.

43 Ni, tiqiuro buheyequina ihtiaro buheyequina caharu pari turi wihiahye tja. Sa wihiro carñequinare ihñahye tja. Wuhua puri yuhduahye tiquinare.

44 Sa yero tiquinare cū cā, pari turi waha, Cohācjüre siniahye. To pano tiqiuro nidiro sahata niahye tja. 45 Sa ni tuhasa tiqiuro buheyequina caharu wihi, tiquinare ohō saha niahye:

—¿Yojoru pūritare carñina nijari musa? ¿Sorina nijari musa? niahye tiqiuro.

Sa ni tuhasa, masa tiquina ahtagū ihñano, ohō saha niahye.

—Tuhoya. Mianogāta yuhu masure Cohācjū ohorigure ñañequinare ohoeta yuhure. 46 Wahcāña. Isa wahana. Ihñaña. Yuhure ihña tuhtiyequinare ihñoaatiqiuro ohōpu ahtare, niahye tiqiuro.

### *Jesure ihña tuhtiyequina tiqiurore peresu yeahye*

(Mr 14.43-50; Lc 22.47-53; Jn 18.2-11)

47 Tiquiro sa nino watoa usā mehna cjāno ijimediqiuro Juda pehe wihiri. Masa peyequina ahtari tiqiuro mehna. Tiquina pahia puhto, judio masa bucuna gūhu tiquina ohoriquina ijiri. Ñoseñe pjīnine, yucu tiāri gūhure cūori.

48 Coā warore Jesure ihña tuhtiyequinare ihñoaatiqiuro masare ohō saha ni yahuyu tuhasahye:

—Yuhu wahsupu ihmidiqiurota ijirota musa ñeheatiquiro. Tiquirore yuhu ihmidi bato ñehēña tiqiurore, niahye Juda tiquinare.

49 Sa ye wihiro Jesu caharu duita wahari.

—¿Buhegu, ijiajari mahu? ni, tiqiurore wahsupu ihmidi.

50 Tiquiro sa ihmigū Jesu ohō saha nidi:

—Yuhu acayu, ohōpūre mahu yei tu ahtarire yeya mahu, nidi tiqiuro.

Sa ye tiquina Jesure ñehedi.

51 Tiquina sa yegū ihñano Jesu mehna cjāno tiqiuro ñoseni pjīne tuā we ne, pahia puhtoro cahacjūnore cahmonore dute pahrē cāri. 52 Tiquiro sa yegū ihñano Jesu tiqiurore yahuri.

—Muhu ñoseni pjīne ihboya. Apequinare mahu ñosegū tiquina ñose cahmegū yariagūta mahu. 53 Yuhu Pacure yuhure yuhu yedoho dutigū tiqiuro pehe peyequina angelere doce cururire yuhu caharu ohoboaya tiqiuro. ¿Tire masiedajari mahu? 54 Sa yedohoboriqiuro tiqiuro ijiepegūta tiqiurore yuhure yedoho dutisi yuhu. Yuhu sa dutieragū Cohācjū yere tiquina ojoari pū ti nidiro sahata sa waharota, nidi tiqiuro.

55 Sa ni tuhasa masare yahuri tiqiuro:

—¿Duhse ijiro boro musa ñoseñe pjīni mehna, yucu tiāri mehna yaque bucūore yero saha musa yuhure ñehena ahtajari? Decoripe Cohācjū wuharu

māsare yāhū buhe dujigū, māsā yāhūre ne ñehedari. <sup>56</sup> Sa ijiepegūta ahri ijip-  
ihtiyē sa waharo ninē Cohācjū yere yahu mahtariquina tiquina ni ojoariro  
sahata, nidi Jesu.

Tiqiurore tiquina sa ñehēgū ihñana usā tiqiuro buhena tiqiurore cohā oma  
cāa wahau usā.

*Judio masa pūhtoā Jesure sinituahye*  
(Mr 14.53-65; Lc 22.54-55, 63-71; Jn 18.12-14, 19-24)

<sup>57</sup> Sa ye tiqiurore ñehediquina pahia pūhtoro Caifa wame tiriqiuro ya  
wāhūpū ne sahye tiqiurore. Ti wāhūpūta marine judio masare buheyequina,  
būcāna gāhū cahmecoahye. <sup>58</sup> Topū Jesure tiquina neagū Pedro yoaropū  
tiquinare ihña nūnū tāhye. Sa nūnū tāno Caifa ya wāhūre cahmotari sahrīnore  
esa, ti sahrīno puhiarū sajāa wahahye. Sajā sa, ti wāhūre cohteyequina  
surara mehna dujahye. Jesure tiquina dūhse yegū ihñano taro niahye.

<sup>59</sup> Sa ye pahia pūhtoā, apequina pūhtoā mehna Jesure wejē duti duaye, ni  
mehōne mehna tiqiurore tiquina ñano buhiri dahreatire wacū macamahye.

<sup>60</sup> Tiquina yahusātire wacū bocaerahye. Sa wacū bocaerapeta peyequina  
masā tiqiurore sa ni meho yahusā maca cāhye. Sa ye pūaro tiquina bato  
wihyequina tiqiurore yahusāhye tja.

<sup>61</sup> —Ahriqiuro ohō saha nidi: “Cohācjū wāhūre cohā masiaja. Sa cohāgū  
ihtia deco wahaboro ti wāhūre pari turi yeitja”, tiqiuro nigū tūhou usā, ni  
yahusā maca cāhye Jesure.

<sup>62</sup> Tiquina sa nidi bato pahia pūhtoro wahcādūca sa, Jesure sinituahye:

—¿Ahriquina mūhūre tiquina yahusāiepegūta tiquinare yūhti cahmedajari  
mūhū? niahye pūhtoro.

<sup>63</sup> Tiqiuro sa nigū tūhoeperota Jesu sata tūhotu cāhye. Tiqiuro sa yūhtieragū  
ihñano pahia pūhtoro pari turi sinituahye tja:

—Cohācjū catiriqiuro wame mehna poto niña mūhū. Mūhū sa niedagū  
tiqiuro mūhūre buhiri dahrerota. Yahuya usāre. ¿Cristo Cohācjū macata  
ijijari mūhū? ni sinituahye tja.

<sup>64</sup> Tiqiuro sa nigūpūta Jesu yūhtiahye:

—Tiqiurota ijijaja. Māsare poto yahugūta niaja. Came yūhū masū Cohācjū  
ohorigū yūhū Pacū tutuariqiuro caharū tiqiuro poto peherū yūhū dujigū  
ihñanata mūsa. Sa yena ūhmūse cjē ehmeo cururi bui yūhū ahtagū gāhūre  
ihñanata mūsa, ni yūhtiahye Jesu.

<sup>65</sup> Tiqiuro sa nigū tūhoro pahia pūhtoro tiqiuro sañari suhtirore tūhrē cāhye  
apequinare “Usua yūhdūare”, ni ihña masi dutiro.

—Cohācjūre pajiro ñano yahuducuro nine ahriqiuro. Sa ye tiqiuro  
ñano yahuducuyere tūho tuhasaja mari. Sa ye topequinata yahusāahdo  
ahriqiurore. Ohōpūta tiqiuro ñano yahuducugū tūhoaja mari basita.

<sup>66</sup> ¿Dūhse yenatari mari yojopūre ahriqiurore? ni sinituahye tiqiuro ape-  
quina pūhtoare.

—Tiqiuro ñari buhiri wejē cāno cahmene tiqiurore, ni yūhtiahye tiquina.

<sup>67</sup> Tiquina sa nidi bato tiqiuro wāhdoare sihco puti ohō, tiqiurore  
quēpeahye tiquina. <sup>68</sup> Tiqiurore quēpe tuhasa, ohō saha niahye tiqiurore:

—¿Noa pehe mūhūre quēajari? Cristo ijigū ihñedapegūta yahuya usāre, ni  
būjūpeahye tiquina.

*—Tiqiurore masiedaga, niahye Pedro Jesure*  
(Mr 14.66-72; Lc 22.56-62; Jn 18.15-18, 25-27)



<sup>69</sup> Sa ye ti wahu cahapu ijiri paapu quehnoari paapu Pedro pehe dujiahye. Tiquiro sa dujigū ihñano pahia pahtoro cahacjōno tiquiro cahapu esaro, ohō saha niahye:

—Muhu gūhu Jesu Galilea cjūno mehna ijiri, niahye ticoro.

<sup>70</sup> Ticoro sa nigū tūhoro, Pedro ohō saha niahye:

—¿Duhse ni maca cōo niajari muhu? Muhu nidiquirore ne masiedaga yuhu, niahye Pedro ticorore ijipihtyequina tiquina tūhoropu.

<sup>71</sup> Tiquiro sa nidi bato ti paa cjā sahrīno sopecaha cahapu wahahye Pedro. Topu tiquiro ijigū apecoro cahacjōno tiquirore ihñano, topu ijieyquinare ohō saha niahye:

—Jesu Nazare cjūno mehna ijiri ahriquiro, niahye ticoro Pedrorre tja.

<sup>72</sup> Ticoro sa nigū tūhoro Pedro yūhtiahye:

—Cohācjū mehna poto nii niaja. Tiquiro muhu nidiquirore ne masiedaga yuhu, ni yūhtiahye Pedro.

<sup>73</sup> Sa ye came cjūno topu ducuyequina Pedro cahapu waha, tiquirore ohō saha niahye tja:

—Poto tjire. Jesu yequina mehna cjū ijire muhu gūhu. Tiquina yero saha yahuducure muhu, niahye tiquina Pedrorre.

<sup>74</sup> Tiquina sa nigū Pedro yūhtiahye:

—Poto Cohācjū mehna nii niaja musare. Yuhu poto yuhu niedagū Cohācjū yuhare buhiri dahreahro. Tiquirore musa nidiquirore ne masiedaga yuhu, ni yūhtiahye tiquiro tiquinare.

Tiquiro sa nigūta canaca yahuahye. <sup>75</sup> Tiquiro yahugū tūhoro Jesu tiquirore nidire wacūahye. “Canaca tiquiro yahuato pano ‘Jesure masiedaga’, niita muhu. Ihtia taha waro sa niita muhu”, Jesu tiquirore nidire wacūahye Pedro. Sa wacūno, ti sahrīnore wijia, tutuaro utiahye.

## 27

### *Pilato cahapu Jesure neahye*

(Mr 15.1; Lc 23.1-2; Jn 18.28-32)

<sup>1</sup> Sa ye bohrea quehagūpu pahia pahtoa mari judio masa bucuna gūhu Jesure tiquina wejē dutiatire cahme yahuducuahye. <sup>2</sup> Tiquina sa yeri bato tiquirore dūhte, Pilato cahapu nea, tiquirore ohoahye Pilatore. Pilato pehe ti yehpa cjēna pahtoro ijiri.

### *Juda Iscariote yariaa wahahye*

<sup>3</sup> Sa yero Jesure tiquina wejē dutigū ihñano Juda pehe Jesure ihñoriquiro tiquirore tiquiro ihñorire tutuaro wacū bujua witiahye. Sa bujua witiro treinta cjoeri tiquiro ñehedi niñeru cjoerire wiaro waharo, pahia cahapu, bucuna cahapu esa, ohō saha niahye:

<sup>4</sup> —Jesu musare yuhu ihñoriquiro ñañe marieniquiro tiquiro ijiepegūta tiquina wejē dutiri tiquirore. Sa yegu musare tiquirore ihñogū ñano yegu niaya yuhu, ni yahuahye Juda tiquinare.

Tiquiro sa ni yahuri bato tiquina yūhtiahye:

—Sata yecūnahdo. Ūsāre dūhseati ijierare ti muhu sa niñe. Muhu dihita sa ni tūhoture tire, ni yūhtiahye tiquina tiquirore.

<sup>5</sup> Tiquina sa ni yūhtiri bato Cohācjū ya wahuapu Juda tiquiro ye niñeru cjoerire doque site cūahye. Doque site cū, wahaa wahahye. Waha, yuta dare dūhte ohō, tiquiro basi wamūare tu suha, uhpu cjū sa, yariaa wahahye.

<sup>6</sup> Sa ye pahia pahtoa niñeru cjoerire ne, ohō saha niahye:

—Ahri niñerure Cohãcjũ wãhũ cjã acaropũ niñeru ihbori acaropũ mari cũ masiedaja. Ahri niñeru mehnata masãnore wejẽ dutiri. Sa ye mari ye dutiye marine sa ijiye niñerure ihbo dutierare, niahye tiquina basi.

<sup>7</sup> Tiquina sa nidi bato “Ohõ saha yeihna”, tiquina ni yahuri bato dihi suturire yeriquireo ya yehpare dúahye. Ti cjoeri mehna dúahye. Ape sie cjẽna tiquina wihi tiquina yariagũ tiquina yati yehpa ijiatore ti yehpare dúahye. <sup>8</sup> Sa ye ti yehpare “Dii yehpa”, wame yeri masa. Yojoopũ gãhũre sata wame tire. <sup>9</sup> Ahri ijiptiye sa wahahye Jeremia panopũ “Sa waharota”, tiquireo ni ojoariro sahata. Tiquireo Cohãcjũ yere yahu mãhtariquireo ijiyahye. Ohõ saha ni ojoahye tiquireo: “Treinta niñeru cjoerire plata cjoerire ‘To punota wapa yenata tiquireore usã ñehẽaire’, nieta Israe masa. <sup>10</sup> Sa ye ti cjoeri mehna dihi suturire yeriquireo ya yehpare dúeta tiquina. Ohõ sahata yãhũre ye dutiri Cohãcjũ”, ni ojoahye Jeremia panopũ.

*Pilato Jesure sinituahye*  
(Mr 15.2-5; Lc 23.3-5; Jn 18.33-38)

<sup>11</sup> Sa ye Pilatore tiquina ochori bato tiquireo pehe Jesure sinituahye:

—¿Potota judio masa pãhtota ijiajari mãhũ? ni sinituahye Jesure.

—Mũhũ nino sahata ijiaja, ni yãhtiahye Jesu.

<sup>12</sup> Sa ni yãhtieperota, pahia pãhtoa, bũcũna gãhũ tiquina tiquireore yahusãgũ yãhtierahye Jesu. <sup>13</sup> Tiquireo sa yãhtieragũ ihũano Pilato sinituahye: —¿Ahri ijiptiye mãhũre tiquina yahusãrĩre tãhoerajari mãhũ? ni sinituahye tiquireo Jesure.

<sup>14</sup> Tiquireo sa ni sinituepegãta Jesu ne mehenogã yãhtierahye. Tiquireo sa yãhtieragũ ihũano Pilato ne ðãhse ni masiedahye.

*Jesure wejẽ dutiahye*  
(Mr 15.6-20; Lc 23.13-25; Jn 18.38–19.16)

<sup>15</sup> Cũhmaripe pascua ijigũ masa yaquireo ijiatiquireore ihcãquireo peresupũ ijiquireore Pilato sa wio basaducue tiahye. <sup>16</sup> Ti pjere Barrabá wame tiriquireo peresupũ ijiyahye. Tiquireore masiahye masa. <sup>17</sup> Sa yero tiquina cahmecoagũ Pilato pehe sinituahye tiquinare:

—¿Diquiro pehere mãsare wio basaboagari yãhũ? ¿O Barrabá pehere o Jesure Cristo tiquina nidiquireore wio basaboagari yãhũ? ni sinituahye tiquireo.

<sup>18</sup> Jesure masa cahĩgũ ihũãne judio masa mari pãhtoa tiquireore ihũa tuhtiahye. Sa ihũa tuhtiyẽ tiquireore ohoahye Pilatore. Sa yero masa tiquina cahĩdi buhiri tiquina ihũa tuhtirire masino Pilato Jesure wio duamahye.

<sup>19</sup> Sa ye Pilato masare ñãne yeyequinare tiquireo beseri pahtarũ ðujigũ tiquireo namono tiquireore quitĩ ohoahye: “Mia ñamine Jesure quehẽgo, tutuaro ñano yãhdũ. Sa yegũ tiquireore ñãne marieniquireore ne sijoero saha yeracãhũ mãhũ”, ni yahudoqueoahye tiquireo namono Pilatore.

<sup>20</sup> Sa ye coã waropũre pahia pãhtoa, bũcũna gãhũ masare ohõ saha ni duti tuhasahye. “Barrabá pehere wio duti, Jesu pehere wejẽ dutiya”, ni dutiahye masare. <sup>21</sup> Sa yero Pilato masare sinituahye:

—¿Ahriquina pũarore diquireo pehere mãsare wio basaboagari yãhũ? ni sinituahye.

—Barrabá pehere wio basaya usãre, ni yãhtiahye.

<sup>22</sup> —¿Ahriquireo Jesu Cristo tiquina nidiquireo pehere ðãhse yeitari yãhũ, mãsa sa ni saũducugũ? ni sinituahye tiquireo.

—Curusapũ quẽ biha wejẽna tiquireore, ni yãhtiahye masa ijiptiyequina.

<sup>23</sup> —¿Yabe borore ñãne yeri ahriquireo, mãsa sa nigũ? niahye tiquireo.

Tiquiro sa nigū tūhoye tiquina tutuaro mehna sañuducuahye:

—Curusapū quē biha wejēña tiquirore, ni sañuducuahye masa tiquirore.

<sup>24</sup> Tiquina sa ni sañuducugū tūhoro, tiquirore tiquina tūho dueragū ihñano “Masa usua, cahmequeboaga”, nino, yūhtiro ohō saha yeahye Pilato. Masa tiquina ihñonopū tiquiro omo coseahye. Sa omo cosero ohō saha niahye.

—Ahriquirore wejēdi buhiri yee buhiri ijierare. Masa ye buhiri ijire, nino omo coseahye.

<sup>25</sup> Tiquiro sa nigū tūhoye ijipihtiyequina masa ohō saha niahye.

—Ahriquirore wejēdi buhiri usā, usā pohna gūhū usā ye buhiri ijiahero, niahye masa.

<sup>26</sup> Tiquina sa nigū tūhoro Pilato Barrabāre peresupū ijiriquirore wio dutiahye masa tiquina cahmeniquirore. Sa ye tuhasa Jesu pehere yuta dari mehna tana duti, tiquirore curusapū wejē dutiro ohoahye surarare.

<sup>27</sup> Tiquiro sa ohogū Pilato ya wūhupū tiquiro yequina surara Jesure neñe esahye. Sa ye tiquina surara ijipihtiyequina Jesu cahapū cahmecoahye.

<sup>28</sup> Sa ye tiquiro suhtire tu we ne, pūhtoro ya suhtiro saha bajuri suhtirore tiquirore sāahye. <sup>29</sup> Sa sāa tuhasa, pota behtore ye tuhasa, tiquiro dapu bui duhu peohaye. Sa duhu peo tuhasa, yucūgare poto pehe dahra suhahye. Dahra suha tuhasa, dūsepe curi mehna quehe sa, bujūpeahye tiquirore.

—Quehnoano ahtaya. Judio masa pūhto, quehnoano ahtaya, ni bujūpeahye tiquirore.

<sup>30</sup> Sa nieta tiquirore sihco puti ohō, tiquina dahra suhadure tiquirore tuā we ne, tiquiro dapure quēahye tū mehnata. <sup>31</sup> Tiquina sa bujūperi bato tiquina sāari suhtirore tu we ne, tiquiro ye suhti pehere sāahye tja. Sāa tuhasa, curusapū wejēñe tehe, tiquirore ne wijiahye.

### *Tiquina Jesure curusapū quē biha, wejēahye*

*(Mr 15.21-32; Lc 23.26-43; Jn 19.17-27)*

<sup>32</sup> Tiquirore ne cā, Simo wame tiriquirore Cirene cjanore piti ca, tiquirore Jesu wūari curusare wūa cā dutiri.

<sup>33</sup> Wūa cā Gólgota wame tiorpū esari. “Gólgota”, nino “Dapu pehtoro”, nino nine. <sup>34</sup> Sa ye vinore suēñe co mehna tiquina moreñe core Jesure ohomedi. Ti acore sihni tuhu, sihniedari tiquiro.

<sup>35</sup> Sa ye Jesu ye suhtire tiquina tu we nedi bato tiquirore curusapū quē bihari tiquina. Sa quē biha tuhasa, tiquiro ye suhtire “¿Noa yaro ijirofari ohō?” ni, cahme doqueperi, ni ojoahye panopū. <sup>36</sup> Doquepe tuhasa tiquirore ihña dujuducuri tiquina. <sup>37</sup> Tiquiro dapu bui curusapū ohō saha ni ojoari pñine duhu ohōri tiquina tiquiro ñañe buhirire yahu duaye. “AHRIQUIRO JESU JUDIO MASA PŪHTORO IJIRE”, ni ojoari tiquina ti pñine.

<sup>38</sup> Came pūaro yaque bucsanare Jesu cahapū apeye curusaripū quē biha docori tiquina. Ihcāquiro tiquiro poto pehe, apequro tiquiro cū pehe pehe quē biha docori tiquina. <sup>39</sup> Curusari cahapū yūhdū cāñequina Jesure ihña, tiquina dapu pacare yure, tiquirore ñano yahuducuri:

<sup>40</sup> —¿Cohācjū wūhūre cohā, ihtia deco wahaboro pari turi ti wūhūre dahreborigū ijiajari mūhū? Cohācjū macū ijigū mūhū basi dijia taya. Sa yegū mūhū basi yedohoya, nidi masa.

<sup>41</sup> Sata ni bujūperi tiquirore. Pahia pūhtoa gūhū, marine judio masare buheyequina gūhū, bucsana gūhū tiquirore sa ni bujūperi.

<sup>42</sup> —Tiquiro apequnare yūhdūoriquiro ijiro tiquiro basi gūhū yūhdūoahro. “Israe masa pūhto ijiaja”, nimene tiquiro. Sa yena tiquiro basi dijia tagā

ihñana tiqirore wacũ tutuanata. <sup>43</sup> Tiquiro pehe Cohãcjãre wacũ tutuamene. Sa yero “Cohãcjũ macũ ijiaja”, nimene tiqiro. Tiquiro sa ijigũ Cohãcjũ pehe tiqirore yedohoahro, ni bũjũperi tiqina.

<sup>44</sup> Yaque bũcana tiqiro caharũ tiqina quẽ bihanohriquina sata tiqirore bũjũpe, ñano yahuducuri tiqina gãña.

*Jesu yariaa wahahye*

(Mr 15.33-41; Lc 23.44-49; Jn 19.28-30; He 6.19-20; 10.19-20)

<sup>45</sup> Sa ye coheri pje ijigũ ihtia hora waro ijipihtiropũ nahitiano ijiri. <sup>46</sup> Sa yero ti pjere nahitia yãhdũgũ waro Jesu tutuaro sañuducuri:

—¿Elí, Elí lema sabactani? nidi tiqiro. Sa nino ohõ saha nino niahye: “¿Yũhũ Pacũ, yũhũ Pacũ, dũhsegũ yũhũre cohãjari mũhũ?” nino nidi.

<sup>47</sup> Tiquiro sa nigũ tũhoye ihquẽquina topũ ducuyequina ohõ saha nimedi: —Cohãcjũ yere yahu mũhtariqirore Eliare pijioro niboaga, nimedi tiqina.

<sup>48</sup> Sa yero ihcãquiro tiqina mehna cjãno oma cã, aco ihmini sũhte mehna vino sũẽhe core soha tuhasa, yucũgũ sohtoapũ dũhte ohõ, Jesu caharũ esa, tiqirore sihõmedi. <sup>49</sup> Tiquiro sa yegũ ihñañe apeqũna sihõriqirore ohõ saha nidi:

—Cohteniña. Elia ahriqirore tiqiro yãhdũogũ ihñañhna mari, nidi apeqũna.

<sup>50</sup> Tiquina sa nidi bato pari turi sañuducu, Jesu pehe yariaa wahari.

<sup>51</sup> Tiquiro yariagũta Cohãcjũ wãhũ cjã suhtiro cahsero, topũ tiqina cahmotari cahsero deco tũhnũ maa dijia, cjũ saa wahahye. Sa yero yehpa gãhũ ñuhmĩdi. Sa ñuhmigũ utã paca bũjũye paca wahtia wahari. <sup>52</sup> Sa ye masa coperi parĩgũ, peyequina Cohãcjũ yequina mũna ranopũ yariariquina mũna masa wijiahye. <sup>53</sup> Masa wijia, Jesu masa wijiarĩ bato ti coperire cohã cã, quehnoari macapũ Jerusalẽpũ wahari tiqina. Topũ tiqina wahagũ peyequina masa ihñañe tiquinare.

<sup>54</sup> Sa ye ti ijipihtiyere ihñañe, yehpa ñuhmigũ ihñañe, surara pũhtoro tiqiro yequina surara mehna ihña maria wahari. Tiquina Jesure curusapũ ijiriqirore cohteyequina ijiri. Ihña maria waha, ohõ saha nidi:

—Ijirota ijire. Ahriqiro Cohãcjũ macũnota ijimeya, nidi tiqina.

<sup>55</sup> Sa ye Galileapũ Jesu mehna ahtariquina numia tiqirore yedohoriquina numia yoaropũ tiqirore curusapũ ijiriqirore ihñaducuye nidi. <sup>56</sup> Tiquina numia mehna María Magdalena ijiri. Apecoro María wame tricoro gãhũ ijiri. Ticoro pehe Santiago, José gãhũ pacoro ijiri. Apecoro Zebedeo namono ijiri.

*Jesu pagũre masa coperũ cũahye José*

(Mr 15.42-47; Lc 23.50-56; Jn 19.38-42)

<sup>57</sup> Sa ye ñamicahapũ José Arimatea cjãno doeri cjẽ upũro topũ wihiahye. Tiquiro Jesu buheriqiro ijiri. <sup>58</sup> Wihi, Pilato caharũ esa, Jesu pagũre siniahye. Tiquiro sa sinigũ tũhoro Jesu pagũre tiqirore oho dutiahye Pilato.

<sup>59</sup> Tiquiro sa dutiri bato José pehe tiqiro pagũre ne dijio, quehnoari suhtiro wete marieni suhtiro mehna tiqiro pagũre wahmeahye. <sup>60</sup> Wahme tuhasa, José tiqiro ya masa coperũ cũahye Jesu pagũre. Ti cope tiqina utãpũ seheri cope wahma cope ijiri. Ti coperũ ne sajà duhu cũ tuhasa, pajiria utãre tu torẽ cãhye tia mehna biharo taro. Biha tuhasa, wahaa wahahye. <sup>61</sup> Sa ye María Magdalena, apecoro María mehna ti copere ihña dujiducuahye.

*Jesure tiqina cũri copere surara cohteahye*

<sup>62</sup> Sa ye ape deco, pascua ijiatire tiquina quehñori deco bato, saurú ijigü pahia puhto, fariseo masa gñu Pilato cahapu cahmecoahye. <sup>63</sup> Cahmecoa tuhasa ohõ saha niahye tiquina Pilatore:

—Puhto, tiquiro ni mehoriquiro Jesu catiro ohõ saha niahye: “Ihtia deco wahaboro masa wijiagutja yñu”, niahye tiquiro. <sup>64</sup> Tiquiro sa nidiqiro ijigü tiquiro buheyequina pehe tiquiro pagure yaqueboaga. Sa yaqueye masare ohõ saha niboaga: “Jesu masa wijiari”, niboaga tiquina. Tiquiro Jesu pehe masare ni mehono nidi. Sa ijiepegüta tiquiro buheyequina pehe “Tiquiro masa wijiari”, niñe, ni mehoñe nieta. Sa yero Jesu tiquiro ni mehoriro yñuoro tiquina ye ni mehoñe pehe ña yñuorota. “Sa yaqueari”, nigü ihtia deco waro tiquiro masa copere mahñ yequina surarare cohte dutiya, niahye tiquina Pilatore.

<sup>65</sup> Pilato yñhtiahye:

—An. Ti copere cohteahro. Sa yena mña gñu mña ye masino puno ti copere quehnoano cohteya, niahye tiquiro tiquinare.

<sup>66</sup> Tiquiro sa nigü tiquina waha, ti copere biharia ññ mehnaruta ñehoguputa wihtã ñeheahye masa tiquina sajägü ihña masiñe tehe. Sa ye surarare ti copere cohte dutiahye.

## 28

### *Jesu masa wijiahye*

(Mr 16.1-8; Lc 24.1-12; Jn 20.1-10)

<sup>1</sup> Sa ye judio masa mari sori deco saurú pehe yñdugü domingo ijigü ñami cjünogã ijigü María Magdalena apecoro María mehna Jesu masa copere ihñañe wahahye. <sup>2</sup> Sa yero duita yehpa tutuaro ñuhmiahye. Sa ñuhmigü mari puhtoro tiquiro yaqiro angel ahmasepu ijiriquiro dijia ta, masa copere biharia ññare tu torẽ cã, tia bui dujiahye. <sup>3</sup> Upo miadoqueoro yero saha quehnoano asi siteahye tiquiro. Sa ye tiquiro suhti ehmeo curua yero saha quehnoano yehseye suhti ijiyahye. <sup>4</sup> Tiquiro sa bajuagü ti copere cohteyequina surara cue yñdñye, nanare yñdñu waha, buigã warona yaria yñdñu wahahye. <sup>5</sup> Sa yero angel pehe tiquina numiare ohõ saha niahye:

—Yññare cueracãñña. Curusapu tiquina quẽ bihariqiro, Jesure mña macagü masiaja yñu. <sup>6</sup> Tiquiro yojopure ohõre mariedare. Tiquiro nidiro sahata masa wijiã wahari. Tiquiro pagure tiquina cürirore ihñana ahtaya. <sup>7</sup> Sa yena tiquiro buheyequina cahapu ñññano waha, ohõ saha ni yahuna wahaya: “Jesu masa wijiari. Sa yero mña pano Galileapu tiquiro wahayurota. Topu tiquirore ihñanata mña”, ni yahuna wahaya mña. Ahrita ijire masare yñu yahuri quitu, niahye angel tiquina numiare.

<sup>8</sup> Tiquiro sa nidi bato tiquina numia masa copere ijiye numia sojaro mehna wijiã, tiquirore cuepeta bucue yñdñye mehna Jesu buheyequinare yahuye oma cã wahahye. <sup>9</sup> Sa wahayequina numiare Jesu piti ca, ohõ saha niahye:

—¿Quehnoano ijiajari mña? niahye tiquiro.

Tiquiro sa nidi bato, tiquina pehe tiquiro cahapu esa, dahpocãrine ñehe, tiquirore ño peoahye.

<sup>10</sup> —Cueracãñña mña. Yñu bahanare “Galileapu wahaya”, ni yahuna wahaya. Topu yññare ihñæeta tiquina, niahye Jesu tiquinare.

### *Masa copere cohteyequina surara tiquina ihñare yahuahye*

<sup>11</sup> Tiquiro sa nidi bato numia wahari watoo ihquẽquina masa copere cohteriquina mehna cjẽna surara, Jerusalẽpu pahia puhtoare ijipihtiyere yahu pehoye wahahye. Jesu tiquiro masa copere wijiãre yahu peho

cāhye. <sup>12</sup> Tiquina sa ni yahugū pahia pūhōa, judio masa mari bucūna mehna cahmecoahye. Cahmecoa, yahuducuahye. Sa yeye surarare ni meho dutiye niñerure wapa yeahye.

<sup>13</sup> —Ohō saha niña mūsa masare: “Ñami usā carīdi bato tiquiro buheyequina pehe masa copere wihi, tiquiro pagure ne cāri jiri”, ni yahuya masare.

<sup>14</sup> Mūsa sa ni yahugū Pilato pehe mūsa carī yūhdūarire tūhoboaga. Tiquiro sa tūhogū, “Mūsa tuhtiari”, nina, mūsa yahu basanata usā tiquirore, niahye tiquina surarare.

<sup>15</sup> Tiquina sa nidi bato surara pehe niñerure ñehe, tiquinare tiquina ni meho dutiriro sahata masare yahuye wahahye. Sa ye tiquina ni mehoriro sahata Jesu tiquiro masa copere wījarire yahuducuri judio masa. Yojopū gāhure sata nine tiquina.

*Jesu tiquiro yere buhe dutiro ohoahye tiquiro buheyequinare  
(Mr 16.14-18; Lc 24.36-49; Jn 20.19-23)*

<sup>16</sup> Sa ye usā Jesu buhena once buhena cūnūpū Galileapū ijidūpū Jesu tiquiro waha dutidūpū wahan usā. <sup>17</sup> Topū esa, Jesure ihñana, ño peou usā tiquirore. Sa ño peopenata, usā ihquēquina “Ahriquiro Cohācjū macūno ijieraboaga”, ni tūhotumi. <sup>18</sup> Usā sa ño peogū tiquiro pehe usā cahapū wihi, ohō saha nidi:

—Ahri yehpapūre, ahmūsepe gāhure Cohācjū ijipihtiyequina bui tutuayere ohori yūhure. <sup>19</sup> Tiquiro sa ohogū ohō saha dutiaja mūsa: Ijipihtiro cjenare yeere buhena wahaya. Yeequina tiquina wahatire buhena wahaya. Sa yena mari Pacū wame mehna, yūhū wame mehna, Espiritu Santo wame mehna tiquinare wame yeya. <sup>20</sup> Sa yena mūsa yūhū dutirire tiquina ye pehoatire buheya tiquinare mūsa. Sa yena ahrire yūhū niatire wacūña: Ijipihtiyē decori ahri yehpa ijiro puno mūsa mehna sa ijiducugutja. Mūsa mehna yūhū sa ijiducuatire wacūña mūsa, ni yahuri usāre Jesu.

## San Marcos

*Ñu wame yeriquiro buhe ducahye*

*(Mt 3.1-12; Lc 3.1-9, 15-17; Jn 1.19-28)*

<sup>1</sup> Ahri pūrpa Jesucristo Cohācjū macano tiqiro yerire quehnoañe buheyere yahu ducaja. <sup>2</sup> Cohācjū yere yahu m̄htariqiro m̄nana Isaia tiqiro ojoariro sahata yahuye ijire. Ohō saha ni ojoahye tiqiro:

Cohācjū tiqiro macanore ohō saha niahye: “M̄h̄n̄ pano m̄h̄n̄re yahuyua-tiqiurore ohoyuḡn̄ naja. <sup>3</sup> Sa yero tiqiro masa marienop̄n̄ waharota. Tiqiurore t̄hoyequinare yahuro sañuducurota: ‘Mari p̄htoro tiqiro ahtato pano mahare mari quehnoano saha quehnoana ijiyuya m̄sa. M̄sa ñañe yerire b̄j̄na witiya,’ ni sañuducurota,” niahye Cohācjū, ni ojoahye Isaia.

<sup>4</sup> Ñu wame yeriquiro masa marienop̄n̄ buhee tiahye.

—M̄sa ñañe yerire b̄j̄na witiya. Yojoṗ̄n̄re quehnoañe pehere comesaya. Sa yena wame yenh̄rina ijia. M̄sa sa comesaḡū ih̄ñano Cohācjū m̄sa ñañe yerire borota, ni buhee tiahye tiqiro.

<sup>5</sup> Sa yero ijipihtiyequina Judea dihta cj̄e macari cj̄ena Jerusalē cj̄ena mehna tiqiro cahap̄n̄ esaḡū ih̄ñaño Ñu pehe Jordā wame tiri map̄n̄ wame yeahye tiquinare. Tiquinare tiqiro wame yeḡū tiquina pehe tiquina ñañe yerire yahu ȳhd̄nahye Cohācj̄are.

<sup>6</sup> Sa yero Ñu camello poari suhtirore sañariqiro wahiquina cahsero mehna t̄ñā dihoriquiro ijiahye. Poroero, umiquina n̄c̄n̄ cj̄ena umine ihyae tiahye.

<sup>7</sup> Sa yero ohō saha ni buhee tiahye.

—Ȳh̄n̄ bato ȳh̄n̄ ȳhd̄n̄oro tutuariqiro ahtarota. Quehnoa ȳhd̄n̄ariqiro ijire tiqiro. Tiqiro yero saha ijieraja ȳh̄n̄ pehe. Sa yeḡū tiqiurore t̄hotuḡn̄, “Thyo ijiḡū ijiaja ȳh̄n̄”, ni t̄hotuaja ȳh̄n̄. <sup>8</sup> M̄sare wame yeḡū aco mehna wame yei. Tiqiro pehe ȳh̄n̄ ȳhd̄n̄oro yerota. Esp̄ritu Santore masa mehna iiducuḡū yerota, ni buhee tiahye Ñu.

*Ñu Jesure wame yeahye*

*(Mt 3.13-17; Lc 3.21-22)*

<sup>9</sup> Sa ye ti ṗ̄jere Jesu Nazareṗ̄n̄ Galilea yehrap̄n̄ ijiri macap̄n̄ ijiriquiro Jordā wame tiri map̄n̄ esahye. Top̄n̄ tiqiro esaḡū Ñu wame yeahye tiqiurore.

<sup>10</sup> Tiqiro wame ye tuhasaḡū Jesu diap̄n̄ ijiriquiro maja sad̄ca ḥm̄nanop̄n̄ ih̄ñā m̄soahye. Ḥm̄use par̄i maa wahahye. To par̄i maaḡūta Esp̄ritu bujua yero saha Jesu bui dijia tahye. <sup>11</sup> Sa yero ḥm̄seṗ̄n̄ yahuducuro ca tahye:

—M̄h̄n̄ ȳh̄n̄ mac̄n̄ ȳh̄n̄ cah̄iḡū ijire. M̄h̄n̄ mehna tutuaro bucueaja, nino ca tahye ḥm̄seṗ̄n̄.

*Satana ñañene ye dutimahye Jesure*

*(Mt 4.1-11; Lc 4.1-13)*

<sup>12</sup> Ti ṗ̄jere Jesure masa marienop̄n̄ Esp̄ritu Santo neahye. <sup>13</sup> Top̄n̄re esaro cuarenta decori waro ijiahye. Wat̄ino pehe Jesu tiqiro ñañene yeḡū ih̄ñā duaro ñañene ye dutimahye tiqiurore. Sa yero Jesu wahiquina n̄c̄n̄ cj̄ena mehna ijiahye. Top̄n̄ tiqiro ijiḡū ih̄ñañe angele pehe tiqiurore yedohoahye.

*Jesu Galilea yehrap̄n̄ buhe ducahye*

*(Mt 4.12-17; Lc 4.14-15)*



<sup>14</sup> Sa ye Ñure peresup<sub>u</sub> tiquina biha dapori bato Jesu pehe Galilea yehpap<sub>u</sub> quehnoañe buheyere Cohãcjũ pãhtoro ijiyere yahuro wahahye. <sup>15</sup> Ohõ saha ni yahuahye:

—Yojopare ohõ saha ijire. Cohãcjũ tiquiro pãhtoro ijiato mehenogã duhsare. Mũsa ñañe yerire bujãa witiya. Sa yena quehnoañene comesaya. Quehnoañe buheyere tãhoaya mũsa, ni buhee tiahye Jesu.

*Jesu pititiaro wahi yohyeyequinare “Yũhũ mehna cjãna ijiana ahtaya”, niahye*

*(Mt 4.18-22; Lc 5.1-11)*

<sup>16</sup> Tire yahu tuhasaro Galilea wame tiri ditara dũht<sub>u</sub> cahap<sub>u</sub> esaro, ihñahye Simore, tiquiro bahũro Andre mehna. Tiquina wahi yohyeyequina ijiahye. Sa ye tiquina wẽñecjũre doque ñoñe niahye ti ditarap<sub>u</sub>.

<sup>17</sup> —Yũhũ mehna cjãna ijiana ahtaya mũsa. Yũhũ mehna mũsa ahtagũ mũsa wahire ñehe cahmecoana mũsa ijiro saha Cohãcjũ yequina ijiatiquinare masare piji cahmecoana ijigũ yeitja mũsare. Yũhũ mehna mũsa ahtagũ sa yeanajare cõtja mũsare, niahye Jesu.

<sup>18</sup> Tiquiro sa nigũ tuhoye tiquina wẽñecjũre cũ cã, tiquiro mehna wahahye.

<sup>19</sup> Sa ye tiquina mehenogã yũhdũ cã, Santiagore, tiquiro bahũro Ñu gãhũre boca sahye tja. Tiquina pehe Zebedeo pohne ijiahye. Tiquina yaria yucũsap<sub>u</sub> wẽñecjũre quehnoñe niahye. <sup>20</sup> Sa yero tiquiro pijigũ tiquina pehe tiquina pacũrore, tiquirore yedohoyequina mehna yucũsap<sub>u</sub> cũ cã, Jesu mehna wahahye.

*Watĩare cãoriquiro Jesure piti cahye*

*(Lc 4.31-37)*

<sup>21</sup> Sa ye tiquina Capernau wame tiri macap<sub>u</sub> esahye. Sa yero saurũ ijigũ judio masa buheri wũhũp<sub>u</sub> buhero esahye tiquiro. <sup>22</sup> Sa yero tiquiro quehnoano masi pehoriquiro buhero usã judio masare buheyequina yero saha ijierahye tiquiro. Tiquiro sa buhegũ ti maca cjẽna tãho maria wahahye.

<sup>23</sup> Ti pjere ti wũhũp<sub>u</sub> ijiriquiro watĩare cãoriquiro ijiahye. Sa yero ohõ saha niahye Jesure:

<sup>24</sup> —Mũhũ Jesu Nazare cjũ cariboeracãhña usãre. ¿Dũhse yei tũu niajari usãre? ¿Mũhũ usãre butigũ yei tũu niajari? Cohãcjũ macũ quehnoagũ mũhũ ijigũ yũhũ masiaja, ni sañuducuahye tiquiro Jesure.

<sup>25</sup> Tiquiro sa nigũ tãhoro Jesu tuhtiahye watĩare:

—Dihta mariahña. Duhuya tiquirore, niahye Jesu.

<sup>26</sup> Sa yeye watĩa tiquirore yehpap<sub>u</sub> doque quehe sa tunugũ yeye, tiquiro tutuaro sañuducuri watoa duhuahye tiquirore. <sup>27</sup> Sa ye ijipihtiyequina ti wũhũp<sub>u</sub> dujiyeyequina acũa yũhdũa waha, ohõ saha niahye:

—Ahyou. ¿Ahri wahma buheye ijiajari? Tiquiro pãhtoro yero saha ditire watĩare. Tiquiro dutigũ tiquina watĩa pehe yãhdũdũcaerare tiquirore, ni yahuducuahye ti wũhũp<sub>u</sub> dujiyeyequina tiquina basi.

<sup>28</sup> Sa ye meheñe decori batota duita ijipihtiyequina Galilea yehpa cjẽna tire tiquiro sa yerire tãhoahye.

*Jesu Simo Pedro mareonore duti yũhdũgũ yehaye*

*(Mt 8.14-15; Lc 4.38-39)*

<sup>29</sup> Sa ye Jesu gãhũ judio masa buheri wũhũp<sub>u</sub> ijiriquina wijiaa wahahye. Tiquina sa wijiaro bato Jesu, Santiago, Ñu, apequina tiquina mehna cjẽna gãhũre, Simo, tiquiro bahũro Andre mehna tiquina ya wũhũp<sub>u</sub> siho sajã sahye. <sup>30</sup> Ti pjere Simo mareono ujuaye dohatiricoro cuñano bui ticoro cuñagũ ihñañe yahuahye Jesure. <sup>31</sup> Tiquina sa ni yahugũ tãhoro tiquiro pehe

ticoro caharᵐ esaro, ticoro omocare ñehē, ticorore weje wahcō dapoahye. Tiqiro sa weje wahcō dapogāta ticorore ujuaye surua wahahye. Ti sa sururi bato ticorota ihyayere peoahye.

### *Jesu peyequina dohatiyequinare yᵐhdᵐoahye*

(Mt 8.16-17; Lc 4.40-41)

<sup>32</sup> Ñamicaharᵐ asū sajāri bato masa peyequina dohatiyequinare, watīa cᵐoyequinare Jesu caharᵐ ne sahye. <sup>33</sup> Sa ye ijipihtiyequina ti maca cᵐēna cahmecoā dᵐca sahye ti wᵐhᵐ sopecaharᵐ. <sup>34</sup> Sa yero Jesu peyequina dohatiyequinare, peyequina watīa cᵐoyequinare quehnoa wahagū yeahye. Peyequina watīare cohāhye. Sa yero Jesure watīa tiqirore masigū ihñano Jesu pehe tiquinare yahuducu dutierahye.

### *Jesu buhe tinino wahahye*

(Lc 4.42-44)

<sup>35</sup> Sa ye ñami cᵐjūno wahcā, nahitia cᵐjūgū masa marienopᵐ Cohācjüre sinino wahahye Jesu. <sup>36</sup> Tiqiro sa wahagū ihñañe Simo gāhᵐ tiqirore macañe esahye. <sup>37</sup> Sa ye tiqirore piti caye, ohō saha niahye:

—Masa ijipihtiyequina mᵐhᵐre macañe nidi, niahye tiquina.

<sup>38</sup> Tiquina sa nigū tᵐhoro ohō saha niahye Jesu:

—Ahri macarine buhegᵐ ahtaᵐ yᵐhᵐ. Sa yena apeye macari ohō cahagā cᵐē macariᵐ wahᵐhna mari. Yᵐhᵐ ti macari gāhᵐre buheitja, niahye Jesu tiquinare.

<sup>39</sup> Sa yero ijipihtiye Galilea yehpare buhe tiniahye. Sa yero macaripe judio masa buheye wᵐhᵐsepᵐ buhero, watīare masa mehna ijiyequinare cohā wioahye.

### *Jesu camī bᵐcᵐ mᵐna wihirore yᵐhdᵐoahye*

(Mt 8.1-4; Lc 5.12-16)

<sup>40</sup> Sa ye apeqiro dohatiriquiro camī bᵐcᵐ mᵐna wihiro Jesure piti caro dᵐsepe curi mehna quehe sa siniahye:

—Mᵐhᵐ yᵐhᵐre yᵐhdᵐo duagu yᵐhdᵐoya, niahye camī bᵐcᵐ mᵐna wihiro.

<sup>41</sup> Tiqiro sa nigū tᵐhoro Jesu tiqirore paja ihñahye. Sa yero tiqiro omocare siᵐdoqueo tiqirore ña peoahye. Sa ña peoro ohō saha niahye:

—Tire ye duaja. Quehnoagu ijiya mᵐhᵐ, niahye Jesu.

<sup>42</sup> Tiqiro sa nigūta tiqiro camī ahbari yati maa wahahye. Quehnoa wahahye tiqiro. <sup>43</sup> Tiqiro sa wahagū ihñano Jesu tiqirore tutuaro mehna yahyahye:

<sup>44</sup> —Apequinare ahrire yahu siteracāhña. Sa yahuerapegata mᵐhᵐ pagure pahire ihñōña. Cohācᵐjū dutiye Moiserē tiqiro cūriro sahata yeya. Sa yegu minicᵐare ohoya pahire mᵐhᵐ quehnoagu mᵐhᵐ waharire masare mᵐhᵐ ihñōatire, niahye Jesu. Sa ni tuhasā “Wahaya”, niahye tiqirore.

<sup>45</sup> Tiqiro sa yahu dutierapegāta tiqiro waha, ijipihtiye macari cᵐēnare Jesu yerire yahyahye. Tiqiro sa yahuri bato Jesu masa peyequina ijiropᵐre waha masiedahye. Sa yero tiqiro meheñequinagā ijiropᵐ ijiyahye. Topᵐ tiqiro ijiᵐᵐ peye macari cᵐēna tiqiro caharᵐ esahye.

## 2

### *Jesu tini masieniquirore tinigū yeahye*

(Mt 9.1-8; Lc 5.17-26)

<sup>1</sup> Meheñe decori bato Jesu Capernaupᵐ tojoa wahahye. Wᵐhᵐᵐ tiqiro ijiᵐᵐ masa tᵐhoahye. <sup>2</sup> Sa ye topᵐ masa peyequina cahmecoā, ti wᵐhᵐre wahpa wijiadᵐca saa wahahye. Sa yero Jesu tiquinare quehnoañe buheyere

yahuahye. <sup>3</sup> Sa ye apequina gāhū ahta, pititiaro umūa tini masieniquiروه ne wihiahye. <sup>4</sup> Tiquina masa peyequina ijigū ihñañe Jesu caharū sajà masiedahye. Sa ye tiquina wāhū buipū muji pahmare ne wedoqueo, Jesu bui waro meheni copegā dahre, tini masieniquiروه tiquiro cuñari cahsero mehna duhu dijioahye Jesu caha waro. “Jesu ahriquiروه tiquiro dohatiyere yūhdugū yerota”, ni tūhotuahye tiquina. <sup>5</sup> Tiquina sa ni tūhotugū masino Jesu pehe dohatiriquiروه ohō saha ni yahuahye:

—Yūhū macū, mūhū ñañe yerire cohā tuhasaū, niahye Jesu tini masieniquiروه.

<sup>6</sup> Tiquiro sa nigū tūhoye, usā acaye judio masare buheyequina topure dujiyequina tiquina basi ohō saha ni tūhotumahye: <sup>7</sup> “Ahriquiروه sa ni yahuducueracāhdo. Cohācjāre ñano yahuducuro nine tiquiro. Masūno mari yero saha ijiriquiro ijire tiquiro gāhū. Sa yero tiquiro ahriquiروه ñañe yerire cohā masiedare. Cohācjū dihita masa tiquina ñañe yerire cohā masine”, ni tūhotumahye tiquina. <sup>8</sup> Tiquina sa ni tūhotugū ihñano Jesu tiquina tūhotuyere masino ohō saha niahye:

—¿Dūhse yena mūsa sa ni tūhotuajari? <sup>9</sup> “Mūhū ñañe yerire cohā tuhasaja”, yūhū nigū, “Ni mehogū ijire”, yūhūre nina nine mūsa masiedapenata. Tiquiro tini masieniquiروه “Wahcādūca, wahaya”, yūhū nigū, tiquiro tinigū ihñana yūhū nidi potota ijigū duita masinata mūsa. <sup>10</sup> Yūhū masū Cohācjū ohorigū ahri yehpare masa tiquina ñañe yerire cohā masiaja yūhū. Yūhū sa cohārire mūsa masiato saha ohō saha tiquiro wahagū yeitja, niahye Jesu judio masare buheyequinare.

Sa ni tuhasa tini masieniquiروه ohō saha niahye:

<sup>11</sup> —Mūhūre niita niaja. Wahcādūcaya. Mūhū cuñari cahserore ne cāhña mūhū ya wūhūpū, niahye Jesu tiquiروه.

<sup>12</sup> Tiquiro sa nigūta tini masieniquiروه wahcādūca sa, tiquiro cuñari cahserore ne, ijipihtiyequina tiquina ihñono wijiāa wahahye. Tiquiro sa yegū ihñañe tiquina ijipihtiyequina ihña acūaa wahahye. “Cohācjū tutuariquiروه ijire. Ne mari ohō saha yegāre ihñeda ti”, niahye tiquina basi.

*Jesu Levíre “Yūhū mehna cjū ijiajū ahtaya”, niahye  
(Mt 9.9-13; Lc 5.27-32)*

<sup>13</sup> Sa ye pari turi Jesu ditara dūhtū caharū wahahye. Sa yero masa peyequina tiquiro caharū tiquina cahmecoagū ihñano tiquiro buheahye tiquinare. <sup>14</sup> Sa ye tuhasa topū ijiriquiro waharo Levíre Alfeo macūnore tiquiro dahrari tucūpū boca sahye. Apequina mehna pūhtoa ye ijiatire wapa ne cohtyequina ijiahye Leví gāhū. Tiquiروه boca saro ohō saha niahye:

—Yūhū mehna cjū ijiajū ahtaya mūhū, niahye Jesu Levíre.

Tiquiro sa nigū Leví pehe wahcādūca sa, Jesu mehna wahahye.

<sup>15</sup> Jesu mehna wahayequina peyequina ijiahye. Sa yero Leví ya wūhūpū mesa caharū peyequina wapa ne cohtyequina mehna, “Ñano yeyequina”, tiquina niñequina mehna tiquiro buheyequina mehna dujiahye Jesu. <sup>16</sup> Topū tiquina dujiri bato apequina usā judio masare buheyequina, fariseo masa mehna Jesu tiquiro ihyagū ihñahye tiquina. Sa ihñañe ohō saha niahye:

—¿Dūhsero ñano yeyequina, wapa ne cohtyequina mehna ihyajari Jesu? ni sinituahye judio masare buheyequina Jesu buheyequinare.

<sup>17</sup> Tiquina sa nigū tūhoro queoye mehna yūhtiahye Jesu:

—Dohatieyehina duturure macaedare. Dohatieyehina dihita duturure macare. Ñañequina dohatieyehina yero saha ijire. Sa yegū ñañequina dihitaré tiquina ñañe yerire bajūa witi duti, quehnoañe pehere tiquinare comesagū

yegū tagū nii yūhū. Tiqina basi “Quehnoana ijiaja usā”, ni tūhotuyequinare yedohogū tagū niedū yūhū, niahye tiqiro tiqinare.

*Sijiyere Jesure sinituahye apequina*  
(Mt 9.14-17; Lc 5.33-39)

<sup>18</sup> Ti pjere Ņu buheyequina, fariseo masa gāhū Cohācjūre ño peoye tehe, sijie tiahye. Sa ye masa Jesure sinituahye:

—Ņu buheyequina, fariseo masa buheyequina gāhū Cohācjūre ño peoye tehe sijire. ¿Dahse ye māhū buheyequina sijierajari? niahye tiqina Jesure.

<sup>19</sup> Jesu tiqiro tūhotuye mehna queoye mehna buhero tiqinare ohō saha ni yūhtiahye:

—Ohō saha ijire ti: Omoca dūhteriquiro bose deco ijigū tiqiro mehna cjēna bujūa witiro mehna ijierare. Sa ye sijiyequina ijierare. Sata yūhū buheyequina gāhū yūhū mehna ijije, siji masiedare. <sup>20</sup> Yūhū Ραϋ Cohācjū yūhūre tiqiro neari bato pūritare pari turi yūhū buheyequina mehna ijisi yūhū. Sa ye ti pjerū yūhū buheyequina gāhū sijieta, niahye Jesu.

<sup>21</sup> Panopū cjē buheye mehna tiqina buhe more duagū ihñano ohō saha ni nemoahye Jesu tiqinare queoye mehna buhero.

—Ne wahma cahsero suhtiro cahsero mehna mūnano suhtirore sere ohōno cahmedare. Sa yegū wahma cahsero mari coseri bato mūnano suhtirore weje cahmeco, paji yūhdūaro tūhnūgū yere. (Sata mūna buheye wahma buheye mehna piti dahre buheraro cahmene.) <sup>22</sup> Sa yena ne ūhse co bisiyē core wāhtiquiro cahsero ajuropūre mūna ajuropūre pose yeraro cahmene. Sa yegū ūhse co bisiyē pahmūñerū mūna ajurore tūhnū dijiaa wahare. Ti ajuro tūhnūgū ūhse co gāhū ajuro gāhū cohāa wahare. Sa yena ūhse co wahma core wahma ajuropū pose yero cahmene. (Sata wahma buheye mūna buheye mehna buhe moredaro cahmene,) ni buheahye Jesu tiqinare.

*Saurū ijigū Jesu buheyequina trigo parorire peheahye*  
(Mt 12.1-8; Lc 6.1-5)

<sup>23</sup> Ape deco saurū ijigū Jesu gāhū trigo wesepū wahahye. Tiqiro buheyequina pehe trigo parorire pehe yūhdū cāhye. <sup>24</sup> Tiqina sa yegū ihñāñe ohō saha ni tuhtiahye fariseo masa Jesure:

—Tūhorīña usāre. ¿Dahse ye māhū buheyequina saurū mari sori deco ijiepegūta dahrajari? Mari dutiyere yūhdūdūcaye nine, niahye tiqina Jesure.

<sup>25-26</sup> Tiqina sa nigū tūhoro Jesu tiqinare yūhtiahye. “Yūhū buheyequina yūhdūdūcaye niedare”, nino taro ohō saha niahye:

—Davi mūnano tiqiro mehna cjēna mehna ijūa ahbaro, Cohācjū wūhūpū sajā, Cohācjū ye pāre ihyahye. Sa yero tiqiro mehna cjēna gāhūre ti pāre ohoahye. Ti pāre pahia dihita ihyae tiahye. Cohācjū dutiye tiqina ojoari pū apeqinare ti pāre ihya dutierare. Ti pjere Abiatar wame tiriqiro pahia pūhtoro ijiahye. ¿Davi gāhū tire tiqina yerire Cohācjū yere tiqina ojoari pūre buherari mūsa? (Ti pāre ihyaro Cohācjūre yūhdūdūcaro niedahye. Miare ahri pjerire ihyaye yūhū buheyequina gāhū Cohācjūre yūhdūdūcaye niedare,) niahye Jesu tiqinare.

<sup>27</sup> Sa ni tuhasa ohō saha ni nemoahye:

—Sa yero Cohācjū saurū decore tiqina sori deco cūno, masa ya deco cūno nidi dahra wahyariqinare so dutiro. Ti deco cahacjēna ijiatire cūno niedari masare. <sup>28</sup> Sa yegū yūhū masū Cohācjū ohorigū ahri deco saurū decore masa tiqina yeatire yahugū ijigū pūhto ijiaja, niahye Jesu tiqinare.

## 3

*Omoca b̄hariquiro quti ijire  
(Mt 12.9-14; Lc 6.6-11)*

<sup>1</sup> Sa ye Jesu us̄a judio masa buheri w̄h̄p̄u esaro, sa jāhye tja. Sa yero omoca b̄hariquiro ḡh̄u top̄u ijiahye. Sa ye ti w̄h̄p̄u ijieyquina Jesu dihitare ih̄ñadoque oh̄oahye. <sup>2</sup> Saurú ijigū Jesu omoca b̄hariquirore tiquiro ȳh̄d̄ogū ih̄ña duahe tiquina. Tiquiro sa yegū ih̄ñañe tiquirore yahusā duahe. “Mari sori decore Jesu dahraro nine”, ni yahusā duahe tiquina. <sup>3</sup> Sa yero oh̄o saha niahye Jesu omoca b̄hariquirore:

—Wahcādūca saya. Oh̄p̄u ahtaya, niahye.

Sa ni tuhasa ti w̄h̄p̄u ijieyquinare yahuahye:

<sup>4</sup> —¿Saurú ijigū quehnoañene yegū quehnoaedajari? ¿O ñañe yegū pehere quehnoajari, masa tuhutogū? Saurú ijigū masunore masogū quehnoar̄ne. Masunore wejēgū pehere quehnoaedare, ni yahuahye Jesu tiquinare.

Tiquiro sa niepegūta tiquina pehe ne ȳhtierahye. <sup>5</sup> Tiquina sa ȳhtieragū ih̄ñano Jesu tiquina mehna usuahye. Tiquina t̄ho dueragū ih̄ñano Jesu b̄j̄na witiyahye.

—M̄h̄u omocare siō potoya, niahye tiquiro omoca b̄hariquirore.

Tiquiro sa nigū t̄horo tiquiro omocare siō potoahe. Tiquiro siō potogūta omoca quehnoa wahahye. <sup>6</sup> Sa omoca quehnoa wahagū ih̄ñañe fariseo masa wijiaa wahahye. Wijia, Herode mehna c̄j̄na mehna cahmecoa, “¿D̄hse ye Jesure wejēnatari mari?” niahye tiquina basi.

*Masa peyequina ditara d̄ht̄u cahap̄u ijiahye*

<sup>7-8</sup> Sa ye Jesu tiquiro buheyequina mehna ditara cahap̄u wahahye. Tiquina sa wahagū ih̄ñañe Galilea c̄j̄na masa peyequina tiquiro bato esahye. Sa ye Judea yehpa c̄j̄na, Jerusalē c̄j̄na, Idumea yehpa c̄j̄na, Jordā wame tiri ma ape sie pahrē c̄j̄na, Tiro wame tiri maca c̄j̄na, to cahap̄u ijieyquina, Sidō wame tiri maca c̄j̄na, to cahap̄u ijieyquina mehna masa peyequina ijipihtieyquina tiquiro yerire t̄hoye, tiquiro cahap̄u esahye. <sup>9</sup> Sa ye masa peyequina ijiey, Jesu cahare bihsa d̄ca sahye. Sa yero Jesu yuc̄sare quehno pahsa dutiahye tiquiro buheyequinare. <sup>10</sup> Peyequina dohatiyequinare tiquiro ȳh̄d̄ogū ih̄ñañe apeyquina dohatiyequina ḡh̄u Jesure piha duaye, bihsa d̄ca sahye. <sup>11</sup> Sa ye wat̄are c̄oyeyquina pehe Jesure ih̄ñañe tiquiro cahap̄u d̄sepe curi mehna quehe sahye.

—M̄h̄u Cohāc̄j̄u macu ijire, ni sañuducuahye tiquina tiquirore.

<sup>12</sup> Sa yero tiquinare Cohāc̄j̄u mac̄no tiquiro ijieyere tutuaro mehna apeyquina yahu dutierahye Jesu.

*Jesu tiquiro buheyequinare doce tiquiro ohoatiquinare bese docoahe  
(Mt 10.1-4; Lc 6.12-16)*

<sup>13</sup> Sa ye Jesu c̄n̄p̄u m̄ja, tiquiro cahmeñeyquinare pijiahye. Tiquiro pijigū t̄hoye, tiquiro cahap̄u esahye tiquina. <sup>14</sup> Sa yero doce am̄are tiquiro mehna c̄j̄nare, tiquiro ohoatiquinare, apeye macarip̄are tiquiro yere buheatiquinare bese docoahe Jesu. Sa ye tiquina ya curua Jesu c̄riquina wame tiahye. <sup>15</sup> Sa yero dohatiyequinare ȳh̄d̄oatire, wat̄are cohāti ḡh̄ure c̄yahye tiquinare. <sup>16-19</sup> Ahriquina ijiahye doce am̄a Jesu tiquiro bese docoriquina: Simo, Santiago Zebedeo mac̄no, Ñu Santiago bah̄ro, Andre, Felipe, Bartolomé, Mateo, Tomasu, Santiago Alfeo mac̄no, Tadeo, Simo celote ya curua c̄j̄no ijimediquiro, Juda Iscariote, ahriquina ijiahye tiquiro bese docoriquina. Jesu Simore Pedro wame yeahye. Santiagore, Ñu mehna

Boanerges wame yeahye. Boanerges “Ἐπο cjēna”, nino nine. Juda Iscariote Jesure ihña tuhtiyequinare ihñoatiquiro ijiahye.

—*Jesu watīno tutuayere chōre, ni yahusāhye masa*  
(Mt 12.22-32; Lc 11.14-23; 12.10)

<sup>20</sup> Tiquinare bese doco tuhasa, dijia, Jesu tiquiro buheyequina mehna wāhupā sajāa wahahye. Sa ye topā pari turi masa peyequina cahmecoañe, bihsaa wahahye. Tiquina sa bihsagū ihñano Jesu ihya masiedahye. Sa ye tiquiro buheyequina gāhū ihya masiedahye. <sup>21</sup> Sa ye apequina Jesu acayē tire tūhoye tiquiro cahapā esaye, tiquirore ñehemahye. “Tiquiro taho masieniquiro waharo nine”, nimahye tiquina.

<sup>22</sup> Apequina ohō saha nimahye:

—Beelzebú tiquirore sa wahagū yero niaga. Tiquiro watīare cohāno, Beelzebú watīa pūhtoro tutuaye mehna tiquinare cohāre, nimahye Jerusalēpā ahtariquina usā judio masare buheyequina.

<sup>23</sup> Tiquina sa nigū tūhoro Jesu pehe tiquinare piji, tiquiro tūhotuye mehna queoyē mehna yahuahye tiquinare, “Watīno ye tutuaye mehna watīare cohāgū niedaja”, nino taro.

<sup>24</sup> —Watīa tiquina basi cohā masiedare. Sa ye ihcā yehpa cjēna tiquina basi cahme wejē, ti yehpa cjēna yaria pihtia wahaboaga. <sup>25</sup> Sa ye ihcā wāhū cjēna tiquina basi cahmequeñe ti wāhū cjēna waha pihtia wahaboaga. <sup>26</sup> Sa yero Satana watīa pūhtoro pehe watīare cohāno tiquina basita cahmequeñe niboaga. Sa ye tiquina waha pihtia wahaboaga.

<sup>27</sup> Ohō sahata ijire mari queoye mehna buhegū. Tutuariquiro ya wāhupā apeqiro sajā sa yaque masiedare. Tutuariquirore dūhteraro tiquiro ya wāhupā sajā sa yaque masiedare. Tutuariquirore tiquiro dūhteri bato sajā sa yaque masine, ni yahuahye Jesu.

(Ohō saha ni yahuahye watīnore tiquiro yāhduducarire yahuro. Watīno tutuariquiro tiquiro ijiepegūta Jesu tiquirore yāhduducare watīare cohāno.)

<sup>28</sup> Sa ni tuhasa ohō saha ni yahu nemoahye Jesu:

—Poto niita niaja masare. Ijipihtiye ñañe masa tiquina yegū tiquina yahuducugū gāhūre Cohācjū bo masine. <sup>29</sup> Sa boeperota Espiritu Santore tiquina ñano yahuducugū ti pūritare ne bosī. Tiquina sa nidi buhiri sa buhiri tiducuyequina ijieta, niahye Jesu tiquinare.

<sup>30</sup> Jesu Espiritu Santo tiquiro tutuaye mehna watīare tiquiro cohāpepegūta “Tiquiro watīno tutuaye mehna watīare cohāno nine”, nimahye masa. Tiquina sa nigū tūhoro ti quitire Espiritu Santo quitire yahuahye Jesu tiquinare.

*Jesu acaye tiquirore pijiahye*  
(Mt 12.46-50; Lc 8.19-21)

<sup>31</sup> Sa ye Jesu bahana tiquiro pacoro mehna wihiahye. Sa wihiye sopecahapā ijiahye. Apequinare piji dutiahye tiquirore. <sup>32</sup> Sa ye masa tiquiro cahapā dujiyequina yahuahye tiquirore.

—Māhū paco, māhū bahana mehna sopecahapā māhūre pijiri, niahye.

<sup>33</sup> Tiquina sa nigū tūhoro ohō saha niahye Jesu tiquinare buhero taro:

—¿Noa ijijari yūhū paco, yūhū bahana gāhū, mūsa ihñagū? niahye tiquiro tiquinare buhero.

<sup>34</sup> Sa nino tiquiro caha dujiyequinare ihñano ohō saha niahye:

—Ahriquina ijire yūhū paco, yūhū bahana yero saha ijieyquina. Cohācjū cahmeñene yere ahriquina. <sup>35</sup> Sa yeyequina yūhū bahū, yūhū baho, yūhū paco yero saha ijire, ni buheahye Jesu tiquinare.

## 4

*Jesu oteriquiro quitire buheahye*  
(Mt 13.1-9; Lc 8.4-8)

<sup>1</sup> Sa ye pari turi ditara duhtu cahapu Jesu buhe ducahaye. Sa ye topure buhe ducaro masa peyequina tiquiro cahapu tiquina cahmecoagu ihñano Jesu pehe yucasapu buhe pahsahye. Sa ye masa pehe ditara duhtu cahapu ducuahye. <sup>2</sup> Sa yero Jesu peye tiquiro tuhotuye mehna piti dahre yahuahye tiquinare buhero.

<sup>3</sup>—Ahri quitire tuhoya musa, niahye tiquiro.

—Oteriquiro otero wahahye. <sup>4</sup> Tiquiro sa otegū apeye pjeri maha duhtu cahapu bora quehe sahye. Sa bora quehe saye pjerire minicjua ahta, ihya cāhye. <sup>5</sup> Sa ye apeye pjeri utā pjeri watoa bora quehe sahye. Utā pjeri watoa dihta marieda cjūno ijiepegū duita pihnimahye. <sup>6</sup> Sa pihnidi ijieperota, asū tutuaro asigū nuhcori marieda, ñaia wahahye. <sup>7</sup> Apeye pjeri taa watoa bora quehe sahye. Taa pehe dia yuhduwa waha, oteri pehere wejē cāhye. Sa yero duca mariedahye. <sup>8</sup> Apeye pjeri quehnoari dihtare bora quehe sahye. Quehnoano pihniñe ijiro quehnoano duca tiahye. Apeye cjū freinta pjeri, apeye cjū sesenta pjeri, apeye cjū cien pjeri duca tiahye. <sup>9</sup> Ahrire quehnoano tuhoya musa, niahye Jesu.

*Jesu quti mehna tiquiro buherire yahuahye*  
(Mt 13.10-17; Lc 8.9-10)

<sup>10</sup> Sa ye tiquina sehsaro diaye doce buheyequina, apequina Jesu mehna ijyequina ti quitire masi duaye, Jesure sinituahye. <sup>11</sup> Tiquina sa sinituri bato Jesu ohō saha ni yahuahye:

—Cohācjū masa puhtoro tiquiro ijyere, panopu apequina tiquina masiedarire musare masigū yere Cohācjū. Apequina pehere sa yerare tiquiro. Tiquinare quti mehnata buheitja. <sup>12</sup> Sa ye tiquina ihñapeta ihñedariquina yero saha tojore. Sa ye tuhoepeta masisi. Tiquina masiñe quehnoañe pehere comesaboaya. Tiquina sa comesagū ihñano tiquina ñañe yerire bobaaya Cohācjū. (Sa ijiepegūta tiquina pehe ne tuho duerare,) niahye Jesu.

*Jesu oteriquiro quitire yahu pehoahye*  
(Mt 13.18-23; Lc 8.11-15)

<sup>13</sup> Tiquiro sa nidi bato ohō saha ni yahu nemoahye tiquinare:

—¿Ahri quitire tuhoena nijari musa? ¿Musa ahri quitire tuhoerana, dahse apeye quitire tuhonataru musa? niahye Jesu tiquinare.

Sa ni tuhasa ohō saha ni yahu nemoahye tiquinare:

<sup>14</sup>—Oteriquiro tiquiro oteri pjeri quehnoañe buheye yero saha ijire. <sup>15</sup> Sa yero maha duhtu caha bora quehe sari pjeri quehnoañe buheye yero saha ijire. Sa yero masa quehnoañe buheyere tiquina tuhogū ihñano Satana pehe ahta, ti buheye quehnoañe buheyere masi dutierare tiquinare, minicjua ti pjerire tiquina dote nediro saha yero. <sup>16</sup> Sa ye utā pjeri watoa bora quehe sari pjeri quehnoañe buheye yero saha ijire. Sa ye masa quehnoañe buheyere tuho, bucueye mehna duita tire tuho ñehē ma wahare. <sup>17</sup> Sa tuho ñehepeta utā pjeri watoa ijye cjū nuhcori marieñe cjū yero saha ahriquina masa gūhu tutuerare. Sa tutueraye, ñano yuhduye, yeequina tiquina ijiri buhiri apequina tiquinare ñano yegū ihñañe yee pehere duhu cāhre. Apequina tiquinare ñano yegū tire ihcāno sahaeraye, yeere duhu cāhre. <sup>18</sup> Sa ye taa watoa bora quehe sari pjeri quehnoañe buheye yero saha ijire. <sup>19</sup> Sa ye masa quehnoañe buheyere tuhoepeta, ahri yehpa cjēne pajiro bujua witi tuhotuye, niñeru pehere cahine. Apee boro gūhare peye tutuaro cahmene. Tiquina



sa ni t̄hotugū ti pehe quehnoañe buheyere cahmotare. Ti sa cahmotagū masa quehnoañe pehere yerare. <sup>20</sup> Sa ye quehnoari yehpap̄ bora quehe sari p̄jeri quehnoañe buheye yero saha ijire. Sa ye masa quehnoañe buheyere t̄hoye tire cahmene. Sa masiñequina ijije, Cohācjū tiquiro cahmeno sahata quehnoañene yere tiquina. Iñquēquina mehenō quehnoañene yere treinta p̄jeri d̄ca tiro saha. Apequina bui c̄jūno quehnoañene yere sesenta p̄jeri d̄ca tiro saha. Apequina pajiro quehnoañene yere cien p̄jeri d̄ca tiro saha, ni yahuahye Jesu tiquinare.

### *Jesu sihāria quitire buheahye*

(Lc 8.16-18)

<sup>21</sup> Sa ni tuhasa ohō saha ni nemoahye:

—Ne sihāriare dihi sutu docap̄ c̄edare. Sa ye tiare cumuno docap̄ c̄edare. ̄m̄manop̄ duhu peore quehnoano buhrio dutiye. <sup>22</sup> Ijipihtiye tiquina masiedarire came masa masieta. Sihāria buhriogū mari ihña masino saha panop̄re tiquina masiedarire masieta masa. <sup>23</sup> Ahrire quehnoano t̄hoya m̄sa. <sup>24</sup> Mehenogā masi duana mehenogā masinata. Pajiro masi duana pajiro masinata. Sa yena m̄sa t̄hona quehnoano t̄ho n̄n̄ña. <sup>25</sup> Quehnoano t̄ho n̄n̄riquiro quehnoano masinota. T̄ho n̄n̄eniquiro, “Mehenogā t̄hoaja”, tiquiro niepegāta ti pehe butia waharota, niahye Jesu tiquinare.

### *Jesu trigore oteriquiro quitire buheahye*

<sup>26</sup> Sa ni tuhasa ohō saha ni yahu nemoahye:

—Cohācjū masa p̄horo tiquiro ijije trigore oteriquiro yero saha ijire. <sup>27</sup> Ote tuhasa bohrearo tiquiro oteri pihniñene ihñare tiquiro. “¿D̄hse pihni wijia ta d̄cajari?” ni ihña masiedare oteriquiro tiquiro basi. <sup>28</sup> Ti oteri ti basi d̄ca tire. Pari p̄gā wijia m̄htare. Came pari paro wijia, b̄c̄are. <sup>29</sup> Ti parori b̄c̄a tuhasagū ihñano, pehere peheri p̄je ijigū. (Tiquiro ote, ti b̄c̄arire tiquiro masiedaro saha Cohācjū yequina masa tiquina wahari ḡh̄are yahu peho masiedaro masa,) ni buheahye Jesu.

### *Mostaza p̄je quitire yahuahye Jesu*

(Mt 13.31-32; Lc 13.18-19)

<sup>30</sup> Sa ni tuhasa ohō saha ni buhe nemoahye queoye mehna buhero:

—¿Ne Cohācjū masa p̄horo tiquiro ijije yabe boro yero saha ijijari, m̄sa t̄hotugū? ¿Dise quiti mehna tire yahunatari? <sup>31</sup> Mostaza p̄jegā yero saha ijire Cohācjū p̄horo ijije. Ti p̄jegā tiquiro oteḡere meheni p̄jegā waro ijire. <sup>32</sup> Sa ijieperota ti p̄jegā quehnoano pihnine. Sa yero pajid̄ wahare. Sa ye t̄ d̄p̄ri buj̄ye d̄p̄ri b̄c̄agū ihñane minic̄a ti d̄p̄rip̄ suhti suhare, niahye Jesu. (Sa nino ohō saha nino niahye. Mostaza p̄jegā pajid̄ t̄ b̄c̄ariro saha ̄m̄se c̄j̄nore mari p̄horo masiñequina meheñequinagā tiquina iji m̄htaep̄gāta camer̄re peyequina wahaeta.)

### *Quiti mehna tiquiro buherire yahuahye Jesu*

(Mt 13.34-35)

<sup>33</sup> Sa yero ti quiti tiquiro nidiro saha peye quitire tiquina t̄ho ñeheno puno quehnoañe buheyere buheahye tiquinare. <sup>34</sup> Quiti marieno yahuerahye tiquinare. Sa yero tiquina sehsaro ijiequinare Jesu quehnoano yahu pehoahye tiquiro buheyequinare.

### *Jesu wihnonore ȳs̄ dutiahye*

(Mt 8.23-27; Lc 8.22-25)

<sup>35</sup> Sa ye ti decore ñamicap̄ Jesu tiquiro buheyequinare ohō saha niahye:

—Isa, si pahr̄p̄ p̄h̄h̄na, niahye tiquinare.

<sup>36</sup> Tiqairo sa nigū tūhoye yucūsapū saajā, masare yehpapū ducuyequinare tota cū, tiqairo buheyequina dihita Jesure ne pehā wahahye. Sa ye apeye yucūsari mehna apequina tiquina bato pehāhye. <sup>37</sup> Tiquina sa pehāgū wihnono tutuaro wēahye. Sa wēno yucū sare tutuaro pahcōri quē saajāhye. Mehenogā dūhsamahye tiquina miniboriro. <sup>38</sup> Sa wahari watoa Jesu yucūsa ohoturopū suhti puti buipū carīno niahye. Sa ye tiquina tiqairore wahcōahye. —¿Buhegū, māhū cuerajari? Mari minina tana niajā, niahye tiquina tiqairore.

<sup>39</sup> Tiquina sa nigūta Jesu pehe wahcā, wihnonore,

—To punota wē duhuya, niahye.

Sa ninota pahcōri gāhure,

—Yūshahya, niahye.

Tiqairo sa nigūta wihnono yahdūa wahahye. Sa ye pahcōri gāhū yūshū dijiaa wahahye.

<sup>40</sup> —¿Dūhse yena cue maca cāna niajari mūsa? ¿Mūsa yūhure wacū tutuerajari? niahye Jesu.

<sup>41</sup> Sa wahagū ihñañe acūa yahdūa wahahye.

—¿Yohou, dūhse ijiriquiro boro masūno ijiajari ahriquiro? Ahri wihnono, pahcōri gāhū tiqairo dutigū yahdūdūcaerare tiqairore, niahye tiquina pehe.

## 5

### *Watīare cūoriquirore yūhdūoahye Jesu*

*(Mt 8.28-34; Lc 8.26-39)*

<sup>1-2</sup> Sa ye tiquina si pahrēpū Gerasa cjēna ya yehpapū pehā sahye. Sa yero Jesu pehe yucūsapū sañariquiro maja sadūcahye. Tiqairo sa maja sadūcari bato watīa cūoriquiro masa coperi utā coperi watoapū ijiriquiro wijia ta, tiqairo cahapū ahtahye. <sup>3</sup> Watīa cūoriquiro masa coperi watoa ijiriquiro ijiahye. Apequina pehe tiqairore come da pajiri da mehna ñehe dūhte masiedahye. <sup>4</sup> Sa ye peye tahari masa tiqairore dahpocāri apōñe behtori mehna, come dari mehna dūhtemahye. Tiqairo omocari gāhure dūhtemahye. Sa yero tiqairo pehe come darire nuha, dahpocāri apōñe behtori gāhure nuha site mūjahye. Sa ye tutuariquiro tiqairo ijiro mehna masa pehe tiqairore ñehe masiedahye. <sup>5</sup> Ñami ijigū, deco ijigū utā coperi watoapū cūnapū sa sañuducue tiahye tiqairo. Sa yero utā mehna tiqairo basi tiqairo pagure quēe tiahye. <sup>6</sup> Sa yero yoaropū Jesure ihñadoqueo tiqairo cahapū oma maa cāhta, dūsepe curi mehna quehe sahye tiqairore ño peoro taro.

<sup>7-8</sup> —Watīa duhuya tiqairore, niahye Jesu.

Tiqairo sa nigū tūhorō watīa cūoriquiro ohō saha niahye:

—¿Jesu, Cohācjū tutuariquiro macū, yabere yegū tūhū niajari māhū yūhure? Cohācjū tiqairo ihñonopū siniaja yūhū māhure. Yūhure ñano yeracāhña, ni sañuducūahye watīa cūoriquiro Jesure.

<sup>9</sup> —¿Dūhse wame tiajari māhū? niahye Jesu tiqairore.

—Ūsā peyequina ijiaja. Sa yena “Peyequina watīa” wame tiaja. <sup>10</sup> Ūsā ahri dihtapū ijinare ape siepū waha dutieracāhña, niahye watīa cūoriquiro.

<sup>11</sup> Ti pjere yesea peyequina tiquina cahapū cūhū dahpotopū ihyaye niahye.

<sup>12</sup> Topū tiquina ihyaducugū ihñañe, ohō saha ni siniahye watīa:

—Sisequina yesea cahapū waha dutiya ūsāre. Tiquina mehna iji dutiya ūsāre, ni siniahye watīa tiqairore.

<sup>13</sup> Tiquina sa nigū tūhorō tiquinare waha dutiahye Jesu. Tiqairo sa waha dutigū watīa masūno mehna ijiriquina waha, yesea dos mil yesea cahapū

esahye. Tiquina caharᵐ tiquina esari bato yesea pehe ijipihtyequina ditara dᵃhtᵐ caharᵐ oma buha, ti ditararᵐ bora ñojoa, mini yaria pihtia wahahye.

<sup>14</sup> Tiquina sa minigū ihñañe, yeseare cohtyequina pajiri macarᵐ, daye macarigāᵐ gāhare tire yahuye waha, oma cāa wahahye. Tiquina sa yahugū tᵃhoye masa pehe peyequina tiquiro yerire ihñañe wahahye. <sup>15</sup> Sa ye Jesu caharᵐ wihiye, watia cᵃoriquiro tiquiro suhti tiriquireo, tᵃho masiniquiro tiquiro dujigū ihñañe, ihña maria waha, cueahye. <sup>16</sup> Sa ye watia cᵃomediquiro, yesea gāhare tiquina sa waharire ihñariquina apequinare yahu pehoahye. <sup>17</sup> Tiquina sa yahu pehogū tᵃhoye, Jesure tutuaro mehna ape sieᵐ waha dutiahye.

<sup>18</sup> Sa yero yucᵃsarᵐ Jesu tiquiro saǰǰgū ihñano, “Mᵃhᵐ mehna waha duaja”, ni tutuaro sinimahye watiare cᵃomediquiro Jesure. <sup>19</sup> Tiquiro sa nigū Jesu tiquirore yahuahye:

—Yᵃhᵐ mehna wahaeracāhña. Mᵃhᵐ ya wᵃhᵃᵐᵐ mᵃhᵐ caha ijiyequina caharᵐ yᵃhᵐ mᵃhᵐ pᵃhto mᵃhᵃre yᵃhᵐ yerire yahugᵐ wahaya. Mᵃhᵃre yᵃhᵐ paja ihñarire yahugᵐ wahaya tiquinare, niahye tiquirore.

<sup>20</sup> Tiquiro sa nigū watia cᵃomediquiro pehe Decapoli wame tiri macarᵐ Jesu tiquirore yᵃhdᵃorire yahu dᵃcahye. Tiquiro sa ni yahugū tᵃhoye ijipihtyequina masa tᵃho maria wahahye.

*Jairo maconore yᵃhdᵃoro, dii mᵃna wihoro dohatiducuricoro gāhare yᵃhdᵃoahye Jesu*

(Mt 9.18-26; Lc 8.40-56)

<sup>21</sup> Sa ye pari turi Jesu tiquiro majare pehā sagū masa peyequina tiquiro caharᵐ ditara dᵃhtᵐ caharᵐ cahmecoahye. <sup>22</sup> Sa yero ᵃsā judio masa buheri wᵃhᵃre ihña ihboriquiro Jairo wame tiriquireo ahta, Jesure ihña, tiquiro dahpocāri caharᵐ dᵃsepe curi mehna quehe saro, ohō saha niahye:

<sup>23</sup> —Yᵃhᵐ macogā yariaro nidi. Sa yegᵐ ticorore mᵃhᵐ omoca mehna ña peogᵐ, yᵃhdᵃogᵐ ahtaya. Mᵃhᵐ sa yegᵐ ticoro masanota, niahye tiquiro Jesure.

<sup>24</sup> Tiquiro sa nigū Jesu gāhᵐ pehe tiquiro mehna wahahye. Maharᵐ tiquiro wahagū masa peyequina tiquirore nᵃnᵐ tā cā bihsaro esadᵃca sahye.

<sup>25</sup> Sa yero numino doce cᵃhmari waro decoripe dii mᵃna dohatiducuricoro torᵐ ijiahye. To pano peyequina duturuo ticorore ñano yᵃhdᵃgū yeahye.

<sup>26</sup> Sa yero duturuare ijipihtye ticoro niñeru mehna wapa yemahye ticoro aco ye dutiro. Tiquina sa yepegūta ticoro mᵃnanota ijiducu cāhye. Sa yero ticoro tiquinare ihñari bato to pano ijiriyo yᵃhdᵃoro ñano wahahye.

<sup>27</sup> Ticoro sa ñano yᵃhdᵃari bato Jesu yeyere tᵃhoye, apequina yahuahye ticorore. Sa yero ticoro Jesu bato masa peyequina watoa ahta, Jesu suhtirore ñehe tuhuahye.

<sup>28</sup> “Yᵃhᵐ tiquiro suhtiro dihitaro ñehe tuhugo quehnoa wahagota”, ni tᵃhotuahye. <sup>29</sup> Sa yero ticoro sa ñehe tuhuri bato ticoro dii mᵃna dohatiyere yᵃhdᵃgū ticoro pagᵃre quehnoari pagᵐ tᵃhotuahye.

<sup>30</sup> Sa yero Jesu tiquiro tutuaye mehna dohatiyere tiquiro cohārire masino, masa watoa majaredᵃca sa ihñahye.

—¿Noa yᵃhᵐ suhtirore ñehe tuhuajari? niahye tiquiro.

<sup>31</sup> Tiquiro sa nigū tᵃhoye tiquiro buhayequina ohō saha niahye:

—Bihsarīne. Sa ye masa peyequina mᵃhᵃre pihare. “¿Noa yᵃhᵃre ñehe tuhuajari?” nigᵐ, ¿dᵃhse nigᵐ sa nijari mᵃhᵃ? niahye tiquina pehe tiquirore.

<sup>32</sup> Sa yero Jesu tiquirore ñehe tuhuricorore macahye. <sup>33</sup> Tiquiro sa macano watoa ticoro pehe ticoro pagᵐ quehnoa wahagū tᵃhoturo, cue nanare dᵃsepe curi mehna quehe sahye tiquiro caha tiquirore ño peoro. <sup>34</sup> Sa yero ticoro

potota yahu pehoahye tiquireore. Ticoro sa ni yahuri bato Jesu ticorore yahuahye:

—Maco, yuhare mahu wacũ tutuaye mehna quehnoago tojoare yojopare. Bucueye mehna wahaya. Dohatiye mariego ijiya, niahye Jesu ticorore.

<sup>35</sup> Tiquireo sa ni yahuducuri bato judio masare buheri wuhare ihña ihboriquiro ya wuhu cjëna yahuye wihiahye.

—Mahu maco yaria wahari. Sa yegu buheriquirore piji cãhteracãhña, niahye tiquina.

<sup>36</sup> Tiquina sa niepegũta sa tuhutu cãhno, Jesu ti wuhare ihña ihboriquirore ohõ saha ni yahuahye:

—Bujua wutieracãhña. Yuhare wacũ tutuaya. Ti dihitare yeya, niahye ti wuhare ihña ihboriquirore.

<sup>37</sup> Sa ni tuhasa Santiago, tiquireo bahuro Ñu, Pedro tiquina dihitare “Yuhu mehna ahtaya”, niahye Jesu. <sup>38</sup> Sa yero judio masa buheri wuhare ihña ihboriquiro ya wuharu esahye. Ti wuharu masa peyequina ñano bisi ñehe quea utigũ, tiquina sañuducugũ tãhoahye Jesu.

<sup>39</sup> —Ñano ni, ñehe quea utieracãhña masa. Ticorogã masa sa ni utigũ yariere. Carino nine, niahye Jesu tiquinare.

<sup>40</sup> Tiquireo sa nigũ tãhoeye “Sa ni maca cãhno nine ahriquireo”, ni bujahye tiquina pehe tiquireo.

Sa yero tiquireo tiquinare sopecaharu wio peho cãhye. Sa wio tuhasaro ticorogã racasumare, tiquireo mehna cjëna gũhare ticorogã caharu neahye Jesu. <sup>41</sup> Sa yero Jesu ticoro omocare ñehe, “Talita cum”, niahye tiquireo. “Talita cum”, nino, “ ‘Mehenicorogã wahcãña’, niaja yuhu”, nino nine.

<sup>42</sup> Tiquireo sa nigũ ticorogã wahcãdaca sa, tiniahye. Doce cahmari caoricoro ijiahye ticoro. Ticorore tiquireo sa yegu ihñañe tiquina ihña maria wahahye.

<sup>43</sup> Sa yero Jesu tutuaro mehna tiquireo sa yerire yahu site dutierahye. Sa ye tuhasa ticorore ihyayere oho dutiahye.

## 6

### *Nazare cjëna Jesure cahmedahye* (Mt 13.53-58; Lc 4.16-30)

<sup>1</sup> Sa ye topu ijiriquiro Jesu waha, tiquireo buheyequina mehna tiquireo ya dihtarũ tojoa sahye. <sup>2</sup> Sa yero Jesu saurũ ijigũ judio masa buheri wuharu buhe dacahye. Tiquireo sa buhegũ masa peyequina tiquireore tãhoeye, acua wahahye.

—¿Ahriquireo nohopu tuhoyari ahri buheyere? ¿Dahse yero quehnoano masi pehoajari ahriquireo? Cohãcjũ tutuaye mehna ye ihñoore ahriquireo masare. <sup>3</sup> Ahriquireo taboa dahrari masano María macano, Santiago, José, Juda, Simo tiquina wahminota ijimeder. Sa ye tiquireo bahana numia mari ya macaru ijinimedi. Sa yero tiquireo gũhu mari yero saha ijiriquiro ijire, niahye tiquina Jesure tãhoriquina.

Sa ye Jesure ihña tuhtiyi, tiquireore cahmedahye. <sup>4</sup> Tiquina sa cahmedagũ ihñano ohõ saha niahye Jesu:

—Cohãcjũ yere yahu mahtariquireore apequina ño peore. Tiquina sa ño peorepegũta tiquireo ya maca cjëna, tiquireo acaye tiquireo ya wuharu ijiyequinata ño peoerare tiquireore. Sa yena wuhare ño peoerare masa ohõre bucãrigũ yuhu ijigũ, niahye Jesu tiquinare.

<sup>5</sup> Sa yero ti macaru ijiriquiro Jesu Cohãcjũ tutuaye mehna ye ihño masiedahye. Sa ye ihñoedaperota ihquẽquina dohatiyequina bui tiquireo omocare duhu peo, yahduoahye tiquireo. <sup>6</sup> Sa yero to cjëna Jesure tiquina wacũ

tutueragū ihñano, “¿Dahse ijiro boro yuhare cahmedajari?” ni tuhotuahye tiqairo. Sa yero Jesu ti maca caharū ijiye macaripū buhero wahahye.

*Jesu doce buheyequinare buhe dutiro ohoahye*  
(Mt 10.5-15; Lc 9.1-6)

<sup>7</sup> Sa ye Jesu doce tiqairo buheyequinare pijio, pæyequina dihita ohoahye tiquinare macaripure buhe dutiro. Sa yero tiqairo tutuayere ohoahye tiquinare watiare tiquina cohātire. <sup>8</sup> Sa ohoro apee boro, ihyayere, ajurire, niherure tiqairo ne cā dutierahye tiquinare. Tiquina tuaye cju dihitare ne cā dutiahye tiquinare. Ihcānota suhtirore saña dutiahye tiquinare. Pæaro saña dutierahye. <sup>9</sup> Sa yero cahta cūñe cahserire saña dutiahye tiquinare. Ihcā suhtirota saña dutiahye tiquinare. Pæaro saña dutierahye. <sup>10</sup> Sa yero ohō saha ni yahuahye tiquinare:

—Ijipihtiye macaripure masare tiquina carīno ohogū ti wuhaputa to-joarīña. Coā wahanarū wijiaya ti wuhare. <sup>11</sup> Sa yena ape maca cjenā masare tiquina cahmedagū tiquina tuho dueragū ti macare yuhduana dahpocāri cje dihta esa wahārire wejē site cūña masa tiquinare tiquina ye buhirire masigū yena, ni yahuahye Jesu tiquinare.

<sup>12</sup> Sa ye doce buheyequina masare tiquina ñañe yerire bajūa witi dutiye, quehnoañe pehere ye dutiye, buheye wahahye. <sup>13</sup> Sa wahaye peyequina watiare cohāñe, dohatiyequinare ahse mehna wisōñe yuhdugū yeahye.

*Ñu wame yeriquirore apeqina wejēahye*  
(Mt 14.1-12; Lc 9.7-9)

<sup>14</sup> Sa ye Jesure masa peyequina masiahye. Sa yero tiqairo yerire puhtoro Herode tuhooahye. Sa tuhooro ohō saha ni tuhotumahye tiqairo: “Ñu wame yeriquiro yariariquiro pari turi bajoaro niaga. Sa bajoariquiro ijiro tiqairo tutuaye mehna tire yero niaga”, ni tuhotumahye Herode. “Jesu Ñuta ijire”, ni tuhotumahye. <sup>15</sup> Apeqina pehe ohō saha ni tuhotumahye: “Elia ijire”, ni tuhotumahye. Apeqina pehe “Cohācjū yere yahu mahtariquiro panopū cjenā yero saha ijire tiqairo”, ni tuhotumahye tiquina Jesure. <sup>16</sup> Tiquina sa ni tuhotuepegāta Herode pehe Jesu tiqairo yerire tuhooro ohō saha ni tuhotumahye. “Ñu yahū dapu date sure dutiriquiro bajoaro niaga”, ni tuhotumahye.

<sup>17-18</sup> Ñure tiquina wejēato pano Herode tiqirore ñehe duti, peresu ye dutiahye. Herode tiqairo baharo Felipe namonore Herodia wame tiricorore ehma, namo tiahye.

—Māhū bahū namonore namo tigu Cohācjū dutiyere yuhdaducagū nine māhū, ni yahuahye Ñu Herodere.

Tiqairo sa nidi buhiri Herode namono Herodia Ñure peresu tiquina yegū cahmeahye. <sup>19</sup> Sa yero ticoro pehe Ñure ihña tuhtiro, tiqirore wejē duti duamahye. Sa ye dueperota ticoro tiqirore wejē duti masiedahye.

<sup>20</sup> Herode Ñure cuero “Ñu quehnoañene yeriquiro, quehnoariquiro ijire”, ni tuhotuahye. Sa yero Herodere cariboro yeahye Ñu pehe tiqirore yahuro. Sa cariboepegāta tiqairo bucueye mehna tuhomahye Ñure. <sup>21</sup> Tiqairo sa bucueye mehna tuhoepegāta Herodia tiqirore ticoro wejē dutiati deco amū sahye. Ti pje Herode masa bajoari deco ijigū tiqairo bose deco dahreahye. Sa ye tiqairo yequina gobierno cjenā, surara puhtoa, Galilea cjenā puhtoa gūhu tiqairo ya bose decore ihñañe wiahahye. <sup>22</sup> Sa yero Herodia macono bose decore ihñano wihiro tiquina ihñonopū basa ihñoahye. Ticoro sa basa ihñogū

ihñañe, Herode tiqairo pijioriquina gũhũ bucueahye. Tiquina sa bucuegũ ihñano ohõ saha niahye Herode:

—Mũhũ cahmeñene siniña yũhare. Sa yegu ohogutja mũhare mũhũ cahmeñene. <sup>23</sup> Cohãcã mehna poto niaja mũhare. Mũhũ sinino puno yeere deco mehna ohogutja mũhare, niahye tiqairo ticorore.

<sup>24</sup> Tiquiro sa nigũ ticoro Herodia macono pehe ticoro pacoro caharũ waha, sinituahye:

—¿Yabere sinigotari yũhũ? ni sinituahye ticoro pacorore.

—Ñũ wame yeriquiro dapure siniña, niahye ticoro pacoro pehe.

<sup>25</sup> Ticoro sa nigũta Herodia macono mũñhano pũthoro Herode caharũ waha, siniahye:

—Mianogãta Ñũ wame yeriquiro dapure waparo mehna ohoya yũhare, niahye ticoro.

<sup>26</sup> Ticoro sa nigũ tũhoro pũthoro Herode pehe tutuaro bujũa witiahye. Masa tiquina ihñonopũ “Ohogutja mũhare”, niahye tiqairo. Sa yero bũe tiro, tiqairo “Mũhare ohoeraja”, ni masiedahye ticorore. <sup>27</sup> Sa yero duita surarare peresupũ ijyeyequinare cohteriquirore Ñũ dapure dũte sure ne cãhta dutiahye. <sup>28</sup> Tiquiro sa dutigũ tũhoro surara pehe waha, tiqairo dapure dũte sure, waparo mehna ne cãhtahye. Ne cãhta nuhminore Herodia maconore ohoahye. Sa yero ticoro tiqairo dapure ñehe, ticoro pacorore oho yũhdũoahye.

<sup>29</sup> Sa ye Ñũ buheyequina ijiriquina pehe tire tũhoye, topũ esa, tiqairo pagure masa coperpũ ne cã, cũahye.

*Jesu cinco mil masare ihyaye ohoahye*  
(Mt 14.13-21; Lc 9.10-17; Jn 6.1-14)

<sup>30</sup> Sa ye Jesu ohoriquina tiqairo caharũ tojoa saye, tiquina yerire, tiquina buherire yahuahye tiqirore. <sup>31</sup> Ti pjere masa peyequina sa majareducuye, tiquinare ne ihyaro ohoerahye. Sa yero ohõ saha niahye Jesu tiquinare.

—Masa marienopũ mari sehsharo sona wahaũhna, niahye tiquinare.

<sup>32</sup> Sa ye tiquina sehsharo yucũsa mehna masa marienopũ wahaahye.

<sup>33</sup> Tiquina sa wahagũ ihñañe masa peyequina tiquinare masiahye. Sa masiñe peye macari cãña maharũ waha, Jesu tiqairo esatopũ tiquina masa pehe oma cã esa mũhtahye. <sup>34</sup> Tiquina sa esagũ Jesu tuha sa paha, yucũsarũ sañariqairo maja dũcaro, tiqairo masa peyequina ijigũ ihñahye. Oveja cohteriquiro marieñequina yero saha ijiahye masa, tiqairo ihñagũ. Sa yero Jesu tiquinare paja ihñano, peye quehnoañe buheyere buheahye. <sup>35</sup> Ñamicaharũ doce buheyequina Jesu caharũ esa, ohõ saha niahye:

—Ohõ masa marienopũ ijire. Ñamicaha waharo nine. <sup>36</sup> Ohõ cahagã ijyey wũhũseripũ, macaripũ gũhare tiquina ihyatire dú dutiya masare tiquina pohe tiatire, niahye tiquina Jesure.

<sup>37</sup> —Ihyayere ohoya tiquinare, nimahye Jesu tiqairo buheyequinare.

Tiquiro sa nigũ ohõ saha ni yũhtiahye:

—¿Dos cientos niñeru cjoeri mehna tiquina ihyati pãre dũnatari usã? niahye tiquina Jesure.

<sup>38</sup> —¿Nohope paca pã ijijari? Ihñana wahaya, niahye tiqairo.

Tiquiro sa nigũ tiquina pehe ihyayere bocaye, ohõ saha niahye:

—Ihcã omopre paca pã paca, pũaro wahi ijire, niahye tiquina pehe.

<sup>39</sup> Tiquina sa nigũ tũhoro Jesu pehe pe cururi taa bui duji dutiahye masare.

<sup>40</sup> Tiquiro sa duji dutiri bato tiquina pe cururi dujiahye. Ihquẽ cururire cincuenta masa ijiahye. Apeye cururi pehere cien masa ijiahye. <sup>41</sup> Tiquina

sa duji tuhasagū ihñano Jesu pehe ihcā omope paca pã pacare, p̄aro wahi mehna ne, um̄usep̄u ihña m̄uoahye. Sa ihña m̄ono Cohāc̄jüre “Quehnoare”, nino niahye. Tiquiro sa nidi bato pã pacare nuha, tiquiro buheyequinare masare iti duti ohoahye. Sa yero p̄aro wahire iti dutiahye ijipihtiyequinare.  
<sup>42</sup> Sa ye ijipihtiyequina ihya, yapi yuhd̄ua wahahye. <sup>43</sup> Tiquina ihya duharire doce p̄huse waro p̄are, wahi ḡahure ne cahmecoah wapo dapoahye tiquina.  
<sup>44</sup> Sa ye p̄are ihyariquina um̄ua dihitare tiquina queogū cinco mil um̄ua ijiahye.

*Jesu aco bui tiniahye*  
 (Mt 14.22-27; Jn 6.16-21)

<sup>45</sup> Ti pjeta Jesu tiquiro buheyequinare yuc̄sap̄u sajã duti, ape sie pahr̄ep̄u Betsaidap̄u tiquiro pano peh̄ayu dutiahye. Sa yero tiquina peh̄ari watoa Jesu pehe masare cohe tiahye. <sup>46</sup> Cohe ti tuhasa cun̄ep̄u Cohāc̄jüre sinino wahahye. <sup>47</sup> Came ñamip̄u yuc̄sa mehna ditarap̄u tiquina peh̄aducugū Jesu ihc̄aquiota tiquina peh̄a tarirop̄u ijiahye. <sup>48</sup> Sa yero tiquina ñano yuhd̄u wajagū, tiquina pano wihnono w̄egū ihñadoqueoahye tiquiro. Sa yero bohrea m̄aja tato pano tiquina cahap̄u esaro, aco bui tini c̄aa wahahye. Tiquinare tiquiro yuhd̄u c̄a duamahye. <sup>49</sup> Tiquiro yuhd̄u c̄a duepeḡata tiquirore aco bui ahtagū ihñañe, cue niahye. “Yariariquiro ijiboaga”, ni ihñamahye tiquina. Sa ni tuhotuye tiquina sañuducuahye. <sup>50</sup> Ijipihtiyequina tiquirore ihñañe, ihña maria wahahye. Tiquina sa ihña mariagū ihñano Jesu tiquinare yahuahye:  
 —Wacū tutuaya m̄usa. Ne, yuh̄ure cuerac̄hña. Yuh̄uta ijijaja, niahye tiquinare.

<sup>51</sup> Sa ni tuhasa tiquiro tiquina mehna yuc̄sap̄u sajãh̄ye. Tiquiro sajãri batoḡata wihnono yuhd̄ua wahahye. Sa wahagū tiquina pehe ac̄ua yuhd̄ua wahahye. <sup>52</sup> Tiquiro p̄are peye yerire wac̄udahye tiquina. Tire quehnoano masiedahye.

*Jesu Genesare cj̄enare, dohatiyequinare yuhd̄uohahye*  
 (Mt 14.34-36)

<sup>53</sup> Sa ye tiquina peh̄a sa, Genesare dihtar̄u peh̄a sa, tiare d̄hte poho, d̄ht̄u cahap̄u pahsahye. <sup>54</sup> Sa ye yuc̄sap̄u ijiriquina tiquina majaḡata masa pehe Jesure ihña masiahye. <sup>55</sup> Sa ihña masiñe ijipih̄tiro tiquina ya yehp̄ap̄u oma maja, dohatiyequinare tiquina cuñañe cahseri mehna yo c̄ah̄tahye. “Jesu top̄u ijiri”, masa nigū tuhoye top̄are esahye tiquina. <sup>56</sup> Sa ye ijipihtiye macari tiquiro esaye macarip̄u, buj̄aye macarip̄u, daye macariḡap̄u, meheñe wuh̄useḡa ijiye cahap̄u ḡahure masa dohatiyequinare Jesu cahap̄u nea c̄ah̄h̄ye. Sa top̄u maharip̄u tiquina c̄un̄op̄u Jesure tiquiro suhtiro d̄ht̄u cahare ñehe tuhu duaye, tutuaro siniahye tiquina:

—Muh̄u suhtiro d̄ht̄u caha dihitare us̄are ñehe tuhu dutiya, ni siniahye.  
 Sa ye tiquiro suhtirore ñehe tuhuriquinape quehnoa wahahye tiquina.

## 7

*Masa ñañequina wahagū yeyere yahuahye Jesu*  
 (Mt 15.1-20)

<sup>1</sup> Sa ye Jerusal̄ep̄u ahtariquina us̄a acaye judio masare buheyequina, fariseo masa ḡah̄u Jesu cahap̄u cahmecoahye. <sup>2-4</sup> Fariseo masa ijipihtiyequina apequina judio masa mehna panop̄u cj̄ena tiquina dutiriro saha tiquina omocarine omo coserape ihyera tiahye. Sa ye doeri cj̄e duayequina cahap̄u esayequina tiquina ye wuh̄usep̄u wihiye tiquina dutiriro saha tiquina omocarine omo coserape ihyera tiahye. Sa ye peye apeye



dutiye panopu cjēna judio masa tiquina dutiye yee tiahye. Sihniñe parire coseye, dihi suturire coseye, come suturire coseye, yee tiahye tiquina judio masa, “Cohācjū sa cahmene”, niñe. Sa ye Jesu cahapu cahmecoañe Jesu buheyequina judio masa tiquina dutiriro saha tiquina omo coseragū ihñahye fariseo masa. <sup>5</sup> Sa ihña tuhasaye Jesure sinituahye:

—Muhū buheyequina ihyaye mari ñecusumua mana tiquina dutiriro sahata tiquina omocarine omo coserare. ¿Dahse yeye mari dutiye yerajari? niahye tiquina Jesure.

<sup>6</sup> Tiquina sa nigū tuhoro Jesu yahuahye tiquinare.

—Masa tiquina ihñono dihita quehnoano iji mehona ijire masa. Cohācjū yere yahu mēhtariquiro manano Isaia masare panopare potota yahue tiahye. Ohō saha niahye:

Ahriquina masa yuhare quehnoano yahuducuereta yuhare ne ño peoerare. <sup>7</sup> Sa ye yuhare tiquina ñu buheye dahseati ijierare. “Cohācjū ye dutiye ijire ahri”, ni meho buhere tiquina buheye, ni ojoahye Isaia.

<sup>8</sup> Ti ijirota ijire. Panopu cjēna ye dutiye pehere yena tana Cohācjū ye dutiye yerare masa. <sup>9</sup> Cohācjū ye dutiye cohāna, masa acaye ye dutiye pehere yere masa. <sup>10</sup> Ohō saha yena Cohācjū ye pehere yuhduducana nine masa. Panopare ohō saha niahye Cohācjū tiquiroy dutiye Moiserē cūno: “Masa pacusumare ño peoya. Ihcāquiroy tiquiroy pacusumare ñano quitidahreriquiro ijiro ti buhiri tiquina wejēatiquiroy ijirota”, niahye Cohācjū Moiserē tiquiroy cūri dutiye. <sup>11</sup> Tiquiroy sa niepegūta ohō saha ye dutire masa tiquina pacusumare yedoho dutierana: Tiquina pacusumare tiquina ohoborire Cohācjū pehere oho dutire masa. Sa ni buhemene masa. <sup>12</sup> Sa buhena tiquina pacusumare ño peogū yerare masa tiquinare. <sup>13</sup> Sa yena Cohācjū dutiye yuhduducana nine masa mari acaye panopu cjēna ye dutiye pehere yena. Apequinare masa ye buheye dihitare tuho dutire masa. Peye sa ijiyere yere masa, niahye Jesu tiquinare.

<sup>14</sup> Sa ni tuhasaro apequinare pijioahye. Ohō saha niahye:

—Masa ijipihitina tuhoya yuhare. Yuhū niñene quehnoano masiña masa.

<sup>15</sup> Masa duserire sañāne pehe masa ihyaye pehe masare ñana ijigū yerare. Masa ñañe yahuducuye pehe masa duseri wijiaye pehe masare ñana ijigū yere. [<sup>16</sup> Yuhare quehnoano tuhoya,] niahye Jesu.

<sup>17</sup> Sa ni tuhasa Jesu masa cahapu ijiriquiro waha, wuhupu sañā wahahye. Sa sañā sagū ihñañe tiquiroy buheyequina pehe tiquiroy buherire sinituahye. Tiquina sa sinitugū tuhoro ohō saha niahye tiquiroy:

<sup>18</sup> —¿Ne tuho ñehedajari masa? Masa duserire sañāne pehe masa ihyaye pehe masare ñana ijigū yerare. <sup>19</sup> Ti masa tuhotuyepare sañāedare. Masa paapu sañā yuhdūa wahare, niahye Jesu.

Sa nino “Ijipihitiye ihyaye quehnoañe ijire”, nino niahye. <sup>20</sup> Ohō saha ni nemoahye:

—Masa ñañe yahuducuye pehe masa duseri wijiaye pehe masare ñana ijigū yere. <sup>21-22</sup> Ñano tuhotuye, wāana tiye, numia mehna ñano yeducuye, mña mehna ñano yeducuye, masare wejēne, yaqueye, apequiroy yere tutuaro cahme yuhdūye, ñano yeye, ni mehoñe, peye ñañene yeducuye, apequiroy yere coo ihña tuhtiye, ñano quitidahreya, “Apequinare yuhduducaja”, ni tuhotuye, tuho masieñequina ijiye, ti ijipihitiye masare masa tuhotuyepu ahtare. <sup>23</sup> Ijipihitiye ahri ñañe masa tuhotuyepu ahta, masare ñana ijigū yere, niahye Jesu.

*Judio masono ijiericoro Jesure wacū tutuahye  
(Mt 15.21-28)*

<sup>24</sup> Sa yero Tiro wame tiri maca caharᵐ esaro, to cĵā wᵃhᵃrᵐ sajāa wahahye. Sa yero apequinare tiquiro ijiri wᵃhᵃre yahu dutierahye. Sa yahu dutieraperota tiquinare tiquiro duhti masiedahye. <sup>25</sup> Ti pjereta numino ticoro macono watīno cᵃoricoro tiquiro caharᵐ ijiahye. Sa ye Jesu yerire ihñāñe apequina ticoro pacorore yahuahye. Tiquina sa yahuri bato ticoro pacoro pehe waha, Jesu dahpocāri caharᵐ dᵃsepe curi mehna quehe sahye tiquirore ño peoro. <sup>26</sup> Ticoro Siria yehparᵐ ijiri yehpa Fenicia wame tiri yehpa cĵōno ijiahye.

—Watīnore cohārīña yᵃhᵃ macore, ni siniahye ticoro Jesure.

<sup>27</sup> Ticoro sa sinigū tᵃhoro ohō saha niahye Jesu:

—Wahmanore wᵃhᵃ uᵓro pohne ye ihyayere diayeare yᵃhᵃ oho mᵃhtagū to wahaerare. (Israe masa yere ape yehpa cĵēnare yᵃhᵃ oho mᵃhtagū to wahaerare,) niahye Jesu ticorore queoye mehna yahuro.

<sup>28</sup> —Sa tjire pᵃhto. Sa ijiepegūta diayeare gāhᵃ mesa doca tiquina pohne ihya site dijioyere ihya cohtere tiquina gāhᵃ. (Ape yehpa cĵō yᵃhᵃ ijiepegūta yᵃhᵃ gāhᵃre yedoho masine mᵃhᵃ,) ni yᵃhtiahye ticoro.

<sup>29</sup> —Mᵃhᵃ sa ni yᵃhtigū mᵃhᵃ macore watīno duhu tuhasari. Ihñago wahaya, niahye Jesu ticorore.

<sup>30</sup> Tiquiro sa nigū tᵃhoro waha, ticoro wᵃhᵃrᵐ esaro, ticoro maconore watīno marienitoropᵃre cuñanorᵐ ijiricorore ihñahye.

### *Cahmono tᵃhoeriquirore, yahuducu masieniquirore yᵃhdᵃoahye Jesu*

<sup>31</sup> Ti pjere Jesu Tiro wame tiri maca caharᵐ ijiriquiro waha, Sidō wame tiri macare esa yᵃhdᵃ cā, Decapoli wame tiri macare esa yᵃhdᵃ cā, Galilea wame tiri ditararᵐ esahye. <sup>32</sup> Sa ye cahmono tᵃhoeriquirore, yahuducu masieniquirore Jesu caharᵐ ne cāhtahye apequina.

—Mᵃhᵃ omoca mehna ña peoya tiquirore, ni siniahye tiquina tiquirore.

<sup>33</sup> Tiquina sa nigūta Jesu pehe tᵃhoeriquirore ne cā, masa marienorᵐ siho esahye. Tiquina sehsaro ijiahye. Sa yero Jesu tiquiro omo piri mehna tᵃhoeriquirore cahmo coperire ohbe sōahye. Sa ye tuhasa, sihco puti, tiquiro ñehmenore ña peohaye.

<sup>34</sup> Sa ye tuhasa ᵃhmᵃsepᵃ ihñā mᵃo, jeri ne, ohō saha niahye:

—Efata, niahye Jesu. “Efata”, nino “Pōohña”, nino nine. Sa nino tiquirore tᵃho dutiro niahye. Sa yero yahuducu dutiro niahye.

<sup>35</sup> Tiquiro sa nigūta tiquiro pehe tᵃho boca, tiquiro ñehmeno cahbiro wahagū tᵃhoturo quehnoano yahuducuahye. <sup>36</sup> Sa yero Jesu tiquinare tire apequinare yahu site dutierahye. Tiquiro sa yahu site dutieraripe taharita tja tiquina apequinare yahu site nemoahye. <sup>37</sup> Sa ye masa tᵃho maria wahaye, ohō saha niahye:

—Ijipihtiyere tiquiro quehnoano yere. Tᵃhoeyequinare quehnoano tᵃhogū yere. Yahuducu masieñequina gāhᵃre quehnoano yahuducugū yere Jesu, niahye masa.

## 8

### *Cuatro mil masare ihyayere ohoahye Jesu (Mt 15.32-39)*

<sup>1</sup> Ti pjere pari turi masa peyequina cahmecoari bato ihyaye marieñequina tiquina ijigū ihñano Jesu tiquiro buheyequinare pijioahye:

<sup>2</sup> —Ahriquina masa ihtia deco waro yᵃhᵃ mehna iji tuhasari. Sa ye tiquinare pohe mariedare. Tiquina pohe mariedagū ihñagū tiquinare paja ihñaja yᵃhᵃ. <sup>3</sup> Apequina tiquina mehna cĵēna yoarorᵐ ahtari. “Tiquinarᵐ ᵃjᵃa ahbayequina maharᵐ borari”, nigū tiquinare ihyaye marieno tiquina

ye wahuŋsepũ waha duti dueraja. Sa yegũ tiquinare pohe oho duaja, niahye Jesu tiquiro buheyequinare.

<sup>4</sup>—¿Duhse ye mari ohõre masa marienopũre pãre boca ohoboagari mari? niahye Jesu buheyequina tiquirore.

<sup>5</sup>—¿Nohope paca pã pacare cõoajari mũsa? ni sinituahye Jesu.

—Siete pã paca ijire, niahye tiquina.

<sup>6</sup> Sa yero tiquiro masare yehpapũ duji duti, siete pã pacare ne, Cohãcjũre “Quehnoare”, niahye. Sa ni tuhasa, ti pacare nuha, tiquiro buheyequinare oho, masare iti dutiahye. Tiquiro sa dutiri bato tiquiro buheyequina pehe pãre masare itiahye. <sup>7</sup> Sa ye wahi gũhare meheñequinagã cõoahye tiquina.

Sa yero tiquinare Cohãcjũre “Quehnoare”, ni, wahi gũhare iti dutiahye. <sup>8</sup> Tiquina iti tuhasagũ tiquina ihyaye, yapi yũhdũa wahahye. Tiquina ihya dũharire siete pũhũse waro ne cahmecoa wahpo dapoahye tiquina. Tiquina cuatro mil masa ijiahye. <sup>9-10</sup> Sa ye tuhasa Jesu masare cohe tiahye. Cohe ti tuhasa tiquiro buheyequina mehna yucũsapũ sajãhye. Sajã tuhasa Dalmanuta wame tiri maca cahapũ wahahye.

### *Fariseo masa Jesure Cohãcjũ tutuaye mehna ye ihño dutiahye*

*(Mt 16.1-4; Lc 12.54-56)*

<sup>11</sup> Sa ye fariseo masa wih, Jesu mehna cahme dũse tutuahye. Tiquina Jesure Cohãcjũ tutuaye mehna ye ihño dutiye, tiquiro ye ihño masiedagũ ihña duamahye. <sup>12</sup> Tiquina sa dutigũ tũhoro Jesu tutuaro bujũa witi pihopũri, jeri sajãedar, ohõ saha niahye:

—¿Mũsa yojoapũ cãjana duhse yena mũsa Cohãcjũ tutuaye mehna ye ihñoñene ihña duajari? Potota niita niaja mũsare. Yojoapũ cãjanare mũsare Cohãcjũ tutuaye mehna ne ye ihñosi yũhũ, niahye Jesu.

<sup>13</sup> Sa ni tuhasa waha, pari turi yucũsapũ sajã, ape sie pahrẽpũ pehãa wahahye.

### *Fariseo masa, Herode mehna cjẽna gũhare tiquina ñañe buheyere yahuahye Jesu*

*(Mt 16.5-12)*

<sup>14</sup> Sa wahaye, pãre bo cũ, yucũsapũ ihcãriata pãre cõoahye tiquina. <sup>15</sup> Sa yero Jesu cua pesaro mehna yahuahye tiquinare.

—Quehnoano yeya. Fariseo masa, Herode mehna cjẽna gũhũ tiquina ye pãre pugũ yeyere ihñana quehnoano yeya. Cuarĩne ti, ni yahuahye.

<sup>16</sup> Tiquiro sa nigũ tũhoye tiquiro buheyequina pehe tire tiquina basi yahuducuahye.

—Mari pãre mari ne cãhtaeragũ ihñano sa niaga ahriquir, nimahye tiquina.

<sup>17</sup> Tiquina sa nidire masino tiquinare sinituahye Jesu:

—¿Duhse yena mũsa pã borire wacũajari mũsa? ¿Mũsa masiedajari? ¿Tũhoerajari? ¿Tũho duerajari mũsa? <sup>18</sup> ¿Caperi tina ijiepenata ihñedajari mũsa? ¿Sa yena cahmono tina ijiepenata tũhoerajari mũsa? ¿Mũsa ahrire wacũedajari? <sup>19</sup> ¿Yũhũ ihcã omope paca pã pacare nuha, cinco mil masare yũhũ ohorire wacũedajari mũsa? ¿Tiquina ihya dũharire nohope pũhũsere pã pacare mũsa ne cahmecoa wahpo daporĩ pũhũsere neari mũsa? niahye Jesu tiquinare.

—Doce pũhũse nei, niahye tiquina tiquirore.

<sup>20</sup>—¿Sa ye yũhũ siete pã pacare cuatro mil masare yũhũ ohori bato nohope pũhũsere pã pacare mũsa wahpo daporĩ pũhũsere neari mũsa? niahye Jesu.

—Siete pũhũse nei, niahye tiquina tiquirore.

21 —¿Sa ihñapepenata quehnoano masiedajari m̄asa? niahye Jesu tiquinare.

*Jesu caperi bajueriquirote ihñagū yeahye*

22 Sa ye Betsaidap̄u tiquina esagū ihñañe, masa pehe caperi bajueriquirote ne cāhtahye.

—Tiquirote ña peoya, ni tutuaro siniahye tiquina Jesure.

23 Sa yero Jesu caperi bajueriquirote omocare ñehe, ti maca d̄ah̄t̄u cahap̄u tiquirote t̄añ cāhye. Top̄u ne sa, tiquirote caperire sihco puti, tiquirote omocari mehna tiquirote ña peohaye.

—¿M̄ah̄u ihñagū bajuajari? ni sinituahye Jesu.

24 Tiquirote sa nigū tiquirote pehe ihñano ohō saha niahye:

—Ūm̄ah̄re ihñaja. Ȳh̄h̄u sa ihñapegūta tiquina yuc̄ari tiniñe c̄j̄u yero saha bajure, niahye caperi bajueriquirote.

25 Tiquirote sa nigū t̄ahoro Jesu pehe tiquirote omocari mehna tiquirote caperire ña peohaye t̄ja. Tiquirote sa ña peori bato caperi bajueriquirote tutuaro tiquirote ihñagū caperi quehnoano bajuahye. Sa yero ijip̄ihtiyere quehnoano ihñahye tiquirote. 26 Sa yero Jesu tiquirote tiquirote ya w̄ah̄p̄u ohohaye.

—Macap̄u p̄uritare wahaeracāh̄ña, niahye Jesu tiquirote.

*Jesu potota Cristo tiquirote ijiyere Cohāc̄j̄u ohoriquirote tiquirote ijiyere yahuahye Pedro*

*(Mt 16.13-20; Lc 9.18-21)*

27 Sa ye Jesu tiquirote buheyequina mehna Cesarea Filipino wame tiri maca cahap̄u ijyere macarip̄u waha nemoahye. Top̄u waharo Jesu sinituahye tiquirote buheyequinare:

—¿Noa boro ijagari ȳh̄h̄u, masa ȳh̄h̄re tiquina t̄ahotugū? ni sinituahye tiquirote.

28 Tiquirote sa sinitugū t̄ahoye ȳah̄tiahye tiquina:

—“Ñu wame yeriquirote ijyere”, nine. Apequina “Elia ijyere”, nine. Apequina “Cohāc̄j̄u yere yahu m̄ah̄tariquina mehna c̄j̄ano ijyiboaga”, nine, ni ȳah̄tiahye tiquirote buheyequina tiquirote.

29 Tiquirote sa nidi bato Jesu sinitu nemoahye:

—¿M̄asa pehe t̄ahotugū noa boro ijagari ȳh̄h̄u? ni sinituahye t̄ja.

—M̄ah̄u Cristo Cohāc̄j̄u ohoriḡu ijyere, ni ȳah̄tiahye Pedro.

30 Tiquirote sa nigū t̄ahoro Jesu ohō saha niahye:

—Ȳh̄h̄re “Cristo ijyere tiquirote”, ni yahu site niedacāh̄ña apequinap̄ure, niahye tiquinare.

*Jesu tiquirote yaria masa wijiatirote yahuahye*

*(Mt 16.21-28; Lc 9.22-27)*

31 Sa ye tiquirote buhe d̄uchahye tiquinare.

—Ȳh̄h̄u mas̄u Cohāc̄j̄u ohoriḡu ijyaja. Sa yeḡu tutuaro ñano ȳah̄d̄uḡta. Sata waharo cahmene ȳh̄h̄re. Judio masa b̄uc̄ana, pahia p̄ah̄toa, mari judio masare buheyequina ȳh̄h̄re cahmedaye, ȳh̄h̄re wej̄ēta. Tiquina sa wej̄ēgū ihtia deco wahaboro masa wijiaḡt̄ja, niahye Jesu tiquinare.

32 Sa nino ne t̄ahoro wisiagū yero marieno yahuro niahye tiquinare. Tiquirote sa nigū t̄ahoro Pedro pehe yoa c̄j̄ūnogā Jesure ne sad̄uca, tiquirote sa ni dutierahye. 33 Tiquirote sa ni dutieragū t̄ahoro Jesu tiquirote buheyequinare majare ihñā, tuhtiahye Pedroro.

—Satana yero saha yahuducuḡu nine m̄ah̄u. Sa niedacāh̄ña. M̄ah̄u t̄ahotuye masa ye ijyere. Cohāc̄j̄u ye ijyerare, niahye tiquirote Pedroro.

34 Sa ni tuhasa masare tiquirote buheyequina mehna tiquirote cahap̄u pijio ohō saha niahye:

—Ihcãquiro yaquiro iji duaro, tiquiro esa tuharo ye duamedire duhu cãnota. Sa yero yaquiro tiquiro ijiri buhiri ñano yãhdæperota yãhare duhusi. Sa yero yeere yeducuriquiro ijirota. <sup>35</sup> Masano tiquiro esa tuharo tiquiro cahmeno sahata yeriquiro pecarũ waharota. Sa yero masano, yeere sa yeducuro, quehnoañe buheyere sa yeducuro, ijirihitiye decori yãhũ mehna ahmãsepũ ijiducurota. <sup>36</sup> ¿Ihcãquiro masano ahri yehpa cãene ijirihitiyere cãoriquiro pecarũ waharo yabere wapatajari tiquiro? Sa ijiriquiro ne wapataerare. <sup>37</sup> Pecarũ tiquiro jeripohna wahagũ ne dũhse wapa ye wioro basioeraga. Masano jeripohna ihyo waro ijierare. <sup>38</sup> Yojoþure, ñañequina Cohãcãre cahmeeñequina tiquina esa tuharo yeri deco ijiro nine. Ihquẽquina yãhare, yãhũ buheye gãhare bæe tisãboaga. Tiquina sa yegũ ihñagũ yãhũ masũ Cohãcãũ ohorigũ quehnoañequina angele mehna yãhũ Pacũ asi sitero mehna tojoa tagũ yãhare bæe tisãñequinare bæe tisãgũtja yãhũ gãhũ, ni yahuahye Jesu.

## 9

<sup>1</sup> Sa ni tuhasa ohõ saha ni nemoahye Jesu:

—Potota niita niaja masare. Ihquẽquina mũsa ohõþure ijina mũsa yariato pano Cohãcãũ tiquiro pãhtoro ijioþure yãhũ sajãgũ yãhare ihñanata, niahye Jesu tiquinare.

*Jesu tiquiro pagũre comesahye*  
(Mt 17.1-13; Lc 9.28-36)

<sup>2</sup> Sa ye seis decori bato Jesu Pedrore, Santiagore, tiquiro bahũro Ñũ gãhare ahmãanũ cãhũrũ tiquina dihitare piji møjahye. Uhmãanopũ esari bato tiquina ihñonopũ tiquiro pagũre comesaa wahahye. <sup>3</sup> Tiquiro suhtiro asi sitero yero saha yehsero wahahye. Ahri yehpa cãena numia suhti coseyequina numia sa yehseye ye masiedare. <sup>4</sup> Sa ye Jesu Elia mũnano, Moise mũnano mehna tiquina yahuducugũ ihñahye tiquina ihtiaro tiquiro buheyequina. <sup>5-6</sup> Sa ye tiquina tutuaro cueahye. Sa cuero dũhse ni masiedamehno ohõ saha nimahye Pedro:

—Pãhto, mari ohõ ijigũ quehnoa duare. Ihtia wãhũgã yematja. Mũhũ ya wãhũgã, Moise ya wãhũgã, Elia ya wãhũgã yematja, nimahye tiquiro Jesure.

<sup>7</sup> Sa yero tiquina bui ehmeo curua cahmotahye. Sa cahmotagũta ehmeo watoarũ nino ca tahye:

—Ahriquiro yãhũ macũ yãhũ cahñiquiro ijire. Tũhoya tiquirore, nino ca tahye.

<sup>8</sup> Sa nigũta Pedro gãhũ ihñamahye. Jesu dihitare ihñahye. Tiquina ihñariquina pehe mariedahye. <sup>9</sup> Sa yero cãhũrũ tiquina dijia tagũ Jesu tiquinare yahuahye:

—Mianogã yãhare sa waharire apequnare yahueracãhña. Yãhũ masũ Cohãcãũ ohorigũ yãhũ yaria masa wijari bato tire apequnare yahuya mũsa, ni yahuahye tiquiro.

<sup>10</sup> Sa ye tiquiro dutiriro sahata tiquina ihñarire yahuerahye apequnare. Sa ye tiquina basi ohõ saha ni sinitu yahuducuahye:

—¿Yãhũ yaria masa wijari bato”, nino dũhse nino niari tiquiro? ni, yahuducuahye tiquina.

Sa ye Jesure ohõ saha ni sinituahye:

<sup>11</sup> —“Cristo tiquiro ahtato pano Eliare ahta mũhtano cahmene”, nine mari acaye judio masare buheyequina. ¿Dũhse ijiro boro sa niagari tiquina? ni sinituahye tiquina tiquirore.

<sup>12-13</sup> Jesu yãhtiahye:

—Ijirota ijire. Eliare ahta mahta dutiri Cohācjū, ijiphtiyere quehno mahtatiqirore. Yuhū masū Cohācjū ohorigū peye tahari ñano yuhdugūta. Apequina yuhare cahmedaye, ñano yeeta. ¿Duhse ijiro boro tire sa ni ojoari, mūsa tahotugū? Sa yegū ahrire niitja masare: Elia wihi tuhasari. Tiqiro sa wihiepegūta tiqina cahmediro saha tiqirore ñano yeahye. Sata ni ojoahye tiqirore, niahye Jesu tiqinare.

*Jesu coā wahmūa cāhtariqirore yuhdūoahye*

*(Mt 17.14-21; Lc 9.37-43)*

<sup>14</sup> Sa ye dijia ta, apequina buheyequina caharū esa, peyequina masare ihñahye. Tiqiro buheyequina pehe judio masare buheyequina mehna cahme dūse tutuaye niahye. <sup>15</sup> Sa ye Jesu gūhū tiqina dijia tagū ihñañe, ijiphtiyequina masa acūa waha, tiqiro caharū omā cāa wahahye. Tiqiro caharū esaye,

—¿Ahtajari? niahye tiqirore.

<sup>16</sup>—Ahtaja, ni tuhasa,

—¿Duhse ni cahme dūse tutuana niari mūsa tiqina mehna? ni sinituahye Jesu tiqiro buheyequinare.

<sup>17</sup> Tiqiro sa ni sinitugū tūhoro, masa watoa ducuriqiro yahuahye tiqirore:

—Buhegū, yuhū macūre watīno cūoriqirore mūhare ne cāhtami. Watīno pehe tiqirore yahuducu dutierare. <sup>18</sup> Yuhū macūre tiqiro ñehēgū yehparū bora, bahque diho, būhaa wahae tiri tiqiro. Sa waharo sahpo tua wahae tiri. Sa yegū mūhū buheyequinare watīnore cohā dutimi. Yuhū sa dutiepegūta tiqina cohā masiedari watīnore, ni yahuahye Jesure.

<sup>19</sup> Tiqiro sa nigū tūhoro Jesu ohō saha niahye tiqinare:

—Ne, yuhare wacū tutuerare mūsa. Yoari pje mūsa buhemaja yuhū. ¿Noho puno yoari pje yuhare mūsa cariboajari? Tiqirore ne cāhtaya yuhare, niahye Jesu.

<sup>20</sup> Tiqiro sa nigū tūhoye watīno cūoriqirore Jesu caha ne cāhtahye. Tiqina ne wihigū ihñano watīno pehe coā wahmūa cāhtariqirore yehparū doque quehe sa, tunu nanaregū yeahye. Sa yero sahpo tuaa wahahye.

<sup>21</sup>—¿Noho puno yoari pje watīnore cūoajari ahriqiro? ni, sinituahye Jesu pehe tiqiro pacūrore.

—Nijinogā ijirōpūta tiqirore cūo dūcari. <sup>22</sup> Sa yero watīno pehe tiqirore pecarū, acorū cohā wejēmedi. Sa yegū mūhū ye masigū usāre paja ihña, yedohoya, niahye tiqiro pacūro Jesure.

<sup>23</sup> Tiqiro sa nigū tūhoro ohō saha niahye Jesu:

—¿“Mūhū ye masiegū ijire”, niajari mūhū yuhare? Yuhare mūhū wacū tutuagū ihñano, Cohācjū ijiphtiyere ye peho masine, mūhare yedohoro, niahye Jesu.

<sup>24</sup> Tiqiro sa nigūta coā wahmūa cāhtariqiro pacūro ohō saha ni sañuducuahye:

—Mūhare wacū tutuaja. Yuhū wacū tutueragū ihñagū yuhare yedohoya mūhare yuhū wacū tutuato saha, niahye tiqiro.

<sup>25</sup> Sa yero masa peyequina tiqina caharū oma cāhta, tiqina cahmecoagū ihñano, Jesu watīnore ohō saha ni tuhtiahye:

—Mūhū yahuducu dutiegū, tūho dutiegū ahriqiro mehna ijirigū wahaya. Sa wahagū tiqirore pari turi cariboeracāhña, niahye Jesu.

<sup>26</sup> Tiqiro sa nigū tūhoro watīno sañuducu, coā wahmūa cāhtariqirore yehparū doque quehe sa tunu nanaregū ye, wahahye. Tiqiro sa yegū coā wahmūa cāhtariqiro yariariqiro yero saha wahahye.

27 —Tiquiro yariaa wahare, nimahye masa peyequina.

Tiquina sa niepegāta Jesu pehe tiquiro omocare ñehe, tiquirore wahcōahye. Tiquiro sa wahcōgū wahcāhye tiquiro pehe. 28 Came Jesu gūh wāhūpū tiquina sañ sēgū tiquiro buheyequina tiquirore sinituahye:

—¿Duhse yena usā pehe wafīnore cohā masiedayari, mahū tūhotugū? ni sinituahye tiquina.

29 —Ahriquiro boro wafīnore cohā duana Cohācjāre tutuaro sinino cahmene mūsare, ni yūhtiahye Jesu tiquinare.

*Pari turi Jesu tiquiro yaria masa wijiatire yuahahye*

*(Mt 17.22-23; Lc 9.43-45)*

30 Sa ye topū ijiriquina waha, Galilea yehparū esa, yūhdūa wahahye. Topū tiquina waharire apequna masigū cahmedahye Jesu tiquiro yequinare buhero taro. 31 Topū esaro tiquiro buheyequinare buheahye. Ohō saha ni buheahye:

—Yūhū masū Cohācjū ohorigū ijiaja. Masa yūhūre ñehe, apequnapūre yūhūre ohoeta. Tiquina sa ohori bato yūhūre wejēeta. Tiquina sa wejōrigū ijiepegūta ihta deco wahaboro masa wijiajutja, niahye tiquinare.

32 Tiquiro sa nigū tūhoye tiquina quehnoano tūho ñehedahye. Sa ye cueye, tiquirore tire sinitu nemoedahye.

*Jesu buheyequina tiquina mehna cjānore pūhto sō duaye nimahye*

*(Mt 18.1-5; Lc 9.46-48)*

33 Sa ye Capernaupū tiquina esari bato wāhūpū tiquina ijigū Jesu pehe sinituahye tiquinare.

—¿Mahapūre ahtana, duhse ni yahuducu cāhtana niari mūsā? ni, sinituahye tiquinare.

34 Tiquiro sa sinitugū tiquina yūhtierahye. Mahapūre ahtaye, cahme ohō saha ni yahuducu cāhtaye niahye:

—¿Mari mehna cjānore diquiro pehere mari pūhtoro sōnatari mari? ni yahuducuye niahye mahapūre ahtaye.

35 Sa ye tiquina sa nidire bue tiye Jesure yūhtierahye. Tiquina sa yūhtieragū ihñano Jesu nuju sa, tiquiro buheyequinare doce buheyequinare pijio ohō saha niahye:

—Mūsā pūhtoa iji duana ijipihtiequina masa tiquina cahacjana ijiro cahmene mūsare. Sa yena ihyo ijina ijipihtiequina docapū ijinata mūsā, niahye Jesu tiquinare.

36 Sa nino nijinogāre tiquina watoa duhu docoahye. Duhu doco tuhasa tiquirogāre ne wūa, ohō saha ni yuahahye:

37 —Yeere ye duana ahriquirogāre mūsā cahmena, yūhū gūhūre cahmene mūsā. Sa yena yūhūre cahmena, yūhūre ohoriquiro mari Pacū gūhūre cahmene mūsā, niahye Jesu tiquinare.

*Marine ihña tuhtiriquiro ijieraro, mari mehna cjāno ijire*

*(Mt 10.42; Lc 9.49-50)*

38 Came ņū ohō saha niahye Jesure:

—Buhegū, mahū wame mehna wafīare cohāriquirore usā ihñan. Mari mehna cjāno tiquiro ijieragū ihñana tire tiquirore ye dutierahti usā, niahye tiquina.

39 Tiquina sa nigū tūhoro Jesu tiquinare yuahahye:

—Sa niedacāhña masa tiquirore. Ihcāquiro yūhū wame mehna Cohācjū tuwaye mehna yero, came yūhūre ñano ni yahuducu masiedare. 40 Marine ihña tuhtiriquiro ijieraro, tiquiro mari mehna cjāno ijire. 41 Mūsare potota nii niaja. Yeequina mūsā ijigū ihñāne apequna mūsare tiquina yedohogū ihñano



Cohācjū tiquinare quehnoano yerota. Acore m̄sare tiquina mehenogā sihōgū tiquinare quehnoano yerota Cohācjū tiquina sa yeri wapa, niahye Jesu tiquinare.

*Ñañene yegū cuarīne*  
(Mt 18.6-9; Lc 17.1-2)

<sup>42</sup> Sa yero Jesu yahu nemoahye:

—Ahriquirogā yero saha ijiriquireore yuhare wacū tutua ducariquiquireore yahugutja m̄sare. Apequiore ahriquirogā yero saha ijiriquireore ñañene ye dutiro tiquiore ña yuhduaro yuhdurota. Ihcāquiore tiquiore wam̄ar̄m̄ pajiria utāre d̄hte yo, pajiri m̄ar̄m̄ tiquiore tiquina cohāgū ñano wahaboaga tiquiore. Sa ijiepegūta ahriquirogā yero saha ijiriquireore ñañene ye dutiriquiquireore tiquiore pehe pajiri m̄ar̄m̄ tiquina cohāriquiore yuhduoro ñano yuhdurota. <sup>43-44</sup> M̄h̄m̄ omoca mehna ñano yegū ti omocare m̄h̄m̄ d̄te cohāboriro saha ti m̄h̄m̄ ñano yeye pehere duhuya. Tire duhueragū pecar̄m̄ wahagūta. Top̄re ne peca yatierare. Sa ye becoa ne yarierare. M̄h̄m̄ omocare cohāgū ti si dihita butiboaga. Sa yegū m̄h̄m̄ pehe sa bajuri turu ijiepegūta came Cohācjū mehna ijigūta. P̄na omoca mehna pecar̄m̄ wahagū m̄h̄m̄ sa wahagū ña yuhduaboaga. Sa yegū ti m̄h̄m̄ ñano yeye pehere duhuya. <sup>45-46</sup> M̄h̄m̄ dahpocā mehna ñano yegū ti dahpocā gūh̄re m̄h̄m̄ d̄te cohāboriro saha ti m̄h̄m̄ ñano yeye pehere duhuya. Tire duhueragū pecar̄m̄ wahagūta. Top̄re ne peca yatierare. Sa ye becoa ne yarierare. M̄h̄m̄ dahpocāre m̄h̄m̄ cohāgū ti si dihita butiboaga. Sa yegū sa bajuri turu ijiepegūta came Cohācjū mehna ijigūta. P̄na dahpocā mehna pecar̄m̄ wahagū m̄h̄m̄ sa wahagū ña yuhduaboaga. Sa yegū ti m̄h̄m̄ ñano yeye pehere duhuya. <sup>47-48</sup> M̄h̄m̄ capea mehna ñano yegū tiare ore we m̄h̄m̄ cohāboriro saha ti m̄h̄m̄ ñano yeye pehere duhuya. Tire duhueragū pecar̄m̄ wahagūta. Top̄re ne peca yatierare. Sa ye becoa ne yarierare. Tiare m̄h̄m̄ cohāgū tia dihita butiboaga. Ihcā capea mariedapegūta came Cohācjū mehna ijigūta. P̄na capea mehna pecar̄m̄ wahagū m̄h̄m̄ sa wahagū ña yuhduaboaga. Sa yegū ti m̄h̄m̄ ñano yeye pehere duhuya.

<sup>49</sup> 'Ahri yehpar̄m̄ ijina ñano yuhduanata m̄sa. Pecar̄m̄ mari h̄jūgū marine purīno saha ñano yuhduanata m̄sa. <sup>50</sup> Moa quehnoano ocare. Moa ocaeragū ti moare ocagū yero basioerare. Moa ocaeraro ti moa ne quehnoadare. Ti moare d̄h̄sero basioerare. Sa ijigū ihñana ti moare cohāno cahmene. Moa quehnoano ti ocaro saha m̄sa gūh̄m̄ masa quehnoana ijija. Sa yena apequina mehna quehnoano mehna ijija, ni yahuahye Jesu tiquinare.

## 10

*Tiqina namosānumiare cohāñene yahuahye Jesu*  
(Mt 19.1-12; Lc 16.18)

<sup>1</sup> Sa ye tiquiore top̄m̄ ijiriquireore waha, Judea yehpa cahar̄m̄ esa, Jordā wame tiri ma ape sie pah̄r̄m̄ esahye. Top̄m̄ tiquiore esagū ihñane masa peyequina tiquiore cahar̄m̄ cahmecoahye tja. Tiquina sa cahmecoagū ihñano to pano tiquiore buheriro sahata pari turi buheahye tja. <sup>2</sup> Tiquiore sa buheri watoa fariseo masa wihiahye. Jesure ñano tiquiore yahuducugū t̄ho duamahye tiquina. Sa t̄ho duaye tiquina Jesure sinituahye.

—¿Mari namosānumiare cohāgū quehnoaboagari? ¿Mari dutiye pehe sata ye dutiajari, m̄h̄m̄ t̄hotugū? ni sinituahye tiquina.

<sup>3</sup> —¿D̄h̄se ye dutiajari to Moise m̄sare tiquiore cūri? ni yuh̄tiahye Jesu.

<sup>4</sup> —“P̄pera p̄re m̄sa cohāñene yahuyere ojoana m̄sa namosānumiare cohā masine”, niahye Moise, ni yuh̄tiahye fariseo masa pehe.

<sup>5</sup> Tiquina sa nigū t̄horo ohō saha ni yahuahye Jesu:

—Cohãcǵũ dutiyere m̄sa ye dueragũ ihñano sa ni ojoahye Moise. <sup>6</sup> Tiquiro sa ni ojoari ijiepegũta ahri yehpare bajumehnediquiro um̄ano, numino gãhure yeahye. <sup>7</sup> Sa yero um̄ano tiquiro pac̄sum̄are cohã wijia, tiquiro namono mehna ijirota. <sup>8</sup> Sa ye tiquina p̄aro ijiepetata ihcã pagũ yero saha ijire. Sa ye tiquina p̄aro yero saha ijierare. Ihcã pagũ yero saha ijiye nine. <sup>9</sup> Cohãcǵũ tiquiro omoca d̄hte dutiriquina ijire. Sa ye tiquinare cahme duhueraro cahmene, niahye Jesu tiquinare.

<sup>10</sup> Sa ni tuhasa tiquiro buheyequina mehna w̄h̄ur̄p̄u sajãa wahahye. W̄h̄ur̄p̄u sajã sa, tiquina namosãnumiare cohãñene tiquiro buheyequina sinituahye tja tiquirore. <sup>11</sup> Tiquina sa sinitugũ tiquiro yahtiahye:

—Tiquiro namonore cohãriquiru apecorore namo tiro, apecoro mehna ñano yeriquiro ijire. Sa yero tiquiro cohãricorore ñano wahagũ yero nine. <sup>12</sup> Sa yero numino pehe ticoro man̄nore cohãno, apequiruore man̄ tiro, tiquiro mehna ñano yericoro ijire, niahye Jesu tiquinare.

*Macanagã ye ijiatire Cohãcǵũre sini basahye Jesu  
(Mt 19.13-15; Lc 18.15-17)*

<sup>13</sup> Sa ye macanagãre Jesure ña peo dutiye tehe tiquinagãre Jesu caharu ne cãhtaye niahye. Tiquina sa yegũ ihñañe tiquiro buheyequina pehe tiquinagãre ne cãhtayequinare tuhtiahye. <sup>14</sup> Tiquina sa tuhtigũ ihñano Jesu usuaro, ohõ saha niahye tiquinare:

—Macanagã ȳh̄u caharu ahtaahro. “Waharĩsa”, niedacãhña tiquinagãre. Tiquinagã Cohãcǵũre tiquina puhtoro tuhoture. Sa ye Cohãcǵũ tiquiro puhtoro ijiroru ahriquinagã yero saha tuhotuyequina ijire toru. <sup>15</sup> Ijirota niita niajã musare. Ahriquinagã Cohãcǵũre tiquina cahmeno saha m̄sa pehe cahmedana, tiquiro caharu wahasi m̄sa. M̄sa wahaeragũ m̄sa puhtoro iji tiquiro, niahye Jesu.

<sup>16</sup> Sa ni tuhasa Jesu macanagãre ne w̄na, tiquinagãre ña peoro ohõ saha niahye:

—Ahriquinagã quehnoañequina wahaahro, ni sini basahye Cohãcǵũre.

*Doeri cǵẽ up̄uro Jesure sinituahye  
(Mt 19.16-30; Lc 18.18-30)*

<sup>17</sup> Sa ye Jesu maharu tiquiro wahaducugũ apequiru pehe oma cã, tiquiro dahrocãri caharu d̄sepe curi mehna quehe sahye tiquirore ño peoro.

—¿Ne, quehnoagu buhegu, ȳh̄u ijipih̄tiye decori Cohãcǵũ mehna iji duagu d̄hse yegutari ȳh̄u? niahye tiquiro Jesure.

<sup>18</sup> Tiquiro sa nigũ Jesu yahtiahye:

—¿D̄hse ijiro boro ȳh̄u “Quehnoagu”, ni pisuajari m̄h̄u? Cohãcǵũ dihita quehnoariquiru ijire. <sup>19</sup> Ahri Cohãcǵũ dutiyere masine m̄h̄u: Masare wejẽdacãhña. W̄hana tieracãhña. Yaqueracãhña. Ni mehoedacãhña. Apequina yere ni meho nedacãhña. M̄sa pac̄sum̄are ño peoya. Ahri dutiyere yero cahmene masare, ni yahuahye Jesu tiquirore.

<sup>20</sup> —Buhegu, tire ijipih̄tiyere coã wahm̄a cãhtagu ijigur̄ta ȳh̄ud̄d̄caera tii ȳh̄u, niahye tiquiro Jesure.

<sup>21</sup> Tiquiro sa nigũ tuhoro Jesu pehe tiquirore ihñadoque ohõ, cahñahye. Sa yero ohõ saha niahye:

—Mehenogã d̄hsare m̄h̄u ye pehoato. Ijipih̄tiyere m̄h̄u yere duagu wahaya. Sa yegũ ijipih̄tiye m̄h̄u wapatari niñerure pejesnoyequinare ohoya. M̄h̄u sa yegũ pajiro m̄h̄u ye um̄seru, Cohãcǵũ caharu ijirota. M̄h̄u sa yeri bato ȳh̄u mehna cǵũ ijiaj̄u ahtaya, niahye Jesu tiquirore.

<sup>22</sup> Tiquiro sa nigū tūhoro tiquiro pehe peye doeri cĵe cūoriquiro ijiro tire pejesuoyequinare oho dueraro, bujua witi, coaera, wahaa wahahye.

<sup>23</sup> Tiquiro sa bujua witiġū ihñano Jesu majareduca sa, tiquiro buheyequinare ihñadoque ohō, ohō saha niahye:

—Doeri cĵe cūoyequina Cohācjū pūhtoro ijiropare tiquinare waharo basioera cĵure, niahye tiquinare.

<sup>24</sup> Tiquiro sa nigū tūhoye tiquina pehe tiquiore tūho maria wahahye. Sa ni tuhasa Jesu pari turi yahuahye tiquinare:

—Yūhu acaye, ijipihtiyequina doeri cĵe opana Cohācjūre wacūno marieno Cohācjū pūhtoro ijiropare tiquinare waharo basioerare. <sup>25</sup> Camello pehe awia copere tiquiro saĵā duagū basioerare. Tiquiro sa ijiro yūhdūoro doeri cĵe cūoriquirore Cohācjūre wacūno marieno Cohācjū pūhtoro tiquiro ijiropare tiquiore waharo basioerare, ni yahuahye tiquinare.

<sup>26</sup> Tiquiro sa nigū tūhoye to pano tiquina tūho mariariro yūhdūoro tūho maria waha, tiquina basi ohō saha niahye:

—Yohou, tiquiro nino sahata ijigū ne ihcāquiro masūnore yūhdūoeraboaga Cohācjū, niahye tiquina basi.

<sup>27</sup> Tiquina sa nigū tūhoro Jesu tiquinare ihñadoque ohō, ohō saha niahye:

—Masa tiquina esa tuharo quehnoano yeri mehna Cohācjū caharu waha masiedare. Cohācjū pehe masare pecaru wahaboriquinare yūhdūo masine. Tiquiro ijipihtiyere quehnoano ye masi peho cāhre, niahye Jesu tiquinare.

<sup>28</sup> Tiquiro sa nigū Pedro tiquiore ohō saha niahye:

—Tūhoriña. Ūsā pehe ijipihtiyere ūsā yere cū cāu mūhu mehna wahana tana, niahye tiquiro Jesure.

<sup>29</sup> Tiquiro sa nigūta Jesu ohō saha niahye:

—Ijirota niita niaja masare. Quehnoañe buheyere, yeere yena tana yūhare ño peona tana masa wūhūserere, masa bahanare, masa pacūsumūare, masa pohñare, masa weserire cūrina ijina, pajiro wapatanata masa yojoṗare. <sup>30</sup> Sa yena masa wūhūserere, masa bahanare, masa pacosānumiare, masa pohñare, weserire, to pano masa cūoriro yūhdūoro yojoṗare peye cūonata masa. Sa ye apequina masare ñano yeeta. Sa yena camerare ape tjuorū ijipihtiyere decori Cohācjū mehna ijinata. <sup>31</sup> Yojoṗare peyequina pūhtoa ijiriquina ti pjerere ihyo ijieyequina tojoaeta. Sa ye yojoṗare peyequina ihyo ijieyequina ijiriquina ti pjerere pūhtoa comesaeta tja, ni yahuahye Jesu tiquinare.

*Pari turi Jesu tiquiro yaria masa wijiatiye yahuahye  
(Mt 20.17-19; Lc 18.31-34)*

<sup>32</sup> Sa ye tiquina maharu maja, Jerusalēru mijañe niahye. Jesu tiquina panogā ūhmū tāhye. Sa tiquiro ūhmū tāgū ihñañe tiquiro buheyequina ihñā maria wahahye. Sa ye tiquina bato nūnu tāriquina pehe cuero mehna nūnu tāhye. Sa yero Jesu tiquiro buheyequinare tiquina sehsaro neahye tja. Sa yero masa tiquiore dūhse yeatiye Jesu yahu dūcahaye tiquinare.

<sup>33</sup> —Tūhoya yūhare. Yojoṗare Jerusalēru wahana niaja mari. Topū masa yūhu masare Cohācjū ohorigūre ñehe, apequinare yūhare ohoeta. Pahia pūhtoare, mari acaye judio masare buheyequina gūhare yūhare ohoeta. Sa ye yūhare wejē dutieta tiquina. Sa wejē dutiye judio masa ijieyequina pehare yūhare ohoeta. <sup>34</sup> Tiquina sa ohori bato tiquina pehe yūhare bujūpe, sihco puti ohō, tana, wejēeta. Sa yegu yūhu yariari bato ihtia deco wahaboro masa wijiagutja, ni yahuahye Jesu tiquinare.

*Santiago, Ūu mehna Jesure siniahye  
(Mt 20.20-28)*

<sup>35</sup> Sa ye Santiago, Ñu mehna Jesu caharũ esahye, siniahye tiquire. Tiquina Zebedeo pohne ijiahye. Sa ye ohõ saha ni siniahye:

—Buhegũ, usã sinino saha usãre yeya mũhũ, niahye tiquina Jesure.

<sup>36</sup> —¿Dũhse yũhũ yegũ cahmeajari mũsa? niahye Jesu tiquire.

<sup>37</sup> —Ijipihtiequina pũtoro ijigũ usãre mũhũ mehna duji dutiya. Ihcãquiro mũhũ poto pehe, apeqũro mũhũ cũ pehe pehe duji dutiya usãre, mũhũ mehna pũtoã usã ijiatõ saha, niahye tiquina Jesure.

<sup>38</sup> Tiquina sa nigũ tũhoro ohõ saha ni yahuahye Jesu tiquire:

—Mũsa ñano yũhdũatore masiedapenata sa sinine yũhũre. ¿Yojoꝑũre yũhũ ñano yũhdũato saha mũsa gũhũ ñano yũhdũna ihcãno sahaboagari? ni sinitu-  
haye tiquire.

<sup>39</sup> Tiquiro sa sinitugũ tũhoye tiquina yũhtiahye:

—Ihcãno sahanata, ni yũhtiahye tiquina.

Tiquina sa nigũ Jesu ohõ saha ni yahuahye:

—Yũhũ ñano yũhdũato saha ñano yũhdũnata mũsa gũhũ. <sup>40</sup> Mũsa sa yũhdũanaja mũsa ijiepegũta, yũhũ mehna dutiatiquinare, yũhũ mehna du-  
jiatiquinare bese masiedaja yũhũ. Ahrĩre yũhũ Pacũ pehe quehno tuhasari. Sa ye tiquire beseatiquina dihita yũhũ poto pehe yũhũ cũ pehe pehe dujeta, niahye Jesu tiquire.

<sup>41</sup> Sa ye apeqũna pũa omopequina buheyequina Santiago, Ñu ahriquina pũaro mehna usuahye tiquina sa sinidire tũhoye. <sup>42</sup> Tiquina sa usuagũ ihñano Jesu tiquire buheyequinare pijio ohõ saha niahye:

—Cohãcjũre masieñequina pũtoã pehe tiquina masare dutiye, usuaro mehna dutire. <sup>43</sup> Mũsa pehe ne sa yesi mũsa basi. Mũsa mehna cjũno pũtoro iji duaro, ijipihtiequina tiquire mehna cjẽna cahacjũno ijiro cahmene tiquire. <sup>44</sup> Sa yero ijipihtiequinare dutiriquiro iji duaro, apeqũna ca-  
hacjũno ijiro cahmene tiquire. <sup>45</sup> Sata ijigũ ijijaja yũhũ gũhũ. Yũhũ masũ Cohãcjũ ohorigũ ijiepegũta ahri yehpapũ masare yedohogũ ahtaũ. Sa yegũ peyequina masa ye buhirire yariagũ ahtagũ nii. Sa yegũ peyequina masare pecarũ wahaboriquinare yũhdũogũ ahtagũ nii. Masare dutipegũ ahtagũ niedũ, niahye Jesu tiquire.

*Bartimeore, caperi bajueriquirore ihñagũ yahye Jesu  
(Mt 20.29-34; Lc 18.35-43)*

<sup>46</sup> Sa ye tiquina Jericõrũ esahye. Sa yero Jesu tiquire buheyequina, masa peyequina mehna ti macarũ ijieyegũna tiquina wahagũ Bartimeore pehe maha dũhtũ caharũ dujiahye. Tiquiro Timeo macũno caperi bajueriquiro ijiro, decoripe masare niñerure siniducuriquiro ijiahye. <sup>47</sup> Sa yero topũ Jesu Nazare cjũno tiquire caharũ ahtagũ tũhoro Bartimeo ohõ saha ni sañuducuahye:

—Jesu, Davi mũnano panami iji turiagũ, masare yũhdũoacjũ, paja ihñañũ yũhũre, ni sañuducuahye Jesure.

<sup>48</sup> Tiquiro sa nigũ tũhoye masa peyequina Bartimeore “Dihita mariañã”, ni tuhtiahye tiquina tiquire. Tiquina sa tuhtigũ tũhoro Bartimeo to pano tiquire sañuducuriro yũhdũo cjũno sañuducu nemoahye tja:

—Jesu, Davi mũnano panami iji turiagũ, masare yũhdũoacjũ, paja ihñañũ yũhũre, ni sañuducuahye tiquire.

<sup>49</sup> Tiquiro sa ni sañuducugũ tũhoro Jesu pehe esadũca, “Pijiohya tiquire”, niahye. Tiquiro sa nigũ tiquina pehe caperi bajueriquirore pijĩ cãhye:

—Bucueya. Wahcãdũcaya. Tiquiro mũhũre pijiore, niahye tiquina Bar-  
timeore.

<sup>50</sup> Tiquna sa nigū tūhoro tiqiro bui cǵā suhtirore tu we cū, uhpu yuhdu cā, Jesu caharū esaducahye. <sup>51</sup> Sa yero Jesu sinituahye tiqirore.

—¿Duhse yuhū yegū cahmeajari mūhū? niahye Jesu tiqirore.

—Yuhū pūhto, yuhūre ihñagū yeya, niahye caperi bajueriqiro.

<sup>52</sup> —Wahaya. Mūhū yuhūre wacū tutuagū quehnoa wahare, niahye Jesu tiqirore.

Tiqiro sa nigūta caperi bajueriqiro ihñaa wahahye. Sa quehnoa waharo Jesu mehna maharū wahaa wahahye.

## 11

### *Jerusalēpū esahye Jesu*

*(Mt 21.1-11; Lc 19.28-40; Jn 12.12-19)*

<sup>1</sup> Sa ye Jerusalēpū tiquna esato panogā Betfagé wame tiri maca caharū, Betania wame tiri maca caharū ijidūpū, Olivo wame tidū cūhūpū esa mūhtahye. Topū esaro pūarore tiqiro buheyequina mehna cǵēnare Jesu ohoro ohō saha niahye:

<sup>2</sup> —Si macarū wahaya. Topū esana duita burrogāre tiquna dūhte docoriquogāre bocanata. Apequina pesamehnediquogā ijiaga. Tiqirogāre bocana, yuta dare pā, ne cāhta basaya yuhūre. <sup>3</sup> Mūsa sa yegū ihñano burrogā upūro “¿Duhse burrogāre pājari?” tiqiro nigū tūhona, ohō saha ni yūhtiya tiqirore: “Mari pūhtoro burrogāre cahmedoqueo nidi. Sa yero mianogāta wiarota tiqiro”, ni yahuya tiqirore, ni yahu duti ohoahye tiqiro buheyequinare pūarore.

<sup>4</sup> Tiqiro sa nigū waha, wuhū caharū ijiri maharū sopecaha caharū burrogāre tiquna dūhte docoriquogāre bocahye. <sup>5</sup> Sa ye tiqirogāre yuta dare tiquna pāgū ihñāñe topū ducyequina sinituahye tiquinare:

—¿Duhse yena tana mūsa yuta dare pājari burrogāre? ni sinituahye tiquna.

<sup>6</sup> Tiquna sa nigū tūhoye, tiquna pehe Jesu tiqiro nidiro sahata yahuahye topū ducyequinare. Tiquna sa yahugū tūhoye topū ducyequina pehe “Neahñā”, niahye tiquinare. <sup>7</sup> Sa ye tiquna burrogāre Jesu caharū ne sahye. Tiquna ne sari bato tiqirogā bui tiquna suhtire dūhu peo tuhasagū ihñano, Jesu pehe tiqirogā bui mūja pjeahye, waharo taro. <sup>8</sup> Sa ye masa peyequina tiquna bui sañāñe suhtire tu we ne, maharū seō cū mūhtahye, Jesure ño peoye. Apequina pehe pūri tiye dūpūre weseripū tiquna ne cāhtari dūpūre maharū cūahye.

<sup>9</sup> Sa ye tiqiro pano wahayequina, tiqiro bato ahtayequina mehna ohō saha ni sañuducyahye:

—Ahriqirore ño peouhna. Ahriqiro Cohācǵū tiqiro ohoriqiro quehnoano ijahro. <sup>10</sup> Mari ñecū iji turiariqiro Davi mūnano pūhtoro tiqiro ijiriro saha ahtariqiro quehnoano ijahro. Ūhmūse cǵānore “Tutuagū ijire”, ni ño peouhna, ni sañuducyahye tiquna.

<sup>11</sup> Sa yero Jesu Jerusalēpū esaro Cohācǵū ya wūhūpū sajā saro, ti wūhūpū ijyere ijiphtiyere ihñā peho cāhye. Ihñā tuhasa “Ñamicaharū ijire. Deco cǵūnota wahañhna”, nino, Jesu tiqiro buheyequina doce buheyequina mehna Betaniarū wahahye.

### *Jesu higeragūre yaria dutiahye*

*(Mt 21.18-19)*

<sup>12</sup> Sa ye ape deco tiquna Betaniarū ijiriquina wahaa wahahye. Sa yero Jesu pehe cūña ahbaa waha, yoaropū higuera wame tidūre quehnoano pūri tidūre ihñano tū dūcare macano wahamahye. <sup>13</sup> Dūca mariedahye. Dūca tiri

pje ijieraro pūri dihita ijiahye. <sup>14</sup> Sa yero dūca mariedagū ihñano ohō saha niahye:

—Ahdū dūcare masa ne pari turi ihyeracāhdo. Ne dūca tieracāhdo, niahye Jesu.

TiQUIRO sa nigū tiQUIRO buheyeQUINA pehe tūhoahye.

*Jesu Cohācjū wūhure Cohācjū mehna yahuducuri wūhū ye dutiahye  
(Mt 21.12-17; Lc 19.45-48; Jn 2.13-22)*

<sup>15</sup> TiQUIRO sa yeri bato tiQUINA Jerusalēpū esahye. Topū esaro, Jesu Cohācjū ya wūhūpū sajā saro apee boro duayeQUINARE, dūyeQUINA gūhūre cohā wioahye. Sa yero niñeru comesaye mesarire yo wahcō, ne majare cū mūjahye. Bujuaare duayeQUINA tiQUINA dujiye pahtari gūhūre sata yeahye. <sup>16</sup> Sa yero apee borore ne sajā dutierahye masare. <sup>17</sup> Sa yero Jesu ohō saha ni buheahye tiQUINARE:

—Ohō saha nīne Cohācjū yere tiQUINA ojoari pū: “Ya wūhū Cohācjū mehna yahuducuri wūhū wame tirota. Sa yero ijipihtiro cjēna ya wūhū ijirota”, ni ojoahye Cohācjū yere tiQUINA ojoari pū. Ti pū sa niepegūta mūsa pehe ahri wūhūpū duana, mūsa basi cahme yaquere mūsa, ni buheahye tiQUINARE.

<sup>18</sup> TiQUIRO sa ni buhegū ijipihtieQUINA masa pehe tūho maria wahahye. Sa ye pahia pūhtoā, usā judio masa buheyeQUINA mehna tiQUIRORE cue niahye. Sa ye tiQUINA tiQUIRORE wejēatire wacū macamahye. <sup>19</sup> TiQUINA sa yegū ñamicahapū Jesu tiQUIRO buheyeQUINA mehna ti macapū ijiriQUINA wahaa wahahye.

*Higueragū ñaia wahahye  
(Mt 21.20-22)*

<sup>20</sup> Sa ye bohrearo mahapū maja taye, higueragūre ihñahye. Tū nūhcoripū ñai dūca, ñaia wahahye tū. <sup>21</sup> Tūre ihñano Pedro pehe wacū, ohō saha niahye: —Buhegū, ihñañā. Higueragū mūhū yaria dutidū yaria wahaya, niahye Pedro.

<sup>22</sup> TiQUIRO sa nigūta Jesu yahuahye tiQUINARE:

—Cohācjūre wacū tutuaya mūsa. <sup>23</sup> Ijirota niita niaja mū sare. Ahdū canūre pajiri mapū mūsa cohā dutigū mūsa nidiro saha sa waharota. Cohācjūre quehnoano mūsa wacū tutuagū “Yūhū sinidiro saha waharota”, mūsa ni tūhotugū mūsa nidiro saha waharota. <sup>24</sup> Sa yegū ahrire yahugūtja mū sare. Cohācjū mehna yahuducuna, tiQUIRORE sinina, “Yūhū sinidiro saha ohorota yūhūre”, ni tūhotuya. Mūsa sa yegū ihñano Cohācjū mūsa siniñene ohorota. <sup>25</sup> Sa yena Cohācjū mehna mūsa yahuducuoato pano mū sare apeQUINA tiQUINA ñano yegū mūsa usarire duhuya. Mūsa sa yegū ihñano mari Pacū ūhmūse cjūno mūsa ñañe yeri pehere tiQUIRO gūhū usua duhurota. [ <sup>26</sup> Mū sare ñano yeriQUINARE mūsa usua duhueragū mari Pacū gūhū ūhmūse cjūno mūsa ñañe yeri pehere usuario ne duhusi tiQUIRO gūhū,] niahye Jesu.

*Pahia pūhtoā, judio masare buheyeQUINA, bñcūna mehna Jesu mehna cahme dūse tini wiahye*

*(Mt 21.23-27; Lc 20.1-8)*

<sup>27</sup> TiQUIRO sa nidi bato tiQUINA Jerusalēpū wahahye tja. Sa ye Jesu Cohācjū wūhūpū tiQUIRO tinigū ihñañe pahia pūhtoā, usā judio masare buheyeQUINA, bñcūna gūhū tiQUIRO cahapū esaye, tiQUIRORE sinituahye:

<sup>28</sup> —¿Dūhsegū canūre sa yeari mūhū? ¿Noa mūhūre tire sa ye dutiari? ni sinituahye tiQUINA Jesure.

<sup>29</sup> TiQUINA sa nigū Jesu yūhtiahye:

—Musa pehere sinitu mahtagutja. Quehnoano yahure musa yahrtigū musare yahugutja yuhū gāhū. <sup>30</sup> ¿Ñu masare tiquiro wame yegū noa boro pehe tiquirore wame ye dutiyari, musa tahotugū? ¿O Cohācjū dutierayari? ¿O masa pehe tiquirore dutiyari, musa tahotugū? ni sinituahye tiquinare.

<sup>31</sup> Tiquiro sa nigū tiquina pehe tiquina basi ohō saha niahye:

—¿Dahse ni yahrtinatari mari? “Cohācjū Ñure dutiri jiri”, mari nigū, “¿Dahsena Cohācjū Ñure tiquiro dutiepegūta tiquirore taho duerari musa?” niboaga Jesu marine. <sup>32</sup> Sa yero “Ñu tiquiro wame yegū Cohācjū pehe tiquirore dutierari jiri”, mari nigū masa pehe usueta mari mehna, niahye tiquina basi.

“Potota Ñu Cohācjū yere yahu mahtariquiro ijire”, ni tahotue tiahye masa pehe. Sa ye pahia pahtoa, usā judio masare buheyequina, bucana mehna tiquinare cue niahye. <sup>33</sup> Sa ye tiquina Jesure ohō saha ni yahrtiahye:

—Ñure wame ye dutiriquirore usā masiedaga, niahye tiquina Jesure.

—Ti pje pūrita yuhū gāhū ahrire yuhū yerire dutiriquirore yahueraja musare, niahye Jesu tiquinare.

## 12

### *Ñañequina dahra cohteyequina quitire yahuahye Jesu*

(Mt 21.33-46; Lc 20.9-19)

<sup>1</sup> Sa ye Jesu tiquiro tahotuye mehna ohō saha ni queoye mehna buhe ducahye tiquinare.

—Wese upuro uhse darire oteahye. Ote tuhasa, sahrñnore doco, uhse tiquina cūhta mutoati copere sehe, uhmari wuhgā dahreahye tiquiro. Sa yero ti wesere apequinare ihcā pehe pahma cūno, ti wesere cohte dutiahye. Cohte duti tuhasa ape sierp waha wahahye tiquiro. <sup>2</sup> Came uhse ñidi pje ijigū wese upuro tiquiro cahacjñore wese cjē tiquiro ya pahma cjē ducare ne dutiro ohomahye. <sup>3</sup> Sa ye wesere cohteyequina pehe tiquiro cahacjñore ñehe, quēahye tiquirore. Sa ye tuhasa tiquiro cahacjñore uhse tōhorine ohoerapeta tojoa dutiahye tiquirore. <sup>4</sup> Sa yero wese upuro apeqiro tiquiro cahacjñore ohomahye tja. Sa ye cohteyequina pehe tiquiro dapure cami dahre, ñano yeahye tiquina tiquirore. <sup>5</sup> Sa yero apeqiro pehere tiquiro ohogū cohteyequina tiquirore wejēahye. Peyequina apeqina gāhare sa dihita ye mujahye. Apeqina pehere quē, apeqina pehere wejēahye tiquina.

<sup>6</sup> Sa yero wese upuro macano dihita dahsahye. Tiquiro cahñiquiro ijiahye. Sa yero tiquiro macanore ohoahye, “Yuhū maca pehere ño peoeta”, nino. <sup>7</sup> Tiquiro sa ni tahotuepegūta cohteyequina tiquina basi ohō saha ni yahuducahye: “Wese upuro macano ijire ahriquiro. Tiquirore wejēihna mari. Sa yero ahri wese mari ya wese tojoarota”, nimahye tiquina basi. <sup>8</sup> Sa niñe tiquirore ñehe, wejē, wese daktū cahapū ne cā, cohā cāhye tiquina tiquirore.

<sup>9</sup> ¿Ne wese upuro ahtaro dahse yerotari tiquiro wesere cohteyequinare, musa tahotugū? Ohō saha yerota tiquinare: Tiquiro tiquinare wejēno, apeqina pehere wesere cohte dutirota. <sup>10-11</sup> ¿Cohācjū yere tiquina ojoari pūre ahrire buherari musa? Ohō saha ni ojoahye:

Ahriquiro Cristo utā yero saha ijire. Utāre wuhare dahreyequina tiquina cohāno saha masa tiquirore cohāeta. Tiquina sa cohāepēgūta yojōpūre wuhare dahreyequina wuhare yeye, tiquina cū mahtaria utāre tiquina cūno saha Cohācjū tiquirore pahutoro sōri. Cohācjū pehe ahrire yeri. Tiquiro sa yegū ihñana, “Quehnoa yuhdūare”, ni tahotuaja mari, ni ojoahye panopūre.



¿Tire ne buherari masa? niahye Jesu tiquinare.

<sup>12</sup> Tiqiro sa nigū tūhoye pahia pūhōa, usā acaye judio masare buheye-quina, bñcāna mehna ohō saha ni tūhotuahye: “Jesu wesere cohteyequina quiti mehna marine tuhtiro nine”, ni tūhotuahye. Sa ni tūhotuye Jesure ñehe duamahye. Sa ñehe duepeta masare cue niahye. Sa cueye tiqirore cohā cāa wahahye.

*Fariseo masa, Herode ya curua cjēna mehna gobierno cjē wapare sinituahye Jesure*

*(Mt 22.15-22; Lc 20.20-26)*

<sup>13</sup> Waha, tiquina fariseo masare, Herode ya curua cjēna gūhure Jesure sinitu dutiye ohoahye tja. Jesu ñano tiqiro yūhtigū ye duamahye tiquina, tiqirore yahusāne tehe. <sup>14</sup> Sa ye Jesu cahapū esaye, tiqirore niiji sio sinitumahye:

—Buhegū, poto yahuducugū, ni mehoñe mariegū mūhū ijigū masiaja usā. Cohācjū yere queoro mūhū yahugū gūhure masiaja usā. Sa yegū ihcāqiro pūhōro waro ijiepegūta tiqiro gūhure dōyaro marieno potota yahure mūhū. Sa yegū usāre yahuya. ¿Roma cjūno ijipihituequina pūhōro yere marine wapa yero cahmeajari, mūhū tūhotugū? ¿Mari dutiye wapa ye dutiajari, mūhū tūhotugū? ni sinituahye tiquina Jesure.

<sup>15</sup> Tiquina sa sinitugū tūhoro tiquina ñano ye duayer masino Jesu ohō saha ni sinituahye tiquinare:

—¿Dūhse yena yūhū ñano yahuducugū tūho duajari masa? Yojoṗure niñero cjoere ne cāhtaya. Ti cjoere ihñāhna, niahye Jesu tiquinare.

<sup>16</sup> Tiqiro sa nigū tūhoye tiquina pehe ihcā cjoere ne cāhtahye. Tiquina ne wihigū Jesu sinituahye tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituahye tiqiro.

—César, masa ijipihituequina pūhōro queoye, tiqiro wame gūhū wahñare, ni yūhtiahye tiquina.

<sup>17</sup> Tiquina sa nigū Jesu yahuahye tiquinare:

—Ti pje pūrita masa ijipihituequina pūhōro yere tiqiro pehere ohoya. Cohācjū yere Cohācjū pehere ohoya, ni yahuahye Jesu.

Tiqiro sa nigū tūhoye tūho maria wahahye.

*Cohācjū tiqiro masoatire yahuahye Jesu saduceo masare*

*(Mt 22.23-33; Lc 20.27-40)*

<sup>18</sup> Sa ye ihquēquina saduceo masa Jesu cahapū wihiahye. Saduceo masa pehe “Cohācjū yariariquinare masosi”, ni tūhotuyequina ijiahye. <sup>19</sup> Sa ye tiquina ohō saha niahye tiqirore:

—Buhegū, ohō saha ni buheahye Moise: “Ihcāqiro wahmino namo tiriqiro pohna mariedaperota yariagū ihñano tiqiro bahurore tiqiro wahmino namono ijiricorore nūoano cahmene. Sa yero wahmino mūnāno tiqiro pohna tiboro saha pohna tiro cahmene tiqiro bahurore. Sa ye tiqiro pohne tiqiro wahmino mūnāno pohne yero saha ijietā”, ni joahye Moise, niahye tiquina Jesure.

<sup>20</sup> Tire ni tuhasa, ahri quitireta yahu nemoahye Jesure:

—Ihcāqiro masūno ijiahye. Seis bahana tiahye. Tiqiro wahmino pehe namo ti, pohna mariedaperota yariaa wahahye. <sup>21</sup> Sa yero apeqiro tiqiro bahuro gūhū tiqiro wahmino namono ijiricorore cūomahye. Tiqiro sa nūoari bato tiqiro wahmino yero saha pohna mariedaperota yariaa wahahye tja. Sa yero ahriqiro bahuro tiqiro wahmino mūnāno yero saha pohna mariedaperota yariaa wahahye. <sup>22</sup> Sa dihita wahahye ihcāqiro

pohne waro. Ne pohna mariedapeta yaria pihtia wahahye tiquina. Tiquina namono ijiricoro gāhu tiquina batota yariaa wahahye. <sup>23</sup> ¿Ne, Cohācjū ijip-  
ihtiyequinare yariariquina mūnare tiquiro masogū diquiro namono pehe  
ijjrotari ticoro? Tiquina ijiphtiyequina ticorore namo tiriquina mūna  
ijjahye. ¿Sa yero diquiro namono pehe ijiboagari ticoro pototi? ni sinituahye  
tiquina.

<sup>24</sup> Jesu yūhtiahye tiquinare:

—Cohācjū yere tiquina ojoari pūre, tiquiro masiñe gūhure ne masiedare  
mūsa. Sa yero mūsa tūhotuye pehe ne poto ijierare. <sup>25</sup> Yariariquina mūna  
tiquina masa mūjari bato angele yero saha ijire. Namō marieñequina,  
māhu marieñe numia ijire torure. <sup>26</sup> Yariariquina mūna tiquina masa  
wijiato pehere mū sare yahugūtja: Tire Moise quehnoano yahu pehoahye.  
Mehenugā ūjari quitire ohō saha ni yahuahye tiquiro: “Yūhu Abrahā,  
Isaac, Jacob tiquina pūhto tjiaja’, ni yahuri Cohācjū yūhure”, ni ojoahye  
Moise tiquiro ojoari pūru. <sup>27</sup> Tiquina yariari bato “Tiquina pūhto tjiaja”,  
ni yahuahye Cohācjū. Sa nieperota yariariquina mūna pūhtoro ijierare  
Cohācjū. “Tiquina pūhto tjiaja”, tiquiro niñe mehna catiyequina tiquina ijigū  
masiaja mari. Tiquiro catiyequina pūhtoro ijire. Sa yena “Yariariquina  
masasi”, ni tūhotuna potota tūhotuerare mūsa, niahye Jesu tiquinare.

### *Quehnoa yūhduro dutirore yahuahye Jesu*

*(Mt 22.34-40)*

<sup>28</sup> Sa ye ihcāquiro usā acaye judio masare buheyequina mehna cjāno  
tiquina caharu wihi, tiquina cahme yahuducugū tūhoahye. Jesu quehnoano  
yūhtiyere tūhoro sinituahye tiquirore.

—¿Cohācjū ye dutiro quehnoa yūhduri dutiro noho pehe ijijari, māhu  
tūhotugū? ni sinituahye tiquiro Jesure.

<sup>29</sup> Jesu tiquirore yahuahye:

—Ahri dutiro ijire apeye dutiye bui quehnoa yūhduri dutiro: “Israe  
masa, tūhoya. Cohācjū mūsa pūhtoro yūhu ihcāta ijijaja. <sup>30</sup> Tutuaro mūsa  
jeripohnari mehna, quehnoano mūsa wacūñe mehna, mūsa tutuaye mehna  
yūhure cahīña”, nine Cohācjū. <sup>31</sup> Ahri dutiro bato apero dutiro quehnoano  
ijire. “Māhu basi māhu cahīno saha māhu caharu ijijeyequina gūhure cahīña”,  
nine Cohācjū. Ahri pūaro dutirota ijiphtiyē apeye dutiye yūhduro ijire, ni  
yahuahye Jesu tiquirore.

<sup>32</sup> Tiquiro sa nigū judio masare buheriquiro ohō saha niahye:

—Sa tjire. Buhegu, potota nine māhu. Cohācjū ihcāquirota ijire. Apequiro  
tiquiro yero saha ijiriquiro mariedare. Māhu niñe potota ijire. <sup>33</sup> Cohācjūre  
tutuaro mari jeripohnari mehna, mari wacūñe mehna, mari tutuaye mehna  
tiquirore cahīno cahmene marine. Yūhu saha ijijeyequinare yūhu basi yūhu  
cahīno saha tiquina gūhure cahīno cahmene yūhure. Wahiquinare wejē  
ūjā mūo mari ohori mehna mari űo peogū quehnoarimene. Ahri yūhduro  
Cohācjūre, masa gūhure mari cahīne quehnoa yūhdure. Māhu sa niñe ijirota  
ijire, niahye judio masare buheriquiro Jesure.

<sup>34</sup> Tiquiro sa quehnoano yūhtigū tūhoro Jesu yahuahye tiquirore:

—Mehenogā dūhsare māhure Cohācjūre māhu quehnoano masiatio, niahye  
tiquirore.

Tiquiro sa nigū tūhoye apequina cueye, ne sinituerahye Jesure.

### *Cristo Davi mūnano pūhtoro ijire*

*(Mt 22.41-46; Lc 20.41-44)*

<sup>35</sup> Sa ye Cohācjū wūhuru buhero ohō saha niahye Jesu:

—“Cristo Davi mɛnano panamino iji turiariquiro ijire”, ni buhere mari acaye judio masare buheyequina. ¿Dɛhse niŋe sa ni buheajari tiquina? <sup>36</sup> Davi tiquiro basi Espiritu Santo tiquiro dutiriro sahata ohō saha ni yahuahye:

Cohācjū wɛhɛ pɛhtorore ohō saha nidi: “Ohōrɛ wɛhɛ poto pehe dujiya. Sa yegɛ mɛhɛre ihɛna tuhtiyequinare mɛhɛre yɛhdɛdɛca basagɛtja wɛhɛ”, nidi Cohācjū wɛhɛ pɛhtorore, ni ojoahye Davi mɛnano.

<sup>37</sup> Sa ni ojoaro Davi mɛnano pɛhtoro tiahye Cristore. ¿Davi mɛnano Cristo ŋɛcɛno mɛnano iji turiariquiro ijieperota dɛhsero Davi pehe pɛhtoro tiyari Cristore? Cristo Davi mɛnano pɛhtoro ijire, ni yahuahye Jesu.

Tiquiro sa ni buhegū peyequina masa bucueye mehna tɛhoahye tiquirore.

*Jesu judio masare buheyequina tiquina ñañene yahuahye*  
(Mt 23.1-36; Lc 11.37-54; 20.45-47)

<sup>38</sup> Sa yero tiquiro buhe nemono ohō saha niahye:

—Mari acaye judio masare buheyequina tiquina ñañe yeyere quehnoano ihɛña. Sa yena tiquina yero saha yeracāhɛna. Tiquina yoaye suhti saña, masa tiquina ihɛnoɔrɛ majare, doeri cje duarɔrɛ aɛɛquina pɛhtoare quehnoano ño peo tiquina sinino saha tiquina piti ca sinigū cahmene tiquina. <sup>39</sup> Sa ye mari judio masa buheye wɛhɛserɛ quehnoañe dujiye dihitare duji duare. Sa ye bose deco ijigū topɛ gɛhɛre quehnoañe dujiye dihitare cahmene tiquina.

<sup>40</sup> Tiquina wape wiha numia ye wɛhɛsere tiquina cɔoye gɛhɛre ehmare ti numiare. Sa ye tiquina masa ihɛnoɔrɛ yoari pje Cohācjūre sinducumene masare ihɛna dutiye. Tiquina sa yeri buhiri aɛɛquina bui cjūno tiquinare Cohācjū pajiro buhiri dahrerota, niahye Jesu tiquinare.

*Wape wihoro ticoro ohorire yahuahye Jesu*  
(Lc 21.1-4)

<sup>41</sup> Sa yero Jesu Cohācjū wɛhɛ cje niñeru tiquina sari acaro caharɛ dujiahye. Topɛ masa tiquina niñeru duhu sãgū ihɛna dujiro niahye. Sa ye niñeru opana ti acarɔrɛ pajiro duhu sãhye. <sup>42</sup> Sa yero wape wihoro pejecɔoricoro ti acarɔrɛ ahta, pɛa cjoegã duhu sãhye. Pɛa cjoec ihcã centavo pose ijire. <sup>43</sup> Ti cjoeri ticoro duhu sãgū ihɛno tiquiro buheyequinare pijioahye:

—Ijirota niita nijaja masare. Ahricoro wape wihoro pejecɔoricoro pehe niñeru ihbori acarɔrɛ duhu sãno aɛɛquina ijipihtiyequina tiquina ohori yɛhdɛoro ohori ticoro pehe. <sup>44</sup> Aɛɛquina doeri cje opana pajiro tiquina ohoepegūta tiquina ye pajiro dɛhsare. Ahricoro pehe pejecɔoricoro ijieperota ijipihtiye ticoro ihyatire dúborigãre oho pehori, niahye Jesu.

## 13

*—Cohācjū wɛhɛ cohãri wɛhɛ ijirota, niahye Jesu*  
(Mt 24.1-2; Lc 21.5-6)

<sup>1</sup> Sa ye Cohācjū wɛhɛpɛre tiquina wijiagū ihcãquiro buheyequina mehna cjūno ohō saha niahye:

—Buhegū, ihɛña. Ahri wɛhɛse quehnoañe utã paca mehna tiquina yeri wɛhɛse quehnoa yɛhdɛaye wɛhɛse ijicjoare, niahye tiquiro.

<sup>2</sup> Tiquiro sa nigū Jesu yahuahye tiquinare:

—Ahri ijipihtiye mari ihɛnari wɛhɛse, ahri wɛhɛse cje utã paca gɛhɛre cohã pehoeta. Nɛ ihcãria utã tojoasi, niahye Jesu tiquinare.

*Decorri pihtiatire yahuahye Jesu*  
(Mt 24.3-28; Lc 21.7-24; 17.22-24)

<sup>3</sup> Sa ye Jesu Olivo wame tidu cunurp Cohăcĵü wahu potopu ijidurp esahye. Tu buirp dujiahye. Topu Pedro, Santiago, Nü, Andre mehna tiquina sehsaro ijiye, tiquina tiquiore sinituahye:

<sup>4</sup> —Yahuya usäre. ĴDuhse ijigü sa waharotari mahu nidiro saha waharo? ĴDeco pihtiato panogă ijigü duhse ti waha ducagü ihñanatarı usă? ni sinituahye tiquina Jesure.

<sup>5</sup> Jesu yahtiahye:

—Quehnoano yeya masa. Sa yena apequina tiquina ni mehoñene tuhoeracăhña masa. <sup>6</sup> Peyequina masa “Cristo ijiaja yahu”, ni mehoñequina ahtaeta. Tiquina sa ni mehogü tuhoye peyequina masa Cohăcĵü yere duhueta.

<sup>7</sup> Masa cahagă masa apequina tiquina cahme wejĕgü tuhonata masa. Sa yena yoaropu găhure tiquina cahme wejĕgü tuhoonata masa. Sa tuhoopenata ne tire pajiro tuhotueracăhña. Sa waharota. Tiquina sa yegü pihtiati deco duhsarĭnota. <sup>8</sup> Ti pjere ihcă yehpa cĵena ape yehpa cĵena mehna cahme wejĕeta. Sa ye ihcăquiro puhtoro yequina apequiro puhtoro yequina mehna cahme wejĕeta. Sa yero ijipihtiri yehpa ñuhminota. Sa ye peyequina masa uĵua mehna yarieta. Sa wahagü ahri yehpa cĵenare tiquina ñano yuhdu nemoato duhsarĭnota. Năno yuhduĭeta.

<sup>9</sup> Sa wahagü ihñana masa basi quehnoano yeya. Apequina masare ñehe, ñano ye dutiye ohoeta apequina puhtoapre. Sa ye judio masa mari buheye wăhusepă masare quĕeta. Tiquina sa yegü buĵaye macari cĵena puhto, tiquina bui puhto găhu masare buhiri dahreye tehe sinitueta masare. Yeequina masa ijiri buhirire apequina masare yahusăeta. Sa yena yeere yahunata masa tiquinare. <sup>10</sup> Sa ye pihtiati deco pano quehnoañe buheye ijipihtiye yehpari cĵenare buheripă ijirota. <sup>11</sup> Sa yena masare buhiri dahre dutiye, buhiri dahre dutiatiquiro cahapă tiquina neagü tiquiore masa niatire “Yahu masiedaboaga”, ni tuhotueracăhña masa. Ti pjere masa niatire masare Espĭritu Santo yahurota. Tiquiro sa yahurire yahuya masa. Masa esa tuharo yahuducusi masa. Espĭritu Santo masare yahuducu basarota. <sup>12</sup> Ti pjere tiquina wahmisăma tiquina bahanare wejĕ dutiye ohoeta puhtoare, yeequina tiquina ijiri buhiri. Tiquina pacăsamă tiquina pohnene wejĕ dutiye ohoeta puhtoare. Tiquina pohne pehe tiquina pacăsamăare wejĕ dutiye ohoeta puhtoare. <sup>13</sup> Sa ye yeequina masa ijiri buhiri masare masa ijipihtiyequina ihña tuhtieta. Tiquina sa yepegăta ahri yehpară masa catiro puno masare tiquina ñano yerire ihcăno sahana yuhăre duhuerana, yuhduana masa.

<sup>14</sup> Sa yena ña yuhduariquirore Cohăcĵü yere ñano yeriquirore ihñanata masa. Cohăcĵü ya wăhurp tiquiro ducugü ihñanata. Topu tiquirore ijieraro cahmene. Topu tiquiro ducugü ihñañe Judea yehpară ijiequina cunp cĵurp duhti oma măĵaa wahaahro. Ahri yahu nidire quehnoano masiña masa. <sup>15</sup> Sojaro mehna oma duhtiahero. Ti pjere tiquina wăhuse bui cĵĕ paaripă ijiequina wăhu puhiară ijiyere tiquina yere neñe wahaeracăhdo tiquina waha madoqueoato saha. <sup>16</sup> Sa ye ti pjere apequina tiquina weseripă ijiequina tiquina bui cĵĕ suhtire wăhurp ijie suhtire neñe wahaeracăhdo tiquina waha madoqueoato saha. <sup>17</sup> Ti pjere niji pacăsănumia, tiquina pohnene apăoñe numia găhu pejecuro wahaeta. <sup>18</sup> Sa yena ohă saha ni siniña Cohăcĵăre: “Poheca ijigü sa wahaeracăhdo”, ni siniña tiquirore. <sup>19</sup> Ti decorie masa ña yuhduaro wahaeta. Ahri yehpare tiquiro bajumehnedi bato masa ñano yuhduae tiahye. Ti sa ijiepegăta ijipihtiye ti purĭne yuhduoro pihtiati deco ijigăre ña yuhduaro masa yuhdueta. Sa ñano tiquina yuhduari

bato pari turi sa ña yuhduaro yuhdusi ahri yehparu. <sup>20</sup> Sa yero Cohãcǵũ ti decorire meheñe decorigã ijigũ yerota. Tiquiro sa yeragũ ne ihcãquiro masno yuhdueraboaga. Sa yero tiquiro beseriquina tiquina yuhduatire meheñe decorigã cũnota Cohãcǵũ.

<sup>21</sup> Ti pjere apequina musare “Ihñaña. Ahriquiro ijire Cristo”, tiquina nigũ tiquinare tuhoeracãhña. “Topu ijire Cristo”, tiquina nigũ gãhure tuhoeracãhña. <sup>22</sup> “Cristo ijiaja”, ni mehoñequina, “Cohãcǵũ yere yahu mahtana ijiaja”, ni mehoñequina ijietã ti pjereta. Sa ye Cohãcǵũ beseriquinare ni mehoñe, tiquina tutuaye mehna ye ihñoeta. Cohãcǵũ yequinare Cohãcǵũre tiquina cohã duagũ ye duare tiquina mehoñequina. <sup>23</sup> Ahrire yahuyuaia musare sa wahato pano. Sa yena quehnoano yeya musa, ni yahuahye Jesu.

### *Jesu ahri dihtapure tiquiro tojoa tatire yahuahye*

*(Mt 24.29-35, 42-44; Lc 21.25-36)*

<sup>24</sup> Sa ni tuhasa ohõ saha ni yahuahye Jesu:

—Ti decori ijigũ tiquina ñano yuhdari bato asũ deco cǵũno, ñami cǵũno gãhu buhrio duhu cãeta. <sup>25</sup> Tiquina sa wahagũta ñahpicoha paca uhmusepu ijie paca bora dijiaa wahaeta. Sa ye uhmuse cǵẽ yehpari, ñahpicoha gãhu ti sa wahaducurore comesaeta. Sa ye ñuhmieta. <sup>26</sup> Ti pjeta yahu masũ Cohãcǵũ ohorigũ ahtagũtja. Sa ye uhmusepu yahu tutuaye mehna yahu asi siteye mehna uhmuse cǵẽ ehmeo cururi buipũ ahri yehparure yahu tojoa tagũ ihñaeta masa. <sup>27</sup> Sa yegu yeequina angelere ijipihtiorũ ahri yehparũ ohogũtja. Sa ye ijipihtiorũ yeequina yahu beseriquinare tiquina neeta.

<sup>28</sup> Yojopure higeragure tuhotuya musa. Tu quiti mehna musare queoye mehna buhegũtja. Tu yucũgu pũri tigũ ihñana cũhma mehenogã dũhsagũ masine musa. <sup>29</sup> Sata ahri ijipihtie yahu nidi sa wahagũ ihñana, yahu tojoa tato mehenogã dũhsagũ masinata musa. <sup>30</sup> Ijirota niita niaja musare. Ti pje cǵẽna tiquina yariato panore ijipihtie yahu nidiro sahata sa waharota. <sup>31</sup> Uhmuse, ahri yehpa gãhu pihtia waharota. Yahu yahuducuye pehe ne comesasi. Ijipihtie yahu nidiro sahata sa waha sohtori tiarota.

<sup>32</sup> Ti decore yahu tojoa tati decore, ti hora gãhure masiedaja yahu. Angele gãhu tire masiedare. Masa gãhu ne masiedare. Yuhũ Pacũ dihita tire masine.

<sup>33</sup> Musã gãhu ti decore masiedare. Sa yena quehnoano yeya. Quehnoano cohteya. Cohãcǵũre siniña musa. <sup>34</sup> Ohõ saha cohteya musa. Ahri quiti mehna musare queoye mehna buhegũtja. Wuhũ upũro yoaropũ tiquiro tinino saha ijire ahri. Tiquiro wahato pano tiquiro cahacjẽnare wuhũre cohte dutiahye. Tiquinape tiquina dahrayere cũahye. Sa yero wuhũre cohteriquirore tiquiro tojoa tatore cohte dutiahye. <sup>35</sup> Sa yena musã gãhu quehnoano wacũ masi cohteya. Wuhũ upũro tiquiro tojoa tatore tiquina masiedariro saha yuhũ musã puhto tojoa tati decore masiedare musã gãhu. Ñamicahapũ, ñami deco, canaca tiquiro yahuri pje ijigũ bohrearopũ ahtaboaga. <sup>36</sup> Yuhũ sa wacũeno mehna yuhũ wihiatore masina, yeere sa yeducuya. Sa yena wuhũre quehnoano cohteya. <sup>37</sup> Sa yegu musare yuhũ nino sahata ijipihtiequinare sa niaja: Quehnoano wacũ masi cohteya, niahye Jesu tiquinare.

## 14

### *Pahia puhto, judio masare buheyequina mehna Jesure wejẽ duahye* *(Mt 26.1-5; Lc 22.1-2; Jn 11.45-53)*

<sup>1</sup> Sa ye ti pjere pascua wame tiri bose deco pano pugũ yeve moremehneñe pãre tiquina ihyati deco pano, puã deco dũhsariahye. Ti pjere pahia puhto,

usã acaye judio masare buheyequina mehna Jesure tiquina ni mehoñe mehna tiquina ñehe wejêatire cahme yahuducuye niahye.

<sup>2</sup> —Bose deco ijigã tiquirore ñehedacãhna “Masa usuari”, nina, niahye tiquina basi.

*Numino ehme sitiye ãhse mehna Jesure pio peoahye  
(Mt 26.6-13; Jn 12.1-8)*

<sup>3</sup> Sa ye Jesu gãhũ Betaniapũ, Simo cami bũcũ mũna wihiro ijimediquiro ya wãhũpũ ijiahye. Sa yero tiquina ihyari watoa numino pehe alabastro mehna yeriare ehme sitiye nardo wame tiye ãhsere pose tiriare ne wihiahye. Ti ãhse pehe wapa bũjũye ijiahye. Sa yero ticoro tiare pohadoqueo, Jesu dapu bui pio peoahye. <sup>4</sup> Ticoro sa yegũ ihñañe apequina usuua wahahye.

—¿Dũhse yero ahricoro ahri ehme sitiye co wapa bũjũyere sa ye siteajari?

<sup>5</sup> Tire ticoro duaboaya. Tire duaro tres cientos niñeru cjoerire wapataboaya. Sa yero ti niñerure pejecũoyequinare ohoboaya ticoro, ni cohteahye apequina pehe ticoro sa yegũ ihñañe.

Sa ye tiquina ticorore tuhtiahye.

<sup>6</sup> Tiquina sa nigũ tũhoro Jesu tiquinare yahuahye:

—Sa niedacãhña ticorore. Yũhũre ticoro quehnoano yero nine.

<sup>7</sup> Pejecũoyequina pehe mũsa mehna sa ijiducuenta. Sa yena mũsa cahmedi pje tiquinare oho masine. Yũhũ pehe ahri yehpare mũsa mehna sa ijiducusi.

<sup>8</sup> Ticoro cũoro puno mehna ticoro yũhũre sa yeri. Yũhũre tiquina yato pano yũhũ pagũre quehnoyuro, ehme sitiye pio peori ticoro. <sup>9</sup> Sa yegũ potota niita niãja mũsare. Ijipihtiro ahri yehpapũ quehnoañe buheyere tiquina yahuatorũ ahricoro yojopũre ticoro yerire yahueta. Tiquina sa yahugũ tũhoye ticorore masa peyequina wacũeta, ni yahuahye Jesu.

*Juda Iscariote Jesure ihña tuhtiyequinare tiquiro ihñaotire yahuahye pahia pũhtoare*

*(Mt 26.14-16; Lc 22.3-6)*

<sup>10</sup> Ti pjereta Juda Iscariote doce buheyequina mehna cãno Jesure tiquiro ihñaotire yahuro wahahye tiquirore ihña tuhtiyequinare, pahia pũhtoare.

<sup>11</sup> Sa ye pahia pũhtoa tire tũhoye bucueahye.

—Mũhũre niñerure ohonatja, niahye tiquina Judare.

Sa yero Jesure ihña tuhtiyequinare tiquiro ihñaotire wacũ macahye.

*Jesu tiquiro buheyequina mehna tiquina ihyã bato tiri deco ijiahye*

*(Mt 26.17-29; Lc 22.7-23; Jn 13.21-30; 1 Co 11.23-26)*

<sup>12</sup> Pugã yeye moremehneñe pãre tiquina ihyati bose deco iji dũcari deco, ovejare pascua deco ijigũ ihyatiqirore tiquina wejêati deco ijiahye. Ti pjere tiquiro buheyequina pehe sinituahye Jesure:

—¿Noho boropũ bose deco ijigũ mari ihyatire quehnoyu dutigũ ohoutjari mũhũ usãre? niahye tiquirore.

<sup>13</sup> Tiquina sa nigũta Jesu pehe pũaro tiquiro buheyequina mehna cãnare ohoahye.

—Jerusalẽpũ wahaya. Topũ mũsa esagũ aco suture wũariquiro mũsare piti carota. Tiquiro piti cagũ tiquiro mehna wahaya. <sup>14</sup> Sa wahana tiquiro siho sajãri wũhũpũ esana wũhũ upũrore ohõ saha ni yahuya: “¿Nohopũ yũhũ buheyequina mehna pascua cãe ihyayere ihyanatari?” nidi buheriquiro”, niña wũhũ upũrore. <sup>15</sup> Mũsa sa nigũ tũhoro ãhũãno cãe tũcũre pajiri tũcũre mari cahmeñe mehna tiquina quehñori tũcũre ihñaõta wũhũ upũro. Topũ mari ihyatire dahreya mũsa, niahye Jesu tiquinare.

16 Tiqiro sa nigū tūhoye tiquina tiqiro buheyequina ti macapū wahahye. Topū esagū tiquinare tiqiro nidiro sahata wahahye. Sa ye tiquina pascua cjē ihyayere dahreahye.

17 Sa ye nahitia cāhtagū Jesu doce tiqiro buheyequina mehna topūre esahye. 18 Sa yero tiquina mehna mesapū ihyaro Jesu tiquinare yahuahye:

—Poto niita niaja masare. Ihcāqiro mūsa mehna cjāno yūhū mehna ihyariquirota yūhūre ihña tuhtiyequinare ihñonota, ni yahuahye Jesu tiquinare.

19 Tiqiro sa nigū tūhoye tiquina pehe bujūa witiyahye.

—¿Yūhūta ijiajari mūhūre ihñoaqjū? ni sinitu pihtiahye tiquina Jesure.

20 —Mūsa mehna cjānota ijire tiqiro. Yūhū ihyari papū yūhū mehna soha ihyariquirota ijire yūhūre ihña tuhtiyequinare ihñoaqtiqiro. 21 Panopū yūhūre tiquina yahu ojoariro sahata yūhū masū Cohācjū ohorigū yariagūta. Sa yero yūhūre ihña tuhtiyequinare ihñoriqiro pejecūoro yūhūrota. Tiqiro pehe masa bajueragū, quehnoa yūhūaboya. Nāno yūhūeraboya, niahye Jesu tiquinare.

22 Sa ni yahu tuhasaro tiqiro buheyequina mehna ihyaro taro niahye. Sa yero Jesu pāre ne, Cohācjūre “Quehnoare”, niahye. Sa ninota tiare nuha, itiahye tiquinare.

—Ahrire ne ihyaya. Ahri yūhū pagū ijire, niahye tiqiro tiquinare.

23 Sa ni tuhasa tiqiro sihnini pare ne, Cohācjūre “Quehnoare”, ni tuhasa, ohoahye tiquinare. Tiqiro oho tuhasagū tiquina ijipihtiyequina tire sihniahye.

24 —Ahri yūhū dii ijire. Peyequina masa tiquina ñañe yerire cohāgū tagū yariagūta. Sa yegū yūhū diire cohāgūta. Mari Pacū “Mū sare yūhūogūta”, tiqiro nidiro esagū yūhū yariaro mehna tiqiro nidiro sohtori tirota. 25 Poto niita niaja masare. Cohācjū tiqiro pūhtoro ijiropū wahma core ūhse core yūhū sihniato pano, ahri dihtapūre ūhse core pari turi sihnisi yūhū, niahye Jesu tiquinare.

*Pedro Jesure tiqiro cohātire yahuahye Jesu  
(Mt 26.30-35; Lc 22.31-34; Jn 13.36-38)*

26 Sa ye tiquina ihcā taha Cohācjū ye basayere basa tuhasa, cūnarū Olivo wame tidūpū wahaahye. 27 Topū siho esaro Jesu tiquinare yahuahye:

—Yojopūre mūsa ijipihtina yūhūre cohānata. Ohō sahata nine Cohācjū yere tiquina ojoari pūpū yūhūre yahuro: “Ovejare ihña ihboriqiro yero saha ijiriqirore Cohācjū cohānata. Sa tiqiro cohāgū tiqiro yequina oveja yero saha ijieyequina duhti site cāa wahaeta”, nine Cohācjū yere tiquina ojoari pūpū. 28 Sa yegū Cohācjū yūhūre tiqiro masori bato mūsa pano Galileapū wahayugūta yūhū, niahye Jesu tiquinare.

29 Tiqiro sa nigū Pedro ohō saha niahye:

—Yūhū mehna cjēna ijipihtiyequina tiquina cohā cāepēgūta yūhū pehe mūhūre ne cohāsi, nimahye Pedro tiqirore.

30 Jesu yūhtiahye:

—Potota niita niaja mūhūre. Mia ñamita canaca pūa taha tiqiro yahuato pano “Yūhū Jesure masiedaja”, nigūta mūhū. Ihtia taha sa nigūta mūhū, niahye Jesu Pedore.

31 Tiqiro sa niepēgūta Pedro ohō saha ni tutuaro bisiro yūhtiahye:

—Mūhū mehna yūhūre tiquina wejē duepēgūta “Jesure masiedaja”, ne nisi yūhū, ni yūhtimahye tiqiro Jesure.

Pedro sa nigū tūhoye tiqiro mehna cjēna gūhū sa dihita ni yūhtiahye.



*Getsemaní wame tiri wesepu Jesu Cohācjüre siniahye*  
(Mt 26.36-46; Lc 22.39-46)

<sup>32</sup> Sa ye tiquina Getsemaní wame tiri wesepu wahahye. Topu esaro ohō saha niahye Jesu:

—Yuhu Cohācjüre yuhu sinino watoa ohō dujiyuya, niahye tiquiro buheyequinare.

<sup>33</sup> Sa ni tuhasa Pedrore, Santiagore, Ñure tiquinare ihtiarore piji cāhye. Tiquinare sa piji cāno, pajiro tuhotu dūcahye tiquiro. Sa yero ñano jeripohna tiahye.

<sup>34</sup> Sa bujma witiro tiquiro mehna cjēnare tiquiro piji cāriquinare ohō saha niahye:

—Yuhu ñano jeripohna tiaja. Yuhure tutuaro purīno saha tuhotugu niaja. Ohō tojoaya. Sa yena yuhu mehnata carīedacāhña masa gūhu, niahye Jesu tiquinare.

<sup>35-36</sup> Sa ni tuhasa tiquiro topu mehenogā waha nemo, yehparu quehe saro, Cohācjüre niahye:

—Mai, mahu ijipihtiyere ye masine. Sa yegu yuhu ñano yuhduatire ye dueragu yeracāhña. Yuhu sa niepegūta yuhu cahmeno saha yeracāhña. Mahu pehe masine. Mahu cahmeno saha yeya yuhure, ni siniahye tiquiro Cohācjüre.

<sup>37</sup> Sa ni tuhasa, ihtiaro tiquiro buheyequina caharu wihiro, carīnequinare ihñahye. Tiquinare ihñano Pedrore niahye:

—¿Simo, carīgu niajari mahu? ¿Ihcā hora waro yuhu ihcāno mehna carīegu iji masiedajari mahu? <sup>38</sup> Quehnoano yeya masa. Sa yena Cohācjüre siniducuya masa, “Ñano yeari”, nina. Masa tuhotuye mehna quehnoañene ye duamene masa. Masa sehsharo sa ye duepenata tire ye masiedare masa, niahye Jesu Pedrore.

<sup>39</sup> Sa ni yahu tuhasa pari turi waha, Cohācjüre siniahye. To pano tiquiro sinidiro sahata siniahye tja. <sup>40</sup> Sa sini tuhasaro pari turi tiquina caharu wihiahye tja. Sa wihiro carīnequinare ihñahye tja. Wujma quehe yuhduahye tiquina. Sa ye tiquina Jesure duhse ni masiedahye. <sup>41</sup> Sa yero pari turi Cohācjüre tiquiro sinidi bato tiquina caharu wihi, tiquinare niahye:

—¿Yojobu pūritare carīnina niajari masa? ¿Sorīna niajari masa? To punota umu saro taro nine. Mianogāta yuhure Cohācjū ohorigure ñañequinare tiquina ohoati pje umu saro nine. <sup>42</sup> Wahcāña. Isa wahana. Ihñaña. Yuhure ihña tuhtiyequinare ihñoatiquiro ohō ahtare, niahye Jesu tiquinare.

*Jesure ihña tuhtiyequina tiquirore peresu yeahye*  
(Mt 26.47-56; Lc 22.47-53; Jn 18.2-11)

<sup>43</sup> Tiquiro sa nino watoata Juda, doce buheyequina mehna cjāno ijimediquiro wihiahye. Sa ye masa peyequina ñoseñe pīni, yucu tiāri cwoyequina tiquiro mehna wihiahye. Pahia pahtoa, judio masare buheyequina, bucana, tiquina ohoriquina masa pehe ijiahye. <sup>44</sup> Coā warore Jesure ihña tuhtiyequinare ihñoatiquiro masare ohō saha ni yahu queo tuhasahye.

—Wahsupure yuhu ihmidiquiro tiquirota ijirota masa ñeheatiquiro. Tiquirore yuhu ihmidi bato ñeheña tiquirore. Sa yena quehnoano ñeheña tiquirore “Duhtiarī”, nina, ni yahu tuhasahye Juda pehe.

<sup>45</sup> Sa yero wihirota Jesu caharu duita waha madoqueohaye.

—Buhegu, ninota wahsupure ihmiahye tiquirore.

<sup>46</sup> Tiquiro sa yegu ihñañe tiquina Jesure ñeheahye.

47 Tiquina sa yegū ihñano to cahapū ducuyequina mehna cǰāno tiquiro ñoseni pǰine tuā we nedoqueo, pahia pūhtoro cahacǰūnore tiquiro cahmonore dute pahrē cāhye.

48 Sa yero Jesu ohō saha niahye:

—¿Dahse ijoro boro musa ñoseñe pǰīni mehna, yucu tiāri mehna ahtana, yaqueriquirore yero saha yūhure ñehena ahtajari? 49 Decoripe Cohācǰū wūhūpū musare yūhū buhe dujigū, musa yūhure ne ñehedari. Sa ijiepegūta ahri ijipihtiye sa waharo niaga Cohācǰū yere tiquina ni ojoariro sahata, niahye Jesu masare.

50 Sa ye Jesu buheyequina tiquirore cohā cā, ijipihtiyequina oma site cā wahahye.

51 Sa yero wahmūno suhti mariediquiro ihcāno coma cǰūno dihita comariquiro Jesu bato nūnū tāmahye. Tiquiro sa nūnū tāgū ihñañe tiquirore ñehemahye. 52 Tiquirore tiquina ñehē duagū ihñano tiquiro coma cǰūnore cohā cā, suhti mariediquiro oma cā wahahye.

### *Pūhtoa cahapū neahye Jesure*

*(Mt 26.57-68; Lc 22.54-55, 63-71; Jn 18.12-14, 19-24)*

53 Sa ye pahia pūhtoro cahapū Jesure ne cāhye. Sa ye ijipihtiyequina pahia pūhtoa, būcūna, usā acaye judio masare buheyequina gūhū cahmecoahye.

54 Sa yero Pedro pehe Jesu bato yoaropū nūnū tāhye. Sa nūnū tāno pahia pūhtoa ya wūhū cahapū esahye. Sa yero tiquiro ti wūhure cohteyequina surara mehna peca dūhtū cahapū sohma dujiahye.

55 Pahia pūhtoa, ijipihtiyequina apequina pūhtoa gūhū Jesure wejē duti duaye, ni mehoñe mehna tiquirore tiquina ñano buhiri dahreatore wacū macañe nimahye. Tiquina yahusātire wacū bocaerahye. 56 Sa wacū bocaerapeta peyequina masa tiquirore sa yahusā maca cāhye. Tiquina yahusāñe poto ijierahye. Apequiro sijoro saha ni, apequiro sijoro saha niahye. 57 Sa ye apequina topū esahye, Jesure yahusāhye.

58 —Ahriquiro ohō saha nidi: “Yūhū ahri wūhure Cohācǰū wūhure masa tiquina dahreri wūhure cohāgatja. Sa cohāgū ihtia deco wahaboro ti wūhure pari turi yegutja. Ti wūhū masa tiquina dahreri wūhū ijisi”, tiquiro nigū usā tūhou, niahye ni meho yahusāñequina.

59 Tiquina sa ni yahusāepēgūta tiquina yahusāñe gūhū poto ijierahye. Apequiro sijoro saha ni, apequiro sijoro saha niahye.

60 Tiquina sa nigū tūhoro pahia pūhtoro tiquina watoa ducuriquiro wahcādūca sa, Jesure sinituahye:

—¿Ahriquina mūhure tiquina yahusāepēgūta tiquinare yūhti cahmedajari mūhū? ¿Mūhure tiquina yahusārire dahse ni yūhti cahmeajari mūhū? niahye tiquiro Jesure.

61 Tiquiro sa nigū tūhooperota Jesu sata tūhotu cāhye. Tiquiro sa yūhtieragū ihñano pahia pūhtoro tiquirore sinituahye tja:

—¿Cristota ijiajari mūhū? ¿Quehnoariquiro Cohācǰū macū warota ijiajari mūhū? niahye tiquiro Jesure.

62 —Tiquiro tǰiaja. Sa yena yūhure masare Cohācǰū ohorigare yūhū Pacū tutuariquiro poto peherū yūhū dujigū ihñanata musa. Sa yena ūhmūse cǰē ehmeo cururi watoa yūhū ahtagū gūhure ihñanata musa, niahye Jesu tiquirore.

63-64 Tiquiro sa nigūta pahia pūhtoro pehe tiquiro sañari suhtirore tiquiro basi tūhrē cāhye, apequinare “Usua yūhdūare”, ni ihñā masi dutiro.

—Cohăcjăre ñano yahuducuro nine ahriquiro. Sa yena tiquiro ñano yahuducuyere tuho tuhasaja mari. Sa ye topequinata yahusăahdo ahriquirore. ¿Sa yena duhse yenatari mari vojopure ahriquirore? niahye pahia puhtoro apequina puhtoare.

—Tiquiro ñari buhiri wejêno cahmene tiquirore, ni yahtiahye apequina puhtoa.

<sup>65</sup> Sa ye tiquina mehna cjêna Jesure sihco puti, tiquiro caperire duhte biha, tiquirore quêpeahye. Quêpe tuhasa ohô saha nipeahye:

—¿Noa pehe mûhure quêari? Ihñedapeguta yahuya usăre, ni bujupeahye tiquina.

Sa ye puhtoro yequina surara pehe Jesure quêpe tuhasa, neahye.

—*Tiquirore masiedaga, niahye Pedro Jesure*  
(Mt 26.69-75; Lc 22.56-62; Jn 18.15-18, 25-29)

<sup>66</sup> Sa yero wûhu caha ijiri paapu quehnoari paapu Pedro ijigû pahia puhtoro cahacjôno wihiahye. <sup>67</sup> Pedro tiquiro sohmagû ihñano ticoro tiquiro dihitare ihñaducuahe.

—Nazare cjăno mehna, Jesu mehna mûhu găhu ijiri, niahye ticoro Pedrose.

<sup>68</sup> Ticoro sa nigû tuhoro tiquiro ohô saha niahye:

—¿Duhse ni macago niajari mûhu? Mûhu nidiquirore ne masiedaja yûhu, niahye Pedro ticorore.

Tiquiro sa nidi bato Pedro sahrîno sopecaha cahapu wahahye. Sa yero topu tiquiro ducugû canaca yahuahye. <sup>69</sup> Topu tiquiro ijigû ihñano cahacjôno pehe ticoro cahapu ducuyequinare yahuahye tja:

—Ahriquiro găhu Jesu buheyequina mehna cjăno ijire, niahye ticoro.

<sup>70</sup> Ticoro sa nigû tuhoro Pedro pari turi ohô saha niahye tja:

—Tiquirore masiedaja yûhu, niahye tja.

Sa yero came cjûnoru topu ducuriquina Pedrose ohô saha niahye:

—Ijirota ijire. Mûhu Galilea cjă ijire. Sa yegu tiquina mehna cjăta ijire mûhu, niahye tiquina tiquirore.

<sup>71</sup> Tiquina sa nigû tuhoro tiquiro yahtiahye:

—Potota Cohăcjă mehna niaja musare. Potota yûhu niedagû Cohăcjă yûhure buhiri dahreahro. Tiquirore masa nidiquirore ne masiedaga yûhu, ni yahtiahye Pedro tiquinare.

<sup>72</sup> Tiquiro sa nigûta canaca yahuahye tja. Tiquiro sa yahugû tuhoro Jesu tiquirore nidire wacûahye Pedro: “Canaca puă taha tiquiro yahuato pano mûhu yûhure ‘Jesure masiedaga’, nigûta mûhu. Ihtia taha sa nigûta mûhu”, Jesu tiquiro nidire wacûahye Pedro pehe. Tiquiro sa nidire wacûno, tutuaro utiahye Pedro.

## 15

*Pilato Jesure sinituahye*  
(Mt 27.1-2, 11-14; Lc 23.1-5; Jn 18.28-38)

<sup>1</sup> Sa ye bohrearopu pahia puhtoa, bucuna, usă judio masare buheyequina, ijiriphtiyequina apequina puhtoa mehna cahmecoă, yahuducuahe tiquina yeatire masiñe fehe. Tiquina basi yahuducu tuhasa, Jesure duhte, ne că, Pilatore ohoahye tiquirore. <sup>2</sup> Tiquina ne sagû ihñano Pilato tiquirore sinituahye:

—¿Potota judio masa puhtota ijiajari mûhu? niahye tiquiro Jesure.

—Mûhu nino sahata ijiaja, ni yahtiahye Jesu.

<sup>3</sup> Sa ye pahia puhtoa peye yahusăhye tiquirore. <sup>4</sup> Tiquina sa ni yahusăgû tuhoro Pilato tiquirore sinituahye tja:

—Ahriquina mähare peye yahusãñe nine. ¿Tiquina sa yahusãpepegüta yähtierajari mähü? niahye tiquiro.

<sup>5</sup> Tiquiro sa niepegüta Jesu ne pari turi yähti nemoedahye. Sa yero Pilato ne dähse ni masiedahye.

*Jesure wejê dutiahye*

(Mt 27.15-31; Lc 23.13-25; Jn 18.38-19.16)

<sup>6</sup> Cuhmaripe pascuaripe masa yaquiro ijiatiquirore ihcãquiro peresupü ijiriquirore tiquina cahmediquirore Pilato wio basaducue tiahye. <sup>7</sup> Ti pjere Barrabá wame tiriquiro peresupü ijiahye. Tiquiro pühtoare cohã du-ayequina, masare wejêñequina mehna cjãno ijiahye. <sup>8</sup> Sa ye masa peyequina Pilato cahapü esaye, tiquirore siniahye:

—Cuhmaripe usäre mähü yeducuriro sahata yeya usäre. Ihcãquiro peresupü ijiriquirore usäre wio basaya, niahye tiquina.

<sup>9</sup> Tiquina sa nigüta Pilato tiquinare sinituahye:

—¿Musa yaquiro ijiatiquirore musa judio masa pühtorore wio basaboagari yähü? ni sinituahye masare Jesure wio duaro.

<sup>10</sup> Jesure masa tiquina cahügü ihñañe pahia pühtoa gühü tiquirore ihña tuhtiahye. Sa ihña tuhtiyeh tiquirore ohoahye Pilatorpe. Sa yero masa tiquina cahüdi buhiri tiquina ihña tuhtirire masino Pilato Jesure wio duamahye.

<sup>11</sup> Tiquiro sa wio duepegüta pahia pühtoa Jesu mehna masare usuagü yeahye. Ohõ saha ni dutiahye tiquinare: “Barrabá pehere wioya. Jesure wejê dutiya”, ni dutiahye masare. <sup>12</sup> Sa yero Pilatore Barrabáre tiquina wio dutiri bato Pilato tiquinare sinituahye tja:

—¿Ahriquiro judio masa pühtoro musa nidiquiro pehere dähse yegutari yähü, musa sa nigü? ni sinituahye tiquiro.

<sup>13</sup> —Curusapü quë biha wejêña tiquirore, ni sañuducuahye masa.

<sup>14</sup> —¿Yabe borore ñañene yeari ahriquiro, musa sa ni sañuducugü? ni sinituahye tiquinare.

Tiquiro sa nigü tãhoye tiquina sañuducu nemoahye tja:

—Curusapü quë biha wejêña tiquirore, ni sañuducuahye tiquina.

<sup>15</sup> Tiquina sa ni sañuducugü tãhoro Pilato pehe masare bucegü ye duaro Barrabá pehere peresupü ijiriquirore wio dutiahye masa tiquina cahmediquirore. Sa yero Jesu pehere yuta dari mehna tana duti, curusapü quë biha wejê dutiro ohoahye surarare.

<sup>16</sup> Sa ye surara Pilato ya wãhapü pretorio wame tiri wãhapü tiquirore ne sahye. Ne sa tuhasa tiquina apequina surarare tiquina mehna cjënëre cahmecoñe tehe pijioahye. <sup>17</sup> Sa ye tiquina pühtoro ya suhtiro yero saha bajuri suhtirore Jesure sãa, pota behtore dahre, ti behtore tiquiro dapu bui duhu peoahye. <sup>18</sup> Sa ye tuhasa ohõ saha ni bñjpeahye tiquina tiquirore:

—Quehnoano ahtaya. Judio masa pühto, quehnoano ahtaya, ni bñjpeahye.

<sup>19</sup> Sa nieta yucugü mehna tiquiro dapure quë, tiquirore sihco puti wisõ, cua pesaro yeyequina yero saha tiquirore quehe sa, ño peoro saha yeahye. Tiquirore ñano yeye niahye. Sa ye bñjpeye niahye. <sup>20</sup> Sa yepe tuhasa tiquina sãari suhtirore tu we nedoqueo, tiquiro ye suhti pehere tiquirore sãa, tiquirore curusapü quë biha wejêñe wahaye, nea wahahye tiquina.

*Tiquina Jesure curusapü quë biha wejêahye*

(Mt 27.32-44; Lc 23.26-43; Jn 19.17-27)

<sup>21</sup> Sa ye topu wahariquiro, Simo Cirene cjāno ihquē wahuſe ijiropu esariquiro, tiquina cahapu wihigū ihñañe surara pehe tiquirore Jesu ya curusare wua cā dutiahye. Alejandro, Rufo pacaro ijiahye Simo pehe.

<sup>22</sup> Waha, Gólgota wame tiropu esahye. Gólgota nino “Dapu pehtoro”, nino nine. <sup>23</sup> Sa ye vinore mirra wame tiye co mehna tiquina moredi core Jesure ohomahye. Sa yero ti core sihni duerahye tiquiro. <sup>24</sup> Sa ye curusapu Jesure quē bihahye tiquina. Quē biha tuhasa tiquiro suhti ijirore “¿Noa yaro ijirotari ohō?” ni cahme doquepeahye tiquina.

<sup>25</sup> Jesure curusapu tiquina quē bihagū ihtia hora dahsahye coheri pje esato. <sup>26</sup> Sa ye curusapu ohō saha ni ojoari pjine duhu ohōhoye tiquina tiquiro ñahe buhirire yahu duaye. “AHRIQUIRO JUDIO MASA PĤHTORO IJIRE”, ni ojoahye tiquina ti pjine. <sup>27</sup> Sa ye p̄aro yaque bucaña Jesu caha apeye curusaripu tiquina quē biha ohōriquina ijiahye tiquina. Ihcāquiro potō pehe, apequiro cū pehe pehe quē biha ohōahye tiquina gūhare. [ <sup>28</sup> Tiquina sa yegū panopu Cohācjū yere tiquina yahu ojoariro sahata waharo niahye. Ohō saha ni ojoahye: “Dutiye yehducayequina mehna cjāno ijire’, ni, tuhotori masa tiquirore”, ni ojoahye panopu.]

<sup>29</sup> Sa ye curusari cahapu yuhdu cāñequina Jesure ihña, tiquina dapu pacare yuredoqueo, tiquirore ñano ni yahuducuahye:

—Quehnoare. Quehnoare. ¿Cohācjū wuhare cohā, ihtia deco wahaboro pari turi ti wuhare dahreacjū ijijari mahu? <sup>30</sup> Mahu basi dijahya. Sa yegu mahū basi yedohoya. Sa yegu yuhdu witiguta mahū, ni bujpeahye tiquina.

<sup>31</sup> Tiquina yero sahata pahia p̄hto gūhu usā judio masare buheyequina gūhu tiquirore sa ni bujpeahye. Sa ni bujpeye ohō saha niahye tiquina basi: —Tiquiro apequinare yuhduoriquiro ijeperota tiquiro basi yuhduo masiedare. <sup>32</sup> “Israe masa p̄hto, Cristo ijiaja”, nimesi tiquiro. Sa yena tiquiro basi dijia tagū ihñana tiquirore wacū tutuanata, ni bujpeahye tiquina.

Sa ye yaque bucaña tiquiro caha tiquina quē biha ohōriquina gūhu sata ñano ni bujpeahye tiquirore tja.

### *Jesu yariaa wahahye*

(Mt 27.45-56; Lc 23.44-49; Jn 19.28-30; He 6.19-20; 10.19-20)

<sup>33</sup> Sa ye coheri pje ijigū ihtia hora waro ijiiphtiropu nahitiaa wahahye. <sup>34</sup> Sa yero nahitia yuhdugū waro Jesu tutuaro sañuducuahye:

—¿Eloi, Eloi lema sabactani? niahye tiquiro.

Sa nino ohō saha nino niahye. “¿Yuhhu Пасх, yuhhu Пасх, dahsegu yuhare cohājari mahū?” nino niahye.

<sup>35</sup> Tiquiro sa nigū tuhoye ihquēquina topu ducuriquina ohō saha nimahye: —Cohācjū yere yahu m̄htariquirore Elia m̄nanore pijioro niboaga, nimahye tiquina.

<sup>36</sup> Sa yero ihcāquiro tiquina mehna cjāno oma cā, aco ihmini sahtere vino sañe core tiquiro sohari sahtere ne cā, yucgu sohtoapu dahte ohō, Jesure sihōmahye. Sa sihōno ohō saha nimahye:

—Cohteniña. Elia m̄nana ahriquirore tiquiro yuhduogū ihñarīhna mari, nimahye tiquiro apequinare.

<sup>37</sup> Tiquiro sa nidi bato Jesu pehe tutuaro sañuducu, yariaa wahahye.

<sup>38</sup> Tiquiro yariagūta Cohācjū wuhū cjā suhtiro cahsero tore tiquina cahmotari cahsero deco mehna bui pehe tuhnu dijia ta, tuhnu maa cjū saa wahahye.

<sup>39</sup> Tiquiro sa yariagū ihñano surara p̄htoro Jesu caha ducuriquiro ohō saha niahye:

—Ijirota ijire. Ahriquiro Cohācjū macnota ijire, niahye tiquiro.

<sup>40</sup> Sa ye yorop<sub>u</sub> ducuye numia Jesure ihñaducuye niahaye. Tiquina numia mehna María Magdalena ijiahaye. Apecoro María wame tiricoro gā<sub>u</sub> ijiahaye. Ticoro pehe José, tiquiro baharo Santiago, tiquina pacoro ijiahaye. Apecoro Salomé ijiahaye. <sup>41</sup> Tiquina numia Jesu yere quehnoano tūhoyequina numia ijiye, Galilea yehpap<sub>u</sub> tiquiro ijigū tiquirore yedohōe tiahaye. Tiquina numia mehna peyequina apequina numia gā<sub>u</sub> Jerusalē<sub>u</sub> Jesu mehna ahtariquina numia ijiahaye.

*Jesu pagure masa copep<sub>u</sub> cūahye*  
(Mt 27.57-61; Lc 23.50-56; Jn 19.38-42)

<sup>42-43</sup> Sa ye ti deco tiquiro yariari deco saurū pano judio masa ūsā sori deco pano ijiri deco ijiahaye. Sa yero pascua cĵē ijiatire tiquina quehnoyuri deco ijiahaye. Ti ñamita José Arimatea cĵāno cuero marieno Pilato cahap<sub>u</sub> esahye Jesu pagure sinino esaro. José judio masa ūsā puhtoā mehna cĵāno, puhtoā tiquina cua pesaro ihñariquiro waro ijiahaye. Sa yero Cohācĵā masa bui tiquiro puhtoro sajātore cohtero niahaye. <sup>44</sup> Sa yero José Pilatore tiquiro sini tuhasagū tūhoro tūho maria wahahye Pilato pehe. “¿Jesu yaria tuhasayari?” ni tūhoturo, tūho maria wahahye. Sa yero surara puhtoro pijio ohō saha niahaye tiquirore:

—¿Jesu yariaa wahari? ni, sinituahye tiquirore.

<sup>45</sup> Tiquiro sa nigū surara puhtoro yūhtiahaye:

—Yariaa wahari, niahaye.

Tiquiro sa nigū Pilato Jesu pagure oho dutiahye Josére. <sup>46</sup> Tiquiro sa oho dutiri bato José quehnoari suhtirore dúahye. Dú tuhasa, Jesu pagure ne dijio, suhtiro mehna wahme, masa copep<sub>u</sub> utā<sub>u</sub> tiquina seheri copep<sub>u</sub> tiquiro pagure cūahye. Cū tuhasa, ti cope caha ijiria utāre pajiria utāre tu torē cā, ti copere bihahye. <sup>47</sup> Sa ye María Magdalena, María José pacoro Jesure tiquina cūrirore ihñahye.

## 16

*Jesu masa wijiahye*  
(Mt 28.1-10; Lc 24.1-12; Jn 20.1-10)

<sup>1</sup> Sa ye saurū yūhdugū María Magdalena, María Santiago pacoro, Salomé mehna wisōñe co ehme sitiyeere dúahye tiquiro pagure wisōñe tehe. <sup>2</sup> Sa ye domingo bohrea queharo Jesure tiquina cūri copep<sub>u</sub> wahahye tiquina. <sup>3</sup> Wahaducuye, ohō saha niahaye:

—¿Ti copere biharia utāre noa marine pōo basarotari na? niahye tiquina basi.

<sup>4</sup> Ti copep<sub>u</sub> esahye, ti copere biharia utāre pajiria utāre tiquina pōo cūriare ihñahye tiquina. <sup>5</sup> Sa ihñañe ti copep<sub>u</sub> sajā sahye. Sa sajā saye, wahmūnore poto pehe dujiriquireore yehseye suhti tiriquireore ihña, acuaa wahahye.

<sup>6</sup> Tiquina sa acūagū ohō saha niahye tiquiro:

—Yūhure ihña acūeracāhña. Jesu Nazare cĵāno tiquina quē biha wejēdiquiro mūsa macariquiro masa wijia tuhasari. Ohōre mariedare. Tiquirore tiquina cūrirore ihñañe. <sup>7</sup> “Tiquiro mūsa pano Galileap<sub>u</sub> waharota”, ni yahuna wahaya tiquiro buhēyequinare, Pedro gāhure. Top<sub>u</sub> tiquiro nidiro sahata mūsa tiquirore ihñanata, ni yahuahye wahmūno tiquinare.

<sup>8</sup> Tiquiro sa nigū tūhoye tiquina cueye, nanare, masa cope cahap<sub>u</sub> ijiriquina oma cāa wahahye. Sa cueye apequinare yahuerahye.

*Jesu María Magdalenare bajuahye*  
(Jn 20.11-18)

[<sup>9</sup> Sa ye domingo ijigū Jesu tiquiro masa wijiari bato María Magdalenare bajua mahtahye. Ticoro siete watīare caomedicoro ijimahye. Sa yero Jesu tiquiro yariato pano watīare tiquiro cohānohricoro ijiahye. Sa yero ticoro pehere bajua mahtahye tiquiro masa wijiari bato. <sup>10</sup> Sa ye Jesu mehna cjēna tiquiro yariagū ihñañe tutuaro bujua witi, utiye niahye. Sa tiquina utiri watoa ticoro pehe tiquirore ihñarire yahumahye tiquinare. <sup>11</sup> “Cristo catiri. Ihñan”, ticoro ni yahuepegāta taho duerahye.

*Jesu tiquiro buheyequinare bajuahye*  
(Lc 24.13-35)

<sup>12</sup> Came pñaro tiquina mehna cjēna wuhuse marienopñ tiquina tinigū Jesu sijoro saha bajuriquiro tiquinare bajuahye. <sup>13</sup> Tiquirore sa bajuagū ihñañe tiquina tojoaa waha, apequinare Jesu yequinare tire yahuahye. Tiquina sa ni yahuepegāta tiquina pehe taho duerahye.

*Jesu tiquiro yere buhe dutiro ohoahye tiquiro buheyequinare*  
(Mt 28.16-20; Lc 24.36-49; Jn 20.19-23)

<sup>14</sup> Came doce tiquiro buheyequinare mesa cahapñ tiquina dujigū tiquinare bajuahye tiquiro. Sa yero tiquirore ihñariquinare tiquina yahugū taho dueyequinare masino Jesu tiquinare tuhtiahye. Tiquirore tiquina quehnoano wacū tutuerari buhirire tuhtiahye tiquinare. <sup>15</sup> Sa tuhti tuhasaro tiquinare ohō saha niahye:

—Ahri yehpa ijipihtiropñ quehnoañe buheyere ijipihtiequina masare buhena wahaya. <sup>16</sup> Yuhare wacū tutuayequinare tiquina wame yenohriquinare pecapñ wahaboriquinare yuhdñorota Cohācjū. Sa ye yuhare wacū tutueyequina Cohācjū tiquiro buhiri dahreatiquina pecapñ wahatiquina ijjeta. <sup>17</sup> Sa ye yuhare wacū tutuayequina yuhñ tutuaye mehna ohō saha yeeta: Yuhñ tutuaye mehna, yuhñ wame mehna watīare cohāeta. Sa ye wahma yahuducuyere yahuducuenta. <sup>18</sup> Sa ye añaaare tiquina ñehegū, ijipihtie nima dahse ijiye nimare tiquina sihñigū, tiquinare ne purīsi. Sa ye dohatiyequina bui tiquina omocarine tiquina ña peogū dohatiyequina pehe quehnoa wahaeta, niahye Jesu tiquiro buheyequinare.

*Jesu uhmñsepñ mñjaa wahahye*  
(Lc 24.50-53)

<sup>19</sup> Sa ni yahu tuhasa mari pñhtoro Jesu uhmñsepñ mñjaa wahahye. Topñ esaro Cohācjū poto pehe dujiahye tiquiro mehna pñhtoro ijiro. <sup>20</sup> Sa ye Jesu buheyequina ijipihtiropñ quehnoañe buheyere buheye wahaa wahahye. Tiquina sa buhegū mari pñhtoro tiquinare yedohoahye. Tiquiro tutuaye mehna ye ihño, masigū yeahye tiquinare, masare tiquiro ye buheyere taho dutiro. To punota ijire.]



## San Lucas

1-2 Puhito Teófilo, ahrire m̄h̄h̄ buheatire m̄h̄h̄re ojoa ohogu niaja. Jesu us̄a mehna ijinino tiqiro yere apequina ojoa d̄ca tuhasari jiri. Coã warop̄re Jesure ih̄ñariquina, tiqiro yere buheriquina tiquina ni yahuriro sahata apequina tire ojoa d̄ca tuhasari jiri. <sup>3</sup> Sa yeḡu ahri ijpitiyere quehnoano masi peho duaḡu buhei. Sa yeḡu yuh̄h̄ ḡuh̄h̄ tire quehnoano ojoa duaja m̄h̄h̄ buheatire yeḡu. <sup>4</sup> Jesu yere yahuyequina m̄h̄h̄re buhe tuhasari. Tire quehnoano m̄h̄h̄ masi nemoatire ahri p̄re m̄h̄h̄re ojoa ohogu niaja.

### *Ñu wame yeatiqiro tiqiro masa bajuatire angel yahuahye*

<sup>5</sup> Jesu masa bajuato pano, Herode Judea yehpa cj̄na p̄h̄toro tiqiro ijiḡu Zacaria wame tiriquiro pehe pahi ijiahye. Sa yero Zacaria tiqiro ya curua cj̄na pehe pahia curua Abia m̄n̄ano ya curua cj̄na ijiahye. Zacaria namono ḡuh̄h̄ pahi Aaron m̄n̄ano panameono iji turaricorop̄u ijiahye. Ticoro pehe Elisabe wame tiricoro ijiahye. <sup>6</sup> Tiquina p̄h̄aro Coh̄c̄j̄u dutiyere quehnoano ye pehoyequina tiquina ijiḡu ih̄ñano, “Decoripe quehnoañene yere”, ni ih̄ñahye Coh̄c̄j̄u tiquinare. <sup>7</sup> Elisabe ne pohna marienico ijiahye. Ticoro Zacaria mehna sata muh̄ñu c̄h̄ye pohna mariedape.

<sup>8</sup> Pahia dahrayere dahraye tehe, decoripe tiquina comesae tiahye. “Zacaria ya curua cj̄na ijire”, tiquina nidi bato tiqiro pahia decoripe tiquina yeducuriro saha Coh̄c̄j̄u ya w̄h̄p̄u dahraro taro niahye Zacaria. <sup>9</sup> Pahia sa yeducuriro saha tiquina “¿Noare ijirotar̄i uj̄a m̄oatiqiro?” niñe, doquepeye mehna bueyere ehme sitiye uj̄a m̄oatiqirore beseahye. Coh̄c̄j̄ure ño peori altarp̄u tiquina beseriquiro Zacaria ehme sitiye uj̄a m̄oatiqiro ijiahye. Sa yero tiqiro Coh̄c̄j̄u w̄h̄p̄u saj̄a wahahye uj̄a m̄ono waharo. <sup>10</sup> W̄h̄p̄u ijiro ehme sitiye tiqiro uj̄a m̄ono watoa ijpitiyequina masa pehe sopechap̄u Coh̄c̄j̄ure sinie tiahye. <sup>11</sup> Ti pjere Coh̄c̄j̄u yaqiro angel Coh̄c̄j̄ure ño peori altar poto pehe bajuad̄ca sahye Zacariare. <sup>12</sup> Tiqiro sa bajuaḡu ih̄ñano Zacaria tiqirore ih̄ña maria, cuea wahahye. <sup>13</sup> Sa tiqiro cueḡu ih̄ñano angel tiqirore yahuahye:

—Zacaria, cuerac̄h̄ña. Coh̄c̄j̄u m̄h̄h̄ sinidire t̄h̄ori. Sa yena m̄sa pohna tinata. M̄sa mac̄u masa bajarota. Tiqiro bajuaḡu Ñu wame yeya tiqiroḡare. <sup>14-17</sup> “Tiqiro quehnoariquiro, tutuariquiro ijire”, ni, ih̄ñanota Coh̄c̄j̄u m̄h̄h̄ mac̄ure. Tiqiro masa bajuari bato vinore, sihborire sihni. Sa yero tiqiro masa bajuari bato Esp̄ritu Santo nidiro sahata yeriquiro ijirota tiqiro. Sa yero peyequina m̄h̄h̄ acaye Israe masare Coh̄c̄j̄u mari p̄h̄torore quehnoano cahmeḡu yerota m̄h̄h̄ mac̄u. Sa yero tiqiro Coh̄c̄j̄u yere buhero Elia m̄n̄ano Coh̄c̄j̄u yere yahu m̄h̄tariqiro tiqiro buheriro sahata Esp̄ritu Santo yedohoro mehna Coh̄c̄j̄u tutuaye mehna m̄h̄h̄ mac̄u ḡuh̄h̄ buherota. Sa buhero tiquina pac̄us̄m̄a tiquina pohne mehna quehnoano cahme cah̄ḡu yerota. Sa yero dutiyere ȳhd̄d̄c̄ariquinare quehnoano tiquina ño peoye mehna ȳhtiḡu yerota. Sa buhero mari p̄h̄toro Coh̄c̄j̄u yequina ijiatire yerota tiqiro. Sa yeḡu tiqiro masa bajuari bato m̄h̄h̄ bucueḡata. Peyequina apequina ḡuh̄h̄ bucueeta, niahye angel Zacariare.

<sup>18</sup> Tiqiro sa niḡu t̄h̄oro Zacaria pehe sinituahye angelre:

—Us̄a buc̄na ijiaja. ¿Sa yeḡu m̄h̄h̄ nidi poto ijiḡu dahse masiḡtari yuh̄h̄? niahye tiqiro.

<sup>19</sup> Tiqiro sa niḡu angel pehe tiqirore yahuahye:

—Yuhū Gabriel wame tigū ijiaja. Cohācǵū cahacǵū tiquiro caharū ducugū iji-  
aja yuhū. Cohācǵū ahri quehnoañe quitire yahu dutiro, mūhū caharū yuhūre  
ohori. <sup>20</sup> Yuhū yahurire sahata potota waharota. Yuhū sa niepegūta yuhūre  
mūhū poto tūhoerari. Sa yegū yojoṗare mūhū yahuducuegū wahaguta. Mūhū  
macū tiquiro bajuari bato yahuducuguta tja, niahye angel Zacariare.

<sup>21</sup> Sopecaharū ijyiequina masa Zacariare cohteye niahye. “¿Duhse ijiro  
boro tiquiro Cohācǵū wūhūṗū ijiro, sojaro wijia taerajari?” ni, cohteye  
niahye masa tiquirore. <sup>22</sup> Sa yero ti wūhūṗū ijiriquiro wijia wihi, tiquina  
mehna yahuducu masiedahye. Tiquiro sa yahuducu masiedagū ihñañe  
“Tiquiro Cohācǵū wūhūṗū bajuanohnō niaya”, ni, tūhotuahye tiquina. Sa yero  
yahuducu masiedaro tiquiro omocari mehna masare yahuducuahye.

<sup>23</sup> Cohācǵū wūhūṗū tiquiro dahraye pihṡigū, tojoaa wahahye tiquiro ya  
wūhūṗū. <sup>24</sup> Tiquiro sa wahari bato tiquiro namono Elisabe coā nijinore  
cūo cāhtaro niahye. Sa yero ticoro ihcā omope asūri waro masa caharū  
wahaerahye. <sup>25</sup> Ohō saha niahye ticoro: “Yojoṗare yuhūre Cohācǵū yedohori.  
Yuhū pohna mariego ijigo tutuaro būoro tūhotuu yuhū. Cohācǵū yedohoro  
mehna nijinogāre bocagota”, ni tūhotuahye ticoro.

### *Jesu tiquiro masa bajuatire yahuahye angel*

<sup>26-27</sup> Elisabe seis asūri ticoro niṡi pacoro ticoro ijiri bato Cohācǵū pehe  
angel Gabriel wame tiriquireno nuhmino caharū ohoahye. Ticoro Nazareṗū  
Galilea yehṗarū ijiri macarū ijiahye. María wame tiorico ijiahye. José  
wame tiriquireno ijiahye ticoro mehna omoca duhteatiquiro. Tiquiro panorū  
cǵāno Davi mūnāno panamino iṡi turiariquiro ijiahye. <sup>28</sup> Sa yero María  
caharū esaro, angel yahuahye:

—¿Ne, ijajari mūhū, María? Cohācǵū mūhū mehna ijiro nine. Sa yero  
mūhūre quehnoano yero nine. [Ijipihtiyē numia arequina numia yūhdūoro  
quehnoano yere mūhūre,] niahye angel ticorore.

<sup>29</sup> Tiquiro sa nigū tūhoro, ticoro tutuaro wacū tūhotuahye. Angel tiquiro  
yahurire tūhoturo “¿Duhse nino yuhūre sa niagari?” ni wacūahye ticoro.  
<sup>30</sup> Ticoro sa ni wacūgū ihñāno angel yahuahye ticorore:

—María, Cohācǵū mūhūre tutuaro cahñe. Sa yego mūhūre yuhū yahuatire  
tūho acueracāhñā. <sup>31</sup> Quehnoano tūhoya. Nijinore bocagota mūhū. Sa yero  
mūhū macū masa bajuarota. Tiquirore Jesu wame yegota mūhū. <sup>32-33</sup> Tiquiro  
tutua yūhdūariquiro ijirota. Sa ye tiquirore “Cohācǵū uhmase cǵāno macūno  
ijire”, nieta masa. Sa yero mūhū macū ñecūno iṡi turiariquiro mūnanorū Davi  
mūnāno Israe masa tiquina ṗūhtoro tiquiro ijiriro sahata mūhū macū gūhūre  
cūnota Cohācǵū. Sa yero ijipihtiyē decori tiquiro Israe masare dutirota. Sa  
yero tiquiro ṗūhtoro ijyie pehe ne pihṡisi, niahye angel.

<sup>34</sup> Tiquiro sa nigū María pehe sinituahye:

—¿Duhse yuhū manū mariedapegota pohna tiboagari yuhū? niahye ticoro.

<sup>35</sup> Ticoro sa nigū angel pehe yahuahye:

—Espíritu Santo mūhūre pohna tigū yerota. Sa yero Cohācǵū tiquiro tutuaye  
ehmeo curua yero saha ahtarota mūhūre. Sa ye “Cohācǵū macūno ijire”, nieta  
masa mūhū macure ñañe yerariquirore. <sup>36-37</sup> Cohācǵū ijipihtiyere ye masine.  
Sa yero mūhū acayoro Elisabe būcūoro ijieperota nijinogāre bocari ticoro  
gūhū. Ticoro pohna tirota uhmānogāre. Masa ticorore “Pohna marienico  
ijire”, tiquina nidicoro, yojoṗare seis asūri waro wahare nijino ticoro bocari  
bato, niahye angel Mariare.

<sup>38</sup> Tiquiro sa nigū María yūhtiahye:

—Yuhare tuhoya. Mari puhtoro tiquiro cahacjõ ijiaja yuhu. Muhu nidiro saha yuhare sa wahaahro, niahye ticoro.

Ticoro sa nidi bato angel wahaa wahahye.

### *María Elisabere ihñano wahahye*

<sup>39</sup> Tiquiro sa nidi bato María cun cju ijiri yehparu Judea yehparu ijiri macaru sojaro mehna wahaa wahahye. <sup>40</sup> Topu esaro, Zacaria ya wuhuru sajano, “¿Ne, ijiajari?” niahye ticoro Elisabere. <sup>41</sup> Ticoro sa nigū Elisabe tuhogūta, ticoro macano pehe niji suhtioru ijiriquiro ñuhmiahye. Elisabe Espiritu Santo dutiro sahata ye pehorico ijiro, tiquiro tutuayere cuoricoro ijiahye. <sup>42</sup> Sa yero tutuaro bucueye mehna ticoro tutuaro yahuducahye.

—Ijipihtiequina numia yuhduoro muhare quehnoano yeri Cohācjū. Muhu macu gūhare quehnoano yeri Cohācjū. <sup>43</sup> Cuehi, yuhu puhtoro pacoro yuhu caharu ahtagū quehnoano yeri yuhare Cohācjū. <sup>44</sup> Muhu yuhare “¿Ne, ijiajari?” mahu nigū yuhu macu pehe niji suhtioru ijiriquiro bucueye mehna ñuhmiahti yuhare. <sup>45</sup> Cohācjū tiquiro nidiro sahata yerota. Sa yego tiquiro yahurire tuhorigo ijigo bucueyo ijire mahu, niahye Elisabe.

<sup>46</sup> Ticoro sa nigū María yuhtiahye:

“Cohācjū quehnoariquiro, tutuariquiro ijire”, niaja. Yuhu quehnoano jeripohna tiaja. <sup>47</sup> Cohācjū yuhare pecaru wahaborigore yedohoriquiro ijire. Sa yero yojopare yuhare quehnoano bucueye mehna ijigū yere. <sup>48-49</sup> Yuhare tiquiro cahacjõre wacūri jiri. Cohācjū tutua yuhduariquiro quehnoañe dihitaro yuhare yedohori. Sa ye yojopare “Ticore Cohācjū quehnoano yeri”, ijipihtiequina masa sa ni, yahuducueta yuhare. Cohācjū ñañe marieniquiro ijire. <sup>50</sup> Ijipihtie decori ijipihtiequina tiquirore ño peoyequinare tiquiro paja ihñariquiro ijire. <sup>51</sup> Cohācjū tiquiro tutuaye mehna yeahye. “Apequinare masi yuhducaja”, niñequinare yuhducahye tiquiro. <sup>52</sup> Puhtoare cohāhye tiquiro. Sa yero cahacjēna pehere puhto yero saha cūahye tiquinare. <sup>53</sup> Hju ahhayequinare tiquiro quehnoañe ihyayere ohoahye. Sa yero peye doeri cjē cuoyequinare doeri cjē cuoeragū yeahye tiquiro. <sup>54-55</sup> Mari ñecusuma iji turiayequina manare tiquiro yahu cūriro sahata ye pehoahye Cohācjū. “Pecaru wahaboriquinare yuhduoutja”, tiquiro ni yahu cūriro sahata ye pehoahye. Sa yero tiquiro cahacjēnare Israe masare tiquiro yedohoahye. Abrahā mananore mari ñecusuma manare ijipihtiequina tiquiro acaye tiquiro bato ijiyequina gūhare Cohācjū ijipihtie decori sa paja ihñaducuriquiro ijie tiahye. Tiquinare tiquiro yahu cūrire boerahye Cohācjū, niahye María.

<sup>56</sup> Ihtia asū waro Elisabe mehna ijiahye. To puno ticoro ijiri bato ticoro ya macaru tojoa wahahye María.

### *Ñu masa bajuahye*

<sup>57</sup> Elisabe ticoro niji wahcō, pohna tiahye. Ticoro macano masa bajuahye.

<sup>58</sup> Sa yero Cohācjū ticorore tiquiro sa yegū ticoro ya maca cjēna ticoro acaye gūhu ticoro mehna bucueahye. <sup>59</sup> Ocho decori tiquiro masa bajuari bato, tiquiro pacusuma tiquirogare cuhnucun sohto cahserogare yuhre ne dutiye tee niahye. Sa ye ye tiquina mehna cjēna tiquina caharu esahye tiquina yuhre negū ihñañe tehe. Tiquina mehna cjēna Zacaria tiquiro pacuro

wamene tiquirogāre wame ye duamahye. <sup>60</sup> Tiquina sa wame ye duepegāta tiquiropacoro ohō saha niahye:

—Tiquiro pacaro wamene wame yeraja. Ńu wame yenatja tiquirogāre, niahye ticoro.

<sup>61</sup>—Muhu acaye ne ihcāquiropacoro Ńu wame tiriquiro mariedare, niahye tiquina ticorore.

<sup>62</sup> Sa ye tiquina omocari mehna yahuducu, Zacariare sinituahye tiquina: —¿Muhu waro duhse wame ye duajari muhu macare? ni, sinituahye tiquiropacoro.

<sup>63</sup> Tiquina sa nigū tiquiropacoro pehe ojoari pñine sini, ñehe, ojoahye: “Yuhu macu Ńu wame tirota”, ni, ojoahye Zacaria. Tiquiro sa ni ojoagū tiquina pehe tuho maria wahahye. <sup>64</sup> Tiquiro sa ni ojoari bato tiquiropacoro yahuducugū yeahye Cohācjū. Sa yero tiquiropacoro yahuducua wahahye.

—Cohācjū tutuariquiropacoro, quehnoariquiropacoro ijire, niahye tiquiropacoro.

<sup>65</sup> Tiquiro sa ni yahuducugū tuho ye to cjēna tuho maria wahahye. Sa ye ahri ijiptiye Judea yehpa cjēnare canu cju watoa ijiyequinare masa yahu siteahye. Sa ye masa to cjēna quehnoano masi pihtia wahahye.

<sup>66</sup> Ijiptiyequina tire tuho ye wacūahye. “Cohācjū tutuayere ahriquiropacoro curo. Sa yero ihyo ijiptiyequina ijiptiyequina”, ni, tuho tuho ye masa.

### *Zacaria Cohācjūre ño peohye*

<sup>67</sup> Sa yero tiquiropacoro Zacaria Espiritu Santo dutiropacoro sahata ye pehoriquiropacoro ijiptiyequina tutuayere cūoriquiropacoro ijiptiyequina Cohācjū yere yahuahye:

<sup>68</sup> Cohācjūre ño peouhna mari. Mari Israe masa tiquiropacoro yequina ijaia mari. Sa yero mari caharu wihiro, marine yedohoro quehnoano yuhdugū yerota. <sup>69</sup> Sa yero Cohācjū tutuariquiropacoro marine pecaru wahaborinare quehnoano yuhdugū yeatiquiropacoro ohori jiri. Marine quehnoano yuhduoatiquiropacoro tiquiropacoro acayuro manano Davi ijire. Davi manano pehe marine yuhduoatiquiropacoro cahacjano ijire. <sup>70</sup> Panoru tiquiropacoro yere yahu mūhtariquinare Cohācjū ohō sahata ni ahrire yahu dutiropacoro.

<sup>71</sup> Marine ihña tuhtiyequina marine ñano tiquina ye duagū ihñano “Mūsare yedohoutja”, ni, cūahye Cohācjū marine. <sup>72</sup> Mari ñecusumna manare “Mūsare paja ihñagu, yedohoutja. Mūsare yuhu yahu cūire wacūtja”, niahye Cohācjū mari ñecusumna ijiptiyequina manare. Ti pjerere tiquiropacoro nidiro sahata marine yojopare yere.

<sup>73-75</sup> Ohō saha ni cūahye Cohācjū panopare Abrahamare: “Muhu acaye cameru ijiyequinare ihña tuhtiyequina tiquina ijiptiyequina cohātja. Sa yegu muhu acayerē yedohoutja. Sa ye tiquina cūero marieno yuhu dutiyere ye masieta. Sa yegu tiquina ñañene yuhu cohāgū, tiquina yuhu ihñonopu ijiptiye decori quehnoañequina ijuduceta”, ni, yahu cūahye panoru Cohācjū mari acayuro mananore Abrahamare, niahye Zacaria.

Sa ni tuhata tiquiropacoro macanore ohō saha niahye:

<sup>76-77</sup> Macu, muhare ohō saha nieta masa: “Cohācjū tutu yuhduariquiropacoro tiquiropacoro yere yahu mūhtariquiropacoro ijire”, nieta muhare. Sa yegu muhu mari puhtoro Cristo pano wahayugata muhu. Sa wahagu ohō saha ni yahugata muhu. “Cohācjū masa ñañene cohāno, pecaru wahaborinare yuhduorota mūsare”, ni, yahugata muhu. Sa ni yahugu mari puhtoro tiquiropacoro ahtatire yahuyugu nigata muhu. <sup>78</sup> Cohācjū pehe marine tutuaro paja ihñariquiropacoro marine quehnoano yeriquiropacoro ijiptiyequina, tiquiropacoro marine pecaru wahaborinare yuhduo duare. Marine yuhduoro ahtaro

Cristo mari cahap<sub>u</sub> ahtarota. <sup>79</sup> Ijipihtiyequina marine pecap<sub>u</sub> wahaborinare yuhduo duare tiquiro. Sa yero Cohãcjüre masiena mari ijigü ihñano marine masigü ye duare tiquiro. Sa yero mari quehnoano ihcãno mehna mari ijiatire yahurota marine, niahye Zacaria.

<sup>80</sup> Sa yero Zacaria macano quehnoano pag<sub>u</sub> tiriquire masahye. Sa yero Cohãcjüre tutuaro ño peohye. Sa yero yoari pje masa marienop<sub>u</sub> ijie tiahye. Israe masare buhe ducaro topata ijie tiahye.

## 2

### *Jesu masa bajuahye (Mt 1.18-25)*

<sup>1</sup> Ti pjere ijipihtiye yehpari cjëna pãhtoro Augusto ijie tiahye. Sa yero ijipihtiyequinare queo dutiahye. <sup>2</sup> Ahriquina masare tiquina coã queo ducagü Siria yehpa cjëna pãhtoro Cirenio wame tiriquire ijiahye. <sup>3</sup> Sa ye ijipihtiyequina tiquina ñecusumna panop<sub>u</sub> cjëna ye macarip<sub>u</sub> tiquina wamene ojoa ohõne wahahye. <sup>4</sup> José gühu Nazarep<sub>u</sub> Galilea yehpap<sub>u</sub> ijiri macap<sub>u</sub> ijiriquina waha, Judea yehpap<sub>u</sub> Belé wame tiri macap<sub>u</sub> esahye. Pãhtoro Davi manano panop<sub>u</sub> cjãno tiquiro masa bajuariro ijiahye Belé. José Davi manano panamino iji turiariquiro ijiro Belép<sub>u</sub> tiquiro wamene ojoa ohõ dutiro wahahye. <sup>5</sup> Sa yero María tiquiro omoca duhteaticoro mehna top<sub>u</sub> tiquiro wamene ojoa ohõ dutiro esahye. Ticoro pehere meheñe decorigã duhsahye nijino bajuato. <sup>6</sup> Sa yero Belép<sub>u</sub> esaro ticoro niji wahcõahye. <sup>7</sup> Top<sub>u</sub>re masa tiquina carñi wãhu ne esa tuhaerahye tiquinare. Sa yero ticoro pohna ti tuhasa, tiquirogãre suhtiro mehna coma, wecã tiquina ihyari cohrop<sub>u</sub>, taa bui tiquirogãre duhu peohye. Tiquirogã ticoro coã mac<sub>u</sub> ti mãhtariquirogã ijiahye.

### *Angele ovejare ihña ihboyequinare bajuahye*

<sup>8</sup> Ti ñamine oveja tiquina ijirop<sub>u</sub> ovejare ihña ihboyequina tiquina yequina ovejare ihña ihboye niahye. <sup>9</sup> Sa yero Cohãcjü ohoriquiro angel tiquinare bajuahye. Tiquiro sa bajuagü Cohãcjü asi siteye tiquinare buhriohaye. Tiquiro sa asi sitegü ihñañe, ovejare ihña ihboyequina cuea wahahye. <sup>10</sup> Tiquina sa wahagü angel tiquinare yahuahye:

—Quehnoañe quitire musare yahug<sub>u</sub> ahtaja. Ijipihtiyequinare masare bucuegü yerota ahri quti. Sa yena yuhure cueracãhña msa. <sup>11</sup> Mia ñamine pãhtoro Davi manano ya macap<sub>u</sub> musare pecap<sub>u</sub> wahaborinare yuhduoatiquire, Cristo Cohãcjü ohoriquiro mari pãhtoro masa bajua tuhasari. <sup>12</sup> Sa yero suhtiro mehna comariquirogã wecã ihyari cohro bui tiquina duhu peoriquirogã msa ihñatiquiregã tiquiro ijirota, ni yahuahye angel tiquinare.

<sup>13</sup> Tiquiro sa nigüta peyequina umuse cjëna iji mãhtariquiro angel mehna Cohãcjüre ño peohye. Ohõ saha ni ño peohye tiquina:

<sup>14</sup> Cohãcjüre umuse cjãnore ño peouhna. Sa ye Cohãcjü tiquiro cahñequina cuero marieno cahmequeno marieno quehnoano ijiahro, ni, ño peohye angele pari.

<sup>15</sup> Sa ni tuhasa umusep<sub>u</sub> tiquina mãjari bato ovejare ihña ihboyequina pehe tiquina basi cahme yahuducuahye:

—Ahrire Cohãcjü marine tiquiro yahurire Belép<sub>u</sub> isa ihñañhna, niahye tiquina basi.

<sup>16</sup> Sa niñe sojaro mehna waha wahahye. Tiquina Mariare, Josére boca sa, nijinogãre wecã ihyari cohrop<sub>u</sub> tiquina duhu peoriquirogãre ihñahye

tiquina. <sup>17</sup> Ovejare ihña ihboyequina tiquiogãre ihña tuhasa nijinogãre angel tiquiro yahurire yahuahye apequinare. <sup>18</sup> Tiquina sa ni yahugã ijipihtiyequina tiquinare tuho maria wahahye. <sup>19</sup> Ahri ijipihtiyere María wacũ tuhotuahye. <sup>20</sup> Sa yeye ovejare ihña ihboyequina pehe angel tiquiro yahurire saha ijigũ ihñañe, “Cohãcjũ tutuariquiro ijire”, ni bucueahye. Sa ni bucueye tojoaa wahahye.

*Cohãcjũ wãhãpũ Jesu pacũsumãa tiquiogãre neahye*

<sup>21</sup> Ihcã semana bato nijinogã tiquiro cuhncunũ sohtoa cahserogãre yãhre ne tuhasa tiquiogãre tiquina Jesu wame yeahye. Jesure coã waro ticoro bocato pano angel pehe “Jesu wame yeya tiquiogãre”, ni yahu tuhasahye. Sa yeye tiquiogãre Jesu wame yeahye.

<sup>22-24</sup> Cohãcjũ dutiye Moise tiquiro yahuriro saha yeye tehe, José, María mehna Jerusalẽpũ wahahye. Topũ wahahye María ticoro pohna tiri bato pagũ quehnoaricoro ticoro tojoarire ihñoño taro. Cohãcjũ dutiriro sahata tiquina minicjãare ohoye wahahye Cohãcjũre ño peoye. Ohõ saha dutiahye Cohãcjũ: “Bujuare pãaro ohoya yãhãre. O tiquina mariedagũ apequina boro minicjãare ohoya yãhãre ño peona”, ni dutiahye Cohãcjũ. Tiquiro dutiriro sahata yeahye tiquina ticoro pagũ quehnoari pagũ ticoro waharire ihñoño taye.

Topũ wahaye tiquina Jesugãre neahye. Tiquiogãre Cohãcjũre “Ahriquiogã mũhũ yaquiro ijiatiquiogã ijire”, ni ihñoño wahahye. Ohõ saha yeahye Cohãcjũ yere tiquina ojoari pũpũ tiquiro ye dutiriro sahata. “Ijipihtiyequina mũsa pohna coã bajua mũhtañequeingãre Cohãcjũre ihñoña. ‘Ahriquiogã mũhũ yaquiro ijiatiquiro ijire’, ni ihñoña”, ni dutiahye Cohãcjũ. Sa ye tiquiro dutiriro sahata yeahye tiquina, Jerusalẽpũ ijieye.

<sup>25</sup> Ti macapũ Simeo wame tiriquiro ijiahye. Tiquiro quehnoariquiro, Cohãcjũre ño peoriquiro ijiro, Israe masare Cohãcjũ yedohoatire cohteriquiro ijiahye. Sa yero Simeo Espiritu Santo tiquiro nidiro saha yeriquiro ijiahye. <sup>26</sup> Sa yero tiquiro yariato pano Cohãcjũ tiquiro ohoatiquirore Cristore tiquiro ihñatire yahuahye Espiritu Santo tiquirore Simeore. <sup>27</sup> Sa yero Espiritu Santo tiquirore dutigũ Cohãcjũ wãhãpũ sajãa wahahye. Tiquiro sajã sari bato Jesu pacũsumãa tiquina macãnogãre ne sajãhye. Cohãcjũ tiquiro dutiriro sahata yeye niahye. <sup>28</sup> Simeo pehe tiquiogãre wãa ne, Cohãcjũre ño peo, “Quehnoare”, ni, tiquiro mehna yahuducuahye.

Ohõ saha niahye tiquiro Cohãcjũre:

<sup>29-32</sup> Yojoapũ pũritare pũhto, mũhũ nidiro sahata masare pecapũ wahaboriquinare yãhdũoatiquirore ohori jiri mũhũ. Tiquiro judio masa ijieyequinare buhero mũhãre quehnoano masigũ yerota tiquinare. Masare yãhdũoatiquiro Israe masãnore mũhũ cũahye. Hãã acayãrore Israe masãnore mũhũ cũgũ ijipihtiyequina masiñe, “Israe masare quehnoano yere Cohãcjũ”, nieta masa. Ahriquiogã hããre yãhdũoatiquiro ijire. Sa yegũ ahriquiogãre ihña tuhasagũ, yojoapũre quehnoano bucuegũ yariãtja, niahye Simeo.

<sup>33</sup> Simeo tiquiogãre tiquiro sa nigũ tiquiogã pacũsumãa pehe tuho maria wahahye. <sup>34</sup> Sa yero Simeo tiquinare “Quehnoano ijia mũsa”, nino tiquiro María Jesu pacorore yahuahye:

—Cohãcjũ ahriquiogãre beseahye. Sa beseriquiogã tiquiro ijiepegũta judio masa peyequina tiquirore yãhdũdũcaeta. Sa ye tiquina pecapũ wahaeta. Sa yero judio masare peyequina tiquiro yãhdũoatiquiro gãhãre Cohãcjũ beseri tiquiogãre. Tiquiro Cohãcjũ yere yahuriquiro tiquiro ijiepegũta masa

peyequina tiquireore ñano ni yahuducueta. <sup>35</sup> Tiquina sa yegū apequina tiquina ñano wacūñene masieta. Sa yego mñhu tutuaro purīno yero saha bujña witigota, niahye Simeo Maríare.

<sup>36</sup> Topñ Cohācjū yere yahu māhtaricoro Ana wame tiricoro ijiahye. Ticoro Fanuel macono ijiro, Aser mñnano ya curua cjoño ijiahye. Bucoro waro ijiahye. Ticoro nuhmino ijiro manū tiahye. Sa yero siete cñmari waro ticoro manño mehna ijiahye. To puno tiquireo ijiri bato ticoro manño yariaa wahahye. <sup>37</sup> Sa yero ochenta y cuatro cñmari waro wape wihoro ijie tiahye ticoro. Sa yero ticoro deco gñhure ñami gñhure Cohācjū yere yero taro siji, Cohācjū mehna yahuducu, Cohācjū wñhure ne wijiaera tiahye. <sup>38</sup> Simeo tiquireo yahuducuri watoa ticoro tiquina caharñ wihiro, bucuero, Cohācjüre “Quehnoare”, niahye. Sa yero Jerusalē cjenare pecarñ waha-boriquinare yñhdñoatiquireore cohteyequinare ticoro Jesugāre yahuahye peyequina masare.

### *José, María, Jesu mehna Nazarepñ tojoaa wahahye tja*

<sup>39</sup> Cohācjū dutiriro sahata ye tuhasaye, tiquina ya macarñ Nazarepñ tojoaa wahahye. Galilea yehparñ ijiahye ti maca Nazare. <sup>40</sup> Sa yero Jesu quehnoano masa, tutuariquireo wahahye. Sa yero tiquireo quehnoano tñho masiniquireo ijiahye. Sa yero tiquireore Cohācjū quehnoano yeahye.

### *Jesu coñ wahmña dñcaro, Cohācjū ya wñhñpñ judio masare buheyequina mehna yahuducuro niahye*

<sup>41</sup> Cñmaripe Jesu pacñsmñña Jerusalēpñ pascua decorire bose decorire ihñañe wahae tiahye. <sup>42</sup> Jesu doce cñmari tiquireo cñogū tiquina yeducuriro sahata tiquina ijipihtiequina Jerusalēpñ wahahye. <sup>43</sup> Sa yeye bose decorire ihñañe tuhasa tiquina ya macarñ tojoaa wahahye tja. Tiquina sa tojoepegūta Jesu pehe Jerusalēpñ tojoa cāhye. Tiquireo pacñsmñña tiquireo tojoa queherire masiedahye. <sup>44</sup> “Tiquireo mari mehna cjenā mehna ijiaga”, ni tñhotumahye tiquina. Sa ye tiquina ihcā deco waro Jesu marieno wahamahye. Sa ye tiquina Jesure tiquina acaye watoa macamahye. <sup>45</sup> Ne bocaerahye. Sa ye tiquina Jerusalēpñ tiquireore macañe wahahye.

<sup>46</sup> Ihtia deco bato Cohācjū wñhñpñ tiquireore boca sahye. Sa yero Jesu judio masare buheyequinare tñho, tiquinare sinituro niahye. Sa ye cahme yahuducuye niahye. <sup>47</sup> Tiquina ijipihtiequina Jesure tñhoye quehnoano masiniquireogā tiquireo ijigū ihñañe, tiquina tñho maria wahahye. <sup>48</sup> Tiquireo pacñsmñña gñhñ Jesure ihñañe, ihñañe maria wahahye. Sa yero tiquireo pacoro tiquireore ohō saha niahye:

—¿Macñ, dñhsegu sa yeajari mñhu usāre? Mñhu pacñsmñña ohō saha ni tñhotuu usā. “Tiquireo butia wahaga”, ni macaja usā mñhure, niahye ticoro macñnore.

<sup>49</sup> Ticoro sa nigū tiquireo pacñsmññare yahuahye:

—¿Dñhsena yñhure macajari mñsa? Yñhñ Pacñ yñhure tiquireo dutiriro saha yegñ naja. ¿Tire masiedajari mñsa? niahye tiquireo.

<sup>50</sup> Tiquireo sa niepegūta tiquina tñho ñehedahye.

<sup>51</sup> Sa yero Jesu Nazarepñ tojoaa waha, tiquireo pacñsmññare ne yñhdñdñcaerahye. Ahri ijipihtie tiquireo yerire María quehnoano wacñahye.

<sup>52</sup> Sa yero Jesu bucña, quehnoano tñho masiniquireo wahahye. Sa ye Cohācjū, masa gñhñ “Quehnoariquireo ijire”, ni ihñahye tiquireore.



## 3

*Ñu wame yeriquiro masare Cohãcjũ yere yahuahye  
(Mt 3.1-12; Mr 1.1-8; Jn 1.19-28)*

<sup>1</sup> Ti pjere tiquina puhtoro Tiberio wame tiriquiro puhtoro ijiri bato quince cahmari wahahye. Sa yero Poncio Pilato wame tiriquiro Judea yehpa cjëna puhtoro ijiahye. Sa yero Herode wame tiriquiro Galilea yehpa cjëna puhtoro ijiahye. Tiquiro bahuro Felipe Iturea yehpa cjëna, Traconite yehpa cjëna gũna tiquina puhtoro ijiahye. Sa yero Lisania wame tiriquiro Abilinia yehpa cjëna puhtoro ijiahye. <sup>2</sup> Sa ye Anás, Caifa mehna ijipihtiyequina pahia puhtoa ijiahye. Ahriquina ijipihtiyequina tiquina ijiri pjere Ñu Zacaria macuno masa marienopu ijiriquireore Cohãcjũ pehe tiquireore tiquireo yere yahu dutiahye. <sup>3</sup> Sa yero Jordã wame tiri ma duhtu cahapu ijiri yehparu ijipihtiropu Ñu buhero wahahye.

—Musa ñaife yeyere bujua witiya. YojoPURE quehnoañe pehere comesaya. Sa yena wame yenohrina iijya. Musa sa comesagũ ihñano Cohãcjũ musa ñaife yerire borota, ni, buhe tiquireo tiquireo.

<sup>4</sup> Isaia manano panopu cjëno Cohãcjũ yere yahu mahtariquireo ojoariro sahata ahriquireo yojoPURE yero niahye. Ohõ saha ni ojoahye Isaia Ñu tiquireo buheatire:

Masa marienopu yahuducu sañuducuriquireo ohõ saha ni buherota: “Mari puhtoro ahtato pano mahare mari quehnoyuriro saha quehnoana ijiyuya musa. Musa ñaife yerire bujua witiya. <sup>5</sup> Pe wuhtari, pe buhuari gũhure quehnoari paa mari yeriro saha, pari yawi ijiye maharine potoye mahari mari yeriro saha, ñaife maharine quehnoañe maharine mari yeriro saha, wetere musa coseriro saha musa ñaife yeyere duhuya. <sup>6</sup> Musa sa yegũ Cohãcjũ musare pecapu wahaborinare tiquireo yahduogũ ihñaeta ijipihtiri yehpa cjëna”, ninota tiquireo sañuducu yahuriquireo pehe, ni ojoahye Isaia manano panopure.

<sup>7</sup> Masa peyequina Ñu cahapu wihiye tiquireo tiquinare wame yegũ cahmeahye tiquina. Sa yero tiquireo tiquinare yahuahye:

—Añaa pari yero saha ña yahduna, cue duhti duana ijire musa. Musa ñaife yerire bujua witi duerana Cohãcjũ musa ñaife buhirire tiquireo buhiri dahreato pano duhti masidare musa. <sup>8</sup> Sa yena potota musa ñañene bujua witina ijina, quehnoañene comesana ijina, quehnoañe pehere yeya musa. Ohõ saha ni tahotueracãhña. “Panopu cjëno Abrahã mari ñecu manano ijie tiyahye. Sa yena tiquireo panamena ijina mari Cohãcjũ yequina ijiaja”, ni tahotueracãhña musa. Musare niita niaja. Abrahã panamena iji turiana ijimene musa. Musa sa ijipegũta ti musa sa ijiye dahseati ijierare. Cohãcjũ pehe ahri utã paca mehna Abrahã acayere dahre masine. Sa ye Abrahã acaye musa ijiye ihyo waro ijire utã paca ihyo waro ti ijiro saha. <sup>9</sup> Ohõ saha ijire: Masa yucari yero saha ijire. Cohãcjũ pehe yucarire quëatiare comeare cõriquireo yero saha ijire. Sa yero ñaife duca tiye cjure date cohã, ti nuhcori gũhure date sure peho cãnota. Date sure tuhasa, pecapu ujanota tiquireo ti cjure, nuhcori gũhure. Sata yerota masa gũhure tiquireore cahmeañequinare, niahye Ñu masare.

<sup>10</sup> Tiquiro sa nigũ tahoye masa pehe tiquireore sinituahye:

—¿Dahse yenatari usã? niahye tiquina Ñure.

<sup>11</sup> —Pu suhtiro cõriquireo suhti mariediquireore ihcãno ohoya. Sa yena musa ihyaye cõna arequina gũhure ohoya, niahye Ñu.

12 Meheñequinagã pãtoa ye ijiatire wapa ne cohteyequina wame yenhriquina iji duahye tiquina gãhũ. Sa yeye Ñu cahapũ wihiye, tiquireore sinituahye:

—¿Buhegũ, usã pehe dahse yenatari usã? niahye tiquina tiquireore.

13—Mũsa pãtoa tiquina dutiro punota masare wapa neña. Ni meho wapa ne nemoedacãhña, ni yahuahye Ñu tiquinare.

14 Apequina surara tiquireore sinituahye tja:

—¿Usã pehe dahse yenatari? niahye tiquina tiquireore tja.

—Masa yere niñerure ehmedacãhña. Sa yena tiquina ye niñerure ni meho nedacãhña. Mũsare tiquina wapa yero punota bucueya, ni, yahuahye Ñu.

15 Masa Cristore Cohãcũ tiquireo ohoatiquireore cohteye niahye. Sa yeye ohõ saha ni tãhotu dũcahye tiquina Ñure. “Ahriquireo Ñu pehe Cristo iji-boaga”, ni tãhotumahye tiquina. 16 Tiquina sa nigũ tãhoro Ñu ijipihitiye-quinare yahuahye:

—Yũhũ bato yũhũ yũhdũoro tutuariquireo ahtarota. Quehnoa yũhdũariquireo ijire tiquireo. Tiquireo yero saha ijieraja yũhũ pehe. Sa yegũ tiquireore tãhotugũ, “Ihyo ijigũ ijiaja”, ni tãhotuaja yũhũ. Yũhũ pehe mũsare wame yegũ aco mehna wame yemi. Tiquireo pehe yũhũ yũhdũoro yerota. Espiritu Santore masa mehna ijiducugũ yerota. Sa yero pecarũ ñañene tiquireo ujãa wero saha tiquireo ahtariquireo pehe mũsa ñano yeyere cose werota. 17 Yũhũ bato ahtariquireo trigo cahseri cohãriquireo yero saha ijire. Ti cahserire cohãriquireo tiquireo batiro mehna ijipihitiye trigo pjeri cahserire puti were. Sa ye tuhasa trigo pehere tiquireo ihbori wãhũrũ cũnota. Sata yerota tiquina ñañene bujãa witiyequinare yũhũ bato ahtariquireo. Tiquireo puti weri cahseri pehere ujãanota. Ti peca tiquireo ujãari peca ne yatisi. Sata yerota tiquireo yũhũ bato ahtariquireo tiquina ñañene bujãa witiyequinare, ni yahuahye Ñu.

18 Peye tiquireo sa ni yahuye mehna masare quehnoañe buheyere yahuahye Ñu. 19 Sa yero pãhtoro Herode pehe tiquireo bahũro Felipe namonore tiquireo namo tiri buhiri, pajiro ñañene tiquireo yeri buhiri gãhũre Ñu tiquireore yahumahye. 20 Tiquireo sa ni yahuri buhiri Herode pehe Ñure peresu yeahye, pari turi ñañene yero.

### *Ñu Jesure wame yeahye (Mt 3.13-17; Mr 1.9-11)*

21 Ñure tiquina peresu yeato pano apequina masare Ñu pehe wame yero niahye. Tiquinare wame yero Jesu gãhũre wame yeahye. Sa yero Jesu diarũ ducuriquireo Cohãcũre tiquireo sinino watoa ahmũse parĩ maa wahahye. 22 Sa parĩ maari bato Espiritu Santo bujara wero saha bajuriquireo Jesu buipũ dijia tahye. Tiquireo ahtagũ ahmũserũ yahuducuro ca tahye:

—Mũhũ yũhũ macũ yũhũ cahĩgũ ijire. Mũhũ mehna tutuaro bucueaja, nino ca tahye ahmũserũ.

### *Jesu acaye panopũ cãena ijiahye (Mt 1.1-17)*

23 Jesu buhe dũcari cãhmare treinta cãhmari cãoahye tiquireo. “Tiquireo José macũno ijire”, ni, tãhotumahye masa. José pehe Elĩ macũno ijiahye.

24 Elĩ Matat macũno ijiahye. Matat Levĩ macũno ijiahye. Levĩ Melqui macũno ijiahye. Melqui Jana macũno ijiahye. Jana José macũno ijiahye.

25 José Matatĩ macũno ijiahye. Matatĩ Amós macũno ijiahye. Amós Nahũm macũno ijiahye. Nahũm Esli macũno ijiahye. Esli Nagai macũno ijiahye.

26 Nagai Maat macuno ijiahye. Maat Matatía macuno ijiahye. Matatía Semei macuno ijiahye. Semei Josec macuno ijiahye. Josec Judá macuno ijiahye. 27 Judá Joanán macuno ijiahye. Joanán Resa macuno ijiahye. Resa Zorobabel macuno ijiahye. Zorobabel Salatiel macuno ijiahye. Salatiel Neri macuno ijiahye. 28 Neri Melqui macuno ijiahye. Melqui Adi macuno ijiahye. Adi Cosam macuno ijiahye. Cosam Elmadam macuno ijiahye. Elmadam Er macuno ijiahye. 29 Er Josué macuno ijiahye. Josué Eliezer macuno ijiahye. Eliezer Jorim macuno ijiahye. Jorim Matat macuno ijiahye. 30 Matat Leví macuno ijiahye. Leví Simeo macuno ijiahye. Simeo Judá macuno ijiahye. Judá José macuno ijiahye. José Jonam macuno ijiahye. Jonam Eliaquim macuno ijiahye. 31 Eliaquim Melea macuno ijiahye. Melea Mena macuno ijiahye. Mena Matata macuno ijiahye. Matata Natán macuno ijiahye. 32 Natán Davi macuno ijiahye. Davi Isaí macuno ijiahye. Isaí Obed macuno ijiahye. Obed Booz macuno ijiahye. Booz Salmón macuno ijiahye. Salmón Naasón macuno ijiahye. 33 Naasón Aminadab macuno ijiahye. Aminadab Admin macuno ijiahye. Admin Arni macuno ijiahye. Arni Esrom macuno ijiahye. Esrom Fare macuno ijiahye. Fare Judá macuno ijiahye. 34 Judá Jacob macuno ijiahye. Jacob Isaac macuno ijiahye. Isaac Abrahã macuno ijiahye. Abrahã Taré macuno ijiahye. Taré Nacor macuno ijiahye. 35 Nacor Serug macuno ijiahye. Serug Ragau macuno ijiahye. Ragau Peleg macuno ijiahye. Peleg Heber macuno ijiahye. Heber Sala macuno ijiahye. 36 Sala Cainán macuno ijiahye. Cainán Arfaxad macuno ijiahye. Arfaxad Sem macuno ijiahye. Sem Noé macuno ijiahye. Noé Lamec macuno ijiahye. 37 Lamec Matusalê macuno ijiahye. Matusalê Enoco macuno ijiahye. Enoco Jared macuno ijiahye. Jared Mahalaleel macuno ijiahye. Mahalaleel Cainán macuno ijiahye. 38 Cainán Eno macuno ijiahye. Eno Sete macuno ijiahye. Sete Adán macuno ijiahye. Adán Cohãcjü yeriqiro ijiahye.

## 4

### *Watño ñañene ye dutimahye Jesure (Mt 4.1-11; Mr 1.12-13)*

1 Jesu Espiritu Santo dutiriro saha ye pehoriqiro ijiro, Jordã wame tiri ma cahapü ijiriquiro tojoaa wahahye. Tiquiro sa tojoaa wahagü Espiritu Santo pehe tiqürore masa marienopü neahye. 2 Топü esaro cuarenta decori ijiahye. Sa yero watño pehe Jesure ñañene yegü cahmemahye. Sa yero ñañene ye dutimahye tiqürore. Ti decorire ne Jesu ihyerahye. Sa yero ti decori pihitigü waro tiqüro çjüa ahbahye.

3 Tiquiro sa çjüa ahbagü ihñano watño ohõ saha nimahye Jesure:

—Мүһү Cohãcjü macü ijigü, ahria utäre ihyaye dojomehneña, nimahye Jesure.

4 Jesu ohõ saha ni yuhtiahye:

—Yeraja. Cohãcjü yere tiquina ojoari pürü ohõ saha nine: “Masare ihyaye mehna dihita catteraro cahmene. Ijipihtiyе Cohãcjü ye yahuye mehna ijiro cahmene”, nine Cohãcjü, ni yuhtiahye Jesu watñore.

5 Tiquiro sa nidi bato watño pehe tiqürore çnyü uhtnyanü buirü ne müja saro, duita ijipihtiyе macarine ihño dijioahye Jesure. 6 Sa ihñono Jesure yuahaye:

—Ijipihtiye ahri macari yuhare tiqairo ohori ijire. Sa yegu yuhu cahmediqiurore oho masiaja. Sa yegu ahri macarine, ahri macari cjēnare dutiati gūhare, tiqaina cūoye mehna mūhare ohoutja. <sup>7</sup> Yuhare mūhu űo peogū ahri macari ijipihtiye macarine mūhare ohoutja, niahye watīno Jesure.

<sup>8</sup> Jesu ohō saha ni yahtiahye tiqairore:

—Mūhare űo peoraja. Ohō saha nine Cohācjū yere tiqaina ojoari pū: “Mūhu pūhtoro Cohācjū dihitare űo peoya. Tiqairo ye dutiye dihitare yeya”, ni ojoahye Cohācjū yere, niahye Jesu watīnore.

<sup>9-11</sup> Tiqairo sa nidi bato Jerusalēpu watīno pehe tiqairore ne cā, Cohācjū wūhu buipū ne sahye. Ne sa tuhasa tiqairore ohō saha nimahye:

—Cohācjū yere tiqaina ojoari pū ohō saha nine: “Cohācjū tiqairo yequina angelere mūhare ihña ihbo dutirota. Sa yeye tiqaina pehe mūhare ihña ihboeta, ‘Mūhūpu utāpu pūhari’, niñe”, ni ojoahye Cohācjū yere tiqaina ojoari pūpu. Tiqairo sa nidi poto ijigū mūhu Cohācjū macu ijigu, yehpapū uhpu dijia ihñoña yuhare. Mūhare tiqaina yedohogū ihñoña yuhare, nimahye watīno Jesure.

<sup>12</sup> Jesu uhpu dijia ihño dueraro ohō saha ni yahtiahye tiqairore:

—Cohācjū yere tiqaina ojoari pū ohō saha nine: “Mūsa pūhtoro Cohācjū tiqairo nidire ‘¿Poto ijiajari?’ ni masi duana, Cohācjūre ye ihño duti tuhueracāhña”, nine Cohācjū yere tiqaina ojoari pūpu, niahye Jesu watīnore.

<sup>13</sup> Sa yero watīno ijipihtiye űañene Jesure ye dutimahye. Sa duti tuhasaro mehenogā duhu cāriahye.

### *Galilea yehpapū Jesu buhe dūcahye* (Mt 4.12-17; Mr 1.14-15)

<sup>14</sup> Came Jesu Galileapu tojoaa wahahye. Sa yero tiqairo Espiritu Santo tuuaye mehna yeahye. Topū ijipihitropū masa tiqairore quti tiahye. <sup>15</sup> Judio masa buhaye wūhūsepu Jesu gūhu buhee tiahye. Sa ye ijipihtiyequina masa tiqairore quehnoano yahuducuahye.

### *Nazare cjēna Jesure ne cahmedahye* (Mt 13.53-58; Mr 6.1-6)

<sup>16-17</sup> Came Nazarepu Jesu tiqairo masariropūta esahye. Topū esa, saurū ijigū tiqairo sa yedūcuriro saha judio masa tiqaina buheri wūhūpu sajā sahye. Topū tiqairo Cohācjū yere tiqaina ojoari pūre buhero taro topū ducuahye. Tiqairo sa ducugū ihñañe to cjēna pehe Cohācjū yere yahu mūhtariqairo Isaia mūnano tiqairo ojoari pūre tiqairore ohoahye. Ti pūpu Jesu ahri yahuyere bocaro buheahye:

<sup>18</sup> Cohācjū yaqairo Espiritu yūhu mehna ijiro, yuhare dutiri. Tiqairo pe-jecūoyeqinane quehnoañe buheyere yahu dutiro ohori yuhare. Sa yero peresupu ijieyehina gūhare tiqinane tiqairo yūhdūotire yahu dutiro ohori yuhare. Caperi bajueyehina tiqaina quehnoano ihñatire ohori yuhare. Sa yero masa űano tiqaina yenhriqinane wioacjere yuhare ohori. <sup>19</sup> Mari pūhtoro Cohācjū tiqairo yequinane pecapu wahaboriqinane tiqairo yūhdūotire yuhare yahu dutiro ohori, ni buheahye Jesu.

<sup>20</sup> Sa ni buhe tuhasa Jesu ti pūre quehnoari tunu torē, wūhu cjānore wia tuhasa, nuju sahye. Tiqairo nuju sagū ihñañe topū ijieyehina ijipihtiyequina tiqairo dihitare ihñahye. <sup>21</sup> Tiqaina sa yegū tiqairo tiqinane yahu dūcahye:

—Ahri mianogāta yūhu buhero saha Cohācjū tiqairo nidiro sahata waharo nine, niahye Jesu.

<sup>22</sup> Tiquiro sa nigū tūhoye “Ahriquiro quehnoariquiro ijire”, ni tūhotuahye tiquina. Sa yeye tiquina tiquiro quehnoano yahuducugū tūhoye, tūho maria wahahye. Sa yeye ohō saha niahye tiquina basi:

—¿Yohnah, José macano ijierajari ahriquiro? niahye tiquina basi.

<sup>23</sup> Tiquina sa nigū masino Jesu yahuahye tiquinare:

—Yūhū buheyere tūho duerana, ohō saha ni tūhoture mūsa yūhūre: “Duturu dohatiro tiquiro basi aco ti masine duturu waro tiquiro ijiyere ihñono. Mūhū gūhū duturu tiquiro ye ihñono saha mūhū nidiro saha ijigū Cohācjū tutuaye mehna ye ihñona usāre. Capernaupure Cohācjū tutuaye mehna ye ihñonohti mūhū. Usā gūhūre sa ye ihñona, mūhū buheyere ‘Poto tjire’, usā niato saha”, ni duare mūsa yūhūre. <sup>24</sup> Ahrire yahutja mūsare. Cohācjū yere yahu māhtariquirore tiquiro ya maca cjēna ño peoerare. Sa yena yūhūre ño peoerare mūsa ohōpū yūhū masarigū ijigū. <sup>25</sup> Sata ijiahye panopure. Panopū Elia tiquiro ijiri pjere ihtia cūhma ape cūhma deco waro ne acoro ahtaerahye. Sa yero ijipihtiroputa ne ihyaye mariedahye. <sup>26</sup> Ti pjere peyequina wape wiha numia Israe yehpapū tiquina ijiepegūta Cohācjū Elia mūnanore tiquinare yedoho dutiro ohoerahye. Tiquiro ya macare sa ye dutieraperota ape yehpapū Sidō cahapū ijiri macapū Sarepta wame tiri maca cjōno wape wihorore yedoho dutiro Elia mūnanore ohoahye Cohācjū.

<sup>27</sup> Came Cohācjū yere yahu māhtariquiro Eliseo mūnanore tiquiro ijiri pjere Israe yehpapū peyequina camī būcu mūna wiha tiquina ijiepegūta ihcāquiro Israe masūnore ne quehnoa wahagū yerahye Eliseo mūnāno. Tiquiro ya yehpa cjēnare yeraperota Naamān wame tiriquiro Siria yehpa cjāno dihitare quehnoa wahagū yeahye tiquiro. Sa yero Israe masare yedohoeraro, Israe masa ijieyequina pehere yedohoahye Cohācjū, niahye Jesu tiquinare.

<sup>28</sup> Tiquiro sa nigū tūhoye ijipihtiyequina ti wūhūpū ijieyequina usua yūhdūa wahahye. <sup>29</sup> Sa yeye tiquina wahcādūca, Jesure ne wijia, ti maca dūhtū cahapū ijiri cūnūpū tiquirore tudoque dijio duamahye. <sup>30</sup> Tiquina sa ye duepegūta Jesu tiquina watoata wahaa wahahye.

### *Watīnore Cūoriquiro Jesure piti cahye (Mr 1.21-28)*

<sup>31</sup> Came Jesu Galilea yehpapū ijiri macapū Capernau wame tiri macapū esa, saurū ijigū masare buheahye. <sup>32</sup> Quehnoano masi pehoriquiro tiquiro buhegū tūhoye masa tūho maria wahahye. <sup>33</sup> Ti wūhūpū watīnore cūoriquiro ijiahye. Tutuaro sañuducuahye:

<sup>34</sup>—Mūhū Jesu Nazare cjū usāre cariboeracāhña mūhū. ¿Dūhse yegū tagū niajari usāre? ¿Mūhū usāre butigū yegū tagū nijari? Cohācjū macū, quehnoagu mūhū ijigū yūhū masiaja, ni sañuducuahye Jesure.

<sup>35</sup> Tiquiro sa nigū tūhoro Jesu tuhtiahye watīnore:

—Dihta mariahña. Duhuya tiquirore, niahye Jesu.

Tiquiro sa nidi bato masūnore watīno pehe yehpapū doque quehe sa tunugū yeahye. Tiquiro sa yeri bato tiquiro pehe quehnoa wahahye. <sup>36</sup> Topū ijieyequina ijipihtiyequina tiquiro sa wahagū ihñañe, ihñā maria wahahye. Sa ye tiquina basi ohō saha ni yahuducuahye:

—¿Yabe boro buheye ijiajari ahri sa wahagū yeye? Yohnah. Tutuaro mehna pūhtoro yero saha ahriquiro watīare dutire. Sa yeye tiquiro dutiro sahata tiquina masare duhure, ni yahuducuahye tiquina basi.

<sup>37</sup> Tiquiro sa yegū ihñañe ti yehpapū ijipihtiropū masa Jesure quti dahreahye.

### *Jesu Simo Pedro mareonore dutire yūhdūoahye (Mt 8.14-15; Mr 1.29-31)*

<sup>38</sup> Judio masa tiquina buheri wuhure wijia, Simo ya wuhuru sajā sahye Jesu. Topu Simo mareono dohatiro niahye. Tutuaro ujuaye tiahye. Sa ye tiquina ticoro dohatigū yahuahye Jesure. <sup>39</sup> Tiquina yahuri bato tiqiuro ticoro caharu esa, ujuayere suru dutiahye. Tiqiuro sa suru dutiri bato ticorore ujuaye surua waha, duita quehnoa wahahye. Ticoro sa waharo wahcā nuju sa, ticorota tiquinare ihyayere peohaye.

*Peyequina dohatiyequinare yuhduoahye Jesu*  
(Mt 8.16-17; Mr 1.32-34)

<sup>40</sup> Asū sajāri bato ijipihtiyequina masa tiqiuro caharu ijiyequina dohatiyequinare Jesu caharu ne sahye. Dohatiyequina peyequina sijoro saha ijiye dohatiyere cuoahye. Sa yero Jesu tiqiuro omocari mehna tiquina bui űa peo, ijipihtiyequinare tiquina dohatiyere quehnoano yuhduoahye. <sup>41</sup> Watia gūhure Jesu duhu dutigū tiquina duhuye sañuducuahye:

—Muhu potota Cohācjū macu ijire, niahye tiquina Jesure.

Jesu Cohācjū ohoriqiuro tiqiuro Cristo ijigū watia masiahye. Sa yero Jesu tiquinare yahuducu dutierahye, “Cristo ijire”, ni yahu siteari”, nino.

*Galilea yehparu buheahye Jesu*  
(Mr 1.35-39)

<sup>42</sup> Bohrea mūja tagū Jesu ti macaru ijiriquiro waha, masa marienopu esahye. Tiqiuro sa esari bato masa tiqiore maca cā, boca saye, ohō saha niahye:

—Usā ya macaru tojoaya usā mehna. Ape sie wahaeguta, nimahye tiquina Jesure.

<sup>43</sup> Tiquina sa niepegūta tiqiuro pehe ohō saha ni yahtiahye:

—Cohācjū tiqiuro puhtoro ijiyere quehnoañe buheyerere apeye macaripu gūhure buhe duaja yuhu. Cohācjū wuhure ohori tire yahucjare, niahye Jesu tiquinare.

<sup>44</sup> Sa yero Judea yehparu ijiye wuhuseru, judio masa tiquina buheye wuhuseru tiqiuro buhe tiniahye.

## 5

*Jesu tiqiuro buheyequinare peyequina wahi wejēgū yeahye*  
(Mt 4.18-22; Mr 1.16-20)

<sup>1</sup> Ape deco Jesu Genesare wame tiri ditara duhtu caharu esahye. Topu tiqiuro ijigū ihñañe peyequina masa Cohācjū yere tuho duaye tiqiore nūnu tā sahye. Quehnoano wahpa duca saa wahahye masa pari. <sup>2</sup> Pua yucusa paduropu pahsaye yucsarire Jesu ihñahye. Ti yucsari cjēna yohyeyequina maja saduca, tiquina wēñecjare coseye niahye. <sup>3</sup> Sa yero Jesu Simo yariaru sajāhye. Sajā tuhasa tia yuc sare dia duhtu caharu cuñariare weje buho dutiahye. Sa yero yuc saru duji, masare buheahye. <sup>4</sup> Buhe tuhasa, Jesu Simore ohō saha niahye:

—Deco cjūnogā tu wioya. Sa yena muhu mehna cjēna mehna musa wēñecjare doque űoña wahi űeheanaja, niahye Jesu.

<sup>5</sup> Tiqiuro sa nigū tuhoru Simo Jesure yahtiahye:

—Puhto, wahi wejē bohreami usā mia űamine. Bohreepenata ne ihcāqirogā wejēdahti usā. Sa wejēdapenata muhu dutiro saha doque űo tuhunata, ni yahtiahye Simo.

<sup>6</sup> Sa ni tuhasa tiquina doque űoahye. Sa tiquina doque űogū tiquina wēñecjare peyequina wahi sajāhye. Peyequina tiquina sajāgū wēñecju tuhna

wahamahye. <sup>7</sup> Sa wahagū ihñañe aperia cjēnare tiquina mehna cjēnare pijioahye.

—Musa gūhū yedohona ahtaya usāre, ni pijioahye Simo gūhū.

Tiquina sa yedohori bato pñaria yucusa quehnoano miniparo bocahye wahire. <sup>8</sup> Simo Pedro sa wahi peyequina tiquina sa jāgū ihñaño, Jesu cahapñ dñsepe curi mehna quehe sa, tiquiore niahye:

—Yūhū pñhto, mñhū mehna ijibogū ijieraja yūhū. Ñagu ijiaja yūhū. Sa yegū yūhūre duhuya, niahye Simo Jesure.

<sup>9</sup> Tiquiro, ijipihyequina tiquiore mehna cjēna gūhū peyequina wahi sa jāgū ihñañe, ihña maria wahahye tiquina gūhū. <sup>10</sup> Pñaro Simo mehna cjēna Zebedeo pohne Santiago, tiquiore bahuro Ñū mehna, tiquina gūhū ihña maria wahahye. Tiquina sa ihña mariagū ihñaño Jesu Pedrorē yahuahye:

—Ihña mariedacāhña. Yojoṙre mñhū wahire ñehe cahmecoagū mñhū ijiro saha Cohācjū yequina ijiatiquinare piji cahmecoagū ijigata mñhū, niahye Jesu Simore.

<sup>11</sup> Tiquiro sa nidi bato tiquina yucsarire ditara dñhtū cahapñ weje mo cū cā, tiquina ye ijipihyere tōṙta cū cā, Jesu mehna wahaa wahahye.

*Jesu cami bñcñ mñna wihirore cami yatigū yehaye*

*(Mt 8.1-4; Mr 1.40-45)*

<sup>12</sup> Jesu ape macarñ tiquiore ijigū cami bñcñ mñna wihiro tiquiore piti cahye. Sa piti caro tiquiore Jesure ihña, dñsepe curi mehna quehe sa, tutuaro siniahye:

—Pñhto, mñhū yūhūre yūhdño duagu yūhdñooya, ni siniahye.

<sup>13</sup> Tiquiro sa nidi bato Jesu tiquiore ña peoro ohō saha niahye:

—Tire ye duaja. Yojoṙre quehnoagū ijiya mñhū, niahye.

Tiquiro sa nigūta tiquiore cami ahbari yatia wahahye. <sup>14</sup> Sa yero Jesu tiquiore dutiahye:

—Ahri yūhū ohō saha yerire apequinare yahueracāhña. Pahi cahapñ wahaya yojoṙre. Sa yegū mñhū pagure quehnoari pagū waharire ihñoña tiquiore. Cohācjū dutiye Moiserē tiquiore cūri nidiro saha yeya. Sa yegū pahire pñaro minicjūare ohoya mñhū cami yūhdñire ijipihyequinare ihñoṙ tñhū, niahye cami bñcñ mñna cñomediquiore.

<sup>15</sup> “Yahueracāhña”, tiquiore sa niepegūta ijipihitōṙñ masa Jesure quti dahre nemoahye. Tiquina sa quti dahregū tñhoye masa peyequina tiquiore cahapñ esahye. Dohatiyequina yūhdñ duaye, tiquina gūhū tiquiore cahapñ esahye. <sup>16</sup> Tiquina sa esapegūta Jesu masa marienōṙñ Cohācjūre sinino wahaa wahahye.

*Jesu tini masieniquiore yūhdñoahye*

*(Mt 9.1-8; Mr 2.1-12)*

<sup>17</sup> Ape deco Jesu buhegū fariseo masa, judio masare buheyequina gūhū tōṙñ dujiahye. Tiquina peye macari Galilearñ ijiye macari cjēna, Judearñ ijiye macari cjēna, Jerusalē cjēna ijiahye. Sa yero Jesu Cohācjū tutuaye mehna dohatiyequinare yūhdñoahye. <sup>18</sup> Meheñequinagā amñā tini masieniquiore tiquiore cññari cahsero mehna yo wñā wihiahye. Sa yeye tiquiore Jesu cahapñ cū duaye, wñhūñ yo sa jā duamahye tiquina tiquiore. <sup>19</sup> Sa sa jā duepeta masa peyequina ijigū tiquina tiquiore yo sa jā masiedahye. Sa yeye tiquiore wñhū buirñ yo mñjahye. Yo mñja sa, mehenogā pño we, ti copereñ tini masieniquiore tiquiore cññari cahsero mehna duhu dijiyahye Jesu cahapñ ijiyequina watoa. <sup>20</sup> “Jesu ahriquiore tiquiore dohatiyere yūhdñgū yerota”, ni tñhotuahye tiquina. Tiquina sa ni tñhotugū masino



Cohācjäre tiquina wacū tutuayere masino, Jesu tini masieniquiروه ohō saha ni yahuahye:

—Yūhū acayū, mūhū ñañe yeyere yūhū cohā tuhasaū, niahye Jesu tiquiروه.

<sup>21</sup> Tiquiروه sa nigū tuhoye fariseo masa, judio masare buheyequina gūhū tiquina basi ohō saha ni tuhutumahye: “Ahriquiروه sa ni yahuducueracāhdo. Masano mari yero saha ijiroh, tiquiروه ñañe yeyere cohā masiedare. Cohācjū dihita masa tiquina ñañe yeyere cohā masine”, ni, tuhutumahye tiquina.

<sup>22</sup> Jesu tiquina tuhutuyere masino, ohō saha niahye:

—¿Dūhse yena sa ni tuhotuajari mūsa? <sup>23</sup> “Mūhū ñañe yeyere yūhū cohā tuhasaja”, yūhū nigū, “Ni mehogu ijire”, yūhūre nine mūsa quehnoano masiedapenata. “Wahcādūca wahaya”, yūhū nigū tiquiروه tinigū ihñāna yūhū nidī poto jigū duita masinata. <sup>24</sup> Yūhū masū Cohācjū ohorigū ahri yehrapū ñañe yeyere cohā masiaja yūhū. Masa tiquina ñañe yeyere cohācjüre cūri Cohācjū yūhūre. Yūhū sa cohārire mūsa masiato saha ohō saha ye ihñoutja mūsa ihñatire, niahye Jesu.

Sa ni tuhasa tini masieniquiروه ohō saha niahye:

—Mūhūre niita niaja. Wahcādūcaya. Mūhū cuñari cahserore ne cāhña mūhū ya wūhūpū, niahye tiquiروه.

<sup>25</sup> Tiquiروه sa nigū tūhorota ijipihtiyequina tiquina ihñonopū wahcādūca, tiquiروه cuñari cahserore ne, tiquiروه ya wūhūpū tojoa wahahye. Sa waharo tiquiروه Cohācjüre ño peoro, bucueye mehna quehnoano yahuducuahye.

<sup>26</sup> Tiquiروه sa yegū ihñañe masa pehe ijipihtiyequina ihña maria wahahye. Tiquina ihña maria waha, Cohācjüre ño peoye, bucueye mehna quehnoano yahuducuahye:

—Miare sijoro saha ijiyere ihñān mari, niahye tiquina.

### *Jesu Levíre pijiahye* (Mt 9.9-13; Mr 2.13-17)

<sup>27</sup> Sa ye tuhasa waha, Leví wame tiriquiروه tiquiروه dahrari tucūpū ijiriquiروه boca sahye Jesu. Leví pehe pūhtoā ye ijiatire masare wapa ne coheriquiروه ijiyahye. Sa boca saro tiquiروه ohō saha niahye:

—Yūhū mehna cjū ijiacjū ahtaya, niahye tiquiروه Levíre.

<sup>28</sup> Tiquiروه sa nigū Leví pehe ijipihtiye tiquiروه dahrayere duhu cā, Jesu mehna wahaa wahahye.

<sup>29</sup> Came Leví ya wūhūpū Jesu ya bose deco yeye niahye. Topū peyequina wapa ne cohteyequina, arequina Leví gūhū mehna dujiahye. <sup>30</sup> Tiquina mehna Jesu gūhū dujigū ihñañe meheñequinagā fariseo masa, judio masare buheyequina mehna usua, Jesu buheyequinare sinituahye.

—¿Dūhsena ñano yeyequina, wapa ne cohteyequina mehna ihyajari mūsa? ni tuhtiahye tiquina.

<sup>31</sup> Tiquina sa nigū tūhoro Jesu yūhtiahye tiquinare. Ohō saha ni queoye mehna buheahye:

—Dohatiyequina duturure macaedare. Dohatiyequina dihita duturure macare. Ñañequina dohatiyequina yero saha ijire. <sup>32</sup> Sa yegū ñañequina dhitare tiquina ñañene bujūa witi dutigū, quehnoañe pehere comesagū yegū tūn niū yūhū. Tiquina basi “Quehnoana ijiaja ūsā”, ni tuhutuyequinare yedohogū ahtaerū yūhū, niahye Jesu.

### *Sijiyere Jesure sinituahye apequina* (Mt 9.14-17; Mr 2.18-22)

<sup>33</sup> Sa yeye meheñequinagā masa Jesure ohō saha ni sinituahye:

—Ñu buheyequina peye tahari Cohãcjüre ño peoye tehe, sijire. Sa yeye, tiquina peye tahari Cohãcjüre sinine. Fariseo buheyequina gãhu tiquina yero saha yere. Tiquina sa yepegãta mahu buheyequina pehe ihya, sihnine. Sa ye Cohãcjüre ño peoye tehe, sijierare. ¿Duhse yeye sa yerajari tiquina? niahye tiquina Jesure.

<sup>34</sup> Tiquina sa nigũ Jesu tiquiro tãhotuye mehna quitu dahre buhero taro tiquinare ohõ saha ni yãhtiahye:

—Ohõ saha ijire ti: Omoca dũhteropu tiquina pijioriquina omoca dũhteriquiro mehna ijire, siji masiedare. Sata yãhu buheyequina gãhu yãhu mehna ijire, siji masiedare. Yãhu omoca dũhteriquiro yero saha ijiaja. Omoca dũhteriquiro bose deco tiquiro yegũ tiquiro mehna cjẽna ihyequina ijierare. <sup>35</sup> Yãhu Pacu Cohãcjũ yãhure tiquiro nedi bato pũritare yãhu buheyequina mehna ijisi yãhu. Sa yeye ti pjerãta yãhu buheyequina gãhu sijieta, niahye Jesu.

<sup>36</sup> Panopu cjẽ buheye wahma buheye mehna tiquina buhe more duagũ ihãano ohõ saha ni nemoahye Jesu tiquinare queoye mehna buhero.

—Ne wahma suhtirore meheni cahserogã tãhrẽ ne, muna suhtirore sere ohõno cahmedare. Mari sa sere ohõna wahma cahserore tãhrẽ cohãna niaja. Sa yero wahma cahsero muna suhtiro mehna ihcãno saha bajuerare. <sup>37</sup> Sa yena ne ãhse co bisiye core wãhiquiro cahsero ajuropare muna ajuropare pose yero cahmedare. Sa yegũ ãhse co bisiye pahmuñepu muna ajurore tãhrẽ cãhre. Sa tãhnũgũ ãhse co gãhu, ajuro gãhu cohãa wahare. <sup>38</sup> Sa yena ãhse co wahma core wahma ajuropu pose yero cahmene. (Sata wahma buheye muna buheye mehna buhe moredaro cahmene.) <sup>39</sup> Muna core masa tiquina sihnidi bato, wahma core cahmedare tiquina. Ohõ saha nine masa. “Muna co wahma co bui cjũnogã quehnoãne ijire”, nine masa, niahye Jesu tiquinare.

## 6

### *Judio masa tiquina sori decore trigore peheahye Jesu buheyequina*

(Mt 12.1-8; Mr 2.23-28)

<sup>1</sup> Ape deco saurũ ijigũ Jesu gãhu trigo wesepu esahye. Topu esa, tiquiro buheyequina pehe trigo parorire pehe, ti pjerire sahquẽ site dijio, ti pjerire ihya cã waha wahahye tiquina. <sup>2</sup> Tiquina sa yegũ ihããne meheñequinagã fariseo masa tiquinare sinituahye:

—¿Duhse yena masa saurũ mari sori deco ijiepegãta Cohãcjũ tiquiro dutierari decore dahrajari masa? niahye fariseo masa.

Tiquina sa nigũ tãhoro Jesu tiquinare yãhtiahye “Yãhu buheyequina yãhdũdcaye niedare”, nino taro:

<sup>3-4</sup> —Davi mnanano tiquiro mehna cjẽna mehna ãjua ahbaro, Cohãcjũ wãhupu saã, Cohãcjũ ye pãre ihyahye. Sa ihyaro tiquiro mehna cjẽna gãhure ti pãre ihya dutiro ohoahye. Ti pãre pahia dihita ihya tiahye. Cohãcjũ dutiye ti pãre apeqinare ihya dutierare. ¿Davi mnanano tire tiquiro yerire buherari masa? (Ti pãre ihyarõ Cohãcjüre yãhdũdcaro niedahye. Miare ahri pjerire ihyaye yãhu buheyequina gãhu Cohãcjüre yãhdũdcaye niedare.) <sup>5</sup> Yãhu masu Cohãcjũ ohorigu ahri deco saurũ decore masa tiquina yeatire yahugu ijigu puhto ijiaja, niahye Jesu.

### *Omoca bũhariquiro quitu*

(Mt 12.9-14; Mr 3.1-6)

<sup>6</sup> Ape deco saurũ ijigũ Jesu judio masa tiquina buheri wãhupu saã saro, buheahye masare. Topu omoca poto pehe bũhariquiro ijiahye.

<sup>7</sup> Meheñequinagã judio masare buheyequina, fariseo masa gãhu Jesure

yahusã duamahye. “Saurú decore masunore dohatiyere yahudhoboaga Jesu”, ni, ihña nãnu yahusã duamahye tiquina Jesure. <sup>8</sup> Jesu tiquina tãhotuyere masino, omoca bũhariquirore ohõ saha niahye:

—Wahcãdũcaya. Ohõrũ ahtaya, niahye tiquiro.

Tiquiro sa nidi bato omoca bũhariquiro pehe wahcãdũca, torũ ducuahye.

<sup>9</sup> Sa yero Jesu tiquinare sinituahye.

—Mũsare sinitutja: ¿Saurú ijigũ yabere ye dutiajari Cohãcjũ dutiye?

¿Quehnoañene yegũ quehnoaedajari? ¿Ñañene yegũ pehere quehnoaboagari, mũsa tãhotugũ? Saurú ijigũ masunore masogũ quehnoarĩne. Saurú ijigũ masunore wejẽgũ pehere quehnoaedare. Ñarĩne, niahye Jesu tiquinare.

<sup>10</sup> Sa nino Jesu tiquinare ijipihitiyequinare ihñadoqueo, omoca bũhariquirore ohõ saha niahye tja:

—Mũhũ omocare siõ potoya, niahye tiquiro.

Tiquiro sa nigũta omoca bũhariquiro pehe siõ potogũta, omoca quehnoa wahahye. <sup>11</sup> Tiquiro sa yegũ ihñañe tiquina tiquiro mehna tutuaro usuahye.

—¿Dũhse yenatari mari ahriquirore? niahye tiquina basi.

### *Jesu tiquiro buheyequinare docere tiquiro ohoatiquinare bese docoahye*

*(Mt 10.1-4; Mr 3.13-19)*

<sup>12</sup> Ti decorire Jesu cãnrũ Cohãcjũre sinino mũjaa wahahye. Torũ ijiro, ñamine Cohãcjũ mehna yahuducu bohreahye. <sup>13</sup> Bohrearorũ tiquiro buheyequinare tiquiro caharũ pijioahye. Pijio tuhasa, tiquina mehna cjẽnare doce waro tiquiro ohoatiquinare bese docoahye. Sa ye tiquiro cũriquina wame tiahye. <sup>14-15</sup> Ahriquina ijiahye Jesu tiquiro bese docoriquina: Simo ijiahye. Simore Pedro ni pisuahye Jesu pehe. Simo bahũro Andre, Santiago, Ñu, Felipe, Bartolomé, Mateo, Tomasu, Santiago ijiahye. Santiago pehe Alfeo macũno ijiahye. Sa ye Simo celote ya curua cjẽno ijimediquiro, <sup>16</sup> Juda Santiago bahũro, Juda Iscariote tiquina ijiahye tiquiro bese docoriquina. Juda Iscariote pehe Jesure ihña tuhtiyequinare ihñoatiquiro ijiahye.

### *Jesu peyequina masare buheahye*

*(Mt 4.23-25)*

<sup>17</sup> Sa ye Jesu tiquiro buheyequina mehna cũnũ buirũ ijiriquina dijia taye, peyequina apeqũna tiquiro buheyequina mehna dijia wihidũca, quehnoari paarũ ducuahye tiquina. Ijipihitiorũ Judea yehparũ ijije macari cjẽna, Jerusalẽ cjẽna, Tiro wame tiri maca cjẽna, Sidõ wame tiri maca cjẽna pajiri ma dũhtũ caharũ ijije macari cjẽna masa peyequina tiquiro caharũ wihiahye. <sup>18</sup> Tiquina Jesu buheyere tãhoye tehe, tiquina dohatiyere cohãgũ cahmeahye. Watĩa cũoyequina gũhũ tiquiro caharũ wihi, quehnoa wahahye. <sup>19</sup> Jesu tiquiro tutuaye mehna yahudũgũ yeahye tiquinare. Sa ye tiquina ijipihitiyequina tiquirore dahra tuhuye ahtahye.

### *Jesu bucueye, bũjũa witiye gũhũre buheahye*

*(Mt 5.1-12)*

<sup>20</sup> Came Jesu tiquiro buheyequinare ihña, yahuahye:

—Mũsa pejecũõna, (mũsa ñañene bũjũa witina), Cohãcjũ tiquiro pũtoro ijiorũ wahanata mũsa. Sa yena mũsa bucuenata.

<sup>21</sup> \*Yojoorũre mũsa ujuã ahbana, yapina ijinata. Sa yena bucuenata.

\*Yojoorũ utina ijina, came mũsa bũjũnata. Sa yena mũsa bucuenata.

<sup>22</sup> \*Yũhũ masũ Cohãcjũ ohorigũ ijijaja. Sa yena yeere yena mũsa ijiri buhiri apeqũna mũsare tiquina ihña tuhtiepegũta bucuenata ijire mũsa. Mũsare tiquina cohãepẽgũta bucuenata. Mũsare tiquina ñano yahuducuepegũta “Ñana ijire”, mũsare tiquina niepegũta mũsa pehe bucuenata. <sup>23</sup> Mũsare

tiquina sa yegū ihñano uhmusepu msa esagū pajiro quehnoano yerota Cohācjū msare. Sa yena tutuaro bucuena ijiya. Quehnoano jeripohna tina ijiya. Msare ihña tuhtiequina tiquina acaye panopu cjēna sata ñano yeahye Cohācjū yere yahu mahtariquina gūhare.

<sup>24</sup> Sa yena msa yojopu peye cūona ahri yehrapu msa quehnoano iji cā tuhasari. Sa yena ñano yūhdūna ijinata msa.

<sup>25</sup> Yojopu yapina msa uña ahbanata. Msa sa ijjirina ñano yūhdūnata.

Yojopu msa bujūrina ijinata cameruere utinata. Sa yena ñano yūhdūnata.

<sup>26</sup> “Cohācjū yere yahu mahtana ijiya”, ni mehoñequinare “Quehnoañequina ijire”, nimahye peyequina panopu cjēna. Sa nimeridiquina tiquina acaye yojopu cjēna gūhu sata “Quehnoañequina ijire”, niboaga ihquēquina msa mehna cjēnare. Tiquina sa ninohrina msa ijina ñano yūhdūnata msa gūhu, ni buheahye Jesu.

*Mmsare ihña tuhtiequina tiquina ijiepegūta tiquina gūhare cahñā*  
(Mt 5.38-48; 7.12)

<sup>27</sup> Sa yero ohō saha ni buhe nemoahye Jesu:

—Yūhare tūho duanare, msareta nigu niaja. Msare ihña tuhtiequina tiquina ijiepegūta tiquina gūhare cahñā. Msare ihña tuhtiequinare quehnoano yeya. <sup>28</sup> Msare “Ñano yūhdūhro”, niñequina tiquina ijiepegūta quehnoa dutiya tiquinare. Msare ñano yeyequina tiquina ijiepegūta “Tiquina gūhu quehnoano ijiahro”, ni sini basaya Cohācjūre. <sup>29</sup> Ihcāquiro msa wahsupure tiquiro quēgū, ape sie gūhare quē dutiya tiquirore. Msa bui cjā suhtirore tiquiro ehmagū msa camisa gūhare sa oho cāhña tiquirore.

<sup>30</sup> Msare sinidiquirore tiquiro sinino punota ohoya tiquirore. Msa yere tiquiro negū tiquirore sinitueracāhña pari turi tire. <sup>31</sup> Apequina msare tiquina quehnoano yegū cahmene msa. Tiquinare msa quehnoano yegū cahmeno saha quehnoano yeya tiquina gūhare. Tiquina quehnoano yerapegūta msa pehe tiquinare quehnoano yeya.

<sup>32</sup> Msare cahñequina dihitare msa cahīgū ti ne dahseati ijierare apequina pehere msa cahīedagū. Ñañequina gūhu sata yere. <sup>33</sup> Sa yena msare quehnoano yeyequina dihitare msa quehnoano yegū ti gūhu ne dahseati ijierare apequina pehere msa quehnoano yeragū. Tire ñañequina gūhu yere.

<sup>34</sup> Sa yero “Yūhare wiaya tire”, msa niñequina dihitare msa wasogū ne ti dahseati ijierare. Ñañequina gūhu apequnare “Yūhare wiaya tire”, tiquina niñequinare wasore. <sup>35</sup> Sa yena msa pehe msare ihña tuhtiequina gūhare cahñā. Sa yena tiquinare quehnoano yeya. Apequirore wasona “Yūhare ne wiasi ahriquiro”, ni tūhotuenata tiquirore wasoya. Cohācjū pehe tiquirore “Quehnoare”, nieñequina gūhare, ñañequina gūhare quehnoano yere. Tiquiro yero saha yeya msa gūhu. Msa sa yegū Cohācjū tutuaro quehnoano yerota msare. Sa yena Cohācjū tutua yūhdūariquiro uhmuse cjāno pohna ijinata.

<sup>36</sup> Mari Pacu uhmuse cjāno tiquiro paja ihñariro sahata msa gūhu masare paja ihñā, ni yahuahye Jesu.

*Apequina gūhare “Ñañequina ijire”, niedacāhñā*  
(Mt 7.1-5)

<sup>37</sup> Sa yero tiquinare yahu nemoahye:

—Apequnare “Ñañequina ijire”, niedacāhñā msa. Msa sa niedagū Cohācjū msa gūhare “Ñana ijire”, nisi. Apequina msare tiquina ñano yerire tiquina ñano nidi gūhare boya msa. Msa sa bogū ihñano Cohācjū msa gūhare msa ñañe yerire borota. <sup>38</sup> Apee borore cūona apequnare ohoya. Msa sa ohogū Cohācjū gūhu msare ohorota. Sa ohoro quehnoano

queoro musare pajiro ohorota. Quehnoano wahpa yuhdaro ohorota. Apequinare musa ohoriro punota Cohācjū gāhu musa gāhure ohorota, niahye Jesu tiquinare.

<sup>39</sup> Sa ni tuhasa Jesu quti mehna buhero ohō saha ni yahu nemoahye:

—Caperi bajueyequina sehsaro tiquina basi quehnoano tūā cā masiedare. Sa tūā cāne, tiquina puaropu borā maa sajāa wahaeta copepu. (Sata Cohācjū yere masieñequina apequinare buhe masiedare. Sa ye tiquina ijipihituequina pecapu wahaeta.) <sup>40</sup> Buheyequina tiquinare buheriquirore masi yuhdudacaerare. Sa ijiepetā ijipihituequina buheyequina tiquina quehnoano buhe pehori bato tiquinare buheriquiro yero saha ijietā, niahye Jesu.

<sup>41</sup> Sa ni tuhasa apewe quti mehna yahu nemoahye:

—Mari queoye mehna buhegū ohō saha yena ijire musa: Musa acayuro tiquirop capearu meheni pohcarogā tiquiropore bora sajāgū ti pohcarogāre quehnoano ihñare musa. Musa ya capearu pajiri pji ijiepegūta ti pji ne ihñedare musa. Meheni pohcarogāre musa ihñano saha musa acayuro tiquiropo nāno yeye pehere quehnoano ihñare musa. Musa basi musa ñañene tutuaro yepenata tire masiedare musa pajiri pji ne musa ihñedaro sahata. ¿Duhse yena sa yeajari musa? <sup>42</sup> Ohō saha nina yero saha ijire musa: “Yuhū acayū, ñañene yegū nine mūhu. Sa yegū tire duhuya”, nina yero saha ijire musa. Sa nina ijiepenata pajiro ñañene yere musa pehe. ¿Duhse yena musa ñañene yepenata tire masiedajari musa? Masa ihñono dihita quehnoano iji mehona ijire musa sa yena. Pajiri pji ne musa capearu ijiri pji ne musa ne muhtaboriro saha musa nāno yeye pehere duhu muhtaña. Musa sa yeri bato musa acayuro tiquiropo nāno yeyere duhugū ye masiboaga meheni pohcarogāre musa neboriro saha, ni buheahye Jesu.

*Masa yahuducuyere tñhona tiquina ijiye tiyere masiaja mari  
(Mt 7.17-20; 12.34-35)*

<sup>43</sup> Sa yero queoye mehna buhero ohō saha ni yahu nemoahye tiquinare:

—Quehnoadu yucugū ñañene dūca tierare. Sa yero ñadu quehnoañene dūca tierare. <sup>44</sup> Yucu dūcare masina ture masine musa. Potagu higuera pacare dūca tierare. Sa yero pota dūcugū uhse tōhorine dūca tierare. <sup>45</sup> Sata ijire masa gāhu. Quehnoariquiropo tiquiropo tuhotuyepu quehnoañene ijire. Sa yero tiquiropo quehnoañene yere quehnoadu quehnoañene dūca tiro saha. Nariquiropo tiquiropo tuhotuyepure ñañene ijire. Sa yero tiquiropo ñañene yere ñadu ñañene dūca tiro saha. Mari tuhotuyepu marine ti ijiro saha yahuducujaja mari, ni yahuahye Jesu.

*Pña wñhu yeyequina quitire yahuahye Jesu  
(Mt 7.24-27)*

<sup>46</sup> Sa yero tiquinare yahu nemoahye:

—Musa yuhure “Puhto”, nine. Sa niepenata yuhū dutiye pehere yere musa. ¿Duhse ijiro boro sa yerajari? <sup>47</sup> Ijipihituequina yuhure cahmeñequina yuhū yahuyere tūhore. Sa yeye yuhū dutiyere yuhdudacaerare. Ohō sahata ijire yuhure yuhdudacaeyequina: <sup>48</sup> Wñhu dahreriquiro yero saha ijire tiquina. Tiquiropo uhcañe coperie sehe, wñhure doco dūcare. Ti wñhu quehnoano tiquiropo yeri wñhu ijiro dia minigū tutuaro aco tutuepegūta ti wñhu quehnoano tojoare. <sup>49</sup> Sa yeye yuhū dutiyere tuhoepeta yuhdudacaeyequina pehe wñhure quehnoano yerariquiropo yero saha ijire. Ti wñhure buigā doco, quehnoano ye dūcaerare. Tiquiropo sa yeri wñhu ijiro dia minigū aco tutuagū duita ti wñhu cohō burca wahare. Sa yero ti wñhu tutuaro bora quehea wahare, niahye Jesu.

## 7

*Surara p̄h̄toro cahacj̄n̄ore tiq̄iuro dohatiḡa Jesu ȳh̄d̄hoahye tiq̄iurore (Mt 8.5-13)*

<sup>1</sup> Ti quitire masare yahu tuhasa Jesu ḡuh̄ Capernaup̄ esahye. <sup>2</sup> Top̄ ijiriquiro cien surara p̄h̄toro tiq̄iuro cahacj̄n̄ore tutuaro cah̄ahye. Tiquiro cahacj̄no pehe tutuaro dohatiro, yariarop̄ n̄iahye. <sup>3</sup> Sa yero Jesu yeyere tuhoro, judio masa b̄c̄n̄are Jesu cahap̄ ohoahye p̄h̄toro pehe.

—Dohatiriquirore ȳh̄d̄hoḡ ahtaya, ni, yahu dutiro b̄c̄n̄are ohoahye p̄h̄toro.

<sup>4</sup> Tiquina Jesu cahap̄ esa, oh̄ saha ni tutuaro mehna yahuahye tiq̄iurore: —Surara p̄h̄toro us̄are ohori. Tiquiro cahacj̄n̄ore dohatiriquirore ȳh̄d̄ḡu cahmedi tiq̄iuro. Tiquiro p̄h̄toro pehe quehnoariquiro ijire. Tiquiro sa ijiḡu yedohoya tiq̄iurore. <sup>5</sup> Mari ya maca cj̄n̄are tiq̄iuro cah̄ne. Sa yero tiq̄iuro us̄a buheri w̄h̄ure tiquina yeri wapare wapa yere, n̄iahye b̄c̄n̄a Jesure.

<sup>6</sup> Tiquina sa ni yahuḡu tuhoro Jesu pehe tiquina mehna wahahye. Surara p̄h̄toro ya w̄h̄u cahaḡap̄ tiq̄iuro esaḡu p̄h̄toro pehe tiq̄iuro mehna cj̄n̄are Jesure oh̄ saha ni yahu dutiro ohoahye:

—P̄h̄to, quehnoanota. Ahtaerac̄h̄ña. Quehnoaḡu ijieraja ȳh̄u. Ya w̄h̄up̄ m̄h̄ure saj̄ ta dutiboḡu ijieraja ȳh̄u. <sup>7</sup> Sa yeḡu m̄h̄u cahap̄ wahaeraja. Ȳh̄u sa ijepeḡata m̄h̄u masife mehna ȳh̄d̄u dutiya m̄h̄u tiq̄iurore. M̄h̄u sa yeḡu ȳh̄u cahacj̄no quehnoanota. <sup>8</sup> Ȳh̄ure ȳh̄u bui ijiequina arequina p̄h̄toa dutire. Sa yeḡu ȳh̄u ḡuh̄ surarare dutiaja. Ih̄c̄aquiore “Wahaya”, ȳh̄u niḡu tiq̄iuro wahare. Apequiore “Ahtaya”, ȳh̄u niḡu tiq̄iuro ahtare. Ȳh̄u cahacj̄n̄ore “Ahrire yeya”, ȳh̄u niḡu tire tiq̄iuro yere. M̄h̄u ḡuh̄ dutiḡata ijire. Sa yero m̄h̄u dutiro saha tiq̄iuro dohatiriquiro ȳh̄d̄ḡota, ni yahu dutiahye surara p̄h̄toro.

<sup>9</sup> Tiquiro sa niḡu tuh̄o maria waharo, peyequina masa tiq̄iuro mehna ijiequinare majared̄ca sa, yahuahye:

—Masare niita niaja. Tiquiro surara p̄h̄toro Israe mas̄no ijieriquiro Coh̄cj̄re tutuaro wac̄u tutuare. Tiquiro cahacj̄n̄ore ȳh̄u ȳh̄d̄ḡu yeatire masi tuhasare. Israe masare ne ahriquiore yero saha ijiequinare ih̄ñeda tir̄u ȳh̄u, n̄iahye Jesu.

<sup>10</sup> Tiquiro sa nidi bato surara p̄h̄toro Jesu cahap̄ tiq̄iuro ohoriquina tiquina p̄h̄toro ya w̄h̄up̄ tojoa wahahye. Tojoa sa dohatiriquiro ȳh̄d̄riquirop̄re ih̄ñahye tiquina.

*Jesu wape wihoro mac̄n̄ore masoahye*

<sup>11</sup> Came cj̄noḡa Nai wame tiri macap̄ Jesu tiq̄iuro buheyequina mehna peyequina masa mehna wahahye. <sup>12</sup> Ti macare saj̄ari sopecaha cahap̄ tiq̄iuro esaḡu yariariquirore masa ne wijja taye n̄iahye. Yariariquiro pacoro wape wihoro ijiyahye. Ih̄c̄aquiota ijiriquiro yariahye. Sa ye to cj̄na masa peyequina ticoro mehna wahahye. <sup>13</sup> Tiquina sa wahaḡu ih̄ñano Jesu ticorore paja ih̄ñahye.

—Utierac̄h̄ña, n̄iahye Jesu ticorore.

<sup>14</sup> Sa nino yariariquiro tiq̄iuro masa putire ña peoahye. Tiquiro sa ña peoḡu ih̄ñañe ti putire w̄ayequina pehe esad̄cahye.

—Mac̄u, ȳh̄u m̄h̄ure oh̄ saha niaja. Wahc̄a nujuña, n̄iahye Jesu.

<sup>15</sup> Tiquiro sa nidi bato yariariquiro m̄n̄ano wahc̄a nuju, yahuducuahye. Sa yero Jesu tiq̄iurore tiq̄iuro pacorore wiahye. <sup>16</sup> Tiquiro sa yeḡu ih̄ñañe tiquina ijipihtiequina cuea wahahye. Sa yeye tiquina Coh̄cj̄re ño peo, oh̄ saha n̄iahye:

—Cohācjū yere yahu mǎhtariquiro masi yǎhduariquiro yojopǎ pūritare mari watoa ijire, niahye tiquina.

—Cohācjū marine tiquiro yequinare yedohoro wihi tuhasare, niahye apequina.

<sup>17</sup> Sa yeye ijipihtiyequina Judea yehpa cjēnare ti yehpa dahtǎ cahapǎ ijiye macari cjēnare Jesu yerire masa yahu site pehoahye.

*Ñu wame yeriquiro tiquiro buheyequinare Jesure sinitu dutiahye (Mt 11.2-19)*

<sup>18</sup> Sa ye Jesu yerire ihñañe Ñure yahuahye tiquiro buheyequina. Sa tiquina yahugǎ tǎhoro pǎarore tiquiro cahapǎ pijio, <sup>19</sup> Jesure sinitu dutiro ohoahye Ñu. Ohō saha ni sinitu dutiahye:

—¿Ñu “Yuhǎ bato apequiro ahtarota”, tiquiro nidigata ijijari mǎhǎ? ¿Tiquiro nidigǎ mǎhǎ ijieragǎ apequirore cohtenatari ǎsǎ? ni sinitu dutiahye Ñu pǎaro tiquiro buheyequinare.

<sup>20</sup> Sa ye tiquina Jesu cahapǎ esa, sinituahye tiquirore:

—Ñu wame yeriquiro mǎhǎre sinitu dutiro ohori ǎsǎre. ¿Ñu “Yuhǎ bato apequiro ahtarota”, tiquiro nidigata ijijari mǎhǎ? ¿Tiquiro nidigǎ mǎhǎ ijieragǎ apequirore cohtenatari ǎsǎ? ni sinituahye tiquina Jesure.

<sup>21</sup> Ti pjeta peyequina dohatiyequinare, watǎ cǎoyequinare, caperi bajueyequinare yǎhdugǎ yeahye Jesu. <sup>22</sup> Sa yero Ñu ohoriquinare Jesu yǎhtiahye:

—Yojopǎre mǎsa ihñarire mǎsa tǎhorire Ñure yahuna wahaya: Ohō saha niña: “Caperi bajueyequina ihñare. Tini masieñequina tinine. Cami ahbariquina quehnoa wahare. Tǎhoerariquina tǎhoa wahare. Yariariquina masaa wahare. Tiquina ijipihtiyequinare quehnoa wahagǎ yei yuhǎ. Sa yegǎ pejecǎoyequinare quehnoañe buheyere yahuaja. <sup>23</sup> Yuhǎre tǎhoriquiro ‘Poto ijire’, nidiquiro tiquiro bucueriquiro ijire”, Ñure ni yahuna wahaya, niahye Jesu.

<sup>24</sup> Ñu buheyequina tiquina wahari bato Jesu pehe Ñu tiquiro ijiye tiyere yahu dǎcahye peyequina masare:

—Masa marienopǎ esana, taare wihnono wēdoqueo mǎjagǎ ihñana eserari mǎsa. <sup>25</sup> “Quehnoañe suhti sañariquirore ihñana wahañhna”, niedari mǎsa masa marienopǎ wahana. Quehnoañe suhti sañañequina wapa bujǎyere cǎoyequina pǎhtoa ye wǎhǎsepǎ ijire. Masa marienopǎ ijierare. <sup>26</sup> Masa marienopǎ esana Cohācjū yere yahu mǎhtariquirore ihñana esari mǎsa. Ijirota ijire. Ñu Cohācjū yere yahu mǎhtariquiro ijire. Apequina Cohācjū yere yahu mǎhtariquina yǎhdoro ijiriquiro ijire tiquiro pehe. <sup>27</sup> Panopǎ Cohācjū yere tiquina ojoari pǎpǎ Ñure ohō saha ni yahuahye:

Mari Pacǎ tiquiro macǎnore ohō saha niahye: “Mǎhǎ pano mǎhǎre yahuyu-atiquirore ohogutja. Mǎhǎ wihiatore quehnoyurota tiquiro”, niahye Cohācjū, ni ojoahye panopǎre Ñure.

<sup>28</sup> Mǎsare poto niita naja. Apequina masa ijipihtiyequina bui ijire Ñu. Ahri decoripǎre tiquiro sa ijiepegǎta Cohācjū tiquiro pǎhtoro ijiropǎre ijipihtiyequina docapǎ ijiriquiro pūrta Ñu bui ijire, niahye Jesu masare.

<sup>29</sup> Tiquiro sa nigǎ tǎhoye ijipihtiyequina masa, wapa ne cohteyequina mehna Ñu tiquiro wame yenhriquina ijiye ohō saha ni tǎhotuahye Cohācjūre. “Cohācjū poto yeriquiro ijire”, ni tǎhotuahye tiquina. <sup>30</sup> Fariseo masa pehe, judio masare buheyequina gǎhǎ Ñu wame yenhriquina iji



duerahye. Sa ye tiquinare Cohācjū yequina tiquiro ye duagū cahmedahye tiquina.

<sup>31</sup> Sa yero Jesu pari turi yahuahye:

—¿Yojorū cjēna masa disequina yero saha ijijari tiquina, mūsa tūhotugū?  
<sup>32</sup> Tiquina macanagā yero saha ijire. Apequina tiquina cahmeno saha yeragū bucuere tiquinagā. Doeri cjē duarorū apepe dujiye, ohō saha ni pisuducure tiquinagā basi: “Mūsa basatire usā putipemi. ¿Dūhsena mūsa basaerari usā putipegū? Usā tutuaro ñehe quea utipe, sañuducumi. ¿Mūsa pehe dūhsena usā mehna utiperari?” niducuyequina yero sahata ijire yojorū cjēna gūhū. Yojorū cjēna tiquina cahmeno saha usā yeragū ihñañe bucuere tiquina gūhū. <sup>33</sup> Ōnu wame yeriquiro Cohācjūre ño peoro taro sijiro, vinore sihniedare. Tiquiro sa sihniedagū ihñana, “Watūnore cūore. Sa yero tūho masieniquiro ijire”, nimesi mūsa tiquirore. <sup>34</sup> Yūhū masū Cohācjū ohorigū ijigū, yūhū ihya sihniaja. Yūhū sa yegū ihñana ohō saha nine mūsa yūhū pehere. “Ihñaña. Ahriquirō pajiro ihyariquirō, queheriquiro ijire. Wapa ne cohteyequina, ñano yevequina gūhū tiquina mehna piti tiriquirō ijire tiquiro”, nine mūsa yūhūre. Sa nina macanagā yero saha yahuducuna ijire mūsa. Mūsa cahmeno saha usā yeragū bucuere mūsa. <sup>35</sup> Sa masiedapenata usā ye ihñorige ihñana, Cohācjū yere usā masigū masinata mūsa, ni yahuahye Jesu.

### *Simo wame tiriquirō fariseo masūno ya wūhūpū ijiahye Jesu*

<sup>36</sup> Fariseo masūno tiquiro ya wūhūpū ihya dutiro pijiahye Jesure. Tiquiro sa pijigū Jesu tiquiro ya wūhūpū esa, tiquina ihyari mesa caharū nuju sahye. <sup>37-38</sup> Ti macapūre ñañe yericooro ijiahye. Jesu fariseo masūno ya wūhūpū tiquiro dujigū ticoro tūhoahye. Sa tūhoro alabastro mehna yeriare ehme sitiye pose tiriare ne cāhta, Jesu behero peherū wihidūca, utiahye. Sa utiro, Jesu dahpocārine ticoro yahco co mehna weo, ticoro poari mehna wūoahye. Tiquiro dahpocāri wūagū ihñano ticoro tiquiro dahpocārine ihmi, ehme sitiye mehna pio peoahye. <sup>39</sup> Ticoro sa yegū ihñano fariseo masūno Jesure pijiriquirō tiquiro basi ohō saha ni tūhotumahye: “Ahricoro tiquirore ñehe tuhuricooro ñañe yericooro ijire. Ahriquirō Jesu Cohācjū yere yahu māhtariquirō ijiro tire masiboaga”, ni, tūhotumahye. <sup>40</sup> Tiquiro sa ni tūhotuyere masino Jesu yahuahye tiquirore:

—Simo, yojorū pūritare mūhūre yahu duaja, niahye Jesu.

—¿Buhēgū, yūhūre dūhse ni yahu duajari mūhū? niahye Simo.

<sup>41</sup> Tiquiro sa nigū Jesu ohō saha ni queoye mehna buhe yahuahye:

—Pūhtorore pūaro wapamoñequina ijiahye. Ihcāquirō wapamoriquirō quinientes niñeru cjoerire wapamoahye. Apequirō pehe cincuenta niñeru cjoerire wapamoahye. <sup>42</sup> Sa ye tire tiquina wapa ye masiedagū ihñano tiquiro tiquina wapamoñene wapa ye dutierahye. ¿Yojorū pūritare diquirō pehe wapamoriquirō tiquiro pūhtorore cahī yūhdūrotari? ni sinituahye Jesu.

<sup>43</sup> Simo yūhtiahye:

—Ōbah, pajiro wapamoriquirō mehenogā wapamoriquirō yūhdūoro tiquiro pūhtorore cahīboaga, niahye Simo.

—Poto yūhtiri mūhū yūhūre, niahye Jesu.

<sup>44</sup> Sa ni tuhasa tiquirore pio peoricorore majare ihñā, Jesu Simore yahu nemoahye:

—Ahricorore ihñaña mūhū. Mūhū ya wūhūpū yūhū sajā wihiri bato yūhū dahpocārine coseati acore yūhūre ohocerari mūhū. Ahricoro pehe ticoro yahco co mehna yūhū dahpocārine weo, ticoro poari mehna wūori yūhūre.

<sup>45</sup> Mūhū pehe yūhūre piti ca ihmiedari. Ahricoro pehe ohōpū yūhū dujiro puno yūhū dahpocārine ihmidi. <sup>46</sup> Mūhū pehe yūhū dapure ūhse mehna

pio peerari. Ticoro pehe yahũ dahpocãrine ehme sitiye mehna pio peori.  
 47 Sa nigũ mahãreta yahuguta niaja. Ahricoro ticoro ñañe yeye pe yahũdãye ijire. Sa ijieperota ticoro tutuaro cahĩne yahũre. Sa yegũ ticoro ñañene bou. Sa yeye tiquina ñañene mehenogã yahũ bonohriquina mehenogã cahĩne yahũre, niahye Jesu Simore.

48 Sa ni tuhasa tiquiro ticorore yahuahye:

—Yojopũ pũritare mahũ ñañe yeyere bou, niahye Jesu.

49 Tiquiro sa nigũ tahoye Jesu mehna dujiyequina tiquina basi ohõ saha ni yahuducuahye:

—Ahriquiro potota ñañe yeyere boriquiro ijire. ¿Dãhse ijiriquiro boro ijiajari ahriquiro ñañene boriquiro? niahye tiquina basi.

50 Sa yero Jesu numinore ohõ saha ni yahuahye:

—Yahũre mahũ wacũ tutuagũ mahũre pecapũ wahaborigore yahũdũoaja. Cuero marieno mahũ ya wãhũpũ tojoaa wahaya, niahye Jesu ticorore.

## 8

### *Numia Jesure yedohoahye*

1 Came bajũye macaripũ, daye macarigãpũ gãhũre esa, Cohãcjũ tiquiro pũhoro ijyere quehnoañe buheyere yahuahye Jesu. Doce tiquiro buheyequina pehe tiquiro mehna ijiahye. 2 Sa ye numia gãhũ watĩa cõmediquina numia, dohatimediquina numia Jesu quehnoa wahagũ tiquiro yeriquina numia tiquiro mehna tiniahye. “María”, tiquina nidicorore “Magdalena”, ni pisue tiahye ticorore. Ticorore siete wafãre Jesu cohãhye to pano. Sa yero ticoro gãhũ Jesu mehna tiniahye. 3 Chuzã wame tiriquiro Herodere yedohomediquiro namono Juana gãhũ Jesu mehna tiniahye. Susana wame tiricoro gãhũ apeqũna numia mehna peyequina tiquina cõoye mehna Jesu gãhũre yedohoahye.

### *Jesu oteriquiro quitire yahuahye*

(Mt 13.1-9; Mr 4.1-9)

4 Sa ye peye macari cjẽna Jesu cahapũ cahmecoahye. Tiquina sa cahme-coari bato Jesu tiquiro tahotuye mehna queoye mehna tiquinare yahuahye buhero taro:

5 —Oteriquiro otero wahahye. Tiquiro sa otegũ apeye pjeri maha dũhtũ cahapũ borã quehe sahye. Sa yeye ti pjerire masa cãhta diho cũahye. Sa ye minicjũa pari pehe ti pjerire ihyahye. 6 Sa ye apeye pjeri atã paca watoa bora quehe sahye. Topũ yehpãpũ aco mariedahye. Sa ye ti pjeri pihni wahcãdũca ñaia wahahye. 7 Apeye pjeri taa watoa bora quehe sahye. Taa pehe ti oteye mehna pihniahye. Taa pehe dia yahũdũa waha, oteyere wejẽahye. 8 Apeye pjeri quehnoari yehpãpũ bora quehe sahye. Quehnoano pihni, dũca tiahye. Sa ye peye dũca tiahye, niahye Jesu.

Sa ni tuhasa ohõ saha tutuaro ni nemoahye:

—Ahrire quehnoano tahoya mũsa, niahye tiquiro.

### *Jesu queoye mehna tiquiro buherire yahuahye*

(Mt 13.10-17; Mr 4.10-12)

9 Came tiquiro buheyequina ti queoyere masi duaye, Jesure sinituahye: —¿Ahri queoye mehna dãhse ni yahugũ nijari mahũ? ni, sinituahye tiquina.

10 Tiquina sa nigũ Jesu yahũtiahye:

—Cohãcjũ masa pũhoro tiquiro ijyere panopũ apeqũna tiquina masiedarire mũsare masigũ yerota Cohãcjũ. Apeqũna pehere sa yerare



<sup>23</sup> Sa pehãno carĩa wahahye Jesu. Tiquina sa pehãducuroꝛꝛu tutuaro wihnono wēahye. Wihnono wēgū bujaye pahcōri wahcã, tiquinare mio cãmahye. Sa waharo miono cua yãhdũahye tiquinare. <sup>24</sup> Sa wahagū ihñañe, acuaa waha, Jesu caharũ waha, tiquiore wahcōahye.

—Buhegũ, mari yariana tana niajá, niahye tiquina.

Tiquina sa nigū Jesu pehe wahcã, wihnonore,

—To punota wē duhuya, niahye.

Sa nino pahcōri gũhare,

—Yũsua wahaya, niahye.

Tiquiro sa nigũta wihnono yãhdũa wahahye. Sa ye pahcōri gũhũ yũsũ dijjaa wahahye. <sup>25</sup> Sa wahari bato Jesu tiquinare ohõ saha niahye:

—¿Mũsa yũhare wacũ tutuerajari? niahye tiquiore.

Tiquiro sa nigū tiquina pehe cue, acuaa waha, tiquina basi ohõ saha ni yahuducuahye:

—¿Yohou, dũhse ijiriquire boro masũno ijiajari ahriquire? Ahri wihnono, pahcōri gũhũ tiquiore dutigũ yãhdũucaerare tiquiore, niahye tiquina basi.

*Watĩa cõoriquire yãhdũoahye Jesu  
(Mt 8.28-34; Mr 5.1-20)*

<sup>26</sup> Sa ye tiquina ape sie pahrẽꝛũ Gerasa cjẽna ya yehparũ pehã sahye. Ti yehpa Galilea yehpa poto ijiahye. <sup>27</sup> Topũ Jesu tiquiore maja sadũcagũ waro to cjãno watĩa cõoriquire tiquiore caharũ ahtahye. Tiquiro yoari pje suhti marieniquiro ijiro, tiquiore ya wũhũpũre ne ijierahye. Sa yero masa coperi utãꝛũ tiquina seheri coperi caharũ ijie tiahye tiquiore. <sup>28-29</sup> Sa ye peye tahari watĩa tiquiore ñeheahye. Sa yero tiquiore peresupũ ijigũ tiquiore omocarine, dahpocãrine come dari mehna dũhteriquiro ijieperota, ti darire tũã sure mũjãhye. Sa ye watĩa pehe tiquiore masa marienopũ ne cã mũjãe tiahye. Sa yero tiquiore Jesure ihñaadoqueo, tutuaro sañuducu, Jesu caharũ dũsepe curi mehna quehe sahye. Tiquiro sa yegũ ihñano Jesu pehe tiquiore dutiahye:

—Ahriquire mehna ijieracãhña. Wahaya watĩa, niahye.

Tiquiro sa nigũ tũhoro watĩa cõoriquire tutuaro sañuducu, sinituahye Jesure:

—¿Jesu, hũmũse cjũ Cohãcjũ macũ yabere yei tũũ niajari mũhũ yũhare? Yũhare ñano yeracãhña, niahye watĩa cõoriquire.

<sup>30</sup> Tiquiro sa nigũ Jesu pehe sinituahye tiquiore:

—¿Dũhse wame tiajari mũhũ? niahye.

Peyequina watĩa tiquiore mehna ijiahye. Sa yero ohõ saha niahye tiquinare cõoriquire.

—Watĩa peyequina wame tiaja usã, ni, yũtiahye watĩa cõoriquire.

<sup>31</sup> —Uhcũãri coperũ usãre waha dutieracãhña, ni, tutuaro siniahye watĩa pehe.

<sup>32</sup> Ti pjere topũ cãnũ dahpotopũ yesea peyequina ihyaye niahye. Tiquina topũ ihyagũ ihñañe watĩa ohõ saha ni siniahye Jesure:

—Sisequina yesea caharũ waha dutiya usãre. Tiquina mehna iji dutiya usãre, ni, siniahye watĩa.

Tiquina sa nigũ tũhoro Jesu tiquinare yesea caharũ waha dutiahye.

<sup>33</sup> Tiquiro sa waha dutiri bato watĩa pehe masũno mehna ijimediquina waha, yesea caharũ esahye. Tiquina caharũ tiquina esari bato yesea pehe pari cjãꝛũ oma maa buhaa waha, ditararũ bora ñojoa mini yaria pihtia wahahye.

<sup>34</sup> Yeseare cohteyequina yesea tiquina sa minigũ ihñañe, cue, oma cãa wahahye. Sa oma cã macarũ esa, ti maca cjẽnare, ihquẽ wũhũse ijiro cjẽna gũhare tiquina ihñarire yahu siteahye. <sup>35</sup> Tiquina sa yahu siteri bato masa ihñañe wahahye. Sa ye Jesu caharũ esa, watĩa cõomediquire

suhti sañariquiro taho masiniquiro tiquiro dujigū ihñahye tiquina. Tiquina ijipihtiyere ihñañe, tiquina cue niahye. <sup>36</sup> Watia cūomediquiro tiquiro quehnoa wahaire ihñañequina apequinare tiquina ihñarire yahuahye. <sup>37</sup> Ti pjeta Gerasa yehpa cjenā peyequina Jesure tutuaro cueye, tiquirore waha dutiahye. Tiquina sa waha dutigū Jesu yuchasapū sajā, waharo taro niahye. <sup>38</sup> Watia cūomediquiro Jesu wahato pano tutuaro sinimahye tiquirore:

—Mūhū mehna waha duaja, ni sinimahye.

<sup>39</sup> Tiquiro sa nigūta Jesu tiquirore yūhtiahye:

—Mūhū ya macapū wahaya. Sa wahagū Cohācū mūhare tiquiro yerire yahuya apequinare, niahye Jesu.

Tiquiro sa nidi bato waha, tiquiro ya macapū esaro, masano pehe Jesu tiquirore yerire ijipihtiyequina tiquiro ya maca cjenare yahuahye.

*Jairo maconore yūhdūoro, dii mūna wihoro dohatiducuricoro gūhare yūhdūoahye Jesu*

(Mt 9.18-26; Mr 5.21-43)

<sup>40</sup> Ape sie pahrēpū Jesu pari turi tiquiro pehā sagā ihñañe masa peyequina tiquirore cohte, bucueye mehna piti cahye tiquirore. <sup>41-42</sup> Topū judio masa buheri wūhū cohteriquiro Jairo wame tiriquire Jesu cahapū esa, tiquiro dahpocāri cahapū dūsepe curi mehna quehe sahye tiquirore ño peoro. Tiquiro macono yariaro niahye. Ticoro ihcācorota ijiricoro doce cahmari cūoricoro ijiahye. Sa yero tiquiro ya wūhūpū Jesure piji cahye. “Au”, ni, tiquiro mehna wahahye Jesu gūha.

Mahapū tiquina sa wahagū pe yūhdūayequina masa ijiye, wahpa yūhdūahye. <sup>43</sup> Sa yero apecoro numino doce cahmari waro dii mūna dohatiducuricoro topū ijiahye. To pano duturuare ijipihtiyē ticoro ye niñeru mehna wapa yemahye ticoro aco ye dutiro. Tiquina sa aco yepēgūta mūnanota ijiducu cahye ticoro. <sup>44</sup> Sa yero ticoro Jesu behero pehepū ahta, tiquiro suhtiro sohtoare ticoro ñehe tuhugūta ticoro dohatiye pihtia wahahye. <sup>45</sup> Ticoro sa ñehe tuhugū tahoturo Jesu sinituahye.

—¿Noa yūhū suhtirore ñehe tuhujari? niahye tiquiro.

Ijipihtiyequina “Ñehe tuhuerū”, niahye. Sa ye Pedro gūhū ohō saha niahye:

—Buhegū, bihsarīne. Sa yeye masa peyequina mūhare ñehe tuhure. ¿Dūhsegū sa ni sinituajari mūhū? niahye tiquina Jesure.

<sup>46</sup> Tiquina sa nigū Jesu yūhtiahye:

—Mianogāta yūhū yūhdūgū yei ihcācorore. Sa yegū yūhare ticoro ñehe tuhugū masiaja, niahye tiquiro.

<sup>47</sup> Tiquiro sa nigū tūhoro ticoro duhti masiedaro, nanarericoro Jesu cahapū dūsepe curi mehna quehe sahye tiquirore ño peoro. Sa ye ijipihtiyequina masa tiquina tūhoropū ticoro dohatiyere, Jesure ticoro ñehe tuhurire, ticoro quehnoa wahaire yahuahye ticoro. <sup>48</sup> Ticoro yahu tuhasagū Jesu ticorore yahuahye:

—Maco, yūhare mūhū wacū tutuaye mehna quehnoago tojoare yojopare. Bucueye mehna wahaya, niahye ticorore.

<sup>49</sup> Tiquiro sa nini watoa Jairo ya wūhūpū ijiriquiro yahuro wihiahye:

—Mūhū macogā yariaa wahari. Sa yegū buheriquirore piji cāhtaeracāhña, niahye tiquiro.

<sup>50</sup> Tiquiro sa nigū tūhoro, Jairore ohō saha ni yahuahye Jesu:

—Būjūa witi tūhotueracāhña. Yūhare wacū tutuaya. Ti dihitare yeya. Mūhū sa yegū ticorogā masaa waharota, niahye Jesu.

<sup>51</sup> Sa ni tuhasa tiqiuero ya wuhupɛ esa, Pedro, Ñu, Santiago, dohatiricoro pacusɛmna topequinata ne sajāhye. Apequina pehere Jesu sajā dutierahye.

<sup>52</sup> Topɛ ijipihtiyequina masa tiquina ñehe quea utiri watoa sajā sahye Jesu. —Ūtieracāñña. Ticorogā yariere. Carīno nine, niahye tiqiuero.

<sup>53</sup> Tiquero sa nigū tuhoye tiquina pehe ticoro yariaricoro ijigū masiñe, Jesure bujahye. “Sa ni maca cāno nine”, ni bujahye. <sup>54</sup> Sa yero Jesu ticorogā omocare ñehe, pisuahye:

—Mehenicorogā wahcāñña, niahye.

<sup>55</sup> Tiquero sa nigūta yariaricoro masaa waha, wahcādɛca sahye ticorogā. Ticoro wahcādɛcari bato Jesu ticorore ihyayere oho dutiahye. <sup>56</sup> Ticoro sa masagū ihñañe ticoro pacusɛmna ihñña maria wahahye. Sa yero Jesu tire apequinare yahu dutierahye.

## 9

### *Jesu doce tiqiuero buheyequinare buhe dutiro ohoahye* (Mt 10.5-15; Mr 6.7-13)

<sup>1</sup> Sa ye Jesu docere tiqiuero buheyequinare pijio, tiqiuero tutuayere ohoahye tiquinare. Watāre tiquina cohātire, dohatiyequinare yuhdɛgū yeati gāhɛre tiqiuero tutuayere ohoahye tiquinare. <sup>2</sup> Sa ye tuhasa tiquinare Cohācǰū tiqiuero puhtoro ijiyere buhe dutiro, dohatiyequinare yuhdɛo dutiro ohoahye tiquinare. <sup>3</sup> Ohō saha ni dutiahye Jesu tiquinare:

—Musa wahana apee borore nedacāñña. Tua dɛre, ajurore, ihyayere, niñerure nedacāñña. Musa sañano dihitare saña cāñña. Apeye suhtire nedacāñña. <sup>4</sup> Ijipihtiye macaripɛ masare tiquina carīno ohogū ti wuhupata ijiniñña. Coā wahanapɛ wijiaya ti wuhɛre. <sup>5</sup> Apeye macari cǰēna masare tiquina cahmedagū ihññana ti macarine yuhdɛ cāa wahaya. Sa wahana musa dahpocāri cǰē dihta esa wahārire wejē site cūñña musa tiquinare tiquina ye buhirire masigū yena, niahye Jesu.

<sup>6</sup> Tiquero sa nidi bato tiqiuero buheyequina pehe waha, ijipihtiye macaripɛ quehnoañe buheyere yahu tiniahye. Sa ye dohatiyequinare yuhdɛoe tiahye.

### *Jesu tiqiuero yerire Herode tuhohahye* (Mt 14.1-12; Mr 6.14-29)

<sup>7</sup> Sa ye Herode Galilea yehpa cǰēna puhtoro Jesu yerire tuhohahye. “¿Noa boro ijijari tiqiuero Jesu?” niēperota ne masiedahye. Ihquēquina ohō saha nimahye Jesure. “Ñu wame yeriquero mɛnano masa majahye. Sa yero ‘Jesu’, tiquina nidiquero tiqiuero iire”, nimahye ihquēquina. Tiquina sa nigū tahoro Herode Jesure dahse ni masiedahye. <sup>8</sup> Sa ye apequina “Tiquero Elia mɛnano yojopɛ bajuaro nine”, nimahye. Apequina pehe “Cohācǰū yere yahu mɛhtariquina panopɛ cǰēna mehna cǰāno yojopɛ masa bajuaro nine”, nimahye Jesure. <sup>9</sup> Tiquina sa ni yahuducuepegūta ohō saha ni tuhohahye Herode: “Ñu dapure dɛte sure duti tuhasaɛ yuhɛ. ¿Yojopɛre ijiriquero masa tiquina yahuriquero noa boro ijiboagari tiqiuero pehe?” ni, tuhohuro tiqiuero Jesure ihñña duamahye.

### *Jesu cinco mil masare ihyayere ohoahye* (Mt 14.13-21; Mr 6.30-44; Jn 6.1-14)

<sup>10</sup> Sa ye Jesu tiqiuero ohoriquina tiqiuero cahapɛ tojoa sa, tiquina yerire yahuahye Jesure. Tiquina yahu tuhasagū Jesu tiquina dihitare Betsaida wame tiri macapɛ siho wahahye. <sup>11</sup> Tiquina waharire masiñe, masa peyequina tiquinare nɛnɛ tā cāa wahahye. Jesure tiquina ɛmɛ sagū ihñño piti

cahye Jesu tiquinare. Sa yero tiquiro Cohācjū pūhtoro ijijere tiquinare yahu, dohatiyequinare yūhdugū yeahye.

<sup>12</sup> Nāmicahapū doce tiquiro buheyequina tiquiro cahapū esa, Jesure yahuahye:

—Ohō masa marienopū ijire. Ohō majano cĵē wāhūserū ahriquina masare ohoya. Cariato, tiquina ihyati gāhūre maca dutiya tiquinare, niahye tiquina Jesure.

<sup>13-14</sup> Tiquina sa nigū Jesu yūhtiahye tiquinare:

—Sa niedacāhña. Ihyayere ohoya tiquinare, niahye.

Tiquiro sa nigū tūhoye tiquina yūhtiahye:

—Ihcā omope paca pā paca, pūaro wahi to punota cūoaja mari. ¿Ahriquina peyequina masa tiquina ihyatire dūboagari ūsā? niahye tiquiro buheyequina.

Peyequina masa tiquina ijigū ihñañe sa niahye tiquiro buheyequina. Topare cinco mil ūmūa ijiahye. Sa yero Jesu yahuahye tiquiro buheyequinare:

—Cincuenta masare ihcā curua duji dutiya. Apeye cururi gāhūre topequinata duji dutiya, niahye Jesu tiquiro buheyequinare.

<sup>15</sup> Tiquiro sa nigū buheyequina tiquiro dutiriro sahata ye, ijipihtiyequina masare duji dutiahye. <sup>16</sup> Duji duti tuhasa Jesu ihcā omope paca pā pacare pūaro wahire ne, ūhtūanopū ihña mūoahye. Sa ihña mūono Cohācjūre “Quehnoare”, niahye. Tiquiro sa nidi bato pā pacare nuha, tiquiro buheyequinare masare iti dutiro ohoahye. <sup>17</sup> Sa ye tiquina ijipihtiyequina masa ihya, yapi yūhdūa wahahye. Tiquina yapi wehorire doce pūhūse ne cahme-coa wahpo dapoahye tiquiro buheyequina.

*Jesu potota Cristo tiquiro ijijere Cohācjū ohoriquiro tiquiro ijijere yahuahye Pedro*

*(Mt 16.13-19; Mr 8.27-29)*

<sup>18</sup> Ihcā deco Jesu ihcāquirota ijiro, Cohācjūre sinino niahye. Tiquiro sinini watoa tiquiro buheyequina tiquiro cahapū esahye. Sa yero Jesu sinituahye tiquinare:

—¿Noa boro ijiagari yūhū, masa yūhūre tiquina tūhotugū? ni sinituahye.

Tiquiro sa sinitugū tūhoye tiquiro buheyequina yūhtiahye:

<sup>19</sup> —“Nū wame yeriquiro ijire”, nine mūhūre. Apequina “Elia ijire”, nine. Apequina “Cohācjū yere yahu mūhtariquina mehna cĵāno ranopū cĵāno masa bajoaro nine yojopare”, nine, ni yūhtiahye tiquiro buheyequina pehe tiquirore.

<sup>20</sup> Tiquina sa nidi bato Jesu tiquinare sinituahye tja:

—¿Mūsa pehe mūsa tūhotugū, noa boro ijiagari yūhū? ni, sinituahye tja.

—Mūhū Cristo Cohācjū ohorigū ijire, ni yūhtiahye Pedro.

*Jesu tiquiro yaria masa wijiatiye yahuahye*

*(Mt 16.20-28; Mr 8.30-9.1)*

<sup>21</sup> Sa ye Pedro “Cristo ijire mūhū”, tiquiro nidire apequinare Jesu yahu site dutierahye tiquiro buheyequinare. <sup>22</sup> Sa ni yahu site dutiera tuhasa ohō saha ni nemoahye:

—Yūhū masū Cohācjū ohorigū tutuaro ñāno yūhdūta. Sata yūhdūro cahmene yūhūre. Sa ye mari judio masare buheyequina, būcūna, pahia pūhtoa mehna yūhūre cahmeda, yūhūre wejēeta. Tiquina wejēdi bato ihtia deco wahaboro masa wijiagutja, niahye Jesu tiquinare.

<sup>23</sup> Came ijipihtiyequinare ohō saha ni yahuahye Jesu:



—Ihcãquiro yaquiro iji duaro, tiquiro cahmeno ye duamedire duhu cãnota. Sa yero yaquiro tiquiro ijiri buhiri ñano yãhdæperota yãhure duhusi. Sa yero yeere yeducuriquiro ijirota. <sup>24</sup> Masano yãhure wacũno marieno tiquiro esa tuharo tiquiro cahmeno saha yero, pecarũ waharota. Sa yero yeere sa yeducuriquiro ijipihitiye decori yãhũ mehna uhmũsepũ ijiducurota. <sup>25</sup> ¿Ihcãquiro masano ahri yehpa cãene ijipihitiyere cãoriquiro Cohãcãure cahmedaro pecarũ waharo, yabere wapatajari tiquiro? Sa ijiriquiro ne wapataerare. <sup>26</sup> Ihquẽquina yãhure, yãhũ buheye gãhure bue tisãboaga. Tiquina sa yegũ ihñagũ yãhũ gãhũ yãhure sa yeyequinare bue tisãgãtja. Yãhũ masũ Cohãcãũ ohorigũ quehnoañequina angele mehna usã asi siteropũ, yãhũ Pacũ tiquiro asi siteropũ tojoa tagũ tiquinare bue tisãgãta. <sup>27</sup> Poto niita njaja mũsare. Yojoapare ihquẽquina mũsa ohõrpãre ijyequina mũsa yariato pano Cohãcãũ ijipihitiyequina bui pũhoro tiquiro iji ducagũ ihñanata mũsa, njahye Jesu tiquinare.

*Jesu tiquiro pagure comesahye*  
(Mt 17.1-8; Mr 9.2-8)

<sup>28</sup> Sa ye ocho decori tire tiquiro yahuri bato Jesu Pedrore, Ñure, Santiagore tiquina dihitarẽ pijjahye. Sa ye waha, Cohãcãure siniñe waha, cãũpũ mũjaa wahahye tiquina. <sup>29</sup> Cohãcãure tiquiro sinini watoa Jesu ya wãhdoa comesahye. Sa yero tiquiro suhtiro asi siteri suhtiro quehnoano yehseri suhtiro wahahye. <sup>30</sup> Tiquiro sa wahari watoa pãaro mũna tiquiro mehna yahuducuyẽ njahye. Yahuducuyequina pehe Elia mũnãno, Moise mũnãno gãhũ ijjahye. <sup>31</sup> Tiquina uhmũse cãe asi siteye mehna bajuahye. Jesu camegãta Jerusalẽpũ tiquiro yariatire tiquina Jesu mehna yahuducuyẽ njahye. <sup>32</sup> Pedro gãhure wãjua purĩ yãhdũahye. Sa carĩepeta acua, wahcã wihi, Jesu tiquiro asi siteyere ihñañe, pãaro tiquiro mehna ducuyequina gãhure ihñahye. <sup>33</sup> Moise mũnãno gãhũ tiquina wahato panogã Pedro Jesure ohõ saha njahye:

—Pũhto, mari ohõre ijigũ quehnoa duare. Ihtia wãhũgã yematja. Mũhũ ya wãhũgã, Moise ya wãhũgã, Elia ya wãhũgã yematja, njahye Pedro.

Sa nieperota tiquiro nidire ne masiedahye. <sup>34</sup> Tiquiro sa ni yahuducuri watoa tiquinare ehmeo curua cahmotahye. Sa cahmotagũ ihñañe tiquina cuea wahahye. <sup>35</sup> Sa yero ehmeo puhĩapũ yahuducuyẽ bisiro ca tahye:

—Ahriquiro yãhũ macũ, yãhũ beseriquiro ijire. Quehnoano tãhoya tiquirore, nino ca tahye ehmeo curua puhĩapũre.

<sup>36</sup> Tiquiro sa nidi bato Jesu dihitarẽ ihñahye tiquina. Came tiquina ihñarire apeqũnare yahuerahye. Ne ihcãquirore yahuerahye.

*Jesu watĩno cãoriquirogãre yãhdũoahye*  
(Mt 17.14-21; Mr 9.14-29)

<sup>37</sup> Ape deco tiquina cãũpũ tiquina dijia tagũ peyequina masa Jesure piti cahye. <sup>38</sup> Sa yero tiquina mehna cããno Jesure pisuahye:

—Buhegũ, mũhure tutuaro ahrire sini duaja yãhũ. Yãhũ macũ ihcãquirota ijire. Sa yegũ tiquirore ihñã basaya mũhũ. <sup>39</sup> Watĩno tiquirore ñehe, sañuducu tunu nanaregũ ye, sahpo tua wahagũ yee tire. Sa yero watĩno yãhũ macũre ñano yãhdũgũ ye, ne duhu duerare. <sup>40</sup> Mũhũ buheyequinare watĩnore cohã dutigũ tutuaro sinimi. Yãhũ sa sinipegũta tiquina tiquirore cohã masiedari, njahye tiquiro Jesure.

<sup>41</sup> Tiquiro sa nigũ Jesu pehe ohõ saha njahye tiquiro buheyequinare:

—Yojoba cĵena mĵsa ñana ijire. ¿Yahare ne wacū tutuerabutiajari? Yoabutiari pje mĵsare buhemi yahū. ¿Noho puno yoari pje yahare mĵsa cariboboagari? ni tuhtiahye Jesu.

Sa ni tuhasa watĵa cĵoriquiro pacĵore ohō saha niahye:

—Mĵhū macĵre ne cĵhtaya, niahye.

42 Tiquiro sa nidi bato tiquiro macĵno Jesu cahapĵ tiquiro ahtari watoa watĵno pehe tiquirore yehparĵ doque quehe sa, tunu nanaregū yeahye. Tiquiro sa yegū Jesu watĵnore waha dutĵahye. Tiquiro sa dutĵgū watĵnore cĵoriquirogā yĵhdĵa wahahye. Sa yero Jesu pehe tiquirogāre wiahye tiquiro pacĵore. 43 Ijipihitiyequina masa Cohĵcĵū tutuaye mehna tiquiro quehnoa wahagū ihĵaĵe, ihĵa maria wahahye.

*Pari turi Jesu tiquiro yaria masa wijiatire yahuahye*

*(Mt 17.22-23; Mr 9.30-32)*

Masa Jesu tiquiro yerire tiquina ihĵa, ihĵa maria wahagū Jesu pehe tiquiro buheyequinare ohō saha ni yahuahye:

44 —Mĵanogāta yĵhū yahuatire boeracĵhĵa mĵsa. Yĵhĵre Cohĵcĵū tiquiro ohorigĵre apeqiro yĵhĵre ñehe dutiro ohorota masare, niahye Jesu.

45 Tiquiro sa niepegāta tiquina pehe tiquiro yahuyere quehnoano tĵhoerahye. Tiquiro yahurĵre tiquinare masino basioerahye. Ti pĵeta Cohĵcĵū tiquinare tire tĵho dutiero niahye. Sa ye tiquina cueye, tire tiquirore sinituerahye.

*Jesu buheyequina tiquina mehna cĵĵnore pĵhto sō duamahye*

*(Mt 18.1-5; Mr 9.33-37)*

46 Came Jesu buheyequina cahme sehĵa soye niahye:

—¿Mari mehna cĵĵno diquiro pehe pĵhtoro sajĵnotari? niĵe niahye tiquina basi.

47 Tiquina sa nigū Jesu pehe tiquina tĵhotuyere masino, nijnogāre tiquiro cahapĵ ducu duti, tiquiro buheyequinare yahuahye:

48 —Yeere yena tana ahriquirrogāre cahmena, yĵhū gĵhĵre cahmene mĵsa. Sa yena yĵhĵre cahmena, yĵhĵre ohoriquiro gĵhĵre cahmene mĵsa. Mĵsa mehna cĵĵno mĵsa cahacĵĵno ijiro tiquiro gĵhū pĵhtoro ijirota, niahye Jesu.

*Marine ihĵa tuhtiriquiro ijieraro, mari mehna cĵĵno ijire*

*(Mr 9.38-40)*

49 Came Ņu Jesure ohō saha ni yahuahye:

—Buhegĵ, mĵhū wame mehna watĵare cohĵriquirore usā ihĵau. Mari mehna cĵĵno tiquiro ijieragū ihĵana tire tiquirore ye dutierĵ usā, niahye Ņu Jesure.

50 Tiquiro sa nigū Jesu Ņure apeqina buheyequina gĵhĵre ohō saha ni yahuahye:

—Sa niedacĵhĵa mĵsa tiquirore. Marine ihĵa tuhtiriquiro ijieraro, tiquiro mari mehna cĵĵno ijire, niahye Jesu tiquiro buheyequinare.

*Jesu Santiagore, Ņu gĵhĵre tuhtiahye*

51 Ti pĵere Jesu ŵhmĵsepĵ tiquiro wahato panogā, “Jerusalĵpĵ wahatĵa”, niahye tiquiro. Sa nino topĵ waharo niahye. 52 Sa ye Jesu tiquiro pano ohoriquina waha, Samaria yehpa cĵā macapĵ esa, topĵ Jesu tiquiro ijiatire quehno duamahye. 53 Jesu Jerusalĵpĵ waharo taro niahye. Topĵ waha-tiquiro tiquiro ijĵgū tĵhoeye, to cĵĵna tiquirore cahmedahye. 54 Tire tĵhoeye Santiago, Ņu mehna yahuahye Jesure:

—Pĵhto, mĵhū cahmegū ŵhmĵse cĵā peca mehna tiquinare wejĵ dutinata, nimahye tiquina tiquirore.

<sup>55</sup> Tiquina sa nigū Jesu majare ihña, tuhtiahye tiquina p̄narore.

<sup>56</sup> Sa tuhti tuhasa, ape macar̄m̄ Jesu gūh̄m̄ wahaa wahahye.

*Apequina Jesu mehna wahamahye*  
(Mt 8.19-22)

<sup>57</sup> Ti mahar̄m̄ tiquina wahagū, ihcāquiro Jesure yahuahye:

—Mūh̄m̄ mehna waha duaja noho mūh̄m̄ waharop̄m̄, niahye tiquiro.

<sup>58</sup> Tiquiro sa ni tuhasagū Jesu yūhtiahye:

—Ihquēquina n̄c̄m̄ cjēna wahiquina tiquina coperi c̄uore. Minicj̄m̄ gūh̄m̄ tiquina suhti c̄uore. Yūh̄m̄ mas̄m̄ Cohācj̄m̄ ohoriḡm̄ pehe yūh̄m̄ car̄ni wūh̄m̄ c̄uoraja, niahye Jesu.

<sup>59</sup> Came apequirore Jesu pijiahye:

—Yūh̄m̄ mehna cj̄m̄ ijiacj̄m̄ ahtaya, niahye.

Tiquiro sa nigū yūhtiahye Jesure:

—Puhto, yūh̄m̄ pac̄m̄ tiquiro yariagū yarīḡm̄tja. Sa ya tuhasaḡm̄ pūr̄ita mūh̄m̄ mehna wahaḡm̄tja, niahye tiquiro.

<sup>60</sup> Tiquiro sa nigū Jesu yahuahye:

—Yūh̄m̄re cahmeeñequina yariariquina yero saha ijire. Tiquina pehe yariariquinare yaahro. Sa yeḡm̄ mūh̄m̄ pehe Cohācj̄m̄ tiquiro puhtoro ijiyere quehnoañe buheyere buheḡm̄ ahtaya, niahye Jesu tiquirore.

<sup>61</sup> Sa yero apequiro Jesure ohō saha niahye:

—Puhto, mūh̄m̄ mehna wahaatja. Mūh̄m̄ mehna yūh̄m̄ wahato pano yūh̄m̄ acayere cohe tini wahaatja, niahye tiquiro Jesure.

<sup>62</sup> Tiquiro sa nigū Jesu yahuahye tiquirore:

—Dahrariquiro dahra dueraro tiquiro dahseatiquiro ijierare. Tiquiro yero sahata ijiriquiro ohō saha ijire: “Cohācj̄m̄ yere ye duaja”, nieperota tire yerare. Tiquiro Cohācj̄m̄ yaquiro ijiboriquiro ijierare, niahye Jesu.

## 10

*Jesu setenta y dos buheyequinare buhe dutiro ohoahye*

<sup>1</sup> Came Jesu apequina buheyequinare setenta y dos buheyequinare bese, macarip̄m̄ tiquiro wahato pano ohoyuahye. Ti macarine p̄neyequina dihita ohoyuahye tiquiro. <sup>2</sup> Sa ohoyuro ohō saha ni yahuahye tiquinare queoye mehna buhero:

—Trigo peye ti b̄nc̄m̄ tuhasagū peye ijigū dahraye pajiro ijire. Sa ijiepegāta dahrayequina pehe meheñequinagā ijire. Sata quehnoañe buheyere t̄hoatiquina peyequina ijigū pajiro ijire mari dahraye. Sa ijiepegāta meheñequinagā dahrari masa yero sahata quehnoañe buheyere buhea-tiquina gūh̄m̄ meheñequinagā ijire. Sa yena quehnoañe buheyere buhea-tiquinare apequinare tiquiro ohoatire siniña Cohācj̄m̄re m̄sa. <sup>3</sup> Wahaya m̄sa. M̄sare yūh̄m̄ ohogū m̄sa oveja pohne yayia watoa tiquina ijiro sahata m̄sa gūh̄m̄ ñañequina usuayequina watoa ijinata. <sup>4</sup> Niñeru ajurore, paj̄i cj̄m̄i ajuro gūh̄m̄re, dahpo suhtire nedacāhña. M̄sa mahar̄m̄ tinina apequinare boca sa yahuducueracāhña. Poto wahaya. <sup>5</sup> Ijipihtiye m̄sa sajan̄e wūh̄m̄sep̄m̄ sajan̄a, “Ahri wūh̄m̄ cjēna quehnoano ijiagro”, ni m̄htaña.

<sup>6</sup> Ti wūh̄m̄ cjēna quehnoano mehna ijieyequina cahmequeno marieñequina tiquina ijigū, tire niña tiquinare. Quehnoano mehna tiquina ijieragū ihñana ti wūh̄m̄ cjēnare sa niedacāhña. <sup>7</sup> Ihcā wūh̄m̄p̄m̄ saj̄ saducana tiquina quehnoañequina ijigū ti wūh̄m̄p̄m̄ta tojoaya. Top̄m̄ tiquina duhu peorire ihya, sihniña. Dahrarequinare tiquina wapatayere neno cahmene. Sa yena tiquina wapatayere tiquina neno sahata tiquina duhu peorire neña m̄sa gūh̄m̄. Sa yena ihcā wūh̄m̄p̄m̄ta m̄sa esari wūh̄m̄p̄m̄ta ijina, ti maca cjē

wuhusepɛ carī tiniedacāhña. <sup>8</sup> Macapure mɛsa esana to cjēna pehe mɛsare tiquina cahmeñequina ijigū ti ihyayere tiquina duhu peorire ihyaya. <sup>9</sup> To cjēna dohatiyequinare yuhduoya. Sa yena ohō saha niña to cjēnare: “Cohācjū yojopure mari pūhtoro tiquiro ijiatī mehenogā dahsare”, niña tiquinare. <sup>10</sup> Ape macapɛ mɛsa esagū tiquina pehe mɛsare cahmedaboaga. Tiquina cahmedagū ihñana ti maca decopɛ waha, ohō saha niña tiquinare. <sup>11</sup> “Ahri maca cjē dihtare dahpocāri cjē dihtare wejē site cohāna niaja usāre mɛsa cahmedari buhiri ihñona. Sa yena ahrire wacūña. Cohācjū mari pūhtoro yojopure tiquiro ijiatī mehenogā dahsare”, niña tiquinare. <sup>12</sup> Mɛsare poto niña niaja. Sodoma cjēna ña yuhduayequina ijiahye. Tiquina sa ijiepegūta pihtiatī deco ijigū Cohācjū tiquiro buhiri dahreati deco ijigū Sodoma cjēna yuhduoro mɛsare cahmeñequina pehere buhiri dahrerota, niahye Jesu.

*Apeye macari cjēna Cohācjūre yuhduɛsayequina ijire  
(Mt 11.20-24)*

<sup>13</sup> Came Jesu ohō saha niahye macari cjēnare:

—Corazín cjāna, mɛsa ñano yuhduyata. Betsaida cjāna, mɛsa gūhɛ ñano yuhduyata. Mɛsa ye macaripure Cohācjū tutuaye mehna ye ihñomi. Tiro wame tiri macare, Sidō wame tiri maca gūhɛ tiquiro tutuaye mehna yuhɛ ye ihñogū ihñañe panopɛ to cjēna pehe tiquina ñañene bujua witiaboaga. Sa ye quehnoañene comesaboaga. Duita tiquina masa dija suhtire saña, tiquina basi peca cjē nujuare tiquina bui dahra site peoboaga tiquina ñañene bujua witiyere ihñoñe. <sup>14</sup> Cohācjū tiquiro buhiri dahreati deco ijigū Tiro cjēna, Sidō cjēna yuhduoro mɛsa pehere mɛsa ñari buhiri mɛsare tutuaro buhiri dahrerota tiquiro. <sup>15</sup> Capernau cjāna, mɛsa esa tuharo uhmusepɛ waha duamene. Mɛsa sa waha duepegūta mɛsa ñari buhiri mɛsare Cohācjū pecapɛ cohānota, niahye Jesu.

<sup>16</sup> Sa ni tuhasa Jesu tiquiro buheyequinare yahuahye:

—Mɛsare tahoyequina yuhɛ gūhɛre tuhore. Mɛsare cahmeñequina, yuhɛ gūhɛre cahmedare. Sa ye ye yuhɛre cahmeñequina, tiquina yuhɛre ohoriquiro gūhɛre cahmedare, niahye Jesu tiquinare.

*Setenta y dos buheyequina tojoa wihiahye*

<sup>17</sup> Came setenta y dos buheyequina bucueye mehna tojoa wihiahye:

—Pūhto, mūhɛ wame mehna mūhɛ tutuaye mehna watīare usā dutigū tiquina pehe usāre yuhduɛcaerare, niahye tiquina Jesure.

<sup>18</sup> Tiquina sa nigū Jesu yuhhtiahye tiquinare:

—Uhmusepɛ mia sitedoque dijioro sahata, watīno tiquiro bora dijia tagū ihñan. <sup>19</sup> Quehnoano tuhoya. Mɛsare yuhɛ tutuayere ohou yuhɛ. Sa yegū añaa parire, cutipa parire, watīnore marine ihña tuhtiriquirore mɛsa yuhduɛcatire ohou yuhɛ. Sa ye tiquina mɛsare ñano ye masiedare. <sup>20</sup> Yuhɛ sa ohoepegūta watīa mɛsare tiquina yuhduɛcaeragū ihñana ti dihtare bucueracāhña. Ahri pehere bucueya. Uhmusepɛ Cohācjū yequina tiquina wamene tiquiro ojoa ohōri tjurɛ mɛsa wamene tiquiro ojoa ohōgū ihñana, ti pehere bucueya mɛsa, niahye Jesu tiquinare.

*Jesu bucueahye  
(Mt 11.25-27; 13.16-17)*

<sup>21</sup> Ti pjere Espiritu Santo Jesure tutuaro bucuegū yeahye. Sa yero Jesu ohō saha niahye:

—Mai, mūhɛ uhmusepɛ gūhɛre yehrapɛ gūhɛre pūhto ijire. Masi yuhduɛsayequinare mūhɛ yahuerarire ihyo ijieyequina pehere yahuri mūhɛ. Mūhɛ sa yegū ihñagu “Quehnoa yuhduare”, niaja. Sata ijire mai. Mūhɛ

ye duariro sahata, m̄h̄u cahmediro sahata tiquinare m̄h̄u yere yahuri m̄h̄u, niahye Jesu.

Sa ni tuhasa apequinare ohō saha niahye:

<sup>22</sup> —Ȳh̄u Pac̄u ijp̄ihtiyere ȳh̄ure ohori. Ȳh̄u Pac̄u dihita ȳh̄ure masine. Ȳh̄u ḡh̄u tiquirore masiaja. Ȳh̄u beseriquina ḡh̄u tiquirore masine, ȳh̄u masi dutiyequina ijiye. Topequinata ȳh̄u Pac̄ure masiaja us̄a, niahye Jesu.

<sup>23</sup> Tiquiro sa nidi bato tiquina sehsaro ijiḡu Jesu tiquiro buheyequinare ohō saha niahye:

—Ahri ijp̄ihtiyere m̄sa ih̄ana bucuena ijire. <sup>24</sup> Ijirota ijire. Peyequina Coh̄ac̄j̄u yere yahu m̄htariquina, ih̄quē yehpari c̄j̄ena p̄h̄toa ḡh̄u yōjor̄u m̄sa ih̄narire ih̄na duamahye tiquina ḡh̄u. Sa ye m̄sa t̄h̄ori ḡh̄ure t̄h̄o duamahye, niahye Jesu.

### *Quehnoariquiro Samaria c̄j̄ano quitire yahuahye Jesu*

<sup>25</sup> Ti pjeta judio masare buheriquiro Jesu cahap̄u wihi, Jesure tiquiro ñano yahuducuḡu ye duamahye:

—¿Buhegu, ȳh̄u ijp̄ihtiyere decori Coh̄ac̄j̄u mehna iji duagu d̄h̄se yeboagari ȳh̄u? ni, sinituahye tiquiro Jesure.

<sup>26</sup> Tiquiro sa niḡu Jesu ȳhtiahye tiquirore:

—¿D̄h̄se ni yahuajari Coh̄ac̄j̄u yere tiquina ojoari p̄p̄u? ¿Coh̄ac̄j̄u tiquiro ni ojoarire d̄h̄se ni t̄h̄otujari m̄h̄u? niahye Jesu tiquirore.

<sup>27</sup> Jesu sa niḡu tiquiro ȳhtiahye:

—Ohō saha niahye Coh̄ac̄j̄u: “Tutuario m̄sa jeripohnari mehna, quehnoano m̄sa tutuaye mehna, m̄sa wac̄ñe mehna Coh̄ac̄j̄ure cah̄ña. Sa ye m̄h̄u basi m̄h̄u cah̄ño saha m̄h̄u cahap̄u ijiyequina ḡh̄ure cah̄ña”, niahye tiquiro Jesure.

<sup>28</sup> Tiquiro sa niḡu Jesu ȳhtiahye:

—Potota nine m̄h̄u. Tire yeya. Sa yegu ijp̄ihtiyere decori Coh̄ac̄j̄u mehna ijiḡta m̄h̄u, niahye tiquirore.

<sup>29</sup> “Ahriquiro Coh̄ac̄j̄u dutiyere ye pehoriquiro ijire”, masa tiquirore tiquina ni ih̄naḡu cahmeahye judio masare buheriquiro. Sa cahmeno tiquiro Jesure ohō saha ni sinituahye:

—¿Noa boro ijiboagari ȳh̄ure m̄h̄u cah̄i dutiriquiro? niahye tiquiro.

<sup>30</sup> Tiquiro sa niḡu Jesu ohō saha ni queoye mehna piti dahre buheahye:

—Ihc̄a deco Jerusal̄p̄u ahtariquiro Jericórp̄u wahariquirore mahap̄u tiquiro tiniḡu yaqueyequina tiquirore ñeheahye. Sa ñeheñe, tiquiro suhtirore tu we ne, tiquirore tutuario quēahye. Sa tutuario quē, tiquiro yariaro taro yeḡu duuahye tiquina tiquirore. <sup>31</sup> Ti pjeta pah̄i ti mahap̄u ahtahye. Sa ahtaro tiquina quēdiquirore ih̄naeperota maha ape sie d̄ht̄u cahap̄u ȳh̄du c̄a wahahye. <sup>32</sup> Sa ye Coh̄ac̄j̄u w̄h̄p̄u dahrariquiro ḡh̄u pejec̄oriquiro cahap̄u esa, tiquirore ih̄na, maha ape sier̄u ȳh̄du c̄a wahahye. <sup>33</sup> Sa ye Samaria c̄j̄ano pehe top̄u waha, yoa c̄j̄unop̄u pejec̄oriquirore ih̄na, tiquirore paja ih̄nahye. <sup>34</sup> Sa yero tiquiro pejec̄oriquiro cahap̄u esa, h̄se, vino mehna moredire tiquiro camine pio peohye. Pio peo tuhasa suhtiro cahsero mehna d̄hteahye tiquiro camine. Tuhasa, pejec̄oriquirore tiquiro yaquiro burro bui duhu peo, car̄ni w̄h̄p̄u ne c̄ahye tiquirore. Top̄u ijiro, Samaria c̄j̄ano quehnoano ih̄na ihboahye tiquirore. <sup>35</sup> Ape deco tiquiro car̄ni w̄h̄u up̄rore p̄na cjoē niñeru cjoerire ohō, ohō saha niahye: “Ahriquirore ih̄na ihboya. Ahri esa tuhaeraḡu pari turi tojoa taḡu wapa ye pehoutja”, niahye Samaria c̄j̄ano w̄h̄u up̄rore, niahye Jesu.

<sup>36</sup> Sa ni tuhasa judio masare buheriquirore sinituahye Jesu:

—¿Ahriquina ihtiaro m̄m̄a diquiro pehe ijiajari pejec̄oriq̄uore cah̄idiquiro? niahye Jesu.

<sup>37</sup> Tiquiro sa nigū t̄horo buheriquiro pehe Jesure yahtiahye:

—Pejec̄oriq̄uore yedohoriquiro ijiaja tiquirore cah̄idiquiro, niahye tiquiro Jesure.

—Wahaya. M̄m̄u ḡh̄u masare sata yei wahaya, niahye Jesu buheriquirore.

### *Marta, María ḡh̄u cah̄u tiniahye Jesu*

<sup>38</sup> Sa ye Jesu tiquiro buheyequina mehna tiquina wahagū, ape macar̄u tiquina tinigū, Marta wame tiricoro tiquinare ticoro ya w̄h̄ur̄u sajā ta dutiahye. <sup>39</sup> Ticoro bahoro María tiquiro dahpoc̄ari cah̄u duji, tiquiro buheyere t̄hoahye. <sup>40</sup> Ticoro sa yegū ih̄ñano Marta ticoro dahraye peye ijigū usuahye. Sa yero ticoro Jesure yahuahye:

—¿P̄h̄to, ȳh̄u ih̄c̄ota dahragū ȳh̄ure ȳh̄u baho ticoro yedohoeragū m̄h̄ure quehnoajari, m̄m̄u ih̄ñagū? Ticorore ȳh̄ure yedoho dutiya, niahye Marta Jesure.

<sup>41</sup> Ticoro sa nigū Jesu yahtiahye:

—Marta, dahraye peye c̄ogo pajiro t̄hoture m̄m̄u. <sup>42</sup> Coh̄c̄j̄u tiquiro yere t̄ho dutire. María quehnoañene yero taro, tire cahmene. Sa yegū ȳh̄ure ticoro t̄hogū “Yedohogo wahaya”, niedaja ticorore, niahye Jesu Martare.

## 11

### *Jesu Coh̄c̄j̄ure siniñene buheahye*

*(Mt 6.9-15; 7.7-11)*

<sup>1</sup> Ihcā deco Jesu Coh̄c̄j̄ure sinino niahye. Tiquiro sini tuhasagū, ihcāquiro tiquiro buheyequina mehna c̄j̄ano tiquirore ohō saha niahye:

—P̄h̄to, Ñu tiquiro buheyequinare tiquiro buheriro sahata Coh̄c̄j̄ure siniñene usā ḡh̄ure buheya m̄m̄u, niahye tiquiro Jesure.

<sup>2</sup> Tiquiro sa nigū t̄horo Jesu tiquinare yahuahye:

—Ohō saha Coh̄c̄j̄ure siniña: “Ūsā Pac̄u, ūhm̄se c̄j̄u m̄m̄u quehnoagū sa ijiducure. Yojoȳure ijipihtiyequina p̄h̄to ijiya. <sup>3</sup> Sa yegū decorige usā ihyatire ohoducuya us̄are. <sup>4</sup> Apequina us̄are tiquina ñañe yerire usā boaja. Sa yegū m̄m̄u ḡh̄u usā ñañe yerire boya. Sa yegū usā ñañene ye duagū usā tutuaro cahmegū ih̄ñagū tire us̄are ye dutiegūta”, ni siniña Coh̄c̄j̄ure, niahye Jesu tiquinare.

<sup>5</sup> Came Jesu quiti mehna tiquiro buheyequinare ohō saha ni buheahye:

—Ihcāquiro ñami decorige tiquiro acaȳro ya w̄h̄ur̄u waha, tiquirore siniñahye: “Ȳh̄u acaȳu, ihtiar̄a p̄a pacare ohoya ȳh̄ure. <sup>6</sup> Apequiro ȳh̄u acaȳro tinino ahtariquiro mianoḡata ya w̄h̄ur̄u wihiri. Sa yegū tiquirore ȳh̄u nuati mariedare”, niahye tiquiro acaȳrore. <sup>7</sup> Tiquiro sa nigū tiquiro acaȳro w̄h̄u puh̄ar̄u ijiriquiro yahtiahye: “Ȳh̄ure cariberoac̄h̄ña. Sopecaha bihar̄iro ijire. Ȳh̄u, ȳh̄u pohna mehna car̄ina niaja. Wahc̄ano p̄eraga ȳh̄ure m̄h̄ure ihyayere ohoborigū”, niahye tiquiro acaȳro. <sup>8</sup> ¿Dahse waharotari sinidiquirore? Poto niaja m̄sare. Tiquiro acaȳro ijieperota, ihyaye ohoboriguero wahc̄a duerahye. Tiquiro wahc̄a duerap̄egūta ihyaye sinidiquiro pehe b̄e tiro marieno tiquiro yoari p̄e siniducugū ijipihtiyequiro sinidiro sahata ohorota. <sup>9</sup> Sa yegū ahrire m̄sare ni yahugū niaja: Coh̄c̄j̄ure siniña. Sa sinina m̄sa nenata. M̄sa sinidire bocanata. Tiquirore sa siniducuya. M̄sa sa yegū tiquiro ohorota. <sup>10</sup> Ijipihtiyequina Coh̄c̄j̄ure

siniñequina neeta. Sa ye tiquina sinidire bocaeta. Sa yero ijiphiytequina Cohācjüre sa siniducuyequinare tiquiro tiquinare ohorota.

<sup>11</sup> ¿Musa pohna musare wahire tiquina sinigū añare ohoboagari musa tiquinare? <sup>12</sup> ¿Musa pohna canaca dñere tiquina sinigū cutipare ohoboagari musa tiquinare? Ne ohosi. <sup>13</sup> Musa ñana ijiepenata musa pohnare quehnoañene ohoe tiri musa. Sa yero Cohācjü pehe musa ohori yuhduoro quehnoañene ohore musare. Tiquiro mari Pacu uhmase cjäno Espiritu Santore ohorota tiquirore siniñequinare, niahye Jesu tiquiro buheyequinare.

—*Jesu watño tutuayere core, ni, yahusāhye masa*  
(Mt 12.22-30; Mr 3.20-27)

<sup>14</sup> Ti pjere Jesu watñore cohāno niahye. Watño pehe yahuducu masiedagū yeahye masñore. Sa yero watño masñore tiquiro duhuri bato masño pehe yahuducu dñahye. Tiquiro yahuducugū tūhoye masa peyequina tūho maria wahahye. <sup>15</sup> Tiquina sa tūho mariepegūta apequina pehe ohō saha niahye:

—Ahriquiro Jesu watñare tiquiro cohāgū Beelzebú wame tiriquiro watña pñtoro pehe tiquirore yedohore, niahye apequina.

<sup>16</sup> Apequina “¿Jesu Cohācjü tiquiro ohoriquiro ijijari?” ni masi duaye tiquirore Cohācjü tutuaye mehna ye ihño dutimahye. <sup>17</sup> Tiquina sa dutigū tūhoro “Watño tutuaye mehna watñare cohāre”, ni, tiquina tūhotuyere masino, tiquinare ohō saha ni yahuahye Jesu, “Watño ye tutuaye mehna watñare cohāgu niedaja”, nino taro:

—Ihcā yehpa cjēna tiquina basi cahmequeñe, ti yehpa cjēna yaria pihtia wahaboaga. Sa ye ihcā wññu cjēna tiquina basi cahmequeñe, ti wññu cjēna waha pihtia wahaboaga. <sup>18</sup> Sa ye, watño yequina watña tiquina basi cahmequeñe, tiquina watña gññu waha pihtia wahaboaga. Ihcā curua iji masiedaboaga. Musa yuhare ohō saha nine. “Tiquiro watño tutuaye mehna watñare cohāre”, musa yuhare nina niaga. <sup>19</sup> ¿Yuhare musa nidi poto ijigū musa mehna cjēna watñare cohāñe watño tutuaye mehnata cohājari tiquina gññu, musa ihñagū? Musa mehna cjēna watñare cohāñe, watño tutuaye mehna cohāñe niedare. Ahrire masina watño tiquiro tutuaye mehna watñare yññu cohāedagū masinata musa. <sup>20</sup> Sa yegu yññu pehe watñare cohāgu Cohācjü tutuaye mehna cohāja. Ahrire masina, Cohācjü tiquiro pñtoro iji dñayere masinata musa.

<sup>21</sup> Tutuariquiro tiquiro ye wamoah mehna tiquiro ya wuhare tiquiro ihña ihbogū tiquiro yere apequina yaque masiedare. <sup>22</sup> Tiquiro sa ihña ihboepagūta apequiro tutua yuhduriquiro tiquiro mehna cahmeque, tiquirore yuhdññca, tiquiro ye wamoare ehma cá, tiquiro yere ehma cāhre. Ohō sahata ye yuhdññcaro cahmene watñare. <sup>23</sup> Ihcāquiro yuhare cahmedaro, yuhare ihña tuhtiriquiro ijire. Ihcāquiro yuhare yedohoeraro yuhare ñano yero nine, ni buheahye Jesu.

—*Watño pari turi masñore tiquiro sajāri quitire yahuahye Jesu*  
(Mt 12.43-45)

<sup>24</sup> Sa yero tiquiro tūhotuyeh mehna ohō saha ni queoyeh mehna buheahye tiquinare:

—Watño masño mehna ijiriquiro waha, tiquiro aco marieni yehpau tinino, tiquiro ijiatore macamahye. Bocaeraro, ohō saha ni tūhotuahye: “Masño yññu duhuriquiro mehna pari turi ijigu wahatja”, ni, tūhotuahye tiquiro. <sup>25</sup> Sa nino tiquiro tojoa waha, masñore bocahye. Sa tiquiro bocagū masño pehe quehnoariquiro ijimahye. <sup>26</sup> Sa yero watño apequina siete watñare tiquiro yuhduoro ñañequinare pijiro wahahye. Tiquiro sa pijigū



tiquina ijipihitieuquina watīa masano mehna ijiahaye. Sa yero masano pehe to pano ihcāquiro watīnoro curo, űariquiro ijimahaye. Camerū pehere peyequina watīare cūoriquiro ijiro, to pano tiquiro ijiriro yūhduro űa yūhdūariquiro ijiahye, niahye Jesu.

### *Jesu bucueyere yahuahye*

<sup>27</sup> Tīre tiquiro sa nigū masa watōa ijiricoro numino Jesure yahuahye:

—Mūhure pohna tiricoro, mūhure apūoricoro bucuericoro ijire, niahye Jesure.

<sup>28</sup> Ticoro sa ni tuhasagū tūhoro Jesu ticorore yahtiahye:

—Cohācjū yahuducuyere tūhoyequina tiquiro dutiyere yeyequina tiquinata ijiaga bucueyequina, niahye Jesu ticorore.

### *Masa űañequina Jesure Cohācjū tutuaye mehna ye ihño dutiahye*

*(Mt 12.38-42; Mr 8.12)*

<sup>29</sup> Sa ye peyequina masa Jesu caharū tiquina wihigū, tiquiro tiquinare yahu nemoahye:

—Yojoṛū cjēna űañequina ijire. Yūhure poto nigū yūhū ijiyere tiquina masi duaye, Cohācjū tutuaye mehna yūhū ye ihñogū ihña duamene. Tiquina sa ihña duepegūta Jona panorū cjēno Cohācjū tutuaye mehna tiquiro yeri dihitare ihñonota Cohācjū tiquinare. <sup>30</sup> Jona Cohācjū yere yahu māhtariquiro ijiro, tiquiro Nīnive wame tiri maca cjēnare Cohācjū yere tiquiro masigū yeriro sahata yūhū masū Cohācjū ohorigū masigū yeaja yojoṛū cjēnare. <sup>31</sup> Buhiri dahreati deco ijigū pūhtoro sur cjōno panorū cjōno ducu, yojoṛū cjēnare “űana ijire mūsa”, ni yahusānota ticoro. Ticoro Salomo panorū cjēno tiquiro masīfene tūho duaro yoarorū ahri yehpa ape sieṛa ijiricoro Salomore tūhoro ahtahye. Sa yero quehnoano yero niahye yojoṛū cjēna yūhduro. Sa yero ticoro yahusānota yojoṛū cjēnare. Sa nigū mū sare poto niita niaja. Yojoṛū mū sare yūhū buheye Salomo tiquiro buheri yūhduro ijire. <sup>32</sup> Buhiri dahreati deco ijigū Nīnive wame tiri maca cjēna gūhū ducu, yojoṛū cjēnare “űana ijire mūsa”, ni yahusāeta tiquina. Jona tiquinare Cohācjū yere tiquiro yahugū tūhoye, tiquina űañene būjūa witi, quehnoañene cahmeahye tiquina pehe. Sa cahmeñe quehnoano yeye niahye yojoṛū cjēna yūhduro. Sa ye tiquina gūhū yojoṛū cjēnare “űana ijire mūsa”, ni yahusāeta. Mū sare poto niita niaja. Yojoṛū mū sare yūhū buheye Jona tiquiro buheri yūhduro ijire, ni yahuahye Jesu.

### *Masa tiquina tūhoturo sahata yere*

*(Mt 5.15; 6.22-23)*

<sup>33</sup> Sa yero queoye mehna buhero ohō saha ni yahu nemoahye tiquinare:

—Masa sihāriare sihāñe nūoedare. Tiare sihāñe dihi sutu docarū duhu dapoerare. Tiare űhmūseṛū duhu peore wūhūṛū saajā tayequina tiquina quehnoano ihña saajā tatore yeye. <sup>34</sup> Sihāria quehnoano buhriogū mari quehnoano ihña masino sahata quehnoañene tūhotuye mehna quehnoano ye masinata mūsa. Mūsa tūhoturo sahata yere mūsa. Quehnoañene tūhotuna quehnoano yere mūsa. Quehnoañene tūhotuerana űañe pehere yere mūsa.

<sup>35</sup> Sa yena quehnoano yeya. Mūsa tūhotuyēṛū űañene wacūedacāhña. űañene ne cahmedacāhña. <sup>36</sup> Tuhasa mūsa tūhotuyēṛū quehnoañe ijigū, űañe ne mariedagū quehnoañe dihitare tūhotunata, ni buheahye Jesu.

### *Fariaseo, judio masare buheyequina gūhure Jesu tuhti yahuahye*

*(Mt 23.1-36; Mr 12.38-40; Lc 20.45-47)*

<sup>37</sup> Jesu tiquiro buhe tuhasagū ihña, fariseo masano tiquirore tiquiro ya wūhūṛū ihya dutiro pijiahye. Sa yero Jesu tiquiro ya wūhūṛū saajā sa, tiquina

ihyaropu tiquina mehna nuju sahye. <sup>38</sup> Tiqiro sa nuju sagū fariseo masano pehe Jesure ihña nūnāno judio masa tiquina omo coseducuro sahata tiqiro omo coseragū ihñano ohō saha ni tuhotuahye: “Yohou. ¿Ahriqiro dahsero omo coserajari usā yero saha?” ni tuhotuahye. <sup>39</sup> Tiqiro sa ni tuhotugū masino Jesu tiqirore yahuahye:

—Musa fariseo masa sihniñe parire, wapari gūhure bui pehe dihitare musa cosero sahata quehnoañene ye ihñore musa buigā warona. Sa yepenata Cohācjū yere queoro yerare. Apequina yere ehma mujare musa. Sa yena ñañe dihitare tuhature musa. <sup>40</sup> Tūho masiedare musa. Cohācjū musa pagurire yeriqiro musa tuho masiñe gūhure yeahye. ¿Tire masiedajari musa? <sup>41</sup> Sa yena musa yere pejesmoeyequinare ohoya musa. Musa sa yena quehnoañene tuhutuna ijinata.

<sup>42</sup> Musa fariseo masa ñano yuhdunata. Moa yero saha ijiyere ihyayere ocagū yeyere cūona mehenogā ohomene musa. Cohācjūre ño peona tana pahiare ohomene musa. Sa ohoepenata quehnoañene yerare musa. Sa yena masare paja ihñedare musa. Sa yena Cohācjūre ño peerare musa. Oteye ducagāre musa nedire mehenogā Cohācjūre musa ohogū quehnoañene. Sa ohona ohō saha ye nemoña: Quehnoañene yeya. Sa yena paja ihñaña masare. Sa yena Cohācjūre ño peoya musa.

<sup>43</sup> Musa fariseo masa ñano yuhdunata. Buheri wūhuru ijina, quehnoañe dujiye dihitare duji duare musa. Doeri cjē duaropu apequina pūhtoare quehnoano ño peo tiquina sinino saha masare piti cagū cahmene musa.

<sup>44</sup> Ñano yuhdunata musa. Masa cope mūori cope yero saha ijire musa. Ti cope cahagā masa ijiye, puhiarpu cjāno ahbariqirore ihñedare tiquina. (Sata masa musa cahagā ijiye, musa tuhotuayepure ñañe ijiyere masiedare tiquina,) niahye Jesu tiquinare.

<sup>45</sup> Tiqiro sa nigū tuhoro judio masare buheyequina mehna cjāno Jesure yahuahye:

—Buhegu, tire nigū usā gūhure ñano nii niaga mūhu, niahye tiqiro Jesure.

<sup>46</sup> Tiqiro sa nigū Jesu yūhtiahye:

—Ijirota ijire. Judio masare buhena musa gūhu ñano yuhdunata. Musa apequinare tiquina ye masiedarire ye dutire musa tiquinare. Sa ye dutiepenata musa pehe tiquinare ne mehenogā yedohoerare ti dutiyere tiquina yeati pehere.

<sup>47</sup> Sa yena musa ñano yuhdunata. Cohācjū yere yahu mūhtariquina panopu cjēna tiquina masa coperire quehnoano quehnomene musa tiquinare ño peoro saha yena. Musa sa yepegūta panopu cjēna musa acaye pehe tiquinare wejēahye. <sup>48</sup> Musa acaye panopu cjēna pehe Cohācjū yere yahu mūhtariquinare tiquina wejēdiro sahata musa gūhu yeboaga. Sa yena yojopure ti masa coperire quehnomene musa. Sa quehnona musa acaye tiquinare tiquina wejēdire wacūre musa. Sa tiquina wejōrire wacūna “Quehnoa cāhre”, ni wacūre musa.

<sup>49</sup> Cohācjū tiqiro masiñe mehna ohō saha ni yahuahye: “Yeere yahu mūhtariquina gūhure yūhu buhe duti cūriquina gūhure ohoutja tiquinare. Sa yeye tiquina yūhu ohoriquinare apequinare wejē, apequinare ñano yeeta”, niahye Cohācjū. <sup>50-51</sup> Ahri yehpare Cohācjū tiqiro bajumehnedi bato Caī pehe Abere wejēahye. Sa ye Cohācjū yere yahu mūhtariquinare Abe bato ijiyequina gūhure ñañequina wejēahye. Came Zacariare Cohācjū wūhuru Cohācjūre ño peori altar cahapu musa acaye wejēahye. Ijipihtiequina tiquinare tiquina wejēdi buhiri yojopu cjēnare Cohācjū buhiri dahrerota. Sata

ijire. M̄sare niḡta niaja. Ijipihtiyequina tiquinare tiquina wejēdi buhirire yojop̄ c̄j̄nare Coh̄c̄j̄ buhir̄i dahrerota.

<sup>52</sup> M̄sa judio masare buhena, m̄sa ñano yuh̄danata. Coh̄c̄j̄ masiñene tiquina ojoari p̄rine c̄oepenata apequinare yahurerare m̄sa. M̄sa basi Coh̄c̄j̄ yere t̄hoerare. Sa yena apequina tiquiore yere tiquina t̄ho duepeḡta tire m̄sa tiquinare t̄ho dutierare, niahye Jesu tiquinare.

<sup>53-54</sup> Tiquiore sa niḡ t̄hoye judio masare buhenequina, fariseo masa ḡh̄u tiquiore mehna usua, tiquiore ñano yahuducuahye. Sa ye Jesu tiquiore ñano yuh̄tiḡ t̄ho duaye, tiquina peye ni meho c̄u sinitumahye tiquiore, tiquiore yahus̄a duaye.

## 12

### *Tiquina ni mehoducurire Jesu yahuahye* (Mt 16.6; 10.26-27; Mr 8.15)

<sup>1</sup> Sa ye Jesu cahap̄ masa peyequina cahmecoa, wahpa yuh̄duahye. Top̄ Jesu tiquiore buhenequinare oh̄o saha ni yahu d̄cahaye:

—Quehnoano wac̄u masiña m̄sa. Fariseo masa tiquina ye p̄re puḡ yeyere ih̄ana quehnoano wac̄u masiña. Tiquina ni mehoducurire niḡ niaja “P̄re puḡ yeye”, niḡ. <sup>2</sup> Ijipihtiye apequina tiquina masiedarire came masieta. <sup>3</sup> Sa yero ñamip̄re tiquina n̄o yahuducurire buhriorop̄ bajuḡ yero sahata Coh̄c̄j̄ yahurota. Bihari tuc̄p̄ apequiore cahmono caha tiquina nidire masa peyequina watoa yahurota Coh̄c̄j̄, ni yahuahye Jesu.

### *Masa tiquina cueatiquiore yahuahye Jesu* (Mt 10.28-31)

<sup>4</sup> Sa yero Jesu yahu nemoahye tiquinare:

—Poto niita niaja m̄sare. Masare wejēñequina wejē tuh̄asa pari turi tiquina wej̄oriquina m̄nare ñano ye nemo masiedare. Sa yena m̄sare wejē duayequinare cuerac̄h̄ña. <sup>5</sup> Yojop̄re masa cueatiquiore m̄sa ño peotiquiore yahutja. Coh̄c̄j̄ pehere cue, ño peoya. Tiquiore masa yariari bato pecap̄ coh̄a masine m̄sare. Sata ijire. Poto niḡ niaja. Coh̄c̄j̄ pehere cue, ño peoya.

<sup>6</sup> Ih̄c̄a omopequina siripia wapa mariedare. Sa wapa mariedapeḡta ih̄c̄aquioḡare Coh̄c̄j̄ ne boerare. <sup>7</sup> Sa yero m̄sa poarire ne ih̄c̄a poa da d̄hsaro marieno masi pehere Coh̄c̄j̄. Sata m̄sa ijiye tiye ḡh̄ure masi pehere Coh̄c̄j̄. Sa masino m̄sare ih̄ña ih̄boducure. Siripia yuh̄duoro Coh̄c̄j̄ cah̄ne m̄sa pehere. Sa yena tiquiore ño peona, cuerac̄h̄ña m̄sa, niahye Jesu.

### *Jesu yequina m̄sa ijiyere yahuya masare* (Mt 10.32-33; 12.32; 10.19-20)

<sup>8</sup> Sa ye Jesu yahu nemoahye:

—M̄sare niita niaja. Ih̄c̄aquiore “Jesu yaquiore ijiaja”, masare tiquiore niḡ ih̄aḡn, yuh̄ mas̄ Coh̄c̄j̄ ohoriḡn “Tiquiore yaquiore ijire”, ni yahutja Coh̄c̄j̄ yequina angelere. <sup>9</sup> Ih̄c̄aquiore “Jesu yaquiore ijieraja”, masare tiquiore niḡ, yuh̄ ḡh̄u “Tiquiore yaquiore ijierare”, ni, yahutja Coh̄c̄j̄ yequina angelere.

<sup>10</sup> Ih̄c̄aquiore yuh̄re ñano tiquiore ni yahuducuḡ ti ñañene Coh̄c̄j̄ bo masine. Sa boeperota ih̄c̄aquiore Esp̄ritu Santo pehere tiquiore ñano ni yahuducuḡ ti ñañene ne Coh̄c̄j̄ bos̄i.

11 'Mari judio masa buheri wuhuru pautoa caharu apequina musare ne sajã "Ñañequina ijire", ni yahusãeta. Tiquina sa yahusãgũ masa yahuducuatire "Acuehi, masiedaboaga", ni tuhotueracãhña. 12 Tiquina musare yahusãgũta Espiritu Santo masa yahuducuatire yahurota, niahye Jesu.

*Doeri cjẽ upuro quitire yahuahye Jesu*

13 Sa ye masa mehna cjãno Jesure ohõ saha ni yahuahye:

—Buhegu, usã pacu tiquiro yariari bato tiquiro ye usãre tojoare. Sa yegu yũhũ wahmine tire yũhũ gãhũre queoro tu wa dutiya, niahye tiquiro Jesure.

14 Tiquiro sa nigũ Jesu yahiahye:

—Ne ti borore tu wabogu ijieraja yũhũ, niahye Jesu tiquirore.

15 Sa ni tuhasa Jesu ijipihitiquinare yahuahye:

—Quehnoano yeya masa. Doeri cjẽne, apee boro gãhũre cahiedacãhña. Peye cõopenata ti mehnata bucueducueraja mari, niahye Jesu.

16 Sa ni tuhasa Jesu quiti mehna yahuahye tiquinare:

—Doeri cjẽ upuro quehnoari yehpare cõoahye. Sa ye ti yehpuru tiquiro otegũ quehnoano dũca tiahye. 17 Sa yero tiquiro basi ohõ saha ni tuhutumahye: "Dũca ihboye wuhũse ne esa tuhaerare. 18 Yojoũre ohõ saha yeitja: Yojoũru yũhũ ihboye wuhũsere cohã cã, mũna wuhũse yũhdũoro wahma wuhũse yeitja. Ti wuhũsepu yũhũ oteye dũcare, ijipihitiyere yeere ihboutja. 19 Yũhũ sa yeri bato, ohõ saha ni, tuhottutja yũhũ basi: 'Yũhũ peye apee boro cõogũ ijiaja. Quehnoano soutja. Sa yegu ihya, sihni, bucueitja', ni tuhottutja yũhũ basi", ni tuhutumahye tiquiro. 20 Tiquiro sa ni tuhottugũ Cohãcjũ tiquirore yahuahye: "Mũhũ ne tũho masiegũ ijire. Mĩa ñamita mũhũ yariagũta. Mũhũ sa wahagũ mũhũ ye, mũhũ cahĩdi butia waharota", niahye Cohãcjũ tiquirore, niahye Jesu masare.

21 Tire nino, masare ohõ saha ni yahuahye Jesu:

—Sata wahaeta doeri cjẽ opana Cohãcjũre wacũeñequina. Sa yero peye doeri cjẽne, niñerure tiquiro ye ijiahi dihitaro ihboriquiro Cohãcjũre wacũedaro, tiquiro pejecõoriquiro yero saha ijirota, Cohãcjũ tiquiro ihñagũ. Sa yero Cohãcjũ tiquirore ihña bucuere, niahye Jesu.

*Cohãcjũ tiquiro pohne ihña ihbore*

*(Mt 6.25-34)*

22 Sa ye Jesu tiquiro buheyequinare ohõ saha ni yahuahye:

—Ahrire musare nigũ niaja: Mũsa ihyatire, mũsa suhti sañatire, pajiro bujũna witi tuhottueracãhña. 23 Cohãcjũ musare bajumehnenõ, ihyatiquina dihitaro yerari musare. Sa yero suhti sañatiquina dihitaro yerari musare tiquiro. 24 Minicjũna parire Cohãcjũ tiquiro ihña ihboye masiña. Tiquina weseri marieñequina ijire. Sa ye ihyayere tiquina ihboye wuhũse tiquinare mariedare. Tiquina sa ijigũ ihñano tiquinare Cohãcjũ tiquina ihyatire ohore. Minicjũna yũhdũoro mũsa pehere cahĩne Cohãcjũ. 25 Pajiro mũsa tuhottuye mehna ti musare ihcã hora cati nemogũ yerare. Sa yero mũsa pajiro tuhottuye dũhseati ijierare. 26 Sa ye pajiro mũsa tuhottuye mehna ne mehenogũ ye masiedare mũsa. ¿Sa yena pajiro mũsa tuhottuye ti dũhseati ijierapagũta dũhse yena mũsa ihyatire, mũsa sihniatire, mũsa sañatire pajiro bujũna witi tuhottuajari?

27 'Nũcu cjẽ cohõrre tuhottuya. Ti cohõri ti basi suhtire yerare. Sa yerapeta quehnoañe suhti sañañequina yero saha quehnoano bajure ti cohõri. Salomo mũnãno quehnoañe suhtire sañariquiro tiquiro ijiepegũta ti cohõri pehe tiquiro yũhdũoro quehnoa yũhdũaye cohõri waro ijire. 28 Cohõrre quehnoañe cohõri yere Cohãcjũ pehe. Tiquiro sa yepegũta cohõri pehe

meheñe decorigã ijiducume ñai bora dijiaa wahare. Mehenogã iji, ape deco pecarũ ujãa wahare. Ti sa ijiepegũta cohorire quehnoañe cohorĩ ijigũ yere Cohãcjũ. Sa yero Cohãcjũ cohorire tiquiro quehnoañe cohorĩ tiquiro yeriro yãhdũoro mũa gãhũre quehnoano yerota. Suhtire ohorota. Mehenogã Cohãcjũre wacũ tutuere mũa. <sup>29</sup> Sa yena mũa sihyatire, mũa sihniatire pajiro bũjũa witi tãhotueracãhã. <sup>30</sup> Cohãcjũre cahmeñequina pehe ahri yehpa cjẽna pehe tire sa macaducuye nine. Mari Pacũ ãhmũse cjãno ijipihtiye mũa cahmeñene masine. Tiquiro sa masigũ pajiro bũjũa witi tãhotueracãhã. <sup>31</sup> “Cohãcjũ yãhũ pãhtoro ijire”, ni tãhotu, tiquirore cahmeña mũa. Mũa sa yeri bato Cohãcjũ pehe mũa cahmeñe dũhsagũ ohorota, ni yahu nemoahye Jesu.

*Ëhmũsepũ mari peye cũo masiaja*  
(Mt 6.19-21)

<sup>32</sup> Sa yero tiquinare yahu nemoahye:

—Yũhũ cahĩna, meheñequinagã ijiepenata, cueracãhã mũa. Cohãcjũ tiquiro pãhtoro ijirõpũre tiquiro mehna mũa ijigũ cahmene tiquiro. <sup>33</sup> Sa yena mũa yere dua pehoya. Tire dua, ti niñerure ne, pejecũoyequinare ohoya. Sata mũa yegũ ãhmũse cjẽ mũa wapataye ne pihtisi. Ëhmũsepũ mũa ye ijiro ne pihtierare. Topũre mũa yere nea masiedare yaqueriquiro. Sa ye mecasia gãhũ tire tãa masiedare. <sup>34</sup> Ëhmũsepũ mũa ye ijigũ ãhmũse cjẽ dihitate tãhotunata mũa, niahye Jesu.

*Jesu tiquiro tojoa tatire cohte dutiahye tiquiro yequinare*

<sup>35-36</sup> Sa ni tuhasa tiquinare yahu nemoahye:

—Mũa yere quehnoyu tuhasariquina yero saha yeere sa yeducuna ijina yãhũre cohteya. Dahra cohteyequina tiquina pãhtoro omoca dũhteri bõse decõpũ tiquiro wahagũ tiquiro tojoa tatire tiquina cohtere. Tiquina sa cohteriro saha yãhũ tojoa tatire cohteya mũa gãhũ. Pãhtoro tiquiro wãhãpũ wihi, sopecahare tiquiro dotegũ tãhoye tiquina duita põo sõre tiquirore. <sup>37</sup> Dahra cohteyequina tiquina pãhtoro wihigũ tiquiro cahmeno sahata yeducuyequina ijiiye, bucuyequina ijietã. Tiquina sa yegũ ihãno pãhtoro pehe dahra cohteriquiro yero saha comesarõta. Sa yero dahra cohteyequinare duji dutiro, tiquiro tiquina ihyayere peorota. <sup>38</sup> Tiquiro wihiri pje ñami decõpũ, õ bohreagãpũ ijiepegũta dahra cohteyequina pehe tiquiro wihiri pjere tiquirore quehnoano cohteyequina ijiiye, bucuyequina ijietã tiquina. <sup>39</sup> Ahrire wacũña. Yaqueriquiro wãhãpũ tiquiro wihiatõ pano ti wãhũ cjãno masiedare. Wãhũ cjãno yaqueriquiro tiquiro wihiatore masino, yaqueriquirore sajã ta dutieraboaga. Sa yero wacũno mehna ahtare yaqueriquiro. <sup>40</sup> Sa yena mũa gãhũ cohteya. Yũhũ masũ Cohãcjũ ohorigũ wacũno mehna ahtãtja. Sa yena yeere sa yeducuna ijina cohteya mũa, niahye Jesu tiquinare.

*Apequiro dahra cohteriquiro tiquiro pãhtoro tiquiro ñõ peogã, apequiro pehe ñõ peerahye*  
(Mt 24.45-51)

<sup>41</sup> Tiquiro sa nigũ Pedro pehe sinituahye Jesure:

—¿Ahri quitire yahugũ ãsãre nigũ niãjari? ¿O ijipihtiequinare sa nigũ niãjari? niahye Pedro.

<sup>42</sup> Tiquiro sa nigũ Jesu tiquiro tãhotuye mehna ohõ saha ni queoye mehna buheahye tiquinare:

—Dahra cohteriquiro tiquiro pãhtoro ñõ peoriquiro tãho masiniquiro ohõ sahata ijire. Pãhtoro tinino waharo, dahra cohteriquirore tiquiro ya wãhũre cũre. Tiquiro cũnohriquirõ pehe dutiriquiro ijirõta. Sa yero tiquiro

ihyari pje ijigū apequina dahra cohteyequinare ihyayere itire. <sup>43</sup> Came puhtoro tiqiro wihigū dahra cohteriquiro pehe tiqiro puhtoro tiqiro dutiro sahata ye pehoriquiro ijiro, tiqiro bucueriquiro ijirota. <sup>44</sup> Poto niguta niaja masare. Tiquiro sa yegū tiqiro puhtoro ijipihtiye tiqiro yere ihña ihboriquiro cūnota tiqirore. <sup>45</sup> Apequiro dahra cohteriquiro pehe “Yūhū puhtoro yoari pje bajuerare”, niboaga. Sa nino apequina dahra cohteyequinare amūare, numia gūhare que mūja, pajiro ihya, sihni, queheboaga. <sup>46</sup> Tiquiro sa yeri bato wacūeno mehna tiqiro puhtoro wihirota. Sa wihiro tiqirore ñano buhiri dahrerota. Sa yero Cohācjūre yūhdūcayequinare tiqiro cohānorū tiqirore cohānota.

<sup>47</sup> “Sa yero dahra cohteriquiro tiqiro puhtoro cahmeñene masiniquiro ijieperota tire tiqiro yeragū, tiqiro quehnoano dahraeragū tiqiro puhtoro pehe tiqirore yuta da mehna tananota. <sup>48</sup> Apequiro pehe dahra cohteriquiro tiqiro puhtoro cahmeñene masieniquiro ijiro quehnoano yeragū ihñano tiqiro puhtoro pehe derogā tiqirore tananota. Cohācjū pajiro masare ohoro pajiro tiquinare apequinare oho dutirota. Sa yero tiqiro cahmeñene masigū yere masare. Quehnoano tiqiro masigū yenhriquinare quehnoano yūhti dutire tiqiro, niahye Jesu.

*Jesu masare cahme tu wagū yere  
(Mt 10.34-36)*

<sup>49</sup> Sa ni tuhasa Jesu tiquinare yahuahye tja:

—Peca uñā weriro sahata yūhū ahri yehpapure masa tiquina ñañe yeyere cose wegū ahtagū ni. Yojoorū pūrta peca uñā wero saha ñañe marieñequina masa tiquina ijigū tutuaro cahmeaja yūhū. <sup>50</sup> Yūhū ñano yūhdutja. Yūhū sa ñano yūhduatire cohtegū, ñano jeripohna tiaja yūhū. <sup>51</sup> ¿Dūhse ni tuhotuajari mūsa yūhūre? ¿“Tiquiro masare tiqiro buheri bato apequina tiquina basi ihña tuhtisi”, ni tuhotuajari mūsa yūhūre? Sa ijierare. Masare yūhū buheri bato ihquēquina yeere tuhoeta. Apequina pehe tiquinare ihña tuhtieta. Ihcāno saha ijisi masa. Mūare niguta niaja. Masa yūhū buheyere tuhoje, pūa curua cahme tu waeta. <sup>52</sup> Yojoorū ihcā wūhū cjēna ihcā omopequina masa yūhū buheyere tuhoje, pūa curua tiquina basi cahme tu waeta. Ihcā curua ihtiaro, ape curua pūaro ijietā. <sup>53</sup> Tiquiro pacūro tiqiro macūnore ihña tuhtirota yaquiro tiqiro ijiri buhiri. Tiquiro macūno gūhū tiqiro pacūrore ihña tuhtirota yaquiro tiqiro ijiri buhiri. Sa yero ticoro pacoro maconore ihña tuhtirota yacoro ticoro ijiri buhiri. Sa yero apecoro macono gūhū ticoro pacorore ihña tuhtirota yacoro ticoro ijiri buhiri. Sa yero ticoro mareono ticoro macū namonore ihña tuhtirota yacoro ticoro ijiri buhiri. Sa yero apecoro macū namono gūhū ticoro mareonore ihña tuhtirota yacoro ticoro ijiri buhiri. Sa waharota, yūhū buheyere tiquina tuhogū, niahye Jesu.

*Quehnoari deco ijiatire, ñari deco ijiatire masa tiquina masiñene yahuahye  
Jesu  
(Mt 16.1-4; Mr 8.11-13)*

<sup>54</sup> Sa ye Jesu masare ohō saha ni yahuahye tja:

—Ahrie pehepū acoro cururire ihñana, duita “Acoro ahtarota”, nine mūsa. Mūsa sa nidi bato acoro ahtare. <sup>55</sup> Sa yena surpū wihnono ahtagū “Asiri deco ijirota”, nine mūsa ahri yehpapū ijina. Mūsa sa nidi bato cūhmari deco ijire. <sup>56</sup> Mūsa masa ihñonorū quehnoano iji mehoducuna ijire. Mūsa ahri yehpare uhmūse gūhūre ihñana, quehnoari deco ijiatire, ñari deco ijati gūhūre masine mūsa. ¿Sa yena yojoorū cjē decorire masiepenata dūhsena ahri yehpa cjāna yojoorū mūsa dūhse wahatire masiedajari mūsa? niahye Jesu.

*Musare ihña tuhtiriquiro mehna musa cahmequedire cahmeque duhuya (Mt 5.25-26)*

<sup>57</sup> Sa ni tuhasa ohõ saha ni yahu nemoahye:

—¿Musa poto yeaire yojopu masiedajari musa? <sup>58</sup> Apequiro mähare yahusãno waharo buhiri dahre dutiri dutiri wuhuru waha dutiboaga. Topu wahanana “Pari turi mähare sa yesi”, nigu cahmeque duhuya. Mähna sa duhueragü tiquiro buhiri dahre dutiriquiro caharu neaboaga mähare. Sa yero buhiri dahre dutiriquiro pehe mähare surarare tiquiro ohogü, mähare surara peresu yeeta. <sup>59</sup> Mähare nigu niaja. Topu ijiniita mähna. Tee tiquina wapa ye dutirire mähna wapa ye pehoguru wijiaguta mähna, niahye Jesu.

## 13

*Musa ñañe yerire bujua witi, quehnoañe pehere comesaya*

<sup>1</sup> Ti pjere meheñequinagã masa Jesure ohõ saha ni yahue tiahye:

—Galilea cjëna wahiquirore wejë ujua muo Cohãcjäre tiquina ño peori watoa Pilato pehe tiquinare wejëahye. Tiquiro sa wejëgü wahiquiro dii mehna masa dii moreahye, ni, yahuahye tiquina Jesure.

<sup>2</sup> Tiquina yahu tuhasagü Jesu yuhtiahye:

—¿Galilea cjëna Pilato tiquiro wejëgü wejõriquina munare dahse ni tuhutuajari musa? ¿Tiquina sa yariagü apequina Galilea cjëna yuhduoro ñañequina tiquina ijiri buhiri sa yeyari Cohãcjü tiquinare, musa tuhutugü?

<sup>3</sup> Ijierare. Musare niita niaja. Musa pehe musa ñañene bujua witerana, quehnoañe pehere comesaerana, musa gähna yariana pecaru wahanata. <sup>4</sup> Sa ye sohõ ijiriquina diez y ocho masa Siloé wame tiri wuhna uhmuari wuhna tiquina bui wihnoa dijiaro, tiquinare wejë pehoahye. ¿Sa waha yariaye, apequina Jerusalë cjëna yuhduoro ñañequina ijiyari tiquina, musa tuhutugü?

<sup>5</sup> Ijierare. Musare niita niaja. Musa ñañene bujua witerana quehnoañe pehere comesaerana, musa gähna yarianata. Sa yena pecaru wahanata, niahye Jesu tiquinare.

*Higueragu dũca mariedu quitire yahuahye Jesu*

<sup>6</sup> Sa ni tuhasa apewe queoye mehna piti dahre yahuahye tiquinare:

—Wese upuro tiquiro wesepu higueragure cuoahye. Sa yero tiquiro tu dũcare macano wahamahye. Bocaerahye. <sup>7</sup> Bocaeraro tiquiro wese dahrariquirore yahuahye. “Tuhoya yuhare. Ihtia cũhma waro higueragu dũcare macamaja. Dũca mariedare. Tu dũca mariedagü ture quë cohã cãhña. Tu ya wesepu ijigü apedare otero basioerare. Apedu tu ihyaborire ihyaboaga tu dũca mariedu pehe”, niahye wese upuro tiquirore dahra cohteriquirore.

<sup>8</sup> Tiquiro sa nigü tuhoro dahra cohteriquiro ohõ saha niahye: “Pũhto, ahdu ihcã cũhma waro ducuriãhdo. Tu nuhcoripu yuhna sehegutja. Tuhasa, wahiquiro cuhta mehna ti copere yaũtja. <sup>9</sup> Yuhna sa yeri bato tu ape cũhma dũca tũro dũca tiboaga. Tu dũca mariedagü mähna quë cohã dutiguta”, niahye dahra cohteriquiro wese upurore, ni, yahuahye Jesu.

*Sauru deco ijigü Jesu dohatiricorore yuhduoahye*

<sup>10</sup> Ti pjere sauru deco ijigü Jesu judio masa buheri wuhuru buhero niahye.

<sup>11</sup> Topu watino cuoricoro ijiahye. Watino pehe diez y ocho cũhmari waro dohatigü yeahye ticorore. Sa yero pari tju ducuricoro ijiro, poto ducu masiedahye. <sup>12</sup> Ticoro sa ijigü ihñano Jesu ticorore ihña, pisuahye:

—Numio, mähna dohatiye pihita wahare, ni, pisuahye Jesu.

<sup>13</sup> Tiquiro pisuri bato ticorore tiquiro ña peogü duita ticoro quehnoano poto dũca sahye. Sa waharo “Cohãcjü tutuagu, quehnoagu ijire mähna”, ni



ño peoahye ticoro. <sup>14</sup> Jesu ticorore saurú deco ijigū tiquiro yãhdũogū ihñano judio masa buheri wãhũ cohteriquiro pehe tiquiro mehna usuahye. Sa usuaro tiquiro masare ohõ saha niahye:

—Seis decori ijire mari dahrye decori. Sa yena masa dohatiyequinare yãhdũo duana, ti decorire tire yeya. Saurú mari sori decore tire yeracãhña, niahye ti wãhũre cohteriquiro.

<sup>15</sup> Tiquiro sa nigū Jesu ohõ saha ni yãhtiahye:

—Masa ihñono dihita quehnoana iji mehona ijire masa. Masa wecare, burro gũhare cõona saurú decore tiquina dũhteri dare pã, tiquinare ne buha, sihni dutiboaga. <sup>16</sup> Yojobũ ahricorore Abrahã munano acayorore wafno diez y ocho cahmari waro ticorore dohatigũ yere. ¿Saurú deco ijigū ticorore yãhdũo dutierajari masa? niahye Jesu.

<sup>17</sup> Tiquiro sa nigū tuhoye, tiquina bũoro wahahye. Sa ye apequina pehe ijipihitiyequina Jesu yerire ihña, bucueahye.

### *Mostaza pje queoyere yahuahye Jesu*

*(Mt 13.31-32; Mr 4.30-32)*

<sup>18</sup> Sa ye Jesu queoye mehna buheahye masare:

—¿Ne Cohãcjũ masa pũhtoro tiquiro ijie yabe boro yero saha ijiajari? Ahri quti mehna tire tiquiro pũhtoro ijie yehã yãhũ. <sup>19</sup> Mostaza pjegã yero saha ijire. Ti pjegã oteriquiro tiquiro ya wesere otere. Tiquiro oteri bato ti pjegã pihnine. Sa ye tũ bũcũagũ minicũa pari ti dũpũgũrũ suhti suhare, niahye Jesu. (Sa nino ohõ saha nino niahye. Mostaza pjegã pajidũ tũ bũcũariro saha hũmũse cjũnore mari pũhtoro masiñequina meheñequinagã tiquina iji mũhtaepẽgũta camẽpũ tiquina peyequina wahaeta.)

### *Pã pugũ yeye queoyere yahuahye Jesu*

*(Mt 13.33)*

<sup>20</sup> Sa yero pari turi Jesu queoye mehna buheahye:

—¿Ne Cohãcjũ masa pũhtoro tiquiro ijie yabe boro yero saha ijiajari? <sup>21</sup> Pãre pugũ yeye yero saha ijire. Tire numino ihcã ajuro trigore aco mehna quehnoano tire dahra morene pã bũcũatire. Ticoro sa yegũ pãre pugũ yeye pehe trigore quehnoano sehãa wahare, niahye Jesu. (Sa nino ohõ saha nino niahye. Pãre pugũ yeye trigore ti sehãa wahariro saha hũmũse cjũnore mari pũhtoro peyequina masa ijipihitiro cjẽna masieta.)

### *Meheni sopecahagã quitire yahuahye Jesu*

*(Mt 7.13-14, 21-23)*

<sup>22</sup> Sa ye Jesu bajãye macaripũ, daye macarigãpũ gũhũre buhe cã, Jerusalẽpũ esaro taro niahye. <sup>23</sup> Tiquiro sa wahari watoa masũno Jesure ohõ saha ni sinituahye:

—¿Pũhto, meheñequinagã masare pecarũ wahaboriquinare yãhdũorotari Cohãcjũ? niahye tiquiro Jesure.

Tiquiro sa nigū Jesu queoye mehna buhero ohõ saha ni yahuahye:

<sup>24</sup> —Peyequina masa Cohãcjũ caharũ waha duaye, sajã duamene. Mehni sopecahagãre masa sajã duagũ mijorĩne. Sata Cohãcjũ caharũ masa waha duagũ mijorĩne. Masa sa sajã duepeta sajã masiedare. Sa yena masa pehe mehni sopecahagãre masa tutuaro sajã duaboro sahata Cohãcjũ pehere tutuaro masiña. <sup>25</sup> Ohõ saha yerota Cohãcjũ peyequina masare. Tiquiro wãhũ upũro yero saha ijire. Wãhũ upũro wahcã, sopecahagãre biharota. Tiquiro sa yegũ sopecahagãpũ ducuna, dotenata. Dotena ohõ saha ninata. “Pũhto, sope pahmare pũohña”, masa nigū wãhũ upũro pehe yãhtirota. “Masare, masa ahtariro gũhũre ne masiedaja yãhũ”, ni yãhtirota. <sup>26</sup> Tiquiro sa nigū masa yãhtinata. “Mũhũ mehna usã ihya, sihni. Usã ya macarũ

buhari mahu”, ninata masa. <sup>27</sup> Masa sa nigū tiquiro pehe yuhtirota. “Masare, masa ahtariro gūhare ne masiedaja. Ijipihitina masa ñaŋe yerina yahu caharu ahtaeracāhña”, ninota wahu upuro. <sup>28</sup> Sa ye Abrahāre, Isaare, Jacore, ijipihitiquina Cohācǵū yere yahu muhtariquinare Cohācǵū tiquiro puhtoro ijirore tiquina ijigū ihñana, masa pehe sopecaharu cohōrina ijina tutuaro utinata. Sa yena masa tutuaro buña witina, bahque dihonata. <sup>29</sup> Ti pjere ijipihitiro cǵena Cohācǵū tiquiro puhtoro ijiropure esa, tiquiro mehna ihya dujieta. <sup>30</sup> YojoPURE ihyo ijijequina ijiriquina ti pjere puhtoa ijeta. Sa yeye yojoPURE puhtoa ijiriquina ti pǵepure ihyo ijijequina ijeta, niahye Jesu.

### *Jerusalē cǵenare tutuaro cahñahye Jesu*

(Mt 23.37-39)

<sup>31</sup> Ti pjere meheñequinagā fariseo masa Jesu caharu esa, tiquirore yahuahye:

—Herode mūhare wejē duare. Sa yegu ape siepu wahaya mahu, niahye tiquirore.

<sup>32</sup> Tiquina sa nigū Jesu pehe yuhtiahye:

—Herode ni mehoñe peyariquiro ijire tiquiro. Ohō saha ni yahuya tiquirore: “Jesu watñare cohāno nine. Sa yero dohatiyequinare yuñdoro nine. Tire miare, ñamia gūhare yerota. Sa yero ñamia bohrearo dahra bato tirota”, ni yahuya Herodere. <sup>33</sup> Sa yegu miare waha, ñamia gūhare waha, ñamia bohrearo gūhare waha, Jerusalēpu esañtja. Cohācǵū yere yahu muhtagare yuhare wejēeta masa. Cohācǵū yere yahu muhtariquinare tiquina wejēgū Jerusalēpu ijiro cahmene tiquinare. Sa yegu yahu gūhare Jerusalēpu ijiro cahmene.

<sup>34</sup> ‘Ahyou, Jerusalē cǵana, masa Cohācǵū yere yahu muhtariquinare wejē, masa caharu tiquiro ohoriquinare utā paca mehna doque wejēdi masa. Canaca ticoro pohnene waye dāpuri mehna ticoro moha cuñano saha peye tahari masare cahñucumi. Masare cahmemi. Masa pehe yuhare ne cahmedari. <sup>35</sup> YojoPURE masa ya maca cohōri maca ijirota. Ijirota niita niaja masare. Cohācǵū mari puhtoro tiquiro tutuaye mehna ahtañtja yahu. Yuhñ ahtagū masa yuhare “Cohācǵū tutuaye mehna ahtariquiro quehnoahdo”, ninata. Yuhare masa tire niato pano pari turi yuhare ihñasi masa, niahye Jesu.

## 14

### *Dohatiriquirore yuñdooahye Jesu*

<sup>1</sup> Ape deco saurú ijigū fariseo masa puhtoa mehna cǵano ya wuharu Jesu ihyarō wahahye. Ti wuharu ijijequina tiquirore ihña nūnahye. <sup>2</sup> Sa yero omoca, ñecu gūhu ipinohriquiro tiquiro caharu esahye. <sup>3</sup> Sa yero Jesu judio masare buheyequinare, fariseo masa gūhare sinituahye:

—¿Saurú ijigū dohatiriquirore yuñdoo dutiajari Cohācǵū yere tiquina ojoari pūpu? niahye Jesu.

<sup>4</sup> Tiquiro sa ni sinituepegūta tiquina yuhtierahye. Tiquina yuhtieragū ihñano Jesu dohatiriquirore yuñdoo, “Wahaya”, niahye tiquirore. <sup>5</sup> Sa ye tuhasaro, tiquinare sinituahye tja:

—¿Ihcāquiro masa mehna cǵano tiquiro macano saurú deco mari sori deco ijigū aco ijiri coperu tiquiro bora saǵagū ne wioeraboagari, masa tuhotugū? ¿Tiquiro yaquiro wecu gūhare ne wioeraboagari, masa sa nina? Ne wioaboga tiquiro, niahye Jesu.

<sup>6</sup> Tiquiro sa niepegūta tiquina tiquiro siniturire yuhti masiedahye tja.

*Omoca dahteri bose deco ijigū pijoriquinare yahuahye Jesu*

<sup>7</sup> Fariseo masuno ya wuhuru ijiro ti wuhu cjäno tiquiro pijoriquina quehnoañe dujiyere tiquina besegū ihñahye Jesu. Sa ihña tuhasa ohō saha ni yahuahye ijiptiyequinare:

<sup>8</sup>—Omoca dahteri bose deco masare tiquiro pijigū, quehnoañe dujiyere bese dujiyacāhña. Mäsa yuhduro cua pesayequinare pijioboaga ahri wuhu upuro. <sup>9</sup> Tiquiro sa yegū mäsa quehnoañe dujiyepu dujigū “Ahriquina cua pesayequina pehere mäsa dujiyere ohoya”, niboaga wuhu upuro masare. Tiquiro sa nigū mäsa pehe buoro wahana, ñañe dujiyepu dujioboaga. <sup>10</sup> Sa yena wuhu upuro masare tiquiro pijigū, ñañe dujiyepu duji mähña. Mäsa sa yegū wuhu upuro masare “Quehnoañe dujiye pehere dujina ahtaya”, ninota masare tiquiro. Mäsa sa wahagū apequina tiquiro pijoriquina pehe masare ño peoye mehna ihñäeta. <sup>11</sup> Ihcäquiro tiquiro basi “Puhkota ijaja”, ni tuhoturiquiro cahacjäno ijirota. Sa yero apequiro “Cahacjü ijaja”, ni, tuhoturiquiro, apequinare yuhduca dueriquiro tiquiro pehe puhoro ijirota, niahye Jesu tiquinare.

<sup>12</sup> Sa ni tuhasa Jesu wuhu upurore yahuahye:

—Muhu bose deco dahregu muhu cahapu ijiyequinare, muhu bahanare, muhu acayere, doeri cje opanare pijioeracāhña. Muhu tiquinare pijigū muhu gūhare tiquina gūhu piji cahmeeta. Sa piji cahmele mūhare tiquina wapamonore wapa yeeta. <sup>13</sup> Muhu bose deco dahregu pejecuoyequinare, tini masieñequinare, pari yuri wahayequinare, caperi bajueyequinare pijiohya.

<sup>14</sup> Muhu sa yegū ihñano Cohäcju mūhare quehnoano yerota. Tiquina pehe mūhare tiquina wapamonore wapa ye masiedare. Sa yero quehnoañequina yariariquina tiquina masa mujari pje ijigū Cohäcju pehe quehnoano muhu yeri wapa mūhare quehnoano yerota, niahye Jesu wuhu upurore.

*Pajiri bose deco queoyere yahuahye Jesu*  
(Mt 22.1-10)

<sup>15</sup> Tiquiro sa nigū tuhoro apequiro ihyari mesa cahapu dujiriquiro, Jesure yahuahye:

—Cohäcju tiquiro puhoro ijiropu tiquiro ihyari mesa cahapu dujiyequina tutuaro bucueyequina ijieta, niahye tiquiro Jesure.

<sup>16</sup> Tiquiro sa nigū Jesu ahri queoyere yahuahye tiquirore:

—Pajiri bose deco dahreriquiro peyequina masare pijioahye. <sup>17</sup> Tiquiro pijiori bato bose deco tiquiro cahacjänore tiquiro pijoriquinare yahu dutiro ohoahye. “Isa, ijiptiyere bose deco cje ijiatire quehno tuhasari. Sa yero masare pijiori”, ni, yahu dutiahye tiquiro cahacjänore. <sup>18</sup> Tiquiro cahacjäno tiquiro sa ni yahuepegäta, tiquiro pijionhriquina pehe “Waha masiedaja”, niahye tiquina. Tiquiro pijio mähthanohriquiro ohō saha ni yahuahye tiquiro cahacjänore. “Mianogäta yehpare düu. Sa yegu ti yehpare ihñagu wahagu niaja. Sa yero waharo basioeraga. Ño peo cjuña muhu yuhare. Yuhare basioerare”, niahye tiquiro pijio mähthanohriquiro pehe tiquiro cahacjänore. <sup>19</sup> Apequiro pehe ohō saha niahye: “Wecure pna omoca pihtiyequinare mianogäta düu. Buhe tuhugu wahan tuu niaja ti weje cätore. Sa yegu wecure ‘¿Quehnoano dahrajari?’ ni ihñagu wahagu tuu niaja. Sa yegu wahasi. Yuhare basioerare”, niahye tiquiro gūhu. <sup>20</sup> Apequiro pehe ohō saha niahye: “Yuhu mianogäta omoca dähtei. Sa yero bose decoru waharo basioeraga yuhare”, niahye tiquiro cahacjänore.

<sup>21</sup> Tiquiro sa nigū cahacjäno pehe tojoa waha, tiquiro puhoropure tiquina nidire yahu peho cāhye. Tiquiro sa ni yahugū tiquiro puhoro tutuaro usua, ohō saha niahye tiquiro cahacjänore. “Wuhuse watoa cje maharipu

wahaya. Pejesnoyequinare macarĩsa. Sa yegũ pejesnoyequinare, tini masieñequinare, caperi bajueyequinare, pari yuri wahayequinare amañano ne cãhtaya tiquinare”, niahye pũhtoro. <sup>22</sup> Came cjunogã tiquiuro cahacjãno yahuahye tiquiuro pũhtoro: “Pũhto, mũhũ dutiriro sahata yei. Yũhũ sa yepegũta arequina gũhũ esa tuhaeta”, niahye tiquiuro cahacjãno. <sup>23</sup> Tiquiuro sa nigũ pũhtoro tiquiurore dutiahye: “Ihquẽ wãhũse ijirorũ wahaya. Topũ bũjũye maharipũ, daye maharigãrũ gãhũre masare ya wãhũrũ ahta dutiya, ya wãhũrũ tiquina wahpagũ. <sup>24</sup> Poto niita niaja mũhũre. Ahriquina yũhũ pijio mũhtamediquina yũhũ ihyayere ne mehenogã ihyasi”, niahye pũhtoro, ni yahuahye Jesu.

### *Jesu mehna wahagã mijorĩne*

*(Mt 10.37-38)*

<sup>25</sup> Ti pjere peyequina masa Jesu mehna wahahye. Sa yero Jesu tiquinare majare ihña, yahuahye:

<sup>26</sup>—Ihcãquiuro yũhũ buheriquiuro iji duaro arequina yũhdũoro yũhũ pehere cahĩno cahmene. Tiquiuro pacũrore, tiquiuro pacorore, tiquiuro namonore, tiquiuro pohmene, tiquiuro bahanare, tiquiuro pagũ gũhũre tiquiuro cahĩno yũhdũoro yũhũ pehere cahĩno cahmene. <sup>27</sup> Ihcãquiuro yũhũ buheriquiuro iji duaro yeere sa yeducuriquiuro ijirota. Sa yero yaquiuro tiquiuro ijiri buhiri ñano yũhdũeperota yũhũre ne duhusi. <sup>28</sup> Ahrire masiyuro cahmene mũsare. Ohõ saha ijire ti: Wũhũ dahreriquiuro tiquiuro uhmũari wãhũre yeato pano wũhũ wapa tiatire queo mũhtare. Sa yero, ti wãhũre tiquiuro pehoatire masine tiquiuro. <sup>29</sup> Wapa tiyere queoeraro ti wãhũre yero pehoerabo. Sa ye tiquiurore ihñañequina bũjũrebo. <sup>30</sup> “Ahriquiuro ti wãhũre yero, tutuerare”, ni, bũjũrebo. <sup>31</sup> Pũhtoro arequiuro pũhtoro yeequina mehna tiquina cahmequeato pano, tiquiuro yequina surarare tiquiuro cahme wejẽ dutiãto pano, tiquiuro yequina surarare queorota. “¿Yũhũ diez mil surara mehna arequiuro veinte mil surara cõriquiuro mehna cahme wejẽgũ tutueraboagari yũhũ?” ni, tũhoturo queorota tiquiuro. <sup>32</sup> Sa queoro, tiquiuro tutueratire masinota. Sa masino arequiuro pũhtoro tiquiuro yequina surara mehna cahme wejẽno ahtariquiuro yoarorũ tiquiuro ijigãta, tutueriquiuro pehe “Cahme wejẽdacãhna”, ni dutiro ohoboaga dahra cohteriquiuro. <sup>33</sup> Sa yena yũhũ buhena iji duana, mũsa yeatire mũsare masino cahmene. Mũsa ye duaye pehere duhu duerana, yũhũ buhena iji masiedare, ni yahuahye Jesu.

### *Moa ocaýere yahuahye Jesu*

*(Mt 5.13; Mr 9.50)*

<sup>34</sup> Sa yero tiquinare yahu nemoahye:

—Moa quehnoano ocare. Ti ocaeragũ ocaýe yero basioerare. <sup>35</sup> Moa ocaeraro ti moa ne quehnoaedare. Ti moare dũhsero basioerare. Ti sa ijigã ti moare cohãno cahmene. Ne dũhseati ijierare ti moa. (Ti dũhseati ijieraro saha ijieracãhña mũsa. Cohãcjũ ye pehere cohãedacãhña.) Ahrire quehnoano tũhoya mũsa, niahye Jesu.

## 15

### *Oveja butiriquiuro queoyere yahuahye Jesu*

*(Mt 18.10-14)*

<sup>1</sup> Sa ye ape deco peyequina wapa ne cohteyequina arequina “Ñañequina”, tiquina niñequina mehna Jesure tũhoye ahtahye. <sup>2</sup> Tiquina sa yegũ ihñañe fariseo masa, judio masare buheyequina gũhũ Jesure ihña tuhtiyere, ohõ saha niahye tiquina basi:

—Ahriquiroy ñañequinare piti tire. Sa yero tiquina mehna ihyare, ni yahuducuahye tiquina basi.

<sup>3</sup> Tiquina sa ni yahuducugā Jesu tiquiroy t̄hotuye mehna ohō saha ni, queoye mehna buheahye tiquinare:

<sup>4</sup> —¿Cien oveja c̄oriquiroy ihcāquiroy oveja butigū ihñano d̄hse yerotari tiquiroy? Ohō saha yerota. Tiquiroy noventa y nueve ovejare tiquina ih-yarirop̄ cū, butiriquiroyre macano waharota. Ovejare bocarop̄ duhurota.

<sup>5</sup> Tiquiroyre bocaro bucuerota. Sa yero tiquiroy butiriquiroyre w̄na peo, tiquiroy ya w̄h̄ap̄ ne tojoaa waharota. <sup>6</sup> Ne tojoa sa, tiquiroy cahap̄ ijiyequinare, tiquiroy acayere piji cahmecoanota. “Yaquiroy oveja butiriquiroyre boca tuhasa. Sa yena ȳh̄ mehna bucueya”, ninota tiquiroy tiquinare. <sup>7</sup> Poto niita niaja m̄sare. Noventa y nueve oveja peyequina tiquina ijiroy sahata, peyequina masa ohō saha ni t̄hoture: “Ñano yeraja. Sa yeḡ ȳh̄ ñañene b̄j̄na w̄tisi. Quehnoañe pehere comesasi ȳh̄”, ni, t̄hoture peyequina masa. Tiquina sa ni t̄hotugū ihñañe ãhm̄se c̄j̄na Coh̄c̄j̄ cahap̄ ijiyequina bucuere. Apequiroy pehere bucuere. Butiriquiroy oveja ihcāquiroy butiroy sahata tiquiroy up̄roy tiquiroyre bocariroy sahata ihcāquiroy ñariquiroy tiquiroy ñañene b̄j̄na w̄tigū, quehnoañe pehere comesagū ihñañe, Coh̄c̄j̄ cahap̄ ijiyequina tutuaro bucuere, niahye Jesu.

### *Niñeru cjoye butiri queoyere yahuahye Jesu*

<sup>8</sup> Sa ni yahu tuhasa, queoye mehna yahu nemoahye tja:

—¿P̄na omope cjoeri niñeru cjoeri c̄oricoro ihcā cjoye butigū d̄hse yerotari ticoro? Ohō saha yerota ticoro. Sih̄iare sih̄, w̄h̄re coha, quehnoano maca pehorota. Ti cjoyere bocarop̄ duhurota. <sup>9</sup> Ti cjoyere boca tuhasa, ticoro cahap̄ ijiyequinare, ticoro mehna c̄j̄nare piji cahmecoanota. “Niñeru cjoye ȳh̄re butiri cjoyere boca. Sa yena ȳh̄ mehna bucueya”, ninota ticoro. <sup>10</sup> Potota niita niaja m̄sare. Sata ihcāquiroy ñariquiroy tiquiroy ñañene b̄j̄na w̄tigū quehnoañe pehere comesagū Coh̄c̄j̄ yequina angele pehe tutuaro bucueta, niahye Jesu.

### *Tiquiroy mac̄no butiri queoyere yahuahye Jesu*

<sup>11</sup> Sa ni yahu tuhasa Jesu queoye mehna yahu nemoahye tja:

—B̄c̄ro pohne p̄aro ãm̄a ijiyahye. <sup>12</sup> D̄hsariquiroy pehe ohō saha niahye tiquiroy pac̄rore: “Mai, m̄h̄ yariari bato m̄h̄ ohoatire ȳh̄re ohoya”, niahye tiquiroy pac̄rore. Tiquiroy sa nigū tiquina pac̄ro p̄arop̄reta tiquiroy pohne iiahye tiquiroy c̄oire. <sup>13</sup> Meheñe decorigā bato d̄hsariquiroy tiquiroy yere ijiptihyere ne, yoarop̄ ape yehp̄ap̄ wahaa wahahye. Top̄ esaro t̄ho maseniquiroy yero saha ye, tiquiroy niñerure, tiquiroy yere ye site peho c̄ahye. <sup>14</sup> Tiquiroy ye site pehori bato ti yehp̄ap̄re ne ihyaye mariedi pje iji d̄cahye. Sa yero tiquiroy ãj̄na ahbahye. <sup>15</sup> Sa yero ti yehpa c̄j̄ d̄hrayere macahye. Tiquiroy bocagū tiquiroy p̄h̄toro yesea cohteriquiroy s̄ahye tiquiroyre. <sup>16</sup> Sa yero tiquiroy yeseare nu, tiquina ihyayere ihya duamahye. Tiquiroy sa ihya duepegūta ti ihyayere to c̄j̄na ohoerahye tiquiroyre. <sup>17</sup> Sa ye tiquiroy top̄ was̄ahye. “Ȳh̄ pac̄re dahra cohteyequina pehe b̄j̄nye ihyayere ihyare. Tiquina ihya d̄hari ḡh̄ b̄j̄nye d̄hsare. Tiquina sa quehnoano ȳhd̄ri w̄toa ȳh̄ pehe oh̄p̄ ijiye, ãj̄na ahbagu niaga. <sup>18</sup> Yojoyere ȳh̄ pac̄ cahap̄ tojoagutja. Ȳh̄ pac̄ cahap̄ esagu ohō saha niitja tiquiroyre: ‘Mai, Coh̄c̄j̄re ñano yei. M̄h̄ ḡh̄re ñano yei. <sup>19</sup> Ñagu ijiaya ȳh̄. M̄h̄ mac̄ yero saha iji bogu iji eraja ȳh̄. M̄h̄re dahra cohteriquiroy yero saha yeya ȳh̄re’, niitja ȳh̄ pac̄re”, ni t̄hotuahye

tiquiro. <sup>20</sup> Sa ni t̄hoturota wahc̄āduca, tiquiro pac̄uro cahar̄u tojoaa wahahye. Top̄u tiquiro esariquiro tojoa taḡu tiquiro pac̄uro pehe yoarop̄uta tiquiro mac̄nore ihñahye.

<sup>21</sup> Tiquiro sa wihiḡu ihñano mac̄nore paja ihñahye. Paja ihñano tiquiro cahar̄u oma c̄ā, tiquirore quē suhsu maa, tiquiro wahsupure ihmiahye pac̄uro tiquiro mac̄nore. <sup>21</sup> “Mai, Coh̄c̄j̄ure ñano yei. M̄h̄u ḡuh̄are ñano yei. Ñaḡu ijiaja ȳh̄u. M̄h̄u mac̄u yero saha ijiboḡu ijieraja ȳh̄u”, niahye tiquiro pac̄urore. <sup>22</sup> Tiquiro sa niḡu t̄horo pac̄uro pehe dahra cohteyequinare piji-ahye. “Sojaro mehna, quehnoa ȳhd̄uari suhtirore ne c̄āhtaya. Sa yena ȳh̄u mac̄ure s̄āña. S̄ā tuhasa, tiquiro omoca sañari behtore s̄ā, dahpo suhti ḡuh̄are s̄āña. <sup>23</sup> S̄ā tuhasa, dihi tiriquireḡare wec̄ḡare wejēña. Bose deco yeihna mari. <sup>24</sup> Ahriquiro ȳh̄u mac̄u yariariquiro yero saha wahariquiro ijire. Sa wahaeperota yojop̄are catire tiquiro. Tiquiro butimediquirore pari turi boc̄u. Sa yena bose deco yeihna mari”, niahye tiquiro pac̄uro. Tiquiro sa nidi bato bose deco dahre d̄ucahye tiquina.

<sup>25</sup> Ti pjere tiquiro wahmino pehe wesep̄u ijiahye. Wesep̄u ijiriquiro cohe tojoa taro w̄h̄u cahar̄u esaro, tiquina basayere t̄hoahye tiquiro. <sup>26</sup> T̄horo, ihc̄āquiro dahra cohteriquirore pijio, tiquirore sinituahye tiquiro: “¿D̄ahse ijiro boro basaye niari?” niahye tiquiro dahra cohteriquirore. <sup>27</sup> “M̄h̄u bah̄u coheri. Tiquiro quehnoariquiro, catiriquiro tiquiro coheḡu m̄h̄u pac̄u dihi tiriquireḡare wec̄ḡare wejē dutiri”, ni ȳhtiahye dahra cohteriquiro. <sup>28</sup> Tiquiro sa ni yahuḡu tiquiro wahmino pehe tutuaro usuario, w̄h̄u saj̄āedahye. Tiquiro saj̄āedaḡu ihñano tiquiro pac̄uro sopecahar̄u wijia ta, “Saj̄ā taya”, ni, pijimahye tiquiro mac̄nore. <sup>29</sup> Tiquiro sa pijiḡu mac̄no ȳhtiahye. “T̄hoya mai. Yoari pje m̄h̄are dahra cohteriquiro yero saha m̄h̄are yedohomi. Sa yeḡu m̄h̄u dutiyere ne ihc̄ā taha ȳhd̄ucaer̄u. Ȳh̄u m̄h̄are dahra cohtep̄eḡuta ȳh̄are ne ohoerari m̄h̄u. Ne ihc̄āquiro wahiquiroḡare ne ohoerari m̄h̄u ȳh̄are ȳh̄u piti tiyequina mehna ȳh̄u bose deco dahreatire. <sup>30</sup> Sa yero ahriquiro m̄h̄u mac̄u pehe ñañequina numia mehna m̄h̄u yere ye site pehoñhti. Tire ye site peho tuhasa, w̄h̄u tiquiro tojoa wihiḡu dihi tiriquireḡare wec̄ḡare wejē dutiñhti m̄h̄u tiquiro ihyatiquirore”, niahye tiquiro wahmino pehe pac̄urore. <sup>31</sup> “Mac̄u, ȳh̄u mehna ijipihtiye decori m̄h̄u ijiḡu ijipihtiye ȳh̄u c̄uoye m̄h̄u ye ijire. <sup>32</sup> M̄h̄u bah̄u pehe yariariquiro yero saha wahari marine. Sa ye yojoap̄are tiquiro catiriquiro ijire. Tiquiro butiriquiro yero saha ijiri. Tiquiro sa wahari bato yojoap̄are tiquirore boc̄u. Sa yero tiquiro tojoa wihiḡu mari bose deco ye bucueḡu quehnoare”, niahye tiquiro mac̄nore, niahye Jesu tiquinare.

## 16

### *Niñeru cohteriquiro t̄ho masiniquiro quitire Jesu yahuahye*

<sup>1</sup> Sa ye ahri quitire tiquiro buheyequinare yahuahye Jesu:

—Doeri c̄j̄ up̄uro ye niñeru cohteriquiro niñeru quehnoano tiquiro ihboeraḡu ihñano apequiro pehe yahus̄ahye doeri c̄j̄ up̄urore. “M̄h̄u ye niñerure ye sitero nine”, ni yahus̄ahye tiquirore. <sup>2</sup> Tiquiro yahus̄ā tuhasari bato niñeru cohteriquirore pijioahye. Sa yero tiquiro wihiḡu ihñano, tiquirore p̄h̄toro yahuahye. “Yee niñerure m̄h̄u ye siterire apequiro ȳh̄are yahuri. Sa yeḡu yeere cohteḡu iji nemosi m̄h̄u. Sa yeḡu yeere m̄h̄u yerire yahu peho ojoaya. M̄h̄are coh̄āḡu niaja”, niahye p̄h̄toro tiquirore. <sup>3</sup> Tiquiro sa nidi bato oh̄o saha ni t̄hotuahye cohteriquiro tiquiro basi: “Ȳh̄u p̄h̄toro ȳh̄are coh̄āno taro niaga. Ȳh̄u tutueraja. Sa yeḡu

tutuario dahra masiedaja. Sa yegu apequnare yuhu niñerure sinigü bñoro yuhduboaga yuhu. ¿Sa yegu dahse yeitari yuhu? <sup>4</sup>Yojoꝛu pūritare yuhu yeatire masiaja yuhu. Ohō saha yuhu yegū yuhu dahraye mariedagū yuhu pñatorore wapamoñequina yuhare cahīeta. Sa ye tiquina ye wuhuseꝛu saǰā dutieta yuhare”, ni tñotuahye tiqiro. <sup>5</sup>Sa ni tñoturo tiqiro ijipñitiyequina tiqiro pñatorore wapamoñequinare pijioahye. Pijio tuhasa, cohteahye. Wihi mañtariquirōre ohō saha ni sinituahye tiqiro. “¿Yuhu pñatorore noho puno wapamoajari mñhu?” niahye tiqiro. <sup>6</sup>Tiqiro sa nigū wapamoriqiro pehe yañtiahye. “Cien tambores ahsere olivo dūca mehna tiquina yeri ahsere wapamoaja tiquirōre”, ni, yañtiahye. Tiqiro sa ni yahugū cohteriqiro pehe ohō saha ni yahuahye. “Ohōꝛu ijire mñhu wapamonore ojoa ohōri pū. Dujiya. Sa yegu mñhu wapamonore deco mehna ne, deco mehna ojoa quehnoña”, niahye cohteriqiro wapamoriqiro. <sup>7</sup>Sa ni tuhasa apeqiro wapamoriqirore sinituahye tiqiro. “¿Mñhu waro, noho puno wapamoajari?” niahye tja. “Cien ajuri trigo pjeri ajurire wapamoaja yuhu”, niahye wapamoriqiro niñerure cohteriqirore. “Ohōꝛu ijire mñhu wapamonore ojoa ohōri pū. Mñhu wapamonore ochenta ojoa quehnoña”, niahye cohteriqiro. <sup>8</sup>Tiqiro sa quehnoano ni meho mihñigū ihñano “Ahriqiro ni mehoriqiro quehnoano masidiquiro ijiaga”, ni tñotuahye tiqiro pñatoro niñerure cohteriqirore. Ahri deco cǰēna, Cohācǰure cahmeeñequina tiquina yere quehnorire tiquina niñeru ihborire Cohācǰū yequina yuhduoro masiaga tiquina, niahye Jesu.

<sup>9</sup>Sa ni tuhasa Jesu yahu nemoahye:

—Sa yegu mñsare niita niaja. Mñsa cñoyere, pejecñoyequinare mñsa ohogū, tiquina pehe mñsare cahīeta. Mñsa sa yegū mñsa cñoye piñtari bato mñsa ihmuseꝛu esagū mñsare cahīeta toꝛure.

<sup>10</sup>Ihyo ijieyequina ye dahrayere poto yena, pñtoa ye dahraye gñhure poto yenata. Ihyo ijieyequina ye dahrayere queoro yerana, pñtoa ye dahraye gñhure queoro yesi mñsa. <sup>11</sup>Sa yena ahri yehpaꝛu mñsa cñoye mehna mñsa quehnoano yerana Cohācǰū mñsare tiqiro ye buheye gñhure quehnoano yesi mñsa. Sa yero ti buheyere cūsi tiqiro. <sup>12</sup>Sa yena apeqiro yere mñsa quehnoano ye basaeragū ihñano mñsa ye ijiatire ohosi mñsare.

<sup>13</sup>Ihcāqiro Cohācǰū pehere wacūno, tutua yuhduaro niñeru pehere wacūedare. Niñeru pehere tutua yuhduaro wacūno Cohācǰū pehere wacūedare. Niñeru dihitare cahmediquiro ijiro Cohācǰure bucuegū yerare. Cohācǰū gñhure, niñeru gñhure pñarore cahme yuhduarocarō basioerare mñsare. Niñerure cahme yuhduariqiro Cohācǰure quehnoano ño peo masiedare, niahye Jesu.

<sup>14</sup>Tiqiro sa nigū tahoye fariseo masa pehe tiquirōre bujupeahye. Tiquina pehe niñerure cahīahye. Sa ye bujupeahye. <sup>15</sup>Tiquina bujupegū tñhoro Jesu tiquinare yahuahye:

—Masa tiquina ihñonore mñsa quehnoano yemene. Mñsa sa yegū “Quehnoañequina, poto yeyequina ijire”, nimene masa mñsare. Cohācǰū pehe mñsa tñhotuyere masine. Masa “Quehnoa yuhduare”, tiquina nidire Cohācǰū pehe sijoro saha ni tñhoture. Tire ihña yabire, niahye Jesu.

*Cohācǰū dutiyere, tiqiro pñatoro ijiyere yahuahye Jesu*

<sup>16</sup>Sa ni tuhasa ohō saha ni nemoahye Jesu:

—Ñu wame yeriquiro tiqiro ijiato pano Moiserē tiqiro cūri dutiye mehna Cohācǰū marine dutiri. Cohācǰū yere yahu mañtariquina tiquina ojoari mehna gñhu marine dutiri. Yojoꝛu pehere Ñu tiqiro buhe dñcari bato quehnoañe buheyere, Cohācǰū tiqiro pñatoro ijieye gñhure masi dñcare



masa. Sa masiñe masa tiquina esa tuharo tiquina tutuaye mehna Cohãcjũ tiquiro pahtoro ijire saja duamene. <sup>17</sup> Moiseri tiquiro cûri dutiyepu Cohãcjũ nidiro sahata ye pehorota tiquiro. Ëhmuse gãhu ahri yehpa gãhu pihitia wahaepegũta Cohãcjũ nidiro sahata ye pehorota, niahye Jesu.

*Namonore cohãñene yahuahye Jesu*

*(Mt 19.1-12; Mr 10.1-12)*

<sup>18</sup> Sa ni tuhasa ohõ saha ni nemoahye Jesu:

—Masuno tiquiro namonore cohãno, apecoro mehna omoca duhtero, ticoro mehna ñano yero nine. Apequiro tiquiro cohãricoro mehna omoca duhtero, tiquiro gãhu ticoro mehna ñano yero nine, niahye Jesu.

*Doeri cjẽ upuro, pejesuoriquiro queoyere yahuahye Jesu*

<sup>19</sup> Sa ye queoye mehna yahuahye Jesu:

—Ti pjepeure doeri cjẽ upuro ijie tiahye. Tiquiro suhti pehe wapa buja yuhduahye. Sa yero decoripe quehnoañe dihitare ihyaro, peye cõoahye tiquiro. <sup>20</sup> Sa yero ti pjere apequiro pejesuoriquiro, Lázaro wame tiriquiro ijie tiahye. Tiquiro pagu peye cami tiriquiro ijiahye. Sa ye apequina pehe tiquirore doeri cjẽ upuro ya wãhu cã sahrĩno cahapu ne sae tiahye. <sup>21</sup> Sa yero pejesuoriquiro pehe doeri cjẽ upuro tiquiro ihyari mesa docapu yehrapu dujiro tiquiro ihyã site dijiyere ihyã timahye. “Tiquiro ihyã site dijiyere ihyã yãpigata yãhu”, ni, tuhotue timahye tiquiro. Sa ye diayea tiquiro camine nehneñe ahta tiahye.

<sup>22</sup> Sa yero pejesuoriquiro tiquiro yariaa wahagũ, Abrahã cahapu paraíso wame tiorpu angele tiquirore ne mujahye. Sa yero doeri cjẽ upuro gãhu tiquiro batogãta yariaa wahahye. Tiquiro yariagũ tiquirore yahye. <sup>23</sup> Sa yero doeri cjẽ upurore tutuaro peca ujuahye. Sa yero pecapu ijiro ãhmusepu ijiriquirore Abrahãre ihñahye. Lázaro gãhure ihñahye. <sup>24</sup> Ihña tuhasa, tiquiro Abrahãre pisuahye. “Yũhu acayu Abrahã, paja ihñaña yũhure. Pecapu yũhu ñano yũhdũgu niaja. Yũhu sa wahagũ Lázarore yũhure ohoya. Sa yero acore tiquiro omo piriapu soha, yũhu ñehmenore aco mehna nehono ahtaahro. Tire yũsoahro tiquiro”, niahye doeri cjẽ upuro. <sup>25</sup> Tiquiro sa nigũ Abrahã tiquirore yahuahye: “Yũhu acayu, catigapu mũhu jjihiytiyere quehnoañene cuori. Lázaro pehe decoripe ñano yũhdũri. Yojupe pehere mũhu ñano yũhdũgũ tiquiro pehe ohõpũre bucueye mehna ijiro nine. <sup>26</sup> Sa ye mari watõa uhcũãri cope ijire. Sa ye ohõre ijieyiquina topũre waha masiedare. Sa ye topũ ijieyiquina ohõpũre ahta duayeyiquina ahta masiedare”, niahye Abrahã doeri cjẽ upurore. <sup>27</sup> Tiquiro sa nigũ doeri cjẽ upuro ohõ saha ni nemoahye: “Yũhu acayu, tutuaro siniaja mũhure. Lázarore yũhu pacu ya wũhũpu ohoya. <sup>28</sup> Yũhu ihcã omoyeyiquina bahana tii. Lázaro tiquinare yahuahro. Tiquina ohõre ñano yũhdũropũre ahtaeracãhdo”, niahye tiquiro. <sup>29</sup> Sa nigũ Abrahã pehe yũhtiahye: “Cohãcjũ dutiyere Moise marine cũrire, Cohãcjũ yere yahu mũhtariquina tiquina ojarire cuore mũhu bahana. Sa ye mũhu bahana tireta tuhoahro”, niahye Abrahã. <sup>30</sup> Tiquiro sa nigũ doeri cjẽ upuro pehe yũhtiahye: “Yũhu acayu Abrahã, tire cuoepeta quehnoano tuhosõ. Lázaro yariariquiro masa bajua, tiquina cahapu esagũ ihñañe tiquina pehe ñañene bujua witi, quehnoañe pehere comesaeta. Sa ye quehnoañene yeeta yũhu bahana pehe”, niahye doeri cjẽ upuro mũnano. <sup>31</sup> Tiquiro sa nigũ Abrahã pehe yahuahye: “Mũhu bahana Moise cũri pũ tiquiro yahuyere, Cohãcjũ yere yahu mũhtariquina mũna tiquina yahuyere tuho dueyeyiquina ijire. Sa ye Lázaro yariariquiro mũnano masa bajuepegũta tiquina Cohãcjũre tuho duasi”, niahye Abrahã, ni, yahuahye Jesu.

## 17

*Ñañene yegū cuarīne  
(Mt 18.6-7, 21-22; Mr 9.42)*

<sup>1</sup> Sa ye Jesu yahuahye tiquiuro buheyequinare:

—Masare ñañe yegū yeye peye ijire. Sa yeye masa ñañene yere. Ti sa ijipegāta masunore ñañene yegū yeriquiro pehe ña yuhdũaro yuhdũrota.

<sup>2</sup> Masunore tiquiuro wamũaru pajiria utāre duhte yo, pajiri mapũ tiquiore cohāgū ñano wahaboaga tiquiuro. Apequiore pehe ahriquinagā mehna cjũnogāre ñañene yegū yero pajiri mapũ tiquina cohāriquiuro yuhdũoro ñano yuhdũrota. Tiquiore tutuaro buhiri dahrero cahmene. <sup>3</sup> Quehnoano yeya mũsa. Mũsa acayũro ñano tiquiuro yegū ihñana “Yeracāhña”, niña tiquiore. Sa yena tiquiuro ñañene bujũa witigũ, quehnoañene comesagũ mũsa pehe tiquiuro ñañe yeyere boya. <sup>4</sup> Sa yero mũsa acayũro ihcā decota siete tahari mũsare ñano tiquiuro yegū mũsare tiquiuro bo dutigũ boya. “Pari turi mũhũre ñano yesi”, siete tahari tiquiuro nigũ tope taharita tiquiuro ñano yerire boya, niahye Jesu.

*Cohācjāre wacũ tutuayere yahuahye Jesu*

<sup>5</sup> Sa ye Jesu buheyequina tiquiore ohō saha niahye:

—Cohācjāre usāre quehnoano wacũ tutua nemogũ yeya, niahye tiquina Jesure.

<sup>6</sup> Tiquina sa nigũ Jesu yuhtiahye:

—Mostaza capegā meheni pjegā ijire. Ti yero saha Cohācjāre mehenogā wacũ tutuana, ohō saha wahagũ ye masinata mũsa: Ahdũ yucũgũre ohō saha ni masine: “Mũhũ yucũgũ mũhũ basi duhtu cā, pajiri mapũ bora ñojoañã”, ni masine mũsa. Mũsa sa nigũ tũ yucũgũ pehe mũsa dutiro sahata waharota, niahye Jesu.

*Dahra coheriquiro tiquiuro dahrayere yahuahye Jesu*

<sup>7</sup> Came ahri quitire yahuahye Jesu:

—Mũsare dahra coheriquiro ijiro wesepũ tanare. Sa yero ovejare ihñã ihbore. ¿Dahra coheriquiro tiquiuro tojoã wihigũ duhse niboagari mũsa tiquiore? ¿“Sojaro mehna ahtaya. Mũhũ ihyaye ohõrũ ijire”, niboagari mũsa? <sup>8</sup> Sa niedare mũsa. Tiquiore ohō saha nine mũsa: “Yũhũ ihyayere doha quehnoña. Sa yegũ yũhũ ihya sihnigũ yũhũre cohteya. Yũhũ bato mũhũ gũhũ ihya sihniña”, nine mũsa dahra coheriquiro. <sup>9</sup> Dahra coheriquiro mũsa dutiyere tiquiore yegũ tiquiore “Quehnoare”, niedare mũsa. Tiquiore dahraye dihitare yero niaga tiquiuro. <sup>10</sup> Mũsa gũhũ tiquiuro yero saha ijire. Cohācjũ dutiro sahata ye pehõna ohō saha ni, tũhotuya mũsa. “Usã gũhũ dahra cohtena dihita ijiaja. Ihyo ijina ijiaja usã. Usã dahraye dihitare yei usã”, ni, tũhotuya mũsa, niahye Jesu tiquiuro buheyequinare.

*Pũa omopequina cami bũcũ mũna wihare yuhdũoahye Jesu*

<sup>11</sup> Ape deco Jerusalẽrũ Jesu waharo niahye. Topũ waharo Samaria yehpa, Galilea yehpa, ti pũa yehpa watoa yuhdũ cāhũ. <sup>12-13</sup> Ape macapũ wahari maharũ tiquiuro tinigũ pũa omopequina cami bũcũ mũna wiha pehe tiquiore piti cahye. Sa ye yoa cjũnorũ dũcũye pisuahye:

—Jesu, pũhto, usāre paja ihñaña, niahye tiquina.

<sup>14</sup> Sa nigũ tiquinare ihñã, yahuahye Jesu:

—Pahire mũsa pagũre quehnoañe pagũri mũsa waharire ihñõna wahaya, niahye tiquinare.

Sa nidi bato tiquina wahari watoa quehnoa wahahye. <sup>15</sup> Sa yero ihcāquiuro tiquina mehna cjũno quehnoano tiquiuro pagũ wahagũ ihñano, Jesu caharũ

majare tojoa tahye. Sa tojoa taro tutuaro mehna Cohãcjüre ño peoahye. “Cohãcjü tutuariquiro, quehnoariquiro ijire”, ni, ño peoahye tiquiro. <sup>16</sup> Sa nino tiquiro Jesu dahpocãri caha dusepe curi mehna quehe sa, “Quehnoare”, niahye tiquiro. Samaria cjãno ijiahye. <sup>17</sup> Tiquiro sa yeri bato Jesu ohõ saha ni sinituahye:

—Pua omopequina ijiri masa quehnoa wahariquina. ¿Apequina nueve dñhsayequina pehe nohoru ijiagari tiquina? <sup>18</sup> Ahriquiro ape yehpa cjãno dihita Cohãcjüre “Quehnoare”, nino taro tojoa tari. ¿Dñhse ijiro boro apequina ahtaerajari? niahye Jesu.

<sup>19</sup> Sa ni tuhasa Jesu yahuahye dusepe curi mehna quehe sariquirore.

—Wahcãdũcaya. Wahaya. Mũhũ Cohãcjüre wacũ tutuagu, yũhdũre mũhũ, niahye Jesu tiquirore.

### *Cohãcjü tiquiro pũhtoro ijiatire yahuahye Jesu*

*(Mt 24.23-28, 36-41)*

<sup>20</sup> Ti pjere meheñequinagã fariseo masa Jesure sinituahye:

—¿Dñhse ijigũ Cohãcjü pũhtoro iji dũcarotari? niahye tiquina.

Tiquina sa nigũ Jesu yũhtiahye:

—Cohãcjü tiquiro pũhtoro iji dũcagũ masa ihña masiedare. <sup>21</sup> “Cohãcjü pũhtoro ijie ohõru ijire”, ni masiedare. “Sohõru ijire”, ni masiedare. Cohãcjü tiquiro pũhtoro ijie masa tiquina tũhotuyeru ijire, niahye Jesu fariseo masare.

<sup>22</sup> Sa ni tuhasa Jesu tiquiro buheyequinare ohõ saha ni yahuahye:

—Came yũhũ masũ Cohãcjü ohorigũ ahri yehparu yũhũ tojoa tatire tutuaro cahmenata mũa. Mehenogã yũhũre ihña duepenata yũhũre ihñasi mũa. Mũa yũhũre sa ihña duepegãta ti pjere ahtasi yũhũ. <sup>23</sup> Apequina mũsare ohõ saha nieta. “Tiquirore ihñaña. Cristo ijire. Ahriquirore ihñaña. Cristo ijire”, nieta mũsare. Tiquina sa niepegãta tiquinare tũhoeracãhña. <sup>24</sup> Uro miadoqueoro wacũeno mehna ti mia sitedoqueoro sahata yũhũ gũhũ masũ Cohãcjü ohorigũ wacũeno mehna tojoa tautja. <sup>25</sup> Ahrire yũhũ yeato pano yũhũ tutuaro ñano yũhdũta. Sa ye yojoru cjẽna yũhũre cahmesi. <sup>26</sup> Noé tiquiro ijiri pje cjẽna tiquina ijiriro sahata yũhũ masũ Cohãcjü ohorigũ yũhũ tojoa tagũ sata ijietata masa. <sup>27</sup> Noé tiquiro ijiri pjere ijipihtiyequina masa sa ihyaducue tiahye. Sa ye sihniducue tiahye. Uũa, numia mehna omoca dũhtee tiahye. Noé pajiria yucũsaru tiquiro sajãto pano Cohãcjü tiquinare tiquiro mioato pano ti ijipihtiyere masa yeducue tiahye. Sata ijirota yũhũ tojoa tagũ gũhũre.

<sup>28</sup> Lote tiquiro ijiri pje cjẽna tiquina ijiriro sahata yũhũ tojoa tagũ ijietata masa. Lote tiquiro ijie tiri pjere masa ihya, sihni, dú, dua, weserire ote, wũhũse yeahye. <sup>29</sup> Tiquina sa yeri watoa Sodoma wame tiri macaru ijiriquiro Lote tiquiro wahari deco hũmũse cjã peca, peca asiye paca utã pjeri gũhũ acoro ahtaro saha tiquina bui bora pje, tiquinare wejẽ pehoe tiahye. <sup>30</sup> Yũhũ masũ Cohãcjü ohorigũ wacũeno mehna yũhũ tojoa tagũ tiquina yero sahata yeyequina ijietata masa ti pjere.

<sup>31</sup> Ti pjere ihcãquiro tiquiro ya wũhũ bui cjã paaru quehnoari paaru ijiriquiro wũhũ puhĩaru tiquiro ye ijigũ tire neno wahaeracãhdo tiquiro sojaro mehna wahato saha. Sa yero weseru ijiriquiro gũhũ ti pjere tiquiro ya wũhũru piheracãhdo tiquiro sojaro mehna wahato saha. <sup>32</sup> Lote namono ticoro waharire wacũña mũa. <sup>33</sup> Masũno yũhũre wacũno marieno tiquiro esa tuhãro tiquiro cahmeno saha yero, pecaru waharota. Sa yero yeere sa yeducuriquiro ijipihtie decori yũhũ mehna hũmũseru ijirota.

<sup>34</sup> 'Ti ñamine p̄aro ihcã cuñanop̄u carĩñequinare ihcãquiro yuh̄ure cahmeniquirore neitja. Sa yero yuh̄ure cahmedariquiro top̄u tojoarota. <sup>35</sup> Ti p̄jere p̄aro numia ihcãnop̄u tiquina trigore tu m̄toñe numiare ihcãcoro yuh̄ure cahmenicorore neitja. Sa yero yuh̄ure cahmedaricoro top̄uta tojoarota. <sup>36</sup> [Sa ye wesep̄u p̄aro dahrayequina tiquina ijigũ ihcãquirota neitja. Ihcãquiro top̄u tojoarota,] niahye Jesu.

<sup>37</sup> Sa nigũ tiquiro buheyequina pehe sinituahye tiquirore.

—¿Nohop̄u sa wahaerotari? ni sinituahye tiquina.

Tiquina sa nigũ Jesu yuh̄tiahye:

—Masa tiquina ñano yeducurip̄u, top̄u Cohãcjũ buhiri dahrerota tiquinare, niahye Jesu.

## 18

### *Wape wihoro ticoro buhiri dahre dutiye queoyere yahuahye Jesu*

<sup>1</sup> Sa ye Jesu tiquinare Cohãcjũre siniñene yahuro ohõ saha niahye:

—Masa Cohãcjũre sinina, cohteya tiquiro yuh̄tiateire. Yoari p̄je cohtepenata buj̄na witeracãhña. Tiquirore sinina duhueracãhña, niahye Jesu.

<sup>2</sup> Tiquiro sa nidire buhero taro ahri queoye mehna yahuahye tiquinare:

—Ape macap̄u tiquina buhiri dahre dutiriquiro ijiahye. Tiquiro Cohãcjũre ño peerahye. Sa yero masa gũh̄ure ño peerahye. <sup>3</sup> Sa yero wape wihoro gũh̄u top̄u ijiahye. Ticoro tiquiro cahap̄u sa majareno ohõ saha niahye: “Yuh̄ure ihña tuhtiriquirore buhiri dahre dutiya m̄h̄u. Yuh̄ure ni cahmota basaya”, ni siniducuahye ticoro tiquirore. <sup>4</sup> Ticoro sa nigũ peye tahari ticoro “Yesi yuh̄u”, nimahye ticorore. Tiquiro sa niepegũta ticoro peye tahari sa siniducuro tiquirore ni cariboro ye cãmahye. Ticoro caribogũ, ohõ saha niahye tiquiro basi. “Yuh̄u Cohãcjũre, masa gũh̄ure ño peeraja. <sup>5</sup> Yuh̄u sa ño peoegu yuh̄u ijiepegũta ahricoro pehe yuh̄ure caribo ye cãmaga. Yuh̄ure sa cariboro yuh̄ure caributigũ yerota ticoro. Sa ni yahusãducugũ ticorore ihña tuhtiriquirore buhiri dahre dutiitja”, niahye buhiri dahre dutiriquiro, niahye Jesu.

<sup>6</sup> Sa nino Jesu tiquinare yahu nemoahye:

—Sa niahye ñariquiro buhiri dahre dutiriquiro. Tiquiro nidire wacũña m̄sa. <sup>7</sup> Tiquiro yuh̄duoro Cohãcjũ pehe tiquiro yequina tiquiro besequinare ñamip̄u, decop̄u tiquirore sinidiquinare yuh̄tiro, yedohorota.

<sup>8</sup> M̄sare niita niaja. Cohãcjũre tiquina sinidiro sahata duita tiquinare yedohorota. ¿Tiquiro sa yuh̄tiriquiro ijiepegũta yuh̄u mas̄u Cohãcjũ ohorigu ahri yehpap̄u tojoa tagu Cohãcjũre wacu tutuayequinare bocaboagari yuh̄u? niahye Jesu.

### *P̄aro masa Cohãcjũre tiquina siniñe quitire yahuahye Jesu*

<sup>9</sup> Sa ye ap̄eye quiti mehna ohõ saha ni yahuahye Jesu: “Ûsã pehe quehnoana ijiaja. Apequina pehe ñano yeyequina ijire”, ni, tuhotuyequinare ahri quitire yahuahye:

<sup>10</sup> —Cohãcjũ ya wuh̄up̄u p̄aro m̄ma Cohãcjũre siniñe wahahye. Ihcãquiro fariseo mas̄uno ijiahye. Apequiro wapa ne cohteriquiro ijiahye. <sup>11</sup> Sa yero fariseo mas̄uno pehe ducu, ohõ saha ni yahuahye Cohãcjũre: “Yuh̄u yaquerigu, ñañene yerigu, numia mehna ñano yerigu ijieraja. Apequina yero saha ijieraja. Ahriquiro wapa ne cohteriquiro yero saha ñagu ijieraja. Sa yegu m̄h̄ure ‘Quehnoare’, niaja Cohãcjũ. <sup>12</sup> Yuh̄u semanaripe p̄ua decore m̄h̄u yere yegu sijiaja. Sa yegu p̄ua omope cjoeri niñeru cjoerire wapatagu ihcã cjoere m̄h̄ure ohoaja”, niahye fariseo mas̄uno Cohãcjũre. <sup>13</sup> Sa yero

wapa ne cohteriquiro pehe yoaropu muhri yo ducu, tiquiro ñañene bujua witi, umusepue ihñedahye. Tiquiro ñañene bujua witi tiquiro ijiro tiquiro cutirote que ohõ, siniahye Cohãcjüre: “Cohãcjü, yuhu ñagu ijiaja. Sa yegu mahu paja ihñaña yahare”, niahye tiquiro Cohãcjüre. <sup>14</sup> Musare niita niaja. Ahriquiro wapa ne cohteriquiro pehere tiquiro ya wahupe tojoagü Cohãcjü pehe “Muhu ñañene cohã tuhasau”, niahye tiquiro. Apequiro fariseo masunore “Muhu ñañene cohã”, niedahye Cohãcjü. “Yuhu quehnoagu ijiaja”, nidiquiro Cohãcjü ihñagü ñariquiro ijire. “Yuhu ñagu ijiaja. Sa yegu yee ñañene bujua witiaja”, nidiquiro Cohãcjü quehnoariquiro ijigü yerota tiquiro, niahye Jesu.

*Macanagäre tiquina ye ijiatire Cohãcjüre sini basahye Jesu*

(Mt 19.13-15; Mr 10.13-16)

<sup>15</sup> Sa ye masa tiquina pohnene macanagäre Jesure ña peo dutiye tehe, tiquiro cahapu ne wihiahye. Tiquina sa yegü ihñañe Jesu buheyequina tiquinagäre ne wihiequinare tuhtiahye. <sup>16</sup> Tiquina sa tuhtigü ihñano Jesu macanagäre pijioahye tiquiro cahapu. Pijio tuhasa ohõ saha niahye tiquiro buheyequinare:

—Macanagä yuhu cahapu ahtaahro. “Waharisa”, niedacãhña tiquinagäre. Tiquinagã Cohãcjüre tiquina puhtoro tuhoture. Sa ye Cohãcjü puhtoro ijiropure ahriquinagã yero sahata tuhotuyequina ijire topure. <sup>17</sup> Potota niita niaja musare. Ahriquinagã Cohãcjüre tiquina cahmeno saha masa pehe cahmedana, tiquiro cahapu wahasi masa. Masa wahaeragü masa puhtoro ijisi tiquiro, niahye Jesu.

*Doeri cjë upuro Jesure sinituahye*

(Mt 19.16-30; Mr 10.17-31)

<sup>18</sup> Tiquiro sa nidi bato judio masa puhtoa mehna cjëno Jesure sinituahye: —¿Ne, quehnoagu, buhegu, ijipihtiye decori Cohãcjü mehna iji duagu, dahse yeboagari yuhu? niahye tiquiro.

<sup>19</sup> Tiquiro sa nigü Jesu yuhtiahye:

—¿Dahse ijiro boro yuhare “Quehnoagu”, ni pisuajari mahu? Cohãcjü dihita quehnoariquiro ijire. <sup>20</sup> Ahri Cohãcjü dutiyere masine mahu. “Wana tieracãhña. Masare wejêdacãhña. Yaqueracãhña. Ni mehoedacãhña. Masa pasumhare ño peoya”, ni, sa ye dutire Cohãcjü. Sa yegu tire yeya mahu, niahye Jesu.

<sup>21</sup> Tiquiro sa nigü Jesure yuhtiahye:

—Tire ijipihtiyere yuhu coã wahma cãhtagu ijiguputa yuhducaerahti, niahye tiquiro.

<sup>22</sup> Tiquiro sa nigü tuhoro, Jesu tiquirore ohõ saha ni yahuahye:

—Mehenogã dahsare mähare mahu ye pehoati. Ijipihtiyere mahu yere duagu wahaya. Sa yegu ijipihtiye mahu wapatari niñerure pejesoyequinare ohoja. Mahu sa yegü peye mahu ye umusepue, Cohãcjü cahapu ijirota. Sa ye tuhasagu yuhu mehna cjü ijiacju ahtaya, niahye Jesu tiquiro.

<sup>23</sup> Tiquiro sa nigü tuhoro tiquiro pehe peye doeri cjë cõriquiro ijiro tire pejesoyequinare oho dueraro, tutuaro bujua witi, waha wahahye.

<sup>24</sup> Tiquiro sa bujua witiyü ihñano Jesu ohõ saha ni yahuahye apequinare:

—Doeri cjë opana Cohãcjü tiquiro puhtoro ijiropure tiquinare waharo basioera cjüre. <sup>25</sup> Camello pehe awia coperu tiquiro sajã duagü basioerare tiquiro. Tiquiro sa ijiro yuhduoro doeri cjë upuro Cohãcjüre cahmedaro, Cohãcjü tiquiro puhtoro ijiropure waharo basioerare, niahye Jesu.

<sup>26</sup> Tiquiro sa nigü tiquirore tuhoyequina ohõ saha niahye:

—Aa, dũhse tiqũiro nino saha poto ijigũ, ne ihcãquiro masũno Cohãcjũ caharũ waha masiedaboaga, niahye tiquina basi.

<sup>27</sup> Tiquina sa nigũ Jesu yũhtiahye:

—Masa tiquina esa tuharo quehnoano yeri mehna Cohãcjũ caharũ waha masiedare. Cohãcjũ pehe masare pecarũ wahaboriquinare yũhdũo masine. Tiquiro ijipihtiyere quehnoano ye masĩ peho cãre, niahye Jesu tiquinare.

<sup>28</sup> Tiquiro sa nigũ Pedro tiquirore ohõ saha niahye:

—Tũhorĩña. Hsã pehe ijipihtiyere hsã yere cũ cãũ mũhũ mehna wahana, niahye tiquiro Jesure.

<sup>29</sup> Tiquiro sa nigũ Jesu ohõ saha niahye:

—Potota masare niita niaja. Mũsa Cohãcjũ yere yena tana mũsa wũhũsere, mũsa pacũsũmũare, mũsa bahanare, mũsa namosãnumiare, mũsa pohmare cũrina ijina pajiro wapatanata mũsa yojopũre. <sup>30</sup> Mũsa cũri yũhdũoro wapatanata. Sa yena mũsa yariari bato ijipihtiyere decori Cohãcjũ mehna ijinata mũsa, niahye Jesu tiquinare.

*Pari turi Jesu tiquiro yaria masa wijiatire yahuahye*

*(Mt 20.17-19; Mr 10.32-34)*

<sup>31</sup> Sa ye Jesu doce tiquiro buheyequinare neahye. Sa neano tiquinare yahuahye:

—Tũhoya yũhũre. Yojopũre mari Jerusalẽrũ wahana niaja. Topũ yũhũre masare Cohãcjũ ohorigũre Cohãcjũ yere yahu mũhtariquina panopũ tiquina yahurire sahata sa yeeta yũhũre. <sup>32</sup> Topũ masa yũhũre ñehẽñe, judio masa ijieyquinare ohoeta yũhũre. Yũhũre tiquina ohori bato tiquina yũhũre bujũre, ñano ni, yũhũre sihco puti ohõeta. <sup>33</sup> Sa ye yuta dari mehna tana tuhasa wejẽeta yũhũre. Sa yegũ ihtia deco wahaboro masa wijiajuta yũhũ, niahye Jesu tiquinare.

<sup>34</sup> Tiquiro sa ni yahurire quehnoano masiedahye tiquiro buheyequina. Cohãcjũ tire tiquinare quehnoano masigũ yeraniahye.

*Caperi bajueriquirore ihñagũ yeahye Jesu*

*(Mt 20.29-34; Mr 10.46-52)*

<sup>35</sup> Sa ye Jesu gũhũ Jericõ wame tiri maca cahagãrũ esahye. Topũ caperi bajueriquiro maha dũhtũ caha duji, niñeru sinino niahye. <sup>36</sup> Sa yero masa peyequina tiquiro caha yũhdũagũ tũhoro sinituahye tiquinare:

—¿Dũhse ijiro boro masa peyequina yũhdũajari? ni sinituahye tiquiro.

<sup>37</sup> —Jesu Nazare cjũno waharo nine, ni, yahuahye apequina tiquirore.

<sup>38</sup> Tiquina sa ni yahugũ tũhoro tiquiro sañuducuahye:

—Jesu, Davi mũnano panami iji turiagũ, masare yũhdũoacjũ, yũhũre paja ihñaña, ni sañuducuahye Jesure.

<sup>39</sup> Tiquiro sa nigũ tiquiro caha ihñaducuyequina pehe, “Dihta mariañña”, ni tuhtiahye tiquirore. Tiquina sa ni tuhtiepegũta to pano tiquiro sañuducuro yũhdũoro sañuducu nemoahye tja:

—Davi mũnano panami iji turiagũ, masare yũhdũoacjũ, yũhũre paja ihñaña, ni sañuducuahye tiquiro.

<sup>40</sup> Tiquiro sa ni sañuducugũ tũhoro, Jesu pehe esadũca, “Pijioya tiquirore”, niahye. Tiquiro sa nigũ tiquina pehe caperi bajueriquirore piji cãhye. Tiquina sa piji cãgũ Jesu caharũ esagũ Jesu pehe tiquirore sinituahye:

<sup>41</sup> —¿Dũhse yũhũ yegũ cahmeajari mũhũ? niahye Jesu.

—Yũhũ pũhto, yũhũre ihñagũ yeya, ni yũhtiahye caperi bajueriquiro.

<sup>42</sup> —Ihñaña. Yũhũre wacũ tutuagũ, quehnoa wahare mũhũ, niahye Jesu tiquirore.

<sup>43</sup> Tiquiro sa nigūta caperi bajueriquiro ihñaa wahahye. Sa quehnoa waharo, tiquiro Jesu mehna wahahye. “Cohācjū tutuariquiro ijire”, niahye tiquiro. Sa ye masa peyequina caperi bajueriquiro ihñagū ihñañe “Cohācjū quehnoariquiro, tutuariquiro ijire”, niahye tiquina gūh.

## 19

### *Zaqueo Jesure piti cahye*

<sup>1</sup> Sa ye Jesu Jericóru esa, ti macaru yūhdū cāno taro niahye. <sup>2</sup> Doeri cjē upuro Zaqueo wame tiriquiro wapa ne cohteyequina pūhtoro toru ijiahye. <sup>3</sup> Sa yero tiquiro Jesure “¿Diquiro boro ijiagari?” ni ihñā masino taro Jesure ihñā duamahye. Sa tiquiro ihñā duepegāta uhmēdiquirogā ijigū masa peyequina tiquirogāre cahmotahye. <sup>4</sup> Sa yero tiquiro masare oma yūhdū cā, sicómoro wame tidū yucūgūru mūjahye Jesure ihñāno taro. Came cjūnogā tu caharu Jesu yūhdūaro taro niahye. Sa yero Zaqueo tūru cohtero niahye. <sup>5</sup> Tiquiro sa cohte pesari watoa Jesu pehe tu dahpotoru esadūca, Zaqueore ihñā mūo, tiquirore pisuahye:

—Zaqueo yojopure māhū ya wūhūru tojoagutja. Sa yegu sojaro mehna dijia taya, niahye Jesu.

<sup>6</sup> Tiquiro sa nigū Zaqueo pehe sojaro mehna dijia ta, tutuaro bucueye mehna tiquiro ya wūhūru waha dutiahye Jesure. <sup>7</sup> Tiquiro sa piti cagū ihñañe, ijipihtiyequina masa tiquina basi ohō saha ni yahuducuahye:

—Ahriquiro Jesu űariquiro ya wūhūru tinino waha duare, ni, yahuducuahye ijipihtiyequina tiquina basi.

<sup>8</sup> Zaqueo pehe piti ca tuhasa toru ducuro, Jesure yahuahye:

—Pūhto, tūhoya yūhūre. Ijipihtiye yeere deco mehna pejecūoyequinare ohoutja. Sa yegu yūhū apequirore cien niñeru cjoerire ni meho ehmarigu ijigū, cuatro cientos niñeru cjoerire wapa ye bui peoutja tiquirore, niahye Zaqueo Jesure.

<sup>9</sup> Tiquiro sa nigū Jesu pehe yahuahye tiquirore:

—Miare māhūre māhū ya wūhūru ijieyequina gūhūre pecaru wahaboriquinare Cohācjū yūhdūo tuhasare. Mūhū gūhū Abrahā mūnāno acayū ijire. <sup>10</sup> Yūhū masū Cohācjū ohorigū pecaru wahaboriquinare macagū ahtagū nii. Toru wahaboriquinare quehnoano yūhdūogū ahtagū nii, niahye Jesu Zaqueore.

### *Niñeru cjoeri uru cjoeri quitire yahuahye Jesu (Mt 25.14-30)*

<sup>11</sup> Sa ye tiquirore tūhoyequinare Jesu apeye queoye mehna yahuahye. Mehenogā dūhsahye Jerusalēru tiquiro esato. Sa ye tiquirore tūhoyequina ohō saha ni tūhotuahye: “Cohācjū pūhtoro yojopure iji dūcaro taro nine”, ni, tūhotuahye tiquina. <sup>12</sup> Tiquina sa ni tūhotugū Jesu yahuahye tiquinare:

—Ihcāquiro pūhtoro macūno pūhtoro sajātiquiro yoaroru ape yehparū waharo taro niahye. Torure esagū ihñāno tiquina tiquirore pūhtoro sōñe tee niahye. Came tiquiro ya wūhūru tojoa wihiro taro niahye. <sup>13</sup> Coā warore tiquiro wahato panore pūhtoro pūa omopequina dahra cohteyequinare pijioahye. Sa pijioro, tiquiro tiquinare tiquinape cjoeri niñeru cjoeri wapa būjūye cjoeri uru cjoerire ohoahye. Oho tuhasa, yahuahye tiquinare: “Yūhū mariēdagū ahri niñeru mehna mūsa wapata nemoatire macañā”, niahye tiquiro dahra cohteyequinare. <sup>14</sup> Sa ye tiquiro ya maca cjēnata tiquirore cahmedahye. Sa cahmedaye, apequinare tiquirore pūhtoro yahu dutiye



ohoahye. “Mũhũ usã pũhto ijigũ cahmedaja usã”, niahye tiquina yahu dutiriquina pehe. <sup>15</sup> Sa tiquina cahmedapegũta came tiquina pũhtoro sajãhye tiquiuro. Pũhtoro sajã tuhasa tiquiuro ya wũhũrũ tojoa tahye.

‘Sa tojoa wihiro dahra cohteyequinare tiquiuro ye niñeru mehna tiquina wapata nemorire masino taro, tiquinare pijioahye. <sup>16</sup> Tiquiuro pijiori bato, wihi mũhtariquiuro tiquiuro yahuahye: “Pũhto, mũhũ niñeru cjoee, yũhũre mũhũ ohori cjoee mehna pũa omope cjoeri wapata nemou yũhũ”, niahye dahra cohteriquiro pũhtoro. <sup>17</sup> “Quehnoano yeaya mũhũ. Mũhũ quehnoagũ dahra cohtegũ ijire. Mũhũ mehenogã mehna yũhũ dutiriro sahata ye pehogũ ijigũ yojorũ pũa omope macari cjenã tiquina pũhto ijiaacũ wahaguta mũhũ”, niahye pũhtoro dahra cohteriquiro. <sup>18</sup> Tiquiuro bato wihiri quiuro tiquiuro mehna cjenã ohõ saha niahye: “Pũhto, mũhũ ya cjoee niñeru cjoee yũhũre mũhũ ohori cjoee mehna ihcã omope cjoeri wapata nemou yũhũ gũhũ”, ni yahuahye tiquiuro pũhtoro. <sup>19</sup> “Ihcã omope macari cjenã pũhto ijiaacũ wahaguta mũhũ”, niahye pũhtoro tiquiuro. <sup>20</sup> Tiquiuro sa nidi bato apequiuro dahra cohteriquiro wihi, yahuahye: “Pũhto, mũhũ niñeru cjoee ohõ ijire. Suhtiro cahsero mehna coma, ti cjoere ihbou. <sup>21</sup> Mũhũ tutuaro dahra dutigũ ijire. Sa tutuaro dahra dutigũ ijigũ mũhũ basi oterapeguta ti dũcare nene mũhũ. Sa yegũ mũhũre cue nii”, niahye tiquiuro pũhtoro “Ti cjoee mehna wapataerũ yũhũ”, ni yahuro. <sup>22</sup> Tiquiuro sa nigũ tiquiuro pũhtoro ohõ saha niahye: “Mũhũ sa nigũ ñagũ ijire mũhũ. Yũhũre mũhũ sa nidi buhiri mũhũre buhiri dahregũtja yũhũ. Yũhũ mũhũre tutuaro dahra dutigũ yũhũ ijigũ masine mũhũ. Apequina yere yũhũ negũ yũhũ oterarigũ ijiepeguta dũcare negũ yũhũ ijigũ masine mũhũ. <sup>23</sup> Yũhũ sa ijigũ ihñaapeguta ya cjoere niñeru ihbori wũhũrũ cũedahya mũhũ. Tire tiquina wasori wapa wapata nemoboaya mũhũ. ¿Dũhsegu sa yerari mũhũ? Tire mũhũ yegũ tojoa wihi wapa wapata nemoboaya yũhũ”, niahye tiquina pũhtoro. <sup>24</sup> Sa ni tuhasa tiquiuro caharũ ducuyequinare dutiahye: “Niñeru cjoere ehmaña tiquiuro. Pũa omope cjoerire cũoriquirore ohoya”, niahye pũhtoro. <sup>25</sup> Tiquiuro sa nigũ tiquina pehe yahuahye tiquiuro: “Pũhto, pũa omope cjoeri cũoriquiro peye cũo tuhasare”, niahye tiquina. <sup>26</sup> Tiquina sa nigũ pũhtoro yũhtiahye: “Mũsare niita niaja. Ijipitiyequina cũoyequinare ohõ nemoutja. Cũoeriquiro pehere mehenogã tiquiuro cũoeppegũta tire ehmagũtja. <sup>27</sup> Yojorũ pũritare yũhũre ihña tuhtiyequinare yũhũre tiquina pũhtoro iji dutierariquinare yũhũ caharũ ne cãhtaya. Sa yena yũhũ ihñonopũ wejẽña tiquinare”, niahye pũhtoro dahra cohteyequinare, ni, buheahye Jesu.

### *Jerusalẽrũ esahye Jesu*

*(Mt 21.1-11; Mr 11.1-11; Jn 12.12-19)*

<sup>28</sup> Sa ni tuhasa Jesu apequina pano Jerusalẽrũ wahahye. <sup>29</sup> Tiquiuro Betfagẽ wame tiri maca caharũ Betania wame tiri maca caharũ esa, cũũ Olivo wame tidũ caharũ esa mũhtahye. Jerusalẽrũ tiquiuro esato mehenogã dũhsatjiãhye. Sa yero pũaro tiquiuro buheyequinare Jesu ohoro ohõ saha niahye:

<sup>30</sup> —Si macarũ burrogãre nena wahaya. Topũ esana, burrogãre tiquina dũhte docoriquirogãre boca sanata. Apequina pesamehnediquirogã ijiaa. Tihirogãre bocana, yuta dare pã, ne cãhta basaya yũhũre. <sup>31</sup> Mũsa sa yegũ ihñano, burrogã urũro “¿Dũhsena burrogãre pãjari?” tiquiuro nigũ tũhona ohõ saha ni yũhtiya tiquiuro: “Mari pũhtoro burrogãre cahmedoqueo nidi”, ni, yahuya tiquiuro, ni yahu duti ohoahye tiquiuro buheyequinare pũarore.

<sup>32</sup> Tiquiro sa nigū tiquina p̄aro pehe tiquiro nidirop̄a esahye. Tiquina sa esagū ijipihitiye Jesu tiquiro nidiro sahata ijiahye. <sup>33</sup> Sa ye tiquirogāre tiquina p̄gū ihñañe tiquirogā opana tiquinare sinituahye:

—¿Dahse yena tana m̄asa yuta dare p̄jari burrogāre? ni, sinituahye tiquina.

<sup>34</sup> —Mari p̄h̄toro burrogāre cahmedoqueo nidi, ni ȳhtiahye tiquina.

<sup>35</sup> Sa ni yahu tuhasa tiquirogāre Jesu cahap̄a ne sahye. Ne sa tuhasa tiquina bui c̄jē suhtire tiquirogā bui seō peo, tiquirogā buip̄a Jesu m̄aja p̄jegū yedohoahye tiquina. <sup>36</sup> Jesu tiquirogā bui pesagū tiquiro wahato pano masa tiquina bui c̄jē suhtire tu we ne, mahap̄a seō cū m̄ah̄tahye Jesure ño peoye. <sup>37</sup> Sa ye tiquina Jerusalē cahagāp̄a esa, Olivo wame tid̄ap̄a dijia tari mahap̄a esahye. Top̄a Jesu buhegū t̄h̄oyequina peyequina ijipihitiye Cohāc̄jū tutuayē mehna tiquiro ye ihñorire, tiquiro quehnoañe yerire tiquina ihñarire wacūñe, Cohāc̄jūre “Quehnoaḡa, tutuaḡa ijire”, ni sañuducuahye. Sa ye tutuaro sañuducu, Cohāc̄jūre ño peoye, ohō saha niahye:

<sup>38</sup> —Ahriquiro Cohāc̄jū tiquiro ohoriq̄uore, mari p̄h̄torore Cohāc̄jū quehnoano yeahro. ̄H̄m̄use c̄jēna quehnoano ijiahro. Cohāc̄jū tiquiro tutuariquiro ijigū ijipihitiyequina masiahdo, ni ño peohye tiquina.

<sup>39</sup> Tiquina sa nigū t̄h̄oye fariseo masa meheñequinagā tiquina watoa ijieyequina Jesure yahuahye:

—Buheḡa, m̄ah̄a buheyequinare dihta maria dutiya, niahye tiquina.

<sup>40</sup> —M̄sare niita naja. Tiquina sañuducueragū utā paca pari pehe sañuducuboaga, niahye Jesu fariseo masare.

<sup>41</sup> Sa ni tuhasa Jesu Jerusalē cahagāp̄a esa, ti macare ihñano, utiahye. <sup>42</sup> Ohō saha niahye tiquiro:

—Jerusalē c̄jana yojop̄a p̄ritare m̄sare pecap̄a wahaborinare Cohāc̄jū tiquiro ȳhd̄uoatire m̄asa masigū quehnoa ȳhd̄uaboaga. Sa ijiepegūta yojop̄are m̄asa tire ne t̄h̄o duerare. Sa yero Cohāc̄jū tire m̄sare masi dutierare. <sup>43</sup> M̄sare ihñā tuhtieyequina m̄asa ijiri macare cahmota sotoa peho q̄eñeeta. Sa ye, m̄sare tiquina wijia dutisi. <sup>44</sup> Ti p̄jeta tiquina m̄asa ya macare cohā pehoeta. M̄sa ḡuh̄are wejēeta. M̄sare ihñā tuhtieyequina quehnoano cohā pehoeta m̄asa ya macare. Cohāc̄jū pecap̄a wahaborinare m̄sare tiquiro ȳhd̄uoatire m̄asa masi duerari. M̄sa masi duerari buhiri m̄sare ihñā tuhtieyequinare Cohāc̄jū m̄sare cohā dutirota, niahye Jesu Jerusalē c̄jenare.

### *Cohāc̄jū w̄h̄ap̄a Jesu esahye*

*(Mt 21.12-17; Mr 11.15-19; Jn 2.13-22)*

<sup>45</sup> Sa ye Jerusalēp̄a esaro, Jesu Cohāc̄jū w̄h̄ap̄a sajāa wahahye. Sa yero ap̄e boro duayequinare ti w̄h̄ap̄a ijieyequinare boca saro, tiquinare cohā wio c̄ahye. Ohō saha niahye tiquinare:

<sup>46</sup> —Cohāc̄jū yere tiquina ojoari p̄p̄a ohō saha nine: “Ya w̄h̄a Cohāc̄jū mehna yahuducuri w̄h̄a w̄mo tirota”, niahye tiquiro yere tiquina ojoari p̄p̄a. Tiquiro sa niepegūta m̄asa pehe ahri w̄h̄ap̄a duana, m̄asa basi cahme yaquere m̄asa, niahye Jesu.

<sup>47</sup> Sa ye decoripe Cohāc̄jū w̄h̄ap̄a Jesu buheahye. Sa ye pahia p̄h̄toa, judio masare buheyequina, masa p̄h̄toa ḡuh̄a tiquirore tiquina wejēatire wacū macahye. <sup>48</sup> Masa ijipihitiyequina tiquirore sa t̄h̄oducuye, tiquiro buheyere quehnoano t̄h̄o n̄h̄ñequina ijiahye. Tiquina sa quehnoano t̄h̄o n̄h̄ñgū Jesure wejē duayequina pehe tiquirore tiquina wejēatire bocaerahye.

## 20

*Pahia pñhtoa, judio masare buheyequina, бисна гāһи Jesu mehna cahme tuhtiye niahye*

*(Mt 21.23-27; Mr 11.27-33)*

<sup>1</sup> Ape deco Cohācjū wāһpа Jesu masare quehnoañe buheyere buhero niahye. Tiquiro sa buhegū pahia pñhtoa, judio masare buheyequina, бисна mehna tiquiro cahapа wihye, sinituahye:

<sup>2</sup>—Yahuya usāre. ¿Dñhseḡ canāre sa yeari mūһа? ¿Noa mūһare tire sa ye dutiari? niahye tiquina Jesure.

<sup>3</sup>Tiquina sa nigū Jesu yāhtiahye tiquinare:

—Masa pehere sinitu mūhtagutja. Yahuya yāһare. <sup>4</sup>¿Ñu masare tiquiro wame yegū noa boro pehe tiquirore wame ye dutiyari, masa tūhotugū? ¿O Cohācjū dutierayari? ¿O masa pehe dutiyari, masa tūhotugū? ni sinituahye Jesu tiquinare.

<sup>5</sup>Tiquiro sa nigū tiquina pehe tiquina basi ohō saha niahye:

—¿Dñhse ni yāhtinatari mari? “Cohācjū Ñure dutie tiahye”, mari nigū, “¿Dñhsena Ñure Cohācjū dutiepegūta tiquirore tūho duerari masa?” niboaga Jesu marine. Sa yena “Cohācjū Ñure dutiye tiahye”, ni yāhti masiedaja mari.

<sup>6</sup>Ahriquina masa pehe “Potota Ñu Cohācjū yere yahu mūhtariquiro ijire”, ni tūhoture tiquina. Sa ni tūhotuye “Ñu tiquiro wame yegū Cohācjū tiquirore dutierahye”, mari nigū tūhoye marine masa utā paca mehna doqueeta. Sa yena ti gāһare yāhti masiedaja mari, ni yahuducuahye tiquina basi.

<sup>7</sup>Sa ni yahuducu tuhasa tiquina Jesure yāhtiahye:

—Ñure wame ye dutiriquirore usā masiedaja, niahye tiquina.

<sup>8</sup>Tiquina sa nigū Jesu yāhtiahye:

—Tī pje pūrita yāһа gāһа masa sinitu mūhtarire yahueraja masare. Ahrire yāһа yerire dutiriquirore yahueraja masare, niahye tiquinare.

*Ñañequina dahra cohteyequina queoyere yahuahye Jesu*

*(Mt 21.33-44; Mr 12.1-11)*

<sup>9</sup> Sa ye Jesu tiquiro tūhotuye mehna queoye mehna ohō saha ni buhe dñcahye masare:

—Wese upəro ñhse darire oteahye. Ote tuhasa, ti wesere apequinare ihcā pehe pahma cūahye. Pahma cūno ti wesere tiquinare ihña ihbo dutiahye. Sa duti tuhasa ape yehpəpə waha, yoari pje bajuerahye. <sup>10</sup> Sa yero ñhse ñidi pje ijigū wese upəro tiquiro cahacjūnore wesere ihña ihboyequina cahapə ohoahye. Wese cjē oteri dñcare tiquiro ya pahrē cjēne ne dutiro ohomahye. Sa ye ihña ihboyequina pehe tiquiro cahacjūnore piti ca quēahye tiquirore. Sa ye tiquina tiquirore dñcare ohoerapeta tojoa dutiahye. <sup>11</sup> Sa yero wese upəro apequiro tiquiro cahacjūnore ti wese cjē oteri dñcare ne dutiro ohomahye tja. Sa ye wesere ihña ihboyequina tiquiro gāһare quē, ñano yeahye tiquirore. Sa ye tuhasa tiquirore ti dñcare ohoerapeta tojoa dutiahye tja. <sup>12</sup> Tiquina sa yeri bato wese upəro apequiro cahacjūnore ohomahye tja. Sa ye wesere ihña ihboyequina pehe tiquiro gāһare camī dahre, ti wese dāhtə cahapə cohā cāhye tiquirore.

<sup>13</sup> Tiquina sa yeri bato wese upəro ohō saha ni tūhotumahye: “¿Dñhse yegutari yāһа? Ohō saha yegutja. Yāһа macare yāһа cahñiquirore ohogutja. Ijirota ijire. Tiquina tiquirore ño peoeta”, ni tūhotumahye wese upəro pehe. <sup>14</sup> Sa ye tiquiro macənore tiquiro ohoriquirore esagū ihñañe ihña ihboyequina pehe tiquina basi ohō saha ni, yahuducuahye. “Ahriquiro wese upəro macəno ijire. Tiquirore wejēihna. Sa yero ahri wese mari ya wese

tojoarota”, nimahye tiquina basi. <sup>15</sup> Sa ni tuhasa wese uparo macanore wese daktu caharu nea, wejē cāhye tiquire. ¿Tiquina sa yegū ihñano dahse yerotari wese uparo wesere ihña ihboyequinare? niahye Jesu.

<sup>16</sup> —Ti wesere ihña ihboyequinare wejēno taro, apequinare wesere ihña ihbo dutirota, ni yuhtiahye Jesu tiquire basi.

Tiquiro sa nigū tūhoye masa pehe ohō saha niahye:

—Marine sa wahaeracāhdo, niahye tiquina.

<sup>17</sup> Tiquina sa nigū Jesu pehe tiquire sinituahye:

—¿Cohācjū yere tiquina ojoari pūre ohō saha ni yahuducuye, dahse nino nijari, masa tuhotugū?

Ahriquire Cristo utā yero saha ijire. Utāre wahu dahreyequina tiquina cohāno saha masa tiquire cohāeta. Tiquina sa yepegāta yojopare wahu dahreyequina wuhare yeye tiquina cū maharia utāre tiquina cūno saha Cohācjū tiquire pūtoro sōri, ni ojoahye.

<sup>18</sup> Ijipihtiequina tia utā bui doque queheyequinare mata sitea wahaeta. Sa yero tia utā masano bui bora pjero, mataa wahagū yerota tiquire. Tiquiro pagu mananore daye manarigā wahagū yerota, niahye Jesu. (Sa nino tiquire cahmedariquina, tiquire buhiri dahreatiquina tiquina ñano yahduatire yahuro niahye.)

*Puhtoā ye wapare aequina sinituahye Jesure*

(Mt 21.45-46; 22.15-22; Mr 12.13-17)

<sup>19</sup> Tiquiro sa nigū tūhoye judio masare buheyequina, pahia puhtoā gāhu, “Jesu wesere ihña ihboyequina queoye mehna marine tuhtiro nine”, ni, tuhotuahye tiquina.

Sa ni tuhotuye tiquina Jesure ñehe duamahye. Sa ñehe duepeta tiquina masare cue niahye. <sup>20</sup> Sa cueye, Jesure tiquina ñeheatu pjere cotheadye tiquina. Sa ye “Poto ijiequina yero saha ye meho ijiya masa”, niahye tiquina apequinare. Tiquiro ñano ni yuhtigū ye duaye nimahye tiquire yahusā duaye. Sa ye Jesure sinitu dutiye ohoahye ni mehoñequinare. Jesu ñano ni yahuducugū tūhoye ti yehpa cjēna pūtorore peresu ye dutiye tee nimahye.

<sup>21</sup> Sa ye tiquina Jesure ni meje cū sinituye nimahye:

—Buhegu, poto yahuducugu, ni mehoñe mariegu mahu ijigū usā masiaja. Sa yegu ihcāquiro pūtoro waro tiquire ijiepegāta tiquire gāhare dōyaro marieno potota yahure mahu. Mahu Cohācjū yere poto mahu buhegū gāhare usā masiaja. <sup>22</sup> Yahuya usāre. ¿Ne, Roma cjānore ijipihtiequina pūtorore gobierno cjēne marine wapa yero cahmajari, mahu tuhotugū? ¿Mari dutiye wapa ye dutiajari, mahu tuhotugū? ni sinituahye tiquina Jesure.

<sup>23</sup> Tiquina sa nigū tuhoro Jesu tiquina ñano ye duayere masino, tiquire yuhtiahye:

<sup>24</sup> —Yojopare niñeru cjoere puhtoare wapa yeati cjoere ne cāhtaya. Ti cjoere ihñahna, niahye.

Ti cjoere tiquina ne wihigū ihñano ohō saha niahye Jesu:

—¿Noa boro queoye wahñajari ahri cjoere? ¿Noa boro wame wahñajari? niahye Jesu tiquire.

—César, masa ijipihtiequina pūtoro queoye, tiquire wame gāhu wahñare, ni yuhtiahye tiquina.

<sup>25</sup> Tiquina sa nigū Jesu yahuahye:

—Ti pje pūrita masa ijipihtiequina pūtoro yere tiquire pehere ohoya. Cohācjū yere Cohācjū pehere ohoya, niahye Jesu tiquire.

<sup>26</sup> Sa ye masa tiquina ihñonopu Jesure ñano ni yahuducugū ye masiedahye tiquina. Sa ye Jesu yuhtiyere tūhoye, tiquina tuho maria wahahye. Sa tuho maria waha, dihta maria wahahye.

*Cohācjū tiquiro masoatire yahuahye Jesu saduceo masare  
(Mt 22.23-33; Mr 12.18-27)*

<sup>27</sup> Sa ye meheñequinagā saduceo masa Jesu cahapū wihahye. “Cohācjū yariariquinare masosi”, ni tūhotuyequina ijiahye saduceo masa. Sa ye tiquina ohō saha niahye tiquirore:

<sup>28</sup> —Buhegū, ohō saha ni buehahye Moise: “Ihcāquiro tiquiro wahmino namo tiquiro pohna mariedaperota tiquiro yariagū ihñano tiquiro bahurore tiquiro wahmino namono ijiricorore nūoano cahmene. Sa yero tiquiro wahmino mūnano tiquiro pohna taboriro sahata pohna tiro cahmene tiquiro bahurore. Sa ye tiquiro pohne tiquiro wahmino mūnano pohne yero saha ijietā”, ni, ojoahye Moise, niahye tiquina.

<sup>29</sup> Tire ni tuhasa ahri quitire tja yahu nemoahye Jesure:

—Ihcāquiro masūno ijiahye. Seis bahana tiahye. Tiquina wahmino pehe namo ti, pohna mariediquiro yariaa wahahye. <sup>30</sup> Sa yero apequiro tiquiro bahuro gūhū tiquiro wahmino namono ijiricorore nūoahye. Tiquiro sa nūoari bato tiquiro wahmino yero sahata pohna mariedaperota tiquiro gūhū yariaa wahahye. <sup>31</sup> Sa yero ahriquiro bahuro gūhū tiquiro wahmino mūnano yero sahata pohna mariedaperota yariaa wahahye. Sa dihita wahahye ihcāquiro pohne waro. Ne pohna mariedapeta yaria pihtia wahahye. <sup>32</sup> Tiquina namono ijiricoro gūhū tiquina batota yariaa wahahye. <sup>33</sup> ¿Ne, Cohācjū ijipihtiyequinare yariariquina mūnare tiquiro masogū diquiro namono pehe ijiboagari ticoro pototi? Tiquina ijipihtiyequina ticorore namo tiriquina mūna ijiahye. ¿Sa yero diquiro namono pehe ijiirotari? ni sinituhye tiquina.

<sup>34</sup> Tiquina sa nigū Jesu yūhtiahye:

—Yojopū cjeñā omoca dūhtere. <sup>35</sup> Tiquina sa dūhtepegūta apequina pehe topū cjeñā pehe sa ijierare. Apequina amūare, numia gūhūre poto yeyequinare Cohācjū quehnoañequina ijigū yerota. Tiquina yariari bato masa mūjaeta. Sa ye tiquina topū omoca dūhterare. <sup>36</sup> Sa ye tiquina angele yero sahata ne yariasi. Tiquina Cohācjū masoriquina ijiye, Cohācjū pohne ijire. <sup>37</sup> Yojopūre yariariquina mūna tiquina masa wijiatī pehere masare yahutja. Tire Moise quehnoano yahu pehoahye. Tiquiro mehēnagā ūjūri quitire ohō saha ni yahuahye: “Abrahā, Isaac, Jacob tiquina pūhtoro ijire Cohācjū,” ni ojoahye Moise. <sup>38</sup> Tiquina yariari bato “Tiquina pūhto ijiaja”, ni yahuahye Cohācjū. Sa nieperota yariariquina mūna pūhtoro ijierare Cohācjū. “Tiquina pūhto ijiaja”, tiquiro niñe mehna catiyequina tiquina ijigū masiaja mari. Tiquiro catiyequina pūhtoro ijire. Ijipihtiyequina masa catire, Cohācjū ihñagū, niahye Jesu tiquinare.

<sup>39</sup> Tiquiro sa nigū meheñequinagā judio masare buheyequina ohō saha niahye:

—Buhegū, mūhū quehnoano yūhtiri, niahye tiquina Jesure.

<sup>40</sup> Sa ye pari turi Jesure sinitu duerahye tiquina.

*Cristo pehe Davi mūnano pūhtoro ijire  
(Mt 22.41-46; Mr 12.35-37)*

<sup>41</sup> Came Jesu ohō saha ni yahu nemoahye tiquinare:

—“Cristo Davi mūnano panamino iji turiariquiro ijiirota”, ni buhere apequina. ¿Dūhse ye tiquina sa ni buheajiri? <sup>42</sup> Davi mūnano tiquiro basi Salmopū tiquiro ojoari pūpū ohō saha ni, ojoahye:

Cohācjū yūhū pūhtorore ohō saha nidi: “Ohōpū yūhū poto peherū dujiya. <sup>43</sup> Sa yegū mūhūre ihñā tuhtiyequinare mūhūre yūhdūca basautja yūhū”, nidi Cohācjū yūhū pūhtorore, ni, ojoahye Davi mūnano.

44 Sa ni ojoaro Davi manano Cristore “Yuhū pūhtoro”, ni pisuahye. Davi manano Cristo ñecano iji turariquiro ijieperota Cristore “Yuhū pūhtoro”, ni pisuahye. ¿Davi manano Cristo ñecano iji turariquiro ijieperota ñahse ijiro boro tiquiro “Yuhū pūhtoro”, ni pisuyari Cristore? Cristo pehe Davi manano pūhtoro ijire, ni yahuahye Jesu.

*Judio masare buheyequina tiquina ñaño yeyere yahuahye Jesu*  
(Mt 23.1-36; Mr 12.38-40; Lc 11.37-54)

45 Masa peyequina Jesure tiquina tūhori watoa Jesu pehe tiquiro buheyequinare ohō saha ni yahuahye:

46 —Mari judio masare buheyequina tiquina ñaño yeyere ihñana quehnoano wacū masiña. Sa yena tiquina yero saha yeracāhña. Tiquina yoaye suhti saña, masa tiquina ihñonopū tini, doeri cje duaropū apeqūina pūhtoare quehnoano ño peo tiquina sinino saha tiquina piti ca sinigū cahmene tiquina. Sa ye tiquina mari judio masa buheye wūhūsepū quehnoañe dujiye dihitare duji duare. Sa ye bose deco ijigū topū gūhare quehnoañe dujiye dihitare cahmene. 47 Tiquina wape wiha numia ye wūhūserē tiquina cūoye gūhare ehmare ti numiare. Sa ye tiquina masa ihñonopū yoari pje Cohācjūre siniducumene masare ihña dutiye. Tiquina sa yegū apeqūina bui cjūno tiquinare Cohācjū buhiri dahrerota, niahye Jesu tiquinare.

## 21

*Wape wihoro Cohācjū wūhūpū ticoro ohorire yahuahye Jesu*  
(Mr 12.41-44)

1 Sa ni yahu tuhasa Cohācjū wūhū cje niñeru tiquina sāri acarore niñeru opana tiquina ye niñerure duhu sāgū ihña dujiro niahye Jesu. 2 Sa ihñano wape wihoro pejecūoricoro pūa cjoegāre ticoro duhu sāgū gūhare ihñahye. 3 Tire ihña tuhasa ohō saha ni yahuahye:

—Potota niita niaja mū sare. Ahricoro wape wihoro pejecūoricoro pehe niñeru sāri acaropū duhu sāno apeqūina ijipihtiyequina ohori yūhdūoro ohori ticoro pehe. 4 Apeqūina niñeru opana pajiro tiquina ohopegāta tiquina ye pajiro ñahsare. Ahricoro pehe pejecūoricoro ijieperota ijipihtiyē ticoro ihyatire ticoro dūborigāre oho pehori, niahye Jesu.

*—Cohācjū wūhū cohōri wūhū ijirota, niahye Jesu*  
(Mt 24.1-2; Mr 13.1-2)

5 Sa ye apeqūina Cohācjū wūhūre ohō saha niahye:

—Quehnoañe utā paca mehna yeri wūhū, quehnoa yūhdūari wūhū ijicjore. Masa Cohācjū ya wūhū ijiatire tiquina ohori gūhū ti wūhūpūre quehnoano cūri jire, ni, yahuducuye niahye.

Tiquina sa nigū Jesu yahuahye tiquinare:

6 —Ahri ijipihtiyē mari ihñari wūhūserē, ahri utā paca gūhare cohā pehoeta. Ne ihcāria utā tojoasi, niahye Jesu tiquinare.

*Pihtiati deco ijiatire yahuahye Jesu*  
(Mt 24.3-28; Mr 13.3-23)

7 Tiquiro sa nigū tūhoye tiquina pehe sinituahye tiquirore:

—¿Buhegū, ñahse ijigū mūhū nidiro saha sa waharotari? ¿Pihtiati deco panogā ijigū ñahse ti waha ñucagū ihñanatarī usā? ni sinituahye tiquina Jesure.

8 Jesu yahtiahye tiquinare:

—Quehnoano yeya m̄sa. Sa yena m̄sare apequina tiquina ni mehoñene t̄hoerac̄h̄ña. Peyequina masa “Cristo ijiaya yuh̄”, ni mehoñequina ahtaeta. Sa niñe, “Yojoṗare pihtiati deco ijiato mehenoḡa d̄hsare”, nieta. Tiquina sa niḡ t̄hoerac̄h̄ña. <sup>9</sup> Sa ye apequina “Cahme wej̄eñe nine”, m̄sare nieta. “Yojoṗare puhtoare masa coh̄ñe nine”, nieta. M̄sa tire t̄hona cuerac̄h̄ña. Pihtiati deco pano oh̄ saha waha m̄htanota. Sa wahaḡu pihtiati deco wahato d̄hsar̄ñota, niahye Jesu.

<sup>10</sup> Sa ni tuhasa oh̄ saha ni yahu nemoahye:

—Ihc̄a yehpa c̄j̄ena ape yehpa c̄j̄ena mehna cahme wej̄eñeta. <sup>11</sup> Sa yero tutuaro yehpa ñuhmi, masa peyequina ūña mehna yaria, ijiṗihtiyo c̄j̄ena dohatieta. Sa ye ūhm̄se c̄j̄e cua pesaye bajuaḡu ih̄ñañe, masa ih̄ña maria wahaeta.

<sup>12</sup> Ahri ijiṗihtiye sa wahato pano, apequina m̄sare ñehe, ñano yeeta. Sa ye mari judío masa buheye w̄h̄seṗu tiquina m̄sare yahus̄a, peresu yeeta m̄sare. Tiquina sa yeḡu peye yehpari c̄j̄ena puhtoa cahap̄u, peye macari c̄j̄ena puhtoa cahap̄u ducunata m̄sa tiquina yahus̄anohrina. Yeequina m̄sa ijiri buhiri sa yeeta. <sup>13</sup> Tiquina sa yahus̄aḡu m̄sa pehe quehnoañe buheyere tiquinare yahunata. <sup>14</sup> Ti ṗjere m̄sare tiquina yahus̄aḡu puhtoroṗe m̄sa yuhtiatire “Yahu masiedaboaga”, ni t̄hotuerac̄h̄ña m̄sa. <sup>15</sup> Yuh̄u m̄sare yahu basat̄ja. M̄sare sa yedohoḡu t̄ho masiñene, quehnoañe yahuducuyere ḡuh̄re m̄sare yahuḡu yeit̄ja. M̄sa sa yeḡu m̄sare ih̄ña tuhtiyequina pehe m̄sa yahuducuyere t̄ho, “Ti poto ijierare”, ni, yuht̄i masisi. <sup>16</sup> Ti ṗjere m̄sa pac̄s̄um̄na, m̄sa bahana, m̄sa acaye, m̄sa mehna c̄j̄ena ḡuh̄u m̄sare ih̄ña tuhtiyequinare ohoeta m̄sare, yeequina m̄sa ijiri buhiri. Tiquina sa yeḡu m̄sare ih̄ña tuhtiyequina m̄sa mehna c̄j̄enare apequinare wej̄eñeta. <sup>17</sup> Sa ye yeequina m̄sa ijiḡu ih̄ñañe, ijiṗihtiyequina m̄sare ih̄ña tuhtiet̄a. <sup>18</sup> M̄sare sa ih̄ña tuhtiepeta ne mehenoḡa m̄sare ñano yesi. <sup>19</sup> Sa yena m̄sa wac̄u tutuana ijiya. M̄sa sa yena, Coh̄ñc̄j̄u mehna sa ijiducunata.

<sup>20</sup> Sa ye peyequina surara Jerusal̄ṗu tiquina cahmota sotoa peho c̄aḡu ih̄ña, Jerusal̄ene tiquina coh̄ato mehenoḡa d̄hsaḡu masinata m̄sa. <sup>21</sup> Ti sa wahaḡu ih̄ñañe Judea yehpar̄u ijiyequina c̄ñu c̄j̄u cahap̄u oma duhtiaho. Sa ye Jerusal̄ṗu ijiyequina wahaahro. Sa ye weserip̄u ijiyequina Jerusal̄ṗu tojoerac̄h̄do sojaro mehna tiquina wahato pehe. <sup>22</sup> Ti decorip̄u buhiri dahreye decorip̄u ijiṗihtiye Coh̄ñc̄j̄u tiquiro ojoari ṗu tiquiro nidiro sahata sa wahaeta. <sup>23</sup> Ijiṗihtirop̄u ahri yehpar̄u ñano yuh̄dueta. Ti sa wahaḡu, niñi wahc̄ñe numia, tiquina pohnene ap̄oñe numia ḡuh̄u pejescoro wahaeta. <sup>24</sup> Apequina ahri maca c̄j̄ena mehna cahme wej̄eñeta. Sa ye apequina ahri maca c̄j̄enare ijiṗihtiye yehparip̄u ne c̄a, peresu yeeta. Sa ye judío masa ijiyequina Jerusal̄ene ñano ye, tiquinare yuh̄ducaeta. Judío masa ijiyequina ya deco pihtiḡap̄u Jerusal̄e c̄j̄enare ñano ye duhueta, ni yahuahye Jesu.

*Jesu ahri yehpar̄u tiquiro tojoa tatire yahuahye*

*(Mt 24.29-35, 42-44; Mr 13.24-37)*

<sup>25</sup> Sa yero tiquinare yahu nemoahye:

—Ti ṗjere as̄u deco c̄j̄ano, ñami c̄j̄ano, ñahpicoha ḡuh̄u sijoro saha ijiyequina wahaeta. Ijiṗihtiyequina ahri yehpa c̄j̄ena “Acuehi, yarianata”, ni t̄hotuyequina ṗajiri ma c̄j̄e ṗahc̄ori cua yuh̄duaro ti ṗahc̄ori bis̄i c̄ahtaḡu t̄hoye tutuaro cueeta. <sup>26</sup> Ti ṗjere ūhm̄se c̄j̄e yehpari, ñahpicoha ḡuh̄u ti sa wahaducurore camesaeta. Sa ye ñuhmieta. <sup>27</sup> Sa wahaḡu ih̄ñañe, masa pehe ahri yehpa pihtiatire cohteye, tutuaro cueeta. <sup>27</sup> Ti ṗjeta yuh̄u mas̄u Coh̄ñc̄j̄u ohoriḡu Coh̄ñc̄j̄u tutuaye mehna tiquiro asi siteye mehna ehmeo curua buip̄u yuh̄u ahtaḡu ih̄ñaeta masa. <sup>28</sup> Ahri sa waha d̄caḡu ih̄ña, wac̄u tutuana ijiya.



Sa yena umusepu ihñaña. Ti pjere Cohăcjũ musare pecapu wahaborinare tiqiro yuhduato mehenogã dũsarota, niahye Jesu.

<sup>29</sup> Sa ni tuhasa ahri queoye mehna buheahye Jesu:

—Higueragare, apeye cju gũhare tũhotuya musa. <sup>30</sup> Tu yucagu pũri tigũ ihñana, cũhma mehenogã dũhsagũ masine musa. <sup>31</sup> Sata ahri ijiphiye yũhu nidire ti sa wahagũ ihñana, Cohăcjũ tiqiro puhtoro ijiati pje mehenogã dũhsagũ masinata musa.

<sup>32</sup> Musare poto niita niaja. Ti pje cjẽna tiquina yariato pano ijiphiye yũhu nidiro sahata sa waharota. <sup>33</sup> Umuse, ahri yehpa gũhu pihtia waharota. Yũhu yahuducuye pehe ne comesasi. Ijiphiye yũhu nidiro sahata sa waha sohtori tirota.

<sup>34</sup> Yũhu tojoa tati decore ne masiedare musa. Sa yena quehnoano yeya. Bose decorire queheye decorire yeducueracãhña. Sa yena queheracãhña. Ahri yehpa cjẽne pajiro tũhotueracãhña. Musa yũhu nidiro sahata yena, wacũeno mehna ahri yehpau yũhu ahtagũ musa ne acuaasi. <sup>35</sup> Wahiquirore yuri da wacũeno mehna ti da tuã suhoro saha wacũeno mehna ahtatja yũhu. Ijiphiyequina ahri yehpa cjẽna tiquina masiedi watoa ti deco wacũeno mehna sa waharota. <sup>36</sup> Quehnoano wacũ masi cohteya. Sa yena Cohăcjũre ahrire sa siniducuya: “Ahri pihtiatu decore sa wahagũ yũhare yedohoya. Tutuayere ohoya yũhare ahrire quehnoano yũhu yahduatire. Sa yegu Cristore mũhu ohoriqirore cuero marieno yũhare piti cagũ yeya”, ni, siniña Cohăcjũre, niahye Jesu.

<sup>37</sup> Sa ye ti decorire Cohăcjũ wũhũ Jesu buhee tiahye. Ñaminipe buhe tuhasaro Olivo wame tidũ cũhũ waha, topũ iji bohreaye tiahye. <sup>38</sup> Bohreayepẽ tahari ijiphiyequina masa Cohăcjũ wũhũ tiqirore tũhoye wahae tiahye.

## 22

*Pahia puhto, judio masare buheyequina mehna wejẽ duahye Jesure (Mt 26.1-5, 14-16; Mr 14.1-2, 10-11; Jn 11.45-53)*

<sup>1</sup> Sa ye ti pjere pugũ yeye moremehneñe pãre tiquina ihyati bosc deco mehenogã dũhsahye. Ti bosc deco pascua wame tiahye. <sup>2</sup> Sa ye pahia puhto, judio masare buheyequina mehna Jesure wejẽ duaye, tiquina wejẽatire wacũ macahye. Jesure wejẽ duepeta, masa pehere cueahye, “Usuari”, niñe.

<sup>3</sup> Sa ye watũno Juda Iscariotere ñano tiqiro ye dutigũ Juda pehe yũhtiahye tiqirore. Juda doce buheyequina mehna cjãno ijimahye. <sup>4</sup> Sa yero tiqiro pahia puhtoare, Cohăcjũ wũhu cjẽna surara puhto mehna gũhare yahuro wahahye. Tiquina cahapũ esa, tiquinare Jesure tiqiro ihũoatire yahuahye tiquinare. <sup>5</sup> Tiquiro sa nigũ tũhoye, tiquina bucue, “Mũhare niñerure wapa yematja”, niahye tiquina Judare. <sup>6</sup> Tiquina sa nigũ Juda “Aũ, tiqirore musare ihũoutja”, ni, masa tiquina ihũeno watoa Jesure ihña tuhtiequinare tiqiro ihũoati ñamine cohtero niahye.

*Jesu buheyequina mehna tiqiro ihya bato tiati deco ijiahye (Mt 26.17-29; Mr 14.12-25; Jn 13.21-30; 1 Co 11.23-26)*

<sup>7</sup> Pugũ yeye moremehneñe pãre ihyati bosc deco iji dũcari deco ijiahye. Sa yero pascua cjẽ ijiatire ovejare tiquina ihyatiquinare tiquina wejẽdi deco ijiahye. <sup>8</sup> Ti pjeta Pedore, Ñũ gũhare Jesu yahuahye:

—Bosc decopũ mari ihyatire quehnona wahaya, niahye Jesu tiquinare.

<sup>9</sup> —¿Noho boropũ mari ihyatire quehnoyu dutigũ ohojari mũhu usãre? ni sinituahye tiquina tiqirore.

10 Tiquina sa nigū Jesu yāhtiahye:

—Jerusalēpū mūsa esagū aco sutu wāriquiuro mūsare piti carota. Tiquiro piti cagū tiquiro mehna wahaya. 11 Sa wahana tiquiro siho sajāri wāhūpū esana wāhū upūrore ohō saha ni yahuya. “¿Nohorū yāhū buheyequina mehna pascua cjē ihyayere ihyantari?” nidi buheriquiro”, niñā wāhū upūrore. 12 Mūsa sa nigū tāhoro āhmūano cjā tucūre pajiri tucūre mari cahmeñe mehna tiquina quehnori tucūre ihñonota wāhū upūro. Topū mari iyatire dahreya mūsa, niāhye Jesu tiquinare.

13 Tiquiro sa nigū tiquina ti macapū wahahye. Topū tiquina esagū tiquinare tiquiro nidiro sahata wahahye. Sa ye tiquina pascua cjē iyatire dahreahye.

14 Ihyari pje ijigū Jesu doce tiquiro buheyequina mehna ihya dujahye.

15-16 Topū ihyaropū dujiro Jesu tiquinare yahuahye:

—Mūsare niita niaja. Ahri pascua bose decore mari dahreja Cohācjū tiquiro yequinare tiquiro yūhdūotire wacūna. Came Cohācjū tiquiro pūhtoro ijiropū tiquiro yequinare yūhdūo tuhasarota. Tiquiro sa yūhdūoato pano ahri deco cjēne pari turi ihyasi yāhū. Sa yegū yojopūre yāhū ñano yūhdūoato pano ahri pascua cjē ihyayere mūsa mehna tutuaro ihya duahti yāhū, niāhye Jesu.

17-18 Sa ninota Jesu sihnidi pare ne, Cohācjūre “Quehnoare”, ni sini, tiquinare yahuahye:

—Mūsare niita niaja. Cohācjū ijipihtiequina pūhtoro tiquiro ijiato pano ahri vinore ne pari turi sihnisi yāhū. Sa yena ahri vinore ne, mūsa basi iti sihnīña, niāhye Jesu.

19 Sa ni tuhasa pāre ne, Cohācjūre “Quehnoare”, niāhye. Sa yero tiare nuha, itiahye tiquinare. Tiare itiro, tiquinare yahuahye:

—Ahri yāhū pagū ijire. Yāhū pagū yūhūre ihñā tuhtiequinare tiquina ohori pagū ijirota mūsare yāhū yūhdūoati. Sa yena yūhūre mūsa wacūatire ahrire ihyaya, niāhye Jesu.

20 Sa ihya tuhasa sata tiquiro tiquinare sihnidi pa gūhūre ohoahye. Sa ohoro, tiquinare yahuahye:

—Mūsa ñañe yeyere cohāgū tagū yariūtja. Sa yegū yāhū diire cohāūtja. Cohācjū “Mūsare yūhdūoutja”, tiquiro nidiro esa tuhagū yāhū yariaro mehna tiquiro nidiro sohtori tirota.

21 Yojopūre tāhoya mūsa. Yūhūre ihñā tuhtiequinare yūhūre ihñoatiquiuro yojopūre yāhū mehna ohō dujire. 22 Cohācjū tiquiro dutiriro sahata yāhū masū Cohācjū ohorigū yariūtja. Tiquiro sa yaria dutiepegāta yūhūre ihñā tuhtiequinare ihñoatiquiuro pūrita ña yūhdūaro yūhdūarota, niāhye Jesu tiquinare.

23 Tiquiro sa nigū tiquina pehe tiquina basi ohō saha ni sinituahye:

—¿Jesure ihñā tuhtiequinare ihñoatiquiuro mari mehna cjāno diquiuro boro ijiagari? ni, yahuducuahye tiquina basi.

—¿Mari mehna cjāno diquiuro pehe ijiagari pūhtoro? ni yahuducuahye Jesu buheyequina tiquina basi

24 Came Jesu buheyequina ohō saha ni yahuducuahye:

—¿Mari mehna cjāno diquiuro pehe ijiagari pūhtoro? ni yahuducuahye tiquina basi.

25 Tiquina sa ni yahuducugū tāhoro Jesu tiquinare yahuahye:

—Cohācjūre cahmeeñequina pūhtoā pehe tiquina masare dutiye, purīno mehna dutire. Sa ye pūhtoare “Tiquina masare yedohoyequina ijire”, nimene apequina masa tiquinare. 26 Mūsa pehe sa yesi mūsa basi. Mūsa mehna cjāno mūsa wahmi pehere tiquiro bahūro yero saha ijiro cahmene.

Musa mehna cjäno pãhtoro iji duaro cahacjäno yero saha ijiro cahmene tiqirore. <sup>27</sup> ¿Diquiro ijiajari pãhtoro? ¿Ihya dujiriquiro pehe pãhtoro ijiajari? ¿O ihyayere itiriquiro pehe pãhtoro ijiajari? Ihya dujiriquirota ijiaa pãhtoro. Tiquiro sa ijepegãta yũhũ pehe cahacjäno yero saha musare yedohogũ ahtaũ.

<sup>28</sup> Masa yũhare tiquina ñano yeppegãta musa pehe yũhare duhuerare. <sup>29</sup> Sa yegũ yũhũ Pacũ yũhare tiquiro pãhtoro sõriro sahata musa gãhũre pãhtoa sõgãtja yũhũ. <sup>30</sup> Yũhũ pãhto yũhũ ijigũ yũhũ ihyari mesapũ musa gãhũ ihya, sihninata. Sa yena musa pãhtoa dujiyere dujinata. Musa topũ dujina Israe masare doce cururi cjenare besenata musa ñaãnequinare, quehnoãnequinare, niahye Jesu tiquiro buheyequinare.

*Pedro Jesure tiquiro cohãtire yahuahye Jesu  
(Mt 26.31-35; Mr 14.27-31; Jn 13.36-38)*

<sup>31</sup> Sa ni tuhasa Pedrore Jesu ohõ saha ni yahuahye:

—Simo Pedro yũhare tuhoya. Musare ijiphtinare watĩno yũhare cohãgã ye duare. Trigo wese cjäno trigore tiquiro wejẽ site cohãriro sahata musare ijiphtinare watĩno ñano ye duare. Sa ye duaro, Cohãcjũre sinidi. <sup>32</sup> Tiquiro sa sinigũ ihãagũ yũhũ pehe Cohãcjũre sini basan mũhũre. Yũhare mũhũ wacũ tutua duhueratire sini basan mũhũre. Sa yegũ mũhũ yũhũ mehna cjä pari turi ijigũ yeequinare yedohoya mũhũ, yũhare tiquina wacũ tutua nemoati, niahye Jesu Pedrore.

<sup>33</sup> Tiquiro sa nigũ Pedro yũhtiahye:

—Pãhto, yũhare tiquina peresu yeppegãta, yũhare tiquina wejẽ duepegãta mũhũ mehna cjä ijiitja, niahye Pedro.

<sup>34</sup> Jesu yũhtiahye:

—Pedro, mũhũre niita niaja. Mia ñami canaca tiquiro yahuato pano “Jesure masiedaja”, nigũta mũhũ apequinare. Ihtia tãha sa nigũta mũhũ, niahye Jesu Pedrore.

*Jesure tiquina ñano ye dũcato mehenogã dũhsahye*

<sup>35</sup> Sa ni tuhasa Jesu tiquiro buheyequinare yahuahye:

—¿Sohõ ijiri pje niñeru ajuro mariena, pajiri ajuro mariena, dahpo suhti mariena musare yũhũ ohogũ apee boro dũhsari musare? ni sinituahye Jesu.

—Ne usãre yabe dũhsaerari, ni yũhtiahye tiquina.

<sup>36</sup> —Ti pjere musare dũhsaerapegãta yojopũ pehere niñeru ajurore cõona tire neña. Pajiri ajurore cõona gãhũ neña. Sa yena musare ñoseni pjĩ mariedagũ musa suhtire duana ti pjĩne dúya. <sup>37</sup> Ahrire musare nii niaja. Cohãcjũ yere tiquina ojoari pũpũ tiquina nidiro sahata yũhare sa waharo cahmene. Ohõ saha niahye ti pũpũ: “ ‘Tiquiro dutiyere yũhdũdũcayequina mehna cjäno ijire’, nieta masa”, ni, ojoahye, niahye Jesu.

<sup>38</sup> —Ihãña pãhto. Pãa pjĩ ñoseñe pjĩnine cõoaja usã, niahye tiquiro buheyequina.

—To punota ijire, ni yũhtiahye Jesu.

*Getsemani wame tiri wesepũ Jesu Cohãcjũre siniahye  
(Mt 26.36-46; Mr 14.32-42)*

<sup>39</sup> Sa ye Jesu tiquiro sa yeducuriro sahata Olivo wame tidũ cãpũrũ wahahye. Tiquiro sa wahagũ tiquiro buheyequina tiquiro mehna wahahye.

<sup>40</sup> Topũ esaro tiquiro tiquinare yahuahye:

—Cohãcjũre siniña musa ñano yeratire, niahye Jesu tiquinare.

<sup>41</sup> Sa ni tuhasa tiquiro dihita mehenogã waha nemo, dũsepe curi mehna quehe sa, Cohãcjũre siniahye:

42 —Mai, yahu ñano yahduatire ye dueragu yeracãhña. Yahu sa niepeguta yahu cahmeñe pehere yeracãhña. Muhu pehe masine. Muhu cahmeno saha yeya yahure, ni siniahye Jesu Cohãcjüre.

43 Tiquiro sa sinigũ ihmusepu ahtariquiro angel Jesure bajua, yedohoahye tiquirore. 44 Sa yero Jesu ñano jeripohna ti, tutuaro mehna Cohãcjüre siniahye. Sa yero tiquiro asi ti cuhsaye dii pjeri yero saha tiquirore wijia, yehparu bora quehe sahye.

45 Cohãcjüre sini bato ti, wahcãdaca sa, tiquiro buheyequina caharu wihiahye. Tiquiro wihigũ tiquiro buheyequina tutuaro bujua witiyequina ijiye, carĩne niahye. 46 Sa yero Jesu tiquinare ohõ saha ni yahuahye:

—¿Duhseña carĩajari masa? Wahcãña. Cohãcjüre siniña masa, “Ñano yeari”, nina, niahye Jesu tiquinare.

### *Jesure ihña tuhtiyequina tiquirore peresu yeahye*

*(Mt 26.47-56; Mr 14.43-50; Jn 18.2-11)*

47 Tiquiro sa ni yahuducuri watoa masa peyequina wihiahye. Juda doce buheyequina mehna cjãno ijimediquiro masare ihmũ tã cãhtariquiro ijiahye. Sa yero tiquiro Jesu caharu wihĩ, wahsupu ihmiahye tiquirore. 48 Tiquiro sa ihmigũ Jesu tiquirore sinituahye:

—¿Juda, yahu masure Cohãcjũ ohorigure yahure ihña tuhtiyequinare ihñogu yahure wahsupu ihmĩne mehna sa yeajari mahu? niahye Jesu.

49 Tiquiro sa nidi bato Jesu buheyequina masa Jesure tiquina ñeheatire masiñe, tiquirore sinituahye:

—¿Pãhto, usã ñoseñe pjĩni mehna tiquina mehna cahmequema? niahye tiquina.

50 Tiquina sa nidi bato ihcãquiro Jesu buheyequina mehna cjãno pehe pahia pãhtoro cahacjãnore tiquiro ñoseni pjĩ mehna tiquiro cahmonore poto pehe ijiri cahmonore date pahrẽ cãhye. 51 Tiquiro sa yegũ ihñano Jesu tiquirore ohõ saha niahye:

—Sa yeracãhña, niahye.

Ni, cahacjãno cahmono ijiriroru ña ohõahye. Tiquiro ña ohõgũta cahmono manano sahata ijiahye tja. 52 Sa ye tuhasa pahia pãhtoare Cohãcjũ wahu cjẽna surara pãhtoare, bucana gũhure tiquirore ñeheñe ahtariquinare Jesu sinituahye:

—¿Duhse ijiro boro masa ñoseñe pjĩni, yucu tiãri mehna yaqueriquirore tiquina yeriro saha masa yahure ñehena ahtajari? 53 Decoripe Cohãcjũ wãhũru masa mehna yahu ijigũ, masa yahure ñehedari. Sa ijepegũta yojopure masa ya deco yahure masa ñano yeati deco ijire. Yojopu watino tiquiro ñano yeati deco gũhu ijire, niahye Jesu.

### *—Tiquirore masiedaja, niahye Pedro Jesure*

*(Mt 26.57-58, 69-75; Mr 14.53-54, 66-72; Jn 18.12-18, 25-27)*

54 Tiquina Jesure ñehe tuhasa pahia pãhtoro ya wãhũru neahye tiquina tiquirore. Tiquina toru neagũ Pedro yoaropu tiquinare ihña nãnu fãhye.

55 Pãhtoro ya wãhũru esa, toru wãhu caharu ijiri paaru, quehnoari paa decoru peca wijiãhye apequina. Tiquina wijiãgũ ihñano Pedro peca caharu dujiyequina mehna dujiahye. 56 Tiquiro dujiri bato ihcãcoro cahacjõno tiquirore quehnoano ihña, apequinare ohõ saha ni yahuahye:

—Ahriquiro gũhu tiquiro mehna ijiri, niahye ticoro.

57 Ticoro sa nigũ tãhoro Pedro yãhtiahye:

—Numio, tiquirore ne masiedaja yahu, nimahye tiquiro.

58 Came cjũnogã apequiro Pedroro ihña, ohõ saha ni yahuahye:

—Mũhũ gũhũ tiqũina mehna cĵũ ijire, niahye tiqũiro.

—Ne ijieraja, nĩmahye Pedro.

<sup>59</sup> Ihcã hora bato apeqũiro apeqũinare ohõ saha ni yahuahye:

—Ijirota ijire. Ahriqũiro Galilea cĵãno ijire. Sa yero potota Jesu mehna ijiri ahriqũiro gũhũ, niahye tiqũiro apeqũinare.

<sup>60</sup> Tĩqũiro sa nigũ Pedro yũhtiahye:

—Ne, mũhũ nidĩqũirore masiedaja yũhũ, ni yũhtiahye Pedro.

Tĩqũiro sa ni yahuducuri watoa canaca yahuahye. <sup>61</sup> Tĩqũiro yahugũta Jesu wũhũ caharũ ijiriqũiro Pedrore majare ihũadoqueoahye. Tĩqũiro sa yegũ Pedro pehe Jesu tiqũiro nidire wacũahye. “Mĩa ñami canaca tiqũiro yahuatoto pano, ‘Yũhũ Jesure masiedaja’, nigũta mũhũ. Ihtia taha sa nigũta mũhũ”, Jesu tiqũiro nidire wacũahye Pedro. <sup>62</sup> Sa wacũno Pedro topũ wĩjia ta, tutuaro utiahye.

### *Jesure bũjũpe, quẽahye tiqũina*

(Mt 26.67-68; Mr 14.65)

<sup>63</sup> Sa ye Jesure cohteyẽquina surara tiqũirore bũjũpe, quẽpeahye. <sup>64</sup> Sa quẽpeye, tiqũiro caperire dũhte cahmota, tiqũirore sinituahye:

—¿Dĩqũiro mũhũre quẽari? Ihũdapegũta yahuya usãre, ni sinitupeahye tiqũina.

<sup>65</sup> Sa ye peye ñano ni yahuducuahye tiqũina tiqũirore.

### *Jesure pũhtoa sinituahye*

(Mt 26.59-66; Mr 14.55-64; Jn 18.19-24)

<sup>66</sup> Bohrearopũ judio masa bũcũna, pahia pũhtoa, judio masare buheye-quina gũhũ cahmecoahye. Tĩqũina sa cahmecoanopũ apeqũina tiqũina caharũ Jesure ne cãhtahye.

<sup>67</sup> —Yahuya usãre. ¿Cristota ijiajari mũhũ? ni sinituahye tiqũina Jesure.

Tĩqũina sa nigũ Jesu yũhtiahye:

—Mũsare yũhũ yahugũ, yũhũre tũhosi mũsa. <sup>68</sup> Mũsare yũhũ sinitugũ yũhũre yũhtisi mũsa. Sa yena yũhũre wiosi mũsa. <sup>69</sup> Mũsa wioerapẽgũta came cĵũnogã ijipihtieyẽ decori yũhũ masũ Cohãcĵũ ohorigũ Cohãcĵũ tutuariqũiro tiqũiro pototo peherũ dũjigũtja, niahye Jesu.

<sup>70</sup> Tĩqũiro sa nigũ tiqũina ijipihtieyẽquina sinituahye tja pari turi:

—¿Sa nigũ Cohãcĵũ macũta ijiajari mũhũ? niahye tiqũina.

—Mũsa nino sahata ijiaja, ni yũhtiahye Jesu tiqũinare.

<sup>71</sup> Tĩqũiro sa nigũ tiqũina ohõ saha ni yahuducuahye tiqũina basi:

—Ahriqũiro Cohãcĵũre pajiro tiqũiro ñano yahuducugũ mari basi tũhou. Sa ye topeqũinata yahusãahdo ahriqũirore, niahye tiqũina basi.

## 23

### *Pilato Jesure sinituahye*

(Mt 27.1-2, 11-14; Mr 15.1-5; Jn 18.28-38)

<sup>1</sup> Sa ni tuhasa tiqũina ijipihtieyẽquina wahcãdũca, Jesure Pilato caharũ neahye. <sup>2</sup> Ne esa, Jesure yahusã dũcahye:

—Ahriqũiro mari ya yehra cĵẽnare tiqũiro ñano ye dutigũ usã tũhou. Mari pũhtorore ahriqũiro wapa ye dutierare. Sa yero tiqũiro “Pũhto ijiaja. Cristo masare yũhũoacĵũ ijiaja yũhũ”, ni yahuducure tiqũiro basi, ni yahusãhye tiqũina Jesure.

<sup>3</sup> Tĩqũina sa ni yahusãri bato Pilato Jesure sinituahye:

—¿Judio masa pũhtota ijiajari mũhũ? niahye tiqũiro Jesure.

—Mũhũ nino sahata ijiaja, ni yũhtiahye Jesu.

<sup>4</sup> Tiquiro sa nigū Pilato pahia puhtoare, masa gūhare yahuahye:

—Ahriquiro buhiri mariedare, niahye tiquiro.

<sup>5</sup> Tiquiro sa niepegūta tiquina tutuaro yahusā nemoahye:

—Tiquiro buheye mehna masare cahmequegū yere. Galilea yehpapū tiquiro tire ye ducari. Sa ye dūca tuhasa ijipihtiro Judea yehpapū tire tiquiro yere. Sa yero yojorū ohōrū gūhare tire yero taro nine, ni, yahusāhye tiquina.

### *Herode Jesure sinituahye*

<sup>6</sup> Tiquina sa ni yahusāgū tūhoro Pilato pehe sinituahye:

—¿Ahriquiro Galilea cjūno ijiajari? niahye tiquiro.

<sup>7</sup> —To cjānota ijire, ni yūhtiahye apequina.

Tiquina sa ni yūhtigū tūhoro Pilato pehe Jesu tiquiro ijiri yehpare masino puhtoro Herode ya yehpa cjūno Jesu tiquiro ijigū masiahye. Tire masino Jesure Herode caharū ohoahye. Ti pjere Herode Jerusalēpū ijiahye. <sup>8</sup> To pano Herode Jesure tūho tuhasahye. Tiquiro sa tūhori bato yoari bato tiquirore ihña duahye. Jesu Cohācjū tutuaye mehna tiquiro ye ihñogū ihña duamahye tiquiro. Sa yero tiquiro Jesure ihñano, bucueahye. <sup>9</sup> Sa yero peye tahari sinituahye Jesure. Tiquiro sa sinituepegūta Jesu ne yūhtierahye tiquirore. <sup>10</sup> Pahia puhtoa, judio masare buheyequina gūhū Herode caharū esa, tutuaro Jesure yahusāhye. <sup>11</sup> Tiquina yahusāri bato, Herode tiquiro yequina surara mehna bujūpe, Jesure ñano yeahye. Sa bujūpeye, quehnoari suhtirore puhtoro tiquiro sañari suhtiro yero saha bajuri suhtirore sāahye tiquina Jesure. Sa bujūpe tuhasa, tiquirore Pilato caharū ohoahye tja. <sup>12</sup> Ti decore Herode, Pilato mehna quehnoano tiquina basi cahme yeyequina iji dūcahye. To panore tiquina basi cahme ihña tuhtieyquina ijinimahye.

### *Masa Jesure wejē dutiahye*

*(Mt 27.15-26; Mr 15.6-15; Jn 18.39-19.16)*

<sup>13</sup> Sa ye Pilato pahia puhtoare, apequina puhtoare, masa gūhare tiquiro pijiogū, cahmecoahye. <sup>14</sup> Tiquina cahmecoa pihtigū ihñano ohō saha niahye Pilato tiquinare:

—Ahriquirore yūhare ne cāhtana, “Tiquiro masare ñano ye dutiri”, nimedi mūsa yūhare. Yojorū mūsa ihñonorū ahriquirore quehnoano sinitu pehou tja. Yūhū sa sinituri bato mūsa tiquirore sa yahusāduducgū tiquirore ñañe buhiri ne mariedare, yūhū ihñagū. <sup>15</sup> Herode gūhū tiquirore “Ne, ñañe buhiri mariedare”, nidi. Sa nino ahriquirore pari turi usāre oho majare tojore tja. Sa yena ahriquirore tiquiro ñañe buhiri mariedagū tiquirore mūsa wejē duti masidare. <sup>16</sup> Sa yegū tiquirore yuta dari mehna tana dutiitja yūhū. Sa tiquina tanari bato tiquirore wioutja, nimahye Pilato masare.

[<sup>17</sup> Cūhmaripe pascua bose decorire masa yaquiro ijiatiquirore ihcāquiro peresupū ijiriquirore Pilato wio basaducue tiahye.] <sup>18</sup> Sa ye Pilato “Jesure wioutja”, tiquiro nigū tūhoye ijipihtieyquina masa ohō saha ni sañuducuahye:

—Tiquirore Jesure wejēña. Barrabá pehere usāre wio basaya, ni sañuducuahye masa.

<sup>19</sup> To pano Barrabá pehere Jerusalēpū puhtoare tiquiro cohā dutiri buhiri, masare tiquiro cahmeque dutiri buhiri, tiquiro wejēdi buhiri, peresu yeahye tiquirore. Sa ye camepūre tiquirore masa wio dutiye niahye. <sup>20</sup> Pilato Jesu pehere wio duamahye. Sa yero tiquiro masare sinituahye tja. <sup>21</sup> Tiquiro sa wio duepegūta tiquina tiquirore niahye tja:

—Curusapū quē biha wejēña tiquirore. Wejēña tiquirore, ni sañuducuahye tiquina.

<sup>22</sup> Tiquina sa nigū Pilato ihtia taha waro ohō saha nimahye tiquinare:

—¿Yabere ñano yeri tiqairo masa sa ni sañuducugū? Ne tiqirore ñañe buhiri mariedare. Sa yegu tiqirore wejē duti masiedaja. Tiqirore yuta dari mehna tana dutiitja. To punota ye dutiitja. Sa yegu wioutja tiqirore, nimahye Pilato.

<sup>23</sup> Tiquiro sa niepegāta tiquina tutuaro mehna sañuducu nemo, Jesure curusapu wejē dutiahye. Tiquina sa ni sañuducugū tuhoro tiquina cahmediro sahata Pilato yeahye. <sup>24</sup> Sa yero tiquina sinidiro sahata Pilato Jesure wejē dutiahye. <sup>25</sup> Sa dutiro tiqairo peresupu ijiriquirore masare cahmequegū yeriquirore, masare wejēdiqirore masa tiquina sinidiro sahata Pilato Barrabā pehere wioahye. Sa yero Pilato Jesure curusapu wejē dutiahye.

*Tiquina Jesure curusapu quē biha wejēahye*

(Mt 27.32-44; Mr 15.21-32; Jn 19.17-27)

<sup>26</sup> Sa ye tiquina Jesure wejēñe wahaye, neahye. Ti pje tiquina sa yeri watoa Simo wame tiriquiro Cirene cñano ihquē wñhuse ijiroru esariquiro tojoa taro niahye. Jerusalēpu tiqairo wihigū ihñañe Jesure neañequina tiqirore piti ca, ñeñe, curusare tiqirore wña cā dutiahye Jesu bato pehe.

<sup>27</sup> Sa ye masa peyequina Jesure ihña nñnñ tāhye. Sa ye masa watoa ijiyequina numia tiqirore tiquina sa yegū ihñañe tutuaro utiahye. <sup>28</sup> Tiquina utigū tuhoro, tiquina numiare Jesu majare ihña, ohō saha niahye:

—Jerusalē cñana numia, yñhure utieracñhña. Masa ye ijiatire, masa pohna ye ijiati gñhure utiya. <sup>29</sup> Apeye decori ijigū ña yñhdñaro yñhdñnata masa. Ti pjere masa ohō saha nieta. “Pohna mariena numia, pohna tien numia, apñoedari numia yojoru mari ijigū quehnoa yñhdñaboaga”, nieta numia. <sup>30</sup> Ti pjere cññare ohō saha ni yahuducueta masa. “Mñññ cñññ usā buiru bora dijia taya. Hsāre nñoña”, nieta masa cueye. <sup>31</sup> Masa yñhure buhiri mariegure ohō saha tiquina yegū, ñañe buhiri cñoeyequina pehe ña yñhdñaro wahaeta, niahye Jesu.

<sup>32</sup> Apequina pñaro dutiyere yñhdñdcayequina tiquina ijigū tiquina gñhure Jesu mehna tiquina wejēatiquinare neahye tiquina. <sup>33</sup> Tiquinare nea, “Dapu pehtoro”, wame tiroru esa, curusapu Jesure quē biha ohōahye. Sa ye pñaro yñhdñdcayequina gñhure apequirore tiqairo poto pehe, apequirore tiqairo cū pehe pehe quē biha ohōahye. <sup>34</sup> Tiquina sa yegū Jesu ohō saha niahye:

—Mai, ahriquina yñhure wejēatiquina yojoru tiquina ñano yerire boya tiquinare. Tiquina dñhse yerire masiedare tiquina. Sa yegu tiquina ñano yerire boya, niahye Jesu.

Sa ye Jesu suhtire cahme itiyē, tiquina doquepeahye. Tiquiro suhtire “¿Noa yaro ijirotari ohō?” ni cahme doquepeahye tiquina. <sup>35</sup> Sa ye masa toru ducuyequina tiquina ihñaducuri watoa judio masa pñhtoa Jesure bujñpeahye:

—Tiquiro apequina masare yariaboriqinare yñhdññoñhti. Sa yero tiqairo Cristo Cohācñū beseriquiro ijiro, yojoru yariaboriqiro ijiro, tiqairo basi yñhdñoahro, ni, bujñpeahye tiquina.

<sup>36</sup> Surara gñññ tiqirore bujñpeahye. Jesu caharu esa, tiquina tiqirore ñañe co vinore ohomahye. <sup>37</sup> Tire yeye ohō saha niahye tiquina:

—Mñññ judio masa tiquina pñhto ijigū mñññ basi yñhdñya. Sa yegu yñhdññ witigata mñññ, ni, bujñpeahye tiquina.

<sup>38</sup> Sa ye tiqairo bui ohō saha ni ojoa ohōahye. “AHRIQUIRO JUDIO MASA PñHTORO IJIRE”, ni, ojoa ohōahye.

<sup>39</sup> Apequiro tiqairo mehna tiquina quē biha ohōriqiro yñhdñdcariquiro pehe ñano yahuducuahye Jesure:



—¿Muhũ Cristo masare yuhduoacjũ ijierajari? Muhũ basi, usã gãhũre yedohoya, niahye tiquiro Jesure.

<sup>40</sup> Tiquiro sa nigũ tũhoro apequiro yuhduacariquiro Jesu pota peherũ tiquina quẽ biha ohõriquiro pehe tiquirore ohõ saha niahye:

—Mari gãhũre pota ijiye mehna buhiri dahrere tiquina. ¿Dahsegu Cohãcjũre ne ño peoerajari muhũ? <sup>41</sup> Marine ñañe buhiri ye, pota yehe nine tiquina. Ñañene mari yeri buhiri marine buhiri dahrere tiquina. Ahriquiro pehe ñañene yerare, niahye tiquiro apequiro yuhduacariquirore.

<sup>42</sup> Sa nino, tiquiro Jesure ohõ saha niahye:

—Jesu, muhũ puhto ijigũ tojoa tagũ, yuhũre wacũña, niahye tiquiro Jesure.

<sup>43</sup> —Muhũre ahrire nii niaja. Miare paraíso wame tiropũ muhũ yuhũ mehna ijiita, niahye Jesu tiquirore.

### *Jesu yariaa wahahye*

*(Mt 27.45-56; Mr 15.33-41; Jn 19.28-30; He 6.19-20; 10.19-20)*

<sup>44</sup> Sa ye coheri pje ijigũ asũ asi duhuahye. Sa yero ijipihtiro ti dihtapũre ihtia hora waro quehnoano nahitiahye. <sup>45</sup> Nahitiari watoa, Cohãcjũ wuhũ cjã suhtiro cahsero, tiquina tore cahmotari cahsero decopũ ti cahsero uhmũsepũ tũhũ dũca, tũhũ yojoa saa wahahye. <sup>46</sup> Sa yero Jesu tutuaro sañuducuahye:

—Mai, yuhũ jeripohnare muhũre wiaja muhũ ihña ihboatire, ni, sañuducuahye Jesu.

Sa ni tuhasa yariaa wahahye.

<sup>47</sup> Tiquiro sa yariagũ ihñano, surara puhtoro pehe “Cohãcjũ tutuariquiro ijire”, nino, “Ahriquiro Jesu manano potota quehnoariquiro ijimeya”, niahye surara puhtoro.

<sup>48</sup> Sa ye tiquina wejẽgũ ihñañe ahtariquina Jesu tiquiro yariagũ ihñañe, tiquina ye wuhũsepũ tojoaa wahahye. Tojoaa waha, tiquina ñañe yerire bujña witiye mehna tiquina cutiro bui quẽ ohõahye. <sup>49</sup> Ijipihtiyequina Jesu yequina tiquiro mehna cjẽna Galileapũ tiquiro mehna ahtariquina numia gãhũ Jesure yooropũ ihñaducuahye.

### *Jesu pagure masa copere cũahye*

*(Mt 27.57-61; Mr 15.42-47; Jn 19.38-42)*

<sup>50-51</sup> Ti pjere José wame tiriquiro topũ ijiahye. Judea yehpa cjã maca Arimatea wame tiri maca cjãno ijiahye. Sa yero tiquiro quehnoariquiro, pota yeriquiro ijiro, Cohãcjũ puhtoro iji dũcatire cohteriquiro ijiahye. Sa yero tiquiro judio masa puhtoa mehna cjũno ijieperota Jesure tiquina wejẽ dutigũ cahmedamahye tiquiro. <sup>52</sup> Sa yero Pilato cahapũ esa, Jesu pagure siniahye. <sup>53</sup> Sini tuhasa, Jesu pagure ne dijio, quehnoari suhtiro mehna tiquiro pagure wahmeahye. Sa wahme tuhasa, masa copere uťãrũ tiquina seheri copere cũahye tiquiro pagure. Ti copere ne apequina yariariquinare cũedariahye. <sup>54</sup> Ti deco saurũ deco ijiatire tiquina quehnoyuri deco ijiahye. Saurũ tiquina sori deco ijiasi mehenogã dũsahye.

<sup>55</sup> Sa ye Galileapũ Jesu mehna ahtariquina numia masa copere José mehna wahahye. Masa copere esa, ti copere ihña, Jesu pagure tiquina cũire ihñahye.

<sup>56</sup> Came tiquina ye wuhũsepũ tojoaa waha, ehme sitiye co, wisõñe mehna quehnoahye tiquina. Sa ye saurũ ijigũ Cohãcjũ dutiye Moisere tiquiro cũri dutiye nino sahata tiquina soahye.

## 24

*Jesu masa wiji ahye**(Mt 28.1-10; Mr 16.1-8; Jn 20.1-10)*

<sup>1</sup> Domingo ijigū bohrearopu tiquina numia ehme sitiye tiquina quehnorire Jesu masa copepu ne cāmahye. <sup>2</sup> Ti copepu esa, ti copere bihariare utāre tiquina pōo duhu cūria utāre ihñahye. <sup>3</sup> Sa ihñañe tiquina ti copepu sajāa wahahye. Jesu pagure bocaerahye tiquina. <sup>4</sup> Tiquiro pagure bocaera, “¿Duhse wahayari?” ni tūhotuahye tiquina. Tiquina sa ni tūhotu yahuducuri watoa puaro amua asi siteye suhti sañañequina tiquina cahapu ducuahye. <sup>5</sup> Topu tiquina ducugū ihña, numia cueye, dusepe curi mehna quehe sahye. Sa ye amua pehe tiquinare yahuahye:

—¿Duhseña yariariquiro ijire Jesure macajari mūsa? Yojopure tiquiro catiriquiro ijire. <sup>6</sup> Tiquiro ohōre mariedare. Masa wija tuhasari. ¿Sohō ijiri pjere tiquiro Galileapu mūsa mehna ijire mū sare tiquiro nidire wacūajari mūsa? <sup>7</sup> “Yuhare Cohācū ohorigure apequiro ohorota ñañequinare. Tiquiro ohori bato yuhare curusapu quē biha wejēta tiquina. Sa yegu yuhā yariari bato ihtia deco wahaboro masa wijiagutja yuhā”, nidi mū sare. ¿Tiquiro sa nidire wacūajari mūsa? niahye amua pehe.

<sup>8</sup> Tiquina sa nigū tūhoye, numia pehe tiquiro nidire wacūahye. <sup>9</sup> Tiquina sa nidi bato tiquina tojoaa waha, once buheyequinare apequina gūhare tire yahu pehoahye. <sup>10</sup> Tiquina numia pehe María Magdalena, Juana, María Santiago pacoro ijiahye. Tiquina numia apequina numia gūhā ijiahye Jesu buheyequinare yahuri numia. <sup>11</sup> Tiquina sa ni yahuepegāta Jesu buheyequina pehe “Poto niñe niedaga. Ni mehoñe niaga ahriquina numia”, ni tūhotumahye. Sa ye tiquina numiare tūho duerahye.

<sup>12</sup> Tiquina sa nigū tūhoro, Pedro pehe masa copepu oma cā, ihñano wahahye. Ti copepu esa, tiquiro muhri ihña sōahye. Jesure tiquina wahmedi suhtiro dihitare ihñahye. “¿Duhse wahayari?” ni, tūhotu, tiquiro ya wuhāpu wahahye.

*Emau wame tiri maca cā mahapu Jesu bajuahye**(Mr 16.12-13)*

<sup>13</sup> Ti decota puaro Jesu buheyequina mehna cñēna Emau wame tiri macapu wahaye niahye. Jerusalē once kilómetro yoaro ijire Emapu esato. <sup>14</sup> Emapu waha, ijipihtiye Jerusalēpu ti pjere Jesu tiquiro sa waharire tiquirore tiquina ñano yerire yahuducu cāñe niahye. <sup>15</sup> Tiquina sa ni yahuducuri watoa Jesu pehe tiquina cahapu esa, tiquina mehna wahahye. <sup>16</sup> Sa ye tiquirore ihñāepeta tiquina tiquirore ihña masiedahye.

<sup>17</sup> —¿Duhse ni yahuducu cāna nijari mūsa? ni, sinituahye Jesu.

Tiquiro sa nigū tiquina bujua witiyequina esadūcahye.

<sup>18</sup> Cleofa wame tiri tiquiro pehe Jesure yūhtiahye:

—¿Yojopure Jerusalēpu tiquina yerire mūhū dihita masiedajari? ni sinituahye tiquiro.

<sup>19</sup> —¿Duhse wahari Jerusalēpūre? niahye Jesu.

Tiquiro sa nigū Cleofa yūhtiahye:

—Jesure Nazare cñūnore tiquina yerire nina nijā. Tiquiro Cohācū yere yahu mūhtariquiro ijimedi. Sa ye tiquiro yahuducurire tūhoye, tiquiro yeri gūhare ihñañe, “Tutuariquiro ijire”, ni, tūhotumedi masa. Cohācū gūhā sata ni tūhotuaga. <sup>20</sup> Marī pahia puhto, apequina puhto mehna tiquirore wejē dutiye, apequinare ohori. Tiquina sa ohogū apequina pehe tiquirore curusapu quē biha wejēdi. <sup>21</sup> “Roma cñēnare cohātiquiro Israe masa puhtoro

ijiatiquiro ijire”, ni, tūhotumi usā tiquirore. Mía mehna ihtia deco wahare tiquiro yariari bato. <sup>22</sup> Meheñequinagā numia usā mehna cjēna numia usāre acūagū yeri. Bohrearopu Jesu tiquiro masa coperu tiquina numia esa, <sup>23</sup> tiquiro pagare bocaerañohiti. Tiquiro pagare bocaeraye, tiquina tojoa wihī yahuri. “Usāre angele bajuari. Jesu catiñohiti”, ni yahuri usāre numia pehe. <sup>24</sup> Tiquina sa nigū apequina usā mehna cjēna ti coperu esa, numia tiquina nidiro sahata ihñañohiti. Tiquina gūhu Jesure ihñedañohiti, niahye tiquiro Jesure.

<sup>25</sup> Tiquiro sa nidi bato Jesu yahuahye tiquinare:

—Musa ne tūho masiedare. ¿Cohācjū yere yahu mūhtariquina mūna tiquina nidire quehnoano tuhoerari musa? <sup>26</sup> Cristore tiquiro puhtoro ijiato pano uhmasepu tiquiro mājato pano tiquirore ñano yūhduro cahmedi. ¿Tire masiedajari musa? niahye Jesu tiquinare.

<sup>27</sup> Sa nino Cohācjū Cristore tiquiro ni yahu tiquina ojoarire Jesu yahu peho cāhye tiquinare. Moise mūnāno tiquiro ojoarire Jesu yahu dūcahye. Sa yero ijiptiyequina Cohācjū yere yahu mūhtariquina Cristore tiquina ojoari gūhure yahu peho cāhye tiquiro.

<sup>28</sup> Tiquina wahari macapu tiquina esaye taye yegū, Jesu pehe tiquinare yūhdū cāa wahamahye. <sup>29</sup> Tiquiro sa yepegūta tiquina tiquirore waha dutierahye:

—Usā mehna tojoaya. Ñamicahapu ijire. Nahinopu nine, niahye tiquina tiquirore.

Sa yero Jesu tiquina mehna wūhūpu sajāa wahahye. <sup>30</sup> Wūhūpu sajā sa, tiquiro tiquina mehna ihyari mesapu nuju sa, pāre ne, Cohācjūre “Quehnoare”, niahye. Sa nino ti pāre nuha ne, tiquinare ohoahye. <sup>31</sup> Tiquiro sa yegū ihñañe tiquina Jesure ihñā masiahye. Tiquina ihñā masi dūcagūta tiquiro buti maa wahahye. <sup>32</sup> Tiquiro sa buti maa wahagū ihñañe tiquina basi ohō saha ni yahuducuahye:

—Mahapu tiquiro marine tiquiro yahuducuri watoa Cohācjū tiquiro ojoarire tiquiro yahuri watoa mari jeripohnari mehna quehnoano bucueye mehna tūhotuū mari, niahye tiquina basi.

<sup>33</sup> Sa ni tuhasa tiquina duita Jerusalēpu majare tojoaa wahahye tja. Topu esa, once buheyequinare apequina mehna cahmecoañequinare bocahye.

<sup>34</sup> Tiquina esagū, once buheyequina ohō saha niahye:

—Potota mari puhtoro masa wijiañohiti. Simo Pedro tiquirore ihñañohiti, niahye once buheyequina.

<sup>35</sup> Tiquina sa nigū puaro Emau cjēna mahapu Jesure tiquina ihñarire yahuahye:

—Jesu pāre tiquiro nuhagū usā ihñā masii tiquirore, ni, yahu pehoahye tiquina apequinare.

*Jesu tiquiro buheyequinare bajuahye  
(Mt 28.16-20; Mr 16.14-18; Jn 20.19-23)*

<sup>36</sup> Tiquina sa ni yahuri watoa tiquina cahapu iji tuhasahye Jesu pehe.

—¿Ijiajari musa? niahye tiquiro tiquinare.

<sup>37</sup> Tiquiro sa nigū tūhoye tiquina “Mari yariariquiro mūnanore ihñāna niaja”, ni tūhotuyē, tutuaro cueahye. <sup>38</sup> Tiquina sa cuegū ihñāno tiquiro tiquinare yahuahye:

—¿Dūhsena cueajari musa? ¿Dūhsena “Ahri poto ijierare”, niajari musa?

<sup>39</sup> Yūhu omocarine, yūhu dahpocāri gūhure ihñāña. Mūsa yūhure ihñāna, ihñā

masinata. Yũhũre ñehe tuhuya. Ñehe tuhuna masinata mũa. Yariariquiro mũpanopũ pagũ mariedare. Yũhũ pehe pagũ tiaja, niahye Jesu.

<sup>40</sup> Sa nino tiquiro omocari gũhũre, tiquiro dahpocãri gũhũre ihñõahye tiquinare. <sup>41</sup> Tiquiro sa ihñõepẽgũta tiquina tutuaro bucue, ihña maria waha, “Ahri poto ijieraga”, ni tuhoturĩahye. Tiquina sa tuhotugũ masino Jesu tiquinare sinituahye:

—¿Ohõpũ ihyaye ijijari? niahye tiquiro.

<sup>42</sup> Tiquiro sa nigũ tuhoye wahi dohariquirore ohoahye tiquirore. <sup>43</sup> Tire ne, tiquina ihñõopũ Jesu iyahye. <sup>44</sup> Ihya tuhasa, Jesu yahuahye tiquinare:

—Sohõ ijiri pje mũa mehna ijigũ mũsare yũhũ yahuriro sahata yojopũ yũhũ sa wahaũ. Cohãcjũ dutiye Moise marine tiquiro cũri tiquiro sa ni ojoariro sahata yũhũre sa wahari. Cohãcjũ yere yahu mũhtariquina, Salmo ojoari pũre ojoayequina gũhũ panopũ yũhũre tiquina ni yahuriro sahata yojopũre yũhũre sa wahari. Sa wahacjũta ijii yũhũ, niahye Jesu.

<sup>45</sup> Sa ni tuhasa Cohãcjũ yere tiquina yahu ojoarire tiquiro buheyequinare masigũ yeahye Jesu:

<sup>46</sup> —Cohãcjũ yere tiquina ojoari ohõ saha nine: “Cristore ñano yũhdũro cahmene. Sa yero ihtia deco wahaboro tiquiro yariari bato tiquiro masa wijiara. <sup>47</sup> Tiquiro masa wijiari bato ijipihtiyẽ yehparipũ tiquiro yequina Cristo yere yahueta. Masa tiquina ñañene tiquina bũjũa witiatire, quehnoañene tiquina comesatire Cohãcjũ tiquina ñañene tiquiro cohãtire yahueta tiquiro yequina. Sa yahuye taye, Jerusalẽpũ yahu dũcaeta”, niahye Cohãcjũ yere tiquina ojoari pũpũ, niahye Jesu.

<sup>48</sup> Sa ni tuhasa ohõ saha ni yahu nemoahye:

—Mũa pehe ahri ijipihtiyere ihñarina ijire. Sa yena apequinare yahunata.

<sup>49</sup> “Espĩritu Santore mũsare ohoutja”, Cohãcjũ tiquiro nidiquirore yũhũ pehe mũsare ohoutja. Tiquiro ãhmũse cjẽ tutuayere ohoatiquiro ijire. Sa yena Jerusalẽpũ tiquiro wihiatire cohteya mũa, niahye Jesu tiquiro buheyequinare.

*Jesu ãhmũsepũ mũjaa wahahye  
(Mr 16.19-20)*

<sup>50</sup> Sa ni tuhasa Jesu tiquinare Jerusalẽpũ ijieyequinare Betania cahapũ neahye. Topũ esa, Jesu tiquiro omocarine ne mũo, “Quehnoano ijija”, niahye tiquinare. <sup>51</sup> Sa ni tuhasa, tiquinare cũ, ãhmũsepũ mũjaa wahahye. <sup>52</sup> Tiquiro mũjari bato tiquina tiquirore ño peo, Jerusalẽpũ tutuaro bucueye mehna tojoaa wahahye. <sup>53</sup> Topũ ijii, decoripe tiquina Cohãcjũ wãhũpũ Cohãcjũ mehna yahuducu, “Quehnoare”, ni ño peohahye tiquina tiquirore. To punota ijire.

## San Juan

### *Cohācjū ye yahuducuyere yahuriquiuro masuṁnota iji ducahye*

<sup>1</sup> Duitaputa ahri yehpa to ijiato panoputa Cohācjū ye yahuducuyere yahuriquiuro Cristo masare yahuatiquiuro duita iji tuhasae tiahye. Tiquiro Cohācjū mehna ijiahye. Sa yero tiquiro Cohācjūta iji cāhno niahye. <sup>2</sup> Duitaputa coā waropure Cristo Cohācjū mehna ijiahye. <sup>3</sup> Sa yero coā waropure ne mariedarire bajumehneahye. Ahri yehpare, ahmūserē, ijiptihyere, masa gāhure bajumehne dutiahye Cohācjū tiquirore. Sa yero ahrire bajumehne pehoahye tiquiro. Ahrire yojopure mari ihñañene, mari ihñedari gāhure tiquiro bajumehnedagū ne mariedaboya. <sup>4</sup> Cristo catiyere ohoriquiuro ijiro nine. Buhrioro marine to quehnoano ihña masigū yero saha mari Pacure quehnoano masigū yere. Sa yero mari Pacure masigū yere masare. <sup>5</sup> Ahri yehpa cjēna ñañene wacū, tiquina tutuaro cahmeñe nahitiano yero saha ijiye nine. Buhrioro quehnoano marine to ihña masigū yero saha Cohācjū ye yahuducuyere yahuriquiuro masare masigū yere. Sa yero nahitiano buhriorore to yuhduducaero sahata Cristore ne ñañe yuhduducaerare.

<sup>6-7</sup> Cohācjū Ñu wame tiquiro pehere ohoahye, Cristo buhrioro yero saha ijirore masare yahu mahta dutiro. Tiquiro ohogū Ñu pehe masare yahuro ahtari tiquiro yahurirore Cristore ijiptihyequina tiquina wacū tutuatire. <sup>8</sup> Ñu pehe Cristo ijierari. Sa ijieraro tiquiro Cristo pehere masare yahu mahtano ahtari. <sup>9</sup> Cristo buhrioro yero saha ijirore ijiptihyequina masare Cohācjūre masigū yeatiquiuro pehe ahri yehpare ahtari jiri. Ijirota ijire ahri. Tiquiro buhrioro yero saha ijirore warota ijire.

<sup>10</sup> Sa yero Cristo ahri yehpare ijirore jimedi. Ahri yehpare bajumehnediquiro ijiahye. Tiquiro sa ijipegūta tiquiro ya yehpa cjēna tiquirore ne masiedari. <sup>11</sup> Tiquiro ya yehpare masa bajuari jimedi. Tiquiro ya yehpare tiquiro masa bajuari ijipegūta tiquiro ya yehpa cjēna pehe ne tiquirore cahmedari jiri. <sup>12</sup> Tiquina sa cahmedapegūta apequina pehere ijiptihyequina tiquirore cahmeñequina pehere tiquinare Cohācjū tiquiro pohne ijigū yeri jiri. Tiquirore wacū tutuayequina pūrita potota tiquiro pohne warota ijire. <sup>13</sup> Tiquina Cohācjū pohneti ijiye nine. Sa ye masa tiquina masa bajuari saha ijierare, Cohācjū pohne tiquina wahagū.

<sup>14</sup> Sa yero Cristo masano tiquiro iji ducari bato mari mehnata ijire tiquiro. Tiquiro sa ijigū ihñana masare cahniquiuro, potota yahuriquiuro tiquiro ijigū usā masii. Tiquiro dihita Cohācjū macano ijiro tutuariquiuro quehnoariquiuro ijiri. Tiquiro sa ijirore ijigū usā masii. <sup>15</sup> Ñu Cristore yahu mahtano ohō saha ni sañuducuri masare yahuro:

—Siquiro ahtare yahu ohō saha ni yahuriquiuro: “Tiquiro yahu bato ahtariquiuro ijire. Sa ijirore tiquiro yahu yuhdoro tutuariquiuro ijire. Tiquiro yahu masa bajuato panoputa iji tuhasahye. Sa yero tiquiro yahu yuhdoro tutuariquiuro ijire”, masare yahu ni yahuriquiuro ahriquiurota ijire, nidi Ñu Jesure masare yahuro.

<sup>16</sup> Tiquiro Cristo pehe quehnoano tutuaro masare cahniquiuro ijiro marine ijiptihye quehnoano yeducuri. <sup>17</sup> Cohācjū dutiyere Moise pehe cū mahtahye marine. Jesucristo pehe Cohācjū masare tiquiro cahñene buhero ahtari. Cohācjū tiquiro potota yahuducuyere gāhure buhero ahtari. <sup>18</sup> Masa ne Cohācjūre ihñedare. Tiquirore mari ihñedapegūta tiquiro macano ihcāquiurota

ijiriquiro tiquiro Pacaro mehna sa ijiducure. Sa yero tiquiro Pacarore marine masigū yeri.

*Apequina Ñu wame yeriquirore sinituahye*  
(Mt 3.3, 11-12; Mr 1.2-3, 7-8; Lc 3.4-6, 15-17)

<sup>19</sup> Usā acaye judio masa p̄h̄toa Jerusalēp̄u ijyiequinare pahiare, Cohācjū w̄h̄p̄u dahrayequina gūhare Ñu cahap̄u ohori jiri. “¿Noa boro ijajari m̄h̄u?” ni sinitu dutiye ohori jiri tiquinare. Tiquina sa sinitugū ohō saha ni yahuri Ñu pehe. <sup>20</sup> Yeero boro marieno yahuri. Potota yahuri:

—Yūh̄u Cristo Cohācjū masare yūhd̄o dutiro tiquiro ohorigū ijieraja, nidi tiquiro.

<sup>21</sup> Tiquiro sa nigū tiquina pehe tiquirore pari turi sinituri tja:

—¿Mūh̄u Cristo ijieragū Elia pehe ijajari m̄h̄u? nidi tiquina.

—Ijieraja yūh̄u, nidi tiquiro.

—¿Usā cohterigū Cohācjū yere yahu m̄htacjū pehe ijajari m̄h̄u? nidi tiquina.

—Tiquiro ijieraja yūh̄u, nidi Ñu pehe.

<sup>22</sup> Tiquiro sa nigū tiquina tiquirore pari turi sinituri tja:

—Usāre sinitu dutiriquinare usā yahuro quehnoano poto usāre yahu mado-queohya. ¿Noa boro pehe ijajari m̄h̄u? ¿Mūh̄u basita d̄h̄se ijigū ijajari m̄h̄u? “Sa ijigū ijajaja yūh̄u”, ni yahuya usāre, nidi tiquina Ñure.

<sup>23</sup> Tiquina sa nigū ohō saha ni yūhtiri tiquiro:

—Masa marienop̄u ohō saha ni sañuducugū ijajaja yūh̄u, Cohācjū yere yahu m̄htariquiro Isaia m̄n̄ano tiquiro ni yahuriro sahata: “Mari p̄h̄toro tiquiro ahtato pano mahare mari quehnoyuro saha quehnoana ijyuya m̄sa”, ni masare yahu sañuducugū ijajaja yūh̄u, nidi Ñu tiquinare.

<sup>24</sup> Ñure sinituyequina fariseo masa tiquina ohoriquina ijiri. <sup>25</sup> Sa ye tiquina Ñure sinituri tja:

—¿Mūh̄u Cristo, Elia, Cohācjū yere yahu m̄htagū usā cohterigū ijierapegūta d̄h̄segū masare wame yeajari m̄h̄u? nidi tiquina.

<sup>26</sup> Tiquina sa nigū t̄h̄oro yūhtiri tiquiro:

—Yūh̄u aco mehna masare wame yeaja. Apequiro pehe masa masieniquiro pehe masa watoa iji tuhasare. <sup>27</sup> Tiquiro pehe yūh̄u bato ahtariquiro yūh̄u yūhd̄oro tutuariquiro ijire. Quehnoa yūhd̄uariquiro ijire. Tiquiro yero saha ijieraja yūh̄u pehe. Sa yegū tiquirore t̄hotugū, “Thyo ijigū ijajaja yūh̄u”, ni t̄hotuaja yūh̄u, nidi Ñu tiquinare.

<sup>28</sup> Sa ni yahuducuri tiquina, Betaniap̄u Jordā wame tiri ma ape sie pahrēp̄u, Ñu masare tiquiro wame yeripop̄u.

*Jesu Cohācjū ohoriquiro tiquiro yaquiro cordero yero saha ijiriquiro ijire*

<sup>29</sup> Ape decop̄u Jesu Ñu cahagā cjūno tiquiro ahtagū Ñu tiquirore ihñano ohō saha nidi:

—Ihñaña. Ahriquiro Cohācjū ohoriquiro tiquiro yaquiro cordero yero saha ijiriquiro ijire. Corderore mari wejēd̄iro sahata masa ahriquiro gūhare wejēeta. Sa yariaro ahri yehpa cjēnare tiquina ñañe yerire cohānota tiquiro.

<sup>30</sup> Ahriquirotā ijire yūh̄u ohō saha nidiquiro: “Yūh̄u bato ahtariquiro yūh̄u yūhd̄oro tutuariquiro ijire. Yūh̄u masa bajuato pano tiquiro iji tuhasahye. Sa yero tiquiro yūh̄u yūhd̄oro tutuare”, yūh̄u nidiquiro ahriquirotā ijire.

<sup>31</sup> Yūh̄u pehe ahriquirore masiedahti. Sa masiedapegūta aco mehna wame yei ahta ni yūh̄u acaye Israe masa ahriquirore tiquina masiature, nidi Ñu.

<sup>32</sup> Sa ni tuhasa Ñu yahu nemori:

—Espíritu Santo umusepu bujua yero saha Cristo bui dija ta, tiquiro bui wihiḁcagū ihñā. <sup>33</sup> Cohācjū yuhare tiquiro yahueragū tiquirore ne masiedaboaga yuh. Tiquiro yuhare musare aco mehna wame ye dutiro ohoriquiro Cohācjū pehe ohō saha ni yahu m̄hta tuhasari yuhare: “Espíritu Santo dija ta tiquiro bui wihiḁcanohriquiro tiquirota ijirota. Tiquiro pehe Espiritu Santore masa mehna ijducugū yerota”, nidi Cohācjū yuhare. <sup>34</sup> Yojoḁ pūritare tiquirore ihña tuhasa yuh. Sa ihñagu “Potota Cohācjū macno ijire”, nii yuh musare, ni yahuri Ñu usāre.

*Jesu buheyequina tiquiro piji m̄htariquina ijire*

<sup>35-36</sup> Ape decopu Ñu mehna usā p̄ana tiquiro buhena usā ducugū, Jesu usā cahapu yuhḁ cāno nidi. Tiquiro sa yuhḁ cāgū Ñu tiquirore ihñano, pari turi ohō saha nidi usāre:

—Ihñaña. Ahriquiro Cohācjū yaquiro cordero yero saha ijiriquiro ijire, nidi Ñu.

<sup>37</sup> Tiquiro sa nigū usā p̄ana tiquiro buhena pehe tire t̄hona Jesure n̄nu tāu. <sup>38</sup> Usā sa n̄nu t̄gū ihñano Jesu usāre majare ihña, sinituri:

—¿Yabere macana niajari m̄sa? nidi tiquiro.

Tiquiro sa nigū usā ḡh̄u sinituu tiquirore:

—¿Buhegu, nohopu ijiajari m̄hu? nii usā tiquirore.

<sup>39</sup>—Yuh mehna ahtatjāna ihñana taya, nidi Jesu usāre.

Tiquiro sa nigū usā pehe tiquiro ijiropu ihñana waha. Ti pjere ñamicahapu cuatro hora ijiri. Sa yena ti decore tiquiro mehna tojoa usā.

<sup>40</sup> Usā p̄ana Ñure t̄horina, Jesure n̄nu t̄rina yuh piti Andre mehna iji. Andre pehe Simo bahuro ijiri. <sup>41</sup> Sa yero duita tiquiro wahminore Simore maca, boca, tiquirore ohō saha ni yahuahye:

—Mesiare Cohācjū marine yuhḁo dutiro tiquiro ohoriquirore usā boca, niahye Andre Simore. Mesia usā ye mehna nina, Cristo nina niaja.

<sup>42</sup> Sa ni tuhasa tiquiro Simore Jesu cahapu neari. Tiquiro cahapu esagū ihñano Jesu pehe Simore ohō saha nidi:

—M̄hu Simo wame tigu, Ñu macu ijire. Yojoḁre m̄hare Cefa wame yeitja, nidi Jesu Simore. Cefa usā ye mehna nina, Pedro nina niaja.

*Felipere, Natanae ḡhare pijiahye Jesu*

<sup>43</sup> Ape decopu Jesu Galilea yehapu waha duari. Sa yero tiquiro wahato pano Felipere piti ca ohō saha nidi:

—Yuh mehna cjū ijiacju ahtaya, nidi Jesu.

<sup>44</sup> Felipe pehe Betsaida cjāno ijiri. Tiquiro Andre, Pedro mehna ihcā maca cjēna ijiri tiquina. <sup>45</sup> Sa yero Felipe Natanaene maca, tiquirore bocaro ohō saha ni yahuri:

—Cohācjū dutiyere Moise tiquiro ojoari p̄pu tiquiro yahuriquirore apeqina Cohācjū yere yahu m̄htariquina ḡh̄u tiquina yahuriquirore usā boca. Jesu Nazare cjāno, José macnota ijire, nidi tiquiro Natanaene.

<sup>46</sup>—Nazareḁre ne ihcāquiro quehnoariquiro mariedare, nidi Natanae.

—Ihñagu taya m̄hu, nidi Felipe.

<sup>47</sup> Sa ye Jesu cahapu tiquiro esagū ihñano Jesu pehe ohō saha nidi Natanaene:

—Ahriquiro yojoḁ ahtariquiro potota quehnoariquiro judio masno warota ijire. Tiquirore mehoñe ne mariedare, nidi Jesu Natanae pehere.

<sup>48</sup> Tiquiro sa nigū t̄horo Natanae pehe tiquirore sinituri:

—¿Duhsegu yuhare quehnoano masiajari m̄hu? nidi.



—Felipe mähare tiqiro pijiato pano, higueraḡu docarḡu mähü ijigü ihñau yähü mähare, nidi Jesu.

<sup>49</sup> Tiquiro sa nigü Natanae pehe ohö saha nidi tja:

—Buheḡu, potota mähü Cohäcjö macü ijire. Mähü Israe masa usä pähö ijiacjö ijire, nidi Natanae.

<sup>50</sup> Tiquiro sa nigü tühoro ohö saha ni yähüti Jesu:

—Higueraḡu docarḡu yähü mähare ihñarire masigü yähüre “Cohäcjö macü ijire”, ni wacü tutuare mähü. ¿Tita mähare sa masigü yeajari? Ahri mähare yähü ihñari yähüoro Cohäcjö tutuaye mehna ye ihñogutja yähü mähare. Yähü sa ye ihñogü ihñaguta mähü, nidi Jesu Natanae.

<sup>51</sup> Sa ninota ohö saha ni yahu nemori:

—Potota mähare niita niaja. Yähü masü Cohäcjö ohoriguta ijiaja. Æhmusepḡu parí maagü Cohäcjö tiqiro yequina angele yähü bui tiquina dijia tagü, tiquina majagü gähare ihñaguta mähü, nidi Jesu tiqirore.

## 2

### *Caná wame tiri macarḡu tiquina omoca dähteropḡu Jesu wahahye*

<sup>1</sup> Ihtia deco bato Canárḡu Galilea yehparḡu ijiri macarḡu omoca dähteri bosc deco ijiri. Sa yero Jesu pacoro ti wähäpḡu ijiri. <sup>2</sup> Jesu mehna usäre tiqiro buhena gähare omoca dähteropḡu pijiori tiquina. <sup>3</sup> Ti bosc deco cjē vino pihtigü Jesu pacoro tiqirore yahuri:

—Yojoḡure vino pihtia wahari, nidi ticoro Jesure.

<sup>4</sup> Ticoro sa nigü tühoro Jesu ohö saha nidi:

—¿Iñö, dähsego tago tire yähüre yahuajari mähü? Masa yähüre tiquina masiato dähsarine, nidi Jesu tiqiro pacorore.

<sup>5</sup> Tiquiro sa nidi bato tiqiro pacoro pehe tiquina cahacjēnare dutiri:

—Yähü macü tiqiro dutiro sahata yeya, nidi ticoro.

<sup>6</sup> Ti pjeḡure usä acaye judio masa Cohäcjö yere yeye tehe masare tiquina pagürire sa coseducu dutie tiri. Sa ye ti wähäpḡure seis suturi utä mehna tiquina yeri suturi aco pose tiye suturi ijiri. Ti suturi Cohäcjö yere yeye tehe tiquina coseye aco pose tiye suturi ijiri. Ti suturi cincuenta o setenta litro pose esa tuhari. <sup>7</sup> Sa yero tiquina cahacjēnare dutiri Jesu:

—Ahri suturire acore pio sä nemoña. Quehnoano wahpo dapoya, nidi Jesu.

Tiqiro sa nigü tiquina pehe quehnoano wahpo dapo peho cähri ti suturire.

<sup>8</sup> Tiquina sa yeri bato Jesu tiquinare dutiri tja:

—Yojoḡure ti acore wa ne, wähü cjänore ohoya, nidi.

Tiqiro sa nigü tühoye ti acore wa ne, wähü cjänore ohori. <sup>9</sup> Tiquina sa ohogü tiqiro pehe ti acore vino wahagü yeri acore sihni tuhari. Ti acore tiqiro dähse yerire masiedari tiqiro. Tiquiro sa masiedapeḡuta tiqiro cahacjēna ti acore wayequina pehe masidi. Wähü cjäno sa masiedaro omoca dähteriqirore pijio, ohö saha ni yahuri:

<sup>10</sup> —Apequina masa quehnoañe vinore sihö mähütare. Masa tiquina quehnoano sihnidi batopḡu ña cjüñe core sihöri tiquina. Mähü pehe quehnoañe core ihbo, came cjüno ti core sihöri usäre, nidi wähü cjäno omoca dähteriqirore.

<sup>11</sup> Canárḡu Galiearḡu ijiri macarḡu Jesu acore vino tiqiro wahagü yero, topḡu Cohäcjö tutuaye mehna coä ye ducari. Sa yero apequinare tiqiro tutuayere ihñori Jesu. Tiquiro sa ihñori bato usä tiqiro buhena tiqirore wacü tutuaḡ.

<sup>12</sup> Came Jesu tiqairo pacorore, tiqairo bahanare, usãre tiqairo buhena gũhare Capernaurn siho esari. Topũ esana, meheñe decorigã tojoarĩ usã.

*Jesu Cohãcjũ wũhũpũre esahye*

(Mt 21.12-13; Mr 11.15-18; Lc 19.45-46)

<sup>13</sup> Pascua ijigũ judio masa usã bose deco ijiato mehenogã dahsatjiãri. Sa yero Jesu Jerusalẽpũ esari. <sup>14</sup> Topũ esaro tiqairo Cohãcjũ wũhũpũ sajã saro, wecũare, ovejare, bujuaare duayequinare boca sari. Sa yero niñerure comesayequina mesaripũ dujigũ tiquina gũhare boca sari. <sup>15</sup> Sa boca saro yuta dari mehna tanari da ye, tiquinare ijiphtiyequinare sopecahapũ tana nũnũ wiori. Oveja, wecũa gũhũ tana nũnũ wio cãri tiqairo. Sa yero niñeru comesayequina ye mesarire ne majaredoqueo, doque cũ cãri. Ti niñeru cjoeri gũhare doque site cãri. <sup>16</sup> Sa ye tuhasa bujuaare duayequinare ohõ saha nidi:

—Mũsa bujuaare ne wijiaya. Yũhũ Pacũ ya wũhare apee boro duari wũhũ yeracãhã, nidi Jesu tiquinare.

<sup>17</sup> Tiqairo sa yegũ ihñana usã tiqairo buhena pehe Cohãcjũ yere tiquina ojoari pũpũ tiqairo nidire wacũu: “‘Cohãcjũ, mũhũ ya wũhare tutuaro cahĩaja. Sa cahĩgũ ti wũhare ñano tiquina yegũ ihñagũ tutuaro bujua witiaya yũhũ’, ni ojoahye Cohãcjũ yere tiquina ojoari pũpũ”, ni wacũu usã Jesu buhena.

<sup>18</sup> Jesu tiqairo sa yeri bato usã acaye judio masa pũhtoa tiqairore sinituri: —¿Dũhsegũ mũhũ ahriquinare Cohãcjũ wũhũpũre ijyeyequinare cohã wioari? Cohãcjũ mũhũre tire ye dutiriqairo tiqairo ijigũ Cohãcjũ tutuaye mehna ye ihñõña mũhũ usã ihñatire, nidi tiquina Jesure.

<sup>19</sup> Tiquina sa nigũ Jesu yũhtiri:

—Ahri wũhare masa cohãgũ ihtia deco wahaboro tuhasatja yũhũ, nidi Jesu tiquinare.

<sup>20</sup> —Ihtia deco ahri wũhare yesi mũhũ. Cuarenta y seis cũhmarĩ waro tiquina yeri wũhũ ijire ahri wũhũ, nidi tiquina pehe Jesure.

<sup>21</sup> Tiqairo sa nigũ tiquina tiqairore quehnoano tũhoerari. Jesu “Ahri wũhare”, nino tiqairo pagure nino nidi jimedi.

<sup>22</sup> Sa ye tiqairo yariari bato, tiqairo masa wijiari bato usã tiqairo buhena pehe tiqairo nidire wacũna, Cohãcjũ yere tiquina ojoari pũre Jesu tiqairo yahuri gũhare “Ti ijirota ijire”, ni wacũu usã.

*Ijiphtiyequina tiquina wacũñene Jesu masine*

<sup>23</sup> Pascua bose deco ijigũ Jesu Jerusalẽpũ ijiri. Topũ tiqairo ijigũ masa peyequina Cohãcjũ tutuaye mehna tiqairo ye ihñogũ ihñañe tiqairore wacũ tutu-ari. <sup>24</sup> Tiquina sa wacũ tutuepegũta Jesu masa tiquina wacũñene quehnoano masino, “Yũhare sa wacũ tutuaducueta”, ni tãhotuerahye. <sup>25</sup> Masa tiquina tãhotuyere quehnoano masidi tiqairo. Sa masino masa tiquina tãhotuyere apeqũnare ne sinituerari.

### 3

*Jesu Nicodemore yahuahye*

<sup>1</sup> Ti macare Nicodemo wame tiriqairo, judio masa pũhtoa mehna cãno ijiri. Tiqairo fariseo masa ya curua cãno ijiri. <sup>2</sup> Sa yero ihcã ñami tiqairo Jesu cahapũ ahta, tiqairo mehna yahuducuahye:

—Buhegũ, mũhũ Cohãcjũ buhe dutiro tiqairo ohorigũ mũhũ ijigũ usã masi-aja. Cohãcjũ mũhũre tiqairo yedohoeragũ mũhũ pehe tiqairo tutuaye mehna ne ye ihñõedaboaga. Mũhũ peye tahari Cohãcjũ tutuaye mehna ye ihñõre, niahye Nicodemo Jesure.

<sup>3</sup> Tiquiro sa nigū Jesu pehe yahuahye:

—Ijirota mahare niita niaja. Wahma masa bajuariquiro yero saha pari turi masa bajuariquiro dihita Cohācjū yaquiro iji masine, niahye Jesu.

<sup>4</sup> —Yohnah. ¿Bucuro pehe dahse ye pari turi masa bajuaboari tiquiro? Tiquiro pacoro niji suhtiropū majare sajā, pari turi bajua masiedaboaga tiquiro, niahye Nicodemo.

Tiquiro sa nigū Jesu yahhtiahye:

<sup>5</sup> —Ijirota niita niaja mahare. Wahma masa bajuariquiro yero saha aco mehna, Espiritu Santo tiquiro tutuaye mehna pari turi masa bajuariquiro di-hita Cohācjū yaquiro iji masine. <sup>6</sup> Numia niji pacosānumia ijiye, macanagāre masa bajuagū yere. Espiritu Santo pehe masare Cohācjū pohne ijigū yere.

<sup>7</sup> “Wahma masa bajuariquiro yero saha pari turi masa bajuariquiro dihita Cohācjū yaquiro iji masine”, yuhū nigū, tuho wisieracāhña. <sup>8</sup> Espiritu Santo masare Cohācjū pohne tiquiro yegū ti wihnono yero saha ijire. Wihnono to ahtarioropū ahtare. To ahtaro ca tagū mari tuhoaja. Sa tuhoepenata to ahtarioro, to waharioro ne masiedaja. Sata yere Espiritu Santo masare Cohācjū pohne yero, niahye Jesu Nicodemore.

<sup>9</sup> —Muhū niñene quehnoano masiedaga, niahye Nicodemo.

<sup>10</sup> Tiquiro sa nigū tuhoro ohō saha niahye Jesu:

—¿Muhū judio masare buhegū ijiepegūta, dahsegū yuhū niñene tuhoerajari? <sup>11</sup> Ijirota niita niaja mahare. Usā masidire usā ihñarire usā yahuaaja. Usā sa yahuepegūta ne mūsa acaye judio masa ne tuho duerare.

<sup>12</sup> Ahri yehpa cjē mehna masa tiquina masa bajuari mehna masare queoye mehna yuhū buhe mahtarire “Ijirota ijire”, niedare mūsa. Sa niedana queoye mehna buhero marieno Cohācjū yere yuhū yahugū gāhure “Ijirota ijire”, nisi mūsa.

<sup>13</sup> Ne ihcāquiro ahmūsepe Cohācjū cahapū wahariquiro ne pari turi tojoa tasi. Yuhū masū Cohācjū ohorigū yuhū dihita ahmūsepe ijirigū ahri yehpapū ahtaū. Sa yegū yuhū dihita Cohācjū yere mūsa yahu masiaja. <sup>14</sup> Panopūre masa marienopū Moise mūnano bronze wame tiri come mehna tiquina yeriquirore añare yucūgū tiquina docodapū duhu yoahye. Yucūgūre tiquina duhu yoriro sahata yuhūre masare Cohācjū ohorigūre tiquirore tiquina yeriro sahata yuhū gāhure duhu yoeta. <sup>15</sup> Yuhūre tiquina sa yeri bato ijipihtiequina yuhūre wacū tutuayequina ijipihtie decori Cohācjū mehna ijiducuenta, niahye Jesu.

### *Cohācjū ijipihtiequinare cahñe*

<sup>16</sup> Sa ni tuhasa ohō saha ni nemoahye:

—Cohācjū ijipihtiequina ahri yehpa cjēnare tutuaro cahñe. Sa yero yuhūre tiquiro macūre ihcūta ijigūre Cohācjū ohori ijipihtiequina yuhūre wacū tutuayequina pecapū tiquina “Wahaeracāhdo”, nino. Sa ye ijipihtie decori Cohācjū mehna ijietā tiquina. <sup>17</sup> Cohācjū yuhūre tiquiro macūre masare buhiri dahre dutiro ohoerari yuhūre ahri yehpapūre. Sa yero masare pecapū wahaboriquinare yuhūoacjūre yuhūre ohori.

<sup>18</sup> Yuhūre Cohācjū macūre wacū tutuayequinare ne buhiri dahresi Cohācjū. Yuhūre wacū tutuayequina pūritare Cohācjū buhiri dahre duti tuhasari. Masa yuhūre Cohācjū macūre ihcūta ijigūre tiquina wacū tutuerari buhiri, buhiri dahrerota tiquinare. <sup>19</sup> Yuhū, Cohācjū macū ahri yehpapū ahtagū buhrioro quehnoano marine to ihña masigū yero sahata Cohācjū yere quehnoano masigū yeaja. Yuhū sa masigū yegū ihñañe yuhūre wacū tutuayequina yuhūre cahmedare. Tiquina ñañe yeye pehere quehnoano cahmene.

Tiquina sa cahmedi buhiri tiquinare buhiri dahrerota. <sup>20</sup> Ijipihtiyequina ñañene yeyequina tiquina ñañe yeyere duhu duerare. Sa ye buhrioro to bajumehmeno sahata tiquina ñañe yerire “Bajumehneari”, niñe, yahure cahmedari tiquina. <sup>21</sup> Quehnoañene yeyequina pehe yahure, yahuh buheye gūhure cahmene. Cohācjū yere tiquina yeyere yahuh quehnoano bajuro dahregū bue tierare tiquina. Sa ye yahure buhrioro yero saha ijigure cahmene, ni yahuahye Jesu.

*Pari turi Ņu wame yeriquire Jesure yahuahye*

<sup>22</sup> Came Jesu asāre tiquire buhenare Judea yehparuh siho wahari. Topuh esaro to cjēna mehna meheñe decorigā tojoa, wame yeri tiquinare. <sup>23</sup> Ņu gūhuh masare wame yero niahye Enón wame tiri macaruh. Enón Salim wame tiri maca caharuh ijiri. Topuh dia ijiri. Sa yero Ņu topuh wame yero niahye masare. <sup>24</sup> Tiquina peresu yeato pano Enóruh wame yero niahye Ņu. <sup>25</sup> Tjere Ņu buheyequina mehna cjēna meheñequinagā judio masuno mehna wame yeyere yahuducuye niahye. <sup>26</sup> Sa ye tiquina Ņu caharuh esa, tiquireore yahuahye:

—Buhegū, Jordā si pahrēruh mūhuh mehna ijiriquire “Tiquirota ijiaga”, mūhuh nidiquiro pehe yojorūre masare wame yero nine. Tiquiro sa yegū ijipihtiyequina tiquire caharuh dihita wahare, niahye tiquina Ņure.

<sup>27</sup> Tiquina sa nigū tūhoro Ņu yahūtiahye:

—Tiquiro tutuariquire ijigū Cohācjū pehe tiquireore sa ijigū yere. <sup>28</sup> “Cristo ijieraja”, yahuh nigū masā tūhori. Sa ijierapegata tiquire pano ohonoho mūhtarigū ijiaga yahuh. <sup>29</sup> Cristo mehna masa tiquina wahagū ihñagū tutuaro bucueaja. Ohō saha ijire ti: Omoca dūhtericoro ticoro manūno mehna ijiro wahare. Omoca dūhtegū cohteriquiro pehe dūhteatiquiro namo tigū ihñano tiquire yahuducugū tūhoro tutuaro bucuere. Sa yegū yahuh omoca dūhtegū cohteriquiro tiquire bucuero saha Cristo mehna masa tiquina wahagū ihñagū tutuaro bucueaja. <sup>30</sup> Cristo pehere wacū tutuaro cahmene masare. Yuhuh pehere wacū tutueraro cahmene masare, ni yahūtiahye Ņu.

*Cohācjū macūno ūhmūsepū ahtariquire ijire*

<sup>31</sup> Sa ni tuhasaro ohō saha ni nemoahye Ņu:

—Ūhmūsepū ahtariquire ijipihtiyequina yūhdūoro tutuariquire ijire. Ahri yehparuh masarina ijina ahri yehpa cjāna ijiaga mari. Sa yena ahri yehpa cjēne yahuducujaja mari. Ūhmūsepū ahtariquire pehe ijipihtiyequina yūhdūoro tutuariquire ijire. <sup>32</sup> Tiquiro ihñarire, tiquire tūhorire tiquire yahure. Tiquiro sa yahuepegūta tiquire yahuyere masa pehe ne tūho duerare. <sup>33</sup> Ūhmūsepū ahtariquire tiquire yahuyere masa tūhoye, “Cohācjū potota nidiquiro ijire”, niñe nine tiquina. <sup>34</sup> Ahriquire Cristore Cohācjū ohoriquire Espiritu Santo ye tutuayere oho pehore Cohācjū. Sa yero tiquire Cohācjū ye yahuducuyere yahure. <sup>35</sup> Cohācjū tiquire macūnore tutuaro cahñe. Sa yero ijipihtiyequina pūhtoro iji dutiri tiquire macūnore. Ijipihtiye upūro iji dutire tiquireore. <sup>36</sup> Cohācjū macūnore wacū tutuayequina pehe ijipihtiye decori Cohācjū mehna ijieta. Tiquiro macūnore yūhdūndūcayequina pehe Cohācjū caharuh wahasi. Sa ye ijipihtiye decori ūhmūsepū ijisi. Sa yero Cohācjū tiquinare tutuaro buhiri dahrerota, niahye Ņu.

<sup>1</sup> Jesu Ñu yuhduoro peyequina buheyequinare tiquiro cūogā, Ñu yuhduoro masare tiquiro wame yegū fariseo masa tūhoahye. <sup>2</sup> Tiquina sa tūhoepēgūta Jesu pehe tiquiro basi masare wame yerari. Ūsā tiquiro buhena pehe masare wame yei. <sup>3</sup> Fariseo masa tiquina sa masigū tūhoro Jesu pehe Judea yehparū ijiriquiro Galilea yehparū ūsāre siho tojoaa wahari.

<sup>4</sup> Topū wahana Samaria yehpare esa yuhdu cāna tana nii ūsā. <sup>5</sup> Sa yuhdu cāna Samaria yehparū ijiri macarū Sicar wame tiri macarū esa. Ti maca caharū panorū cĵāno Jacob mūnano tiquiro macāno José mūnanore tiquiro ohori yehpa ijiri. <sup>6</sup> Topū Jacob mūnano tiquiro sihnidi cope ijiri. Sa yero Jesu pehe yoororū ahtariquiro ijiro, tiquiro wahya yuhduaro ti cope duhtu caharū nuju sari. Ti pje tiquiro nuju sari pje coheri pje waro ijiri. <sup>7-8</sup> Ūsā tiquiro buhena pehe macarū ihyayere ūsā dūna wahari bato ihcāquirola tiquiro topū tojoa nuju sari. Sa yero Samaria cĵōno ti copere aco waro wihigū Jesu ticorore acore siniahye:

—Acore ohoya yuhare, niahye.

<sup>9</sup> —Mūhū judio masū ijire. Yuhū pehe Samaria cĵō ijiaja. ¿Duhsegu yuhare acore siniajari mūhū? niahye ticoro Jesure.

Judio masa Samaria cĵēnare ihña tuhtiyequina ijire. Sa yero ticoro sa niahye.

<sup>10</sup> Ticoro sa nidi bato Jesu ticorore yahuahye:

—Mūhare Cohācĵū tiquiro yedoho duayere masigo, mūhare acore sinigūre masigo, mūhū yuhū pehere siniboaya. Mūhū sa sinigū apeye aco pehere ohoboaya yuhū. Ti aco pehe catigū yere, niahye Jesu ticorore.

<sup>11</sup> Tiquiro sa nigū tūhoro ticoro yūhtiahye tiquirore:

—Ne mūhare sutu mariedare. Sa yero ahri cope ūhcāñīne. ¿Sa yegu ahri catigū yeye acore nohorū wa neboagari mūhū? <sup>12</sup> Mari ñecū mūnano Jacob panorū cĵōno ahri cope marine cūe tiahye. Tiquiro, tiquiro copne, nuñequina gāhū ahri acore sihnīe tiahye. ¿“Apeye acore ohoboaya yuhū”, mūhū nigū, Jacob yuhduoro tutuagu ijiajari mūhū, sa ni tūhotugū? niahye ticoro.

<sup>13</sup> Ticoro sa nigū Jesu yūhtiahye:

—Ijipihtiyequina ahri acore sihnīnequina, pari turi aco wūoeta. <sup>14</sup> Yee aco pehere sihnīnequina ne pari turi aco wūosi. Sa ye, yee acore sihnīnequina Cohācĵū mehna sa ijiducuetā. Ma pohterū aco to sa wijiaducuro sahata yee aco ne pihtisi, niahye Jesu.

<sup>15</sup> Tiquiro sa nigū tūhoro numino pehe ohō saha niahye:

—Ti acore ohoya yuhare pari turi yuhū aco wūoeraro quehnoano. Sa yego pari turi ne ohōpūre aco wāsi yuhū, niahye ticoro.

<sup>16</sup> Ticoro sa nigū Jesu ticorore yahuahye:

—Ti pje pūrita mūhū manūnare pijigo wahaya. Piji tuhasa ohōpū ahtaya tiquiro mehna, niahye Jesu ticorore.

<sup>17-18</sup> —Manū mariego ijiaja yuhū, niahye ticoro.

—Ijirola nimene mūhū. Ihcā omope tahari manū ti tuhasamedi mūhū. Sa yero yojorūre mūhū mehna ijiriquiro mūhū manūno ijierare. Sa ye “Manū mariego ijiaja”, nigo potota nimene mūhū, niahye Jesu ticorore.

<sup>19</sup> Tiquiro sa nigū tūhoro ohō saha niahye ticoro:

—Āa, Cohācĵū yere yahu māhtagū ijire mūhū, yuhū tūhotugū. <sup>20</sup> Ūsā ñecūsmūna iji turiayequina māna ahdū cūnūpū Cohācĵūre ño peoe tiahye. Sa yena māsa pehe judio masa “Jerusalēpū Cohācĵūre ño peoro cahmene masare”, nie tiri māsa judio masa, niahye ticoro.

Ticoro sa nigū Jesu yūhtiahye:

21 —Numio, yũhũ pehere tãhorĩña. Camerũ ahũũ cãnrũ, Jerusalẽrũ gãhũre mari Pacũre ño peosi mũa. 22 Mũa pehe mũa ño peoriquirore masiedare. Masare yũhdũoatiquiro judio masũnota ijire. Sa yena usã judio masa pehe usã ño peoriquirore masiaja. 23 Yojoꝛũre, camerũ gãhũre Cohãcũre potota ño peoyequina tiquina qũehnoano tãhotuye mehna tiquirore ño peota. Sa mari ño peogũ cahmene Cohãcũ. 24 Cohãcũre, pagũ marieniquiro tiquiro ijigũ masa tiquirore ihñedare. Sa ye tiquirore ño peoye, tiquina qũehnoano tãhotuye mehna tiquirore qũehnoano potota ño peoro cahmene masare, niahye Jesu.

25 Tiquiro sa nigũta ticoro yũhtiahye:

—Mesia, “Cristo” tiquina nidiquiro pehe masare yũhdũoatiquiro tiquiro ahtatire masiaja yũhũ. Tiquiro ahtaro marine ijipihtiyere buhe peho cãnota, niahye ticoro.

26 —Yũhũta ijiaja Cristo, niahye Jesu ticorore.

27 Tiquiro sa nigũ waro wihii usã. Sa yena usã tiquiro buhena pehe Jesu numino mehna tiquiro yahuducugũ ihñana, ihña maria wahaa. Sa ihña mariepenata, “¿Dũhse cahmeajari mũhũ? ¿Dũhse niari mũhũ ticorore?” ni sinituerũ tiquirore. 28 Sa yero numino ticoro ya suture duhu dapo cã, macarũ wahaa wahari. Topũ esaro masare yahuro, ohõ saha niahye:

29 —Yũhũ yerire yahu pehoriquirore ihñana ahtaya mũa. Tiquiro potota Cristo ijiboaga, ape taha yero, niahye ticoro.

30 Ticoro sa nigũ tũhoye ti maca cãña pehe Jesure ihñañe ahtari. 31 Ti pjere usã Jesu buhena pehe tiquirore tutuaro ihya dutimi:

—Buhegũ, ihyaya, nimi usã.

32 —Sijoro ijie ihyayere cũoaja yũhũ. Tire mũa masiedare, nidi tiquiro.

33 Tiquiro sa nigũ tũhona usã basi ohõ saha ni yahuducua:

—¿Apequina tiquirore ihyaye oho tuhasayari? nii usã basi.

Usã sa nigũ Jesu yahuri:

34 —Masa pehe ihya coare. Yũhũre ohoriquiro tiquiro cahmeñe pehere ye coaja yũhũ pehe. 35 “Pitita asũ dũhsare mari dũca duha neatõ”, wese upũro tiquiro nidiro saha mũa pehe ni tãhotueracãhña. “Cohãcũ yere usã yahuato dũhsarĩne”, ni tãhotueracãhña. Ijirota niita niaja mũsare. Yojoꝛũ pũritare masare ihñaña. Dũcare neni pje to ijiro sahata, yojoꝛũ pũrita masa yũhũ buheyere tiquina tũhoati pje ijiro nine. 36 Oteye dũcare neñequinare tiquina wapa yeriro sahata yeere buheriquinare, yeequina ijiatiquinare pijieequinare, tiquina sa yeri wapa tiquinare qũehnoano yeitja yũhũ. Tiquina sa buhegũ tũhoye yũhũ buheyere tũhoyequina yeequina pehe Cohãcũ mehna ijipihtiyere decori ijiducuetã. Sa ye tiquinare buhe mũhtañequina, came yeequina wahagũ yeyequina gãhũ ihcãno saha bucueducuetã. 37 “Ihcãquiro ote mũhtariquiro ijire. Apequiro pehe dũcare neni quiro ijire”, nie tiahye panopũ. Ti ijirota ijire. Tiquina sa nidiro sahata ihquẽquina yeere yahu mũhtañequina ijire. Apequina pehe yeere buheye, yeequina wahagũ yere. 38 Wese upũro yequina dahra cohteyequina oterariquina tiquina ijiepegũ tiquiro oteye dũcare tiquinare ne dutiro ohore. Sa masare buhe mũhtaedarina mũa ijiepegũta yeequina wahatiquinare buhe dutigũ ohoaja mũsare. Apequina pehe tiquinare buhe mũhta tuhasari. Tiquina buheriquinapũre pari turi buhe nemõna, yeequina wahagũ yenata mũa pehe. Sa ye buhe mũhtañequina pehe tiquina yedohoro mehna apequinare yeequina wahagũ yenata mũa, nidi Jesu.

39 Ti pjere Samaria cãño “Yũhũ yerire tiquiro yahu pehori”, ticoro sa nigũ tũhoye Samaria cãña peyequina Jesure cahmeahye. 40 Sa ye Samaria cãña Jesu caharũ esaye, “Usã mehna tojoarĩña”, nidi tiquirore. Tiquina sa nigũ usã

gāhū tiqairo mehna pua deco tojoarī. <sup>41</sup> Apequina gāhū peyequina Jesure tūhoye, cahmedi tiqairore. <sup>42</sup> Ohō saha nidi masa numinore:

—Coā waropare mūhū yahurire tūhona, Jesure cahmei. Yojoṙū pūritare tiqairo yahuducuyere tūhona tiqairore cahmeaja. Sa yena tiqairo pehere tūhona ahri yehpa cjenare pecapū wahaboriquinare yūhdūoriquiro potota tiqairo ijigū yojoṙū ūsā masiaja, nidi masa Samaria cjonore.

*Pūhtoro macūnore dohatiriquirore yūhdūoahye Jesu*

<sup>43</sup> Pua deco bato Jesu ūsāre Galilea yehpapū siho wahari. <sup>44</sup> Coā waropare ohō saha nie tiri tiqairo: “Cohācjū yere yahu māhtariquirore tiqairo ya yehpa cjenā tiqairore űo peoerare. Sa ye yūhūre űo peoerare ohō cjenā ohōṙū yūhū būcūarigū ijigū”, nie tiri Jesu. <sup>45</sup> Sa ye Galileapū tiqairo esagū to cjenā tiqairore quehnoano piti cari. To pano Jerusalēṙū bose deco Jesu tiqairo yerire ihñariquina ijiri tiquina.

<sup>46</sup> Sa ye Canāṙū Galileapū ijiri macapū acore tiqairo ūhse co bajumehnedi macapū wahaū ūsā tiqairo mehna. Canā cahapū ijiri macapū Capernau wame tiri macapū pūhtoro macūno dohatiro niahye. <sup>47</sup> Sa yero Jesu Judeapū ijiriquiro tiqairo Galileapū esagū pūhtoro tūhoahye. Tire tūhoro Jesu cahapū wihiri:

—Yūhū macū yariaro nidi. Sa ye tiqairore yūhdūogū ahtaya, ni tutuaro mehna pijiri tiqairore.

<sup>48</sup> Tiquiro sa nigū tūhoro Jesu yūhtiri:

—Cohācjū tutuaye mehna yūhū yegū ihñedana, ne yūhūre wacū tutuerare mūsa, nidi Jesu tiqairore.

<sup>49</sup> Tiquiro sa nigū pūhtoro pehe ohō saha nidi:

—Pūhto, yūhū macū tiqairo yariato pano ahtaya, nidi tiqairo Jesure.

<sup>50</sup> —Tojoahya. Mūhū macū catiaga, nidi Jesu.

Tiquiro sa nigū tūhoro, “Tiquiro nidiro sahata catirota yūhū macū”, nino, pūhtoro tojoaa wahari.

<sup>51</sup> Sa tojoaducuriquirore tiqairo cahacjenā tiqairore piti ca, yahuahye:

—Mūhū macū catiri, ni yahuahye tiquina tiqairore.

<sup>52</sup> —;Noho asū ijigū yūhdūari yūhū macū? ni sinituahye tiqairo cahacjenare.

—Canāre coheri pje batogā ujuaye sururi tiqairore, niahye tiquina.

<sup>53</sup> Tiquina sa nigū tūhoro ohō saha ni tūhotuahye tiqairo: “Jesu yūhūre tiqairo sa ni yahuri pjeta ujuaye suruaya”, ni tūhotuahye pūhtoro pehe. “Poto ninota niaya yūhūre”, nino, tiqairo ijipihtiequina tiqairo acaye mehna Jesure wacū tutuahye.

<sup>54</sup> Jesu Judea yehpapū ijiriquiro Galilea yehpapū tiqairo esari bato pūhtoro macūnore tiqairo yūhdūorire mari queogū pua taha Cohācjū tutuaye mehna ye ihño tuhasari Jesu.

## 5

*Tini masieniquirore yūhdūoahye Jesu*

<sup>1</sup> Came judio masa Cohācjūre ūsā űo peori bose deco ijigū Jesu Jerusalēṙū esari tja. <sup>2</sup> Topū oveja wame tiri sopecaha cahapū cuhsari cope ijiri. ūsā judio masa ye mehna niñe Betzata wame tiri cope ijiri. Ti cope cahapū ihcā omope tihamehneñe tucūri ijiri. <sup>3</sup> Ti tucūripū peyequina dohatiequina cuñari. Caperi bajueyequina, pari yuri wahayequina, tini masieñequina tiquina ti cope cahapū ijiri. [Topū ijieye aco űuhmi maanore cohteye nidi. <sup>4</sup> Topū buhoro ti cope cje acore ihquē tahari űuhmigū ye mūjahye angel. Ti cope cje aco űuhmidi bato űa mio māhtariquiro pehe dūhse ijyere dohatiyere cūoriquiro quehnoa wahahye.] <sup>5</sup> Sa yero tore treinta y ocho cūhmari waro dohatiriquiro ijiri.



<sup>6</sup> Topu tiquiro cuñagū ihñano tiquiro sa yoari pje dohatiriquiro ijigū masidi Jesu tiquirore. Sa masino tiquirore sinituri:

—¿Pagu dohatiyere mariegu iji duajari mahu? nidi Jesu.

<sup>7</sup> Tiquiro sa nigūta dohatiriquiro yuhtiri:

—Ti aco ñuhmigū yuhare aco ijiri copepu neboriquiro mariedare. Ti copepu yuhu ña mio duepegūta arequina pehe yuhu pano sa ña mio mahfaducure, nidi tiquiro Jesure.

<sup>8</sup>—Wahcāducaya. Muhu cuñari cahserore ne cāhña, nidi Jesu tiquirore.

<sup>9</sup> Tiquiro sa nigūta dohatiriquiro pehe tiquiro cuñari cahserore ne, tini ducari. Ti deco saurú judio masa usā sori deco ijiri. <sup>10</sup> Ti decore Jesu sa yegū ihñañe judio masa usā puhtoa pehe dohatimediquirore ohō saha ni yahuahye:

—Miare saurú deco mari sori deco ijiepegūta mahu cuñari cahserore neare mahu. Sa yegu mari dutiyere yuhduducagu nine mahu, niahye tiquina tiquirore.

<sup>11</sup>—Yuhare yuhu dohatiyere cohāriquirō pehe ohō saha nidi yuhare: “Mahu cuñari cahserore ne cāhña”, nidi tiquiro yuhare, ni yuhtiahye dohatimediquiro.

<sup>12</sup>—¿Tire muhare sa nidiquiro pehe noa boro ijari tiquiro? ni sinituahye tiquina.

<sup>13</sup> Topu masa peyequina tiquina ijigū ihñano Jesu pehe waha tuhasari. Sa yero dohatimediquiro pehe tiquirore yuhduoriquiro wamene masiedahye.

<sup>14</sup> Came Cohācjū wuhupu Jesu tiquirore piti ca yahuri:

—Tuhorīña mahu yuhare. YojoPURE quehnoano pagu tire mahu. Ñañene ye nemoedacāhña. Pari turi ñañene ye nemogu mahu dohatiriro yuhduoro wahagūta mahu, nidi Jesu tiquirore.

<sup>15</sup> Tiquiro sa nidi bato dohatimediquiro pehe usā judio masa puhtoa tiquirore sinituriquina cahapu esaro yahuahye tiquinare:

—Jesu wame tiriquiro yuhare yuhdagū yeri, ni yahuahye tiquiro.

<sup>16</sup> Sa ye saurú ijigū dohatiriquirore tiquiro dohatiyere Jesu cohāgū masiñe, judio masa usā puhtoa pehe tiquirore ñano ye ducari.

<sup>17</sup> Sa ñano tiquirore tiquina ye duagū masino Jesu pehe yahuri tiquinare:

—Yuhu Pacu yojoPURE dahrarīno nine. Yuhu gūhu dahrarī niaja, ni yahuri tiquirore ñano ye duayequinare.

<sup>18</sup> Tiquiro sa nigū judio masa usā puhtoa pehe tiquiro mehna tutuaro usuaye, to pano tiquina nidiro yuhduoro tiquirore wejē duari. Saurú decore tiquina sori decore ihcāquiro dohatiriquirore tiquiro yuhduogū ihñañe tiquina usuari. Sa usuaye tiquiro Cohācjūre “Yuhu Pacu”, nigū tuhoye, tiquina pehe to pano tiquina nidiro yuhduoro usua nemoahye tja. “‘Yuhu Pacu’, nino Jesu tiquiro basi ‘Cohācjū mehna ihcāno saha ijiaja’, nī wacūaga tiquiro”, ni tuhoturi judio masa usā puhtoa.

### *Jesu Cohācjū ohoriquiro ijire*

<sup>19</sup> Sa ye Jesu tiquinare yahuari:

—Ijirota niita niaja musare. Yuhu Cohācjū macu, yuhu esa tuharo yeraja. Yuhu Pacu tiquiro yerire ihñagū, tire yeaja. <sup>20</sup> Yuhu Pacu yuhare tiquiro macare cahīne. Sa yero tiquiro yerire yuhare ihño pehore. Ahri yojoPURE tiquiro tutuaye mehna yuhu yeri yuhduoro tiquiro apeyere ye dutirota yuhare. Tiquiro sa ye dutigū tiquiro tutuaye mehna ye ihñoutja yuhu. Sa yena ihña maria wahanata musa. <sup>21</sup> Yuhu Pacu yariariquinare tiquiro masoriro sahata yuhu gūhu yuhu cahmeñequinare masoutja. <sup>22-23</sup> Ne yuhu Pacu pehe masa tiquina ñañe buhirire buhiri dahreriquiro ijierare. Yuhu pehere tire

tiqúina ñañe buhirire buhiri dahreacjüre cûri yũhũ Pacũ. Ijipihtiyequina masa tiqúirore tiqúina ño peoriro sahata yũhũ gũhũre tiqúina ño peotire buhiri dahreacjüre cûri yũhũre. Yũhũre tiqúiro macũre ño peoerana yũhũ Pacũ gũhũre ño peoerare mũsa. Tiquiro ijire yũhũre ohoriquiro, nidi Jesu.

24 Sa ni tuhasa ohõ saha ni yahu nemori:

—Ijirota niita niaja mũsare. Yũhũ yahuducyere tuhoyequina, yũhũre ohoriquirore wacũ tutuayequina ijipihtiye decori uhmũsepũ sa ijiducueta. Sa yegũ tiqúinare buhiri dahresi yũhũ. Sa ye tiqúina pecarũ wahaboriquina yũhdũeta. 25 Ijirota niita niaja mũsare. Pecarũ wahatiqúina yũhũre Cohãcjũ macũre tiqúina tũhoati pje yojorũ ijire. Camerũ gũhũre yũhũre tiqúina tũhoeta tja. Sa tuhoye tũho nũñañequina pehe Cohãcjũ mehna sa ijiducueta. 26 Cohãcjũ yũhũ Pacũ pehe sa ijiducugũ yeriquiro ijire. Sa yero yũhũre tiqúiro macũre sa ijiducugũ yeacjũ iji dutiri tiqúiro yũhũre. 27 Sa yegũ yũhũ masũ Cohãcjũ tiqúiro ohorigũ yũhũ ijigũ tiqúiro masare buhiri dahreacjüre cûri yũhũre. 28 Ahrire tũhona, tũho mariedacãhũa mũsa. Ape decorũre ijipihtiyequina yariariquina masa coperipũ ijieyequina yũhũ yahuducugũ tũhoeta. 29 Sa tuhoye, quehnoañene yeriquina ijipihtiye decori Cohãcjũ mehna ijiatiquina masa mũjaeta. Ñañene yeriquina pehe ñañene tiqúina yeri buhiri pecarũ wahaeta, ni yahuri Jesu.

30 Sa ni tuhasa ohõ saha ni yahu nemori:

—Yũhũ esa tuharo ne yeraja. Ne yũhũ basi yũhũ cahmeno ye dueraja. Yũhũre ohoriquiro tiqúiro dutiriro sahata ye duaja. Sa yegũ tiqúiro nidiro sahata buhiri dahreja. Sa yegũ yũhũ masare buhiri dahregũ queoro yeaja. 31 “Yũhũ tutuagũ ijiaja”, yũhũ ni yahugũ “Mũhũ yahuye ne poto ijierare”, ni masiboaga mũsa. 32 Apequiro ijire yũhũre yahuriquiro. Tiquiro Ñu pehe masare yahure yũhũre. Masare yũhũre tiqúiro yahuri jjirota ijire. Tire yũhũ quehnoano masiaja. 33 Mũsa apeqũna pehere Ñurũre yũhũre sinitu dutina ohori. Sa yero potota yahure tiqúiro mũsare. 34 “Cohãcjũ macũno ijire ahriquiro”, yũhũre ni yahuatiquinare macaedaja. Sa macaedapegũta Ñu masũno tiqúiro ijiepegũta yũhũre “Cohãcjũ macũno ijire”, tiqúiro ni yahurire yahugũ niaja. Mũsa yũhũre wacũ tutuatire, mũsa pecarũ wahaborina masa yũhdũatire yũhũre Ñu tiqúiro yahurire yahugũ niaja. 35 Sihãria meheñe decorigã ihñã masigũ yero sahata Ñu mũsare buhe mũhtano mehenogã tiqúiro catiro puno mũsare masigũ yeri. Tiquiro sa buhegũ tũhona meheñe decorigã bucueri mũsa. 36 Yũhũ ijieye tiyere tiqúiro sa buhepegũta Cohãcjũ pehe yũhũ ijieye quehnoano yahure. Tiquiro sa yahugũ Ñu yũhũ ijieye tiqúiro yahuye yũhdũoro ijire Cohãcjũ ye yahuye. Sa yegũ Cohãcjũ tiqúiro tutuaye mehna yũhũre tiqúiro ye dutirire yojorũ yei niaja. Ahrire yũhũ yegũ ihñãna potota Cohãcjũ ohorigũ yũhũ ijieye masine mũsa. 37 Sa yero yũhũ Pacũ yũhũre ohoriquiro tiqúiro basi “Tiquiro yũhũ ohoriquiro ijire”, ni yahure mũsare. Tiquiro sa ni yahuepegũta tiqúiro yahuducyere ne tũhoerari mũsa. Sa yena mũsa tiqúirore ne masiedari. 38 Yũhũre Cohãcjũ ohorigũre mũsa ne tũho duerari. Sa yena mũsa Cohãcjũ yere ne cahmedari. 39 Cohãcjũ yere tiqúina ojoari pũre mũsa buhena, “Mari ahri pũre buhena ijipihtiye decori Cohãcjũ mehna sa ijiducunata”, nine mũsa. Ti pũta yũhũre yahure. 40 Ti pũ yũhũre ti yahuepegũta mũsa pehe yũhũre cahmedare. Ijipihtiye decori Cohãcjũ mehna mũsa sa ijiducuatire yũhũre sini duerare mũsa, ni yahuri Jesu.

41 Sa ni tuhasa ohõ saha ni nemori:

—Yuhure mûsa ño peoeragû ihñagû usueraja yuhû pehe. <sup>42</sup> Mûsa pehe Cohâcjüre mûsa cahñedagû masiaja yuhû. <sup>43</sup> Cohâcjû yuhû Pacû tiquiuro yuhure dutiriro sahata yuhû ahtaepægûta mûsa yuhure cahmedari. Apequiuro pehere Cohâcjû ohoeriquiro tiquiuro ijiepegûta tiquiuro pehere cahmenata mûsa. <sup>44</sup> Apequina masa mûsare tiquina ño peogû cahmene mûsa. Cohâcjû mûsa mehna tiquiuro bucuegû cahmedare mûsa. Tiquiuro dihita Cohâcjû waro ijire. Sa cahmedana yuhû gûhure tûhoerare mûsa. Yuhure wacû tutuerare. <sup>45</sup> Mûsare yuhû Pacûre ne yahusâsi yuhû. Tire masiña mûsa. Moise tiquiuro ojoari pû pehe mûsare yahusânota. “Ti pû cjê dutiyere mari ye pehona, Cohâcjû caharû wahanata”, mûsa nidi pû pehe mûsare yahusânota. <sup>46</sup> Moise tiquiuro ojoari pûrû yuhû pehere yahuahye. Sa yena ti pûre “Ijirota ijire”, nina, yuhû yahuye gûhure “Ijirota ijire”, niboaya mûsa. <sup>47</sup> Moise tiquiuro ojoari pûre “Ijirota ijire”, niedana, yuhû yahuducuye gûhure “Ijirota ijire”, nisi mûsa, nidi Jesu tiquinare.

## 6

### *Cinco mil masare ihyayere ohoahye Jesu* (Mt 14.13-21; Mr 6.30-44; Lc 9.10-17)

<sup>1</sup> Sa tiquiuro buheri bato Galilea wame tiri ditara ape sie pahrêpû usâ Jesu mehna pehâa wahan. Ti ditara pajiri ditara Tiberia wame tiri. <sup>2</sup> To pano Galilea yehparû Jesu dohatiyequinare tiquina dohatiyere tiquiuro cohâgû masa ihñae tiri. Tiquina sa ihñari bato Jesu pehâgû ihñañe masa peyequina tiquiore nûnû tâ câri. <sup>3</sup> Topû esana usâ tiquiuro buhena pehe tiquiuro mehna cûnûrû majâ sa, tû buirû dujii. <sup>4</sup> Ti deco pascua wame tiri bose deco ijyato judio masa usâ ya bose deco mehenogâ dûhsari. <sup>5-6</sup> Topû dujiro, Jesu peyequina masa tiquiuro caharû tiquina ahtagû ihñadoqueori. Sa ihñadoqueoro Felipere sinituri:

—¿Ahriquina masa tiquina ihyatire nohopû dúnatari mari? nidi Felipere.

Jesu tiquiuro basi tiquiuro yeatire masieperota Felipere sinituri, “¿Dûhse yûhtitotari?” nino. <sup>7</sup> Tiquiuro sa sinitugû tûhoro Felipe yûhtiri:

—Doscientos niñeru cjoeri pose ihyayere mari dûepegûta masare dayegâ ihyayere mari itiepegûta ne esa tuhasi, nidi Felipe Jesure.

<sup>8</sup> Usâ mehna cjâno Andre, Simo Pedro bahuro pehe Jesure yahuri:

<sup>9</sup> —Ihcâ omope pâ pacare, pûaro wahire nijino ohõ cûore. To punogâta tiquiuro cwoepegûta masa pehe peyequina waro ijire. Sa yero ahri mehenogâ ihyaye ne esa tuhasi, nidi Andre.

<sup>10</sup> —Masare duji dutiya mûsa, nidi Jesu usâre tiquiuro buhenare.

Topû taa dayegâ ijiro ijiri. Usâ duji dutigû masa nuju sa pihtiari taa buirû. Hmûa dihitare mari queogû cinco mil ijiri. <sup>11</sup> Tiquina sa nuju sagû ihñano Jesu pehe pâre ne, Cohâcjüre “Quehnoare” nidi. Sa ni tuhasarota usâre tiquiuro buhenare iti dutiri. Tiquiuro sa dutigû usâ pehe dujiyequinare iti câû. Pûaro wahi gûhure iti câû. Ijipihtiyequinare quehnoano tiquina esa tuhoro ihyayere tiquinare itii. <sup>12</sup> Sa ye masa pehe yapia wahari. Tiquina sa yapigû ihñano Jesu usâre nidi:

—Tiquina ihya dûharire quehnoano ne peho câhña. Sa yena tiquina ihya dûharire ne bosî, nidi.

<sup>13</sup> Tiquiuro sa nigû usâ pehe ihcâ omope pâ paca dûhsarire usâ ne cahme-coagû doce pûhuse waro wijiyari. <sup>14</sup> Sa ye masa ti bajumehnenore Jesu tiquiuro yegû ihñañe, ohõ saha nidi:

—Ijirota ijire. Ahriquiuro Cohâcjû yere yahu mûhtariquiuro ahri yehparû ahtariquiuro mari cohteriquirota ijire, nidi tiquina.

<sup>15</sup> Tiquina Jesure tiquina pahtoro ijatiquiro ñehe sō duamedí. Jesu tire masino pari turi ihcāquirola cаnаpи wahaa wahari.

*Jesu aco bui tiniahye*  
(Mt 14.22-27; Mr 6.45-52)

<sup>16</sup> Ñamicahapи usā tiquiro buhena ditarapи buhan. <sup>17</sup> Topиre buha sa, yucсаpи sajā, Capernau wame tiri macapи pehāи. Usā pehāri pje ñamipи ijiri. Sa yero Jesu usā cahapи ahtaeranidi. <sup>18</sup> Wihnono tutuaro wēgū, pajiri ma pahcōri wahcāri. <sup>19</sup> Ihcā omope kilómetro esaboro waro usā esagū waro Jesu usā cahapи wihiri. Aco bui tiquiro ahtagū ihñāи usā. Sa usā cahapи tiquiro ahtagū ihñāи usā cuei. <sup>20</sup> Sa usā cuegū ihñāи tiquiro usāre yahuri:

—Ne yuhare ihña cueracāhña. Yuhuta ijiaja, nidi Jesu.

<sup>21</sup> Tiquiro sa nigū tahona usā bucueye mehna tiquirore piti ca sajā dutii. Tiquiro sajāri batogāta usā wahari yehparure pehā sa tuhasaи.

*Masa pehe Jesure macahye*

<sup>22</sup> Ti ñamine masa topи tojoariquina pehe ihcāriata usā pehāiare ihñahye. Tia mehna usā pehāgū ihñari tiquina. Jesu usā mehna tiquiro wahaeragū gūhare ihñari tiquina. Sa ye ape decore tiquirore cohteye nimahye. <sup>23</sup> Tiberia wame tiri macapи ahtaye, Jesu Cohācjāre “Quehnoare”, tiquiro nidiro cahagā cjūnopи, masare tiquiro ihyaye itiriro caha cjūnopи wahā sahye tiquina yucса mehna. <sup>24</sup> Sa ye ape deco usā Jesu mehna ijirirore usā mariedagū ihñāñe, masa yucсаpи sajā, Capernaupи usāre nаиn tā pehā sari. Jesure maca saye nidi tiquina.

*Jesu catiyere oho, ihyaye yero saha ijiriquiro ijire*

<sup>25</sup> Ditarapи pehā, Jesure boca saye, masa sinituri tiquirore:

—¿Buhеги, dаhse ijigū ahtari mаии ohōpиre? ni sinituri tiquina.

<sup>26</sup> Tiquina sa sinitugū Jesu tiquinare yahuri:

—Ijirota niita niaja musare. Bajumehnedire yаии yepegāta yаии pehere wacū tutuerare masa. Yuhare wacū tutuerapenata yuhare macare masa. Yаии mehna bujaye ihyana, masa yapirina yuhare maca cāhtari tja. <sup>27</sup> Ihyaye ne sa ijiducuerare. Cаepи pihtia wahare. Sa yena tire wacūducueracāhña. Apeye ihyaye sijoro saha ijie ihyaye pehere macañā masa. Ti ihyayere bocana ijipihtie decori Cohācjū mehna ijinata. Sa ye ti ihyaye pūrita ne pihtierare. Ti ihyayere yаии masи Cohācjū ohorigи musare ohoutja. Cohācjū yаии Pаcи yuhare tire oh dutiriquiro ijire. Cohācjū tiquiro ohorigи yаии ijiyere ihño tuhasari musare, nidi Jesu.

<sup>28</sup> Tiquiro sa nigū tiquina sinituri tiquirore:

—¿Cohācjū tiquiro ye dutiyere yena tana dаhse yenatari usā? ni sinituri tiquina.

<sup>29</sup> —Ahrire Cohācjū masare ye dutire: “Yаии ohoriquirore wacū tutuaya”, nino masare ye dutire Cohācjū, nidi Jesu.

<sup>30</sup> Tiquiro sa nigū tahoye tiquina ohō saha nidi tja:

—Cohācjū ohorigи ijigи tiquiro tutuaye mehna ye ihñōña usāre mаииre usā quehnoano wacū tutuatire. ¿Yabe borore yeitjari mаии? <sup>31</sup> Mari ñecusumаа mаипи panopи cjēna masa marienopи maná wame tiye pacare ihyae tiahye. Cohācjū yere tiquina ojoari pūpи ohō saha ni yahuahye: “Tiquiro tiquinare аииuse cjē ihyayere ohoe tiahye tiquina ihyatire”, ni ojoahye Cohācjū yere tiquina ojoari pūpи. ¿Tiquiro sa yeriro sahata yeitjari mаии gūии? nidi tiquina.

<sup>32</sup> Tiquina sa nigū Jesu yahuri tiquinare:

—Ijirota niaja musare. Moise umuse cje ihyayere ohoerari musare. Yuhu Pacu pehe umuse cje ihyaye potota ijiyere musare ohoriquire ijire. <sup>33</sup> Cohacju ye ihyaye umusepa dijia taye, ijiptiri yehpa cjenare catiyere oho masine, nidi Jesu tiquire.

<sup>34</sup> —Puhto, decoripe ti ihyayere ohoya usare, nidi tiquire.

<sup>35</sup> Tiquire sa nigu thoro Jesu yahuri tiquire:

—Yuhu pehe catiyere oho, ihyaye yero saha ijigu ijaia. Mari ye ihyayere mari ihyari batota duita ujua ahbaa wahaja mari tja. Sihniñe guhure mari sihniñe batota aco wnoa wahaja tja. Sa ijepeguta yuhure cahmediquiro, yuhure wacu tutuariquire ujua ahbaerariquire yero saha tiquire bucueye tiquire pihtisi. <sup>36</sup> Msa pehe yuhure ihnaepenata yuhure wacu tutueranine. Tireta musare yahue timi yuhu. <sup>37</sup> Ijiptiyequina yeequina ijiatiquinare yuhure yuhu Pacu tiquire curiquina pehe yuhure cahmeeta. Sa ye yuhure cahmeñequinare ne cohasi yuhu. <sup>38</sup> Umusepa ahtagu yuhu cahmeno yei ahtagu niedu yuhu. Yuhure ohoriquire tiquire cahmediro sahata yei ahtagu nii yuhu. <sup>39</sup> Ahrita ijire yuhure ohoriquire tiquire cahmeñe waro: Ijiptiyequina yeequina yuhure tiquire ohoriquire yuhu boeragu cahmene yuhure ohoriquire pihtiri deco ijigu tiquire masa mujatire. <sup>40</sup> Ijiptiyequina yuhure Cohacju macure ihnañequina, yuhure wacu tutuayequina ijiptiye decori tiquire mehna tiquire ijigu cahmene yuhu Pacu. Sa yegu pihtiri decoru tiquire masoutja, nidi Jesu.

<sup>41</sup> “Yuhu umusepa ahtaye ihyaye yero saha ijigu ijaia”, tiquire nigu thoye judio masa usa puhto pehe tiquire mehna usua, tiquire basi Jesure ñano ni yahuducuri.

<sup>42</sup> —¿Ahriquire Jesu José macano ijierajari? Tiquire pacuro, pacoro guhure mari masaja. Sa yero mari yero saha pagu tiriquirota ijire. ¿Sa ijeperota dahsero “Umusepa ahtau”, najari tiquire? ni usuari tiquire.

Tiquire sa nigu thoro Jesu yahuri tiquire:

<sup>43</sup> —Msa yuhure ñano ni yahuducueracahña. <sup>44</sup> Yuhu Pacu yuhure ohoriquire pehe masare yuhu pehere cahmegu yere. Tiquire sa yeragu masa pehe yeequina iji masiedaboaya. Pihtiri deco ijigu yeequina masoutja yuhu. <sup>45</sup> Cohacju yere yahu mhtariquina pehe ohõ saha ni ojoahye: “Cohacju tiquire buherota”, ni ojoahye Cohacju yere yahu mhtariquinapu. Ijiptiyequina yuhu Pacu ye buheyere thoyequina, tiquire yuhtiequina yuhure cahmene. Sa yeye yeequina ijire.

<sup>46</sup> Yuhu Pacu ne ihcãquire masano ihñedare. Yuhu Cohacju ohorigu dihita yuhu Pacu ihñau. <sup>47</sup> Ijirota niaja musare. Yuhure wacu tutuariquire ijiptiye decori yuhu Pacu mehna sa ijiducurota. <sup>48</sup> Yuhu catiyere oho, ihyaye yero saha ijigu ijaia. <sup>49</sup> Msa ñecusumna mna iji turiayequina masa marienopu manare ihyae tiahye. Sa tire ihyaepera yariaa wahae tiahye. <sup>50</sup> Umusepa ahtari ihyayere yuhu niñe ihyayere masano ihyaro, ne pecaru wahasi. <sup>51</sup> Yuhu umusepa ahtari ihyaye catiyere oho, ihyaye yero saha ijigu ijaia yuhu. Ahri ihyayere ihyariquire ijiptiye decori yuhu Pacu mehna sa ijiducurota. Ahri ihyaye catigu yere. Ahri ihyaye yero saha ijiye yuhu paguta ijire. Ijiptiri yehpa cjena Cohacju mehna tiquire sa ijiducuatire yuhu pagure ohogutja. Sa ohogu yariagutja, nidi Jesu.

<sup>52</sup> Tiquire sa nigu thoye usa acaye judio masa pehe tire ohõ saha ni yahuducuri tiquire basi:

—¿Ahriquire dahse ye tiquire pagure ihyatire ohorotari? nidi tiquire basi.

<sup>53</sup> Tiquire sa nigu thoro Jesu yahuri:

—Ijirota niaja musare. Yuhū masū Cohācǵū ohorigū ijiaja. Yuhū pagure ihyeriquiro, yuhū diire sihneniquiro uhmusepū wahasi. <sup>54</sup> Sa yuhū pagure ihyariquirore, yuhū diire sihnidiquirore pihtiri deco ijigū masoutja. Sa yero uhmusepū sa ijiducurota tiquiro. <sup>55</sup> Yuhū pagū potota ihyaye waro yero saha ijire. Yuhū dii potota sihniñe yero saha ijire. <sup>56</sup> Yuhū pagure ihyariquiro yuhū diire sihnidiquiro yuhū mehna bucueye mehna ijiducurota. Sa yegū yuhū gūhū tiquiro mehna bucueye mehna ijiducuaja. <sup>57</sup> Yuhū Pacū yuhūre ohoriquiro sa ijiducure. Sa ijiducuro, yuhū gūhūre sa ijiducugū yere. Sa yeye yuhūre sa ijiducugūre masa ihyaye, Cohācǵū mehna uhmusepū sa ijiducuenta tiquina gāhū. <sup>58</sup> Ahri tjire uhmusepū ahtari ihyaye. Mari ñecusumha muna iji turiayequina tiquina ihyari yero saha ijierare ahri ihyaye. Tiquina pehe ti ihyayere ihyaepeta yaria pihtia wahae tiahye. Ahri ihyaye pehere ihyariquiro uhmusepū sa ijiducurota, nidi Jesu.

<sup>59</sup> Capernaupū judio masa usā buheri wuhūpū Jesu buhero, sata ni yahuri.

### *Jesu ye buheyere tūhona uhmusepū sa ijiducunata mari*

<sup>60</sup> Peyequina Jesure cahmeñequina tiquiro sa ni buheyere tūhoye, ohō saha ni yahuducuri:

—Ahri buheye tutuaro mijore. Sa yena mari tūho duera cǵūaja, ni yahuducuri tiquina basi.

<sup>61</sup> Tiquina sa nigū Jesu pehe tiquina yahuducure masidi. Sa masino tiquiro sinituri tiquinare:

—¿Ahri buheyere tūhona usuajari mūsa? <sup>62</sup> ¿Yuhū masū Cohācǵū ohorigū uhmusepū yuhū tojoaa wahagū ihñana dūhse ni tūhotunatarī mūsa? ¿To gūhūre usuanatarī mūsa? <sup>63</sup> Masūno tiquiro jeripohnare cūoro catire. Tiquiro pagū pehe tiquirore catigū yerare. Masūno tiquiro jeripohna tiquirore catigū yero saha yuhū buheye pehe musare Cohācǵū mehna sa ijiducugū yere. <sup>64</sup> Apequina mūsa mehna cǵēna ne yuhūre wacū tutuerare, nidi Jesu.

Coā waropūre Jesu tiquirore wacū tutueyequinare masidi. Sa yero tiquirore ihñā tuhtiyequinare ihñōatiquiro gūhūre masi tuhasari. Sa tiquirore wacū tutueyequinare masino “Apequina mūsa mehna cǵēna yuhūre wacū tutuerare”, nidi Jesu. <sup>65</sup> Sa ni tuhasa ohō saha ni nemori:

—Ohō saha ni yahumi musare: “Yuhū Pacū masare yuhū pehere cahmegū yere. Tiquiro sa yeragū masa pehe yeequina iji masiedaboaya”, musare nie timi, nidi Jesu.

<sup>66</sup> Tiquiro sa ni buhegū tūhoye peyequina Jesure cahmemediquina tiquirore cohā, tiquiro mehna pari turi wahaerari. <sup>67</sup> Tiquina sa yegū ihñano Jesu usāre doce tiquiro buhenare sinituri:

—¿Mūsa gūhū yuhūre cohānatjari? ni sinituri usāre. <sup>68</sup> Tiquiro sa nigū Simo Pedro yūhtiri tiquirore:

—Puhto, usāre apequiro buheriquiro mariedare. Mūhū ye buheyere tūhona Cohācǵū mehna sa ijiducunatja usā. Mūhū ye buheye dihita tire yahure usāre. <sup>69</sup> Sa yena usā mūhūre wacū tutuaja. Sa yena mūhū quehnoagu, Cohācǵū macū tiquiro ohorigū mūhū ijigū usā masiaja. Sa yena mūhūre cohāsi usā, nidi Simo Pedro Jesure.

<sup>70</sup> Tiquiro sa nigū tūhoro Jesu yahuri usāre:

—Yuhū pehe musare doce besei. Sa ijiepegūta ihcāquiro mūsa mehna cǵāno watīno yaquiro ijiatiquiro ijire, nidi usāre tiquiro buhenare.

<sup>71</sup> Sa nino Judare Simo Iscariote macūnore nino nidi. Juda pehe doce usā mehna cǵāno Jesure ihñā tuhtiyequinare ihñōatiquiro ijiri.

## 7

*Jesu acaye tiqirore “Cohãcjũ macũno ijire”, ni, ne masiedahye*

<sup>1</sup> Came Jesu Galilea yehparũ tinino wahari. Judea yehparũ judio masa tiqirore wejẽ duari. Tiquina sa wejẽ duagũ masino tiqiro ti yehparũ wahaerari. <sup>2</sup> Judio masa daye wũhsegã usã yeati bose deco mehenogã dahsatjiari. <sup>3</sup> Sa ye Jesu bahana tiqirore yahuri:

—Judearũ wahaya. Topũ mũhũ yequinare mũhũ bajumehneñene ihũogũ wahaya mũhũ. <sup>4</sup> Masare mũhũ bajumehneñene ihũo duagũ ne mũosi mũhũ. Ye ihũono cahmene. Potota ahri bajumehneñene ye masigũ ijigũ tire masare ihũoña, nimesi tiquina.

<sup>5</sup> Tiquiro bahana ijepeta Jesure “Cohãcjũ macũno ijire”, niedari. Sa yeye sa nidi tiquina tiqirore. <sup>6</sup> Tiquina sa nidi bato Jesu yahuri tiquinare:

—Masa yũhũre tiquina quehnoano masiati pje dahsarĩne. Mũsa ihũa duana bose deco ijigũ waha masine. <sup>7</sup> Ahri yehpa cjẽna mũsa pehere ihũa tuhtierare. Tiquina ñañe yerire yũhũ yahugũ tiquina yũhũ pehere ihũa tuhtire. <sup>8</sup> Bose deco ijigũ wahaya mũsa sehsaro. Yũhũ pehere yũhũ wahati pje dahsarĩne. Sa yegũ yũhũ pehe bose decore mianogãre ihũaũ waharĩsi, nidi Jesu tiquinare.

<sup>9</sup> Sa nino tiqiro Galilearũ tojoari.

*Jesu daye wũhsegã tiquina yeri bose deco ijigũ wahahye*

<sup>10</sup> Bose decorũ Jesu bahana tiquina wahari bato Jesu gũhũ tiquina bato wahari. Sa waharo masa tiquina ihũeno watoa wahari. <sup>11</sup> Bose deco ijieyquina judio masa usã puhtoã tiqirore macari:

—¿Nohorũ ijiagari tiqiro? ni sinituahye tiquina.

<sup>12</sup> Sa ye masa gũhũ Jesure peyequina yahu wajahye. Apequina “Tiquiro quehnoariqiro ijire”, niahye. Apequina “Tiquiro ñariqiro ijire. Masare mehoriqiro ijire”, ni yahu wajahye tiquina.

<sup>13</sup> Sa niepeta judio masa usã puhtoare cueye masa tiquina ihũenopũ Jesure yahu wajahye.

<sup>14</sup> Bose decori deco mehna dahsagũ Cohãcjũ wũhũrũ Jesu sajã saro, buheri.

<sup>15</sup> Tiquiro sa buhegũ usã acaye judio masa tuho maria waha, ohõ saha nidi: —¿Ahriqiro buheropũ buhemhnediqiro ijieperota dahsero quehnoano masi pehoajari? nidi tiquina basi tiqirore.

<sup>16</sup> Tiquina sa nigũ Jesu yahuri tiquinare:

—Yũhũ buheri yee yahuducuye ijierare. Yũhũre ohoriqiro ye yahuducuye pehe ijire ahri buheye. <sup>17</sup> Cohãcjũ cahmeñene ye duayequina yũhũ buheye pehere Cohãcjũ ye yahuducuye ti ijigũ masieta. Yũhũ esa tuharo yũhũ buheragũ gũhũre masieta tiquina. <sup>18</sup> Ihcãqiro tiqiro esa tuharo tiqiro masiñe mehna buhero “Yũhũ dihitare ño peoya”, nino nine tiqiro. Sa ijiepegũta yũhũre ohoriqiro pehere mũsa ño peogũ cahmeaja yũhũ pehe. Yũhũ sa nigũ tuhona “Potota ni yahuducure tiqiro. Ne mehoedare”, ni masinata mũsa.

<sup>19</sup> Cohãcjũ dutiyere Moise mũnana pehe cũahye masare. Tiquiro sa cũiepegũta mũsa ijipihtina ti dutiye pehere ne yũhtierari. ¿Dahsena yũhũre wejẽ duajari mũsa? nidi Jesu usã acaye judio masare.

<sup>20</sup> —Tuho masiedare mũhũ. Watĩnore cũore mũhũ. Mũhũre wejẽ duayequina mariedare, ni yũhtiri tiquina Jesure.

Tiquina sa nigũ Jesu yũhtiri:

<sup>21</sup> —Mari judio masa mari sori deco saurũ ijigũ ihcã tahata Cohãcjũ tutuaye mehna dohatiriquiro tiqiro dohatiyere yũhũ cohãgũ mũsa ihũa



maria wahari. <sup>22</sup> Mari ñecusumua muna panopu cjeña pehe tiquina pagure cuhnnucunū sohtoa cahserogāre yāhre neñequina tiquina yeriro sahata Moise yāhre ne dutiahye. Potota Moise pehe ti dutirore cūedahye. Mari ñecusumua muna iji turiayequina pehe tire cū, yahu turiahye. Tiquiro sa dutigū saurū sori deco ijiepegāta masunore tiquiro cuhnnucunū sohtoa cahserogāre yāhre nene mūsa. <sup>23</sup> Saurū ijigū masunore tiquiro cuhnnucunū sohtoa cahserogāre yāhre nene mūsa, Moise dutiyere yena tana. ¿Mūsa gūhū saurū decore tire yepenata ti decopu dohatiriquirore yāhū yāhdūogū dūhsena yāhū mehna usuajari mūsa? <sup>24</sup> Yāhū yerire mūsa quehnoano masiedapenata, yāhūre ñano tūhotueracāhña. Mūsa quehnoano masidi bato yāhūre mūsa tūhotugū potota ijirota. Yāhū yerire masina, queoro masiña mūsa, nidi Jesu.

### *Jesu coā waropu tiquiro ahtarirore yahuahye*

<sup>25</sup> Tiquiro sa ni yahuri bato meheñequinagā Jerusalē cjeña tiquirore ohō saha ni yahu wajari:

—¿Ahriquiro judio masa puhtoa tiquina wejē duariquiro ijierajari? <sup>26</sup> Sa yero tiquirore tiquina wejē duepegāta ijipihtiyequina ihñono masare buhero nine tiquiro. Sa ye tiquirore wejē duayequina ijiepetā sa ihña cāre. ¿“Tiquiro potota Cristo ijire”, ni, tūhotuagari puhtoa pehe? <sup>27</sup> Sa ijiepegāta ahriquiro Jesu tiquiro ahtarirore mari masiaja. Cristo pehe masare yāhdūoatiquiro tiquiro ahtagū tiquiro ahtariro pehere masimehnedare. Sa yero masare yāhdūoatiquiro Cristo waro ijierare Jesu, ni yahu wajari tiquina Jerusalē cjeña.

<sup>28</sup> Tiquina sa niñene masino, Jesu ohō saha ni tutuaro sañuducu buheri Cohācjū wāhūpu:

—Yāhūre ohō saha ni tūhoture mūsa: “Tiquirore masiaja. Sa yena tiquiro ahtariro gūhūre masiaja”, ni tūhotumene mūsa. Mūsa sa ni tūhotuepenata yāhūre ohoriquirore ne masiedare mūsa. Yāhūre ohoriquirore poto niniquiro, poto yeriquiro ijire. Tiquirore ne masiedare mūsa. <sup>29</sup> Tiquirota yāhūre ohori. Sa yegu tiquiro cahapūta ahta. Sa yegu yāhū pehe tiquirore masiaja, nidi Jesu judio masare.

<sup>30</sup> Tiquiro sa nigū tūhoye tiquirore ñehe duamedi. Tiquina sa ñehe duepegāta Jesu tiquiro ñano yāhdūati pje dūhsarīdi. Sa ye tiquina tiquirore ñehe masiedari. <sup>31</sup> Apequina masa pehe peyequina tiquirore wacū tutuaye, ohō saha nidi:

—“Cristo peye tahari Cohācjū tutuaye mehna ye ihñonota”, panopu tiquina ni yahu māhtariro sahata ahriquiro Jesu pehe peye tahari Cohācjū tutuaye mehna ye ihñore. Ijipihtiyequina apequina yāhdūoro Cohācjū tutuaye mehna ye ihñore tiquiro. Sa yero Cristo Cohācjū ohoriquirota ijire ahriquiro Jesu, nidi Jesure wacū tutua dūcayequina.

### *Fariseo masa Jesure peresu ye dutiahye*

<sup>32</sup> Masa Jesure tiquina sa ni yahuducugū tūhoahye fariseo masa. Sa ye tiquina, pahia puhtoa mehna Jesure ñehe dutiye ohoahye surarare, Cohācjū wāhūre cohteyequinare.

<sup>33</sup> Sa yero Jesu judio masare ohō saha nidi:

—Meheñe decorigā mūsa mehna ijiniitja. Sa yegu mehenogā bato yāhūre ohoriquiro cahapū wahautja. <sup>34</sup> Yāhū ijiatore mūsa waha masiedare. Sa yena yāhūre macaepenata ne bocasi mūsa, nidi Jesu judio masare.

<sup>35</sup> Tiquiro sa nigū tūhoye tiquina basi ohō saha ni yahuducuri:

—¿Ahriquiro sa nino nohopu waharotari, masa tūhotugū? ¿Griego masa cahapū judio masa waha siteriquina tiquina ijiye macaripū griego masapure

buhero wahaboagari ahriquiuro? <sup>36</sup> ¿“Yuhure ijiatore musa waha masiedare. Sa yena musa yuhure macaepenata ne bocasi”, tiquiuro nigū dūhse nino boro ahriquiuro sa nijari? ni yahuducuri judio masa tiquina basi.

### *Catigū yeye marine yahuahye Jesu*

<sup>37</sup> Bose deco bato tiri deco ti deco waro ijiro nidi. Ti decore Jesu topu ducuro, tutuaro mehna sañuducu yahuri:

—Aco wəoyequina acore tiquina tutuaro cahmeno saha ijipihtiyē decori Cohācjū mehna musa ijiatire tutuaro cahmena yuhure siniña. Musā sa sinigū tiquiuro yequina musare iji dutiitja. <sup>38</sup> Yuhure wacū tutuayequinare ohō saha ni ojoahye Cohācjū yere tiquina ojoari pūpu: “Mári pohteripu catigū yeye aco sa wijiaducuro sahata catigū yeriquiro tiquina mehna sa ijiducurota”, ni ojoahye Cohācjū yere tiquina ojoari pūpu, ni yahuri Jesu judio masare.

<sup>39</sup> Sa catigū yeriquirore wame peo yahuro “Yuhure wacū tutuayequina Espiritu Santore cūoeta”, nino nidi Jesu. Tiquiro uhmasepu tiquiro mājadarīgū Espiritu Santo pehe wihieraniahye.

### *Judio masa tu wahye pua curua*

<sup>40</sup> Jesu tiquiro sa nigū tuhoye, masa peyequina ohō saha ni yahuducuri:

—Ahriquiuro potota Cohācjū yere yahu māhtariquiuro mari cohteriquiro ijire, nidi masa.

<sup>41</sup> Ohō saha nidi apequina gāhu:

—Ahriquiuro Cristo marine yāhdūoatiquiuro ijire, nidi.

Apequina pehe ohō saha nidi:

—Cristo ahtaro, Galilea yehpa cjanō ijisi tiquiro. Ahriquiuro Jesu pehe to cjanota ijire. <sup>42</sup> Cristo Davi mənano panamino ape tjuro cjanō ijiatiquiuro ijirota. Sa yero Davi ya maca ijirirorpu Belēpu Cristo masa bajuarota. Ohō saha ni yahure Cohācjū yere tiquina ojoari pūpu. Ahriquiuro Jesu pehe Belēpu masa bajuerahye. Sa yero tiquiro Cohācjū ohoriquiro Cristo waro ijierare, nidi tiquina.

<sup>43</sup> Sa ye Jesure tuhomediquina pua curua tu wari tiquina basi.

<sup>44</sup> Meheñequinagā masa pehe Jesure ñehe duamedī. Sa ñehe duepeta tiquirore ñehedari.

### *Judio masa puhtoā Jesure ne wacū tutuerahye*

<sup>45</sup> Sa ye surara pahia puhtoā cahapu fariseo masa cahapu tojoa wahahye. Tiquina tojoa sagū ihñañe tiquina surarare sinituahye:

—¿Dūhsena Jesure ñehedari musa? ni sinituahye tiquina pehe.

<sup>46</sup> —Tiquiro quehnoa yāhdūaro yahuducuriquiuro ijiri. Apequina tiquiro yero saha yahuducuyequina ne mariedare, ni yāhtiahye surara tiquinare.

<sup>47</sup> Tiquina sa nigū fariseo masa pehe ohō saha ni yahuahye:

—¿Musare tiquiro mehogū “Potota nino niaga”, nijari musa gāhu? <sup>48</sup> Mari puhtoā Jesure wacū tutueyequina ijiye ne tiquirore cahmedare. Ūsā gāhu sa ijina tiquirore cahmedaja. <sup>49</sup> Ahriquina masa pehe Cohācjū dutiyere Moisere tiquiro cūrire masiedare. (Sa masieñequina ijiye Jesure wacū tutuayequina ijiye, tiquirore cahmedane.) Tiquina sa cahmedī buhiri tiquinare mari Pacu buhiri dahrerota, niahye fariseo masa.

<sup>50</sup> Fariseo masuno Nicodemo Jesure yahuducuro esariquiuro topu ijiyahye tiquina mehna. Tiquina sa nigū tuhoro ohō saha niahye tiquiro tiquinare:

<sup>51</sup> —Jesu ñano yerire masiedaja mari. Sa masiedana marine tiquiro yahuato pano tiquirore buhiri dahre masiedaja mari. Sa masiedapenata tiquirore buhiri dahrena, mari ye dutiyere yāhdūducana niaja mari, niahye Nicodemo tiquinare.



14 —Yuhũ ahtaritore masiaja yuhũ. Yuhũ wahato gũhũre masiaja yuhũ. Mũsa ne tire masiedare. Mũsa ohũ saha niepegũta yuhũ ijiye tiyere mũsare yuhũ yahuri poto tjire. 15 Mũsa esa tuharo mũsa ihũari dihitarre masine mũsa. Sa yena quehnoano masiedare mũsa. Sa masiedapenata yuhũre ñano ni yahuducure mũsa. Yuhũ pehe yuhũ esa tuharo masare ne sa niedaja. 16 Sa yegũ masa tiquina ijiye tiyere ihũa masigũ yuhũ esa tuharo ihũa masiedaja. Yuhũ pũrita yuhũre ohoriquiro mehna ihũa masiaja. Sa yegũ masa tiquina ijiye tiyere yuhũ ihũa masiĩe poto tjire. 17 Mũsare dutiye tiquina ojoari pũ ohũ saha ni yahure. “Pũaro masa ihcãno saha tiquina yahugũ ohũ saha tiquina yahuye poto tjire”, ni yahu ojoari jiri. 18 Yuhũre yahuriquiro mehna usã pũana tjiaja. Yuhũ ijiye tiyere yahuaja yuhũ. Sa yero yuhũ Pacũ gũhũ yahure yuhũ pehere. Tiquiro tjire yuhũre ohoriquiro, nidi Jesu.

19 —¿Nohorũ ijiagari mũhũ pacũ? ni sinituri tiquina.

—Yuhũre mũsa masiedare. Yuhũ Pacũ gũhũre masiedare mũsa. Yuhũre masina, yuhũ Pacũ gũhũre masiboaga mũsa, ni yũhtiri Jesu tiquinare.

20 Jesu tiquinare buhero sa ni yahuducuri Cohãcjũ wũhũpũ tiquina niĩneru sãĩe acari cahapũ. Tiquiro ñano yũhdũati pje ijieranidi. Sa ye tiquina mehna tiquiro ijiepegũta tiquina tiquirore ñehedari.

—Yuhũ wahatopũre mũsa pehe waha masisi, niahye Jesu

21 Pari turi Jesu tiquinare yahuri tja:

—Yuhũ ahtariorũ wahaũtja. Yuhũ wahari bato mũsa yuhũre macanata. Sa yena mũsa ñaĩe buhiri tiye mehna yarianata. Yuhũ wahatopũre mũsa pehe waha masisi, ni yahuri Jesu.

22 —“Yuhũ wahatopũre mũsa pehe waha masisi”, tiquiro nigũ tũhoye, “¿Ahriquiro tiquiro basi wejẽ yariarotari, sa nino?” nidi usã acaye judio masa tiquina basi.

23 Tiquina basi sa nigũ Jesu yahuri tiquinare:

—Mũsa pehe ahri yehpa cjãna ijire. Yuhũ pehe uhmũse cjũ ijiaja. Ahri yehpũ bajuarina ijire mũsa pehe. Uhmũsepũ ahtarigũ ijiaja yuhũ pehe.

24 Mũsa yuhũ ijiye tiyere yuhũ nidire “Poto ijierare”, nina, mũsa ñaĩe buhiri tiye mehna yarianata mũsa. Sa yegũ “Mũsa ñaĩe buhiri tiye mehna yarianata mũsa”, nimi mũsare, nidi Jesu tiquinare.

25 —¿Noa boro ijiajari mũhũ? ni sinituri tiquina.

—Coã waropũre yuhũ niducuriro sahata ijiaja yuhũ. 26 Mũsare yuhũ yahuati pajiro dũhsarĩne. Sa yero mũsa ñano yerĩ buhirire mũsare yuhũ yahuati pajiro dũhsarĩne. Sa yegũ yuhũre ohoriquiro tiquiro yahurire ahri yehpa cjẽnare yahuaja. Tiquiro yahuri poto tjire, nidi Jesu tiquinare.

27 “Yuhũre ohoriquiro”, tiquiro nigũ tũhoye, “Mari Pacũ ijiaja”, ni tũhotuerari tiquina. 28 Tiquina sa ni tũhotueragũ ihũano Jesu yahuri tiquinare.

—Yuhũre masũre Cohãcjũ ohorigũre mũsa yucũ teõ mehna wahcõ donata. Mũsa sa yena, “Tiquiro Cohãcjũ ohoriquiro tjire”, ni masinata mũsa yuhũre. Sa yena yuhũ esa tuharo yuhũ yerarigũ ijigũ masinata mũsa. Sa yena yuhũ Pacũ yuhũre tiquiro buherĩ dihitarre yahurigũ yuhũ ijigũ gũhũre masinata mũsa. 29 Sa yero yuhũre ohoriquiro pehe yuhũ mehna ijire. Tiquiro cahmeĩene ijipiĩtiye decori yeducuaja. Sa yero yuhũre tiquiro ne cohãedare, nidi Jesu.

30 Tiquiro sa nigũ tũhoye, tiquirore masa peyequina wacũ tutuari.

*Cohãcjũ pohnene, ñaĩe yeyequina gũhũre yahuahye Jesu*

31 Sa ye apequina judio masa Jesure wacũ tutuari. Sa yero Jesu tiquinare yahuri:

—Yuhũ dutiyere ye pehona, potota yuhũ buhena ijire m̄sa. <sup>32</sup> Sa yena poto masinata m̄sa. Poto ijiyere masina, ñāñe yeyere duhu masinata. Sa yena cahacjēna yero saha iji nemosi m̄sa, nidi Jesu tiquinare.

<sup>33</sup> Tiqairo sa nigũ tũhoye ohõ saha ni yũhtiri tiquina:

—Ušã pehe panopũ c̄jũno Abrahã m̄nano panamena iji turiana ijiaja. Sa yena ne apequina tiquina cahacjãna ijieraja usã. ¿Sa yegu “Cahacjēna yero saha iji nemosi”, nigũ, dahse ijiro boro usãre sa niajari m̄hũ? ni sinituri tiquina Jesure.

<sup>34</sup> Tiquina sa nigũ tũhoro ohõ saha nidi tiqairo:

—Ijirota niaja m̄sare. Ijipih̄tiyequina ñāñene yeyequina pehe tiquina ñāñene ye duhu masiedare. Sa yero ñāñe pehe tiquina pũhtoro yero saha ijire. Sa ijieyequina ijieyeh̄ cahacjēna yero saha ijire tiquina. <sup>35</sup> Cahacjũno pehe tiqairo pũhtoro ya curua c̄jũno ijipih̄tiye decori ijiducuerare. Ti wuhũ c̄jũno macuno pehe ijipih̄tiye decori potota ti curua c̄jũno ijire tiqairo. (Yuhũ pehe Cohãc̄jũ macũ ijiaja. Sa yegu dutigũ ijiaja. M̄sa ñāñe yeyere duhu dutitja.)

<sup>36</sup> Sa yena yuhũ Cohãc̄jũ macũ ñāñene yuhũ duhugũ yenh̄rina ijina potota ñāñene duhurina ijire m̄sa. <sup>37</sup> Abrahã m̄nano panamena iji turiana m̄sa ijigũ masiaja. Sa ijiepenata yuhũ yahuyeh̄ pehere tũho duerare m̄sa. Sa yena yuh̄re wejẽ duare m̄sa. <sup>38</sup> Yuhũ Pacũ yuh̄re tiqairo masigũ yerire yahuaja m̄sare. Yuhũ sa yahuepegũta m̄sa pacũ watĩno m̄sare tiqairo dutiyere yere m̄sa gũhũ, nidi Jesu tiquinare.

<sup>39</sup> —Abrahã m̄nano panopũ c̄jũno usã ñecũ m̄nano ijie tiahye. Sa yero watĩno usã pacũ ijierare, ni yũhtiri tiquina.

Tiquina sa nigũ Jesu yũhtiri:

—Abrahã panamena iji turiana ijina, tiqairo yeriro sahata yeboaga m̄sa.

<sup>40</sup> Cohãc̄jũ yuh̄re poto tiqairo yahuyere m̄sare yuhũ yahuepegũta yuh̄re wejẽ duare m̄sa. Abrahã m̄nano pehe ne sa yera tiahye. <sup>41</sup> M̄sa pacũ tiqairo yeriro sahata yere m̄sa, nidi Jesu tiquinare.

Tiqairo sa nigũ tiquina yũhtiri:

—Omoca duhtemeh̄neñequina pohna ijieraja usã. Ihcãquirola ijire usã Pacũ. Tiqairota ijire Cohãc̄jũ, nidi tiquina.

<sup>42</sup> Tiquina sa nigũ Jesu yũhtiri:

—Cohãc̄jũ mehna c̄jũ ijigũ, ohõp̄re ahtaũ. Sa yena Cohãc̄jũ m̄sa Pacũ tiqairo ijigũ yuh̄re cahĩboya m̄sa. Yuhũ esa tuharo ahtaerũ yuhũ pũrita. Cohãc̄jũ tiqairo ohogũ ahtaũ ohõp̄re. <sup>43</sup> ¿Dahsena yuhũ yahuducuyere tũhoerajari m̄sa? Yuhũ yahuyere tũho duerare m̄sa. Sa yena tũhoerare m̄sa. <sup>44</sup> M̄sa pacũ pehe watĩno ijire. Sa yena watĩno cahmeñe pehere ye duare m̄sa. Ahri yehpa coã waropũ to iji ducagũpũ, yojopũ gũh̄re tiqairo masare wejẽdiqairo ijire. Tiqairore poto yahuducuyeh̄ mariedare. Sa yero tiqairo ne poto yahuducuerare. Tiqairo coã waropũ ni meho m̄hta dũcãriqairo ijie tiahye. Sa yero tiqairo sa ni mehoducuriqairo ijiro, ni mehoñene yahure. <sup>45</sup> Yuhũ pehe m̄sare poto yahuaja. Sa yuhũ yahuepegũta yuh̄re tũhoerare m̄sa. <sup>46</sup> “M̄hũ ñano yegu ijire”, yuh̄re ni masiedare m̄sa. ¿Poto m̄sare yuhũ yahuepegũta dahsena tũhoerajari m̄sa? <sup>47</sup> Cohãc̄jũ pohne pehe tiqairo yahuducuyere tũhore. Tiqairo pohne ijierana, tiqairo yahuducuyere tũho duerare m̄sa, nidi Jesu tiquinare.

### *Abrahã tiqairo ijiaato pano Cristo pehe iji tuhasae tiahye*

<sup>48</sup> Tiqairo sa nigũ tũhoye judio masa tiqairore ohõ saha nidi:

—“M̄hũ Samaria c̄jũ ijire. Sa yegu watĩnore cũore m̄hũ”, usã nidi poto ijire, nidi tiquina Jesure.

<sup>49</sup> Tiquina sa nigũ tũhoro ohõ saha ni yũhtiri Jesu:

—Watĩnore cœeraja yũhũ. Yũhũ Pacũre ño peoaja. Mũsa pehe yũhũre ño peoerare. <sup>50</sup> Yũhũre masa tiquina ño peogũ cahmedaja yũhũ. Yũhũ Pacũ pehe yũhũre ño peogũ cahmene masare. Tiquiro pũrita yũhũ ijiye tiyere quehnoano ihña masino, sata ño peo dutire. Sa yero yũhũre tiquina cahmedari buhiri, buhiri dahreatiquiro ijirota tiquiro. <sup>51</sup> Ijirota niaja mäsare. Yũhũ dutiyere yeriquireo ijiptiye decori Cohãcjũ mehna sa ijiducurota, nidi Jesu.

<sup>52</sup> Tiquiro sa nigũ tũhoye ohõ saha nidi tiquina:

—Yojoꝛũ pũritare watĩnore cœogũ mũhũ ijigũ usã quehnoano masiaja. Abrahã mũnano yariaa wahahye. Cohãcjũ yere yahu mũhtariquina gũhũ yaria pihitia wahahye. ¿Sa yegũ “Yũhũ dutiyere yeriquireo ijiptiye decori Cohãcjũ mehna sa ijiducurota”, nigũ dũhse nigũ sa niajari mũhũ? <sup>53</sup> ¿Usã ñecũ mũnano Abrahã yũhũoro tutuajari mũhũ? Tiquiro, Cohãcjũ yere yahu mũhtariquina gũhũ yariaa wahahye. ¿Mũhũ pehe noa boro ijaajari mũhũ, sa ni yahuducugũ? Mũhũ sa nibogũ ijierare, nidi tiquina.

<sup>54</sup> Tiquina sa nigũ tũhoro Jesu yahu nemori:

—Yũhũ basi “Tutuagũ ijaia yũhũ”, yũhũ nigũ, tutuagũ ijieraboaga yũhũ. Yũhũ Pacũ pehe “Tiquiro tutuariquireo ijire”, nine yũhũre. “Usã Pacũ”, mũsa nidiquiro pehe yũhũ Pacũ tjire. <sup>55</sup> Mũsa pehe yũhũ Pacũre ne masiedare. Yũhũ pehe tiquireo masiaja. “Tiquirore masiedaja”, nigũ mũsa yero saha ni mehoñe peyagũ ijiboaga yũhũ. Potota tiquireo masiaja. Sa yegũ tiquiro dutiyere yeaja. <sup>56</sup> Ahri yehpapũ yũhũ ahtatore mari ñecũ Abrahã mũnano masie tiahye. Sa masino tiquiro bucuee tiahye, nidi Jesu.

Tiquiro sa nigũ tiquina yũhtiri:

<sup>57</sup> —Cincuenta cahmari cœeraga mũhũ. Abrahã mũnano panopũ cjũno ijiri. ¿Yojoꝛũre tiquiro mũnanore mũhũ dũhse masiboagari? nidi judio masa Jesure.

<sup>58</sup> —Ijirota niaja mäsare. Abrahã tiquiro ijiato pano yũhũ pehe iji mũhta tuhasae tii, nidi Jesu tiquinare.

<sup>59</sup> Tiquiro sa nigũ tũhoye tiquina pehe utã pacare ne, tiquireo doque duamedĩ. Tiquina sa doque duepegũta Jesu pehe Cohãcjũ wũhũpũ ijiriquireo duhti wijiaa wahari.

## 9

### *Caperi bajueriquirore ihñagũ yeahye Jesu*

<sup>1</sup> Sa yena Jesu usã tiquiro buhena mehna mahapũ wahana, apequireo caperi bajueriquirore boca saũ. Tiquiro wahma masa bajuaropũta caperi bajueriquiro ijie tiahye. <sup>2</sup> Usã gũhũ tiquireo ihñana, sinituu Jesure:

—¿Buhegũ, ahriquireo dũhsero caperi bajueriquiro masa bajuayari? ¿Ñañene yeyari tiquiro sa waharo? ¿O tiquiro pacũsmũna pehe ñañene yeyari tiquiro sa wahagũ? ni sinituu usã pehe Jesure.

<sup>3</sup> Usã sa nigũ tũhoro ohõ saha ni yũhtiri tiquiro:

—Ahriquireo ñañene yeri buhiri caperi bajueriquiro wahaerari. Tiquiro pacũsmũna gũhũ ñañene tiquina yeri buhiri caperi bajueriquiro wahaerari. Cohãcjũ tiquireo caperi bajueragũ yeri tiquireo ihñagũ yero taro, masare tiquiro ihñootire. <sup>4</sup> Yũhũre ohoriquireo tiquiro cũrire yojoꝛũre yero cahmene marine. Ñamipũ mari dahra masieno sahata camerũ yũhũre ohoriquireo tiquiro cũrire ye masiedaja mari. <sup>5</sup> Ahri yehpapũ buhriore marine to ihña masigũ yero saha ijigũ ahri yehpa cjẽnare Cohãcjũ yere masigũ yeaja yũhũ, nidi Jesu.

<sup>6</sup> Sa ni tuhasarota yehpapu sihco puti cūri. Tiquiro sa sihco puti cūrire dihta mehna dahra more, caperi bajueriquirote tiquiro caperire wisōri. <sup>7</sup> Sa wisōno ohō saha nidi Jesu:

—Siloé wame tiri copepu cuhsari copepu mahu caperire cosegu wahaya, nidi Jesu.

Siloé usā ye mehna niñe “Ohuri cope”, niñe nidi.

Jesu tiquiro caperire cose dutiriquiro pehe waha, cose, caperi ihñariqioropu tojoa wihiri. <sup>8</sup> Tiquiro tojoa wihigū tiquiro cahapu ijijeyquina tiquirote ihñari. To pano niñeru sinimediqiro tiquiro ijigū ihñariquina tiquirote ohō saha nidi tiquina basi:

—¿Ahriqiro sohō ijiriquiro niñeru sinidiquiro ijierajari? nidi tiquina.

<sup>9</sup>—Tiquirota ijire, nidi apeqina pehe.

—Tiquiro ijierare. Tiquiro saha bajuriquiro ijire, nidi apeqina pehe.

Tiquina sa nigū tūhorō caperi bajueramediquiro pehe ohō saha nidi:

—Tiquiro tjaja yahu, nidi tiquinare.

<sup>10</sup> Tiquiro sa nigū masa tiquirote sinituri.

—¿Caperi bajuegu ijirigu dūhse waha ihñari mahu? ni sinituri tiquina tiquirote.

<sup>11</sup>—Jesu wame tiriquiro sihco co mehna dihta mehna dahra more, yahu caperire wisōri. Yuhare wisō tuhasa “Siloé wame tiri copepu mahu caperire cosegu wahaya”, tiquiro nigū cosegu esau yahu. Yahu sa coseri bato yahu caperi quehnoano bajuri yuhare, ni, yahuri tiquiro masare.

<sup>12</sup>—¿Muhare sa yeriquiro nohopu ijagari tiquiro? nidi tiquina.

—Ōbah. Noho ijiro ijiaga, nidi tiquiro.

### *Caperi bajueramediquirote fariseo masa sinituahye*

<sup>13</sup> Sa ni yahuducu tuhasa tiquina caperi bajueramediquirote fariseo masa cahapu neari. <sup>14</sup> Ti deco Jesu dihtare sihco co mehna dahra more caperi bajueriquirote tiquiro ihñagū yeri deco saurū deco ijiri. Ti deco usā sori deco ijiri. <sup>15</sup> Sa ye fariseo masa pehe tiquirote sinituahye tja.

—¿Dūhse ye mahu ihñari? ni sinituahye tiquina.

—Dihta mehna yahu caperire wisōri. Sa yegu yahu caperire yahu coseri bato ihña dūcau yahu, ni yahuahye tiquiro tiquinare.

<sup>16</sup>—Tiquiro saurū decore mari sori decore mari dahra dutieri decore dahraya. Sa yero tiquiro Cohācū yaqiro ijierare, niahye apeqina fariseo masa pehe.

Apeqina pehe ohō saha niahye:

—Ñañene yeriquiro ohō saha yuhduo masiedare. Sa yero tiquiro quehnoariqiro ijiboaga, niahye apeqina.

Sa ye tiquina pna curua tu wahye tiquina basi. <sup>17</sup> Sa ye pari turi tiquina caperi bajueramediquirote sinituahye tja.

—¿Muhare caperire quehnoano yeriquirote mahu waro dūhse ni tūhotujari Jesure? niahye tiquina tiquirote.

—Tiquiro potota Cohācū yere yahu mūhtariqiro ijire, niahye caperi bajueramediquiro.

<sup>18</sup> Coā waropare judio masa ohō saha ni tūhotumahye. “Ahriqiro caperi bajueramediquiro ijierare”, ni tūhotumahye tiquina. Sa ni tūhotuye caperi bajueramediquiro pacasumare pijioahye tiquina. <sup>19</sup> Pijio, tiquiro pacasumare sinituahye fariseo masa pūtoa.

—¿Ahriqiro potota masa macu ijijajari? ¿Duita tiquiro caperi bajueriquiro masa bajuari? ¿Potota caperi bajueriquiro ijieperota dūhsero ihñajari yopare? ni sinituahye tiquina tiquiro pacasumare.



20 —Ahriquiuro usã macuta ijire. Sa yero duita caperi bajueriquiro masa bajue tiri tiquiuro. 21 Tire masiepenata tiquiuro ihñarire, tiquiore ihñagũ yeriquiro gũhare masiedaja usã. Usã macure sinituya. Вучаго ijire tiquiuro. Tiquiuro basi yahu masine, niahye tiquiuro pacusmua.

22 Judio masa usã puhto coã waropure ohõ saha nie tiahye.

—“Jesuta Cristo Cohãcjũ ohoriquiro ijire”, niñequinare mari buheye wuhusepu sajã dutisi usã, nie tiahye judio masa puhto.

Tiquina sa nigũ tuhoye caperi bajueramediquiro pacusmua judio masa puhtoare cue niahye. 23 Sa cueye, “Вучаго ijire tiquiuro. Tiquiore sinituya”, niahye tiquina judio masa puhtoare.

24 Came judio masa puhto pari turi pijioahye caperi bajueramediquirore tja. Pijio ohõ saha niahye tiquiore:

—Cohãcjũ mehna poto yahuya mũhu. Jesure ni mehoriquiuro tiquiuro ñaife yeriquiro ijigũ usã masiaja. Sa yegu poto yahuya usãre, niahye judio masa caperi bajueramediquirore.

25 Tiquina sa nigũ tuhoro ohõ saha ni yuhtiahye tiquiuro:

—Jesure tiquiuro ñaife yeriquiro ijigũ masiedaja yuhu. Ihcãnota masiaja yuhu. Panopure caperi bajuegu ije ti yuhu. Yojobure ihñaja yuhu. Ti dihitaré masiaja yuhu, ni yuhtiahye caperi bajueramediquiro tiquinare.

26 —¿Dahse yeri mũhare tiquiuro? ¿Mũhu caperi ihñatire dahse yeri tiquiuro mũhare? ni sinituahye tiquina.

27 —Tireta musare yahu tuhasami yuhu. Yuhu sa niepegũta musa ne tuho duerare yuhare. ¿Dahse ye duana pari turi yuhu yahugũ tuho duajari musa? ¿Musa gũhu tiquiuro buhena iji duajari? niahye tiquiuro tiquinare.

28 Tiquiuro sa nigũ tuhoye tiquina tuhtiahye tiquiore:

—Mũhu Jesu buherigu ijire. Usã pehe Moise buhena ijiaja. 29 Potota Cohãcjũ Moisere yahuducue tiahye. Jesu tiquiuro ahtaritore usã masiedaja, niahye tiquina caperi bajueramediquirore.

30 Tiquina sa nigũ yuhtiahye tiquiuro:

—¿Tiquiuro ahtaritore musa masiedagũ yuhare ihñagũ yeriquiro ijiro, Cohãcjũ ohoriquiro ijieraboagari tiquiuro? 31 Cohãcjũ ñaife yeyequinare tiquina siniñene tuhoerare. Ti pũritare mari masiaja. Tiquinare tuhoeraperota Cohãcjũre ño peoriquirore, tiquiuro dutiyere yeriquirore tiquiuro siniñene tuhore Cohãcjũ. 32 Coã waropure ahri yehpa iji ducagũpũre ne coã masa bajaropũ caperi bajueriquirore ne ihcãquiuro ihñagũ yeriquiro marieda tiahye. 33 Sa yero Jesu Cohãcjũ ohoriquiro ijieraro yuhare ihñagũ yeraboaya tiquiuro, niahye tiquiuro tiquinare.

34 —Mũhu duita ñagu ije tiahye. ¿Sa ijiepegũta usãre buhe duajari mũhu? niahye judio masa puhto tiquiore.

Sa ni tuhasayeta tiquina tiquiore cohã wio cãhye.

*Jesu yere cahmeeñequina caperi bajueyequina tiquina ihña masieno saha mari Pacure masiedare*

35 Sa yero caperi bajueramediquirore tiquina cohã wiorire Jesu tuhori. Sa tuhoro caperi bajueramediquirore boca saro tiquiore sinituri:

—¿Masunore Cohãcjũ ohoriquirore wacũ tutuajari mũhu? nidi Jesu.

36 —¿Puhto, noa ijiajari tiquiuro? Tiquiore masigu wacũ tutuagũtja tiquiore, nidi caperi bajueramediquiro Jesure.

37 —Tiquiore ihña tuhasari mũhu. Yojobure mũhu mehna yahuducugu tiquiota ijiaja yuhu, nidi Jesu caperi bajueramediquirore.

38 —Puhto, mũhare wacũ tutuaja, nidi caperi bajueramediquiro.

Sa nino tiquiuro Jesu caha dũsepe curi mehna quehe sa, tiquiore ño peori.

<sup>39</sup> Tiquiro sa ño peogũ ihñano ohõ saha nidi Jesu:

—Quehnoañequina, ñañequina gũhũ tiquina yerire masigũ yei ahtaũ ahri yehparũre. Caperi bajueyequina tiquina ihña masieno saha tiquina yero saha ijieyequina yũhũ Pacũre masiedare. Sa masieñequinare yũhũ Pacũre masigũ yei ahtaũ yũhũ. “Ešã quehnoano masiaja”, ni tũhotumediquina quehnoano tiquina masiedarire masigũ yei ahtaũ yũhũ, nidi Jesu.

<sup>40</sup> Tiquiro sa nigũ tũhoye meheñequinagã fariseo masa tiquirore ohõ saha nidi:

—¿“Caperi bajueyequina tiquina ihña masieno saha quehnoano masiedare mũsa gũhũ”, nii niajari mũhũ usãre? nidi fariseo masa Jesure.

<sup>41</sup> Tiquina sa nigũ ohõ saha nidi Jesu:

—Caperi bajueyequina tiquina ihña masieno saha poto mũsa quehnoano masiedagũ, mũsare buhiri mariedaboaya. “Ešã quehnoano masina ijiaja”, mũsa nidi buhiri, buhiri tina ijinine mũsa yojopũre, nidi Jesu tiquinare.

## 10

### *Ovejare cohteriquiro quitire yahuahye Jesu*

<sup>1</sup> Came queoye mehna buhero ohõ saha nidi Jesu:

—Ijirota niaja mũsare. Ovejare cohteri sahrĩno sopecaha sajäedariquiro, sopecaha marienopũ sajäriquiro pehe yaque bucũro ijire. <sup>2</sup> Sopecaha sajäriquiro pehe ovejare cohteriquiro ijire. <sup>3</sup> Sopecahare cohteriquiro sopecahare põore ovejare cohteriquiro sajäto. Ovejare cohteriquiro yahuducugũ tũho cãhtare tiquiro nuñequina oveja pari. Tiquinare pijiro tiquina wame mehna pisuducure tiquiro. Sa yero tiquinare sahrĩnopũ ijiriquinare piji wiocore sopecahapũ. <sup>4</sup> Tiquiro yequinare ijipihtiequinare piji wio tiquinare sa aũmũ tãducure. Oveja pehe tiquiro yahuducuyere tũho masiñe tiquiro bato nũnũ tãre. <sup>5</sup> Apequirore tiquina ihña masieniurore nũnũ tãedare tiquina. Sa ye apequina tiquina yahuducuyere tũhoye, cue oma sitea wahare, nidi Jesu tiquinare.

<sup>6</sup> Ahri queoyere tiquiro sa yahuepegãta tiquiro yahuyere masiedari tiquina.

### *Jesu ovejare quehnoano cohteriquiro yero saha tiquiro yequinare quehnoano cohtere*

<sup>7</sup> Pari turi Jesu tiquinare yahuri tja:

—Ijirota niaja mũsare. Ovejare cohteri sahrĩno sopecaha yero saha ijiaja yũhũ. <sup>8</sup> Ijipihtiequina yũhũ pano ahtayequina ni mehoñene buheyequina yaqueyequina yero saha ijire. Tiquina sa ijiepegãta oveja yero saha ijieyequina yeequina pehe apequinare ne tũho cãedare. <sup>9</sup> Yũhũ ovejare cohteri sahrĩno sopecaha yero saha ijiaja. Sopecaha sajäñequina yero saha ijire yũhũre wacũ tutuayequina. Sa yegũ tiquinare pecapũ wahaboriquinare yũhũoutja. Ovejare cahmotari sahrĩno tiquinare cahmotariro sahata yũhũ yũhũoyequinare cahmotaũtja. Sa ye tiquina cahmeñene cwoeta tiquina, nidi Jesu.

<sup>10</sup> Sa ni tuhasa ohõ saha ni nemori:

—Mũsare ni meho buheyequina ovejare yaqueyequina yero saha ijire. Apequina yaque duaye, apequina wejẽ duaye ahtare. Oveja yero saha ijieyequinare, yeequina ijipihtie decori Cohãcũ mehna ijiatiquinare yegũ ahtaũ yũhũ. Sa yegũ yeequina decoripe tiquina buceateire ahtaũ yũhũ. <sup>11</sup> Ovejare quehnoano cohteriquiro yero saha ijiaja yũhũ. Ovejare quehnoano cohteriquiro yariatiquiro ijieperota tiquiro yequina ovejare cohtere, “Sijoro wahari”, nino. Yeequina Cohãcũ mehna tiquina sa ijiducuatire yegũ yariatja

yũhũ. <sup>12</sup> Oveja upũro cahacjãno pehe oveja upũro ijierare. Sa yeye oveja tiquiuro yequina ijierare. Sa yero yairo ovejare tiquiuro ihyaro ahtagũ ihñano tiquiuro cahacjãno pehe ovejare cohã doco cã, oma cãa wahare. Tiquiuro sa cohã docori bato, yairo ovejare tiquiuro ñehegũ ihñañe oveja pari oma site cãa wahare. <sup>13</sup> Tiquiuro cahacjãno pehe tiquiuro wapataye dihitarre cahmene. Sa yero tiquiuro ovejare quehnoano cohte coerare, nidi Jesu.

<sup>14</sup> Sa ni tuhasa ohõ saha ni nemori:

—Ovejare quehnoano cohteriquiro yero saha ijiaja yũhũ. Sa yegũ yeequinare masiaja yũhũ. Sa yeye yeequina pehe yũhare masine. <sup>15</sup> Sata yũhũ Pacũ gũhũ yũhare masine. Sa yegũ yũhũ gũhũ yũhũ Pacũre masiaja. Oveja yero saha ijiequina yeequina Cohãcjũ mehna tiquina sa ijiducuatire yariatja yũhũ. <sup>16</sup> Apequina oveja ape sahrĩno cjẽna yero saha ijiequina apequina masa gũhũ yeequina ijietã. Tiquina gũhare neagutja. Sa ye yũhũ yahuducugũ tũho cãeta tiquina gũhũ. Sa ye yeequina ijipihtiequina ihcã curuata ijietã. Sa yegũ yũhũ dihita yeequinare cohteitja, nidi Jesu.

<sup>17</sup> Sa ni tuhasa ohõ saha ni nemori:

—Yeequina Cohãcjũ mehna tiquina sa ijiducuatire yariatja yũhũ. Yũhũ yariari bato masa mũagutja. Sa yeacjũ yũhũ ijigũ yũhũ Pacũ yũhare cahĩne. <sup>18</sup> Yũhũ wejẽ dutieragũ yũhare wejẽ masiedaboaya tiquina. Yũhũ cahmeno sahata yũhare wejẽeta. Sa yegũ yeequina Cohãcjũ mehna tiquina sa ijiducuatire yariatja. Yaria masiaja yũhũ. Sa yegũ masa mũa masiaja. Yũhũ Pacũ yũhare tireta ye dutiri, nidi Jesu.

<sup>19</sup> Tiquiuro sa nigũ tũhoye judio masa pũa curua tu wari. Apequina sijoro tũhotu, apequina gũhũ sijoro tũhoturi.

<sup>20</sup> —Tiquiuro watĩno cũore. Sa yero tũho masiedare. ¿Dũhsena tiquiore pari turi tũhoajari masa? nidi apequina peyequina judio masa.

<sup>21</sup> Apequina pehe ohõ saha nidi:

—Watĩno cũoriquiro ijiro sa ni yahuducueraboaya. Caperi bajueriquirore ihñagũ ye masiedare watĩnore cũoriquiro. Sa yero watĩnore cũoerare Jesu, nidi apequina judio masa.

### *Judio masa Jesure cahmedahye*

<sup>22</sup> Ape deco usã acaye judio masa Jerusalẽpũ bose deco yeye nidi pari turi. Cohãcjũ wũhare panorpũ Cohãcjũre tiquina ohorire tiquina wacũati deco ijiri. Ti pjere poheca ijiri. <sup>23</sup> Ti decore Salomo wame tiri tucũpũ Cohãcjũ wũhũpũ ijiri tucũpũ Jesu ihña tinino nidi. <sup>24</sup> Ti tucũpũ tiquiuro ijigũ ihñañe usã acaye judio masa tiquiuro cahapũ cahmecoã, tiquiore sinituri.

—Yoabutiari pje usãre quehnoano yahueraga mũhũ. Poto usãre quehnoano yahu madoqueohya mũhũ. ¿Cohãcjũ ohorigũ Cristota ijiajari mũhũ? nidi tiquina Jesure.

<sup>25</sup> Tiquina sa nigũ tũhoro ohõ saha ni yũhtiri Jesu:

—Mũsare yahu tuhasamajagũ. Yũhũ sa yahuepegũta yũhare tũho duerare mũsa. Yũhũ Pacũ yũhare tiquiuro dutiriro sahata tiquiuro tutuaye mehna ye ihñoaaja. Sa yegũ yũhũ Cristo ijiyereta mũsare ihñogũ niãa. <sup>26</sup> Yũhũ sa ihñoepegũta yũhare tũho duerare mũsa. Mũsa pehe yeequina ijierare. Sa yena apequiuro yequina oveja yero saha ijina, yũhũ pehere tũhoerare mũsa.

<sup>27</sup> Ovejare cohteriquirore tiquiuro yequina tiquina tũhoriro saha yũhare yeequina tũhore. Sa yegũ tiquinare masiaja yũhũ. Sa ye tiquina yũhũ mehna wahare. <sup>28</sup> Sa yegũ ijipihtie decori Cohãcjũ mehna ijigũ yeaja tiquinare. Sa ye tiquina pecarpũ wahasi. Sa yegũ yeequinare yũhũ cohtegũ apequina pehe ne yũhare ehma masiedare yeequinare. <sup>29</sup> Yũhũ Pacũ yũhare yeequinare ohoriquiro ijipihtiequina yũhũoro tutuariquiuro ijire. Sa ye yũhũ Pacũ

pehe yeequinare tiqairo cohtegū apequina pehe tiqairo gūhare ne ehma masiedare tiquinare. <sup>30</sup>Yūhū, yūhū Pacū mehna ihcāta ijiaja, nidi Jesu judio masare.

<sup>31</sup>Tiqairo sa nigū tūhoye judio masa pehe tiqairore tiquina doque wejēati utā pacare pari turi nemedi tja. <sup>32</sup>Tiquina sa yegū ihñano Jesu sinituri tiquinare:

—Yūhū Pacū tutuaye mehna peye tahari ye ihñomi masare. ¿Dise boro pehere yūhū yeri buhiri yūhare utā paca mehna doque wejē duajari mūsa? ni sinituri Jesu.

<sup>33</sup>Tiqairo sa nigū tūhoye ohō saha nidi tiquina:

—Cohācjū tutuaye mehna mūhū ye ihñori buhiri mūhare utā mehna doque wejē dueraja usā. Cohācjūre mūhū ñano yahuducuri buhiri mūhare utā paca mehna doque wejē duaja usā. Masū ijiepegūta “Cohācjū ijiaja yūhū”, mūhū niñe buhiri mehna mūhare utā paca mehna doque wejē duaja usā, ni yūhtiri tiquina.

<sup>34</sup>Tiquina sa ni yūhtigū tūhoro Jesu tiquinare yahuri:

—Mūsa gūhare “Cohāmana”, ni pisuri Cohācjū. Sata ni ojoahye tiqairo dutiyere tiquina ojoari pūpū. <sup>35</sup>Cohācjū yere tiquina ojoari pū potota ijigū mari masaja. “Ni mehoñe ijire”, ti pūre ni masiedaja mari. Sa yero tiqairo yere tūhoyequinare potota tiqairo “Cohāmana”, ni pisure. <sup>36</sup>Cohācjū yūhare besetjiāno, ahri yehpapure oho. Sa yegū yūhū “Cohācjū macū ijiaja”, yūhū nidi buhiri “Cohācjūre ñano yahuducuro nine Jesu”, nine mūsa yūhare. ¿Dūhsena yūhare sa niajari mūsa? <sup>37</sup>Yūhū Pacū tiqairo cahmediro sahata tiqairo tutuaye mehna yūhū ye ihñoadagū pūritare yūhū buherire “Poto tjire” niedaboaga mūsa. <sup>38</sup>Yūhū Pacū tiqairo tutuaye mehna yūhū ye ihñoepegūta yūhū pehere tūho duerare mūsa. Sa tūho duerapenata tiqairo tutuaye mehna yūhū ye ihñogū ihñana yūhū yerire “Poto tjire”, niñā mūsa. Mūsa sa nina, yūhū Pacū mehna usā ihcāno saha ijigū masinata mūsa. Sa yena tūhonata mūsa, nidi Jesu tiquinare.

<sup>39</sup>Tiqairo sa nigū tiquina pari turi tiqairore ñehe duamedi. Tiquina sa ñehe duagū ihñano tiqairo duhti wijiaa wahari.

<sup>40</sup>Sa wijariquiropūta Ñū masare tiqairo wame ye māhtariropū Jordā asū mūja taro pehepū pari turi Jesu wahari tja. Topū esaro tojoa cāri tiqairo. <sup>41</sup>Sa ye masa peyequina tiqairore ihñañe esari. Ohō saha nidi tiquina basi:

—Ñū pehe Cohācjū tutuaye mehna ye ihñoadari. Sa ye ihñoadapegūta ijipihitiye Jesure tiqairo yahuri pehe queorota ijire, nidi masa tiquina basi.

<sup>42</sup>Sa ye topūre masa peyequina wacū tutua dūcari Jesure.

## 11

### *Lázaro wame tiriqairo yariaa wahahye*

<sup>1</sup>Sa ye Betania wame tiri maca cjāno Lázaro wame tiriqairo dohatiro niahye. Ti macapū tiqairo wahmiosānumia gūhū María, Marta mehna ijiri.

<sup>2</sup>María pehe Jesure ehme sitiye pio wisōaticoro, ticoro poari mehna tiqairore tu coseaticoro ijire. Ticoro bahūro Lázaro pehe dohatiro niahye. <sup>3</sup>Sa ye tiquina numia apequinare Jesure yahu dutiye ohoahye.

—Pūhto, mūhū cahñiqairo dohatiro nine, ni yahu dutiye ohoahye Lázaro wahmiosānumia.

<sup>4</sup>Ti quitire tūhoro ohō saha nidi Jesu:

—Yojopure Lázaro tiqiro dohatiye tiqiro yariati ijierare. Cohãcjũ tutu-ayere masare ihñoatire yojopure tiqiro dohatire. Sa ye yũhũ tutuagũ yũhũ ijigũ gãhũre masa ihñaeta, nidi Jesu.

<sup>5</sup> Jesu Martare, ticoro bahoro gãhũre, Lázaro gãhũre tutuaro cahĩdi. <sup>6</sup> Sa nino Lázaro tiqiro dohatigũ tuhooperota topũ Jesu pũa deco tojoari. <sup>7</sup> Pũa deco bato Jesu ohõ saha nidi usãre tiqiro buhenare:

—Pari turi Judea yehpapũ tojoa wahaũhna tja, nidi usãre.

<sup>8</sup> —Buhegũ, canaagãta judio masa mahũre utã paca mehna doque wejẽ duamedĩ. ¿Dũhsegũ pari turi tojoaa waha duajari mũhũ? nii usã pehe.

<sup>9</sup> Usã sa ni gãũ tũhoro tiqirore tiquina wejẽ masiedarĩne yahuro, queoye mehna buhero ohõ saha nidi usãre:

—Pajiro tũhotueracãhña. Ihcã decore doce horari waro ijire. Asũ deco cjũno ijigũ quehnoano ihñaja mari. Sa yena decore tinina, ne pũha boraeraja mari. <sup>10</sup> Nahitianopũ tiniñequina pũha boraah wahare. Asũ deco cjũno mariedagũ quehnoano ihñedare tiquina, nidi Jesu. (Sa nino ohõ saha nino niahye: “Yojopure yũhũ Pacũ yere yũhũ yahu pehoato dũhsarĩne. Sa ye yũhũre wejẽ masiedarĩne”, nino niahye.)

<sup>11</sup> Sa nino usãre yahu nemori tja:

—Mari mehna cjũno Lázaro, carĩno niaga. Tiqiro sa carĩrepegũta yũhũ tiqirore wahcõgũ wahaũtja, nidi usãre.

<sup>12</sup> —Pũhto, Lázaro carĩniqiro ijiro, yũhdũrota, nii usã.

<sup>13</sup> Usã sa niepegũta Jesu “Carĩno niaga”, nino “Yariaa wahare”, nino nidi jimedi. Tiqiro sa ni gãũ tũhona “Lázaro soro niaga”, ni tũhotumi usã pehe.

<sup>14</sup> Usã sa ni tũhotugũ masino Jesu poto yahuri usãre:

—Lázaro yariaa wahaga. <sup>15</sup> Yũhũ marieno tiqiro yariagũ quehnoarĩne. Sa yena masa yũhũre wacũ tutua nemonata. Isa mari ihñana wahaũhna tiqiro cahapũ, nidi Jesu.

<sup>16</sup> Tomasu sũhdũariqiro tiquina ni pisuriqiro ohõ saha nidi usãre:

—Mari gãhũ Jesu mehna wahaũhna. Tiqirore wejẽñe, mari gãhũre wejẽahdo, nidi Tomasu.

### *Jesu sa ijiducugũ yeriqiro masare masoriqiro ijire*

<sup>17</sup> Sa ye topure usã esari bato to cjẽna ohõ saha ni yahuri Jesure:

—Pititia deco wahare Lázaro mũnanore masa coperũ tiquina cũri bato, ni yahuri tiqirore.

<sup>18</sup> Betania pehe Jerusalẽ cahapũ ihtia kilómetro yoaro ijiri. <sup>19</sup> Sa ye usã acaye judio masa peyequina Martare, María gãhũre ñehe quea utiye ahtahye Lázaro yariari bato. <sup>20</sup> Sa yero Jesu mehna usã esana tana yegũ tũhoro Marta pehe usãre piti caro ahtari jiri. Ticoro sa piti caro wahagũ María pehe tiquina ya wũhũpũ tojoahye. <sup>21</sup> Sa piti caro Marta ohõ saha nidi Jesure:

—Pũhto, yũhũ bahũ tiqiro yariato pano mũhũ ohõpũ ijigũ tiqiro yarieraboaya. <sup>22</sup> Yojopũ gãhũre Cohãcjũre mũhũ sini basagũ tiqiro mũhũ sinino sahata yerota, nidi Marta Jesure.

<sup>23</sup> —Mũhũ bahũ masa wijiarota, nidi Jesu ticorore.

<sup>24</sup> —Ahri yehpa pihtiatĩ deco tiqiro masa wijiatore masiaja yũhũ, nidi ticoro.

<sup>25</sup> Ticoro sa ni gãũ Jesu yahuri tja:

—Yũhũ masa wijiajũ yegũ tjiaja. Yũhũ sa ijiducugũ yegũ tjiaja. Yũhũre wacũ tutuariqiro yarieperota sa ijiducurota. <sup>26</sup> Sa ye ijipihitiyequina Cohãcjũ mehna ijiducuyequina yũhũre wacũ tutuayequina ne pecapũ wahasi. ¿Ahrire masiajari mũhũ? nidi Jesu ticorore.

27 —Puhto, masiaja yuh<sub>u</sub>. Cristo Cohācjū macu, “Ahri yehpap<sub>u</sub> ahtarota”, tiquina nidigu mah<sub>u</sub> ijigū masiaja yuh<sub>u</sub>, nidi Marta Jesure.

*Lázaro masa cope cahap<sub>u</sub> esaro Jesu utiahye*

28 Marta sa ni tuhasa ticoro bahoro Mariäre pijiro wahari.

—Marine buheriquiro mari ya macap<sub>u</sub>re wihiri. Muh<sub>u</sub>re pijire, derogā ni yahuahye Mariäre.

29 Ticoro sa nigū tuhoro María sojaro mehna wahcād<sub>u</sub>ca, usā cahap<sub>u</sub> ahtahye Jesure ihñano taro. 30 Tiquina ya macap<sub>u</sub> esera nii usā. Marta ticoro piti cariror<sub>u</sub> ijini<sub>u</sub> usā. 31 Judio masa ti wuh<sub>u</sub>r<sub>u</sub> Mariäre ñehe quea utiye niahye. Sa ye ticoro wahagū ihñañe, tiquina ticorore nun<sub>u</sub> tā cāhye. “Ticoro baharo mñanore tiquina cūri copep<sub>u</sub> utiro waharo nine ticoro”, ni tuh<sub>u</sub>tumahye tiquina. Sa ni tuh<sub>u</sub>tuyey ticorore nun<sub>u</sub> tā cāhye.

32 Sa yero María usā cahap<sub>u</sub> wihiro, Jesure ihña, tiquiro dahpocāri cahap<sub>u</sub> d<sub>u</sub>sepe curi mehna quehe sari.

—Puhto, yuh<sub>u</sub> bah<sub>u</sub> tiquiro yariato pano mah<sub>u</sub> ohōp<sub>u</sub> ijigū tiquiro yariere-aboaya, nidi ticoro Jesure.

33 Sa yero judio masa ticoro mehna ahtariquina gūh<sub>u</sub> tiquina utigū ihñano Jesu pehe tutuaro buj<sub>u</sub>a witi ñano jeripohna tiri.

34 —¿Lázaro mñanore nohor<sub>u</sub> cohāri m<sub>u</sub>sa? ni sinituri Jesu.

—Ihñau taya, ni piji cāri tiquina.

35 Tiquina sa nigū tuhoro Jesu utiri.

36 —Lázaro mñanore Jesu tutuaro cahīmeyari, nidi judio masa tiquina basi.

37 Apequina pehe ohō saha nidi:

—Caperi bajueriquirore ihñagū yeriquiro ijire ahriquiro Jesu. ¿Sa yero Lázaro tiquiro yariato pano tiquirore yuh<sub>u</sub>d<sub>u</sub>oeraboayari? nidi tiquina.

*Lázaro masa wijiahye*

38 Sa yero Jesu pari tiri tutuaro buj<sub>u</sub>a witiri. Sa yena usā ijipihtina Lázaro masa copep<sub>u</sub> esau. Utāp<sub>u</sub> tiquina seheri cope ijiri. Sa yero tiquiro pagure tiquina siō sāa cūri cope ijiri. Sa yero ti cope pajiria utā mehna tiquina bihari cope ijiri.

39 —Utā bihariare neña, nidi Jesu.

Tiquiro sa nigū tuhoro Marta yariariquiro mñanano wahmiono ohō saha nidi:

—Puhto, yojo<sub>u</sub> pititia deco waha tuhasare tiquiro yariari bato. Sa yero tiquiro pag<sub>u</sub> ijiriro urī yuh<sub>u</sub>d<sub>u</sub>aga, nidi Jesure.

40 —“Yuh<sub>u</sub>re wacū tutuago Cohācjū tutuayere ihñagota”, mah<sub>u</sub>re nimigu, nidi Jesu Martare.

41 Tiquiro sa nedi bato tiquina utā bihariare ne wiori. Tiquina sa nedi bato Jesu pehe uh<sub>u</sub>m<sub>u</sub>sepe ihña m<sub>u</sub>o, Cohācjūre ohō saha nidi:

—Mai, yuh<sub>u</sub>re mah<sub>u</sub> tuh<sub>u</sub> tuhasari. Tire mah<sub>u</sub> yegū masigu bucueaja mah<sub>u</sub>re. 42 Yuh<sub>u</sub>re mah<sub>u</sub> decoripe tuh<sub>u</sub>ducure. Tire masiaja. Sa masiepegata yuh<sub>u</sub> mah<sub>u</sub> ohorigu yuh<sub>u</sub> ijigū ohōre ducuyequina tiquina masiatire mah<sub>u</sub>re sa niaja. Tire “Potota ijire”, tiquina nino quehnoano sa nigū niaja, nidi Jesu tiquiro Pac<sub>u</sub>rore.

43 Sa ni tuhasa Jesu tutuaro sañuducuri:

—Lázaro ahtaya, ni sañuducuri tiquiro.

44 Tiquiro sa nigū yariariquiro mñanano omocarine tiquiro dahpocāri gūh<sub>u</sub>re suhti caheri mehna tiquina d<sub>u</sub>htemediquiro, tiquiro dapure suhtiro mehna tiquina wahmemediquiro, masa copep<sub>u</sub> wijia tari.

—Tiquina d<sub>u</sub>hterire pāña tiquirore, nidi Jesu.

*Judio masa puhtoa pehe Jesure ñehe duamahye*  
(Mt 26.1-5; Mr 14.1-2; Lc 22.1-2)

<sup>45</sup> Tiquiro sa masogū ihñañe peyequina judio masa mehna cjēna María mehna ahtariquina Jesure wacū tutua, cahmedi. <sup>46</sup> Apequina tiquina mehna cjēna pehe fariseo masa cahap̄ esaye, Jesu yerire yahuahye tiquinare. <sup>47-48</sup> Sa ye pahia puhtoa, fariseo masa puhtoa gūh̄ cahmecoa, tiquina basi ohō saha ni yahuducuahye:

—Jesu peye tahari Cohācjū tutuaye mehna ye ihñore. Tiquiro sa ye ihñogū “Tire yeracāhña”, mari niedagū ijipihyequina masa tiqiurore cahmeñe, tiqiuro mehna wahaboaga. Sa ye Roma cjēna puhtoa Cohācjū wuh̄re cohā dutiye ohoeta tiquina yequina surarare. Mari ya dihta gūh̄re ehmaeta tiquina. (Mari ya dihta cjēna Jesure tiquina puhtoro cūgū ihñañe Roma cjēna puhtoa “Marine cohāñe nine”, ni usua ñano yeeta marine.) ¿Sa yena dūhse yenatari yojopare? ni yahuducuahye tiquina basi.

<sup>49</sup> Tiquina sa niepegūta apequiro Caifa wame tiriqiuro ti cahmare pahia puhtoro ijiri, tiquinare yahuahye:

—Musa pehe ne masiedare. <sup>50</sup> Judio masa ijipih̄tina mari ye ijiatire ihcāquiro masano tiqiuro yariagū quehnoare. Tiquiro yarieragū marine ijipih̄tina judio masare cohā peho cāboaga. Tire musa masiedare, niahye Caifa tiquinare.

<sup>51</sup> Sa nino tiqiuro esa tuharo sa nino niedahye. Pahia puhtoro tiqiuro ijigū judio masa ye ijiatire Jesu yariatire mari Pac̄u pehe Caifare sa ni yahu dutiahye. <sup>52</sup> Jesu yariaro judio masa dihitare yuh̄d̄oro taro niedare. Sa yariaro ijipih̄tinequina Cohācjū pohnene ahri yehpap̄ iji siteyequina gūh̄re ihcā curuata ijigū yeatire yariatiquiro ijiri Jesu. <sup>53</sup> Sa ye ti decota tiquina “¿Jesure dūhse ye wejēnatari mari?” ni yahuducuye, tiqiurore wejēñe tee niahye.

<sup>54</sup> Tiquina sa wejē duagū masino Jesu peyequina judio masa watoa pari turi tinino wahaerari. Sa yero masa marieno cahagā Efrai wame tiri macap̄ usāre siho wahari. Usāre ti maca siho tojoar̄di Jesu.

<sup>55</sup> Ti pjere pascua bose decori usā judio masa usā bose decori ijiatore mehenogā dūhsatjiari. Sa ye bose deco panogā masa peyequina apeye macari cjēna Jerusalēp̄ cahmecoari. Pascua cjēne tiquina ihyato pano Cohācjū yere yeye tehe, tiquina cahmomoh̄nore coh̄soro saha tiquina ñañene cosee tee nidi. <sup>56</sup> Sa ye tiquina Jesure macañe niahye. Sa ye Cohācjū wuh̄p̄u ijiequina ohō saha ni yahuducuahye:

—¿Bose decore ihñano ahtaeraboari Jesu, musa tūhotugū? niahye tiquina basi.

<sup>57</sup> Sa ye pahia puhtoa, fariseo masa gūh̄ ohō saha ni yahu dutiahye masare:

—Jesu wihigū ihñana, yahuya usāre. Tiquirore ñehena tana niaja, niahye puhtoa masare.

## 12

*María Jesu dahpocārine ehme sitiye mehna pio peoahye*  
(Mt 26.6-13; Mr 14.3-9)

<sup>1</sup> Jesu, usā tiqiuro buhena mehna Betaniap̄ usā esari bato pascua deco esato seis decori waro dūhsar̄di. Lázaro Jesu masoriquiro ti maca cjūno ijiri.

<sup>2</sup> Usā esari bato Jesu gūh̄ usā ihyatire dahreri apequina. Sa ye Lázaro, Jesu, usā mehna mesa cahap̄ nuju sa. Usā sa nuju sari bato Marta ihyayere peori usāre. <sup>3</sup> Sa yero María ehme sitiye uh̄sere nardo wame tiye cohor



uhsero kilo deco mehna ne cãhta Jesu dahpocãrine pio peori. Ti uhse wapa ti yuhduari. Pio peo tuhasa ticoro poari mehna wãori. Ticoro sa pio peori bato ti wuhã quehnoano ehme siti sehãa wahari. <sup>4</sup> Ûsã mehna cãno, Jesure ihña tuhtiyequinare ihñaotiquiro Juda Iscariote pehe ohõ saha nidi:

<sup>5</sup> —¿Duhse yero ahricoro sa ye siteajari? Tire ticoro duaboaya. Tire duaro tres cientos niñeru cjoerire wapataboaya. Sa yero ticoro ti niñerure pejesoyequinare ohoboaya, nidi tiquiro.

<sup>6</sup> Juda pehe pejesoyequinare yedoho duerari. Tiquiro usã niñerure ihbo basariquiro ijieperota yaqueriquiro ijiri. Sa yero tiquiro usã niñerure ihquẽ tahari ne mujari. Sa yero “Ti niñerure neitja”, nino, sa nidi Mariare tiquiro.

<sup>7</sup> Tiquiro sa nigũ tãhoro ohõ saha nidi Jesu:

—Sa niedacãhña ticorore. Ticoro ehme sitiye yuhãre ticoro daharire yuhãre pio peori, yuhãre tiquina yato pano yuhã pagure quehnoyuro. Pejesoyequina pehe msa mehna sa ijiducuetã. Sa yena tiquinare oho masine msa. <sup>8</sup> Yuhã pehe ahri yehpãre msa mehna sa ijiducusi, nidi Jesu.

### *Pahia pũhtoa Lázaro wejẽ duahye*

<sup>9</sup> Sa ye Jesu Betaniã tiquiro ijigũ tãhoye, usã acaye judio masa peyequina tiquirore ihñañe ahtari. Tiquiro dihitarẽ ihñañe ahtaye niedari. Lázaro yariamediquiro Jesu masoriquire tiquiro gãhãre ihñañe ahtaye nidi.

<sup>10</sup> Tiquina ihñañe esarire masiñe, pahia pũhtoa Lázaro gãhãre wejẽ duari.

<sup>11</sup> Lázaro yariamediquiro Jesu masoriquire ijigũ ihñañe peyequina masa Jesure wacũ tutuari. Tiquiro sa masogũ ihñañe peyequina judio masa tiquina pahia ye buhaye pehere duhu cãri. Tiquina sa duhugũ ihñañe pahia pũhtoa pehe usua yuhduye Lázaro wejẽ duari.

### *Jerusalẽrũ esahye Jesu*

(Mt 21.1-11; Mr 11.1-11; Lc 19.28-40)

<sup>12</sup> Pascua bõse decore tiquina yegũ peyequina masa Jerusalẽrũ ihñañe wahari jiri. Ape deco Jerusalẽrũ Jesu ahtatire masa tãhori. <sup>13</sup> Sa ye iqui pohnarine ne cã, tiquirore pitũ caye wahari. Sa piti caye ohõ saha ni sañuducuri tiquina:

—Ahriquire ño peuhna. Ahriquire Cohãcã ohoriquire quehnoano ijiahro. Ahriquire judio masa mari pũhtoro tjire, ni sañuducuri tiquina.

<sup>14</sup> Jesu burrogã tiquiro bocariquiregã bui pesari. “Ohõ sahata yerota”, ni ojoahye Cohãcã yere tiquina ojoari pũrũ:

<sup>15</sup> Jerusalẽ wame tiri macã cãna, cueracãhña msa. Ihñaña. Msa pũhtoro burrogã bui pesã cãhtare, ni yahuahye Cohãcã yere tiquina ojoari pũrũ.

<sup>16</sup> “Tiquina sa ni ojoari Jesure nino niaga”, ni, usã tiquiro buhena quehnoano masiedarĩ. Sa masiedapenata uhmusepũ Jesu mujari bato usã ti ojoarire wacũ boca tãho masii. Ohõ saha ni tãhotuu: “Cohãcã yere tiquina ojoari pũ pehe Jesure yahuro nimeya. Sa ye Cohãcã yere tiquina ojoari pũ nidiro sahata yeri masa Jesure”, ni tãhotu, masii usã.

<sup>17</sup> Lázaro masa cõpẽrũ ijiriquire Jesu pise masogũ ihñariquina pehe yahuri masare. <sup>18</sup> Sa ye Lázaro Jesu masorire tãhori bato masa peyequina Jesure ihñañe ahtari. <sup>19</sup> Tiquina sa ahtagũ ihñañe fariseo masa tiquina basi ohõ saha niahye:

—Ijipihitiyequina Jesu yequina dihita wahaye nine yojõpãre. Sa yena mari duhse ye masiedaga tiquinare, niahye fariseo masa tiquina basi.

### *Meheñequinagã griego masa Jesure macã cãhtahye*

20 Sa ye bose deco Cohãcjüre ño peoye ahtayequina mehna cjëna meheñequinagã griego masa ijiri. 21 Sa ye tiquina Felipe cahapũ wihiahye. Felipe pehe Betsaida wame tiri maca Galilea yehparũ ijiri maca cjãno ijiri. Sa ye tiquiro cahapũ wihiriquina ohõ saha niahye tiquirore:

—Jesure ihña duaga usã, niahye tiquina.

22 Tiquina sa nigũ tuhoro Felipe Andreparẽ tire yahuro wahahye. Sa ye tiquina pũaro Jesure yahuri. 23 Tiquina sa ni yahuri bato Jesu tiquinare yahuri:

—Yũhũ masũ Cohãcjũ ohorigũ ijiaja. Yũhũre ijipihtiyequina tiquina ño peoati pje yojopũre ijirota nine. Yojopũre yũhũ yariati pje ijirota nine. 24 Potota masare yahugũ niaja. Oteri pjere yehparũ mari yaeragũ, ti pjere mari oteragũ ihcã pjeta tojoarota. Sa yero ti pjere mari yari bato pihni, dũca tirota. (Sata yũhũ yariari bato yũhũre tiquina yari bato peyequina masare Cohãcjũ mehna sa ijiducuatiquina ijigũ yeitja yũhũ.) 25 Ahri yehparũ mũsa ijiyere pajiro tuhutuboaga mũsa. Sa tuhutuna Cohãcjüre wacũedana, pecapũ wahanata mũsa. Ahri yehparũ mũsa ijiyere sa tuhutu cãna, Cohãcjũ mehna sa ijiducunata. 26 Yeere ye duana yũhũ buheyere quehnoano tuhoya mũsa. Mũsa sa yena mũsa gãhũ yũhũ ijiorũ ijinata. Yeere yeriquirore yũhũ Pacũ pehe ño peorota, nidi Jesu.

### *Jesu tiquiro yariatore yahuahye*

27 Sa ni tuhasa ohõ saha ni nemori:

—Yojopũre yũhũ ñano jeripohna tiaja. ¿Yũhũ Pacũre dũhse nigũtari yũhũ? ¿“Mai, yũhũ ñano yũhdũatire yeracãhña yũhũre”, niboagari yũhũ? Tire niedaja yũhũ. Ñano yũhdũacjũta ahri yehparũ ahtaũ. Sa yero yũhũ ñano yũhdũati pje yojopũre ijirota nine, ni yahuri usãre tiquiro buhenare.

28 Sa yero ohõ saha nidi tiquiro Pacũrore:

—Mai, mũhũ tutuagũ ijiyere yojopũre ihñõña masare, nidi Jesu tiquiro Pacũrore.

Tiquiro sa nigũ uhmũseparũ yahuducuro ca tari:

—Tutuagũ yũhũ ijiyere masare ihñõ tuhasaũ. Yojopũre sa yegũ pari turi ihñoutja masare, nino ca tari.

29 Tiquiro sa nigũ tuhoye topũ ducuyequina masa peyequina ohõ saha nidi:

—Uro ijiaja sa bisiro, nidi masa.

—Angel Jesure yahuro nidi, nidi apequina masa.

30 Ohõ saha nidi Jesu pehe:

—Uhmũseparũ sa bisiro yũhũre tuhõ dutiro niedari. Mũsa pehere tuhõ dutiro sa bisiro ca tari. 31 Yojopũre ahri yehpa cjëna tiquina ñañe yeri buhirire buhiri dahrerota tiquinare. Ahri yehpa cjëna pũhoro wafĩnore cohãnota Cohãcjũ. 32 Sa yegũ yũhũre curusapũ tiquina wahcõ docogũ peyequina masare yeequina ijiatiquinare yeitja yũhũ, nidi Jesu.

33 Sa nino curusapũ tiquiro yariatire yahuro nidi Jesu masare. 34 Tiquiro sa nigũ tuhoye masa pehe tiquirore ohõ saha nidi:

—Cohãcjũ yere tiquina ojoari pũpũ ohõ saha nine: “Cristo ijipihtiyẽ decori ijirota”, ni ojoahye. ¿Tiquiro sa ni ojoagũ mũhũre masare Cohãcjũ ohorigure dũhse yeye curusapũ wahcõ docoetari masa mũhũre? ¿Masũno Cohãcjũ ohoriquiro noa ijiajari tiquiro? ni sinituri tiquina.

35 Tiquina sa nigũ ohõ saha ni yũhtiri Jesu:

—Buhrioro mehna mari ihña masigũ yero saha masare Cohãcjũ yere quehnoano masigũ yeaja yũhũ. Came cjũnogã mũsa mehna ijisi yũhũ. Mũsare yũhũ buhegũ yojopũre tuhoya mũsa “Ñañe yeari”, nina, Cohãcjũ mehna mũsa

sa ijiducuatire. Yuhũ buheyere tũhoeyequina nahitiano tiniñequina yero saha tiquina wahatore masiedare. <sup>36</sup> Sa yegu buhrioro yero saha ijigu ijiaja yuhũ. Sa yegu masare buhegu Cohãcjũ yere quehnoano masigũ yeaja masare. YojoPURE yuhũ wahato pano yuhũre wacũ tutuaya. Sa wacũ tutuana yeequina ijinata masa, nidi Jesu.

Sa ni yahu tuhasa duhti cãa wahari.

### *Judio masa Jesure cahmedahye*

<sup>37</sup> Peye tahari Cohãcjũ tutuaye mehna tiquinare Jesu tiquiro ye ihñoepegũta peyequina judio masa tiquirore ne tũho duerari. <sup>38</sup> Cohãcjũ yere tiquina ojoari pũrũ Isaia mũnano tiquiro ojoariro sahata yeye nidi tiquina. Ohõ saha ni ojoahye Isaia mũnano:

Cohãcjũ, mũhũ buheyere usã yahugũ masa ne tũho duerare. Mũhũ tutuayere tiquinare mũhũ ye ihñoepegũta, tire “Poto ijierare”, nidi tiquina, ni ojoahye Isaia mũnano.

<sup>39</sup> Tiquina sa tũho dueragũ ihñano Cohãcjũ tiquinare masiedagũ yeri. Ti gũhũre Isaia mũnano ohõ saha ni ojoahye:

<sup>40</sup> Caperi bajueyequina yero saha ijigũ yee tiahye Cohãcjũ tiquinare. Sa yero tiquiro yere masiedagũ yee tiahye tiquinare. Sa ye tiquiro tutuayere ihñapeta tiquina ihñarire masiedare. Sa ye tiquiro buheyere tũhoepeta tire masiedare tiquina. Cohãcjũ ye buheyere masiñe tiquina ñañe yerire cohã dutiboaya. Sa yero tiquinare yuhũno boaya tiquiro, ni ojoahye Isaia mũnano Cohãcjũ yere tiquina ojoari pũrũ.

<sup>41</sup> Sa ni ojoaro Isaia Cristo tutuayere masino tiquiro nidiro sahata Cristore yahu ojoahye.

<sup>42</sup> Apequina Jesure tiquina cahmedapegũta judio masa usã pũhtoa mehna cjẽna peyequina Jesure wacũ tutua, cahmedi. Sa cahmpeta tiquina fariseo masare cueye apequinare “Jesu yequina wahau usã”, ni yahu duerari. Tire tiquina yahugũ tũho ye Jesure tiquina cahmedi buhiri judio masa usã buheri wũhũrũ tiquinare sajã dutieraboaga fariseo masa pehe. <sup>43</sup> Cohãcjũre bucuẽgũ ye duepeta ti yuhũoro fariseo masa pehere bucuẽgũ ye duari Jesure cahme dũcayequina. Sa ye tiquina “Jesu yequina wahau”, ni apequinare yahu duerari.

### *Jesu yahuyere tiquina tũho duerari buhiri masa buhiri tieta*

<sup>44</sup> Sa ye Jesu tutuaro sañuducu, yahuri:

—Yuhũre wacũ tutuariquiro yuhũ dihitarẽ wacũ tutuerare. Yuhũre ohoriquiro gũhũre wacũ tutuare tiquiro. <sup>45</sup> Sa ye yuhũre masiñequina yuhũre ohoriquiro gũhũre masine. <sup>46</sup> Buhrioro mehna mari ihña masigũ yero saha ahri yehparũ Cohãcjũ yere masigũ yei ahtaũ nii yuhũ. Sa yegu Cohãcjũ yere masare masigũ yeaja. Ihcãquiro nahitiano wahariquiro yero saha ñañene yeducure. Yuhũre wacũ tutuariquiro tiquiro yero saha yesi. Yuhũre wacũ tutuariquiro potota tũhorota. <sup>47</sup> Apequina yuhũ yahuyere tũhoepeta yuhũ nidiro saha yerare. Tiquina sa yerapegũta tiquina yerari buhirire buhiri dahresi yuhũ pehe tiquinare. Ahri yehparũre buhiri dahregũ ahtagũ niedũ yuhũ. Ahri yehpa cjẽnare pecarũ wahaboriquinare yuhũno acjũ ahtagũ nii yuhũ. <sup>48</sup> Yuhũre cahmeeñequina, yuhũ yahuyere gũhũre cahmeeñequina buhiri dahrenohatiquina ijeta. Tiquina yuhũ yahuyere tiquina tũhoerari buhiri ahri yehpa pihtiri deco ijigũrũ buhiri tieta. <sup>49</sup> Yuhũ esa tuhoro yeraja. Yuhũ Pacu yuhũre ohoriquiro pehe yuhũre yahu dutiri. Sa yero yuhũ yahuyere pehe tiquiro ye yahuducuyere ijire. <sup>50</sup> Tiquiro ye yahuducuyere tũhona Cohãcjũ

mehna sa ijiducunata m̄usa. Sa yegu ȳuh̄u Pac̄u tiquiroya yahu dutiriro sahata yahuaja m̄usare, nidi Jesu.

## 13

### *Jesu buheyequina dahpoc̄arine coseahye tiquiroya*

<sup>1</sup> Sa ye pascua deco bose deco panoḡa ahri yehpare tiquiroya coh̄a c̄atore tiquiroya Pac̄uro cahap̄u tiquiroya wahatore masidi Jesu. Sa yero ahri yehpa c̄j̄enare tiquiroya yequinare tiquiroya tutuaro cah̄idi tiquina mehna tiquiroya ijiro puno. Sa cah̄iducure tiquiroya yequinare.

<sup>2</sup> Ti ñamine Jesu us̄a tiquiroya buhena mehna us̄a ihyaḡu Juda Iscariotere Simo mac̄unore Jesure ih̄na tuhtieyquinare ih̄no duti tuhasari jiri wat̄ino pehe.

<sup>3</sup> Sa yero mari Pac̄u Coh̄ac̄j̄u Jesure ijipih̄tiyequina bui tiquiroya p̄h̄tore s̄ore masidi Jesu. Sa yero Coh̄ac̄j̄u cahap̄u tiquiroya ahtarire came uhm̄usep̄u tiquiroya m̄ajati ḡuh̄re masidi. <sup>4</sup> Sa masino wahc̄ad̄uca, tiquiroya suhtiro bui c̄j̄anore tu we ne, tore c̄u tuhasa, suhtiro cahsero mehna tiquiroya pari yuj̄u d̄ahteri.

<sup>5</sup> D̄ah̄te tuhasa, waparop̄u acore pio s̄a, us̄a tiquiroya buhena dahpoc̄arine cose d̄ucari. Us̄are cose tuhasa tiquiroya d̄ahteri cahsero mehna w̄ori us̄a dahpoc̄arine.

<sup>6</sup> Apequina buheyequinare cose c̄a, Simo Pedrop̄are esari. Tiquiroya dahpoc̄arine tiquiroya coseato pano Pedro pehe tiquiroya oh̄o saha nidi:

—¿P̄h̄to, ȳuh̄u dahpoc̄arine coseḡu t̄u niajari m̄uh̄u? nidi Pedro Jesure.

<sup>7</sup> —Mianoḡa m̄uh̄re ȳuh̄u yeaire masiedare m̄uh̄u. Sa masiedap̄egata camer̄u masiita m̄uh̄u, nidi Jesu tiquiroya.

<sup>8</sup> —Ȳuh̄u dahpoc̄arine ne cosesi m̄uh̄u, nidi Pedro.

—M̄uh̄re ȳuh̄u coseraḡu yaquiroya ijisi m̄uh̄u, nidi Jesu.

<sup>9</sup> —P̄h̄to, ȳuh̄u dahpoc̄ari dihitare coserac̄ah̄na. Ȳuh̄u dahpoc̄arine, ȳuh̄u omocarine, ȳuh̄u dapu ḡuh̄re coseya, nidi Pedro.

<sup>10</sup> Tiquiroya sa niḡu Jesu queoye mehna buhero oh̄o saha nidi:

—Ihc̄aquiroya mas̄ano cuhsaro tiquiroya paḡare quehnoano tu cose pehore. Sa yero pari turi tiquiroya tu cosero cahmedare. Tiquiroya dahpoc̄ari dihitare tu cosero cahmene. Ijipih̄tina m̄usa ñāne yerire coserina m̄usa ijiepeḡata ihc̄aquiroya m̄usa mehna c̄j̄ano tiquiroya ñāne cosemehnediquiroya ijire, nidi Jesu.

<sup>11</sup> Jesu tiquiroya ih̄na tuhtieyquinare ih̄noatiquiroya masidi: Sa masino “Ihc̄aquiroya m̄usa mehna c̄j̄ano tiquiroya ñāne cosemehnediquiroya ijire”, nidi.

<sup>12</sup> Us̄a dahpoc̄arine cose tuhasa, tiquiroya suhtirore saña tuhasa, nuju sari tiquiroya dujirir̄op̄ata.

—¿Mianoḡa m̄usare ȳuh̄u yerire masiajari m̄usa? <sup>13</sup> M̄usa ȳuh̄re “Buhegu”, ni pisuna, “P̄h̄to”, ni pisuna poto ninata nine m̄usa ȳuh̄re. M̄usare buhegu, m̄usa p̄h̄to potota ijiaja ȳuh̄u. <sup>14</sup> Sa yena ȳuh̄u m̄usare buhegu, m̄usa p̄h̄to ijiepeḡata m̄usa dahpoc̄arine ȳuh̄u coseḡu ih̄lana m̄usa ḡuh̄u m̄usa mehna c̄j̄ena dahpoc̄arine coseya. <sup>15</sup> Mianoḡa m̄usa yeaire m̄usare ih̄nou. M̄usa mehna c̄j̄enare m̄usa yedohtare ih̄nou. M̄usare ȳuh̄u yeriro sahata m̄usa ḡuh̄u yeya. <sup>16</sup> Ijirota niaja m̄usare. M̄usa ȳuh̄u cahac̄j̄ena yero saha ijina ȳuh̄u bui ijierare. M̄usare buhe duti ȳuh̄u ohorina ijire m̄usa. Sa yena ȳuh̄u bui ijierare m̄usa. Sa yegu “Ȳuh̄u yeriro sahata yeya”, nii m̄usare. <sup>17</sup> Ahrire masina, ȳuh̄u dutiyere yena, bucuena ijinata m̄usa.

<sup>18</sup> M̄usare ijipih̄tinare sa niedaja. Ȳuh̄u beseriquinare masiaja ȳuh̄u. Coh̄ac̄j̄u tiquiroya yere tiquina ojoari p̄p̄u tiquiroya ni ojoariro sahata waharota. “Ȳuh̄u mehna ihyariquiroya ȳuh̄re wej̄e duari”, ni ojoahye Coh̄ac̄j̄u yere tiquina ojoari p̄p̄u. <sup>19</sup> Tiquiroya sa yeato pano ahrire yahuyuḡu niaja m̄usare.

Yuhare tiquiro sa yeri bato, “Jesuta Cristo Cohācjū ohoriquirota ijire”, m̄sa niatire ahrire m̄sare yahuyugū niaja yuh̄. <sup>20</sup> Ijirota m̄sare niaja. Yuh̄ ohoriquinare cahmediquiro yuh̄ gūh̄are cahmene tiquiro. Sa yero yuh̄are cahmediquiro yuh̄are ohoriquiro gūh̄are cahmene tiquiro, nidi Jesu ūsāre tiquiro buhenare.

*Juda Jesure ih̄ña tuhtiyequinare tiquiro ih̄ñootore yahuahye Jesu*  
(Mt 26.20-25; Mr 14.17-21; Lc 22.21-23)

<sup>21</sup> Sa ni yahu tuh̄asa Jesu tutuaro buj̄na witiri. Sa buj̄na witiro yahuri tiquiro ūsāre.

—Ijirota m̄sare niaja. Ihcāquiro m̄sa mehna cj̄no yuh̄are ih̄ña tuhtiyequinare yuh̄are ih̄ñonota, nidi Jesu.

<sup>22</sup> Tiquiro sa nigū tuh̄ona Jesure ih̄ñootiquirore masiedana, ūsā basi cahme ih̄ñau. <sup>23</sup> Jesu buheyequina mehna cj̄ yuh̄, Jesu cah̄idigū ij̄i. Sa yegū tiquiro cahapū pari paha duj̄i. <sup>24</sup> Sa yero Simo Pedro yuh̄are tiquiro omoca mehna sinituri:

—¿Jesure ih̄ñootiquiro noa pehere nino niajari Jesu? Yahuya ūsāre, nino, tiquiro omoca mehna sinituri Pedro.

<sup>25</sup> Tiquiro sa nigū yuh̄ pehe Jesu cahapū duj̄irigū sinituu tiquirore:

—¿P̄ahto, noare nigū niajari m̄h̄h̄? ni yuh̄.

<sup>26</sup> —Ahria p̄are dahra waha ne, yuh̄ ña mio yuh̄ ohoatiquiro pehe tiquirota ijire yuh̄are ih̄ñootiquiro, nidi Jesu.

Sa ni tuh̄asa p̄are tiquiro dahra waha nedirore ña mio tuh̄asa tire Simo Iscariote mac̄nore Judare ohori. <sup>27</sup> Sa yero p̄are tiquiro ñehedi bato waf̄no pehe Judare ñano ye dutiri jiri. Sa yero Jesu tiquirore oh̄o saha nidi:

—M̄h̄h̄ yeatore sojaro mehna ye madoqueohya m̄h̄h̄, nidi Jesu Judare.

<sup>28</sup> Tiquiro sa nigū tuh̄ona ūsā mesapū duj̄ina, Jesu Judare tiquiro nidire quehnoano masieda. <sup>29</sup> Ihquēquina oh̄o saha ni tuh̄otumi: “Juda ūsā niñerure ih̄boriquiro ijire. Sa yero bose deco ūsā ihyatire dú dutiro ohori Jesu Judare. O pejec̄oyequinare niñerure oho dutiro niboaga Jesu”, ni tuh̄otumi ūsā ihquēquina. <sup>30</sup> Sa yero Juda ti p̄are ñehe tuh̄asa, wijiāa wahari. Tiquiro wijiari pje ñami ijiri.

*Wahma dutirore yahuahye Jesu*

<sup>31</sup> Tiquiro wijiari bato oh̄o saha nidi Jesu:

—Yojoṙū p̄uritare yuh̄ masū Cohācjū ohorigū yuh̄ tutuagu yuh̄ ijiye tiyere ih̄ñonota Cohācjū masare. Sa yegū Cohācjū tiquiro tutuariquiro ijiyere ih̄ñoutja yuh̄ pehe. <sup>32</sup> Sa yegū Cohācjū tiquiro tutuayere yuh̄ ih̄ñogū tiquiro pehe yuh̄ tutuaye gūh̄are yojoṙū p̄uritare ih̄ño madoqueorota. <sup>33</sup> Yuh̄ pohna yuh̄are tuh̄oya. Meheñe decorigā m̄sa mehna ijinigtja. Yuh̄ wahari bato yuh̄are macanata m̄sa. Sa yegū mari acaye judio masare yuh̄ nidiro sahata m̄sa gūh̄are niaja. “Yuh̄ wahatore m̄sa pehe waha masiedare”, tiquinare yuh̄ nidiro sahata m̄sa gūh̄are yahuaja. <sup>34</sup> Wahma dutirore m̄sare yahugutja. M̄sa mehna cj̄enare cah̄ña m̄sa. M̄sare yuh̄ cah̄diro sahata, m̄sa mehna cj̄enare cah̄ña. <sup>35</sup> Sa yena m̄sa mehna cj̄enare m̄sa cah̄gū ih̄ñaña, yeequina m̄sa ijiyere masieta apequina, nidi Jesu ūsāre.

*“Jesure masiedaja”, Pedro tiquiro niatire yahuahye Jesu*  
(Mt 26.31-35; Mr 14.27-31; Lc 22.31-34)

<sup>36</sup> Tiquiro sa nigū Simo Pedro Jesure sinituri:

—¿P̄ahto, nohoṙū wahañtjari m̄h̄h̄? nidi Pedro.

—Yuh̄ wahatore yojoṙū yuh̄ mehna waha masiedare m̄h̄h̄. Yojoṙū waha masiedapeguta came yuh̄ cahapū wahañta m̄h̄h̄, nidi Jesu Pedore.

<sup>37</sup> —¿Puh̄to, dah̄segū yojop̄ure m̄uh̄u mehna waha masiedaboari yuh̄u? Yuh̄ure tiquina wejē duepeḡata m̄uh̄ure ne duhusi yuh̄u, nidi Pedro Jesure.

<sup>38</sup> —¿Yuh̄ure ne duhueraḡutari m̄uh̄u? Poto m̄uh̄ure yahutja. Canaca tiquiro yahuato pano “Jesure masiedaja”, niita m̄uh̄u apeq̄uinare. Ihtia taha sa niita m̄uh̄u, nidi Jesu Pedrose.

## 14

### *Jesu Coh̄c̄j̄u cahap̄u wahari maha yero saha ijire*

<sup>1</sup> Came Jesu us̄are oh̄o saha ni yahuri:

—Ne buj̄ua witi, pajiro wac̄uedac̄ah̄na. Coh̄c̄j̄ure wac̄u tutuaya. Sa yena yuh̄u ḡuh̄ure wac̄u tutuaya. <sup>2</sup> Yuh̄u Pac̄u tiquiro ijirop̄ure peye wuh̄use ijire. M̄usa ijiatore quehnoyuḡu wahaḡutja. Ti ijirota ijire. Sa yeḡu m̄usare tire yahuaaja. <sup>3</sup> Sa yeḡu m̄usa ijiatore quehno tuhasa, tojoa tantja yuh̄u. Sa yeḡu yuh̄u cahap̄u m̄usa ijiatore m̄usare neḡu ahtautja yuh̄u. <sup>4</sup> Sa yena yuh̄u wahati mahare masine m̄usa, nidi Jesu us̄are tiquiro buhenare.

<sup>5</sup> —Puh̄to, m̄uh̄u wahatore masiedaja us̄a. ¿Sa yena dah̄se ye m̄uh̄u wahati mahare masinatari us̄a? ni sinituri Tomasu Jesure.

<sup>6</sup> Tiquiro sa ni sinituḡu Jesu yuh̄tiri:

—Coh̄c̄j̄u cahap̄u wahaḡu yeḡu ijiita niaja yuh̄u. Sa yeḡu poto ijiyere yahuḡu ijiita niaja yuh̄u. Sa yeḡu ah̄m̄usep̄ure catiducuḡu yeḡu ijiita niaja yuh̄u. Sa ye yeequina dihita yuh̄u Pac̄u cahap̄u wahaeta. <sup>7</sup> Yuh̄ure masina, yuh̄u Pac̄u ḡuh̄ure masiboya m̄usa. Yojop̄ure tiquirore ih̄fari m̄usa. Sa yena tiquirore masi tuhasare m̄usa, nidi Jesu us̄are.

<sup>8</sup> Tiquiro sa niḡu Felipe oh̄o saha nidi:

—Puh̄to, mari Pac̄ure ih̄ñoña us̄are. To punota ih̄ña duaja us̄a, nidi tiquiro.

<sup>9</sup> Tiquiro sa niḡu Jesu yahuri:

—¿Felipe, yoari pje yuh̄u mehna ijiepeḡata, m̄uh̄u masiedajari yuh̄ure? Yuh̄ure ih̄fariquiro yuh̄u Pac̄u ḡuh̄ure ih̄ña tuhasari. ¿Sa yeḡu “Mari Pac̄ure ih̄ñoña us̄are”, niḡu dah̄segū sa nijari m̄uh̄u yuh̄ure? <sup>10</sup> Yuh̄u, yuh̄u Pac̄u mehna p̄ana ijiepenata ih̄c̄ata ijiaja. ¿Tire “Poto ijerare”, niimeje nijari m̄uh̄u? M̄usare yahuḡu yuh̄u esa tuharo yahuḡu niedaja. Yuh̄u Pac̄ure yahu basaḡu niaja. Sa yero tiquiro yuh̄u mehna ijiiriquiro tiquiro tutuaye mehna ye ih̄ñore. <sup>11</sup> Yuh̄u, yuh̄u Pac̄u mehna p̄ana ijiepenata ih̄c̄ata ijiaja. Tire “Ijirota ijire”, ni wac̄uñna m̄usa. Tire “Ijirota ijire”, niedana, Coh̄c̄j̄u tutuaye mehna yuh̄u ye ih̄ñore wac̄uñna, yuh̄u Pac̄u mehna yuh̄u ih̄c̄ata ijiyere “Ijirota ijire”, ni wac̄uñna m̄usa. <sup>12</sup> Ijirota m̄usare niaja. Yuh̄ure wac̄u tutuariquiro yuh̄u yeriro sahata yerota. Sa yero tiquiro pehe yuh̄u yuh̄d̄uro yerota. Yuh̄u Pac̄u cahap̄u tojoa wahan̄ t̄u niaja yojop̄ure. Sa yero yuh̄ure wac̄u tutuariquiro yuh̄u yuh̄d̄uro Coh̄c̄j̄u tutuaye mehna ye ih̄ñonota. <sup>13</sup> Sa yeḡu yuh̄ure wac̄u tutuayequina tiquina sinino punota yeitja. Sa yeḡu yuh̄u Pac̄u tiquiro tutuariquiro ijiyere ih̄ñoutja. <sup>14</sup> Yuh̄ure wac̄u tutuana m̄usa ijiiḡu m̄usa sinino punota yeitja, nidi Jesu.

—*Esp̄ritu Santore m̄usare ohoutja, ni yahuahye Jesu*

<sup>15</sup> Sa ni tuhasa oh̄o saha ni nemori:

—Yuh̄ure m̄usa cah̄na, yuh̄u dutiyere quehnoano ye pehonata. <sup>16</sup> Yuh̄u Pac̄ure sinitja. Yuh̄u sa siniḡu yuh̄u Pac̄u pehe apeq̄uire m̄usare yedohtiquirore m̄usare ohorota. Sa yero tiquiro m̄usare yedohtiquiro pehe ijiip̄hiyere decori m̄usa mehna ijirota. <sup>17</sup> Tiquiro poto yahuriquiro Esp̄ritu Santota ijire. Ahri yehpa c̄j̄ena pehe Esp̄ritu Santore masiedare. Sa ye tiquirore c̄no masiedare. Tiquirota m̄usa mehna ijirota. Sa yena m̄usa pehe

tiqirore c̄onata. Sa yena tiqirore masine m̄asa. <sup>18</sup> M̄sare coh̄asi ȳh̄u. M̄sa mehna ijiḡu taḡu, tojoa tautja ȳh̄u. <sup>19</sup> Sa ijiepeḡuta mehenoḡa d̄hsare ȳh̄u wahato. Ȳh̄u wahari bato ahri yehpa cj̄ena ȳh̄ure wac̄u tutueyequina ȳh̄ure pari turi ih̄n̄asi. M̄sa pehe ȳh̄ure ih̄n̄anata. Ȳh̄u catiḡu ijiḡu m̄sa ḡh̄u ijipih̄tiye decori Coh̄ac̄j̄u mehna catinata. <sup>20</sup> Ti deco ȳh̄u tojoa tati deco ȳh̄u Pac̄u mehna ih̄c̄uta us̄a ijiḡu masinata m̄sa. Sa yegu ȳh̄u mehna cj̄ana m̄sa ijiḡu m̄sa mehna cj̄u ȳh̄u ijiḡu ḡh̄ure masinata m̄sa. <sup>21</sup> Ȳh̄u dutiyere yeriquiro ȳh̄ure cah̄iniquirota ijire. Sa yero ȳh̄ure cah̄iniquirore ȳh̄u Pac̄u pehe cah̄inota. Sa yegu ȳh̄u ḡh̄u tiqirore cah̄itja. Sa ye ȳh̄ure quehnoano masiḡu yeitja tiqirore, nidi Jesu us̄are tiqiro buhenare.

<sup>22</sup> Us̄a mehna cj̄ano apequiro Juda wame tiriquiro ijiri. Juda Iscariote Jesure ih̄n̄a tuhtiyequinare ih̄n̄oatiquiro ijierari tiqiro. Apequiro Juda ijiri. Sa yero tiqiro Jesure sinituri:

—¿P̄h̄to, d̄hse yeitjari m̄h̄u us̄are sa niḡu? ¿Ahri yehpa cj̄enare m̄h̄ure masiḡu yeragu, yabere yeitari m̄h̄u us̄a dihitare m̄h̄ure masiḡu yegu? ni sinituri Juda.

<sup>23</sup> Tiquiro sa niḡu t̄horo Jesu tiqirore yahuri:

—Ȳh̄ure cah̄inequina, ȳh̄u dutiyere quehnoano yeye nine. Tiquina sa yeḡu ȳh̄u Pac̄u pehe tiqinare cah̄inota. Sa yena tiquina mehna ijina ahtanatja us̄a. <sup>24</sup> Ȳh̄ure cah̄eniquiro ȳh̄u dutiyere yerare. Sa ye ȳh̄u yahuye m̄sa t̄hori pehe yee yahuye ijierare. Ȳh̄ure ohoriquiro ye yahuye pehe ijire. Tiquiro ȳh̄u Pac̄u ta ijire.

<sup>25</sup> M̄sa mehna ijiniḡu ahrire m̄sare yahuḡu niaja. <sup>26</sup> Came ȳh̄u siniḡu ȳh̄u Pac̄u Esp̄ritu Santore ohorota m̄sare. Sa yero Esp̄ritu Santo pehe m̄sare yedohoatiquiro ijiro, m̄sare buhe pehorota tiqiro. Sa yero m̄sare ȳh̄u yahurire m̄sare wac̄uḡu yerota tiqiro.

<sup>27</sup> M̄sare quehnoano ijiḡu yeitja ȳh̄u. Ȳh̄u quehnoano ijiriro sahata quehnoano ijiḡu yeitja ȳh̄u m̄sare. Ahri yehpa cj̄ena tiquina ni mehoriro sahata yesi ȳh̄u m̄sare. Ȳh̄u p̄rita potota quehnoano ijiḡu yeitja m̄sare. B̄j̄na witi pajiro wac̄edac̄h̄n̄a m̄sa. Sa yena cuerac̄h̄n̄a m̄sa. <sup>28</sup> “Ȳh̄u wahautja. Sa yegu m̄sa mehna ijiḡu taḡu tojoa tautja”, m̄sare ȳh̄u sa ni yahuḡu t̄ho tuhasari m̄sa. Tire t̄hona, bucueboaya m̄sa. Ȳh̄ure m̄sa poto cah̄ina, bucueboaya m̄sa. Ȳh̄u Pac̄u pehe ȳh̄u ȳh̄uro tutuare. Sa yena tiqiro cah̄ar̄u ȳh̄u wahatore m̄sa masidi bato ȳh̄ure cah̄ina, bucueboaya m̄sa. <sup>29</sup> M̄sa ȳh̄ure wac̄u tutuatire ȳh̄u wahatore yahuyugu niaja m̄sare.

<sup>30</sup> Ahri yehpa cj̄ena p̄h̄to waf̄no p̄h̄to ijiro taro nine yojop̄re. Tiquiro sa ijiro taḡu ȳh̄u m̄sa mehna ȳh̄u yahuducu bato tiati pje mehenoḡa d̄hsare. Tiquiro pehe ȳh̄ure ȳh̄uduc̄a masiedare. <sup>31</sup> Sa yegu ȳh̄ure ȳh̄u Pac̄u tiqiro dutiriro sahata yeaja ȳh̄u. Sata yeaja ȳh̄u, ȳh̄u Pac̄ure ȳh̄u cah̄ine ahri yehpa cj̄ena tiquina masiatire. Wahc̄aduc̄aya. Isa wahana, nidi Jesu us̄are tiqiro buhenare.

## 15

### *Jesu uhse da yero saha ijiriquiro ijire*

<sup>1</sup> Came queoye mehna buhero us̄are oh̄o saha nidi Jesu:

—Ȳh̄u potota uhse da yero saha ijiḡu ijaia. Ȳh̄u Pac̄u pehe uhse dare ih̄n̄a ih̄boriquiro yero saha ijire. <sup>2</sup> Yeequina uhse da d̄p̄ari yero saha ijieyquina ȳh̄u mehna cj̄enata ijire. Uhse da d̄p̄ari d̄ca marieñe d̄p̄arire ih̄n̄a ih̄boriquiro tiqiro pehe coh̄ar̄o saha ȳh̄u Pac̄u tiqiro cah̄meñene yeriquinare coh̄are. D̄ca tiye d̄p̄arire ih̄n̄a ih̄boriquiro tiqiro quehnoriro saha ȳh̄u Pac̄u tiqiro cah̄meñene yeyequinare yedohorota tiqiro, “Ȳh̄u



cahmeñene ye nemoahdo”, nino. <sup>3</sup> Yeere tãhona, “Ijirota ijire”, nidi m̄sa. Sa yero yũhũ Pacũ m̄sa ñañe yerire cohã tuhasari. <sup>4</sup> Yũhũ mehna cããna ijiya m̄sa. Sa yegu m̄sa mehna ijiitja. Uñse da dũpũri uñse da mehna wahãfãedaye dũpũri ijiye, ti dũpũri pehe dũca mariedare. Sata yũhũ mehna cããna ijierana, yũhũ Pacũ cahmeñene ye masiedare m̄sa.

<sup>5</sup> Yũhũ uñse da yero saha ijigũ ijiãja. M̄sa pehe ti da dũpũri yero saha ijina ijire. Yũhũ mehna cããno mehna yũhũ ijigũ dũca tiye dũpũri yero saha tiqũiro yũhũ Pacũ cahmeñene yere. Yũhũ mehna cããna ijierana yũhũ Pacũ cahmeñene ye masiedare m̄sa. <sup>6</sup> Ñañe dũpũrire tiqũiro cohãboriro saha yũhũ mehna cããna ijieyequinare yũhũ Pacũ cohãnota. Ti dũpũri ñai dijiaa wahagũ uñse dare ihña ihboriqũiro ti dũpũrire ne cahmecoa pecarũ uñã cohãnota. Sata yerota Cohãcã yũhũ mehna cããna ijieyequinare.

<sup>7</sup> Yũhũ mehna cããna ijina, yũhũ buheyere boeraobaaga m̄sa. Sa boerana, m̄sa cahmeno punota siniña. Sa yegu m̄sa sinino punota ye basautja. <sup>8</sup> Yũhũ Pacũ cahmeñene yena m̄sa ijigũ ihñañe “Jesu yequina ijire ahriquina”, ni masieta masa. Sa ye m̄sare ihñañe yũhũ Pacũre ño peoeta. <sup>9</sup> Yũhũ Pacũ yũhũre tiqũiro cahĩdiro sahata m̄sare yũhũ gãhũ cahĩe tii. Yũhũ cahĩna iiducuya m̄sa. <sup>10</sup> Yũhũ cahĩnequina iiducuyequina yũhũ dutiyere yere. Yũhũ Pacũ ye dutiyere yeaja yũhũ. Sa yegu tiqũiro cahñogũ iiducujaja yũhũ. Sata m̄sa gãhũ yũhũ dutiyere yena yũhũ cahĩna iiducunata m̄sa.

<sup>11</sup> Ahrire m̄sare yahuu yũhũ mehna m̄sa quehnoano buceuatire. Sa yena tutuaro bucenata m̄sa. <sup>12</sup> Ohõ saha dutiaja m̄sare: M̄sare yũhũ cahĩdiro sahata m̄sa mehna cããna gãhũre cahĩña. <sup>13</sup> Ihcãquiro masũno tiqũiro mehna cããno ye buhiri yariaro tiqũiro mehna cããnore tutuaro cahĩne, apeqũna tiquina cahĩdiro yũhdũoro. <sup>14</sup> Sa yena yũhũ dutiyere yena yũhũ mehna cããna ijire m̄sa. <sup>15</sup> Potota yũhũ mehna cããna waro ijire m̄sa. M̄sa sa ijigũ ijipihitiye yũhũ yerire yahujaja m̄sare. Cahacãno tiqũiro pũhtoro yerire masiedare tiqũiro. Sa yegu “Yũhũ cahacããna ihyo ijina ijire m̄sa”, m̄sare niedaja. Yũhũ Pacũ yũhũre tiqũiro yahurire m̄sare yahu pehou. Sa yahugũ “Yũhũ mehna cããna ijire m̄sa”, m̄sare ñaja yojopũre. <sup>16</sup> M̄sa pehe yũhũre ne beserari. Yũhũ pehe m̄sare besei yũhũ Pacũ cahmeñene m̄sa yeatire. M̄sa sa yegũ m̄sa ye ye ne ihyo waro ijisi. Ahri deco yoaro punota sa iiducuatĩ ijire m̄sa ye ye. M̄sa sa yegũ yũhũre m̄sa wacũ tutuagũ yũhũ Pacũre m̄sa sinino punota tiqũiro m̄sare ohorota. <sup>17</sup> Ahrire m̄sare dutiaja yũhũ: M̄sa mehna cããnare cahĩña m̄sa, ni yahuri Jesu.

### *Jesure tiqũiro yequina gãhũre ahri yehpa cããna ihña tuhtire*

<sup>18</sup> Sa yero tiqũiro yahu nemori:

—Ahri yehpa cããna m̄sare tiquina ihña tuhtigũ ihñana ahrire wacũña m̄sa: M̄sare tiquina ihña tuhtiatõ pano yũhũ pehere ihña tuhti m̄htari tiquina. <sup>19</sup> Cohãcãre cahmedana m̄sa ijigũ, ahri yehpa cããna tiquina cahme cahĩdiro sahata m̄sa gãhũre cahĩboaya tiquina. Ahri yehpa cããna m̄sa ijigũ m̄sare besei. Sa yena yojopũre ahri yehpa cããna waro ijierare m̄sa. M̄sa sa ijieragũ ihñañe ahri yehpa cããna m̄sare ihña tuhtire. <sup>20</sup> “Yeequina ijina m̄sa yũhũ bui ijierare”, m̄sare yũhũ nidire wacũña m̄sa. Sa yena yũhũ docarũ ijina yũhũ ñano yũhdũriro sahata ñano yũhdũnata m̄sa gãhũ. Yũhũre ñano yeriquinata m̄sa gãhũre ñano yeeta. Yũhũ buhegũ yũhtiriquinata m̄sa buhegũ gãhũre yũhtietã tiquina. <sup>21</sup> Ahri yehpa cããna yũhũre ohoriquirore masiedare. Sa ye yũhũre wacũ tutuana m̄sa ijigũ ihñañe tiquina ñano yeeta m̄sare.

<sup>22</sup> Tiquinare yũhũ buhegu ahtaeragũ yũhũre tiquina cahmedari buhiri, buhiri mariedaboaya. Yojopũre tiquinare yũhũ buheri bato “Ñañe buhiri

mariedare usāre”, ni masiedare tiquina. <sup>23</sup> Yuhure ihña tuhtiriqiro yuhū Pacu gūhure ihña tuhtire. <sup>24</sup> Cohācjū tiqiro tutuaye mehna apequina tiquina ne yerarire ye ihñou. Sa ye tiquinare tire yuhū ye ihñoadagū tiquinare ñañe buhiri mariedaboaya. Cohācjū tutuaye mehna yuhū ye ihñorire tiquina ihñari bato yuhare yuhū Pacu gūhure ihña tuhtire tiquina. <sup>25</sup> Sa ihña tuhtiye Cohācjū yere tiquina ojoari pūpū duitapata tiqiro ni ojoariro sahata yeye nidi tiquina. Ohō saha ni ojoahye: “Tiquinare yuhū ñano yerapegūta yuhare ihña tuhtire tiquina”, ni ojoahye duitapata Cohācjū yere tiquina ojoari pūpū.

<sup>26</sup> Yuhū batopū mūsare yedohoatiquiro, yuhū Pacu mehna ijiriquiro mūsare yuhū ohoatiquiro Espiritu Santota ijire. Tiquiro potota yahuriquiro ijire. Sa yero tiqiro ahtarō, yuhū ijire tiyere yahurota mūsare. <sup>27</sup> Masare yuhū buhe dūcagūpata mūsa gūhū decoripe yuhū mehna ijiducuri. Sa yena mūsa gūhū yuhū ijire tiyere yahunata apequnare, ni yahuri Jesu.

## 16

<sup>1</sup> Sa ni tuhasa usāre ohō saha ni yahu nemori:

—Came yuhū buheyere yuhū gūhure mūsa cohāedatire ahrire ijiphiyere yahuu mūsare. <sup>2</sup> Judio masa mari buheye wūhusepū mūsa saajā duagū mūsare saajā dutisi yeequina mūsa ijiri buhiri. Sa ye ape tahapū mūsare wejē, “Cohācjū cahmeñene yena niaja”, ni tuhotuetamaga apequna. <sup>3</sup> Sa ye yuhū Pacure, yuhū gūhure tiquina masiedare. Sa masiedaye mūsare ñano yeeta tiquina. <sup>4</sup> Sa yena mūsare ñano tiquina yegū ihñana “Tiqina ohō saha yeato panota Jesu yahu tuhasari usāre”, ni wacūnata mūsa. Mūsa sa ni wacūatire yojopūre ahrire yahu mūhtagū niaja mūsare, ni yahuri Jesu.

### *Espiritu Santo tiqiro yeatire yahuahye Jesu*

Sa ni tuhasa ohō saha ni yahu nemori:

—Coā waropūre mūsa mehna ijigū ahrire mūsare yahuerū. <sup>5</sup> Yojopū pehere yuhare ohoriqiro cahapū wahañtja. “¿Nohopū wahañtjari mūhū?” yuhare ni, ihcāqiro borota ne sinituerari mūsa. <sup>6</sup> Sa sinituerapenata yuhū wahatire mūsare yuhū yahu mūjagū mūsa ñano jeripohna tire. <sup>7</sup> Mūsare ijirota yahugata niaja. Yuhū wahari bato mūsare quehnoanota. Yuhū ūhmusepū wahaeragū mūsare yedohoatiquiro pehe ahtaeraboaya. Wahagū mūsare tiqirore oho dijioutja yuhū. <sup>8</sup> Yuhū sa oho dijiogū tiqiro ahtarota. Sa wūhiro ahri yehpa cjēna ñañe yeyequina tiquina ijiyere tiquinare masigū yerota tiqiro. Sa yero quehnoano ijire tiye gūhure buherota tiqiro masare. Sa yero Cohācjū masare tiqiro buhiri dahreato gūhure yahurota masare yedohoatiquiro pehe. <sup>9</sup> Yuhure wacū tutueyequina ijire ahri yehpa cjēna. Sa yero yedohoatiquiro pehe masa ñañe yeyequina tiquina ijire tiyere tiquinare masigū yerota. <sup>10</sup> Yuhū Pacu cahapū wahañtja. Yuhū sa wahari bato masa yuhare ihñasi. Sa yero quehnoano ijire tiye gūhure buherota yedohoatiquiro pehe. <sup>11</sup> Ahri yehpa cjēna pūhtorore watūnore Cohācjū buhiri dahre duti tuhasari. Sa yero Cohācjū masare tiqiro buhiri dahreati gūhure yahurota yedohoatiquiro pehe.

<sup>12</sup> Pajiro ijire mūsare yuhū yahuati. Yuhū sa yahu nemo duepegūta tire yuhū yahugū yojopū masinisi mūsa. Sa yena yojopūre quehnoano tuhosi mūsa. <sup>13</sup> Yuhū sa yahu nemoedagū Espiritu Santo pehe mūsare yahu nemono ahtarota. Tiquiro esa tuharo mūsare yahusi. Tiquirore yuhū Pacu yahu dutirire tiqiro yahurota mūsare. Sa yero mūsare poto yahu pehorota. Sa yero “Camepū ohō saha waharota”, ni yahurota tiqiro mūsare. <sup>14</sup> Sa yero yeere mūsare tiqiro yahurota. Sa yahuro yuhare ño peogū yerota masare.

15 Ijipihitiye yuhũ Pacũ ye, yee gãhũ ijire. Sa yegũ “Espíritu Santo pehe yeere yahurota m̄sare”, nii m̄sare, ni yahuri Jesu.

—*Bũja witina ijiepenata came bucuenata m̄sa, ni yahuahye Jesu*

16 Sa ni tuhasa ohõ saha ni yahu nemori:

—Mehenogã bato m̄sa yuhũre ihñasi. Sa yena mehenogã bato m̄sa yuhũre ihñanata tja, nidi Jesu usãre tiquiuro buhenare.

17 Tiquiuro sa nigũ tuhona, usã pehe meheñequinagã ohõ saha ni yahuducuu usã basi:

—“Mehenogã bato m̄sa yuhũre ihñasi. Sa yena mehenogã bato m̄sa yuhũre ihñanata tja”, nino dahse nino sa niajari marine? ¿Sa yero “Yuhũ Pacũ caharũ wahaũtja”, nino dahse ijiro boro marine sa niagari tiquiuro?

18 ¿“Mehenogã bato”, nino dahse nino sa niajari ahriquiuro? Tiquiuro ni yahũre quehnoano masiedaja mari, ni yahuducuu usã basi.

19 Usã sa ni yahuducugũ Jesu tiquiore usã sinitu duarire masino, usãre yahuri:

—¿“Mehenogã bato m̄sa yuhũre ihñasi. Sa yena mehenogã bato yuhũre ihñanata tja”, yuhũ nidire sinitu duajari m̄sa? ¿Tire yuhũ nidire masiedajari m̄sa? 20 Ijirota m̄sare nigũ niája. Yuhũ yariagũ ihñana m̄sa utinata. Sa yena tutuaro bũja witinata. Sa ye yuhũre ño peoyequina pehe bucueta. M̄sa pehe bũja witina ijiepenata, came bucuenata m̄sa. 21 Ohõ saha ijire ti: Numino niiji wahcõno, ticoro ñano yuhũuato pano ijire. Sa yero ticoro tutuaro bũja witire. Sa bũja witiaperota ticoro pohna tiri bato ticore purĩdire wacũedare ticoro. Nijinogã ahri yehparũ tiquiuro masa bajuagũ ticoro bucuere. Sa yero ticorore purĩdire wacũedare. 22 Sata m̄sa yojorũre bũja witinata. Came m̄sare ihñatja. Sa yena m̄sa tutuaro bucuenata. M̄sa sa bucuẽgũ apequina m̄sare bũja witiagũ ye masisi.

23 Ti deco m̄sa yuhũre ihñari deco yuhũre sinitusi m̄sa. Masi tuhasari-narũ ijinata. Ijirota m̄sare nigũ niája. Yuhũre m̄sa wacũ tutuagũ ihñano yuhũ Pacũre m̄sa siniñene tiquiuro m̄sare ohorota. 24 Ahri deco pano yuhũ tutuaye mehna Cohãcjũre siniedarĩdi m̄sa. Yuhũre wacũ tutuatjãna Cohãcjũre siniña. M̄sa sa sinigũ m̄sa sinidire m̄sare ohorota, m̄sa quehnoano bucuẽatire, nidi Jesu usãre.

*Ñañequinare Jesu pehe yuhũdũdũcahye*

25 Sa ni tuhasa ohõ saha ni nemori:

—Queoye mehna m̄sare yahue tii. Sa yahuepeguta came m̄sare queoye mehna yahusi yuhũ. Sa yahueragũ yuhũ Pacũ pehere quehnoano poto yahutja m̄sare. 26 Ti decore m̄sare yuhũ Pacũre sini basasi yuhũ. Yuhũre wacũ tutuana, m̄sa basi tiquiore sininata. 27 M̄sa yuhũre cahĩne. Sa yena yuhũ Pacũ caharũ yuhũ ahtarigũ ijigũ “Ijirota ijire”, nine m̄sa. Sa nina m̄sa ijigũ ihñano yuhũre cahĩna m̄sa ijigũ ihñano yuhũ Pacũ pehe m̄sare cahĩne. Tiquiuro sa cahĩgũ tiquiore m̄sa sininata. 28 Yuhũ Pacũ caharũ ijirigũ ahri yehparũre ahtaũ yuhũ. Sa yegũ yojorũre ahri yehparũ ijirigũ yuhũ Pacũ caharũ wahaũtja, nidi Jesu.

29 Tiquiuro sa nigũ usã tiquiuro buhena ohõ saha nii:

—Yojorũ pũrita queoye marieno yahuducugũ quehnoano bajuro yahugũ nine m̄hũ usãre. 30 M̄hũ quehnoano masi pehogũ m̄hũ ijigũ yojorũ pũritare usã masiaja. Sa ye apequina m̄hũre buhe masiedare. Tire yojorũre usã quehnoano masiaja. Usã quehnoano masina, Cohãcjũ caharũ ahtarigũ m̄hũ ijigũ “Ijirota ijire”, niája usã, nii usã Jesure.

31 Usã sa nigũ Jesu yuhtiri usãre:

—¿Yojoꝛꝑꝛe “Ijirota ijire”, niajari m̄sa? <sup>32</sup> Came c̄jũno ijipihtina m̄sa w̄h̄useꝛꝑ̄ waha sitena, ȳh̄ure coh̄anata m̄sa. M̄sa sa coh̄aep̄eḡta ȳh̄u Pac̄u pehe ȳh̄u mehna ijire. Sa yeḡu ȳh̄u ihc̄ata ijieraja. <sup>33</sup> Ahrire m̄sare yahu muhtaũ, ȳh̄ure m̄sa wac̄ũ tutuaye mehna m̄sa quehnoano ijiatore. Coh̄ac̄j̄are cahmeẽnequina cahar̄u m̄sa ijiḡũ ñano yeeta m̄sare tiquina. Tiquina sa yepeḡta bucueya m̄sa. Ahri yehpa c̄j̄ena tiquina ñaũe yerire ȳh̄d̄uɔc̄aḡũ ijiaja ȳh̄u. Sa yena ȳh̄ure wac̄ũ tutuana bucueya m̄sa, nidi Jesu us̄are tiquiꝛo buhenare.

## 17

### *Jesu tiquiꝛo buheyequinare Coh̄ac̄j̄are sini basahye*

<sup>1</sup> Sa ni yahu tuhasa Jesu ʘhm̄anop̄ũ ih̄ña m̄so, Coh̄ac̄j̄are oh̄o saha ni yahuducuri:

—Mai, yojoꝛꝑꝛe m̄h̄u yahu queoriro sahata ȳh̄ure ñano tiquina yeati pje esarota nine. Ȳh̄ure m̄h̄u mac̄ure masare ño peoḡũ yeya. M̄h̄u sa yeḡũ m̄h̄ure masare ño peoḡũ yeitja ȳh̄u ḡũh̄. <sup>2</sup> Ijipihtiequina p̄h̄to ȳh̄ure c̄ũri m̄h̄u. Sa yeḡu ȳh̄ure m̄h̄u ohoriquinare m̄h̄u mehna sa ijiducuḡũ yeitja ȳh̄u. Sa yeḡu m̄h̄ure masare ño peoḡũ yeitja ȳh̄u. <sup>3</sup> M̄h̄u dihita Coh̄ac̄j̄ũ waro ijire. Ȳh̄u Jesucristo m̄h̄u ohorigu ijiaja. Sa ye ijipihtiequina m̄h̄ure masiñequina, ȳh̄u ḡũh̄ure masiñequina ʘhm̄useꝛꝑ̄ mari mehna sa ijiducuet̄a, nidi Jesu.

<sup>4</sup> Sa ninota oh̄o saha ni nemori mari Pac̄ure:

—Ahri yehpar̄e m̄h̄u ye dutirire ye peho tuhasaũ ȳh̄u. Sa yeḡu m̄h̄ure masare ño peoḡũ yei ȳh̄u. <sup>5</sup> Ahri yehpa ijiat̄o pano m̄h̄u mehna ȳh̄u ijiḡũ ijipihtiequina ȳh̄ure tiquina ño peo muhtar̄iro sahata yojoꝛꝑꝛe ȳh̄ure tiquina ño peoḡũ yeya tja.

<sup>6</sup> Ahri yehpar̄u ijieyquinare ȳh̄ure m̄h̄u ohoriquinare m̄h̄ure masiḡũ yei. M̄h̄u ohoriquina m̄h̄u yequina ijire. Sa yeḡu tiquinare ohori m̄h̄u ȳh̄ure. Sa ye m̄h̄u dutiyere yeri tiquina. <sup>7-8</sup> Ȳh̄ure m̄h̄u yahurire tiquinare buhei. Ȳh̄u sa buheḡũ t̄ahoye ȳh̄u buheyere cahmedi tiquina. Sa ye potota m̄h̄u cahar̄u ahtar̄igu ȳh̄u ijiḡũ masine tiquina. Sa ye m̄h̄u ohorigu ȳh̄u ijiḡũ “Ijirota ijire”, ni t̄ahoture tiquina. Sa ye ijipihtie yee m̄h̄u ye ti ijiḡũ masine tiquina.

<sup>9</sup> Tiquinare m̄h̄ure sini basaḡu niaja. Apequina pehere sini basaḡu niedaja ȳh̄u. Ȳh̄ure m̄h̄u ohoriquina m̄h̄u yequina ijire. Sa yeḡu tiquinare sini basaḡu niaja m̄h̄ure. <sup>10</sup> Tiquina ijipihtiequina m̄h̄u yequina ijire. Sa ye m̄h̄u yequina pehe yeequina ijire. Ȳh̄ure wac̄ũ tutuaye ȳh̄u tutuaḡu ijiyere masiḡũ yere tiquina masare.

<sup>11</sup> Yojoꝛꝑꝛe ahri yehpar̄e tojoasi ȳh̄u. M̄h̄u cahar̄u wahaũ t̄ũ niaja. Ȳh̄u sa wahaep̄eḡta yojoꝛꝑꝛe ȳh̄ure m̄h̄u ohoriquina ahri yehpare tojoare. Mai, m̄h̄u quehnoaḡu ijire. Ȳh̄ure m̄h̄u ohoriquinare m̄h̄u tutuaye mehna ih̄ña ihbo basaya. M̄h̄u sa ih̄ña ihboḡũ mari ihc̄ata mari ijiro saha tiquina ḡũh̄ ihc̄a curuata ijiahro. <sup>12</sup> Tiquina mehna ijiḡu m̄h̄u tutuaye mehna tiquinare quehnoano ih̄ña ihbou. Ihc̄aquiꝛo p̄ũrita pecar̄u waharota m̄h̄u yere tiquina ojoari p̄ũr̄u yahuriro sahata.

<sup>13</sup> Yojoꝛꝑꝛe m̄h̄u cahar̄u wahaũ t̄ũ niaja. Sa yeḡu ahri yehpar̄u ahri ijip̄ihtiyere yeequinare yahuaja ȳh̄u mehna tiquina quehnoano bucueatire. <sup>14</sup> M̄h̄u yere yahuu tiquinare. Tiquina ḡũh̄ ȳh̄u yero sahata ahri yehpar̄u iji dojoatiquina ijierare. Sa ye ahri yehpa c̄j̄ena pehe tiquinare ih̄ña tuhtire. <sup>15</sup> “Ahri yehpar̄u ijieyquinare, yeequinare neah̄ña”, niedaja. Ȳh̄u sa niedap̄eḡata tiquinare quehnoano ih̄ña ihboya. “Wat̄ino ñaũene tiquinare

ye dutiari”, nigũ, quehnoano ihña ihboya tiquinare. <sup>16</sup> Ahri yehpa cjũ ijieraja. Tiquina gũhũ yũhũ yero sahata ahri yehparũ iji dojoatiquina ijierare. <sup>17</sup> Yeequinare mũhũ buheye mehna quehnoañequina yeya tiquinare. Mũhũ yahuye pehe ijirota ijire. <sup>18</sup> Ahri yehparũre yũhũre mũhũ ohoriro sahata yũhũ pehe yeequina gũhũre mũhũ yere buhe dutigũ ohou. <sup>19</sup> Mũhũ cahmeñene yegũ tagũ yariacjũ ijigũ yũhũ pagure ohoaja. Sa yeaja yũhũ, yeequina gũhũ mũhũ cahmeñene poto tiquina quehnoano yeatire.

<sup>20-21</sup> “Yeequina vojopũre ijieyequina dihitare yedohoya”, ni sini basaeraja yũhũ. Yeequina apequina gũhũre yeere tiquina buheri bato tiquina gũhũ yũhũre wacũ tutuaeta. Tiquina gũhũre yedohoya, yeequina ijipihtiyequina ihcã curua tiquina ijiro quehnoano. Yũhũ mũhũ mehna mari rũana ijiepenata ihcãta ijiaja. Ihcãta mari ijiro sahata tiquina gũhũ mari mehna ihcã curuata ijiahro. Ihcã curuata ijiahro, mũhũ ohorigũ yũhũ ijiyere ijipihtiyequina masa “Ijirota ijire”, tiquina niatire. <sup>22</sup> Yũhũre mũhũ tutuaye ohorire yeequinare ohou. Ti tutuayere caoye, ihcãta mari ijiro sahata tiquina gũhũ ihcã curuata ijietta. <sup>23</sup> Yũhũ tiquina mehna ijiaja. Sa yegũ mũhũ yũhũ mehna ijire. Mari sa ijigũ yeequina potota ihcã curuata quehnoano ijietta. Ihcã curuata tiquina ijigũ ihñañe mũhũ ohorigũ yũhũ ijiyere ahri yehpa cjẽna masieta. Sa ye yũhũre mũhũ cahĩdĩro sahata yeequina gũhũre mũhũ cahĩñene masieta masa.

<sup>24</sup> Mai, ahri yehpa iji dũcato pano yũhũre cahĩe tiri mũhũ. Sa cahĩgũ yũhũ tutuagũ ijiyere ihñori mũhũ. Sa yegũ yũhũre mũhũ ohoriquinare yũhũ mehna tiquina ijigũ cahmeaja, yũhũ tutuagũ ijiyere tiquina masiatire. <sup>25</sup> Mai, mũhũ quehnoagũ ijire. Ahri yehpa cjẽna ñañequina mũhũre masiedare. Yũhũ pehe mũhũre masiaja. Sa ye mũhũ ohorigũ yũhũ ijigũ masine yeequina. <sup>26</sup> Tiquinare mũhũre masigũ yei. Came gũhũre mũhũre tiquinare masigũ yeitja, yũhũre mũhũ cahĩdĩro sahata apequinare tiquina cahĩatire. Sa yegũ yeequina mehna ijigũtja, nidi Jesu mari Pacũre.

## 18

### *Jesure peresu yeahye*

*(Mt 26.47-56; Mr 14.43-50; Lc 22.47-53)*

<sup>1</sup> Tiquiro sa nidi bato Jesu, usã gũhũ tiquiro buhena Cedrõ wame tiri mare pehã, olivo wame tiye cjũ wesepũ esau. <sup>2</sup> Peye tahari ti wesepũ Jesu mehna cahmecoe tii. Sa yero Juda Jesure ihña tuhtiyequinare ihñootiquiro ti wesere masidi. <sup>3</sup> Sa masino rũa curua surarare uhmũ tã cãhtari ti wesepũ Jesure ihñono taro. Ihcã curua surara waro ijiri. Ape curua surara Cohãcjũ wũhũre cohteyequina ijiri. Tiquina pahia pũhtoa, fariseo masa tiquina ohoriquina ijiri surara, Cohãcjũ wũhũre cohteyequina mehna. Sa ahtaye sihãñe pacare, sihãñe cjũ gũhũre sihã cãhtari. Tiquina wamoa gũhũre ne cãhtari tiquina. <sup>4</sup> Ti wesepũ tiquina wihiri bato Jesu tiquiro ñano yũhũdũatire masino, tiquinare piti ca, sinituri:

—¿Noare macana niajari masa? nidi Jesu.

<sup>5</sup>—Jesu Nazare cjẽnore macaja usã, ni yũhtiri tiquina.

—Tiquiro tjiaja yũhũ, nidi Jesu.

Juda pehe Jesure ñehe dutiro ihñoriquiro tiquina mehna ijiri. <sup>6</sup> Sa ye “Tiquiro tjiaja yũhũ”, Jesu nigãta tiquina pehe tũho maria waha, du siti maa, yehparũ bora quehe sari. <sup>7</sup> Tiquina sa wahagũ ihñano pari turi sinituri tiquinare Jesu:

—¿Noare macana niajari masa? nidi.

—Jesu Nazare cjẽnore macana niaja usã, ni yũhtiri tiquina tjia.

<sup>8</sup> —“Yuhũ tjiaja”, ni tuhasamigu yuhũ musare. Sa yena yuhũre ñehena ahriquinare yuhũ mehna cjẽnare peresu yeracãhña masa, nidi Jesu.

<sup>9</sup> Sa usãre cahĩno ne ihcãquirore butigũ yerari. Sa yero to pano Cohãcjũre tiquiro nidiro sahata yero nidi tiquiro. “Yuhũre mahũ ohoriquinare ne ihcãquiro boeru”, tiquiro nidiro sahata yero nidi Jesu. <sup>10</sup> Sa ye Simo Pedro ñoseni pjĩne cuoro, ti pjĩne taã we nedoqueo, pahia puhtoro cahacjũno Malco wame tũriquiro cahmonore date pahrẽ cãri. Poto pehe cjã cahmonore date pahrẽ cãri. <sup>11</sup> Tiquiro sa date pahrẽgũ ihñano Jesu tiquirore ohõ saha nidi:

—Mahũ ñoseni pjĩne ihboya. Yuhũ Pacũ yuhũre tiquiro ñano yuhũdũ dutiriro sahata ñano yuhũdũtja yuhũ, nidi Jesu Pedrose.

*Pahia puhtoro cahapũ Jesure neahye tiquina*

(Mt 26.57-58; Mr 14.53-54; Lc 22.54)

<sup>12</sup> Tiquiro sa ni tuhasagũta surara, tiquina puhtoro mehna, Cohãcjũ wuhũre cohteyequina surara gũhũ Jesure ñehe, tiquirore duhteri. <sup>13</sup> Duhte tuhasa Anãs cahapũ nea muhtari tiquina. Anãs pehe Caifa mareino ijiri. Caifa pehe ti cahmare pahia puhtoro ijiri. <sup>14</sup> “Judio masa ye ijiatire ihcãquiro masũno yariagũ quehnoanota”, nidiquiro boro ijiri Caifa pehe.

*—Jesure masiedaja, niahye Pedro*

(Mt 26.69-70; Mr 14.66-68; Lc 22.55-57)

<sup>15</sup> Sa yena yuhũ Simo Pedro mehna Jesure yoa cjũnopũ ihña nũnũ taũ. Caifa ya wuhũpũ neaife nidi Jesure. Yuhũ pehe pahia puhtoro tiquiro ihña masinohgũ ijigũ Jesu bato puhtoro ya wuhũ ijiri sahrĩnopũ sajã wahau. <sup>16</sup> Yuhũ sa sajãgũ Pedro pehe sahrĩno sopecahapũ tojoadũca sari. Sa yegũ majare wijia ta, sopecahare cohtericore sinituu. Yuhũ sa sinitu tuhasagũ ticoro Pedrose sajã ta dutiri. Ticoro sajã ta dutiri bato yuhũ Pedrose ne sajãa wahau. <sup>17</sup> Yuhũ sa ne sajãgũ ihñano sopecahare cohtericoro pehe Pedrose sinituri:

—¿Jesu buheyequina mehna cjã ijierajari mahũ? nidi ticoro Pedrose.

—Ijieraja yuhũ, ni yuhtiri Pedro pehe.

<sup>18</sup> Usã esato pano to cjẽna puhtoa cahacjẽna, surara mehna tiquina sohmati pecare wijia tuhasari jiri. Yuhũarĩdi. Sa ye tiquina ti peca duhtũ caha ducuye, sohmañe nidi. Tiquina sa sohmagũ ihñano Pedro gũhũ ahta, sohmani.

*Pahia puhtoro Jesure sinituahye*

(Mt 26.59-66; Mr 14.55-64; Lc 22.66-71)

<sup>19</sup> Sa ye pahia puhtoro Jesu buherire, usã tiquiro buhena gũhũre sinituahye Jesure. <sup>20</sup> Tiquiro sa sinitugũ Jesu pehe yuhtiahye tiquirore:

—Ijipihitiyequinare buhege tiquina ihñono ducuu. Sa buhege judio masa mari buheye wuhũserũ Cohãcjũ wuhũpũ gũhũre sa buheducuu yuhũ. Duhtitjãgũ buherũ yuhũ. <sup>21</sup> ¿Duhtsegũ yuhũre sinituajari mahũ? Sinitu duage yuhũ buheyequinare sinituya. Yuhũ buherire tiquina masine, ni yuhtiahye Jesu.

<sup>22</sup> Tiquiro sa nigũ tuhoro topũ ducuriquiro surara pehe tiquiro omoca mehna Jesure quẽahye.

—Sa niedacãhña pahia puhtoro, niahye surara pehe Jesure.

<sup>23</sup> Tiquiro sa nigũta Jesu ohõ saha niahye:

—Ñano yuhũ ni yahuducurire yahuya yuhũre. ¿Poto musare yuhũ yahuerpegũta, duhtsegũ tagũ yuhũre quẽajari mahũ? niahye Jesu surarare.

<sup>24</sup> Came Anãs Jesure tiquina duhteriquirore Caifa pahia puhtoro cahapũ ohoahye.

—*Jesure masiedaja, pari turi niahye Pedro*  
(Mt 26.71-75; Mr 14.69-72; Lc 22.58-62)

<sup>25</sup> Sa ye Simo Pedro peca dāhtu cahapu ducuro, sohmano nidi. Tiquiro sa sohmaducugū ihñañe to cjēna tiquirore sinituri:

—¿Māhu gāhu Jesu buheyequina mehna cjū māhu ijierajari? nidi tiquina Pedrose.

—Ijieraja yahu, ni yahtiri Pedro.

<sup>26</sup> Sa yero pahia pūhtoro cahacjēna mehna cjāno Pedro tiquiro cahmono dute pahrēdiqiro acayuro pehe Pedrose sinituri:

—¿Jesure tiquina ñehedi wesepu yahu ijigū māhu gāhu tiquiro mehna ijieracoahte? ni sinituri tiquiro Pedrose.

<sup>27</sup> —Yahu tiquiro mehna ijieru, nidi Pedro.

Tiquiro sa nigūta canaca yahuri.

*Jesure Pilato sinituahye*  
(Mt 27.1-2, 11-14; Mr 15.1-5; Lc 23.1-5)

<sup>28</sup> Ñami cjūno ijigū Caifa ya wāhuru ijiriquina Jesure ne wijia, Roma cjēna pūhtoro Pilato ya wāhuru nea wahari tiquina. Sa wahaepeta tiquiro ya wāhuru sajāedari. Pascua deco ijigū tiquina ihyatiquina ijiye, ohō saha nidi: “Judio masuno ijierare Pilato. Tiquiro sa ijiriquiro ijigū tiquiro ya wāhure sajāna, mari dutiyere yūhduducana niboaga. Sa yena mari sajāgū marine bose deco cjē ihyayere ihya dutieraboaga”, nidi. Sa niñe pūhtoro Pilato ya wāhure sajāedari Jesure neariquina pehe. <sup>29</sup> Tiquina sa sajāedagū ihñano Pilato tiquina cahapu wāhu sopcahapu esaducaro, tiquinare sinituri:

—¿Yabe buhirire ahriqirore yahusā duajari mūsa? nidi Pilato tiquinare.

<sup>30</sup> —Ahriqiro quehnoariquiro ijigū māhure usā ohoeraboaya. Ñariqiro ijire tiquiro, ni yahtiri tiquina.

<sup>31</sup> Tiquina sa nigū Pilato ohō saha nidi:

—Mūsa basita tiquirore neañā. Sa yena mūsa ye dutiye ti nidiro sahata tiquirore buhiri dahreya, nidi Pilato tiquinare.

—Mūsa ye dutiye pehe usāre masunore wejē dutierare, nidi tiquina Pilatore.

Sa niñe Jesure wejē dutiye tee nidi.

<sup>32</sup> Tiquina sa wejē dutigū Jesu pehe curusapu tiquiro yariatire to pano tiquiro yahuriro sahata wahari. <sup>33</sup> Tiquina sa nidi bato, Pilato pehe wāhuru majare sajā, Jesure pijioahye. Pijio tuhasa, tiquirore sinituahye:

—¿Judio masa tiquina pūhto tjiajari māhu? ni sinituahye Pilato.

<sup>34</sup> —¿Māhu esa tuharota sa ni sinituajari māhu yāhure? ¿O apeqina pehe yāhure tiquina yahusāri bato tire sinituajari māhu? niahye Jesu Pilatore.

<sup>35</sup> —Judio masu ijieraja yahu. Māhu ya yehpa cjēna, pahia pūhto gāhu māhure ohori usāre. ¿Yabere ñano yeari māhu tiquina sa buhiri dahre duagū? niahye Pilato.

<sup>36</sup> —Ahri yehpa cjū pūhto ijieraja yahu. Ahri yehpa cjū pūhto yahu ijigū, yahu buheyequina yāhure yedohoboaya. Judio masare ñehē dutieraboaya. Yahu pūhto ijiye ahri yehpa cjē ijierare, niahye Jesu Pilatore.

<sup>37</sup> —¿Sa yegu pūhto ijiajari māhu sa nigū? niahye Pilato.

—Māhu nino sahata pūhto ijiaja. Masa tiquina pūhto ijigu tagu masa bajuu yahu. Sa yegu ahri yehrapu ahtu tiquina pūhto ijii tuhu, poto ijiyere yahugu tūhu. Ijipihituyequina poto ijiyere tūho duayequina, yahu yahuyere tūhore, niahye Jesu.

<sup>38</sup> —¿Yabe boro ijiajari poto ijiye? niahye Pilato.



*Judio masa Jesure wejē dutiahye*  
(Mt 27.15-31; Mr 15.6-20; Lc 23.13-25)

Sa ni tuhasa Pilato judio masa caha majare tojoa tiquinare yahuri:

—Ahriquiuro Jesure ne buhiri mariedare. <sup>39</sup> Cãhmaripe pascua ijigã ihcãquiuro peresu ijiriquiurore m̄asa wio dutiducure. ¿Sa yegũ ahriquiuro Jesureta m̄asa p̄h̄toro ijiatiquiuro m̄asare wio basagari yũhũ? nidi Pilato judio masare.

<sup>40</sup> Tiquiuro sa nigũ tãhoye judio masa ohõ saha ni sañuducuri:

—Tiquiurore wioeracãhña. Barrabá pehere usãre wio basaya, ni sañuducuri judio masa Pilatore.

Barrabá pehe yaque bucãro ijiri.

## 19

<sup>1</sup> Tiquina sa ni sañuducuri bato Pilato Jesure tana dutiahye. Sa ye tiquiuro yequina surara pehe tiquiurore tanahye. <sup>2</sup> Tana tuhasa tiquina pota behto ye tuhasa, Jesu dapu buipũ duhu peoahye. Duhu peo tuhasa, p̄h̄toa ye suhti borore tiquiurore sãa tuhasa, tiquiuro cahapũ esa dũca, ohõ saha ni bũjũpeahye tiquina:

<sup>3</sup> —Quehnoano ahtaya. Judio masa p̄h̄to, quehnoano ahtaya, ni bũjũpe, Jesu wãhdoare quẽ m̄ejahye.

<sup>4</sup> Sa yero Pilato pari turi judio masa cahapũ waha, tiquinare yahuri:

—Tãhoya m̄asa. Ahriquiuro ne buhiri mariediquiuro ijire. Sa yegũ tire m̄asa masiatire m̄asa cahapũ tiquiurore ne cãhtaũ, nidi Pilato.

<sup>5</sup> Tiquiuro sa ni tuhasagũ Jesu pota behto pesariquiuro, p̄h̄toa ye suhti borore sañariquiuro wũhũpũ ijiriquiuro wijia tari. Tiquiuro sa wijia tagũ Pilato tiquinare ohõ saha nidi:

—Ihñaña. Ahriquiuro ijire tiquiuro, nidi Pilato.

<sup>6</sup> Tiquiuro sa ni tuhasagũ tãhoye, pahia p̄h̄toa, surara gãhũ Jesure ihñañe, sañuducuri:

—Curusapũ quẽ biha wejẽña tiquiurore. Curusapũ quẽ biha wejẽña tiquiurore, ni sañuducuri tiquina.

—Tiquiuro ne buhiri mariedare. Sa yena m̄asa basita tiquiurore neahña. Sa yena m̄asata tiquiurore curusapũ quẽ biha wejẽña, nidi Pilato tiquinare.

<sup>7</sup> —Tiquiuro basi “Cohãcũ macũ ijiaja”, nie tiri. Tire tiquiuro sa nigũ usã dutiye pehe tiquiurore wejẽ dutire, nidi tiquina Pilatore.

<sup>8</sup> Tiquina sa nigũ tãhoro cue yũhdũa wahari Pilato pehe. <sup>9</sup> Sa yero pari turi wũhũpũre majare sajã, Jesure sinituahye tja:

—¿Noho cãjã ijiajari m̄ahũ? ni sinituahye tiquiuro Jesure.

Tiquiuro sa ni sinituepegũta Jesu tiquiurore yãhtierahye.

<sup>10</sup> Tiquiuro sa yãhtieragũ ihñano Pilato tiquiurore sinitu nemoahye:

—¿Yũhũre yãhtierajari m̄ahũ? Yũhũ m̄ahũre peresupũ ijirigũre wio masi-aja. Sa yegũ m̄ahũre curusapũ gãhũre quẽ biha wejẽ duti masiaja yũhũ. ¿Tire masiedajari m̄ahũ? niahye Pilato Jesure.

<sup>11</sup> —Cohãcũ m̄ahũre tiquiuro dutieragũ yũhũre ñano ye dutieraboaya m̄ahũ. Yũhũre ihña tuhtiequinare ihñoriquiuro pehe m̄ahũ yũhdũoro ñano buhiri tire, niahye Jesu Pilatore.

<sup>12</sup> Tiquiuro sa nigũ tãhoro Pilato pehe tiquiurore wio duamahye. Tiquiuro sa wio duepegũta pari turi judio masa sañuducuri:

—Jesu “Pũhto ijiaja”, nino mari ijipitina p̄h̄torore Roma cãjãnore ihña tuhtiriquiuro ijire tiquiuro. Sa yegũ tiquiurore wioũ m̄ahũ gãhũ mari p̄h̄torore ihña tuhtigũ ijiaja m̄ahũ, ni sañuducuri judio masa Pilatore.

13 Tiquina sa nigā tūhoro Jesure wāhāpū ijiriquireore ne wijia ta, buhiri dahre dutiro taro tiquiro dujiri pahtarū nuju sari Pilato. Tiquiro buhiri dahre dutiri paa ūtā mehna tiquina yeri paa judio masa ye mehna Gabata wame tiri. 14 Ti deco pascua bose deco ūsā ihyatire ūsā quehnori deco ijiri. Ti pjere coheri pje waro ijiri. Nuju sa tuhasa Pilato masare ohō saha ni yahuri: —Ahriquireo tjire masa pūhtoro, nidi tiquiro.

15 Tiquiro sa nigā tūhoye judio masa sañuducuri:

—Yariahro tiquiro. Yariahro tiquiro. Curusapū quē biha wejēña tiquirore, ni sañuducuri tiquina.

—¿Masa pūhtoro tiquiro ijiepegāta tiquirore curusapū quē biha wejē dutiajari masa? nidi Pilato.

Tiquiro sa nigā ohō saha ni yūhtiri pahia pūhtoa:

—Mari ijipihtina pūhtoro Roma cjanota tiquiro ūsā pūhtoro ijire. Apequireo pūhtoro ūsāre mariédare, ni yūhtiri pahia pūhtoa.

16 Tiquina sa ni yahuducuri bato Pilato Jesure curusapū quē biha wejē dutiro, tiquirore ohori tiquinare.

### *Jesure quē biha wejēahye tiquina*

(Mt 27.32-44; Mr 15.21-32; Lc 23.26-43)

Sa ye tiquina Jesure ne wijiarī. 17 Tiquina ne wijiagā Jesu pehe tiquiro ya curusare tiquiro basi wāa ne, dapu pūhtoro wame tīropū esari. Ūsā judio masa ye mehna Gólgota wame tiri. 18 Topū esaye tiquina Jesure quē biha ohōri. Sa ye apequina pūarore ihcāquireo tiquiro poto pehe, apequireo tiquiro cū pehe pehe quē biha ohōri tiquina. Sa yero Jesu tiquina deco curusapū wāñari. 19 Tiquina quē biha tuhasagā Pilato taboa pñine ojoa duti, Jesure tiquina quē biha ohōri curusapū quē biha ohō dutiri jiri ti pñine. Ohō saha ni ojoa dutiri jiri tiquiro: “AHRIQUIRO JESU NAZARE CJĒNO, JUDIO MASA PŪHTORO IJIRE”, ni ojoa dutiri jiri Pilato ti pñine. 20 Ti pñine ojoaro judio masa ye mehna, Roma cjēna ye mehna, griego masa ye mehna ojoari jiri apequireo. Sa yero Jesure curusapū tiquina quē biha ohōriro maca cahagā ijiri. To cahagā ijyeyequina peyequina judio masa Pilato ojoa dutirire ihña, buheri. 21 Sa buhe tuhasa judio masa ūsā pahia pūhtoa ohō saha nidi Pilatore:

—“Ahriquireo judio masa pūhtoro ijire”, ni ojoa dutieracāhña. Ūsā pūhtoro ijierare ahriquireo. Sa yegū ohō saha ni ojoa quehno dutiya māhū. “Ahriquireo ‘judio masa pūhto ijiaja’, ni ihcāquirota tiquiro basita sa ni tūhoturiquireo ijiri”, ni ojoa quehno dutiya, nidi pahia pūhtoa.

22 —Yūhū ojoa duti māhtariro sahata ijirota, nidi Pilato tiquinare.

23 Jesure tiquina quē bihari bato pititiaro surara pehe Jesu suhtire tiquina basi itiri. Tiquina sa iti duepegāta ihcā suhtiro yoari suhtiro dohori marieni suhtiro ijiri. Ti suhtiro suhari suhtiro ijiri. 24 Ti suhtiro sa ijigū ohō saha nidi tiquina basi:

—Ahri suhtirore tūhrēdacāhña. Ahri suhtirore neatiquirore masi duana, doquepeihna mari, nidi tiquina basi.

Sa doquepeye, Cohācjū yere tiquina ojoari pūpū tiquina ni ojoariro sahata yeye nidi tiquina. “Yūhū suhtire tiquina basi itiri. Sa ye yūhū suhtire neatiquinare masi duaye, doqueperi tiquina”, ni ojoahye Cohācjū yere tiquina ojoari pūpū. Tiquiro sa ni ojoariro sahata sa yeye nidi tiquina.

25 Surara tiquina sa yegū, Jesu pacoro, Jesu māono, María Cleofa namono, María Magdalena mehna Jesu curusa cahagā ihñaducuri tiquina. 26 Sa yero tiquiro pacoro yūhū tiquiro cahñogū gūhū tiquiro cahapū ūsā ducugū ihñano tiquiro pacorore yahuri Jesu:

—Yojopare ahriquireo māhū macū ijire, nidi Jesu tiquiro pacorore.

27 Sa ni tuhasa, yūhūre ohō saha ni yahuri tiquiro:

—Yojoɓare ahricoro muhɓu paco ijire, nidi Jesu yahare.  
Tiquiro sa nidi bato Jesu pacorore ya wɓahɓu iji dutii.

*Jesu yaria wahahye*

(Mt 27.45-56; Mr 15.33-41; Lc 23.44-49)

<sup>28</sup> Tiquiro sa ni yahuri bato ohō saha ni tɔhotu, masiahye Jesu: “Ijipihtiye Cohācjū yahare dahra dutiro tiquiro cūrire ye pehou”, ni tɔhotu, masiahye Jesu. Sa masino Cohācjū yere tiquina ojoari pūpɓu tiquiro ni yahuriro sahata ohō saha nidi Jesu:

—Aco wɓoaga yahɓu, nidi Jesu.

<sup>29</sup> Sa yero topɓu vino sɔñe co pose tiri sutu dujiri. Sa yero topɓu ijiriqiro aco ihmini sahtere sɔñe co mehna tiquina sohari sahtere yucɓu hisopo wame tidɓu sohtoapɓu duhte ohōri. Sa yero Jesu daseropɓu siō ohōri. <sup>30</sup> Ti core Jesu ihmi tuhasa ohō saha nidi:

—To punota ijiaga, ninota tiquiro dapure muhri yo, yariaa wahari.

*Surara Jesu pati pahma batogā ñoseahye ñosenɓu mehna*

<sup>31</sup> Ti deco pascua bose deco pano ijiri. Bose deco cjēne usā ihyatire quehñori deco ijiri. Sa ye ape deco saurú ijigū tiquina bose deco ijigū curusaripɓu yariariquinare cū duerari. Ti deco Cohācjūre tiquina ño peori bose deco ijiri. Sa ye ti decopɓu tiquina quē biha ohōriquinare curusaripɓu tiquina wahñagū cahmedari tiquina. Sa ye tiquina quē biha ohōriquinare tiquina ñecɓu cohārine quē nuha dutiye tehe, judio masa siniahye Pilatore, “Tiquina yaria madoqueohro”, niñe. Tiquina sa yeri bato tiquina pagɓire ne dijio madoqueoye tee nidi. <sup>32</sup> Tiquina sa dutigū surara pehe curusari cahapɓu esa, ihcāqiro yaqueriqiro ñecɓu cohārine quē nuhari. Apeqiro gūhɓe sata yeri tiquina. <sup>33</sup> Sa ye Jesu ñecɓu cohārine quē nuhae tee yemehe, tiquiro yariariqiro ijigū ihñañe, quē nuhaedari.

<sup>34</sup> Sa quē nuhaedaye ihcāqiro surara tiquiro pati pahma batogā ñosenɓu mehna ñosedi. Tiquiro sa ñosegū duita tiquiro dii, aco mehna wijiari. <sup>35</sup> Ti sa wahagū ihñañu yahɓu. Yahɓu ahri pūre ojoarigɓu mɓsare poto yahuaja. Poto yahɓu yahuye ijigū masiaja yahɓu. Mɓsare yahuaja mɓsa gūhɓu Jesure mɓsa wacū tutuato saha. <sup>36</sup> Cohācjū yere tiquina ojoari pū ti niñiro sahata sa wahari: “Tiquiro cohārine ne ihcā cohāre quē nuhaedari”, tiquiro ni ojoariro sahata Jesu ñecɓu cohārine ne ihcā cohāre quē nuhaedari. <sup>37</sup> Sa yero ape pūpɓu Cohācjū yere tiquina ojoari pūpɓu ohō saha nine. “Tiquirore tiquina ñosediqirore ihñañeta tiquina”, ni ojoahye Cohācjū yere tiquina ojoari pūpɓu.

*Jesu pagɓe masa copepɓu cūahye*

(Mt 27.57-61; Mr 15.42-47; Lc 23.50-56)

<sup>38</sup> Tiquiro yariari bato José Arimatea cjūno Jesu pagɓe ne dijio taro, Pilatore siniahye. José pehe apequina judio masare cuero, Jesure wacū tutuariqiro tiquiro ijiyere yahu duerahye. Sa yero tiquiro pagɓe sinidi bato Pilato pehe Jesu pagɓe nea dutiahye. Tiquiro nea dutigū José curusa cahapɓu esa, Jesu pagɓe nea wahahye. <sup>39</sup> Nicodemo gūhɓu José mehna wahahye. Tiquiro yucɓu cjē ehme sitiye, mirra wame tiye ehme sitiye yucɓu cjē mehna dahra moredire ne cāhye. Jesu pagɓe tiquina cohāto pano tiquina quehnoati ijiyahye ti ehme sitiye. Tiquiro ne cāhtari treinta kilo ñucɓahye. Nicodemo sohō ijiri pje Jesu mehna tiquiro coā yahuducuri pje ñamipɓu Jesu cahapɓu esariqirore ijiyahye. <sup>40</sup> Sa ye tiquina pɓaro Jesu pagɓe ne, judio masa yariariquinare usā cohāducuro sahata tiquiro pagɓe ehme sitiye mehna suhti mehna wahmeahye. <sup>41</sup> Curusapɓu Jesure tiquina wejēdiro cahapɓu wese ijiri. Ti wesepɓu masa cope utɓɓu wahma tiquina seheri cope

ijiri. Ti copere ne ihcãquiro yariariquirore cohãedarĩdi. <sup>42</sup> Pascua bose deco judio masa bose deco usã ihyatire quehnori deco ijiri. Sa ijiri deco ijigã ti cope cahagã tiquiro curusa ijigã, topũ cũahye tiquina Jesu pagure.

## 20

### *Jesu masa wijiahye*

(Mt 28.1-10; Mr 16.1-8; Lc 24.1-12)

<sup>1</sup> Domingo ñami cjũnogã ijigã, bohreato panogã María Magdalena Jesu masa copere esahye. Topũ esaro ti copere tiquina tu biharia utãre yoa cjũnopũ tiquina p̃õo cũria utãre ihñahye ticoro. <sup>2</sup> Sa ijigã ihñano, usã cahapũ oma tojoa tari ticoro. Simo Pedro mehna yũhũ usã pũana ijii. Wihi ohõ saha ni yahuri usãre ticoro:

—Mari pũhoro pagure ne cãri jiri. Nohopũ ne cã cũcoayaye mari masiedaja, nidi ticoro usãre.

<sup>3</sup> Ticoro sa nigũ tuhona, Pedro mehna masa copere ihñana wahau usã. <sup>4</sup> Sa ihñana wahana usã pũana oma cãu. Sa oma cãna, yũhũ Pedrore oma yũhdũ cãgũ masa copere esa mũhtau. <sup>5</sup> Topũ esagũ muhri ihña sũu ti copere. Muhri ihña sũgũ tiquirore tiquina wahmedi suhtiro dihitarẽ ihñau. Sa ye ti copere sajãedu. <sup>6</sup> Yũhũ sa ihñari batopũ Simo Pedro yũhũ batopũ wihiri. Wihi masa copere sajã, tiquiro pagure tiquina wahmedi suhtirore ihñari tiquiro. <sup>7</sup> Sa yero Jesu dapure tiquina wahmedi cahsero gũhare ihñari tja. Ti cahsero sijoro cuñano tiquiro torẽdi cahsero ijiri. <sup>8</sup> Sa yegũ yũhũ gũhũ masa copere esa mũhtarigũ ti copere sajãu. Jesu sa mariedagũ ihñagũ “Potota Jesu masa wijiahya”, ni tuhottuu yũhũ. <sup>9</sup> Ti copere usã wahato pano Cohãcũ yere tiquina ojoari pũpũ Cristo tiquiro yariatire yahurire, tiquiro masa wijiatire yahuri gũhare usã quehnoano masiedarĩmi. Ti copere yũhũ ihñari bato, “Ijirota Jesu masa wijiahya”, ni, tuhottuu yũhũ. <sup>10</sup> Sa ihña tuhasa usã ye wãhusepũ tojoaa wahau.

### *Jesu María Magdalenare bajuahye*

(Mr 16.9-11)

<sup>11</sup> Sa ye masa copere María majare tojoa ta, ti cope sopecahapũ wihi, ducuro, utiro niahye. Sa utieperota ticoro muhri ihña sũahye masa copere. <sup>12</sup> Sa ihña sũno pũaro angelere, yehseye suhti sañañequinare Jesu tiquiro cuñamediropũ tiquina dujigã ihñahye ticoro. Ihcãquiro tiquiro dapu timediropũ dujiahye. Apequiro tiquiro dahpocãri timediropũ dujiahye.

<sup>13</sup> Tiquinare ticoro ihñagũ tiquina pehe ticorore sinituahye:

—¿Numio, dahse yego utiajari mũhũ? niahye tiquina.

—Yũhũ pũhoro pagure ne cãri jiri. Sa yego tiquiro pagure tiquina cũrire masiedaga yũhũ, niahye ticoro.

<sup>14</sup> Sa ni tuhasa, majaredũcameno Jesure topũ ducuriquirore ihñahye ticoro. Sa ihñaeperota Jesure masiedahye ticoro.

<sup>15</sup> —¿Numio, dahse yego utiajari mũhũ? ¿Noare macago niajari? niahye Jesu ticorore.

“Ahriquiro ahri wesere cohteriquiro ijire”, ni tuhottumahye ticoro Jesure. Sa ni tuhotturo, ohõ saha niahye ticoro:

—Mũhũ tiquiro pagure nedĩgũ ijigũ mũhũ cũrĩrore yahuya yũhare. Mũhũ yahuri bato tiquiro pagure negotja, niahye ticoro tiquirore.

<sup>16</sup> Ticoro sa nidi bato Jesu ohõ saha niahye:

—María, niahye.

Tiquiro sa ni pisugã tuhoro majare ihñadoqueo ticoro hebreo ye mehna ohõ saha niahye:

—Rabuni, niahye ticoro Jesure. “Rabuni”, nino, “Buhegũ”, nino niahye.

17 —Yũhũ Pacũ caharũ mũaedarĩaja yũhũ. Yũhũ sa mũaedarĩgũ yũhũre ñehedacãhña. Sa yego apequina yeequina caharũ wahaya. Tiquina caharũ esago ohõ saha ni yahuya tiquinare: “ ‘Yũhũ Pacũ caharũ wahau tũũ niaja. Mũsa Pacũ gũhũ ijire tiquiro. Yaquiro Cohãcjũ caharũ wahau tũũ niaja. Mũsa yaquiro Cohãcjũ gũhũ ijire tiquiro’, nidi Jesu”, ni yahuya tiquinare, niahye Jesu Mariare.

18 Tiquiro sa nidi bato María Magdalena usã Jesu buhena caharũ wihi, yahuri usãre:

—Mari pũhtorore ihñau yũhũ, ni, Jesu tiquiro yahu dutirire yahuri usãre ticoro.

### *Jesu tiquiro buheyequinare bajuahye*

(Mt 28.16-20; Mr 16.14-18; Lc 24.36-49)

19 Ti deco domingo ñamicaharũ usã Jesu buhena usã acaye judio masare cuena, wũhũrũ biha sajã, dujiũ usã. Sa usã dujigũ Jesu usã watoarũ bajuadũca saro ohõ saha nidi:

—¿Ne, ijajari mũsa? Quehnoano ijiya mũsa, nidi.

20 Sa ni tuhasa, tiquiro omocarine, tiquiro pati pahma bato gũhũre usãre ihñori. Sa yena usã tiquirore usã pũhtorore ihñana bucuei. 21 Pari turi Jesu usãre ohõ saha nidi:

—Quehnoano ijiya mũsa. Yũhũ Pacũ yũhũre tiquiro ohoriro sahata, mũsa gũhũre yee buheyere buheanare ohoaja, nidi Jesu usãre.

22 Sa ni tuhasa tiquiro usãre puti peori. Sa puti peoro Espĩritu Santore usã ñeheatire ihñono nidi usãre. Ihñõ tuhasa ohõ saha nidi:

—Yojorũ Espĩritu Santore ñehẽña mũsa, mũsa mehna ijiatiquirore.

23 Apequina tiquina ñaũe yerire mũsa bogũ, mata ijeta. Sa ye apequina tiquina ñaũe yerire mũsa boeragũ ti bori ijisi, nidi Jesu usãre tiquiro buhenare.

### *Jesure masa wijiariquirore Tomasu ihñahye*

24 Jesu usã watoarũ tiquiro bajuagũ Tomasu sũhdũariquiro tiquina ni pisuriquiro usã mehna mariedari.

25 Tiquiro sa mariedagũ usã mehna cjẽna tiquirore yahumedi.

—Mari pũhtorore usã ihñau, ni yahumi usã Tomasure.

Usã sa ni yahuepegũta ohõ saha nidi Tomasu:

—Tiquiro omocarine tiquina quẽ bihari coperire ihñedagũ, ti coperire yũhũ omo piria mehna ohbe tuhueragũ “Ijirota masa wijiayha”, nisi yũhũ. Sa yegũ tiquiro pati pahma bato ijiri copere yũhũ omoca mehna siõ sũedagũ, “Ijirota masa wijiayha”, nisi yũhũ tiquirore, nidi Tomasu.

26 Ocho decori bato pari turi usã tiquiro buhena usã wũhũrũ ijii. Ti pjere Tomasu usã mehna ijiri. Ti wũhũ bihari wũhũ ijiri. Bihari wũhũ ijiepegũta Jesu wũhũrũ sajã taro, usã watoarũ bajuadũca saro ohõ saha nidi:

—¿Ne, ijajari mũsa? Quehnoano ijiya mũsa, nidi.

27 Sa ni tuhasa, tiquiro Tomasure yahuri:

—Ihñãña yũhũ omocarine. Sa ye mũhũ omo piria mehna yũhũ omocarine tiquina quẽ bihari coperire ohbe tuhuya. Sa yegũ mũhũ omoca mehna yũhũ pati pahma bato ijiri copere siõ tuhuya. “Poto ijierare”, niedacãhña. “Ijirota ijire”, niña mũhũ, nidi Jesu Tomasure.

28 Tiquiro sa nidi bato Tomasu yũhtiri:

—Mũhũ yũhũ pũhto ijire. Yaquiro Cohãcjũ ijire mũhũ, nidi Tomasu Jesure.

29 —Yuhare mahū ihñari bato yuhare wacū tutuare mahū. Apequina pehe yuhare ihñedapeta yuhare wacū tutuaeta. Sa ye tiquina mahū yuhduoro bucueeta, nidi Jesu Tomasura.

### *Jesure mari masiatire ahri pūre ojoahye Ñu*

30 Sa yero peye apeye gūhare Cohācjū tutuaye mehna ye ihñori Jesu usā mehna ijire. Tire tiquiuro yerire ahri pūpū ojoa pehoeradu yuhū. 31 Sa ojoa pehoerapegata ahri pūpū yuhū yahurire ojoaū “Jesuta Cristo Cohācjū ohoriquiro ijire. Tiquiuro potota Cohācjū macuno ijire”, mūsa ni masiatire. Sa yena mūsa tiquiurore wacū tutuana Cohācjū mehna mūsa sa ijiducuatire ojoaū ahri pūre.

## 21

### *Jesu siete tiquiuro buheyequinare bajuahye*

1 Came Tiberia wame tiri ditara duhtū cahapū usāre tiquiuro buhenare Jesu pari turi bajuari tja. Usāre bajuaro ohō saha yeri tiquiuro. 2 Simo Pedro, Tomasu suhdūariquiuro tiquina niniquiuro, Natanae Galilea yehpapū ijiri maca, Canā wame tiri maca cjāno, apequina pūaro buheyequina, Zebedeo pohna pūana usā ohōpequinata cahmecoāū.

3 Sa usā cahmecoari bato Simo Pedro usāre ohō saha nidi:

—Wahi wejēgū wahaū niaja, nidi tiquiuro.

—Usā gūhū mahū mehna wahanatja, nii usā tiquiurore.

Sa ni tuhasa buhaa wahaū. Sa yena yucūsa mehna wahaū. Ti ñamine usā quehnoano wahi wejē bohreepenata ne ihcāquiuro wahi wejēdadū. 4 Bohrea parī quehagū Jesu padūropū ducugū tiquiurore ihñami usā. Sa ihñāepenata tiquiurore ihñā masiedū usā. 5 Sa yero tiquiuro pehe usāre sinituri:

—¿Ne wahi wejēajari mūsa? nidi Jesu.

—Ne wejēdabutiaga usā, ni yuhtii usā.

6 —Yucūsa poto pehe pahrē pehe doque ñōña. Tie pehe doque ñōna wahi wejēnata mūsa, nidi usāre.

Tiquiro sa nigū tuhona usā tiquiuro nidirota doque ñou. Usā doque ño tuhasagūta peyequina wahi sajāri. Peyequina wahi sajāgū wēñanure yucūsapū weje sāana cūedadū usā. 7 Sa yegū yuhū Jesu cahñogū Pedrore yahuu:

—Mari pūhtorota ijire siquiuro padūropū ducuriquiro, nii yuhū Pedrore.

Yuhū sa nigū tuhoro Jesuta tiquiuro ijigū masino, Simo Pedro tiquiuro suhtirore sañari. Wahi wejēno taro tiquiuro suhtirore tu weriquiro ijinidi. Tiquiro suhtirore saña tuhasa, diapū uhpu ñojoaa wahari. 8 Sa yena usā apequina buhena yucūsapū ijina, cien metro yoaro diapūre pahsaū usā. Sa yena wēñanure wahi peyequina sajādūre yucūsa mehna weje nujuū usā.

9 Duhtū cahapū usā wahā sagū, topū peca niti dihita asi cuñari peca ijiri. Ti peca bui tiquiuro pūhō cūriquiurore wahire ihñau usā. Pā gūhare ihñau usā.

10 Sa usā ihñagū ihñano Jesu usāre ohō saha nidi:

—Mianogā mūsa wejēdiquinare meheñequinagā ne cāhtaya, nidi usāre.

11 Tiquiro sa nigū Simo Pedro pehe Jesu mehna ijiriquiro yucūsapū sajā, wēñanure, bujūyequina wahi ciento cincuenta y tres wahi sajādūre weje majari. Peyequina wahi sajāepeta wēñanure tuhredāri.

12 —Ihyana ahtaya, nidi Jesu usāre.

“¿Noa boro ijaajari mahū?” ni sinituerū usā tiquiurore. Usā pūhtoro tiquiuro ijigū masii usā. 13 Sa yero Jesu peca cahapū esaro, pāre ne, usāre itiri. Wahi gūhare itiri.

<sup>14</sup> Sa yero Jesu tiqairo masa wijiari bato paduropu bajuaro ihtia taha usãre tiqairo buhenare bajuaro nidi.

*Jesu Simo Pedro mehna yahuducuahye*

<sup>15</sup> Usã ihyari bato Jesu Simo Pedrore sinituri:

—¿Simo Ñu macu, ahriquinare mahu cahino yuhduoro yahure cahijari mahu? nidi Jesu Simo Pedrore.

—Puhto, mahure cahija yahu. Mahure yahu cahigã masine mahu, ni yahrtiri Simo Pedro.

<sup>16</sup> —Sa yegu ovejagãre tiquina nuno saha yeequinare buheya mahu, nidi Jesu.

Sa ni tuhasa pari turi tiqairo Simo Pedrore sinituri:

—¿Simo Ñu macu, yahure cahijari mahu? nidi Jesu.

—Puhto, mahure cahija yahu. Mahure yahu cahigã masine mahu, ni yahrtiri Simo Pedro.

—Ovejare coheriquiro ovejare tiqairo quehnoano cohero saha, yeequinare quehnoano buhe cohteya, nidi Jesu Pedrore.

<sup>17</sup> Sa ni tuhasa pari turi Simo Pedrore sinituri:

—¿Simo Ñu macu, yahure cahijari mahu? nidi Jesu tja.

Ihtia taha sa ni tiqairo sinitugã tãhoro Simo Pedro tutuaro bujua witiri:

—Puhto, mahu masi pehore. Mahure yahu cahigã masine mahu, ni yahrtiri Simo Pedro.

—Ovejare tiquina nuno saha yeequinare buheya mahu. <sup>18</sup> Ijirota mahure nijaja. Mahu wahmu ijigu mahu suhtire saña, mahu cahmediropu tinie tiahye mahu. Sa yerigu mahu ijiepegãta came mahu bucã ijigã, mahu omocarine mahu siðdoqueogũ apeqiro mahure suhtiro sãnata. Sa yero mahu waha duerupu mahure neanota, nidi Jesu Simo Pedrore.

<sup>19</sup> Sa nino Simo Pedrore dahse waha tiqairo yariatire yahuro nidi. Cameru bucuro tiqairo wahagã sa yeye taye niahye apeqina tiqairore. Cohãcã yere Pedro yeri buhiri apeqina tiqairore wejẽne taye niahye. Sa yero Pedro yariatire yahuro nidi Jesu. Sa ni yahu tuhasa, ohõ saha ni nemori Pedoro:

—Poto yahu buheriro sahata yeya mahu, nidi Jesu Pedoro.

*Jesu tiqairo cahniquiro buheriquiro ahri pũre ojoariquiro ijire*

<sup>20</sup> Tiqairo sa nigãta Pedro pehe majare ihãadoqueo, yahure Ñure Jesu tiqairo cahnoyu buherigure tiquinare yahu nenu tagũ ihãano Pedro Jesure sinituri. Yahu pehe Pedro ihãarigu to pano ohõ saha nidigu ijii. “¿Puhto, mahure ihãa tuhtiyequinare ihãoatiqairo pehe noa boro ijiagari tiqairo?” ni Jesure siniturigu ijii yahu. Ti pjere Jesu tiqairo pari paha ihyã dujii yahu. Sa yero yahure ihãano Pedro Jesure sinituri:

<sup>21</sup> —¿Puhto, ahriquiro pehe dahse waharotari? ni sinituri.

<sup>22</sup> —Tire mahure yahueraja. Ahri yehrapu yahu tojoa tato pano ahriquirore ijiducugã yahu yeatire masiedare mahu. Sa yegu mahure yahueraja. Poto yahu buheriro sahata yeya mahu, nidi Jesu Pedoro.

<sup>23</sup> Tire tiqairo yahurire ijiphtiyequina Jesu yequina tiquina basi yahu sitemedi. Tire yahu siteye ohõ saha nitemedi tiquina pehe: “Jesu tiqairo cahniquiro buheriquiro yariasi”, ni yahu sitemedi yahure Jesu yequina tiquina basi. Tiquina sa niepegãta “Tiqairo yariasi”, nino niedari jimedi Jesu. “Ahri yehrapu yahu tojoa tato pano ahriquirore ijiducugã yahu yeatire masiedare mahu. Sa yegu mahure yahueraja”, nidi Jesu Pedoro.

<sup>24</sup> Jesu buherigu ahrire yahurigu, ahri pũre ojoarigu ijiaja yahu. Sa yena ahri yahu yahuye poto ijigã masiaja mari.



<sup>25</sup> Peye apeye gāhare Jesu yeri. Tiquiro yerire mari ojoa pehogā ti pūri ojoari pūri peye waro wahaboaga. Sa ye ti pūrine mari ihbogā esa tuhaer-  
aboaga ahri yehpa. Wahpaa wahaboaga, yāhū tūhotugā. To puno tjire.

## Jesu buhe dutiro tiqiro cūriquina tiquina yerire yahuri pū ijire

—*Espíritu Santo ahtarota, niahye ahri pūre ojoariquiro*

<sup>1-2</sup> Teófilo, ahri quitire mähare ojoagü niaja. To pano yühü ojoa mähari pūre Jesu yerire, tiqiro buheyere mähare yahu tuhasau. Tee ühmüsepü tiqiro mujarire yühü yahu bato tii. Jesu tiqiro mujato pano Espiritu Santo tutuaye mehna dutiahye tiqiro bese cūriquinare. <sup>3</sup> Sa ye Jesu curusapü tiqiro yariari bato ihquē tahari pagü tiriqiro bajuahye tiqiro cūriquinare. Cuarenta decori bato bajua bato tiahye. Sa yero tiqiro basi catiriquiro ijyere ihñoahye tiquinare. Sa bajoaro mari Pacü tiqiro pähoro ijyere quehnoañe buheyere yahuahye tiquinare.

<sup>4</sup> Jesu tiqiro cūriquina mehna ijinino tiquinare ohō saha ni yahuahye:

—Jerusalēpüta ijiniña yojopure. “Espiritu Santore müsare ohogütja”, yühü Pacü tiqiro nidiquirore cohteniña. Türe tiqiro nidire müsare yahuu yühü.

<sup>5</sup> Ñu müsare wame yero aco mehna wame yemedi. Yühü pehe ti yühüoro yeitja müsare. Mehenogã bato Espiritu Santore müsä mehna ijiducugã yeitja müsare, niahye Jesu.

*Jesu ühmüsepü mujaa wahahye*

<sup>6</sup> Sa ye ape taha cünepü Olivo wame tidüpü Jesu tiquinare tiqiro bajuagã ihñañe tiquina sinituahye tiqirore:

—¿Pühito, Israe yehpare tiquina ehmari yehpare dühse ijigü üsäre pari turi cügütjari mähü? ¿Dühse ijigü mari acaye warore pähoro sögütjari mähü? niahye tiqiro yequina.

<sup>7</sup> Tiquina sa nigü tuhoro Jesu ohō saha niahye:

—Mari Pacü dihita ti decore müsä ya yehpare müsä quehnoano ijiatire cū masine. Ti decore müsare masino basioerare. <sup>8</sup> Sa masiedapenata müsare Espiritu Santo tiqiro wihigü Cohãcjö ye tutuayere cönata müsä. Tiquiro ye tutuayere müsä cöna Jerusalē cjenare, ijipihtiyequina Judea yehpa cjenare, Samaria yehpa cjenare, sa ye ijipihtiyere yehpari cjenare quehnoañe buheyere buhenata müsä. Yühü yariarire, yühü masa mujarire tiquinare buhenata müsä, ni yahuahye Jesu tiquinare.

<sup>9</sup> Sa ni yahu tuhasa, Jesu ühmüsepü mujaa wahahye. Tiquina tiqirore ihña nünü tã müogüta ehmeo curua puhiapü sajã, buti mujaa wahahye. <sup>10</sup> Sa ye tiquina Jesu mujariquirore tiquina ihña müori watoa püaro angele yehseye suhti sañañequina Jesu tiqiro cūriquina watoa bajuadüca sahye. <sup>11</sup> Sa ye tiquinare ohō saha niahye:

—¿Müsä Galilea cjäna, dühse ijiro boro ihña müoducuna niajari müsä? Ahriqiro Jesu ühmüsepü mujariquiro, tiqiro mujariro saha ahtarota, ni yahuahye angele.

*Jesu cūriquina Juda münanore comesatiqirore beseahye*

<sup>12</sup> Sa ye Jesu yequina cünepü Olivo wame tidüpü ijiriquina dijia ta, Jerusalēpü tojoa sahye. Tü cünepüre ihcã kilómetro yühüo cjöno yoaro ijiahye Jerusalē dühü cahapüre. <sup>13</sup> Tojoa sa, ühmüanopü tiquina ijiri tucüpü mujaa wahahye. Ahriquina ijiahye: Pedro, Ñu, Santiago, Andre, Felipe, Tomasu, Bartolomé, Mateo, Santiago, Simo, Juda ijiahye. Santiago pehe Alfeo macüno ijiahye. Simo pehe celote wame tiri curua cjäno ijimediquiro

ijiahye. Juda pehe Santiago acayaro ijiahye. <sup>14</sup> Peye tahari ahriquina ijipihitiyequina, numia mehna, María Jesu pacoro mehna, Jesu bahana mehna quehnoano cahmecoa, tutuaro mehna mari Pacare sinie tiahye.

<sup>15</sup> Sa ye ti decorie masa peyequina cahmecoahye. Ciento veinte ijiye ijiboaya. Sa yero Pedro pehe tiqiro mehna cjēna Cristo yequina watoa ducu, yahuahye tiquinare:

<sup>16</sup> —Yuhū acaye, Cohācjū panopū tiqiro nidiro sahata waharo nidi. Tire Espiritu Santo Davire yahu dutiahye Juda mūnanore. Juda mūnana Jesure ñeheatiquinare ihñoriqiro ijiri. <sup>17</sup> Sa yeatiqiro ijieperota mari mehna Jesu yere yeriqiro ijimedi. Sa yero usā mehna cjānota ijimedi, niahye Pedro.

<sup>18</sup> Jesure ihño dutiye tiquina wapa yerire Juda mūnana pehe wiari bato tiqiro basita wejē yariaa wahahye. Sa yero boraa waha, tiqiro cahta misi da tuhna waha, yariaa wahahye. Tiqiro wiari mehna apequina mehenogā yehpare dúahye. <sup>19</sup> Ijipihitiyequina Jerusalē cjēna masi pihti cāri jiri Juda mūnana tiqiro ñano yerire. Sa masiñe tiqiro ye niñeru mehna tiquina dúri yehpare Acéldama wame yeri jiri tiquina ye yahuducuye mehna. Acéldama niñe, “Dii yehpa”, niñe nine. <sup>20</sup> Came ohō saha ni nemoahye Pedro:

—Panopū tiquina ojoariro sahata sa wahari Juda mūnana. Salmo tiqiro ojoari pūpū ohō saha ni ojoahye:

Tiqiro wuhū cohōri wuhū ijiahro. Sa ye apequina ti wuhūre ijieracāhdo, ni, ojoahye.

Ohō gāhure ohō saha ni ojoahye:

Apeqiro tiqiro dahrayere comesariqiro ijirota, ni, ojoahye Salmopū.

<sup>21-22</sup> ‘Sa yena mari ihcāqiro beseihna. Ñu wame yeriqiro mūnana masare tiqiro buheri watoa ihquēquina Jesu yequina mari mehna wahari. Tiquina mehna cjānore ihcāqiro bese neno cahmene mari mehna cjāno ijiatiqirore. Jesu mehna mari ijigū mari mehna sa ijiducuriqirore besero cahmene. Sa mari beseri bato Jesu tiqiro masa mujarire mari mehna buherota, ni yahuahye Pedro tiqiro acayere Cristo yequinare.

<sup>23</sup> Tiqiro sa nigū tahoye pūarore bese bocahe tiquina. Ihcāqiro José Justo wame tiriqirore beseahye. Tiqiro Barsaba tiquina ni pisuriqiro ijiahye. Sa ye apeqirore Matia wame tiriqirore beseahye. <sup>24-25</sup> Tiquinare bese boca tuhasa, tiquina mari Pacare ohō saha ni siniahye:

—Muhū usā puhto, ijipihitiyequina masa tiquina tuhoyere masine. Ahriquina pūaro usā beseriquina ijire. Juda mūnanore comesatiquirore diqiro mahū cahmeniqirore beseya. Jesure cohātjiano Juda mūnana pehe pecarū wahahye. Tiquiro comesariqiro Jesu tiqiro cūriqiro ijirota. Sa yero usā mehna quehnoañe buheyere buherota, niahye tiquina mari Pacare.

<sup>26</sup> Sa niñeta Juda mūnanore comesatiquirore beseye tehe utā paca mehna doque cū mujahye “Noa pehe sajānotari”, niñe. Matia tiqiro quehnoano wijlagā, tiqiro pehe Jesu cūriquina once cūriquina mehna cjāno tojoahye.

## 2

### *Espiritu Santo Jesu yequina mehna iji dūcahye*

<sup>1</sup> Sa ye Pentecoste wame tiri deco ijigū tiquina ijipihitiyequina ihcā wuhūpū cahmecoahye. <sup>2</sup> Ti pjerete wihnono tutuaro wēno saha ahmūanopū bisiro ca tahye. Sa bisiro ca tagū tūhoahye ijipihitiyequina ti wuhūpū ijiriquina. <sup>3</sup> Sa ye peca pohna yero saha ijiye tiquina ijipihitiyequina dapu paca bui bajuahye. Ti peca pohnarigā ñehmeno yero saha bajuahye. <sup>4</sup> Sa yero Espiritu Santo wihiahye tiquinare tiqiro tutuayere ohoro taro. Espiritu Santo

tiquinare yedohoro puno tiquina pehe apequina ye mehna quehnoano yahuducuahye.

<sup>5</sup> Ti decorire Jerusalēp̄m peyequina judio masa ijiahye. Mari Pacure ño peoyequina ijiahye. Tiquina macaripe cĵēna ijiahye. <sup>6</sup> Sa ye ūhm̄sēp̄m bisigū t̄hoye Jesu buheyequina cahap̄m peyequina cahmecoahye. Masape ye yahuducuyere Jesu buheyequina tiquina yahuducugū t̄hoahye. Sa tiquina yahuducugū t̄hoye, tiquina t̄ho maria wahahye.

<sup>7-8</sup> —Ahyou, ¿D̄hse yeye ahriquina Galilea cĵēna ijiepet̄a quehnoano mari yere yahuducujari? Tiquina mari masa bajarirop̄m ahtariquina yero sahata yahuducuye ca tarē, niahye tiquina pehe.

<sup>9-10</sup> —Ijipihtiyequina mari yere vojop̄re yahuducuye nine: Partia cĵāna, Media cĵāna, Elā cĵāna, Mesopotamia cĵāna, Judea cĵāna, Capadocia cĵāna, Ponto cĵāna, Asia cĵāna, Frigia cĵāna, Panfilia cĵāna, Egipto cĵāna, Libiap̄m ijiye macarip̄m Cirene cahap̄m ijina, Romap̄m ahtarina ijiaja mari. Ihquēquina judio masa ijiaja mari. Apequina mari judio masa ijiena, judio masa ye buheyere buhenap̄m ijiaja mari. <sup>11</sup> Creta cĵēna gūh̄m, Arabia cĵēna gūh̄m ijire mari mehna. Sa yena ahriquina mari yere tiquina yahuducugū t̄hoaja mari. Tiquina mari ye mehna Cohācĵū tutuaye mehna tiquiro yerire yahuye nine, ni yahuducuahye masa tiquina basi.

<sup>12</sup> Sa niñeta tiquina t̄ho ac̄na waha, tiquina ihñarire tiquina t̄horire quehnoano masiedahye.

—¿Ahri d̄hse ijiro boro ahriquina apequina ye mehna Cohācĵū yere sa quehnoano yahuducujari, m̄sa t̄hotugū? ni cahme sinituahye tiquina basi.

<sup>13</sup> Tiquina sa ni t̄hotuepegūta apequina tiquina mehna cĵēna baj̄m̄peahye: —¿D̄hse ahriquina sihbiori sihni, queheye niajari? ni baj̄m̄peahye apequina tiquina basi.

### *Pedro masare yahuahye*

<sup>14</sup> Sa yero Pedro once Jesu cūriquina mehna ducu, masare yahuahye:

—M̄sa Judea yehpa cĵāna, ijipih̄tina Jerusalēp̄m ijina, ahrire masiña m̄sa. Yūh̄m yahugū t̄hoya m̄sa. <sup>15</sup> M̄sa t̄hotuye poto ijierare. J̄jop̄uta nueve hora ijire. Sa ye ahriquina queherare. <sup>16</sup> Ahriquina Cohācĵū panop̄m tiquiro nidiro sahata yeye nine. Ti p̄jēp̄re Joere Cohācĵū yere yahu m̄htariquirore, ahrire yahu dutiahye Cohācĵū pehe:

<sup>17</sup> Iji bato tiye decori ijigū ohō saha ijirota: Yaquiro Esp̄iriture masare ijipihtiyequinare ohogut̄ja. Sa ye m̄sa pohnap̄m yeere yahueta. Sa ye m̄sa mehna cĵēna wahma p̄jia bajumehneñene ihñæta. Sa ye m̄sa mehna cĵēna b̄sc̄na quehēnop̄m quehēeta. <sup>18</sup> Sa yegū yūh̄m cahacĵēnare, yūh̄m cahacĵēna numia gūh̄re yaquiro Esp̄iriture ohogut̄ja. Sa ye tiquina yahueta yeere. <sup>19</sup> Sa yegū yūh̄m tutuaye mehna bajumehneñene ye ihñogut̄ja ūhm̄anop̄m. Yehpar̄m gūh̄re yūh̄m bajumehneñene ihñogut̄ja: Diire, pecare, peca ohmeore ihñogut̄ja. <sup>20</sup> Sa yero asū deco cĵāno nahitiaa waharota. Nami cĵāno dii yero saha sohāriquiro comesarota. Ohō saha waharota Cristo m̄sa p̄h̄toro tiquiro ahtati deco, yūh̄m nidi deco pano. Ti decop̄m ihñā maria wahaeta masa. Sa yero ihyo ijiri deco ijisi. Ti deco quehnoari deco ijirota. <sup>21</sup> Sa yero ohō saha ijirota. Ijipihtiyequina masa Cristore tiquina ñañene cohā duti sinif̄nequinare tiquiro tiquinare pecap̄m waha-boriquinare yēhd̄orota, nine Cohācĵū, ni ojoahye Joel.

<sup>22</sup> M̄sa Israe masa yūh̄m yahugū t̄hoya: Jesu Nazare cĵāno pehe Cohācĵū ohoriquiro ijiri. Jesure tiquiro ohorire masa tiquina masiato saha tiquiro

tutuaye mehna ye ihñori mäsare. Mäsa tire masine. <sup>23</sup> Jesure ohori mäsare apeqüiro. Panopm Cohäcjö “Sa waharota”, tiqüiro nidiro sahata sa yeri apeqüiro. Sa yena mäsa Jesure curusapm wejê dutiri masa ñañequinare. <sup>24</sup> Cohäcjö pehe Jesure yariariqüiro mñanore masori. Pari turi ne yariasi tiqüiro. Tiqüiro yaria dojoerare. Sa catiducatiqüiro ijire. <sup>25</sup> Ohö saha niahye Davi panopm cjöno Cristo tiqüiro niboriro sahata:

Yahm pñhto, yahm mehna ijire mahm. Ijipihtiyē decori Cohäcjö yahm pñhto yahm caha mahm ijigü ihñae tii yahm cuerato saha. <sup>26-27</sup> Mähm Cohäcjö yahm jeripohnare yariayequina tiquina ijiropäre ne cohäsi. Yähure ñanopm yahm jeripohnare cohäsi mahm. Yähm mahm cahacjö mahure ño peogm ijlaja. Yähm pagüre ahba dutisi mahm. Sa yegm tutuaro bucueaja. Bucueye mehna yahuducuaaja. Sa yegm mahure Cohäcjöre quehnoano wacü tutuagm ijigm cuero marieno quehnoano iji cjä. <sup>28</sup> Yähure pari turi catigü yegata mahm. Yähm mehna mahm ijigü tutuaro bucueaja, ni, ojoahye Davi mñano Cristo tiqüiro niboriro sahata.

<sup>29</sup> ‘Acaye, ohö saha quehnoano yahugutja mäsare Davire mari acayuro, panopm cñanore. Tiqüiro yariaa wahahye. Sa yero tiqüirore tiquina yari cope yojopäre ijire. Sa yero “Yähm pagüre ahba dutisi mahm”, ni ojoaro tiqüiro basi wame peo yahuro niedahye. <sup>30-31</sup> Panopm Cohäcjö Davi mñanore ohö saha niahye: “Poto niita niaja. Mähm panamena iji turiayequina mehna cjöno mahm yero saha ahri yehpa cjöna pñhtoro ijirota”, niahye Cohäcjö Davire. Davi Cohäcjö yere yahu mñhtariqüiro ijahye. Sa yero Cristore Cohäcjö tiqüiro pñhtoro sötire masino, Cristo tiqüiro masa mñjatire yahu mñhta tuhasahye Davi pehe. Ohö saha niahye: “Tiqüiro yariayequina ijiropäre iji dojoasi. Tiqüiro pagm topm ahbasi”, niahye Davi. <sup>32</sup> Ahriqüirore Jesure Cohäcjö masori. Usä ijipihtina ihñam. <sup>33</sup> Cristo mari Pacm poto peherm ijire dutiriqüiro ijiro. Sa yero tiqüiro Pacuro “Espíritu Santore yehpam ohogutja”, niahye tiqüirore. Sa yero Cristo pehe ahriquinare Espiritu Santore ohori. Yojopäre Espiritu tiqüiro yeyere mäsa ihñana nine. Sa yena mäsa tñhore. <sup>34</sup> Davi mñano pehe Jesu tiqüiro mñjariro sahata ahmuserm mñjaedahye. Sa yero tiqüiro basi ohö saha niahye:

Cohäcjö nidi yahm pñhtore: “Yähm poto peherm dujiya mahm. <sup>35</sup> Mähure ihñä tuhtiyequinare mahure yahdñdñca basantja yahm”, nidi Cohäcjö yahm pñhtore, niahye Davi mñano.

<sup>36</sup> ‘Sa yena ijipiltina Israe masa ahrire quehnoano masiña mäsa: Ahriqüiro Jesure mäsa curusapm wejêdiqüirore mäsa pñhtoro söri Cohäcjö pehe. Tiqüirore mäsare yahdñoatiqüirore Cristore cñri Cohäcjö, ni yahuahye masare Pedro.

<sup>37</sup> Tiqüiro sa nigü tñhoye tutuaro bñjma witiye, cueye masa pehe Pedro gähure sinituahye:

—¿Usä acaye, dñhse yenatari usä? ni sinituahye tiquina.

—Tiquina sa ni sinitugü yähtiahye Pedro gñm:

—Mäsa ñañe yeyere bñjma witiña ijiya. Quehnoañe pehere comesaya. Sa yena Jesu wame mehna wame yenohrina ijiya mäsa ijipiltina. Mäsa sa yegm mäsa ñañene borota Cohäcjö. Mäsa sa yegm Espiritu Santo mäsa mehna ijirota. Cohäcjö yaqüiro Espiritu Santore sa oho cñnota mäsare. <sup>39</sup> Mäsare, mäsa pohnare, mäsa panamena iji turiayequinare, yoaropm cññare, ijipiltiyequina Cohäcjö mari pñhtoro tiqüiro beseriquinare, “Potota yahdñogutja mäsare”, ni, cñhaye Cohäcjö, niahye Pedro.

<sup>40</sup> Sa ni tuhasa peye yahu nemoahye tiqüiro. Sa yero tutuaro mehna yahuahye tiquinare:

—Ahri yehpa cjēnare tiquina ñano yeri buhirire buhiri dahrerota Cohācjū. Sa yena masa pehe Cohācjū yequina ijiya. Masa sa ijigū tiquiro masare buhiri dahresi, niahye Pedro masare.

<sup>41</sup> Tiquiro sa nigū tahoje peyequina tiquiro yahuducuyere quehnoano tahoahye. Sa yero tiquinare tiquiro wame yeahye. Sa ye Cohācjū yequina mehna cjēna tres mil masa waha nemoahye. <sup>42</sup> Sa ye tiquina masa Cristo cūriquina mehna decoripe ijie tiahye. Sa ye tiquina ti buheyere decoripe tahoē tiahye. Tiquina ihyayere cahme iti, Cohācjūre sini, Cristo cūriquina mehna quehnoano ijie tiahye.

### *Jesu yequina coā iji ducayequina tiquina ijiye tiyere yahuahye*

<sup>43</sup> Sa ye Cohācjū tutuaye mehna ye ihñoahye Jesu cūriquina. Tiquina sa yegū ihñañe masa ijipihtyequina ihña maria wahaē tiahye. <sup>44</sup> Sa ye ijipihtyequina Jesure wacū tutuayequina cahmecoā, quehnoano ijie tiahye. Sa ye tiquina yere cahme itie tiahye. <sup>45</sup> Tiquina yere dua, ijipihtyequinare apee boro marieñequinare tiquinape ohoe tiahye tiquina. <sup>46</sup> Sa ye decoripe tiquina Cohācjū wuhupū cahmecoāē tiahye. Ijipihtyequina tiquina ye wuhusepū bucueye mehna cahmecoā, ihyae tiahye. <sup>47</sup> Tiquina sa cahmecoā, “Cohācjū quehnoariquiro ijire”, ni ño peoe tiahye. Sa ye apeqina masa tiquinare cahme yuhdūe tiahye. Sa yero decoripe Cohācjū apequinare tiquiro yequina wahagū yee tiahye.

## 3

### *Tini masieniquirore yuhdūoahye mari Pacu*

<sup>1</sup> Ñamicahapū tres ijigū Cohācjū mehna yahuducuri pje ijigū Pedro, Ñu mehna Cohācjū wuhupū wahaye niahye. <sup>2</sup> Decoripe ti wuhū cjā sopecaha quehnoari sopecaha wame tiri sopecahapū apeqina ihcāquiro masunore ne cāhta, duhu dapoe tiahye. Tiquiro masano pehe wahma masa bajaroputa tini masiedahye. Sa yero tiquiro ti sopecaha caha niñerure sini dujie tiahye ti wuhupū sajāñequinare. <sup>3</sup> Sa ye Pedro, Ñu mehna ti wuhupū tiquina esaducagū tini masieniquiro pehe tiquinare ihña, niñerure siniahye. <sup>4</sup> Sa ye Pedro gāhu tiquirore ihña, Pedro pehe ohō saha niahye:

—Ūsāre ihñaña māhū, niahye Pedro tiquirore.

<sup>5</sup> Tiquiro sa nigū tūhoro “Ahriquina mehenogā yuhūre niñerure ohoeta”, ni tūhoturo ihñadoque ohō, tūhoahye tiquinare. <sup>6</sup> Tiquiro sa ni tūhotuepegūta Pedro tiquirore ohō saha ni yahuahye:

—Niñerure cūoeraja yuhū. Cūoerapeita, ahrire yeitja māhūre. Jesucristo Nazare cjāno tiquiro tutuaye mehna tiniña māhū, niahye Pedro tini masieniquirore.

<sup>7</sup> Sa ninota tiquiro omocare poto pehe cjā omocare ñehe, tiquirore weje wahcō docoahye. Ti pjeta tini masieniquirore tiquiro ñecari tutuāa wahahye.

<sup>8</sup> Tiquiro sa wahari bato tiquiro wahcādaca sa, waha dūcahye. Sa yero tiquiro waha, uhpu maa, “Cohācjū quehnoariquiro ijire”, ni bucueahye. Sa bucuro tiquina mehna Cohācjū wuhupū sajā wahahye. <sup>9</sup> Tiquiro sa tinigū “Cohācjū quehnoariquiro ijire”, tiquiro nigū masa ijipihtyequina tiquirore ihñahye. <sup>10</sup> Sa ye masa tiquirore ihña masiahye. Tiquiro Cohācjū wuhū cjā sopecaha quehnoari sopecaha caha niñerure tiquiro sini dujirire masiahye masa. Sa ye tiquiro tinigū ihñañe, ihña maria wahahye.

### *Cohācjū wuhupū Pedro masare buheahye*

<sup>11</sup> Sa ye tini masieniquiro Pedro gūhare tiquiro ñeheni watoa, masa ijipihitiyequina ihña maria waha, quehnoari paapu Salomo wame tiri paapu oma cā, cahmecoahye. <sup>12</sup> Tiquina sa cahmecoari bato Pedro pehe yahuahye tiquinare:

—¿Musa Israe masa, dahse yena ahriquiore ihña mariajari? ¿Dahse yena usāre musa ihña nūnūajari? Usā pehe usā ye tutuaye mehna Cohācjūre usā wacū tutuaye mehna usā esa tuharo ahriquiore tinigū yeru usā. <sup>13</sup> Abrahā, Isaac, Jacob mari ñecusumua panopu cjēna Cohācjūre ño peoe tiahye. Tiquiro Cohācjū pehe tiquiro cahacjānore Jesure tutuariquiro, quehnoariquiro tiquiro ijigū musare ihñoe tiri. Musa Jesure tiquirore ihña tuhtiyequinare ohori. Sa yena Pilato tiquirore peresu wio duepegūta musa pehe tiquirore wio gū cahmedari. Pilatore Jesure ohori musa. <sup>14</sup> Pilato tiquirore wio duamedī. Tiquiro sa wio duepegūta musa Jesure quehnoariquirore, quehnoano yeriquirore cahmedana, apequiore masa wejēdiquiro pehere wio dutiri musa. <sup>15</sup> Sa yena Jesure marine catigū yeriquirore wejēdi musa, usā acaye judio masa. Tiquiro yariagū Cohācjū tiquirore masori. Tire usā ihñan. <sup>16</sup> Sa yena usā tiquirore wacū tutuana ijaia. Usā sa wacū tutuagū ihñano ahriquiore musa yojopu ihñariquirore musa ihña masiniquirore Jesu pehe tiquiro tutuaye mehna tinigū yeri.

<sup>17</sup> Yūhu acaye, mari pahtoa mehna Jesure quehnoano masiedapenata tiquirore wejēdi musa. Tire masiaja yūhu. <sup>18</sup> Sa ye panopu cjēna Cohācjū yere yahu mahtariquina Cohācjū tiquinare tiquiro yahu dutiriro sahata yahuahye tiquina. “Cristo ñano yūhdurota”, ni yahuahye tiquina. Tiquina sa ni yahuriro sahata sa wahari yojopure. <sup>19</sup> Sa yena yojopure musa ñahe yerire byūna witina ijiya. Quehnoahe pehere comesaya. Cristore wacū tutuaya. Sa yero musa ñahe yerire borota Cohācjū. Sa yero musare bucueye decori cūnota tiquiro. Sa yena quehnoano jeri sajanata. <sup>20</sup> Sa yero Cohācjū Cristore tiquiro beseriquirore musare ohorota. Cristo Jesuta ijire. <sup>21</sup> Cohācjū cahapu iji nine Jesu. Panopu Cohācjū tiquiro yere yahu mahtariquinare yahuyu dutiahye. Masare ahri yehpa gūhare tiquiro yeatire yahuyu dutiahye. Sa yero tiquiro yahuriro sahata yojopure ijipihitiyere quehnono nine. Quehno tuhasaro pari tiri Cristore ahri yehparu ohorota. <sup>22</sup> Moise tire yahuro ohō saha niahye: “Mari mehna cjānore mari acayurore Cohācjū yere yahu mahtariquirore Cohācjū mari pahtoro ohorota musare. Yūhare tiquiro ohoriro saha ohorota tiquiro gūhare. Sa yena musare tiquiro yahugū tuho pihti cāhña musa. <sup>23</sup> Ohō saha ijirora. Ijipihitiyequina tiquirore tuhoerariquinare, tiquiro dutiyere yerariquinare tiquiro cohānota. Cohācjū yequina mehna cjēna ijisi tiquina”, niahye Moise.

<sup>24</sup> Ijipihitiyequina Cohācjū yere yahu mahtariquinape Samuel, tiquiro bato ijiequina gūhu ahri decorire yahuahye. <sup>25</sup> Mari ñecusumuaare panopu cjēnare yahuahye Cohācjū. Mari gūhare sa ni yahuro niahye. Abrahāre tiquiro nidiro sahata mari gūhare ni yahuro niahye. Ohō saha ni yahuahye Cohācjū Abrahāre: “Ijipihitiri yehpa cjēnare quehnoano yeitja. Ohō saha tire yeitja: Cameru iji nūnu tāriquiro mūhu acayuro pehe masare quehnoano ye basarota yūhare”, niahye Cohācjū Abrahāre. <sup>26</sup> Sa yero Cohācjū tiquiro macūnore mari cahapu oho mahtari mari ñahe yeyere duhu dutiatiquirore. Sa yero marine tiquiro quehnoano yeri, niahye Pedro tiquinare.

## 4



1-3 Masa mehna tiquiro yahuducuri watoa pahia, Cohācjū wuhare cohteyequina surara puhtoro, saduceo masa gāhū tiquinare tūhoahye. Ohō saha ni buheahye Pedro Ńu mehna masare:

—Jesu tiquiro yariari bato masa mājaa wahari. Tiquiro sa masagū ihñana mari gāhū came mari tiquiro yequina mari masa mājatire masiaja mari, ni yahuahye Pedro gāhū.

Tiquina sa nigū tuhoye puhtoa pehe tiquina mehna usuahye. Sa usuaye nahi quehagū ihñañe tiquina Pedrore, apequina Jesu cūriquina gāhure ñehe, peresu yeahye. 4 Puhtoa tiquina sa cahmedapegūta peyequina Cohācjū yere tuhoyequina pehe “Ijirota ijire”, ni tuhoutuahye. Sa ye Jesu yequina peyequina sajahye. Tiquinare mñā sehsarore mari queogū Jesure wacū tutuayequina cinco mil masa ijiahye.

5 Sa ye ape decopū ti maca cjēna puhtoa, bucna, judio masa buheyequina mehna Jerusalēpū cahmecoahye. 6 Sa yero pahia puhtoro, Anás wame tiriquire topū ijiahye. Tiquiro acaye gāhū ijiahye. Caifa, Ńu, Alejandro, apequina mehna Anás acaye gāhū ijiahye. 7 Sa ye tiquina Pedro gāhure tiquina cahmedoqueogū, surara pehe puhtoa watoapū tiquinare ne wihī docoahye. Tiquina sa yeri bato puhtoa sinituahye Pedro gāhure:

—¿Noa ye tutuaye mehna masa tiquire tinigū yeari? ¿Noa ijiajari masare tire ye dutiriquire? ni, sinituahye tiquina.

8 Tiquina sa nigū tuhoro Espiritu Santo tutuaye mehna yahuahye Pedro tiquinare:

9 —¿Masa puhtoa, masa bucna, usā tini masieniquirore quehnoa wahagū usā yerire sinituna nijari masa? 10 Ahrire masiña masa ijipihtina, Israe masa. Ahrire Jesucristo sa yeri. Jesu Nazare cjūno, masa curusapū wejēdiquire, Cohācjū tiquire masoriquire pehe ahriquire tini masieniquirore quehnoa wahagū yeri. Sa yena ahriquire yojopare masa ihñonopū tiquire tinigū ihñare masa. Ohō saha nine Cohācjū yere tiquina ojoari pūpū Cristore yahuro: 11 “Ahriquire atā yero saha ijiriquire ijire. Utāre wāhū dahrea-tiquina tiquina cohāno saha masa tiquire cohāri. Tiquina sa yepegūta yojopare wāhū dahreriquina wāhure yeye tiquina cū mātari utāre tiquina cūno saha Cohācjū tiquire puhtoro sōri. Tiquiro Cristo pehe mariedagū Cohācjū yequina wahaeraboaya masa. Tiquiro sa ihyo ijiriquire ijierapegūta masa mari puhtoa mehna tiquire cahmedari. Masa sa cahmedapegūta Cohācjū pehe tiquire mari puhtoro sōri”, ni ojoahye panopare. 12 Ne, apequire masare pecapū wahaboriquinare yuhdūoriquiro ne mariedare. Ahri yehparare Jesu dihita masare yuhdūoriquiro ijire. Ne apequina tiquire yero saha ijiequina ne mariedare, ni yahuahye Pedro tiquinare.

13 Tiquiro sa ni yahuri bato Pedro, Ńu mehna buhemehneñequina tiquina ijigū ihñañe, cuero marieno tiquina buhegū ihñañe, puhtoa, bucna, judio masa buheyequina mehna tūho maria wahahye. Sa ye Jesu yero saha tiquina buhegū ihñañe, ohō saha masiahye tiquina: “Pedro, Ńu gāhū potota Jesu mehna cjēna ijire ahriquina”, ni, masiahye tiquina. 14 Sa yero tini masieniquiro ijimediquiro Pedro gāhū mehna ijiahye. Tiquiro quehnoariquire ijigū ihñahye puhtoa, bucna, judio masa buheyequina mehna. Sa ye tiquina Pedro gāhure “Ńano yeye nine”, ni yahusā masiedahye. 15 Sa yahusā masiedaye, puhtoa tiquina cahmecoari tucūpū ijiequinare Pedro gāhure wija dutiahye. 16 Tiquina wijiari bato tiquina basi ohō saha ni yahuducuahye:

—¿Ahriquinare dūhse yenatari mari? ni, yahuducuahye tiquina. Ohō saha ni yahuducu nemoahye:

—Pedro, Ñu mehna Cohăcĵũ tutuaye mehna tini masieniquirore tinigũ yeri jiri. Sa ye Jerusalē cjēna ijipihtiyequina tiquina sa yerire masidi. Sa yena mari pehe “Sa yerari tiquina”, ni masiedaja mari. <sup>17</sup> Sa yena Jesu tiquiuro buherire apequinare buhe dutieracāhna tiquinare, “Apequina ti buheyere cahmeari”, niina, ni yahuducuahye tiquina basi.

<sup>18</sup> Sa ni yahuducu tuhasa Pedro gũhare pijio, ohō saha niahye:

—Jesu tiquiuro buherire ne buheracāhña apequinare. Tire ne yahuducueracāhña, nimahye tiquinare.

<sup>19</sup> Tiquina sa nigũ tũhoye Pedro, Ñu mehna ohō saha niahye tiquinare:

—Musa ohō saha nigũ musare yũhtina, Cohăcĵũ pehere yũhdũdũcana ni-boaga usā. ¿Noa pehere usā yũhtigũ cahmeajari musa? ¿Musa pehere usā yũhtigũ cahmeajari musa? ¿O Cohăcĵũ pehere usā yũhtigũ cahmedajari musa?

<sup>20</sup> Usā pehere usā ihñarire, usā tũhorire usāre nũono basioerare, ni yũhtiahye Pedro, Ñu mehna.

<sup>21</sup> Tiquina sa nigũ tũhoye pũthoa pehe pari turi dutimahye tiquinare tja:

—Jesu tiquiuro buherire musa buheri buhiri ñano yũhdũnata musa, nimahye pũthoa tiquinare.

“Ñu, Pedro mehna ñano yeye nine”, ni masiedari jiri tiquina. Sa ye masa pehe tini masieniquiro tiquiuro yũhdũgũ ihñañe, “Cohăcĵũ potota quehnoariquiuro ijire”, niahye masa. Tiquina sa nigũ tũhoye pũthoa pehe Pedro gũhare buhiri dahre masieda, tiquinare wioahye. <sup>22</sup> Tini masieniquiro, tiquina yũhdũoriquiuro cuarenta cãhmari cãoriquiuro ijiahye.

### *Jesu yequina tiquina cueratire siniahye Cohăcĵũre*

<sup>23</sup> Sa ye Pedro, Ñu mehna tiquina mehna cjēna cahapũ esa, pahia pũthoa, bũcũna tiquinare tiquina nidire yahuahye. <sup>24</sup> Tiquina sa nigũ tũhoye tiquina ijipihtiyequina mari Pacũre Cohăcĵũre siniahye:

—Usā pũtho, mũhũ ahmũsere, yehpare, mări gũhare yerigũ, ijipihtiyequina catiyequinare yerigũ ijire mũhũ. <sup>25</sup> Mũhũ yaquiuro Espĩritu Santo usā ñecu mũnano Davire mũhũ cahacĵũnore ahrire yahu dutiahye mũhũ nidiro sahata:

¿Dũhse ye Israe masa ijieyequina usuajari? Tũho masieñequina ijire masa.

<sup>26</sup> Peye yehpari cjēna pũthoa cahmecoa, mari pũthoro Cohăcĵũre, tiquiuro pũthoro sũriquiuro Cristo gũhare ihña tuhti, ñano ye duare tiquinare, ni yahu dutiahye mũhũ Davire panopũre.

<sup>27</sup> Sa tũjire. Ahri macapũ Herode, Poncio Pilato, judio masa ijieyequina, judio masa mehna mũhũ beseriquirore Jesure quehnoariquiuro mũhũ cahacĵũnore wejē duaye, cahmecoari. <sup>28</sup> Ti pje mũhũ cahmediro sahata “Sa waharota”, mũhũ nidiro sahata yeri tiquina. Mũhũ masiñe mehna sa ni yahuahye mũhũ. <sup>29</sup> Sa yegũ usā pũtho, tiquina usāre “Musa buheri buhiri ñano yũhdũnata”, tiquina nidire wacũña mũhũ. Usāre yũhdũoya. Sa yegũ usāre mũhũ cahacĵũnare cuero marieno mũhũ buheyere yahu dutiya usāre. <sup>30</sup> Mũhũ tutuaye mehna dohatiyequinare yũhdũoya. Sa yegũ mũhũ buheyere cuero marieno yahu dutiya usāre. Sa yegũ Jesu quehnoariquiuro mũhũ cahacĵũno tiquiuro tutuaye mehna ye ihño dutiya usāre. Sa yegũ dohatiyequinare usā yũhdũ dutigũ tiquiuro tutuaye mehna yedohoya usāre, ni siniahye tiquina mari Pacũre.

<sup>31</sup> Tiquina sa ni sinidi bato, tiquina cahmecoari wũhũ ñũhmia wahahye. Sa ñũhmigũta Espĩritu Santo tiquiuro tutuaye mehna wacũ tutuayequina wahagũ yeahye tiquinare. Sa wahaye, Espĩritu Santo tiquiuro dutiriro sahata yeye, cuero marieno Cohăcĵũ yere yahuahye tiquina.

### *Jesu yequina tiquina yere itie tiahye*

<sup>32-33</sup> Sa ye Cohăcĵu tiqiuro tutuaye mehna tiquina Jesu cūriquina ohō saha ni yahue tiahye masare: “Jesu tiqiuro masarire usă ihñau”, ni, yahue tiahye tiquina masare. Sa yero tiquinare ijipihtiyequinare Cohăcĵu quehnoano yedohoducue tiahye. Sa ye Jesure wacū tutuayequina peyequina ijiye, tiquina ihcāno saha tūhotuyequina ijie tiahye. Sa ye tiquina yere, tiquina doeri cĵene “Yee dihita ijire”, ne nieda tiahye. Tiquina ijipihtiyequina tiquina yere apee boro marieñequinare tiquina mehna cĵenare itie tiahye. <sup>34</sup> Sa ye tiquina mehna cĵena pejecuoyequina marieda tiahye. Tiquina mehna cĵena dihta cuoyequina, wuhuse cuoyequina tiquina yere duae tiahye. <sup>35</sup> Sa duaye tiquina wapatarire ne cāhta, Jesu cūriquinare ohoe tiahye. Sa ye tiquina pehe tire tiquina mehna cĵenare itie tiahye. Ijipihtiyequina cuoyequinare itie tiahye. <sup>36</sup> Ti pjere ihcāqiuro tiquina mehna cĵano José wame tiriquiro ijiahye. Jesu cūriquina Josére Bernabé wame yeahye. Tiquiro wame Bernabé “Masare bucueriquiro ijire”, nine griego ye mehna. Tiquiro Leví ya curua cĵano Chipre năcso cĵano ijiahye. <sup>37</sup> Sa yero tiqiuro wese cuoriqiuro ijiro tire duahye. Sa yero tiqiuro wapatarire Jesu cūriquinare ohoahye tiqiuro apequinare iti dutiro.

## 5

### *Anania tiqiuro namono Safra mehna ni mehoahye*

<sup>1</sup> Apequina gūhu Bernabé yero saha yemahye. Tiquina Anania wame tiriquiro, tiqiuro namono Safra wame tiricoro ijiahye. Tiquina ya wesere duahye tiqiuro. <sup>2</sup> Sa dueperota tiqiuro wapatarire tiqiuro basi neahye. Tiquiro namono gūhu tiqiuro sa yerire masiahye. Sa yero tiquina wapatarire tiquina dūharire ne cāhta, Jesu cūriquinare ohoahye Anania pehe. Sa ohoro “Oho pehogu niaja”, nimahye tiqiuro. <sup>3</sup> Tiquiro sa yegū ihñano Pedro tiqiurore yahuahye:

—Anania, watīno mūhare ni meho dutiri jiri Espīritu Santore. Sa yegu mūhu ya yehpare dua, mūhu wapatarire mūhu basi nedi jiri. <sup>4</sup> Mūhu duato pano mūhu ya wese ijiri. Sa yero mūhu duari bato mūhu ye wapata ijiri. ¿Sa yegu dūhse ijiro boro sa ni mehoari mūhu? Mūhu usă dihitarē ni mehoedari. Cohăcĵu gūhare ni mehori mūhu, niahye Pedro tiqiurore.

<sup>5</sup> Tiquiro sa nigū tūhorota, Anania pehe doque quehe sa, yariaa wahahye. Sa ye ijipihtiyequina tiqiuro sa wahagū masiñe, tutuaro cueahye. <sup>6</sup> Tiquiro yariari bato wahma pjia ahta, tiqiuro pagure suhtiro cahsero mehna wahme, sopechapu ne wijia, yahye tiqiurore.

<sup>7</sup> Sa ye ihtia hora bato Anania mūnano namono, tiqiuro yariarire masiedaro Pedro cahapu saĵahye. <sup>8</sup> Sa yero Pedro ticorore ohō saha niahye:

—¿Musa ya wesere duatĵiāna noho puno wapatarari musa? niahye tiqiuro. Sa yero ticoro manūno mūnano tiqiuro nidiro punota, “To punota wapatau usă”, ni yahumahye ticoro.

<sup>9</sup> Sa yero Pedro yahuahye ticorore:

—¿Dūhse yena musa ihcāno saha Cohăcĵu yaqiuro Espīriture ni meho duajari? Tūhoya yojopare. Mūhu manūno mūnanore yariquina ahtare. Mūhu gūhare mūhu pagure neñe taye nine, niahye Pedro.

<sup>10</sup> Tiquiro sa ni yahugāta ticoro doque quehe sa yariaa wahahye. Sa ye wahma pjia ti wūhare saĵa wihi, ticoro pagure ne wijiaa wahahye. Ne wijia ticorore ne cāa wahahye. Ne cā, ticoro manūno mūnano pari paha yahye.

<sup>11</sup> Sa ye Jesu yequina ijipihtiyequina apequina tire tūhoye cue yahduahye.

*Jesu cūriquina Cohācjū tutuaye mehna ye ihñohye*

12 Sa ye masa watoap̄ Jesu cūriquina peye tahari Cohācjū tutuaye mehna ye ihñoe tiahye. Sa ye tiquina Salomo wame tiri tucūp̄ quehnoari tucūp̄ cahmecoae tiahye. 13 Sa ye apequina tiquinare cueye, tiquina cahap̄ wahaera tiahye. Sa cuepeta tiquinare Jesu cūriquinare, “Quehnoañequina ijire ahriquina”, nie tiahye masa. 14 Sa ye am̄a, numia peyequina Jesure wacū tutua d̄cahaye. 15 Sa ye tiquina dohatiyequinare ne cāhta, coma cjūñe mehna pū ta, duhu cūe tiahye mahap̄ tiquinare. Sa ye Pedro tiquinare tiquiro ña peogū cahmeahye tiquinare ne cāhtariquina pehe dohatiyequina tiquina ȳhdugū cahmeñe. Tiquinare tiquiro ña peoeragū Pedro tiquina bui watidoque peogū cahmeahye tiquina. Ti dihitate cahmeahye tiquina ȳhd̄ato saha. 16 Sa ye Jerusalē caha ijiye macari cjēna gūh̄ dohatiyequinare, watia mehna ijiyequina gūh̄e ne cāhtae tiahye. Ijipihtiyequina tiquina pagari quehnoa wahahye.

*Jesu cūriquinare apequina ñano yee tiahye*

17 Tiquina sa yegū ihñañe pahia p̄htoro, tiquiro mehna cjēna mehna Pedro gūh̄e ihñā tuhtiahye. Pahia p̄htoro mehna cjēna saduceo masa ijiahye. 18 Sa ye tiquina usua ȳhd̄a, Jesu cūriquinare ñehe, peresu yeahye. 19 Sa yero ñamip̄ Cohācjū yaquiro angel p̄oahye tiquinare peresup̄ dujiyequinare. Sa ye tiquinare wijia ta dutiro yahuahye angel:

20 —Cohācjū w̄h̄p̄ wahaya. Ti w̄h̄p̄ ijina Cohācjū tiquiro masorire ahri quehnoañe buheyere yahuya masare, niahye angel tiquinare.

21 Tiquiro sa nigū t̄hoye, ñami cjūno Cohācjū w̄h̄p̄ sajā, masare buheahye tiquina. Ti decota pahia p̄htoro, tiquiro mehna cjēna, Israe masa p̄htoa mehna cahmecoae, Jesu cūriquinare peresup̄ ijiyequinare ne cāhta dutimahye surara p̄htoare. 22 Sa niepegūta surara p̄htoa peresu tiquina yeri w̄h̄p̄ waha, ihñahye. Tiquinare bocaerahye. Bocaera, tojoaa wahahye. Tojoa sa yahuahye tiquina p̄htoare:

23 —Peresup̄ ijiye sope pahmari bihari pahmari dihita ijiri. Sa ye ti pahmari cahap̄ tiquina peresu yeriquinare cohteyequina ducuri. Sa ihñau usā. Usā sa ihñaepegūta p̄o s̄a, usā ihñagū, tiquina peresu yeriquina mariedari, ni yahuahye tiquina.

24 Tiquina sa nigū t̄hoye, surara Cohācjū w̄h̄e cohteyequina p̄htoro, pahia p̄htoa mehna tire t̄ho, t̄ho maria wahahye. “¿Duhse waha sohtori tirotari ahri, tiquina sa yeye?” ni, t̄hotuahye tiquina. 25 Sa yero tiquina cahap̄ apequiro ahta, tiquinare yahuahye:

—Masa peresu yeriquina Cohācjū w̄h̄p̄ ijiri. Ihñana wahaya. Ti w̄h̄p̄ masare buheye nidi tiquina, ni yahuahye.

26 Tiquiro sa nigū t̄horo, surara p̄htoro tiquiro yequina surara mehna waha, Jesu cūriquinare pari turi ñehe cāhtahye tja. Sa ñehepeta tiquinare surara tuhtierahye. Sa ye tiquinare quēboriquina ijiepetā, masare cueye quēdahye tiquinare. “Ahriquinare mari quēgū apequina masa pehe utā paca mehna doqueeta marine”, ni, t̄hotuahye tiquina surara pehe. 27 Sa ye tiquinare ne cāhta, p̄htoa caha duhu docoahye tiquina. Tiquina sa ne wihi duhu docogū pahia p̄htoro tiquinare tuhtiahye:

28 —Masare usā tutuaro dutimi. “Jesu yere buheracāhña”, nimi usā masare. Usā sa niepegūta masa pehe ijipihtiyequina Jerusalē cjēnare buheri masa. Jesu tiquiro yariari buhiri, usāre buhiri tigū ye duana niaga masa, niahye p̄htoro pehe.

29 Tiquiro sa nigū t̄horo Pedro pehe apequina Jesu cūriquina mehna ȳhtiahye:

—Cohācjū dutiri pehere ye muhtanatja. Sa yena came Cohācjū cahmegū masa tiquina dutiyere yematja. <sup>30</sup> Cohācjū, mari acaye panopu cjēna puhtoro Jesure masori jiri. Tiquirota ijire masa curusapu quē biha wejēdiqiro. <sup>31</sup> Jesure “Quehnoagu ijire”, ni, tiquiro poto pehe duji dutiri Jesure tiquiro Pacuro pehe. Sa yero Jesu masa puhtoro, masare masoriquiro ijiro, Israe masare tiquina ñaŋe yerire bujua witiyequina iji dutiro, tiquina ñaŋene cohā duare Jesu. <sup>32</sup> Sa yena usā pehe Jesu tiquiro yerire ihñarina ijina tire yahuaja usā. Espiritu Santo tire ihñariquiro ijiro yahure tiquiro gāhu. Tiquirore Espiritu Santore Cohācjū ohori. Ijiphtiyequina Cohācjū dutiyere yeyequinare tiquiro Espiritu Santore ohori, ni yahuahye tiquinare.

<sup>33</sup> Tiquiro sa nigū tuhoye puhtoa pehe usua yuhduahye. Sa ye tiquina Jesu cūriquinare wejē duamahye. <sup>34</sup> Sa wejē duepegāta Gamalie, fariseo masano topu ijiriqiro tiquinare “Wejēari”, nino tiquinare yahuro taro niahye. Tiquiro puhtoa mehna cjāno, dutiyere buheriquiro ijigū, masa tiquirore ño peoe tiahye. Tiquiro Jesu cūriquinare mehenogā cohte dutiro ape siepu tiquinare ne cā dutiahye surarare. Tiquina sa ne cāri bato tiquiro yahuahye masare:

<sup>35</sup> —Musa Israe masa, ahriquinare masa yeatire quehnoano tuhotuya “Musapu wejēari”, nina. <sup>36</sup> Wacūña Teuda mananore. Tiquiro basi “Masare yuhduacagu ijijaja yuhu”, nidi masare. Sa ye masa peyequina cuatro cientos masa tiquiro mehna cjēna tojoari. Sa ye apequina pehe tiquirore wejēdi jiri. Tiquiro buheyere buheriquina pehe waha sitea wahari jiri. Sa ye tiquina mana yojopure mariedare. <sup>37</sup> Came masare tiquina queori pje ijigū Galilea cjāno Juda wame tiriqiro manano masare tiquiro buhegū tiquiro mehna masa peyequina tojoari. Tiquiro gāhu yariaa wahari jiri. Sa ye tiquiro yequina ijiphtiyequina waha sitea wahari jiri. <sup>38</sup> Sa nigū masare yojopu ahrire yahugu niaja. Sa ihña cāhña ahriquinare Jesu yere yahuequinare. Sa ye ahri buheye, ahriquina ye buheye Cohācjū ye buheye ijieraro, pihtia waharota Teuda gāhu tiquina ye buheye ti pihtiro sahata. <sup>39</sup> Sa ijiepegāta ahri Cohācjū ye buheye ijiro, ne pihtisi. Ahri buheye Cohācjū ye ijigū ne ahrire butigū ye masiedare masa. Musa ahrire butigū ye duana Cohācjū mehna cahmequena niboaga masa, niahye Gamalie tiquinare.

<sup>40</sup> Tiquiro sa ni yahugū tuhoye, “Ijirota ijire”, ni tuhotuahye masa. Sa ye tiquina Jesu cūriquinare pijio, tiquina wihigū ihñaŋe, tiquinare tanahye. “Jesu yere buheracāhña masa”, ni tuhasa, tiquinare waha dutiahye. <sup>41</sup> Tiquina sa waha dutigū tuhoye tiquina puhtoa cahapu ijiriquina wahaa wahahye. Jesu yere tiquina yeri buhiri ñano yuhduye tutuaro buceahye Jesu cūriquina. <sup>42</sup> Sa ye decōripe Cohācjū wuhupu, tiquina ye wuhusepu Cristo Jesu ye buheyere yahue tiahye tiquina.

## 6

### *Siete yedohoyequinare beseahye Jesu yequina*

<sup>1</sup> Ti decoripe Jesu buheyequina peyequina wahahye. Sa ye judio masa tiquina quehnoano yeragū ihñaŋe griego masa pehe tiquina mehna cahme tuhtiahye Jesu yequina dihita ijiepetā. Griego masa wape wiha numiare decoripe tiquina ihyayere quehnoano tiquina itieragū ihñaŋe, judio masare tuhtiahye. <sup>2</sup> Sa ye doce Jesu cūriquina, peyequina Jesu buheyequinare tiquina cahapu pijio, ohō saha ni yahuahye:

—Usā Cohācjū yere buhena ijijaja. Ihyayere itiborina ijieraja usā.

<sup>3</sup> Musa usā acaye, siete umare, “Quehnoañequina”, apequina tiquina niñequinare, quehnoano tuho masiñequinare, Espiritu Santo cōyequinare

macaña. Tiquinare ihyayere iti dutiya masa. <sup>4</sup> Sa yena usã pehe decoripe Cohãcjüre sini, Cohãcjü yere buhenatja, niahye tiquina Jesu cüriquina.

<sup>5</sup> Tiquina sa nigü tuhoye, “Añ, sata yeihna”, niahye tiquina ijipihitiyequina Jesu yequina. Sa ye Estebãre Cristore wacü tutuariquiore, Espiritu Santo tutuayere pajiro çoriquiore beseahye tiquina. Apequina gãhare beseahye. Felipe, Prócorore, Nicanore, Timore, Parmenare, Nicolare ihyaye itia-tiquinare beseahye tiquina. Nicola pehe judio masano ijieriquire Antioquia cjëno judio masa ye buheyere cahmeno, tiquina mehna sajãmediquire ijiahye. <sup>6</sup> Tiquina beseriquinare Jesu cüriquina caharu ne wihiahye apequina Jesu yequina pehe. Tiquina sa ne wihigü ihñañe tiquina Cohãcjüre sini basaye, tiquina beseriquina bui omocarine duhu peohaye.

<sup>7</sup> Sa ye ti yehpa cjëna Cohãcjü yere masi pihti cjüñe niahye. Sa ye Jerusalëpu ijieyehya Jesu buheyehya peyehya wahahye. Sa ye pahia gãhu peyehya Jesu yequina wahahye.

### *Apequina Estebãre ñeheahye*

<sup>8</sup> Sa yero Estebã Cohãcjü tutuayere çoriquire ijiahye. Tiquiro Cohãcjü quehnoano yenhriquire ijiahye. Sa yero tiquiro Cohãcjü tutuaye mehna ye ihñoahye masa tiquina ihño. <sup>9</sup> Tiquiro sa yepegüta judio masa tiquina buheri wñhu cjëna tiquirore ihña tuhtiahye. Sa ye tiquiro mehna cahme ðuse tini wiaye niahye. Cahacjëna ijirire yahdu witiquirena wame tiyequina ijiahye tiquina. Cirene cjëna, Alejandría cjëna, Cilicia cjëna, Asia cjëna mehna peyehya ijiahye tiquina. <sup>10</sup> Sa ye Estebã quehnoano masiniquiro Espiritu Santore pajiro çoriquire tiquiro yahuducugü tuhoye tiquina “Mñhu nidi pota ijierare”, tiquirore ni ihño masiedahye. <sup>11</sup> Sa tuho dueraye tiquina apequina ni meho dutiye, wapa yehye tiquinare. Tiquina sa ni meho dutigü ohõ saha ni yahusãmahye tiquina:

—Ahriquire Cohãcjüre tiquiro ñano yahuducugü, Moisere tiquiro ñano yahuducugü gãhare usã tuhoye, ni yahusãmahye ni mehoñequina pehe apequare.

<sup>12</sup> Tiquina sa nigü tuhoye masa, judio masa buheyehya, buçuna gãhu tiquiro mehna usuahye. Sa ye tiquina Estebãre ñehe, tiquina pñhtoa caharu neahye tiquirore. <sup>13-14</sup> Sa ye tiquina apequinare ni meho dutiahye:

—Ahriquire decoripe Cohãcjü wñhare, tiquiro dutiye gãhare ñano yahuducuriquire ijire. Tuhoye usã tiquirore tiquiro ohõ saha nigü: “Jesu Nazare cjëno Cohãcjü wñhare cohãnota. Sa yero tiquiro Moise dutiyere marine yahurire comesarota Jesu”, nidi Estebã usã tuhogü, ni meho yahusãmahye tiquina.

<sup>15</sup> Sa ye ijipihitiyequina topu dujueyehya Estebãre quehnoano ihñadoque ohõ, tiquiro wñhdoare ihñahye tiquina. Angel yero saha bajuahye tiquiro wñhdoa.

## 7

### *Estebã Jesu yere yahuahye*

<sup>1</sup> Sa ye pahia pñhtoro sinituahye Estebãre.

—¿Ahriquina niñe potota ijiajari? ni, sinituahye tiquiro Estebãre.

<sup>2</sup> Tiquiro sa nigü tuhoro, Estebã pehe tiquinare ohõ saha ni yahuahye:

—Yñhu acaye, buçuna, usã pacusumaa tuhoya. Abrahã mari ñesu munano panopu cjëno Mesopotamiaru tiquiro ijigü, Harãru tiquiro ijiato pano, Cohãcjü tutuariquire asi siteriquiro pehe tiquirore Abrahãre bajuahye. <sup>3</sup> Sa bajuaro Cohãcjü yahuahye tiquirore. “Mñhu ya yehpare mñhu acaye mehna ijieracãhña. Sa yegu ape yehparu wahaya. Mñhu sa wahagü mñhare ti



yehpare ihñogutja yuhñ”, niahye Cohãcjũ Abrahãre. <sup>4</sup> Tiquiro sa nigũ tuhoye, Abrahã gãhñ Caldea yehpa cjẽna ya yehparũ ijiriquina wahahye. Sa yero Harãpũ esahye. Topũ esa, ijiahye. Sa yero tiquiro pacũro yariari bato ahri yehpa yojopũ mũa ijiri yehparũ Cohãcjũ ahta dutiahye Abrahãre. <sup>5</sup> Cohãcjũ Abrahã tiquiro ijiri yehpare quehnoano waro cuedariãhye tiquirore. Ne mehenogã cuedariãhye. Sa yero Abrahã pohna marieniquiro ijepegũta Cohãcjũ pehe tiquirore ohõ saha ni yahuahye. “Mũhũre, mũhũ panamena ape tjuro cjẽnapũre ahri yehpare ohogutja”, niahye Cohãcjũ Abrahãre. <sup>6</sup> Sa ninota ohõ saha ni yahu nemoahye Cohãcjũ. “Mũhũ panamena ape tjuro cjẽna ape yehparũ wahaye, topũ arequina cahapũ ijyie, tiquina cahacjẽna ijietã tiquina. Sa ye cuatro cientos cãmari waro to cjẽna ñano yeeta mũhũ panamena iji turiayequinare. <sup>7</sup> Sa yegũ to cjẽnare tiquina sa yeri buhiri buhiri dahregutja yuhñ. Yuhñ sa yeri bato mũhũ panamena iji turiayequina ahri yehparũ wihietã tja. Sa ye ahri yehparũ yuhñ cahacjẽna ijietã tiquina”, niahye Cohãcjũ Abrahãre. <sup>8</sup> Sa nino Cohãcjũ “Yuhñ nidiro sahata yegutja”, nino Abrahã tiquiro wacũatire ohõ saha cũahye tiquirore. Cuhnucunũ sohtoa cahserogãre yuhre ne dutiahye tiquirore, tiquiro ni yahuripũre wacũ dutiro. Sa ye Abrahã Isaare pohna tiahye. Ocho decori bato cuhnucunũ sohtoa cahserogãre yuhre neahye Isaare. Came Isaac Jacore pohna tiahye. Sa yero Jacob doce waro pohna tiahye. Tiquina doce pehe mari ye cururipe mari dabpoto cjẽna ijiatiquina ijiahye.

<sup>9</sup> Sa ye tiquina mari ñecũsumũna mũna panopũ cjẽna Josere cooye ihña tuhtyie, tiquirore dua cãhye Egiptopũ wahayequinare. Sa yero Josere Cohãcjũ yedohoahye. <sup>10</sup> Tiquiro ñano yuhdugũ ihñano Cohãcjũ tiquirore yedohoahye. Tiquiro sa yedohogũ Josẽ pehe quehnoano tuho masiniquiro wahahye. Sa yero faraõ Egipto cjãno pũhtoro pehe Josere cahmeahye. Tiquirore cahmegũ yeahye Cohãcjũ pehe. Tiquiro sa yegũ faraõ pehe Josere pũhtoro sõahye tiquiro yequina masare dutiatiquirore. Tiquiro faraõ ya wuhñ gãhũre pũhtoro ijiahye.

<sup>11</sup> Sa ye ti pjere Egiptopũ, Canaapũ ne acoro ahtaerahye. Sa ye ñano yuhdũahye to cjẽna. Sa ye mari ñecũsumũna mũna panopũ cjẽna ihyayere bocaerahye. <sup>12</sup> Sa bocaeraro Egiptopũ trigo ijigũ tuhoro, Jacob tiquiro pohnene mari ñecũsumũna mũnare topũ coã ohoro niahye. <sup>13</sup> Came Egiptopũ tiquina esagũ Josẽ tiquiro wahmisũmũare yahuahye. “Mũa bahũta ijiaja yuhñ”, niahye tiquinare. Sa yero Josẽ acayere coã ihñano niahye pũhtoro faraõ. <sup>14</sup> Came Josẽ tiquiro wahmisũmũare tiquiro pacũro Jacore piji dutiro ohoahye. Tiquiro acaye setenta y cinco masa ijiahye. <sup>15</sup> Tiquiro macũno pijogũ tuhoro Jacob wahahye Egiptopũ tiquiro macũno cahapũ. Tiquiro macũno cahapũ ijiro, came yariaa wahahye. Sa ye mari ñecũsumũna mũna gãhũ topũ yariaa pihũta wahahye. <sup>16</sup> Sa ye Siquẽ wame tiropũ tiquina pagũrire nea, masa coperire sehe tuhãsa cohãhye tiquina pagũrire. Abrahã tiquiro dũri yehpa ijiahye ti yehpa. Panopũ Abrahã ti yehpare Hamor pohnene dũahye niñeru mehna.

<sup>17</sup> Sa yero Cohãcjũ Abrahãre “Ahri yehpare ohogutja mũhũre”, niahye. Ti yehpare “Ohogutja”, tiquiro nidi pje umũ sagũ tiquiro acaye Israe masa peyequina masa wahahye. <sup>18</sup> Egiptopũ tiquina ijinigũ, arequiro pũhtoro sajãhye. Sa yero tiquiro pũhtoro pehe Josere masiedahye. <sup>19</sup> Tiquiro mari acayere ñano ye dua, tiquina pohnene wejẽ dua, cohã dutiahye tiquinare. Sa yero mari ñecũsumũna mũna iji turiayequinare ñano yeahye pũhtoro faraõ pehe. <sup>20</sup> Tiquiro sa yeri watoa Moise mũnãno pehe masa bajuahye. Tiquiro



quehnoariquiro, Cohācjū tiquiro quehnoano ihña coariquiro ijiahye. Sa ye ihtia asū waro quehnoano ihboahye tiquirogāre tiquiro pacusumua. <sup>21</sup> Sa yero Moiserē tiquina nno nemoedagū faraō macono tiquirogāre ihña boca, ne maja, ticoro macnore yero saha cnoahye tiquirogāre. <sup>22</sup> Sa ye Egipto cjēna quehnoano masiñequina yere buheahye Moiserē. Sa yero cuero marieno yahuducuriquiro pūhtoro yero saha yeriquiro ijiahye Moise.

<sup>23</sup> Sa ijieperota tiquiro cuarenta cūhmari cūoro tiquiro acayere Israe masare ihña duaro tiquina cahapū tinino wahahye. <sup>24</sup> Sa tinino esaro Egipto cjāno Moise acayurore tiquiro ñano yegū Moise ihñahye. Sa ihñano tiquiro acayurore yedohoahye Moise. Tiquiro acayurore yedohoro, Egipto cjāno pehere wejēahye tiquiro. <sup>25</sup> Sa yero Moise ohō saha ni tūhotumahye. “Yūhū acaye tiquina acayurore yūhū yedohogū ihñañe ‘Cohācjū marine quehnoano yedohogū ye dutiro ohori ahriquirore’, ni tūhotueta yūhū acaye”, ni tūhotumahye Moise. Tiquiro sa ni tūhotuepegūta tiquina pehe ne sa ni tūhotuerahye. <sup>26</sup> Ape decopū Moise tiquiro acayere pūaro tiquina basi cahmequeñequinare ihñahye. Sa yero tiquiro tiquinare yahumahye. “¿Musa basi ijiepenata cahmequeajari masa?” nimahye Moise tiquinare. <sup>27</sup> Tiquiro sa nigū tūhoro ihcāquiro tiquiro acayurore ñano yeriquiro Moiserē tudocueoahye. “Mūhū usā pūhto ijierare. Usāre dutigū ijierare mūhū. <sup>28</sup> ¿Canūre Egipto cjūnore mūhū wejēdiro sahata yūhūre wejē duagū nijari mūhū?” niahye tiquiro Moiserē. <sup>29</sup> Tiquiro sa nigū tūho maria waha, Moise oma duhti cāa wahahye. Madiā yehpapū wahaa wahahye. Topūre numino boca pūaro pohna tiahye.

<sup>30</sup> Sa ye Moise cuarenta cūhmari waro topū tiquiro ijiri bato Sinaí wame tidū cūnū caha masa marienopū tiquiro ijigū angel tiquirore bajuahye. Angel pehe yucūgū mehenagū ujūri peca pohnapū bajuahye. <sup>31</sup> Tū sa ujūgū ihñano Moise ihña maria wahahye. Ti pecare cahagā quehnoano tiquiro ihñano wahagū waro Cohācjū tiquirore yahuahye. <sup>32</sup> “Cohācjū ijiaja yūhū. Mūhū ñecusumua Abrahā, Isaac, Jacob tiquina ño peorigū ijiaja”, niahye Cohācjū Moiserē. Tiquiro sa nigū tūhoro Moise pehe nanarea wahahye. Ne ihña wahcōedahye. <sup>33</sup> Sa yero Cohācjū yahuahye tiquirore. “Mianogāta yūhū cahapū ducugū nine mūhū. Sa yegū cua pesaro mehna mūhū dahpo suhtire tu weya. <sup>34</sup> Yeequina masa Egiptopū tiquina ñano yūhdugū ihñān. Tiquina utiyere tūhou. Sa yegū tiquinare yedohogū ahtān. Tiquina sa wahagū ihñagū wahaya mūhū gūhū. Egiptopū mūhūre ohogūtja tiquinare yedoho dutigū”, niahye Cohācjū Moiserē.

<sup>35</sup> Tiquina pehe mari acaye Israe masa Moiserē cahmedahye. “Mūhū usā pūhto ijierare. Mūhū usāre dutigū ijierare”, Moiserē sa niñe cahmedaye niahye tiquina. Tiquina sa cahmedapegūta Cohācjū tiquirore Egiptopū ohoahye, mari acayere Israe masare yedohoatiquirore, pūhtoro ijiatiquirore. Angel tiquirore yucūgūpū bajuariquiro pehe oho basahye tiquirore. <sup>36</sup> Moise mari acayere Israe masare Egiptopū ijieyquinare wioahye. Sa yero Egiptopū ahriquiro Moise Cohācjū tutuaye mehna ye ihño dūcahye. Sa yero pajiri ma sohāri mapū sa yeahye tja. Camerū masa marienopū gūhūre cuarenta cūhmari waro Cohācjū tutuaye mehna ye ihñoahye tiquiro. <sup>37</sup> Ahriquiro Moise pehe mari acayere Israe masare yahuahye. “Yūhū yero saha ijiriquirore Cohācjū yere yahu mūhtariquirore Cohācjū ohorota. Sa yero tiquiro mūsa mehna cjāno mūsa acayuro ijirota”, niahye Moise tiquinare. <sup>38</sup> Moise masa marienopū mari acaye Israe masa mehna ijiahye. Sa yero Sinaí wame tidū cūnūpū tiquirore yahuriquiro angel

mehna ijiahye. Sa yero mari ñecusumna panopu cjēna mehna ijiahye tiquiro. Cohācjū tiquiro dutiyere cūriquiro ijiahye Moise.

<sup>39-40</sup> Sa ye ti dutiyere cunpū Moiserere tiquiro cūri watoa mari ñecusumna panopu cjēna Egiptopu tojoaa duahye, Moiserere yuhducaaye. Tiquina tiquirore cahmedahye. Sa cahmedahye, tiquina Moise bahuro Aarōre ohō saha niahye: “Cohāmana queoyere yeya mari yequina ijiatiquinare. Sa ye tiquina mūhu yeriquina marine dutiye mari waha duari mahapu marine neaeta. ¿Tiquiro Egiptopu ijiyequinare marine ne cāhtariquiro Moise dahse wahayari tiquiro? Masiedaja usā”, niahye tiquina. <sup>41</sup> Sa ye ti decorire tiquina wecu queoyere uru mehna yeahye. Sa ye tuhasa, tiquina wahiquinare wejē, tiquina yeriquiro cahapu ne cāhta, ño peoahye tiquirore. Sa ye tiquina yeriquiro wecure ihña, bucue, bose deco yeahye. <sup>42</sup> Cohācjū wecure tiquina ño peogū ihñano tiquinare cohā cāa wahamahye. “Yuhure cohā, ñahpicoha pehere ño peocūnahdo”, nino cohā cāa wahamahye. Cohācjū yere yahu mūhtariquina sa ni, ojoahye.

Musa yuhure ña yuhduaro yeri. Israe masa masa marienopu cuarenta cūhmari waro ijina, wahiquinare musa wejēñequinare musa ujāñequinare ohona, yuhure musa ño peoboriro sahata yemedi musa. Sa yepenata yuhū pehere musa ño peoerari. <sup>43</sup> Sa yena musa Molo wame tiriquire ño peona ijina, tiquirore ño peori wuhure cūori musa. Ñahpicoha apequiro cohācjū Rejā wame tiria queoyere musa yeriare musa ño peori tja. Ti queoyere musa yeriquinare musa ño peori. Musa sa yeri buhiri musare Babilonia ape sie pahrepu cohāgutja yuhū, ni, yahu ojoahye Cohācjū yere yahu mūhtariquina.

<sup>44</sup> Sa ye masa marienopu Cohācjū masa mehna tiquiro ijiri wuhure wahiquina cahseri wuhure cūoahye mari ñecusumna panopu cjēna. Ti wuhū Cohācjū masa mehna tiquiro yahuducuri wuhū ijiahye. Ti wuhū Cohācjū dutiye tiquiro ojoari pñini utā pñini ijiahye. Ti wuhure Cohācjū tiquiro yahuriro sahata Moiserere tiquiro ihñoriro sahata dahre dutiahye Cohācjū Moiserere. <sup>45</sup> Sa ye mari ñecusumna panopu cjēna Josué mehna ti wuhure wahiquina cahseri mehna tiquina yeri wuhure ne cāhtahye ahri yehparu mari ijiri yehparu. Tiquinare mari acaye Israe masare Cohācjū tiquiro cūati yehpare ahri yehpare tiquina wihiato pano ahri yehparu iji mūhtariquina Canaa cjēna mūnare Cohācjū cohā cāhye. Ti pjere Cohācjūre ño peori wuhure wahiquina cahseri wuhure cūoahye mari ñecusumna. Tee Davi mūnano tiquiro ijigūru cūo bato tiahye ti wuhure. <sup>46</sup> Sa yero Davi mūnano Cohācjūre bucuegū yeahye. Sa yero Cohācjū ya wuhū ijiatire Davi pehe ye duaro, sinimahye Cohācjūre. <sup>47</sup> Tiquiro sa siniepegūta Salomo pehe Cohācjū ya wuhure yeahye. <sup>48</sup> Tiquiro sa yepegūta Cohācjū pehe masa tiquina yeri wuhūre ijierare. Ohō saha niahye Cohācjū yere yahu mūhtariquiro.

<sup>49</sup> “Uhmuse yuhū dujuro ijire. Topu dujigū dutiaja yuhū. Sa yero yehpa pehe yuhū dahpocārine duhu peoro yero saha ijire. Yuhū tutua yuhduagu ijiaja. Ya wuhū ijiatore ye masiedare musa. Cohācjū yuhū ijigū yuhū ijiahi wuhure musa ye masiedare. <sup>50</sup> Yuhū basi ahri yehpare ijipihitiro yei yuhū”, niahye Cohācjū, ni ojoahye Cohācjū yere yahu mūhtariquiro.

<sup>51</sup> Musa ne yahti duena ijire. Cohācjū yere tūhoopenata, tiquirore yahti duerare. Espiritu Santore yuhduca yuhduare musa. Musa ñecusumna tiquina yeriro sahata yere musa. <sup>52</sup> Musa ñecusumna ijipihitiquina Cohācjū yere yahu mūhtariquinare ñano yeahye. Tiquina Cohācjū yere yahu mūhtariquina pehe “Came quehnoariquiro Cohācjū yere yahu mūhtariquiro ahtarota”, tiquina ni yahuyequina ijigū tuhoye musa ñecusumna mūna sa

ni yahuriquinare wejêe tiahye. Sa yena “Quehnoariquiro”, tiquina ni diquirore mûsa gûhu yojoꝛũre tiquiro ya curua cjâna ijiepenata tiquirore wejêdi. <sup>53</sup> Cohâcjũ dutiyere angele pehe yahumahye mûsare. Sa yena mûsa ti dutiyere cûomahye. Sa yena ti dutiyere yûhdûdûcari mûsa, niahye Estebã.

### *Tiquina Estebãre utã paca mehna doque wejêahye*

<sup>54</sup> Tiquiro sa nigũ tũhoye tiquina pehe tutuaro usuahye. Sa tutuaro usuaye, cuayequina wahahye. <sup>55</sup> Tiquina sa usuepegũta tiquiro Espĩritu Santo dutiꝛo sahatã ye pehoriquiro ijiro, tiquiro tutuayere quehnoano cûoriquiro ijiro, ûhmûsepũ ihñadoque mûo, Cohâcjũ asi siteyere ihñahye Estebã. Jesu Cohâcjũ poto peheꝛũ ducugũ ihñahye tiquiro. <sup>56</sup> Sa ihñano ohõ saha niahye:

—Uhmûsepũ mehenogã parĩ we maagũ Jesu Cohâcjũ ohoriquiro Cohâcjũ poto peheꝛũ tiquiro ducugũ ihñaja yũhu, niahye Estebã.

<sup>57</sup> Tiquiro sa nigũ tũhoye tiquina tutuaro sañuducu, tiquina cahmo coperire biha cã, ihcãno mehna tiquiro cahapũ oma maa cã, tiquirore ñeheahye.

<sup>58</sup> Ñehe tuhasa, tiquirore ne cã, ti maca dũhtũ cahapũ cohãhye tiquirore. Sa ye utã paca mehna doque wejêahye tiquirore. Tiquina sa wejêato pano tiquirore yahusãriquina tiquirore utã paca mehna doqueatiquina tiquina suhtire tu we, wahmãnore Saulo wame tiri quirore tiquina suhtire cûo basa dutiahye.

<sup>59</sup> Sa yero Estebãre tiquina wejêato pano ohõ saha niahye tiquiro:

—Jesu yũhu pũhto, yũhu jeripohñare neña, niahye tiquiro.

Tiquiro sa nino watoa tiquina pehe utã paca mehna doqueye niahye tiquirore.

<sup>60</sup> Sa yero tiquiro dũsepe curi mehna quehe sa, ohõ saha niahye:

—Pũhto Jesu, ahriquina yojoꝛũ ñano yũhũre tiquina yeyere tiquinare buhiri dahreracãhña mũhu, niahye Estebã.

Sa nidi bato tiquiro yariaa wahahye.

## 8

<sup>1</sup> Sa yero Estebã tiquiro yariagũ ihñano, “Quehnoare”, niahye Saulo pehe.

### *Saulo Jesu yequinare ñano yeahye*

Sa ye ti decoreta Jesu yequinare Jerusalẽꝛũ ijieyequinare ñano ye dũcahye apequina pehe. Tiquina sa ye dũcagũ Jesu yequina Judea yehparũ, Samaria yehparũ, yoaropũ duhti site cãa wahahye. Jesu cûriquina dihita wahaerahye.

<sup>2</sup> Sa ye apequina Cohâcjũre ño peoyequina Estebãre ya, tutuaro utiahye tiquina. <sup>3</sup> Sa yero Saulo pehe Jesu yequinare ña yũhdũaro yee timahye. Tiquiro tiquina ye wũhuseꝛũ sajã, ûmũare, numiare ñehe, peresupũ biha docoe tiahye.

### *Samariapũ Jesu yere buheahye Felipe*

<sup>4</sup> Sa yeye yoaropũ waha siteriquina Jesu yere buheahye. <sup>5</sup> Sa yero Felipe Samaria wame tiri macapũ esa, Cristo yere buheahye ti maca cjẽnare.

<sup>6</sup> Tiquiro sa buhegũ ti maca cjẽna quehnoano tũhoe tiahye. Sa ye Cohâcjũ tutuaye mehna tiquiro ye ihñogũ ihñahye tiquina. Sa ihñañe tiquirore quehnoano tũhoe tiahye. <sup>7</sup> Peyequina watĩare cûoyequina tiquiro cahapũ tiquina wihigũ ihñano watĩa pehere waha dutie tiahye tiquiro. Watĩa pehe tutuaro sañuducu, duhu cãa wahahye tiquina. Sa yero peyequina tini masieñequinare, pari yuri wahayequinare quehnoano pagũ tyequina wahagũ yeahye. <sup>8</sup> Tiquiro sa yegũ ihñañe ti maca cjẽna peyequina masa bucueahye.

<sup>9</sup> Ti pjere Simo wame tiri quiro ti maca cjũno yairo ijiahye. Sa yero yayia tiquina yerire ye ihñoe tiahye Samaria cjẽnare. Tiquiro sa ye ihñogũ ihñañe, ti maca cjẽna ihña maria waha, tiquirore cua pesaro ihñae tiahye.

—Yuhũ masi pehogũ ijiaja, nimahye Simo pehe tiquinare.

<sup>10</sup> Tiquiro sa yegũ ihñañe masa pehe ohõ saha nie timahye:

—Ahriquiro Cohãcjũ ye tutuayere cãoriquiro ijire. Cohãcjũ yero saha tutuariquiro ijire, nie timahye tiquirore masa, pãhtoa mehna.

Tiquina ijipihtiequina quehnoano tãhoahye tiquirore.

<sup>11</sup> Tiquiro yavia tiquina yeye mehna yoari pje ye ihñoẽ tiahye tiquinare. Tiquiro sa ye ihñogũ ihñañe tiquina ihña maria wahae tiahye. Sa ye tiquina tiquirore ño peoe tiahye. <sup>12</sup> Tiquina sa ño peoepegũta Felipe pehe Cohãcjũ tiquiro pãhoro ijyere, Jesucristo yere quehnoañe buheyere yahuahye. Tiquiro sa yahugũ tiquina tiquirore quehnoano tãhoahye. Tiquina sa quehnoano tãhogũ ihñano amua, numia gãhũre wame yeahye Felipe. <sup>13</sup> Sa yero Simo gãhũ Felipere quehnoano tãhoe tiahye. Sa yero tiquiro gãhũre wame yeahye. Tiquiro sa wame yeri bato Felipe mehna tojoae tiahye tiquiro. Felipe pehe Cohãcjũ tutuaye mehna tiquiro ye ihñogũ ihñano, dohatieyquinare tiquiro yuhduogũ ihñano Simo ihña maria wahahye.

<sup>14</sup> Sa ye Samaria cjẽna Cohãcjũ yere tiquina tutuaro cahmegũ Jesu cãriquina Jerusalẽpũ ijyeyquina tãhoohye tiquinare. Sa tiquina cahmegũ tãhooye Pedrone, Ñu gãhũre ohohaye Samariapũ. <sup>15</sup> Topũ esaye Pedro gãhũ Cohãcjũre siniahye. “Ahriquina Samaria cjẽna mũhũre ño peoyeyquina mũhũ yaquiro Espĩritu Santore cãohro”, ni, sini basahye tiquina Cohãcjũre. <sup>16</sup> Tiquina Samaria cjẽna Jesucristo wame mehna wame yeriquina ijiahye. Ti dihitare masiahye tiquina. Sa ye Espĩritu Santore cãoera tiahye ti pjere tiquina. <sup>17</sup> Sa ye Pedro, Ñu mehna Samaria cjẽnare tiquina omocarine tiquina bui duhu peori bato Espĩritu Santore cão dũcae tiahye tiquina.

<sup>18</sup> Sa yero Pedro gãhũ tiquina omocari mehna tiquina duhu peogũ ihñahye Simo. Espĩritu Santore tiquina ñehẽgũ gãhũre ihñahye tiquiro. Sa ihñariquiro ijiro, ti tutuayere cahmeno, niñeru mehna wapa ye duamahye. Ohõ saha nimahye Simo:

<sup>19</sup> —Yuhũ gãhũre ohoya ahri tutuayere. Yuhũ gãhũ yuhũ omocari mehna masa bui duhu peo yegũ tũn niaja Espĩritu Santore tiquina ñehẽato saha. Sa yegũ ahri yuhũ yeati wapare wapa ye duaja, nimahye Simo tiquinare.

<sup>20-21</sup> Tiquiro sa nigũ tãhoro Pedro ohõ saha niahye:

—Mũhũ niñeru mehna Cohãcjũ ye tutuayere mũhũ dú duari buhiri mũhũ niñeru mehnata pecapũ wahaya mũhũ. Cohãcjũ mũhũ tãhotuyere masine. Mũhũ ñagũ ijinine. Sa yegũ ahrire usã yeyere ye masiedare mũhũ. Ahrire yebogũ ijierare mũhũ. <sup>22-23</sup> Tutuaro ihña coore mũhũ. Sa yegũ ñañe yeyere ne duhu masiedare mũhũ. Sa yegũ ahrire mũhũ ñañe yerire bujua witiya mũhũ. Cohãcjũre mũhũ ñañe tãhotuyere bo dutigũ siniña mũhũ. Mũhũ sa yegũ ihñano tiquiro mũhũ ñañene borota, niahye Pedro tiquirore.

<sup>24</sup> Tiquiro sa nigũ tãhoro Simo yãhtiahye tiquirore.

—Yuhũre sini basaya mũsa Cohãcjũre mũhũ nidiro saha yuhũ wahaeragũ. Ti buhiri pecapũ waha dueraja yuhũ, niahye Simo tiquirore.

<sup>25</sup> Came Pedro Ñu mehna Cohãcjũ yere yahuahye. “Jesu tiquiro masa mũjagũ ihñan usã”, ni, Samaria yehrapũ ijyie macari cjẽnare quehnoañe buheyere buheahye. Tiquinare Cohãcjũ yere buhe tuhãsa Jerusalẽpũ tojoaa wahahye.

*Felipe Etiópia yehpa cjãnore buheahye*

<sup>26</sup> Sa ye Cohãcjũ tiquiro yaquiro angel Felipere yahuahye:

—Yojopure sur pehepu wahaya. Jerusalē caha ijiri mahapu Gazapu wahari mahapu wahaya, ni yahuahye angel Felipere.

Ti maha masa marienopu ijire. <sup>27</sup> Tiquiro sa nigū tūhoro tiquiro pehe ti mahapu wahahye. Came ti mahapu ihcāquiro masunore piti caro taro niahye. Tiquiro piti catiquiro ijiahye Etiopía yehpa cāno puhtoro. Sa yero Candace wame tiricoro Etiopía cāno puhtoro yere, niñerure ijipitiyere ihña ihboriquiro ijiahye. Sa yero tiquiro Jerusalēpu mari Pacare ño peoro waha tuhasahye. <sup>28</sup> Tiquiro ya macapu tunuria mehna tojoa taro tiapu wahaerota buhero niahye. Cohācā yere yahu mūhtariquiro Isaia tiquiro ojoari pūre buhero niahye. <sup>29</sup> Sa yero Espiritu Santo pehe Felipere ohō saha ni yahuahye:

—Siquiro tunuriapu wahariquiro cahapu wahaya, niahye Espiritu Santo tiquirore.

<sup>30</sup> Tiquiro sa nigū tūhoro Felipe pehe tunuria cahapu oma cā, Isaia ojoarire Etiopía cāno buhegū tūhoahye. Sa tūhoro Felipe sinituahye tiquirore:

—¿Mūhu buheyere tūho masiajari mūhu? niahye tiquiro.

<sup>31</sup> Tiquiro sa nigū tūhoro Etiopía cāno ohō saha ni yūhtiahye:

—Apequiro yūhure yahu yūhdūoatiquiro mariedagū quehnoano masiedaga yūhu. Ohō yūhure yahu dujigū ahtaya yūhu pari paha, ni yūhtiahye tiquiro Felipere.

—Au, ni, nuju sahye tiquiro caha.

<sup>32</sup> Sa ye Cohācā yere Etiopía cānore tiquiro buheri pū ohō saha niahye: Ovejare tiquina ñehe wejēdoro saha tiquiro gūhure ñehe wejēta masa. Sa yero ovejagāre tiquiro poarire tiquina segū tiquiro dihta marieno saha tiquiro masano gūhu dihta marieno ijirota. <sup>33</sup> Tiquirore tiquina bujipeeta. Sa ye tiquiro ñano yerapegāta tiquina pehe ñano yeeta tiquirore. Tiquiro ahri yehrapu ijigū tiquina tiquirore wejēta. Sa yero tiquiro pohna marieniquiro yariaa waharota, ni ojoahye ti pūpure.

<sup>34</sup> Ti pū sa ni yahugū ihñano, Etiopía cāno sinituahye:

—Yahuya yūhure. ¿Ohō saha Isaia tiquiro nidiquiro noa boro ijijari ahriquiro? ¿Isaia tiquiro basi yahuro niagari? ¿O apequirore yahuro niagari? ni, sinituahye Etiopía cāno.

<sup>35</sup> Tiquiro sa ni sinitugū tūhoro Felipe pehe ti pūre ihña, Jesu yere yahuahye Etiopía cānore. <sup>36</sup> Sa ye tiquina tia mehna waha, mágāpu esahye.

—Ihñaña, ohō mágā ijire. Ahri mágāpu yūhure wame yeya, niahye Etiopía cāno.

[<sup>37</sup>—Jesure mūhu quehnoano wacū tutuagū ihñagu mūhure wame yeitja, niahye Felipe tiquirore.

—Jesure wacū tutuaja yūhu. Tiquiro Cristo Cohācā macano ijire. Tire quehnoano masiaja yūhu, niahye Etiopía cāno.]

<sup>38</sup> Sa ninota tunuria ohoturiquirore yūhuo dutiahye. Tia yūhu quehe sari bato wijiahye tiquina. Wijia, ti mágāpu esa, ñumudaca sahye tiquina. Topu ñumudaca sa, Felipe pehe tiquirore wame yeahye. <sup>39</sup> Wame ye tuhasa tiquina majadaca sagū Cohācā yaquiro Espiritu Felipere nea wahahye. Tiquiro sa wahari bato Etiopía cāno quehnoano bucueriquiro tiquiro ya yehrapu tojoaa wahahye. Tiquiro sa yeri bato tigū ne pari turi Felipere ihña nemoedahye. <sup>40</sup> Sa ye tuhasa Azotopu esahye Felipe pehe. Sa yero peye macarine quehnoañe buheyere buheahye masare. Cesarepu buhe bato tiahye.

## 9

*Saulo Jesucristore ihñano tiqirore wacū tutua dñachye  
(Hch 22.6-16; 26.12-18)*

<sup>1</sup> Ti pjere Saulo Jesu yequinare ihña tuhtiriqiro, “Tiqinare wejēgūtja”, nino, tiqiro pahia pñhtoro caharñ wahahye. <sup>2</sup> Topñ esaro tiqiro ojoari pñrine siniahye pahia pñhtoro. Ohō saha niahye:

—Damasco cjē wññseperñ judio masa mari buheye wññseperñ Jesu yequinare ñññare, numiare boca sagñ, tiqinare ñehe dñhte, Jerusalēperñ ne cñhtagūtja. Ti wññseperñ ijiyequinare yññ ñeheatire papera pñre ohoya, ni siniahye Saulo pahia pñhtoro.

<sup>3</sup> Ti pñre ne tuhasa, waha, Damasco cahagñ tiqiro esagñ waro ññññanopñ asi sitedoque dijioahye tiqirore. <sup>4</sup> Sa asi sitedoque dijioğñta tiqiro yehparñ bora quehe saro, yahuducugñ tñhoahye:

—¿Saulo, dñhsegñ mñññ yññare ñano yeajari? nino ca tahye.

<sup>5</sup> —¿Pñhto, noa boro ijiajari mñññ? niahye Saulo pehe.

—Yñññ Jesu, mñññ ñano yenohrigñ ijiaja. [Mñññ yñññ mehna usuagñ yñññare yññhtieragñ, mñññ basita ñano yñññare, niahye Jesu Saulore.]

<sup>6</sup> Tiqiro sa nigñ Saulo cue nanare, ohō saha ni sinituahye:

—¿Pñhto, dñhse yñññ yegñ cahmeajari mñññ? niahye Saulo.

Tiqiro sa nigñ ohō saha niahye Jesu:]

—Wahcñdñcaya mñññ. Si macarñ wahaya. Ti macarñ mñññ esagñ ti maca cñño mñññ yeatire yahurota mñññare, niahye Jesu Saulore.

<sup>7</sup> Tiqiro sa nigñ Saulo mehna cjēna pehe tiqiro yahuducuye dihtare tñhoahye. Jesu pehere ihñedahye. Tiqiro sa wahagñ ihñañe, cueye, tiquina yahuducu masiedahye. <sup>8</sup> Sa yero Saulo yehparñ cuñariquiro wahcñdñca, tiqiro ihñagñ tiqiro caperi bajuerahye. Sa ye tiquina tiqiro omocare ñehe, Damascopñ tññ cña wahahye tiqirore. <sup>9</sup> Sa yero tiqiro ihtia deco waro ne ihñeda, ihyera, ne sihñedahye.

<sup>10</sup> Sa ye Jesu buheriquiro Anania wame tiriqiro Damascopñ ijiyahye. Sa yero Jesu bajuahye Ananiare. Sa bajuaro pisuahye tiqirore:

—¿Anania, ijiajari mñññ? niahye Jesu.

—Ijiaja, ni, yññhtiahye Anania tiqirore.

<sup>11</sup> Tiqiro sa nigñ Jesu yahuahye tiqirore:

—Poto wame tiri maharñ wahaya. Topñ wahagñ Juda ya wñññperñ Tarso cññore Saulo wame tiriqirore macañña. Tiqiro Cohñcjñre sinino niaga.

<sup>12</sup> Sa yero quehēno saha tiqiro ihññarire ihñano niaga topñre. Ohō saha ijiyere ihñano niaga tiqiro: Mñññ omocare tiqiro bui duhu peo, tiqiro caperi quehnoa wahagñ ihññano niaga tiqirore bajarire, niahye Jesu Ananiare.

<sup>13</sup> Tiqiro sa nigñ tñhoro Anania ohō saha niahye:

—Pñhto, tiqiro mñññ yequinare quehnoañequinare Jerusalē cñññare ñano yeñhohti. Peyequina masa yñññare sa ni yahuri. <sup>14</sup> Sa yero ohñre tiqiro ijiñhtiyequina mñññare cahmeñequinare peresu yero taro niñhohti. Pahia pñhtoa tiqirore sa ye dutiñhohti, niahye Anania Jesure.

<sup>15</sup> Tiqiro sa nigñ Jesu pehe yahuahye tiqirore:

—Tiqiro Saulo pehe yñññ beseriquiro ijire. Tiqiro yee buheyere peye macari cñññare, Israe masa ijiyequinare, tiquina pñhtoare, Israe masa gñññare buherota. Sa yegñ wahaya mñññ. <sup>16</sup> Sa yero peye tahari yeere tiqiro yeri buhiri tiqiro ñano yñññurota. Tire tiqirore masigñ yegūtja, niahye Jesu Ananiare.

<sup>17</sup> Tiqiro sa nidi bato Anania pehe waha, esa, Saulo tiqiro ijiri wñññperñ sajñhye. Sajñ sa, tiqiro omocare Saulo bui duhu peo, yahuahye tiqirore.



—Yuhñ acayñ Saulo, mari pãtoro Jesu pehe mahapñ mũhare bajuariquiroy uhñare ohori, mahñ caperire ihña dutiro, Espíritu Santore mũhare cño dutiro, tiquiroy dutiriro sahata mũhare ye dutiro, ni yahuahye Anania Saulore.

<sup>18</sup> Tiquiroy sa nigũta tiquiroy caperire wahi nũtari saha bajuyere tiquiroy caperire pahna dijiagũ ihñañye Saulo. Tiquiroy sa ihña tuhasari bato wahcãdca sagũ apequiroy pehe wame yeahye tiquiroye. <sup>19</sup> Sa yero tiquiroy ihyari bato pagñ tutuariquiroy wahahye.

### *Saulo Damascopñ Jesu yere buhe dũcahye*

Sa ye meheñe decorigã Damasco cjẽna Jesu yequina mehna ijiahye Saulo.

<sup>20</sup> Sa yero ti pjereta tiquiroy judio masa buheye wũhũserñ Jesu yere buheahye masare. Jesu Cohãcjũ macãno tiquiroy ijiyere yahuahye Saulo.

<sup>21</sup> Tiquiroy sa yahugũ ihñañe ijipihtiyequina tiquiroye tãhoyequina acũaa wahahye.

—Ahriquiroy Cohãcjũ yequinare Jesure cahmeñequinare ñano yee tiriquiroy ijire. Sa yero tiquiroy tiquinare ñehe, dũhte, pahia pũhtoare oho duari jĩmedi. Sa ye duaro ohõpũre ahtari jĩmedi tiquiroy, ñahye masa tiquiroye tãhoyequina.

<sup>22</sup> Tiquina sa ni tãhotuepegũta Saulo cuero marieno tutuaro mehna buhe dũcahye. Judio masare Damasco cjẽnare quehnoano yahuahye. “Ahriquiroy Jesu potota Cristo marine yahdũoriquiroy ijire”, tiquiroy ni yahugũ tiquina pehe tiquiroye “Ni mehono nine ahriquiroy”, ni masiedahye tiquiroye.

<sup>23</sup> Sa ye peye decori bato judio masa tiquiroye wejẽ duaye, tiquina basi yahuducuahye. <sup>24</sup> Sa yero Saulo tiquina wejẽ duagũ masiahye tiquiroy basi. Sa ye ti maca cjẽ sopecaharire decorũre, ñamipñ gãhũre cohtee tiahye tiquiroye wejẽ duaye. <sup>25</sup> Tiquina sa wejẽ duagũ ihñañe ñamipñ Saulo buheyequina tiquiroye pũhãro pajiri pũhũdupñ ne sãa, ti maca cjã sahrĩno behero pehepñ duhu dijioahye tiquiroye.

### *Saulo Jerusalẽpñ ijiahye*

<sup>26</sup> Sa ye Saulo Jerusalẽpñ esaro, topñ Jesu yequina mehna tiquiroy iji duamahye. Tiquiroy sa iji duepegũta tiquina tiquiroye “Jesu buheriquiroy ijierare ahriquiroy”, niñe, tiquiroye cue ñahye. <sup>27</sup> Tiquina sa cuepegũta Bernabẽ pehe tiquiroye ne cãhye Jesu cũriquina cahapñ. Sa yero Saulo mahapñ Jesure tiquiroy ihñarire, Jesu mehna tiquiroy yahuducurire, Damascopñ cuero marieno Jesu yere tiquiroy buhe dũcarire yahuahye Bernabẽ pehe. <sup>28</sup> Tiquiroy sa ni yahuri bato Saulo tiquina mehna sajàno, Jerusalẽpñ tiquina mehna ijie tiahye. <sup>29</sup> Sa yero tiquiroy cuero marieno Jesu yere buhee tiahye. Sa yero tiquiroy judio masare Jesu yere yahu yahdũdũcaro ñahye. Tiquina judio masa griego masa yere yahuducuyequina ijiahye. Sa ye Saulo tiquiroy sa yahu yahdũdũcari buhiri tiquina tiquiroye wejẽ duamahye. <sup>30</sup> Tiquina sa wejẽ duagũ ihñañe, Saulo mehna cjẽna Jesu yequina pehe tiquiroye Cesarepñ ne duhti cãa wahahye. Topñ tiquiroye siho ijiducume Tarsopñ ohoahye tiquiroye.

<sup>31</sup> Sa ye ijipihtiropñ, Judea yehpapñ, Galilea yehpapñ, Samaria yehpapñ Cohãcjũ yequina quehnoano ijie tiahye. Ti pjere ne masa ñano yera tiahye tiquinare. Sa ye quehnoano buheahye tiquina. Sa ye tiquina Cohãcjãre cua pesaro ihñañe. Espíritu Santo tiquinare tiquiroy yedohogũ tiquina pehe masa peyequina wahahye.

### *Pedro Eneare quehnoa wahagũ yeahye*

<sup>32</sup> Sa ye Pedro ijipihtiye macaripñ waharo, Jesu yequina Lida maca cjẽna cahapñ gãhũre esahye tiquiroy. <sup>33</sup> Topñ esaro Enea wame tiriquiroye boca



sahye. Enea tini masieniquiro ijiro, ocho cǎhmari waro cuñari cahsero mehna cuñae tiahye tiquiro. <sup>34</sup> Sa yero Pedro pehe tiquirore ohō saha niahye: —Enea, Jesucristo mahare quehnoa wahagū yere. Wahcādūcaya. Mahu eō tu cuñari cahserore quehnoña, niahye Pedro tiquirore.

Tiquiro sa nigāta tiquiro wahcādūca wahaa wahahye. <sup>35</sup> Sa ye ijipihtiye-quina Lida cjēna, Sarona cjēna tiquirore ihñañe, tiquina ñañe yerire duhu, Jesure wacū tutuahye.

### *Dorca wame tiricorore masoahye Pedro Jesu tutuaye mehna*

<sup>36</sup> Sa ye Jope wame tiri macarū Jesure ño peoricoro Tabita wame tiricoro ijiahye. Ticoro wame Tabita griego ye yahuducuye mehna Dorca ijire. Ticoro quehnoañene yero, peye ohoe tiahye pejecūoyequinare. <sup>37</sup> Sa yero ti pjere ticoro dohati wahcō, yariaa wahahye. Ticoro yariagū ihñañe, tiquina ticorore quehnoano cose, ũhmūano cǎ tucūru cūahye ticorore. <sup>38</sup> Lida wame tiri maca Jope cahagāru ijiri. Sa ye Jesu buheyequina Jope cjēna Pedro Lidaru tiquiro ijigū tuhohahye. Sa tuhoye, pūaro ohoahye Pedro caharu. Tiquiro caharu esaye, Pedreore yahuahye tiquina.

—Sojaro mehna ũsā ijiropū wahaya, ni yahuahye tiquina.

<sup>39</sup> Tiquina sa nigū tuhoro tiquina mehna wahaa wahahye tiquiro. Topū tiquirore tiquina ne sari bato ũhmūano cǎ tucūru ne mǎjaa wahahye tiquirore. Sa ye ijipihtiyequina wape wiha numia tiquiro caharu esadūca, utiahye. Tabita tiquina mehna ijinorū peye suhtire yee tiahye. Sa ye tiquina ticoro yeri suhti ijrيره ihñohahye Pedreore. <sup>40</sup> Tiquina sa ihñoepegūta Pedro tiquinare ti tucūru ijiyequinare wijia dutiahye. Tiquina wijari bato tiquiro dūsepe curi mehna quehe sa, Cohācjüre ticorore sini basahye. Sa yero ticoro pagure majare ihñahye.

—Tabita wahcāña, niahye tiquiro.

Tiquiro sa nigūta ticoro pehe ihña wahcō, Pedreore ihña, wahcā nuju sahye.

<sup>41</sup> Ticoro wahcā nuju sagū ihña, tiquiro ticoro omocare ñehe, tuā wahcō docoahye ticorore. Sa yero tiquiro to cjēnare Jesu yequinare, wape wiha numiare pijio, ticorore catiricorore wiahye tiquinare. <sup>42</sup> Tiquiro sa yeri bato ijipihtiyequina Jope cjēna tire masiñe peyequina masa Jesure wacū tutua dūcahye. <sup>43</sup> Came Joperū Simo wahiquina cahserire quehnoriquiro mehna peye decori Pedro tiquiro mehna ijiahye.

## 10

### *Pedro Corneliore Jesu yere yahu dūcahye*

<sup>1</sup> Ti pjere Cesarepū Cornelio wame tiriquiro ijiahye. Tiquiro cien surara pūhoro ijiahye. Tiquina surara pehe tiquina ya curua Italiano wame tiahye.

<sup>2</sup> Cornelio tiquiro ya wāhu cjēna mehna mari Pacare ño peoyequina, cua pesaro ihñañequina ijie tiahye. Sa yero tiquiro judio masa pejecūoyequinare yedohoro, peye ohoahye. Sa yero decoripe tiquiro mari Pacare sinie tiahye.

<sup>3</sup> Sa ye ñamicaharu tres hora ijigū Cohācjū yaquiro angel tiquirore bajuahye. Sa bajuaro Cornelio caharu sajāhye.

—Cornelio, niahye angel tiquirore.

<sup>4</sup> Sa yero Cornelio tiquirore ihña cuero ohō saha niahye:

—¿Pūhto, yabere cahmeajari? niahye tiquiro.

—Pejecūoyequinare mahū ohorire, mari Pacare mahū sinidire tiquiro wacūno niaga. <sup>5</sup> Sa yegu Joperū mahū cahacjēnare ohoya. Topū Simo Pedro wame tiriquiro ijire. Tiquirore ne cāhta dutiya mahū cahacjēnare. <sup>6</sup> Tiquiro apeqiro Simo wahiquina cahseri quehnoriquiro caharu, pajiri ma dūhtū caharu ijiri wāhūru ijire, niahye angel Corneliore.

7 Angel sa ni tuhasa, wijiaa wahahye. Tiquiro sa wijiari bato Cornelio puaro tiquirore yedohoyequinare ihcãquiro surara mehna cjãnore pijiahye. Surara pehe mari Pacure ño peoriquiro ijiro, decoripe Cornelioire yedohoe tiahye. 8 Sa yero Cornelio tiquinare yahu peho, Joperu ohoahye tiquinare.

9 Sa ye ape deco Joperu tiquina wahari watoa coheri pje ijigã Pedro pehe wãhu buipã Cohãcjũre sinino wahahye. 10 Sa yero tiquiro ujã ahabagã ihya duahye. Sa ihya duaro apequina tiquiro ihyayere tiquina dahreri watoa tiquiro pehe bajuagũ ihñahye. 11 Umuanopu parĩ maagã, pajiri cahsero ti cahsero sohtoripũ dũhteri cahsero dijia tagũ ihñahye. 12 Ti cahsero puhiapu peyequina wahiquina nucũ cjẽna, yehrapu buã tiniñequina, minicjua pari ijiahye. 13 Tire tiquiro ihñari bato, Pedro yahuducugũ tũhoahye.

—Pedro, wahcãducaya. Ahriquinare wejẽ ihyaya, ni yahuducugũ tũhoahye tiquiro.

14 Tiquiro sa niepegũta Pedro ohõ saha niahye:

—Puhto, ne tiquinare ihyeraja yãhu. Ñañequinare, Cohãcjũ tiquiro ihya dutierariquinare ne ihyera tii yãhu, niahye Pedro.

15 Sa yero Pedro pari turi yahuducugũ tũhoahye:

—Cohãcjũ “Quehnoañequina ijire”, tiquiro nidiquinare “Ñañequina ijire”, niedacãhña mũhu tiquinare, ni yahuducugũ tũhoahye Pedro.

16 Sa ye ihtia taha tiquina sa ni yahuducuri bato ti cahsero umuanopu mũjãa wahahye tja. 17 Sa yero Pedro tutuaro wacũ “¿Dahse ni yahu duaro nijari sa bajuaro?” ni tũhotuahye tiquiro basi. Tiquiro sa tũhoturi watoa Cornelio ohoriquina pehe Pedro ijiri wãhãpu esahye. “¿Simo ya wãhu nohopu ijijari?” ni, tiquina sinituri bato ti wãhãpu esahye tiquina. 18 Sa ye tiquina sinitu madoqueoahye. “¿Simo Pedro wame tiriquire ahri wãhãre ijijari?” ni sinituahye tiquina. 19 Sa yero Pedro tiquiro tũhoturi watoa Espiritu Santo tiquirore yahuahye:

—Ihñaña. Ihtiaro umua mũhãre macañe nine. 20 Wahcãducaya. Dijiahya. Tiquina mehna wahaya. Yabiro marieno wahaya quehnoano mehna. Yũhu pehe tiquinare ohõpũre ahtagũ yei, niahye Espiritu Santo Pedrore.

21 Tiquiro sa nigũ tũhoro Pedro tiquina cahãpu dijiaa wahahye.

—Ihñaña. Ohõpu ijijaja yãhu mũa macã cãhtarigũ. ¿Dahse yena tana nijari mũa yãhu cahãpũ? niahye Pedro tiquinare.

22 Tiquiro sa nigũta tiquina pehe ohõ saha niahye:

—Cornelio cien surara puhtoro, quehnoañene yeriquiro, mari Pacure cua pesaro ihñariquiro, ijipihyequina judio masa “Quehnoariquiro”, tiquina nidiquiro mũhãre piji dutiro ohori usãre. Cohãcjũ quehnoariquiro yaquiro angel Cornelioire mũhãre piji dutiñohiti. Ohõ saha niñohiti: “Pedrore mũhu ya wãhãpu ne cãhta dutiya mũhu cahacjẽnare. Sa ye tiquiro mũhãre yahurota”, ni piji dutiñohiti angel Cornelioire, ni yahuahye Cornelio Pedrore tiquiro piji dutiriquina pehe.

23 Tiquina sa nigũ Pedro pehe tiquinare sajã ta duti, ihyaye oho, tiquiro ijiri wãhãpu carĩ dutiahye tiquinare. Sa yero ape deco Pedro wahcã, tiquina mehna wahaa wahahye. Sa ye apequina Cristo yequina Jope cjẽna Pedrore piti ti cãhye.

24 Ape deco tiquina Cesareapu esahye. Sa yero Cornelio pehe tiquiro acayere, tiquiro mehna cjẽna gũhãre piji cahmeco, Pedrore cohteahye. 25 Sa yero Pedro Cornelio ya wãhu cahãpu tiquiro ahtagũ ihñano Cornelio pehe tiquirore piti ca wijia, tiquiro dahpocãri cahãpu quehe sahye. 26 Sa yepegũta Pedro tiquirore ne wahcõ doco ohõ saha niahye:

—Ducuya mũhu. Yũhu gãhu mũhu yero saha ijigũ ijiaja. Cohãcjũ ijieraja yũhu, niahye Pedro tiqũirore.

<sup>27</sup> Tiquiro sa ni tuhasari bato Cornelio tiqũirore ne sajã wahahye tiqũiro ya wũhũrũ. Topũ sajã saro masa pari ti wũhũrũ cahmecoa, tiqũirore cohteyequinare ihñahye Pedro. <sup>28</sup> Sa yero Pedro tiqũinare yahuahye:

—Judio masũ ijiepegata ape curua cjẽna mehna ijigũ usã dutiyere yũhdũducagũ niaja yũhu. Tire quehnoano masine mũsa. Sa ijiepegũta ape curua cjẽnare “Ñãñequina ijire”, yũhũre ni dutierari Cohãcjũ. Sa ni yahuri yũhũre tiqũiro. <sup>29</sup> Tiquiro sa nigũ tũhogũ ohõrũre mũsa cahapũre ahtau. Mũsa yũhũre piñiogũ “Ne wahaeraja”, niedũ yũhu. “¿Dũhse ijiro boro yũhu ohõrũ ahtagũ cahmeari mũsa?” niahye tiqũinare Pedro.

<sup>30</sup> Tiquiro sa nigũ tũhoro Cornelio pehe ohõ saha niahye:

—Tres hora ijigũ waro mari Pacũ yaqũiro angel yũhũre bajuari. Pititia deco wahare yũhũre tiqũiro bajuari bato. Ti decota mari Pacũre yũhu sinini watoa angel asĩ siteri suhtiro sañariqũiro yũhu cahapũ ducuri. <sup>31</sup> Sa yero tiqũiro yũhũre ohõ saha nidi: “Cornelio, mũhu mari Pacũre mũhu sinigũ tiqũiro tũhori. Sa yero pejecũoyequinare tiqũina cahmeñene mũhu ohogũ ihñano mari Pacũ wacũno mũhũre yedohorota. <sup>32</sup> Sa yegũ Joperũ mũhu cahacjẽnare ohoya, Simore, Pedro wame tiriqũirore mũhu cahapũ tiqũina ne cãhtagũ. Tiquiro apeqũiro Simo wahiqũina cahseri quehnoriquiro ya wũhũrũ pajiri ma dũhtũ cahapũ ijiri wũhũrũ ijire tiqũiro”, ni yahuri yũhũre tiqũiro. <sup>33</sup> Tiquiro sa nigũ tũhogũ yũhu cahacjẽnare mũhũre ne cãhta dutigũ ohou yũhu. Sa yegũ quehnoano yegũ ahtari jiri mũhu usã cahapũre. Sa yena usã ijipihtina ohõre mari Pacũ tiqũiro ihñonopũ ijina niaja usã. Ijipihtiyere mari Pacũ mũhũre tiqũiro yahu dutirire tũho duana, cohtei usã, niahye Cornelio Pedroro.

### *Pedro Jesu yere yahuahye*

<sup>34</sup> Tiquiro sa nigũ tũhoro, Pedro ohõ saha ni yahuahye:

—Yojopũ masiaja. Ijirota ijire. Cohãcjũ ihcãno saha quehnoano yere marine. <sup>35</sup> Sa yero ijipihtiyere macari cjẽna Cohãcjũre cua pesaro tiqũina ihñagũ, quehnoañene tiqũina yegũ Cohãcjũ pehe tiqũina mehna bucuere. <sup>36</sup> Cohãcjũ usã judio masa cahapũ Jesucristore ohori. Masare Cohãcjũ mehna quehnoano ijĩ dutiro Jesu pehe quehnoañe buheyere yahuri. Ti buheyere mũsa masine. Jesucristo pehe ijipihtiyequina masa puhtoro ijire. <sup>37</sup> Ñũ wame yeriquiro ohõ saha ni yahuri: “Mũsa ñañene bũjũa witiya. Sa yena wame yeno hrina ijija”, ni, yahuri Ñũ. Masare tiqũiro sa ni yahuri bato Galileapũ quehnoañe buheyere Jesu pehe yahu dũcari. Came Judea yehparũ ti buheyere yahu pehori. <sup>38</sup> Ahriqũiro Jesu Nazare cjũnore Cohãcjũ pehe tiqũiro tutuayere, Espĩritu Santo mehna tiqũiro ye masiatire ohori Jesure. Sa yero Jesu quehnoano yero wahari. Sa waharo watĩare cũoyequinare ñano yũhdũyequinare ijipihtiyequinare quehnoa wahagũ yeri. Mari Pacũ Jesu mehna ijiri. <sup>39</sup> Judea yehparũ, Jerusalẽpũ gãhũre ijipihtiyere tiqũiro yerire usã ihñau. Came tiqũina curusapũ wejẽdi tiqũirore. <sup>40</sup> Sa yero ihtia deco wahaboro Cohãcjũ tiqũirore masori jiri. Sa yero Jesure apequinare bajuagũ yeri jiri mari Pacũ. <sup>41</sup> Ti pjere Jesure ijipihtiyequina ihñedari. Meheñequinagãre bajuari tiqũiro. Mari Pacũ tiqũiro cahmenare, Jesure ihñatinare panopũ usãre mari Pacũ beseahye. Usã pehe Jesu tiqũiro masari bato tiqũiro mehna ihya, sihnii. <sup>42</sup> Sa yero usãre tiqũiro dutiri. “Masare yahuya. Yũhu Jesu ijipihtiyequina catiyequinare, yariariqũina gãhũre buhiri dahreacjũ yũhũre ijigũ yeri mari Pacũ. Sa yena tire masare yahuya”, ni dutiri Jesu usãre.

43 Ijipihtiyequina Jesure tiquina wacū tutuagū ihñano Cohācjū tiquina ñañene borota. Tire ijipihtiyequina Cohācjū yere yahu mahtariquina panopu cjēna yahuyuahye, ni yahuahye Pedro.

*Judio masa ijieyequina Espiritu Santore curo dūcahye*

44 Ti ijipihtiyere tiquiro sa ni yahuri watoapu, ijipihtiyequina tire tūhoyequina mehna Espiritu Santo iji dūcahye. 45-46 Sa ye judio masa ijieyequina tūhomehneñe yahuducuyē mehna bucueye mehna yahuducu dūcahye. Ti yahuducuyē mehna Cohācjūre “Tutuagu, quehnoagu ijire”, niñe niahye. Tiquina sa nigū tūhoahye Pedro acaye judio masa Jesu yequina. Sa ye Espiritu Santo judio masa ijieyequina mehna tiquiro iji dūcagū ihñañe judio masa pehe ihña maria wahahye. Sa yero Pedro ohō saha ni yahuahye judio masare:

47 —Mari yero sahata Espiritu Santore curo ahriquina gūhu. ¿Tiquina sa ijigū ihñana ahriquinare wame yeraboagari mari? niahye Pedro tiquinare.

48 Sa ni tuhasa Jesu wame mehna judio masa ijieyequinare wame ye dutiahye Pedro. Tiquina sa yeri bato “Usā mehna meheñe decorigā tojoarñña”, niahye tiquina Pedro gūhare.

## 11

*Pedro Jerusalē cjēnare Jesu yequinare yahuahye*

1 Sa ye judio masa ijieyequina gūhu Cohācjū yere tiquina quehnoano cahmegū Jesu cūriquina pehe tiquina acaye Judeapu ijieyequina mehna tūhoahye. 2 Sa ye Pedro Jerusalēpu tiquiro tojoa sagū ihñañe judio masa Jesu yequina meheñequinagā tiquirore ohō saha niahye:

3 —¿Judio masa ijieyequinare dūhse ijiro boro ihñagū esari mūhu? ¿Dūhse ijiro boro tiquina mehna ihyari mūhu? ni, tuhtiahye Pedrorē tiquina.

4 Tiquina sa nigū tūhoro Pedro tiquiro yerire yahu peho cāhye tiquinare. 5 Ohō saha ni yahuahye:

—Yūhu Jopēpu ijigū Cohācjūre sinigū nii. Sa yero yūhare ohō saha bajuari. Pajiri cahsero ti cahsero sohtoripu dūhteri cahsero ūhmanopu yūhu caharu dijia tagū ihñau. 6 Sa yegū ti cahserore quehnoano ihñau, “¿Yabe boro ti cahseropare ijiajari?” nigū. Sa yegū ihñau ti cahseropare ijieyequinare: Wahiquinare nūcu cjēnare, yehrapu bna tinñequinare, minicjua parire ihñau.

7 Sa yegū yūhare tiquiro yahuducuyere tūhou. “Pedro, wahcādūcaya. Wejē ihyaya ahriquinare”, nino ca tari yūhare. 8 Tiquiro sa nigū tūhogu ohō saha nii yūhu. “Pūhto, ne tiquinare ihyeraja yūhu. Ñañequinare, Cohācjū tiquiro ihya dutieyequinare ne ihyera tii yūhu”, nii yūhu. 9 Yūhu sa niepegūta ūhmanopu pari turi yūhare yahuducuro ca tari tja. “Cohācjū ‘Quehnoañequina ijire’, tiquiro nidiquinare ‘Ñañequina ijire’, niedacāhña mūhu”, nino ca tari yūhare. 10 Sa yero ihtia taha usā sa ni yahuducuri bato ti cahsero ūhmanopu mujaa wahari tja. 11 Yūhu sa ihñari watoa ihtiaro ūmua usā ijiri wūhupu esari jiri. Tiquina Cesarea cjēno ohoriquina ijiri. 12 Sa yero Espiritu Santo pehe yūhare tiquina mehna waha dutiro “‘Tiquina ñañequina ijire’, niedacāhña tiquinare”, ni yahuri yūhare tiquiro. Sa ye ahriquina seis yūhu acaye mehna Cesarea cjēno ya wūhupu sajāu usā. 13 Sa yero tiquiro usāre ohō saha ni yahuri. “Angel yūhu wūhupu ducugū ihñau yūhu. Ohō saha ni yahuri yūhare: ‘Jopēpu Simore Pedro wame tiriquireore ne cāhta dutiya. 14 Tiquiro mūhare mūhu acaye mehna mūhare ijipihtinare pecapu wahaborinare masa yūhūatire yahurota’, nidi angel yūhare”, ni, yahuri Cesarea cjēno yūhare. 15 Sa ye yūhu yahuducuri watoa Espiritu Santo pehe

tiquina mehna iji ducari, marine tiquiro ye mahtariro sahata. <sup>16</sup> Sa yegu Jesu tiquiro yahurire wacū yuhū. Ohō saha ni yahuri tiquiro: “Ñu musare wame yero aco mehna wame yemedi. Yuhū pehe tiquiro yuhdūoro yeitja musare. Came Espiritu Santore musa mehna ijiducugā yeitja”, ni yahuri. <sup>17</sup> Sa yero Jesucristo mari puhtorore mari wacū tutuagū ihñano Cohācjū yaquiro Espiritu Santore ohori marine. Sa yero Cohācjū marine Espiritu Santore tiquiro ohoriro sahata judio masa ijieyequina gāhure tiquiro ohori. Cohācjū tiquiro sa yegū ihñagū tiquirore yuhdūdūca masiedaja yuhū, niahye Pedro tiquinare, judio masare Jesu yequinare.

<sup>18</sup> Tiquiro sa nigū tūhoye, tiquina tiquirore ne ni nemoedahye. Tiquirore tuhti masiedahye. Sa ye tiquina,

—Cohācjū quehnoariquiro, tutuariquiro ijire, niahye.

Ohō saha ni nemoahye:

—Judio masa ijieyequina gāhū tiquina ñañene bujua witiyequina ijiye, Cohācjū yequina ijieta. Sa tiquiro yequina ijiye, tiquina gāhū ijipihtiye decori tiquiro mehna ijieta, ni nemoahye tiquina.

### *Antioquíarū apequina Jesu yequina ijiahye*

<sup>19</sup> Sa ye Estebāre tiquina wejēdi bato masa Jesu yequinare ñano yeahye. Tiquina sa yegū ihñañe Jesu yequina duhti sitea wahahye. Sa ye tiquina Feni-ciārū, Chiprepū, Antioquíarū waha, judio masa dihitare Cohācjū yere yahue timahye tiquina. <sup>20</sup> Tiquina sa yepegāta apequina pehe Jesu yequina mehna cjēna Chipre cjēna, Cirene cjēna, Antioquíarū esa, judio masa ijieyequinare Jesu yere buheahye Cohācjū tiquinare tiquiro yuhdūoatire. <sup>21</sup> Sa yero mari puhtoro tiquinare yedohohye. Sa ye masa peyequina Jesure wacū tutuaye, quehnoañe pehere comesahye.

<sup>22</sup> Sa ye “Antioquía cjēnarū Jesure cahmeaga”, ni tuhooahye Jerusalē cjēna Jesu yequina. Tiquina sa tūhoori bato Jerusalē cjēna Bernabé wame tiriquire Antioquíarū ohoahye. <sup>23</sup> Sa yero tiquiro Antioquíarū esaro, Cohācjū yedohoye mehna judio masa ijieyequina tiquiro yequina tiquina wahagū ihñano, tutuaro bucueahye. Sa yero tiquiro to cjēnare ohō saha ni yahuahye:

—Jesure sa wacū tutuaducuya. Tiquiro yere ne duhueracāhña, ni yahuahye tiquiro ijipihtiyequina tiquinare.

<sup>24</sup> Bernabé quehnoariquiro ijiro, Espiritu Santore pajiro cūoriquiro ijiro, tiquiro dutiriro sahata yeriquiro ijiro, Jesure quehnoano wacū tutuahye tiquiro. Sa ye tiquiro buheri bato masa peyequina wacū tutuahye Jesure.

<sup>25</sup> Came tiquiro Tarso wame tiri macarū Saulore macano wahahye. <sup>26</sup> Topū tiquirore boca sahye. Tiquiro boca sari bato Antioquíarū ne cāhye Saulore. Topū tiquina esari bato ihcā cūhma waro tiquina Cohācjū yequina mehna cahmecoa, peyequina masare buhee tiahye tiquina. Sa ye Antioquíarū Cristo yequina Cristiano wame ti dūcahye.

<sup>27</sup> Ti pjere Cohācjū yere yahu mahtariquina Jerusalēpū ijiriquina waha, Antioquíarū esahye. <sup>28</sup> Sa yero tiquina mehna cjāno Agabo wame tiriquire Jesu yequina watoarū ducuro, Espiritu Santo tutuaye mehna yahuahye tiquinare. “Ijipihitiri yehpapure tutuaro ujua waharota”, ni yahuahye tiquiro. Ti pjere ihyaye mariedi pje ijigū ijipihtiyequina puhtoro Claudio ijiahye. <sup>29</sup> Sa ye Cristo buheyequina, ijipihtiyequina tiquina cūoro puno tiquina acayere oho duaye, tiquina basi cahme yahuducuahye. “Judea yehpa cjēna Jesu yequinare niñerure ohouhna”, niahye tiquina basi. <sup>30</sup> Tiquina sa nidi bato

Bernabé, Saulo mehna ti niñerure ne cã basahye. Topu esaye Judea yehpa cjênare Jesu yequina pãhtoare wiahye ti niñerure.

## 12

### *Pedrore peresu yeahye*

<sup>1</sup> Ti pjere pãhtoro Herode ihquẽquinare Jesu yequinare ñano ye dũcaetiahye. <sup>2</sup> Sa yero tiqiuo Ñu wahminore Santiago pehere ñoseni pjĩ mehna tiqiuo wejẽ dutigã apequina pehe tiqiuore wejẽahye. <sup>3</sup> Santiagore tiqiuo wejẽgũ judio masa bucueahye. Tiquina bucueyere Herode masino, “Sa dihita cahmene tiquina”, nino Pedro gãhare peresu yeahye. Ti decorire pugũ yeye moremehneñe pãre tiquina ihyati bose deco pascua ijiahye.

<sup>4</sup> Sa ye Herode ñehe dutiriquina Pedrore ñehe, peresu yeahye. Sa yero diez y seis surarare cohte dutiahye tiqiuore. Pititiaro surara cohteahye tiqiuore. Came pititiaro tiquina comesayequina tiqiuore cohte mĩjãetiahye. Sata yeahye tiquina diez y seis surara. Herode pehe pascua bato Pedrore peresupu ijiriquiurore masa ihñonopu duhu doco duamahye tiqiuore wejẽ dutiro taro. <sup>5</sup> Sa yero Pedro peresupu ijiahye. Topu tiqiuo ijigũ Jesu yequina pehe Cohãcjũre tutuaro sini basae tiahye tiqiuore.

### *Peresupu ijiriquiurore Pedrore Cohãcjũ wioahye*

<sup>6</sup> Sa ye ñamine Pedro come dari puã da mehna tiquina dãhteriquiuro puaro surara watoapu carĩno niahye. Sa ye surara sopecahapu cohteducue tiahye tiqiuore. Sa yero ti deco bohrearo Herode Pedrore judio masa ihñonopu duhu doco duamahye tiqiuore wejẽ dutiro taro. <sup>7</sup> Sa yero Cohãcjũ yaquiuro angel pehe Pedro cahapu tiqiuo ducugã peresupu tiqiuo ijiri tucũ buhrio pihitia wahahye. Sa yero angel Pedro cahapu ducuro Pedro pati pahmapu ohbe careahye.

—Sojaro mehna wahcãña, niahye tiqiuo Pedrore.

Tiqiuo sa nigũta tiqiuo omocarine tiquina dãhteri dari come dari suru site dijiaa wahahye. <sup>8</sup> Sa yero angel tiqiuore yahuahye:

—Weje dihoja mũhu weje dihori dare. Mũhu dahpo suhti gãhare sañaña, niahye tiqiuo.

Tiqiuo sa nigũ Pedro pehe tiqiuo nidiro saha yeahye.

—Mũhu bui cjã suhtirore sañaña. Yũhu mehna wahaya, niahye angel.

<sup>9</sup> Tiqiuo sa nigũ ti tucũpu ijiriquiuro wija, angel bato wahaa wahahye tiqiuo. Sa wahaerperota ohõ saha ni tãhotumahye tiqiuo. “¿Ahri poto ijieragari? ¿Quehẽgũ niagari yũhu?” ni, tãhotumahye tiqiuo. <sup>10</sup> Sa ye tiquina tiqiuo ijiri tucũ sopecahapu ducuyequina surarare yũhdu cã, apequina yoã cjũno ducuyequina gãhare yũhdu cã, pajiri sopecahapu esahye. Ti sope pahma macapu wahari mahare cahmotari pahma ijiahye. Ti sope pahma esa tuharo parigũ tiquina wijaa wahahye. Wijaa waha, tiquina mahapu wahaa wahahye. Mehenogã tiquina waha nemogũ angel pehe waha wahahye. Sa yero Pedro ihcãquiurota tojoahye. <sup>11</sup> Sa tiqiuore angel tiqiuo wahari bato tiqiuo yerire Pedro masiahye. Ohõ saha ni tãhotuahye tiqiuo. “Angel Cohãcjũ ohoriquiuro peresupu yũhu ijigũ yahare wioro wihiri. Yojoapu tire masiaja tiqiuo sa yerire. Judio masa pehe yahare tiquina ye duarire Cohãcjũ pehe tiquinare ye dutierari. Sa yero yahare, Herodẽ tiqiuo peresu yerigure wiori”, ni, tãhotuahye Pedro.

<sup>12</sup> Tiqiuo sa ni tãhoturi bato María Ñu pacoro ya wãhapu esahye Pedro. Ñu pehe Marco wame tiriqiuo ijiri. Ti wãhapu masa peyequina cahmecoã, Cohãcjũre siniñe niahye. <sup>13</sup> Sa yero Pedro sope pahmare doteahye. Rode

wame tiricoro cahacjõno tiquiuro dotegū tãhoro ihñano esahye ticoro. <sup>14</sup> Sa yero Pedro ticorore tiquiuro pisugū tãhoro tiquiuro yahuducuyere tãho masi, tutuaro bucue, sopecahare põoedahye. Sa bucuemeno tiquiore põoboricoro boaa wahahye. Pedro topu tiquiuro ducugūta ticoro majareduca oma sajãa wahahye.

—Pedro sopecahapu wihiri, ni, yahuro sajãhye.

<sup>15</sup> Sa ye tiquina wuhapu ijiyequina ticoro sa nigū tãhoye,

—Sa nicõo niaga mahu. Sa ni macacõo nine mahu, niahye tiquina ticorore.

—Poto tjire. Poto nigota niaja, niahye ticoro.

Ticoro sa nigū tãhoye,

—Tiquiro ijieraga. Tiquiro jeripohna wihiro niaga, niahye tiquina pehe.

<sup>16</sup> Tiquina sa nini watoa Pedro sope pahmare sata doteducuro niahye. Tiquiro sa yegū tãhoye, tiquina sopecahare põo, tiquiore ihña, ihña maria wahahye. <sup>17</sup> Sa yero Pedro tiquiuro omoca mehna “Dihta mariahña”, nino, Cohãcjũ peresupu tiquiore wiorire yahuahye tiquinare.

—Ahrire yahuya Santiagore, apequina Jesu yequina gũhare, niahye tiquiuro.

Sa ni yahu tuhassa tiquiuro ape sie pahrẽpu yuhdu cãa wahahye. <sup>18</sup> Sa ye bohrea quehagū surara Pedro tiquiuro dahse ye wijiarire ne masiedahye. Sa masiedaye acuaa wahahye. <sup>19</sup> Sa yero Herode Pedrora maca dutimahye. Sa yero tiquiuro surarare peresu cohteriquinare tiquiuro sinituri bato tiquinare wejẽ dutiahye Herode pehe. Sa yero Herode Judeapu ijiriquire waha, Cesareapu ijiro wahahye.

### *Herode yariaa wahahye*

<sup>20</sup> Sa yero Tiro wame tiri maca cjẽna mehna, Sidõ cjẽna mehna Herode pehe usuahye. Tiquiro sa usuagū ihñañe ti macari cjẽna pehe Herode tiquina mehna tiquiuro usarire quehnoñe waha, tiquiuro mehna yahuducuyeh wahahye. Sa ye tiquiuro cahacjãnore Blasto wame tiriquire piti tiahye tiquina. Sa ye tiquina Blasto yedohoro mehna Herode cahapu esahye. Tiquiro cahapu esa, ohõ saha niahye:

—Mari quehnoano ijiihna. Mari basi ihña tuhtieracãhna, ni siniahye tiquina Herodere.

Tiquina ya yehpa cjẽna Herode ya yehpapu ihyayere bocaeh tiahye. Sa ye Herode tiquinare ihña tuhtigū cahmedahye tiquina. <sup>21</sup> Sa yero Herode tiquiuro queori decopu, puhtoro tiquiuro sañañe suhti quehnoañe suhtire sañahye tiquiuro. Sa yero tiquiuro dujiropu duitjiãno, masare yahuducu ihñoahye. <sup>22</sup> Tiquiro sa yahuducu ihñogū tãhoye masa pehe sañuducuahye:

—Ahriquire yahuducuriquire masano ijierare. Cohãcjũ ijire, ni sañuducumahye tiquina Herodere.

<sup>23</sup> Tiquina sa nigūta Cohãcjũ yaquire angel Herodere dohatiyere ohoahye. “Cohãcjũ ijieraja yahu”, ne niedahye Herode. Tiquiro sa niedari buhiri angel tiquiore dohatigū yeahye. Tiquiro sa dohatigū tiquiore becoa ihya wejẽ cãhye.

<sup>24</sup> Sa ye Jesu yequina peyequina masare Jesu ye buheyere buhee tiahye.

<sup>25</sup> Sa ye Bernabé, Saulo mehna buhe peho, Jerusalẽpu ijiyequina Antioquiapu tojoaa wahahye. Sa ye Ñu Marco wame tiriquire tiquina ne cãhye tiquina mehna.



<sup>1</sup> Ti pjere Antioquíap<sup>m</sup> Cohācjū yequina mehna cjēna, Cohācjū yere yahu mūhtariquina ijiahye. Masare buheyequinata ijiahye tiquina gūh<sup>m</sup>. Bernabé, Simo Negro wame tiriquireo, Ludio Cirene cjāno, Manae, Saulo mehna tiquina ijiahye. Manae pehe pūhtoro Herode manano mehna tiquina pūaro ihcāno mehna buchariquina ijimahye. <sup>2</sup> Sa ye tiquina Cohācjūre tiquina ño peori watoa, tiquina sijiri watoa, Espiritu Santo pehe yahuahye tiquinare.

—Bernabére, Saulo mehna cūña yūh<sup>m</sup> cahmeno saha yeatiquinare. Tire yeatiquinare bese cūg<sup>m</sup> niaja tiquinare, niahye Espiritu Santo.

<sup>3</sup> Tiquiro sa nigū tiquina pehe siji Cohācjūre sini, Bernabé bui Saulo bui tiquina omocarine duhu peoahye. Sa duhu peoye tiquinare buhe dutiye ohoahye.

### *Chiprep<sup>m</sup> Jesu cūriquina buheahye*

<sup>4</sup> Sa ye tiquina Saulo, Bernabé mehna Espiritu Santo tiquiro ohoriquina ijiye, Seleuciap<sup>m</sup> esa, ti macare yūhd<sup>m</sup> cā, Chipre wame tiri nūcūrop<sup>m</sup> esahye tiquina. <sup>5</sup> Sa ye Salamina wame tiri petamahap<sup>m</sup> esahye. Ti macap<sup>m</sup> judio masa buheye wūh<sup>m</sup>sep<sup>m</sup>, Cohācjū yere yahu dūcahaye tiquina. Sa yero Ñu Marco gūh<sup>m</sup> tiquina mehna waha, tiquinare yedohoahye. <sup>6</sup> Sa ye tiquina ti nūcūo sohtoap<sup>m</sup> maja, ti nūcūo toper<sup>m</sup> ijiri macap<sup>m</sup> Pafu wame tiri macap<sup>m</sup> esaye, yairore boca sahye tiquina. Tiquiro judio masano, Barjesu wame tiriquireo ijiahye. Barjesu griego ye mehna niñe Elima tiquina ni pisuriquireo ijiahye. “Cohācjū yere yahu mūhtag<sup>m</sup> ijiaja yūh<sup>m</sup>”, ni, masare ni mehoducuriquireo ijiahye tiquiro. <sup>7</sup> Sa yero tiquiro Sergio Paulo wame tiriquireo mehna cjāno ijiahye. Sergio Paulo pehe ti nūcūo cjēna pūhtoro masi pēhoriquireo ijiahye. Sa yero Cohācjū yere tūho duaro tiquinare Bernabé, Saulo mehna pijioahye tiquiro. <sup>8</sup> Tiquiro sa pijiopegūta Elima, yairo pehe tiquinare buhe dutierahye. Tiquiro Sergio Paulo Jesu yere tiquiro ño peogū cahmesāedahye yairo pehe. Sa yero yairo pehe Sergio Paulore Cohācjū yere cohā dutiro nimahye. <sup>9-10</sup> Tiquiro sa cohā dutiepegūta Saulo, Pablo tiquina nidiquiro Espiritu Santore cūoriquireo ijiro, yairore quehnoano ihña diho cū tiquirore yahuahye:

—Mūh<sup>m</sup> ni mehoñe peyag<sup>m</sup>, ñag<sup>m</sup>, watīno tiquiro dutiyere yeg<sup>m</sup>, quehnoañene ihña yabig<sup>m</sup> ijire mūh<sup>m</sup>. ¿Dūhse yeg<sup>m</sup> Cohācjū yere “Ni mehoñe ijire”, sa niducajari mūh<sup>m</sup>? <sup>11</sup> Mūh<sup>m</sup> sa nigū Cohācjū caperi bajueragū yerota mūhare. Sa yeg<sup>m</sup> meheñe decorigā mūh<sup>m</sup> ihñasi, niahye Pablo.

Tiquiro sa nigūta yairo pehe bueri yero saha ijiyere ihña mūhtano, nahitiano dihitare ihñahye. Sa yero tiquirore tūātiquirore macahye tiquiro. <sup>12</sup> Tiquiro sa wahagū ihñano, Sergio Paulo pehe Jesu yere “Ijirota ijire”, ni masiahye. Mari pūhtoro yere tiquiro tūho, tūho maria waha, Jesure wacū tutua dūcahye.

### *Pablo Bernabé mehna Antioquíap<sup>m</sup> Pisidia yehpap<sup>m</sup> ijiri macap<sup>m</sup> ijiahye*

<sup>13</sup> Sa ye Pablo gūh<sup>m</sup> Pafop<sup>m</sup> ijiriquina yucūsa mehna waha, Pergep<sup>m</sup> esahye. Perge Panfilia yehpap<sup>m</sup> ijire. Top<sup>m</sup> esa, Ñu Marco tiquinare cohā cā, Jerusalēp<sup>m</sup> wahaa wahahye. <sup>14</sup> Sa ye tiquina Pergep<sup>m</sup> ijiriquina waha, Antioquíap<sup>m</sup> esahye. Antioquía Pisidia yehpap<sup>m</sup> ijire. Top<sup>m</sup> esaye, saurū deco ijigū tiquina judio masa buheri wūh<sup>m</sup>ap<sup>m</sup> sajā sa, top<sup>m</sup> dujahye. <sup>15</sup> Sa ye ti wūhare cohteyequina Cohācjū dutiyere, Moisep<sup>m</sup> marine tiquiro cūrire, Cohācjū yere yahu mūhtariquina tiquina ojoarire tiquina buheri bato tiquina pijiahye Pablo gūhare.

—¿Usā acaye, masare mūsa yahu duaye ijiajari? Tire yahu duana yahuya mianogāta, niahye ti wūhare cohteyequina.

16 Tiquina sa nigū tūhoro, Pablo wahcādhca sa, “Yahuducueracāhña”, nino tiquiro omoca mehna quē dijioahye. Tiquina dihta mariagū ihñano, tiquiro ohō saha niahye:

—Israe masa, Israe masa ijiena gūh mari Pacare ño peona, tūhoya mūsa. 17 Mari ñecāsūmna mūna panop cĵēna Cohācĵure ño peoe tiahye. Tiquina mūnare Cohācĵū besee tiahye. Sa ye mari ñecāsūmna mūna yoari pje Egiptopū ijie tiahye ape yehpa cĵēna ijiepetā. Topū tiquina ijigū Cohācĵū quehnoano yee tiahye tiquinare. Sa ye peyequina masaputiahye tiquina. Ohō saha yeahye tiquinare. Tiquinare Egiptopū ijiritiquinare tiquiro tutuaye mehna wioahye Cohācĵū. 18 Tiquiro sa wiori bato tiquina cuarenta cūhmari waro masa marienopū tinie tiahye. Topū tiquirore tiquina yūhdūdhcagū Cohācĵū sata tūhotu cāhye. 19 Sa yero Canaa wame tiri yehpapure siete cururi cĵēnare cohā tuhasa, Cohācĵū ti yehpare ohoahye Israe masa pehere. 20 Ti ijiphiytyere tiquina yegū cuatrocientos cincuenta cūhmari waro yūhdūdhcagū. Camerū masare dutiatiquinare cūahye Cohācĵū Israe masare. Cohācĵū tiquiro cūriquina Samuel tiquiro ijigūpū iji bato tie tiahye. Samuel pehe Cohācĵū yere yahu māhtariquiro ijie tiahye. 21 Came Israe masa pehe tiquina puhtoro ijiatiquirore macae tiahye. Sa ye Cohācĵūre sinie tiahye. Tiquina sa sinigū ihñano Cohācĵū Saulore cūahye tiquinare. Saulo Cis macno ijiro, Benjami ya curua cĵēno ijiahye. Sa yero cuarenta cūhmari waro tiquina puhtoro ijiatiquiro cūahye Cohācĵū tiquirore. 22 Sa yero Cohācĵū Saulore tiquiro cohāri bato Davire cūahye tiquiro. Ohō saha niahye Cohācĵū Davire: “Davi Isaí macanore bocaŷ yūhū. Tiquiro mehna bucueaja yūhū. Tiquiro yūhū cahmeñene yerota”, niahye Cohācĵū.

23 Ahriquiro Davi panamino iji turiariquiro ijire Jesu. Cohācĵū Jesure cūri jiri Israe masare yūhdūhoatiquiro. “Masare quehnoano yeitja”, niahye Cohācĵū. Tiquiro nidiro sahata yeri tiquiro. 24 Tiquiro sa yeato pano Jesu wihiato pano Ñu ohō saha ni buheri jiri: “Musa ñañene bujua witiya. Quehnoañe pehere comesaya. Sa yena wame yehohrina ijia”, ni buheri jiri Ñu ijiphiytyequina Israe masare. 25 Sa yero Ñu tiquiro buhe bato tiato pano, tiquiro yariato pano ohō saha ni yahue tiri jiri: “¿Noa boro ijiajari yūhū, mūsa tūhotugū? Cristo ijieraja yūhū. Apegu ijiaja. Yūhū sa ijiepegū tūhoya yūhūre. Yūhū bato yūhū yūhdūhooro tutuariquiro ahtarota. Tiquiro quehnoa yūhdūriquiro ijire. Tiquiro yero saha ijieraja yūhū”, ni yahuahye Ñu masare.

26 Yūhū acaye, Abrahā panamena iji turiana, Israe masa ijiena gūh ijiphiytina mari Pacare ño peona, marine ahri tiquiro yūhdūhoatire yahuri buheyere ohori jiri mari Paca. 27 Jerusalē cĵēna tiquina puhto mehna saurū decori ijigū Cohācĵū yere yahu māhtariquina tiquina ojoarire buhepetā quehnoano masiedari jiri. Sa masiedaye, Jesu tiquinare yūhdūhoatiquiro tiquiro ijigū gūhure masiedari jiri. Tiquina sa masiedapeta Jesure wejē dutiahye. Sa yeye Cohācĵū yere yahu māhtariquina tiquina ojoariro sahata yeye niahye. 28 Tiquirore tiquina wejēato pano tiquina Jesure yahusāmahye. Sa ye tiquiro ñañene yerapegūta tiquina Pilatore Jesure wejē dutiye tee, sini-ahye. 29 Sa ye panopū tiquina ojoariro sahata Jesure ye tuhasa, tiquirore curusapū ijiritiquirore ne dijio, masa copepū utāre tiquina seheri copepū cūahye tiquirore. 30 Sa ijiepegūta tiquiro yariari bato Cohācĵū masori jiri tiquirore. 31 Sa ye Galileapū ahtariquina Jerusalēpū tiquiro mehna esariquina peye decori tiquirore yaria masa bajuariquirore ihñae tiahye. Sa ye yojopure tiquirore tiquina ihñarire masare yahuri tiquina.

32-33 'Sa yena quehnoañe buheyere yahuaja usã musare. Cohãcjũ mari ñecusũmãare "Masare quehnoano yeitja", panopũ tiquiro nidiro sahata yojopãre marine tiquina acayere yeri. Tire tiquiro yahurire ohõ saha yeri tiquiro. Cohãcjũ Jesure masori jiri. Sa yena Jesure tiquiro masorire yahuaja musare. Pnarõ Salmopũ panopũ tiquina ojoariro sahata sa wahari jiri. "Mũhũ yũhũ macũ ijire. Miare mũhũre bajuagũ yei', nine Cohãcjũ tiquiro macãnore", ni ojoahye panopũre. 34 Sa yero Cohãcjũ Jesure tiquiro masoatire pari turi tiquiro yarieratire yahuyuro ohõ saha ni, yahu ojoahye Salmore ojoariquiro. "Davire yũhũ paja ihñariro sahata tiquirore yũhũ nidiro sahata potota quehnoano yegũtja mũhũ gãhũre", nidi ojoahye. 35 Sa yero ape Salmo gãhũre ohõ saha ni, yahuahye: "Cohãcjũ mũhũ cahacjũno quehnoariquiro tiquiro pagũre ahba dutierare mũhũ", ni, ojoahye. 36 Sa yero Davi Cohãcjũ tiquiro cahmediro sahata tiquiro ijiri pje cjẽnare yedohoahye. Came tiquiro yariaa wahahye. Tiquiro yariari bato tiquiro pacusũmãare tiquina yeriro sahata yahye tiquiro gãhũre. Sa yero tiquiro ahbaa wahahye. 37 Tiquiro sa ahbaepẽgũta ahriquiro, Cohãcjũ tiquiro masoriquiro pehe ne ahbaerari. 38 Sa yena musa yũhũ acaye ahrire masiña: Cohãcjũ musa ñañene tiquiro cohãtire musare yahuaja usã. Jesu pehe ñañene cohãtiquiro ijire. 39 Sa yero tiquirore wacũ tutuayeqũnare tiquiro tiquina ñañe yerire borota. Moiserẽ Cohãcjũ cũri dutiyere musa yeri mehna Cohãcjũ cahapũ wahasi musa. Sa yero dutiyere yeye mehna yũhũ duayeqũnare tiquina ñañene cohãsi Cohãcjũ. 40 Sa yena quehnoano yeya. Mũsa quehnoano yeragũ Cohãcjũ yere yahu mũhtariquina tiquina ojoariro sahata musare wahaboaga. Ohõ saha ni ojoahye:

41 Tũhoyã musa. Ñãno ni bũjũpena, yũhũre ihña tuhtina ijire musa. Yũhũ ohõ saha yegũ cueya musa. Sa yena butia wahaya. Mũsa ijiye decorire Cohãcjũ tutuaye mehna musare ye ihñogãtja. Yũhũ sa ye ihñogũ ihñãepenata "Ijirota ijire", nisi musa. Apequiro tire musare tiquiro quehnoano yahuepẽgũta "Ijirota ijire", nisi musa, ni ojoahye Cohãcjũ yere yahu mũhtariquiro, ni yahuahye Pablo tiquinare.

42 Tiquiro sa ni yahuri bato judio masa buheri wũhũpũ tiquina wijiari bato masa tiquirore tũhoriquina pehe tiquinare siniahye:

—Ape semanapũ saurũ ijigũ usãre ahrire buheya tja, ni siniahye tiquina Pablo gãhũre.

43 Sa ye ti wũhũpũ ijiriquina wijiã, judio masa peyequina, judio masa ijieyequina gãhũ Pablo gãhũ mehna wahahye. Judio masã ijieyequina judio masa yere buheyequina ijiãhye. Tiquina sa wahagũ Pablo, Bernabẽ mehna quehnoano yahuahye tiquinare. "Cohãcjũ musare cahĩne. Sa yena tiquirore ño peoducuya", ni buheahye tiquina.

44 Sa ye ape semanare saurũ ijigũ ijipihtiyequina Jesu yere tũho duayequina cahmecoahye. 45 Sa yepẽgũta judio masa pehe peyequina masare Jesu yere tũho duayeqũnare ihñañe, ihña tuhtiahye. Sa ihña tuhtiyẽ tiquina sijoro ni yahuducu, Pablõre ñãno quiti dojomehneahye. "Mũsare tiquiro buheye poto ijierare", niahye tiquina. 46 Tiquina sa nigũ tũhoye, Pablo, Bernabẽ mehna tiquinare quiti dojomehnediquinare cuero marieno yahuahye:

—Cohãcjũ tiquiro dutiriro sahata musare buhe mũhtami usã. Usã sa buhepẽgũta musa pehe tire cahmeda tuhasari. Ijipihtiyẽ decori Cohãcjũ mehna ijiye gãhũre cahmeda tuhasari musa. Sa yena usã pehe judio masa ijieyequina pehere buhe dũcanãtja. 47 Sata dutiahye mari pũhtoro usãre: "Mũsa judio masa ijieyequinare buhena tiquinare Cohãcjũ yere quehnoano masigũ yenata musa. Sa yegu musa yõaropũ ijieyequinare musa buhegũ

təhoyequinare tiquina pehere pecar<sub>u</sub> wahaboriquinare yəhd<sub>u</sub>ogətja yəh<sub>u</sub>”, ni yahuahye usāre Cohācjū, ni yahuahye Pablo, Bernabé mehna.

<sup>48</sup> Tiquina sa nigū təhoye judio masa ijieyequina pehe bucueahye. “Cohācjū ye pehe quehnoañe ijire”, niahye tiquina. Sa ye Cohācjū tiquiro cahmeñequina ijipihtiye decori tiquiro mehna tiquina ijiatire tiquiro oho duariquina Jesure wacū tutua ducāhye. <sup>49</sup> Sa ye mari puhtoro Cristo yere ti yehpar<sub>u</sub>re yahu pehoahye. <sup>50</sup> Tiquina sa yahugū ihñañe judio masa coerahye. Top<sub>u</sub> mari Pac<sub>u</sub>re ño peoye numia, quehnoañe numia ijiahye. Sa ye judio masa Pablo gūh<sub>u</sub>re ñano ni yahu wajahye. Tiquina sa ni yahu wajagū təhoye ti numia Pablo mehna, Bernabé mehna gūh<sub>u</sub>re usuahye. Sa ye ti maca cjēna puhtoa gūh<sub>u</sub> tiquina mehna usuahye. Sa usuaye to cjēna ñano yeahye Pablo gūh<sub>u</sub>re. Tiquina sa yeri bato Pablo gūh<sub>u</sub>re tiquina ya yehpar<sub>u</sub> ijieyequinare cohā wioahye. <sup>51</sup> Tiquina sa yegū ihñañe Pablo, Bernabé mehna tiquina dahpocāri cjē dihta wahārire wejē site boro cūahye ti maca cjēna tiquina ñañe buhirire ihñoñe. Sa ye tuhasa tiquina Iconiop<sub>u</sub> wahaa wahahye. <sup>52</sup> Sa ye tiquina Jesu yequina pajiro bucueye, Espiritu Santo pajiro cəoye, tiquiro dutiro sahata yeyequina ijiahye.

## 14

### *Pablo, Bernabé mehna Iconiop<sub>u</sub> ijiahye*

<sup>1</sup> Sa ye Pablo, Bernabé mehna judio masa buheri wəh<sub>u</sub>r<sub>u</sub> sajā, Jesu yere yahuahye. Sa ye judio masa peyequina Jesure wacū tutua ducāhye. Sa ye judio masa ijieyequina gūh<sub>u</sub> Jesure wacū tutua ducāhye. <sup>2</sup> Sa ijiepegūta judio masa Jesure cahmedariquina gūh<sub>u</sub> tiquina mehna ijiahye. Tiquina judio masa ijieyequinare usuagū yeahye. Jesu yequina mehna tiquinare usuagū yeahye judio masa pehe. Tiquina sa yegū judio masa ijieyequina ñano təhotuahye Jesu yequinare. <sup>3</sup> Tiquina sa təhotugū ihñañe Jesu yequina Pablo, Bernabé mehna top<sub>u</sub> yoari pje ijieye, cuero marieno mari puhtoro yere quehnoano buheahye. Cohācjū masare tiquiro cahñene buheahye. Tiquina sa buheri watoa Cohācjū tutuaye mehna ye ihñoahye, “Ahri buheye ijirota ijire”, niñe. <sup>4</sup> Sa ijiepegūta ti maca cjēna deco mehna judio masa yere cahmeñequina tojoahye. Deco mehna Jesu yere cahmeñequina gūh<sub>u</sub> tojoahye. Tiquina p<sub>u</sub>a curua tojoahye. <sup>5</sup> Sa ye judio masa ijieyequina, judio masa, tiquina puhtoa mehna Jesu cūriquinare ñano yemahye. Utā paca mehna doque wejē duamahye tiquinare. <sup>6</sup> Tiquina sa ye duarire masiñe, Pablo, Bernabé mehna Licaonia yehpar<sub>u</sub> duhti cāa wahahye. Ti yehpar<sub>u</sub> ijiri maca Listra wame tiri macare yəhd<sub>u</sub> cā, Derber<sub>u</sub> esahye. <sup>7</sup> Top<sub>u</sub> esaye, quehnoañe buheyere buheahye tiquina.

### *Listrap<sub>u</sub> Pablore utā paca mehna doqueahye*

<sup>8</sup> Sa ye Listrap<sub>u</sub> tini masieniquiro ijiahye. Tiquiro wahma masa ba-juaropāta tini masieniquiro ijiahye. <sup>9-10</sup> Sa yero tiquiro Pablo buhegū təhoahye. Tiquiro təhori watoa Pablo pehe tiquiro dihitare ihñahye.

—Ahriquiro Jesure wacū tutuare. Sa yero tiquiro quehnoariquiro waha duare, ni təhotuahye Pablo.

Sa ni təhoturo tutuaro mehna ohō saha niahye Pablo tiquirore:

—Wahcād<sub>u</sub>caya, niahye Pablo tiquirore.

Tiquiro sa nigū təhorota tini masieniquiro pehe uhpud<sub>u</sub>ca sa, wahaa wahahye. <sup>11</sup> Pablo sa yegū ihñañe masa sañuducuahye. Tiquina Licaonia ye mehna sañuducuahye.

—Cohāmana, masa saha bajuyequina ʔmʔsereṃ ijiyequina mari caharṃ dijia tari jiri, ni sañuducuahye tiquina.

<sup>12</sup> Sa ye tiquina Bernabére “Zeus”, ni, pisuahye. Sa ye Pablo buhe mʔhtariquiro pʔhoro yero saha tiquiro ijigū ihñañe “Hermes”, ni, pisuahye tiquina tiquire. <sup>13</sup> Sa yero Zeure ño peoyequina ya wʔhʔ ti maca dʔhtʔ caharṃ ijiñahye. Sa yero Zeus yequina tiquina yaquiro pahi pehe wecʔare, cohorì mehna macarṃ sajā tari sòpecaha caharṃ ñe cāhtahye. Zeure ño peo duaro wecʔare oho duamahye. Sa yero tiquiro wecʔare ʔjʔa mʔoñe mehna Pablore, Bernabére ño peo duamahye tiquiro, masa mehna. <sup>14</sup> Tiquina sa yegū ihñañe Pablo, Bernabé mehna tiquina basi tiquina ye suhtire tʔhrēdoqueoahye tiquina bʔjʔa witiyere masare ihñoñe tehe. Tʔhrēdoqueo tuhasa masa watoa oma cā, sañuducuahye tiquina:

<sup>15</sup> —Mʔsa ohō saha yeracāhña. ʔsā gʔhʔ mʔsa yero sahata masa ijiaja. Mʔsa ohō saha ye ye ne dʔhseati ijierare. Sa yena mʔsare buhena ahtaʔ mʔsa ohō saha yeyere duhu dutina tana. Ahriquina cohāmanare mʔsa yeriquinare ñañequinare cohāña. Sa yena Cohācjüre catiriquiro pehere ño peoya. Cohācjü pehe ʔmʔsere, yehpare, pajiri mare ijipihtiyere yeriquiro ijire. <sup>16</sup> Sa yero tiquiro panorṃ ijipihtiyere macari cjēna tiquina yerire sa ihña cāhye. <sup>17</sup> Sa yeperota tiquiro ijie tyere ihñore masare. Tiquiro masare quehnoañene ye, acoro ahtaḡū ye, dʔca tigū ye, masare ihyayere ohoducure. Tiquiro sa ohogū masa bucuere. Sata tiquiro ijie tyere ihñore masare, niahye Pablo, Bernabé mehna.

<sup>18</sup> Tiquina sa nigū tʔhoepeta masa wecʔare wejē ʔjʔa mʔo, tiquinare ño peo duamahye. Sata tiquina ño peo duagū ihñañe tiquinare sa ye dutierahye Pablo gʔhʔ. Tiquina sa yeyere duhu duerapeta duhuahye.

<sup>19</sup> Sa ye arequina judio masa Antioquia cjēna, Iconio cjēna gʔhʔ Listrapṃ esahye. Topṃ esahye, Pablore ñano yahuducuahye judio masa. Tiquina sa ni yahuducugū tʔhoye, masa tiquiro mehna usuahye. Sa usuaye ʔtā paca mehna doqueahye tiquire. ʔtā paca mehna tiquire doque tuhasa “Ahriquiro yariaa wahare”, niñe, ti maca dʔhtʔ caharṃ tiquire weje sa cū cā, wahaa wahahye. <sup>20</sup> Tiquina sa yeri bato Jesu yequina Pablore ihñañe esahye. Tiquiro caharṃ tiquina cahmecoada ca sagū waro Pablo wahcādaca, tiquina mehna macarṃ tojoaa wahahye. Sa ye ape decorṃ tiquiro Bernabé mehna Derberṃ wahahye.

<sup>21</sup> Sa ye topṃ tiquina quehnoañe buheyere peyequina masare yahuahye. Sa ye peyequina Jesu yequina tiquina wahari bato, Pablo gʔhʔ Listrapṃ esa, ti macare yʔhdʔ cā, Iconiorṃ esa, ti macare yʔhdʔ cā, Antioquiārṃ Pisidia yehparṃ ijiri macarṃ esa, ti macarṃ tojoahye. <sup>22</sup> Ti macaripṃ esahye to cjēna Jesu yequinare quehnoañe buheyere yahuye, tiquinare quehnoano jeripohna tigū yeahye. Sa Jesure wacū tutuaducu dutiye ohō saha ni yahuahye tiquinare:

—Cohācjü ijirorṃe mari waha duana, tutuaro marine ñano yʔhdʔro cahmene, ni yahuahye Pablo gʔhʔ.

<sup>23</sup> Sa ye macaripe cjēnare Jesu yequinare tiquina pʔhtoa ijiatire cūahye Pablo, Bernabé mehna. Sa ye tiquina sijiri bato Cohācjüre siniahye:

—Pʔhto, ahriquina mʔhʔ yequinare ihña ihboya, ni sini basahye tiquina Cohācjüre, tiquina wacū tutuariquirore.

*Pablo Bernabé mehna Antioquiārṃ tiquina iji mʔhtari macarṃ tojoaa wahahye*

<sup>24</sup> Tiquina sa yeri bato tiquina Pisidia yehparṃ ijiriquina wahaa wahahye Panfilia yehparṃ. <sup>25</sup> Sa ye Pergerṃe tiquina buhe tuhasa, Atalia wame tiri

macar<sub>u</sub> waha<sub>a</sub> wahahye. <sup>26</sup> Sa ye ti macar<sub>u</sub> esa, Antioquíar<sub>u</sub> tojoaye, yucsa mehna waha<sub>a</sub> wahahye. Ti macar<sub>u</sub>ta panor<sub>u</sub> tiquina ijinigū Jesu yequina Cohācjū yere buhe dutiye Pablo gūhare ohoahye. Sa ohoye, ohō saha niāhye: —Cohācjū mah<sub>u</sub> cahñe mehna ahriquinare ihña ihboya, ni ohoahye tiquina.

Sa ye tiquina buhe dutirire buhe pehoahye Pablo, Bernabé mehna. <sup>27</sup> Sa ye tiquina Antioquíar<sub>u</sub> tiquina tojoa sari bato Jesu yequina mehna cahmeco<sub>a</sub>, Cohācjū tutuaye mehna tiquina yerire yahu pehoahye tiquina. Judio masa ijieyequina gūh<sub>u</sub> Cohācjū yequina tiquina waharire yahuahye tiquina. <sup>28</sup> Sa ye Pablo gūh<sub>u</sub> tor<sub>u</sub>re Jesu yequina mehna yoari pje ijie tiahye.

## 15

### *Jerusalēp<sub>u</sub> Jesu yequina cahmecoahye*

<sup>1</sup> Sa ye Judea yehpa cjēna meheñequinagā Antioquíar<sub>u</sub> esaye, Jesu yequinare ohō saha ni buhe d<sub>u</sub>cahye tiquina:

—Cohācjū dutiyere Moiser<sub>e</sub> cūno ohō saha ni cūahye. Ijipihtiyequina tiquina cuhnucun<sub>u</sub> sohtoa cahserogāre tiquina yāhre neatire yahu cūahye Moiser<sub>e</sub>. M<sub>u</sub>sa tire yeragū Cohācjū m<sub>u</sub>sare yāhd<sub>u</sub>osi, ni buheahye tiquina to cjēnare.

<sup>2</sup> Sa ni buheye Judea yehpa cjēna pehe cahme d<sub>u</sub>se tini wiahye Pablo, Bernabé mehna. Tiquina sa cahme d<sub>u</sub>se tini wiari bato Jesu yequina pehe Pablore, Bernabére apeq<sub>u</sub>ina to cjēna gūhare Jerusalēp<sub>u</sub> ohoahye. Judea yehpa cjēna tiquina buhēre Jesu cūriquinare, Jesu yequina p<sub>u</sub>htoa gūhare sinitu dutiye ohoahye Pablo gūhare.

<sup>3</sup> Sa ye Jesu yequina tiquinare ohogū waha, Fenicia yehpare esa, yāhd<sub>u</sub> cā, Samaria yehpar<sub>u</sub> esahye. Ti macar<sub>u</sub>p<sub>u</sub> esaye, judio masa ijieyequina Cohācjū yere tiquina cahme d<sub>u</sub>carire yahuahye tiquina to cjēnare. Tiquina sa yahugū t<sub>u</sub>hoye to cjēna Jesu yequina tutuaro bucueahye.

<sup>4</sup> Sa ye tiquina Jerusalēp<sub>u</sub> esagū ihñañe to cjēna Jesu yequina tiqiro cūriquina, tiqiro yequina p<sub>u</sub>htoa mehna bucueye mehna quehnoano piti cahye tiquinare. Sa ye Pablo, Bernabé mehna Cohācjū tutuaye mehna tiquina yerire yahuahye tiquina Jerusalē cjēnare. Judio masa ijieyequina Jesu yequina tiquina wahari gūhare yahuahye tiquinare. <sup>5</sup> Sa ijiepegūta tor<sub>u</sub> fariseo masa Jesu yequina meheñequinagā ijiahye. Sa ye tiquina tor<sub>u</sub>re wahcād<sub>u</sub>ca, ohō saha ni yahuahye:

—Tiqinare judio masa ijieyequinare tiquina cuhnucun<sub>u</sub> sohtoa cahserogāre yāhre neno cahmene. “Cohācjū Moiser<sub>e</sub> tiqiro dutirire yeya m<sub>u</sub>sa gūh<sub>u</sub>”, nino cahmene tiquinare, niahye tiquina fariseo masa gūh<sub>u</sub>.

<sup>6</sup> Tiquina sa nigū t<sub>u</sub>hoye Jesu cūriquina, Jesu yequina p<sub>u</sub>htoa mehna tiquina sa nidire quehnoñe tehe, cahmecoahye. <sup>7</sup> Sa ye peye tiquina yahuducuri bato Pedro wahcād<sub>u</sub>ca yahuahye tiquinare:

—Y<sub>u</sub>h<sub>u</sub> acaye, panor<sub>u</sub> yāh<sub>u</sub>re m<sub>u</sub>sa mehna ijirig<sub>u</sub>re Cohācjū ohō saha ye dutiro yāh<sub>u</sub>re cūri. Tiqiro yāh<sub>u</sub>re quehnoañe buheyere judio masa ijieyequinare yahu dutiro cūri. Tiquinare Jesure wacū tutua dutiro yāh<sub>u</sub>re tiquinare buhe dutiri. <sup>8</sup> Sa yero Cohācjū masa t<sub>u</sub>hotuyere masine. Sa yero tiqiro judio masa ijieyequinare tiqiro yequina tiqiro yerire ihñono taro Espiritu Santore ohori tiquinare, marine tiqiro yeriro sahata. <sup>9</sup> Sa ohoro tiqiro marine tiquina gūhare ihcāno saha quehnoano yeri. Tiqiro tiquina wacū tutuagū tiquina ñañene bori tiqiro. <sup>10</sup> Mari pehe Cohācjū Moiser<sub>e</sub> tiqiro cūri dutiyere ye peho masiedaja. Sa ye mari ñec<sub>u</sub>sum<sub>u</sub>



māna gāhū ti dutiyere ye peho masiedahye. ¿Sa mari ye masiedapegūta dūhse yena Jesu yequinare judio masa ijieyequinare tire ye duti duajari mūsa? Sa ye dutina Cohācǵū tiquinare tiqiro yerire “Queoro wahaerare”, nina niaga mūsa. <sup>11</sup> Mūsa sa niepegūta ohō saha ūsā tuhotuaja. Yojopare judio masa ijieyequina yero sahata mari gāhūre mari pūhtoro Jesu cahīne mehna Cohācǵū yūhndūorota, niahye Pedro tiquinare.

<sup>12</sup> Tiquiro sa nigū tūhoye ijipihtiyequina dihta maria wahahye. Sa ye Pablo, Bernabé mehna judio masa ijieyequina watoa Cohācǵū tutuaye mehna tiquina ye ihñorire yahuahye tiquinare. <sup>13</sup> Sa tiquina yahu tuhasari bato Santiago yahuahye.

—Acaye, tūhoya yūhūre. <sup>14</sup> Cohācǵū judio masa ijieyequinare tiqiro yequina wahagū yeahye. Coā tiquinare sa wahagū yeahye. Tire yahu tuhasari marine Pedro pehe. <sup>15</sup> Panopū cǵēna Cohācǵū yere yahu māhtariquina tiquina yahuro sahata sa wahari judio masa ijieyequinare. Ohō saha ni mari Pacū yere ojoahye tiquina:

<sup>16</sup> Panopū Davi mūnāno ya curua cǵēna tiquina pūhtoa tiquina ijiri pihtia wahari. Came tojoa taŭtja yūhū. Sa yegū pari turī Davi ya curua cǵānore pūhtoro sōutja. <sup>17</sup> Yūhū sa yeri bato ijipihtiyequina apequina judio masa ijieyequina yūhūre tiquina pūhtore cahmeeta tiquina. “Yeequina ijiya”, yūhū ni pisuriquina pehe yūhūre cahmeeta. <sup>18</sup> Sata ninē mari pūhtoro. Panopū tiqiro ahrire masare yahue tiri jiri, ni ojoahye Cohācǵū yere yahu māhtariquina.

<sup>19</sup> Sa yegū ohō saha tuhotuaja yūhū. Judio masa ijieyequinare Cohācǵū yere wahma cahme dūcayequinare peye ye dutieracāhna mari. <sup>20</sup> Sa dutierapenata tiquinare oja ohouhna mari. Ohō saha ni, oja ohouhna. “Nāñe ihyayere, ‘Cohācǵū ijire’, tiquina nimesi queoyere ño peo tiquina duhu peori ihyayere ihyeracāhña. Sa yena wūana tieracāhña. Sa yena wamūa tiquina ñehe wejēdiquinare wahiquinare ihyeracāhña. Diire sihnedacāhña”, ni yahu oja ohouhna. <sup>21</sup> Yoari pje judio masa buheye wūhūserū saurū ijigū Cohācǵū Moiserē tiqiro cūri dutiyere buhee tiri masa. Sa ye ijipihtiye macaripū Moise tiqiro yahuyere buhee tiri. Sa yena yūhū nidiro sahata judio masa ijieyequinare Jesu yequinare oja ohouhna, judio masa pehe tiquina mehna “Usuari”, nina, niahye Santiago.

### *Judio masa ijieyequinare Jesu yequina pūhtoa oja ohoahye*

<sup>22</sup> Ti pjere Jesu cūriquina, Jesu yequina pūhtoa ijipihtiyequina Jesu yequina mehna pūaro tiquina mehna cǵēnare beseahye tiquina ohoatiquinare. Antioquíarū Pablo, Bernabé mehna wahatiquinare tiquinare bese ohoahye. Sa ye tiquina Judare, Sila mehna ohoahye. Juda pehe Barsaba pūaro wame wame tiahye. Tiquina acaye Jesu yequina tiquinare ño peoahye. <sup>23</sup> Tiquinare tiquina beseri bato Jesu yequina ojoari pūre ohoahye tiquina mehna. Ohō saha ni ojoahye tiquina:

—Jesu cūrina, tiqiro yequina pūhtoa, mūsa acaye Jesu yequina mehna ūsā quehnoa dutiaja mū sare. Ijipihntina judio masa iijenare Antioquíarū, Siriapū, Ciliciarū ijinare mū sare Jesu yequinare quehnoa dutiaja ūsā. <sup>24</sup> Ūsā mehna cǵēna mūsa caharū esaye, mū sare peye dutiyere ye dutiñohti. Sa ye mū sare cariboñohti. Tiquina sa dutiepegūta ūsā pehe tiquinare tire buhe dutina ohoerū. <sup>25-26</sup> Sa yena ūsā ijipihntina ihcāno mehna mūsa caharū ohoatiquinare ūsā besei. Mari cahīnequinare Pablo, Bernabé mehna Cristo Jesu mari pūhtoro yere cuero marieno tiquina buhegū peye tahari apequina tiquinare wejēmahye. Tiquina sa wejē duagū mehenogā mehna yūhndūahye tiquina. Tiquina mehna ūsā beseriquinare yojopare ohoaja. <sup>27</sup> Sa yena



Judare, Sila mehna m̄sa cahap̄m ohoaja. H̄s̄a ojoarire tiquina pehe m̄sare yahueta. <sup>28</sup> Esp̄ritu Santo wac̄uno sahata us̄a ḡh̄m t̄hotuaja. Oh̄o saha ijire ti: Apeye dutiyep̄re c̄udaja m̄sare. Ahri dutiye dihitare c̄unatja m̄sare: <sup>29</sup> N̄āne ihyayere, “Coh̄ac̄j̄u ijire”, tiquina n̄imedi queoyere ño peo tiquina duhu peori ihyayere ihyerac̄h̄ña. D̄ire sihnedac̄h̄ña. Wam̄a tiquina ñehe wej̄ed̄ic̄uinare wah̄ic̄uinare ihyerac̄h̄ña. Sa yena w̄ana tierac̄h̄ña. Ahri ȳh̄m ye dutieraire yerana quehnoañene yena ninata m̄sa. To puno t̄jire m̄sare us̄a yahu duaye, ni ojoa ohoahye Jesu yequina Jerusal̄ep̄m ij̄yequina.

<sup>30</sup> Ti p̄re ojoa tuhasa, ohoahye Antioqūiap̄m wahayequinare. Tiquina ohori bato waha, Antioqūiap̄m esahye. Top̄m tiquina esari bato peyequina masare cahmecoa duti, tiquina ojoari p̄re wiahye tiquinare. <sup>31</sup> Ti p̄re tiquina buheri bato quehnoañene tiquina yahuḡm t̄hoye, quehnoano bucueahye. <sup>32</sup> Sa ye Juda, Sila mehna Coh̄ac̄j̄u yere yahu m̄htariquina ij̄ye, yoari p̄je Jesu yequinare Coh̄ac̄j̄u yere yahuahye. Tiquina sa yahuḡm t̄hoye, Jesu yequina pehe bucue, quehnoano jeripohna tiahye. <sup>33</sup> Sa ye Juda, Sila mehna top̄m meheñe decoriḡa tiquina ij̄ri bato tiquina tojoa taḡa to c̄jenare tiquina cohe tiḡa, “Quehnoano wahaya m̄sa”, n̄iahye Antioqūia c̄jena. Sa ye Juda ḡh̄m ore ohoriquinare quehnoa dutioahye. Tiquina sa nidi bato Juda pehe tojoaa wahahye. <sup>34</sup> Sa ij̄iepeḡta Sila pehe top̄m tojoa c̄ahye Antioqūiap̄m. <sup>35</sup> Sa ye Pablo, Bernabé ḡh̄m meheñe decoriḡa tojoarihye ti macap̄m. Sa ye tiquina apequina peyequina mehna Jesu yere buheahye.

### *Pari turi Pablo quehnoañe buheyere buhe tinino wahahye*

<sup>36</sup> Sa ye meheñe decoriḡa bato Pablo, Bernabé mehna yahuducuahye: —Ij̄ip̄ht̄yequinare mari buhe d̄ucariquinare ih̄ñana wahañhna t̄ja, n̄iahye Pablo ḡh̄m tiquina basi.

<sup>37</sup> Sa yero Bernabé pehe N̄ure tiquina mehna nea duamahye. N̄u Marco p̄aro wame wame tiriquire ij̄yahye. <sup>38</sup> To pano tiquire tiquina mehna Panfil̄iap̄m esaro tiquina mehna tojoerahye. Tiquina yerire ih̄c̄ano sahaeraro, tojoaa wahahye. Tiquire ih̄c̄ano sahaeraḡm ih̄ñano Pablo pari turi tiquire nea duerahye. <sup>39</sup> Tiquire nea dueraḡm ih̄ñano Bernabé Pablo mehna p̄aro tiquina basi cahme yahuducu cahme tu wahye. Bernabé pehe Chipre wame tiri n̄ac̄op̄m Marco mehna peh̄aa wahahye. <sup>40</sup> Pablo pehe Sila mehna piti ti c̄a, wahahye. Sa ye tiquina buheye wahato pano Jesu yequina tiquinare ohoye, “Coh̄ac̄j̄u m̄sare quehnoano ih̄ña ih̄boahro”, n̄iahye. Tiquina sa nidi bato Pablo, Sila mehna wahaah wahahye. <sup>41</sup> Sa wahaye, Siria yehp̄ap̄m, Cilicia yehp̄ap̄m ḡh̄m ore esaye, top̄m Jesu yequinare quehnoano jeripohna ti bucueḡm yeahye tiquinare.

## 16

### *Timoteo Pablo mehna wahahye*

<sup>1</sup> Tiquina sa yeri bato Pablo ḡh̄m Derber̄m, Listr̄ap̄m esaye, Timoteore boca sahye. Timoteo Jesu yaquire ij̄iro, judio masono mac̄ano ij̄yahye tiquire. Tiquire pacoro ḡh̄m Jesu yacorota ij̄yahye. Tiquire pacoro pehe griego mas̄ano ij̄yahye. <sup>2</sup> Sa ye Listra c̄jena, Iconio c̄jena Jesu yequina oh̄o saha n̄iahye Timoteore: “Timoteo masa quehnoariquire ij̄ire”, ni yahue tiahye. <sup>3</sup> Sa yero Pablo Timoteore nea duahye. Sa ij̄iepeḡta ti yehpa c̄jena judio masa pehe Timoteo pacoro griego mas̄ano tiquire ij̄iḡm mas̄iahye. Sa yero Pablo judio masare “Usuari”, nino, Timoteo c̄h̄nuc̄un̄m sohtoa cahseroḡare yahre neahye. Judio masa dutiye nidiro sahata yeahye. <sup>4</sup> Tiquire sa yeri bato tiquina esari macari c̄jenare tiquina dutiyere ojoari p̄ c̄jene yahuahye.

Ti pū Jesu cūriquina, tiquiro yequina pūhtoa mehna Jerusalēpū ijiyequina tiquina ojoari pū ijiyahye. Sa ye ti dutiyere quehnoano yahuahye to cjenare Jesu yequinare. <sup>5</sup> Tiquina sa yahugū tūhoye Jesu yequina pehe Jesure wacū tutua nemoahye. Sa ye Jesu yequina decoripe peyequina wahaducuahye.

*Pablo quehēnopū Macedonia cjānore ihñahye*

<sup>6-7</sup> Sa yero Asia yehpapū pehere quehnoañe buheyere buhe dutierahye Espiritu Santo tiquinare. Sa ye tiquina Frigia yehpare yūhdūa, Galacia yehpare yūhdūa, Misia yehpa dūhtū cahapū esahye. Bitinia yehpa pehe waha duamahye. Tiquina waha duepegūta Espiritu Santo pehe tiquinare topūre waha dutierahye. <sup>8</sup> Tiquiro sa nidi bato tiquina pehe Misia yehpare yūhdūa, Troapū wihiri. <sup>9</sup> Topū tiquiro wihiri bato ohō saha quehēahye Pablo. Macedonia yehpa cjāno tiquiro caha ducugū ihñahye tiquiro. “Ūsāre Macedonia yehpa cjānare yedohogū ahtaya”, ni, pijiahye tiquiro Pablora. <sup>10</sup> Tiquiro quehēdi bato wahcā, usā yere quehno tuhasa, Macedoniapū wahaa wahān usā. “Cohācjū ti yehpapūre quehnoañe buheyere buhe dutiro nine marine”, ni tūhotuu usā.

*Pablo, Sila mehna Filipopū ijiyahye*

<sup>11</sup> Sa yena usā Troapū ijina yucūsa mehna Samotracia wame tiri nūcūropū pehā san usā. Sa yena ape deco Neapolipū wahān usā. <sup>12</sup> Ti macare yūhdū cāna Filipopū Roma cjēna ya macapū esān usā. Ti maca Macedonia yehpapū ijiri maca ijiri. Ihyo ijiri maca ijierari. Topūre meheñe decorigā usā ijii. <sup>13</sup> Sa yena saurū ijigū usā ti maca dūhtū cahapū, dia dūhtū cahapū esān. Topū Cohācjū mehna tiquina yahuducuro ijiri. Topū dujina topū cahmecoañe numia mehna yahuducuu usā. <sup>14</sup> Ihcācoro usāre tūhoricoro Tiatira cjōno Lidia wame tiricoro ijiri. Sa yero ticoro quehnoañe suhti wapa tiye suhtire duaricoro, mari Pacūre ño pericoro ijiri. Sa yero Pablo yahuyere quehnoano tūhogū yeri Cohācjū ticorore. <sup>15</sup> Sa ye ticorore, ticoro ya wāhū cjēna mehna wame yeri Pablo. Tiquiro sa wame yeri bato ohō saha nidi ticoro:

—“Jesu yacoro tjire māhū gūhū”, nine māsa yahūre. Sa yena ya wāhūpū sajā tarīña māsa. Yūhū mehna tojoarīña, nidi ticoro usāre.

Ticoro sa nigū tūhona ticoro ya wāhūpū tojoarīi usā.

<sup>16</sup> Ape deco Cohācjū mehna tiquina yahuducuropū usā wahagū wafīnore cūoricoro piti cari usāre. Ticoro arequina cahacjōno ijiri. Sa yero ticoro masare “Ohō saha waharota māsarē”, ni, yahuyuricoro ijiri. Sa yahuro pajiro wapata basari ticoro pūhtoare. <sup>17</sup> Sa yero Pablo mehna usā wahagū, usāre nūnū tā, sañuducuri ticoro:

—Ahriquina Cohācjū tutua yūhdūariquiro yedohoriquina ijire. Mari yariari bato Cohācjū marine tiquiro quehnoano yūhdūoatire yahure tiquina, ni sañuducuri ticoro.

<sup>18</sup> Peye decori sa ni cariboducuri Pablora. Sa yero pari turi ticoro sa ni sañuducugū tūhoro Pablo majare ihña, ohō saha nidi wafīnore:

—Jesucristo tutuaye mehna dutiaja māhūre. Ticorore duhuya. Waharīsa māhū, nidi Pablo.

Tiquiro sa nigūta wafīno pehe wahaa wahari.

<sup>19</sup> Tiquina sa yeri bato ticoro pūhtoa pehe niñeru ticoro wapataericoro wahagū ihñañe, tiquina Pablora, Sila mehna ñehedi. Ñehe tuhasa, tiquinare neari ti maca decopū pūhtoa cahapū. <sup>20</sup> Sa ne cā, buhiri dahre dutiyequina cahapū cūri tiquinare.

—Ahriquina judio masa mari ya maca cjēnare cariboye nine. <sup>21</sup> Tiquina mari dutiyere cohā dutiye, apeye buheyere buheye nine. Mari ye dutiyere

yahduḁacagū ye duaye nine. Mari Roma cjana ijina ahriquina yahuye pehere ye masiedaja mari. Sa yena tiquina buheyere mari cahmedaja, nidi ticoro paḁtoa buhiri dahre dutiyequinare.

<sup>22</sup> Tiquina sa nigū tuhoḁe masa peyequina Pablo gāhū mehna usua yahduḁa wahahye. Sa ye buhiri dahre dutiyequina pehe Pablo gāhū suhtire tiquina tuhrē cohāri bato daye cjugā mehna tana dutiri tiquinare. <sup>23</sup> Tutuaro tana tuhasa peresu yeri tiquinare. Tiquina sa peresu yeri bato peresu ijiyequinare cohteriquirore quehnoano ihña ihbo dutiahue tiquina. <sup>24</sup> Tiquina sa dutiri bato tiquinare cohteriquiro pehe ti wāhū puhia cja tucūpū tiquinare cū, taboa mehna tiquina dahpocārine biha cūahye.

<sup>25</sup> Ņami deco Pablo, Sila mehna Cohācjāre sini, tiqiurore basa peoahye. Tiquina sa basagū tuhoahye apequina peresupū ijiyequina. <sup>26</sup> Tiquina sa ni basagūta ti wāhū tutuaro űuhmiahye. Sa űuhmigū ihcāno mehna ijiptiye sope pahmari parā wahahye. Sa ye peresupū ijiyequinare tiquina dahteri dari come dari suru site dijiaa wahahye. <sup>27</sup> Sa wahagū ihñano ti wāhūre cohteriquiro pehe “Peresu ijiyequina duhti tuhasari jiri”, ni tuhotumahye. Sa ni tuhoturo tiqiuro űoseni pñine nedoqueo tiqiuro basi űosemahye. <sup>28</sup> Tiquiro sa yegū ihñano Pablo tiqiurore tutuaro sañuducu ohō saha niahye:

—Māhū basi űano yeracāhña. Ijiphtina ohōre ijiaja űsā, niahye tiqiuro tiquinare cohteriquirore.

<sup>29</sup> Tiquiro sa nigū tuhoḁo tiquinare cohteriquiro pehe sihā duti, tiquina cahapū oma cā, Pablo, Sila tiquina dahpocāri cahapū nanare doque quehe sahye tiqiuro. <sup>30</sup> Sa yero tiqiuro tiquinare ti tucūpū ijiyequinare ne wijia, sinituahye:

—¿Dūhse yeagari yāhū Cohācjū yaqiuro iji duagū? ni, sinituahye tiqiuro.

<sup>31</sup> —Jesucristore wacū tutuaya māhū. Māhū acaye gāhū tiqiurore wacū tutuahro. Māsa sa yegū māsare pecapū wahaborinare Cohācjū yahduorota, ni, yahuahye tiquina.

<sup>32-33</sup> Tiquina sa nidi hora űami deco batogā ijiahye. Tiquina sa nidi bato tiquinare cohteriquiro ya wāhūpū neahye tiquinare. Tiquiro ya wāhūpū ne sa, tiquina camine coseahye tiqiuro. Tiquiro sa cose tuhasari bato tiqiuro cohteriquiro acaye mehna ijigū Cohācjū yere buheahye Pablo gāhū. Tiquina buheri bato wame yeahye tiquinare. <sup>34</sup> Tiquina wame ye tuhasari bato tiquinare cohteriquiro Pablo gāhūre ihyaye peoahye. Sa ye tiqiuro acaye mehna quehnoañe buheyere tiquina tuhori bato tutuaro bucueahye, Cohācjāre masi dūcaye.

<sup>35</sup> Bohrea parī cāhtagū ihñañe paḁtoa pehe surarare peresu yeri wāhūpū ohoahye Pablo gāhūre wio dutiye. <sup>36</sup> Tiquina sa wio dutiri bato ti wāhūre cohteriquiro Pablo gāhūre yahuahye:

—Paḁtoa māsare wio dutiri. Sa yena cuero marieno wijiaja, niahye tiqiuro Pablo gāhūre.

<sup>37</sup> Tiquina sa wio duepegūta Pablo yahuahye surarare:

—űsā űano yerū. Sa yena űsā ne buhiri mariedaja. Ihyo warota tiquina paḁtoa pehe masa ihñonopū yucāri mehna tanari űsāre, űsā Roma cjana űsā ijipegūta. Tana tuhasa peresu yeri űsāre. Sa ye yojoḁū masa tiquina ihñeno wio duare űsāre, űsāre űano tiquina yerire “Būoro yahduari”, niñe. Paḁtoa tiquina basita wioye ahtaahro űsāre, niahye Pablo surarare.

<sup>38</sup> Tiquiro sa nigū tuhoḁe surara pehe paḁtoare yahuye wahahye. Tiquina sa ni yahuri bato Pablo, Sila mehna Roma cjana tiquina ijigū masiñe paḁtoa pehe cue niahye. <sup>39</sup> Sa ye tiquina Pablo gāhū cahapū esa, ohō saha niahye:

—űnano yeahti űsā māsare. Ne pari turi sa yesi, niahye paḁtoa Pablo gāhūre.

Sa ni tuhasa pũhtoa tiquinare peresupũ ijijequinare wio, tiquinare ape siepũ waha dutiahye. <sup>40</sup> Tiquina sa nidi bato Pablo, Sila mehna peresupũ ijiriquina wijia, Lidia wame tiricoro ya wũhũpũ wahahye. Ti wũhũpũ tiquina esari bato Jesu yequinare piti cahye. Sa ye tiquina Jesu yequinare quehnoano buheye, quehnoano jeripohna tigũ yeahye tiquinare. Tiquina sa yeri bato Pablo, Sila mehna waha wahahye.

## 17

### *Tesalónica cjēna usuahye Jesu yequina mehna*

<sup>1</sup> Sa ye tiquina Anfipolipũ esa, yũhdũaye, Apoloniapũ esa, yũhdũaye, Tesalónicapũ esahye tiquina. Topũ judio masa buheri wũhũ ijiahye.

<sup>2</sup> Semanaripe tiquiro yeriro sahata Pablo buheri wũhũpũ wahae tiahye. Topũ esa, ihtia semana waro saurũ decorire tiquiro panopũ cjē tiquina ojoarire Cohãcjũ yere masare buhe, tire tiquina basi cahme yahuducue tiahye Pablo.

<sup>3</sup> Sa yero tiquiro Cohãcjũ yere yahuahye:

—Judio masa, m̄asa pũhtoro m̄asa cohteriquiro Cristo ahtahye ñano yũhdũatiquiro. Sa yero tiquiro yariaa wahahye masa m̄ajano taro. Sa yero ahriquiro Jesu, yũhũ yahuriquiro, tiquiro Cristo warota ijire marine yũhdũoatiquiro. Tiquirota ijire m̄asa cohteriquiro. Ohõ sahata nine Cohãcjũ yere tiquina ojoari pũ, ni yahuahye Pablo.

<sup>4</sup> Tiquiro sa nigũ tuhoye meheñequinagã topũ ijijequina “Potota ijire”, ni ahye. Sa ye tiquina Pablo gũhũ mehna wahahye. Sa ye apequina gũhũ griego masa peyequina mari Pacũre ño peoyequina pehe Pablöre tuhoye, tiquina mehna cjēna numia gũhũ peyequina pũhtoa numia gũhũ tiquirore tuhoye Jesu yequina tojoahye. Sa ye Pablo gũhũ mehna wahahye. <sup>5</sup> Sa ijiepegãta apequina judio masa pehe tiquina sa wahagã ihñañe, ihña cooahye. Sa ye tiquina ñañequina dahraeyequinare peyequinare piji cahmecoa ohõ saha ni dutiahye: “Ahriquina ñano yeye nine”, ni sañuducu dutiahye tiquinare. Sa sañuducuye ijipihtiyequina ti maca cjēnare usuagũ yeahye Pablo gũhũ mehna. Sa ye judio masa Jasõ ya wũhũpũ sajã, Pablo gũhũre macamahye, tiquinare masapũre ohoye tehe. <sup>6</sup> Sa macaepeta tiquinare bocaerahye. Sa ye Jasõre, apequina Jesu yequina gũhũre ñehe, weje wijiaa wahahye tiquinare. Pũhtoa cahapũ ne sa, ohõ saha ni yahusãhye tiquina.

—Pablo gũhũ masare ijipihtiropũre caribo yũhdũare. Sa ye yojopũre tiquina mari ya macare wihi tuhasari. <sup>7</sup> Sa yero ahriquiro Jasõ tiquinare tiquiro ya wũhũpũ sajã ta dutiri. Tiquina ijipihtiyequina mari pũhtoro Roma cjēno tiquiro dutiyere yũhdũdũcare. “Apequiro m̄asa pũhtoro ijire. Jesu tiquirota ijire”, niñe, mari pũhtoro dutiyere yũhdũdũcare tiquina, ni yahusãhye judio masa pehe pũhtoare.

<sup>8</sup> Tiquina sa ni yahusãgũ tuhoye, ijipihtiyequina masa, pũhtoa gũhũ usua, tutuaro sañuducuahye. <sup>9</sup> Tiquina sa sañuducuepegãta pũhtoa Jasõre, tiquiro mehna cjēna gũhũre, niñerure wapa ye duti, wioahye.

### *Pablo Sila mehna Bereapũ esahye*

<sup>10</sup> Ti pjeta ñamipũ Pablo gũhũre Jesu yequina n̄ao ohoahye Bereapũ. Topũ esa tiquina judio masa buheri wũhũpũ sajãa wahahye. <sup>11</sup> Berea cjēna pehe Tesalónica cjēna yũhdũoro Jesu yere quehnoano tuhoyequina ijiahye. Sa ye tiquina Jesu yere tuhori bato “¿Potota ijijari?” ni masi duaye, decoripe tiquiro yere tiquina ojoari pũre sa buheducue tiahye tiquina. <sup>12</sup> Sa ye tiquina peyequina Jesure wacũ tutuayequina ijiahye. Griego masa gũhũ, m̄m̄na, pũhtoa numia mehna Jesure wacũ tutuayequina ijiahye. <sup>13</sup> Sa ijiepegãta

Pablo Bereap<sub>u</sub> Cohăc<sub>j</sub> yere tiquiro buheg<sub>u</sub> g<sub>u</sub>h<sub>u</sub>re t<sub>u</sub>hoye, Tesalónica c<sub>j</sub>ena judio masa top<sub>u</sub> esahye. Top<sub>u</sub> esaye, Berea c<sub>j</sub>enare q<sub>u</sub>iti dojomehne<sub>u</sub>ne, Pablo g<sub>u</sub>h<sub>u</sub> mehna usuag<sub>u</sub> yeahye tiquina. <sup>14</sup> Tiquina sa yeg<sub>u</sub> ih<sub>u</sub>fa<sub>u</sub>ne Jesu yequina Pablora sojaro mehna pajiri ma d<sub>u</sub>ht<sub>u</sub> cahap<sub>u</sub> ohoahye. Tiquina sa ohoepeg<sub>u</sub>ta Sila, Timoteo mehna Bereap<sub>u</sub> tojoahye. <sup>15</sup> Sa ye apequina Pablora Atenap<sub>u</sub> ne c<sub>a</sub> soahye. Tiquirore so tuhasa, majare tojoa wahahye Bereap<sub>u</sub> tja.

—Sojaro mehna waha, piti tina wahaya Pablora, ni yahuahye Silare, Timoteo g<sub>u</sub>h<sub>u</sub>re.

Sa ni yahu dutiahye Pablo tiquinare.

### *Pablo Atenap<sub>u</sub> ijiahye*

<sup>16</sup> Sa yero Pablo Atenap<sub>u</sub> cohtero niahye Sila, Timoteo g<sub>u</sub>h<sub>u</sub>re. Sa yero Atena c<sub>j</sub>ena “Cohăc<sub>j</sub> ijire”, tiquina ni<sub>u</sub>ne queoyere peye tiquina c<sub>u</sub>og<sub>u</sub> ih<sub>u</sub>nao Pablo tutuaro b<sub>u</sub>jua w<sub>u</sub>tiahye tiquina mehna. <sup>17</sup> Sa b<sub>u</sub>jua w<sub>u</sub>tiro judio masa buheri w<sub>u</sub>h<sub>u</sub>p<sub>u</sub> judio masa mehna yahuducuahye. Sa yero tja judio masa ijieyequina g<sub>u</sub>h<sub>u</sub>re yahuducuahye tiquiro. Tiquina ih<sub>u</sub>q<sub>u</sub>e<sub>u</sub>quina mari Pacare ño peoyequina ijiahye. Sa yero Pablo t<sub>u</sub> maca decop<sub>u</sub> decoripe tiquiro cahap<sub>u</sub> sa tini majare saj<sub>u</sub>nequina mehna yahuducuahye. <sup>18</sup> Apequina Epic<sub>u</sub>reore yere buheyequina, Estoico yere buheyequina g<sub>u</sub>h<sub>u</sub> Pablo mehna yahuducuahye.

—¿Ahriquiro yahuducuye peyariquiro d<sub>u</sub>hse ni yahuducuro n<sub>u</sub>ajari tiquiro? niahye tiquina.

Pablo Jesu yere, tiquiro masa m<sub>u</sub>jarire tiquiro yahug<sub>u</sub> t<sub>u</sub>hoye oh<sub>u</sub> saha ni t<sub>u</sub>hotumahye masa. “Tiquiro apequina coh<sub>u</sub>amanare yahuro niaga”, ni, t<sub>u</sub>hotumahye tiquina. <sup>19</sup> Tiquina t<sub>u</sub>hori bato Areopago wame tirop<sub>u</sub> Pablora nea wahahye.

—Ahri buheye, wahma buheyere yojop<sub>u</sub> m<sub>u</sub>h<sub>u</sub> yahurire masi duaja us<sub>u</sub>. <sup>20</sup> M<sub>u</sub>h<sub>u</sub> buheye s<sub>u</sub>joro saha ijire. Sa yena us<sub>u</sub> tire masi duaja, niahye tiquina Pablora.

<sup>21</sup> Ijipihtiequina Atena c<sub>j</sub>ena decoripe wahma buheyere yahuducuducu duahye. Sa ye tire t<sub>u</sub>ho duahye. Ape yehpa c<sub>j</sub>ena g<sub>u</sub>h<sub>u</sub> Atenap<sub>u</sub> ijieye, sata ye duahye. Sa ye Pablo yahuyere t<sub>u</sub>ho duahye tiquina.

<sup>22</sup> Sa yero Pablo Areopago wame tirop<sub>u</sub> wahc<sub>u</sub>duca, oh<sub>u</sub> saha ni yahuahye:

—Atena c<sub>j</sub>ena, peyequina m<sub>u</sub>sa coh<sub>u</sub>amanare m<sub>u</sub>sa tutuaro ño peona m<sub>u</sub>sa ijig<sub>u</sub> masiaja y<sub>u</sub>h<sub>u</sub>. <sup>23</sup> Ahri maca m<sub>u</sub>sa ya macare coh<sub>u</sub>amanare m<sub>u</sub>sa ño peorire ih<sub>u</sub>na tini y<sub>u</sub>h<sub>u</sub>. Sa ih<sub>u</sub>na tinig<sub>u</sub> y<sub>u</sub>h<sub>u</sub> ihc<sub>u</sub> cuhtup<sub>u</sub>, coh<sub>u</sub>amanare ño peona m<sub>u</sub>sa ohoyere m<sub>u</sub>sa c<sub>u</sub>nop<sub>u</sub> ahrire buhe. “Cohăc<sub>j</sub>, mari masimehnediquiro ya cuhtu ijire”, ni, ojoari jiri m<sub>u</sub>sa tire m<sub>u</sub>sa c<sub>u</sub>nop<sub>u</sub>. M<sub>u</sub>sa tiquirore masiedapenata tiquirore ño peori jiri m<sub>u</sub>sa. Tiquiroreta m<sub>u</sub>sa masiediquirore yahug<sub>u</sub> n<sub>u</sub>aja y<sub>u</sub>h<sub>u</sub> m<sub>u</sub>sare.

<sup>24</sup> Cohăc<sub>j</sub> ijipihtiri yehpare, ijipihtiyere bajumehnediquiro ijire. Tiquiro u<sub>u</sub>hm<sub>u</sub>sere, yehp<sub>u</sub>re, p<sub>u</sub>htoro ijiro, tiquiro masa tiquina yeri w<sub>u</sub>h<sub>u</sub>p<sub>u</sub> ijierare. <sup>25</sup> Sa yero tiquiro mari ijiyere, mari jeri ne<sub>u</sub>ne g<sub>u</sub>h<sub>u</sub>re, ijipihtie marine apee borore ohoriquiro ijiro, mari yedohoyere cahmedare. Tiquiro pejec<sub>u</sub>oriquiro ijierare.

<sup>26</sup> Tiquiro ihc<sub>u</sub>quiro u<sub>u</sub>m<sub>u</sub>anore ye d<sub>u</sub>cah<sub>u</sub>ye. Tiquiro mehnata ijipihtiri yehpa c<sub>j</sub>enare masare yeahye. Sa yero ijipihtiri yehp<sub>u</sub>re marine c<sub>u</sub>ahye tiquiro. “Oh<sub>u</sub> puno yoari p<sub>u</sub>je oh<sub>u</sub>p<sub>u</sub>re catieta”, nino queo c<sub>u</sub>ahye marine. <sup>27</sup> “Tiquina y<sub>u</sub>h<sub>u</sub>re maca<sub>u</sub>ne, bocaeta”, ni t<sub>u</sub>hotuahye Cohăc<sub>j</sub>. Sa yero Cohăc<sub>j</sub> yoarop<sub>u</sub> ijierare. Mari mehnata ijire. Oh<sub>u</sub> saha ni ojoahye. <sup>28</sup> “Marine ijig<sub>u</sub> yere tiquiro. Sa yero masa mehna sa iiducure tiquiro”, ni ojoahye. M<sub>u</sub>sa mehna c<sub>j</sub>ena panop<sub>u</sub> c<sub>j</sub>ena basayere quehnoano

ojoayequina tiquina ojoariro sahata nii niaja. “Mari gũhũ Cohãcjũ pohna ijiaja”, ni ojoahye tiquina. <sup>29</sup> Sa yena tiquiro pohna ijina ohõ saha ni tãhotueracãhña m̄sa. Queoyere, uru, plata, utã mehna m̄sa esa tuhara m̄sa yeriquinare “Cohãmana ijire”, ni tãhotueracãhña m̄sa. <sup>30</sup> Panopũ masa tiquina masieñequina ijinigũ tiquina ñañene yepegũta Cohãcjũ sa ihña cãhrĩahye. Sa yeperota yojopũre ijipihitiri yehpa cjẽnare tiquina ñañene bujũa witi dutire Cohãcjũ. <sup>31</sup> Came Cohãcjũ tiquiro queori decopũ ijipihitiri yehpa cjẽnare queoro beserota quehnoañequinare, ñañequinare. Tiquiro bese duti cũriquiro Jesu pehe beserota. Jesure yariariquirore masoahye tiquiro. Sa masono “Ahriquiro yahũ cũriquiro ijire”, ni, ihñono niahye Cohãcjũ masare, ni yahuahye Pablo Atena cjẽnare.

<sup>32</sup> Tiquiro sa nigũ masa m̄jarire tiquiro yahuducugũ tãhoye apequina tiquirore bujũapeahye. Sa ye apequina pehe ohõ saha niahye:

—Pari turi ahrire m̄hũ yahugũ usã tãho duaja, niahye tiquina Pablöre.

<sup>33</sup> Tiquina sa nidi bato Pablo wahaa wahahye. <sup>34</sup> Sa ye meheñequinagã tiquiro mehna ijiye, Jesure wacũ tutua dũcahye. Dionisio Areópago cjãno pãhtoa mehna cjãno Jesure wacũ tutua dũcahye. Damari wame tiricoro gũhũ, apequina mehna Jesure wacũ tutua dũcahye.

## 18

### *Pablo Corintopũ ijiahye*

<sup>1</sup> Sa ye, Pablo Atenapũ ijiriquiro waha, Corinto wame tiri macapũ esahye.

<sup>2</sup> Topũ esaro, judio masano Aquila wame tiriquirore boca sahye tiquiro. Ijipihitiyequina pãhtoro Claudio wame tiriquiro judio masare Romapũ ijiyequinare tiquiro cohãgũ, Aquila pehe tiquiro namono Priscila mehna waha, Corintopũ esahye. Aquila pehe Ponto wame tiri yehpapũ masa bajuariquiro ijiahye. Sa ye tiquina Corintopũ tiquina ijigũ, Pablo tiquina cahapũ esahye.

<sup>3</sup> Aquila gũhũ carpa cahseri wãhũsere yeyequina ijiahye. Pablo gũhũ carpa cahseri wãhũsere yeriquirota ijiahye. Sa yero tiquiro tiquina mehna dahra, topũ tojoahye. <sup>4</sup> Sa yero Pablo saurũ ijigũ semanaripe judio masa tiquina buheri wãhũpũ judio masare, judio masa ijieyequina gũhũre Cohãcjũ yere yahuahye. Tiquiro sa ni yahugũ tãhoye, “Ijirota ijire”, niahye tiquina ihquẽquina.

<sup>5</sup> Sa ye Sila, Timoteo mehna Macedoniapũ ijiriquina, Pablo cahapũ esahye. Topũ tiquina esari bato Pablo pehe ijipihitiyede decori judio masare quehnoano buhee tãhaye:

—Jesu, Cristo marine yahũoatiquiro mari cohteriquiro ijire, ni yahue tãhaye tiquiro.

<sup>6</sup> Tiquiro sa ni buhepegũta, judio masa pehe tiquirore tãho duerahye. Sa ye tiquina ñano ni quti dojomehneahye tiquirore. Tiquina sa yegũ Pablo tiquinare tiquiro tuhtiboriõ sahata, tiquiro suhtirore dihta wahãrĩre wejẽ site cũahye.

—M̄sa ye buhiri pecapũ wahanata. Cohãcjũ tiquiro dutiriro sahata m̄sare buhemi yahũ. Sa buhepegũta m̄sa yahũre tãho duerari. Yojopũre judio masa ijieyequina pehere buhegu wahaũtja, niahye Pablo judio masare.

<sup>7</sup> Tiquiro sa nidi bato tiquiro topũ ijiriquiro waha, Ticio Justo wame tiriquiro ya wãhũpũ esahye. Justo Cohãcjũre ño peoriquiro ijiahye. Tiquiro ya wãhũ pehe judio masa buheri wãhũ cahapũ ijiahye. <sup>8</sup> Sa ye Crispo wame tiriquiro buheri wãhũre cohteriquiro, tiquiro namono, tiquiro pohne gũhũ Jesure wacũ tutuayequina ijiahye. Sa ye apequina Corinto cjẽna peyequina Cohãcjũ yere tãhoye, Jesure wacũ tutuayehye. Tiquina sa wacũ tutuayequina



ijigū tiquinare wame yeahye. <sup>9-10</sup> Ihcā ñami Cohācjū quehēnopu yahuahye Pablōre. Tiquirore ohō saha niahye:

—Muhū mehna ijiāja. Ahri macare yeequina peyequina ijire. Sa ye apequna masa muhare ñano ye masiedare. Sa yegū cueracāhña muhū. Sa cueragū yeere tutuaro yahuya. Sa tuhōtueracāhña, ni yahuahye Cohācjū Pablōre.

<sup>11</sup> Sa ye ihcā cahma quehnoano, ape cahma deco waro to cjēnare Cohācjū yere buhe, ijie tiahye Pablō.

<sup>12</sup> Tiquiro sa ijiri watoa Galiō wame tiriquire Acaya yehpa cjēna puhtoro tiquiro ijigū judio masa ijipihitiyequina ihcāno mehna Pablōre yahusāne taye, tiquirore buhiri dahre dutiyequina cahapu neahye tiquina.

<sup>13</sup> —Ahriquire masare Cohācjūre ño peo dutiro ahri yehpa cjē dutiye pehere cohā dutiro nine, ni yahusāhye judio masa buhiri dahre dutiyequinare.

<sup>14</sup> Tiquina sa ni yahusāgū tuhoro Pablō pehe tiquinare yahu duamahye. Sa yahu duepegāta Galiō pehe judio masare yahuahye:

—Ahriquire usā Roma cjāna ye dutiyere yuhduducariquire tiquiro ijigū masare yuhitiboaya yuhū. <sup>15</sup> Sa yena musa judio masa ye dutiye pehere ahriquire yuhduducariquire ijigū musa basi quehnoña. Ahrire musa mehna masino pjerare yuhare, ni yahuahye tiquiro judio masare.

<sup>16</sup> Sa ninota tiquinare judio masa yahusāne ahtamediquinare tiquiro ya tucūpu ijiriquinare cohā wioahye tiquiro. <sup>17</sup> Tiquiro sa cohā wiori bato ijipihitiyequina ti wuhūpu ijiriquina Sostenene judio masa buheri wuhare cohteriquirore Jesu yaquire ñehe, buhiri dahre dutiyequina cahapu queāhye tiquirore. Tiquina sa quēgū ihñano Galiō sa ihña cāhye.

### *Pablō Antioquíaru tojoa wahahye*

<sup>18</sup> Sa yero Pablō Corintopu yoari pje ijiriquiro “Wahū niaja”, ni cohe tiahye tiquiro Jesu yequinare. Tiquiro sa nidi bato tiquiro Priscila, Aquila mehna Siria yehrapu ijiri macapu pehāa wahahye. Cencrea wame tiri petamahapu tiquina esari bato Pablō Cohācjūre “Ohō saha muhare ye basautja”, tiquiro nidire ye tuhasariquiropu ijiahye. Sa yero sa yeriquina judio masa tiquina yeducuro sahata tiquiro poarire waha peho dutiāhye.

<sup>19</sup> Sa yero tiquina Efeso wame tiri macapu pehā sa, Priscilare, Aquila gūhare cūahye Pablō. Tiquinare topu cū, judio masa tiquina buheri wuhūpu wahahye. Ti wuhūpu esa, Cohācjū yere yahuahye. Sa yahuro judio masa mehna yahuducuahye. <sup>20</sup> Tiquiro sa yahuducuri bato tiquirore tiquina mehna tojoa dutimahye. Tiquina sa dutiepegāta ohō saha niahye Pablō:

—Tojoeraja musa mehna, niahye Pablō tiquinare.

<sup>21</sup> Sa ninota,

—Wahagū niaja. Cohācjū cahmegū pari turi tojoa taboaga, niahye tiquinare Pablō.

Sa ni tuhasa Efesopu ijiriquiro pehāa wahahye tiquiro.

<sup>22</sup> Sa yero Cesarepu pehā sa, yuhdu cā, Jerusalēpu esahye. Topu esa, to cjēna Jesu yequinare “¿Ne ijijari musa?” ni, tiquinare ihña yuhdu Antioquíaru esahye. <sup>23</sup> Topu meheñe decorigā ijiahye. Topu ijiriquiro yuhduahye. Galacia yehrapu ijije macaripu, Frigia yehrapu ijije macaripu pari turi esa, ti macari cjēnare Jesu yequinare buhero, bucuegū yeahye.

### *Apolo wame tiriquire Efesopu buheahye*

<sup>24</sup> Ti pjere, judio masano Apolo wame tiriquire, Alejandría cjāno Efesopu esahye. Tiquiro quehnoano yahu mihnidiquiro ijiahye. Sa yero tiquiro Cohācjū ojarire quehnoano masiahye. <sup>25</sup> Apequire tiquirore Cohācjū yere



yahu tuhasae tiahye. Sa yero tiquiro Ñu wame yeriquiro ye buheye dihitare masiahye. Sa ijieperota tiquiro tutuaro bucueye mehna Cohăcĵu yere quehnoano buheahye. <sup>26</sup> Sa yero judio masa tiquina buheri wăhăpă tiquiro cuero marieno tiquinare buhe đacahye. Tiquiro sa buhegă tiquina tăhori bato Priscila, Aquila mehna tiquiro tiquina mehna neahye. Cohăcĵu yere tiquiro quehnoano poto yahu pehoeragă ihăăne quehnoano poto yahu pehoahye tiquina tiquirore. <sup>27-28</sup> Sa ye tiquiro Apolo pehe Acaya yehpapă tiquiro waha duagă Jesu yequina tiquirore “Quehnoano wahaya”, ni, ojoari pŭrine ohoahye tiquirore. Ti pŭri Acayapă ijieyequina Jesu yequinare Apolore quehnoano piti ca dutiye pŭri ijiahye. Sa yero Apolo topă esaro, to cĵenare Jesure wacŭ tutuayequinare Cohăcĵu cahăne mehna quehnoano yedohoahye. Judio masare ti macapă ijieyequinare ohô saha ni yahuahye:

—Cohăcĵu ohoriquiro masa coheriquiro ijire Jesu. Cristo waro ijire tiquiro, ni yahuahye judio masare apequina masa tiquina ihăonopă.

Cohăcĵu yere tiquina ojoari mehna tiquiro quehnoano queoro yahugă tăhoye tiquina “Poto ijierare”, ni masiedahye. Sa yero Cohăcĵu cahăne mehna tiquirore wacŭ tutuayequinare quehnoano yedohoahye Apolo.

## 19

### *Pablo Efesopă wahahye*

<sup>1</sup> Corintopă Apolo tiquiro ijiri watoa, Pablo pehe căpă cĵăpă măĵa yăhăna, Efesopă esahye. Topă esaro ihquăquina Jesu yequinare bocahye. <sup>2</sup> Tiquinare boca saro tiquiro tiquinare sinituahye:

—ĴMasa Jesure wacŭ tutuari bato masa pehe Espŭritu Santore căo đacari? ni, sinituahye Pablo.

Tiquiro sa nigă tăhoye tiquirore ohô saha ni yahuahye tiquina:

—“Espŭritu Santo ijire”, ni yahuerari usăre, ni yahuahye tiquina.

<sup>3</sup> Tiquina sa ni yahuri bato Pablo tiquinare sinituahye tja:

—ĴNoa ye buheyere masa tăhori bato wame yeri masare? niahye tiquiro tja.

—Ñu ye buheyere usă tăhori bato wame yeri usăre, ni yahuahye tiquina.

<sup>4</sup> Tiquina sa nigă tăhoro ohô saha niahye Pablo:

—Masa tiquina ņăne yerire tiquina duhugă ihăano wame yeahye Ñu. Sa yero tiquiro wame yeye pehe tiquina ņăne yerire tiquina duhurire masare ihăoati ijire. Sa yero apee boro găhăre yahu nemoahye Ñu. “Yŭhă bato ahtariquiro pehere wacŭ tutuaya masa”, ni yahuahye tiquiro. Sa nino Jesure yahuro niahye, ni yahuahye Pablo tiquinare.

<sup>5</sup> Tiquiro sa nigă tiquina tăhori bato, Jesu wame mehna wame yeahye tiquinare. <sup>6</sup> Sa yero Pablo tiquina ihquăquina bui tiquiro omoca duhu peogă, Espŭritu Santo pehe wihahye tiquinapăre. Tiquiro sa wihiri bato tiquina pehe tăhomehneņe yahuducuye mehna yahuducu, Cohăcĵu yere yahuahye.

<sup>7</sup> Tiquina ijipihtieyquina doce amăa ijiye ijiboaga.

<sup>8</sup> Came Pablo judio masa tiquina buheri wăhăpă sajă, ihtia asă waro decoriye cuero marieno Cohăcĵu păhtoro tiquiro ijiiyer yahuducuahye tiquina mehna. Tiquirore tiquina sa tăhori bato “Ahri ijirota ijire”, niahye tiquina. <sup>9</sup> Sa niepegăta apequina pehe tăho duerahye. Sa ye tiquina masa tăhoro quehnoăne buheyere ņano niahye. Tiquina sa nigă tăhoro Pablo pehe Jesu yequinare piji wijia, ape sieră wahahye. Waha, Tirano wame tiri wăhă buheri wăhăpă decoriye masare Cohăcĵu yere yahuahye tiquiro. <sup>10</sup> Păă căhăma waro buhee tiahye tiquinare. Tiquiro sa buhegă ijipihtieyquina Asia yehpa cĵena judio masa, judio masa ijieyequina mehna mari păhtoro

Jesu yere tahoahye. <sup>11</sup> Sa yero Cohācjū tutuaye mehna Pablo peye tahari ye ihñoahye. <sup>12</sup> Suhti cahseri Pablo tiqiro pagure pihari cahserire, tiqiro pihari suhti gāhure ne cā, dohatiyequinare ohoahye. Ti suhtire ohogā tire ņehēñe tiquina dohatiye yuhdua wahahye. Sa ye watia tiquina mehna jiriqina wahaa wahahye ti suhtire tiquina ņehedi bato.

<sup>13</sup> Sa ijigū apequina judio masa, sa tiniducyequina, watiare cohāñequina judio masa yayia ijahye. Sa ye Pablo tiqiro yeriro sahata Jesu tutuaye mehna watiare cohā duamahye. Sa ye watiare duhu dutimahye tiquina.

—Pablo yahuriqiro, Jesu tiqiro tutuaye mehna dutiaja musare. Wahaya. Ahriqiro mehna pari turi ijieracāhña, nimahye tiquina watiare ohoye.

<sup>14</sup> Esceva wame tiriqiro siete tiqiro pohne pehe sata yemahye. Esceva pehe judio masano pahia pahutoro ijahye. <sup>15</sup> Tiqiro pohne watinore tiquina waha dutiri bato, watino pehe ohō saha niahye tiquinare:

—Jesure masiaja. Pablo gāhure masiaja. Musa pehere masiedaja, niahye watino tiquinare.

<sup>16</sup> Tiqiro sa nigūta watinore caoriquiro pehe tutuaro tiquinare ñehē maa wahahye. Sa yero tiquinare ña yuhduaro yeahye. Tiqiro sa yeri bato suhti marieñequina, cami tyequina oma wijiaa wahahye tiquina ti wahare.

<sup>17</sup> Tiquina sa yeri bato ijipihtyequina Efeso cjēna, judio masa, judio masa ijieyequina mehna tire tahohe, cue yuhduahye tiquina. Sa ye mari pahutoro Jesu yere bujupero marieno yahuducuahye masa pehe.

<sup>18</sup> Sa ye masa peyequina Jesure wacū tutuayequina tiquina ñano yerire yahuye ahtahye. <sup>19</sup> Tiquina mehna cjēna peyequina yayia masare uyuayequina yero saha yeyequina ijahye. Sa ye tiquina ojoari pūrine yayia tiquina yerire yahuye pūrine toru ne cāhta, masa ihñonoru ti pūrine ujāa cohā cāhye tiquina. Ti pūri wapa tirire tiquina queogū, ijipihtye pūri cincuenta mil cjoeri niñeru cjoeri wapa timahye ti pūri. <sup>20</sup> Sa ye Cohācjū yere cahmeñequina peyequina wahahye. Cohācjū tutuaye mehna tiqiro yequina wahahye.

<sup>21</sup> Tiquina sa wahari bato Pablo ohō saha ni tūhotuahye: “Macedonia yehparu esa mahta, ti yehpare yuhdua, Acaya yehpare esautja. Ti yehpare yuh esari bato Jerusalēru wahahtja. Ti macare yuh esari bato Romaru wahahtja”, ni tūhotuahye Pablo. <sup>22</sup> Puro tiqirore yedohoyequinare tiqiro pano oho mahtahye Macedonia yehparu. Timoteo, Erasto gāhu ijahye tiquina. Sa yero Pablo pehe ihcāquirola tojoa nūnu tārīahye Asia yehparu.

### *Efesopu masa usua, sañuducuahye*

<sup>23</sup> Ti pjere Efesopu Jesu yere apequina cahmedaye, Pablo gāhure tuhtihye. <sup>24</sup> Plata mehna dahrariqiro Demetrio wame tiriqiro plata mehna cohācjōno Artemisa wame tiriçoro ya wāhu queoyere yeriquiro ijahye. Sa yero tiqiro apequina plata mehna dahrayequina mehna ti queoyere dua, pajiro wapatahye tiquina. <sup>25</sup> Sa yero Demetrio apequina plata mehna dahrayequinare piji cahmecoa yahuahye tiquinare.

—Tahoya masa. Ahri dahraye mehna pajiro mari wapatarire masine masa. <sup>26</sup> Ahriqiro Pablo yerire tiqiro buheri gāhure masine masa. Ohō saha ni buherē tiqiro. “Cohāmana queoye masa tiquina yeyequina catiyequina ijierare”, ni yahue tiri tiqiro. Tiqiro sa nigū tahohe peyequina Efeso cjēna, ijipihtioru apequina Asia yehpa cjēna gāhu ti buheyere “Ijirota ijire”, nie tiri. <sup>27</sup> Sa niñe mari dahrayere masa ñano yahuducuboaga. Sa ye mari yacoro cohācjōno Artemisa ya wahare masa cohāboaga. Sa yero ticoro ijipihtyequina Asia yehpa cjēna, ijipiltiri yehpa cjēna tiquina ño

peoricoro ticoro ijiepegūta ticoro tutuaye butiarota. Sa ye masa ticorore masiedaboaga, niahye Demetrio tiquinare.

<sup>28</sup> Tiqiro sa nigū tuhoye tiquina pehe tutuaro usua, sañuducuahye:

—Artemisa Efeso cjāna mari yacoro cohācjōno tutuaricoro ijire, ni, sañuducuahye tiquina.

<sup>29</sup> Sa ye Efeso cjēna ijipihtiyequina sañuducu yūhdna, tūho masiñe pihtia wahahye. Sa wahaye, Gayore, Aristarco gūhure ñehe, masa tiquina cahmecoanopu tiquinare weje cāhye. Gayo, Aristarco mehna Macedonia cjēna ijiye, Pablo mehna tiniñequina ijie tiahye. <sup>30</sup> Sa ye Pablo masa cahapu tiqiro waha duagū, Jesu yequina pehe tiqirore waha dutierahye. <sup>31</sup> Sa ye apequina ti yehpa cjēna puhtoā, Pablo mehna cjēna ijiye, tiquina cahacjēnare yahu dutiahye Pablore:

—Masa tiquina cahmecoanopu wahaeracāñña, ni yahu duti ohoahye puhtoā tiquina cahacjēnare Pablopure.

<sup>32</sup> Sa ye topu cahmecoañequina mehna cjēna pehe peyequina “¿Dahsena tana mari cahmecoana nijari?” ni, masiedahye. Sa ye tiquina sañuducu nemoahye. Ahrie pehepu ijiyequina sijoro ni, sañuducuahye. Apequina gūhu sijoro ni sañuducuahye. <sup>33</sup> Sa ye judio masa pehe Alejandro wame tiriquire masare yahu dutimahye. Sa yero Alejandro “Dihta mariañña”, nino tiqiro omoca mehna quē dijioahye. “Ahriquina usāre judio masare tutiye nīne”, ni tuhoto judio masare cahmota duaro, yahuducumahye. <sup>34</sup> Tiqiro sa niepegūta judio masano tiqiro ijigū ihñañe masa ijipihtiyequina ihcāno mehna puā hora waro sañuducuahye:

—Artemisa, Efeso cjāna mari yacoro cohācjōno tutuaricoro ijire, ni, sañuducuahye tiquina.

<sup>35</sup> Tiquina sa ni sañuducugū ihñano, Efeso cjēna puhtoare yedohoriquiro masare, “Dihta mariañña”, ni, yahuahye tiquinare.

—Musa Efeso cjāna tuhoya. Efeso cjāna mari yacoro tutuaricoro cohācjōno Artemisa ya wahu cohtena mari ijigū ijipitiri yehpa cjēna masine. Sa ye ahmusepu bora dijia tari queoyere cohtena mari ijigū gūhure masine masa.

<sup>36</sup> Sa ye apequina “Ahri pote ijierare”, ni masiedare. Sa yena usueracāñña musa. Quehnoano tuhotuya musa. <sup>37</sup> Ahriquina musa ñehe tariquina mari cohācjōnore ñano ni yahuducuerari. Sa ye tiquina cohāmana wāhusepūre sajā, yaquerari. Sa yena quehnoano yeya musa. <sup>38</sup> Sa ye Demetrio, plata mehna dahrayequina mehna ahriquinare musa ñehediquinare yahusā duaye, buhiri dahre dutiyequina pehere yahuahro tiquina. Tiquina buhiri dahre dutiyequinare ahriquinare yahusā masine. <sup>39</sup> Pari turī cahmecoana quehnoano mehna cahmecoaña. YojoPURE musa yeriro saha yeracāñña. <sup>40</sup> Miare musa ihyo waro usua, sañuducurire mari puhtoā tuhoye, “Marine cohāñe niaga”, ni tuhotueta tiquina. Sa yena musa sa ni sañuducurire tiquinare quehnoano poto yahu masiedaja mari, niahye puhtoare yedohoriquiro masare.

<sup>41</sup> Sa ni yahu tuhasa, “To puno tjire. Wahaya”, niahye tiqiro masare.

## 20

### *Macedonia yehpapu gūhure, Grecia yehpapu gūhure Pablo esahye*

<sup>1</sup> Ti sa wahari bato, Pablo pehe Jesu yequinare piji cahmecoā yahuahye. Yahu tuhasa, tiquinare cohe tiahye. Cohe ti tuhasa, Macedonia yehpapu wahaa wahahye. <sup>2</sup> Topu esa, buhe, to cjēna Jesu yequinare bucuēgū yeahye tiqiro. Tiquinare buhe tuhasa, Grecia yehpapu esahye tiqiro. <sup>3</sup> Topu tiqiro ihtia asū waro ijiahye. Topu ijiro Siria yehpapu pehā waha duamahye. Tiqiro sa waha duepegūta judio masa duhti queahye, tiqirore

ñehe duaye. Sa yero Pablo ape maharᵐ, Macedoniarᵐ wahari maharᵐ wahahye. <sup>4</sup> Sa waharo Asiapᵐta esahye. Topᵐ Berea cjäno Pirro macᵐno Sópater wame tiriquiro pehe Pablöre piti ti cāhye. Sa ye Tesalónica cjäna Aristarco, Segundo gāhᵐ tiquirore piti ti cāhye. Sa ye Asia cjäna Tíquico, Trófimo gāhᵐ Asiapᵐ tiquirore piti ti cāhye. Derbe cjäno Gayo wame tiriquiro Timoteo gāhᵐ tiquiro mehna wahahye. <sup>5</sup> Tiquiro mehna cjäna tiquiro pano waha, Troa wame tiri macarᵐ tiquirore cohteri jiri. <sup>6</sup> Tiquina sa cohtegū pugū yeye moremehneñe pāre tiquina ihyari bose deco bato usā pehe Filiporᵐ ijirina yucᵐsa mehna waha, ihcā omope decori pehā, Troarᵐ usā esau. Siete decori waro ijii topᵐre.

### *Troarᵐ Pablo tinino wahahye*

<sup>7</sup> Domingo ijigū Jesu yequina cahmecoa, pāre duhu peori Santa cena yeye tehe. Tiquina sa yeato pano Pablo tiquinare buheri. Sa yero Pablo ape decopᵐ wahatiquiro ijiro yoari pje tiquiro buheri. Ñami decopᵐ buhe duhuro taro nimedi. <sup>8</sup> Sa yena ahmᵐano cjä tucᵐpᵐ peye paca sihñe paca ijiri tucᵐpᵐ cahmecoau usā. <sup>9</sup> Pablöre tiquiro tuhori watoa wahmᵐno Eutico wame tiriquiro meheni sopecahagā buipᵐ mūja pje dujiri. Sa yero Pablo tiquinare yoari pje tiquiro buhe nemogā wahmᵐnore wājua ahtari. Sa yero tiquiro carī maa, ihtia casario buipᵐ dujiriquiro majare maa dijiāa wahari. Tiquiro bora dijiari bato tiquina tiquirore yariariquiroᵐre tu wahcō daporī. <sup>10</sup> Tiquina sa yegū ihñano Pablo dija, wahmᵐnore quē suhsuri. Tiquiro sa yeri bato Jesu yequinare yahuri tiquiro:

—Jeripohna ñaedacāhña. Yariarare ahriquiro. Catire, nidi Pablo pehe.

<sup>11-12</sup> Tiquiro sa nigū wahmᵐno yariamediquiro masaa wahari. Tiquiro sa masagū ihñañe tiquina bucue yuhduari. Sa bucueye ahmᵐano cjä tucᵐpᵐ mūja, pāre duhu peori Santa cena yeye tehe. Tiquina sa yeri bato yoari pje Pablo tiquinare buheri. Tee bohreato panogāpᵐ tiquinare buhe duhuri. Tiquiro buhe tuhasagū wahaa wahaᵐ usā.

### *Pablo Troarᵐ ijiriquiro waha, Miletorᵐ esahye*

<sup>13</sup> Pablo pano yucᵐsa mehna Asōpᵐ usā pehe esa mahᵐtau. Pablo pehe maharᵐ waha duari. Pablo tiquiro nidiro sahata Asōpᵐ tiquirore usā piti cau. <sup>14</sup> Tiquirore usā piti cagū, usā mehna tiquiro sajāri yucᵐsarᵐ. Tia mehna waha, Mitilenerᵐ usā esau. <sup>15</sup> Topᵐre esa yuhduā, ape decopᵐ Quiore yuhduau usā. Ape decopᵐ Samorᵐ esau usā. Ape deco pehere Miletorᵐ esau usā. <sup>16</sup> Pablo Pentecoste deco ijigū, Jerusalērᵐ esa duari. Sa yero Asia yehparᵐ yoari pje iji duerari. Sa yero Efesore potō yuhduā, Miletorᵐ wahā sau usā.

### *Pablo Efeso cjäñare Jesu yequina pñhtoare yahuahye*

<sup>17</sup> Sa yero Pablo Miletorᵐ ijiro, Efeso cjäñare Jesu yequina pñhtoare pijiori tiquiro. <sup>18</sup> Sa tiquiro pijiori bato tiquina Pablo caharᵐ wihiri. Tiquina wihigū ihñano tiquinare Pablo yahuri:

—Asiapᵐ coā wihigᵐ mᵐsa mehna yuhᵐ yerire masine mᵐsa. <sup>19</sup> Mᵐsa mehna ijigᵐ ne sijoro nino marieno Jesu, mari puhtoro yere yee tii yuhᵐ. Sa yegᵐ mᵐsare paja ihñau. “Mᵐsare yuhducaja”, niedᵐ yuhᵐ. Judio masa yuhare tiquina ñano yepegāta Cohācjū yere yee tii yuhᵐ. <sup>20</sup> Sa yegᵐ mᵐsa quehnoano wahatire cahmegᵐ mᵐsare yahu peho cāu yuhᵐ. Masa tiquina ihñonorᵐ mᵐsa wuhᵐsepᵐ gūhare buhei yuhᵐ. <sup>21</sup> Sa yegᵐ judio masare, judio masa ijieyequina gūhare ihcāno mehna buhei yuhᵐ. “Mᵐsa ñañene bujua witina, Cohācjū ye pehere camesaya. Sa yena Jesu mari puhtorore wacū tutuaya”, ni yahuu yuhᵐ. <sup>22</sup> Sa yegᵐ Espiritu Santo tiquiro dutiro sahata yojoᵐre Jerusalērᵐ wahaᵐ niāja. Yuhᵐ topᵐ wahagᵐ yuhᵐ dūhse wahatire

masiedaja yuhũ. <sup>23</sup> Ohõ saha nidi Espíritu Santo yahũre: “Jerusalẽrũ mũhũ ñano yũhdũta. Sa ye mũhũre peresu yeeta”, nidi Espíritu Santo yahũre. Yojoũrũ yũhũ macaripe yũhũ esagũ sa ni yahuri yahũre. Jerusalẽrũ wahagũ Espíritu Santo tiqũiro yahuri dihitare masiaja. <sup>24</sup> Tĩqũiro sa yahuepegũta quehnoañe buhevere, Cohãcjũ tiqũiro cahĩne buhevere yahuacjũ ijiaja. Jesu mari pũhoro tiqũiro ye dutirire ye peho duaja. Ahrire yerigũ ijigũ, yũhũ yariatire cueraja yũhũ.

<sup>25</sup> Sa yegũ mũsa mehna ijigũ Cohãcjũ tiqũiro pũhoro ijijere yahue tii yũhũ mũsare. Ne mũsare pari turi ihñasi yũhũ. Ahrire masiaja yũhũ. <sup>26-27</sup> Sa masigũ miare ahrire yahuaja mũsare. Ijipihtiyẽ Cohãcjũ yere yahuu yũhũ mũsare. Sa yero ijipihtiyequina mũsa mehna cjẽna Cohãcjũ yere cahmeefequina tiquina ijigũ yee buhiri ijierare. <sup>28-29</sup> Mũsa basi quehnoano yeya. Sa yena Jesu yequinare Espíritu Santo mũsare ihbo dutigũ, tiqũiro ihbo dutiriquinare quehnoano ihboya. Ovejare ihboyequina ovejare tiquina ihboro saha Jesu yequina gũhũre ihboya mũsa. Cohãcjũ macũno tiqũiro yariaro tiqũiro dii cohãno mehna Cohãcjũ tiquinare tiqũiro yequina ijatiquinare yeri. Yũhũ ohõre wahari bato apequina ñañequina pehe yaquiro ovejare tiquina wejẽno saha Jesu yere mũsa yeborire dojomehneeta. Sa yena Jesu yequinare quehnoano ihboya. <sup>30</sup> Camerũre apequina mũsa mehna cjẽna pehe Jesu yequinare ni meho, apeye buhevere tũho dutieta. Tiquina sa dutigũ tiquina tũhoeta. <sup>31</sup> Sa yena quehnoano yeya mũsa. Decoripe, ñaminipe rãja ihñañe mehna buhei yũhũ mũsare. Ihtia cũhma waro quehnoano buhei yũhũ mũsare ijipihtinare. Tire quehnoano wacũña mũsa.

<sup>32</sup> Yojoũrũ yũhũ wahari bato Cohãcjũ mũsare ihña ihborota. Tĩqũiro cahĩne buhevere buhena quehnoano ijinata mũsa. Cohãcjũ tiqũiro buheye mehna mũsare tiqũiro yequinare quehnoano yedoho masine. Sa yero tiqũiro yequina dihitare tiqũiro ye duariro sahata mũsa pũritare quehnoano yerota. <sup>33</sup> Mũsa niñeru cũoyere, mũsa suhti cũoye gũhũre “Yahũre ohoya”, niedũ. <sup>34</sup> Yũhũ basi dahra wapataũ ye ijiatire. Sa yegũ yũhũ cahmeñene, yũhũ mehna cjẽna tiquina cahmeñe gũhũre yũhũ dahra wapatarĩ mehna nei. Yũhũ sa yerire masine mũsa. <sup>35</sup> Mari ohõ saha tutuaro dahrana apee boro cũoyequinare yedohoro cahmene marine. Ahrire mũsare ye ihñou yũhũ. Jesu mari pũhoro tiqũiro nidire wacũña mũsa. “Tĩqũiro ohogũ ñehediquiro yũhdũoro ohoriquiro pehe bucuere”, nidi jiri Jesu tiqũiro basi, ni yahuri Pablo Jesu yequina pũhtoare.

<sup>36</sup> Sa nidi bato Pablo tiquina mehna dũsepe curi mehna quehe sa, Cohãcjũre sinidi. <sup>37</sup> Tĩqũiro sa sinidi bato tiquina ijipihtiyequina Pablõre quẽ suhsu, wahsupure ihmi, utiri. <sup>38</sup> “Mũsare pari turi ihñasi yũhũ”, to pano tiqũiro nigũ tũhoye tutuaro bũjũa witiri tiquina. Sa ye tiqũirore tu nũnũ tã buhari petamaharũ. Topũ usãre ihña nũnũ tãri usã wahagũ.

## 21

### *Pablo Jerusalẽrũ pari turi wahahye*

<sup>1</sup> Jesu yequinare “Wahana niãja”, ni, yucũsa mehna, Cos wame tiri nũcũorũ poto waha, pehã saũ usã. Ape decorũ Roda wame tiri nũcũorũ pehã sa, yũhdũa, Pátara wame tiri macarũ esã usã. <sup>2</sup> Pátararũ ijina, Feniciarũ wahatiare yucũsare bocã usã. Sa yena tia mehna wahã usã. <sup>3</sup> Sa wahana Chĩpre wame tiri nũcũore poto ihña yũhdũũ usã. Cũ pehe pehe ijiri ti nũcũo. Ti nũcũore yũhdũa, Siria wame tiri yehparũ esã usã. Sa yena yucũsa cjẽ doeri cjẽne yucũsa cjũno Tiro wame tiri macarũ tiqũiro dure mogũ topũ pahsarĩ. <sup>4</sup> Topũ Jesu yequinare ihñana, siete decori waro tojoarĩ usã ti macarũ. Sa

ye to cjēna Jesu yequinare Espírиту Santo tiquiro yahuriro sahata tiquina Pablоре Jerusalēpυ waha dutieramedi. <sup>5</sup> Tiquina sa niepegāta ti macare siete decori usā ijiri bato, wahaυ usā. Usā wahato panogā ijipihtiyequina Jesu yequina, tiquina namosānumia mehna, tiquina pohne mehna, maca dūhtυ cahapυ usāre ihña tojoari. Sa yena ijipihtina usā paduropυ esa, dūsepe curi mehna quehe sa, Cohācjüre sinii. <sup>6</sup> Usā sa sinidi bato, “Wahana niaja”, ni, tiquinare quē suhsu bato ti wahaυ usā. Usā wahagū ihña nūnυ tā, tiquina pehe majaa wahari tiquina ye wuhusepυ.

<sup>7</sup> Tiro wame tiri macare maja yuhduυ usā. Sa yena Tolemaidapυ wahā saυ usā. Topυta pajiri mare waha bato tii usā. Ti macapυ esa, Jesu yequinare “¿Usā acaye, ijijari?” ni, ihcā deco usā tiquina mehna injinii. <sup>8</sup> Sa yena ape decopυ tja Pablo mehna mahapυ wahaυ usā Cesarea wame tiri macapυ wahana. Topυ esa, quehnoañe buheyere yahuriro Felipe wame tiriquiro ya wuhpυ esaυ. Sa yena tiquiro mehna tojoay usā. Felipe Jesu yequina tiquina siete besenohriquina mehna cjāno ijiri. <sup>9</sup> Sa yero tiquiro pititiaro numia pacaro ijiri. Tiquina numia pehe Cohācjū yere yahuye numia ijiri. Nuhmia ijiri. <sup>10-11</sup> Topυ usā meheñe decorigā usā ijiri bato, Agabo wame tiriquiro Cohācjū yere yahu mūhtariquiro Judeapυ ijiriquiro usāre ihñano wihiri. Sa yero tiquiro Pablo ya dare jeri turi dare ne, tiquiro dahpocārine, tiquiro omocarine dūhtero, queo yahuri:

—Ohō saha nidi Espírиту Santo. “Ahri dare cūoriquiro Jerusalēpυ tiquiro esagū, judio masa sa dūhteeta tiquirore. Dūhte tuhasa, judio masa ijieyequinare ohoeta tiquina tiquirore”, nidi Espírиту Santo, ni yahuri Agabo.

<sup>12</sup> Tiquiro sa nigū tuhona, usā Cesarea cjēna mehna Pablоре tutuaro cahñi usā. Tiquirore Jerusalēpυ waha dutierami. <sup>13</sup> Usā sa nigū Pablo pehe yuhtiri: —¿Dūhse ni utina niajari masa? Yuhυ pehere bujua witiḡū yeaga masa. Tiquina yahure peresu tiquina yegū quehnoanota. Yuhυ Jerusalēpυ Jesu mari pūhtoro yere yuhυ yeri buhiri yuhυ yariagū quehnoanota, nidi Pablo usāre.

<sup>14</sup> “Wahaeraja”, tiquiro nigū tuho duana nimi usā. Tiquiro “Wahautja”, tiquiro nigū, sa tuhotu cāhυ usā. Ohō saha nii:

—Mari pūhtoro tiquiro cahmeno sahata yeahro, nii usā.

<sup>15</sup> Tire yahu bato ti, usā yere quehno, wahaа wahaυ usā Jerusalēpυ wahana. <sup>16</sup> Topυ usā wahagū meheñequinagā Cesarea cjēna Jesu yequina pehe usā mehna wahari. Sa yena tiquina mehna cjāno Chipre cjāno Mnasō wame tiriquiro ya wuhpυ esaυ usā. Tiquiro yoari pje Jesu buheriquiro ijiri. Sa yero tiquiro ya wuhυ usā ijiasi wuhυ ijiri. Sa yena Jerusalēpυ esaυ usā.

### *Pablo Santiagore ihñano wahahye*

<sup>17</sup> Jerusalēpυ usā esagū, to cjēna Jesu yequina pehe “¿Wihijari?” ni, buceye mehna piti cari usāre. <sup>18</sup> Ape decopυ Pablo usā mehna Santiagore ihñano esari. Usā topυ esagū topυ ijipihtiyequina Jesu yequina pūhtoa ijiri. <sup>19</sup> Sa yero Pablo tiquinare tiquiro omoca ñehedi bato judio masa ijieyequinare tiquiro buherire yahu pehori Jesu yequinare. Cohācjū tiquiro yedohoye mehna tiquiro yerire yahu pehori. <sup>20</sup> Tiquiro sa ni yahugū tuhoye, “Cohācjū quehnoagυ, tutuagυ ijire mūhυ”, ni ño peori tiquina pehe Cohācjüre. Sa ni tuhasa tiquina Pablоре ohō saha ni yahuri:

—Usā acayυ, yojopure peyequina judio masa Jesure wacū tutuayequina ijire. Tire masine mūhυ. Sa ye tiquina ohō saha ni tuhoture: “Cohācjū dūtuyere, Moiserpυta marine tiquiro cūrire marine ye pehoro cahmene”, niñe nine. <sup>21</sup> Ohō saha ni nemore tiquina. “Ape sierpυ ijieyequinare judio masa ijieyequina watoapυ ijieyequinare judio masare Cohācjū Moiserre tiquiro cūrire cohā dutiahye Pablo”, nimesi ohō cjēna judio masa mūhure. “Pablo



judio masa pohnene cuhnucunꝯ sohtoa cahserogãre yãhre ne dutierare”, nimesi mũhare tiquina. “Judio masa tiquina yee tiyere Pablo duhu dutire”, ni ahri gãhure ni yahu wajare mũhare. <sup>22</sup> Sa ye mũhu ohõre wihigũ tuhoye tiquina cahmecoaeta mũhare tuhtiyete. Sa yegũ ohõ saha yero cahmene mũhare. <sup>23</sup> Mũhare usã dutiro sahata yeya. Yojoũre ohõre pititiaro amũa Cohãcjũre wacũnequina “Ohõ saha yenatja”, niũequina ijire. <sup>24</sup> Tiquina mehna wahaya. Sa ye Cohãcjũ Moiserere tiquiro dutiro sahata tiquina basi Cohãcjũ yere yee tehe tiquina ñano yeyere coseye nine. Mũhu gãhu sata yeya. Sa yegũ tiquina sa yeati wapare wapa yeya mũhu pehe. Mũhu sa wapa yeri bato tiquina poarire wũha peho duti masine tiquina. Mũhu sa yegũ ihũãne masa mũhare tiquina niũe ni mehoru ijigũ masieta ijipihtiyequina. Cohãcjũ Moiserere tiquiro cũri dutiyere yegũ mũhu ijigũ masieta tiquina.

<sup>25</sup> Sa yena judio masa ijieyequina Jesu yequina pehere usã ojoari pũre oho tuhasau. Ohõ saha ni, ojoau usã. “ ‘Cohãcjũ ijire’, tiquina niũe queoyere ño peo tiquina duhu peori ihyayere, diire, wamũa tiquina ñehe wejẽdiquinare wahiquinare ihyeracãhũa mũsa. Sa yena wũana tieracãhũa”, ni, yahu ojoau usã ojoari pũre, nidi tiquina Pablore.

### *Cohãcjũ wũhũpũ judio masa Pablore ñeheahye*

<sup>26</sup> Tiquina sa ni yahuducuri bato ape deco Pablo pehe pititiaro amũa mehna tiquina basi Cohãcjũ yere yeye tehe tiquina ñano yerire coseye tehe, Cohãcjũ wũhũpũ sajãa wahahye. Ti wũhũpũ sajã saro, tiquinare yahuahye Pablo: “Ohõpe decori dũhsare mũsa coseato”, ni yahuahye tiquiro pititiarore. Sa ye tiquina cose bato tiri decorũ tiquinapequina Cohãcjũre wahiquinare tiquina ohoati deco ijiri.

<sup>27</sup> Sa ye tiquina cose pehoboriro mehenogã dũhsagũ waro Cohãcjũ wũhũpũ Pablo tiquiro ijigũ Asia yehpa cjẽna judio masa pehe ihũahye tiquirore. Sa ihũãne Pablore quiti dojomehne, apequinare tiquiro mehna usuagũ yeahye tiquina. Sa usua, judio masa Pablore ñehe, saũducuahye:

<sup>28</sup> —Mũsa usã acaye, Israe masa usãre yedohona ahtaya. Ahriquiro ijire. Ahriquiro Cohãcjũ Moiserere tiquiro cũri dutiyere, ahri wũhu gãhure cohã duti, buhere ijipihtiyequinare. Sa ye marine judio masare ñano ni yahuducure. Sa yero tiquiro Cohãcjũ wũhũpũre judio masa ijieyequinare ne sajãri. Sa yero ahri wũhare ñãne mariedĩ wũhare tiquiro dojomehnedi, ni, saũducuahye judio masa Asia yehpa cjẽna to cjẽnare.

<sup>29</sup> To pano Jerusalẽpũ Pablo Trófimo mehna tiquiro ijigũ judio masa ihũae tiahye. Trófimo Efeso cjãno judio masano ijieriquiro ijiri. Tiquiro sa ijigũ masiũe ohõ saha ni tuhutuahye tiquina: “Pablo Trófimore Cohãcjũ wũhare ne sajãno niaga”, ni tuhutuahye judio masa. <sup>30</sup> Masare sa ni yahu tiquina saũducuri bato ti maca cjẽna peyequina tutuaro usuahye. Peyequina oma cãhta, Cohãcjũ wũhũpũ ijiriquirore Pablore ñehe weje wijiaa wahahye. Sa ye ti wũhu sopecaharire biyahye tiquina. <sup>31</sup> Sa ye tiquina tiquirore wejẽne tee nimahye. Tiquina sa yegũ ihũãne “Ijipihtiyequina Jerusalẽ cjẽna usua, saũducuye nidi”, ni, apequina pehe yahuye wahahye surara pũtorore. <sup>32</sup> Tiquina sa nigũ tuhoro pehe tiquiro yequina surarare, tiquina dutiyequina gãhure cahmecoadoqueo, tiquina mehna Pablore wejẽ duayequina cahapũ oma cã esahye. Surarã tiquina esagũ ihũãne Pablore quẽmediquina quẽ duhu cãhye. <sup>33</sup> Sa yero surara pũtoro Pablo cahapũ esa, pũa da come dari mehna tiquirore dũhte dutiahye. Tiquina dũhte tuhasagũ ihũano, pũtoro Pablore sinituahye:

—¿Noa boro ijijari ahriquiro? ¿Yabe buhiri tiquirore sa yeajari mũsa? ni, sinituahye tiquiro tiquinare.



<sup>34</sup> Tiquiro sa sinitugū tūhoye masa pehe “Ohō saha yeri tiquiro”, ni, apeqina gūhū sijoro saha ni sañuducu, yahuahye surara pūhtorore. Sa ni tiquina sañuducugū surara pūhtoro quehnoano tūhoerahye. Sa yero tiquiro surara ya wūhupū Pablore nea dutiahye. <sup>35</sup> Ti wūhupū esa, Pablo mūjari escarerapū tiquiro mūjano taro yegū masa pehe tiquirore quē duaye nimahye. Tiquina sa yegū surara pehe tiquirore ne wūa mūjaa wahahye. <sup>36</sup> Masa tiquinare peyequina nūnū tā, sañuducu nūnū tāhye.

—Tiquirore wejē cāhñā, ni, sañuducuahye tiquina Pablore.

*Pablo “Ne masare ñano yeraja yūhū”, ni, yahuahye*

<sup>37</sup> Sa ye ti wūhupū tiquina peresu yeato pano, Pablo pehe pūhtorore siniahye:

—Yūhū mūhū mehna yahuducu duaga, ni siniahye Pablo.

—¿Mūhū griego masa yere yahuducujari? <sup>38</sup> ¿Sohō ijirigū, Egipto cūjū ijierajari mūhū? Tiquiro masare tiquina pūhtoare cohā dutiriquiro, cuatro mil masa wejēñequina pehere masa marienopū neari jiri. ¿Tiquiro ijierajari mūhū? niahye surara pūhtoro Pablore.

<sup>39</sup> Tiquiro sa nigū tūhoro Pablo yūhtiahye:

—Tiquiro ijieraja yūhū. Judio masū ijiaja. Tarsopū Cilicia yehrapū ijiri macarū masa bajūhū yūhū. Ihyo ijiri maca cūjū ijieraja yūhū. Yūhū ahriquina masa mehna yahuducu duaga yūhū, niahye Pablo tiquirore.

<sup>40</sup> Tiquiro sa nigū tūhoro pūhtoro pehe tiquirore yahuducu dutiahye masa mehna. Sa yero Pablo mūjari escarerapū ducuro tiquiro omocari mehna “Dihta mariañā”, niahye masare. Tiquiro sa yegū ihñāñe, dihta mari pihtia wahahye. Tiquina dihta mariahgū ihñāno, Pablo judio masa ye mehna yahuahye tiquinare.

## 22

<sup>1</sup>—Yūhū acaye, yūhū yerire yahutja mūsare. Yūhū yahugū tūhoya mūsa, niahye Pablo.

<sup>2</sup> Tiquiro sa nigū Pablo judio masa ye mehna tiquiro yahuducugū tūhoye masa pehe dihta mari dojoa wahahye. Sa yero Pablo tiquinare yahuahye:

<sup>3</sup>—Yūhū judio masūta ijiaja. Tarso wame tiri macarū, Cilicia yehrapū ijiri macarū masa bajūhū yūhū. Sa ijiepegūta ahri maca Jerusalēpūta būsūnū yūhū. Sa yero yūhūre Gamalie wame tiri tiquiro buhee tiri. Sa yegū yūhū mari ñecūsūmūna mūnā panopū cñēna dutiyere quehnoano buhei. Yojoapūre mari Pacūre masa yero sahata yūhū gūhū ño peoe timi. <sup>4</sup> Sa yegū Jesu yequinare ñano yee tii yūhū. Ihquēquina tiquinare wejēe tii yūhū. Ūmūare, numia gūhūre ñehe, peresu yee tii yūhū. <sup>5</sup> Pahia pūhtoro, judio masa būsūna mehna tiquina ojoayē pūrīne Jesu yequinare ñehe dutiye pūrīne yūhūre ojoa basari. Mari acayere Damasco cñēnare ti pūrīne ihñogū tūhū nimi Jesu yequinare ñehei tūhū. Tiquinare ñehe, ne cāhta peresu yei tūhū nimi. Jerusalēpū tiquinare ne cāhta duami buhiri dahrei tūhū. Ohō saha yūhū nigū pahia pūhtoro, judio masa būsūna gūhū quehnoano masine, ni yahuahye Pablo.

*Pablo Jesu yaquiro tiquiro waha dūscarire yahuahye  
(Hch 9.1-19; 26.12-18)*

<sup>6</sup> Sa ni tuhasa ohō saha ni yahu nemoahye:

—Sa yero coheri pje ijigū Damascopū yūhū esa quehegū waro ahmūanopū asi sitedoque dijiori yūhūre. <sup>7</sup> Sa wahagū yūhū yehrapū bora quehe saa waharū yūhū. Yūhū bora quehe sari bato yahuducuro ca tari yūhūre. “¿Saulo, dahsegū yūhūre ñano yeajari?” nino ca tari yūhūre. <sup>8</sup> “¿Pūhto, noa boro ijiajari mūhū?” ni, sinituu yūhū. “Yūhū Jesu Nazare cūjū, māhū ñano yenohrigū

ijiaja yuhū”, ni, yahtiri yuhūre tiqairo. <sup>9</sup> Yuhū sa wahagū yuhū mehna cjēna buhriorore ihñari. Sa ihñæpeta yuhū mehna tiqairo yahuducugū tahoerari tiquina. <sup>10</sup> “¿Pūhto, dūhse yegūtari yuhū?” ni sinituu Jesure. “Wahcādūcaya. Damascopū wahaya. Topū mūhū wahagū, mūhūre ijipihyeyu yuhū ye dutiatire arequiro yahurota mūhūre”, nidi tiqairo yuhūre. <sup>11</sup> Tutuaro tiqairo asi sitedoqueogū, yuhū caperi opra waharū yuhū. Sa ye, yuhū mehna cjēna yuhū omocare ñehe, Damascopū tūā cāri yuhūre.

<sup>12</sup> Topū Anania wame tiriqairo, Cohācjūre ño peoriquiro marine Cohācjū dutiyere ye pehoriquiro ijiri. To cjēna judio masa ijipihyeyuina tiquina ño peoriquiro ijiri. <sup>13</sup> Sa yero tiqairo yuhū caharū wihidūca yuhūre yahuri. “Yuhū acayū Saulo, ihñāña pari turi tja”, nidi tiqairo. Tiquiro sa nidi bato pari turi ihñāñ yuhū. Sa yegū tiqairore ihñāñ yuhū. <sup>14</sup> Yuhū sa ihñāgū tiqairo Anania yuhūre yahuri. “Mari Pacū tiqairo cahmeñene quehnoano masiacjūre panopū bese tuhasahye mūhūre. Sa yero ‘Yuhū macū quehnoariquirore ihñā, tūhorota’, ni yahuahye mūhūre mari Pacū panopū. Tiquiro ijire mari ñecūsmūna mūna tiquina ño peoriquiro. <sup>15</sup> Sa yegū mūhū ihñarire, mūhū tūhorire yahugūta mūhū ijipihyeyuinare. <sup>16</sup> Sa yena yojopūre yoari pje ijieracūhna. Wahcādūcaya. Sa yegū wame yenhriḡū ijiaja. Jesure mūhū sinigū mūhū ñāñene cohānota”, nidi yuhūre tiqairo, niahye Pablo tiqairore wejē duariquinare.

### *Pablo judio masa ijieyeyuina tiqairo buherire yahuahye*

<sup>17</sup> Sa ni tuhasa Pablo yahu nemoahye:

—Sa ye tuhasa yuhū Jerusalēpū tojoa ta, Cohācjū wūhūpū Cohācjūre sinigu esan. <sup>18</sup> Yuhū topū ijigū Jesu yuhūre bajue tiri. Sa bajuaro yuhūre yahuri. “Jerusalē cjēna yeere mūhū yahugū tūho duerare. Sa yegū ūmūñano ape sierū wahaya”, nidi Jesu yuhūre. <sup>19</sup> Tiquiro sa nigū tūhogū yahū tiqairore: “Pūhto, mūhū yequinare judio masa buheye wūhūserū ijieyeyuina yuhū ñehe, quēdire masine Jerusalē cjēna. <sup>20</sup> Sa yegū mūhūre yahuriquirore Estebā pehere tiquina wejēgū ihñāgū ‘Quehnoano yeye wejēne’, nimi. Tiquirore tiquina wejēgū tiquina suhtire cūo basāñ yuhū. Ti gūhūre masine ahri macā cjēna. Sa ye yuhū yahugū tūhoboaga yuhūre”, ni yahū yuhū Jesure. <sup>21</sup> Yuhū sa nigū tūhoro Jesu yuhūre yahuri: “Yoaropū judio masa ijieyeyuina buheacjūre ohoutja mūhūre. Sa yegū wahaya mūhū”, nidi yuhūre yuhū pūhtoro, niahye Pablo masare.

### *Surara pūhtoro Pablo mehna yahuducūahye*

<sup>22</sup> Tiquiro yahu mūhtari dihitar quehnoano tūhomahye masa. Sa tūhoepeta judio masa ijieyeyuina caharū Jesu Pablōre tiqairo ohoatire tiqairo yahugū tūhoye tiquina sañuducu dūcahye tja:

—Ahriquiro yojopū pūritare yariacūnahdo, ni sañuducūahye tiquina.

<sup>23</sup> Sa ye tiquina sañuducu nemo, usuaye mehna tiquina suhtire wahba sitedūca, dihta mehna doque mūoahye. <sup>24</sup> Surara pūhtoro surara ya wūhūpū Pablōre ne sajā dutiahye tiqairo yequina surarare. Sa yero surara pūhtoro “¿Dūhse ijiro boro Pablo mehna usua ñano sañuducūye niajari masa?” ni sinitu duamahye. Pablōre tire sinituro taro, yuta dari mehna tana dutimahye tiqairore. <sup>25</sup> Sa tana dutiepegūta tiqairore tiquina dūhteri bato, tiqairo caharū ijiriquirore surarare yahuahye Pablo:

—Yuhū Roma cjā ijiaja. Sa yena “Ñano yeriquiro ijire ahriquiro”, yuhūre ni masiedare mūsa. Sa yena yuta dari mehna yuhūre tana masiedare mūsa, niahye Pablo tiqairore.

<sup>26</sup> Tiquiro sa nigū tūhoro surara tiqairo pūhtoro yahuro wahahye:

—Ahriquiro Roma cjāno ijire. Sa yegū quehnoano yeya tiquirore, ni yahuahye tiquiro pūhtorore.

<sup>27</sup> Tiquiro sa nidi bato surara pūhtoro pehe Pablöre sinituro wahahye:

—¿Potota mūhū Roma cjū ijiajari? Yahuya yūhūre tire, niahye tiquiro.

—To cjāta ijiaja yūhū, ni yūhtiahye Pablo.

<sup>28</sup> Tiquiro sa nigū tūhoro pūhtoro pehe tiquirore yahuahye:

—Yūhū Roma cjū iji duagu niñeru pajiro wapa yei, niahye tiquiro.

—Yūhū Roma cjā macarū masa bajū. Sa yegū Roma cjū ijiaja yūhū pehe, niahye Pablo.

<sup>29</sup> Tiquiro sa nigū tūhoye tiquirore tanaboriquina wahaa wahahye. Sa yero Pablo Roma cjāno tiquiro ijigū masino, tiquirore come dari mehna tiquina dūhterire wacūno, cue niahye pūhtoro pehe.

### *Pablo judio masa pūhtorore yahuahye*

<sup>30</sup> Sa yero surara pūhtoro judio masa Pablöre tiquina yahusārire quehnoano masi duahye. Sa masi duaro ape decorū come darire tiquirore pā dutiri bato, pahia pūhtoare, judio masa būcūna mehna cahmecoa dutiahye surara pūhtoro. Tiquiro sa cahmecoa dutiri bato tiquiro topū Pablöre ne cā, tiquina ihñono dūhu docoahye tiquirore.

## 23

<sup>1</sup> Sa yero Pablo judio masa būcūnare ihñā piti ca ducu, yahuahye:

—Yūhū acaye, Cohācjū tiquiro ihñonopū ijipihitiye decori quehnoano yeducaja yūhū, niahye Pablo.

<sup>2</sup> Tiquiro sa nigū tūhoro ijipihitiyequina pahia bui ijiriquiro Anania pehe Pablo dūserore quē dutiahye. <sup>3</sup> Tiquiro caharū ducuyequinare quē dutiahye. Tiquirore tiquina quēdi bato Pablo Ananiare tuhtiahye:

—Masa ihñono dihita quehnoano iji mehogū ijire mūhū. “Cohācjū dutiyere yūhdūdcagū nine”, yūhūre niepegūta yūhūre quē dutire mūhū. Sa quē dutigū mūhū pehe dutiyere yūhdūdcagū niaga, niahye Pablo tiquirore.

<sup>4</sup> Tiquiro sa nigū tūhoye Pablo caharū ducuyequina ohō saha niahye tiquirore:

—Cohācjū tiquiro beseriquiro pahia pūhtorore ñano yahuducueracāhñā mūhū, niahye tiquina Pablöre.

<sup>5</sup> Tiquina sa nigū tūhoro Pablo ni nemoahye tja:

—Yūhū acaye, tiquiro pahia pūhtoro ijiyere masiedū yūhū. Sa yegū sa ni maca cāhti yūhū. Cohācjū yere tiquina ojoari ohō saha ni yahure tiquirore: “Mūhū ya maca cjēna pūhtorore ñano ni, yahuducueracāhñā”, ni ojoahye, niahye Pablo tiquinare “Boya”, nino.

<sup>6</sup> Sa ye topū pūa curua cjēna ijiahye. Ihcā curua saduceo masa ijiahye. Ape curua pehe fariseo masa ijiahye. Pūa curua tiquina ijigū masino, Pablo judio masa būcūnare tutuaro sañuducu yahuahye:

—Yūhū acaye, yūhū fariseo masū ijiaja. Fariseo masūno macūta ijiaja yūhū gūhū. “Yariariquina masa mūjaeta”, yūhū sa nidi buhiri yūhūre ñano ye duare mūsa, niahye Pablo.

<sup>7</sup> Tiquiro sa nigū tūhoye fariseo masa, saduceo masa tiquina basi cahme tuhtiahye. Sa ye tiquina basi pūa curua tu wahye. <sup>8</sup> Saduceo masa ohō saha niñequina ijiahye: “Yariariquina masa mūjasi. Espiritua, angele gūhū ne mariedare”, niñequina ijiahye. Sa ye fariseo masa pehe tiquina yero saha niedahye. Sa ye Pablo “Yariariquina masa mūjaeta”, tiquiro nigū tiquina basi cahme tuhtiahye. <sup>9</sup> Sa cahme tuhtiyē, tutuaro sañuducuahye. Sa ye fariseo masa mehna cjēna judio masa buheyequina wahcādūca, tuhti, yahuahye:

—Ahriquiroy Pablo ñano yerari. Sa yero espíritu o angel, potoy tiquiro mehna yahuducuriquiroy ijiyoaga, niahye tiquina.

<sup>10</sup> Tiquina sa nidi bato tiquina ijiphiyequina cahme tuhti, tutuaro usuahye. Pablore tiquina wejē duagū ihñano cūesāhye surara pūhtoro pehe. Sa yero Pablore tiquiro ya wūhūpū ne cā dutiro, tiquiro masa watoapū surarare ohoahye.

<sup>11</sup> Ape ñami Jesu mari pūhtoro Pablo cahapū ducuro, yahuahye tiquirore: —Cueracāhña. Yojoyure ohōre Jerusalēpū yee buheyere yahuri mūhū. Sa yegū Romapū gūhūre ohō sahata yei wahaya, niahye mari pūhtoro Jesu Pablore.

### *Judio masa Pablore wejē duamahye*

<sup>12-13</sup> Ape decopū ñami cñūno ijigū judio masa cahmecoahye.

—Ohō saha yeihna. Pablore wejēihna. Tiquirore mari wejēato pano sihniedacāhna. Ihyeracāhna. Tiquirore wejēdana ūjūa mehna yariūhna. Sa yero Cohācñū mari pehere wejēahdo, niahye tiquina.

Tiquina cuarenta bui cñūno judio masa ijiahye. <sup>14</sup> Tiquina sa nidi bato tiquina pahia pūhtoare, bēcūna gūhūre yahuye wahahye:

—Pablore usā wejēato pano ihyayere usā ihyeraja. <sup>15</sup> Sa yena mūsa, bēcūna mehna ohō saha ni pijioya. “Pablore pari turi sinitu duaja”, niña surara pūhtoro. Mūsa sa nidi bato surara pūhtoro ne cāhta dutiya Pablore. Sa yena Pablo ohō cahagā tiquiro wihigū waro tiquirore wejēnatja usā, niahye tiquina pahia pūhtoare.

<sup>16</sup> Sa ye Pablo pacñāno tiquina sa ni yahuducugū tūhoahye. Tiquina sa nigū tūhoro waha, surara ya wūhūpū Pablore yahuro sajāhye. <sup>17</sup> Tiquiro sa yahuri bato Pablo pehe ihcāquiro surarare pijio yahuahye tiquirore:

—Ahriquiroy wahmūnore pūhtoro cahapū neahña. Ahriquiroy mūhū pūhtoro yahu duaro nine, niahye Pablo.

<sup>18</sup> Tiquiro sa nigū tūhoro surara pehe Pablo pacñānore tiquiro pūhtoro cahapū ne sa, yahuahye:

—Peresupū ijiriquiroy Pablo pehe yūhūre pijio, ahriquiroy wahmūnore mūhū cahapū ne cā dutiri. Ahriquiroy mūhūre yahuro taro niñohi, niahye surara tiquiro pūhtoro.

<sup>19</sup> Tiquiro sa nigū tūhoro pūhtoro pehe wahmūno omocare ñehe tuā cā, masa marienopū tiquirore sinituahye:

—¿Dūhse nigū tūni niari mūhū yūhūre? niahye tiquiro Pablo pacñānore.

<sup>20</sup> Tiquiro sa sinitugū tūhoro ohō saha ni yahuahye:

—Judio masa ihcāno mehna “Ohō saha yeihna”, ni, ñamiapū judio masa bēcūna cahapū mūhūre Pablore nea dutieta. “Bēcūna Pablore pari turi sinitu duare”, ni mehoeta. <sup>21</sup> Sa niepegūta cuarenta bui cñūno masa tiquirore wejē duayequina duhti, cohte duare. Tiquina tiquirore wejēato pano ihyayere ihyasi. Sa ye sihnisi. “Tiquirore mari wejēdagū Cohācñū marine wejēahdo”, nidi tiquina basi. Sa ye yojoyure mūhūre Pablore ne cāhta dutiye tiquina pehe duhti, cohte tuhasari, Pablore wejēñe tehe. Sa yegū tiquina yahuye wihigū tiquinare yūhtieracāhña mūhū, ni yahuahye wahmūno surara pūhtoro.

<sup>22</sup> Tiquiro sa nigū tūhoro surara pūhtoro ohō saha niahye:

—Yūhūre mūhū yahurire apequinare yahueracāhña, ni yahuahye wahmūnore.

Sa ni tuhasa wahmūnore “Waharīsa”, niahye tiquiro.

*Pablore pūhtoro Feli wame tiquiro cahapū ohoahye*

<sup>23</sup> Sa yero surara p̄h̄toro p̄h̄aro tiquiro yequina cien surara p̄h̄toare piji cã, tiquinare dutiahye:

—Dos cientos surarare, setenta caballoa bui pesayequinare, dos cientos doqueye c̄m̄ c̄oyequina mehna Cesareap̄m̄ wahatiquinare tiquina yere quehno dutina wahaya. Sa yena m̄sa mia ñami nueve ijigũ m̄sa wahatore cohteya. <sup>24</sup> Sa yena Pablore caballoare tiquiro pesatiquinare quehno basaya. P̄h̄toro Feli cahap̄m̄, Cesareap̄m̄, quehnoano soya tiquirore, niahye surara p̄h̄toro.

<sup>25</sup> Sa ni tuhasa papera ojoahye. Ohõ saha ni ojoahye tiquiro: <sup>26</sup> “Yũhũ Claudio Lisia m̄h̄ure tutuagũ p̄h̄to Felire quehnoa dutiaja. <sup>27</sup> Judio masa ahriquiro Pablore ñehe, wejẽmedi. Sa yegũ Roma c̄jãno tiquiro ijigũ masigũ, yequina surara mehna tiquirore yedohou esam̄. <sup>28</sup> Sa yegũ tiquirore tiquina yahusãr̄ire masi duagũ judio masa ye dutiye dihitare tiquiro yũhdũdũcagũ mari ye dutiyere tiquiro yũhdũdũcaeragũ ih̄ñagũ, tiquirore peresup̄m̄ cũ duerũ. Yabe buhiri yariaro mariedare tiquirore. <sup>30</sup> Sa yero judio masa tiquirore wejẽ dua, tiquina b̄ca quehegũ ih̄ñano apequiro yahuri yahure. Tiquiro sa yahuri bato Pablore yojop̄are m̄h̄ũ cahap̄m̄ ohogũ niaja. Sa yegũ tiquirore yahusãriquinare tiquiro ñañe yerire m̄h̄ure yahu duti tuhasam̄ yũhũ”, ni, ojoahye surara p̄h̄toro.

<sup>31</sup> Sa ye surara tiquina p̄h̄toro tiquiro dutiriro sahata yeahye. Ti ñamine Antipatri wame tiri macap̄m̄ Pablore ne sahye. <sup>32</sup> Ape decor̄m̄ apequina surara caballoa bui pesaeriquina ti macap̄m̄ tojoa tahye tiquina ya macap̄m̄. Apequina surara caballoa bui pesayequina dihita tiquirore ne yũhdũ cãhye. <sup>33</sup> Tee Cesareap̄m̄ ne sahye Pablore. Sa ye surara p̄h̄toro tiquiro ohori p̄h̄toro Felire wiahye. Sa ye Pablore ne sahye p̄h̄toro cahap̄m̄. <sup>34</sup> Tiquina sa wiari bato p̄h̄toro ti p̄ure tiquiro ih̄ñari bato apequinare sinituahye:

—¿Di yehpa c̄jãno ijajari ahriquiro Pablo? ni sinituahye tiquiro.

—Cilicia yehpa c̄jãno ijire, ni yahuahye tiquirore.

<sup>35</sup> Tiquinare sinitu tuhasa, Feli Pablore yahuahye:

—M̄h̄ure yahusãriquina ohõre tiquina wihigũ m̄h̄ũ yahugũ t̄houtja, niyahye Feli Pablore.

Tiquiro sa nidi bato Herode ya w̄h̄m̄p̄m̄ tiquirore cũahye. Sa yero tiquiro yequina surarare Pablore cohte dutiahye p̄h̄toro.

## 24

### *Pablo “Ñano yerũ yũhũ”, ni yahuahye Felire*

<sup>1</sup> Ihcã omope decori bato, Anania pahia p̄h̄toro, apequina judio masa b̄c̄una, dutiyere mihnidiquiro Tertulo wame tiriquiro mehna Cesareap̄m̄ esahye. Sa ye tiquina Pablore yahusã duaye p̄h̄toro Feli cahap̄m̄ esahye. <sup>2</sup> Sa yero Pablore top̄are tiquina ne sari bato Tertulo tiquirore yahusã d̄c̄ahye. Sa yahusã d̄c̄aro ohõ saha ni yahusãhye Felire:

—M̄h̄ũ quehnoano masigũ, usã p̄h̄to m̄h̄ũ quehnoano dutigũ usã ahri yehpa c̄jãna quehnoano iji c̄jã usã cahmequeno marieno. M̄h̄ũ dutiye mehna quehnoañe pehere comesaro nine ahri yehpa. <sup>3</sup> Sa yena usã quehnoano iji cãna bucueaja. Sa yena m̄h̄ũ mehna quehnoano bucueaja.

<sup>4</sup> Yojop̄are mehenogã m̄h̄ure cariboutja yũhũ. Mehenogã m̄h̄ũ mehna yahuducu duaja. Usãre t̄hodoqueorĩña m̄h̄ũ. <sup>5</sup> Ahriquiro usãre caribo yũhdũare. Ijip̄htiyehpari c̄jẽnare judio masare tiquina usua sañuducugũ yere ahriquiro. Sa yero masa tiquina basi cahme tuhtigũ yere ahriquiro. “P̄h̄toare cohãh̄na”, niñequina mehna c̄jãno ijire ahriquiro. Sa yero

nazareno wame tiri curua puhtoro ijire. <sup>6</sup> Sa yero Cohācjū wuhure ñano tiquiro ye duagū ihñana usā ñehedi ahriquiroro. [Usā ñehedi bato usā ye dutiyere tiquiro yuhduducariquiro ijigū tiquirore buhiri dahre duami usā. <sup>7</sup> Usā sa ye duepegūta surara puhtoro Lisia wame tiriquiro tiquirore usāre tutaro mehna ehma cāri. <sup>8</sup> Came tiquirore yahusāriquinare mahu caparu waha dutiri Lisia. Tiquiro sa nigū tuhona ahtau usā.] Mūhu pūrita ahriquiroro sinitugū, ijipihtiyere tiquiro ye buhirire masigūta mahu, niahye Tertulo Felire.

<sup>9</sup> Tiquiro sa nidi bato apequna judio masa “Tertulo tiquiro nidiro sahata poto ijire”, niahye tiquina gūhu. <sup>10</sup> Tiquina sa ni yahusāri bato puhtoro Feli Pablora yahu dutiahye. Ohō saha ni yahuahye Pablo:

—Peye cūhmari ahri yehpa cjenare mahu dutirire masiaja yahu. Sa yegu yahu yerire mahure yahugū bucueaja. <sup>11</sup> Doce decorita wahare Jerusalēru Cohācjūre yahu ño peori bato. Mūhu ahri poto ijigū masi duagu apequnare sinituya. <sup>12</sup> Judio masa yuhure Cohācjū wuhurure boca tiquina ñehegū masare ni sañuducugū niedu. Sa yegu “Musa puhtoare cohāña”, nigū niedu. Sa yegu judio masa buheye wuhure, tiquina ya maca gūhure ne ñano yera tii. <sup>13</sup> Sa ye yuhure yahusāriquina pehe tiquina yahusārire “Ohō saha yeri ahriquiro”, ni, yahu masiedare mahure. <sup>14</sup> Yojoru yahu yerire yahutja mahure. Duita usā ñecusumna tiquina ño peoriquiroro mari Pacure ño peoaja yahu gūhu. Sa yegu tiquiro yere yeaja Jesu ye quehnoañe buheye nidiro sahata. “Jesu ye ni mehoñe ijire”, ni yahuducure ahriquina judio masa. Tiquina sa niepegūta Cohācjū dutiye, Moisepare tiquiro cūrire ti gūhure ño peoaja yahu. Sa yegu Cohācjū yere yahu mahitariquina tiquina ojoari gūhure ño peoaja yahu. <sup>15</sup> Ahriquina apequna judio masa tiquina tuhuturo sahata Cohācjū ijipihtiyequina masare yariariquinare quehnoañequina, ñañequina mehna tiquina masa mājagū yerota. Yuhu gūhu sata ni tuhutuaja. <sup>16</sup> Sa yegu buhiri mariedaja yahu. Cohācjū tire masine. Sa ye masa gūhu tire masine. Sa ye potota yahuaja yahu mahure. Sa yegu quehnoano tuhutuaja.

<sup>17-18</sup> Peye cūhmarine ape sieru tinidigu ijigu Jerusalēne tojoa wihi, yahu acayere judio masa pejecuoyequinare niñerure ohogu tuu ni yahu. Tojoa wihi Cohācjūre ño peogu tuu, tiquiro ya wuhuru sajami. Sa yegu Cohācjū tiquiro cose dutiriro sahata yahu basi yahu ñañene coseri bato wahiquire oho duami tiquirore ño peogu tuu. Toru yahu ijigū ahriquina judio masa yuhure bocari. Tiquina bocagū apequna yahu mehna mariedari. Usua, sañuducuyequina mariedari. <sup>19</sup> Sa ye apequna judio masa Asia yehpa cjena toru ijiri. Tiquina yahu ñano yegu ihñariquina ijiye, yahusāñe ahtaahro. <sup>20</sup> Ahriquina ohōpore ijieyequina pehe judio masa bucana mehna yahu ijigū ihñariquina yahu ñano yerire masiñe, tiquina gūhu yahusāahdo. <sup>21</sup> Ihcānogā pūritare yuhure tiquina yahusā masine: Ti pje tiquina mehna ijigu ohō saha ni tutaro sañuducuu yahu. “Yariariquina masa mājajeta”, yahu nidi buhiri, buhiri dahre meusa”, nii tiquinare, ni yahuahye Pablo Felire.

<sup>22</sup> Tiquiro sa ni yahuri bato Feli ohō saha ni yahuahye Pablora:

—Yojoru to puno tjire. Surara puhtoro Lisia tiquiro wihiri bato mahure yahu yeatore masiitja yahu, niahye Feli Pablora.

Feli pehe Jesu yequina tiquina yerire quehnoano masi pehoriquiro iji-ahye.

<sup>23</sup> Sa ni tuhasa, Pablora cohteriquiro surarare Feli quehnoano ihña nūnu dutiahye “Peresuru ijiriquiro duhtari”, nino. Sa ijieperota mehenogā ohori tiquiro tiniatore. Pablo mehna cjenare tiquirore peresuru ijiriquirore yedoho dutiro sa dutiahye Feli.

24 Meheñe decorigã bato Feli, tiquiro namono Drusila wame tiricoro mehna ahta, Pablore pijiahye. Feli namono pehe judio masono ijiahye. Pablore tiquina pijiri bato, Jesucristore tiquiro wacũ tutuayere Pablo pehe yahuahye tiquinare. 25 Sa yahuro quehnoañene, quehnoano wacũ masiñene, ñañene cahmedare, pihitiri deco ijigũ Cohãcjũ masare tiquiro buhiri dahreatore yahuahye Pablo. Tiquiro sa ni yahugã tãhoro Feli cuero, Pablore yahuahye:

—Yojoꝑare waharĩsa. Came yahũre dahraye mariedagũ mahũre pijijitja tja, niahye Pablore.

26 Sa nino Pablo tiquiro niñeru ohogũ cahmemahye Feli. Sa yero tiquiro niñerure cahmeno, peye tahari Pablore piji, tiquiro mehna yahuducue timahye Feli. Niñerure tiquiro wapa yegũ Pablore wioboaga, ape taha yero.

27 Pũa cahma bato Porcio Festo wame tiriquiro Feli comesariquiro ijiahye. Sa ijipegũta Feli pehe puhtoro ijiro, judio masare bucuegũ ye duahye. Sa yero tiquiro Pablore peresupũ iji dutiniahye.

## 25

### *Pablo Festore tiquiro yerire yahuahye*

1 Sa ye Festo ti yehpapũ ihtia deco tiquiro ijiri bato, Cesareapũ ijiriquiro waha, Jerusalẽpũ esahye. 2 Topũ tiquiro ijigũ pahia puhtoa, judio masa puhtoa mehna Pablore tiquina yahusãrĩre yahuahye Festore. 3 Pablo mahapũ wahagũ tiquirore buca quehe, wejẽ duaye nimahye tiquina. Sa ye tiquina Festore tutuaro sinimahye:

—Pablore Jerusalẽpũ ohoya, ni, sinimahye tiquina Festore.

4 Tiquina sa nigũ tãhoro, Festo yahuahye tiquinare:

—Yojoꝑare Pablo Cesareapũ peresu ijire. Yojoꝑare yahũ topũ wahanũ tuuta niaja. 5 Pablo tiquiro ñano yeriquiro ijigũ, masa puhtoa Cesareapũ yahũ mehna waha, tiquirore yahusãhdo, niahye Festo.

6 Sa yero Festo ocho o diez decori tiquina mehna tiquiro ijiri bato Cesareapũ tojoaa wahahye. Ape decopũ tiquiro buhiri dahre dutiri wãhãpũ dujiro, Pablore ne cãhta dutiahye.

7 Sa ye Pablo Festo cahapũ tiquiro wihigũ, judio masa Jerusalẽpũ ahtariquina pehe Pablo cahapũ ducu, tiquirore tutuaro mehna yahusã dũcahye. Sa yahusãepeta “Ahriquiro tiquiro ñano yegũ ihñan”, ni, masiedahye. 8 Tiquina sa ni yahusãri bato Pablo tiquiro yerire yahuahye:

—Judio masa tiquina dutiyere, Cohãcjũ wãhũ cẽ dutiyere, Roma cãano puhtoro tiquiro dutiyere yãhdũdũcaerũ, niahye Pablo.

9 Festo pehe judio masare bucuegũ ye duaro, Pablore sinituahye:

—¿Jerusalẽpũ waha duajari mahũ? Mahũ yerire yahũre topũ yahuta mahũ, niahye Festo Pablore.

10 Tiquiro sa nigũ tãhoro Pablo yahuahye:

—Ijipihitiyequina puhtoro tiquiro ya wãhãpũ buhiri dahre dutiri wãhãpũ ijiaja yojoꝑare. Ahri wãhũ boropũ yahũ yerire tuhoya. Judio masare yahũ ñano yerarire quehnoano masine mahũ. 11 Tiquirore yãhdũdũcarigũ ijigũ “Yãhũre wejẽdacãhña”, niedaboaya yahũ. Sa yegũ ahriquina yahusãri pehe ni mehoñe ijigũ yahũre yahusãriquinare yahũre oho masiedare mahũ. Yãhũ yerire ijipihitiyequina puhtorore Cẽsare yahu duaja, niahye Pablo.

12 Tiquiro sa nigũ tãhoro Festo pehe quehnoano masi yahuyequinare sinitu tãhasa, yahuahye Pablore:

—Mahũ ijipihitiyequina puhtorore mahũ yerire mahũ yahu duagũ tiquiro cahapũ ohonatja mahũre, niahye Festo Pablore.



*Festo puhtoro Agripare Pablo tiqiro ijye tiyere yahuahye*

<sup>13</sup> Camepu puhtoro Agripa, Berenice wame tiricoro mehna Cesareapu Festore ihñañe esahye.

—¿Ne, ijjajari maha? niahye tiquina Festore piti caye.

<sup>14</sup> Topu peye decori tiquina ijiri bato Festo yahuahye Agripare Pablo tiqiro ijye tiyere:

—Ohõre Feli tiqiro peresu yeriquiro ijire. <sup>15</sup> Sa ye Jerusalẽpu yahu wahagã judio masa tiquina pahia puhtoa, tiquina bucana mehna ahriquirõre yahusãri. “Tiqiro ye buhirire wejẽña tiquirõre”, ni, sinidi tiquina yahure. <sup>16</sup> Tiquina sa ni sinigũ tuhõgu yahu tiquinare ohõ saha ni yahuu. “Roma cjenã pehe peresu tiquina yeriquinare masare ohoerare. Sa yegu tiquirõre ohoeraja masare. Usã ñehediquirõre tiquirõre yahusãriquinare tiqiro ihñato pano tiquirõre buhiri dahre masiedaja usã. Tiqiro basi tiqiro yerire tiqiro yahuerağũ tiquirõre buhiri dahre masiedaja usã”, nii tiquinare. <sup>17</sup> Sa yegu ohõre tiquina wihigũ ihñagu yoari pje yeru yahu. Sa yegu ape decõpu buhiri dahre dutiri wuhupũ dujigu, tiquina yahusãriquirõre pijji. <sup>18</sup> Sa ye ti wuhupũ tiqiro wihigũ ihñañe tiquirõre ihña tuhtiyequina wahcãducari. Tiquina sa wahcãducagũ ihñagu “Ña yahduaro ni yahusãeta”, ni, tuhõtumi yahu tiquinare. Tiquirõre yahusã duepeta yahusã masiedari tiquina. <sup>19</sup> Sa ye ahriquirõre Cohãcũ yere tiqiro yahuri buhiri judio masa tiquirõre tuhtiri. Jesu wame tiriqiro tiqiro yaria masa mjarire tiqiro yahuri buhiri yahusãri ahriquirõre. Ahri dihitare yahusãri. <sup>20</sup> Tire masiedagũ tiquirõre quehnoano sinituu. “¿Jerusalẽpu waha duajari maha yahu mehna? Topu yahuya maha yerire yahure”, nimi tiquirõre. <sup>21</sup> Yahu sa niepegãta tiqiro waha duerari. “Yahu yerire ijipihiyequina puhtõrore yahu duaja”, nidi tiqiro yahure. Tiqiro sa nidi bato ohõpata tiquirõre cohte dutii, ijipihiyequina puhtoro cahapu tiquirõre yahu ohoato pano, niahye Festo Agripare.

<sup>22</sup> —Yahu basi tãho duaja tiquirõre, niahye Agripa Festore.

—Ñamiapu tiquirõre tuhõya maha, ni yahuahye Festo.

<sup>23</sup> Ape decõpu Agripa, Berenice mehna tiquina buhiri dahre dutiri wuhupũ esa, “Puhtoa ijjaja usã”, niñe cua pesaro ye ihñoahye tiquina, surara puhtoa, ti maca cjenã puhtoa mehna. Sata ye sajãhye ti wuhupũ. Tiquina sajã sari bato Pablore pijjahye Festo. <sup>24</sup> Sa yero Festo ohõ saha ni yahuahye:

—Puhto Agripa, maha ijipihitina ahri yahure cahmecoana, tuhõya. Ohõre ahriquirõ peyequina judio masa tiquina yahusãriquirõ ijire. Jerusalẽpu, Cesareapu gãhure tiquina tiquirõre yahusãri. “Tiqirore wejẽña”, sa niducuye nine tiquina. <sup>25</sup> Tiquina sa niepegãta ohõ saha tuhõtuaja yahu. Ahriquirõ ne ñano yeriquiro ijierare. ¿Yabe buhiri wejẽboagari mari tiquirõre? Sa yegu ijipihiyequina puhtõrore César Augustore ahriquirõ yerire tiqiro yahu duagũ ijipihiyequina puhtoro cahapu ohõgãtja tiquirõre. <sup>26-27</sup> Sa yegu ahriquirõ yerire tãho, quehnoano masiedarãja yahu. Sa masiedagũ mari puhtõrore yahu ojoa masiedaja. Sa yegu masare tiqiro yahugũ tãho dutigu njaja yojõpãre. Puhto Agripa, yojõpũ pũritare ahriquirõ ijire maha sinituatiqiro. Maha sinitu tuhãsa, mari masidi bato ahriquirõre tiquina yahusãrire quehnoano yahu ojoagãtja. Ahriquirõ ñano yerire yahu masiedapẽgãta mari puhtoro cahapu tiquirõre yahu ohõgũ quehnoadare. Sa yegu yojõpãre tiquina yahusãrire quehnoano masi duagũ njaja, niahye Festo tiquinare.

<sup>1</sup> Tiquiro sa nidi bato Agripa Pablöre yahuahye:

—Muhu basita yahuya, niahye tiquiro Pablöre.

Tiquiro sa nidi bato Pablo pehe, “Dihta mariaña”, nino tiquiro omocarine siō moō, tiquiro yerire yahuahye:

<sup>2</sup> —Pah̄to Agripa, yuh̄are judio masa tiquina yahus̄aire, yuh̄u yerire mah̄are yahuḡu, yojop̄are quehnoano jeripohna tiaja. <sup>3</sup> M̄uh̄u judio masa us̄a yee tiyere, us̄a buheye ḡuh̄are mah̄u quehnoano masiḡu p̄uritare bucueaja yuh̄u. Sa yeḡu mah̄u yuh̄are quehnoano t̄ahoya, ni d̄ucahye Pablo.

### *Pablo Jesu yaquiro tiquiro ijiato pano tiquiro ijie tirire yahuahye*

<sup>4</sup> Sa ni tuhasaro oh̄o saha ni nemoahye tiquiro:

—Wah̄mu yuh̄u ijie tirire ijipih̄tiyequina judio masa masine. Ijipih̄tiye decori yuh̄u masa bajuari batō yuh̄u ya dihtap̄are, Jerusalēp̄u ḡuh̄are yuh̄u ijirire masine tiquina. <sup>5</sup> Cōa warop̄are fariseo masu ijimi. Sa yeḡu fariseo masa tiquina dutiyere, tiquina yeye borore ye pehoḡu yuh̄u ijiḡu tiquina masine. Tiquina mah̄are yahu duaye, tire yahu masine tiquina. <sup>6</sup> Ahri buhirita yuh̄are yahus̄a mujare. Us̄a nec̄us̄um̄u iji turiayequinare “Yariariquinare masoutja”, Coh̄ācj̄u tiquiro ni c̄urire “Poto tjire”, yuh̄u nidi buhiri ahriquina yuh̄are yahus̄a mujare. <sup>7</sup> Yuh̄u acaye judio masa ijipih̄tiyequina doce cururi cjēna Coh̄ācj̄u masare tiquiro masoatire bucue, cohteducure. Sa ye Coh̄ācj̄ure ño peoducure. Sa cohteducuequina ijiye us̄a yero saha yere tiquina. Pah̄to Agripa, sa ihc̄āno saha yena us̄a ijiepeḡuta tiquina pehe tiquiro masoatire yuh̄u cohteri buhiri yuh̄are yahus̄a mujare judio masa. <sup>8</sup> ¿M̄usa judio masa pehe d̄ahse yena Coh̄ācj̄u tiquiro masorire tiquina yahuḡu t̄aho duerajari m̄usa, judio masa? ni yahuahye Pablo.

### *Pablo Jesu yequinare tiquiro ñano yee tirire yahuahye Agripare*

<sup>9</sup> Sa ni tuhasa oh̄o saha ni yahu nemoahye:

—Jesure Nazare cj̄anore ih̄ñedar̄igu, ñañe dihitare ye duami tiquiro yequinare. <sup>10</sup> Sa yeḡu Jerusalēp̄u sa yee timi yuh̄u. Pah̄ia pah̄toa yuh̄are tiquina dutiri bato peyequina Jesu yequinare peresu yee tii. Sa yeḡu pah̄toa tiquinare wej̄e dutiḡu, wej̄e dutii yuh̄u ḡuh̄u. <sup>11</sup> Peye tahari ijipih̄tiye judio masa buheye wah̄usep̄u Jesu yequinare ñano ye dutie tiru. Sa yeḡu Jesu yequina Jesure tiquina coh̄āḡu ye duaḡu nimi. Tiquina mehna tutuaro usuah̄u yuh̄u. Sa yeḡu apeye macarip̄u ḡuh̄are tiquinare ñano yeḡu esae tii yuh̄u, ni yahuahye Pablo.

### *Pablo Jesu yaquiro tiquiro waharire yahuahye*

*(Hch 9.1-19; 22.6-16)*

<sup>12</sup> Sa ni tuhasa oh̄o saha ni yahu nemoahye:

—Damascop̄u Jesu yequinare ñano ye duaḡu esami. Tiquinare ñano yuh̄u ye duaḡu ih̄ñañe pah̄ia pah̄toa yuh̄are waha dutiri. <sup>13</sup> Oh̄o saha ijiri pah̄to Agripa: Coheri p̄je ijiḡu waro mah̄ap̄u yuh̄u wahaḡu uh̄m̄uano cj̄e asi siteye, as̄u deco cj̄ano yuh̄d̄uro, yuh̄are yuh̄u mehna wahayequina ḡuh̄are asi siteri. <sup>14</sup> Us̄a ijipih̄tiya yehp̄aru bora quehe sa, judio masa ye mehna yuh̄are tiquiro yahuducuḡu t̄ahou. “¿Saulo, d̄ahse yeḡu mah̄u yuh̄are ñano yeajari? Mah̄u yuh̄u mehna usuaḡu yuh̄are yuh̄tieraḡu, mah̄u basi ñano yuh̄d̄are”, nidi yuh̄are. <sup>15</sup> “¿Pah̄to, noa boro ijjajari mah̄u?” ni, sinituu yuh̄u. “Yuh̄u Jesu, mah̄u ñano yenoh̄riḡu ijiaja. <sup>16</sup> Wah̄c̄ad̄ucaya mah̄u. M̄uh̄are yuh̄u chah̄cj̄u ijiaj̄u yeḡu taḡu, yojop̄u bajuaja yuh̄u. Miare yuh̄are mah̄u ih̄ñaire, came mah̄are yuh̄u ih̄ñoati ḡuh̄are apeq̄uinare yahuḡuta mah̄u. <sup>17</sup> Judio masare, judio masa ijieyequina ḡuh̄are mah̄are buhe dutiḡu ohoḡutja. Tiquina cah̄ap̄u mah̄u ijiḡu, mah̄are tiquina ih̄ña tuhtiḡu mah̄are yedohoḡutja. <sup>18</sup> Yeere

tiquinare masigū yeya mūhū. Sa yegū tiquinare ñañene duhugū yeya. Quehnoañe pehere comesagū yeya tiquinare. Watñore cahmedagū yeya mūhū. Sa yegū Cohācǵū ye pehere yegū yeya mūhū tiquinare. Mūhū sa yegū tiquina yahare wacū tutuaeta. Tiquina sa wacū tutuagū ihñagū tiquina ñañe yerire boutja. Sa ye tiquina Cohācǵū tiquiuro beseriquina mehna cǵēna ijjeta. Tiquiuro ohoatire cǵoatiquina ijjeta tiquina”, nidi Jesu yahare, ni yahuahye Pablo.

*Pablo tiquiuro yerire tiquiuro dahrayere yahuahye*

<sup>19</sup> Sa ni tuhasa ohō saha ni yahu nemoahye:

—Pūhto Agripa, ūhmano cǵē yahū tūhoyere yūhdūcaera. <sup>20</sup> Damascorū buhe mūhtaū. Came Jerusalēru buhei tja. Came Judea yehparū, judio masa ijleyequina caharū gūhare masare tiquina ñañe yerire bujūna witi duti, Cohācǵū yere cahme dutigū. “Quehnoañene masa yegū ihñañe ñañene masa bujūna witiire apequina masieta”, nigū, tiquinare quehnoañene ye dutigū buhei. <sup>21</sup> Cohācǵū ya wūhuru yahū ijigū yahū sa ni yahuri buhiri judio masa yahare ñehe, wejē duamedī. <sup>22</sup> Tiquina sa yepēgūta decoripe Cohācǵū tiquiuro yedohoro mehna sa buheducaaja. Sa yegū yojopare masa ijipihtina pūhtoare, ihyo ijina gūhare tiquiuro yere yahugū niaja. Panorū cǵēna Cohācǵū yere yahu mūhtariquina, Moise mehna tiquina yahuyuriro sahata yahuaja yahū gūhū. Ohō saha ni yahuayahye tiquina. <sup>23</sup> “Cristo Cohācǵū ohoriquiuro pehe ñano yūhdūrota. Sa yero yariaro masa mūja mūhtariquiuro waharota tiquiuro. Sa yero masare tiquiuro yūhdūoatire judio masare, judio masa ijleyequina gūhare masigū yerota”, ni yahuyū ojoae tiahye panorū cǵēna. Yahū gūhū tiquina yero sahata yahuaja, ni yahuahye Pablo Agripare.

*Pablo Agripare Jesu yaquiuro wahagū ye duamahye*

<sup>24</sup> Tiquiuro sa ni yahuri bato Festo tiquiurore tutuaro sañuducu yahuducahye:

—Pablo, mūhū tūho masiegū ijire. Mūhū peye buhegū cohto tia wahare, ni sañuducahye tiquiuro Pablōre.

<sup>25</sup> Tiquiuro sa nigū tūhoro Pablo yūhtiahye Festore:

—Pūhto, tūho masiegū ijieraja yahū. Yūhū yahuyē ijirota ijire. Sa yegū yahū ahrire cua pesaro mehna quehnoano niaja. <sup>26</sup> Pūhtoro Agripa pehe ahri yahū yahurire quehnoano masine. Sa yegū yahū tiquiurore cuero marieno yahuaja. Ahri yahuyere ijipihtiyequina masa masine. Sa yegū ijipihtiyē ahrire yahū nidire pūhtoro Agripa tiquiuro masigū masiaja yahū, niahye Pablo Festore.

Sa ni tuhasa ohō saha niahye Agripare:

<sup>27</sup> —Pūhto Agripa, Cohācǵū yere yahu mūhtariquina tiquina yahue tirire tūhore mūhū. Tiquina yahue tirire mūhū tūhogū masiaja yahū, niahye Pablo Agripare.

<sup>28</sup> —¿Ahrire yahare yahugū mehenogā mūhū yahuyē mehna Jesu yaquiuro yahū wahagū ye duagū niajari mūhū? niahye Agripa Pablōre.

Tiquiuro sa nigū Pablo yūhtiahye:

<sup>29</sup> —Mehenogā yahuducugū o yoari pje yahuducugū masa ijipihtinare “Yūhū ijiro sahata Jesu yequina ijiahro”, ni sini basaja Cohācǵūre. Sa sinipegūta yahū yero saha peresurū masa ijigū cahmedaja yahū, niahye Pablo Agripare.

<sup>30-31</sup> Tiquiuro sa nidi bato Agripa, Festo, Berenice ijipihtiyequina apequina mehna wahcādūca, wijia, tiquina basi yahuducahye:

—Ahriquiro buhiri mariedare. Sa yena tiquireore ne peresu ye masiedaja mari. ¿Sa yena mari yabe buhiri tiquireore wejêboagari? ni, yahuducuahye tiquina basi.

<sup>32</sup>—Ahriquiro “Ijpihtiyequina pãhtorore César pehere yahũ yerire yahu duaja”, tiquireo niedagũ mari wioboaya tiquireore peresupũ ijiriquireore, ni-ahye Agripa Festore.

## 27

### *Pablo tiquireore tiquina yahusãrire Romapũ yahuro wahahye*

<sup>1</sup> Pablöre Italiapũ yucũsa mehna ohoye tehe, tiquireore apequina mehna tiquina peresu yeriquina mehna Julio wame tiriquireo mehna cũri tiquina. Julio cien surara pãhtoro ijiro, tiquireo ya curua “Augusto yequina surara”, wame tiri. <sup>2</sup> Sa yena Adramitio wame tiro cjãria yucũsapũ sajãũ usã. Tia Asiapũ wahatia ijiri. Sajã tuhasa, tia mehna wahau. Aristarco Tesalónica wame tiri maca cjãno usã mehna wahari. Tesalónica Macedonia yehpapũ ijire. <sup>3</sup> Ape decopũ usã Sidõpũ esau. Topũ esaro Julio Pablöre quehnoano yeri. Sa yero Pablöre tiquireo mehna cjẽna cahapũ ihñano waha dutiri. Sa yero Pablo mehna cjẽna tiquireore tiquireo cahmeñene tiquina ohogũ “Quehnoano-ota”, nidi Julio. <sup>4</sup> Yucũsa mehna usã pehãgũ tutuaro wiñnono usãre ape sierpũ wẽdoque pehõri. Sa yena Chipre wame tiri nucũo cahmotaropũ poto pehepũ wahau usã. <sup>5</sup> Tee Ciliciare yuhduã, Panfilia gũhare yuhduã, Mira wame tiri macapũ Licia yehpapũ ijiri macapũ pehã sau.

<sup>6</sup> Topũ esana, Alejandríapũ ahtariare, Italiapũ wahatiare yucũsare bocau. Sa yero usãre tiapũ waha dutiri surara pãhtoro. <sup>7</sup> Peye decori dero dero waha, “Wape cno yuhduare”, ni, waha, Gñido wame tiri maca potopũ esau usã. Topũ esa yuhduã, wiñnono tutuaro wẽgũ, usã waha duarirorpũ usãre wẽ ohõedari. Sa yena usã cũ pehe pehepũ majare pehãa wahau. Sa yena Creta wame tiri nucũo cahmotari pahrẽ pehe usã pehãa waha, Salmón wame tiri ñoare yuhduã wahau usã. <sup>8</sup> Topũ yuhduã, ti nucũo duhtũ cahapũ waha, “Wape cno yuhduare”, ni, waha, Quehnoari petamaha wame tirõpũ wahã sau. Petamaha Lasea wame tiri maca cahapũ ijiri.

<sup>9</sup> Topũ yoari pje usã ijiri bato, usã wahato pehe cua yuhduari. Sa yero tiquina sijiri deco bose deco yuhduari bato, Pablo tiquireore yahuri:

<sup>10</sup>—Tũhoya mũsa. Sijiri deco bose deco bato mari wahagũ marine minino cua yuhduare. Ahria yucũsa, yucũsa cjẽ, mũsa doeri cjẽ gũhũ mari mehna cjẽna gũhũ mari butiboaga mari wahana, nidi Pablo.

<sup>11</sup> Tiquireo sa niepegũta surara pãhtoro yucũsa upũrore tũhoro, ohoturiquireo gũhare tũhoro, Pablo yahuye pehere tũho duerari waha duaro.

<sup>12</sup> Tiquina pahsari petamaha quehnoari petamaha pohesu ijigũ tiquina pahsari petamaha ijierari. Sa ijiri petamaha ijigũ yucũsa cjẽna peyequina waha dua, Fenicepũ yojoa duamedí. Fenice Creta wame tiri nucũo cjã petamaha ijiro, wiñnono ahtaro pehe, asũ sajãno pehe cũ pehe pehepũ, poto pehepũ gũhare ihñadoqueo, wiñnono ahtagũ quehnoano cahmotari maca ijiri. Sa ijiri petamaha ijigũ masiñe tiquina topũ ihcã pohesu iji duamedí.

### *Pajiri mapũ wiñnono, acoro mehna pajiro wẽ cãhtahye*

<sup>13</sup> Sa ye sur pehe derogã wiñnono ahta dũcari. “Miare quehnoari deco mari wahati deco ijire”, ni tũhotumahye tiquina. Sa wiñnono wẽgũ yucũsa mehna waha dũca, Creta nucũo duhtũ cahagũ yojoau usã. <sup>14</sup> Sa yojoaepẽgũta came cjũno wiñnono noreste wame tiri wiñnono tutuaro wẽdi. <sup>15</sup> Sa yero yucũsare wiñnono tutuaro wahã wihiri. Wiñnono ahtaro pehere waha

masiedana, majare paha, wihnono wēonopu wahaḡ usā. <sup>16</sup> Cauda wame tiri n̄c̄nogā cahapu sur pehepu waha, ti n̄c̄nogā usāre mehenogā cahmotari. “Marine wape c̄uo yuh̄d̄hare”, nina tore pajiria yuc̄sa c̄jāria meheniagā yuc̄sagāre quehnoano weje peo duh̄tei usā. <sup>17</sup> Tiagāre yuc̄sapu usā weje peo duh̄teri bato pajiria yuc̄sapu pajiri da mehna tiquina wahme ņehe peori. Sirte wame tiri pad̄rore “Tia yuc̄sa doque wahā sari”, niñe, cue nidi tiquina. Sa ye wihno ñeheñe suhtire tiquina ne dijiori bato yuc̄sa dih̄tare wihnono wēdoqueori. <sup>18</sup> Wihnono, acoro mehna tutuaro ahtari. Ape deco gūhare wihnono mananota ahtagū ihñañe tiquina doeri c̄jēne diapu duredoque ño tuhasa, pehāa wahaḡ usā. <sup>19</sup> Ape deco yuc̄sa c̄jēne diapu cohāri tiquina basi. <sup>20</sup> Peye decori ñicuñe decori ijigū, asū deco c̄jēno ñah̄picoha paca gūhu ne bajuerari. Sa yero tutuaro wihnono wēdi. Sa yena “Minia wahaja mari. Sa yena yariaa wahanata”, ni t̄hotumi usā.

<sup>21</sup> Sa ye tiquina yoari pje tiquina sijiri bato Pablo tiquina poto ducu, yahuri tiquinare:

—To pano m̄sare yahu yahugū t̄hoerari m̄sa. “Cretapu ijirina mari wahagū cuarīaga”, yahu nigū t̄hoerari m̄sa. Yuh̄re t̄hona, ahria c̄jē ijipihtiyere boeraboaya m̄sa. <sup>22</sup> Sa niepegūta yojopu m̄sare yahuaja. Cueracāhña. Ijipih̄tina mari yuh̄dnata. Ahria yuc̄sa dih̄ita marine wah̄tia waharota. <sup>23</sup> Mia ñamine Cohāc̄jū yaquiro angel yuh̄re bajuari. Cohāc̄jū yaquiro ijiaja yahu. Sa yegu tiquirore ño peoaja yahu. Angel pehe yahu cahapu ahtaro, yahuri. <sup>24</sup> “Pablo, cueracāhña. Ijipihtiyequina puhtorore m̄hu yerire m̄h̄re yahuro cahmene. Cohāc̄jū quehnoariquiro ijire. Sa yero tiquirore m̄hu sinidiro sahata yojopure m̄hu mehna c̄jēna gūhare yedohorota”, nidi yuh̄re angel. <sup>25</sup> Sa yena cueracāhña m̄sa. Angel yuh̄re tiquiro nidiro sahata waharota. Cohāc̄jūre wacū tutuaja yahu. Sa yegu tiquiro yahuriro sahata “Ijirota ijire”, ni t̄hotuaja yahu. <sup>26</sup> Yahu sa niepegūta marine n̄c̄nopu wihnono wēdoque oh̄nota, ni yahuri Pablo tiquinare.

<sup>27</sup> Ihcā ñami pu semana bato pajiri ma Adria wame tiri mapu wihnono usāre tutuaro wēdi. Ti pjere ñami decopu yuc̄sa c̄jēna um̄a pehe “Duhtu cahapu ijiaja mari”, ni t̄hoturi tiquina. <sup>28</sup> Sa ni t̄hotuyse n̄c̄caria comea yuta da mehna duhte, duhudoque dijio, queori. Treinta y seis metro waro uh̄c̄ari. Mehenogā waha, queori tja. Ti pjere veintisiete metro waro uh̄c̄ari. <sup>29</sup> Sa ye utā pacare “Doque wahā sari”, niñe yuc̄sa ohoturopu pititia p̄jine duhte pohoye p̄jine duhudoque dijiori diapu. Sa ye “Sojaro mehna bohreahro”, ni, tutuaro sinidi tiquina. <sup>30</sup> Yuc̄sa c̄jēna um̄a pehe duhtimedī. Tiquina meheniagāre yuc̄sa c̄jāriare diapu weje boro poho, yuc̄sa ehquēapu duhte pohoye p̄jine tiquina dijioriro sahata yeri tiquina meheniagāre “Marine ihñari”, niñe. <sup>31</sup> Tiquina sa yepegūta Pablo surara puhtorore, tiquiro yequina surara mehna yahuri:

—Ahriquina um̄a meheniagā yuc̄sa mehna tiquina wahagū m̄sa ijipih̄tina yarianata, nidi Pablo.

<sup>32</sup> Tiquiro sa nigū t̄hoye surara pehe meheniagāre duhteyē darire yuh̄re sure, tiare cohāri.

<sup>33</sup> Bohreato panogā Pablo tiquinare tutuaro ihya dutiri:

—Pu semana waro m̄sa d̄hse wahatire masi duana, cohtena, ne ihyerari m̄sa. <sup>34</sup> Sa yena yojopure ihyana taya. Tutuaro m̄sare ihya dutiaja. M̄sa cati duana ihyaya. Ijipih̄tina m̄sa yuh̄dnata, nidi Pablo tiquinare.

<sup>35</sup> Tiquiro sa nidi bato Pablo p̄re ne, ijipihtiyequina tiquina ihñonopu Cohāc̄jūre “Quehnoare”, ni duhu peo, tire ihya d̄cari tiquiro. <sup>36</sup> Tiquiro sa ihyagū ihñañe tiquina cuero marieno waha, ijipihtiyequina tiquina gūhu

ihyari. <sup>37</sup> Ɖsā ijipihitina doscientos setenta y seis masa yucꝰsapꝰ ijii usā. <sup>38</sup> Tiquina ijipihitiquina yapia waha “Ahria yucꝰsa ꝰꝰꝰꝰ niaga”, ni, peye trigo ihyayere diapꝰ cohāri.

### *Yucꝰsa padꝰropꝰ doque quehe sahye*

<sup>39</sup> Bohreagū yucꝰsa cĵēna ꝰꝰꝰꝰ ꝰꝰꝰꝰore ihñāñe, “Ohō saha wame tiri ꝰꝰꝰꝰ ijire ahri ꝰꝰꝰꝰ”, ni, ihñā masiedari. Sa masiedapeta tiquina pari tucꝰꝰꝰ padꝰꝰo ijigū ihñāñe, “Mari ti tucꝰꝰꝰ wahana, topꝰre doque pje saboaga padꝰꝰꝰꝰ”, nidi tiquina. <sup>40</sup> Sa niñe dꝰhte pohoye pĵīnīne dꝰhteyē darire yñhre sure dijiyahye. Ohoturi pĵī dꝰhteyē dari gñhꝰre yñhre sure cāri tiquina. Tiquina sa yeri bato yucꝰsa ehquēa cĵā suhtirore wahcō docori, potō wihnono wēdoqueogū cahmeñe. <sup>41</sup> Sa yepegūta yucꝰsa ehquēa pehe ape padꝰꝰꝰꝰ quehe sa, ꝰꝰꝰꝰ masiedari. Sa yero ohoturore tutuaro pahcōri quē ohōgū tia ohoturo wahtia wahari. <sup>42</sup> Tia sa wahagū ihñāñe ohō saha nidi surara:

—Ahria minigū mari peresu yeri quina dꝰhtꝰ cahapꝰ ba ꝰꝰꝰꝰ duhtietā. Sa yena tiquinare wejē pehouhna, nidi surara.

<sup>43</sup> Sa niepegūta surara ꝰꝰꝰꝰꝰꝰ pehe Pablōre wejē dueraro, ijipihitiquina peresu ijiequinare wejē duerari. Sa yero ijipihitiquina ba masiequinare surara ꝰꝰꝰꝰꝰꝰ potō dꝰhtꝰ cahapꝰ ba ꝰꝰꝰꝰ dutiri. <sup>44</sup> Sa ye arequina yucꝰsa cĵē pĵīni wahti siteri pĵīni mehna bora ñojoa, ti pĵīni bui pesa ba ꝰꝰꝰꝰari. Ɖsā sa yena usā ijipihitina dꝰhtꝰ cahapꝰ wahā saꝰ.

## 28

### *Pablo Malta wame tiri ꝰꝰꝰꝰꝰꝰ ijiahye*

<sup>1</sup> Sa ye ti ꝰꝰꝰꝰꝰꝰ usā ijipihitina majadꝰca sana, ti ꝰꝰꝰꝰꝰꝰ wamene masii. Malta wame tiri ꝰꝰꝰꝰꝰꝰ ijiri. <sup>2</sup> Ti ꝰꝰꝰꝰꝰꝰ cĵēna masa usāre quehnoano yeri. Sa yena usā acoro weri bato yꝰꝰꝰꝰ yñhdꝰari usāre. Sa ye to cĵēna pehe peca wijijā tuhasa, usāre sohma dutiri. <sup>3</sup> Pablo pecare ne cāhta, tu tiāri. Tiquiro tu tiāri bato ti peca puhīapꝰ sañariquiro añā tutuaro asigū wijia taro, Pablo omocapꝰ bahque wahā sari yaha wero marieno. <sup>4</sup> Tiquiro bahque wahā sagū ihñāñe ti ꝰꝰꝰꝰꝰꝰ cĵēna tiquina basi ohō saha ni yahuducuri:

—Ahriquiro masa wejēdiquiro ijiboaga. Sa yero tutuaricoro buhiri dahrericoꝝ ꝰꝰꝰꝰꝰ cĵōno tiquirore buhiri dahrero, cati dutierare. Tiquiro pajiri mapꝰ minino yñhdꝰ tuhasari jimedi. Yojoꝝꝰꝰꝰꝰ ticoro pehe tiquirore cati dutierare, nimedi tiquina basi.

<sup>5</sup> Sa niepegūta Pablo añare pecapꝰ wejē sitedoqueori. Tiquirore añā purĵedari. <sup>6</sup> “Ipirota”, niñe, cohtemedi tiquina. Ne ipierari tiquirore. “Tiquiro yariaa wahaᝰota”, niñe tiquina cohtemedi. Tiquirore purĵedari. Yoari pje bato tiquirore ipieragū ihñāñe, tiquirore purĵedagū ihñāñe, sijoro tahtoturi tiquina. “Ahriquiro cohāmana mehna cĵāno ijiboaga” nimedi tiquina.

<sup>7</sup> Tiquina ba wahā sariro cahagāꝰꝰꝰ Publio wame tiri quiro ye weseri ijiri. Tiquiro ti ꝰꝰꝰꝰꝰꝰ cĵāno ꝰꝰꝰꝰꝰꝰ ijiri. Sa yena usāre tiquiro quehnoano yegū ihtia deco waro tiquiro ya wñhꝰꝰꝰꝰ ijiniñi usā. <sup>8</sup> Publio ꝰꝰꝰꝰꝰꝰ yojoa mehna, ujuaye dohatiriquiro ijiri. Sa yero tiquiro cuñanopꝰ cuñari. Sa yero Pablo dohatiriquiro ya tucꝰꝰꝰꝰ sajā, Cohācĵāre sini, tiquiro omocarine tiquiro bui duhu peo, quehnoa wahagū yeri tiquirore. <sup>9</sup> Tiquiro quehnoa wahagū ihñāñe ijipihitiquina arequina ti ꝰꝰꝰꝰꝰꝰ cĵēna dohatiequinare Pablo cahapꝰ ne cāhtari. Tiquina sa ne cāhtagū ihñāno Pablo quehnoa wahagū yeri tiquina gñhꝰre. <sup>10</sup> Came tiquina peyequina usāre wapa marieno ohori. Ɖsā wahato panogā ijipihitije usā cahmeñene, usā wahana ihyatire yucꝰsapꝰ dure sari tiquina.



### *Pablo Romapɯ esahye*

<sup>11</sup> Ihtia asũ ti nɯcɯopɯ usã ijiri bato yucɯsa mehna wahau usã. Tia yucɯsa ehquẽapɯ pɯaro cohãmana Cãstor, Pólux wame tiyequina tiquina queoye ducuri. Alejandriapɯ ahtaria ijiri tia. Pohesũ ijiro puno ti nɯcɯopɯ tia yucɯsa pahsari. <sup>12</sup> Waha, Siracusa wame tiri macapɯ esana, ihtia deco waro ti macare ijii usã. <sup>13</sup> Ti macare wijia, waha, Regio wame tiri macapɯ usã esau. Ape decopɯ surpɯ wihnono ahta, usãre wẽdoqueori. Pɯa deco bato Puteoli wame tiri macapɯ esau. <sup>14</sup> Topɯ Jesu yequina meheñequinagã usãre piti cari.

—Ihcã semana waro usã mehna tojoaya, nidi tiquina usãre.

Tiquina sa nigũ tãhona ihcã semana waro tiquina mehna tojoarĩ. Came mahapɯ maja, Romapɯ esau usã. <sup>15</sup> To cjẽna Jesu yequina pehe Romapɯ usã esatire tãhoye, Apio wame tiropɯ doeri cjẽne duaropɯ usãre piti cari. Apequina Jesu yequina ihtia wãhũ wame tiropɯ usãre piti cari. Tiquina sa piti cagũ ihñano Pablo bucueye mehna Cohãcjãre “Quehnoare”, ni, quehnoano jeri sãa wahari.

<sup>16</sup> Romapɯ usã esari bato peresu tiquina yeriquinare to cjãnore peresu cohteyequina pãhtorore yahuri. Sa yahuepegãta Pablo pehere ihcãquirola cũri to cjẽna pãhtoa. Sa yero tiquiore ihcãquirola surara cohteri.

### *Pablo Romapɯ buheahye*

<sup>17</sup> Ihtia deco bato Pablo judio masa pãhtoa mehna cahmecoano taro, tiquinare pijiri. Tiquina cahmecoari bato tiquiore tiquinare yahuri:

—Yũhũ acaye, mari acayere, mari ñechasũmũa panopɯ cjẽna tiquina yee tirire, marine tiquina buheri gãhãre yahũdũdũcaera tii yũhũ. Yũhũ yahũdũdũcaerapẽgũta Jerusalẽpɯ yũhũre ñehedi apequina judio masa. Tiquina sa yeri bato Roma cjẽnare yãhãre peresu ye dutiri tiquina. <sup>18</sup> Tiquina sa yegũ Roma cjẽna yãhãre sinitu, yũhũ ñano yerarigũ yũhũ ijigũ yãhãre “Buhiri tiriquiro ijire”, ni masiedari. “¿Ne yabe buhiri wejẽboagari mari tiquiore?” nidi yãhãre tiquina. Sa ye yãhãre sinituyequina pehe yãhãre wio duamedĩ. <sup>19</sup> Judio masa pehe yãhãre wio dutierari. Sa yegũ yũhũ acayere judio masare yãhãre tiquina yerire yahu duerapẽgũta “Ijipihitiyequina pãhtorore yũhũ yerire poto yahu duaja yãhũ”, ni sinitũ yũhũ. Judio masa yãhãre tiquina wio dueragũ ihñagũ “Romapɯ yahuro cahmene yãhãre”, nii yũhũ. <sup>20</sup> Sa yegũ masare ahrire yahu duagu pijii. Cristo marine yahũdũoatiquirola judio masa tiquina cohteriquiro yere yũhũ yahuri buhiri yũhũ peresupɯ ijiaja. Sa yegũ tire masare yahugũ tãhũ pijii, nidi Pablo judio masa pãhtoare.

<sup>21</sup> Tiquirola sa nigũ tãhoye tiquina pehe tiquirola yahuri:

—Judio masa mũhãre quti yahuye pũrine usãre ne ohoerari. Sa ye topɯ ahtariquina gãhũ usã acaye usãre mũhũ sa waharire yahuera tiri. Tiquina “Tiquirola ñano yeriquiro ijire” ni mũhãre yahuerari. <sup>22</sup> Tiquina sa yahuerapẽgũta mũhũ ya cũruare ijipihitiropɯ masa ñano tiquina yahuducugũ usã masiaja. Sa masina mũhũ buheyere mũhũ yahugũ tãho duaja usã, nidi tiquina tiquirola.

<sup>23</sup> Sa ni tuhasa, “Ape decopɯ ijiihna”, nidi tiquina. Ape decopɯ Pablo mehna cahmecoana mũhtariquina yahũdũoro masa peyequina tiquirola ijiiropɯ wihiri. Ñami cjũnogã Cohãcjũ tiquirola pãhtoro ijiiyere quehnoañe buheyere tiquirola buhe dũca, tee ñamipɯ buhe duhuri. Cohãcjũ dutiyere Moisespɯre tiquirola cũrire, Cohãcjũ yere yahu mũhtariquina tiquina ojoari gãhãre buheri. Sa buhero, tiquinare Jesure masigũ ye duaro nimesi Pablo. <sup>24</sup> Ihquẽquina tiquirola buherire cahmedi. Sa cahmepegũta apequina pehe tãho duerari.



<sup>25</sup> Sa ye tiquina basi pua curua tu wa, wahaye tee nidi. Tiquina wahato pano Pablo Isaia tiquiro yahuducurire yahuri. Ohō saha nidi tiquinare:

—Isaia Cohācjū yere yahu māhtariquiro tiquiro yahuri ijirota ijire. Mari ñecusamua mana iji turiayequinare yahuro taro Espiritu Santo Isaiare ohō saha ni yahu ojoa dutiahye:

<sup>26-27</sup> Ahrire ahriquinare yahugū wahaya: “Dapu paca būtina ijire mūsa. Sa yena yeere tūho duerare mūsa. Cahmo coperi susueyequina yero saha tūho duerare mūsa. Sa yena yeere tūhoopenata tūhosi mūsa. Mūsa sa ijierana quehnoano tūhoboaya mūsa. Sa yena quehnoañe pehere comesaboaya mūsa. Sa yegū mūsare pecapū waha-borinare yūhdūoboaya yūhū”, nidi Cohācjū, ni ojoahye Isaia, nidi Pablo tiquinare.

<sup>28</sup> Tiquiro sa nidi bato Pablo yahu nemori:

—Ahrire masiña mūsa. Cohācjū ye buheyere masare tiquiro quehnoano yūhdūoyere judio masa ijieyequinare buhenatja usā. Tiquina pehe tūhoeta, nidi Pablo judio masare.

<sup>29</sup> Tiquiro sa nigū tūhoye judio masa tire tiquina basi tutuaro cahme dase tini wiā, wijiari.

<sup>30</sup> Pua cūhma waro Pablo apequina wasori wūhūpū, tiquiro ijiye wapa wapa yeati wūhūpū ijiri. Topū ijiro, ijipihtiyequina ti wūhūpū wihiyequinare bucueye mehna piti cari tiquiro. <sup>31</sup> Sa yero tiquiro cuero marieno Cohācjū pūhtoro ijiyere, mari pūhtoro Jesucristo ye gūhūre buhee tiri. Tiquiro sa buhegū ne apequina tiquirore “Buheracāhña”, nieda tiri.

## Romanos

### *Pablo Roma cĵenare Jesu yequinare oĵoa oĵoahye*

<sup>1</sup> Yuhh Pablu mŷsare Roma cĵanare oĵoa oĵoaja. Yuhh Cohācĵŷ cahacĵŷ iĵiaja. Sa yero quehnoañe buheyere buhe dutiro yuhhure cŷri tiqiro.

<sup>2</sup> Ti buheyere quehnoañe buheyere panop Cohācĵŷ “Yahuguh tŷh niaja”, nie tiahye. Tiqiro sa ni yahuriro sahata tiqiro yere yahu mahitariquinare panop cĵenare tiqiro yahuatire tiqiro ya pŷrŷ oĵoa dutiahye. <sup>3</sup> Ti buheyeta tiqiro macŷnore yahuye iĵire. Tiqiro masŷno waro iĵiro taro Davi mŷnano panamino iĵi turariqiro iĵiahye tiqiro. <sup>4</sup> Jesucristo mari pŷhoro Cohācĵŷ macŷno ñaÑe marieniqiro tiqiro iĵiyere ohŷ saha ihŷoahye Cohācĵŷ. Tiqiro yariari bato Cohācĵŷ tutuaye mehna tiqirore masa wijiagŷ yeahye. Sa yero Jesucristo potota Cohācĵŷ macŷno tiqiro iĵiyere ihŷoahye Cohācĵŷ masare. <sup>5</sup> Tiqirota ŷsāre paja ihŷano ŷsāre tiqiro yere buhe dutiro oĵori iĵipihyequina Jesucristore wacŷ tutua tiquina ño peotire. <sup>6</sup> Sa yero mŷsa gŷhure Jesucristo yequina iĵianare beseahye tiqiro.

<sup>7</sup> Mŷsare, Cohācĵŷ cahŷnare, Roma cĵanare, tiqiro yequina iĵianare yeri mŷsare tiqiro. Mŷsare iĵipihine ahri pŷre oĵoa oĵoaja. Sa yeguh Cohācĵŷ mari Paŷh, mari pŷhoro Jesucristo mehna mŷsare quehnoa dutiaja. Tiquina yedohoye mehna quehnoano iĵiya mŷsa.

### *Pablo Romapŷre ihŷano waha duaro nimahye*

<sup>8</sup> Ahrire yahu mahatŷta mŷsare: Iĵipihye macari cĵena Jesucristore mŷsa wacŷ tutuarire masa yahuri yuhhure. Tiquina sa ni yahugŷ tahoguh “Quehnoare”, niaja Cohācĵŷre. Jesucristo yedohoro mehna sa ni sini basaja. Cohācĵŷre sini basaguh mŷsare sa sini basaducuaja. <sup>9</sup> Yuhhure tiqiro dutigŷ tiqiro macŷno ye buheyere quehnoañe buheyere tutuaro buheguh tiqiro cahacĵŷta iĵiaja yuhh. Sa yero mŷsare Cohācĵŷre yuhh sa sini basaducugŷ tiqiro masine. <sup>10</sup> Sa sini basaguh Cohācĵŷ cahmegŷ yoĵopuh pŷritare mŷsa caharuh yuhh ihŷhŷ wahatore siniaja. Yoari pje mŷsare ihŷh duaguh yuhh wahatire cohte ye cŷmaja yuhh. <sup>11</sup> Cohācĵŷ yere mŷsare buhe duaja Jesure mŷsa wacŷ tutua nemoatire. Sa yeguh mŷsare tutuaro ihŷh duaja yuhh. <sup>12</sup> Jesure wacŷ tutuaja mari. Sa yeguh mŷsare ihŷh duaja Jesure mari wacŷ tutuaye mehna pŷa peheri mari cahme bucuegŷ yeatore.

<sup>13</sup> Yuhh acaye, ahrire mŷsa masigŷ cahmeaja. Quehnoañe buheyere yuhh buheri bato arequina mŷsa acaye judio masa iĵieyequina Jesure wacŷ tutuari. Sa yeguh peye tahari mŷsa caharuh waha duami arequina Jesure tiquina wacŷ tutuariro sahata mŷsa mehna cĵena gŷhŷ tiquina wacŷ tutuatire. Sa waha duepegŷta waha masieduh yuhh. <sup>14</sup> Iĵipihyequinare quehnoañe buheyere buhego iĵiro nine yuhhure. Pecasāre, poĵteri cĵe gŷhure, masiŷnequinare, masiŷnequina gŷhure buheacĵŷ iĵiita niaja yuhh. <sup>15</sup> Sa buheacĵŷ iĵiguh mŷsare Roma cĵanare quehnoañe buheyere tutuaro buhe duaja.

### *Quehnoañe buheyere masa tŷhoye Jesure wacŷ tutua dŷcare*

<sup>16</sup> Quehnoañe buheyere tŷhoye Jesure wacŷ tutua dŷcare masa. Sa yero iĵipihyequinare Jesure wacŷ tutuayequinare Cohācĵŷ tutuaye mehna pecaruh wahaboriquinare yuhhŷore. Tiquina sa yuhhŷŷ masiguh ti buheyere quehnoañe buheyere buheguh buoro yuhhŷeraja. Ti buheyere judio masa pehere buhe mahitari jiri Jesu gŷhŷ. Tiquina buheri bato judio masa iĵieyequina gŷhure ŷsā buhei. <sup>17</sup> Ti buheye ohŷ saha ni yahure: Jesure

wacū tutuayequinare “Quehnoañequina ijire”, ni, ihñare Cohācjū. Tiquiroke wacū tutua ducayequinare sata ni ihñare Cohācjū. Tiquiro sa ni ihñari bato tiquiroke wacū tutuaducure tiquina. Ahri panopu tiquina ni ojoariro sahata ijire: “Quehnoañequina ijire”, tiquiro ni ihñañequina Cohācjūre wacū tutuayequinata ijire. Sa wacū tutuaye, ijipihitiye decori Cohācjū mehna sa ijiduceta”, ni, ojoahye.

### *Masa tiquina ñañe yeri buhirire yahuahye Pablo*

<sup>18</sup> Cohācjū uhmasepu ijiriquire masa tiquina yuhduducarire, tiquina ñañe yeri gūhare ihñano, tiquina sa yeri buhiri usuare. Tiquiro sa usarire masigū yere tiquinare. Masa tiquina ñañe yeye mehna apequinare quehnoañe buheyere tuhoeragū yere tiquina pehe. <sup>19</sup> Tiquiro basi tiquiro ijiye tiyere masigū yeahye Cohācjū. Tiquiro sa yegū Cohācjūre masigū mijoedare masare. <sup>20</sup> Cohācjū uhmase cjāno tiquiro ijiyere, tutuariquire tiquiro ijiye gūhare mari ihñedapegūta tiquiro basi tiquiro ijiyere marine masigū yere tiquiro. Ahri yehpare tiquiro bajumehnedi bato ijipihitiye tiquiro bajumehnedire ihñañe “Cohācjū tiquiro yeri ijire ahri”, niñe, Cohācjū tiquiro ijiye tiyere masine masa. Sa ye masa Cohācjūre masiepetā sa ñañene yeducuye, buhiri tire. “Mūhare masiedu. Sa yegu ñañene yei”, ni masisi Cohācjūre.

<sup>21</sup> Sa ye Cohācjū tiquiro ijiye tiyere masiepetā tiquina tiquiroke ño peerare. Sa ye tiquinare tiquiro quehnoano yepēgūta tiquina pehe “Quehnoare”, niedare tiquiroke. Sa tuho masieñequina ijiye, ñañe dihitare tuhoture tiquina.

<sup>22</sup> “Tuho masina ijiaja”, niepetā tuho masieñequina wahare tiquina. <sup>23</sup> Sa wahaye Cohācjūre sa ijiducuriquire tiquina ño peerare. Sa ño peeraye, “Cohācjū ijire”, tiquina niñe queoye pehere ño peore. Mari masa yarianaja dihita ijiaja. Mari sa ijina mari ijiepegūta Cohācjūre ño peoyequina pehe masa queoyere yere tiquina. Tiquina sa yeri bato ti queoye pehere ño peore tiquina. Sa ye tja minicjua queoyere, pinoā queoyere, wahiquina queoye gūhare “Cohācjū ijire”, ni ño peo macā cāhre tiquina.

<sup>24</sup> Tiquina sa yegū ihñano “Tiquina esa tuharo ñañene yecūnahdo”, nino Cohācjū cohā cāri tiquinare. Tiquiro sa cohāri bato tiquina ña yuhduaro cahme yeducure tiquina basi. <sup>25</sup> Sa ye Cohācjū ye pehere cahmedaye, ni mehoñe pehere quehnoano tuhore tiquina. Cohācjū ye pehere ni mehoñe yero saha ijigū yere tiquina. Potota Cohācjū warore ijipihitiyere yeriquire ño peoducuro cahmene. Sata ijiaho. Tiquina pehe tiquiroke ño peerare. Sa tiquiroke ño peeraye, Cohācjū yeri pehere ño peore tiquina. Sata ijiaho.

<sup>26</sup> Tiquina sa yeducugū ihñano “Tiquina esa tuharo ñañene yecūnahdo”, nino Cohācjū cohā cāri tiquinare. Sa ye tiquina mehna cjēna numia manū tiyequina numia yero saha ijierare. Sa ye tiquina numia, numia sehsaro ñano yere tiquina paguri mehna. <sup>27</sup> Tiquina yero saha ijiyequina umua gūhu tiquina esa tuharo ña yuhduaro yere tiquina paguri mehna. Sa ye tiquina basita ñano yeri buhiri tiquina paguri pehe ñano yuhdare.

<sup>28</sup> Sa Cohācjūre tiquina cahmedari buhiri, Cohācjū tiquinare cohāri. Tiquiro sa cohāgū tiquina pehe ñano wacūduco, ñano yeducure. <sup>29</sup> Sa ye tiquina tutuaro ñano yeducure. Ñañene tutuaro cahmeducuyequina, apequina yere tutuaro cahmeñequina, apequinare ñano yeducuyequina, apequina apee boro tiquina cuogū ihña cooducuyequina, masare weñequina, cahme duse tini wiayequina, ni mehoñequina, masare ihña tuhtiyequina, ñañe quitī dahreyequina, <sup>30</sup> apequina tiquina yerapēgūta ñano ni yahu wajayequina, Cohācjūre ihña tuhtiyequina, apequinare purīno yuhtiyequina, “Usā pehe masi yuhduducaja”, ni tuhotuyequina, apequinare

sa ni yahueyequina, apeye ñañene ye ducayequina, tiquina pacusumhare yuhtieyequina, <sup>31</sup> taho masieñequina, tiquina nino sahata yeyequina, masare ne cahieñequina, tiquina basi cahme pihopuri duhueyequina, ne paja ihñeñequina ijire tiquina. <sup>32</sup> Sa ñano yeducuyequinare Cohācjū pecapu cohānota. Tiquiro sa cohātire masiepeta tiquina ti ñañene sa yeducure. Sa ye apequina tiquinare ihña cū tiquina yero saha ñano tiquina yegū ihñañe, “Usā yero saha yere”, ni bucuere.

## 2

### *Masare buhiri dahre dutiro tire mehono marieno potota yerota Cohācjū*

<sup>1</sup> “Tiquina ña yuhduayequina ijire”, ni yahu wajaeracāhña apequinare. Māsa gūhu tiquina yero saha yere. “Ñañene yeraja. Sa yena ñañe buhiri mariedaga”, ni masiedare māsa. Sa yena ijina tiquinare yahu wajana ijina, māsa basi buhiri dahre dutina niaga. <sup>2</sup> Sa yena ñañe yena ijiepenata māsa yahu wajagū māsa gūhare Cohācjū buhiri dahrerota. Potota queoro tiquiro buhiri dahregū masiaja mari. <sup>3</sup> Apequinare “Buhiri tieta”, ni yahu wajana māsa ijigū māsa gūhare buhiri dahrerota. Sa yena “Usāre buhiri dahresi”, ni tūhotuboaga māsa. Ijierare. Māsa gūhare buhiri dahrerota tiquiro. <sup>4</sup> Māsa ñano yepegūta Cohācjū masare paja ihñano duita buhiri dahrerare. Sa yena “Cohācjū yūhu mehna usuasi”, ni tūhotuboaga māsa. Ijierare. Cohācjū masare paja ihñano, duita buhiri dahrerare māsa ñañene bujña witigū ihña duaro, tiquirore māsa yuhtigū cahmeno. <sup>5</sup> Sa buhiri dahre dueraperota māsa Cohācjūre yuhti dueragū, māsa ñañe yerire bujña witieregū, buhiri dahrerota masare. Buhiri dahreri deco pano masare tiquiro buhiri dahreboriro yuhduoro ti deco waropare ñano masare buhiri dahrerota Cohācjū. Ni mehono marieno buhiri dahrerota. <sup>6</sup> Sa yero ijipihtieyequinare tiquina ñano yeri buhiri buhiri dahrerota Cohācjū. Sa yero quehnoañene tiquina yeri wapa quehnoano yerota masare. <sup>7</sup> Ihquēquina quehnoañene yeducuyequina ijire. Tiquina quehnoañene ye duayequina, Cohācjūre quehnoano bucuegū ye duayequina, ijipihtieye decori Cohācjū mehna iji duayequina ijire. Tiquina pūritare decoripe tiquiro mehna ijigū yerota Cohācjū. <sup>8</sup> Apequina pehe tiquina yero saha ijierare. Tiquina esa tuharo yeyequina ijire. Cohācjū yere cahmedare. Tiquina mehna Cohācjū tutuaro usarota. <sup>9</sup> Ijipihtieyequina ñano yeriquina ñano yuhdueta. Judio masare sata waha mūhtanota. Sa ye judio masa ijieyequina gūhare sata wahaarota. <sup>10</sup> Ijipihtieyequina quehnoañene yeyequina pehere Cohācjū “Quehnoare”, ninota. Sa ye masa tiquinare ño peota. Sa yero tiquinare quehnoano ijigū yerota Cohācjū. Judio masare sata waha mūhtanota. Sa ye judio masa ijieyequina gūhare sata wahaarota.

<sup>11</sup> Cohācjū mari yerire ihñano queoro besere ijipihtinare, ñana, quehnoana gūhare. <sup>12</sup> Apequina Cohācjū Moisere tiquiro dutirire masieñequina tiquina ijiepegūta ñañene tiquina yegū, buhiri dahrerota Cohācjū tiquina gūhare. Sa yero ti dutiyere cūoyequina ñañene tiquina yegū ti dutiyere tiquina yuhduacari buhiri buhiri dahrerota Cohācjū. <sup>13</sup> Cohācjū dutiyere tūhoepeta yuhtieyequinare “Quehnoañequina ijire ahriquina”, niedare Cohācjū. Tiquiro ye dutiyere yeyequina pehere “Quehnoañequina ijire”, ni ihñare tiquinare Cohācjū. <sup>14</sup> Judio masa ijieyequina Cohācjū Moisere tiquiro cūri dutiye cūoerapeta, tiquina esa tuharo quehnoañene yeye, Cohācjū dutiyere yeye nina. Sa ye Moisere tiquiro dutiyere ojoari pūre cūoerapeta tiquina tūhotuyeru tiquiro ye dutiyere cūore. <sup>15</sup> Sa ye tiquiro ye dutiyere tiquina tūhotuyeru potota cūore tiquina. Sa cūoye ñañene yeye, duita tiquina ñañe

yerire masine tiquina. Sa yero ñañene yeriquiro “¿Duhse ijiro boro ñañene yeri yuhu?” ni tuhature tiquiro. Sa yero quehnoañene tiquiro basi yeri gühare masine tiquiro. <sup>16</sup> Sa ye Cohãcjũ Jesucristore tiquiro ohoati decopũ masa tiquina yahu duerarire Jesucristo masi pehoro, tiquiro tiquinare beserota quehnoañequina, ñañequina gühare. Sata tiquina yerire masidiquiro ijiro, beserota tiquiro quehnoañe buheye ti nino sahata. Ti buheyeta ijire musare yahu buheri.

### *Cohãcjũ Moisere tiquiro dutirire yahuahye Pablo*

<sup>17</sup> Mũsa pehe judio masa ijina, Cohãcjũ Moisere tiquiro dutiyere ño peona ijina, “Cohãcjũ yequina ijiaja”, ni tuhutumene mũsa. <sup>18</sup> Sa yena Cohãcjũ dutiyere masina ijina, tiquiro cahmeñene masine mũsa. Sa masina ijina, “Quehnoañene usã yeatire bese masiaja usã”, ni tuhutumene mũsa. <sup>19</sup> Sa ni tuhutuna ohõ saha ni tuhutu nemore mũsa: “Apequinare ne masieñequinare quehnoano masigũ yeaja usã. Tiquinare usã buheragũ ne Cohãcjũre masied-aboaga tiquina. Sa ye ñañene duhueraboaga”, ni tuhutumene mũsa. <sup>20</sup> Sa yena “Tũho masieñequinare quehnoañene ye dutina, macanagã gühare buhena ijiaja usã”, ni tuhutumene mũsa. Sa yena “Cohãcjũ dutiyere cõona, poto ijiyere masi pehoaja usã”, ni tuhutumene mũsa. <sup>21</sup> ¿Sa yena apequinare buhena ijiepenata, duhse yena mũsa pehe mũsa buheriro saha yerajari? ¿Apequinare yaque dutierapenata duhsena mũsa pehe yaqueajari? <sup>22</sup> ¿Apequiro namono mehna ñano ye dutierapenata duhsena mũsa pehe apequiro namono mehna ñano yeajari? “Cohãcjũ ijire”, tiquina niñe qeoyere ihña yabina ijire mũsa. Sa ihña yabina ijina Cohãcjũ waro pehere ño peona ijimene mũsa. ¿Sa ño peona ijiepenata duhsena tiquirore quehnoano ño peoerajari mũsa? <sup>23</sup> “Cohãcjũ Moisere tiquiro dutiyere cõoaja usã”, nina ijiepenata ti dutiyere yuhdućcare mũsa. Sa yuhdućcana Cohãcjũre ño peoeragũ yena niaga mũsa apequinare. <sup>24</sup> Sata nine Cohãcjũ yere tiquina ojoari pũpũ: “Cohãcjũ dutiyere mũsa yuhdućcari buhiri judio masa ijieyequina pehere Cohãcjũre tiquina ñano yahuducugũ yere mũsa judio masa”, ni ojoahye Cohãcjũ yere tiquina ojoari pũpũ.

<sup>25</sup> “Cohãcjũ yequina ijiaja”, ni tuhature ihquẽquina judio masa cuhnucunũ sohtoa cahserogãre yuhre nenohriquina. Cohãcjũ yere tiquina yegũ judio masa tiquina ijigũ quehnoarĩne. Tiquiro yere tiquina yeragũ judio masa tiquina ijieye tiye duhseati ijierare. Yuhre nenohriquina tiquina ijieye tiye gũhũ duhseati ijierare. <sup>26</sup> Sa yero judio masa ijieyequina cuhnucunũ sohtoa cahserogãre yuhre nemehneñequina tiquina ijiepegãta, Cohãcjũ dutiyere tiquina yegũ ihñano “Yeequina masata ijire”, ni ihñare Cohãcjũ tiquinare. Judio masa pehere tiquiro sa ni ihñaboriro sahata judio masa ijieyequina pehere sa ni ihñare. <sup>27</sup> Peyequina judio masa Cohãcjũ Moisere tiquiro dutiyere cõoepeta tire yerare tiquina. Sa ye apequina judio masa ijieyequina pehe cuhnucunũ sohtoa cahserogãre yuhremehneñequina ijiepetã tiquiro dutiyere yere. Sa yequequina ijieye judio masa tiquina ñano yerire masigũ yeye nine. <sup>28</sup> Yojopũre judio masũno waro tiquiro ijieye yahutja musare. Tiquiro cuhnucunũ sohtoa cahserogãre yuhre nenohriquiro ijieperota Cohãcjũre ño peoeraro, potota judio masũno waro ijierare. <sup>29</sup> Cohãcjũ yaquiro Espĩritu Santore cõoriquiro tiquirore yuhtiriquiro tiquiro tjire judio masũno waro. Sa yero tiquiro cuhnucunũ sohtoa cahserogãre tiquiro yuhre ne cohãriro sahata tiquiro ñañe yerire duhure tiquiro. Tiquiro esa tuharo dutiyere yeriquiro ijieraperota Espĩritu Santo yedohoye mehna tiquiro ñañe yerire

duhure. Sa ijiriquirore “Quehnoariquiro ijire”, ni ihñare Cohãcjũ pehe. Masa pehe tiquirore tiquina sa niedapegũta, sa nine Cohãcjũ pehe.

### 3

<sup>1</sup> ¿Yahũ sa nigũ judio masa ijije tiye ihyo waro ijiajari, masa tãhotugũ? Ne ihyo waro ijiro niedare. ¿Cohãcjũ judio masare tiquiro dutiriro sahata tiquina pagãrre cuhnucunũ sohtoa cahserogãre tiquina yahre ne cohãñe ihyo waro ijiajari, masa tãhotugũ? Ne ihyo waro ijiro niedare. <sup>2</sup> Judio masa tiquina ijije tiye ihyo waro ijierare. Cohãcjũ yere tiquina ojoari pũre judio masare cũ mãhtahye. Sa ye judio masa tiquina ijigũ quehnoarĩne tiquinare. <sup>3</sup> Sa ye ihquẽquina judio masa Cohãcjũre tiquina tãhoerapegũta tiquiro nidi ijirota ijire. Sa yero tiquiro ni cũriro sahata yerota tiquiro. <sup>4</sup> Sata ijire. Ijipihtiyequina masa ni mehoñequina tiquina ijiepegũta Cohãcjũ pehe ne ni mehoedare. Panopũ tiquiro yere yahu mãhtariquiro tiquiro ni ojoariro sahata ne ni mehoedare Cohãcjũ.

Poto nigũ ijire mãhũ Cohãcjũ. Sa ye mãhũre masa ne “Queoro yahuducuerare”, ni yahusã masiedare, ni ojoahye panopũre.

<sup>5</sup> Ohõ saha ni tãhotuboaga masa: “Mari ñañene yena Cohãcjũ quehnoañene tiquiro yeriquiro ijigũ masigũ yeaja. Sa yero ñañene mari yegũ quehnoarĩne. ¿Ti sa quehnoañe ijiepegũta dahsero tiquiro mari ñañene yeri buhirire buhiri dahre maca cããri?” ni tãhotuboaga masa. Masa tiquina tãhotuboriro saha nigũ njaja yahũ. <sup>6</sup> Sa ijierare. Mari ñañe yeri pehe quehnoañe ijigũ Cohãcjũ mari ñañene yeri buhirire buhiri dahre masiedaboaga.

<sup>7</sup> Masa pehe ni mehoñequina ijire. Cohãcjũ pehe ne ni mehoedare. Sa yena masa tiquina ni mehogũ ihñana Cohãcjũ pehe ne ni mehoeniquiro tiquiro ijigũ quehnoano ihña masiaja mari. Sa ye masa ni mehoñe, Cohãcjũ tiquiro ni mehoeniquiro tiquiro ijiyere ihñoñe niboaga tiquina. Sata ni tãhotumene ihquẽquina. Sa ni tãhotuye ohõ saha ni tãhotu nemomene tiquina: “Usã ni mehoñe mehna Cohãcjũ tiquiro ni mehoeniquiro ijiyere ihñona njaja. Sa ihñona quehnoano yena njaja. Sa ye usã ni mehoñe quehnoarĩne. ¿Usã ni mehoñe quehnoañe ijiepegũta dahse ijiro boro usã ni mehoñe buhirire usãre buhiri dahre maca cãboari Cohãcjũ?” ni tãhotumene ihquẽquina masa.

<sup>8</sup> Sa ye ohõ saha ni mehore ihquẽquina usãre: “Ñano yena Cohãcjũ tiquiro quehnoariquiro ijigũ ihñona niaga. Sa yena ñano yeihna’, nidi Pablo gãhũ”, ni meho yahusãre usãre ihquẽquina. Tiquina sa nidi buhiri tiquinare Cohãcjũ buhiri dahrerota. Sata yero cahmene tiquinare.

#### *Ijipihtina buhiri tina ijaja mari*

<sup>9</sup> ¿Sa ye dahse ni tãhotuajari masa? ¿Mari judio masa apequina yahduoro quehnoana ijiajari mari? Ijieraja mari. Judio masa, judio masa ijiena gãhũ ijipihtina buhiri tina ijaja mari. Sata ijire ijipihtiyequinare yahũ buheriro sahata. <sup>10</sup> Panopũ tiquiro ni ojoariro sahata ijire ti: Ohõ saha ni ojoahye:

Ne ihcãquiro masũno quehnoariquiro mariedare. <sup>11</sup> Ijipihtiyequina masa tãho dueyequina dihita ijire. Sa ye ijipihtiyequina masa ne Cohãcjũre wacũ peerare. <sup>12</sup> Sa ye tiquina Cohãcjũ yere cohãñe, ijipihtiyequina ñañene yeyequina wahari. Ne ihcãquiro quehnoañene yeriquiro mariedare. <sup>13</sup> Tiquina dahseri masa coperi tiquina põo docoro yero saha ijire. Tiquina yahuducugũ, masa coperi arĩ wijiario saha ni mehoñe dihita tiquina dahserire wijiare. Sa yahuducuye añã dahsero tiquiro nima purĩne wijiario saha purĩno tiquina yahuducuye wijiare tiquina dahserire. <sup>14</sup> Sa ye tiquina apequinare ñano yahuducuyequina

purīno yahuducuyequina ijire. <sup>15</sup> Sa ye usua ñañequina duita masare wejēñequina ijire. <sup>16</sup> Sa ye noho tiquina waharopu tiquina masare ñano ye, ñano yahduḡu yere tiquinare. <sup>17</sup> Sa ye apequina masa mehna tiquina quehnoano ijierare. <sup>18</sup> Sa ye Cohācjüre ne ño peoerare, ni ojoahye panopure.

<sup>19-20</sup> Cohācjü Moisere tiquiro dutiyere marine judio masare ohoahye tiquiro dutiyere ijiphtina mari ye pehoatire. Ti dutiyere caoepeta, tire yeraye, “Ñañe buhiri mariedare usāre”, ni masiedare masa. Sa ye tiquina ijiphtiro cjēna Cohācjü tiquiro buhiri dahrenohatiquina tiquina ijigü, masieta tiquina basi. Sa ye ñañequina tiquina ijiyere masiñe, “Quehnoana ijiaja usā”, ni masiedare Cohācjüre. Cohācjü tiquiro ye dutiye pehere ne masa yerare. Sa ye tiquina ñañequina ijiyere tiquiro dutiye pehe masigü yere tiquinare. Sa masiñe ohō saha ni masiedare tiquina: “Cohācjü dutiyere ye pehou. Sa yero Cohācjü usāre ‘Quehnoañequina ijire’, ni ihñare”, ne ni masiedare masa.

*Cohācjüre quehnoano mari wacü tutuana tiquiro yequina wahaja mari*

<sup>21</sup> Sa ye Cohācjü Moisere tiquiro dutiye, tiquiro yere yahu mahtariquina tiquina ojoari ḡuñu Cohācjü masare tiquina ñañe yerire tiquiro borire yahuahye. Tiquiro dutiye sa yahuepegüta yojopata Moisere tiquiro dutiri marieno masare tiquina ñañe yerire tiquiro borire yahure marine Cohācjü. <sup>22</sup> Ijiphtiyequina Jesucristore wacü tutuayequinare, tiquirore tuhoyequinare “Quehnoañequina ijire”, ni ihñare Cohācjü. Cohācjü ijiphtiyequinare ihcāno saha yeriquiro ijire. <sup>23</sup> Mari ijiphtina ñañene yerina ijiaja. Sa yena Cohācjü tiquiro cahmediro sahata ne yeru. <sup>24</sup> Mari sa yerapegüta mari Pacu marine tiquiro paja ihñagü mari ñañe yerire Jesucristo pehe bore. Tiquiro sa bogü “Quehnoana ijire”, ni ihñare Cohācjü marine Jesure wacü tutuunare. Mari esa tuharo ye dutiro marieno Jesu yedohoro mehna mari ñañe yerire bore. <sup>25</sup> Panopu cjēna tiquina ñañe yerire ihñano Cohācjü duita buhiri dahrerahye tiquinare. Sa buhiri dahreraro tiquina ñañe yerire ihyo warota sa tuhotu cāno niedahye. Came tiquiro Jesucristore ohori jiri mari ñañe buhiri yariatiquirore tiquiro diire cohātiquirore. Jesucristore mari wacü tutuagü Cohācjü pehe mari ñañe yerire borota. Sa yero tiquiro nidiro sahata yeriquiro tiquiro ijiyere masigü yero niahye. <sup>26</sup> Sa yero yojopure tiquiro nidiro saha yeriquiro tiquiro ijiyere masa tiquina masigü cahmene tiquiro. Sa yero Jesure wacü tutuayequinare quehnoañequina tiquiro yerire tiquina masigü cahmene Cohācjü. Tiquiro sa yerire tiquina masiatire tiquiro macunore mari ñañe buhirere yariatiquirore ohori jiri.

<sup>27</sup> ¿Yojopure “Quehnoana ijiaja mari”, ni masiagari mari, masa tuhutugü? Tire ne ni masiedaja mari. ¿Duhhsena tire ni masiedagari mari? ¿Cohācjü tiquiro dutiyere yena, “Quehnoana ijiaja”, ni masiboari mari? Ijierare. Ti ḡuhare ni masiedaja mari. Mari sa ni masiedapegüta Jesure mari wacü tutuagü “Quehnoana ijire”, ni ihñanota marine Cohācjü. <sup>28</sup> Ohō saha masiaja mari: Jesure mari wacü tutuagü ihñano marine ihña coare Cohācjü. Sa yero marine “Quehnoana ijire”, ni ihñare tiquiro. Tiquiro ye dutiyere mari yeri wapa sa ni ihñedare. Tiquirore mari wacü tutuagü sa ni ihñare.

<sup>29</sup> Cohācjü judio masa puhtoro dihita ijierare. Judio masa ijieyequina puhtoro ḡuñu ijire tiquiro. <sup>30</sup> Sa yero Cohācjü ihcāquirola ijiro, ijiphtiyequina puhtoro ijire. Sa ijiriquiro ijiro judio masa Jesure tiquina wacü tutuagü tiquinare “Quehnoañequina ijire”, ni ihñanota. Sa yero judio masa ijieyequina ḡuñu Jesure tiquina wacü tutuagü tiquina ḡuhare “Quehnoañequina ijire”, ni ihñanota Cohācjü. <sup>31</sup> ¿Sa yena Jesure wacü tutuana Cohācjü Moisere



tiquiro dutiyere cohãna niboari mari? Cohãedaja mari tire. Jesure wacũ tutuana, Cohãcjũ dutiyere yena niaja mari.

## 4

### *Abrahã Cohãcjũre tiquiro wacũ tutuarire yahuahye Pablo*

<sup>1</sup> Mari ñesũ m̃ññano iji m̃htariquirop̃ure Abrahã m̃ññanore Cohãcjũ ohõ saha yeahye: <sup>2</sup> Abrahã quehnoano tiquiro yepegũta “Quehnoariquirop̃ure ijire”, ni ihñedarĩahye Cohãcjũ tiquirore. Sa yero quehnoano yeperota ñariquirop̃ure ijinino “Yũhũ pũrita quehnoagu ijiãja”, ni masiedahye Abrahã, Cohãcjũ ihñagũ. <sup>3</sup> Cohãcjũ yere tiquina ojoari pũ ohõ saha nine: “Abrahã Cohãcjũ tiquiro nidire quehnoano tuhogũ, Cohãcjũre tiquiro wacũ tutuagũ Cohãcjũ tiquirore ‘Potota quehnoariquirop̃ure ijire’, ni, ihñahye”, ni ojoahye tiquiro yere tiquina ojoari pũrũ. <sup>4</sup> Pũhtoro dahrayequinare wapa yero, ihyo waro tiquiro paja ihñañe mehna wapa yero niẽdare. Tiquina dahrari wapa tiquinare wapa yero nine. <sup>5</sup> Cohãcjũre wacũ tutuayequina pehere dahrayequinare tiquiro wapa yero saha yerare Cohãcjũ. Cohãcjũre wacũ tutuariquirore “Quehnoariquirop̃ure ijire”, ni ihñare Cohãcjũ. Tiquiro sa ni ihñagũ ti quehnoañe tiquiro yeri wapa ijierare. Cohãcjũ pehe tiquirore cahmeñequinare quehnoañequina wahagũ yere. Sa yero masũno Cohãcjũre tiquiro wacũ tutuagũ ihñano “Quehnoariquirop̃ure ijire”, ni ihñare Cohãcjũ tiquirore. <sup>6</sup> Sata niahye panop̃ũ cjũno Davi m̃ññano. Masũno quehnoano tiquiro yepegũta Cohãcjũ pehe ihña coeranine. Cohãcjũre tiquiro wacũ tutuagũ ihñano Cohãcjũ ihña coare. Sa yero tiquirore “Quehnoariquirop̃ure ijire”, ni ihñare. Tiquiro sa ni ihñanohriquirop̃ure masũno pehe tiquiro bucueyere yahuahye Davi m̃ññano. Ohõ saha niahye:

<sup>7</sup> Tiquina ñañe yerire tiquiro bonohriquirop̃ure pehe tutuaro bucuere.

<sup>8</sup> “Quehnoañequina ijire. Tiquina ñañe yerire wacũsi yũhũ”, Cohãcjũ sa ninohriquirop̃ure tutuaro bucuere, niahye Davi m̃ññano.

<sup>9</sup> ¿Judio masa tiquina cuhnucunũ sohtoa cahserogãre yũhre nenohriquirop̃ure dihitarẽ tiquina ñañe yerire boyari Cohãcjũ? Ijierare. Judio masa ijieyequina yũhre nemehneñequina gũhare tiquina ñañe yerire bore tiquiro. Pari turi Abrahãre wacũña m̃sa. Tiquiro Cohãcjũre wacũ tutuagũ ihñano “Quehnoariquirop̃ure ijire”, ni ihñahye Cohãcjũ. <sup>10</sup> ¿Dũhse ijigũ sa yeari Abrahã, m̃sa tuhogũ? Tiquiro cuhnucunũ sohtoa cahserogãre tiquiro yũhre neato panop̃ũta tiquirore “Quehnoariquirop̃ure ijire”, ni ihñahye Cohãcjũ. Sa yero yũhre nenohno, tiquiro ñañe yerire bo tuhasanohriquirop̃ure yũhre nenohahye. <sup>11</sup> Sa yero duita Cohãcjũre wacũ tutua m̃htahye Abrahã. Tiquiro sa wacũ tutuagũ ihñano “Quehnoariquirop̃ure ijire”, ni ihñahye Cohãcjũ tiquirore. Sa tiquiro wacũ tutuayere, Cohãcjũ yaquirop̃ure tiquiro ijiyere tiquiro ihñootore Cohãcjũ tiquirore cuhnucunũ sohtoa cahserogãre yũhre ne dutiahye. Sa yero Abrahã tiquiro yũhreato pano Cohãcjũ pehe “Quehnoariquirop̃ure ijire”, ni ihña tuhasahye tiquirore. Tiquiro yũhre neato pano tiquiro sa ihñarirop̃ure saha ijipihtiyequina Cohãcjũre wacũ tutuayequinare judio masa ijieyequina yũhremehneñequinare “Quehnoañequina ijire”, ni ihñare Cohãcjũ. Tiquiro sa ni ihñañequina tiquina ijigũ Abrahã tiquina ñesũno m̃ññano waro ijiriro saha wahare. <sup>12</sup> Tiquina yero sahata judio masa, yũhrenohriquirop̃ure Cohãcjũre tiquina wacũ tutuagũ tiquina ñesũno m̃ññano potõ ijie tiahye Abrahã. Tiquiro yũhreato pano Cohãcjũre wacũ tutuayehye. Sa ye tiquiro yero saha wacũ tutuayequina judio masa Abrahã panamena iji turiayequina ijire.

*Cohācjū Abrahāre tiqiro ni cūrire “Poto tjire”, niahye Abrahā*

<sup>13</sup> Panopu ohō saha niahye Cohācjū Abrahāre. “Ahri yehpare mūhare, mūhu panamena iji turiayequinapu gūhare ohoutja”, ni, cūahye Cohācjū Abrahāre. Ti dutiyere tiqiro quehnoano yeri wapa sa niedahye Cohācjū tiqirore. Abrahā Cohācjūre tiqiro wacū tutuari wapa pehere sa niahye Cohācjū tiqirore, “Quehnoariqiro ijire”, tiqirore tiqiro ni ihñari bato. <sup>14</sup> “Cohācjū Moiserere tiqiro cūri dutiye dihitarere yero cahmene”, nine judio masa. Sa niñequina Cohācjūre wacū tutuaro marieno ahri yehpa ijipihtiurore ne duare. Wacū tutuaro marieno tiqina negū mari pehe Cohācjūre mari wacū tutuaye dūhseati ijieraboaya. Sa yero Cohācjū marine tiqiro ni cūri dūhseati ijieraboaya. <sup>15</sup> Moiserere tiqiro cūri dutiye pehere yerere masa. Sa ye ti dutiyere tiqina yerari buhiri ahri yehpare tiqinare neno basioerare. Sa yero ti dutiyere tiqina yūhdudūcaru buhiri masare buhiri dahrerota Cohācjū. Sa ye ti dutiye mariedagū ti dutiyere yūhdudūcaro gūhu mariedaboaya.

<sup>16</sup> Sa ye Cohācjūre wacū tutuayequina dihita tiqiro ohoatire neeta. Abrahā Cohācjūre wacū tutuahye. Sa yero ijipihtiyequina tiqiro yero saha Cohācjūre wacū tutuayequina tiqina ñecno poto yero saha tojoare Abrahā. Sa yero “Ahrirere mūhare ohoutja”, Cohācjū nino ijipihtiyequinare tiqirore wacū tutuayequinare nino niahye. Sa ye Cohācjū Moiserere tiqiro dutirire yeyequina Cohācjūre wacū tutuayequina Cohācjū ohoatire neeta. Tiquina dihita nesi. Ijipihtiyequina Abrahā yero saha Cohācjūre wacū tutuayequina gūhu tiqinare tiqiro ohoatire neeta. <sup>17</sup> Tire Abrahāre tiqiro nidiro sahata ojoahye panopure: “‘Peye macari cjēna tiqina ñecno ijicjūre cūhu mūhare’, ni cūahye Cohācjū Abrahāre”, ni ojoahye panopu. Sa yero tiqiro Cohācjūre wacū tutuahye. Sa ye tiqiro yero saha mari wacū tutuagū mari ñecu ijigū yeahye Cohācjū tiqirore. Cohācjū pehe yariariquinare masoriqiro, ijipihtiyequinare bajumehnediqiro ijire. Sa yero ijipihtiyere, yojopure mariedagū gūhare bajumehneatiqiro ijire.

<sup>18</sup> “Peye macari cjēna mūhu panamena iji turiayequina ijietā”, Cohācjū tiqiro sa nigū Abrahā pehe pohna mariediqiro ijieperota, “Ijirota ijire”, ni tūhotuahye. <sup>19</sup> Sa yero cien cūhmari cūoriqiro ijieperota pohna dahre masieniqiro ijieperota Sara tiqiro namono ne pohna mariedicoro ticoro ijiepegūta “Pohna ti masiedaja usā”, ni tūhotuerahye Abrahā. Sa yero Cohācjū tiqiro ni cūrire “Ijirota ijire”, niahye Abrahā. <sup>20</sup> “Tiqiro nidiro sahata yeraboaga”, ne ni tūhotuerahye Abrahā. Sa yero tiqiro Cohācjū cūrire quehnoano tūhoahye. Sa niñene tūhotjiāno “Cohācjū tutuariqiro ijire”, ni ño peoro niahye. Sa yero Cohācjūre wacū tutu nemoahye tiqiro. <sup>21</sup> “Cohācjū tiqiro nidiro sahata quehnoano ye masine”, ni tūhotu quehnoano masi-ahye Abrahā. <sup>22</sup> Tiqiro sa masigū Cohācjūre tiqiro wacū tutuagū Cohācjū pehe “Quehnoariqiro ijire”, ni ihñahye Abrahāre. Sata ni ojoahye Cohācjū yere tiqina ojoari pūpu.

<sup>23</sup> Sa ye Abrahā dihitarere sa ni ojoaerahye. <sup>24</sup> Tire mari masiatire mari gūhare sa ni ojoahye. Sa yero Cohācjūre mari wacū tutuagū “Quehnoana ijire”, ni ihñanota mari gūhare Cohācjū. Tiqiro pūrita mari pūhoro Jesu tiqiro yariagū masori jiri tiqirore. <sup>25</sup> Jesu pehe mari ñañe buhiri yari-ari jiri. Tiqiro yariari bato masa wijiari jiri tiqiro Cohācjū marine “Quehnoana ijire”, tiqiro ni ihñatire.

## 5

*“Quehnoana ijire”, Cohācjū ni ihñagū ohō saha waharota marine*

<sup>1</sup> Jesucristore mari wacū tutuagū ihñano “Quehnoana ijire”, ni ihñare marine Cohācjū. Tiquiro sa ni ihñagū Cohācjū mehna cjāna marine ijigū yere mari puhtoro Jesucristo. <sup>2</sup> Sa yena mari tiquirore wacū tutuagū ihñano Cohācjū marine cahño, pecarū wahaborinare yuhduori tiquiro mehna mari ijato saha. Cohācjū pūrta quehnoa yuhduari tiquiro ijire. Sa yero tiquiro yero saha ijigū yerota marine tiquiro. Tiquiro sa yeatire quehnoano masiaja mari. Sa yena bucueaja. <sup>3</sup> Mari ñano yuhduna gūhū bucueaja mari. Ñano yuhduna, tire dūca cjā mari. Sa dūca cāna, ñano yuhdūepenata quehnoano Cohācjūre wacū tutuana wahaja mari. Sa yena Cohācjū yere duhueraja mari. <sup>4</sup> Mari sa yegū ihñano “Quehnoare”, ninota Cohācjū marine. Tiquiro sa nigū marine tiquiro yuhduoatire quehnoano masiaja mari. <sup>5</sup> Sa yero Cohācjū marine tiquiro yaqui Espiritu Santore ohori mari mehna ijiatiquirore. Sa yero Espiritu Santo pehe mari mehna ijiro Cohācjū marine tiquiro sa cahiducuyere masigū yere. Tiquiro sa masigū yegū marine tiquiro yuhduoati quehnoano waro ijiro nine. Potota yuhdunata mari.

<sup>6</sup> Sa yero mari ñañe yerire mari basi mari yuhduo masiedagū tiquiro queoriro esagū mari ñañe buhirire Cristo yariahye. <sup>7</sup> Quehnoañe dihitare yeriquirore yuhduoro taro apequiro yariaboaga ape taha yero. <sup>8</sup> Mari pehe ñana mari ijinipegūta marine yuhduoro taro Cristo yariahye. Tiquiro sa yegū Cohācjū marine tiquiro tutuaro cahñene masiaja mari. <sup>9</sup> Mari ye buhirire tiquiro sa yariagū tiquiro dii wijiagū Cohācjū pehe marine “Quehnoana ijire”, ni ihñare. Tiquiro sa ni ihñari bato yojorū pehere marine pecarū wahaborinare yuhduorota Jesu. “Quehnoana ijire”, tiquiro niato pano marine yuhduoeranidi. Yojorū pehere marine Cohācjū yequina tiquiro yeri bato marine buhiri dahresi pecarū Cohācjū. <sup>10</sup> Sa yena Cohācjūre ihña tuhtina mari ijinipegūta tiquiro macno yariaro, mari ñañe yerire cohāri. Sa cohāno Cohācjūre mari mehna usueragū yeri tiquiro. Sa yena tiquiro yequina wahaja mari. Yojorū pūritare ti yuhduo cjūno yerota marine. Tiquiro yequina mari ijigū Jesu tiquiro masa majari mehna, marine pecarū wahaborinare quehnoano yuhduorota tiquiro. <sup>11</sup> Camerū mari yuhduatire bucueaja. Yojorūre ahri gūhūre bucueaja. Mari puhtoro Jesucristo mari ñañe buhirire tiquiro yariari bato Cohācjū yequina ijiaja mari. Sa yena bucueaja.

*Adāre, Cristore yahuahye Pablo Roma cjēnare*

<sup>12</sup> Adán tiquiro ñañene yeri bato ahri yehpare ñañe iji dūcahaye. Ñañe iji dūcagū masa yaria dūcahaye. Ijipihtina mari ñañene yeaja. Sa yena ijipihtina ñana mari ijiri buhiri yariaja. <sup>13</sup> Cohācjū tiquiro dutiyere Moiserē tiquiro cūato pano potota ahri yehpa cjēna ñañene yee tiahye. Tiquina sa yepegūta ti dutiye mariedagū ti dutiyere tiquina yuhduducari buhiri buhiri dahre masiedahye. <sup>14</sup> Tiquiro sa buhiri dahre masiedapegūta Adán gūhū tiquiro bato ijieyequina gūhū dutiye mariedapegūta yarie tiahye. Moise tiquiro ijato pano dutiye mariedapegūta masa yarie tiahye. Apequina ñañe yeye Adán tiquiro ñano yeriro saha waro yera timahye. Sa ijiepetā tiquina gūhū yarie tiahye. Sa yero Adán ñañene tiquiro ye dūcariro saha yoari batopū ahri yehparū ahtariquiro quehnoañene ye dūcari jiri.

<sup>15</sup> Adán tiquiro yuhduducari Cohācjū masare tiquiro paja ihñañe yero saha ijierare. Cohācjū tiquiro paja ihñañe pehe quehnoa yuhduare. Adán ihcāquirota ijieperota ñañene tiquiro ye dūcari buhiri peyequina masa yarie tiahye. Cohācjū pehe marine paja ihñano, Jesucristore ohori jiri. Sa yero

tiqairo ihcāquirota ijiriquiro pecapɩ wahaboriquinare masare peyequinare yɩhdɩore. <sup>16</sup> Sa yero Cohācjū masare tiqairo paja ihñañe Adán tiqairo yɩhdɩɩcari yero saha ijierare. Adán pehe ihcāquirota ijiriquiro ñañene tiqairo yeri buhiri ijipihtiyequina masa buhiri tiyequina ijire. Sa tiquina buhiri tiyequina ijiepegāta masa pajiro ñañene tiquina yepegāta yojopɩre masare paja ihñano Cohācjū tiquina ñañene bore. Sa boro “Quehnoañequina ijire”, ni ihñare tiqairo tiquinare. <sup>17</sup> Adán ihcāquirota ijiriquiro ñañene ye dɩcagū ijipihtiyequina masa yariaducure. Ti poto tjire. Sa ijiepegāta ahri pehere bucuenata mari. Yojopɩre Cohācjū masare paja ihñano Jesucristo ihcāquirota ijiriquiro tiqairo yariari mehna tiquina ñañene boro, tiquinare “Quehnoañequina ijire”, ni ihñare. Sa ye ijipihtiyequina tiqairo sa ni ihñañequina ɩhmɩsepɩ Cristo mehna pɩhtoa ijietā.

<sup>18</sup> Ihcāquirota Adán ñañene ye dɩcagū ijipihtiyequina ñañene ye dɩcahye. Tiquina sa yegū Cohācjū buhiri dahrerota tiquinare. Apequiro Jesu pehe quehnoañene tiqairo yegū ijipihtiyequina tiquina ñañene bonohriquina iji masine. Ñañene tiqairo bonohriquina tiquina ijigū “Quehnoañequina ijire”, ni ihñanota tiquinare Cohācjū. Sa ye ijipihtiye decori tiqairo mehna ijiducueta tiquina. <sup>19</sup> Ihcāquirota Adán Cohācjūre yɩhdɩdɩcahye. Tiqairo sa yegū peyequina masa ñano yeyequina iji dɩcahye. Sa yero apequiro Jesu pehe Cohācjūre yɩhtiahye. Tiqairo sa yegū peyequina masa tiquina ñañe yerire bonohriquina wahahye. Tiquina sa wahagū “Quehnoañequina ijire”, ni ihñahye Cohācjū tiquinare.

<sup>20</sup> Cohācjū dutiyere Moiserē cūahye ijipihtiyequina masa tiquina ñañene tiquina quehnoano masiatire. Sa ye masa tiquina ñañene masiñe, ti yɩhdɩoro Cohācjū tiquinare tutuaro tiqairo cahñene masieta. Tiqairo marine cahñi yɩhdɩare. <sup>21</sup> Tiquina ñañene tiquina yeri buhirire masa yariatiquina ijire. Sa ye pecapɩ wahaeta. Cohācjū mari Pacɩ pehe masare cahñi yɩhdɩare. Tiqairo sa tutuaro cahñgū mari pɩhtoro Jesucristore tiqairo ohogū tiqairo pehe masare quehnoañequina wahagū yere. Sa ye tiquinare “Quehnoañequina ijire”, Cohācjū tiqairo ni ihñagū tiquina ijipihtiye decori tiqairo mehna sa ijiducueta.

## 6

*Yariariquina mɩna tiquina ñañene yerariro saha Cristo yequina gūhɩ ñañene yeducuerare*

<sup>1</sup> ¿Dɩhse yenatari mari yojopɩre, mɩsa tuhutugū? ¿Cohācjūre marine cahñi nemo duti duana ñañene ye nemoboagari mari? <sup>2</sup> Ijierare. Ñañene yeracāhna mari. Yariariquina mɩna ñañene tiquina yerariro saha Cristo yequina ijina mari gūhɩre ñañene yeraro cahmene. <sup>3</sup> Sa ye Jesu yequina mari ijiyere masa tiquina masiatire aco mehna wame yeri marine apequina. Jesu mari ñañe yeri buhiri yariari jiri. Sa yena tiqairo yequina ijina, mari ñañe yerire ye dɩerɩ. Sa yena duhuu. Tiqairo mari ñañe buhiri yariari jiri. <sup>4</sup> Sa yena Cristo pagure masa copɩre tiquina ya cohāriro sahata mari ñañe yerire duhuaja. Sa yena mari Pacɩ tiqairo tutuaye mehna Cristo tiqairo masa mɩjariro saha mari gūhɩ tiqairo tutuaye mehna quehnoañe pehere comesaja. Sa yena quehnoana wahaja.

<sup>5</sup> Sa yena Cristo yequina ijina Cristo yariaro ahri yehpa cɩj pagure tiqairo cohāriro saha mari gūhɩ yariariquina tiquina duhuriro saha mari ñañe yerire duhuu. Sa yena Cristo yequina ijina tiqairo masa mɩjariro sahata mari gūhɩ quehnoana ijinata. Ti poto tjire. <sup>6</sup> Cristo yequina iji dɩcana tiqairo mehna yariariquina yero saha wahaɩ pari turi mari ñañene yerato

saha. Sa waharina ijina ñañene yeducu nemosi mari. Tire mari masiaja. <sup>7</sup>Yariariquiro mnananopu ñañene ye nemoedare. <sup>8</sup>Cristo mehna yariariquina yero saha ijina, tiquiro masa mujariro sahata mari gũhũ quehnoana ijinata. “Ti poto tjire”, ni tũhotuaja mari. <sup>9</sup>Cristo tiquiro yaria masa mujari bato ne pari turi yariasi. Apequiro tiquirore pari turi yariagũ ye masiedare. Tire mari masiaja. <sup>10</sup>Sa yero Cristo ihcã taha yariaro, masa tiquina ñañe yerire cohãno taro yariahye. Tiquiro catiriquiro ijiro mari Pacũ tiquiro cahmeno sahata yeducuatiquiro ijire tiquiro. <sup>11</sup>Tiquiro yero sahata mũsa gũhũ ohõ saha ni tũhotuya: “Yariariquina mna tiquina yeraro saha mari gũhũ ñañene yeraja. Jesu yequina ijina mari Pacũ tiquiro cahmeno sahata yeanaja ijina niaja mari gũhũ”, ni tũhotuya mũsa.

<sup>12</sup>Sa yena mũsa yarianaja ijina ñañene yeducueracãhña. Sa yena mũsa ñañe ye duayere tutuaro cahmepenata tire sa tũhotu cãhña. <sup>13</sup>Ñañene yeracãhña. Pecapu wahaborina Jesu tiquiro yũhdnonohrina ijire mũsa. Tiquiro sa yenohrina ijina Cohãcjũ cahmeñe dihitaro yeya mũsa. Sa yena quehnoañene yeya mũsa. <sup>14</sup>YojoPURE Cohãcjũ Moiserere tiquiro dutiye mehna marine dutierare. Cohãcjũ marine cahĩno tiquiro pehe marine dutire. Sa yena tiquiro yedohoro mehna ñañene ye duasi mari.

### *Mũsa ñañene yeducugũ ti ñañe mũsa puhtoro yero saha ijire*

<sup>15</sup>¿Yũhũ sa nigũ ðhse ni tũhotuajari mũsa? ¿Cohãcjũ pehere yũhtianaja ijina Moiserere tiquiro dutiyere yũhtianaja ijierana, ñañene yeducuboagari mari? Ijierare. Yeducusi. <sup>16</sup>¿Ahrire masiedajari mũsa? Mũsa quehnoano yũhtiriquiro mũsa puhtoro ijire. Sa yena tiquiro cahacjãna ijire mũsa. Mũsa sa yũhti mũsa puhtoro tiriro sahata ñañene yeducuna mũsa ijigũ ti ñañe mũsa puhtoro yero saha ijire. Sa yena ñañene duhu masiedare mũsa. Sa yena ijina pecapu wahanaja ijire mũsa. Cohãcjũre quehnoano ño peona ijina tiquiro cahacjãna ijire mũsa. Sa yena tiquiro yequina quehnoana ijire mũsa. ¿Tire masiedajari mũsa? <sup>17</sup>Panopũ ñañene yeducuna mũsa ijigũ ti ñañe mũsa puhtoro yero saha ijimedi. YojoPURE pehere quehnoañe buheyere tãhona Jesure wacũ tutuana Cohãcjũre quehnoano ño peona wahari mũsa. Tire masigũ “Quehnoare”, niaja Cohãcjũre. <sup>18</sup>Sa wahana yojoPURE ñañe ti dutiro saha yerare mũsa. Sa yena Cohãcjũ cahacjãna ijina quehnoañe pehere yere mũsa. <sup>19</sup>Cahacjãna puhtoare tiquina quehnoano ño peoyere masi pehore mũsa. Sa yegu ti mũsa masidi mehna queoye mehna buhei mũsare “Ahri buheyere mũsa esa tuharo tuhoeraboaga”, nigũ. Panopũ ñañene yeducuna ijimedi mũsa. Mũsa sa yeducuriro sahata yojoPURE pehere quehnoañene yeducuna ijiya mũsa. Sa yena Cohãcjũ cahmeñe dihitaro yenata mũsa.

<sup>20</sup>Panopũ ñañe dihitaro yerina ijina, quehnoañe pehere yera tiri mũsa. <sup>21</sup>¿Ti pjePURE ñañe dihitaro yena yabere wapataro mũsa? Ti mũsa ñañe yerire wacũna yojoPURE bue tiaga mũsa. Ti ñañene mũsa yeri buhiri pecapu wahaboaya mũsa. Sa yena ñañene yena ne wapataerare mũsa. <sup>22</sup>YojoPURE pehere mũsa ñañe yerire duhuna Cohãcjũ cahacjãna wahari mũsa. Sa yena Cohãcjũ cahmeñe dihitaro yena ijinata. Sa yena ijipihtiye decori Cohãcjũ mehna ijinata. <sup>23</sup>Ñañene mari yeri buhiri pecapu wahanaja ijiaja ijipihtina mari. Mari sa ijiepegũta mari puhtoro Jesucristore mari wacũ tutuagũ ihñano, ijipihtiye decori tiquiro mehna marine ijiducugũ yerota. Mari sa ijiducuatire sa oho cãnota.

<sup>1</sup> Yuhũ acaye, Cohãcǵũ Moiserere tiqũiro dutirire quehnoano masine m̄sa. Mas̄no tiqũiro catinigũ ti dutiyere yũhdũdũca dutierare. Tiqũiro yariari bato pũritare ti dutiyere yero basioerare. Ti gũhũre masine m̄sa. <sup>2</sup> Ohũ saha ijire: Numinore ticoro man̄no mehna dihita iji dutire Cohãcǵũ Moiserere tiqũiro dutiri pehe. Tiqũiro sa dutiepegãta ticoro man̄no yariari bato ticoro pehe apequirore man̄ ti masine. Ticoro ti dutiro mehna iji nemoedare. Ohũ saha ni yahure ti dutiye. <sup>3</sup> Sa yero ticoro man̄no tiqũiro catiepegãta ticoro apequirore man̄ tiro, ñano yero nine ticoro. Sa ijieperota ticoro man̄no yariari batopũ apequirore man̄ tiro, Cohãcǵũ dutiyere yũhdũdũcaerare ticoro sa yerico. Sa yero ñano yerico ijierare ticoro.

<sup>4</sup> M̄sa gũhũ yuhũ acaye Jesu yequina wahana, dutiyere m̄sa yeri wapa tiqũiro yequina wahaerare m̄sa. Sa yena yariariquina m̄na dutiye mehna tiquina ijieraro saha m̄sa gũhũ ti dutiye mehna ijierare. M̄sa Cristo ya curua cǵãna ijire. Sa yena yojopũre tiqũiro yequina ijire m̄sa. Tiqũiro pehe yariari bato masa mujari jiri Cohãcǵũ cahmeno saha mari yeaire. <sup>5</sup> Panopũ ñañene mari esa tuharo yee timi. Sa yena Cohãcǵũ Moiserere tiqũiro dutirire mari masidi bato ti dutiyere yũhdũdũca duami. Ti dutiye mariedagũ yũhdũdũca dueraboya. Sa yena ti dutiyere mari masidi bato ñañene tutuaro yemi mari. Sa mari ñañene yena mari pecapũ wahaborinata ijie timi. <sup>6</sup> Sa wahaborina ijiepenata Cristo yequina ijina yojopũre ti dutiye mehna ijieraja mari. Sa yero Espĩritu Santo mari mehna ijiriquiro marine quehnoañe pehere comesagũ yere. Tiqũiro sa yegũ panopũ cǵẽ dutiye tiqũiro ojoari ti mehna ijieraja mari yojopũre.

### *Tiqũiro ñañe yerire yahuahye Pablo*

<sup>7</sup> ¿Sa yena Cohãcǵũ Moiserere tiqũiro dutirire dũhse niboagari mari? ¿Ti dutiye ñañe ijiagari, m̄sa tũhotugũ? Ijierare. Ti dutiye mehna ñañene masii. Sa yegũ ti dutiye mariedagũ ñañene masiedaboya yuhũ. Ti dutiye ohũ saha ijire. “Apequina yepũre tutuaro cahmedacãhã”, ñiahye ti dutiye. Sa niedagũ apequina yepũre tutuaro cahmeñe ti ñañe ijigũ masiedaboya yuhũ. <sup>8</sup> Sa yegũ ti dutiyere yuhũ masidi bato apequina yepũre tutuaro cahmee timi yuhũ. Ti dutiyere masiedagũ apequina yepũre tutuaro yuhũ cahmeñe ti ñañe ijigũ masiedaboya yuhũ. <sup>9</sup> Ti dutiyere yuhũ quehnoano masiato pano sa tũhotu cũhũ. Sa yegũ ti dutiyere yuhũ masidi bato tutuaro ñañene ye duami. Sa yegũ pecapũ yuhũ wahatire masie tii. <sup>10</sup> Sa ye Cohãcǵũ dutiyere yũhdũdũcaeraye, masa tiqũiro mehna quehnoano ijiducuboya. Sa ye ti dutiye pehe quehnoano ijiducugũ yebori dutiye ijire. Sa ijieperota yuhũ yũhdũdũcari buhiri yuhũre pecapũ waha dutimedi. <sup>11</sup> Sa yegũ ñañene yegũ Cohãcǵũ Moiserere tiqũiro dutiyere yũhdũdũca duami. Ñañene tutuaro cahmegũ yuhũ ijigũ quehnoañene masiedũ. Ti ñañe pehe yuhũre dojomehnedi. Sa yegũ quehnoano masiedũ. Sa masiedagũ Cohãcǵũ dutiyere yũhdũdũcaũ. Sa yegũ ti dutiyere yuhũ masidi bato yuhũ ñañe buhirire pecapũ yuhũ wahaboriroro masii. Ti dutiye mehna sa masii.

<sup>12</sup> Sa ye Moiserere tiqũiro cũri dutiye quehnoañe ijire. Sa ye queoro ijirota nine ti dutiye. <sup>13</sup> ¿Sa ijieperota marine ti quehnoañe dutiye pehe pecapũ wahagũ yeajari? Ijierare. Topũ wahagũ yerare. Mari ñañe yeye pehe marine pecapũ wahagũ yere. Ti dutiyere mari masidi bato ti dutiyere yũhdũdũcana, ñañene yena mari ijiyere masiaja mari. Sa yena mari ñana mari ijiyere masina, mari pecapũ wahati gũhũre masiaja mari. Sa yena ti dutiyere masina mari yũhdũdũcarire ti ña yũhdũaye ijigũ masiaja mari.

<sup>14</sup> Moiserere tiqũiro dutiri Cohãcǵũ pehe tiqũiro cũri ti ijigũ masiaja mari. Yuhũ pehe apequina yero saha ñagũ ijaia. Sa yegũ ñañene yeducugũ ijaia.



15 Sa yeducugũ ijiepeguta yũhũ yerire ne masiedũ yũhũ. Yũhũ cahmeno saha yeraja yũhũ. Sa yegũ yũhũ tutuaro ye dueramedireta yeaga yũhũ. Sa yegũ yũhũ yerire ne masiedaga yũhũ. 16 Sa yegũ ñañene ye duerapeguta ñañene yeaja yũhũ. Tire yegũ Cohãcǵũ dutiye quehnoañe ijigũ masiaja yũhũ. 17 Sa yegũ yũhũ waro ti ñañene yojopare yeraja. Yũhũ tũhotuyepũ ijije ñañe ti pehe yũhare ñañene yegũ yere. 18 Quehnoañene tutuaro ye duepeguta ne cũedaga. Ñañe pehe yũhare dojomehne majare. Ahri yehpa cǵũ yũhũ ijigũ yũhũ tũhotuyepũ ñañe dihita ijire. Ne quehnoañe mariedabutiare. 19 Quehnoañe yũhũ ye duaye pehere ne yeraja yũhũ. Yũhũ ñañene yũhũ ye dueye pehere yeaja. 20 Sa yegũ yũhũ ye dueyere yegũ yojopare yũhũ waro tire yeraja. Yũhũ tũhotuyepũ ijije ñañe ti pehe yũhare ñañene yegũ yere.

21 Sa yero yũhare ohõ saha wahare: Quehnoañene yũhũ ye duepeguta yũhũ tũhotuyepũ ñañe ijire. Sa yegũ quehnoañe pehere yeraja. 22 Cohãcǵũ Moiserẽ tiqũiro dutirire yũhũ tũhotuye mehna tutuaro cahmeaja. 23 Sa yegũ yũhũ ahrire masiaja: Yũhũ tũhotuye mehna quehnoañene ye duaja. Sa ye duepeguta yũhũ basi ñañene tutuaro ye duaja. Sa yegũ yũhũ esa tuharo ñañene duhu masiedaga yũhũ.

24 Sa ñañene duhu masiedagũ pejecũogũ ijiaja yũhũ. Ñañene yegũ pecapũ wahaguta yũhũ. Yohnah. ¿Yũhũ ñañene yũhare pecapũ waha dutiye ñañene noa yũhare cohã basaboagari? 25 Jesucristore yũhũ wacũ tutuagũ tiqũirota yũhũ ñañene cohãnota. Tiquiro sa yegũ Cohãcǵũre “Quehnoare”, niaja yũhũ. Sa yegũ yojopare yũhũ basi yũhũ tũhotuye mehna Cohãcǵũ dutiyere yeaja. Sa yegũ ijiepeguta yũhũ esa tuharo ijigũ ñañe pehe yũhare ñañene yegũ yere.

## 8

### *Espíritu Santore cũoyequina tiquina ijije tiyere yahuahye Pablo*

1 Yojopare Jesucristo yequinare tiquina buhiri tiato mariedare. [Tiquina ñañe tutuaro cahmeñene yerare. Sa ye Espiritu Santo tiqũiro dutiro saha yeducure tiquina.] 2 Sa yero Jesucristo yaqũiro yũhũ ijigũ Espiritu Santo ñañene duhugũ yere yũhare. Sa yero Espiritu Santo ijipihtiye decori Cohãcǵũ mehna ijigũ yere yũhare. Ñañene yũhare duhugũ yero yũhare pecapũ wahaborigũre yũhdũore tiqũiro. 3 Cohãcǵũ Moiserẽ tiqũiro dutirire mari esa tuharo ne ye pehosi. Sa ye pehoerana yũhdũucana ijiaja mari. Sa yena mari ijigũ Cohãcǵũ marine yũhdũoeranidi. Mari sa ijina ijiepeguta ohõ saha Cohãcǵũ marine yũhdũorota. Tiquiro mari ñañe buhirire yariatiquirore, ti ñañene cohãtiqũirore tiqũiro macũnore ohoahye. Sa yero tiqũiro macũno mari yero sahata pagũ tiahye. Sa yero mari tũhotuyepũ ijije ñañene tiqũiro cohãri. 4 Marine sata yeri Cohãcǵũ dutiyere tiqũiro tutuaye mehna mari ye pehoatire. Ti dutiyere ye pehona ijina mari esa tuharo ijieraja. Sa ijina Espiritu Santo yedohoye mehna tiqũiro dutiro sahata yeaja mari.

5 Ñañene ye duayequina, ti dihitarẽ tutuaro cahmene. Espiritu Santo dutiro sahata yeducuyequina pehe ti dihitarẽ ye duare tiquina. 6 Ñañene ye duayequina ti dihitarẽ tutuaro cahmeñe, pecapũ wahaeta. Espiritu Santo cahmeno sahata tutuaro ye duayequina pehe ijipihtiye decori Cohãcǵũ mehna ijieti. Sa ye tiquina quehnoano iji cãeta. 7 Tiquina esa tuharo yeyequina Cohãcǵũre ihña tuhtire. Tiquina Cohãcǵũ dutiyere ne yũhtierare. Tiquiro dutiyere yũhti duerare. Yũhti masiedare tiquina. 8 Sa ye tiquina esa tuharo yeyequina Cohãcǵũre bucuegũ ye masiedare.



<sup>9</sup> MUSA pehe MUSA esa tuharo yerare. Espiritu Santo MUSA mehna ijigū tiqiro cahmeno sahata yere MUSA. Sa ye Espiritu Santore cūoyequina pehe Cristo yequina ijierare. <sup>10</sup> MUSA pehe tiqiro yequina ijire. MUSA ñaŋe buhirita MUSA paguri yariare. Sa MUSA paguri yarianaja ijiepenata Cristo MUSA mehna tiqiro ijigū tiqiro mehna sa ijiducunata MUSA. Cohācǵū MUSAre “Quehnoana ijire”, tiqiro ni ihñagū MUSA tiqiro mehna sa ijiducunata. <sup>11</sup> Cohācǵūta Jesure masori jiri. Sa masoriquiro ijiro Espiritu Santo mari mehna tiqiro ijiducugū mari yariari bato Cohācǵū mari gūhure masonota. Sa masono mari pagurire yariati pagurire catigū yerota marine.

<sup>12</sup> Yuhū acaye, tiqiro sa yegū ihñana ñaŋe mari tutuaro cahmedire yeracāhna. <sup>13</sup> Mari ñaŋene yerina ijina, pecapū wahaborina iji cānata niaja. Espiritu Santo yedohoye mehna ñaŋe yeyere duhurina ijina, ijipihtiyē decori Cohācǵū mehna ijinata.

<sup>14</sup> Ijipihtiyequina Espiritu Santore yah̄tiyequina Cohācǵū pohne ijire. <sup>15</sup> Espiritu Santo mari mehna tiqiro iji dūcagūta Cohācǵū pohna iji dūcaū. Sa yena tutuaro mehna tiqiro dutinohrina ijieraja mari. Sa yena panopū mari cueriro saha yojopū pehere mari cueraja. Tiquiro pohna ijina, Espiritu Santo yedohoye mehna yojopūre “Yuhū Pacū”, niaja mari Cohācǵūre. <sup>16</sup> Sa yero Espiritu Santo mari wacūñepū marine ohō saha masigū yere: Potota Cohācǵū pohna ijiaja mari. Tire marine masigū yere tiqiro. <sup>17</sup> Sa yena tiqiro pohna ijina, Cohācǵū ijipihtiyere tiqiro pohnene tiqiro “Ohoutja”, tiqiro nidire mari pehe cūonata. Jesucristo mehna mari cūonata tire. Cristo yere mari yeri buhiri ñano yuhdūrina ijina mari tiqiro mehna ūhmūsepū quehnoano bucueye mehna iji cānata. Sa yena Cohācǵū tiqiro pohnene “Ohoutja”, tiqiro nidire cūonata mari.

<sup>18</sup> Yojopūre ahri yehpapū ñano yuhdūriaja mari. Camepūre mari ūhmūsepū quehnoano iji cānata. Sa yena yojopūre ñano yuhdūna, pajiro bujūa witi wacū tuhotuercāhna. Ahri mari ñano yuhdūri sa iji cāno nine. Came quehnoano iji cānata Cohācǵū mehna. Sa yena tutuaro bucuenata. Ahri pūrita ihyo waro ijierare. <sup>19</sup> Cohācǵū pohna ijina Cohācǵū mehna quehnoano ijinata. Mari sa wahatire cohteduro saha yero nine Cohācǵū bajumehnedi. <sup>20</sup> Ijipih̄tiropūre tiqiro bajumehnedi quehnoano ijiborire dojomehneahye masūno ñano ye dūcaro. Ti esa tuharo sa wahaerahye. Ñaŋe iji dūcari bato tiqiro bajumehnedi sa wahahye. Sa yero Cohācǵū tiqiro bajumehnedire sata ñano iji dutiniahye. Came tiqiro bajumehnedire quehnoañe wahagū yerota tiqiro. <sup>21</sup> Sa yero Cohācǵū tiqiro bajumehnedire ahba pihtiborire quehnoañe wahagū yerota tja. Cohācǵū pohnene quehnoañequina tiqiro wahagū yeriro sahata, tiqinare quehnoano tiqiro yuhdūoriro sahata quehnoañe wahagū yerota Cohācǵū tiqiro bajumehnedire. <sup>22</sup> Ijipihtiyē Cohācǵū tiqiro bajumehnedi ñano ti iji dūcari bato ñano yuhdūe tiahye. Numino niji wahcōno ticoro ñano yuhdūro sahata tiqiro bajumehnedi gūhū decoripe ñano yuhdūducure. Tire mari masiaja. <sup>23</sup> Mari pehe Espiritu Santore cūona ijiaja. Tiquiro yequina mari wahagū Cohācǵū tiqiro yaqiro Espiritu Santore duita ohori marine. Tiquiro bajumehnedi yero sahata mari gūhū ñano yuhdūaja. Sa yena quehnoañe pehere tiqiro comesatire tutuaro cohteaja. Sa yena tiqiro pohna mari tiqiro mehna mari quehnoano ijiato gūhūre tutuaro cohteaja mari. Wahma pagūre marine tiqiro ohoati gūhūre cohteaja. <sup>24</sup> Mari sa cohtena ijigū, tiqirota marine pecapū wahaborinare yuhdūore. Tiquiro cahapū ijinina ijina tiqiro cahapūre mari wahatire cohteraboya mari. Marine tiqiro yuhdūo tuhasari bato ijigū tire cohte

nemoedaboya. <sup>25</sup> Sa yena tiquiuro ohoatire ihñedapenata Cohācjū marine tiquiuro yuhduoatire cohtena, sa cohteducuaja.

<sup>26</sup> Sa yena Cohācjūre wacū tutuera cjūna tiquiuro cahmeñene quehnoano masiena mari ijigū Espiritu Santo marine yedohore. Cohācjūre mari quehnoano sini masiedaja. Espiritu Santo pehe marine Cohācjūre tutuaro sini basare. Marine tutuaro paja ihñano marine tiquiuro Cohācjūre tutuaro sini basare. <sup>27</sup> Cohācjū cahmeno sahata marine Jesu yequinare sini basare Espiritu Santo. Tiquiuro sa sini basagū Cohācjū mari tuhutuyere masi pehoriquiuro ijiro, Espiritu Santo tiquiuro sini basarire masine.

*Cristo tiquiuro tutuaye mehna ñañe yeyere yuhduñdcanata mari*

<sup>28</sup> Ahrire yuhū yahuatire masiaja mari: Ijipihtina Jesure cahña mari ijigū tiquiuro cahmeñene yeanañare beseahye marine. Sa ijina mari ijigū ihñano Cohācjū sa ihña ihboducure marine. Sa yena mari ñano yuhduepenata ñano yuhdueducu dojoeraja. Cohācjū tiquiuro yedohoro mehna quehnoano ijinata mari. <sup>29</sup> Cohācjū marine tiquiuro yequinare duitapata masi tuhasahye. Sa masino tiquiuro macño Jesu tiquiuro ijiro sahata marine iji dutiro, marine quehnoañe pehere camesa duti tuhasahye. Tiquiuro macño yero saha marine iji dutiahye tiquiuro peyequina masa tiquiuro macñore mari wahmi tiatire. <sup>30</sup> Panopū tiquiuro yequina tiquiuro iji dutirina mari ijigū, tiquiuro pohna mari ijiatina gūhure beseahye marine. Sa yero marine tiquiuro beserinare tiquiuro “Quehnoañequina ijire”, ni ihñare. Marine tiquiuro sa nihrinare tiquiuro mehna ahmūsepū quehnoano ijigū yerota marine Cohācjū.

<sup>31</sup> Tire masina ohō saha tuhutuaja mari: Cohācjū marine tiquiuro cahñonare ne apequina ihña tuhtiye cūedare. <sup>32</sup> Cohācjū mari ye buhirire yariatiquiurore tiquiuro macñore ohoahye. “Yuhū macñare cahñaja. Sa yegū tiquiurore ohoeraja”, niedahye tiquiuro. Marine sa tutuaro yedohoriquiuro ijiro, ijipihtiye mari cahmeñe dūhsarire marine oho pehorota. <sup>33</sup> Cohācjū beserina mari ijigū, tiquiuro marine “Quehnoana ijire”, ni ihñari. Mari sa ijina ijigū apequina marine “Ñana ijire”, ne ni yahusā masiedare. <sup>34</sup> Cristo mari ye buhirire yaria masa wijiahye. Sa yero Cohācjū poto pehepū yojoopure tiquiuro ijire dutiriquiuro ijiro. Sa yero tiquiuro marine potota sini basaro nine Cohācjūre. Sa ye apequina pehe marine ne buhiri dahre duti masiedare. <sup>35</sup> Cristo marine tiquiuro tutuaro cahīgū apequina tiquiurore “Cahñedacāhña”, ne ni masiedare. Cahñi duhusi tiquiuro. Mari ñano yuhdupegūta, mari cuepegūta, apequina marine tiquina ñano yepegūta, mari ujna ahbaepēgūta, suhti mariena mari ijiepegūta, cuaropū mari ijiepegūta, marine tiquina wejēpegūta Cristo marine sa cahñiducurota. <sup>36</sup> Cohācjū yere tiquina ojoari pūpū mari sa wahatire yahuro, ohō saha nine:

Mūhū yequina usā ijiri buhiri apequina usāre sa wejē duaducure. Oveja tiquina wejēatiquina tiquina ijiriro saha usā gūhure sa wahare, ni ojoahye Cohācjū yere tiquina ojoari pūpū.

<sup>37</sup> Sa yena mari ñano yuhduepenata Cristo marine cahñiquiuro tiquiuro yedohoro mehna tutuaro mehna ñañene duhu pehonata mari. <sup>38-39</sup> Jesucristo yequina mari ijigū ihñano Cohācjū pehe marine tutuaro cahñe. Sa yero tiquiuro marine ne cahñi duhusi. Mari yariagū gūhure, mari catigū gūhure, yojoopure, camerū gūhure, tiquiuro marine cahñi duhusi. Sa ye angele, watia pūhota, ahri yehpa cjēna pūhota, ahmūse cjēna, ñañequina bajueyequina gūhū Cohācjūre “Mūhū yequinare cahñedacāhña”, tiquina niepegūta marine ne cahñi duhusi Cohācjū. Cohācjū tiquiuro bajumehnedi mehna marine ne cahñi duhugū yeye mariedare. Marine ne tiquiuro cahñi duhusi.

## 9

*Israe masa Cohācjū beseriquina ijire*

<sup>1-2</sup> Yuhū acaye Israe masare wacūgū, tutuaro bujūa witiaja yuhū. Cristore cahmedare tiquina. Sa yegū ñano bujūa witi jeripohna tiaja yuhū. Ti yuhū sa ni yahuye ijirota ijire. Yuhū Cristo yaquirola ijaia. Sa yegū masare potota niaja. Sa yegū Espiritu Santo yuhū mehna tiquiro ijigū yojopure yuhū acayere yuhū ni yahuye ti potota ijigū quehnoano masiaja yuhū. Tiquiro tire yuhūre quehnoano masigū yere. <sup>3</sup> Israe masa yuhū acaye ya maca cjeña pecarū wahaeta. Cohācjūre tiquinare yuhūo dutigū ohō saha niboā yuhū pehe: “Tiquina ye buhirire yuhū pehe pecarū wahaeta. Sa yero tiquina ye buhirire yuhū pehere buhiri dahreahro Cristo”, niboā yuhū. <sup>4</sup> Tiquina yuhū acaye Israe mūnāno panamena iji turiayequina ijire. Sa yero Cohācjū pohne ijiatiquinare cūahye Cohācjū tiquinare. Sa yero Cohācjū tiquiro asī siteye mehna tiquina watoa ije tiahye. Sa yero tiquina ijipihtieyeginare tiquiro masare tiquiro yuhūoatire yahue tiahye tiquinare. Sa yero Moiserē tiquiro dutirire duita cū mūhtahye Israe masare. Sa ye Cohācjūre ño peoati wuhūre ye mūhtae tiahye tiquina. Sa yero tiquinare tiquiro quehnoano yeatire yahue tiahye Cohācjū. <sup>5</sup> Usā ye cururi waro doce cururi waro ijire. Sa yena usā ñecusūmūa iji mūhtariquina mūnarū tiquina panamena iji turianarū ijaia usā Israe masa. Sa yero mari yero saha pagū tiriquiro ahtaro, usā acayuro Israe masūno waro ijire Cristo. Tiquiro Cohācjūta ijire. Sa yero tiquiro ijipihtieyequina pūhtoro ijire. Ijipihtieyē decori tiquirore quehnoano ño peouhna mari. Sa ño peoducuuhna.

<sup>6</sup> Apequina Israe mūnāno panamena iji turiayequina ijiepetā Cohācjū yequina waro ijierare. Sa yena tiquina tiquiro yequina ijieragū ihñāna ohō saha ni tūhotuboa mūsa: “Israe masare yeequina ijigū yeitja’, nieperota ihquēyeginare Cohācjū tiquiro nidiro sahata yerare”, ni tūhotuboa mūsa. Sa ni tūhotueracāhñā. <sup>7</sup> Ohō saha ijire: Apequina Israe masa Abrahā panamena iji turiayequina tiquina ijiepegāta “Abrahā panamena iji turiayequina waro ijire”, ni ihñedare Cohācjū tiquinare. Sa yero ohō saha niahye Cohācjū: “Mūhū macū Isaac panamena iji turiayequina tiquina pūrita potota mūhū panamena iji turiayequina waro ijietā”, niahye Cohācjū Abrahāre. <sup>8</sup> Tiquiro sa ni yahugū ahrire masinata mari: Abrahā panamena tiquina masa bajuari bato duita Cohācjū pohne wahariedaga tiquina. Cohācjū tiquiro ni cūrire quehnoano tūhoyequina tiquirore wacū tūtuayequina pehe tiquinata ijaaga Cohācjū pohne. Sa ye tiquinata ijire Abrahā panamena iji turiayequina waro. <sup>9</sup> Ohō saha niahye Cohācjū Abrahāre: “Ape cahma ahri pje borota yuhū majare tojoa tagū mūhū namono Sara nijinogāre cūorota mūhū macūre”, niahye Cohācjū Abrahāre. Sa nino Cohācjū Abrahā macūno tiquiro masa bajuatire yahuyuro niahye.

<sup>10</sup> Came Isaac namono Rebeca wame tiricoro duita pūaro pohna tiahye. Tiquina pacūro Isaac usā ñecu mūnāno iji turiariquiro ijiahye. <sup>11-12</sup> Sa ye tiquina pohne tiquina masa bajuato pano quehnoañene, ñañe gūhūre tiquina yeato pano Cohācjū tiquina pacoro ijaticorore ohō saha nie tiahye: “Tiquiro bahāro pehe tiquiro wahminore dutirota. Sa yero tiquiro pūhtoro ijirota”, nie tiahye ticorore. Cohācjū tiquiro cahmeno sahata besere tiquiro. Sa beseriquiro ijiro ihcāquiogāre besero ticorore sata ni yahue tiahye. Sa yero masa tiquina yeyere ihñedaperota tiquiro cahmeno sahata tiquiro yequina ijiatiquinare besere. <sup>13</sup> Sata ni ojoahye tiquiro yere tiquina ojoari pūpū: “

'Jacob pehere cahñe tii. Sa yegu Esau pehere cahñeda tii', niahye Cohãcjũ", ni ojoahye panopũ.

14 ¿Tire wacũna dahse ni tuhotoaboari mari? ¿Tiquina yeyere ihñedaperota ihcãquirore sa besero Cohãcjũ queoro yeraboari, masa tuhotugũ? Ijierare. 15 Ohõ saha nie tiahye Cohãcjũ Moiserere: "Yũhũ cahmediquiro dihitarẽ paja ihñautja", niahye tiquiro Moiserere. Sa yero ihcãquirore sa besero potota yero niahye Cohãcjũ. 16 Sa yena mari esa tuharo mari cahmeno saha Cohãcjũre marine paja ihñagũ yeraja mari. Sa yero ne mari quehnoañene mari yeri wapa gũhare marine paja ihñedare tiquiro. Tiquiro esa tuharo tiquiro cahmeñequina pehere paja ihñare. 17 Sa yero sata tiquiro esa tuharo yeahye Egipto cjẽna puhtoro gũhare. Ohõ saha niahye Cohãcjũ tiquirore faraõre: "Egipto cjẽna puhto ijicjũre cũgũ nii mũhare yũhũ tutuayere ijipihtiyequinare yũhũ ihñõatire. Sa yegu ijipihtiyẽ yehpari cjẽna yũhare tiquina masiatire puhto sũu nii yũhũ mũhare", niahye Cohãcjũ tiquirore. Ohõ sahata nine Cohãcjũ yere tiquina ojoari pũpũ. 18 Sa yero tiquiro cahmeñequinare tiquiro esa tuharo paja ihñare tiquiro. Sa yero tiquiro esa tuharo apequnare yũhtieragũ yere tiquiro. Sa yero Cohãcjũ tiquiro cahmediro sahata yere.

19 Tiquiro sa yeriquiro ijigũ ihñana yũhũ pehere ohõ saha niõoaga masa: "Cohãcjũ marine tiquiro cahmediro sahata tiquiro yegũ mari pehe tiquirore yũhdũdũca masisi. ¿Mari sa yũhdũdũca masiedapegũta dahse ijiro boro marine buhiri dahre duajari tiquiro?" ni pihopũri sinituboaga masa yũhare. 20 Ohõ saha ni yũhtiaja mãsare: "¿Masa ihyo ijina ijiepenata Cohãcjũre tuhtiajari masa? Dhi sutu dahreriquirore ¿Dũhsegu yũhare ohõ saha ijiri sutu yeri mũhũ?" ti sutu ni sinituboriro saha nina niaga masa Cohãcjũre. Sa ni masiedare masa. 21 Dhi sutu dahreriquiro dhi mehna tiquiro cahmeno sahata yere. Sa yero quehnoañene pose yeati suture ye masine tiquiro. Tia dhi yũbũ mehnata ihyo ijiyere pose yeati sutu gũhare ye masine tiquiro. Tiquiro yero saha Cohãcjũ gũhũ tiquiro ye duaro sahata yere.

22 Sa yero Cohãcjũ pecapũ tiquiro cohãtiquinare tiquina ñañe yerire tiquiro ihña usuaro tiquinare buhiri dahre duamahye. Sa buhiri dahre dueperota, yoari pje tiquina ñañe yeyere sa ihña cãriahye, ijipihtiyequinare tiquiro buhiri dahreatire, tiquiro tutuayere ihñono taro. 23 Sata yeahye Cohãcjũ tiquiro quehnoa butiariquiro tiquiro ijiyere, tiquiro tutuaye gũhare mari masiatire. Panopũ marine tiquiro paja ihñanohanajare tiquiro beseahye, ijipihtiyẽ tiquiro tutuayere tiquiro quehnoañene mari cõoatire. 24 Sa yena mari pehe tiquiro beserina ijinata njaja. Sa ye tiquiro beseriquina pehe ihquẽquina judio masa dihita ijierare. Ihquẽquina judio masa ijieyequina gũhũ ijire tiquiro beseriquina. 25 Sata nine judio masa ijieyequinare Cohãcjũ yere Osea mũnano tiquiro ojoariro sahata:

Yeequina ijieyequina gũhare camerũ tiquinare "Yeequina ijire", niitja. Sa yegu yũhũ cahñeñequina gũhare camerũ tiquinare "Yũhũ cahñina ijire masa", niitja, niahye Cohãcjũ. 26 "Yeequina ijierare masa", Cohãcjũ tiquiro nimeri yehpari cjẽna tiquina Cohãcjũ catiriquiro pohmeta ijjeta, ni ojoahye Osea panopũre.

27 Sa yero panopũ cjũno Isaiã mũnano Israe masare ohõ saha ni yahuahye: "Pajiri ma cjẽ padũ pjerigãre mari queona cũedaja. Israe masa ti padũ pjerigã yero saha ijieyequina peyequina ijiepegũta meheñequinagã Cohãcjũ yũhdũorota tiquinare. 28 Cohãcjũ ahri yehpa cjẽnare peyequina masare sojaro mehna potota buhiri dahre madoqueorota", niahye Isaiã. 29 Sa yero pari turita ohõ saha ni ojoahye Isaiã:

Mari p̄htoro ijipih̄tiyequina p̄htoro meheñ̄equinagã mari mehna cj̄enare ȳhd̄uoeraro, marine judio masare ijipih̄tinare butigũ yeboya tiq̄uiro. Sodoma cj̄enare, Gomorra cj̄ena gũh̄ure tiq̄uiro butigũ yeriro sahata mari gũh̄ure butigũ yeboya tiq̄uiro, ni ojoahye Isaia ȳh̄u acaye Israe masare tiq̄uiro yeato panop̄u.

### *Judio masa quehnoañe buheyere cahmedahye*

<sup>30</sup> Sa tjire. Sa yena ahrire masi nemoña m̄asa: Judio masa ijieyequina Cohãcj̄ure macaedapeta tiq̄uirore bocare. Jesucristore tiquina wacũ tu-tagũ, “Quehnoañequina ijire”, ni ih̄ñari tiquinare Cohãcj̄ũ. <sup>31</sup> “Cohãcj̄ũ dutiyere mari yegũ tiq̄uiro marine ȳhd̄uorota”, niñe judio masa pehe Cohãcj̄ũ Moiserere tiq̄uiro dutiyere yepeta, cũedari. Sa yero ti dutiyere tiquina yepegũta Cohãcj̄ũ “Quehnoañequina ijire”, ni ih̄ñedari. Sa ye quehnoañequina iji duepeta cũedari. <sup>32</sup> Ohõ saha ye, tiquina cũedari: Tiquina Cohãcj̄ure wacũ tutuaro marieno tiquina esa tuharo Moiserere tiq̄uiro dutirire ye duamedi, tiq̄uiro yequina iji duaye. Mari queoye mehna buhegũ Cristo utã yero saha ijiriquiro ijire. Omaperiquiro utãp̄u doque wahã sa bora quehero, tiq̄uiro esaboririre ne eserare. (Tiq̄uiro yero saha tiquina Cristore utã yero saha ijiriquirore cahmeñ̄equina Cohãcj̄ũ cahap̄u ne esasi.) <sup>33</sup> Sata ni ojoahye Cohãcj̄ũ yere tiquina ojoari p̄p̄u:

Jerusalẽ wame tiri macap̄u utã yero saha ijiriquirore cũḡu niaja. Mari queoye mehna buhegũ ohõ saha ijire: Omaperiquiro utãp̄u doque wahã sa bora quehero tiq̄uiro esaboririre eserare. (Tiq̄uiro yero saha ti maca cj̄ena utã yero saha ijiriquirore tiquina cahmedari buhiri Cohãcj̄ũ cahap̄u ne esasi. Tiq̄uiro pehe tiquinare top̄ure waha dutisi.) Sa ye tiq̄uirore wacũ tutuayequina pehe quehnoano bucueeta, ni ojoahye.

## 10

<sup>1</sup> Ȳh̄u acaye, Israe masare pecap̄u wahaboriquinare Cohãcj̄ũ tiq̄uiro ȳhd̄uoatire, tutuaro ȳh̄u jeripohna mehna cahmesãja ȳh̄u. Sa yegũ Cohãcj̄ũ tiquinare tiq̄uiro ȳhd̄uoatire sini basaja ȳh̄u. <sup>2</sup> Potota tiquina Cohãcj̄ũ cahmeñene ye duamene. Sa ye duepeta tiq̄uiro cahmeñene masiedare. <sup>3</sup> Sa ye tiquinare Cohãcj̄ũ tiq̄uiro quehnoañequina wahagũ yeborire tiquina masiedare. Sa masiedaye tiquina esa tuharo quehnoañene yepeta, cũedari. Tiquina sa yegũ Cohãcj̄ũ tiq̄uiro wacũ tutua dutiriro sahata tiquina yeragũ ih̄ñano, tiq̄uiro pehe tiquinare “Quehnoañequina ijire”, ni ih̄ñedari. <sup>4</sup> Ijipih̄tiyequinare Cristore wacũ tutuayequinare “Quehnoañequina ijire”, ni ih̄ñare Cohãcj̄ũ. Sa yena dutiye yeye mehna ȳhd̄u witieraja mari. Cristo mehna ȳhd̄uaja.

<sup>5</sup> Moise m̄n̄ano panop̄u cj̄eno ohõ saha ni ojoahye: “Cohãcj̄ũ dutirire mari duhoro marieno ye pehogũ Cohãcj̄ũ ȳhd̄uorota marine”, ni ojoahye tiq̄uiro. <sup>6-7</sup> Tiq̄uiro sa ni ojoaep̄egũta vojop̄ure masa Cristore tiquina wacũ tu-tagũ Cohãcj̄ũ tiquinare “Quehnoañequina ijire”, ni ih̄ñare. Ti buheye quehnoañequina wahagũ yeri buheye ohõ saha ni yahure: Cristo tiq̄uiro basi ahri yehp̄ap̄u wihi tuhasari jiri. Sa yero masa m̄ña tuhasari jiri. Sa yena ohõ saha ni tuhoturacãhña m̄asa: “¿Diquiro pehe uhm̄asep̄u Cristore ne cãhta basaro wahaboagari marine tiq̄uiro ȳhd̄uoato saha? ¿Diquiro pehe yariariquina cahap̄u Cristore maso basaro ne cãhtaboagari? Tiq̄uirore ne cãhtaboriquiro mariedare”, ni tuhoturacãhña m̄asa. <sup>8</sup> Sa yero ohõ saha ni yahure Cohãcj̄ũ yere tiquina ojoari p̄p̄u: “Cohãcj̄ũ ye buheyere mari macagũ ti buheye ohõp̄u ijire. Ti buheyere masi tuhasare m̄asa. Sa yena ti buheyereta yahuducue tire m̄asa”, ni ojoahye. Ti buheyere Cristore wacũ

tutuaye buheyere masare yahuaja usā. <sup>9</sup> Ti buheye ohō saha ni yahure: “Jesu mari pūhtoro ijire”, ni mari yahugū, “Cohācjū Jesure yariariquirōre potota masori”, ni mari tūhotugū, Cohācjū marine pecarū wahaborinare yūhdūorota. <sup>10</sup> Jesure mari wacū tutuagū Cohācjū pehe marine “Quehnoana ijire”, ni ihñanota. Sa yero Jesure mari wacū tutuayere apeqinare mari yahugū tiqiro marine pecarū wahaborinare yūhdūorota.

<sup>11</sup> Ohō saha nine Cohācjū yere tiquina ojoari pūrū: “Cohācjūre wacū tutu-ayequina tiqirore tiquina wacū tutuarire ne bñja wītisi”, niahye Cohācjū yere tiquina ojoari pūrū. <sup>12</sup> Judio masare, judio masa ijieyequina gūhure Cohācjū ihcāno saha yedohore. Mari pūhtoro ijipihtiyequina pūhtoro tiqiro. Sa yero ijipihtiyequinare tiqirore siniñequinare quehnoano pajiro ohorota tiqiro. <sup>13</sup> Ohō saha ni ojoahye panopare: “Yūhū ñañene cohāña. Sa yegū yūhure yūhdūoya’, ni mari pūhtorore masa tiquina sinigū tiquinare pecarū wahaboriquinare mari pūhtoro yūhdūorota”, ni ojoahye Cohācjū yere. <sup>14</sup> Sa ye masa Cristore wacū tutuayere tiqirore sini masiedare tiquina. Sa ye tiqiro buheyere tūhoeraye, tiqirore wacū tutua masiedare. Sa ye tiqiro buheyere yahuriqiro mariedagū tire tiquina ne masisi. <sup>15</sup> Sa ye tiqiro ye buheyere yahuatiquinare Cohācjū pehe tiqiro ohoeragū tiqiro ye buheyere yahu masiedare. Tire ojoahye Cohācjū yere tiquina ojoari pūrū: “Quehnoañe buheyere yahuatiquina tiquina ahtagū ihñana quehnoano bu-cejaja mari”, ni ojoahye panopare.

<sup>16</sup> Ti sa ijiepegāta masa peyequina quehnoañe buheyere tūho duerare. Sata ni ojoahye Isaia mūnāno: “Pūhto, tiquinare mari yahurire tiquina ne tūho duerari”, ni yahuahye Isaia Cohācjūre. <sup>17</sup> Sa ye masa quehnoañe buheyere tūhoye Cristore wacū tutuari. Sa ye Cristo yequina tiqiro yere tiquina yahugū, tiqiro ye buheyere tūhore masa.

<sup>18</sup> Sa yegū ahrire sinitu duaja mūsare: ¿Israe masa Cohācjū yere tūhoera tiari, mūsa tūhotugū? Poto waro tiquina tūhomedī. Sata nine Cohācjū yere tiquina ojoari pū gūhū: Cohācjū yere yahueyēquina ijipihtiropū yahu siteye wahari. Sa ye ijipihtiro cñaparū tiqiro yere tūhori, ni ojoahye panopare.

<sup>19</sup> Pari turi mūsare sinitu duaja tja: ¿Israe masa tūhoepeta quehnoano masiedari tiquina, mūsa tūhotugū? Masie timahye. Ahrire yahu nemogu Moise nidire yahu mūhtaūtja. Ohō saha ni ojoahye tiqiro: Ohō saha ni yahure Cohācjū Israe masare: “Tūho masieñequina, ñañequina, ihyo ijieyēquina ijire”, ni mūsa ihñañequinare yeequina ijiatiquina yeitja. Yūhū sa yegū mūsa pehe tiquinare ihñā conata. Sa yegū mūsare usuagū yeitja yūhū, ni yahuri Cohācjū Israe masa ijieyequinare tiqiro yequina ijigū yero taro, ni ojoahye Moise.

<sup>20</sup> Ape pūrūre Isaia cuero marieno ohō saha niahye: Ohō saha nine Cohācjū: Yūhure macaedariquina pehe yūhure bocari. Sa yegū yūhure cahmeeñequinare tiquinare yūhure masigū yei yūhū, nidi Cohācjū, ni ojoahye Isaia judio masa ijieyequinare.

<sup>21</sup> Israe masa pehere ohō saha ni ojoahye Isaia: “Ohō saha nine Cohācjū: Tiquina yūhure yūhdūdcayequina, yūhure cahmeeñequina ijire. Sa yegū tiquinare tiquina ñañene bñja witi dutigu ‘Yeequina ijiya’, sa niducumi tiquinare”, nidi Cohācjū, ni ojoahye Isaia.



<sup>1</sup> ¿Sa yero Israe masare Cohãcǵũ tiquiuro beseriquinare yojopũre cohãyari tiquiuro, m̄sa tãhotugũ? Ijierare. Tiquinare cohãedari tiquiuro. Yũhũ gãhũ Israe masũ, Abrahã panami iji turiagapũ ijiaja. Sa yegũ Benjami ya curua cǵũ ijiaja yũhũ. <sup>2</sup> Panopũ Israe masare Cohãcǵũ besee tiahye. Tiquiuro sa beseriquinare cohãedari. Cohãcǵũ yere tiquina ojoari pũpũ Elia m̄nano tiquiuro yerire yahure. ¿Ti pũpũ Israe masare Elia Cohãcǵũre tiquiuro yahusãire masiedajari m̄sa? Ohõ saha ni yahusãhye tiquiuro: <sup>3</sup> “Pũhto Cohãcǵũ, tiquina Israe masa m̄hũ yere yahu m̄htariquinare wejedi. Sa ye tiquina m̄hũre wacũ usã ño peoye altarire cohãri. Sa yegũ yũhũ dihita m̄hũ yaquiuro dũhsaja yojopũre. Yũhũ sa ijigũ tahoye yũhũ gãhũre wejẽ duare tja, yojopũre”, niahye Elia Cohãcǵũre. <sup>4</sup> Tiquiuro sa nigũ tãhoro Cohãcǵũ pehe ohõ saha ni yãhtiahye Eliare: “Siete mil m̄mũ yeequina ijire yojopũre. Tiquinare ihbou yũhũ. Baal wame tiriquiuro queoyerẽ ne ño peoera tiri tiquina, yeequina”, niahye Cohãcǵũ Eliare panopũre cue dutieraro. <sup>5</sup> Ti pjere Elia tiquiuro ijiri pjere tiquiuro yequina masare beseriro sahata yojopũ gãhũre meheñequinagã Israe masare tiquiuro yequina ijiatiquinare beseri jiri Cohãcǵũ. Cohãcǵũ tiquinare paja ihñano beseri jiri. <sup>6</sup> Quehnoañene tiquina yeri wapa tiquinare beserari jiri. Tiquinare paja ihñano beseri jiri. “Quehnoañene m̄sa yeri wapa m̄sare besetja”, nino, tiquiuro tiquinare potota paja ihñano niedaboya.

<sup>7</sup> Sa ye ohõ saha ijire. Israe masa Cohãcǵũ tiquinare “Quehnoañequina ijire”, tiquiuro ni ihñagũ cahmepeta tiquina ihcãno sahaerari. Cohãcǵũ tiquiuro basi tiquiuro beseriquina pehe quehnoañequina tiquiuro yequina wahari jiri. Apequina pehe tiquiore ihcãno sahaeraye, tiquina pehe tiquiuro yere tuho duerari. <sup>8</sup> Sata niahye Cohãcǵũ yere tiquina ojoari pũpũ: “Cohãcǵũ tiquiore cahmeeñequinare tiquiuro yere tahoyequina ijigũ yeri. Sa yero potota ijiyere tiquina tãhoepẽgãta tiquinare quehnoano tãhogũ yerari Cohãcǵũ. Sata ijiducure tiquina yojopũ gãhũre”, ni ojoahye panopũre. <sup>9</sup> Sa yero ohõ saha niahye Davi panopũ cǵãno Cohãcǵũre:

Tiquina Israe masa tiquina bose decori tiquina bucueye decori yeye, ñano yere tiquina. Tiquina sa yegũ ihñagũ buhiri dahreya m̄hũ.

<sup>10</sup> Tiquinare quehnoano tãhoeragũ yeya m̄hũ. Sa ye sa buhiri tiducuequina ijiahro tiquina. Sa ye sa bujũna witiducuenta, niahye Davi Cohãcǵũre.

### *Judio masa ijieyequinare pecapũ wahaboriquinare yũhdũorota Cohãcǵũ*

<sup>11</sup> ¿Judio masare Cristore tiquina cahmedagũ ihñano Cohãcǵũ tiquinare cohãno, cohã bo cãno niboari, m̄sa tãhotugũ? Cohã bosì tiquinare. Sa cohãedaperota tiquina Cristore tiquina cahmedagũ yojopũre judio masa ijieyequina pehere Cohãcǵũ yũhdũorota. Yojopũre tiquinare tiquiuro yequina wahagũ yeri Cohãcǵũ. Tiquiuro sa yegũ ihñãne ihquẽquina judio masa pehe tiquinare ihña cooboa. <sup>12</sup> Judio masa tiquina yũhdũdcagũ tiquina quehnoano yeragũ apequina pehere ahri yehpa cǵẽnare ihquẽquinare Cohãcǵũ yũhdũori. Tiquiuro sa yũhdũogũ tiquina pehere quehnoano wahari. Tiquiuro sa yerigo yũhdũoro, came judio masa pehe Cristore tiquina quehnoano wacũ tutua dũcagũ pũritare ahri yehpa cǵẽnare quehnoa yũhdũaro waharota.

<sup>13</sup> Yojopũre m̄sare judio masa ijenare yahugũ tũn niaja. Cristo cũri yũhũre judio masa ijieyequinare buheacũre. Sa buhegu ihyo waro yei niedaja. <sup>14</sup> Sa niaja yũhũ acayere judio masare tiquina ihña coogũ ye duagu. Cohãcǵũ yũhdũorina m̄sa ijigũ ihñãne tiquina gãhũ Cristore cahme, tiquiuro yũhdũoriquina wahaboa. <sup>15</sup> Judio masare mehenogã cohãbo curero, judio masa ijieyequina pehere quehnoañe buheyere Cohãcǵũ yahu



dutiri. Ti buheyere tiquina tãhori bato Jesure tiquina wacũ tutuari bato ihquẽquina ahri yehpa cjenã Cohãcjũ yequina wahari. Sa ye judio masare mehenogã tiquiro cohãbo curegũ quehnoano wahari ahri yehpa cjenare. Tiquiro sa yeriro yãhdũoro judio masare tiquiro yequina ijiatiquina tiquiro yegũ pũrita quehnoa yãhdũaro waharota ahri yehpa cjenare. Tiquiro yequina tiquina wahagũ peyequina masa Jesure wacũ tutuayequinare pecarũ waha-boriquinare yãhdũorota. <sup>16</sup> Ohõ saha ijire: Mehenogã trigo yãbũ Cohãcjũre ño peo tiquina duhu peori yãbũ quehnoari yãbũ Cohãcjũ tiquiro yegũ, dũhsari yãbũ gũhũ quehnoari yãbũta ijire. Sa yero yucũgũ nãhcori quehnoagũ, tũ dũpũri gũhũ quehnoañe dũpũri ijire. (Ohõ saha mari ni queoye mehna buhegũ Abrahã usã ñecũ mũnãno quehnoariquiro tiquiro ijiriro sahata tiquiro panamena iji turiayequinapũ gũhũ quehnoañequina ijietã Cristore wacũ tutuayequina ijie.)

<sup>17</sup> Ihquẽquina sa ijiatiquina tiquina ijiepegũta apequina tiquina acaye pehere judio masare Cohãcjũ mehenõ cohãbo curerĩ. Olivo wame tidũ dũpũrire ihquẽ dũpũrire tiquiro date cohãboriro saha apequina judio masa pehere Cohãcjũ mehenõ cohãbo curerĩ. Sa yucũgũ dũpũrire cohãno tiquiro cohãri dũpũri ijiriro pũ apeye dũpũrire nũcũ cjenũ olivogũ dũpũrire camesa doho ohõri. Sata Cohãcjũ mũsare judio masa ijienare Abrahã panamena iji turianare camesari mũsare, mũsa gũhũre yãhdũoro taro. <sup>18</sup> Mũsare tiquiro sa cũgũ “Judio masa yãhdũoro quehnoana ijiaja usã”, ni tãhotueracãhña. Ahrire yãhũ yahuatire wacũña mũsa: Judio masa pehere bese mũhtahye Cohãcjũ. Sa besero tiquina acayũro ijiatiquirore cũahye Cristore, marine yãhdũoro taro. Sa yena “Judio masa yãhdũoro quehnoana ijiaja”, ni tãhotueracãhña mũsa.

<sup>19</sup> Mũsa judio masa ijiena pehe ohõ saha niboa: “Ihquẽ ñañe dũpũrire tiquiro cohãboriro saha Cohãcjũ judio masare cohãbo curerĩ ihquẽquinare. Sa cohãbo curerĩ tiquiro apeye dũpũrire camesa tiquiro doho ohõno saha tiquiro yequina marine cũno taro”, niboa mũsa judio masare yãhdũũca duana. <sup>20</sup> Ti mũsa niñe ijirota ijire. Sa ijiepegũta tiquina Jesure tiquina wacũ tutuerari buhiri Cohãcjũ cohãbo curerĩ tiquinare. Sa yero mũsa gũhũre Jesure mũsa wacũ tutueragũ tiquiro yequina ijianaja mũsare cũedaboaya. Sa yena “Judio masa yãhdũoro quehnoana ijiaja usã”, niedacãhña mũsa. Sa niedana Cohãcjũre quehnoano ño peoya. <sup>21</sup> Ehmũ tãñe dũpũri yero saha judio masa pehe Cohãcjũ yequina iji mũhtahye. Tiquiro camesari dũpũrire tiquiro doho ohõboriro saha camerũ Cohãcjũ tiquiro yequina mũsa pehere cũahye. Sa yero tiquiro yequina iji mũhtariquina judio masa tiquirore tiquina wacũ tutueragũ, tiquinare cohãbo curerĩ. Tiquinare tiquiro cohãriro saha mũsa gũhũre cohãnota, tiquirore mũsa wacũ tutueragũ. Sa yena Cohãcjũre quehnoano ño peoya mũsa. <sup>22</sup> Cohãcjũ mũsare quehnoano yeriquiro tiquiro ijigũ masiña mũsa. Sa yena cua pesaro mehna buhiri dahreriquiro tiquiro ijigũ gũhũre masiña mũsa. Tiquirore ño peoyequinare tiquiro buhiri dahrerota. Sa mũsa tiquirore ño peoducugũ pũrita mũsare quehnoano yerota tiquiro. Ño peoerana ñañe dũpũrire tiquiro cohãboriro saha mũsa gũhũre cohãnota Cohãcjũ. <sup>23</sup> Sa yero judio masa tiquiro cohãbo cureriquina Cristore tiquina wacũ tua dũcagũ, yucũgũ dũpũrire masa tiquina doho ohõno saha Cohãcjũ tiquiro yequina ijigũ yerota tiquinare. Cohãcjũ tiquiro sa yeati tutu-ayere cãori. Sa yero tiquiro tiquinare ihquẽquinare tiquiro yequina wahagũ yerota. <sup>24</sup> Mũsa judio masa ijiena ijina, nũcũ cjenũ olivogũ dũpũri yero saha ijire mũsa. Sa ijina mũsa ijiepegũ olivogũ otedũpũ nũcũ cje dũpũrire masa tiquina ohõno saha Cohãcjũ mũsare tiquiro yequina ijigũ yerota. Judio masa Cohãcjũ tiquiro bese mũhtariquina ijire. Sa yero tiquiro bese mũhtarina

musa ijierapegūta tiqiro yequina musare ijigū yeri tiqiro. Judio masare tiqiro bese mūhtariquina pehere tiqiro yequina ijigū ye duare. Tire tiqiro yegū musare yero yūhdūoro mijoeda cǵire.

*Case judio masare pecarū wahaboriqinare yūhdūorota Cohācjū*

<sup>25</sup> Yūhū acaye, ahrire masa tiquina masiedarire musare yahutja. “Yojoṗure usā dīhitare besere Cohācjū. Usā pehe masi peho cǵā”, musa ni tūhotuerato saha ahrire yahutja. Ohō saha ijire: Yojoṗure peyequina judio masa Cohācjūre tūho duasi. Sa ye peyequina judio masa ijieyequinare Cohācjū tiqiro queoriro puno tiqiro yequina tiqiro yeri bato judio masa pehe tiqirore cahmeeta. <sup>26</sup> Tiquina sa cahmegū ijipihtieyquina tiqirore cahmeñequinare judio masa pecarū wahaboriqinare Cohācjū yūhdūorota. Cohācjū yere tiquina ojoari pūṗu sata ni ojoahye:

Jerusalē wame tiri macarū judio masa ya macarū tiquinare yūhdūoatiqiro ahtarota. Sa yero Jacob panamena iji turiayequinare tiquina ñañe yerire tiqiro cohānota. <sup>27</sup> Sa yegū tiquinare yūhdūogū panorū tiquinare yūhū ni cūriro sahata yei niaja, nidi Cohācjū, ni ojoahye Cohācjū yere tiquina ojoari pūṗu.

<sup>28</sup> Yojoṗure tiquina judio masa Cristo yere ño peoyequina Cohācjūre ihñā tuhtire. Tiquina sa yegū yojoṗure musa pehe judio masa ijiena Cristore wacū tutua dūcari. Judio masa pehere Cohācjū bese mūhtahye. Sa yero judio masa ñecusumūa mūna panorū cǵēna tiqiro beseriquina tiquina ijigū yojoṗu ijieyequina judio masa gūhūre tiqiro cahñe. <sup>29</sup> Cohācjū tiqiro ni cūriro sahata masare tiqiro beseriro sahata potota yerota tiqiro. Tiquiro nidire bosu tiqiro. <sup>30</sup> Panorūre musa gūhū Cohācjūre yūhdūdūcari jiri. Yojoṗure judio masa Cohācjūre tiquina yūhdūdūcagū ihñāno tiqiro musa pehere paja ihñāno yūhdūori. <sup>31</sup> Yojoṗure judio masa tiqirore yūhdūdūcari. Tiquina sa yepegūta Cohācjū musare tiqiro paja ihñāriro sahata tiquina gūhūre cameṗure paja ihñānota. <sup>32</sup> Ohō saha ijire: Ijipihtieyquina masare “Buhiri tyequina ijire”, nine Cohācjū. Sa yero ijipihtieyquina buhiri tyequina tiquina ijigū ihñāno ijipihtieyquinare paja ihñā masine tiqiro.

<sup>33</sup> Yohou. Cohācjū tutua yūhdūariqiro ijiajari. Quehnoano masi pehoriqiro ijire tiqiro. Sa yero tiqiro tūhotuyere, tiqiro yerire marine quehnoano masino basioerare. <sup>34</sup> Ohō saha ni ojoahye Cohācjū yere: “Cohācjū mari pūhtoro tiqiro tūhotuyere ne masa quehnoano masiedare. Sa ye masa tiqirore ‘Ohō saha yeya’, ni masiedare. <sup>35</sup> Sa ye masa Cohācjūre apee borore tiquina ohori bato ‘Tiqiro marine wapamore’, ni masiedare masa”, ni ojoahye panorūre. <sup>36</sup> Cohācjū ijipihtiyere yeahye. Sa yero tiqiro tutuaye mehna ijipihtiyere ijigū yere tiqiro. Sa ye ijipihtiey tiqiro ye ijire. Tiquiro sa ijiriqiro ijigū ijipihtiey decori tiqirore ño peouhna mari. Sata yeducuuhna.

## 12

*Cohācjū cahmeñene marine yeducu dutiahye Pablo*

<sup>1</sup> Cohācjū marine tutuaro paja ihñāri. Tiquiro sa paja ihñāriqiro ijigū ihñāna yūhū acaye, musa basita Cohācjū yere yeducuya. Sa yena quehnoañe pehere comesarina, ñañe mariena ijija. Musa sa ijigū tiqiro bucuerota. Sata yero cahmene marine Cohācjūre ño peona. Sa yegū musare tire tutuaro ye dutiaja. <sup>2</sup> Ahri yehpa cǵēna ñañequina tiquina yero saha ye nemoedacāñā musa. Sa yena musa tūhotuyepure quehnoañe pehere comesaya musa. Sa yena quehnoañe pehere comesarina ijinata musa. Sa comesana Cohācjū

m̄sare tiq̄iuro ye dutirire masinata m̄sa. Sa yena quehnoañene, Cohãcjũ cahmeñene, ñañe marieñene masinata m̄sa.

<sup>3</sup> Cohãcjũ yuh̄are paja ihñano m̄sare buhe dutiro beseri yuh̄are. Sa yegũ ijiphtinare m̄sare ahrire ni dutieraja yuh̄u. “Quehnoa yuh̄d̄uana iji yuh̄d̄ud̄caja usã”, ni tuh̄otueracãhña. Sa tuh̄otu cãhña. Jesure m̄sa wacũ tutuari bato Cohãcjũ m̄sare tiq̄iuro yedohoro punota “To punota ye masiaja usã”, ni tuh̄otuya. <sup>4</sup> Ohõ saha ni yahu nemoutja yuh̄u: Mari omocari, mari dahpocãri, mari caperi, ijiphtiro mari pagurũ ijiye peye ijire. Mari pagurũ ijiye ihcã pagurũ ijiepetã sijoro saha ijiye dahraye dihitare c̄ore. <sup>5</sup> Mari queoye mehna buhegũ ahri yero saha ijire. Cristo pagũ yero saha ijina ihcã curuata ijiaja mari. Sa yena mari ijiphtina peyequina ijiepenata ihcã curuaputa ijiaja mari.

<sup>6</sup> Cohãcjũ marine tiq̄iuro yedohoro punota tiq̄iuro tutuaye mehna ye dutire. Sa yero maripe sijoro saha ijiye dahraye c̄ure tiq̄iuro. Tiquiro sa yegũ marine tiq̄iuro c̄urire mari quehnoano yeihna. Sa ye Jesu yequina ohõ saha yeahro. Ihquẽquinare Cohãcjũ tiq̄iuro yere yahuatiquinare c̄ure. Sa ye tiquina Cristore tiquina masino puno tiq̄iuro yere quehnoano yahuahro.

<sup>7</sup> Ihquẽquinare Cohãcjũ masare yedohoatiquinare c̄ure. Sa ye tiquina masare quehnoano mehna yedohoahro. Ihquẽquinare Cohãcjũ masare buheatiquinare c̄ure. Sa ye tiquina masare quehnoano buheahro. <sup>8</sup> Masare bucuegũ yeatiquina ijiye, tire quehnoano yeahro. Sa ye apee borore ohoyequina quehnoano mehna jeripohna ti, pajiro ohoahro. Sa ye apequinare dutiyequina quehnoano mehna dutiahro. Sa ye pejec̄oyequinare yedohoyequina bucueye mehna yedohoahro.

### *Jesu yequina ijina ohõ saha yena ijiya*

<sup>9</sup> Apequinare cahña, potota cahña tiquinare. Sa yena ñañene ihña yabina ijiya m̄sa. Sa yena quehnoañe pehere cahmeña. <sup>10</sup> M̄sa bahanare m̄sa cahño sahata Jesu yequinare m̄sa mehna cjẽnare cahña. Sa yena m̄sa mehna cjẽnare quehnoano cahme ño peoya.

<sup>11</sup> Cohãcjũ cahmeñene yena, ne caperacãhña. Sa yena mari p̄h̄toro tiq̄iuro dutiriro sahata quehnoano bucueye mehna yeya.

<sup>12</sup> Cohãcjũ m̄sare pecarũ wahaborinare tiq̄iuro yuh̄d̄orinarũ ijire m̄sa. Tire masina bucueya m̄sa. Sa yena ñano yuh̄d̄uana, ihcãno sahaya “Cristo yere duhuari”, nina. Sa yena Cohãcjũre sa siniducuya.

<sup>13</sup> Apee boro Jesu yequinare dah̄sagũ ohoya tiquinare. Sa yena m̄sa ye wuh̄sepũ masa tiquina esagũ quehnoano jeripohna ti, tiquinare piti caya.

<sup>14</sup> M̄sare ñano yeyequina pehere quehnoa dutiya. Sa quehnoa dutina, tiquinare “Ñano yuh̄d̄ucãnahdo”, niedacãhña.

<sup>15</sup> Apequina bucueyequina mehna ijina m̄sa gũhũ bucueya. Sa yena utiyequinare ihñana, uti dohoya.

<sup>16</sup> M̄sa mehna cjẽna mehna quehnoano ijiya m̄sa. Sa yena “Apequina yuh̄d̄oro quehnoana ijiaja”, ni tuh̄otueracãhña. Ohõ saha ni tuh̄otuya. “Ihyo ijina ijiaja”, ni tuh̄otu, ihyo ijiyequina mehna ijiya. Sa yena “Masi yuh̄d̄ud̄cana ijiaja usã”, ni tuh̄otueracãhña.

<sup>17</sup> Apequina m̄sare tiquina ñano yepegũta, tiquinare ñano ye cahmedacãhña. Sa yena quehnoañene yeya, quehnoana m̄sa ijiye tiyere ijiphtiyequina masa tiquina masiatire. <sup>18</sup> Tutuaro mehna quehnoañene yeya m̄sa, ijiphtiyequina mehna m̄sa quehnoano ijiatire. <sup>19</sup> M̄sa yuh̄u cahña, yuh̄u acaye apequina m̄sare tiquina ñano yepegũta tiquina yero saha ñano ye cahmedacãhña. Cohãcjũ pehe m̄sare tiquina ñano yeri buhiri buhiri dahreahro tiquinare. Cohãcjũ yere tiquina ojoari p̄rũ sata ni ojoahye: “

‘Yũhũ pehe masa tiquina ñano yeri buhiri buhiri dahreacũ ijiaja. Sa yegu potota buhiri dahreitja’, nine mari pũthoro”, ni ojoahye panopũre. <sup>20</sup> Sa yena ohõ saha yeya mũa: “Mũsare ihña tuhtiriqũiro tiqũiro mũna ahbagũ ihña nuña tiqũirore. Tiquiro aco wũogũ ihña tiqũirore sihõña. Mũa sa yegũ ihña tiqũiro bue tirota”, nine mari pũthoro. <sup>21</sup> Sa yena apeqũina mũare tiquina ñano yepegũta mũa pehe tiqũinare ñano ye cahmedacãhña. Sa yena tiqũinare quehnoano yeya. Sa yena ñañene ye duerana ninata mũa.

## 13

<sup>1</sup> Ijipihtiequina pũthoate Cohãcũ dihita cũre. Sa yero mũa pũthoa gãhũre Cohãcũ bese cũre. Tiquiro sa cũriquina tiquina ijigũ ihña ijipihtina mũa tiqũinare yũhtiya. <sup>2</sup> Mari bui cẽna pũthoate quehnoano yũhtierana Cohãcũ tiqũiro bese cũriqũinare yũhdũdcana niaga mari. Sa yũhdũdcariqũinare Cohãcũ pehe buhiri dahrerota. <sup>3</sup> Quehnoãneqũinare cuegũ yeatiquina ijierare pũthoa. Ñañene yeyequina pehere cuegũ yeatiquina ijire tiquina. Quehnoãne yeya mũa pũthoate mũa cueratire. Sa yena cuesi mũa. Quehnoãne mũa yegũ pũthoro pehe “Quehnoano yeri mũa”, mũare ninota. <sup>4</sup> Mũa pũthoa mũare yedohoatiqũinata ijire mũa quehnoano ijiatire. Sa ye tiquina mũare buhiri dahreatiũinata ijire. Ijipihtiequina ñañene yeriqũinare buhiri dahre dutiro Cohãcũ tiqũinare beseri. Tiquina sa buhiri dahreatiquina ijigũ ñañene yena mũa pũthoate cueya. <sup>5</sup> Sa yena mari pũthoate yũhtina, tiquina buhiri dahreatire cueracãhna. Sa yena ño peoye mehna “Quehnoãne yero cahmene yũhare”, ni tuhoturo mehna quehnoano yũhtihna. <sup>6</sup> Mũa pũthoate tiquina dahrayere cũri Cohãcũ. Sa yena tiquina dahrayere tiquina yegũ ihña mũa pũthoate wapa ne cohteyeqũinare wapa yere mũa.

<sup>7</sup> Ijipihtieqũinare mũa pũthoate quehnoano yũhtiya. Sa yena pũthoate wapa ne cohteyeqũinare wapa yeya mũa. Sa yena pũthoa pehe apeyere tiquina wapa ye dutigũ gãhũre wapa yeya. Sa yena ijipihtiequina pũthoate quehnoano ño peoya. <sup>8</sup> Apeqũina masare wapamoedacãhña. Tiquinare cahno cahmene. Sa ye cahĩ nẽmono cahmene. Tiquiro caharũ ijiriqũirore cahĩdiqũiro Cohãcũ dutiyere ye peho tuhasariqũiro ijire. Sa yena mũa caha ijiequina gãhũre cahña. <sup>9</sup> Ohõ saha nine Cohãcũ dutiye: “Apeqũiro namono mehna ñano yeracãhña. Masare wejẽdacãhña. Yaqueracãhña. Apeqũina yere tutuaro cahmedacãhña”, ni yahure tiqũiro dutiye. Apeye dutiye gãhũ ijire. Sa ijiepegũta ihcãno dutirore mũare yahugũ tuũ niaja. Ti dutiro ihcãno dutiro ijiepegũta ti dutirore yena, Cohãcũ dutiyere ye pehona niaja mari. “Mũhũ basi mũhũ cahĩno saha mũhũ caha ijiequina gãhũre cahña”, nine ti dutiro. Ti dutirore yena Cohãcũ dutiyere ye pehona ijina nine mũa. <sup>10</sup> Mũa caha ijiriqũirore cahña, tiqũirore ñano yesi. Sa yena tiqũirore cahña, Cohãcũ dutiyere ye pehona nine mũa.

<sup>11</sup> Sa yena carĩnequina yero saha ijieracãhña mũa. Quehnoano wacũ masiña. Jesure quehnoano wacũ cohteya. Jesu marine tiqũiro tojoa ta, tiqũiro neato mehenogã dũhsatjĩare. Tiquirore mari coã masi dũcana, “Yoari batopũ marine yũdũoro tarota Jesu”, ni tuhotumi. Mari sa ni tuhotuepegũta yojopũre mehenogã dũhsare Jesu marine tiqũiro yũdũoro ahtato. Ahri yũhũ nidire masine mũa. <sup>12</sup> Yojopũre ñañene tiquina yeri deco ijire. Cristo tiqũiro ahtagũ ahri deco pihtirota. Tiquiro ahtato mehenogã dũhsare. Tiquiro ahtato mehenogã dũhsagũ ihña ñañene duhu pehocãhna mari. Sa yena Cohãcũ cahmeñe pehere yeihna mari. Sa Cohãcũ yere yena, ñañene duhu pehocãhna mari. <sup>13</sup> Sa yena quehnoãne pehere yeihna. Sa yena bese decorire yena ñano yeracãhna. Sa yena queheracãhna. Sa yena wũana tina,

apequina mehna ñano yena, cahme duse tini wiana, ihña coona ijieracähna. <sup>14</sup> Sa yena mari puhtoro Jesucristo tiquiro yedohoye mehna quehnoano ijiya musa. Sa yena ñañene musa tutuaro cahmeñene yeracähña.

## 14

*Musa acayere Jesu yequinare “Ñano yee nine”, ni yahu wajaeracähña (1 Co 8.1-13)*

<sup>1</sup> Jesure wacü tutuariquiro Jesu yere tiquiro quehnoano masiedarīgü tiquirore quehnoano yedohoya. Sa yena Jesu yere tiquiro quehnoano masiedarīgü ihñana “Ne masiedare mähü”, ni cahme duse tutueracähña tiquiro mehna. <sup>2</sup> “Ijipihtiyere ihya masiaja yahü”, ni tuhature apequina. Sa ye apequina pehe Jesu yere quehnoano masiedarīñe, wahiquinare ihyeraye, oteye dūca dihitarē ihyare. <sup>3</sup> Ijipihtiyere ihyayequina pehe oteye dūcare ihyayequinare ihña tuhtieracähdo. Sa ye oteye dūca dihitarē ihyayequina pehe ijipihtiyere ihyayequinare “Ñano yeye nine”, ni yahu wajaeracähdo. Ijipihtiyere ihyayequina pehe Jesure wacü tutuayequina tiquina ijigü Cohäcjä tiquinare tiquiro yequina ijigü ye tuhasari. Tiquiro yequina tiquina ijigü ihñañe wahiquinare ihyeyequina pehe tiquinare yahu wajaeracähdo. <sup>4</sup> Jesure wacü tutuayequina Cohäcjä cahacjēna ijire. Tiquina sa ijigü ihñana musa tiquinare yahu waja masiedare. Jesure wacü tutuayequina Jesu cahmeno saha tiquina yeragü ihñano tiquiro dihita tire yahu masine. Tiquina quehnoano yegü gühare tire yahu masine tiquiro tiquinare. Sa yero tiquiro pehe “Ñano yeri mähü”, ni yahuatiquiro ijirota. Sa yero tiquiro cahacjēnare quehnoañene yeducu masigü yeriquiro ijire Cohäcjä.

<sup>5</sup> Ihquēquina ihcä decore Cohäcjäre tiquina ño peati deco yere. Sa ye apeye decorire “Dahraye decori ijire”, ni tuhature. Apequina pehe decoripe Cohäcjäre ño peoducure. Tiquina ihcāno saha sa yerariquina ijiepetā ijipihtiyequina ohō saha ni tuhoutuahro: “Jesu tiquiro cahmeno sahata quehnoano yena niaja”, ni tuhutu masiahdo. <sup>6</sup> Masuno ihcä deco tiquiro ño peati deco yere Cohäcjäre ño peoro taro. Sa yero decoripe ño peoducuriquiro Cohäcjäre quehnoano ño peore tiquiro gühü. Sa yero sijieriquiro gühü ihyaro, Cohäcjäre “Quehnoare”, ni sinine. Sa yero tiquiro gühü ihyariquiro ijiro Cohäcjäre ño peoriquiro ijire. Sa yero ihquē ihyayere sijiriquiro pehe tiquiro sijire Cohäcjäre ño peoro taro. Sa yero tiquiro gühü Cohäcjäre “Quehnoare”, ni sinine.

<sup>7</sup> Mari cahmeñe dihitarē yena iji masiedaja mari. Cristo ijire mari puhtoro. Sa yero mari catigü mari yariagü gühare mari puhtoro ijire. <sup>8</sup> Yojopure mari catiro puno Cristo yere yeana ijiaja mari. Tiquiro yequina ijiaja. Mari yariari batopü gühare tiquiro yequina ijinata. Sa yero mari catigü mari yariagü gühare Cristo mari puhtoro ijire. <sup>9</sup> Sata ijire. Cristo yaria masa mujahye, catiyequina, yariariquina gühü tiquina puhtoro ijiro taro.

<sup>10</sup> ¿Dūhsena tana musa acayurore Jesu yaquirore “Ñano yero nine”, ni yahu waja duajari musa? ¿Dūhsena tana musa acayurore cahta diho cü duajari musa? Mari ijipihtina Cristo caha mari ducugü tiquiro pehe mari yerire masi pehorō, marine beserota quehnoana, ñana gühare. Tiquiro sa beseatiquiro ijigü musa acayurore “Ñariquiro ijire” ni yahu wajaeracähña. <sup>11</sup> Cohäcjä yere tiquina ojoari pūpü ohō saha ni ojoahye:

Ohō saha nidi mari puhtoro: “Ahri potota ijire. Ijipihtiyequina yahü pote dūsepe curi mehna quehe saeta. Sa ye ijipihtiyequina ‘Quehnoagu, tutuagu ijire’, ni, yahare ño peota”, nidi mari puhtoro, ni ojoahye.

<sup>12</sup> Sa yena ijipihitina mari yerire Cohācjū siniturota. “¿Duhse yena sa yeari?” ni siniturota. Tiquiro sa ni sinitugū yuhtiro cahmene marine.

*Musa acayurore ñano yegū yeracāhña msa*

<sup>13</sup> Sa yena mari mehna cjēna gūhare “Ñañequina ijire”, ni yahu waeracāhña. Sa yena mari acayurore Jesu yaquirore ñano yegū yeracāhña. <sup>14</sup> Yuhū Jesucristo yaquiro ijiaja. Sa yegū ahri yuhū niatire quehnoano masiaja yuhū: Yuhū pehe ijipihitiye ihyayere yuhū ihyagū yuhū ihyari buhiri, buhiri mariedare. Apequiro pehe “Ahri ihyayere ihyagū ñano yei niaja”, ni tūhoturiquiro pehe ihyaro, potota buhiri tiriquiro ijire. <sup>15</sup> Ti potota ijire. Msa apee borore msa ihyagū msa acayuro msare ihña cū ihyaro, “Yohou, ñano yei niaga yuhū”, ni pajiro tūhotuboaga tiquiro. Tiquirore sa ihña cū ihyagū yena, tiquirore cahiedare msa. Apee borore msa ihyagū ihña cū ihyaboaga tiquiro. Sa ihyaro “Ñano yei niaja”, ni tūhoturo Cristore duhuboaga. Msa acayuro ye buhirire yariari Cristo. Sa yena “Cristore duhuari”, nina tiquirore ihña cūgū yeracāhña. <sup>16</sup> Sa ye “Ahri usā yeri quehnoarīaga”, msa ni tūhotugū apequina msare yahu wajaboaga. Tiquina sa yahu wajagū ihñana, msa sa yerire ye nemoedacāhña, “Yahu waja nemoari” nina. <sup>17</sup> Cohācjū pehe mari puhtoro ijire. Tiquiro sa ijigū mari ihyaye, mari sihniñe gūhū sa iji cāno nine. Ihyo warota ijire. Sa ye mari puhtoro tiquiro dutiyere, quehnoañe gūhare mari yegū ti waro ijiro nine. Sa ye apequina mehna mari quehnoano ijigū gūhare quehnoañe waro ijiro nine. Sa ye Espíritu Santo yedohoye mehna mari bucuegū quehnoañe waro ijiro nine. <sup>18</sup> Sata Cristo yere yeriquirore ihñañe Cohācjū, msa gūhū “Quehnoano yeri mūhū”, nieta.

<sup>19</sup> Sata yeihna mari pūrita quehnoano mari ijiatire, mari basi mari cahme yedohoatire. Sa yena Jesure wacū tutua nemonata. <sup>20</sup> Apequiro Jesu yaquiro tiquiro ihya dutierarire msa ihyagū ihñano tire coaeraro, Cohācjū yere cohāboaga. Sa yena tire ihyeracāhña. Potota ijipihitiye ihyaye quehnoañe ihyayeta ijire. Sa ijiepegūta apee borore mari ihyagū apequiro “Ñañe ihyaye ijiaja ahri”, nidiquiro ijieperota ihña cū ihyaboaga. Sa ihyaro ñano yero niaga tiquiro. Sa yena marine tiquiro ihña cū ihyagū, mari gūhū ñano yena niaja. <sup>21</sup> Wahiquina dihire msa ihyagū ihñano, vinore msa sihniñe ihñano, apequiro Jesu yaquiro “Tire ihyagū ñano yei niaga yuhū”, ni tūhoturiquiro ijieperota tiquiro gūhū ihña cū, ihya sihniñoaga. Sa ni tūhoturiquiro pūrita ihya sihniño ñano yero nine. Sa yena tiquiro ñano yerato saha Jesure tiquiro wacū tutua duhuerato saha wahiquina dihire, vino gūhare msa pehe msa duhugū quehnoarīne. <sup>22</sup> “Ijipihitiyere ihya masiaja”, ni tūhotuna, tire Cohācjū dihitare yahuya. Ñañene yerariquiro, “Quehnoano yei niaga yuhū”, ni tūhoturiquiro bucueriquiro ijire. <sup>23</sup> Apequiro pehe “Ahri ihyayere ihyagū ñano yei niaboaga yuhū”, ni tūhoturiquiro ijieperota ti ihyayere ihyaro, buhiri tiriquiro ijire tiquiro. “Ahrire ihyagū potota quehnoañene yei niaja”, ni tūhotuerare tiquiro. Sa ni tūhotueraro tire ihyaro, tiquiro ihyari buhiri buhiri tire tiquiro. “Quehnoañene yei niaja”, ni tūhotueraro tire yero, buhiri tire tiquiro.

## 15

*Mari caha ijiequinare quehnoano yeihna*

<sup>1</sup> Mari Cohācjāre quehnoano wacū tutuana pehe wacū tutuera cjūñequinare yedohouhna. Sa yena mari ye dihitare yeducueracāhña. <sup>2</sup> Sa yena mari caha ijiequinare Jesu yequinare quehnoano yeihna tiquina



quehnoano ijiatire, Cohãcjüre tiquina quehnoano wacũ tutua nemoatire. <sup>3</sup> Cristo pehe tiquiro ye dihitare yerahye. Sata nine Cohãcjũ yere tiquina ojoari pũpũ. Ohõ saha ni ojoahye: “Cristo ohõ saha nidi Cohãcjüre: ‘Mũhũ pehere ñano yahuducuboriquina yũhũ pehere ñano yahuducuri’, nidi Cristo Cohãcjüre”, ni ojoahye panopũre. (Sa tiquina ñano yahuducunohriquiro ijiro Cristo tiquiro Pacũro ye pehere ye basaro niahye.) <sup>4</sup> Panopũ Cohãcjũ yere tiquina ojoari pũpũ tiquina ojoahye mari quehnoano buheatire. Sa yena ti pũre buhena bucueaja. Sa buhena mari ñano yũhdũna ihcãno sahanata. <sup>5</sup> Cohãcjũ mũsare tutuagũ yeriquiro bucuegũ yeriquiro mũsare ijipihtinare ihcãno saha quehnoano ijigũ yeahro, Cristo cahmediro sahata. <sup>6</sup> Sata yeahro tiquiro mũsa ijipihtina ihcãno mehna Cohãcjüre mari pũthoro Jesucristo Pacũrore “Quehnoagũ, tutuagũ ijire”, ni mũsa ño peoatore.

*Judio masa ijieyequinare quehnoañe buheyere yahu dũcahye*

<sup>7</sup> Cristo marine tiquiro yeriro sahata mũsa mehna cjẽnare quehnoano cahme piti caya. Mũsa sa yegũ ihñañe “Potota Cohãcjũ quehnoariquiro ijire”, ni ihñaeta masa pehe. <sup>8</sup> Mũsare ahrire niita niaja: Judio masare yedohoatiquiro ahtahye Cristo. Cohãcjũ tiquirore ohoro judio masa usã ñecusũmũa mũnapũre panopũ cjẽnare tiquiro ni yahuriro sahata yero niahye. Tire tiquiro yerire masare masigũ yeatiquiro ahtahye Cristo. <sup>9</sup> Masare Cristo tiquiro yedohogũ Cohãcjũ paja ihñano nine tiquinare. Tiquiro sa paja ihñagũ judio masa ijieyequina gũhũ Cohãcjüre “Quehnoagũ, tutuagũ ijire”, ni, ño peore yojopũre. Tiquina gũhũre tiquiro yequina ijigũ yero ahtahye Cristo. Cohãcjũ yere tiquina ojoari pũpũ sata ni ojoahye:

Cristo ohõ saha niahye Cohãcjüre:

Judio masa ijieyequina caha mũhũre “Cohãcjũ quehnoagũ, tutuagũ ijire”, ni ño peoutja. Sa yegũ tiquina caha basagũ mũhũre basautja, niahye Cristo Cohãcjüre, ni ojoahye panopũre.

<sup>10</sup> Sa yero ohõ saha ni ojoahye tja:

Cohãcjũ tiquiro beseriquina judio masa mehna cahme bucueya mũsa gũhũ judio masa ijiena, ni ojoahye panopũre.

<sup>11</sup> Sa yero ohõ saha ni ojoahye tja:

Judio masa ijieyequina ijipihtiyequina Cohãcjüre ño peoahro. Sa ye ijipihtiro cjẽna tiquirore “Quehnoagũ, tutuagũ ijire”, ni ño peoahro, ni ojoahye.

<sup>12</sup> Sa yero Isaia mũnanao gũhũ ohõ saha ni ojoahye:

Isaĩ panamino iji turiariquiro ahtarota. Sa ahtarota judio masa ijieyequina pũthoro ijirota tiquiro. Sa ye tiquina pehe tiquirore wacũ tutua, tiquinare beserũ wahaboriquinare tiquiro yũhdũoatire masieta tiquina, ni ojoahye panopũre.

<sup>13</sup> Cohãcjũ marine yũhdũoro ahtatiquiro quehnoano mũsare bucuegũ yeahro. Sa yero Jesure mũsa wacũ tutuagũ mũsare quehnoano ijigũ yeahro tiquiro. Mũsare tiquiro sa yegũ mũsare tiquiro yũhdũoatire Espĩritu Santo tutuaye mehna bucueye mehna masi nemonata mũsa.

<sup>14</sup> Ahrire mũsare yũhũ yahuatire quehnoano masiaja. Mũsa pehe quehnoana ijire. Sa yena Jesu yere quehnoano masine. Sa masina mũsa mehna cjẽnare cahme quehnoano yahu, buhe masine mũsa. <sup>15</sup> Mũsa sa masina mũsa ijiepegũta ihquẽ tahari ahri pũpũre mũsare cuero marieno quehnoano yahu peho ojoan mũsa wacũato saha. Cohãcjũ yũhũre cahĩno mũsare buhe dutiro cũri yũhũre. Sa yegũ tiquiro cũrĩro sahata yegũ tagũ mũsare wacũgũ yei. <sup>16</sup> Yũhũre tiquiro sa cũgũ Jesucristo cahacjũ ijigũ tiquiro yere quehnoañe buheyere judio masa ijieyequinare buheaja yũhũ. Yũhũ



sa buhegū tūhoye judio masa ijieyequina Jesure wacū tutuaeta. Tiquina sa wacū tutuagū ihñano tiquinare Cohācjū “Quehnoañequina ijire”, ni ihñanota. Sa yero tiquinare cahmenota. Sa yero Espiritu Santo pehe Cohācjū yequina ijigū yerota tiquinare. Pahia uñā mho Cohācjüre tiquina ohoiriro sahata, tiquinare ñañe marieñequinare Cohācjüre oho duaja.

17 Sa yegu Jesucristore wacū tutuagu ijigu Cohācjū tiquiuro buhe duti cūrigu ijigu bucueye mehna buheaja mūsare. 18-19 Apequina judio masa ijieye-quinare Cristo yedohoye mehna tiquinare yūhu buhegū tūhoye, yūhu yerire ihñañe, Cohācjū tutuaye mehna ye ihñorire ihñañe, Espiritu Santo tiquiuro tutuaye mehna tiquina Cristore wacū tutuari. Ahri pūritare mūsare pototi yahu duaja. Apequinaru tiquina yerire yahueraja. Jerusalēru coā yūhu buhe dūcari bato ijipihtiye macaripū buhe dūcau. Tee Ilirico yehparū gūhure Cristo ye buheye quehnoañe buheyere buhei esau. 20 Sa yegu Cristo yere masieñequina dihitare quehnoañe buheyere tutuaro buhe duau, yūhu mehna cjēna tiquina buhenohriquinapūre buhe dueragu. 21 Sata ni ojoahye Cohācjū yere tiquina ojoari pūru.

Panopū tiquiurore ne tūhoerariquina tiquiurore masieta. Sa ye tiquiurore ne tūhoerariquina tiquiuro yere quehnoano tūhoeta, ni ojoahye Cohācjū yere tiquina ojoari pūru.

### *Pablo Romaru tiquiuro wahatire yahuahye*

22 Sa yegu ijipihtiro cjēnare buherigu ijigu peye tahari mūsa caharu waha duepegūta waha masiedahti. 23 Yojoaru ahri yehparipūre yūhu dahraye pihtia wahari. Sa pihtigū ihñagū, peye cūhmari mūsa caharu waha duarigu ijigu mūsa caharu wahatja. 24 Sa ye Españaru wahagu mūsare torū ihña yūhdū cāntja. Sa yegu mūsa mehna bucueitja. Sa yegu mūsa mehna yūhu mehenogā ijiri bato yūhure mūsa yedohoye mehna Españaru wahatja. 25 Yojoaru Jerusalēru wahu tūu niaja. To cjēnare Jesu yequinare yūhu acayere niñerure sogū wahu tūu niaja. 26 Macedonia yehpa cjēna, Acaya yehpa cjēna gūhu quehnoano mehna Jesu yequinare Jerusalēru ijieyequinare pejesnoyequinare niñerure ohori tiquinare yedohoye. Sa yegu tiquinare tire oho basagu wahu tūu niaja. 27 Ti niñerure ohoye, quehnoano mehna ohori tiquina. Tiquina sa yegū quehnoarīne, yūhu tūhotugū. Tiquinare judio masa ijieyequinare judio masa pehe Cohācjū yere buhe mūhtari. Sa ye tiquinare tiquiuro yūhdūoato gūhure buhe mūhtari judio masa. Tiquina sa buhegū ihñagū Macedonia cjēna, Acaya cjēna mehna tiquinare tiquina yedohogū quehnoarīne yūhure. Tiquinare tiquina buheri wapa yero saha ijire ti, yūhu tūhotugū. 28 Sa yegu Jerusalē cjēnare ti niñerure oho tuhasagu Españaru wahatja. Torū wahagu mūsare ihña yūhdū cāntja. 29 Sa yegu mūsa caharu yūhu wahagū Cristo yere mūsare yūhu buhegū tiquiuro mūsare quehnoano jeripohna tigū yerota.

30 Yūhu acaye, mari pūhtoro Jesucristore wacū tutuare mūsa. Sa yena Espiritu Santo tutuaye mehna apequinare cahīne mūsa. Sa yena yūhu gūhure tutuaro sini basaya Cohācjüre. 31 Ohō saha ni sini basaya: Judea yehpa cjēna Jesure ño peoyequina yūhure tiquina ñano ye duagū Cohācjū yūhure tiquiuro yedohoato saha sini basaya. Sa yena Jerusalē cjēnare niñerure yūhu ohogū tiquina tire bucueye mehna tiquina ñeheato saha sini basaya. 32 Mūsa sa sinigū Cohācjū cahmegū bucueye mehna mūsa caharu wahatja. Sa yegu mūsa mehna ijigu bucueye mehna soutja. 33 Cohācjū marine quehnoano ijigū yeriquiuro mūsa mehna ijducuahro. Sata ijiagro.

## 16

*Pablo quehnoa dutiahye*

<sup>1</sup> Mari acayoro Febe wame tiricoro m̄sa cahap̄u waharo taro nine. Ticoro Cencrea wame tiri macap̄u Jesu yequinare cahmecoañequinare yedohoricoro ijire. <sup>2</sup> Sa yero peyequinare yedohoricoro ȳh̄u ḡh̄u yedohoricoro ijiri ticoro. Sa yero mari p̄h̄toro Jesu yacoro ijire. Sa yena ticorore quehnoano mehna piti caya. Sata yero cahmene marine Jesu yequinare. Sa yena apee boro ticorore mariedaḡu ih̄ñana ticorore ohoya m̄sa.

<sup>3</sup> Aquila, tiquiromo namono Priscila ḡh̄u quehnoahdo. Jesucristo yere ȳh̄u buheḡu tiquina ḡh̄u ȳh̄u mehna dahrari. <sup>4</sup> Tiquinare meheno wej̄medi, apequina ȳh̄u tiquina wej̄ duaḡu tiquina yedohori buhiri. Sa yeḡu tiquina mehna bucueaja ȳh̄u. Sa ye judio masa ijieyequina Jesu yequina ijipihtiequina tiquina ḡh̄u tiquina mehna bucuere. <sup>5</sup> Sa ye Aquila ya w̄h̄u cahmecoañequina ḡh̄u Jesu yequina quehnoahdo. Ȳh̄u cah̄niquiromo Epeneto ḡh̄u quehnoahdo. Tiquiromo Asia yehpa c̄jano top̄u ijiro Cristore wac̄u tutua m̄h̄tariquiromo ijiri. <sup>6</sup> María ḡh̄u quehnoahdo. Ticoro m̄sa mehna tutuaro dahrari. <sup>7</sup> Ȳh̄u acaye Andronico, Junia ḡh̄u quehnoahdo. Peresup̄u ȳh̄u ijiḡu tiquinata ȳh̄u piti tiyequina ijiri. Sa ye ȳh̄u pano Cristore wac̄u tutua m̄h̄tari tiquina pehe. Apequina Jesu c̄riquina pehe tiquinare “Potota quehnoañequina ijire”, ni yahuducure.

<sup>8</sup> Amplia ḡh̄u ȳh̄u cah̄niquiromo Jesu yaquiromo ijire. Tiquiromo quehnoahdo. <sup>9</sup> Sa yero Urbano ḡh̄u quehnoahdo. Tiquiromo ḡh̄u mari mehna Cristo yere dahrari. Sa yero ȳh̄u cah̄niquiromo Estaqui quehnoahdo. <sup>10</sup> Sa yero Apele ḡh̄u quehnoahdo. Tiquiromo potota quehnoano Jesure wac̄u tutuare. Tiquiromo yerire ih̄ñana tire masiaja mari. Sa ye Aristobulo ya w̄h̄u c̄jena ijipihtiequina tiquiromo namono tiquiromo pohne ḡh̄u quehnoahdo. <sup>11</sup> Ȳh̄u acayaro Herodiō quehnoahdo. Sa ye Narciso ya w̄h̄u c̄jena Jesu yequina quehnoa pihti c̄hdo. <sup>12</sup> Sa ye Trifena, Trifosa ḡh̄u quehnoahdo. Ti numia mari p̄h̄toro Jesu ye dahrare tutuaro yere. Mari cah̄nicoro Pérsida ḡh̄u quehnoahdo. Ticoro mari p̄h̄toro yere tutuaro dahrari. <sup>13</sup> Sa yero Rufo mari p̄h̄toro Jesure quehnoano wac̄u tutuariquiromo, tiquiromo yere quehnoano yeriquiromo quehnoahdo. Tiquiromo pacoro ḡh̄u quehnoahdo. Ticoro ȳh̄u paco yero saha ijiricoro ijire. <sup>14</sup> Asincrito, Flegonte, Herma, Patroba, Herme, apequina Jesu yequina tiquina mehna c̄jena ḡh̄u quehnoahdo. <sup>15</sup> Sa ye Filologo, Julia, Nereo, tiquiromo bahoro ḡh̄u, Olimpa, apequina tiquina mehna c̄jena ḡh̄u Jesu yequina quehnoahdo.

<sup>16</sup> Sa yena m̄sa mehna c̄jenare piti cana, quehnoano mehna piti caya. Ijipihtiequina Jesu yequina ijipihtiro c̄jena m̄sare quehnoa dutire.

<sup>17</sup> Ȳh̄u acaye, m̄sa mehna c̄jena ih̄quẽquina m̄sare cahme ih̄ñ tuhtiḡu yeyequina, cahme tu waḡu yeyequina ijih̄ohti. Sa ye m̄sare Jesu ye buheyere dojomehnene. Sa yena sa yeyequinare ih̄ñana quehnoano yeya, “Dojomehneari”, nina. Sa ijieyequinare piti tierac̄h̄ña. <sup>18</sup> Sa yeyequina mari p̄h̄toro Jesucristo yere yerare. Ñañene tiquina tutuaro cahmeñe dihitare yere. Sa ye quehnoano t̄ho coaro dero majare doco ni meho buhere quehnoano masieñequinare. Tiquina sa ni mehoḡu tiquinare quehnoano t̄hore. Sa yena tiquinare piti tierac̄h̄ña m̄sa. <sup>19</sup> M̄sa pehe Jesure quehnoano ȳh̄tina ijih̄ohti. Tire ijipihtiequina masine. Sa quehnoano ȳh̄tina m̄sa ijiḡu bucueaja ȳh̄u. Sa yeḡu quehnoano m̄sa yeatire m̄sa masiḡu cahmeaja ȳh̄u. Sa yeḡu ne ñañene m̄sa yeraḡu ḡh̄u cahmeaja ȳh̄u. <sup>20</sup> Sa yero

Cohãcjũ marine quehnoano ijigũ yeriquiro mehenogã bato m̄sare yedo-  
horota “Satanare yuhducaahro”, nino. Mari p̄htoro Jesucristo mehna  
m̄sare quehnoa dutiaja.

<sup>21</sup> Timoteo ȳhũ piti m̄sare quehnoa dutire. Ȳhũ acaye judio masa ḡhũ,  
Lucio, Jasõ, Sosipate m̄sare quehnoa dutire.

<sup>22</sup> Ȳhũ Tercio ahri p̄re Pablore oja basagũ ijiaja. Ȳhũ Jesu yaquiro ijigũ  
m̄sare Jesu yequināre quehnoa dutiaja.

<sup>23</sup> Gayo ya w̄hũp̄hũ ijigũ niaja ȳhũ Pablo. Ti quiro ya w̄hũp̄hũ Jesu yequina  
cahmecoare. Ti quiro ḡhũ m̄sare quehnoa dutire. Sa yero Erasto ahri  
maca cj̄na p̄htoare nīeru lhbo cohteriquiro m̄sare quehnoa dutire. Mari  
acaȳro Jesu yaquiro Cuarto ḡhũ m̄sare quehnoa dutire.

[<sup>24</sup> Mari p̄htoro Jesucristo mehna m̄sare ijipihtinare quehnoa dutiaja.]

*Pablo Cohãcjũre ño peoro oja bato tiahye*

<sup>25-27</sup> Mari p̄htoro Jesucristo ye buheye mehna quehnoañe buheye mehna  
Cohãcjũ m̄sare ti quirore wacũ tutua nemogã ye masine. Panop̄re  
quehnoañe buheye ne masare yahuerari buheye ijimahye. Yojōp̄re Cohãcjũ  
yere yahu mahtariquina m̄na tiquina ojoari mehna ti buheyere yahuri  
jire. Ȳhũ ḡhũ tire buheaja. Ti buheyere ijipihtiro cj̄na yojōp̄re masine.  
Cohãcjũ sa ijiducuriquiro ti quiro dutiro sahata tiquina masine. Ti buheyere  
ti quirota yahu dutiahye masa ti quirore tiquina ȳhtiatire, ti quirore tiquina  
wacũ tutuati ḡhũre. Sa yena ti quirore “Põtota quehnoagũ, tutuagũ ijire”, ni  
ñõ peouhna. Ti quiro ihcãquirota Cohãcjũ dihita quehnoano masi pehoriquiro  
ijire. Jesucristo yedohoye mehna Cohãcjũre sa ñõ peoducuhna mari. Sata  
ijiducuhna.

# 1 Corintios

## *Pablo Cohācjū yequinare Corinto cjēnare ojoa ohoahye*

1-2 Yǎhǎ Pablo, Jesucristo yere buhe duti tiqiro cūrigǎ ijiaja. Cohācjū tiqiro cahmeno sahata Jesu tiqiro cūcǎjre beseahye yǎhǎre tiqiro. Mǎsare Cohācjū yequinare Corinto cjānare ojoa ohoaja yǎhǎ. Sostene mehna quehnoa dutiaja mǎsare. Ahriqiro gǎhǎ mari acayǎro Jesu yaqiro ijire. Jesucristo mehna cjāna mǎsa ijigǎ Cohācjū yequina ijiana beseahye Jesu mǎsare. Sa ye ijipihtiequina apequina mari pǎhtoro Jesucristore siniñequina ijiye, tiquina gǎhǎ Cohācjū yequinata ijire. Tiquina sa ijigǎ Jesucristo pehe mari ijipihtina pǎhtoro ijire. Sa yena mǎsare ijipihtinare ojoa ohoaja yǎhǎ. <sup>3</sup> Sa yena Cohācjū mari Pacǎ, mari pǎhtoro Jesucristo mehna mǎsare quehnoa dutiaja. Tiquina yedohoye mehna quehnoano ijiya mǎsa.

## *Jesucristo pehe mǎsare quehnoano ye basahye mari Pacǎ tiqirore dutiriro sahata*

<sup>4</sup> Jesucristo yequina mǎsa ijiri bato tiqiro pehe mǎsare quehnoano ye basare Cohācjǎre. Tiqiro sa yegǎ ihñagǎ, Cohācjǎre “Quehnoare”, niducuaaja yǎhǎ decoripe. <sup>5</sup> Cristo yequina mǎsa ijigǎ ihñano Cohācjū pehe mǎsare quehnoano ijigǎ yere. Sa yero tiqiro yere mǎsare apequinare quehnoano yahuanare yeri tiqiro. Sa yero tiqiro yere quehnoano masigǎ yeri mǎsare. <sup>6</sup> Cristo yere mǎsare usǎ buheriro sahata sata wahari mǎsare, Cristo yequina mǎsa wahagǎ. <sup>7</sup> Sa yero Cohācjū mǎsare quehnoano yedoho peho cǎnota. Mari pǎhtoro Jesucristo ahri yehpǎpǎ tiqiro tojoa tatire mǎsa cohtero watoa Cohācjū pehe mǎsare sa yedohoducurota. <sup>8</sup> Sa yero Jesucristo pehe mǎsa ñañe yerire cohāriqiro ijire. Tiqiro sa ijiriqiro ijigǎ mǎsa pehe decoripe, ahri deco pihtigǎpǎ gǎhǎre mǎsa ñañe yerire tiqiro cohānohrina iiducunata. Sata tiqiro mǎsare yedohorota. Sa yena Jesucristo mari pǎhtoro tiqiro tojoa tagǎpǎre ñañe buhiri mariena ijinata mǎsa. <sup>9</sup> Tire Cohācjū tiqiro nidiro sahata tiqiro yere. Tiqiro macǎno mari pǎhtoro Jesucristo yequina ijanare marine beseahye. Tiqiro sa besenohrinare Jesu yequina ijigǎ yeri marine.

## *Jes yequina Corinto cjēna cahmecoañe cahme tuhtiahye*

<sup>10</sup> Yǎhǎ acaye, mari pǎhtoro Jesucristo tiqiro dutiro mehna mǎsare tutuaro dutigǎ tagǎ niaja ahrire: Mǎsa basi cahme tuhtieracǎhña. Sa yena mǎsa basi cahme tu waeracǎhña. Ihcǎ curuata ijiya mǎsa. Sa yena sijoro saha ni yahuducueracǎhña mǎsa basi. Sa yena mǎsa yeatire tǎhotuna, ihcǎno mehna yeya mǎsa.

<sup>11</sup> Yǎhǎ acaye, mǎsa basi cahme tuhtina niñohti mǎsa. Sa ni yahuri Cloe ya wǎhǎ cjēna yǎhǎre. <sup>12</sup> Ihquēquina mǎsa mehna cjēna ohō saha ni cahme tuhtiohti: “Pablo ya curua cjāna ijiaja usǎ”, ni cahme tuhtiohti ihquēquina mǎsa. Sa ye apequina “Apolo ya curua cjāna ijiaja usǎ”, niñohti tiquina gǎhǎ. Sa ye apequina pehe “Pedro ya curua cjāna ijiaja usǎ”, niñohti tiquina gǎhǎ. Sa ye apequina pehe “Cristo ya curua cjāna ijiaja usǎ”, niñohti tiquina gǎhǎ. <sup>13</sup> Mǎsa sa niepegǎta Cristo yequina ihcǎ curuata ijiaja mari. Mari basi cahme tu wa doco masiedaja mari. Ihcǎ curuata ijiaja mari. Yǎhǎ Cristo ijieraja. Tiqiro yero saha mǎsa ye buhirire curusapǎ yariarigǎ ijiera. Tutuayere cǎoeraja. Sa yegǎ ihyo ijigǎ ijiaja. Sa yero mǎsare apeqiro wame yero, Cristo ye tutuaye mehna wame yeri. Yee tutuaye mehna wame

yerari. <sup>14</sup> Músare, mUSA mehna cĵĕna gŭhure wame yeru yŭhu. Crispore, Gayo gŭhure tiquina dihitare wame yei. Apequina pehere wame yerarigu yŭhu ijigŭ quehnoare yŭhure. <sup>15</sup> Peyequina masare wame yerigu yŭhu ijigŭ “Pablo ye tutuaye mehna tiquiro wame yeri usäre”, ni ihŭaboaga mUSA yŭhure. Sa yegu tire cahmedu. <sup>16</sup> Estefana ya wŭhu cĵĕna gŭhure wame yei yŭhu. Topequinata wame yei yŭhu. Apequinare yŭhu wame yeriquinare boaa wahu yŭhu. <sup>17</sup> Cristo yŭhure ohoro, wame yeacjüre cŭedari tiquiro yŭhure. Quehnoañe buheyere buheacjü pehere cŭiri yŭhure. Cristo curusapü tiquiro yariarire yahuye buheye marine quehnoana wahagŭ yere. Tiquiro sa yepegŭta quehnoañe buheyere yŭhu esa tuharo yŭhu buhegŭ yŭhu pehere ihŭa wahŭaboaga mUSA. MUSA sa ihŭa wahŭana quehnoañe buheye pehere ņo peoeraboaga mUSA. Sa yena quehnoana wahaeraboaga. Sa yegu Jesu ye buheyere buhegŭ yŭhu esa tuharo yŭhu masiŭe mehna buheraja yŭhu.

*Cohŭcĵŭ tiquiro tutuayere tiquiro masiŭe gŭhure choriquiro ijire Cristo*

<sup>18</sup> Pecapü butiatiquina pehe Cristo curusapü tiquiro yariarire yahuye buheyere “Tŭho masieŭequina ye buheye ijire ti”, nimene butiatiquina pehe. Mari pehe Cristo tiquiro yŭhdŭonohatina ijina ohŭ saha niaja: “Curusapü tiquiro yariarire yahuye buheye ti waro ijiro nine. Ti buheye Cohŭcĵŭ tiquiro tutuayere yahure marine”, niaja mari. <sup>19</sup> Cohŭcĵŭ pehe tiquiro yere tiquina ojoari pŭpŭ ohŭ saha nine:

Ahri yehpa cĵĕnare “Quehnoano masiŭequina ijire”, tiquina niŭequinare tiquina masidire dŭhseati ijieragŭ masigŭ yeitja yŭhu, niahye Cohŭcĵŭ tiquiro yere tiquina ojoari pŭpŭ.

<sup>20</sup> Sa ye ahri yehpa cĵĕna quehnoano masiŭequina dŭhseatiquina ijierare. Ŭsŭ acaye judio masare buheyequina gŭhu dŭhseatiquina ijierare. Yojoapure yahuducu mihniŭequina gŭhu dŭhseatiquina ijierare. Ahri yehpa cĵĕna quehnoano masiŭequina tiquina ijiepegŭta masieŭequina tiquina ijiyere masigŭ yeri Cohŭcĵŭ. <sup>21</sup> Cohŭcĵŭ pŭrita quehnoano masiniquiro ijire. Tiquiro sa ijigŭ ahri yehpa cĵĕna tiquina esa tuharo tiquina masiŭe mehna Cohŭcĵüre ne masiedare tiquina. Cohŭcĵŭ tiquiro masi dutiero sahata sa wahari tiquinare. Cohŭcĵüre cahmeeŭequina pehe ohŭ saha nine quehnoañe buheye warore: “Tŭho masieŭequina ye buheye ijire”, nimene. Sa yeye quehnoañe buheyere “Tŭho masieŭe buheye”, tiquina niŭe buheyere tŭhoye, Cristore masi dŭcare masa. Tiquina sa masi dŭcagŭ Cristore tiquina wacŭ tutuagŭ ihŭano tiquinare tiquiro yequina wahagŭ yere Cohŭcĵŭ. Sa waha dutiri tiquiro.

<sup>22</sup> Judio masa Cohŭcĵŭ tutuaye mehna tiquiro ye ihŭorire ihŭa duaye nine. Sa yeye griego masa pehe, judio masa ijieyequina pehe quehnoano tiquina masiatire macañe nine. <sup>23</sup> Mari pehe Cristo curusapü tiquiro yariarire yahuye buheyere buheaja mari. Ti buheyere judio masa pehe ihŭa tuhtire. Sa ye ti buheyere judio masa ijieyequina pehe “Tŭho masieŭequina ye buheye ijire”, ni tŭhoture. <sup>24</sup> Tiquina sa ni tŭhotuepegŭta Cohŭcĵŭ yequina ijiatire tiquiro beseriquina pehe ti buheyere ohŭ saha nine. “Cristo ye buheye Cohŭcĵŭ tutuayere tiquiro quehnoano masiŭene masigŭ yere marine”, nine tiquina ahri buheyere. Tiquina judio masa, judio masa ijieyequina ijiepetata, sa nine Jesu yequina.

<sup>25</sup> Cohŭcĵŭ masi pehoriquiro ijire. “Tiquiro tŭho masieniquiro ijire”, masa tiquina ni tŭhotuepegŭta ahri yehpa cĵĕna yŭhdŭoro quehnoano masi pehoriquiro ijire tiquiro. Sa yero Cohŭcĵüre “Tutueriquiro ijire”, masa tiquina ni tŭhotuepegŭta tiquina bui tutua yŭhdŭdŭcariquiro ijire tiquiro. <sup>26</sup> Ti yŭhu nidi ijirota ijire.

Yuh̄u acaye, Cohãc̄jũ m̄sare tiq̄uiro yequina wahagũ tiq̄uiro yegũ m̄sa peyequina ih̄yo ijina m̄sa ijiire wacũña m̄sa. Ahri yehpa c̄j̄enare “Quehnoano masiñequina”, tiquina niñequinare meheñequinagã Jesu yequina ijiatiquinare beseahye Cohãc̄jũ. Sa yero puhtoa gãh̄ure meheñequinagã Jesu yequina ijiatiquinare beseahye tiq̄uiro. Sa yero puhtoa pohne gãh̄ure meheñequinagã Jesu yequina ijiatiquinare beseahye tiq̄uiro. <sup>27</sup> “Tũho masieñequina ijire”, tiquina niñequinare Cohãc̄jũ beseahye “Quehnoano masiñequina ijire”, tiquina niñequina tiquina buoro wahatire. Sa yero “Wacũ tutueyequina ijire”, tiquina niñequinare Cohãc̄jũ beseahye, “Wacũ tutuayequina ijire”, tiquina niñequina tiquina buoro wahatire. <sup>28</sup> Masa tiquina ih̄ña tuhtiyequinare “Dũhseatiquina ijierare”, nine masa. Tiquina sa nidiquinare Cohãc̄jũ tiq̄uiro yequina ijiatiquinare beseahye tiquinare. Sa besero “Puhtoa waro ijire”, tiquina niñequinare ih̄yo ijiyequina tiquina ijiyere masigũ yeahye Cohãc̄jũ tiquinare. <sup>29</sup> Tiquiro sa yegũ ahri yehpa c̄j̄ena ne ih̄cãquiro “Tutuagu, quehnoano masigũ ijiaja”, ne ni yuh̄duca masiedare, Cohãc̄jũ ih̄ñonorũ.

<sup>30</sup> Cohãc̄jũ pehe marine Jesu yequina ijigũ yeri. Tiquiro yequina ijina marine tiq̄uiro yuh̄duori bato ijipihtiyē decori Cohãc̄jũ mehna ijinata mari. Jesu-cristo pehe Cohãc̄jũ yere quehnoano masigũ yere marine. Sa yero mari ñañe buhirire cohãre. Sa yero mari ñañe yerire cosero, marine “Quehnoañequina ijire”, Cohãc̄jũ ni ih̄ñagũ yere Cristo Cohãc̄jũre. Sa yero marine pecapu wahaborinare yuh̄duore. <sup>31</sup> Tiquiro sa yegũ Cohãc̄jũ yere tiquina ojoari pũpu tiq̄uiro ni ojoariro sahata sa wahare: “Yuh̄u esa tuh̄aro masi pehogũ ijiaja”, nidiquiro tire niedacãh̄do. Oh̄o saha niahdo: ‘Mari puhtoro Cristo pehe marine yuh̄duoriquiro ijire’, niahdo tiq̄uiro”, nine Cohãc̄jũ yere tiquina ojoari pũpu.

## 2

### *Ahri buheye Cristo curusapu tiq̄uiro yariarire yahure*

<sup>1</sup> Yuh̄u acaye, m̄sa cahapu esagu “Quehnoano masi pehoaja”, m̄sare ni buheru. Cohãc̄jũ yere m̄sare buhegu, sa ni buhegu niedu. <sup>2</sup> “Oh̄o saha ni buheitja”, nigũ m̄sa mehna ijigu Jesucristo ye dih̄itare curusapu tiq̄uiro yariari dih̄itare wacũgu, ti buheyere buhei yuh̄u. <sup>3</sup> Sa yegu m̄sa mehna ijigu ih̄yo ijigu yero saha ijii yuh̄u. Sa yegu Cohãc̄jũ yere queoro buhe duagu ijigu cuegu, nanaredigu yero saha ijii yuh̄u. <sup>4</sup> Sa yegu Cohãc̄jũ yere buhegu, “Masi pehoaja”, ni buheru. Tiquiro yere yuh̄u buhegu Esp̄ritu Santo tutuaye mehna yuh̄u buhegu ih̄ñari m̄sa. <sup>5</sup> Oh̄o sahata ni buhei yuh̄u m̄sare masa tiquina esa tuh̄aro buheye pehere m̄sa cahmedatire. Cohãc̄jũ pehere m̄sa wacũ tuatire sa ni buhei yuh̄u.

### *Esp̄ritu Santo pehe Cohãc̄jũ ijiye tiyere buhere marine*

<sup>6</sup> Sa yena Cohãc̄jũ ye buheyere tiq̄uiro masiñene m̄sare Jesure quehnoano wacũ tutuanapure yahuaja usã. Masa tiquina esa tuh̄aro tiquina buheye yero saha ijierare ahri m̄sare usã buheye. Ti buheye puhtoa ye buheye gãh̄u ijierare. Tiquina puhtoa pehe pihtia wahaeta. <sup>7</sup> Apequina tiquina masiedarire Cohãc̄jũ ye yahuducuyere yahuaja usã pehe. Panoru ahri buheyere Cohãc̄jũ yequina m̄na quehnoano masi pehoerahye. Ahri yehpa ijiaato pano ahri buheye ti nidiro sahata “Sata wahaahro”, ni tuhasahye Cohãc̄jũ. Marine pecapu wahaborinare tiq̄uiro yuh̄duotire, tiq̄uiro mehna mari ijiaati gãh̄ure “Sata wahaahro”, ni tuhasae tiahye tiq̄uiro. <sup>8</sup> Tiquiro sa

nigū Cohācjüre cahmeeñequina puhtoa ne tiquiuro ye buheyere tuho dueraye, masiedare. Tire quehnoano masiñe, mari puhtorore Cohācjū macano warore curusapn quē biha wejēdaboaya tiquina. <sup>9</sup> Cohācjū yere tiquina ojoari pūpn ohō saha nine:

Ijipihtiyequina Cohācjüre cahñequina ye ijiatire Cohācjū quehnoano quehno basa tuhasahye. Quehnoa yahduyere tiquiuro quehno basahye. Tire masa ne ihñedari. Sa ye tire ne tuhoerari. Tire dahse masino basioerare marine, nine Cohācjū yere tiquina ojoari pūpn.

<sup>10</sup> Tiquiro sa niepegūta Espiritu Santo pehe Cohācjū yere masigū yere marine. Ijipihtiye Cohācjū yere Espiritu Santo masi pehore. Sa masino tiquiuro marine tire masigū yere.

<sup>11</sup> Ne apequina pehe masino tiquiuro masiñene ne masiedare. Sa ijiepegūta masano pehe tiquiuro esa tuhoro tiquiuro wacñepn tiquiuro tuhotuyere masine. Sata apequina Cohācjū tiquiuro masiñene ne masiedare. Cohācjū yaquiuro Espiritu Santo dihita tiquiuro masiñene masine, masano tiquiuro esa tuhoro tiquiuro wacñene tiquiuro masino sahata. <sup>12</sup> Sa yena mari pehe Jesu yequina ijina masa tiquina esa tuhoro tiquina buheyere caoeraja. Cohācjū yaquiuro Espiritu Santore ohori marine masigū yero taro. Marine tiquiuro quehnoano yeatire masigū yere Espiritu Santo pehe. <sup>13</sup> Sa yena Cohācjū yere musare buhena, masa ye masiñe mehna usā esa tuhoro buheraja usā. Espiritu Santo tiquiuro buheye pehere musare buheaja. Sa buhena Espiritu Santore caoyequinare Cohācjū yere quehnoano buheaja usā.

<sup>14</sup> Espiritu Santore caoyequina pehe Espiritu Santo yere ne cahmedare. “Tiquiro ye ihyo warota ijire”, nimene tiquina. Espiritu Santo tiquiuro yedohoro marieno tiquiuro yere masino basioerare masare. Sa ye tiquina tiquiuro yere ne masiedare. Espiritu Santo yedohoro mehna tiquiuro yere masiaja mari. <sup>15</sup> Espiritu Santore caoyequina pehe Cohācjū yere quehnoano masine. Apequina pehe tiquinare “Quehnoañequina ijire. Ñañequina ijire”, ni bese masiedare Espiritu Santore caoyequinare. <sup>16</sup> Ohō saha nine Cohācjū yere tiquina ojoari pūpn: “Mari puhtoro Cristo tiquiuro tuhotuyere masiñequina ne mariedare. Sa ye tiquiore masa duti masiedare”, nine tiquiuro yere tiquina ojoari pūpn. Mari pehe Cristo yequina ijina, Cristo yero sahata masiaja.

### 3

#### *Jesu yequina ihcāno saha Cohācjüre dahra cohteyequina ijire*

<sup>1-2</sup> Yuhū acaye, musare buhegn Espiritu Santore quehnoano yuhtiyequinare yuhū buheriro sahata buhe masieda musa pehere. Cristo yequina ijiepenata, macanagā dihire tiquina ihya masieno saha Cohācjū yere quehnoano masiedare musa. Yojopn gūhare quehnoano masiedañohti musa. Ahri yehpa cjēna ñañequina yero saha tuhotuñohti musa. Sa yena macanagā epēcore tiquina apūno saha mijoeda cjūñe buheye dihitare tuhoñohti musa. Sa yegū ti yero saha ijiye buheye dihitare buhei musare. Cristo yequina ijiepenata macanagā tiquina ihya masieno sahata Cristo yere quehnoano masiedañohti musa. <sup>3</sup> Musa pehe musa mehna cjēnare cahme coona, cahmequena, musa basi ihquē cururi tu waduca sana, Espiritu Santore caoyequina yero saha yena niñohti musa. Sa yena ahri yehpa cjēna Cristore cahmeeñequina yero saha yeñohti musa. <sup>4</sup> Ohō saha niñohti musa: “Pablo ya curua cjāna ijiaja usā”, niñohti musa ihquēquina. Sa yena apequina musa mehna cjēna pehe “Apolo ya curua cjāna ijiaja usā”, niñohti. Musa sa ni yahuducuna Espiritu Santo marieñequina yero saha ni yahuducuñohti musa.



<sup>5</sup> ¿Yuhũ Pablo, Apolo mehna dũhseanaja ijiajari usã, musa tuhutugũ? Ohõ saha yeana iijina niaja usã: Cohãcũ tiquiro dutiriro sahata tiquirore dahra cohtena ihyo iijina iijaja usã. Sa yena musare usã buhegũ tuhona Jesucristore wacũ tutua dũcare musa. <sup>6</sup> Quehnoañe buheyere buheyequina wesepũ dahrayequina yero saha ijire, mari queoye mehna buhegũ. Wese upũro tiquiro ote muhtariro saha yuhũ gãhũ musare buhe muhtaũ. Sa yero apequiro wesere tiquiro cure nanũ tãno saha Apolo pehe yuhũ bato musare buhe nanũ tãri. Usã sa buhepegũta wese cjẽ oteyere bucua nemogũ tiquiro yeriro saha Cohãcũ pehe musare tiquiro yere masi nemogũ yeri. <sup>7</sup> Sa yegũ yuhũ buhe muhtarigũ ijiepegũta ihyo ijigũ ijiaja. Sa yero Apolo yuhũ bato buhe nemoriquiro gãhũ ihyo ijiriquirota ijire. Cohãcũ pũrita oteyere tiquiro bucua nemogũ yeriro saha tiquiro yequinare tiquirore masi nemogũ yere. Sa yena Cohãcũ pehere ño peoro cahmene musare. <sup>8</sup> Ote muhtariquiro, came cure nanũ tãriquiro ihcãno saha dahra cohteyequina ihyo ijieyquinata ijimene tiquina. Sa ye tiquina dahrariro punota wapatare tiquina. Sata iijaja usã, Apolo mehna. <sup>9</sup> Sa yena usã Cohãcũ yere dahra cohtena iijaja. Sa yero Apolo yuhũ mehna cjãno ijire. Usã sa ijigũ musa pehe Cohãcũ ya wese yero saha ijire. Musã sa ijigũ Cohãcũ ya wese cjẽ oteyere tiquiro bucua nemogũ yero saha musare tiquiro yere masi nemogũ yerota tiquiro.

Sa ye Cohãcũ musare tiquiro yequinare quehnoari curua yero nine. Sa yena utã mehna tiquina yeri wuhũ yero saha ijire musa tiquiro ya curua cjãna, mari queoye mehna buhegũ. <sup>10</sup> Musã sa ijigũ Cohãcũ yuhũre tiquiro dutiriro sahata yuhũ pehe wuhũ dahre mihnidiquiro utãre tiquiro cũ muhtariro sahata Jesucristo yere musare buhe muhtaũ. Sa yero ti utã paca bui apequiro tiquiro ye nemo mujano sahata apequiro yuhũ bato buhe nemo nanũ tãno nine. Sa buhe nemono quehnoano mehna buherota. Sa yero Cristo ye dihitare buherota tiquiro. Sata buheahro tiquiro. <sup>11</sup> Wuhũre tiquina dahre dũca tiquina cũ muhtaria utã yero saha ijire Cristo. Sa yena ti utãre usã quehnoano cũ muhtariro saha Cristo yere buhe tuhasaũ. Apequiro ye buheye pehere mari buhegũ quehnoaedaga.

<sup>12-15</sup> Uru mehna, plata mehna, wapa bujũye utã paca mehna mari yeri wuhũre mari ujũa tuhugũ ujũedare. Sata Jesucristo yere mari quehnoano yeri bato pihitiri deco ijigũ Cohãcũ mari yerire ujũa tuhuro saha yerota mari yerire masino taro. Sa tiquiro yegũ quehnoano yeri wuhũ ujũedariro saha mari yerire ti quehnoañe ijigũ masinota. Sa yero mari quehnoano yerina mari ijigũ masigũ yerota tiquiro. Quehnoano mari yeri wapa quehnoano yerota marine.

Sa yero yucũri mehna, taa mehna, ñaidi pũri mehna mari yeri wuhũre mari ujũa tuhugũ ujũa wahare. Sata Jesucristo yere mari quehnoano yerari bato pihitiri deco ijigũ, Cohãcũ mari yerire ujũa tuhuro yero saha yerota mari yerire masino taro. Sata tiquiro yegũ ñano yeri wuhũ ti wuhũ ujũeriro saha mari yerire ñañe ijigũ masinota. Sa yero mari quehnoano yerari bato ijigũ marine masigũ yerota tiquiro. Sa yero quehnoano yerarina mari ijigũ ihũano quehnoañene mari yemedi wapare quehnoano yesi marine. Sa ijieyquinare Cohãcũ yuhũdorota. Sa ye sa quehnoano yerariquina mehenogã mehna yuhũeta.

<sup>16</sup> Musã pehe Jesu yequina Cohãcũ ya wuhũ yero saha ijire. Musã sa ijigũ ihũano ti wuhũpũ tiquiro ijiboro saha Espĩritu Santo pehe musa mehna ijire. ¿Tire masiedajari musa? <sup>17</sup> Cohãcũ ya wuhũ ñañe marieni wuhũ ijire. Sa yena musa gãhũ ti wuhũ yero saha iijina tiquiro yequina waro ijire. Sa yero Jesu yequinare ihcãquiro dojomehnegũ Cohãcũ pecapũ cohãnota tiquiro pehere.

18 Ni mehoñene tãhotueracãhña masa. “Yojorũ cjẽna ye masiñene quehnoano masiaja”, ni tãhoturiqũiro masa mehna cjãno ijiro Jesu ye pehere quehnoano masiaho. Tiquiro sa masigũ ihñañe apequina tiquirore “Tãho masienqũiro ijire”, nieta. Sa yero Jesu yere masino, potota quehnoano masidiquiro waharota. 19 Masa esa tuharo tiquina basi tiquina masiñene “Itho wãrota ijire”, ni tãhoture Cohãcjũ. Sata nine Cohãcjũ yere tiquina ojoari pũrũ: “Tiquina esa tuharo masiñequina tiquina masiñe dahseati ijierare, Cohãcjũ tiquiro ihñagũ. Sa yero tiquina cahmeno saha yeragũ yere tiquinare”, nine Cohãcjũ yere tiquina ojoari pũrũ. 20 Sa ye ape pũrũ ohõ saha nine: “Masa tiquina esa tuharo masi pehoyequina tiquina tãhotuye dahseati ijieragũ masine mari pãhtoro Cohãcjũ pehe”, nine Cohãcjũ yere tiquina ojoari pũrũ.

21-22 Sa yena “Pablo ya curua cjãna ijiaja usã”, niedacãhña. “Apolo ya curua cjãna ijiaja usã”, niedacãhña. “Pedro ya curua cjãna ijiaja usã”, niedacãhña. Usã ijipihitina masa yequina dihita ijiaja. Ijipihitiye masa ye ijire. Cohãcjũ tiquiro bajumehnedire, catiye gãhũre ohori musare. Sa yero pecarũ wa-haeragũ yerota musare. Yojorũ ijiyere, camerũ ijiahi gãhũre musare ohorota. Sa ye ijipihitiye masa ye ijire. 23 Sa yena masa pehe Cristo yequina ijire. Sa yero Cristo pehe Cohãcjũ yaqũiro ijire.

## 4

### *Cristo tiquiro yere buhe duti tiquiro cũriquina tiquina dahrayere yahuahye*

#### *Pablo*

1 Ohõ saha ni tãhotuya masa yũhũre Apolo gãhũre: “Tiquina Cristore dahra cohteyequina ijire. Sa ye masa tiquina masiedarire Cohãcjũ yere buheyequina ijire”, ni, tãhotuya masa usãre. 2 Dahra cohteyequinare tiquina pãhtoro tiquiro dutiriro saha ye cohtero cahmene tiquinare. Yũhũ gãhũre sata yero cahmene Cristore. 3 Sa ijiepegũta yũhũre masa yahu wajaepẽgũta sa tãhotu cjã yũhũ. Apequina pãhtoa yũhũre tiquina yahu wajaepẽgũta sa tãhotu cjã yũhũ. Yũhũ yerire ihñana “Ahri quehnoañe ijire. Ahri ñañe ijire”, ni masiedare masa. Yũhũ gãhũ masuta ijiaja. Sa yegu yũhũ yerire quehnoano masi pehoeraja yũhũ gãhũ. 4 “Cristo yere yũhũ yũhdũdcari yũhũre mariedare”, ni tãhotumaja yũhũ. Yũhũ ohõ saha ni tãhotuepegũta buhiri tiboaga yũhũ. Mari pãhtoro Cristo dihita yũhũ yerire ihñano, quehnoano masine. 5 Sa yena mari pãhtoro tiquiro tojoa tato pano masare ñano ni yahu wajaeracãhña masa. Tiquiro tojoa taro masa tiquina yerire, panorũ apequina tiquina masiedarire Cristo masigũ yerota. Sa yero mari ye duayere, mari tãhotuyere tiquiro masigũ yerota. Sa yero tiquiro yere yeriquinare “Masa quehnoano yeri”, ninota Cohãcjũ.

6 Yũhũ acaye, yũhũ Apolo mehna usã buherire yahuu yũhũ, musare buhegu tagũ. Sa ni yahuu yũhũ Cohãcjũ tiquiro yere tiquina ojoari pũrũ tiquiro nidiro sahata masa yeducuatire. Sa yena masa mehna cjẽnare ihcãno saha cahme ño peoya. Ihcãquiroreta ño peoeracãhña. 7 Masa pehe apequina yũhdũoro quehnoano ijierare. Masi yũhdũdcana ijierare masa. Cohãcjũ musare tiquiro ohori dihitare cõore masa. Sa yena musare tiquiro yahuri dihitare masine masa. ¿Masa esa tuharo cõona, masa esa tuharo masina ijierapenata, dahse yena “Masi pehona ijiaja”, nijari masa? Sa nina “Cohãcjũ usãre ohõerari. Sa yero usãre yahuerari”, niboriro saha yere masa.

8 Masa pehe “Cohãcjũ yere masi pehoaja usã. Usãre yabe boro dahsaerare”, nime ne masa. Sa yena masa caharũ usã ijieragũ masa ohõ saha ni tãhotumene: “Pãhtoa yero saha masina ijiaja usã”, ni tãhotumene masa. Potota Cohãcjũre masi pehona pãhtoa yero saha masina masa ijigũ musare

quehnoa yuhduaboaga. M̄sa sa ijigū m̄sa mehna usā gūh̄u p̄h̄toa yero saha masina ijiboaga. “Masina ijiaja usā”, ni t̄hotuna, quehnoa yuhduaro ni t̄hotumene m̄sa. <sup>9</sup> Ohō saha ni t̄hotuaja yuh̄u p̄rita: Usāre Jesu tiq̄uro yere buhe dutiro cūno, ijipihtiequina iji bato tiri c̄jā curua cūri usāre. Tiquina wejē dutinohriquina yero saha ijanare cūri usāre. Masa tiquina cahacjēna yero saha ijiaja usā. Ahri yehpa c̄jēna masa, angele gūh̄u cahacjēna yero saha ih̄ñare usāre. <sup>10</sup> Cristo yere usā buhegū ih̄ñañe “T̄h̄ho masieñequina ijire”, nine masa usāre. Sa Cristo yere usā yegū ih̄ñañe, usāre ih̄ña tuhtire. M̄sa pehe quehnoa yuhduaro Cristo yere masina ijiajari m̄sa. “Cohācjāre wacū tutueyequina ijire”, ni t̄hotumene masa usāre. M̄sa pehe quehnoa yuhduaro wacū tutua yuhduana ijiajari. M̄sa pehere masa ño peore. Usā pehere masa ne ño peerare. <sup>11</sup> Usā pehe yojop̄are ñano yuhduana, çj̄na ahbana, aco w̄hona, ñano suhti mariena, w̄h̄use mariena ijiaja. Sa ye apequina usāre ño peera, usāre ñano yere. <sup>12</sup> Sa yena usā tutuaro dahraja. Sa yena apequina usāre tiquina ñano yahuducuepegāta usā pehe tiquinare “Quehnoano ijiaja”, niaja usā. Sa yena apequina usāre ñano tiquina yepegāta sa t̄hotu c̄jā usā. <sup>13</sup> Sa yena “Ñano yeyequina ijire”, usāre tiquina niepegāta usā pehe quehnoano mehna tiquinare yuh̄tiaja. Sa ye panop̄u, yojop̄u gūh̄ure ñañe wete yero saha masape cururi iji bato tiri curua c̄jēna yero saha ih̄ñare masa usāre.

<sup>14-15</sup> M̄sare quehnoañe buheyere buhe m̄htaḡu m̄sa pac̄u yero saha wahan̄ yuh̄u. Peyequina m̄sare Cristo yere buheyequina tiquina ijiepegāta m̄sare buhe m̄htariḡu ih̄c̄ta ijiaja yuh̄u. Sa ijigū m̄sare buhe tigū yegū taḡu ahrire ojoaḡu nied̄u yuh̄u. Yuh̄u poh̄nare, yuh̄u cah̄nare yuh̄u dutiboriro saha m̄sare quehnoano mehna dutiḡu taḡu ahrire ojoan̄ yuh̄u. <sup>16</sup> Sa yegū ahrire m̄sare tutuaro mehna dutiḡu taḡu niaja yuh̄u. Yuh̄ure ih̄ña cūña m̄sa.

<sup>17</sup> Ahrire ye dutiḡu taḡu m̄sa cahap̄u Timoteore ohou. Tiquiro yuh̄u mac̄u yero saha ijiriquiro yuh̄u cah̄niquiro mari p̄h̄toro Jesu yaquiro ijire. Sa yero Cristo yere yeducure tiq̄uro. Cristo yere mari yeatire ijipihtiequina Jesu yequina cahap̄u buhei yuh̄u. Timoteo tire m̄sare wacūducugū yerota. Sa yegū Cristo yere yuh̄u yeriro sahata m̄sa ih̄ña cūato saha Timoteore ohou yuh̄u. <sup>18</sup> Timoteore yuh̄u ohogū ih̄quēquina m̄sa mehna c̄jēna p̄h̄toa iji duayequina ohō saha nine: “Pablo mar̄ne cuero, mari cahap̄u ahtasi”, ni t̄hotumene tiquina. <sup>19</sup> Cohācjū cahmegū m̄sa cahap̄u mianogāta esat̄ja. Sa esaḡu p̄h̄toa iji duayequinare m̄sa mehna c̄jēnare Cohācjū ye tutuayere tiquina c̄hogū masigut̄ja yuh̄u. Sa yegū tiquina sa ni maca c̄ari gūh̄ure masigut̄ja yuh̄u. <sup>20</sup> “Cohācjū usā p̄h̄toro ijire”, mari ni yahuepegāta tiq̄uro yere mari yeragū ti mari niñe dah̄seati ijierare. Cohācjū tutuaye mehna tiq̄uro cahmeno saha ye masiaja. Ti ihyo waro ijierare. <sup>21</sup> ¿M̄sa cahap̄u m̄sare buhiri dah̄reac̄u m̄sare tuhtiac̄u yuh̄u wahagū cah̄meajari m̄sa yuh̄ure? ¿O m̄sare cah̄iḡu m̄sare bucuegu yuh̄u wahagū cah̄meajari m̄sa yuh̄ure? ¿D̄h̄se ijigū yuh̄u wahagū cah̄meajari m̄sa?

## 5

### *Corinto c̄jēna tiquina w̄hana tirire yahuahye Pablo*

<sup>1</sup> Potota ohō saha q̄uti tire usāre apequina: Ih̄c̄aqui m̄sa mehna c̄jēno tiq̄uro m̄honore w̄hana tiñohti. Sa ni yahuri masa usāre. Apequina pehe Cohācjāre cahmeeñequina ijiepet̄a tiquina pehe sa yerare. <sup>2</sup> M̄sa mehna c̄jēno tiq̄uro sa yepegāta m̄sa pehe “Quehnoano ijiaja usā”, ni t̄hotumene. ¿D̄h̄se yena tiq̄uro ñano yeyere masiepenata buj̄na witierajari m̄sa? Sa yena sa ñano yeriquirore m̄sa mehna Jesu yequina mehna ijiriquirore

cohãña mûsa. <sup>3-4</sup> Yũhũ mûsa mehna ijierapeguta yũhũ wacũñerũ mûsa mehñata ijiaja yũhũ. Sa yegũ mûsa mehna ijigũ yũhũ niboriro saha ñano yeriquirore tiquro sa ñano yeri buhiri buhiri dahre duti tuhasaja yũhũ. Jesu tiquro dutiro mehñata sa ye dutiaja. Sa yena mûsa cahmecoana yũhũ wacũñe mehñarũ mûsa mehna yũhũ ijigũ mari pũhtoro Jesu tiquro tutuaye mehna tiqurore ñano yeriquirore cohãña, ohõ saha niña: <sup>5</sup> “Watĩno tiquro cahmeno saha mũhũre yecũnahdo”, niña tiqurore. Sata niña tiqurore ñañene tiquro tutuaro cahmeñene tiquro duhuatire. Mûsa sa cohãgũ tiquro ñano yahdurota. Mari pũhtoro Jesu tiquro tojoa tati deco ñano yeriquiro Jesu mehna tiquro quehnoano yahduatire yojopũre tiqurore sa niña.

<sup>6</sup> “Quehnoana ijiaja usã”, niepenata ñano yena niaga mûsa. Ñano yeriquirore mûsa sa ihña cãna, ti ñañene mûsa ijipihtina piha pihtia wahanata. Pãre pugũ yeye trigore ti quehnoano sehsaro saha ti ñañe mûsare piharo quehnoano sehsaa waharota. ¿Tire masiedajari mûsa? <sup>7</sup> Yũhũ acaye judio masa pascua ijigũ ovejare wejẽ, ujãa mũo, Cohãcjũre ño peore. Sata oveja tiquro yariariro saha Cristo mari ñañe buhirire yariaa wahahye. Tiquiro sa wãharire masina mûsa pehe ñano yeriquirore mûsa mehna cjãnore cohãña ti ñañe mûsare “Pihari” nina. Mûsa ñañe yerire cohã tuhasari Cristo. Sa yena ñano yeriquirore cohãña “Pari turi ti ñañene pihari”, nina. <sup>8</sup> Pãre pugũ yeye trigore ti sehsariro saha panorũ ñañene ihña cũ, ye pihtirina ijimi mari. Sa yena pascua bõse decorũ pãre pugũ yeye marieno pãre tiquina ihyariro saha mari gũhũ ñañene cahmeno marieno ñano yero marieno ijihna mari. Panorũ mari ñañene yeriro saha yeracãhna. Sa yena potota quehnoano tãhotuye mehna, quehnoañene yeihna.

<sup>9</sup> Mûsare yũhũ ojoari pũpũre Jesu yaquiro tiquro ijiepegũta sa wãana tiducuriquirore ne piti ti dutierami. <sup>10</sup> Sa nigũ wãana tiyequinare, apequina yere tutuaro cahmeñequinare, yaqueyequinare, “Cohãcjũ ijire”, tiquina niñe queoyere ño peoyequinare Jesu yequina tiquina ijieragũ “Tiquina mehna ijieracãhña”, niedaja. Ahri yehparũ sa ijieyequina marieno Jesure cahmeñequina marieno mari dihita iji masiedaja. Ijipihtiropũre ijire tiquina pehe. <sup>11</sup> Sa yegũ mûsare ojoagũ ohõ saha dutimi: Mûsa mehna cjãno “Jesu yaquiro ijiaja”, nidiquiro ijieperota numino mehna ñano yeriquiro, apee borore tutuaro cahmediquiro, “Cohãcjũ ijire”, tiquina niñe queoyere ño peoriquiro, ñano quiti yeducuriquiro, queheriquiro, yaqueriquiro tiquro ijigũ tiqurore piti tieracãhña. Sa yeriquiro “Jesu yaquiro ijiaja”, nidiquiro ijigũ tiqurore piti tieracãhña. Sa yena sa yeriquiro mehna ihyeracãhña. <sup>12</sup> Sa yegũ Jesu yequina ijieyequinare tiquina ñañe yeri buhirire buhiri dahre dutirigũ ijieraja yũhũ. Sa yũhũre yeraro cahmene. Yũhũ sa niepegũta mûsa mehna cahmecoañequina Jesu yequina mûsa basi mûsa yerire ihñana, masino cahmene mûsare. Sa ihña cãedarõ cahmene. Sa yena tiquina ñano yegũ ihñana mûsare buhiri dahrero cahmene tiquinare. <sup>13</sup> Jesu yequina ijieyequina pehere Cohãcjũ pehe buhiri dahrerota. Sa yena mûsa pehe mûsa mehna cjãnore ñano yeriquirore buhiri dahrena tiqurore cohãña.

## 6

### *Jesu yequinare yahusãrire yahuahye Pablo*

<sup>1</sup> ¿Mûsa basi cahme ihña tuhti yahusã duana dahse ijiro boro Jesu yequina ijieyequina caharũ mûsa acayere Jesu yequinare yahusãna wahajari? Jesu yequinare mûsa mehna cjẽnare yahusã duana apequina Jesu yequinare tire yahuro cahmene mûsare. Sa ye Jesu yequinarũ beseahro. <sup>2</sup> Pihtiri deco ijigũ mari Jesu yequina pehe masa ijipihtieyequina tiquina yerire ihñana besenata mari tiquinare. ¿Tire masiedajari mûsa? Sa yena pihtiri deco ijigũ masa

ijipihtiyequinare beseatina ijina, yojopu gũhare bese masiaja mari. Sa yena yojopure ihyo ijiyegã buhiri gũhare bese masiaja mari. <sup>3</sup> Angele tiquina yerire ihñana tiquina gũhare besenata mari. ¿Tire masiedajari mũa? Mari sa beseatina ijina potota ti yũhdũoro yojopu gũhare Jesu yequina tiquina yerire ihñana bese masiaja mari. <sup>4</sup> ¿Sa yena dũhse yena mũa mehna cjẽnare yahusã duana Jesure cahmeẽnequina cahapu ihyo ijiyegã buhirire yahusãna wahajari mũa? <sup>5</sup> Ahrire nigu niaja mũa queoro yerarire mũa bujũa witiatire. ¿Mũa mehna cjẽnare mũa cahme dũse tini wiagũ musare yahuatiquiro mũa mehna cjẽno quehnoano masiniquiro mariedajari? Ijire. <sup>6</sup> Sa ijiepegũta mũa mehna cjũno Jesu yaquiro apequiro Jesu yaquirore yahusã duaro Jesu yequina ijieyequinare yahusãno wahare.

<sup>7</sup> Masare beseyequina puhtoa cahapu mũa mehna cjẽnare yahusãna Cohãcjũ ye pehere yũhdũducana nine mũa. Apequiro mũa mehna cjũno musare ñano tiquiro yegũ sa tuhotu cãboaga mũa. Jesu yequina ijieyequinare mũa yahusãto pano mũa acayurore mũa sa tuhotu cãgũ quehnoa yũhdũaboaga. Jesu yaquiro musare tiquiro yaquegũ tiquirore mũa yahusãto pano tiquiro yaquerire mũa sa tuhotu cãgũ quehnoa yũhdũaboaga. <sup>8</sup> Mũa gũhu sa ijinata ijire. Apequinare ñano yere mũa. Sa yena yaquere mũa. Sa yena apequina mũa mehna cjẽna Jesu yequina tiquina ijiepegũta tiquinare ñano yena, yaquere mũa.

<sup>9</sup> Sa yeyequina Cohãcjũ puhtoro ijiropure uhmũsepure waha masiedare. ¿Tire masiedajari mũa? Ni mehoñene tuhotueracãhña mũa. Mari puhtoro ijiropu ne wahasi ohõ saha yeyequina: Wũana tiyequina, “Cohãcjũ ijire”, tiquina niñe queoyere ño peoyequina, numia mehna ñano yeyequina, uũna mehna ñano yeyequina numia, uũna sehسارة tiquina paguri mehna ñano yeyequina, numia sehسارة tiquina paguri mehna ñano yeyequina numia, <sup>10</sup> ni meho ehmañequina, apequina yere tutuaro cahmeñequina, queheyequina, masare ñano tuhtiyequina, yaqueyequina, ne Cohãcjũ puhtoro ijiropure uhmũsepure waha masiedare. <sup>11</sup> Panopure mũa gũhu sa yerina ijimedi. Sa yemedina mũa ijiepegũta yojopure mũa ñano yerire cose tuhasari Jesucristo pehe. Sa tiquiro cosenohrina mũa ijigũ tiquiro yequina ijiatinare yeri Cohãcjũ musare. Sa yero “Quehnoana ijire”, ni ihñare musare tiquiro. Sata yere musare mari puhtoro Jesucristo, Espiritu Santo gũhu tiquina tutuaye mehna.

### *Mari paguri Cristo ye paguri ijire*

<sup>12</sup> “Yũhu cahmeno saha ye masiaja yũhu”, nine ihquẽquina. Sata ijire. Yũhu gũhu sa nidigu ijiepegũta tire yegu apequinare yedohorigu ijieraboaga yũhu. Yũhu cahmeno saha ye masiaja. Sa ye masiepegũta ihquẽ tahari sa yegu ijigũ duhu masiedaboaga yũhu. Sa yegu tire pari turi yesi yũhu, “Duhu masiedaboaga”, nigu. <sup>13</sup> Ohõ saha nine mũa: “Ijipihtiye ihyaye mari paa cjẽ ijiasi ijire. Sa yero mari paa ihyaye pose tiati paa ijire”, nine mũa. Tĩ ijirota ijire. Sa ijieperota came Cohãcjũ pehe mari ihyayere mari paa gũhare puhtia wahagũ yerota. Sa ye mari ihyaye ihyo warota ijiro nine. Ihyaye mari paa cjẽ ijiasi ijire. Sa ijieperota mari paguri numia mehna ñano yeati paguri ijierare. Mari paguri pehe mari puhtoro Cristo ye paguri ijieye nine. Sa yero mari puhtoro pehe mari pagurire quehnoano yeatiquiro ijire. <sup>14</sup> Sa yero Cohãcjũ tiquiro tutuaye mehna mari puhtoro Cristore masoahye. Sa tiquiro yeriro sahata mari gũhare masonota tiquiro.

<sup>15</sup> ¿Sa yena mũa paguri Cristo ye paguri ijigũ masiedajari mũa? ¿Ti sa ijigũ Cristo ya pagu mehna wũana tiricoro mehna mari ñano yegũ quehnoajari? Quehnoaedare. <sup>16</sup> Wũana tiricorore ñeheniquiro tiquiro pagu pehe ticoro ya

pagu mehna ijiro, ihcã pagu yero saha ijire. ¿Tire masiedajari m̄sa? Sata ni ojoahye Cohãc̄jũ yere tiq̄uina ojoari p̄p̄u: “Tiq̄uina p̄aro ijiepetã ihcã pagu yero saha wahare”, ni ojoahye. <sup>17</sup> Mari p̄htoro Jesu tiq̄uiri yaq̄uiri mas̄no mehna ijiro nine. Sa yero mas̄no mari p̄htoro mehna p̄aro ijiepetã ihcã pagu yero saha ijire.

<sup>18</sup> Sa yena w̄ana tieracãh̄ña. Tire m̄sa yabiro saha tire yeracãh̄ña. Apeye ñañene mari yena mari pagure dojomehnedaja. W̄ana tiriq̄uiri pehe tiq̄uiri pagure ñano dojomehnene. <sup>19</sup> Esp̄ritu Santore marine ohori Cohãc̄jũ. Sa yero mari paguri mehna ijire Esp̄ritu Santo. ¿Tire masiedajari m̄sa? Sa ye m̄sa paguri, m̄sa jeripohnari ḡhu m̄sa ye waro ijierare. <sup>20</sup> M̄sa ñañe buhirire buhiri dahre tuhasari Cristore. Sa yena tiq̄uiri yequina waro ijire m̄sa. Tiq̄uiri yequina ijina m̄sa paguri mehna Cohãc̄jũ tiq̄uiri cahmeno sahata yeya. Sa yena Cohãc̄jũre ño peona nine m̄sa. Sa yena apequina ḡhure tiq̄uimore ño peogu yena nine.

## 7

### *Namo tiyere yahuahye Pablo*

<sup>1</sup> Yojoṗare yuh̄re m̄sa sinitu ojoarire yuh̄ ḡhu yuh̄ti cahmegu tagu niaja: Mas̄no namo tieragũ quehnoare, yuh̄ ihñagũ. <sup>2</sup> Ti sa ijiepegũta apequina m̄na pehe namo tiahro apequina numia mehna tiq̄uina “Ñano yeari”, niñe. Sa ye ihquẽ numiata man̄ tiahro apequina mehna tiq̄uina “Ñano yeari”, niñe. <sup>3-4</sup> Man̄ tiricoro pagu ticoro ya pagu dihita ijierare. Ticoro man̄no ya pagu ḡhu ijire. Ticoro man̄no ḡhu tiq̄uiri pagu tiq̄uiri ya pagu dihita ijierare. Tiq̄uiri namono ya pagu ḡhu ijire. Sa yena m̄sa m̄na pehe m̄sa namos̄numiare quehnoano c̄oaya. Sa yena m̄sa numia ḡhu m̄sa man̄sm̄nare “Yuh̄ pagure pihercãh̄ña”, niedacãh̄ña. <sup>5</sup> Sa ijiepegũta Cohãc̄jũre p̄aro m̄sa sini duana “Meheñe decorigã yuh̄ mehna ijieracãh̄ña. Cohãc̄jũre sinihna”, ihcãno mehna sa nina, sa ye masine m̄sa. M̄sa sa nidi bato m̄sa iji mahtariro saha ijiducuya tja, Satana m̄sare “Ñano ye dutiari”, nina. “Apequina mehna ñano yeboaga”, nina, m̄sa basi piti ti duhueracãh̄ña. M̄sa iji mahtariro saha ijiducuya tja.

<sup>6</sup> Ahrire m̄sare yojoṗ yuh̄ nidire niḡ m̄sare dutiye waro mehna niedaja. Sa yahugu niaja m̄sa yeatire m̄sa masiatire. <sup>7</sup> Ijipihtina m̄sa yuh̄ yero saha namo tienã m̄sa ijigũ quehnoaboaga yuh̄re. Sa iji duerenata mari ijipihtina ihcãno saha ijieraja. Ihquẽquinare namo ti dutire Cohãc̄jũ. Sa yero tiq̄uiri ihquẽquinare namo ti dutierare.

<sup>8</sup> Sa yegu namo marienare, man̄ marienare, wape wiha numia ḡhure ohõ saha niaja m̄sare: Namõ mariena, man̄ mariena iji masina, sata iji cãh̄ña yuh̄ yero saha. <sup>9</sup> Sa iji masiedana tutuaro ñañene cahmena, namo tiya. Sa yena man̄ tiya. Ñañene m̄sa tutuaro cahmegũ quehnoaedare m̄sare. M̄sa sa tutuaro cahmegũ m̄sa namo tigũ p̄rita quehnoarĩne. Sa yena m̄sa man̄ tigũ ḡhure quehnoarĩne.

<sup>10</sup> M̄sa namo tinare, man̄ tina numiare ohõ saha dutiaja. Yuh̄ sa niepegũta yee dutiye waro ijierare ahri. Mari p̄htoro Cristo ahrire dutire: M̄sa numia pehe m̄sa man̄sm̄nare cohãedacãh̄ña. <sup>11</sup> M̄sa man̄sm̄nare cohãna, man̄ mariena numia tojoaya. Sa tojoerana pari turi m̄sa man̄sm̄na mehna quehnoano ijia tja. Sa yena m̄sa ḡhu m̄na m̄sa namos̄numiare cohãedacãh̄ña.

<sup>12</sup> Sa yegu m̄sa ḡhure apequinare ohõ saha niaja yuh̄. Mari p̄htoro tiq̄uiri dutiye ijierare ahri. Yuh̄ pehe ohõ saha niaja m̄sare: Ihquẽquina m̄sa mehna c̄jẽna Jesu yequina pehe Jesure cahmeeñequina numiare namo



tiriquna ijire. Sa ye tiquna namosãnumia tiquna mehna tojoa duagũ tiquna numiare cohãedacãhdo tiquna. <sup>13</sup> Sa ye ihquẽquina m̃sa mehna cjẽna numia Jesu yequina numia Jesure cahmeeñequinare mañ tiriquna numia ijire. Sa ye tiquna mañsum̃ma tiquna numia mehna tojoa duagũ tiqunare cohãedacãhdo. <sup>14</sup> M̃sa mañsum̃ma Jesure cahmeeñequina ijiepegũta Jesu yequina numiare tiquna namo tigũ, Cohãcjũ quehnoañequina yero saha ihñare tiqunare. Sa yena m̃sa um̃a pehe Jesu yequina m̃sa ijigũ m̃sa namosãnumia Jesure cahmeeñequina numia ijiboaga. Tiquna sa ijiepegũta m̃sa mehna tiquna numia mañ tigũ Cohãcjũ quehnoañe numia yero saha ihñare tiqunare. Tiqiro sa ihñedagũ m̃sa pohna Jesure cahmeeñequina pohne yero saha ihñaboaga Cohãcjũ. Sa yero tiquna pohne gãhure quehnoañequina yero saha ihñare Cohãcjũ. <sup>15</sup> Sa ye m̃sa um̃a pehere m̃sa namosãnumia Jesure cahmeeñequina numia m̃sare cohã duaye, sata yeahro. M̃sa mañsum̃ma gãhũ sa cohã duaye, sata yeahro. Quehnoano mari ijigũ cahmene Cohãcjũ. Sa yero tiquna numia Jesu yequina ijieye numia m̃sare cohã duagũ “Tiquna numia mehna ijiniña”, ni, dutierare Cohãcjũ. <sup>16</sup> Tiquna namosãnumia Jesu yequina numia pehe quehnoano yegũ ihñañe camerũ tiquna mañsum̃ma Jesure cahmeboaga. Sa cahmegũ Cohãcjũ tiqunare pecarũ wahaboriqunare yãhd̃orota. Sa ye tiquna mañsum̃ma Jesu yequina pehe quehnoano yegũ ihñañe camerũ tiquna namosãnumia Jesure cahmeboaga. Sa cahmegũ Cohãcjũ tiquna numiare pecarũ wahaboriquna numiare yãhd̃orota. Sa Jesure cahmeboriquna tiquna ijiepegũta potota Jesure tiquna cahmeaire masiyuro basioerare m̃sare.

<sup>17</sup> Sa yena ijipihtina m̃sa mari pãhtoro Cristo m̃sare tiqiro iji dutirio sahata yeya. Sa yena Cohãcjũ m̃sare tiqiro cũire yeya m̃sa. Tire ijipihtiyequina Jesu yequinare sa ye dutiducujaja yãhũ. <sup>18</sup> Jesu yequina m̃sa ijiato pano cuhñucunũ sohtoa cahserogãre yãhre nena ijina, tire ihña yabieracãhña. Sa yena Jesu yequina m̃sa ijiato pano cuhñucunũ sohtoa cahserogãre yãhre nedarina ijina yojorũ gãhure sata ijiducuya. <sup>19</sup> Yojorũre ti cahserogãre yãhre nedina m̃sa ijigũ dũseati ijierare. Tire yerarina m̃sa ijigũ gãhure dũseati ijierare. Sa ijiepegũta Cohãcjũ dutiyere mari yegũ ti pũrita ihyo waro ijierare. <sup>20</sup> Sa yena Cohãcjũ Jesu yequina m̃sare tiqiro cũri pje m̃sa ijiriro sahata tojoaya. <sup>21</sup> Jesu yaqiro m̃hũ iji dũcato pano apeqiro cahacjũ m̃hũ ijigũ quehnoanota. Sata tojoaya. M̃hũ pãhtoro m̃hãre tiqiro wio duagũ pehere wijiaya m̃hũ. M̃hũ wijiagũ quehnoanota m̃hãre. <sup>22</sup> Sa yero mari pãhtoro Jesu yaqiro ihcãqiro ijiro masno cahacjũno ijieperota Jesu tiqiro yãhd̃oriquiro ijire. Sata apeqiro mari pãhtoro Jesu yaqiro ijiro, masno cahacjũno ijieraperota Jesu cahacjũno ijire tiqiro gãhũ. <sup>23</sup> Mari ñañe buhirire buhiri ti tuhasahye Cristo. Sa yena tiqiro dihitar potota m̃sa pãhtoro waro tuhotuya m̃sa. Apequina m̃sare tire tiquna ye dutieragũ tiqunare tuhoeracãhña. <sup>24</sup> Sa yena yãhũ acaye, Jesu yequina ijiatiquina Cohãcjũ m̃sare tiqiro cũri pje m̃sa ijiriro sahata tojoaya. Sa tojoana Cohãcjũ mehna cjãna ijia.

<sup>25</sup> Yojorũre namo marienare, mañ mariena numia gãhure yahu duaja m̃sare. Mari pãhtoro ahrire “Ohõ saha niña”, niedare yãhure. Yãhure tiqiro paja ihñagũ yãhure tiqiro yedohogũ tiqiro cahmeno sahata yeducurigũ ijiaja yãhũ. Sa ijirigũ ijigũ ahrire quehnoano yahutja m̃sare. <sup>26</sup> Yojorũre m̃sa ñano yãhd̃una niaga. Sa yena m̃sa namo mariena gãhũ, mañ mariena gãhũ m̃sa tojoagũ quehnoanota, yãhũ tuhotugũ. <sup>27</sup> Namu mariena, mañ mariena numia m̃sa ijina sata tojoaya. Sa yena m̃sa pehe



namo tina, manꝯ tina numia gũhꝯ sata tojoaya. <sup>28</sup> Namó tina ñano yerare mꝯsa. Sa yena mꝯsa nuhmia manꝯ tina, ñano yerare mꝯsa gũhꝯ. Sa yena namo tina, manꝯ tina numia mꝯsare wape cꝯoro tojoarota. Sa yegꝯ mꝯsare “Sa wape tiari”, nigꝯ “Namo mariena, manꝯ mariena numia tojoaya”, niaja yũhꝯ.

<sup>29</sup> Yũhꝯ acaye, ahrire mꝯsare yahugꝯ niaja. Cristo ahri yehpapꝯ tiquiro tojoa tato mehenogã dũhsare. Sa ye yojopꝯre namo marieñequina Cohãcjũ cahmeno saha tiquina quehnoano ye masino sahata quehnoano yero cahmene namo tiyequina gũhꝯre. Sa ye manꝯ tiyequina numia gũhꝯre sata Cohãcjũ tiquiro cahmeno saha quehnoano yero cahmene. <sup>30-31</sup> Ahri yehpa yojopꝯ ijiro saha camerꝯ ijisi. Camesa pihtia waharota. Sa pihtiatu yehpa ijigũ yojopꝯre mari ñehe quea utiye, mari bucueye, mari cꝯoye pihtia waharota. Sa ye ti ihyo waro ijire. Cohãcjũ yere yeye pehe ihyo waro ijierare. Sa ye ahri yehpa cjẽne cꝯoyequina, cꝯoyequina yero saha ijiahro. Ahri yehpa cjẽne pajiro tũhotueraro cahmene. Ahri yehpa yojopꝯ ijiri yehpa camesa pihtia waharota.

<sup>32</sup> Mꝯsa ñano yũhdueragũ cahmeaja yũhꝯ. Sa yegꝯ mꝯsa pajiro mꝯsa tũhotueragũ gũhꝯre cahmeaja. Namó mariediquiro Jesu yaquiro ijiro Jesu yere wacũducure. Sa wacũducuro Jesu cahmeñene tutuaro ye duare. <sup>33</sup> Namó tiriquiro pehe tiquiro namono cahmeñe pehere tutuaro ye duare. Sa yero ahri yehpa cjẽne pajiro tũhoture. <sup>34</sup> Sa yero tiquiro pũarore ye duare. Jesu cahmeñene, tiquiro namono cahmeñe gũhꝯre tiquiro ye duare. Sa yero bꝯcꝯoro manꝯ mariedicoro ijiro, ticoro mari pũhoro Jesu cahmeñene tutuaro ye duare. Nuhmino gũhꝯ sata ye duare. Sa ye duaro ticoro tutuaro Cohãcjũ yacoro iji duare. Manꝯ tiricoro pehe ahri yehpa cjẽ pehere ticoro manꝯno cahmeñe pehere tutuaro ye duare. Sa yero ahri yehpa cjẽne pajiro tũhoture.

<sup>35</sup> Ahrire mꝯsare nii niaja mꝯsare yedohogꝯ tagꝯ. Tutuaro dutiyere mꝯsare cũ dueraja. Sa cũ duerapegũta quehnoano mꝯsa yegũ cahmeaja. Sa yegꝯ Jesu mari pũhoro yere mꝯsa tutuaro ye duagũ cahmeaja yũhꝯ.

<sup>36</sup> Mꝯsa mehna cjãno tiquiro cahmedicoro bꝯcꝯoro wahagũ ihñano ticorore namo tiahro. “Sata yero cahmene”, ni tũhoturo, namó tiahro. Sa yero ticorore namo tiro ñano yero niedare. <sup>37</sup> Apequiro pehe tiquiro cahmedicorore “Yũhꝯre namo tiro cahmene”, ni dueraro, tiquiro cahmediro sahata yeahro. Tiquiro namo ti dueragũ, quehnoanota. Quehnoano yero nine.

<sup>38</sup> Sa yero tiquiro cahmedicorore namo tiriquiro gũhꝯ quehnoano yere. Sa yero yojopꝯre ticorore namo tieriquiro pehe apequiro yũhdꝯoro quehnoano yere.

<sup>39</sup> Manꝯ tiricorore ticoro manꝯnore cohã dutierare Cohãcjũ. Tiquiro sa cohã dutierapegũta ticoro manꝯno tiquiro yariari bato ticoro apequiro mehna ticoro cahmediquiro mehna manꝯ ti masine. Ticoro manꝯ tiriquirore Jesu yaquiro ijiro cahmene tiquirore. <sup>40</sup> Ticoro manꝯ mariedicoro tojoaro, manꝯ tiricoro yũhdꝯoro quehnoano bucuericoro ijirota ticoro. Sata ni tũhotuaja yũhꝯ pehe. Cohãcjũ yaquiro Espiritu Santore cꝯogꝯ ijiaja. Yũhꝯ sa cꝯogꝯ ijigũ masina, ahri yũhꝯ yahurire masiña mꝯsa.

## 8

*“Cohãcjũ ijire”, tiquina niñe queoyere ño peo, ihyayere duhu peohye masa. Ti ihyayere yahuahye Pablo*

<sup>1</sup> Yojopꝯre “Cohãcjũ ijire”, tiquina niñe queoyere ño peo, tiquina duhu peori ihyayere yahu duaja. Ijipihtina mꝯsa ti borore “Masajia”, ni tũhoture mꝯsa. Sa ni tũhotuna “Apequinare masi yũhdũducaja”, ni tũhotumene mꝯsa.

Sa ni t̄hotuna apequinare yedohoerare m̄sa. Apequinare cah̄na tiquinare yedohore m̄sa. Sa ye masiñe yah̄duoro apequinare cah̄ñe pehe ihyo waro ijierare. <sup>2</sup> “Masi peho c̄jā”, nina ijina, Coh̄c̄jū quehnoañene tiquiroy masi dutiyere masiedar̄aga m̄sa. <sup>3</sup> Sa ijiepeḡuta Coh̄c̄jūre m̄sa cah̄lḡū m̄sare masine tiquiroy. Sa yena tiquiroy yequina ijire m̄sa.

<sup>4</sup> “Coh̄c̄jū ijire”, tiquina niñe queoyere ño peo, tiquina ihyayere duhu peore. Ti ihyayere m̄sare yahutja: Ti queoye ne dah̄seati ijierare. Potota ti queoye jeripohna mariedare. Coh̄c̄jū pehe ihc̄āquiroyta ijire. Apequina coh̄amana mariedare. Ah̄rire masiaja mari. <sup>5-6</sup> “Peyequina coh̄amana ijire. Tiquina mari puhtoia ijire”, ni t̄hotumene masa. Sa yero ah̄m̄sepu, ah̄ri yeh̄p̄pu ḡh̄ure “Coh̄amana”, tiquina niñequina ijiepeḡuta mari pehere ihc̄āquiroyta ijire Coh̄c̄jū. Tiquiroy mari Pacu ijipihtiyere bajumeh̄nediquiroy ijire. Sa yero tiquiroy yequina ijiatina yeah̄ye tiquiroy marine. Sa yero mari puhtoro Jesucristo ihc̄āquiroyta ijire. Tiquiroy ijipihtiyere mari Pacure ye basariquiroy ijire. Tiquiroy yequina ijiatinare yeah̄ye tiquiroy marine. Sa yena tiquiroy mehna sa ijiducunata mari.

<sup>7</sup> Ȳhu nidiro saha ijiepeḡuta apequina Jesu yequina tire masiedare. Panopu tiquina “Coh̄c̄jū ijire”, tiquina niñe queoyere “Catiyequina ijire”, ni t̄hotuducumah̄ye. Ti p̄ep̄are sa yeriquina ijiye yojopu ḡh̄ure ti queoyere ño peo, tiquina duhu peo ihyayere “Coh̄amana ye ihyaye ijire”, ni t̄hotumene. Sa ye ti ihyayere ihyaye, “Mari ñano yena niaja”, ni t̄hotumene. Tire tiquina yerire quehnoano masiedaye, sa ni t̄hotumene. <sup>8</sup> Ti ihyayere mari ihyaḡū mari ihyeraḡū ḡh̄ure Coh̄c̄jū marine “Quehnoañequina ijire”, ni ih̄ñedare. Sa ye ti ihyayere mari ihyaḡū ihyo warota iji c̄h̄no nine ti ihyaye. Mari tire ihyana ñano yeraja. Ti ihyayere mari ihyeraḡū ḡh̄ure ihyo warota iji c̄h̄no nine. Mari ihyerana apequina yah̄duoro quehnoana ijieraja mari ḡh̄u. <sup>9-10</sup> Sa ijiepeḡuta quehnoano yeya m̄sa. Ti ihyayere ihyarina m̄sa ijiḡū apequina m̄sare “Masiaja”, ninare ih̄ña c̄ū ihyaboaga. Sa ih̄ña c̄ū ihyaye tiquina yerire quehnoano masiedaye, “Ñano yena niaja mari”, ni t̄hotueta tiquina ḡh̄u. Tiquina sa ni t̄hotuḡū tiquina pehere ñano yeḡū yena niaga m̄sa. Sa yena quehnoano yeya m̄sa. <sup>11</sup> “Mari ti ihyayere mari ihyaḡū quehnoanota marine”, m̄sa ni t̄hotuna ijina apequina quehnoano masieñequinare ñano yeḡū yeboaga m̄sa, m̄sare tiquina ih̄ña c̄ūḡū. Sa yeriquina ye ijiati ḡh̄ure yariah̄ye Cristo. Sa yena Cristo yequinare m̄sa acayere ñano yeḡū yena niboaga m̄sa. <sup>12</sup> Quehnoano masieñequinare Cristo yequinare m̄sa ñano yeḡū yena, Cristo ḡh̄ure ñano yena nine m̄sa. <sup>13</sup> Sa yegu ti queoyere ño peo, tiquina duhu peo ihyayere ȳhu ihyagu Cristo yequinare ñano yeḡū yegu niboaga ȳhu. Jesu yequina ñano yeḡū cahmedaja. Sa yegu “Ȳhu tiquinare ñano yeḡū yeari”, niḡu ti ihyayere ne pari turi ihyasi ȳhu.

## 9

### *Pablo Jesu c̄riquiroy tiquiroy ijiyere yahuah̄ye*

<sup>1</sup> Jesu tiquiroy yere buhe dutiro c̄riḡu ijiaja. Sa yegu apequina tiquiroy c̄riquina tiquina yero saha ye masiaja ȳhu ḡh̄u. Jesu c̄riḡuta ijiaja ȳhu ḡh̄u. Mari puhtoro Jesure ih̄nariḡuta ijiaja ȳhu. Sa yena Jesu yere ȳhu buheḡū m̄sa pehe tire quehnoano t̄hona tiquiroy yequina wahare m̄sa. Sa yena Jesu c̄riḡu ȳhu ijiyere masi tuhasare m̄sa. <sup>2</sup> Apequina yah̄re yahu wajaye “Jesu c̄riquiroy ijierare”, niboaga. Tiquina sa niepeḡuta m̄sare ȳhu buheri bato Jesu yequina wahana, “Jesu c̄riquiroy ijire”, ni, yah̄re masi

tuhasare m̄usa. Sa yena apequina yahu wajaep̄eḡuta m̄usa pehe tiq̄uiro c̄uriḡu ȳuh̄u ij̄iye tiyere masine.

<sup>3</sup> Ȳuh̄ure yahu wajaeyeq̄inare oh̄o saha ni ȳuh̄tiitja. <sup>4</sup> M̄usare ȳuh̄u buheri bato ȳuh̄u ihyatire ȳuh̄u sih̄niati ḡuh̄ure ȳuh̄ure ohoro cahmene m̄usare. <sup>5</sup> ¿Sa yeḡu namo tiḡu ij̄iḡu ȳuh̄u namono Jesu yacoro ticoro ij̄iḡu ticoro mehna tini masiedaboagari ȳuh̄u? Apequina Jesu c̄uriquina, Jesu bahana, Pedro ḡuh̄u tiquina namos̄an̄umia mehna tiquina tinidiro sahata ȳuh̄u ḡuh̄u tini masiboaga. Ȳuh̄u sa tiniḡu ȳuh̄u namo tiḡu ij̄iḡu ticoro ḡuh̄ure ihyayere ohoboaga m̄usa. <sup>6</sup> Ȳuh̄u Bernabé mehna m̄usare quehnoañe buheyere us̄a buhepeḡuta us̄are ne apee boroḡu ohoerari m̄usa. Sa yena us̄a basifa us̄a ihyatire dahra wapatau us̄a. ¿Us̄a dihitare wapataro marieno buhero cahmeajari, m̄usa tuh̄otuḡu? ¿Us̄a sa buhena apeye dahraye pehere duhu masiedaboagari us̄a? <sup>7</sup> Ahriquina ȳuh̄u queoye mehna yahuatiquina pehe tiquina dahrari wapa wapatare. Ih̄c̄aquiuro surara dahraḡu tiq̄uiro p̄ah̄toa tiq̄uirore wapa yere. Tiq̄uiro basi wapa yerare. Ihyayere oteriq̄uiro ḡuh̄u tiq̄uiro oteri d̄uca tiḡu tireta ihya masine. Sa yero wapatare tiq̄uiro. Sa yero ovejare ih̄ña ih̄boriq̄uiro tiq̄uiro nuñequina ep̄ecore sih̄ni masine tiq̄uiro. Sa yero wapatare tiq̄uiro ḡuh̄u. <sup>8</sup> “Tiquina dahrari wapare wapa yero cahmene”, niḡu masa tiquina dutiye dihitare m̄usare yahueraja. Coh̄ac̄j̄u dutiyeḡu tiq̄uiro nidi ḡuh̄ure m̄usare yahuḡu niaja. <sup>9</sup> Tiq̄uiro dutiyere tiquina ojoari p̄p̄u oh̄o saha ni yahure: “Wec̄u trigo p̄jerire tiq̄uiro dahpoc̄ari mehna suhti weriq̄uiro ihya duaḡu tiq̄uiro d̄userore cahmotaerac̄ah̄ña”, niahye Coh̄ac̄j̄u dutiye. Sa dutiro wec̄ure nino niedahye. <sup>10</sup> Sa dutiro marine nino niahye marine buhero taro. Wesere seheriq̄uiro ḡuh̄u ti d̄ucare nediquina ḡuh̄u tiquina dahrari bato d̄uca tiri p̄je ij̄iḡu tiquina wapatare cohtere. Sa yena dahrayeq̄inare tiquina dahrari wapare ohoro cahmene marine. <sup>11</sup> M̄usare Coh̄ac̄j̄u yere quehnoañe buheyere buhei us̄a. ¿Us̄a sa buheḡu m̄usa pehe us̄are ihyayere ohoeraro cahmeajari, m̄usa tuh̄otuḡu? Ohoro cahmene. M̄usa ohoḡu quehnoaboaga us̄are. Sa ij̄iepeḡuta m̄usa ohoerari us̄are. <sup>12</sup> Sa ohoerapenata apequina ihyayere m̄usare siniḡu tiquina pehere ohore m̄usa. Tiquina m̄usare ihyayere siniḡu tiquina yuh̄d̄uro us̄a pehe oho dutiboaga m̄usare.

Sa oho dutiborina ij̄iepenata us̄a pehe “Us̄are ohoya” ne niedu. “Cristo ye buheyere m̄usaru cahmedaboaga” nina, us̄are mariedapeḡuta m̄usare ne siniedu. <sup>13</sup> Coh̄ac̄j̄u w̄uh̄ur̄u dahrayequina ti w̄uh̄ur̄uta tiquina ihyayere nene. Sa ye Coh̄ac̄j̄ure tiquina ño peori altarp̄u cohteyequina wahiquire tiquina ūj̄a m̄oriquire mehenoḡa ne, ihyari tiquina ḡuh̄u. ¿Tire masiedari m̄usa? <sup>14</sup> Sa tiquina yeriro saha quehnoañe buheyere buheyeq̄inare tiquina buheri wapare tiquina ihyatire tiquinare ohoro cahmene m̄usare. Sata ye dutiri mari p̄ah̄toro Jesu. <sup>15</sup> Sa yeḡu m̄usare siniboriḡu ij̄iepeḡuta ȳuh̄u ne apee borore siniedu m̄usare. Sa yeḡu ah̄rire yojop̄are ojoa ohogu apee borore wapa cahmeḡu taḡu ojoaḡu niedaja. M̄usare ne wapa cahme dueraja. Yariac̄u ij̄iepeḡuta ne wapa cahmesi ȳuh̄u m̄usare. Wapa marieno buhegu tutiaro buceaja. Sa yeḡu m̄usare ȳuh̄u buheri wapa ne wapata ihyasi.

<sup>16</sup> Quehnoañe buheyere buhe dutiro ȳuh̄ure c̄uri Coh̄ac̄j̄u. Tire buheac̄j̄uta ij̄iḡu niaja ȳuh̄u. Quehnoañe buheyere buheragu pejes̄uoḡu ij̄iboaga ȳuh̄u. Sa yeḡu ti buheyere buhegu “Apequinare masi yuh̄d̄ud̄uc̄aja”, niac̄j̄u ij̄ieraja ȳuh̄u. <sup>17</sup> Quehnoañe buheyere ȳuh̄u esa tuharo buhegu ȳuh̄u buheri wapa wapa neboaga ȳuh̄u. Coh̄ac̄j̄u ȳuh̄ure tiq̄uiro yere buhe dutiro c̄uri ȳuh̄ure. Sa yeḡu ȳuh̄ure tiq̄uiro c̄urire yeḡu niaja. Sa buheac̄j̄u ij̄iaja ȳuh̄u. <sup>18</sup> ¿Tiq̄uiro yere sa buhegu yabe borore wapatajari ȳuh̄u? Oh̄o saha ij̄ire ȳuh̄u wapataye: Quehnoañe buheyere buhegu m̄usare ne apee borore siniedagu wapa

marieno ti buheyere buheaja m̄sare. Ȳh̄u sa nidire masiḡu bucueaja. Ȳh̄u bucueyeta ijire ȳh̄u wapataye.

<sup>19</sup> Ne masa cahacj̄u ijierapegata ijipih̄tiyequina cahacj̄u yero saha ijiaja ȳh̄u apeq̄uina masa Jesu yequina tiquina wahatire. <sup>20</sup> Sa yeḡu ȳh̄u acaye judio masa mehna ijiḡu, tiquina yero saha yeaja ȳh̄u Jesu yequina tiquina wahatire. Coh̄acj̄u dutiyere Moiserere tiq̄uero c̄urire ño peoriḡu ijierapegata, ti dutiye dihitare ño peoyequina mehna ijiḡu ti dutiyere ño peoriḡu yero saha ijiaja ȳh̄u. Sata yeaja ȳh̄u tiquina Jesu yequina tiquina wahatire. <sup>21</sup> Sa yeḡu Cristo yaq̄uero ijiḡu Coh̄acj̄u dutiyere Moiserere tiq̄uero c̄urire coh̄a dueraja. Ti dutiyere coh̄a duerapegata ti dutiye marieñequina mehna ijiḡu ti dutiye marieniq̄uero yero saha ijiaja. Sata yeaja ȳh̄u Jesu yequina tiquina ḡh̄u wahatire. <sup>22</sup> Jesu yere quehnoano masieñequina mehna ijiḡu tiquina yero saha ijiaja. “Masi pehoḡu ijiaja”, niedaja ȳh̄u. Sata yeaja ȳh̄u Jesu yequina tiquina ḡh̄u wahatire. Sa yeḡu ijipih̄tiyequina masa tiquina ijiro saha ijiaja ȳh̄u, ihquẽquina Jesu yequina tiq̄uero ȳh̄d̄uoriḡuina tiquina wahatire. <sup>23</sup> Ahrire yeaja quehnoañe buheyere ijipih̄tiyequina tiquina t̄hoatire. Ȳh̄u sa yeḡu ih̄ñano Jesu tiq̄uero buheriro saha ȳh̄u ḡh̄ure quehnoano yere. Sa yeḡu masa tiquina ijie tiro saha ijiaja.

<sup>24</sup> Oh̄o saha ijire mari queoye mehna buheḡu. Oma coh̄apeyequina omañe tiquina ijipih̄tiyequina omare. Tiquina sa oma pihtiepegata oma tutariq̄uero pehe esa m̄htare. Sa esa m̄htariq̄uero wapatare. Sa yena tiquina omariro saha m̄sa ḡh̄u Coh̄acj̄u cahmeñene yeya m̄sa wapatatire. <sup>25</sup> Ijipih̄tiyequina omañequina tiquina paḡure dojomehñene duhu c̄a, quehnoano omapore tiquina oma tutatire. Sa ye tiquina quehnoano omare queoro ih̄yaye, queoro carñe, quehnoano yere tiquina. Sata yere tiquina wapatato saha. Sa ye tiquina wapataye p̄uri mehna tiquina yeri behto ijire. Ti behto pehe yoari p̄je ijierare. Duita ahbaa wahare. Mari pehe Coh̄acj̄u yere quehnoano buheaja tiq̄uero yere mari wapatato saha. Ti wapataye p̄urita ne ahbaerare. <sup>26</sup> Sa yeḡu ȳh̄u ape siep̄u omariq̄uero yero saha yeraja. Sa yeḡu cahmequeperiq̄uero ape siep̄u dote maca c̄ariq̄uero yero saha yeraja. Sa yeḡu Cristo yere queoro ye duaja. <sup>27</sup> Sa yeḡu omapeyequina, cahmequepeyequina ḡh̄u tiquina paḡurire tiquina buheriro saha, quehnoano queoro tiquina yeriro saha ȳh̄u ḡh̄u ȳh̄u paḡu mehna quehnoañe dihitare yeroaja. Sa yeraḡu apeq̄uinare buheriḡu ȳh̄u ijiepegata dah̄seacj̄u ijieraboaga ȳh̄u pehe.

## 10

### “Coh̄acj̄u ijire”, tiquina niñe queoyere ño peo dutierahye Pablo

<sup>1</sup> Sa yena ȳh̄u acaye, ahrire masiña m̄sa. H̄s̄a Israe masa ñec̄us̄um̄na m̄na ranop̄u c̄j̄ena ijipih̄tiyequina Coh̄acj̄u ya ehmeo curuare ih̄ña n̄n̄u t̄a c̄a wahahye. Sa wahaye, aco soh̄ari mare aco p̄na peheri tojoad̄ucari mahap̄u w̄na queheri mahap̄u tiniñe, peh̄a wahahye. <sup>2</sup> Sa wahaye, tiquina ijipih̄tiyequina ehmeo curua mehna aco soh̄ari ma c̄j̄e aco mehna Coh̄acj̄u ye ijiatire wame yenohriquina yero saha wahahye. Wame yenohrina wahana Cristo yequina mari ijiyere ih̄ña n̄aiaja. Sa tiquina aco soh̄ari mare wame yenohriquina yero saha wahahye, Moise yequina tiquina ijiyere ih̄ñoñe n̄ahye. <sup>3</sup> Sa ye tiquina ijipih̄tiyequina ah̄m̄ase c̄j̄e ih̄yayere ih̄yae t̄ahye Coh̄acj̄u tiq̄uero ohoyere. <sup>4</sup> Sa ih̄yaye tiquina ijipih̄tiyequina Coh̄acj̄u ohori aco ḡh̄ure sihnie t̄ahye. Ti p̄jep̄ure ti acore Coh̄acj̄u c̄uri ut̄ap̄u wijiari acore sihnie t̄ahye tiquina. Tia ut̄a yero saha ijiriquero, tiquinare aco ohoriquero Cristo ijiahye. <sup>5</sup> Tiquina sa wahariquina ijiepegata apeq̄uina tiquina mehna

cjēna ñano yegū ihñano Cohācjū pehe peyequina tiquina mehna bucuerahye. Sa yero tiquinare masa marienopu yariagū yeahye Cohācjū.

<sup>6</sup> Sata yeahye tiquinare Cohācjū marine buhero taro. Sa yero tiquinare ihña cū ñañene mari tutuaro cahmedatire Cohācjū sa yeahye tiquinare.

<sup>7</sup> Sa yena “Cohācjū ijire”, tiquina niñe queoyere tiquina ño peoriro saha yeracāhña masa. Ti queoyere tiquina ño peorire Cohācjū yere tiquina ojoari pūrū yahuro ohō saha niahye: “Tiquina ihya duji sihni tuhasa, wahcādaca, bose deco ye dahahye wecu queoyere ño peoye tehe”, ni ojoahye panopure.

<sup>8</sup> Came apequina Israe masa pehe numia mehna ñano yeahye. Tiquina yeriro saha yeraro cahmene marine. Tiquina ñano yeri bato ihcā decota tiquina veintitres mil masa yariaa wahahye. <sup>9</sup> Apequina Israe masa Cohācjūre tiquina mehna usuagū yeahye. “Marine buhiri dahresi”, niñe Cohācjūre tuhtiahye. Sa tuhtiyē tiquiore usuagū yeahye. Tiquina sa yeri buhiri Cohācjū añaa pari mehna bahque wejēahye tiquinare tja. Sa yena tiquina yero saha Cristore yeracāhña masa. <sup>10</sup> Apequina Cohācjūre unure tuhtigā angel masare wejēdiquiro tiquinare wejēahye. Sa yena tiquina yero saha yeracāhña.

<sup>11</sup> Sa wejē dutiahye tiquinare Cohācjū marine buhero taro. Mari pehe pihhiri deco panogā ijina ijiaya. Mari sa ijina ijigū panopu cjēna tiquina sa waharire Cohācjū oja dutiahye marine quehnoano buhero taro. <sup>12</sup> Sa yena “Quehnoana ijiaya, Cohācjū tiquiore ihñagū”, ni tahotu, quehnoano yeya masa “Ñañene yeari”, nina. <sup>13</sup> Mari ijipihitina ihcāquiro dahsaro marieno ihquē tahari ñañene wacūaja. Sa wacūna ti ñañene ye duaja. Mari sa ye duepegūta Cohācjū marine yedohoducuriquiore ijire. Sa yero ti ñañe wacūñene mari bo masiedagū tiquiore pehe marine yedohorota. Sa yero ti ñañene mari ye duagū ihñano Cohācjū ti ñañene marine ye dueragū yerota. Tiquiore sa yegū ti ñañene ye duasi mari.

<sup>14</sup> Sa yena yūhu cahña yūhure tuhoya. “Cohācjū ijire”, tiquina niñe queoyere ne ño peoracāhña. <sup>15</sup> Masa quehnoano masina ijigū masare yahuaja. Sa yena yūhu niato poto ijigū masiña masa basi. <sup>16</sup> Cristore tiquina ñehedi ñamire vinore tiquiore sihniato pano Cohācjūre “Quehnoare”, niahye. Tiquiore nidiro saha mari gūhu ti vinore sihniña Cohācjūre “Quehnoare”, nina, mari ye buhiri Cristo tiquiore yariarire masigū yena niaja. Tiquiore dii wjiarire masigū yena niaja. Sa yena tiquiore yequina mari ijiye gūhure masigū yena niaja mari. Sa yena pāre mari Cristo yequina nuhana mari ye ijatire tiquiore pagu curusapu tiquiore yariarire masigū yena niaja. Sa yena tiquiore yequina mari ijiye tiye gūhure masigū yena niaja. <sup>17</sup> Sa yena peyequina masa ijiepenata ihcāria pāgāre ihyana, ijipihitina mari Cristo yequina ihcā curuata ijiaya. Sa yena peyequina ijiepenata ihcā curuata ijiaya.

<sup>18</sup> Israe masa tiquina yerire wacūña masa: Tiquina wahiquirore wejēne, ujāa mao, ohoye, Cohācjūre ño peore. Sa tiquina ohori bato ihcā curuata tiquina ohoriquiore ihyare. Sa ihyaye Cohācjū yequina tiquina ijiye tiyere masigū yere tiquina. <sup>19</sup> Ohō sahata nii niaja masare: “Cohācjū ijire”, tiquina niñe queoye dahseati ijierare. Sa yero queoyere ño peo tiquina duhu peoye ihyaye pehe ihyo warota ijiro nine. Ti ihyaye marine sijoro saha wahagū yerare. <sup>20</sup> Ti ihyaye sijoro saha wahagū yerapegūta ti ihyayere ihyeraro cahmene. Ohō saha ijire ti. Cohācjūre cahmeñequina wahiquirore wejē, ujāa mao, Cohācjūre ño peoye niedare. Sa ye queoyere ño peoye wafia pehere ño peore tiquina. Tiquina sa ño peoyequina ijigū tiquina mehna ihyana watīno yequina yero saha yena niaga masa. Masa sa yegū pūritare ne cahmedaja.

<sup>21</sup> Santa cenare mari yeri deco mari pãhtoro Jesure wacũna tana sihniaja. Mari sa sihnina, watĩno ye pehere sihni masiedaja mari. Sa yena Jesure wacũna tana pãre ihyaja. Mari sa ihyana, watĩa ye pehere ihya masiedaja mari. <sup>22</sup> ¿Jesure m̄sa mehna usuagũ ye duajari m̄sa? ¿Tiquiro yãhdũoro tutuana ijijari m̄sa? Ijierare m̄sa. Sa yena quehnoano yeya m̄sa.

### *Cohãcjũ cahmeñe dihitare yeya*

<sup>23</sup> M̄sa yeri ñañe ijierapegũta tire yena apequinare yedohoeraboaga m̄sa. Sa yena tire yena Jesure wacũ tutua nẽmogũ yeraboaga m̄sa apequinare. <sup>24</sup> M̄sa cahmeñe dihitare yeracãhña. Apequina pehere quehnoano yedohoya m̄sa.

<sup>25-26</sup> Ihyaye duaropãre ihyayere dũna “¿Ahri ihyaye cohãmana queoye cahpũ tiquina duhu peori ihyaye ijijari?” ni, sinitueracãhña. “Ñañene yeari”, nina, sinituboaga m̄sa. Sa ni sinitueracãhña. Ahri yehpa, ahri yehpapũ ijije gũhũ Cohãcjũ ye ijire. Sa yena ti ihyayere “¿Ñañe ihyaye ijijari?” niedacãhña.

<sup>27</sup> Jesure cahmeediquiro m̄sare ihya dutiro tiquiro pijiogũ waha duana wahaya. Sa wahana m̄sare tiquiro duhu peoyere ihyaya. “¿Ahri ihyaye Cohãcjũ queoye cahpũ tiquina duhu peori ihyaye ijijari?” ni, sinitueracãhña. <sup>28</sup> Sa yena apequiro Jesu yaquiro “Ahri ihyaye Cohãcjũ queoyere tiquina duhu peori ihyaye ijire”, m̄sare tiquiro ni yahugũ ti ihyaye pũritare ihyeracãhña. M̄sare sa ni yahuriquiro “Ñañe ihyayere ihyare ahriquina”, m̄sare tiquiro ni tãhotueratire ihyeracãhña. <sup>29</sup> Sa ihya dutieragu m̄sa pehere yedohogu tagũ sa niedũ. M̄sare ahrire yahuriquiro pehere yedohogu tagũ sa ihya dutieraja. Tiquiro pehe m̄sare “Ñañe ihyayere ihyare ahriquina”, niboaga. “Sa niari”, nina ti ihyayere ihyeracãhña.

“Ihyeracãhña”, yũhũ nigũ ohõ saha ni sinitu yũhtiboaga m̄sa yũhũre: “¿Dũhse ijiro boro apequirore ‘Sijoro saha wacũari’ ”, nina ihyeraboagari usã? <sup>30</sup> “¿Ti queoyere ohori ihyayere usã ihyagũ Cohãcjũ warore ‘Quehnoare’, usã niepegũta dũhsero tire usã ihyari buhiri apequiro usãre yahu wajaboagari?” ni sinitu yũhtiboaga m̄sa yũhũre. <sup>31</sup> Ahri ijipihtiyere yahugũ ohõ saha nigũ ni aja m̄sare: Decoripe Cohãcjũ tiquiro dutiriro sahata bucueye mehna ihya, sihniaja, Cohãcjũre masa tiquina ño peoatire. Sa yena ijipihtiyere quehnoano yeducuya Cohãcjũre masa tiquina ño peoatire. <sup>32</sup> Ne judio masare, judio masa ijieyequinare, Cohãcjũ yequina gũhũre ñano yegũ yeracãhña m̄sa tiquinare. <sup>33</sup> Ohõ saha yeaja yũhũ pehe. Masa ijipihtiyequinare yedoho duaja. Sa yegũ yee ijia ti pehere pajiro tãhotueraja. Yũhũ ñano yãhdũgũ quehnoanota. Masa pehere yedohoaja tiquinare pecarũ wahaboriquinare Cohãcjũ tiquiro yãhdũoatire.

## 11

<sup>1</sup> Sa yena Cristore yũhũ ihña cũriro sahata m̄sa gũhũ yũhũre ihña cũña.

### *Corinto cjẽna cahmecoanopũ numia tiquina yeatire yahuahye*

<sup>2</sup> M̄sare yũhũ buhe tutiarire wacũ pehoñohi m̄sa. Sa wacũna m̄sare yũhũ nidire yũhũ ye dutiriro saha yehoñohi m̄sa. Sa yena quehnoano yere m̄sa. <sup>3</sup> Sa yena m̄sa ijiepegũta ahri gũhũre m̄sa masigũ cahmeaja: Ijipihtiyequina m̄ma tiquina pãhtoro, Cristo ijire. Sa yero tiquiro namono pãhtoro ijire ticoro manũno. Sa yero Cristo pãhtoro tiquiro Pacũro ijire. <sup>4</sup> Cohãcjũre sinidiquiro tiquiro dapure mohariquiro sinino, tiquiro basi pãhtoro ijiyere wijiario nine. Cohãcjũ yere yahuriquiro gũhũ tiquiro dapure mohano, sata yero nine tiquiro gũhũ. <sup>5</sup> Sa yero ticoro dapure moheno Cohãcjũre sinino, ticoro manũno pãhtoro ijiyere wijiagũ yero nine. Cohãcjũ



yere yahuricoro gūhū ticoro dapure moheno, sata yero nine ticoro gūhū. Sa yero ticoro poarire wahari pīi mehna waha pehoricoro yero saha yere ticoro. <sup>6</sup> Ticoro dapure moha dueraro ticoro poarire se peho cā dutiahro. Ticoro sa yeri bato ticoro dapure bue tiro, ticoro mohaahdo ticoro dapure. <sup>7</sup> Ūmna pehe Cohācjū yero saha puhtoa ijire. Sa ye Cohācjū quehnoariquiro, tutuariquiro tiquiro ijiye tiyere ihñore tiquina pehe. Sa ye tiquina dapure moheñequinata ijjahro. Numia pehe umna tiquina puhtoa ijiye tiyere ihñore. Sa yeye tiquina dapure mohaahdo. <sup>8</sup> Cohācjū umnare yero, numino ya pagu cje mehna umnare yerahye. Numino pehere yero, umno ya pagu cje mehna yeahye ticore. <sup>9</sup> Sa yero umnare yero, numino yaquiro ijiatiquire yerahye. Numino pehere yero umno yacoro ijiaticore yerahye Cohācjū ticore. <sup>10</sup> Sa ye numia tiquina dapure mohaahdo angele gūhū tiquina ihña bucuatire. Sa mohañe umna tiquina puhtoa tiquina ijiyere ihñone nine. <sup>11-12</sup> Cohācjū numinore yero, umno pagu cje mehna yeahye. Sata yojopure umno masa bajuaro, numino paguru masa bajuare. Sa yero ijiptiyequinare Cohācjū pehe yeahye. Sa yero umno tiquiro iji mahtaedagū numino mariedaboaga. Sa ye numino ticoro mariedagū umno gūhū mariedaboaga. Sa ye tiquina umna numia gūhū tiquina basi cahme yedohore masa putiatire. Sa yero ijiptiyequinare ijiatiquinare bajumehnediquiro ijire Cohācjū.

<sup>13</sup> ¿Musa basi dahse ni tuhotaajari? ¿Numino ticoro dapu mohedico, Cohācjūre ticoro sinigū quehnoajari, musa tuhotugū? Ne quehnoaedare. <sup>14</sup> Sa yero umno poa nahmo cōriquiro tiquiro ijigū ñarīne. Ijiptiyequina masa tire masine. <sup>15</sup> Sa yero numino ticoro poa nahmo ticoro dapure mohari cahsero yero saha ijire. Sa yero ticoro poa nahmo cōricoro ijiro quehnoaricoro bajure ticoro. Ti gūhare ijiptiyequina masine. <sup>16</sup> Musa mehna cjanō ahrire yuhū yahurire tiquiro cahmedagū, ohō saha ni yahutja tiquire: “Yuhū ni yahuriro saha yeducaja mari. Apequina Jesu yequina gūhū sata yere tiquina gūhū. Ūsā sa yerina ijigū ihñagu yuhū ni yahuriro saha yero cahmene māhū gūhare”, ni yahutja yuhū yahurire cahmediquiro.

### *Santa cenare tiquina ihyari watoa dojomehneahye Corinto cjeña*

<sup>17</sup> Yojopure musare ahrire yahugū tūh, “Quehnoano yena ijire”, niedaja yuhū musare. Musa cahmecoana quehnoano yerare. Ñano yere musa. <sup>18</sup> Ohō saha ni yahu mahtaataja musare: Musa cahmecoanoru cahme dase tutuana musa basi ihquē cururi tu wana niñohi musa. Apequina tire yuhūre tiquina yahugū “Potota ijiaga”, ni tuhotaaja yuhū. <sup>19</sup> Sata yere musa. Sa yena ohō saha ni tuhutumene musa. “Mari tu warina ijina, Jesu yequina waro ijiyequina pehere masinata mari. Sa yena marine tu waro cahmene”, ni tuhutumene musa. <sup>20</sup> Musa basi sa cahme ihña tuhtina, musa ihcānoru cahmecoana ihyana quehnoano yerare. Potota Santa cena waro yena niedare. <sup>21</sup> Musa cahmecoana ihquēquina musa sehsoaro ihyā mahtana, apequina pehere ujna ahbagū yere. Sa ye sihni mahtana quehea wahare. <sup>22</sup> ¿Musare musa ihyaye wuhuse mariedajari? ¿Musare musa sihniñe wuhuse mariedajari? Ti wuhuseputa ihyā, sihniña. Yojopure Cohācjū yequina tiquina cahmecoanore dojomehna niaga musa. Sa yena apequina Jesu yequina pejesuoyequinare ihyaye marieñequina pehere musa pehe buoro yuhdagū yere. ¿Dahse ni yahugutari yuhū musare? “Quehnoano yerare musa”, niaja yuhū.

*Santa cenare ihyarire yahuahye Pablo  
(Mt 26.26-29; Mr 14.22-25; Lc 22.14-20)*



<sup>23</sup> Mari puhtoro Jesu tiquiro ihya bato tirire yahuri yahure. Sa tiquiro yahuri bato yuhu pehe musare tire yahuu. Ti ohō saha ijire: Tiquirore ihña tuhtiequinare Juda tiquiro ihñoati ñamine mari puhtoro Jesucristo pāre ne, <sup>24</sup> Cohācjāre “Quehnoare”, niñohti. Tiquiro sa nidi bato ti pāre nuha, tiquiro buheyequinare itiñohti. Sa itiro ohō saha niñohti: “Ahrire ihyaya. Ahri yuhu pagu ijire. MUSA ye ijiatire yariatja. Yuhare musa wacūatire ahrire ihyaya”, niñohti Jesu mari puhtoro. <sup>25</sup> Sa tiquina ihyari bato tiquiro sihnidi pare neno ohō saha niñohti: “MUSA ñañe yeyere cohāgu tagu yariatja. Sa yegu ye diire cohāgutja. Cohācjā ‘Musare yuhduoutja’ tiquiro nidiro esagū yuhu yariaro mehna tiquiro nidiro sahata sohtori tirota. Ahri papu pose tiyere sihnina, yuhu dii wijiariire wacūnata. Ahrire sihnina, yuhare musa wacūatire sihniña”, niñohti Jesu. <sup>26</sup> Sa yena Santa cena cjē pāre musa ihyana, sihniñene sihnina, Jesu mari puhtoro mari ye buhirire tiquiro yariariire wacū, ihñona nine musa. Sa ihñoducunata musa tee ahri yehpapu tiquiro tojoa tato pano.

*“Santa cenare ihya sihnina ohō saha yeya”, ni yahuahye Pablo*

<sup>27</sup> Santa cenare ihya, sihnina, Jesure ño peoro marieno cua pesaro yerana, tiquiro pagure tiquiro dii cohāri gūhare bujupero saha yena niaja mari. Sa yena Jesure bujupena niaja mari. Sa yeyequina buhiri tiyequina ijire. <sup>28</sup> Sa yena mari yerire, mari ijiye tiyere quehnoano wacūuhna. Sa wacūna Santa cenare ihya, sihni masiaja mari. <sup>29</sup> Mari puhtoro mari ye ijiatire tiquiro pagu yariariire wacūno marieno Santa cenare ihya, sihnina mari buhiri tinata. <sup>30</sup> Ohō saha dihita yere peyequina musa mehna cjēna. Sa ye tiquina ihquēquina tutueyequina, dohatiequina wahare. Sa ye apequina tiquina sa yeri buhiri yariaa wahare. <sup>31</sup> Sa ijiepegūta tiquina ihya, sihniñe tiquina yerire, tiquina ijiye tiyere quehnoano wacūñe, tiquina ñañe yerire duhu, ti buhirire buhiri tieraboaga. <sup>32</sup> Mari puhtoro pehe marine tuhtire, tiquina ye buhirire marine buhiri ũ dutieraro. Apequina ñañequina Jesure ño peoyequina buhiri tiatiquina dihita ijire. Tiquina yero saha marine buhiri tigū cahmedare mari puhtoro.

<sup>33</sup> Sa yena yuhu acaye, Santa cenare ihyana tana cahmecoana, musa basi cohteniña. <sup>34</sup> Sa ye musa mehna cjēna ujua ahba, tiquina ye wuhasepu ihyarīahdo. Sa yena Santa cenare ihyana tana cahmecoana, cua pesaro yerariquina ye buhiri buhiri tisi musa. Apee borore yahu duami musare. Came yuhu basi esagupu musare yahutja tire.

## 12

*Cohācjū yere mari yeatire cūno marine ye masigū yere Espiritu Santo*

<sup>1</sup> Yuhu acaye ahrire yahu duaja musare. Cohācjū yere mari yeatire cūno marine ijipihtinare ye masigū yere Espiritu Santo. Sa yegu tire musa quehnoano masigū cahmeaja.

<sup>2</sup> Jesu yequina ijieranina sijoro saha ijiye buheyere taho nunana ijina, musa pehe “Cohācjū ijire”, tiquina niñe queoyere, yahuducueye queoyere ño peomedi. Tire masine musa. <sup>3</sup> Sa ijimedina musa ijigū yojopure ohō saha ni yahutja musare. “Jesu ñano wahacūnahdo”, niñequina Cohācjū yaquiro Espiritu Santo tutuaye mehna sa niñe niedare. Espiritu Santo warore cūoerare tiquina. Sa ijiye “Jesu mari puhtoro ijire”, niñequina pehe Espiritu Santo tutuaye mehna sa niñequina ijire tiquina.

<sup>4</sup> Cohācjū yere ye masiñe peye ijire. Ti sa ijiepegūta marine ye masigū yeriquiro pehe ihcāquirota ijire. Tiquiro Espiritu Santo ijire. <sup>5</sup> Sa ye apequinare yedohoye gūhu peye ijire. Ti sa ijiepegūta mari puhtoro Jesu

pehe marine yedoho dutiriquiro ihcãquirota ijire. <sup>6</sup> Sa ye Cohãcjũ yere yeye gãhũ peye ijire. Ti sa ijiepegũta Cohãcjũ ijipihtina marine ye masigũ yeriquiro pehe ihcãquirota ijire. <sup>7</sup> Marine Jesu yequinare Espiritu Santo yedohoro, Cohãcjũ tutuayere ihñono nine. Ohõ sahata yedohore tiquiro Jesu yequinare ijipihtiyequinare mari quehnoano yeatire. <sup>8</sup> Ihquẽequinare quehnoano masi yahugũ yere Espiritu Santo. Sa yero apequinare Cohãcjũ yere quehnoano buhegũ yere tiquiro. <sup>9</sup> Sa yero apequinare Cohãcjũre quehnoano wacũ tutuagũ yere tiquiro. Sa yero apequinare Cohãcjũ tutuayere ohore tiquiro. Ti tutuaye mehna tiquina pehe dohatiyequinare yãhdũgũ yere. Cristore tiquina wacũ tutuagũ ihñano tiquirore tiquina sinidiro sahata yere tiquiro. Espiritu Santo ihcãquirota ijiriquiro ti tutuayere ohore. <sup>10</sup> Sa yero apequinare Cohãcjũ tutuaye mehna ihñofene ye masigũ yere tiquiro. Sa yero apequinare Cohãcjũ yere quehnoano yahu masigũ yere tiquiro tiquinare. Sa yero apequina Jesu yequinare buheyere quehnoano bese masigũ yere tiquiro. Sa masiñe watino ye buheye ti ijigũ masine tiquina. Espiritu Santo waro ye buheye gãhũre ti ijigũ masine tiquina. Sa yero apequinare tãhomehneñe yahuducuyere yahuducu masigũ yere tiquiro. Sa yero tãhomehneñe yahuducuyere yahuducuyequina tiquina nino sahata yahu yãhdũo masigũ yere tiquiro apequinare. <sup>11</sup> Espiritu Santo ihcãquirota ijiriquiro tiquiro cahmeno saha marine ijipihtinare yãhũ yahuriro saha ye masigũ yere. Ihquẽequinare sijoro saha ye masigũ yere. Apequina gãhũre sijoro saha ye masigũ yere.

### *Cristo yequina ijina ihcã curuata ijiaja mari*

<sup>12</sup> Ohõ sahata ijire ahri mehna mari queoye mehna yahugũ: Mari pagũ ihcã pagũ ijiepegũta omocari, caperi, dahpocãri, cahmo ti pũrita peye ijire mari pagũrũ ijie. Sata ijiaja mari Cristo yequina gãhũ. Cristo yequina tiquiro pagũ yero saha ihcã curuata ijiaja. <sup>13</sup> Sa yena Cristo yequina ijina, tiquiro pagũ yero saha ihcã curuata ijiaja mari. Judio masa, judio masa ijiena, cahacjãna, cahacjãna ijiena peye cururi mari ijiepenata ihcãquirota ijiriquiro tiquiro pagũ yero saha ihcã curuata ijiaja mari. Espiritu Santo ihcãquirota ijiriquiro tiquiro tutuaye mehna wame yenohrina ijiaja mari ijipihtina. Sa yena ihcãquiroreta Espiritu Santore cãoaja mari, Cristo ya curua cjãna ijina.

<sup>14</sup> Mari pagũ ihcã pagũ ijiepegũta omocari, caperi, dahpocãri, cahmo, ti mari pagũrũ ijie peye ijire. <sup>15</sup> Mũhũ dahpocã yahuducuri dahpocã ijiro, ohõ saha niboaga mũhũre sijoro saha ni duaro: “Omoca ijieraja yãhũ. Sa yegu pagũ cjã dahpocã ijieraja yãhũ”, niboaga. Mũhũ dahpocã sa nieperota pagũ cjã dahpocã ijirota nine. <sup>16</sup> Mũhũ cahmono yahuducuri cahmono ijiro, ohõ saha niboaga mũhũre sijoro saha ni duaro: “Capea ijieraja yãhũ. Sa yegu pagũ cjã cahmono ijieraja yãhũ”, niboaga. Mũhũ cahmono sa nieperota pagũ cjã cahmono ijirota nine. <sup>17</sup> ¿Mari pagũ capea dihita ijigũ dũhse tũhoboagari mari? Basioerare. ¿Sa yena mari pagũ cahmono dihita ijigũ dũhse wijiboagari mari? Basioerare. <sup>18</sup> Sa ijierare mari pagũ. Ohõ saha ijire. Mari pagũrũ ijiyere Cohãcjũ tiquiro cahmeno saha cũahye mari pagure. <sup>19</sup> ¿Mari pagũrũ ijie mariedagũ dũhse wahaboagari mari pagũ? ¿Mari omocari dihita ijigũ dũhse wahaboagari mari pagũ? <sup>20</sup> Mari pagũ ohõ saha ijire: Ihcã pagũ ijiepegũta mari pagũrũ ijie peye ijire.

<sup>21</sup> “Mũhũ yedohogũ cahmedaja”, mũhũ capea ni masiedare mũhũ omocare. Sa yero mũhũ dapu mũhũ dahpocãrine “Musa yedohogũ cahmedaja”, ni masiedare. <sup>22</sup> Apeye mari pagũrũ ijiyere “Ihyo iji cjũñe ijire”, mari niñe pehere pototi cahmeaja mari apeye mari pagũrũ ijie yãhdũoro. <sup>23</sup> Sa yena

mari pagurū ijiyere “Ihyo ijiye ijire”, mari ni tūhotuepenata tire mari pagurū ijiyere cahmeaja mari, mari quehnoano ijiato saha. Sa yena apeye mari pagurū ijiyere mari bue tiyere suhti mehna nūoaja mari. <sup>24</sup> Apeye mari pagurū ijiyere nūoedaja mari. Ti pūritare ihōna, bue tieraja. Ohō saha iji dutiahye Cohācjū mari pagure. Mari ihōoēne mari pagurū ijiyere mari quehnoano űo peoye mehna cūoaja. Sata ye dutiahye Cohācjū. <sup>25</sup> Sa ye mari pagurū ijiye ti basi cahme yedohore. <sup>26</sup> Sa ye mari caperi űano yūhdugū apeye mari pagurū ijiye gūhū űano yūhdare. Sa ye mari caperi quehnoaűe wahagū mari pagurū ijiye gūhū quehnoano tūhoture.

<sup>27</sup> Sa yegū ohō saha nigū niaja mū sare: Mūsa pehe Cristo pagū yero saha ihcā curuata ijire. Sa yena ijipihitina mūsa tiquiuro pagurū ijiye yero saha tiquiuro yequina ijire. <sup>28</sup> Sa yero Jesu yequinare mari yedohoatire cūahye Cohācjū marine. Ohō saha cūahye tiquiuro marine. Ihqūequinare marine buhe dutiro Jesu cū māhtarinare cūahye tiquiuro. Apequinare tiquiuro yere yahu māhtarinquare cūahye. Apequinare masare buheatinquare, apequinare Cohācjū tutuaye mehna yeatinquare, apequinare dohatiequinare yūhdūoatinquare, apequinare masare yedohoatinquare, apequinare masa pūhtoa ijiatinquare, apequinare tūhomehneűe yahuducuyere yahuducuatinquare cūahye Cohācjū marine. <sup>29</sup> Sa tiquiuro cūgū ijipihitina ihcāno saha tiquiuro cūrina ijieraja mari. Apequina Cohācjū buhe dutiro tiquiuro cūriquina ijierare. Sa yena apequina Cohācjū yere yahu māhtarina ijieraja mari. Sa yena apequina masare buhena ijieraja mari. Sa yena apequina Cohācjū tutuaye mehna yeatina ijieraja mari. <sup>30</sup> Sa ye apequina dohatiequinare yūhdūoatiquina ijierare. Sa yena apequina tūhomehneűe yahuducuyere yahuducuna ijieraja mari. Sa yena apequina tūhomehneűe yahuducuyere yahu yūhdūoana ijieraja mari. Sa yero maripe mari yeatire cūahye tiquiuro. <sup>31</sup> Sa yena Cohācjū yere ye masi duana quehnoa yūhdūye pehere tutuaro cahmeűa mūsa. Sa yegū ijipihitiye yūhū nidi yūhdūoro mūsa cahmeatire yojopare yahutja mū sare yūhū.

## 13

### *Apequinare quehnoano tiquina cahiatire yahuahye Pablo*

<sup>1</sup> Masa ye yahuducuyere yahuducu masiepenata, angele ye yahuducuyere yahuducu masiepenata apequinare cahiedana, dūhseanaja ijieraja mari. Sa ye mari yahuducuyere gūhū dūhseati ijierare. Sa yena apequinare cahiedana mari yahuducuna, ihyo waro yahuducuna niaja. <sup>2</sup> Cohācjū yere quehnoano yahu masiepenata, masa tiquina masiedarire Cohācjū yere tiquina buheri gūhūre masi pehoepenata apequinare cahiedana dūhseanaja ijieraja mari. “Ahdū cūhū ape siepū wahaahro”, mari nigū “Potota mari nidiro sahata Cohācjū yerota”, ni mari tūhotugū sata yerota. Cohācjūre sa ni tūhotuyequina ijiepenata apequinare cahiedana ne dūhseanaja ijieraja mari. <sup>3</sup> Ijipihitiyere pejecūoyequinare mari ohoepegūta apequinare mari cahiedagū ti mari ohori dūhseati ijierare. Sa yena Cohācjū yere yena tana mari pagure mari cūjūa mūo dutiepegūta apequinare mari cahiedagū ti mari sa yeye dūhseati ijierare.

<sup>4</sup> Usueraja apequinare cahīna. Tiquinare cahīna quehnoano yeaja tiquinare. Sa yena apequinare cahīna tiquinare coeraja. Sa yena mari cahīniquiro mehna ijina “Mūhū yūhdūoro ijigū ijijaja”, niedaja mari. <sup>5</sup> Apequinare cahīna “Mū sare masi yūhdūdūcaja”, niedaja mari tiquinare. Sa yena apequinare cahīna tiquinare űo peoro mehna yeaja mari. Apequinare cahīna “Ūsā cahmeno saha yeaja. Mūsa cahmeno saha yeraja”, niedaja mari. Sa yena tiquinare cahīna duita usueraja mari tiquina mehna. Sa

yena apequinare cahĩna marine ñano tiquina yegũ gãhũre tiquina mehna sa usuaducueraja mari. <sup>6</sup> Apequinare cahĩna ñañene tiquina yegũ ihñana bucueraja mari. Quehnoañe pehere tiquina yegũ ihñana tutuaro bucueraja. <sup>7</sup> Apequinare cahĩna tiquina ye buhiri ñano yũhdæpenata tiquinare sa cahĩducuaja mari. Apequinare cahĩna apequina pehe mari cahĩñequinare tiquina yahu wajagũ tũhoepenata tire tũho dueraja. Mari cahĩñequinare apequina yahugũ quehnoañe dihĩtare tũho duaja mari. Apequinare cahĩna “Tiquina ñañene yesi”, ni tũhotuaja mari tiquinare. Apequinare cahĩna ñano yũhdæpenata tiquinare cahĩ duhusi mari.

<sup>8</sup> Ti cahme cahĩne ne pihtisi. Cohãcjũ yere yahuye pehe came pihtia waharota. Tũhomehneñe yahuducuye gãhũ came pihtia waharota. Cohãcjũ yere masa tiquina buheri gãhũ came pihtia waharota. Apequinare cahme cahĩne pehe ne pihtisi. <sup>9</sup> Yojoþare Cohãcjũ yere mari masi peho masiedaja. Sa yena tiquiroyere yahuna mari yahu peho masiedaja. Mari masi pehoati dũhsare. <sup>10</sup> Sa yena Cristo ñañe marieniquiro tiquiroyere tojoa wihiri bato mari masi pehonata. Sa yena ñañe mariena ijinata. Ti pjere masi pehonata. “Masiedaja”, ni nemosi.

<sup>11</sup> Mari masi pehoati ohõ saha ijire: Nijigũ ijigũ nijinogã yero saha yahuducumi yũhũ. Sa yegũ nijinogã yero saha tũhotumi. Sa yegũ bucũ wahagũ nijinogã tiquiroyere yero saha duhu cãũ. Sata mari yojoþare “Masi pehoeraja”, niepenata cameþare masi pehonata. <sup>12</sup> Eõno quehnoano wũhdo bajuro saha yojoþare quehnoano masi pehoeraniaja mari. Came apequiroyere quehnoano mari ihñana masino saha mari masi pehonata. Yojoþare mari masi pehoati marine dũhsare. Cohãcjũ marine tiquiroyere quehnoano masi pehoriro saha came mari gãhũ quehnoano masi pehonata. <sup>13</sup> Sa ye ihtiarore mari ye masiaja yojoþare. Cohãcjũre wacũ tutua masiaja. Sa yena marine tiquiroyere yũhdæoatire masina, mari quehnoano cohte masiaja. Sa yena apequinare cahme cahĩ masiaja. Ahri ihtiaro ijire pototi mari yeati. Sa yena apequinare cahme cahĩna, ahri þaro yũhdæoro yena niaja. Wacũ tutuaye, tiquiroyere yũhdæoatire cohteyere yũhdæoro ijire cahme cahĩne pehe.

## 14

### *Tũhomehneñe yahuducuyere yahuahye Pablo*

<sup>1</sup> Sa yena apequinare cahme cahĩna mũsa. Sa ye Cohãcjũ yere mũsa quehnoano ye masiatire cahmeña mũsa. Cohãcjũ yere mũsa yahuati þũritare tutuaro cahmeña mũsa. <sup>2</sup> Tũhomehneñe yahuducuyere yahuducuriquiroyere Cohãcjũ mehna dihita yahuducure. Sa ni yahuducuro masa mehna yahuducuro niedare tiquiroyere. Tiquiroyere sa ni yahuducugũ tũhoyere masa pehe ne tũhoerare tiquiroyere. Masa tiquina masiedarire Espĩritu Santo tutuaye mehna yahuducuro nine tiquiroyere. <sup>3</sup> Cohãcjũ yere yahuriquiroyere pehe masa pehere yahure. Sa yahuro tiquiroyere masare yedohoro nine. Sa yero tiquinare buhero nine tiquiroyere. Sa yero tiquina ñano yũhdægũ tiquinare bucuegũ yere. <sup>4</sup> Tũhomehneñe yahuducuyere yahuducuriquiroyere ihcãquiroyere buhere. Apequinare buherare. Cohãcjũ yere yahuriquiroyere pehe apequinare Jesu yequinare buhero, yedohore tiquiroyere.

<sup>5</sup> Tũhomehneñe yahuducuyere ijipihtina mũsa yahuducugũ quehnoaboaga, yũhũ tũhotugũ. Sa ijiepegũta Cohãcjũ yere mũsa yahugũ þũritare tutuaro cahmeaja. Cohãcjũ yere yahuriquiroyere pehe tũhomehneñe yahuducuyere yahuducuriquiroyere yũhdæoro apequinare yedohore. Sa ijiepegũta tũhomehneñe yahuducuriquiroyere tiquiroyere yahuducuyere apequiroyere yahu yũhdægũ tiquina pehe pototi apequinare yedohore. Tiquiroyere

yahuducuyere yahu yãhdũoriquiro ijiro tiquiro pehe apequinare Jesu yequinare buhero nine. <sup>6</sup> Tãhomehneñe yahuducuyere m̃sa mehna yãhũ yahuducugũ, apequiro m̃sare tiquiro yahu yãhdũoeragũ m̃sare yedohoeraboaga yãhũ. Sa yegũ Cohãcãũ yãhũre tiquiro yahurire yahugũ, tiquiro yere yãhũ masiñene yahugũ, apeyere tiquiro yere yahugũ m̃sare yedohogũ niaja. Tire m̃sa tãhoatire m̃sare buhegũ m̃sare quehnoano yedohogũ niaja yãhũ.

<sup>7</sup> Tãhomehneñene yahuducuriquiro tiquiro yahuducuye basa wamoa yero saha ijire. Carisure putina, arpare bũã putẽna tire mari queoro yeragũ ti basayere apequinare masino basioerare. <sup>8</sup> Sa yero cornetare putiriquiro surara ijiro tiquina cahme wejẽato panore queoro tiquiro putieragũ apequna surara pehe tiquina cahme wejẽatire masisi. Sa ye tiquina cahme wejẽato pano tiquina wejẽatire wamoa quehnoyuriquina ijisi tiquina. <sup>9</sup> Sata m̃sa gãhũ tãhomehneñe yahuducuyere m̃sa yahuducugũ tãhoye, yahu yãhdũoriquiro mariedagũ apequna tire ne masisi. Tiquina sa masiedagũ m̃sa yahuducuye dũhseati ijierare. <sup>10</sup> Ahri yehpapũ peye yahuducuye ijiaga. Sa ye tire yahuducuyequina tiquina basi sa yahuducuyere quehnoano tãhore. <sup>11</sup> Ihcãquiro ye yahuducuyere yãhũ tãhoeragũ ihãno tire yahuducuriquiro pehe “Ape dihta cãno ijire”, ni tãhoturota yãhũre. Sa yegũ yãhũ gãhũ sata ni tãhotutja tiquirore. <sup>12</sup> Sata ijiri m̃sa gãhũ tãhomehneñene yahuducuna. Espiritu Santo tiquiro tutuaye mehna tutuaro ye duamene m̃sa. Tiquiro tutuaye mehna sa ye duana apequna Jesu yequinare m̃sa buheatire tiquinare m̃sa yedohoatire tutuaro cahmeña m̃sa.

<sup>13</sup> Sa yero tãhomehneñene yahuducuriquiro tiquiro yahuducurire tiquiro quehnoano yahu yãhdũoatire Cohãcãre siniahdo tiquiro. <sup>14</sup> Tãhomehneñe yahuducuye mehna Cohãcãre sinigũ yãhũ tãhotuye mehna sinigũ niaja. Sa sinigũ yãhũ tãhotuyere apequinare quehnoano yahueraja. Sa yegũ apequnare yedohoeraja yãhũ.

<sup>15</sup> Ahrire masina, ohõ saha yenata mari: Espiritu Santo tutuaye mehna tãhomehneñe yahuducuye mehna Cohãcãre sininata. Sa yena ape decopũ quehnoano masi tãhotu, apequna tiquina quehnoano tãhoatire tiquina ye mehna Cohãcãre sinina, ti gãhũre sininata tja. Espiritu Santo tutuaye mehna tãhomehneñe yahuducuye mehna Cohãcãre yere basanata. Sa yena ape deco quehnoano masi tãhotu, apequna tiquina quehnoano tãhoatire tiquina ye mehna Cohãcãre yere basana, ti gãhũre basanata tja.

<sup>16</sup> Mari sa yeragũ tãhomehneñe yahuducuye mehna Espiritu Santo tutuaye mehna Cohãcãre “Quehnoariquiro, tutuariquiro ijire”, mari niepegũta apequna pehe ne tãhoerare. Sa tãhoeraye “Poto ijire”, ni masiedare.

<sup>17</sup> Tãhomehneñe yahuducuye mehna Cohãcãre “Quehnoare”, ni masiaja mari. Mari sa niñe quehnoañe ijiepegũta tire yahu yãhdũoerana apequinare buheraja mari. Sa yena tiquinare yedohoeraja mari. <sup>18</sup> Ijipihina m̃sa yãhdũoro yãhũ pehe tãhomehneñene yahuducujaja. Sa yegũ Cohãcãũ yãhũre sa yahuducũ masigũ tiquiro yegũ tiquirore “Quehnoare”, niaja yãhũ. <sup>19</sup> Sa yahuducugũ yãhũ ijiepegũta Jesu yequina cahmecoañequina watoa yãhũ ijigũ, tãhomehneñe yahuducuye mehna peye yãhũ yahuepegũta dũhseati ijierare. Ti yãhdũoro masa tiquina quehnoano tãhoati pehe meheñegã yãhũ yahuepegũta quehnoarĩne, yãhũ tãhotugũ.

<sup>20</sup> Yãhũ acaye, macanagã tãho masiñequinagã tiquina ijiro saha ijieracãhã m̃sa. Sa yena coã bajuyequina ñañe yeyere tiquina masieno saha ijiya m̃sa gãhũ. Sa yena bucãna tãho masiñequina tiquina ijiro saha ijiya

musa. <sup>21</sup> Cohãcǵũ yere tiquina ojoari pũrũ ohõ saha nine: “Tũhomehneñene yahuducuyequinare ahriquina masare yeere yahu dutiitja. Sa yegũ ape dihta cjẽnare yeere yahu dutiitja ahriquina masare. Yũhũ sa yahu dutiepegũta ahriquina yũhũ yahuyere tũhosi’, nine Cohãcǵũ mari pũthoro”, nine Cohãcǵũ yere tiquina ojoari pũrũ. <sup>22</sup> Sa ye tũhomehneñene yahuducuyere Jesu yequinare Cohãcǵũ tutuayere masigũ yeati ijierare. Ti yahuducuyere Jesure cahmeeñequina pehere Cohãcǵũ tutuayere masigũ yeati ijire. Sa yero Cohãcǵũ yere yahuyere Jesure cahmeeñequinare Cohãcǵũ tutuayere masigũ yeati ijierare. Cohãcǵũ yere yahuyere Jesu yequina pehere Cohãcǵũ tutuayere masigũ yeati ijire.

<sup>23</sup> Sa ye ijipihtina musa Jesu yequina cahmecoagũ tũhomehneñene musa yahuducugũ tire masieñequina, apequina Jesure cahmeeñequina gũhũ sajã, tũhoboaga. Sa tũhoye “Tiquina tũho masieñequina ijire”, niboaga musare tiquina. <sup>24</sup> Ijipihtina musa Cohãcǵũ yere musa yahugũ pũrita tire masiedariquiro, Jesure cahmedariquiro sajã dũca tũhoro, tiquiro ñañe yerire masiboaga tiquiro. Sa yero tiquiro ñañe yerire bũjũa witiboaga tiquiro. <sup>25</sup> Sa yero poto tiquiro ijire tiyere tiquiro tũhotuye gũhare masiboaga tiquiro. Sa yero Cohãcǵũ poto dũsepe curi mehna quehe saro, tiquirore ño peorota. Sa yero “Cohãcǵũ potota musa mehna ijire”, ninota tiquiro musare.

### *Musa cahmecoana quehnoano yeya dojomehneneno marieno*

<sup>26</sup> Sa yegũ yũhũ acaye, musare ahrire nigũ niaja: Cahmecoana ihquẽquina musa mehna cjẽna Cohãcǵũ yere basa duare. Sa yena apequina buhe duare. Sa yena apequina Cohãcǵũ musare tiquiro buherire yahu duare musa. Sa yena apequina tũhomehneñe mehna yahuducu duare musa. Sa yena musa apequina ti yahuducuyere yahu yũhdũo duare musa. Ti ijipihtiyere sa yena apequina musare tũhoyequina tiquina quehnoano masiatire tire yeya.

<sup>27</sup> Sa yena tũhomehneñe mehna musa yahuducuna pũana, ihtiana topenata yahuducuya musa. Sa yena comesa yahuducuyã. Musa sa yahuducugũ, ihcãquiro musa mehna cjũno musa yahuducurire apequinare yahu yũhdũoahro. <sup>28</sup> Musa yahuducuyere yahu yũhdũoriquiro mariedagũ musa cahmecoana ijipihtina musa tũhomehneñene yahuducu duana yahuducueracãhã. Sa yena masa marienopũ Cohãcǵũ mehna yahuducuya musa. <sup>29</sup> Sa yena Cohãcǵũ yere yahu duana pũana, ihtiana topenata yahuya musa. Musa sa yahugũ apequina musare tũhoyequina musa yahurire quehnoano tũho nũnũahdo. <sup>30</sup> Sa yero Espĩritu Santo Cohãcǵũ yere apequirore topũ dujiriquirore yahu dũcaboaga. Tiquiro yahu dũcagũ tiquirore tũhoriquiro gũhũ Jesu yequinare yahu duaboaga. Sa yero tiquiro pano yahuriquiro pehe dihta mariahdo. <sup>31</sup> Sa yena ijipihtina musa Cohãcǵũ yere yahuna, comesa yahuya musa ijipihtiyequina apequina tiquina quehnoano tũhoatire, tiquina quehnoano bucueatire. <sup>32</sup> Sa yena Cohãcǵũ yere yahuna ijina, quehnoano tũho masi, quehnoano tũhotu yahuducuya.

<sup>33</sup> Cohãcǵũ tiquiro yequina tiquina cahmecoanopũ tiquina cahme yahuducugũ, suhriagũ cahmedare tiquiro. Dojomehneneno marieno tiquina quehnoano ijigũ cahmene tiquiro. Ijipihtiroopũ Jesu yequina cahmeco, ohõ saha yere tiquina. <sup>34</sup> Tiquina cahmecoanopũ numiare yahuducu dutierare. Tiquina numiare mari pehe yahuducu dutieraja. Cohãcǵũ ojoari pũrũ tiquiro nidiro sahata numiare Ƴmũare quehnoano yũhtiyequina numia ijiro cahmene. Sa ye cahmecoanopũ numia masare yahuducueracãhdo. <sup>35</sup> Jesu yequina tiquina cahmecoanopũ numia tiquina yahuducugũ ñarĩne. Sa



yero apee borore masi duaro numino ticoro ya wáhpwta ticoro manunore sinituahro.

<sup>36</sup> Ahri yáhu yahuatire quehnoano masiña mása. Cohãcjũ yere yahu mahtana ijierare mása. Sa yena tiqiro yere tuhorina mása dihita ijierare. Apequina gãhu tiqiro ye buheyere cãore. <sup>37</sup> Mása mehna cjãno “Yáhu Cohãcjũ yere yahugũ ijiaja”, ni tuhoturiquiro ijiro ahri mäsare yáhu ojoari Cohãcjũ dutiye ijigũ masiaho tiqiro. Sa yero apeqiro “Espíritu Santo tutuaye mehna ye masiaja”, ni tuhoturiquiro ijiro tiqiro gãhu ahri yáhu ojoari Cohãcjũ dutiye ijigũ masiaho tiqiro. <sup>38</sup> Tire tiqiro masi dueragũ yáhu ojoarire “Poto ijierare”, tiqiro nigũ tiqirore duhu cãhña. Tãhoeracãhña tiqirore.

<sup>39</sup> Sa yena yáhu acaye, Cohãcjũ yere yahuna mása ijiatire tutuaro cahmeña mása. Sa yena mása mehna cjëna mása cahmecoanopũ tuhohemeñe yahuducuye mehna tiquina yahu duagũ “Sa yahuducueracãhña”, niedacãhña tiquinare. <sup>40</sup> Sa cahmecoana quehnoano, cahme dojomehnenno marieno yeya mása.

## 15

### *Quehnoañe buheyere tiqiro yahurire yahuahye Pablo*

<sup>1</sup> Yojoapũre yáhu acaye, quehnoañe buheyere mäsare yáhu yahurire mäsare wacũgũ ye duaja. Ti buheyere quehnoano cahmene mása. Sa cahmena ti buheyere ne cohãedare mása. <sup>2</sup> Mása sa cahmegũ tire mása cohãedagũ Cristo mäsare pecarũ wahaborinare yãhũo tuhasari. Mása sa tuhori bato Cristo yere mása duhu cãgũ ti mása tuhori dahseati ijierare.

<sup>3</sup> Ohõ saha ni yahu mahtautja mäsare. Ahri ihyo waro ijierare. Mäsare buhegũ yãhũre Cristo tiqiro yahurire mäsare ohõ saha ni yahuu: Cohãcjũ yere tiquina ojoariro sahata mari ñañe buhirire Cristo yariahye. <sup>4</sup> Sa yero Cohãcjũ yere tiquina ojoariro sahata Cristo tiqiro yariari bato apeqina tiqirore tiquina yagũ ihtia deco wahaboro tiqiro pehe masa wijiahye.

<sup>5</sup> Tiqiro sa masa wijari bato Pedrore bajuahye. Tiqiro sa bajuari bato apeqinare tiqiro buheyequinare bajuahye tja. <sup>6</sup> Tiqiro sa bajuari bato ihcã tahata quinientos bui ijieyquinare tiqiro yequinare bajuahye tja. Ihquẽquina tiqirore ihñariquina mña yojoapũre yariariquina mña ijire. Tiquina sa ijiepegũta peyequina tiquina mehna cjëna yojoapũre ijinine.

<sup>7</sup> Came Cristo Santiagore bajuahye tja. Sa tiqiro bajuari bato ijipihtiyequina buhe duti tiqiro cãriquinare bajuahye tja.

<sup>8</sup> Ijipihtiyequina apeqinare tiqiro bajuari bato yáhu gãhũre bajuari tja. Nijinogã queoro masa bajueriquirogã tiqiro masa bajua nũnũ tãriro saha yáhu gãhu Jesure wacũ tutua nũnũ tãrigũ ijiaja. Yáhu sa ijirigũ ijigũ tiquina batorũ bajuari Jesu yáhu gãhũre tja. Yãhũreta tiqiro bajua bato tiri.

<sup>9</sup> Panopũre Jesu yequinare ñano yemi. Sa yerigũ ijigũ apeqina Jesu cãriquina ijipihtiyequina tiquina docarũ waro ijiaja yáhu. Sa yegũ yojoapũ gãhũre Jesu buhe duti tiqiro cãnohorigũ ijierami yáhu. <sup>10</sup> Sa ijiepegũta Cohãcjũ yãhũre cahigũ yojoapũre Jesu cãrigũ ijiaja yáhu. Sa yegũ yãhũre tiqiro cahigũ yojoapũre tiqiro cahmeñene ye pehoaja. Sa yegũ yãhũre cahigũ tiqiro yaqiro sa iji cãgũ niedaja. Ijipihtiyequina apeqina tiqiro cãriquina yãhũoro yãhu pehe tutuaro buhei. Sa buhegũ yáhu esa tuharo buherũ. Cohãcjũ yãhũre cahĩno yãhũre yedohori. <sup>11</sup> Usã buheye pehe ihyo waro ijierare. Yáhu mäsare quehnoañe buheyere buherigũ yáhu ijigũ apeqina yãhũoro yãhũre mása ño peogũ ihyo waro ijiro nine. Tiquina gãhu mäsare buheyequina ijigũ apeqina yãhũoro tiquina gãhũre mása ño peogũ ihyo waro ijiro nine. Usã



pehe ahrire buhena ijiepenata ihyo ijina ijiaja. Ɖsā buheye pehe ihyo waro ijierare. Sa yena masa pehe ahri buheyere quehnoano taḥore.

### *Yariariquina muna tiquina masa wijiarire yahuahye Pablo*

<sup>12</sup> Cristo yariari bato tiqiro masa wijiarire usā buhepegūta “Yariariquina muna ne masa wijaerare”, nine masa mehna cĕna ihquēquina. ¿Dahse ijiro boro sa niajari tiquina tire? <sup>13</sup> Sa yero yariariquina muna masa wijaeragū Cristo gūhū ne masa wijaeraboja. <sup>14</sup> Sa ye Cristo masa wijaeragū quehnoañe buheyere usā yahuri ne dahseati ijieraboja. Tiquiro masa wijaeragū tiqirore masa wacū tutuaye gūhū dahseati ijieraboja. <sup>15</sup> Masa wijiario mariedagū usā pehe Cohācĵū yere ni mehona niboya. Yariariquina muna tiquina masa wijaeragū Cohācĵū pehe Cristore masa wijiagū yeraboja. Tiquiro sa yeragū “Cohācĵū Cristore masa wijiagū yeahye”, nina ni mehona ijiboaga usā. <sup>16</sup> Yariariquina munare Cohācĵū masoedaro, Cristo gūhare tiqiro masoedaboja. <sup>17</sup> Sa yero Cristo masa wijaeragū tiqirore masa wacū tutuaye dahseati ijieraboja. Sa yena masa ñaṇe buhiri, buhiri tiboaga masa. <sup>18</sup> Masa wijiario mariedagū Cristo yequina muna yaria maḥtariquina pecarū waha tuhasaboja. <sup>19</sup> Cristore mari wacū tutuari bato mari yariana masa wija masiedana ijiphiyequina apequina masa yuhduoro pejesuona ijiboaga mari pehe. Sa yena tiqirore ihyo warota wacū tutuana niboaga mari.

<sup>20</sup> Potota Cohācĵū Cristore masa wijiagū yeahye. Cristo masa wijiario bato mari gūhū yarianarū masa wijiadata ijiaja. Tiquiro sa masa wijiario, marine siho masa wija maḥtariquiro ijire. <sup>21</sup> Ohō saha ijire ahri: Adān mehna masa yaria dācahye. Ohō saha apequiro mehna yariariquina muna masa wijaeta. <sup>22</sup> Adān yequina iji nūnū tānarū mari ijiphiyina yarianata. Sata Cristo yequina mari ijigū mari yariari bato marine masa wijiagū yerota Cohācĵū. <sup>23</sup> Ihquē cururi masare tiquina queori pje ijigū masa wijaeta. Cristo marine iji maḥtariquiro masa wija maḥtahye. Came ahri yehparū tiqiro tojoa tagū tiqiro yequina gūhū masa wijaeta. <sup>24</sup> Ti pjeta pihiri deco ijirota. Sa yero ijiphiyequina watāre, watā puhtoare, tutuayequinare cohāno, Cristo yuhduocarota. Tiquiro sa yeri bato ijiphiyequina puhtoro tiqiro ijirire Cristo wijiario, Cohācĵūre mari Pacūre comesarota. <sup>25</sup> Tiquiro wijiato pano mari Pacū Cristore ihña tuhtiyequinare tiqiro yuhduacarū pehoato pano Cristo pūrita ijiphiyequina puhtoro ijirota. Sa ijiriquirota ijiro cahmene tiqirore. <sup>26</sup> Tiquirore ihña tuhtiyequinare tiqiro yuhduacarū bato, yariamedī gūhare cohā cānota. Yariaye pihita waharota. <sup>27</sup> Ijiphiyequina bui dutiatiquirore cūahye Cohācĵū Cristore. Ijiphiyere cuoriquiro gūhare cūahye tiqirore. Sata nine Cohācĵū yere tiquina ojoari pūrū. Cohācĵū pehe tiqirore cūriquiro ijire. Sa yero “Ijiphiyequina bui dutiatiquirore cūahye tiqirore”, nino, “Cohācĵū bui dutiriquiro ijire tiqiro”, nino niedahye tiqiro yere tiquina ojoari pūrū. <sup>28</sup> Ijiphiyequina bui dutiriquiro Cristo Cohācĵū macūno ijigū Cohācĵū tiqirore cūriquiro pehe tiqiro macūno bui dutiriquiro ijirota. Sa yero Cohācĵū pehe ijiphiyequina puhtoro waro ijire. Ijiphiyere cuoriquiro gūhū ijire.

<sup>29</sup> ¿Masa wijiario mariedagū dahse ye apequina masa yariariquina muna ye ijiatire tiquina wame yenohriquina ijiajari? Yariariquina muna masa wijaeragū tiquina ye ijiatire apequina wame yegū ihyo warota wame yenohriquina ijiboaja.

<sup>30</sup> Ɖsā pehe usā buheri buhiri decoripe apequina usāre tiquina ñano ye duagū cuarīne usā gūhare. Ɖsāre sa cauepegūta masa wijiario ijigū masina

sa buheducuaaja usã. <sup>31</sup> Mari puhtoro Jesucristo yequina mûsa ijigã tiquirore wacû tutua nemonã mûsa wahagã yuhû pehe tutuaro bucueaja yuhû mûsa mehna. Ti ijirota ijire. Sa yero “Duhse ijiri decoru yuhare yariaro cuarîne”, yuhû nigû ti gûhû ijirota ijire. <sup>32</sup> Efeso cjêna usayequina quehnoañe buheyere yuhû buheri buhiri yuhare quêdi. Masa wijiaro mariedagû Jesu yaquiro yuhû ijieragû, yuhû sa ñano yuhduri dahseati ijieraboya. Ihyo waro ñano yuhdugu niboya yuhû. Yariariquina mûna tiquina masa wijaeragû ohõ saha niboaga mari: “Came cjûnogã yarianata. Dahse wahasi mari. Sa yena ihya sihniihna. Mari esa tuharo yeihna”, niboaga mari.

<sup>33</sup> Ni mehoñene tuhoturacãhña mûsa. “Ñañequinare piti tina, quehnoañe mûsa yerire bonata mûsa”, nine masa. Ti ijirota ijire. <sup>34</sup> Quehnoañene tuhõtuna ijiya mûsa. Sa yena quehnoañene yena ijiya tja. Sa yena ñañene ye nemoedacãhña tja. Ihqêquina mûsa mehna cjêna ne Cohãcjûre masiedare. Mûsa buoro wahati pehere musare sa niaja.

### *Yariariquina mûna tiquina masa wijiaron yahu nemoahye Pablo*

<sup>35</sup> Sa ye mûsa mehna cjûno ohõ saha ni sinituboaga yuhare: ¿Duhse yariariquina mûna masa wijaetari? ¿Duhse ijiye paguri masa wijaetari? ni sinituboaga. <sup>36</sup> Sa sinituriquiro tûho masieniquiro ijire. Oteri pjere mari oteri bato ti pje ahbagã waro pihnine. Ahbaeraro ne pihnisi. Tire masine mûsa. <sup>37</sup> Bujaye cjûpare oteraja mari. Ti pjeri dihitare oteaja mari. Ti pjeri trigo pjeri ijiro ijiboaga. O apee boro pjeri ijiro ijiboaga. <sup>38</sup> Ti pjerire mari oteri bato Cohãcjû tiquiro cahmediro saha ti pjerire bucua majagû yere. Sa yero oteye pjerire bujaye pihniigû yere tiquiro. Sata pihni dutire Cohãcjû.

<sup>39</sup> Ijipihtiyequina paguri ihcãno saha bajuerare. Masa paguri pehe ihcãno saha ijire. Wahiquina paguri gûhû sijoro saha bajure. Minicjua paguri gûhû sijoro saha bajure. Sa yeye wahi gûhû sijoro saha pagu tire. <sup>40</sup> Sa ye uhmuse cjê gûhû sijoro saha bajure. Sa yeye ahri yehpa cjêna gûhû sijoro saha pagu tire. Sa yeye uhmuse cjêna paguri gûhû sijoro saha bajure. Sa yeye ahri yehpa cjê uhmuse cjê yero saha ijierare. <sup>41</sup> Ohõ saha ijire. Asã deco cjûno asi sitere. Sa ye ñami cjûno gûhû sijoro saha ijire tiquiro gûhû. Ihyo buhriore. Sa yeye ñahpicoha gûhû sijoro saha asi paare. Ñahpicoha pari gûhare mari ihñagû ihquê paca mehenogã asiye paca bajure. Sa yeye apeye paca tutuaro asiye paca bajure.

<sup>42</sup> Ohõ saha ijire yariariquina mûna tiquina masa wijaagû. Masano tiquiro pagure mari yari bato tiquiro pagu ahbaa waharota. Sa yero ape pagu sijoro saha ijiri pagu ijipihtiye decori catiati pagu masa wijiarota. <sup>43</sup> Ti pagure mari yagû yariariquiro mûnano pejesno nine. Cohãcjû tiquirore masogû tiquiro pagu quehnoa yuhduri pagu ijire. Sa yero tiquiro pagu mari yari pagu tutuaye mariedi pagu ijire. Sa yero Cohãcjû tiquirore masogû tiquiro pagu tutua yuhdure. <sup>44</sup> Ahri yehpa cjã pagure mari yagû yariariquiro mûnano tiquiro masa wijaagû tiquiro pagu uhmuse cjã pagu ijirota. Ahri yehpa cjã pagure mari cõona, uhmuse cjã pagu gûhare cõonata, masa wijiana.

<sup>45</sup> Sata ni yahure Cohãcjû yere tiquina ojoari pûpu: “Ahri yehparû iji mûhtariquiro Adán wame tiriquiro catiriquiro wahahye”, ni ojoahye. Ti sa ijiepegûta Adán yero saha ijiriquiro bato tiriquiro Cristo pehe catiyere ohoro ahtahye. <sup>46</sup> Ahri yehpa cjã pagu iji mûhtari pagu ijire. Cameru uhmuse cjã pagu ijirota. <sup>47</sup> Ohõ saha ijire: Iji mûhtariquiro Adán pehe ahri yehpa cjûno dihta mehna tiquiro yeri pagure pagu tiahye. Tiquiro bato ahtariquiro, Cristo pehe uhmuseru ahtahye. <sup>48</sup> Dihta mehna tiquiro yeri pagure pagu ti mûhtariquiro tiquiro ijiriro saha ijipihntina apequina dihta mehna tiquiro yeri pagure pagu tina ijiaja mari. Sa yena uhmuseru ahtariquiro yero saha

tiquiro yequina ijipihina tiquiro yero saha pagu tina ijinata mari. <sup>49</sup> Dihta mehna tiquiro yeri pagure pagu tiriqiuero yero saha bajuaja mari. Tiquiro yero saha mari ijiro saha umuse ceno yero saha bajunata mari.

<sup>50</sup> Yuhu acaye, musare ahrire yahu duaja: Ahri yehpa cja pagu dii mehna, dihi mehna ijiri pagu Cohacju puhtoro ijiropure umusepore ne wahasi. Mari pagu ahbati pagu ijire. Sa ye umusepore ijipihitiye decori mari ijatopore ahri pagu wahasi. <sup>51-52</sup> Panopure masa tiquina masiedarire yojopure musare yahu duaja: Mari mehna cjena ihquiquina yariasi. Sa ye duita, tiquina pagurire comesayequina ijieta. Cornetare tiquiro puti, bato tiri decopu sata waharota marine. Ohō saha waharota. Corneta bisiri bato yariariquina manare Cohacju masonota ijipihitiye decori tiquina ijiatire. Sa yena pagurire comesarina ijinata mari guhu. <sup>53</sup> Mari pagurire tiquiro comesagu to pano mari ahbati paguri ijiepeguta mari comesari bato ne ahbasi. Sa ye mari paguri comesagu to pano mari yariati paguri ijiepeguta ne yariasi. <sup>54</sup> Mari ahbati paguri ne ahbaerati pagurire comesarota. Sa ye mari yariati paguri sa ijiducuatı pagurire comesarota. Sa marine comesagu panopu tiquiro ojoariro sahata sa waharota: “Cohacju yariayere cohā cāri. <sup>55</sup> Yojopure ne pari turi mari yariasi. Sa yena yariaro mehna pari turi nāno yuhdusi mari”, ni ojoahye panopure. <sup>56</sup> Mari nāne buhiri ijigū pūrita yariaro mehna nāno yuhdunata. Sa ye Cohacju dutiye Moiseri tiquiro cūrire mari masidi bato, buhiri tiaja mari. Sa yero marine pecapu waha dutire Cohacju dutiye. <sup>57</sup> Tiquiro sa dutiepeguta mari puhtoro Jesucristo pehe marine pecapu wahaeragu yere. Tiquiro sa yeriquiro ijigū masina Cohacju mehna bucue, “Quehnoare”, niaja mari.

<sup>58</sup> Sa yena yuhu acaye, yuhu cahina, Cristore wacu tutua duhueracāhna. Sa yena apeqinane musare quehnoane buheyere tiquina cohā dutigū, ne cohāedacāhna tire. Sa yena decoripe mari puhtoro Jesucristo tiquiro ye dutiyere quehnoano yeducuya musa. Mari puhtoro Jesucristo yere mari yegū, ahri iho waro ijierare. Ahrire masina tiquiro ye dutiyere quehnoano yeducuya musa.

## 16

*Apeqinare Jesu yequinare Corinto cjena niñeru tiquina ohoatire yahuahye Pablo*

<sup>1</sup> Yojopure apeqinare Jesu yequinare musa niñeru ohoatire yahu duaja musare. Galacia yehpa cjenare Jesu yequinare yuhu dutiriro sahata musa guhu yeya. <sup>2</sup> Semanaripe domingo ijigū ijipihina musa Jesu yequinare ohoati niñerure mehenogā ohoya. Mehenogā csona mehenogā ohoya. Sa yena paji cjūnogā csona paji cjūnogā ohoya. Semanaripe musa sa yegū musa cahapu yuhu esagū musa ohoati niñeru iji tuhasarota. <sup>3</sup> Musa ohoatire yahuye pūrine ojoatja. Sa yegu yuhu topu esagu ti pūrine topu wahatiquinare musa beseriquinare ohoutja. Sa oho tuhasagu Jesu yequinare musa ohori niñerure neatiquinare ohoutja Jerusalēpu. <sup>4</sup> Ti macapure yuhu yeati ijigū yuhu guhu wahagutja. Yuhu sa wahagū yuhu mehna tiquina wahaeta.

*Tiquiro tiniatire yahuahye Pablo*

<sup>5</sup> Macedonia yehpa cjenare ihna yuhdūtja yuhu. Yuhdu cā, musa cahapu Corintopu esautja. <sup>6</sup> Topu esagu musa mehna mehehe decorigā ijiboaga yuhu ape taha yegu. Yoa cjūri pje pohero ijiro puno musa mehna ijiboaga yuhu. Sa yena ape sieru yuhu wahagū musa guhu yuhure yedoho masine. <sup>7</sup> Mehehe decorigā iji dueraja yuhu musa mehna. Sa yegu Cohacju cahmegū yoa cjūri pje musa mehna ijiitja yuhu. <sup>8</sup> Sa iji duepeguta Pentecoste bose deco ijigūpu

Efesopu ijiniitja yahu. <sup>9</sup> Ohõpu Efesopu yojopure mari puhtoro Jesu yere taho duayequina peyequina ijire. Tiquina sa ijigã tiquinare yahuaja. Yahu sa yahugã yahure ihña tuhtiyequina peyequina ijire.

<sup>10</sup> Timoteo yahu yero saha mari puhtoro yere yere. Tiquiro sa yeriquiro ijigã musa cahapu esagã quehnoano mehna tiquirore piti ca, tiquiro mehna quehnoano bucueye mehna ijiya musa. <sup>11</sup> Sa yena tiquirore yuhducaeracãhña musa. Sa yena tiquiro cohe tigã quehnoano mehna tiquirore yedohoya yahu cahapu tiquiro tojoa tagã. Apequina Jesu yequina mehna usã tiquirore cohtena niaja. Sa yena quehnoano yedohoye mehna tiquirore ohoya.

<sup>12</sup> Apolo mari acayaro Jesu yaquiro musare ihñano wahagã tutuaro cahmemi. Sa yegu tiquirore waha dutimi apequina Jesu yequina mehna tiquiro watahite. Yahu sa waha dutiepegãta yojopure tiquiro waha duerare. Sa yero came tiquiro yeye mariedagã musa cahapu waharota.

### *Pablo quehnoa duti bato tiahye*

<sup>13</sup> Quehnoano wacũ masiña musa. Cristore wacũ tutua duhueracãhña. Ne cuenata iiducuya musa. Sa yena Cohãcjã tutuaye mehna tutuana ijiya musa.

<sup>14</sup> Apequinare sa cahiducuya.

<sup>15</sup> Yojopure yahu acaye musare ahrire yahu duaja: Estefana ya wahu cjëna Acaya yehpa cjëna quehnoañe buheyere taho muhtariquina, tiquina ya yehparu Cristore wacũ tutua muhtariquina ijire tiquina pehe. Sa ye apequinare mari acayere Jesu yequinare tiquina quehnoano yedohoducure. Tire musa masine. <sup>16</sup> Tiquina yero saha ijiyequinare, apequina Cristo yere yedohoyequinare musa quehnoano yuhdigã cahmeaja yahu. <sup>17</sup> Estefana, Fortunato, Acaico gũhu yahu cahapu wihĩ tuhasare. Ohõpu tiquina ijigã quehnoano bucueaja yahu. Musare tiquina bucuegũ yeriro saha yahu gũhure bucuegũ yere tiquina. Musa mariedagã musare tutuaro wacũmi yahu. Sa yegu tiquina wihdigã bucueaja yahu. <sup>18</sup> Tiquina mehna ijigã quehnoano jeripohna tigã iji yahu. Musa gũhare sata bucuegũ yere tiquina, yahu tãhotugã. Tiquinare quehnoano ño peoya musa. Sa yena apequina tiquina yero saha ijiyequina gũhare ño peoya.

<sup>19</sup> Asia yehpa cjëna Jesu yequina musare quehnoa dutire. Sa ye Aquila, Priscila, tiquina ya wuhapu cahmecoañequina mehna Cristo tiquiro cahĩne mehna musare tutuaro quehnoa dutire. <sup>20</sup> Ohõ cjëna Jesu yequina ijiptiyequina musare quehnoa dutire. Musa mehna cjënare quehnoano mehna piti caya.

<sup>21</sup> Yahu, Pablo yahu basi ahri dihitare ojoaja. Musare quehnoa dutiaja.

<sup>22</sup> Mari puhtoro Jesucristore apequiro tiquiro cahiedagã. Cohãcjã tiquirore buhiri dahreahro. Mari puhtoro sojaro mehna tojoa taahro.

<sup>23</sup> Mari puhtoro tiquiro cahĩne mehna musare quehnoa dutiaja. <sup>24</sup> Mari ijiptina Jesucristo yequina ijiya. Sa yegu musare tutuaro cahiaja.

## 2 Corintios

### *Ohō saha ojoa ohoahye Pablo Corinto cĵenare*

<sup>1</sup> Yuhũ Pablo, Jesucristo yere buhe duti tiqũiro cũrigũ ijiaja. Mari Pacũ tiqũiro cahmediro saha cũri yuhũre Jesu. Yuhũ, mũsare Cohãcĵũ yequinare, Corinto cĵanare ojoa ohoaja. Ijipihtina Cohãcĵũ yequinare Acaya cĵanare mũsa gũhare ojoa ohoaja. Mari acayũro Timoteo mehna quehnoa dutiaja mũsare. <sup>2</sup> Sa yena Cohãcĵũ mari Pacũ, mari puhtoro Jesucristo mehna mũsare quehnoa dutiaja. Tiquina yedohoye mehna quehnoano ijiya mũsa.

### *Pablo tiqũiro ñano yuhũrĩre ohō saha ni yahuahye:*

<sup>3</sup> Mari puhtoro Jesucristo Pacũro Cohãcĵũ marine paja ihñare. Sa yero tiqũiro dihita marine yedohore. Quehnoa yuhũariqũiro ijire tiqũiro. <sup>4</sup> Mari ñano yuhũdũgũ ihñano ijipihtinare marine tiqũiro yequinare yedohore tiqũiro apeqũinare mari yedohoatire. Sa yena apeqũina tiquina ñano yuhũdũgũ ihñana tiquina pehere yedohoro cahmene marine. Cohãcĵũ marine tiqũiro yedohoye mehna mari gũhũ tiquina gũhare yedohonata. <sup>5</sup> Cristo yequina mari ijiri buhiri mari ñano yuhũdũgũ tiqũiro tutuaro yedohorota marine. <sup>6</sup> Ušã pehe mũsare yedohona ñano yuhũdũaja. Sa yena Cristo mehna mũsa yuhũdũatire mũsare ušã yahuri buhiri ñano yuhũdũaja. Sa yena Cristo ušãre tiqũiro yedohogũ ušã pehe mũsa gũhare yedoho masiaja. Sa yena ušã ñano yuhũdũriro sahata mũsa gũhũ ñano yuhũdũana, quehnoano mehna ihcãno sahanata mũsa, yuhũ tũhotugũ. <sup>7</sup> Quehnoano mehna mũsa ihcãno sahatire ušã masiaja. Ušã ñano yuhũdũriro sahata ñano yuhũdũri mũsa gũhũ. Sa yena Cohãcĵũ tiqũiro yedohoye mehna ušã ihcãno sahariro sahata mũsa gũhũ ihcãno sahanata, yuhũ tũhotugũ.

<sup>8</sup> Ušã acaye, yojopũre ahri yuhũ yahuatire mũsa quehnoano masigũ ušã cahmeaja. Asia yehpapũ ña yuhũdũaro yuhũdũe ti ušã. Ohō saha ni tũhotumi ušã: “Ne yuhũdũsi mari. Sa yena mari yarianata”, ni tũhotumi ušã. <sup>9</sup> Sa yena “Marine wejẽ cãeta”, ni tũhotumi ušã. Sa ñano yuhũdũana Cohãcĵũ dihitare ušã wacũ tutua nemou. Ušãre tiquina ñano yegũ cahmeahye Cohãcĵũ tiqũirore ušã wacũ tutua nemoatire. Tiquiro pehe yariariquinare masoriqũiro ijire. Sa tiqũirore wacũ tutuana ušã esa tuharo ušã ihcãno sahaerarire masiaja. Cohãcĵũ marine yedohore. <sup>10-11</sup> Ušãre cuaro yepẽgũta tiqũiro yedohoro mehna ušã yuhũdũũ. Camerũ gũhare pari turi ušãre yuhũdũorota. Ušãre Cohãcĵũre mũsa sini basagũ tiqũiro ušãre yedohorota. Ušãre tiqũiro yedohoatire masiaja ušã. Sa yena ušãre tiqũiro yedohogũ ihñana, tiqũirore “Quehnoare”, ninata mũsa. Peye mũsa sini basarire tiqũiro yuhũtigũ ihñana bucue, “Quehnoare”, ninata mũsa Cohãcĵũre. Peyequina apeqũina gũhũ sata nieta.

### *Pablo Corintopũ tiqũiro waha duamedire yahuahye*

<sup>12</sup> Sa yena mũsa mehna ušã ijirire wacũna bucueye mehna ohō saha tũhotuaja ušã: Ahri yehpapũ Cohãcĵũ tiqũiro yedohoye mehna ñañe marieno quehnoano mehna masare piti ti buhei. Mũsa pũritare quehnoano piti ti buhei. Ohō saha yena ušã esa tuharo yera. Cohãcĵũ cahĩne mehna tiqũiro tutuaye mehna sa yei. <sup>13-14</sup> Sa yena quehnoano yahu ojoan mũsare, quehnoano mũsa masiatire. Yojopũ ušãre quehnoano masiedare mũsa. Ušã ijiye tiyere mũsa quehnoano masigũ tutuaro cahmeaja ušã. Sa yena mari

puhtoro Jesu tiquiro tojoa tagū usā mehna bucuenata m̄sa. M̄sa mehna usā bucuero sahta m̄sa gūh̄ usā mehna bucuenata.

15-16 Ohō saha nigū Macedonia yehparū waha duamaja yūh̄. Sa yegū m̄sare ih̄na yūh̄ cā duamaja yūh̄. Sa yegū topare esarigū tojoa tagū pari turi m̄sa mehna mehehe decorigā ijiboaga yūh̄. Sa yena p̄a taha m̄sa mehna yūh̄ ijigū ih̄na pajiro yūh̄ mehna m̄sa bucuaboaga. M̄sa caharū ijirigū Judea yehparū yūh̄ wahagū ih̄na yūh̄ yedohoboaga m̄sa. 17 ¿“Wahautja”, yūh̄ nigū tuh̄orina ijina m̄sa caharū yūh̄ eseragū ih̄na “Pablo ni mehono nine”, ni tuh̄otujari m̄sa? “Wahautja”, nigū yūh̄ esa tuh̄aro sa nigū niedaja yūh̄. ¿“Tiquiro nidiro saha yerare”, yūh̄re ni tuh̄otujari m̄sa? 18 Ohō saha ni mehogū ijieraja yūh̄. Sa yegū “Yeitja”, nigū yūh̄ nidiro saha yeaja yūh̄. Tire masine Cohāc̄jū.

19 Yūh̄, Sila, Timoteo mehna Jesucristo Cohāc̄jū mac̄no yere m̄sare yahū usā. Cristo pehe “Yeitja”, nino, poto yeriquiro ijiro nine. Cohāc̄jū tiquiro nidiro sahta Cristo yere. 20 Ijipih̄yere Cohāc̄jū tiquiro yahure Cristo ye pehoah̄ye. Tiquiro sa yeriquiro ijigū ih̄na tiquiro yere usā apequinare yahūaja Cohāc̄jūre tiquina ño peotire. 21 Cristo yequina marine ijiducugū yeriquiro Cohāc̄jūta ijire. Sa yero tiquiro yere yahuanajare marine s̄ori tiquiro. 22 Sa yero tiquiro yequina mari ijiyere ih̄na tire marine masigū yere tiquiro. Sa yero tiquiro yaquiro Esp̄ritu Santore mari mehna iji dutiri tiquiro. Mari mehna ijiro tiquirota marine Cohāc̄jū yūh̄d̄oatore masigū yere.

23 Yojoṗare poto yahutja m̄sare. Poto yūh̄ yahueragū Cohāc̄jū pehe m̄sare poto yahūh̄ro. Tiquirota yūh̄ tuh̄otuyere masine. M̄sare tuhti dueragū m̄sa caharū wahaerū. “M̄sare buj̄ua witiḡ yeari”, nigū m̄sa caharūre Corintop̄are wahaerū. 24 Sa yena “M̄sare dutina ijiaja usā”, nina niedaja. Cristore quehnoano wacū tutua tuh̄asari m̄sa. Sa yena “Ohō saha Cristore wacū tutuaro cahmene m̄sare”, nina niedaja usā. M̄sare quehnoano bucuḡ ye duaḡ usā.

## 2

1 Sa yegū ohō saha ni tuh̄otuu: “Pari turi tiquinare buj̄ua witiḡ ye dueraja. Sa yegū yojoṗare wahaeraja”, ni tuh̄otuu. 2 M̄sare buj̄ua witiḡ ye dueraja. M̄sa buj̄ua witiḡ ih̄n̄a yūh̄ pehe m̄sare bucueraboaga. Sa yena yūh̄re bucuḡ yeatina ijieraboaga m̄sa pehe. 3 Sa yegū m̄sa caharū wahaerū. Sa wahaeragū m̄sare ih̄yo ojoa. M̄sa yūh̄re bucuḡ yeatina ijiepenata yūh̄re buj̄ua witiḡ yeboaga m̄sa, m̄sa caharū yūh̄ esagū. M̄sa mehna yūh̄ bucuḡ, m̄sa gūh̄ bucuenata. Tire masiaja yūh̄. Sa yegū yojoṗare m̄sa mehna buj̄ua witi dueragū wahaerū m̄sa caharū. 4 Pajiro tuh̄otugū, ñano jeripohna tigū, tutuaro utigū m̄sare ojoaep̄ḡta m̄sare buj̄ua witiḡ ye duerū. M̄sare tutuaro yūh̄ cah̄ñene m̄sare masigū ye duaḡ m̄sare ojoa.

*Corinto c̄j̄na mehna c̄j̄no tiquiro ñano yerire bo dutiahye Pablo Jesu yequinare*

5 Ih̄c̄aquirū m̄sa mehna c̄j̄no yūh̄re buj̄ua witiḡ yeriquiro ijiri. Sa yeriquiro ijiep̄ḡta m̄sare tiquiro tutuaro buj̄ua witiḡ yeriro saha yūh̄ pehere pajiro buj̄ua witiḡ yerari tiquiro. Tiquiro sa ñano yepeḡta pajiro waro buhiri dahre duti dueraja. 6 Peyequina m̄sa mehna c̄j̄na tiquirore buhiri dahre tuh̄asañoh̄ti. To punota buhiri dahre duhuro cahmene tiquirore. 7 Tiquirore m̄sa buhiri dahreducugū tutuaro buj̄ua witiḡ tiquiro. Sa yero Cristo yere duhuboaga. Sa yena tiquiro ñañe yerire boya m̄sa.

Tiquirore yedohoya tiquiro bucuegū. <sup>8</sup> Sa yena tiquirore quehnoano yeya m̄sa tiquirore m̄sa cahñene tiquiro masigū. M̄sa sa yegū tutuaro cahmeaja yūh. <sup>9</sup> To pano m̄sare ojoagu “¿Potota yūhure yūhtietari?” nigu sa ni ojoan m̄sare. Yūhure m̄sa yūhtigū ihña duagu m̄sare sa ni ojoan. <sup>10-11</sup> Vojopare tiquiro ñaife yerire m̄sa bogū ihñagu yūh gūh tire bojuta. Yūhure ñano yerahye tiquiro. M̄sa pehere ñano yeahye. Tiquiro sa ijiepegūta tiquiro ñaife yerire boaja yūh gūh. M̄sare quehnoano yedoho duagu Cristo ihñonopu tiquiro ñaife yerire boaja. Tire boaja Satana marine tiquiro yūhd̄ucaerative. Tiquiro marine ñañene yegū cahmene. Tire quehnoano masiaja mari. Sa yena Jesu yequina tiquina ñaife yerire wac̄ducueraja mari, “Tiquinap̄n Satana yere yeari”, nina.

*Troa wame tiri macap̄n ijiro Titore bocaeraro pajiro buj̄na witi t̄hotuahye Pablo*

<sup>12</sup> Sa yegū Troa wame tiri macap̄n esañ Cristo yere buhegū wahagū. Top̄n yūh ijigū peyequina masa quehnoañe buheyere t̄ho duayequina ijiri. Mari p̄h̄toro tiquiro yedohoye mehna tiquiro yere yūh buheatiquina peyequina masa ijiri. <sup>13</sup> Sa ijiepegūta mari acaȳrore Titore bocaeragu pajiro buj̄na witi t̄hotuu. Sa yegū to c̄j̄nare cohe ti tuhasagū Macedonia yehrap̄n wahan.

*Cristo yedohoye mehna ñañene yeducueraja mari*

<sup>14</sup> Sa ye Coh̄c̄j̄ pehe marine ñañene yeragū yere. Cristo yequina mari ijigū ihñano marine ñañene yeragū yere. Sa yegū Coh̄c̄j̄re bucue, “Quehnoare”, niaja. Sa yena Coh̄c̄j̄ marine tiquiro dutigū masina ijipih̄tirop̄n Cristore masare masigū yeaja mari. Sa tiquirore masiñe tiquina quehnoano t̄hoture. <sup>15</sup> Cristo yequina ijina, Coh̄c̄j̄ pehere bucuegū yeaja mari, ehme sitiyeere mari bucuero saha. Sa ye Cristo yequina mari ijiyere ihña masine apequina Coh̄c̄j̄ yūhd̄uoatiquina. Apequina tiquina ñañe buhiri pecap̄n wahatiquina gūh Cristo yequina mari ijiyere ihña masine. <sup>16</sup> Cristo yequina mari ijigū ihñañe, tiquina ñañe buhiri pecap̄n wahatiquina pehe pecap̄n tiquina wahatire masine. Coh̄c̄j̄ yūhd̄uoatiquina pehe marine Jesu yequinare ihñañe, ijipih̄tiye decori tiquiro mehna tiquina ijiatire masine. Sa ye Cristo ye ihyo ijye buheye ijierare. Sa yero ah̄rire Cristo yere ihc̄aquiore esa tuharo buhe sohtori tiquiro ne mariedare. Coh̄c̄j̄ yedohoro mehnata tiquiro yere mari buhe masiaja. <sup>17</sup> Peyequina apequina Coh̄c̄j̄ yere buhemene niñerure wapata duaye. Ūs̄a pehe tiquina yero saha yeraja. Ni mehono marieno Cristo tutuaye mehna tiquiro yere buheaja us̄a. Coh̄c̄j̄ us̄are cūgū tiquiro ihñonopu quehnoano buheaja us̄a.

### 3

*“Ohō saha yeitja”, Coh̄c̄j̄ ni cūrire wahma buheyere yahuahye Pablo*

<sup>1</sup> ¿Pari turi us̄a ijye tiyere m̄sare yahuna niajari us̄a, m̄sa t̄hotugū? Apequina m̄sare tiquina buheato pano tiquina ijye tiyere masi duana tiquina ojoari p̄re cahme m̄htari m̄sa. Ūs̄are masi tuhasari m̄sa. ¿Ūs̄are masiepenata ti p̄ borore cahmeajari m̄sa? ¿O apequina cahap̄n us̄a buhena wahan ti p̄ borore us̄are neno cahmeajari, m̄sa t̄hotugū? <sup>2</sup> Ti p̄ borore cahmedaja us̄a. M̄sa pehere ijipih̄tiyequina apequina ihñañe m̄sare us̄a quehnoano buherire masieta. M̄sare us̄a buhegū Cristo yequina iji d̄cari m̄sa. <sup>3</sup> Cristo yequina m̄sa ijigū ihñañe masa m̄sare Coh̄c̄j̄ ye buheye warore us̄a queoro buherire masi tuhasare. M̄sare buhena Coh̄c̄j̄ yaquiore Esp̄ritu Santo tiquiro yedohoye mehna buhei. Tiquiro Coh̄c̄j̄ catiriquiro waro ijire. Ūs̄a sa buhegū t̄hona Cristore quehnoano cahmedi m̄sa. Sa



cahmena masa ijigü apequna masare ihñañe Cristo yequina masa ijiyere quehnoano masine. Sa masine masare Cohäcjä ye buheye warore usä queoro buherire masine masa.

<sup>4</sup> Ahrire ijipihtiyere tãhotuaja usä Cohäcjäre quehnoano wacü tutuana. Cristo tiqiro yedohoye mehna sa wacü tutuaducuaaja mari. <sup>5-6</sup> “Usä esa tuharo ahri dahrayere yeaja usä”, ni masiedaja usä. Cohäcjä tiqiro yedohoye mehna ye masiaja usä.

Yojopare tiqiro yahuyere quehnoañe buheyere Cohäcjä pehe quehnoano usäre buhe masigü yere. Ahri buheye panopu tiqiro dutiye tiqiro ojoari yero saha ijierare. Quehnoañe buheye pehere buheaja usä. Panopu tiqiro dutirire mari esa tuharo ne ye masiedaja. Sa mari ye masiedari buhiri pecapu wahaboya mari. Quehnoañe buheye pehere tãhona Cristore wacü tutuaja. Sa yena ijipihtiyere decori Cohäcjä mehna ijinata mari. <sup>7</sup> Cohäcjä tiqiro dutiyere utã pñinpu ojoaro Moiserere cãahye. Tiqiro sa cãri bato tiqiro asi siteye bajuahye. Moise wãhdoa asi siteahye. Asi site yãhdãahye. Came ti asi siteye pihtia wahahye. Came ti asi siteye pihtia wahatü ijiepegãta coã warore tiqiro wãhdoare masa ne ihñadoque ohõ masiedahye. Ti dutiyere masa tiquina ye pehoerari buhiri pecapu wahatiquina ijiahye. Sa ye ti dutiye masare pecapu waha dutiepeta, tutuaro asi siteye mehna iji dũcahye ti dutiye.

<sup>8</sup> Ti dutiye yãhdõoro quehnoañe buheye pehe quehnoa yãhdũare. Ahri buheyere apequnare mari buhegü tiquina quehnoano tãhogü Espiritu Santo tiquina mehna ijirota. Sa ye panopu cjä dutiye yãhdõoro Cristo ye pehe quehnoa yãhdũare. <sup>9</sup> Cohäcjä dutiye panopu cjä masare pecapu waha dutiahye. Sa dutieperota Cohäcjä tutuaye mehna tiqiro asi siteye mehna iji dũcahye. Ti yãhdõoro quehnoañe buheye pehe Cohäcjä tutuaye mehna ijire. Ti buheye mehna quehnoañequina wahare masa, Cohäcjä ihñagü.

<sup>10</sup> Panopu Cohäcjä tiqiro dutiri pehe ihyo ijiye dutiye yero saha tojoa cãhre yojopare quehnoañe buheye mehna mari ihña piti cagü. Quehnoañe buheye pehe quehnoa yãhdũare. Ti buheye mehna ãhmãsepü mari waha masiaja.

<sup>11</sup> Panopare tiqiro ye dutiye yoa cãri pje asi siteye ijiducume, pihtia wahahye. Ti dutiye yãhdõoro quehnoañe buheye pehe quehnoa yãhdũare. Ti buheyere quehnoano tãhona, Cohäcjä mehna sa ijiducunata.

<sup>12-13</sup> Mari sa ijiducuatire masina, cuero marieno quehnoañe buheyere quehnoano yahu peho cã usä. Moise pehe usä yero saha ijierahye. “Cohäcjä asi siteye pihtiro nine”, Israe masa ni ihñari”, nino, tiqiro wãhdoare cahmotahye Moise. Bue tiro sa cahmotahye. Tiqiro yee tiro saha bue tieraja usä pehe. Sa yena cuero marieno tiqiro yere quehnoañe buheyere buheaja. <sup>14</sup> Ti pjepu cãena Israe masa pehe ne masieda tiahye. Yojopu gãhure Cohäcjä yere panopu tiqiro ojoari pürine tiquina buheye, ne masiedare. Moise tiqiro wãhdoare cahmotagü Cohäcjä asi siteyere tiquina ihñadoque ohõedarero saha tiquina quehnoañe buheyere quehnoano masiedare. Cristore cahmedaye, masisi tiquina. Tiquirore tiquina wacü tutuari bato, tiqiro yere masieta.

<sup>15</sup> Yojopu gãhure Israe masa Cohäcjä dutiye Moiserere tiqiro cãrire buheye, tiquinare cahmotaro saha ne masiedare tiquina. <sup>16</sup> Mari pehe mari pãhtorore cahmegü tiqirota marine masigü yere. Moise tiqiro wãhdoa cahmotaritore tiqiro ne cãboriro saha mari pãhtoro marine tiqiro yere quehnoano masigü yere. <sup>17</sup> “Mari pãhtoro”, nigü Espiritu Santore nigü niaja. Cohäcjä yaqiro Espiritu mari mehna tiqiro ijigü pecapu wahaborinare tiqiro yãhdõorina ijiaja. Sa yena “Panopu cjä dutiye mehna

mari yãhdũnata”, niedaja mari. Sa yena ti dutiyere duhuna, Espiritu Santo ye dutiye pehere yeaja mari. <sup>18</sup> Sa yena Jesu yequina ijina, Cohãcã yere masiaja mari. Tiquina wãhdõa pacare cahmotamehneñequina yero saha Cristo tutuayere ihñona niaja mari. Sa yero mari pãhtoro Espiritu Santo marine quehnoañe pehere comesagũ yere. Tiqiro sa yegũ Cristo quehnoa yãhdũariqiro tiqiro ijiro saha wahana niaja mari.

#### 4

<sup>1</sup> Sa ye Cohãcã usãre paja ihñano, quehnoañe buheyere yahuanajare cãri usãre. Tiqiro sa cãgũ masina, tiqiro yere buhena caributieraja usã. <sup>2</sup> Tiqiro yere buhena ni meje cũ buheraja. Sa yena usã tire comesaeraja. Sijoro saha cãjũnogã buhena buoro yãhdũboaga. Sa yena tire buhe dueraja. Cohãcã ihñonopũ ijijaja usã. Sa yena quehnoañe buheyere quehnoano poto buheaja usã. Usã sa buhegũ ihñañe tire quehnoano masine usãre ihñañequina waro. <sup>3</sup> Usã buheyere quehnoañe buheyere buheaja usã. Usã tire buhepegãta apecuina ne tuho duerare. Sa tuhoeyequina pecapũ wahatiquina ijire. <sup>4</sup> Satana ñariqiro ahri yehpa cãena pãhtoro tiquinare masiedagũ yere. Caperi bajueyequina tiquina ihña masiedaro saha masiedagũ yere tiquinare. Quehnoañe buheyere Cristo tutuayere tiquinare masiedagũ yere tiqiro. Cristo pehe Cohãcã ijire tiyere marine masigũ yere. Tiqiro Cristo Cohãcã waro ijire. <sup>5</sup> Usã buhena “Usã pehere ño peoya”, ni buheraja. Ohõ saha ni buheaja usã: “Jesucristo pehe ijire mari pãhtoro”, ni buheaja usã. Usã pehe Jesure yãhtina ijijaja usã. Sa yena masare yedohõaja usã. <sup>6</sup> Panopũ ohõ saha niahye Cohãcã: “Nahitianopũre buhrioro ijija”, ni, dutiahye tiqiro. Yojoapũre tiqirota ijire marine tiqiro tutuayere masigũ yeriqiro. Buhrioro marine ti ihñagũ yero saha, tiqiro tutuayere marine masigũ yere. Cristo Cohãcã tutuayere marine masigũ yere.

#### *Cristo tutuaye mehna mari ijija*

<sup>7</sup> Sa masina ijina, tiqiro tutuayere apequinare masigũ yeaja. Sa yena ijiepenata tutueraja usã. Dihi sutu duita wahtiro ti butiro saha usã gũhũ tutueraja. Sa ijiepenata Cohãcã tutuayere apequinare buheaja usã. Usã sa tutuerapenata tire buheaja usã. Usã sa buhegũ ihñañe usãre “Tiquina esa tuharo ahri buheyere masiedare. Cohãcã pehe tiquinare masigũ yere”, ni masieta apequina usãre. <sup>8</sup> Ijipihtiyequina apequina usãre ñano yepeta Cohãcã usãre tiqiro yedohogũ tiquina usãre yãhdũdũcaerare. Sa yena usã caributiepenata, Cohãcã yere ne yahu duhueraja. <sup>9</sup> Usãre tiquina ñano yeducuepegãta Cohãcã usãre sa yedohoducure. Usãre tiquina quẽdoque cũ mjaepegãta tiqiro yedohoye mehna yarieraja usã. <sup>10</sup> Tiquina wejẽatina ijinata niaja usã, Cristo ahri yehpapũ tiqiro ñano yãhdũriro saha. Tiquina wejẽatina ijiducuna niaja usã Cristo catiducugũ yeriqiro tiqiro ijiyere masa tiquina masiato saha. Usã sa ñano yãhdũgũ ihñañe tire masieta masa.

<sup>11</sup> Sa ye decoripe usãre apequina wejẽno cuarĩne Cristo yequina usã ijiri buhiri. Ohõ sahata ñano yãhdũaja usã Cristo catiducugũ yeriqiro tiqiro ijiyere apequina tiquina masiato saha. Usã pagũri came yariaa waharota. Usã sa wahatina ijiepenata Cristore catiducugũ yeriqirore masigũ yeaja usã apequinare. <sup>12</sup> Sa ye masare usã buheri buhiri usã pehere apequina wejẽno cuarĩne. Usã buheyere masa tuhori bato ijipihtiye decori Cohãcã mehna ijiatina ijire masa.

<sup>13</sup> Cohãcã yere tiquina ojoari pũpũ ohõ saha nine: “Cohãcãre wacũ tutuagũ, tiqiro yere buhei”, ni ojoahye panopũ cãano. Usã gũhũ sata yeaja. Cohãcãre wacũ tutuana, tiqiro yere buheaja. <sup>14</sup> Ahri yãhũ niati gũhũre

quehnoano masiaja usã: Cristo yariari bato Cohãcjũ tiqũirore masoahye. Sa yero Cristo yequina mari ijigũ ihñano tiqũiro mari gãhũre masonota. Tiqũiro sa masori bato tiqũiro cahapũ neanota marine. <sup>15</sup> Sa yena mũsare yedoho duana, ñano yũhdũaja usã. Sa yena Cristo yequina mũsa peyequina wahana, peyequina mũsa Cohãcjũre bucueye mehna ño peonata. Tiqũirore “Quehnoare”, ninata.

<sup>16</sup> Mũsa sa wahagũ ihñana, usã ñano yũhdũepenata bũjua witeraja. Sa yena Cristo yere buhe duhueraja. Usã pagũ tutuaye decoripe pihti cãno nine. Usã tutuaye sa pihti cãepegũta quehnoano jeri sajãja usã. <sup>17</sup> Yojoþũre ñano yũhdũepenata ñano yũhdũ dojoeraja. Ti mari ñano yũhdũye pihtia waharota. Sa yena marine mehenogã ñano yũhdũro cahmene. Sa mari ñano yũhdũrina ijina, cameþũre tutuaro bucueye mehna ijiducunata Cohãcjũ mehna. Sa yena mari ñano yũhdũri yũhdũoro pajiro bucueye mehna ijiducunata. <sup>18</sup> Mari ihñari ahba pihtia waharota. Mari ihñedari pehe sa ijiducurota. Sa yena mari ihñarire wacũducueraja. Mari ihñedari pehere Cohãcjũ yere sa wacũducuaaja mari. Sa yena cameþũ mari quehnoano ijiatire bucueaja.

## 5

<sup>1</sup> Wãhũre tiqũiro cohãboriro saha came mari pagũri pehe butia waharota. Sa yero wahma wãhũre tiqũiro yeboriro saha Cohãcjũ wahma pagũri yerota. Sa yero ti pagũri marine ohorota. Ti pagũri masa tiquina yeri pagũri ijierare. Sa yena ãhmũseþũ sa ijiducunata ti pagũri mehna. Tire mari masiaja. <sup>2</sup> Sa yena ti pagũri ãhmũse cjẽ pagũri tutuaro cahmena, mari sa cohteducuna niaja. <sup>3</sup> Suhtirore tutuaro mari saña duaro saha ti pagũri tutuaro cahmeaja mari. Sata cohteaja mari pagũri mariena iji duerana. <sup>4</sup> Yojoþũre ahri pagũri cohã duerapenata wahma pagũri pehere tutuaro cohteaja mari. Yojoþũre mari pagũri cohã duerapenata ijipihtiyẽ decori Cohãcjũ mehna mari ijiatire tutuaro cahmeaja mari. Sa yena ahri mari pagũri yariati pagũri ti ijigũ masina, wahma pagũri mehna Cohãcjũ mehna sa ijiducũ duaaja mari. <sup>5</sup> Mari sa ijiducuatire quehnoahye Cohãcjũ pehe. Sa quehnono tiqũiro yaqũiro Espĩritu Santore ohori marine. Sa yero tiqũiro yaqũiro Espĩritu Santo mari mehna ijiro, marine Cohãcjũ tiqũiro yeatire “Poto tjire”, nino, marine masigũ yere tiqũiro.

<sup>6</sup> Sa yena Cohãcjũre wacũ tutuaducuaaja mari. Cuero marieno ijiaja mari. Ahri mari iji mãhtari pagũri ijina, mari pãhtoro mehna ijieraniaja. <sup>7</sup> ãhmũse cjẽne Cohãcjũ gãhũre mari ihñedapenata “Ti potota ijire”, ni tuhotuaja mari. Sa yena tiqũirore wacũ tutuaja mari. <sup>8</sup> Sa yena mari cueraja. Mari pagũri ahri yehpãpũ cohãna mari pãhtoro mehna ãhmũseþũ ijiducunata mari. Sa yero mari yariagũ quehnoanota marine. <sup>9</sup> Sa yena Cristore bucuegũ ye duaaja mari. Ahri yehpa cjã pagũ mehna ijina tiqũirore bucuegũ ye duaaja. ãhmũseþũ gãhũre tiqũirore bucuegũ ye duaaja. <sup>10</sup> Ijipihtina Cristo cahapũ mari wahagũ ihñano tiqũiro mari yerire ihñano marine beserota. Ñano mari yerire masinota tiqũiro. Sa masino marine tiqũiro ohoborire marine ohosi tiqũiro. Quehnoañene mari yeri gãhũre masinota. Sa masino bucuro marine quehnoano yerota. Tiqũiro sa masidiquiro ijigũ ihñana tiqũirore bucuegũ ye duaaja mari.

### *Cohãcjũre mari ihña tuhtigũ ihñano Cristo pehe marine bosare*

<sup>11</sup> Sa yena cua pesaro mehna Cristore ño peoro cahmene marine. Tire masina, Cristo yere masigũ yeaja usã masare. Tiquinare cuesãna, tiqũirore wacũ tutuagũ ye duaaja usã tiquinare. Quehnoano mehna tire usã buherire Cohãcjũ quehnoano masine. Usã sa buherire mũsa gãhũre quehnoano

masigū cahmeaja yuhū. <sup>12</sup> Pari turi quehnoana usā ijiye tiyere musare yahuna niedaja. “Apequinare yuhduducaja”, niñequinare musa yahuati pehere quehnoano mehna usā buherire yahuna niaja usā musare. Tiquina pehe tiquina wacūñepu ñañequina ni mehoñequina ijiepetata masa tiquina ihñono dihita quehnoañequina yero saha ye ihñomene. Sa yena usā mehna musa bucueati pehere ahri ijipihtiyere musare yahu ojoana niaja. “Pablo gūhū usāre quehnoano mehna buhere”, usāre apequinare musa ni cahmotati pehere ahri ijipihtiyere musare yahu ojoana niaja. <sup>13</sup> Usā ohō saha ni yahuna tuho masiena ijajari usā, musa tuhotugū? Masa usāre ihñañe, tuho masieñequina yero saha ihñare usāre. Cohācjū yere usā yegū ihñañe sa ihñaboaga usāre. Sa tiquina ihñanohrina ijiepenata sa ijina ijieraja musare yedoho nemona tana.

<sup>14</sup> Cristo marine tiquiro cahīgū ihñana musare sa yedohojaja. Tiquiro sa cahīgū ihñana tiquiro yere sa yahuducujaja usā. Ihcāquirola Cristo ijipihtina mari ñañe buhirire yariari jiri. Tiquiro sa yariari bato mari pehe ijipihtina mari ñañe buhirire yariariquina yero saha ijiaja. Tiquiro buhiri dahre tuhasariquina yero saha ijiaja. Cristo tiquiro yariari mehna marine tiquiro buhiri dahre tuhasariquina yero saha ihñanota Cohācjū. <sup>15</sup> Ijipihtina mari ñañe buhiri yariari jiri Cristo tiquiro ye dihitare mari yeato saha. Sa yero tiquiro cahmeñe pehere marine ye dutiro yariari jiri tiquiro. Mari ye ijiatire yariaro, masa mujari jiri. <sup>16</sup> Sa yena yojopare usā esa tuharo masare “Quehnoañequina ijire. Ñañequina ijire”, ni ihñedaja usā. Panopu usā esa tuharo yee timi. Sa yena Cristore masiedu. Yojopare Espiritu Santo yedohoye mehna tiquirore quehnoano masi tuhasaja. <sup>17</sup> Sa yena Cristo yequina wahana quehnoañe pehere yena wahaja mari. Panopu mari esa tuharo mari yemedire duhu cja mari. Yojopare quehnoañe pehere comesana tire yeaja mari.

<sup>18</sup> Cohācjū pehe marine quehnoañe pehere comesagū yeri. Cohācjūre ihña tuhtina mari ijigū ihñano Cristo pehe mari ñañene cohāri. Sa cohāno mari ihña tuhtiyere duhugū yeri tiquiro. Sa yegū yeri Cohācjū Cristore. Sa yero usāre tiquiro yere buhe dutiro cūri. Sa buhena, apequinare Cohācjū mehna tiquina ihña tuhtire duhugū yeaja usā gūhū. <sup>19</sup> Ohō saha masare yahu dutiri Cohācjū usāre: “Cristore mari wacū tutuagū ihñano mari ñañe buhirire buhiri dahrerare Cohācjū marine. Sa yero marine ihña tuhtiriquiro ijieperota tiquiro marine tiquiro yequina ijigū yere”, ni yahu dutiri Cohācjū usāre. <sup>20</sup> Sa yena Cristo yere buheanaja tiquiro cūrina ijiaja usā. Cohācjū musare tiquiro yahuboriro saha usā pehe ohō saha ni musare yahujaja: Cristore yahu basana niaja. Sa yena musare ihña tuhtieragū yeaja. Cohācjūre musa ihña tuhtiyere to punota duhuya. <sup>21</sup> Cristo tiquiro ñañene yerapegūta Cohācjū pehe tiquirore mari ñañe buhirire yaria dutiahye. Sa yero mari ñañe buhirire buhiri dahreahye Cohācjū tiquiro pehere. Sa yero Cristo yequina mari wahagū Cohācjū yero saha quehnoana marine ijigū yere tiquiro.

## 6

<sup>1</sup> Cohācjūre yedohona ijiaja usā. Sa yena ahrire tutuaro musare ye dutiaja usā. Cohācjū yere quehnoañe buheyere musa tuhoriro sahata yeya musa. Musa tuhoriro sahata musa yeragū ti musa tuhori dahseati ijierare. <sup>2</sup> Ohō saha nine Cohācjū:

Musare yuhū quehnoano yeati pjere musa siniñene tuho yuhtitja. Sa yegu musare yuhū yuhdūoati decore musare yedohoutja, nine tiquiro.

Tuhoya m̄sa. Yojoꝝure Cohãc̄jũ m̄sare tiq̄iuro quehnoano yeati pje ijire. Yojoꝝure Cohãc̄jũ m̄sare tiq̄iuro yuhduoati deco ijire.

<sup>3</sup> Ne mehenogã aꝑequinare ñano yeraja usã. Aꝑequinare ne ñano ni yahuducueraja, “Quehnoañe buheye pehere cahmedari”, nina. <sup>4</sup> Sa yena Cohãc̄jũ cahac̄jãna usã ijiyere m̄sare masigũ ye duaja. Sa yena ohõ saha ijiaja usã: Ñano yuhduana, aꝑee borore c̄uoerana sa tuhotu c̄jã. Usãre tiquina ñano yepegũta usaro marieno ijiaja. <sup>5</sup> Ohõ saha ñano yuhduana usã: Masa usãre quẽgũ, peresu tiquina yegũ, peyequina masa usãre wejẽ duagũ tiquina sañuducugũ ñano yuhduana usã. Usã tutuaro dahra wahyia yuhduana, wujãa puẽtepegũta carĩedana, ujuã ahbana ñano yuhduana. <sup>6</sup> Numia mehna ñano yere. Sa yena Cohãc̄jũ yere quehnoano masiñe mehna buhei m̄sare. Sa yena ne usuera usã. Sa yena quehnoano cahĩne mehna yei usã m̄sare. Sa yena Cohãc̄jũ cahac̄jãna usã ijiyere m̄sare masigũ yena nii usã. Espĩritu Santo tiq̄iuro yedohoye mehna Cohãc̄jũ cahac̄jãna usã ijiyere masigũ yena nii m̄sare. Sa yena poto m̄sare usã cahĩgũ ihñana, tiq̄iuro cahac̄jãna usã ijiyere masine m̄sa. <sup>7</sup> Sa yena quehnoañe buheyere m̄sare poto usã buhegũ ihñana, Cohãc̄jũ tutuaye mehna usã yegũ ihñana tiq̄iuro cahac̄jãna usã ijiyere masine m̄sa. Quehnoañe pehe ijipihtye usã yeri usã wamoa yero saha ijire quehnoano usã cahmotati pehe. Tire quehnoañene yena watĩnore usã cahmotana niaja. Sa yena ti quehnoañene usã yeri mehna tiq̄iurore usã yuhducaja.

<sup>8</sup> Aꝑequina usãre ño peore. Aꝑequina pehe usãre ño peoerare. Aꝑequina ñano ni yahuducure usãre. Aꝑequina pehe quehnoano ni yahuducure usãre. Poto usã buhepegũta “Ni mehoñequina ijire”, ni yahusãre aꝑequina usãre. <sup>9</sup> Aꝑequina usãre ihña masiñequina yero saha yere. Ihquẽ tahari usãre masiñequina yero saha yere. Usãre tiquina wejẽ duepegũta catiniaja usã. Ihñaña usãre. Ijirota ijire. Tiquina wejẽ dutinohrina ijiepenata, yarieraniaja usã. <sup>10</sup> Usã ihquẽ tahari bujãa witina ijiepenata, sa bucueducuaja. Pejẽc̄ona ijiepenata aꝑequinare quehnoañe buheyere buhena tiq̄uinare pajiro doeri c̄jẽne usã ohoboro saha yena niaja tiq̄uinare. Aꝑee borõ c̄uoena ijiepenata, potota Cohãc̄jũ ye pehere c̄uo peho c̄jã usã.

<sup>11</sup> Ne Corinto c̄jãna yuhũ acaye, m̄sare quehnoano mehna yahu peho ojoan usã m̄sare. M̄sare tutuaro cahĩna, sa yahuu m̄sare. <sup>12</sup> Usã pehe m̄sare cahĩ duhueraja. M̄sa pehe usãre cahĩeda c̄jũre. <sup>13</sup> Sa yegũ pohna tighũ yuhũ pohñare yuhũ yahuboro saha m̄sare yahutja: M̄sare usã tuhoturiro sahata m̄sa gũhũ sata quehnoano tuhotuya usãre. Sa yena usãre cahĩña m̄sa.

### *Cristore cahmeeñequinare piti ti dutierahye Pablo*

<sup>14</sup> Sa yena Cristore cahmeeñequina mehna sa piti tiducueracãhña. Tiquina mehna c̄jãna ijieracãhña. Ihcãno saha ijierare m̄sa. Quehnoañene yeriquiro ñañene yeriquiro mehna quehnoano iji masiedare. Cohãc̄jũre cahmeeñequina Cohãc̄jũre cahmeeñequina mehna quehnoano cahme piti ti masiedare. <sup>15</sup> Sa yero Cristo watĩno mehna ihcãno saha tuhoturere. Sa yero Cristo yaquiro, Cristore cahmeediquiro mehna quehnoano cahme piti ti masiedare. <sup>16</sup> Cohãc̄jũ wuhũpũ “Cohãc̄jũ ijire”, tiquina niñe queoyere mari c̄uogũ ñañine. Ti wuhũpũ ti queoyere mari c̄ũgũ quehnoaedare. Ti yero sahata Cristo yequina Cristore cahmeeñequina mehna mari piti tiducugũ gũhũre ñañine. Ti cururi pũa curua ihcãno mehna iji masiedare. Cohãc̄jũ catiriq̄iuro tiq̄iuro ya wuhũ yero saha ijiaja mari. Ti wuhũpũ tiq̄iuro ijiro saha mari mehna ijire tiq̄iuro. Ohõ saha nine Cohãc̄jũ:

Tiquina mehna ijigutja yahu. Sa yegu tiquina watoa sa ijiducugutja. Yahu Cohācjū tiquina puhto ijigutja. Sa ye tiquina pehe yeequina masa ijieta, nine tiquiro.

<sup>17</sup> Sa yero ohō saha ni nemore tiquiro mari puhtoro:

Ñañequina mehna tojoeracāhña. Sa yena tiquinare piti tieracāhña. Cristore cahmeēquinare tiquina ñañene ne piheracāhña. Sa yegu yahu pehe musare piti tigutja. <sup>18</sup> Sa yegu masa Pacu ijigutja. Masa pehe yahu pohna ijinata, nine Cohācjū mari puhtoro tutua yuhdūariquiro.

## 7

<sup>1</sup> Yahu acaye, yahu cahña, musare ahrire yahutja: Ahri ijipihiyere Cohācjū tiquiro sa ni yahugū tuhona ijipihiyere mari ñañene yeyere duhuuhna. Sa yena mari ñañene wacūne gūhure duhuuhna. Sa yena Cohācjūre quehnoano ño peoye mehna ñano yero marieno ijiuhna mari.

### *Pablo bucueye mehna yahuahye Corinto cjēnare*

<sup>2</sup> Quehnoano mehna ijiya masa usā mehna. Ne mehenogā mehna ñano yegu usā musare. Sa yena usā buheye mehna musare ñano yegu yegu usā. Ne ihcāquiro masa mehna cjānore ni mehoñe mehna wapa cahmedu. <sup>3</sup> Sa nigu “Usāre wapa yerari. Sa yena buhiri tina ijire masa”, nigu niedaja musare. Musare yahu tuhasa. Musare cahñaja usā. Catinina ihcā curuata ijiaya mari. Mari yariari batoru gūhure ihcā curuata ijinata mari. <sup>4</sup> Quehnoano masa yerire masiaja yahu. Sa yegu musare wacūdoqueogu bucueaja. Sa yena usā ñano yuhdūri watoa masa pehe yuhare pajiro bucuegū yeri.

<sup>5</sup> Sa ye Macedonia yehparu usā esari bato toru ijiya, ne soeru usā. Topure ñano yuhdūu usā. Apequina usā mehna cahmeque duari. Sa yena “Cristo yere duhuari”, nina Cristo yequina pehere cuesā nii usā. <sup>6</sup> Usā sa ñano yuhdūepēgūta Cohācjū usāre bucuegū yeri. Tiquiro bujua witiyequinare bucuegū yeriquiro ijire. Sa yero Tito usā caharu tiquiro wihiro mehna usāre bucuegū yeri Cohācjū. <sup>7</sup> Tito wihigū ihñana bucuei. Ahri gūhure bucuei. Musare tiquiro quitī yahugū gūhure tutuaro bucuei usā. Yuhare masa ihña duarire yahuri usāre. Yuhare masa wacūe ti bujua witiri gūhure yahuri tiquiro. Tiquiro sa ni yahugū tuhogu tutuaro bucuei yahu.

<sup>8</sup> To pano yahu ojoari pū mehna musare bujua witiigū yemi. Sa yerigu ijiepeguta bujua witeraja yahu pehe. Ti pūre masa buheri bato bujua witiñohti masa. Sa yena mehenogā bujua witi, duhuñohti masa. Sa yegu coā ojoa mahtagu bujua witepeguta yojopure bujua witeraja. <sup>9</sup> Yojopu pūritare bucueaja yahu. Masa bujua witiigū tuhogu bucueraja. Sa ijiepegūta sa bujua witina, quehnoañe pehere comesañohti masa. Sa yero masa bujua witiigū ihñano, Cohācjū pehe musare quehnoañene comesagū yere. Sa yena musare bujua witiigū yena, ñano ye dojomehnena niedu usā musare. <sup>10</sup> Sa yena Cohācjū tiquiro cahmeno saha bujua witina, mari ñañene bujua witinata. Quehnoañe pehere comesanata. Sata mari bujua witiigū ihñano marine pecaru wahaborinare yuhdūore Cohācjū. Mari sa bujua witiigū quehnoarñe marine. Cristore cahmeēquina pehe tiquina ñañene bujua witerapeta, sa bujua witi maca cā, pecaru wahatiquina ijinine.

<sup>11</sup> Masa pehe Cohācjū tiquiro cahmeno saha bujua witiñohti. Masa sa bujua witina ohō saha yeñohti masa: Yojopure ñañene yeyequinare sa ihña cāedañohti masa. Tiquinare duhu dutiñohti masa. Sa yena tiquina ñañe yeyere cueñohti masa “Tiquina yero saha yeari”, nina. Sa yena yuhare ihña duañohti masa. Sa yena ñañene yeriquirore buhiri dahre duañohti masa. Ti ijipihiyere masa yena yojopure poto yena masa ijiyere masigū



yeri m̄sa us̄re. <sup>12</sup> Panop̄ ñano yeriquirore m̄sare yahu ojoaep̄guta tiq̄iurore yedohoḡu taḡu sa ni yahu ojoaer̄u. Tiq̄iuro ñano yenohriq̄iuro ḡuh̄re yedohoḡu taḡu sa ni ojoaer̄u. M̄sa pehere yedohoḡu taḡu ti p̄re ojoaer̄u. Us̄are quehnoano ño peore m̄sa. Tire m̄sa ño peore quehnoano m̄sa masiatire ti p̄re ojoaer̄u m̄sare. Coh̄c̄j̄u tire m̄sare masiḡu cahmene. <sup>13</sup> Sa yena Tito m̄sa yerire tiq̄iuro q̄uti yahuḡu t̄hona tutuaro bucuei us̄a.

Tito ḡuh̄u tutuaro bucueri. Tiq̄iurore m̄sa quehnoano mehna m̄sa piti caḡu t̄hona, m̄sa mehna tiq̄iuro bucuere t̄hona us̄a ḡuh̄u quehnoano bucuei. <sup>14</sup> Cōa warop̄u m̄sa cahap̄u tiq̄iuro wahato pano m̄sa mehna ȳuh̄u bucuere, quehnoano m̄sa ijirire yahuu tiq̄iurore. Sa yena ȳuh̄u nidiro sahata quehnoano yeñohti m̄sa tiq̄iurore. Sa yeḡu tiq̄iurore ȳuh̄u nidire bue tieraja. M̄sare poto sa yahuducujaja us̄a. Oh̄o saha Tito ḡuh̄re poto us̄a yahuu m̄sare tiq̄iuro ih̄ñariro saha. <sup>15</sup> M̄sa cahap̄u tiq̄iuro esaḡu ño peoye mehna tiq̄iurore piti cañohti m̄sa. Sa yena quehnoano yuhtina yuh̄d̄ucaro mariena m̄sa ijiḡu ih̄ñañohti tiq̄iuro. Sa yero m̄sare cah̄i nemore tiq̄iuro. <sup>16</sup> Yojōp̄re quehnoano yuhtina, Coh̄c̄j̄u cahmeno saha m̄sa quehnoano ye pehona m̄sa ijiḡu quehnoano masijaja ȳuh̄u. Sa masiḡu tutuaro bucuera.

## 8

### *Cristo yequina ijina, pejec̄oyequinare sa oho c̄ano cahmene marine*

<sup>1</sup> Us̄a acaye, ahri ȳuh̄u yahuatire m̄sare masiḡu cahmeaja us̄a. Cristo yequina Macedonia yehpa c̄j̄ena Coh̄c̄j̄u cah̄iñe mehna tiq̄iuro paja ih̄ñañe mehna tiquina yerire m̄sare yahutja. <sup>2</sup> Tiquina ñano yuh̄d̄epeta, niñeru marieñequina ijepeta cah̄iño marieno sa oho c̄ahri pejec̄oyequinare Jesu yequinare. Cristo mehna tutuaro bucuerequina ijiye, tiquina Judea yehpa c̄j̄enare quehnoano mehna tiquina c̄oyere sa oho c̄ahri. <sup>3</sup> M̄sare niita niaja. Tiquina c̄oro puno ohori. Ijierare. Bui c̄j̄unoḡa ohori. Us̄a sini basaerap̄guta pejec̄oyequinare ohori tiquina. <sup>4</sup> Coh̄c̄j̄u yequinare pejec̄oyequinare tutuaro yedoho duaye, tiquinare tiquina ohoatire nea dutiri us̄re. <sup>5</sup> “Oh̄o puno ohoeta”, tiquinare us̄a ni t̄hoturiro bui c̄j̄unoḡa ohori tiquina. Oh̄o saha yeri tiquina: Cōa warore niñerure tiquina ohoato pano mari puhtoro Cristo cahmeno saha ye pehori jiri tiquina. Sa ye Coh̄c̄j̄u cahmeno saha us̄a ḡuh̄re ño peoye mehna yuhtiri jiri. Sa yequina ijiye tiquina niñerure ohori.

<sup>6</sup> Tiquina sa oho tuhasaḡu ih̄ñana Titore us̄a pehe oh̄o saha nii: “Corinto c̄j̄enare muh̄u buhe d̄ucariro sahata quehnoano mehna pejec̄oyequinare tiquina ohoatire buhe pehoya”, nii us̄a tiq̄iurore. M̄sa ḡuh̄u apequinare paja ih̄ñana, m̄sa yedohoatire sa nii tiq̄iurore. <sup>7</sup> Sa yena m̄sa pehe ijipitiyere quehnoano yena iji tuhasare: Cristore potota quehnoano wac̄u tutuare m̄sa. Sa yena tiq̄iuro yere quehnoano yahure m̄sa. Sa yena Coh̄c̄j̄u yere quehnoano masine m̄sa. Sa yena Coh̄c̄j̄u cahmeno saha tutuaro ye duare m̄sa. Sa yena us̄are cah̄ine m̄sa. Oh̄o saha quehnoano yena iji tuhasare m̄sa. M̄sa sa quehnoana ijiepeḡuta mehenoḡa d̄hsare m̄sare. Pejec̄oyequina p̄ritare m̄sa paja ih̄ñaḡu cahmeaja us̄a. Sa yena cah̄iño marieno tiquinare quehnoano mehna m̄sa pajiro ohoḡu cahmeaja us̄a.

<sup>8</sup> Sa niḡu m̄sare dutiḡu niedaja. Sa ni yahuḡata niaja m̄sare. Apequina pejec̄oyequinare tiquina tutuaro yedohorire m̄sare yahuḡu niaja. “¿Potota paja ih̄ñana ijijari m̄sa?” ni, masi duaḡu niaja. <sup>9</sup> Mari puhtoro Jesucristo pehe marine tiq̄iuro paja ih̄ñarire masine m̄sa. Ti ijirito ijire. Tiq̄iuro uhm̄sēp̄u pajiro c̄oriquiro ijieperota ahri yehpap̄u ahtaro pejec̄oriquiro wahahye. Sa yero mari ye ijiatire yariaro pejec̄oriquiro wahahye. Oh̄o



saha wahahye tiqiro mari pehe tiqiro yere pajiro mari c̄oatire, tiqiro mehna mari sa ijiducuatire.

<sup>10</sup> M̄sare sa yahuḡta niaja. Oh̄o saha tuh̄otuaaja ȳh̄u pehe: Ihc̄a c̄h̄ma wahare m̄sa oho duaḡū. M̄sa pehe pejec̄ōyequinare oho dua m̄htamed̄i. Sa yena tiquinare oho m̄htaborina ijimedi m̄sa. <sup>11</sup> Sa yena m̄sa ye duariro saha yojop̄re sohtori tiya. M̄sa oho dua m̄htariro saha yojop̄re quehnoano oho pehoya. Sa yena pajiro c̄ona ijina pajiro ohoya. Mehenoḡa c̄ona ijina mehenoḡa ohoya. <sup>12</sup> Tutuaro m̄sa oho duaḡū tire m̄sa ohorire Coh̄āc̄j̄ū bucierota. Sa yena noho m̄sa c̄oro puno ohoya. M̄sa ohoro punota bucierota Coh̄āc̄j̄ū. “Pejec̄ōyequinare m̄sa c̄ōye ȳh̄d̄oro ohoya”, m̄sare nino niedare Coh̄āc̄j̄ū.

<sup>13</sup> “Pejec̄ōyequinare ohoya”, niḡu tiquinare pajiro c̄o dutiḡu niedaja. Sa yeḡu m̄sa pehere pejec̄oro ye dueraja. <sup>14</sup> M̄sare ihc̄āno saha c̄o dutiḡu sa niḡu niaja. Yojop̄re m̄sa pehe pajiro c̄ore. Sa c̄ona apee boro marieñequinare oho masine m̄sa. Came m̄sare apee boro mariedaḡū tiquina ḡh̄u oho masine m̄sare. M̄sa sa cahme ohona ihc̄āno saha c̄onata ijip̄htina Cristo yequina. <sup>15</sup> Oh̄o saha nine Coh̄āc̄j̄ū yere tiquina ojoari p̄p̄u: “Pajiro nediqiro ḡh̄u arequina bui c̄j̄ūnoḡa c̄oerari. Mehenoḡa nediqiro ḡh̄u ne mehenoḡa d̄h̄saerari”, nine Coh̄āc̄j̄ū yere tiquina ojoari p̄p̄u.

### *Tito tiqiro mehna c̄j̄ēna mehna Corintop̄u wahahye*

<sup>16</sup> Sa ye m̄sare ȳh̄u yedohoriro sahata Tito ḡh̄u m̄sare yedoho duare. Coh̄āc̄j̄ū pehe tiqiro yedoho duaḡū yeri tiqirore. Tiqiro sa yeḡū ih̄ñaḡu “Quehnoare”, niaja Coh̄āc̄j̄ūre. <sup>17</sup> Titore m̄sa cahap̄u us̄ā waha dutiḡū tiqiro quehnoano mehna ȳhtiri. Sa yero tiqirore us̄ā waha dutiatio pano tiqiro basita m̄sa cahap̄u tutuaro waha duariquiro iji tuhasari.

<sup>18</sup> Tiquirore apeqiro Jesu yaquiro mehna piti dahrei us̄ā tiqirore. Tito mehna c̄j̄ānore ijip̄htiyequina arequina Jesu yequina quehnoano ño peore. Quehnoañe buheyere tiqiro quehnoano yahuriqiro ijiḡū ih̄ñañe tiqirore quehnoano ño peore. <sup>19</sup> Sa ye Jesu yequina tiqirore cahmene us̄ā mehna tiqiro tinino wahaḡū. Tiquina ye niñerure pejec̄ōyequina cahap̄u us̄ā neaḡū us̄ā mehna wahatiqirore cahmene tiqirore. Sa ye ti niñerure us̄ā ohoḡū ih̄ñañe “Marine yedohoriquiro ijire”, nieta masa Coh̄āc̄j̄ūre. Us̄ā sa ohona, tiquinare tutuaro mari yedoho duarire masiḡū yenata tiquinare. <sup>20</sup> Sa yena ahri niñerure, pajiro Jesu yequina tiquina ohorire neana, quehnoano ih̄ña ihbonata tiquina ohorire, “Us̄āre yahus̄āri”, nina. <sup>21</sup> Mari p̄htoro tiqiro ih̄ñonop̄u queoro, quehnoano ye duaja us̄ā. Sa yena masa tiquina ih̄ñono ḡh̄u ne queoro ye duaja.

<sup>22</sup> Sa yena tana apeqirore mari acaȳrore ohonatja Tito ḡh̄u mehna. Us̄ā piti dahreriqirore peye tahari apeqinare tiqiro quehnoano yedohoḡū ih̄ñan us̄ā. Sa yero yojop̄re m̄sa pehe apeqinare m̄sa yedoho duaḡū ih̄ñano to pano tiqiro yeriro ȳh̄d̄oro quehnoano m̄sare yedoho duare.

<sup>23</sup> Tito pehere m̄sare yahutja. Tiquiro ȳh̄u mehna c̄j̄āno ijire. M̄sare ȳh̄u yedohoḡū tiqiro ȳh̄u mehna dahrariqiro ijire. Apeqina tiqiro mehna wahatiquina Jesu yequina tiquina bese ohoriquina ijire. Cristo yere tiquina yere, arequina tiqirore ño peoatire. <sup>24</sup> Sa yena cah̄no mehna quehnoano mehna tiquinare piti caya m̄sa. M̄sa sa yeḡū ih̄ñañe arequina Jesu yequina quehnoañequina pehe m̄sa cah̄ñene masieta. “Quehnoano piti caeta Corinto c̄j̄ēna”, ni yahu tuhasa arequinare. M̄sa sa quehnoano piti caḡū ih̄ñañe tiquina us̄ā yahuri poto ijiḡū masieta arequina Jesu yequina.

## 9

*Jesu yequinare pejesoyequinare tiquina ohoatire yahuahye Pablo*

1 Sa yena Cohãcjũ yequinare m̄sa yedohoatire m̄sa ohoatire masi tuhasare m̄sa. 2 Apequinare m̄sa yedoho duagũ masiaja yũhũ. Sa masigũ Macedonia yehpa cjẽna ohõ saha ni yahuu: “Corinto cjẽna Jesu yequina pehe apequinare yedoho dua tuhasari. Ihcã cãhma yũhdũare tiquina yedoho duari”, ni yahu tuhasaũ tiquinare. M̄sa sa yedoho duagũ tũhoye peyequina tiquina gũhũ pejesoyequinare yedoho duari. 3 M̄sare sa ni yahugũ yojopũre ahriquinare mari acayere m̄sa cahapũ ohogũ tagũ niaja, yũhũ yahuriro saha m̄sa yeato. Sa yegũ pejesoyequinare m̄sa ohoatire m̄sa cahmecoã cõoyuatire ahriquinare ohogũ niaja. 4 Tiquinare ohoeragũ Macedonia yehpa cjẽna mehna m̄sa cahapũ esagũ, m̄sa ohoatire m̄sa cõoeragũ ihãagũ bue tisãboaga yũhũ m̄sare. “Pejesoyequinare ohoeta”, m̄sare yũhũ ni tuhoturi bato m̄sa ohoeragũ ihãagũ bue tisãboaga yũhũ. M̄sa gũhũ buoro yũhdũboaga. 5 Sa yegũ m̄sa cahapũre yũhũ esato pano tiquinare mari acayere oho m̄htagũ niaja. “Pejesoyequinare ohonatja”, to pano m̄sa nidire m̄sa cõoyuatire tiquinare oho m̄htagũ niaja. M̄sa ohoatire m̄sa cahmecoagũ tiquina pehe m̄sare yahueta. M̄sa ohoatire m̄sa cõoyu tuhasagũ bucueye mehna m̄sa oho duari ijigũ masiitja.

6 Sa yena ahrire wacũña m̄sa: Meheñe pjerigã oteriquiro meheñe pacagã nenota. Peye pjeri oteriquiro peye paca nenota. (Ohõ saha ijire pejesoyequinare mari ohogũ. Mehenogã mari ohogũ, Cohãcjũ mehenogã ohorota marine. Pajiro mari ohogũ, pajiro marine ohorota.) 7 Sa yena ihquẽquina m̄sa “Ohõ puno ohonatja”, ni ohoya. Cahino marieno ohoya. “Marine oho dutiri”, nino marieno ohoya. Bucueye mehna ohoyequinare cahĩne Cohãcjũ. 8 Tiquiro pehe m̄sa cahmeno yũhdũoro m̄sare ohorota. Sa yena ijipihtye m̄sa cahmemedire dũhsaro marieno cõo pehonata. Sa yero apequinare m̄sa ohogũ gũhũre quehnoano esa tuharota m̄sa cõoye. 9 Sata nine Cohãcjũ yere tiquina ojoari pũpũ:

Pejesoyequinare pajiro ohore tiquiro. Quehnoano mehna masare sa yeducure tiquiro, nine tiquiro yere tiquina ojoari pũpũ.

10 Sa yero oteye dũca tiri bato oteriquiro tiquiro oteati capere ohore Cohãcjũ. Came tiquiro oterire dũca tigũ yere tiquiro ihyatire. Pejesoyequinare m̄sa pajiro ohogũ oteriquirore tiquiro ohoriro saha m̄sa gũhũre pajiro ohorota Cohãcjũ. Sata m̄sare ohorota pejesoyequinare m̄sa oho nemoatire.

11 Sata ijire. Pajiro ohorota m̄sare apequinare pajiro m̄sa sa ohoducuatire. Sa ye m̄sa oho dutirire pejesoyequinare usã ohogũ peyequina tiquina pehe Cohãcjũre bucueye mehna “Quehnoare”, nieta. 12 Sa yena pejesoyequinare Cohãcjũ yequinare ohona, tiquinare yedohore m̄sa. Sa yedohona bucueye mehna Cohãcjũre “Quehnoare”, tiquina nigũ yenata m̄sa. 13 Sa m̄sa apequinare yedohogũ ihãñañe, Cohãcjũre ño peoye mehna yahuducuenta masa. Sa ye tiquinare apequina gũhũre pajiro m̄sa ohogũ ihãñañe Cohãcjũre “Quehnoa yũhdũgũ ijire mahũ”, nieta masa. Ohõ saha nieta Cristo buheye quehnoañe buheye ti nidiro sahata m̄sa yegũ ihãñañe, tiquinare m̄sa ohogũ ihãñañe.

14 Sa ye Cohãcjũ m̄sare tiquiro paja ihãño sahata m̄sa gũhũ tiquinare m̄sa paja ihãngũ tiquina pehe m̄sare cahmeeta. Sa cahmeñe m̄sare sini basaeta Cohãcjũre. 15 Cohãcjũ marine quehnoa yũhdũaro yerota. Tiquiro sa yeatire masina “Quehnoa yũhdũare”, niilna mari tiquirore.

## 10

*Jesu cūriquiroy tiquiro ijyere yahuahye Pablo*

<sup>1</sup> Yojopare yuhū Pablo, mūsare yahutja. Ihquēquina mūsa mehna cĵēna ohō saha nine yuhūre: “Mari mehna ijroy apequinare yuhduduca dueriquiro, ihyo ijiriquiro yero saha ijire. Sa ijieperota ape siepū ijroy marine cuero marieno tuhti ojoadoqueore”, nine mūsa ihquēquina yuhūre. Cristo pehe ne usueriquiro, masare quehnoano yeriquiro ijire. Tiquiro yero saha yuhū gūhū jji duaja. <sup>2</sup> Sa yegū mūsare ahrire tutuaro mehna yahutja: Mūsa cahapū yuhū esagū quehnoano yeya mūsa “Pablo usāre tuhtiari”, nina. Ihquēquina yuhūre ohō saha nine: “Tiquiro esa tuharo, Cohācjū dutiro marieno yere”, nine yuhūre ihquēquina. Sa niñequina pūritare tuhtiboaga yuhū.

<sup>3</sup> Usā gūhū ahri yehpa cĵānata ijina niaja. Sa ijiepenata ahri yehpa cĵēna tiquina esa tuharo tiquina yero saha yeraja usā. <sup>4</sup> Surara cahme weĵē tiquina yuhduducariro saha usā pehe ñañene yuhduduca duaja. Ti ñañene ye dueraja. Usā sa yegū usā wamoa ahri yehpa cĵēna tiquina wamoa yero saha ijierare. Surara tiquina wamoa tiquina cūoro saha usā pehe Cohācjū tutuayere cūoaja. Ti tutuaye mehna Cohācjūre cahme dutieyequinare cohāja usā. Masa tiquina esa tuharo tiquina masiñene ti dahseati ti ijieragū masigū yeaja usā ti tutuaye mehna. <sup>5</sup> Sa yena ijipihtieyquina tiquina esa tuharo tuhutueyquinare Cohācjūre tiquina masi dutierarire duhugū yeaja usā. Sa yena ti tutuaye mehna Cohācjūre cahmeeñequinare Cristore quehnoano yuhtieyquina tiquina ijigū yeaja usā. Cristo cahmeno saha tiquinare tuhutugū yeaja usā. <sup>6</sup> Sa yena apequina mūsa mehna cĵēna Cristore tiquina yuhduducagū ihñana tiquinare buhīri dahrenatja usā. Mūsa pehe mūsa quehnoano yuhtiri bato Cristore yuhduducayequinare sa buhīri dahreatinata ijinata mūsa.

<sup>7</sup> Yuhū pagū dihitare masine mūsa. Yuhū ijyere tiye pehere ne masiedare mūsa. “Cristo yequina ijiaja”, nina ijina, ohō saha masiña mūsa: Usā gūhū mūsa yero saha Cristo yequinata ijiaja. <sup>8</sup> “Mari puhtoro ye buheyere quehnoañe buheyere buhe dutiro, cūri usāre”, nigū peye tahari mūsare sa ni yahuepegūta bue tieraja yuhū. Usāre sa buhe dutiro mūsare yedohoanajare cūri usāre. Mūsare dojomehneanajare cūno niedari usāre. <sup>9</sup> Ohō saha poto ni yahuaja mūsare “Cueari”, nigū. Ahri yuhū ojoari pūre ihñana mūsa ihñā mariagū cahmedaja. <sup>10</sup> Ihquēquina mūsa mehna cĵēna ohō saha nine: “Pablo ojoaro dūsero purīniquiro yero saha ojōa mūjare marine. Sa ijiriquiro ijieperota mari mehna ijroy ne sa ijiaja niediquiro ijire. Pejēcōriquiroy yero saha ijire. Sa yero marine tiquiro yahuducuye dahseati ijierare”, nine ihquēquina. <sup>11</sup> Sa niñequinare ohō saha ni yahutja: Mūsare usā ojōa ohoriro sahata yahunatja mūsare mūsa cahapū ijina. Sa yena “Ohō saha yenata”, usā ni ojoariro sahata yenatja usā, mūsa cahapū ijina.

<sup>12</sup> Ihquēquina mūsa mehna cĵēna “Quehnoano masi pehona ijiaja”, ni yahuducure tiquina basi. Yohou, quehnoa yuhduaro masiñequina ijajari tiquina sa ni yahuducuye. Usā pehe tiquina yero saha ne sa nisi. Tiquina basi cahme ihñā piti ca “Mari pehe quehnoa yuhduducana ijiaja”, nine tiquina basi. Sa ni maca cāñe nine tiquina basi. <sup>13</sup> Usā pehe tiquina yero saha yesi. Cohācjū usāre buhe duti tiquiro cūri dihitare yahuaja usā pehe mūsare. Apequina ye dahrayere “Yei”, nina niedaja. Cohācjū mūsare buhe dutiro usāre cūri. <sup>14</sup> Ohō saha nina, ni mehona niedaja usā. Quehnoañe buheyere Cristo yere mūsare buhe muhtana esau usā. <sup>15</sup> Sa yena apequina ye dahrayere “Usā pehe tire yei”, ne niedaja usā. Sa yena Cristore mūsa wacū tutua nemogū cahmeaja usā. Sa cahmena mūsare buhe nemo duaja usā. Sa

buhena Cohăcĵŭ tiqũiro cŭriro punota buhe duaĵa mŭsare. <sup>16</sup> Sa yena mŭsa ya yehpa yŭhdŭropŭ quehnoaŭe buheyere yahuna wahanatĵa. Sa wahana apeqũina tiqũina buheri bato esana, “Ŭsă buhei”, nisi ŭsă.

<sup>17</sup> Mari yerire “Ŭsăta yeaja”, niedaro cahmene. Mari pŭhtoro Jesu tiqũiro yeri pehere ihŭana bucuero cahmene. Ti pehere apeqũinare yahuro cahmene. <sup>18</sup> Masa tiqũina basi “Ŭsă pehe yei”, tiqũina nigŭ bucuere Cohăcĵă. Mari pŭhtoro Cristo “Ahriqũina quehnoano yeri”, tiqũiro ni-nohriqũina pehere bucuere Cohăcĵă.

## 11

### *“Jesu cŭrina ijiaĵa ŭsă”, ni mehoŭnequinare yahuahye Pablo*

<sup>1</sup> Yŭhŭ ijiiye tiyere yahugŭ tŭho masiegŭ yero saha yahugŭ niaĵa. Yŭhŭ ijiiye tiyere yahugŭ mehenogă bue tiaĵa. Sa yahurigŭ yŭhŭ ijiepegăta yŭhŭre tŭhorŭŭna mŭsa yoĵopŭre. <sup>2</sup> Cohăcĵŭ mŭsare tiqũiro cahŭno saha tutuaro cahĭĵa yŭhŭ gŭhŭ mŭsare. Sa yegŭ mŭsare cuesăĵa yŭhŭ “Ŭaŭene yeari”, nigŭ. Nuhmino omoca dŭhteaticoro ŭmŭno mehna ijiericoro quehnoaricoro ticoro ijiro saha quehnoana mŭsa ijigŭ tutuaro cahmeaja, Cristo dihitare mŭsare cahme dutigŭ. Sa yegŭ Cristo cahapŭ mŭsa wahagŭ ŭaŭe mariena mŭsa ijigŭ cahmeaja.

<sup>3</sup> Apeqũina ŭaŭequina mŭsare ni mehoŭne, sijoro saha ijiiye buheyere cahmegŭ yeboaga mŭsare. Pinono Evare ni mehono tiqũiro masiŭe mehna ticorore Cohăcĵŭre yŭhdŭdŭcagŭ yehaye panopŭre. Tiqũiro sa yeriro sahata yoĵopŭre ŭaŭequina mŭsare ni mehoŭne, Cristore mŭsare quehnoano ŭo peoeragŭ yeboaga. Sa yegŭ mŭsare cuesăĵa. <sup>4</sup> “Ohŭ saha ijiriqũiro ijire Jesu”, tiqũina esa tuhoro sijoro saha ni meho buhepegăta tŭhomene mŭsa. Mŭsare ŭsă buheriro saha ijierapegăta mŭsare ni meho buheyequinare tŭhomene mŭsa. Sa yena “Ohŭ saha ijiriqũiro ijire Espŭritu Santo”, tiqũina esa tuhoro sijoro saha ni meho buhepegăta tŭhomene mŭsa. Ŭsă mŭsare buheriqũiro Espŭritu Santo waro ijire. Tiqũiro pehere queoro tiqũina yahuerapegăta mŭsare ni meho buheyequinare tŭhomene mŭsa. Tiqũina sijoro saha ijiiye buheyere tiqũina ni meho buhegŭ quehnoaŭe buheyere tiqũina buherapegăta tire tŭhomene mŭsa.

<sup>5</sup> Mŭsa mehna cĵena “Jesu cŭrina ijiaĵa”, nimediquina yŭhŭre masi yŭhdŭdŭcaerare. Tiqũinare docadŭcaeraja yŭhŭ. <sup>6</sup> Quehnoano yahu mi-hnigŭ ijieraboaga yŭhŭ. Quehnoano yahu mihniedapegăta Cohăcĵŭ yere quehnoano masiaĵa. Yŭhŭ sa masiŭene peye tahari mŭsare quehnoano masigŭ yei.

<sup>7</sup> Quehnoaŭe buheyere Cohăcĵŭ yere mŭsare buhegŭ ne wapa cahmedŭ. Mŭsare yedoho duagŭ wapa cahmedŭ. Ihyo ijiriqũiro yero saha ijii yŭhŭ. ŭYŭhŭ sa wapa cahmedagŭ quehnoaedajari, mŭsa tŭhotugŭ? <sup>8</sup> Mŭsare yŭhŭ buhegŭ apeye macari cĵena Jesu yeqũina yŭhŭre niŭerure ohori. Tiqũina sa ohogŭ ti niŭerure ŭehnei sinino marieno mŭsare buhegŭ tagŭ. Mŭsa pehe yŭhŭre mŭsa ohoborire tiqũina pehe yŭhŭre ohori. <sup>9</sup> Mŭsa mehna ijigŭ apee boro yŭhŭre dŭhsaepegăta mŭsare niŭerure ne siniedŭ. Mari acaye Macedonia yehpa cĵena Jesu yeqũina ijipihtiye yŭhŭ cahmedire ne wiŭiri yŭhŭre. Panopŭre mŭsare ne cariboerŭ yŭhŭ. Camerŭ gŭhŭre mŭsare ne caribosi. <sup>10</sup> Cristo potota tiqũiro yahuriro sahata yŭhŭ gŭhŭ yoĵopŭre mŭsare potota yahugŭ niaĵa. Ijipihtiŭro Acaya yehpapŭ ijiepeqũinare ahri mŭsare yŭhŭ siniedarire sa yahuducugŭtĵa. <sup>11</sup> ŭMŭsare yŭhŭ siniedarire apeqũinare yŭhŭ sa yahuducugŭ tŭhona, dŭhse tŭhotuajari mŭsa? ŭ“Pablo sa yahuro ŭsăre

cahĩedaro niaga”, ni tãhotuboagari m̄sara? Ijierare. M̄sare cahĩaja. M̄sare yũhũ cahĩgũ Cohãcãjũ masine.

<sup>12</sup> Wapa cahmeno marieno m̄sare yũhũ buhe d̄ucararo sahata sohtori tiitja. Yũhũ buheri wapa yũhũ wapa negũ ihĩñaĩe tiquina “Jesu cũrina ijiaja”, ni mehoñequina ohõ saha niboaga: “Pablo quehnoañe buheyere buhero, wapa cahmene. Sa yena usã gãhũ tiquiro yero sahata yenatja”, niboaga tiquina wapa cahmeñe. <sup>13</sup> Tiquina potota Jesu cũriquina waro ijierare. Tiquinare ne cũedari tiquiro. “Jesu cũrina ijiaja”, ni mehoñe, usã yero saha ijimene. <sup>14</sup> Tiquina sa ni mehoñequina ijigũ masi tuhasaja yũhũ. Satana gãhũ quehnoariquiro yero saha camesa m̄ñjare. Tiquiro angel asi siteriquiro yero saha iji duaro camesamene. <sup>15</sup> Tiquiro sa yeriquiro ijigũ masigũ, Satanare yedohoyequina “Jesu cũrina ijiaja”, ni mehoñequina Cohãcãjũre yedohoyequina yero saha tiquina camesagũ ihĩñagũ, ni mehoñequina tiquina ijigũ masi tuhasaja yũhũ. Yojoũpare tiquina sa camesaepẽgũta pihtiri deco ijigũ ijiipihtiyẽ tiquina ñano yeri buhirire buhiri dahrerota Cohãcãjũ tiquinare.

### *Tiquiro ñano yũhdũrĩre yahuahye Pablo*

<sup>16</sup> Pari turi ahrire m̄sare yahutja. Ne “Tũho masieniquiro ijire”, yũhũre niedacãhña. Yũhũ sa ni dutierapẽgũta yũhũre m̄sara sa ni tãhotugũ quehnoanota yũhũre. “Tũho masieniquiro ijire”, yũhũre ni tãhotuepenata tãhorĩña m̄sara yũhũre. Mehenogã yũhũ ijiye tiyere yũhũ yahugũ tãhoya m̄sara. <sup>17</sup> M̄sare sa yahugũ tũho masiegũ yero saha yei niaja. Yũhũ ijiye tiyere yahugũ mehenogã b̄ne tiaja. Mari pũhtoro Jesu yũhũre “Mũhũ basi mũhũ ijiye tiyere yahuya”, niedare yũhũre. <sup>18</sup> Tiquiro sa niedapẽgũta ahrire yahutja m̄sare. Tiquina esa tuharo “Quehnoana ijiaja”, niñequina tiquina ijigũ ihĩñagũ yũhũ gãhũ yũhũ ijiye tiyere m̄sare yahutja. <sup>19</sup> M̄sara pehe tũho masieñequinare tãhona bucueye mehna ihĩñare m̄sara tiquinare. Quehnoa yũhdũaro masina ijiajari m̄sara pehe sa tãhona. <sup>20</sup> M̄sare cahacjãna tiquina yegũ, m̄sara yere tiquina ehmagũ, sa ihĩña cãhre m̄sara. Sa yena m̄sare tiquina doca cũgũ, m̄sara wahsupurire tiquina quẽgũ sa tãhotu cãhre m̄sara. <sup>21</sup> Quehnoa yũhdũaro yeajari m̄sare tiquina. Usã pehe tiquina yero saha yũhdũcaeraja.

Sa yena tiquina yero saha yeraja. Tiquina yero saha ijierapẽgũta tiquina “Ohõ saha ijina ijiaja”, tiquina nigũ tãhogu yũhũ gãhũ sata ni yahuboaga. Pari turi b̄ne tiepẽgũta ohõ saha ni yahutja m̄sare tja. <sup>22</sup> Tiquina “Hebreo masa ijiaja”, nine apẽquinare masi yũhdũdũca duaye. Hebreo masata ijiaja yũhũ gãhũ. “Israe masa mari Pacũ tiquiro beserina ijiaja”, nine tiquina pehe. Tiquina yero saha tiquiro beserigũ ijimaja yũhũ gãhũ. “Abrahã panamena iji turiana ijiaja”, nine tiquina tja apẽquinare masi yũhdũdũca duaye. Tiquina yero saha Abrahã panami iji turiãgũta ijimaja yũhũ gãhũ. <sup>23</sup> “Cristo cahacjãna ijiaja”, nine tiquina pehe. Yũhũ gãhũ Cristo cahacjũta ijiaja. Tiquina yũhdũoro Cristo yere quehnoano yeaja yũhũ. Yohou, sa nigũ tũho masieniquiro yero saha yahuducugũ niaja. Sa yahuducugũ mehenogã b̄ne tiaja yũhũ. Tiquina yũhdũoro tutuaro dahragũ yũhũ Cristo yere yegũ. Peyẽ tahari tiquina yũhdũoro Cristo yaquiro yũhũ ijiri buhiri peresu yeri apẽquina yũhũre. Tiquina yũhdũoro peyẽ tahari tanari yũhũre masa. Tiquina yũhdũoro Cristo yaquiro yũhũ ijiri buhiri masa yũhũre wejẽ duamedĩ. Sa yegũ mehenogã yũhdũũ variaborigũ. <sup>24</sup> Ihcã omope tahari judio masa yũhũre ñehedi. Yũhũre tiquina ñehẽpe tahari treinta y nueve tahari yũhũre tanari. <sup>25</sup> Ihtia taha apẽquina yũhũre ñehedi. Sa ñehẽñe tiquina pũrita yũhũre ñano yucũri mehna quẽdi. Ape taha yũhũre apẽquina utã paca mehna doqeri. Ihtia taha yucũsa mehna utãrũ doque quehe sa, miniĩ. Sa yegũ ihcã deco, ihcã ñami taboa piĩ buĩ pajiri ma decorũre ba pahsaũ. <sup>26</sup> Peyẽ tahari

macaripare buhe tinigū esau. Yūhū sa buhe tinigū cua yūhdūari yūhūre. Yūhūre minino cua yūhdūari. Yūhūre apeqūina yaquero cua yūhdūari. Ya dihta cĵēna judio masa, judio masa ijieyequina gūhū yūhūre űano yero cua yūhdūari. Macaripū, masa marienopū, pajiri mapū gūhūre yūhūre yariaro cua yūhdūari. “Mūhū mehna cĵāna iĵaja”, ni mehoűequina gūhū yūhūre űano yero cua yūhdūari. <sup>27</sup> Cristo yere yegū tutuaro dahrae tii. Sa dahragū űano wahyie tii. Peye tahari yūhūre wūĵna űano puriűepēgūta sa dahraducue tii. űano űĵna ahbae tii. Sa yegū űano aco wĵoe tirū. Peye tahari ihyaye bocaera tii. Yūhū suhti saűaboye gūhū ne marieda tiri yūhūre. Sa yero yūhūre yūsuā yūhdūe tirū.

<sup>28</sup> Sa űano yūhdūepēgūta decorige ijipihtiyequina apeqūina Cristo yequinare, mūsa gūhūre pajiro wacū tūhotuaja. <sup>29</sup> Sa yegū ihcāquiro Cristo yaquiro tiquiro sa iĵi cāriquiro iĵigū ihűagū būĵna witiĵa. Apeqūina Cristo yaquirore űano ye dutiboaga. Tiquina sa yegū ihűagū Cristo yaquirore cuesāgū, tiquina űaűequina mehna usuaja.

<sup>30</sup> Yahu duerapēgūta yūhū iĵiye tiyere yahugū tagū, yūhū esa tuharo tutuegū yūhū iĵiye tiyere mū sare bucueye mehna yahuaja. <sup>31</sup> Cohācĵū mari pūhoro Jesu pacaro decorige mari űo peoatiquiro tiquirota mū sare yūhū ni mehoedagū masine. Ahrire mū sare poto yahutĵa. <sup>32</sup> Damasco wame tiri macarū yūhū iĵigū ihűano, ihcāquiro pūhoro yūhūre űehe duamedī. Ijipihtiyequina masa pūhoro Areta wame tiriquiro doca iĵiriquiro pūhoro pūrita yūhūre űehe duamedī. Sa űehe duaro ti maca cĵā sahrıno sopecaharipe sarurare cohte dutimedi. <sup>33</sup> Tiquina sa cohteri watoata yūhū mehna cĵēna pajiri pūhūdupū yūhūre duhu sā, ti sahrıno cĵā sopecahagāpū yūhūre duhu diĵiori. Ti sahrıno behero peherū yūhūre duhu diĵiori. Tiquina sa duhu diĵiori bato duhti cāa wahau.

## 12

### *Pablo Cristo tiquiro ihűorire yahuahye*

<sup>1</sup> Yūhū iĵiye tiyere bucueye mehna yūhū yahugū dūhseati ijierare. Sa ni yahugū mehenogā bue tiepēgūta yahu nemoutĵa mū sare. Mari pūhoro Jesu yūhūre tiquiro ihűorire tiquiro masigū yerire yahutĵa mū sare. <sup>2</sup> Ohō saha ihűo dūcari tiquiro yūhūre: Catorce caĵmari waro wahare yūhūre Cristo yaquirore űhmūserū tiquiro ne mūjari bato. űhmūserū űahpicoĵa buipū yūhūre ne mūjari. Yūhū jeripohna dihitare tiquiro negū masiedaja yūhū. O yūhū pagū gūhūre tiquiro negū masiedaja. Cohācĵū dihita tire masine. <sup>3-4</sup> Sa yero paraíso wame tiropū ne mūjari yūhūre. Yūhū jeripohna dihitare tiquiro negū masiedaja yūhū. O yūhū pagū gūhūre tiquiro negū masiedaja. Cohācĵū dihita tire masine. Tiquiro sa ne mūjagū esagū topure tiquiro yahurire tūhou. Ti yūhū tūhorire masa ne masiedare. Tiquiro yahurire yahu dutierare.

<sup>5</sup> Ohō saha yūhūre tiquiro ihűorire mū sare yahugū, “Yūhū ihcāta apeqūinare yūhdūdūcaĵa”, űiboaga yūhū. Sa niedaja yūhū. Yūhū esa tuharo masiegū yūhū iĵiyere, yūhū tutuegū yūhū iĵiyere bucuegū mū sare yahutĵa. Ti dihitare bucuegū mū sare yahutĵa. <sup>6</sup> “Apeqūinare yūhdūdūcaĵa”, mū sare ni yūhū yahu duagū yūhū nidi potota iĵiboaga. Sa yegū sa ni yahugū tūho masiegū ijieraboaga yūhū. Sa ijierapēgūta “Ohō saha apeqūinare yūhdūdūcaĵa”, ni yahusi yūhū mū sare, “Cua pesa yūhdūaro yūhūre ihűari”, nigū. Yūhūre ihűa masina űo peore mūsa. Mūsa űo peorepēgūta ti yūhdūoro yūhūre mūsa űo peogū caĵmedaja.



7 Cristo quehnoa yuhduayere uhmusere yahure tiquiro ihñogū ihñarigu ijigu, “Apequinare yuhducaja”, niboaga yahū pehe. Sa yahū niedatire Satana yahū pagare tiquiro duti dahregū ihñano “Quehnoanota”, nidi Cohācjū. Yahure duti dahreri Satana yahure ñano wahagū yero. Ahri dohatiye pota sajāno purīno saha yahure purīne. 8 Ohō yahū dohatiye yahure yuhduo dutigu sinie timi Cristore mari puhtore. Ihtia taha sinimi. 9 Ohō saha ni yuhtie tiri yahure tiquiro: “Ohō muhū dohatiye pūritare muhare yuhduosi yahū. Sa muhare yuhduoerapeguta muhare cahija. Yuhū cahīne mehna quehnoano ijiita muhū. Dohatigu tutuegu ijigu yahū tutuayere quehnoano ihñoguta muhū. Tutuayequina yuhduoro muhū pehe yahū tutuayere masare masigū yeita muhū”, ni yuhtie tiri tiquiro yahure. Tiquiro sa nigū tahogu tutuegu yahū ijjire masigu bucueaja. Sa yegu tutuegu yahū ijiyere masare bucueye mehna yahutja. Ohō saha ni yahutja Cristo tiquiro tutuaye pehere masare yahū quehnoano masigū yeatire.

10 Sa yegu Cristo yaquiro yahū ijiri buhiri yahure purīepēgūta bucueaja. Apequina ñano yahure tiquina yahu wajaepēgūta, ña yuhduaro yuhduerapēgūta bucueaja. Yahure tiquina ñano yeducuepēgūta yahure bujua witiḡū tiquina yepegūta bucueaja yahū. Sa ñano yuhduerapēgūta Cristo tutuaye mehna ihcāno sahaja, tiquirore wacū tutuagu. Sa yegu bucueaja.

### *Corinto cjenare Cristo yequinare pajiro bujua witi tahotuahye Pablo*

11 Yuhū ijiye tiyere yahugu mehenogā bue tiaja yahū. Yuhū sa yahuepēgūta ti masa ye buhiri ijire. Masa pehe yahū ijiye tiyere apequinare quehnoano yahuboaga. Yuhū esa tuharo ijigu duhseacju ijieraboaga yahū. Sa ijjiborigu ijiepegūta “Jesu cūrina, masi pehona ijijaja”, ni mehoñequinare docaducaeraja yahū. 12 Potota ñano yuhdurigu ijiepegūta Cohācjū tutuaye mehna ye ihñomi masare. Sa ihñogu Jesu cūrigu yahū ijiyere ihñogu nimi masare. 13 Apeye macari cjenare Jesu yequinare masa gūhare ihcāno saha yee timi yahū. Sa yepegūta masa pehere sijoro saha cjunogā yemi. Masa dihitare cariboerami. Masa dihitare apee boro gūhare siniedami. ¿Yahū sa siniedagū ñaniajari, masa tahotugū? Ti ñañe ijigū ti ñañene boya masa yahure.

14 Ahri yahū yahuatire tahoya masa. Pua taha masa caharu yahū esari bato pari turi waha duaja tja. Topu esagu masare caribosi yahū. Apee borore sinisi yahū masare. Masa yere cahmedaja. Cristo ye pehere masa yuhtigū cahmeaja yahū. Masa pohne pehe tiquina pacusumare tiquina cahmeñene ohoerare. Tiquina pacusumaa pehe tiquina pohne cahmeñe pehere ohore. Ohō saha masa yahū pohna yero saha ijina yahū cahmeñe pehere ohosi masa. 15 Sa yegu yahū pūrīta yahū cuoye pehere oho duaja masare yedohogu tagu. Masa cahacjāno yero saha iji duaja masare yedohogu tagu. Masa pehere yahū tutuaro cahiepegūta yahū pehere masa mehenogā cahine, yahū tahotugū.

16 Sa yegu masa mehna ijigu masare cariboeru. ¿Sata ijjiyari yahū, masa tahotugū? Yuhū sa ijiepegūta ihquēquina masa mehna cjenā ohō saha ni-boaga: “Pablo apee borore marine ne duaro ni mehori marine”, niboaga.

17 ¿Masa sa nidiro saha yerigu ijigu, duhse tire yeari yahū, masa ihñagū? ¿Masa caharu yahū ohoriquina yabe borore yahure ni meho ehma basari tiquina masare, masa ihñagū? Ni meho ehmedari jiri. 18 Sohō ijiri pjeru masa caharu Titore waha duti tuhasau tiquirore. Sa yegu apequirore Cristo yaquirore tiquiro mehna piti dahre ohou. ¿Tito apee borore masare ni meho ehmarī, masa ihñagū? Ni meho ehmedari jiri. Tiquiro yahū yero saha Cohācjū cahmeno saha yeriquiro ijire. ¿Sa yero yahū yero saha yerari tiquiro, masa ihñagū? Yuhū yero saha yerari jiri.



19 “Ñano yeraja usã”, ni cahmotana niedaja usã. Cristo yequina ijiaja. Sa yena Cohãcjũ tiquiro ihñonoru musare yahuna niaja. Yũhũ acaye, yũhũ cahĩna, musare yahuu musa pehere yedoho duana. Musare yahuna, usã pehere musare cahmegũ yena niedu. 20 Topu yũhũ esagũ yũhũ cahmeno saha yerapena ijiboaga musa. Sa yegu musare tutuaro cuesãja. Sa yegu musa cahmeno saha yerigu ijieraboaga yũhũ gũhũ, topu esagu. Sijoro saha musa yegũ ihñagu yahutja musare. Topu yũhũ esagũ musa pehe cahme duse tini wiana, apee boro tiquina cõogũ ihña coona, duita usuana, musa esa tuharo apequnare yuhduca duana, apequnare ñano yahuducuna, ñano quiti yena, “Apequnare masi yuhducaja”, nina, musa cahmecoanore dojomehna ijiboaga musa. “Tire yeari”, nigũ cuesãja yũhũ musare. 21 Topu yũhũ esagũ yuhure musare bue tisãgũ yeboaga Cohãcjũ. Sa yegu ijipihtiequinare panoru ñano yeyequinare, tiquina ñañene bujua witiyequinare ihñagu, tutuaro bujua witiitja yũhũ. Numia mehna ñano yeyequinare, umua mehna ñano yeye numiare, wũana tiyequinare, ñañene tutuaro cahmeñequinare ihñagu bujua witiitja yũhũ.

## 13

### *Pablo yahu bato tiahye*

1 Yojobure musa caharu wahagu ihtia taha esagutja topure. Pua taha topure esa tuhasau. Sa yegu musare ahrire yahutja. Ohõ saha nine Cohãcjũ yere tiquina ojoari pũru: “Ihcãquirore mari buhiri dahreato pano ihtiaro tiquirore yahusãno cahmene. Ihtiaro mariedagũ puaro tiquirore yahusãno cahmene. Tiquina sa yahusãri bato buhiri dahre masiaja mari”, nine Cohãcjũ yere tiquina ojoari pũru. 2 Panopure ñano yerina musa ijigũ musare, ijipihtiequina apequna gũhure pari turi ahrire cuaro mehna yahutja. Ihcã taha musa caharu pari turi esagu musare ahrire yahuu. Yojobure musa mehna ijieragu pari turi musare ahrire yahutja: Yojobure musa cahapure esagu, ñano yeyequinare potota buhiri dahregutja yũhũ. 3 Sa yeitja Cristo yũhũ mehna tiquiro buherire musa ihño dutigũ. Cristo pehe musare dutiriquiro tutua yuhduriquiro ijire. Sa yero tiquiro tutuayere ihñore musare. 4 Mari yero saha pagu tiro, tiquiro tutueriquiro ijiro, curusaru yariahye. Sa yarieperota Cohãcjũ tutuaye mehna catiriquiro ijire tiquiro yojobure. Tiquiro curusaru ijiro tiquiro tutuerariro saha usã gũhũ tutuena ijiaja. Sa yena usã esa tuharo musare yedoho masiedaboaga. Sa yena Cohãcjũ tutuaye mehna ijinata musare yedohona tana.

5 Sa ye musa pehe musa basi ohõ saha ni tuhotuya. “¿Potota Cristore wacũ tutuajari yũhũ?” ni tuhotuya musa. ¿Potota Cristo musa mehna cjãno ijiajari? Tiquiro ijieragũ tiquiro yequina waro ijierare musa. Tiquiro yequina ijierana ni mehona ijire musa. 6 Usã pehe “Jesu yequina ijiaja”, ni mehona ijieraja. Tiquiro yequina waro ijiaja usã. Tire musa masigũ cahmeaja yũhũ. 7 Sa yegu musa ñano yeratire Cohãcjũre sini basaja musare. Sata sini basaja usã musa quehnoañene musa yeatire. Musa sa yegũ ihñana usã ohõ saha niboaga: “Usã pehe tiquinare quehnoañequina wahagũ yei usã”, niboaga usã apequnare usãre ño peo dutina. Sa ño peo dutieraja usã. Sa yena Cohãcjũre sini basana, musa ye ijiatire sini basana niaja. Apequna usãre “Ni mehoñequina ijire”, tiquina niepegũta quehnoañene musa yegũ pũritare cahme yuhduaja usã. 8 Ijipihtie musa quehnoañene yegũ cahmeaja usã. Cohãcjũ yere quehnoañene dojomehne masiedaja usã. 9 “Cristo cahmeñene yeaja usã”, ni ihño masiedana, tutueyequina yero saha ijiboaga usã, musa ihñagũ. Quehnoanota. Quehnoañene yena musa pehe tutuana ijire. Musa

sa ijigū ihñana tutueyequina yero saha usã ijiepenata bucueaja. Sa yena quehnoana m̄usa wahatire Cohãcjũre sini basana niaja usã m̄usare. <sup>10</sup> Sa yeḡm̄ m̄usa mehna ijieraḡm̄ m̄usare ahri pũre ojoayuḡm̄ niaja. M̄usa cahap̄m̄ esaḡm̄, m̄usa ñano yerina ijigū ihñaḡm̄ m̄usare buhiri dahreitja. Cristo yũh̄ure tiqũiro dutiriro sahata m̄usare buhiri dahreitja. Yũh̄m̄ sa buhiri dahreratire ahri pũre m̄usare ojoayuḡm̄ niaja. Cristo yũh̄ure tiqũiro dutiriro sahata m̄usare yedohoacjũ ijiaja. M̄usare dojomehneacjũ ijieraja.

<sup>11</sup> Yojoꝛũre, yũh̄m̄ acaye, m̄usare quehnoa dutiaja. Cristore wacũ tutua nemoña. Sa yena quehnoana ijiya. M̄usare yũh̄m̄ yahurire quehnoano tũho n̄n̄n̄ña. M̄usa mehna cjẽna mehna ihcãno mehna ijiya. M̄usa basi quehnoano mehna ijiya. M̄usa sa ijigū ihñano m̄usa mehna Cohãcjũ ijirota. Tiqũiro marine cahme cahĩgũ yeriqũiro, marine quehnoano mehna ijigũ yeriqũiro ijire. <sup>12</sup> Sa yena m̄usa mehna cjẽnare quehnoano bucueye mehna piti caya. <sup>13</sup> Ijipih̄tiyequina ohõ cjẽna Cohãcjũ yequina m̄usare quehnoa dutire.

<sup>14</sup> Mari pũhtoro Jesucristo mehna m̄usare ijipih̄tinare quehnoa dutiaja. Sa yeḡm̄ Cohãcjũ mari Pacũ tiqũiro cahĩñe mehna ijipih̄tina m̄usare quehnoa dutiaja. Sa yero Espĩritu Santo ijipih̄tina m̄usa mehna quehnoano ijire.

## Gálatas

### *Galacia wame tiri yehpa cjênare Jesu yequinare ojoa ohoahye Pablo*

<sup>1</sup> Yuhñ Pablo, Cristo yere buhe duti tiquiuro cūrigu ijiaya. Masa cūrigu ijieraja yuhñ. Masa pehe yuhñre buhe dutiye cūedari. Cohācjū mari Pacñ pehe Jesure yariariquiore masoriquiuro yuhñre cūri tiquiuro yere buheacjare. Jesucristo gūhñ yuhñre cūri. Tiqūina sa cūrigu ijigñ ahrire ojoa ohoaja māsare. <sup>2</sup> Yuhñ māsare Jesu yequinare Galacia yehpa cjênare quehnoa dutiaja. Yuhñ mehna cjēna Jesu yequina gūhñ māsare quehnoa dutire. <sup>3</sup> Cohācjū mari Pacñ, mari puhtoro Jesucristo mehna māsare quehnoa dutiaja. Tiqūina yedohoye mehna quehnoano ijiya māsā. <sup>4</sup> Tiquiuro Jesucristo pehe mari ñañene yeri buhirire yariahye. Yojoḡare masa tiqūina ñañene yeri pje ijire. Sa yero tiquiuro yariahye Cohācjū mari Pacñ tiquiuro cahmediro saha marine yuhñdoro taro. Sa tiquiuro yuhñdōgū yojoḡare ñañene tiqūina yeriro saha ye duasi mari. <sup>5</sup> Sa ye ijipihitiye decoripe tiquiore mari Pacñre ño peouhna. Sata yelhna.

### *Cohācjū masare tiquiuro yuhñdōati buheye ihcānota ijire. Apeye buheye mariedare*

<sup>6</sup> Cristo māsare cahñno tiquiuro yequina ijanajare māsare cūri. Sa yegu māsare cūriquiuro yere cohāna sijoro saha ijiye buheye pehere duita māsā cahmegū ihñā acñāa wahaja. <sup>7</sup> Apeye buheye quehnoañe buheye yero saha ijiye buheye waro ijierare. Ti sa ijierapegāta ihquēquina māsā cahapñ ijiyequina māsare cariboye, sijoro saha ijiye buheyere buheye, quehnoañe buheyere dojomehne duare. <sup>8</sup> Sa yena māsare usā buhe mūhtarire mari cohāgū sijoro saha ijiye buheyere mari buhegū Cohācjū marine buhiri dahreahro. Sa yero angel uhmase cjāno sa tiquiuro buhegū tiquiuro gūhñre buhiri dahreahro Cohācjū. <sup>9</sup> Mianogāta usā nidiro saha pari turi niitja: Ihcāquiuro māsare usā buherire cohāno, sijoro saha ijiye buheyere tiquiuro buhegū Cohācjū tiquiore buhiri dahreahro.

<sup>10</sup> Sa nigñ yuhñ “Pablo dihita quehnoano buheriquiro ijire”, yuhñre ni dutigñ niedaja. Cohācjū pehe yuhñre “Quehnoano buheri mahñ”, tiquiuro nigñ cahmeaja. Masare bucuegū yegu tagñ sijoro saha ijiye buheyere buheboaga yuhñ. Masa dihitare bucuegū yegu ijigñ ne Cristo cahacjū ijieraboaga yuhñ.

### *Pablo Cristo cūriquiuro tiquiuro iji dñcarire yahuahye*

<sup>11</sup> Yuhñ acaye, ahrire māsā masigū cahmeaja yuhñ: Quehnoañe buheyere yuhñ buheri masa ye buheye ijierare. <sup>12</sup> Ti buheye masare yuhñ tuhori ijierare. Sa ye apequina masa yuhñre ti buheyere yahuerari. Jesucristo pehe yuhñre ti buheyere masigū yeri.

<sup>13</sup> Panopñ judío masñ yuhñ ijie tirire masine māsā. Ohñ saha yee tii yuhñ: Jesu yequinare tutuaro ñano yegu tiquinare quehnoano wejē peho cā duami. <sup>14</sup> Mari ñecññmñā mñā iji turiayequina tiqūina buherire tutua yuhñdoro ye duagu yuhñ acaye yuhñ ihcāno mehna masariquina yuhñdoro ye mūhtarigñ ijie timi yuhñ. <sup>15</sup> Yuhñ sa ijirigñ ijiepegāta yuhñ masa bajuato pano Cohācjū yuhñre bese tuhasari jiri. Sa yero yuhñre cahñno tiquiuro yaquiuro ijiajū cūri yuhñre. <sup>16</sup> Sa yero tiquiuro cahmeno saha tiquiuro macñore yuhñre masigū yeri. Tiquiuro yere quehnoañe buheyere judío masa ijiyequinare buheacjū yuhñ ijiatire tiquiuro macñore masigū yeri yuhñre. Tiquiuro sa yegū “¿Duhse ni buhero cahmeagari yuhñre?” ni masare sinituerna yuhñ. <sup>17</sup> Sa

yegu Cristo cūriquina yūhū pano ijiriquina caharure Jerusalēpure sinitugu wahaerū. Duita Arabia yehparū wahaū. Sa yegu Damascorū majare tojoa wihii.

<sup>18</sup> Ihtia cūhma bato Pedrore ihñagū wahaū Jerusalēpū. Topure pua semana waro ijii. <sup>19</sup> Sa yegu apeqinare Cristo cūriquinare ihñedū. Santiago dihitare mari pūthoro bahūrore ihñān. <sup>20</sup> Ohō saha ni ojoagu Cohācjū mehna ne ni meho ojoaeraja.

<sup>21</sup> Came Siria yehparū, Cilicia yehparū gāhure wahaū. <sup>22</sup> Topure yūhū esagū ti pjere Judea yehparū ijieyequina Jesu yequina yūhūre ihña masiedari. <sup>23</sup> Sa ye ahri dihitare yūhūre masi dūcari tiquina: “Panopure marine ñano yeriquiro yojopure quehnoañe buheyere tiquiro cohā duari buheyere buhero nine”, ni, masi dūcari tiquina. <sup>24</sup> Yūhūre sa masiñe Cohācjūre “Quehnoa yūhdūagu ijire”, nidi tiquina.

## 2

### *Apeqina Cristo cūriquina Pablore piti ca, duita cahmene*

<sup>1</sup> Catorce cūhmari bato pari turi Jerusalēpū wahagu Bernabé mehna wahaū. Tito gūhū wahari yūhū mehna. <sup>2</sup> Cohācjū yūhūre tiquiro waha dutigū topure wahaū. Jerusalēpū ijigu “Jesu yequina pūthoa”, masa niñequina tiquina sehšaro cahmecoagū quehnoañe buheyere judio masa ijieyequinare yūhū buherire yahuu tiquinare. “Judio masa ijieyequinare quehnoañe buheyere yūhū buhegū quehnoajari, mūsa tūhotugū?” nigū, sa yahuu tiquinare. Sa yahuu tiquinare panopū yūhū buherire, yojopure yūhū buheri gūhūre tiquina quehnoano masiatire, tire “Quehnoare”, tiquina niatire. Tiquina sa niedagū yūhū buheri dūhseati ijieraboaga.

<sup>3</sup> Yūhū mehna cjanō Tito judio masano ijieriquiro ijiri. Sa yero cūhnucunū sohtoa cahserogāre yūhūre nemehnediquiro ijire. Sa yūhremehnediquiro tiquiro ijiepegūta Jesu yequina pūthoa “Mūhū gūhū ti cahserogāre yūhūre neña”, niedari tiquirore. <sup>4</sup> Tiquina sa niedapegūta ihquēquina “Jesu yequina ijijaja”, ni mehoñequina wacūeno mehna usā mehna saja, tiquirore ti cahserogāre yūhūre negū cahmemedi tiquina. Jesu yequina mari ijina “Panopū cjenē tiquina dutiriro saha yena ti mehna yūhdūsi”, ni tūhotuaja mari. Mari sa ni tūhotugū mari yeyere ihña duaye tiquina pehe usā mehna ni meho sajarī. Sa yeye usā ñecusumūa mūna iji turiayequina ye dutiyere ye duti duaye, ti dutiyere ño peoducugū ye duamedi usāre tiquina. <sup>5</sup> Tiquina sa ye duepegūta quehnoañe buheyere poto mūsa masiatire ne mehenogā mehna tūho duerū usā tiquinare.

<sup>6</sup> Sa ye Jesu yequina pūthoa quehnoañe buheyere yūhū buherire tiquina tūhori bato “Ahri buheye mehna apeye buheyere buhe moreña”, ne niedari tiquina yūhūre. Jesu yequina pūthoore ihyo ijieyequina yero saha tūhotuaja tiquinare. Cohācjū pehe ijipihtiyequinare ihcāno saha ihñare. Sa yegu sata tūhotuaja yūhū gūhū pūthoa gāhure, ihyo ijieyequina gāhure. <sup>7</sup> Sa ye yūhū buheri mehna tiquina “Ahri buheye mehna apeye buheyere buhe moreña”, ne niedari. Sa ye judio masa ijieyequinare yūhū buheatire Cohācjū yūhūre tiquiro cūrire tūhoye, “Tita ijire”, nidi tiquina. Judio masare buheyere Cohācjū Pedrore tiquiro cūriro sahata yūhū gāhure cūri judio masa ijieyequinare yūhū buheatire. <sup>8</sup> Judio masare Pedrore buhe dutiriquirota Cohācjū yūhū gāhūre tiquirota buhe dutiri judio masa ijieyequinare.

<sup>9</sup> Sa ye Santiago, Pedro, Ñū mehna Jesu yequina pūthoa waro quehnoañe buheyere buherire Cohācjū yūhūre tiquiro cūrire tūhoye “Tita ijire”, nidi tiquina. Sa nieta yūhūre Bernabé mehna quehnoano bucueye mehna omoca

ñehedi usãre piti tiye tehe. Sa yena judio masa ijieyequinare buhena ijiaja usã. Santiago gãhu pehe judio masare buheyequina ijire. “Sata ijiajro”, nii usã basi. <sup>10</sup> Sa niepeta tiquina judio masare pejesoyequinare yedoho dutiri usãre. Pejesoyequinare yedohoacju ijiita niaja yahu.

### *Antioquíaru Pablo Pedrore tutiahye*

<sup>11</sup> Sa ye Antioquíaru yahu esari bato Pedro gãhu esari. Sa yegu quehnoano tiquiro yerari buhiri tuhtii tiquirore. <sup>12</sup> Ohõ saha yeri tiquiro: Santiago ohoriquina Antioquíaru tiquina esato panogã, Pedro pehe judio masa ijieyequina mehna ihyaro nidi, judio masano ijieperota. Santiago ohoriquina judio masa ijieyequinare “Cuhncunã sohtoã cahserogãre yuhre neña”, niñequina, usã judio masa panoru cjenã ye dutiyere ye dutieyehina ijiri. Pedro sa ihyari watoã Santiago ohoriquina esari. Sa ihyariquiro ijieperota tiquina tiquiro caharu esagũ ihñano, tiquinare cuero, Pedro judio masa ijieyequinare duhu cã, pari turi tiquina mehna ihyaro wahaerari. “Panoru cjenã mari judio masa yere yuhduacagũ niaja. Sa yeye yojopãre wihiyequina yuhre tuhtitari”, nino, judio masa ijieyequina mehna ihya nemoedari. <sup>13</sup> Tiquiro sa ye mehoriro saha tiquiro yegũ ihñãñe, apequina judio masa gãhu tiquiroreta ihña cũ, tiquina gãhu tiquiro yero saha yeri. Sa yero Bernabé quehnoariquiro ijieperota tiquina yero saha yeri tiquiro gãhu.

<sup>14</sup> Cristo ye buheye marine quehnoano, queoro ye dutire. Sa ye Pedro gãhu ti buheye nidiro sahata yerari, judio masa ijieyequina mehna ihya duhuye. Tiquina sa yegũ ihñagu, ijipihitiyequina Jesu yequina ihñonoru Pedrore ohõ saha ni yahuu: “Mahu judio masu ijiepeguta judio masa ye dutiyere, tiquina ijieye tiyere duhu cãri mahã, Jesu yere yegu tuhã. Sa yegu judio masa ijieyequina dutiye marieñequina yero saha yee tiri mahã. Sa yerigu ijiepeguta apequina judio masa wihigũ ihñagu, judio masa ijieyequinare piti ti nemoedari mahã. ¿Judio masa dihitare mahã piti tigũ ihñãñe, duhse ni tuhotuetaari judio masa ijieyequina pehe? ‘Judio masa yero saha ijiihna’, ni tuhutoboaga tiquina. ¿Tiquina gãhure judio masare ihña cũgũ cahmeajari mahã? To ijierare”, nii tiquirore.

### *Judio masare apequina masa yero saha Jesure wacũ tutua dutiahye Cohãcjũ*

<sup>15</sup> Usã pehe judio masa masa bajuana, apequina ñano yeyequina judio masa ijieyequina yero saha ijieraja usã. <sup>16</sup> Sa ijina ijiepenata Cohãcjũ dutiyere Moiserere tiquiro cãrire usã yerina ijigũ “Quehnoana ijire”, ni ihñedare Cohãcjũ usãre. Tire mari masiaja. Sa yero Jesucristore mari wacũ tutuagũ Cohãcjũ marine “Quehnoana ijire”, ni ihñanota. Tire masina, usã gãhu Jesucristore wacũ tutuaja tiquirore usã wacũ tutuari mehna usãre “Quehnoana ijire”, Cohãcjũ tiquiro ni ihñatire. Sa yero tiquiro dutiyere usã yerina ijigũ “Quehnoana ijire”, ni ihñedare Cohãcjũ usãre. Ne masa ti dutiyere yeye mehna “Quehnoañequina ijire”, ni ihñedare Cohãcjũ tiquinare.

<sup>17</sup> Cristore mari wacũ tutuaye mehna quehnoana Cohãcjũ yequina mari waha duagũ, ñana mari ijieyere masigũ yerota Cristo. ¿Cristo mari ñañene marine masigũ yero, ñana marine ijigũ yeajari tiquiro, msa tuhutuagũ? Ne mehenogã mehna sa yerare. <sup>18</sup> Usã dutiye yeye mehna yuhduã duamedina ijiepenata ti buheyere cohãhu. Sa cohãepenata pari turi ti buheyere yena ti dutiyere usã ye pehoerari buhiri potota buhiri tinata usã. <sup>19</sup> Cohãcjũ dutiyere Moiserere tiquiro cãrire ihcãno sahaeraja mari. Sa yena ti dutiye mehna ne yuhduã mari. Sa yena Cohãcjũ tutuaye mehna tiquiro yequina ijiaja mari.

<sup>20</sup> Cristo mehna curusaru yariariquina yero saha ijiaja mari. Sa yena yariariquiro tiquiro esa tuharo tiquiro yerariro saha mari esa tuharo yeraja. Cristo ye tutuaye mehna yeaja. Sa yena yojopãre Cohãcjũ macãnore wacũ

tutuaye mehna ijiducujaja mari. Tiquiro Cohācjū macano marine cahīne. Sa yero mari ye buhirire yariari. <sup>21</sup> Ti dutiye yeye mehna quehnoana Cohācjū yequina mari wahagū Cristo yariari pehe ne dahseati ijieraboaga. Cohācjū marine tiquiro cahidire, Cristo tiquiro yariarire ihyo ijiye waro yero saha ijigū ye dueraja yuhū pehe. Sa yegū “Dutiye mehna yuhdugatja”, ne nisi yuhū.

### 3

#### *Cohācjū dutiye Moisere tiquiro cūrire, wacū tutuaye gūhūre yahuahye Pablo*

<sup>1</sup> Yuhū acaye, mūsa Galacia cjāna tūho masiena iji wame tire mūsa. Jesu-cristo curusapū tiquiro yariarire buheyere ijipihtiyequina tiquina ihñonopū masare yahuu. ¿Sa yena yojoṗare tiquiro yere mūsa yuhdudacaire ni mehoñequina masare tiquina dojomehnegū dahse yena tiqinare yūhtiri mūsa? <sup>2</sup> Ahrireta yahu duaja mū sare: Dutiyere mūsa yeye mehna Espiritu Santore cūo dūcaerari mūsa. Quehnoañe buheye pehere tūhona Cristore mūsa wacū tutuaye mehna Espiritu Santore cūo dūcari mūsa. <sup>3</sup> Espiritu Santo tutuaye mehna mūsa Cristo yequina iji dūcagū yojoṗare mūsa basi dutiyere mūsa yeye mehna Cohācjū cahapū mūsa waha duagū ñarīne. Tūho masiena ijire mūsa, sa yena. <sup>4</sup> ¿Quehnoañe buheyere mūsa yeri buhiri peye tahari mūsa ñano yuhdūna ihyo warota ñano yuhdūna niyari mūsa, sa wahana? Ihyo waro ijierare mūsa sa ñano yuhdūri. Dutiyeye mehna Cohācjū cahapū mūsa waha duana ihyo warota ñano yuhdūna niboaga mūsa. <sup>5</sup> ¿Dahse mūsa yeri wapa Espiritu Santore mū sare ohori Cohācjū, mūsa tūhotugū? Tiquiro dutiyere mūsa yeri wapa ohoerari tiquiro. Tiquiro buheyere quehnoano mūsa tūhogū ihñano tiquirore mūsa wacū tutuari batopū Espiritu Santore ohori tiquiro. ¿Cohācjū mūsa watoa tiquiro tutuaye mehna ye ihñono dahse ijiro boro sa ye ihñojari tiquiro, mūsa tūhotugū? Tiquiro dutiyere mūsa yeri wapa sa ye ihñodari tiquiro. Tiquiro buheyere quehnoano mūsa tūhogū ihñano tiquirore mūsa wacū tutuagū sa ye ihñori tiquiro.

<sup>6</sup> Abrahā Cohācjūre wacū tutuahye. Tiquiro sa yegū tiquirore Cohācjū “Quehnoariquiro ijire”, ni ihñahye. <sup>7</sup> Sa yena ahri yuhū niatire masiña mūsa: Cohācjūre wacū tutuayequinata potota Abrahā panamena iji turiayequina ape tjuo cjēna yero saha ijire. <sup>8</sup> Panopū Cohācjū yere tiquina ojoari pūpū ohō saha ni yahuahye: Judio masa ijieyequina Cohācjūre tiquina wacū tutuagū ihñano “Quehnoañequina ijire”, ni ihñare Cohācjū. Tiquiro sa ni ihñatire Cohācjū panopū masiyuro, tiquiro quehnoañe buheyere Abrahāre yahu mūhta tuhasahye. “Mūhū mehna ahri yehpa cjēnare ijipihtiyequinare quehnoano yeitja”, niahye Cohācjū Abrahāre. <sup>9</sup> Sa yero Abrahā Cohācjūre quehnoano tūho wacū tutuahye. Tiquiro sa wacū tutuagū ihñano Cohācjū tiquirore quehnoano yeahye. Sa ye apequina masa Cohācjūre tiquina wacū tutuagū, tiquina gūhūre quehnoano yerota Cohācjū, Abrahāre tiquiro yeriro sahata.

<sup>10</sup> “Ti dutiyere Moisere tiquiro cūri mehna Cohācjū yequina wahanata”, ni tūhotuyequina buhiri tiyequina ijire. Tiquiro ojoari pūpū sata nine: “Cohācjū dutiyere tiquiro ya pūpū tiquina ojoarire ye pehoeyequina buhiri tiyequina ijire tiquina ijipihtiyequina”, ni ojoahye. <sup>11</sup> Cohācjū yere tiquina ojoari pūpū ohō saha nine: “Cohācjūre wacū tutuayequinare ‘Quehnoañequina ijire’, ni ihñare Cohācjū. Sa wacū tutuaye ijipihtiyequina decori Cohācjū mehna sa ijiducuetā”, nine Cohācjū yere tiquina ojoari pūpū. Tiquiro sa nigū ahri yuhū niatire mari quehnoano masiaja: Ti dutiyere tiquina yeye mehna masare quehnoañequina yero saha ihñedare Cohācjū. <sup>12</sup> Dutiyeye yeye mehna

Cohãcjü cahapü waha duayequina Cohãcjüre wacü tutuerare. Ohõ saha nine Cohãcjü yere tiquina ojoari pũpũ: “Dutiyere yeye mehna quehnoañequina waha duayequinare ti dutiyere ye pehorõ cahmene tiquinare”, nine Cohãcjü yere tiquina ojoari pũpũ.

<sup>13</sup> Sa ye ti dutiye marine buhiri tigü yere. Mari buhiri tigü ihñano Cristo pehe tiqiuro basi mari ye buhirire buhiri tiriqiuro waharo, mari buhiri tiborire buhiri ti basahye marine. Cristo tiqiuro buhiri tiatire yahuro ohõ saha ni ojoahye panopũre: “Ijipihtiyequina yucaripũ tiquina duhu ohõriquina buhiri tiriquina ijire”, ni, ojoahye panopũre. <sup>14</sup> Tiquiuro sa ni ojoariro sahata sa yeahye Cristore. Cohãcjü Abrahãre “Ahri yehpa cjẽnare quehnoano yeitja”, tiqiuro nidiro sahata yero niahye masare. Sa yeahye Cristo mehna. Tiquiuro yariahye judio masa ijieyequinare Cohãcjü quehnoano tiqiuro yeatire. Sa yero Jesucristo mehna sohtori tiahye Cohãcjü Abrahãre tiqiuro nidiro sahata. Sa yeahye tiqiurore mari wacü tutuari bato Espiritu Santore mari cuatore.

### *Tiquiuro buherire quti mehna yahu nemoahye Pablo*

<sup>15</sup> Yũhũ acaye, masa ye quti mehna ti yũhũ nidire yahutja mũsare: Tiquina pacũro tiqiuro yariato pano tiqiuro pohne comesatire yahuri pũ ohõ saha ni ojoare. “Yeere yũhũ pohñare ohoutja”, ni ojoare. Tiquiuro sa ni ojoa cũri pũre tiqiuro yariato pano apeqũro pehe ti pũre sijoro saha ni ojoa nemo masiedare. Sa yero ti pũre “Poto ijierare”, ni masiedare. <sup>16</sup> Ti pũre tiquina pacũro tiqiuro pohñene tiqiuro cũriro saha “Mũsare quehnoano yeitja”, Cohãcjü nino, Abrahãre tiqiuro panamino iji turiariqiuro gãhũre nino niahye. Sa nino apeqũna tiqiuro panamena iji turiayequinapũre nino niedahye. Ihcãquioreta tiqiuro panamino iji turiariqiuro dihĩtare nino niahye Cohãcjü. Tiquiuro Abrahã panamino iji turiariqiuro Cristo ijire. <sup>17</sup> Yojoũre quehnoano yahutja mũsare: Abrahã gãhũre Cohãcjü “Mũsare quehnoano yeitja”, tiqiuro ni cũri bato cuatro ciento treinta cahmari yũhdũri bato tiqiuro dutiyere Moiserẽ cũahye. Sa cũno Abrahã gãhũre Cohãcjü “Mũsare quehnoano yeitja”, tiqiuro nidire boro taro niedahye. <sup>18</sup> Cohãcjü marine yũhdũoro dutiyere mari yeye mehna marine yũhdũoerare. Dutiyere yeye mehna mari yũhdũgũ Cohãcjü “Mũsare quehnoano yeitja”, tiqiuro nidi pehe dũhseati ijieraboaga. Marine yũhdũoro taro Cohãcjü Abrahãre tiqiuro ni cũri mehna sa yero taro niahye.

<sup>19</sup> ¿Sa yero dũhse yeatire tiqiuro dutiyere cũri Cohãcjü? Tiquiuro dutiyere cũahye ti dutiyere mari yũhdũũcarire mari quehnoano masiatire. Sa yero panopũre Cohãcjü “Mũhũ panamino iji turiariqiuro mehna masare quehnoano yeitja”, Abrahãre tiqiuro nidiquiuro tiqiuro wihiato pano Cohãcjü dutiyere cuomahye masa. Sa yero Cohãcjü dutiyere tiqiuro cũgũ tiqiuro yequina angele pehe tire duti turiahye. Sa ye Moiserẽ tiquina cũgũ, tiqiuro pehe masare cũ turiahye tja. <sup>20</sup> Ti dutiyere Moise cũ turiagũ Cohãcjü tiqiuro basita masare cũedahye. Sa cũedaperota Cohãcjü “Mũhũre quehnoano yeitja”, Abrahã pehere ni cũno, tiqiuro basita sa ni cũahye.

<sup>21</sup> Cohãcjü Moiserẽ tiqiuro dutiyere cũno, to pano Abrahãre tiqiuro nidire “Abrahãre yũhũ nidiro saha yesi yũhũ”, nino niedahye tiqiuro. Abrahãre tiqiuro nidiro sahata yero taro niahye. Tiquiuro dutiye yeye mehna Cohãcjü yequina wahana ti pje pũrita dutiyere mari yeye mehna quehnoano wahaboaga mari. <sup>22</sup> Sa yero Cohãcjü tiqiuro yere tiquina ojoari pũ pehe ijipihtiyequina ñañe buhiri tiyequina tiquina ijiyere yuahahye. Sa ni yuahahye Cohãcjü “Mũsare quehnoano yeitja”, to pano tiqiuro nidiro sahata yero taro.



Sa yero Jesucristore wacū tutuayequinare quehnoano yere to pano tiquiro nidiro sahata.

<sup>23</sup> Cohācjüre wacū tutuati buheyere marine tiquiro cūato pano tiquiro dutiye pehe mari ñañe yerire marine masigū ye tuhasari. Sa ye marine yahuri ti dutiye pehe. Cohācjüre wacū tutuati buheyere marine tiquiro yahugūpū tiquiro dutiye marine yahu duhuri. <sup>24</sup> Sa ye Cohācjū dutiye pehe Cristo wihato pano marine yahuri. Sa yahuri marine Cristore mari wacū tutuaye mehna Cohācjū “Quehnoana ijire”, marine tiquiro ni ihñatire. <sup>25</sup> Yojoḡpū pūritare Cristore mari wacū tutuari pje ijire. Ti sa ijigū tiquiro dutiye pehe marine yahu nemoedare. Marine duti nemoedare.

<sup>26</sup> Sa yena Cristo Jesure mūsa wacū tutuaye mehna Cohācjū pohna ijire mūsa. <sup>27</sup> Ijipihtina mūsa Cristo wame mehna wame yenohrina ijina, Cristo Cohācjū macūno tiquiro ijiro sahata tiquiro pohnata ijire mūsa gūhū. <sup>28</sup> Yojoḡpūre pūa curua ijierare mūsa. Cahacjāna, cahacjāna ijina mehna pūa curua ijierare mūsa. Ūmūa, numia mehna pūa curua ijierare mūsa. Sa yena ijipihtina mūsa Cristo yequina ijina, ihcā curuata ijire mūsa. <sup>29</sup> Sa yena Cristo yequina ijina, Abrahā panamena iji turiana yero saha ijire mūsa. Mūsa sa ijina ijigū Cohācjū Abrahāre “Mūsare quehnoano yeitja”, tiquiro nidiro sahata mūsa gūhūre quehnoano yerota tiquiro. Cristo yequina mūsa ijigū ihñano mūsare quehnoano yerota.

## 4

<sup>1</sup> Ohō saha ijire ahri quitu mehna yūhū yahu nemogū: Tiquiro pacūro came tiquiro yere neatiquiro wahmūno iji cāhtariquiro ijiropū ijipihtiye tiquiro ye ijiepegūta cahacjūno yero saha ijire tiquiro. <sup>2</sup> Sa ye tiquiro wahmūno iji cāhtariquiro ijigū tiquirore ihña ihboyequina tiquiro yere ihña ihbore. Sa yero tiquiro pacūro queoriro esagūpū tiquiro pacūro yere cūorota. <sup>3</sup> Ohō saha wahmūno iji cāhtariquiro yero saha ijimi mari gūhū. Sa ijina mari ijigū cahacjēnare tiquina dutiro saha ahri yehpa cjē dutiye masa ye dutiye marine dutinimedi. <sup>4</sup> Mari sa ijina ijiepegūta tiquiro queori pje esagū Cohācjū tiquiro macūnore ohoahye. Sa tiquiro ohogū tiquiro macūno ihcācoro nuhmino mehna masa bajuahye. Sa yero tiquiro judio masūno masa bajuagū Cohācjū dutiye Moiserere tiquiro cūri tiquirore dutinimahye. <sup>5</sup> Mari gūhūre ti dutiyeta dutinimahye. Sa yero marine yūhdūoatiquirore ohoahye Cohācjū tiquiro macūnore, tiquiro pohna mari wahatire.

<sup>6</sup> Sa yero tiquiro pohna mari ijigū Cohācjū macūno tiquiro yaquiro Espiritu Santore mari mehna ijiatiquirore ohoahye Cohācjū. Tiquiro yaquiro Espiritu Santo pehe Cohācjüre “Mai”, niniquiro ijire. <sup>7</sup> Sa yena mūsa Cohācjū yedohoye mehna cahacjāna ijierare mūsa yojoḡpūre. Tiquiro pohna ijire mūsa. Sa yena tiquiro pohna ijina, Cohācjū tiquiro ohoatire cūonata.

### *Pablo Galacia cjēnare Jesu yequinare cuesāhye*

<sup>8</sup> Panopū Cohācjüre mūsa masiena ijina “Cohācjū ijire”, mūsa niñe queoyere ño peona ti queoye cahacjāna ijimahye mūsa. Mūsa sa ño peoyequina cohāmana waro ijierahye. <sup>9</sup> Sa ijirina ijiepenata yojoḡpūre Cohācjüre masine mūsa. Ijierare. Tiquiro pūrita mūsa pehere masine. ¿Tiquiro sa masiepegūta dūhse yena ahri yehpa cjēna ye buheye pehere cahmeajari mūsa? Ti buheye dūhseati ijierare. ¿Dūhse yena panopū mūsa yeriro sahata Cristo marieno ye duajari mūsa? ¿Dūhse yena dutiyere mūsa yeducuri mehnata Cohācjū cahapū waha duajari mūsa? Wahasi mūsa. <sup>10</sup> Ihquē decorire, ihquē asārine, ihquē pohēcūrire, ihquē cūhmarine bose decorire dahre dutire mūsa. “Mari

sa yeye mehna dutiye mehna yáhdunata”, ni, tãhotumene m̄sa. <sup>11</sup> M̄sa sa ni tãhotugã m̄sare tutuaro yáhu buheri dãhseati ijieraboaya, yáhu tãhotugã. Sa yegã m̄sare cuesãja.

<sup>12</sup> Yáhu acaye ahrire tutuaro dutiitja m̄sare: Cristore yáhu tãhoturiro sahata m̄sa gãhu tiquireore tãhotuya. Panopã dutiye yeye mehna yáhdũ duayequina ijieramahye m̄sa judio masa ijiãna ijina. Yojoopã pehere yáhu gãhu m̄sa yero saha wahaũ, dutiye yeye mehna yáhdũ dueragũ. Sa yena Cristore yáhu tãhoturiro sahata m̄sa gãhu sata tiquireore tãhotuya.

M̄sa mehna yáhu ijigã quehnoano yeri m̄sa yáhure. <sup>13</sup> Dohatigãputa m̄sare quehnoañe buheyere coã warore buhe ducãũ yáhu. <sup>14</sup> Yáhu sa dohatigã ijiepegãta yáhure yabierari m̄sa. Sa yena yáhure cohã tojoerari m̄sa. Sa yena Cohãcjũ yaquiro angelre, Jesucristo gãhure m̄sa piti caboriro saha yáhure quehnoano piti cari m̄sa. <sup>15</sup> ¿Yojoopãre dãhse wahari m̄sa bucueye? M̄sare ahrire niitja: Purĩñene ducana m̄sa caperire ore we ne yáhure ohoboaya m̄sa. <sup>16</sup> ¿Yáhu mehna cjãna ijiepenata yojoopãre queoro m̄sare yáhu yahuri buhiri ihña tuhtiajari m̄sa yáhure?

<sup>17</sup> Sohõ ijiriquina m̄sare tutuaro cahmesãre. Tiquina tãhotuye sijoro saha ijire. Quehnoañe ijierare. Tiquina m̄sare yáhure yáhdũducagã cahmene, tiquina pehere ño peo dutiye. <sup>18</sup> Quehnoano mehna m̄sa quehnoano wahati pehe m̄sare tiquina cahmesãgã quehnoarĩboaga. Sa ye topãre yáhu mariedagã gãhure tiquina sa cahmesãgã quehnoarĩboaga. <sup>19</sup> Yáhu pohngã, niji wahcõricoro ticoro ñano yáhdũro saha m̄sare ñano wacũ tãhotuaja yáhu. Tee Cristo yero saha m̄sa ijigãpã m̄sare wacũ duhutja. <sup>20</sup> Mianogã m̄sa mehna ijigã tuhtiro marieno bucueye mehna m̄sa mehna yáhu yahugã quehnoaboaga yáhure. M̄sare pajiro tãhotugã niaja yáhu.

### *Agar Sara mehna tiquina ijirire yahuahye Pablo*

<sup>21</sup> Tãhoya m̄sa yáhure. Cohãcjũ dutiyere yeye mehna yáhdũ duana ijiepenata tiquiro dutiye pehere quehnoano masiedare m̄sa. <sup>22</sup> Ohõ saha niahye Cohãcjũ yere tiquina ojoari pũpũ: Abrahã pãaro pacũro ijiahye. Tiquiro cahacjõno Agar wame tiricoro mehna ihcãquirore pohna tiahye. Sa ye tiquiro namono pota Sara wame tiricoro mehna gãhure ihcãquiro pohna tiahye. <sup>23</sup> Sa ijiepegãta tiquiro cahacjõno macũno masa mari yero saha masa bajuahye tiquiro. Tiquiro namono pota macũno pehe “Ihcãquirogã pohna tinata m̄sa”, Cohãcjũ ni yahuriro sahata masa bajuahye tiquiro pehe. <sup>24</sup> Ahri quitĩ marine quehnoano queoye mehna yahure: Cohãcjũ pãa taha masare “M̄sare yedohoutja”, tiquiro niñe yero saha ijire ahriquina numia pãaro numia. Ihcãcoro Sinaĩ wame tidũpã Cohãcjũ dutiyere ohori yero saha ijire. Ticoro Agar ijire. Ticoro mehna mari queoye mehna buhegã judio masa gãhu dutiyere yeducuye mehnata yáhdũ duayequina ticoro yero saha ijire. Tiquina cahacjãna yero saha ijire. <sup>25</sup> Ticoro Sinaĩ wame tidũ Arabiapã ijidũ yero saha ijiricoro ijire. Yojoopãre Jerusalẽ cjãna judio masa dutiye yeye mehna yáhdũ duayequina dutiye cahacjãna yero saha ijire. Sa yeye mari queoye mehna buhegã tiquina ticoro yero saha ijire cahacjõno ticoro ijiro saha. Tiquina Cohãcjũ pohne ijierare. <sup>26</sup> Mari pehe Cristo yequina ijina Cohãcjũ pohna ijiaja. Sa yena uhmãse cjãna ijiaja. Jerusalẽ uhmãsepã ijiri macã cjãna ijiaja mari. Topãre masa tiquina yáhdũatire dutiyere yeye mariedare. <sup>27</sup> Cohãcjũ yere tiquina ojoari pũpũ ohõ saha ni ojoahye Cohãcjũ pohne warore, Sara yero saha ijiricorore yahuro: Pohna mariego, bucueya. Sa ijigo bucueye mehna sañuducuya, niji wahcõno purĩnore masiego ijigo. M̄hã pehe manã cohõrigo ijigo apecoro manã

tiricoro yáhdhoro peyequina pohna tigota. Sa yego bucueya, ni ojoahye panopure ticoro pohna tiato pano Sara yero saha ijiricorore yahuro.

<sup>28</sup> Yúhú acaye, Cohãcjũ nidiro sahata Isaac masa bajuahye. Mari gáhu tiqiro yero saha Cohãcjũ nidiro sahata tiqiro pohna ijiaja mari. <sup>29</sup> Sa ijiepegũta ti pjeppure ihyo ijiriquiro yero saha masa bajuariquiro ñano yeahye apequirore Espiritu nidiro sahata masa bajuariquirore. Yojoꝛũ gáhare sata ijire Cohãcjũ yequinare masa ñano yegũ. <sup>30</sup> Sa yero ohõ saha nine Cohãcjũ yere tiquina ojoari pũꝛũ: “Cahacjõno macũno tiqiro pacũro yere cwo masiedare. Tiquiro namono poto macũno pehe tiqiro pacũro yere cwo masine. Sa ye tiqiro cahacjõnore ticoro macũno mehnata cohã cãhña”, ni ojoahye. <sup>31</sup> Yúhú acaye, ne cahacjõno pohne yero saha ijieraja mari. Sa yena Abrahã namono poto pohne yero saha ijiaja. (Sa yena Cohãcjũ mari Pacũ yere cwo masiaja.)

## 5

*Cristo marine cahacjẽna yero saha ijyere tiqiro duhugũ yeri bato tutuana ijiro cahmene marine*

<sup>1</sup> Sa yero mari cahacjẽna yero saha ijirire potota Cristo marine duhugũ yeri. Tiquiro sa duhugũ yeri bato tutuana ijiaja mũsa. Ti dutiye mehna yáhdhũ duayequina cahacjẽna yero saha ijimedina pari turi cahacjãna sajãedacãhña mũsa.

<sup>2</sup> Yojoꝛũ yéúhú Pablo ahrire yahutja mũsare: “Cuhnucunũ sohtoa cahserogãre mari yáhre nedi mehna yáhdhũnata”, mũsa ni tahotugũ Cristo mũsare tiqiro yedohori dáhseati ijierare mũsare. <sup>3</sup> Ijipihtina ti cahserogãre mũsa yáhre nedi mehna yáhdhũ duanare pari turi ohõ saha ni yahutja yéúhú. Ti cahserogãre mũsa yáhre nedi mehna yáhdhũ duana, apeye Cohãcjũ dutiyere ye pehoerana, yáhdhũsi mũsa. <sup>4</sup> Dutiyere ye ye mehna yáhdhũ duana Cristo pehere cohãri mũsa. Sa yena mũsare Cohãcjũ tiqiro cahñene, tiqiro yáhdhũ duayere duhu cãri mũsa. <sup>5</sup> Sa ijiepegũta Espiritu Santo tutuaye mehna Cohãcjũre mari pehe wacũ tutuaja. Mari sa wacũ tutuagũ “Quehnoana ijire”, ni ihñare Cohãcjũ marine. Tiquiro sa ni ihñagũ marine tiqiro yáhdhũoatire masiaja mari. <sup>6</sup> Cristo Jesu yequina ijina cuhnucunũ sohtoa cahserogãre mari yáhre negũ ne dáhseati ijierare. Ti cahserogãre mari yáhre nedagũ gáhare ne dáhseati ijierare. Sa ijiepegũta Cristo pũritare wacũ tutuana apequinare cahñata mari. Ti wacũ tutuaye pehe ihyo waro ijiro niedare.

<sup>7</sup> Mũsa Cristore quehnoano wacũ tutuamedi. ¿Quehnoañe buheyere mũsare yéúhú acaye judio masa tiquina yáhdhũca dutigũ dáhse yena tiquinare yáhtiri mũsa? <sup>8</sup> Tiquina ye buheye Cohãcjũ mũsare cũriquiro tiqiro ye buheye ijierare. <sup>9</sup> Ahri yéúhú niatire wacũña mũsa: Mehenogã pã pugũ ye ye trigo yáhare quehnoano ti sehsaro saha yéúhú acaye judio masa ye buheye pehere peyequina mũsa mehna cjẽna cahmeboaga. <sup>10</sup> Mari puhtoro Cristore wacũ tutuaja yéúhú. Sa yegũ ahri yéúhú niatire masiaja yéúhú. Cristo yedohoye mehna apeye buheyere camerũre cahmesi mũsa. Tire masiaja yéúhú. Mũsare dojomehne cohteyequina noho ijieyequina ijiaga. Tiquinare Cohãcjũꝛũ buhiri dahrerota.

<sup>11</sup> Yéúhú acaye, “Dutiye ye ye mehna yáhdhũnata”, tiquina ni buheyere yéúhú buhegũ ijigũ judio masa yáhare ñano yeraboaga. Cristo curusapũ tiqiro yariarire yahuye buheyere yéúhú buhiri buhiri tiquina ñano yeri yáhare. Cristo ye buheye mehna judio masa ye buheyere yéúhú buhe moregũ yáhare

ñano yeraboaga tiquina. <sup>12</sup> Músare dojomehne cohteyequina mûsa cuhnu-cunû sohtoa cahserogâre yûhre ne dutiyequina tiquina basi dihita yûhre neahdo.

<sup>13</sup> Yûhû acaye, “Dutiye mehna yûhdûnata”, ni tuhotu dutierare Cohâcjû mûsare. Ti dutiye mehna yûhdûerapenata ti dutiyere yûhdûdûcaeracâhña mûsa. Sa ye mûsa mehna cjênare cahme cahîna, tiquina cahacjêna yero saha yedohoya tiquinare. <sup>14</sup> Ihcâ dutirore quehnoano yena, Cohâcjû dutiyere ye pehona niája mari. Ohô saha ijire ti dutiro: “Mûhû basi mûhû cahîno saha mûhû cahapû ijiyequina gûhûre cahîña”, ni, dutiahye. <sup>15</sup> Sa yena wahiquina yero saha mûsa basi cahme duse tutueracâhña. Sa yena cahmequedacâhña. Mûsa mehna cjêna “Cristo yere duhuari”, nina, quehnoano yeya mûsa.

*Masa ñañene tiquina tutuaro cahmeñene, Espiritu Santo cahmeñe gûhûre yahuahye Pablo*

<sup>16</sup> Espiritu Santo tiquiuro cahmeno sahata ijiya mûsa. Sa yena mûsa ñañene mûsa tutuaro cahmeñene yeracâhña. <sup>17</sup> Ñañene mûsa tutuaro cahmegû Espiritu Santo ihña tuhtire. Tiquiro sa ihña tuhtigû ti ñañene duhu duare mûsa. Sa yena ñañene mûsa tutuaro cahmena, Espiritu Santore ihña tuhtire mûsa. Sa ihña tuhtina tiquiuro cahmeno saha yerare mûsa. Sa ye ñañene mûsa tutuaro cahmeñe Espiritu Santo tiquiuro cahmeñe yero saha ijierare. Sa ye Espiritu Santo tiquiuro cahmeñe ñañene mûsa tutuaro cahmeñe yero saha ijierare ti. Sa yena mûsa cahmeno saha yerare mûsa. <sup>18</sup> Sa yena Espiritu Santo tiquiuro cahmeñene yena ijina “Dutiye mehna mari yûhdûnata”, ni, tuhotuere mûsa.

<sup>19</sup> Masa ñañene tiquina yeyere mari quehnoano masi tuhasaja. Ohô saha ijire ti: Numino mehna ñano yeye, ûmûno mehna ñano yeye, wûana tiye, bûe tiro marieno ñano yeye, <sup>20-21</sup> “Cohâcjû ijire”, tiquina niñe queoyere ño peoye, masare ujuayequina yayia tiquina yeye, ihña tuhtiyere, cahme duse tini wiaye, doeye, usuaye, tiquiuro basi dihita cûo duaye, ihña tuhti cahme tu waye, ihcâ curua cjêna ape curua cjênare ihña tuhtiyere, apequina yere cooye, masare wejêñe, queheye, queheye bose decorire yeye, ohô saha ijiye ijire ñañene yeye. Panopû mûsare cuaro mehna yûhû nidiro sahata yojopû gûhûre niitja: Ti borore yeriquina Cohâcjû puhtoro ijiropûre ûhmûsepûre ne esasi.

<sup>22</sup> Espiritu Santo pehe marine ohô saha yena ijigû yere: Masare cahîna, bucûena, cûeye mariena, usua mûñena, apequinare quehnoano yena, quehnoana, duhuro marieno Cohâcjû cahmeñene yena, <sup>23</sup> quehnoano mehna yena, tiquina ñañe ye duarire yerana ijigû yere marine tiquiuro. Sa yeyequinare “Sa yeracâhña”, ne ihcâquiuro niedare. <sup>24</sup> Cristo Jesu yequina ijina tutuaro mari ñañene ye duarire cohâ tuhasa. <sup>25</sup> Espiritu Santo marine Cohâcjû mehna sa ijuducugû yerota. Sa yena tiquiuro cahmeno sahata yeducuna ijihna mari.

<sup>26</sup> “Apequinare masi yûhdûdûcaja usâ”, ni, tuhutuna ijieracâhna mari. Sa yena mari mehna cjênare usuagû yeracâhna mari. Sa yena mari basi cahme coeracâhna.

## 6

*Mûsa mehna cjênare yedohoya*

<sup>1</sup> Yûhû acaye, ihcâquiuro mûsa mehna cjêno tiquiuro ñañene yegû Cristore quehnoano wacû tutuana ijina cahîne mehna tiquiore yedohoya quehnoañene pari turi tiquiuro yeatire. Sa yena mûsa gûhû “Ñañene tutuaro cahmeari”, nina quehnoano yeya. <sup>2</sup> Mûsa mehna cjêna tiquina ñano yûhdûgû

gũhare yedohoya tiquinare. Mũsa sa yena Cristo tiquiroy dutiro saha yena ninata mũsa.

<sup>3</sup> Ihcãquiro ihyo ijiriquiro ijieperota “Apequinare masi yũhdũdũcaja”, ni tũhoturo, tiquiroy basi ni mehoñe dihitate tũhoturiquiro ijire. <sup>4</sup> Ihquẽquina mũsa sehũsaro mũsa yerire “Ahri quehnoañe ijire. Ahri ñañe ijire”, ni masiña. Sa masina mũsa yeri quehnoañe ijigũ mũsa basi bucuenata. Sa yena “Apequinare masi yũhdũdũcaja”, nisi mũsa. Sa niedana apequinare mũsa yũhdũdũcari mehna bucuesi mũsa. <sup>5</sup> Sa yero Jesu yaquiro Cohãcjũ yere tiquiroy basi yere. Apequiro masano tiquiroyre tire yedoho masiedare.

<sup>6</sup> Sa yena quehnoañe buheyere buheriquirore apee boro mũsa cũoyere tiquiroyre ohoya mũsa tiquiroy buhena.

<sup>7</sup> Oteyere oteriquiro ñañe pjerire otero ñañe dũcare cũorota. Quehnoañe pjerire otero quehnoañe dũcare cũorota. Ohõ saha mari gũhũ ñañene yena ñañene cũonata. Sa yero mari ñari buhiri buhiri dahrerota. Quehnoañene yena quehnoañene cũonata. Sa yena quehnoano ijinata. Sa yena “Ûsã ñañene yegũ Cohãcjũ usãre buhiri dahresi”, ni tũhotueracãhña. Ñañene yeyequina Cohãcjũre bujũpeyequina ijire. Cohãcjũre bujũpeyequinare buhiri dahrerota tiquiroy. <sup>8</sup> Mari ñañene tutuaro cahmena, tire yena, ti mehnata yarianata. Sa yena pecapũ wahanata. Espiritu Santo pehe tiquiroy cahmeñene mari yegũ tiquiroy marine ijipihtiyey decori uhmũsepeũ ijiducugũ yerota. <sup>9</sup> Sa yena quehnoañene yena tire caributieracãhna mari. Cohãcjũ tiquiroy queori pje ijigũ quehnoañene cũonata mari caributierana. <sup>10</sup> Sa yena ijipihtiyeyequinare mari ihñañequinare quehnoano yeiha mari. Mari acaye Jesu yequina pũritare apequina yũhdũoro quehnoano yeiha.

### *Pablo yahu bato tiro, quehnoa duti bato tiahye*

<sup>11</sup> Bujũye letra yũhũ ojoari mehna ya omoca mehna mũsare yũhũ ojoarire ihñaña mũsa. <sup>12</sup> Mũsare cuhnucunũ sohtoa cahserogãre yũhre ne dutiyequina masa tiquinare ño peogũ cahmene. Cristo curusapũ tiquiroy yariarire yahuye buheyere mari buheri buhiri masa ñano yere marine. Tiquina sa yegũ ihñañe ahriquina mũsare cuhnucunũ sohtoa cahserogãre yũhre ne dutire “Judio masa ye buheyere yeaja”, niñe. Sa tiquina ye dutigũ judio masa tiquinare ñano yeraboaga. Sa ye ti cahserogãre yũhre ne dutire. <sup>13</sup> Mũsare ti cahserogãre yũhre ne dutiyequina pehe Cohãcjũ tiquiroy dutirire ye pehoerare. Sa ye ti cahserogãre mũsare tiquina yũhre ne dutiri bato mũsa yũhtigũ ihñañe, judio masa pehe tiquinare mũsare yũhre ne dutiyequinare ño peoboaga. Tiquina sa ño peoatire mũsare dutire tiquina.

<sup>14</sup> Yũhũ pehe masa yũhare tiquina ño peogũ cahmeda yũhdũaja. Mari pũhoro Jesucristo curusapũ tiquiroy yariari pehere masa tiquina ño peogũ cahmesãja yũhũ. Sa curusapũ tiquiroy yariagũ ahri yehpa cjẽ ñañene watĩno yũhare tiquiroy ye dutigũ yerũ yũhũ. Sa yariaro ti ñañene yũhare cahmedagũ yeri tiquiroy. <sup>15</sup> Tiquiroy sa yegũ Cristo Jesu yequina ijina ti cahserogãre mari yũhre negũ ne dũhseati ijierare. Ti cahserogãre mari yũhre nedagũ gũhare ne dũhseati ijierare marine. Sa ijiepegũta quehnoañe pehere mari comesagũ pũritare quehnoare. <sup>16</sup> Ijipihtina ahri yũhũ buherire yena, potota Cohãcjũ yequina ijina, cuero marieno quehnoano ijija mũsa. Sa yena Cohãcjũ tiquiroy paja ihñano mehna ijija mũsa.

<sup>17</sup> Mari pũhoro Jesu cahacjũ yũhũ ijiri buhiri yũhũ pagure cami tiaja yũhũ. Yũhũ sa ijirigũ ijigũ yojopure apequina yũhare cariboeracãhdo.

<sup>18</sup> Yũhũ acaye, mari pũhoro Jesucristo mehna mũsare ijipihtinare quehnoa dutiaja. Sata ijiahro.

## Efesios

### *Efeso cjenare oja ohoahye Pablo*

<sup>1</sup> Yuhu Pablo musare Efeso wame tiri maca cjenare oja ohoaja. Yuhu Jesucristo yere buhe duti tiquiro cūrigū ijiaja. Cohācjū tiquiro cahmeno sahata Jesu yuhare tiquiro yere buheacjūre cūri. Sa yegū musare Jesucristore sa wacū tutuadacunare oja ohoaja yuhu. <sup>2</sup> Sa yegū Cohācjū mari Pacu mehna, mari pūhtoro Jesucristo mehna musare quehnoa dutiaja. Tiquina yedohoye mehna quehnoano ijia musa.

### *Cristo yequina mari ijigū ihñano Cohācjū quehnoano yere marine*

<sup>3</sup> Cohācjū, mari pūhtoro Jesucristo Pacuro marine quehnoano yeducure. Ijipihtye tiquiro ye uhmuse cje quehnoañe mehna tiquiro marine quehnoano yeducure. Marine tiquirore quehnoano wacū tutuagū yeducure. Cristo yequina mari ijigū ihñano sa marine quehnoano yeducure. Tiquiro sa yeriquiro ijigū ihñana quehnoano ño peoye mehna tiquirore quehnoano yahuducuuhna. <sup>4</sup> Ohō saha yeahye tiquiro marine tiquiro yequinare: Ahri yehpa ijiato pano tiquiro yequina ijianajare bese tuhasahye tiquiro marine. Sa beseahye marine ñañe mariena mari ijiatire. Sa yena ñañe mariena ijiaja mari, tiquiro ihñagū. Sa yero marine “Ñana ijire musa”, nisi tiquiro. <sup>5</sup> Marine cahño, paja ihñano panopū ohō saha niahye tiquiro marine: “Yuhu macū Cristo yedohoro mehna tiquina yuhu pohna ijieti”, ni cūahye marine panopū. Tiquiro cahmediro sahata sa yeahye tiquiro marine. <sup>6</sup> Marine tiquiro sa quehnoano yegū ihñana ño peoye mehna tiquirore quehnoano yahuducuuhna. Tiquiro macuno tiquiro cahñiquiro yequina mari ijigū ihñano quehnoano yere marine. Sa yena tiquirore quehnoano yahuducuuhna.

<sup>7-8</sup> Cristota ijire marine pecapū wahaborinare yuhduoriquiro. Mari ñañe yerire tiquiro cohāgū ihñano, Cohācjū pehe mari ñañene bore. Cristo mari ñañe buhirire yariaro tiquiro diire cohāhye. Marine tutuaro cahño, marine paja ihñano sa ye dutiahye Cohācjū. Tiquiro masi pehoye mehna sa ye dutiahye tiquiro. <sup>9-10</sup> Sa yero marine tiquiro yeatire marine masigū yeri. Panopū apequinare tire masigū yerahye tiquiro. Ohō saha ijire marine tiquiro yeati: Tiquiro cahmediro sahata tiquiro tuhoturiro sahata ijipihtiyequinare ihcā curuata Cristo yequina ijigū yerota. Sa yero ijipihtiyere tiquiro ye ijigū yerota. Tiquiro queori pje ijigū uhmuse cjenare, ahri yehpa cjena gūhare, ihcā curuata tiquiro yequina ijigū yerota. Sa yero uhmuse cjene, ahri yehpa cje gūhare tiquiro ye ijigū yerota. Sa yero Cristo pehe ijipihtiyequina pūhtoro ijirota. Sa ye ijipihtye tiquiro ye dihita ijirota. Sa ijiatiquiro iji dutiahye Cohācjū tiquirore.

<sup>11</sup> Sa yero Cristo yequina mari ijiatire masino panopū Cohācjū marine bese tuhasahye tiquiro yequina mari ijiatire. Ahri ijipihtiyere cūahye tiquiro tuhoturiro sahata, tiquiro cahmediro sahata yero taro. <sup>12</sup> Sa yeahye tiquiro yere mari yeatire. Mari sa yegū ihñañe apequina tiquirore ño peoye, “Tutuagū ijire mūhū”, nine. Ūsā pehe judio masa Jesure cahme ducarina ijina tiquirore wacū tutua mūhtarina ijii. <sup>13</sup> Musa gūhū poto yahuducuyereta quehnoañe buheyere tuhori. Ti buheye mehnata Cohācjū cahapū wahanata musa. Tire tuhona tiquirore wacū tutuari musa. Sa wacū tutuana tiquiro yequina wahari musa. Tiquiro yequinare ohō saha niahye Cristo: “Musare Espiritu Santore ohoutja”, ni yahu cūahye. Sa yero tiquirore musa wacū



tutuagū ihñano Espiritu Santore ohori mūsare. Sa yero Espiritu Santo mūsa mehna ijiro Cohācjū yequina mūsa ijiye tiyere masigū yere tiquiro pehe. <sup>14</sup> Cohācjū marine yūhdūgū yere. Sa yero came tiquiro cahapū neanota marine. Marine tiquiro neato pano Espiritu Santo pehe Cohācjū yere mari cūoatire masigū yere marine. Cohācjū marine tiquiro sa yegū ihñana tiquirore ño peoye mehna “Quehnoagū ijire mūhū”, niaja mari.

### *Pablo Cohācjāre sini basahye Jesu yequinare*

<sup>15-16</sup> Cristore mūsa wacū tutuana ijigū ihñagū Cohācjāre sa sini basadu-cuaja mūsare. Jesucristore mūsa wacū tutuarire, ijipihitiyequina tiquiro yequinare mūsa cahīdire tūhogū Cohācjāre “Quehnoare”, niaja. Ohō saha tiquirore sini basaja mūsare: <sup>17</sup> Cohācjū ūhmūse cjēno tiquiro yere mūsa quehnoano masiatire sini basaja. Sa yegū tiquirore mūsa quehnoano masiatire sini basaja mūsare. Tiquiro mari pūhoro Jesucristo Pacuro ijire. <sup>18</sup> Sa yegū mūsa quehnoano masiatire mūsare sini basaja Cohācjāre. Tiquiro mūsare yūhdūoro, tiquiro yequina ijigū yeri mūsare. Tiquiro sa yegū quehnoa yūhdūare marine. Tīre mūsa masiatire sini basaja mūsare Cohācjāre. Sa yegū marine tiquiro ohoatire quehnoa yūhdūaye ti ijigū gūhūre mūsa masiatire sini basaja. <sup>19</sup> Ohō saha mūsa masiatire sini basaja mūsare Cohācjāre. Cohācjāre wacū tutuana mari ijigū ihñano tiquiro tutuaye mehna marine yedohore. Tutua yūhdūariquiro ijire. Ti gūhūre mūsa masiatire sini basaja Cohācjāre. <sup>20</sup> Ti tiquiro tutuaye mehna tiquiro Cristo yariariquirore masoahye. Sa yero ūhmūsepū tiquiro poto pehepū Cristore dujigū yeahye Cohācjū, ijipihitiyequinare tiquiro dutiatio saha. <sup>21</sup> Topū dujiro ijipihitiyequina ūhmūse cjēna pūhota bui, ijipihitiyequina apequina bui ijire Cristo. Sa yero yojopūre ijipihitiyequina ahri deco cjēna bui pūhoro ijire. Camepū ijipihitiyequina ape deco cjēnapū gūhūre tiquina bui pūhoro ijiatiquirota ijire tiquiro. <sup>22</sup> Sa yero ijipihitiyequina bui cūahye Cohācjū Cristore. Sa yero ijipihitiyere cūoriquiro yeahye tiquirore. Sa yero Cristo yequina ihcā curua ijieyquina bui pūhoro sōahye tiquirore. Tiquina dapu ijire tiquiro pehe. <sup>23</sup> Cristo yequina ihcā curuata ijina, tiquiro pagū yero saha ijiaja. Cristo ijipihitropū sa ijiducure. Sa yero ijipihitiye tiquiro bajumehnedi mehna sa ijiducure.

## 2

### *Cohācjū marine cahīno, paja ihñano yūhdūoahye marine*

<sup>1</sup> Ñañe buhiri tina, pecapū butiborina mūsa ijiepegūta Cohācjū mūsare yūhdūori. <sup>2</sup> Panopūre ahri yehpa cjēna Cohācjāre yūhdūdcayequina yero saha yemedi mūsa. Sa yena watīno tiquiro nidiro saha yemedi mūsa. Tiquiro watīno ahri yehpapū dutiriquiro Cohācjāre yūhdūdcayequina pūhoro ijire. <sup>3</sup> Panopūre ijipihitina mari ohō saha dihita yerina ijimi. Mari ñañe dihitare tutuaro cahmemi. Mari esa tuharo, mari tūhoturiro saha yemi. Sa yena ijina ijipihitiyequina apequina yero saha, mari gūhū ñana ijimi. Mari sa yena ijigū ihñano Cohācjū mari mehna usuaro, buhiri dahre duamahye. <sup>4</sup> Sa ye duariquiro ijieperota marine tutuaro paja ihñano, quehnoano cahīdi marine. <sup>5</sup> Sa cahī yūhdūaro, mari ñañe buhiri pecapū butiborina mari ijiepegūta marine tiquiro mehna sa ijiducuanaja ijigū yeri. Cristo yequina mari ijigū ihñano marine sa yeri. Marine paja ihñano, yūhdūori tiquiro marine. <sup>6</sup> Sa yero Cristo yequina mari ijigū ihñano Cohācjū marine came tiquiro masoatinare cūri. Cristo tiquiro masoatinare cūri marine. Sa yena tiquiro mehna masa mūjanata mari. Sa yero ūhmūsepū marine Cristo mehna



ijigū yerota Cohācjū. <sup>7</sup> Ohō saha yeri marine tiqiuo paja ihñarire, camepū ijiatiquinare masigū yero taro. Sa yeri tiqiuo tutuaro cahñene tiquinare masigū yero taro. Cristo yequina mari ijigū ihñano sa yuhduori tiqiuo marine.

<sup>8</sup> Cristore mari wacū tutuagū ihñano Cohācjū marine pecapū wahaborinare yuhduori. Marine paja ihñano, marine cahño marine yuhduori. Mari esa tuhoro mari quehnoano yeye mehna Cohācjū cahapū waha masiedaja mari. Cohācjū pehe marine yuhduore. Sa yero tiqiuo mehna mari sa ijiducuatire ohore marine. Tiquio sa ohogū mari esa tuhoro quehnoañene mari yeri wapa ijierare ti. <sup>9</sup> “Ūsā esa tuhoro pecapū wahaborina yuhduu’, niboaga”, nino ohō saha dutiahye tiqiuo: Mari esa tuhoro yuhdu dutierare marine.

<sup>10</sup> Cristo yequina ijigū yeri marine Cohācjū pehe quehnoañene dihitare yeanaja mari ijiatire. Panopū quehnoañene mari yeatire cū tuhasahye tiqiuo marine.

### *Cristore cūona mari quehnoano ijiaja*

<sup>11</sup> Sa yena panopū mūsa ijie tirire yojopū gāhure wacūña mūsa. Cristo yequina ijieranina judio masa ijiena ijina mūsa acaye yero saha yerina ijimedi mūsa. Cuhnucunū cahserogāre yāhre nedari mūsa. Mūsa sa yāhre nedagū ihñana ūsā judio masa pehe cuhnucunū cahserogāre yāhre nena pehe mū sare ihña tuhtina ohō saha nie tii. “Cuhnucunū cahserogāre yāhre neeñequina ijiye, Cohācjū yequina ijierare”, nie tii mū sare. <sup>12</sup> Ti pjere Cristo yequina ijierari jimedi mūsa. Ūsā judio masa pehe Cohācjū beserina ijie tii. Ūsā sa ijigū “Mū sare yuhduotja”, ni cūahye Cohācjū ūsāre. Sa yena mūsa pehe tiqiuo sa ni cūrina ijierari jimedi. Sa ye Cohācjū beseriquinare ihña tuhtina ijinimedi mūsa. Mūsa ñañe buhirire pecapū wahanaja ijiri jimedi mūsa. Cohācjū mariena ijina pecapū waha, butūborina ijie tiri jimedi mūsa.

<sup>13</sup> Yojopū pehere Cristo Jesu yequina ijire mūsa. Panopū Cohācjūre ihña tuhtirina ijiepenata, yojopūre tiqiuo yequina ijire mūsa. Cristo mūsa ñañe buhiri curusapū tiqiuo dii cohāri bato Cohācjū yequina ijigū yeri mū sare. <sup>14</sup> Ūsāre judio masare ihña tuhtina mūsa ijigū ihñano Cristo marine ihña tuhti dutierari. Masare sa ni yahuriqiuo ijire tiqiuo. Ūsā judio masa, judio masa ijiena mehna pūa curua mari ijigū ihñano, tiqiuo ihcā curuata ijigū yeri marine. Mari cahme ihña tuhtirire duhugū yeri tiqiuo. <sup>15-16</sup> Ohō saha tire yeri tiqiuo: Mari ñañe buhirire curusapū yariaro marine pecapū wahaborinare yuhduori. Sa yuhduoro tiqiuo yequina ijigū yeri marine. Sa yero pūa curua mari ijiepegūta ihcā curuata wahma curua ijigū yeri marine. Sa yero panopū mari cahme ihña tuhtirina mari ijiepegūta marine ihña tuhtieragū yeri. Sa yero judio masa ūsā dutiyere cohāri tiqiuo. Ti dutiye marine pūa curua iji dutiri jimedi. Yojopūre ihcā curuata ijiaja mari. Sa yero Cristo Cohācjū yequina ijigū yeri marine.

<sup>17</sup> Sa yero marine cahme ihña tuhtieragū yero taro Cristo quehnoañene buheyere yahuro ahtahye. Mūsa judio masa ijiena Cohācjū yere cūoerari jimedi. Mūsa sa cūoeragū ihñano mū sare yahuro ahtahye. Ūsā judio masa pehe Cohācjū yere cūou. Ūsā gāhure yahuro ahtahye. Sa yero ijipihtinare marine cahme ihña tuhtieragū yero, bosaro ahtahye tiqiuo. <sup>18</sup> Yojopūre ijipihitina mari judio masa, judio masa ijiena gūhū mari Pacū mehna quehnoano iji masiaja mari. Espiritu Santo tiqiuo yedohoye mehna mari Pacū mehna quehnoano iji masiaja mari. Cristō pehe marine sa ijigū yeri.

<sup>19</sup> Sa yena yojopūre ape dihta cñena yero saha ijierare mūsa. Yojopūre Cohācjū yequinare ihña tuhtina ijierare mūsa. Cohācjū yequina mehna cñana ijire mūsa. Tiquio ya curua cñana ijire mūsa. <sup>20</sup> Cohācjū yere yahu

mahtariquina panopu cjenā tiquiro ye yahuducuyere ojoa, musare yahue tiahye. Usā gūhu tiquiro yere yahu dutiro tiquiro cūrina gūhu Cristo yere yahue ti musare. Usā ijiphtina sa yahugū tūhona, Cristore wacū tutua ducari musa. Quehnoa yūhdūariquiro, ñaŋe marieniquiro ijiro, tiquiro yequina ijigū yeri tiquiro musare. Tiquiro marriedagū mari ne yūhdūeraboya. <sup>21</sup> Sa yero tiquiro masiñe mehna marine tiquiro yequinare ihcā curua ijigū yeri tiquiro. Sa yena tiquiro masiñe mehna quehnoana wahaja mari. Mari sa ijigū ihñano, tiquiro mari mehna ijire. <sup>22</sup> Sa yena Cristo yequina ijina ijiphtiyequina apequina tiquiro yequina mehna ihcā curua wahari musa gūhu. Musā sa wahagū Cohācjū yaquiro Espiritu Santo musa mehna ijiro nine.

### 3

#### *Judio masa ijieyequinare quehnoañe buheyere yahuriquiro ijiahye Pablo*

<sup>1</sup> Sa yegu yūhu Pablo, Cristo Jesu yere musare ijiphtina judio masa ijenare yūhu yahuri buhiri peresupu ijiaja yūhu. <sup>2</sup> Cohācjū yūhure paja ihñano, yūhure cahino, quehnoañe buheyere musare judio masa ijenare yūhure yahu dutiro, cūri. Tire tūho tuhasari musa. <sup>3</sup> Panopu musare tiquiro yahuer-  
arire Cohācjū yojopure yūhure masigū yeri. Ahrire mehenogā yahu, musare ojoa tuhasau. <sup>4</sup> Yūhu sa ojoarire buhena Cristo yere yūhure tiquiro masigū yerire masinata musa. <sup>5</sup> Ti tiquiro yahurire panopu cjenare tiquiro yahuer-  
ahye. Yojopu pehere usāre Jesu cūrinare, Cohācjū yere yahu mahtariquina gūhure tiquiro yahurire masigū yeri Cohācjū. Tiquiro yaquiro Espiritu Santo pehe usāre masigū ye basari tiquiro. <sup>6</sup> Ohō saha ijire tiquiro yahuri: Usā judio masa dihitare Cohācjū yūhdūoerare. Judio masa ijieyequina gūhure yūhdūorota tiquiro. Quehnoañe buheyere tiquina quehnoano tūhogū yūhdūorota tiquiro tiquinare. Sa yena usā judio masa, musa judio masa ijiena mehna ihcā pagu yero saha ihcā curuata ijiaja mari. Sa yena mari ijiphtina Cristo Jesu yequina ijina ihcāno saha Cohācjū “Musare yūhdūoutja”, tiquiro ni cūriro sahata tiquiro yūhdūonohrina ijiaja mari.

<sup>7</sup> Cohācjū yūhure paja ihñano, yūhure cahino ahri quehnoañe buheyere yahuacjare yūhure cūri. Tiquiro masiñe mehna sa cūri yūhure tiquiro. <sup>8-10</sup> Ijiphtiyequina apequina Jesu yequina docapu ijieyequina tiquina docapu waro ijiaja yūhu. Yūhu sa ijepegūta judio masa ijieyequinare quehnoañe buheyere yahuacjare cūri Cohācjū yūhure. Ti buhaye Cristo quehnoa yūhdūariquiro tiquiro ijiyere, quehnoa yūhdūye tiquiro cūoyere tiquiro ohoatire yahure marine. Yūhure sa cūno Cohācjū “Ohō saha yūhdūoutja masare pecapu wahaboriquinare”, nino tiquiro yūhdūoatire quehnoano yahu pehoacjare cūri tiquiro yūhure. Sa yero panopu cjenare ti buheyere ne yahu pehoeraniahye Cohācjū. Ijiphtiyere bajumehnidiquiro ijire tiquiro. Yojopure quehnoañe buheyere yahu dutiro cūri tiquiro yūhure, tiquiro quehnoano masi pehoyere masigū yero taro. Masi pehoriquiro tiquiro ijie tyere ūhmase cjenā dutieyequinare, angele puhtoā gūhure masigū ye duahye tiquiro. Sa yero taro quehnoañe buheyere buhe dutiri marine Jesu yequinare. Musare judio masa ijenare yahu dutiri yūhure.

<sup>11</sup> Ahri yehpa ijiaato panoputa “Masare pecapu wahaboriquinare yūhdūoutja” niahye Cohācjū. Sa nidiquiro ijiro yojopure mari puhtoro Cristo Jesu tiquiro yariaro mehna tiquiro nidiro sahata marine yūhdūori Cohācjū. <sup>12</sup> Tiquiro sa yūhdūogū yojopure Cristore wacū tutuana tiquiro yequina wahaja mari. Tiquiro yequina ijina cuero marieno Cohācjū mehna yahuducu masiaja mari. <sup>13</sup> Quehnoañe buheyere musare yūhu buheri buhiri yojopure peresupu ijigu yūhu ñano yūhdūgū ihñana bujua witiacāhña.

Quehnoañe buheyere yuhū yahugū tūhona Cohācjū yequina wahari mūsa. Yuhū sa yeri buhiri peresupū ijiaja. Sa yegu mūsa ye ijiatire ñano yuhdūgu niaja. Sa yena bucueya mūsa. Tire tutuaro bucue dutiaja mū sare.

*Cristo masare tutuaro cahīne*

<sup>14</sup> Sa yegu ahri ijiphtiye mari Pacū tiquiro yerire wacūgu tiquiro potodūsepe curi mehna quehe sagū sini basaja mū sare. <sup>15</sup> Tiquiro ijiphtiye cururi cjēna, tiquiro yequina hūmūsepu ijieyēquina, ahri yehpapū ijiniñequina gūhū tiquina Pacūro ijire. Ijiphtina mari Pacū ijire tiquiro. <sup>16</sup> Tiquirore ohō saha ni sini basaja mū sare: Tiquiro masi pehoriquiro ijire. Tutua yuhdūariquiro ijire. Sa yero tiquiro masiñe mehna mū sare quehnoano tiquiro wacū tutuagū yeatire sini basaja. Espiritu Santo yedohoro mehna sa yerota.

<sup>17</sup> Sa yegu Cristore mūsa wacū tutua nemoatire tiquiro mūsa mehna tiquiro quehnoano ijiatire sini basaja mū sare. Sa yegu apequinare quehnoano cahīna mūsa ijigū, Cristo tiquiro tutuaro cahīñene mūsa masiatire sini basaja mū sare. <sup>18-19</sup> Ijiphtiyequina apequina Cohācjū yequina gūhū Cristo tiquiro tutuaro cahīñene tiquina masiatire sini basaja. Tiquiro ijiphtiyequina masare cahī yuhdūariquiro ijire. Sa cahīniquiro tiquiro ijie tiyere mūsa quehnoano masiatire sini basaja mū sare. Sa yegu tiquiro cahīñene mūsa masigū cahmeaja mūsa mehna Cohācjū quehnoano ijiatire. Quehnoa yuhdūariquiro, ñañe marieniquiro tiquiro ijiro saha mūsa wahatire tiquiro cahīñene mūsa masigū cahmeaja. Sa yegu tiquiro cahīñene mūsa masiatire sini basaja mū sare Cohācjūre.

<sup>20</sup> Sa ye Cohācjūre ño peoye mehna “Tiquiro tutuariquiro ijire”, niuhna mari. Tiquiro masiñe mehna quehnoañe pehere comesa masine tiquiro marine. Marine quehnoana ijigū ye masine. Mari sinidi yuhdūoro ye masine tiquiro. Mari cahmeñene mari tūhoturi yuhdūoro ye masine tiquiro. <sup>21</sup> Cristo Jesu yequina mari ijigū ihñañe, Cristo ijie tiye gūhare ihñañe, ijiphtiye decori ijiphtiyequina Cohācjūre ño peohoro. Sata yeahro.

## 4

*Cristo yequina ijina ihcā curuata ijiaja mari*

<sup>1</sup> Sa yegu mū sare tutuaro yahuaja: Cohācjū tiquiro yequina ijiatinare mū sare besee tiahye. Sa yena tiquiro beserina ijina tiquiro iji dutiriro saha quehnoana ijiaja mūsa. Tire mū sare yahuaja yuhū. Mari puhtoro yuhū yedohori buhiri peresupū ijiaja yuhū. Sa ye mū sare quehnoana iji dutiaja. <sup>2</sup> “Ušā pūrita masi yuhdūducaja”, ni tūhotuna ijieracāhña. Apequinare quehnoano mehna yeya usuaro marieno. Mūsa mehna cjēna mū sare tiquina ñano yepegāta tiquinare cahīne mehna sa ihña cāhña. <sup>3</sup> Sa yena Espiritu Santo yedohoye mehna quehnoano mehna ihcāno mehna ijiducuya mūsa. Sa yena cahmequeno marieno ijinata mūsa. <sup>4</sup> Ihcā pagū yero saha ihcā curua ijiaja mari. Sa yero Espiritu Santo ihcāquirotā ijire. Cohācjū tiquiro yequina ijianajare mū sare besee tiahye mū sare yuhdūoro taro. Sa yena tiquiro yuhdūoatire masine mūsa. Ti mūsa masidi ihcānota ijire. <sup>5</sup> Mari puhtoro Cristo ihcāquirotā ijire. Tiquiro buheye gūhū ihcānota ijire. Tiquiro yequinare wame yeye gūhū ihcānota ijire. <sup>6</sup> Sa yero Cohācjū ihcāquirotā ijire. Tiquiro ijiphtiyequina Pacūro ijire. Sa yero mari puhtoro ijire. Sa yero ijiphtinare marine yedohore tiquiro. Ijiphtina mari mehna ijire tiquiro. Sa yero ijiphtiropu ijire tiquiro.

<sup>7</sup> Ihcā curua mari ijiepegāta ijiphtina marine mari ye masiatire cūri Cristo. Tiquiro cūriro sahata ye masiaja mari. Tiquiro marine sa cūno apee borore

tiquiro sa oho cãriro saha yero nidi tiquiro. <sup>8</sup> Sata nine Cohãcĵũ yere tiquina ojoari pũrũ:

Cohãcĵũre ihña tuhtieyquinare tiquiro yũhdũdcari bato tiquiro pari turi mũjaa waharota. Sa mũjano tiquiro peye sa oho cãnota masare, ni ojoahye panopũre.

<sup>9</sup> “Tiquiro pari turi mũjaa waharota”, tiquiro nigũ coã warore tiquiro dijia tari gũhũre mari masiaja. Ahri yehpapũre tiquiro dijia tarire mari masiaja. <sup>10</sup> Sa yero ohõpũre dijia tariquiro tiquirota ijire mũjaa wahariquiro. Ijipihtiye bui mũjaa wahari tiquiro, ijipihtiropũ ijiro taro. <sup>11</sup> Tiquiro ijire “Masare peye sa oho cãriquiro”, tiquina nidiquiro. Masare tiquiro sa oho cãno saha tiquiro peye tiquina ye masiatire cũri masare.

Ohõ saha cũri tiquiro: Ihquẽyquinare Cristo ye buheyere buheatiquinare cũri. Apeyquinare Cohãcĵũ yere yahu mũhtatiyquinare cũri. Quehnoañe buheyere buhe tiniatiyquinare apeyquinare cũri. Cristo yequina cahmeoañequina pũtoa ijiatiquinare, quehnoano buheatiquinare cũri apeyquinare.

<sup>12</sup> Sa dihita cũri marine apeyquinare tiquiro yequinare mari yedohoatire. Sa cũri marine tiquiro yequinare tiquirore mari wacũ tutua nemoatire, tutuana mari wahatire. <sup>13</sup> Sa yena mari ijipihina quehnoano mehna ihcãno mehna ijinata. Sata ijiro cahmene marine Cristore wacũ tutuana ijina. Sa yena mari ijipihina Cohãcĵũ macanore quehnoano masinata. Sa yena Cristo tutuariquiro, quehnoano masiniquiro tiquiro ijiriro saha mari gũhũ quehnoano masina wahanata.

<sup>14</sup> Mari sa wahana macanagã yero saha ijisi mari. Macanagã quehnoano tũho masiedarĩaga. Apeyquina tiquina buhegũ “Ahri poto ijire”, ni tiquina ni meho buhegũ macanagã yero saha ijieyquina apeye buheyere tũho, beseducure. Sa ye apeyquina tiquina sijoro saha buhegũ ti buheye pehere cahmene. Tiquina yero saha ijisi mari.

<sup>15</sup> Ohõ saha yenatja mari: Mari mehna cĵẽnare cahme cahña, poto quehnoañe buheyere yahunatja tiquinare. Sa yena macanagã tiquina bũcũa tũho masiñequina tiquina wahariro saha mari gũhũ tutuana, Cohãcĵũ yere quehnoano masina wahanatja. Cristo ijiro saha wahanata.

Tiquiro ijire mari dapu. <sup>16</sup> Tiquiro yequina ijina tiquiro pagũ yero saha ihcã curuata ijiaja mari. Sa yena mari caperi, mari cahmo, mari dahpocãri ihcã pagupũ ti quehnoano ijiro saha mari gũhũ peyequina ijiepenata ihcãno mehna quehnoano ijiaja. Mari sa ihcãno mehna mari ijiatire Cristo yedohore. Mari omocari mari pagũre ti quehnoano yedohoro saha mari quehnoano yedohoaja apeyquinare Cristo yequinare. Sa yena mari mehna cĵẽnare Cristo yequinare quehnoano cahña, tiquinare quehnoano yedohona, tutuana Cristore wacũ tutua nemonã wahanata mari.

*Cristo yequina wahana mari ñañe yeyere duhu, quehnoañe pehere came-saja mari*

<sup>17</sup> Sa ye mari pũhtoro Cristo tiquiro dutiro mehna ohõ saha niitja mũsare: Cohãcĵũre cahmeeñequina waro yero saha yeracãhña mũsa. Tiquina tũhotuye pehe ñañe dihita ijire. Sa ye tiquina tũhotuye dahseati ijierare. <sup>18</sup> Sa yero Satana Cohãcĵũ yere tiquinare tũhoeragũ yere. Sa ye tiquiro yere ne tũhoerare. Tũho duerare tiquina. Sa ye Cohãcĵũ tiquiro quehnoano iji dutiriro saha ijierare tiquina. <sup>19</sup> Sa ye tiquina ñano yeye ne bũe tiera yũhdũare. Ne bũjũa witierare. Ñañene tiquina tutuaro cahmeñe dihitarẽ yeducure. Ijipihtiye ti ñañene yeducuye duhu duerare. <sup>20-21</sup> Mũsa pehe poto tiquiro yere tũhona mũsa ijigũ, Jesu yere quehnoano masina mũsa ijigũ mũsa

pehere tiquina yero saha ye dutierare tiquiro. <sup>22</sup> Sa yena panopu musa yerire duhu cãhña. Ti pjere ñañene yeducuna musa ijigũ ti ñañe pehe musare dojomehneneno nimesi. “Ñañene yena, quehnoano bucuenata”, ni tãhotuna ijepenata ne bucuerari musa. <sup>23</sup> Sa ye musa tãhotuyere quehnoañe pehere comesaro cahmene musare. <sup>24</sup> Panopu musa ñañe yerire duhu cãhña. Sa yena quehnoañe pehere comesarina ijiya musa. Ohõ saha ijiequina Cohãcjũ yero saha ijire. Musa sa ijina, quehnoañene yeducunata. Sa yena ñañene yabinata musa.

<sup>25</sup> Sa yena musa ni mehorire duhu cãhña. Musa mehna cjẽnare poto yahuya, ni mehono marieno. Mari ihcã pagu yero saha ihcã curua cjãnata ijina niaja. Sa yena musa basi ni mehoedacãhña.

<sup>26</sup> Apequinare usuana, tiquinare ñano yeracãhña. Sa yena usuana, ne yoari pje usuaducueracãhña musa. <sup>27</sup> Yoari pje usuana, watĩno tiquiro cahmeno saha yena niaga musa. Sa yeracãhña.

<sup>28</sup> Ihquẽquina musa mehna cjãna Jesu yequina musa ijiato pano yaquerina ijina pari turi yaqueracãhña. Sa yena yojopũre quehnoano dahraya pejecũoyequinare musa ohoatire.

<sup>29</sup> Ne ñano yahuducueracãhña. Quehnoañene yahuducuna apequinare yedohore musa. Sa yena quehnoañe dihitare yahuducuya. <sup>30</sup> Ñañene yena Espĩritu Santore bujua witiigũ yena niaga musa. Sa yeracãhña. Yojopũre pihtiri deco pano Cristo marine tiquiro neato pano Espĩritu Santo marine ihña ihbore marine ñañene ye dutieraro. Sa yerõ Cristo yequina mari ijijere masigũ yere tiquiro marine. Sa yena tiquirore bujua witiigũ yeracãhña.

<sup>31</sup> Sa yena ne ñano ye nemoedacãhña. Usua, cahme dũse tutua nemoedacãhña. Apequinare ñano ni sañuducu nemoedacãhña. Apequinare quiti dahre nemoedacãhña. Ne apequinare ñano ni tãhotu nemoedacãhña.

<sup>32</sup> Sa ye musa mehna cjẽnare quehnoano mehna quehnoano yeya. Cristo yequina musa ijigũ ihñano musa ñañene bo cãhri Cohãcjũ. Ohõ saha apequina musare tiquina ñano yegũ ihñana tiquina ñañene bo cãhña musa gũhu.

## 5

### *“Cohãcjũ pohnene ohõ saha ijiro cahmene”, ni yahuahye Pablo*

<sup>1</sup> Sa ye Cohãcjũ pohna tiquiro cahñona ijina Cohãcjũre ihña cũña musa.

<sup>2</sup> Sa yena apequinare sa cahñuducuya. Cristo marine cahño, mari ñañe buhiri yariahye. Sa yariaro Cohãcjũre bucuẽgũ yeahye tiquiro. Sa yena marine tiquiro cahñidiro saha musa gũhu apequinare cahña.

<sup>3</sup> Sa yena Cohãcjũ yequina ijina ne numia mehna ñano yeracãhña. Numia gũhu umã mehna ñano yeracãhña. Apeye ñañene ohõ saha ijie ñañene yeracãhña. Apee borore cahme yãhdũeracãhña. Ne sa yeraro cahmene musare Cohãcjũ yequina ijina. <sup>4</sup> Sa yena buoyere cahme yahuducueraro cahmene musare. Tũho masieñequina yero saha yahuducueraro cahmene musare. Sa yena ñano ni bujuperaro cahmene musare. Ahri pehere yero cahmene musare. Cohãcjũ mehna yahuducuro cahmene musare. Sa yahuducuna tiquirore “Quehnoano yeri mũhu usãre”, nino cahmene. <sup>5</sup> Apee borore cahme yãhdũana, “Cohãcjũ ijire”, mari niñe queoyere mari cahmeno saha yena niaja mari tire. Doeri cjẽne ño peoyequina yero saha yena niaja mari. Sa ye wãana tiyequina, ñañe dihitare tãhotuyequina, apee borore cahme yãhdũayequina Cohãcjũ, Cristo mehna tiquina puhtoro ijiropũ ne wahasi tiquina. Tire quehnoano masiaja mari. <sup>6</sup> Ohõ saha yeyequina tiquina yeri buhiri buhiri dahrerota Cohãcjũ tiquirore yãhdũucayequinare. Sa yena

apequina musare “Ahri ña ña ijerare”, tiquina ni mehogū tahoeracāhña. <sup>7</sup> Sa yena ohō saha ñano ye yuhducayequinare ne piti tieracāhña.

<sup>8</sup> Cristo yequina musa ijiato pano sa ijinata ijimedi musa gūh. Yojoṛṛṛ pehere tiqiro yequina ijina, Cohācjüre quehnoano masine musa. Cohācjü yequina quehnoañene yere. Sa yena sa yero cahmene musare. <sup>9</sup> Sa yena Cristo yequina ijina quehnoañene, Cohācjü cahmeñene, ni mehono marieno yeducunata musa. <sup>10</sup> Quehnoañene mari yegū ihñano mari pūhoro Cristo bucuere. Sa yena tire yeya. <sup>11</sup> Cristore cahmeñequina ña ña tiquina yeye ña ña waro ijire. Sa yena tiquina yero saha musa pehe yeracāhña. Quehnoañe buheyere Cristo yere yahuya tiquinare. Sa yena tiquina ña ña yeyere tiquinare masigū yeya. <sup>12</sup> Masa ihñenopṛ tiquina ñano ye cohtere. Tiquina sa yerire yahuducuna mari bue tiboaga. Sa yeye ña yuhduaro yere tiquina. <sup>13</sup> Sa yena tiquinare quehnoañe buheyere mari yahuna, ña yuhduayequina tiquina ijiyere masigū yena naja mari tiquinare. Ijipihtye mari yerire marine masigū yere quehnoañe buheye, buhriro marine ti ihña masigū yero sahata. <sup>14</sup> Ti ijirota ijire. Sa ye ohō saha ni yahure Cohācjü yere yahuequina:

Ne, yuhñe tūho duena, tūhoya musa. Musa ña ña yeyere bñja witi, tire duhuya. Cristo musa ña ña yeyere masigū yerota, ni yahure.

<sup>15</sup> Sa yena decoripe quehnoano yeya musa. Tūho masieñequina yero saha ijieracāhña. Tūho masina ijia. <sup>16</sup> Yojoṛṛṛ cjēna masa ña yuhduaro yeducure. Sa yena musa pehe quehnoañene, Cristo yere sa yeducuya musa. <sup>17</sup> Sa yena tūho masiena ijieracāhña. Cohācjü cahmeñene quehnoano masiña. Sa yena tire yeya. <sup>18</sup> Sa ye pairure sihni queheracāhña. Queheyequinare ñano yuhduro cua yuhduare. Sa yena pairure tutuaro cahmedacāhña. Espiritu Santo pehere tutuaro cahmeña musa mehna tiqiro quehnoano ijiatire. Tiquirore quehnoano yuhtiya. <sup>19</sup> Sa yena musa basi Cohācjüre ño peo basayere cahme yahuducuya. Sa yena Salmore Cohācjü yere basayere, ap-eye tiqirore ño peo basaye gūhñe tiqirore basa peoya musa. Quehnoano wacū ño peoye mehna basa peoya. Sa yena mari pūhoro Cristore ño peoya. <sup>20</sup> Cohācjü mari Pacñ ijihtiyere musare tiqiro ohorire bucue “Quehnoare”, sa niducuya musa tiqirore. Mari pūhoro Jesucristo yequina ijina mari Pacñe “Quehnoare”, sa niducuya musa.

*“Musa ihcā wññ cjāna Jesu yequina ijina, ohō saha yeya”, ni yahuahye Pablo*

<sup>21</sup> Sa ye musa mehna cjēnare cahme ño peoye mehna yuhtiya. Sa cahme ño peo yuhtina Cristo gūhñe ño peona nine musa.

<sup>22</sup> Musa namosānumiare yahutja yojoṛṛṛ. Mari pūhoro Cristore mari yuhtiro saha musa manūsumñare quehnoano mehna yuhtina numia ijia.

<sup>23</sup> Jesucristo marine yuhduore tiqiro ya curua cjāna mari ijiatire. Sa yero mari tiqiro ya curua cjāna mari pūhoro tiqiro ijiro saha musa manūsumñare musa namosānumia pūhota ijire. <sup>24</sup> Sa yena Cristo yequina ijina tiqirore sa yuhtiducua mari. Sata musa namosānumia musa manūsumñare quehnoano yuhtiducuna numia ijia.

<sup>25</sup> Musa manūsumñare pehere yahutja yojoṛṛṛ. Cristo marine tiqiro yequinare cahño, mari ye ijiatire yariahye. Sa yena marine tiqiro cahñiro saha musa gūhñe musa namosānumiare quehnoano cahñiducuya. <sup>26</sup> Cristo mari ye ijiatire yariahye mari ña ña yerire cosero taro. Tiquiro buheye quehnoañe buheye mehna mari ña ña yeyere cosere. Sa yero tiqiro yequina mari ijigū ihñano aco mehna marine wame yere. <sup>27</sup> Sa cosere marine tiqiro yequina ijinare yero taro. Tiquiro sa cosegū ne ña ña buhiri mariena ijinata, tiqiro



ihñagü. Sa yena quehnoana, Cristo yero saha ijinata. <sup>28</sup> Mûsa namosãnumiare cahîna, mûsa basi mûsa pagurire mûsa cahîno saha tiquina numiare cahîna. Mari namonore cahîna mari pagure cahîna niaja.

<sup>29-30</sup> Ne mari pagurire ñano wahagü cahmedaja. Mari ihyayere ihyana quehnoano yena niaja mari pagurire. Cristo yequina ijina tiquiroy pagü yero saha tiquiroy ya curua cñana ijjaja mari. Sa yero marine quehnoano yere tiquiroy. Sa yena Cristo marine tiquiroy quehnoano yeriro sahata mari gûhu mari pagure quehnoano yeaja. Mari namosãnumia gûhare sata quehnoano yero cahmene marine. <sup>31</sup> Sata nine Cohãcñü yere tiquina ojoari pûru: “Sa ye huano tiquiroy pacusumhare wijiroy tiquiroy namono mehna ijiroya. Sa ye tiquina ruaro ijiereta ihcãquiroy yero saha ijieta”, ni ojoahye panoru. <sup>32</sup> Ahri tiquiroy ojoarire ayequina quehnoano tahoerari jiri. Sa yegu tire ohõ saha ni yahutja musare. Ohõ saha ni yahuro niaga. “Cristo tiquiroy yequina mehna ihcã pagü yero saha ihcã curuata ijire”, ni yahuro niaga. <sup>33</sup> Sa yegu musare ohõ saha ni yahu nemoutja tja: Mûsa pagurire mûsa cahîno saha mûsa namosãnumiare cahîna. Sa yena mûsa manusumhare quehnoano ño peoya mûsa.

## 6

<sup>1</sup> Yojoyure macanagãre yahutja. Mari ruhtoro Cristo yequina ijina mûsa pacusumhare quehnoano yuhtiya. Mûsa sa yegü quehnoarîne. <sup>2-3</sup> Ohõ saha niahye Cohãcñü dutiye: “Mûsa pacusumhare quehnoano ño peoya”, ni dutiahye tiquiroy. Ahri dutiroy mehna Cohãcñü yahu nemoahye. Ohõ saha niahye: “Mûsa pacusumhare ño peona, ahri yehrapu yoari pje bucueye mehna ijinata mûsa”, ni yahuahye. Tiquiroy sa ni yahugü ahri dutiroy ihyo ijiri dutiroy ijierare. Sa yena tiquiroy nidiroy saha mûsa pacusumhare ño peoya.

<sup>4</sup> Yojoyure tiquina pacusumhare yahutja: Mûsa pohñare sa tuhtiducueracãhña, “Usuagü yeary”, nina. Mari ruhtoro Cristo tiquiroy cahîne mehna tiquiroy yedohoye mehna tiquinare quehnoano cohteya. Sa yena tiquinare quehnoano yahuya.

<sup>5</sup> Yojoyure cahacñanare musare yahutja: Cua pesaro mehna, ño peoye mehna ahri yehpa cñenare mûsa ruhtoare quehnoano yuhtiya. Ni mehono marieno quehnoano yuhtiya. Cristore mûsa yuhtiro sahata tiquinare yuhtiya mûsa.

<sup>6</sup> Tiquina ihñono dihitare yuhtina ijieracãhña. Sa yeyequina masa dihitare tiquinare ihña bucuegü cahmene. Mûsa pehe Cristo tiquiroy cahacñana mûsa ijiro saha mûsa ruhtoã gûhare sa yuhtiducuya. Cohãcñü tiquiroy cahmeno sahata quehnoano bucueye mehna yuhtiya. <sup>7</sup> Sa yena Cristore yuhtina mûsa ijiro saha bucueye mehna yuhtiya mûsa ruhtoã gûhare. “Masa dihitare yuhtina niaja”, ni tuhotueracãhña. <sup>8</sup> Sa yena ahriye wacûña: Ijipihtina quehnoañene mari yegü ihñano Cohãcñü quehnoano yerota marine. Cahacñenare, cahacñana ijieyequina gûhare quehnoano yerota.

<sup>9</sup> Yojoyure ruhtoare yahutja: Mûsa cahacñenare quehnoano yeya. Tiquinare quehnoano yuhu ye dutiriroy sahata yeya mûsa gûhu tiquinare. Tiquinare tuhtiperacãhña. Hmuse cñano Cohãcñü potota tiquina ruhtoro ijire. Mûsa yaquiroy ruhtoro ijire tiquiroy gûhu. Sa yena ijipihtina mûsa tiquiroy cahacñana dihita ijire. Sa yero tiquiroy ihcãno saha ihñare musare ijipihtinare. Sa yena mûsa cahacñenare tuhtiperacãhña.

*Cristo yequina wafñore tiquina cahmotarire yahuahye Pablo*

<sup>10</sup> Ahriye yahu bato tiitja musare: Quehnoano wacü tutuana ijia mûsa. Mari ruhtoro Cristo mûsa mehna ijire. Sa yena tiquiroy ye masîne mehna wacü tutuana ijia. <sup>11</sup> Wafño marine ni mehono, ñano ye dutire marine.



Cohācjū marine cahmotare mari ñañene yeborire. Marine tiqiro cahmotaye surara tiqiro cahmotari suhtiro, come suhtiro yero saha ijire. Sa yena ti suhtirore m̄sa sañano saha Cohācjū tiqiro cahmotayere quehnoano c̄o pehoya. <sup>12</sup> Jesu yequina mari ijigā, marine ihña tuhtiyequina masa waro ijierare. H̄m̄se cjēna ijimediquina ñañequina, tutuayequina, tiquina pehe ijire marine ihña tuhtiyequina. Watīa ahri yehpa cjēna p̄htoa ijire. Sa ye tiquina ḡh̄u ijire marine Jesu yequinare ihña tuhtiyequina.

<sup>13</sup> Sa yena yojop̄re cahmotari suhtirore m̄sa sañano saha Cohācjū m̄sare tiqiro cahmotatire tiqiro yere quehnoano c̄o pehoya. Sa yena watīno m̄sare tiqiro ñano ye dutigā, m̄sare tiqiro ñano ye duagū, tiqirore cahmotanata. Sa yena ȳhd̄d̄ncanata. Sa tiqirore ȳhd̄d̄ncana, tutuana tojoanata m̄sa.

<sup>14</sup> Sa yena tutuana ijiya. Cohācjū m̄sare tiqiro cahmotatire oh̄o saha yeya m̄sa:

Surara tiqiro come suhtiro mehna tiqiro jeripohnare cahmotariro saha poto yahuyere Cohācjū yere quehnoano t̄hoya m̄sa watīnore m̄sa cahmotatire. Sa yena Cristo yedohoye mehna quehnoana ijiya m̄sa, watīnore m̄sa quehnoano cahmotatire.

<sup>15</sup> Surara tiqiro dahpo suhti mehna tiqiro dahpocārine tiqiro cahmotariro saha quehnoañe buheyere quehnoano masiña m̄sa, watīnore m̄sa cahmotatire. Ti buheye marine quehnoano ijigā yere.

<sup>16</sup> Surara tiqiro tohorio mehna tiqiro cahmotariro saha Cristore quehnoano wacū tutuaducuya m̄sa watīnore m̄sa cahmotatire. B̄eye cjū mehna tiqiro sihā m̄sare tiqiro b̄edoqueboro saha watīno m̄sare ñano yegū ye d̄uare. Sa yena Cristore quehnoano wacū tuana, cahmotanata m̄sa.

<sup>17</sup> Surara tiqiro come sapea mehna tiqiro dapure cahmotariro saha m̄sare pecar̄u wahaborinare Cristo ȳhd̄n̄orina ijiya m̄sa, watīnore m̄sa cahmotatire.

Surara tiqiro ñoseni p̄jī mehna tiqiro cahmotariro saha Cohācjū ye buheyere quehnoano masiña m̄sa, quehnoano m̄sa cahmotatire. Sa yena apequinare quehnoano yahuya tiqiro yere. Ti Cohācjū ye buheyere Esp̄ritu Santo marine yahure.

<sup>18</sup> Sa m̄sa watīnore cahmotana Cohācjūre decoripe sa siniducuya. Esp̄ritu Santo yedohoye mehna sa siniducuya. Sa yena quehnoano wacū masiña. Sa sinina, caributieracāhña. Ijipih̄tiyequina Cohācjū yequinare sa sini basaducuya. <sup>19</sup> Sa yena ȳh̄u ḡh̄ure sini basaya Cohācjūre. Oh̄o saha ni sini basaya: Quehnoañe buheyere, panop̄u tiquina masiedarire quehnoano ȳh̄u yahuatire sini basaya ȳh̄ure. Sa yena cuero marieno ȳh̄u yahuatire sini basaya ȳh̄ure. <sup>20</sup> Cristo tiqiro yere yahu dutiro ȳh̄ure ohori. Ȳh̄u sa yahuri buhiri peresup̄u ijiaya yojop̄re. Oh̄op̄u ȳh̄u ijiepegāta cuero marieno tiqiro yere ȳh̄u yahuatire sini basaya ȳh̄ure. Tiqiro yere yahuacjū ijiḡta niaja ȳh̄u.

### *Pablo quehnoa duti bato tiahye*

<sup>21</sup> Yojop̄re Tiquico m̄sa cahar̄u esaro ȳh̄u ijiye tiyere m̄sare yahu pehorota. Tiqiro mari acaȳro mari cah̄niqiro ijire. Sa yero mari p̄htoro yere quehnoano yedohoriquiro sa ijiducure. <sup>22</sup> H̄sā ijiye tiyere m̄sare yahu dutiḡu tiqirore ohoḡu niaja m̄sa quehnoano buceatire.

<sup>23</sup> Cohācjū mari Pac̄u mari p̄htoro Jesucristo ḡh̄u tiquina mehna m̄sa ijipih̄tinare usā acayere quehnoa dutiaja. Cristore m̄sa quehnoano wacū tutuaye mehna m̄sa cahme cah̄atire Cohācjūre sini basaja m̄sare.

<sup>24</sup> Ijipihtiyequina mari p̄htorore Jesucristore sa cahĩducuyequinare Cohãcjũ mehna quehnoa dutiaja.

## Filipenses

### *Peresupm ijiriquiro ahri püre ojoa ohoahye Pablo*

<sup>1</sup> Yuhm Pablo, Timoteo mehna Jesucristo cahacjana ijiaja usã. Sa yena ijiphtinare musare quehnoanare Jesucristo yequinare Filipo cjanare quehnoa dutiaja usã. Musare, musa puhtoã gũhare, musare yedohoyequina gũhare ojoa ohoaja yuhm, Pablo. <sup>2</sup> Sa yena Cohãcjũ mari Pacu, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijiaja musa.

### *Pablo Jesu yequinare Cohãcjũre sini basahye*

<sup>3-6</sup> Cohãcjũ musare quehnoañe pehere comesagũ yero nine. Sa yero musare tiquiro sa ye ducariro sahata sohtori dahrerota tiquiro. Sa yena Jesucristo ahri yehpapure tiquiro wihigũpũre ñaãe mariena ijinata musa. Sa yena coã waropure Jesu yequina musa ijiri bato, yojopũ gũhare yedohore musa yuhũre quehnoañe buheyere yuhm buhegũ. Musa sa yegũ ihãagũ Cohãcjũre “Quehnoare”, niaja yuhm. Musare wacũgũ sa dihita niaja yuhm. Musare Cohãcjũre sini basagũ, bucueye mehna sini basaja.

<sup>7</sup> Musare yuhm sa tuhhotugũ quehnoarĩne. Quehnoañe buheyere “Poto tjire”, puhtoare yuhm tutuaro ni yahuducugũ musa yuhũre yedohori. Poto ti buheye ijigũ yuhm tiquinare yahugũ musa yuhũre yedohori. Peresupm yuhm ijigũ gũhare musa yuhũre yedohori. Sa yero Cohãcjũ marine quehnoano yero, tiquiro ye buheyere cũri marine. Musa yuhũre yedohori. Sa yena ti buheyere yuhm mehna musa buheboriro saha yena nine musa, yuhũre yedohona. Sa yegũ yuhm jeripohna mehna tutuaro wacũaja yuhm musare. <sup>8</sup> Jesucristo cahĩne mehna tutuaro musare wacũaja yuhm. Yuhm sa wacũgũ Cohãcjũ tire masine.

<sup>9</sup> Musare ohõ saha ni sini basaja yuhm Cohãcjũre: Cohãcjũ yere quehnoano masiãe mehna, tuhõ masi pehoye mehna apeqinane musa cahĩ nemoatire sini basaja yuhm musare Cohãcjũre. <sup>10</sup> Quehnoa yuhduyere musa masiati gũhare sini basaja musare. Musa sa masina Cristo ahri yehpapũ tiquiro tojoa tagũ quehnoañene yena, ñaãe buhiri mariena ijinata musa. <sup>11</sup> Sa yena ijina Cohãcjũ cahmeñene yenata musa. Musare sa yegũ yerota Jesucristo pehe. Cohãcjũ quehnoa yuhduariquiro, tutuariquiro tiquiro ijijere ihõono taro, ijiphtiyequina tiquirore tiquina ño peoatire tiquiro cahmeñene musare yegũ yerota.

### *Pablo Cristo yaquiro tiquiro ijije tiyere yahuahye*

<sup>12</sup> Yuhm acaye, ahri yuhm niatire musa quehnoano masigũ cahmeaja yuhm. Yojopũre peresupm yuhm ijiepegãta quehnoañe buheye pehe sa uhũm tãducuro nine. <sup>13</sup> Sa ye Cristo yaquiro yuhm ijiri buhiri peresupm yuhm ijirire masi pihĩre puhtoro ya wuhũ cjẽna surara. Ijiphtiyequina apeqina gũhũ ohõpũ ijijeyequina tire masine. <sup>14</sup> Sa ye peresupm yuhm ijigũ ihããe, peyequina mari acaye Jesu yequina mari puhtoro Jesure wacũ tutua nemoñe nine. Sa wacũ tutuaye, cuero marieno quehnoañe buheyere apeqinane buhere tiquina.

<sup>15</sup> Ihquẽquina Cristo yere buheraboriquina ijiepeta yuhũre ihãa cooye, Cristo yere buhere apeqinane tiquinare ihãa wahãgũ cahmeãe. Apeqina pehe quehnoano mehna Cristo yere buhere. <sup>16-17</sup> Quehnoañe buheyere yuhm tutuaro yahuatire Cohãcjũ yuhũre tiquiro cũrĩre quehnoano masine ahriquina pehe. Sa masiãe tiquina cahĩne mehna Cristo yere buhere.

Apequina pehe yuhare ihña tuhtiyē, masare tiquina pehere tiquina ihña wahāgū cahmeñe, Cristo yere buhere. Sa ye peresupū yuhū ijigū tiquina yuhare bujūa witiḡū ye duare. <sup>18</sup> Quehnoanota. Cristo yereta buheye nine. Tiquina Cristore poto cahiedapeta Cristo yereta buhere. Apequina pehe quehnoano mehna buhere. Ijipihtiyequina tiquina tiquiro yere buheḡū bucueaja.

<sup>19</sup> Sa yegū sa bucueducuḡatja yuhū. Cohācjūre mūsa sini basari mehna Jesucristo yaquiro Espiritu yedohoye mehna Cohācjū yuhare wiorota peresupū ijirigūre. Tire masiaja. <sup>20</sup> Ohō saha yeitja yuhū. Decoripe yuhū yeriro sahta yojopū ḡāhure cuero marieno Cristo yere buheaja, masa tiquirore quehnoano tiquina ño peoato saha. Ohō saha ye duaja yuhū yerire yuhū buoro yuhduerato saha. Catinigū waro ohō saha ye duaja. Tiquina yuhare wejē duepegūta ohō saha ye duaja. <sup>21</sup> Catinigū Cristo yere yenigūtja. Yariagupū pūrita ti yuhduoro quehnoano tojoagūtja yuhū. <sup>22</sup> Sa niepeguta catinigū Cristo yere yuhū ye nemoato saha cati nemo duaja. Sa niepeguta yariaye ḡāhure cahmeaja. ¿Dise boro pehere yuhū cahmeboagari? Masiedaja yuhū. <sup>23</sup> Yuhū ohō saha ni yahuducugū mijorīne yuhare. Cristo mehna tutuaro iji duaja. Sa yegū yojopūre tiquiro cahapū waha duaja. Catiye yuhduoro ahri pehe quehnoa yuhduḡūcare. <sup>24</sup> Sa ijiepegūta mū sare yuhū yedohoato saha catinino cahmene yuhare. <sup>25</sup> Tire masigū ohōpū mūsa mehna yuhū ijiniatire masiaja yuhū. Sa ijinigūtja Cristore mūsa wacū tutua nemoatire, ti wacū tutuaye mehna mūsa bucuēatire. <sup>26</sup> Ahri yehpapū ijinigū mūsa cahapū pari turi yuhū wahagū mūsa bucuēnata. Cristo Jesu yuhare tiquiro yedohogū masina, “Tutuagū ijire mūha”, ni ño peonata mūsa tiquirore.

<sup>27</sup> Yojopūre ahri dihitate yahutja mū sare. Cristo ye buheye ti nidiro sahta ijiducuyā mūsa. Wacū tutuana ijīya. Sa yena cahme tu waro marieno quehnoañe buheyere yahu tutuaya. Sata yuhū mariedagū ḡāhure yuhū ijigū ḡāhure mūsa yegū cahmeaja. Sa ijina mūsa ijigū tuhoo duaja yuhū. <sup>28</sup> Mū sare ihña tuhtiyequinare cueracāhña. Mūsa sa cueragū ihñañe Cohācjū yequina mūsa ijigū masieta tiquina. Sa masiñe pecapū tiquina wahati ḡāhure masieta. Sa ye Cohācjū mū sare tiquiro yuhduoati ḡāhure masieta. Ohō saha masigū yere Cohācjū masare. <sup>29</sup> Cristore mūsa wacū tutuatire Cohācjū cūri. Ahri ḡāhure cūri. Cristo yere mūsa yeri buhiri mūsa ñano yuhduati ḡāhure cūri Cohācjū. <sup>30</sup> Sa ye Cristo yequina mūsa ijiri buhiri apequina mū sare ñano yere. Mū sare tiquina yeriro saha yuhū ḡāhure ñano yere tiquina. Mūsa mehna yuhū ijigū yuhare tiquina sa yegū ihñari mūsa. Yojopū ḡāhure yuhare tiquina sa yegū tuhoo mūsa. Sa yena mari ihcāno saha ñano yuhduaja.

## 2

### *Cristo ihyo ijiriquiro sajāno, ijipihtiyequina pūhtoro ijiatiquiro ijīahye*

<sup>1-2</sup> Cristo mū sare quehnoano jeripohna tigū tiquiro yegū, Cristo tiquiro cahñe mehna mūsa bucuena, yuhare quehnoano bucuēgū yeya mūsa. Sa yena Espiritu Santo ijipihtina mūsa mehna tiquiro ijigū apequinare cahña, paja ihñana ijina, yuhare quehnoano bucuēgū yeya mūsa. Ahrire mūsa yegū bucuēitja: Ihcāno mehna quehnoano jeripohna tiya mūsa. Sa yena mūsa basī cahme cahña. Quehnoano mehna ijiducuyā. Sa yena ihcāno mehna quehnoano ijīya. <sup>3</sup> Apequinare yuhduḡūca dueracāhña. Sa yena sa tuhotu cāhña mūsa. Sa yena apequinare quehnoano ño peo, ohō saha ni tuhotuya: “Tiquina pehe yuhū yuhduoro quehnoañequina ijire”, ni tuhotuya. <sup>4</sup> Ihcāquiro apequinare yedoho dueraboaga. Tiquiro yero saha yeracāhña. Apequina ḡāhure yedohoya.

5 Cristo Jesu apequnare yuhduca dueriquiro tiquiro ijiro saha masa gūha apequnare yuhduca dueracāhña. 6 Tiquiro pehe Cohācjū waro ijeperota “Cohācjū mehna ihcāno saha ijigū wijiasi yūhu”, ni tūhotuerahye tiquiro. 7 Sa yero tiquiro Cohācjū mehna ihcāno saha tiquiro ijiyere wija, ohōpū ahtarō masūnotā masa bājuaro tiquiro cahacjāno yero saha iji dūcahye. 8 Sa yero tiquiro masūno ihcāno saha pagū tiriquiro ijiro, ihyo jiriquiro waro wahahye. Sa waharo “Curusapū wejēña tiquirore”, tiquina nigū tiquiro yuhducaerahye. Curusapū yariatiquiro ijeperota tiquiro yuhducaerahye. 9 Sa yero mari Pacū ijipihitiyequina tiquina ño peoatiquirore cūahye Jesure. Sa yero ijipihitiyequina apequna pūhtoro sōahye Cohācjū tiquirore, 10 ijipihitiyequina hūmūse cjēna, ahri yehpa cjēna, yariariquina gūhu Jesu wamene tūhoyequina tiquina dūsepe curi mehna quehe sa, tiquina ño peoato saha. 11 Sa pūhtoro sōahye tiquirore mari Pacū, “Jesucristo mari pūhtoro ijire”, ijipihitiyequina tiquina niatiquirore. Sa niñe Cohācjāre mari Pacūre ño peoye nine.

*Cristo yequina buhriro yero saha ijiye, quehnoano masare yahu, masigū yere*

12 Sa yena yūhu cahña, masa mehna yūhu ijigū masa yūhtiducuriro saha, yojorū yūhu yoarorū ijigū gūhare panorū masa yūhtiriro yuhduoro yūhtiya yūhare. Sa yena ijipihitina masa quehnoana ijina tana Cristo yedohoro mehna ñañene yeracāhña. Sa yena ño peoye mehna apepero marieno Cohācjū yere yeya. 13 Cohācjū quehnoañe pehere mūsare cahmegū yero nine tiquiro cahmeno saha masa yeato saha. Sa yero tire masa yeatire yedohorota Cohācjū. Tiquiro sa yedohogū ti yūhu nidiro saha yeya masa.

14 Ijipihitiyere yena tuhtiro marieno, masa basi unureno marieno yeya. 15 Sa yeya masa ñañe buhiri mariena, ñañene yerarina Cohācjū pohna masa ijiatire. Sa yeya masa masa ni mehoñequina, ñañequina watoapū dojomehnenō marieno masa ijianto saha. Tiquina ñañequina watoapū ijina, buhriro ihña masigū yero saha quehnoañe buheyere buhena, masigū yere masa ahri yehpa cjēnare. 16 Ti buheyere masa tūho ñehedi bato Cohācjū mehna sa ijiducuaana wahari masa. Ti buheyere ahri yehpa cjēna pehere masa sa buhegū ihñagū masa mehna bucueitja. Sa yegū mūsare yūhu buherire “Ihyo waro buherari ijii yūhu”, niitja yūhu. Sa yegū Cristo ahri yehparū tiquiro tojoa tagū masa mehna bucueitja. Sa yegū buoro yuhduasi yūhu. 17 Cristore masa wacū tutuagū Cohācjū masa mehna bucuero. Tiquiro sa bucuegū masigū mūsare Cristo yere yūhu buheri buhiri yūhare tiquina wejē duepegāta bucueitja. Sa yena mari ijipihitina ihcāno saha bucuenata. 18 Sata masa gūhare bucuero cahmene yūhu mehna, came yūhu sa yariagū ihñana.

*Timoteore, Epafrodito gūhare yahuahye Pablo*

19 Mari pūhtoro Jesu tiquiro cahmegū sojaro mehna Timoteore masa cahapū ohō duaja yūhu masa ijiye tiyere masigū tūhu. Sa masigū bucueitja. 20 Ijirota ijire. Timoteo masa quehnoano ijiatire pajiro tūhoture mūsare. Apeqiro tiquiro yero saha ijiriquiro mariedare yūhu mehna. 21 Apeqina pehe ijipihitiyequina tiquina cahmeñe dihitare ye duaye, Cristo Jesu tiquiro cahmeñe pehere ye duere. 22 Timoteo pehe quehnoano yeriquiro tiquiro ijiyere masine masa. Yūhu macū yero saha tiquiro yūhu mehna quehnoañe buheyere yahue tiri. Sa yena usā ihcāno saha Cristo yere buhe tii. 23 Sa yegū pūhtoa yūhare tiquina dūhse yeatire masigū, Timoteore masa cahapū ohō duaja. 24 Sa yegū mari pūhtoro Jesu yedohoye mehna sojaro mehna yūhu gūhu masa cahapū wahatja.

25-26 Yuhare yedoho dutina musa Epafroditore ohori yuhu caharu. Tiquiro yuhu acayaro yuhu mehna dahrariquiro, yuhu mehna cjanu, Cohacju yere buhe tutuariquiro ijire. Tiquiro musare tutuaro wacue tiri. Sa yero tiquiro dohatirire musa tuhogu masino tiquiro pehe pajiro bujua witi tuhuturi. Sa pajiro tiquiro tuhutuguh ihlagu “Tiquirore musa caharu oho majare tojoro cahmene yuhare”, ni tuhutuaja yuhu yojopare. 27 Potota ijire. Tiquiro tutuaro dohatiri. Meheno yariabo cure yuhdari. Tiquiro sa tutuaro dohatiepegata Cohacju tiquirore paja ihnano, yuhduguh yeri. Tiquiro yariaguh yuhu pehe tutuaro bujua witiyoya. Sa yero Cohacju yuhu gahure paja ihnari tiquirore yuhduguh yero. 28 Sa yegu yojopu puritare sojaro mehna tiquirore musa caharu oho duaja pari turi musa tiquirore ihna, musa jeri sajano quehnoano. Musa sa bucueguh ihlagu yuhu gahu bucueitja. 29 Sa yena tiquirore Epafroditore mari puhtoro yaquirore mari acayore quehnoano bucueye mehna piti caya. Sa yena apequinare tiquiro yero saha ijiyequinare no peoya. 30 Tiquiro Cristo yere yedohomehno yariamedi. Musa pehe yuhu caharu ijieraguh, yuhare yedoho masiedaguh tiquiro pehe yuhare yedohome. Sa yero yariamedi tiquiro.

### 3

#### *Quehnoano yeye warore yahuahye Pablo*

1 Yojopu puritare ahrire yahutja. Mari puhtoro yequina ijina bucueya. Ahri buheyere to pano yuhu yahurire pari turi musare ni ojoagu bucueaja yuhu. Sa yegu musare ahrire yahugu yedohogu niaja musare. 2 Quehnoano yeya musa. Nafene yeducuyequina, diayea yero saha ijiyequina nafequina cuhnucunu cahserogare yuhre ne dutiye, musa pagurire yuhre ne duare. Quehnoano yeya musa, “Sa ye dutiyequina sijoro saha ni buheari”, nina. 3 Tiquina cuhnucunu cahserogare yuhre nepeta Cohacju dutiyere quehnoano yerare. Mari pehe potota Cohacju dutiyere quehnoano yena ijiaja mari. Espiritu Santo tiquiro yedohoye mehna Cohacjure no peoaja mari. Sa yena Jesu yequina mari ijiyere bucueye mehna apequinare mari yahuaja. “Usa esa tuharo Cohacju dutiyere ye peho masiaja”, ne ni tuhutueraja. 4 Sa ni tuhutuerapegata “Tiquinare doca cu cja”, tiquina yero saha nidigu ijigu sa tjiboa yuhu gahu. Apequiro ohu saha ni yuhduduca duare. Yuhu pehe tiquiro yuhduoro sa niboaga yuhu.

5 Ohu saha yerigu ijimi yuhu: Ocho decori yuhu masa bajuari bato cuhnucunu cahserogare yuhre nedi jiri yuhare. Israe masu ijigu Benjami ya curua cju ijiaja yuhu. Yuhu pacsumua hebreo masa tiquina ijigu potota hebreo masu warota masa bajuu. Cohacju dutiyere potota peho duagu fariseo curua mehna sajami yuhu. 6 “Cohacju ye ijiri”, nigu quehnoano yemi. Sa yegu Jesu yequina pehere nano yee timi yuhu. Potota Cohacju dutiyere yegu tire yuhduducaro marieno ye pehou.

7 Panopure “Ti quehnoane ijiri”, ni tuhutumi. “Ti yuhu sa ni tuhuturi panopu yuhu ije tiri dahseati ijierari”, ni tuhutuaja yojopare. Sa ni tuhutu ducan yuhu Cristore wacu tutuagu tahu. 8 Cristo Jesu yuhu puhtorore yuhu masigu purita quehnoa yuhdure. Sa yegu apeye pehere masa “Quehnoane ijire”, tiquina nidire “Ti ijiptiye dahseati ijierari”, ni tuhutuaja yuhu. Tire ijiptiyere duhu canu Cristo ye pehere yegu tahu. Sa yegu tire yuhu cohare “Nafne waro ijire”, ni tuhutuu Cristore quehnoano masigu tahu, tiquiro mehna cju ijigu tahu. 9 Sa yero yuhu esa tuharo quehnoano yuhu yeri wapa “Quehnoagu ijire”, ni ihnedare Cohacju yuhare. Sa yero Cohacju dutiye

Moisere tiqairo cūrire yuhū yeri wapa gūhure “Quehnoagu ijire”, ni ihñedare. Cristore yuhū wacū tutuari bato “Quehnoagu ijire”, ni ihñare tiqairo yuhure. Cohācjū pehe marine buhiri mariena ijigū yere, tiqairore mari wacū tutuagū. <sup>10</sup> Sa yegu to pano yuhū ni tūhotu mūhtamedire duhu cĵā Cristore quehnoano masigū tūhū. Cohācjū tutuaye mehna Cristo masa mājahye. Ti tutuaye mehna iji duaja. Sa yegu ti tutuaye mehna quehnoañene ye duaja. Cristo curusapu yariahye mari ñañe yerire cohāno taro. Sa yegu tiqairo yere yuhū yeri buhiri tiqairo yero saha ñano yuhdu duaja yuhū gūhū. <sup>11</sup> Sa yegu Cristo tiqairo masa mājariro sahata masa mājacju ijitja yuhū gūhū.

<sup>12</sup> Ahri ijipihitiyere sa nigu, “Cristo yero saha ñañe mariegu ijiaja”, ni tūhotueraja. Yuhū sa ni tūhotuerapegūta Cristo tiqairo yaqairo ijigū ye tuhasari yuhure. Sa yegu tiqairo yere tiqairo gūhure quehnoano masi duagu tutuaro mehna tiqairo yere yeaja yuhū. <sup>13</sup> Yuhū acaye, “Tiqairore quehnoano masi peho tuhasaja”, ni tūhotueraja. Sa ni tūhotuerapegūta ahri pūritare yeaja: <sup>14</sup> Omaperiqairo tiqairo wapata duariro saha tutuaro yeaja yuhū, yuhū wapatarire yuhū ñeheatō saha. Cristo yaqairo yuhū ijigū ihñano Cohācjū ti yuhū wapatarire yuhure ohoro taro ūhmūsepū pijiori yuhure.

<sup>15</sup> Ohō saha yuhū tūhoturiro sahata tūhotuya mūsa gūhū Cristore quehnoano masina. Sa yero ahri mū sare yuhū yahurire masa tūho dueragū, sijoro saha mūsa tūhotugū Cohācjū mū sare quehnoano masigū yerota. <sup>16</sup> Sa yena tiqairo yere mari masidire quehnoano ye sohtori tiuhina.

<sup>17</sup> Yuhū acaye, mūsa ijipihitina yuhure ihñā cūñā. Sa yena arequina ūsā yero saha yeyequinare quehnoano ihñā diho cūñā mūsa tiquinare mūsa ihñā cūato saha. <sup>18</sup> Peye tahari arequina tiquina ijiye tiyere yahuu yuhū mū sare. Yojoṗū gūhure tutuaro bujūa witiḡū tiquinareta yahuaja mū sare. Tiquina Cristo curusapu tiqairo yariari buheyere ihñā yabiyequina ijire. <sup>19</sup> Tiquina pecarū wahatiquina ijire. Tiquina ñañe tutuaro cahmeñe pehere tutuaro ye duare tiquina. Sa ye tiquina bue tiboyere yeye, tire quehnoañe yero saha tūhoture tiquina. Ahri yehpa cĵē dihitare quehnoano tūhoture tiquina. <sup>20</sup> Mari pehere mari ya maca ūhmūsepū ijire. Sa yero topata marine yuhduoatiquiro, mari puhtoro Jesucristo ahtarota. Sa yena tiqairo ahtatire cohtena niaja mari. <sup>21</sup> Tiqairo ahtarō mari pagurire pejesūoye pagurire sijoro saha ijiye paguri dihita comesarota tiqairo. Sa yero tiqairo ya pagu yero saha quehnoari pagure asi siteri pagure ohorota marine tiqairo tutuaye mehna. Ijipihitiyequina puhtoro saĵāri tiqairo, tiqairo tutuaye mehna. Sa yero ijipihitiye upāro ijire tiqairo ti tutuaye mehna.

## 4

### *Decoripe mari puhtoro mehna bucueya*

<sup>1</sup> Sa yena yuhū acaye, yuhū cahīna, tutuaro yuhū wacūna, yuhure bucuegū yena, yuhū buhegū quehnoano tūhorina, panorū mūsa wacū tutuariro saha mari puhtorore tutuaro wacū tutuaya mūsa.

<sup>2</sup> Ahrire yahutja mū sare Evodiare, Sintique gūhure: Jesu yequina numia ijire mūsa. Sa yena cahme dūse tutuaro marieno quehnoano mehna ijiducuya mūsa. <sup>3</sup> Mūhū pehe potota yuhū mehna cĵā warota ijire. Mūhū gūhure yahutja: Tiquina numia yuhū mehna, Clemente mehna, arequina yuhū piti tiyequina mehna dahrari quehnoañe buheyere ūsā buhegū. Cohācjū tiquinare ijipihitiyequina wamene ojoa ohōahye tiqairo ya tjuṗū. Ijipihitiye decori catiyere tiqairo ohoriquina wamene tiqairo ojoa ohōri tjuṗū ojoa ohōahye. Sa yegu tiquina numiare bosaya mūhū.



<sup>4</sup> Decoripe mari pahtoro mehna bucueya. Pari turita yahutja: Bucueya. <sup>5</sup> Quehnoano yeya ijipihtiyequinare. Mari pahtoro Cristo ahtato mehenogã dahsare.

<sup>6</sup> Ne bujua witi tuhoturacãhña. Cohãcjãre quehnoano yahu pehoya. Sa yena tiquireo siniña. Sa yena masa sinidire tiquireo yãhtigã ihñana “Quehnoare”, niña tiquireore. <sup>7</sup> Mũsa sa yegũ quehnoano ijigũ yerota musare Cohãcjũ. Tiquireo sa yegũ quehnoa yãhdũare. Ahri mari quehnoano ijiye quehnoa yãhdũare. Sa yero Cristo Jesu yequina mari ijigũ marine quehnoano ijigũ yero, Cohãcjũ marine quehnoano jeripohna tigũ yerota. Sa yero bujua witi tuhoturagũ yerota marine.

### *Quehnoañene tuhotuya*

<sup>8</sup> Ahrire yahu bato tigũ tũu niaja musare, yũu acaye. Queoro ijiyere, masa tiquina ño peoyere, quehnoano yeeyere, ñañe marieñene, bucueyere, masa “Quehnoañe ijire”, tiquina niñene tuhotuya masa. Quehnoa yãhdũye ijigũ tireta tuhotuya. Masa quehnoañene ihñañe tiquina bucueye pehere masa gãhu bucue tuhotuya.

<sup>9</sup> Musare yũu buheriro sahata sa yeducuya masa. Sa yena yãhũre ihña cũña masa. Masa sa yegũ Cohãcjũ musare quehnoano ijigũ yeriquiro masa mehna ijirota.

### *Filipo cjẽna Pablora tiquina ohorire yahuahye tiquireo*

<sup>10</sup> Yojoin pũrita yoari pje bato masa pari turi yãhũre wacũna, masa yedohoyere bucueaja. Sa bucuegũ mari pahtoro Cristore “Quehnoare”, niaja. “Yãhũre boaa wahari masa”, niedaja yũu. Panopũre yãhũre yedoho dũepenata yedoho masiedari masa. <sup>11</sup> Yãhũre masa yedohorire yahugũ yãhũre dahsarire musare yahuu tũu niedaja. Musare apee borore cahmegũ sa nigũ niedaja. Yũu cũoye mehna iji masiaja yũu. <sup>12</sup> Apee boro cũoeragũ gãhu quehnoano iji masiaja yũu. Sa yegũ pajiro cũogũ gãhu quehnoano iji masiaja. Decoripe cũaa ahbagũ gãhu dũcaroã wahaja. Yãrigũ ijigũ gãhu ijiproa wahaja. Pajiro cũogũ gãhu ijiproa wahaja. Yãhũre apee boro mariedagũ gãhũre ijiproa wahaja. <sup>13</sup> Cristo yãhũre tutuagũ yeriquiro mehna ijipihtiyere Cohãcjũ cahmeñene ye masi pehoaja yũu. <sup>14</sup> Yũu sa ijiporigũ yũu ijiepegãta yũu ñano yãhdũgũ masa yedohona yãhũre quehnoano yeri masa.

<sup>15</sup> Quehnoañe buheyere yũu buhe dũcagũ Macedonia yehparũ masa ya yehparũ ijirigũ yũu wahagũ masa dihita yãhũre yedohori. Sa yedohona, musare yũu buheri wapa masa wapa yero saha yena nidi masa. <sup>16</sup> Sa yena Tesalõnicarũ yũu ijiri watoa yãhũre yedohona, ihquẽ tahari ohori masa. <sup>17</sup> Apee borore sinigũ sa nigũ niedaja. Apequinare masa yedohogũ Cohãcjũ musare quehnoano yerota. Tiquireore masa yedohori wapa Cohãcjũ musare tiquireo quehnoano yegũ cahmeaja yũu. Sa yegũ yãhũre masa yedohorire wacũgũ yeaja musare. <sup>18</sup> Yojoinre yãhũre quehnoano oho pehori masa. Yũu cahmedi yãhdũoro ohori masa yãhũre. Yãhũre Erafrodito mehna masa ohori bato apee boro ne dahsaerare yãhũre. Cohãcjũ wãhũrũ ehme sitiye bue mũo, Cohãcjũre tiquina quehnoano bucuegũ yeriro saha yãhũre masa ohori gãhu Cohãcjũre quehnoano bucuegũ yeri. <sup>19</sup> Mũsa Cristore wacũ tutuare. Sa yero ijipihtiyere musare dahsarire ohorota mari Pacũ musare, quehnoa yãhdũye tiquireo cũoyere. <sup>20</sup> Ijipihtiyere decori mari Pacũre Cohãcjũre ño peouhna. Sata yeihna.

### *Pablo quehnoa dutiahye*

<sup>21</sup> Ijipihtiyequina quehnoañequina Jesucristo yequina quehnoahdo. Mari acaye gũhũ Jesu yequina yãhũ mehna cjẽna mãsare quehnoa dutire.

<sup>22</sup> Ijipihtiyequina ohõ cjẽna quehnoañequina Jesu yequina quehnoa dutire. Roma cjẽna pũhtoro ya wãhũ cjẽna pũrita tutuaro quehnoa dutire.

<sup>23</sup> Mari pũhtoro Jesucristo cahĩñe mehna quehnoano ijiya.

## Colosenses

### *Colosa cĵĕnare oĵoa oĵoahye Pablo gĕhĕ*

1-2 Yĕhĕ Pablo mari acayĕro Timoteo mehna mĕsare Colosa cĵĕnare quehnoa dutiaja ũsĕ. Yĕhĕ Jesucristo yere buhe dutiro tiqiro cĕrigĕ iĵiaja. Cohĕcĵĕ cahmeno sahata Jesu yĕhĕre tiqiro yere buheacĵere cĕri. Sa yegu mĕsare ũsĕ acaye Cristore wacĕ tutuaducunare oĵoa oĵoaja yĕhĕ. Sa yena Cohĕcĵĕ mari Pacĕ mehna mĕsare quehnoa dutiaja. Sa yena tiqiro mehna quehnoano iĵiya mĕsa.

### *Jesu yequinare Pablo sini basahye Cohĕcĵĕre*

3-8 Mĕsa ye iĵiatire Cohĕcĵĕre sini basana “Quehnoare”, sa niducuaja ũsĕ. Tiquiro pehe mari pĕhoro Jesucristo Pacĕro iĵire. Iĵipĕtiye decori ũhmĕsepĕ mĕsare iĵigĕ yerota Cristo pehe. Tiquiro sa yeatiqiro iĵigĕ tire mĕsa sa cohteducu wame tire. Cristo Jesure wacĕ tutua wame tire mĕsa. Sa yena tiqiro yequinare cahĭ wame tire mĕsa. Mĕsa sa iĵi wame tigĕ Cohĕcĵĕ mehna buce, tiqirore “Quehnoare”, niaja ũsĕ. Iĵipĕtiropĕre Jesu yequina poto iĵiye buheyere quehnoĕne buheyere tiqina yahugĕ tĕhoye masa quehnoĕne pehere comesare. Ahrireta mĕsa gĕhĕre Epafra quehnoĕne buheyere yahuri jiri. Tiquiro ũsĕ tutuaro cahĭniqiro ũsĕ mehna Cristore dahra coheriqiro iĵire. Sa yero Cristo yere ne duhuerare tiqiro. Mĕsare tiqiro sa yahugĕ tĕhona, duita quehnoano ye wame tire mĕsa. Sa yena Cohĕcĵĕ mĕsare tiqiro cahĭĕne poto masina, duita quehnoano ye wame tire mĕsa. Mĕsa sa yerire Epafra yahuri ũsĕre. Espĕritu Santo yedohoye mehna Jesu yequinare mĕsa cahĭĕne yahuri tiqiro ũsĕre. Tiquiro sa yahugĕ tĕhona “Quehnoare”, niaja ũsĕ Cohĕcĵĕre.

9 Sa yena mĕsare tĕhona mĕsare duita sa sini basaducuaja ũsĕ Cohĕcĵĕre. Cohĕcĵĕ cahmeĕene mĕsa masi pehoatire tiqirore sini basaja ũsĕ. Tiquiro yere quehnoano masina mĕsa iĵiatire sini basaja ũsĕ. 10 Sa sini basaja ũsĕ mari pĕhoro Cristo cahmeno sahata quehnoano mĕsa yeatire. Mĕsa sa yegĕ ihĕnano tiqiro bucerota. Sa yena iĵipĕtiye quehnoĕne mĕsa yeatire sini basaja. Cohĕcĵĕre mĕsa masi nemoatire sini basaja. 11 Ahri yĕhĕ yahuatĕ gĕhĕre sini basaja ũsĕ. Cohĕcĵĕ tutuaye mehna mĕsa tutuatire mĕsare sini basaja. Sa sini basaja ĩnano yĕhdĕepenata mĕsa ihcĕno sahatire. ĩnano yĕhdĕepenata mĕsa sa tĕhotu cĕtire, mĕsa buceye mehna mĕsa sa iĵiducuatĕ gĕhĕre sini basaja. 12 Cohĕcĵĕ tiqiro yequina iĵianare marine yere. Sa yero tiqiro ohoyere cĕoanajare yere marine tiqiro. Tiquiro iĵiropĕ buhrioropĕ marine ohorota tiqiro. Tiquiro sa yegĕ ihĕana tiqirore mĕsa “Quehnoare”, niatire sini basaja ũsĕ mĕsare.

13 Tiquirota marine pecapĕ wahaborinare yĕhdĕgĕ yere. Panopĕre ti ĩĕĕne ye duhu masiedami mari. ĩnariqiro pehe marine dutiriqiro iĵin- ĩmedi. Cohĕcĵĕ pehe marine pecapĕ wahaborinare yĕhdĕgĕ yeri. Macĕnore tiqiro cahĭniqirore pĕhoro sĕno ũhmĕsepĕ marine iĵigĕ yere. Sa yena tiqiro macĕno mehna iĵinata. 14 Tiquiro macĕno mehna marine yĕhdĕore Cohĕcĵĕ. Tiquiro macĕno yariari mehna mari ĩĕĕne yerire bori Cohĕcĵĕ.

### *Masa Cohĕcĵĕ mehna tiqina cahme ihĕna tuhtigĕ ihĕnano Cristo bosahye*

15 Mari Pacĕre ihĕamehĕedare. Tiquiro macĕno pehe tiqiro Pacĕro iĵiye tiyere ihĕore masare. Tiquiro macĕno iĵipĕtiyequina pano, iĵipĕtiye pano iĵi tuhasari jiri. Sa yero pĕhoro iĵire tiqiro. 16 Mari Pacĕ tiqiro

dutigā tiqiro macano pehe tiqiro Pacaro mehna ijipihiteyquinare, ijipihityere bajumehneahye. Ʋhmasepa ijyere, ahri yehpapu ijyere gāhare bajumehneahye. Mari ihñarire, mari ihñedari gāhare bajumehneahye. Ʋhmase cjēna pāhtoare, dutiyequinare ijipihiteyquinare bajumehneahye. Tiqiro ijipihiteyquina gāhare ijipihityere gāhare bajumehneahye. Sa yere ijipihiteyquina tiqiro yequina ijatiyquina ijimahye. Ijipihityere gāha tiqiro ye ijati ijimahye. <sup>17</sup> Ijipihiteyquina pano, ijipihityere pano Cristo iji tuhasahye. Sa ye tiqiro tutuaye mehna ijipihityere gāha, ijipihiteyquina gāha yojopare ijyere nine.

<sup>18</sup> Mari tiqiro yequina ijipihityere tiqiro pagu yero saha tiqiro ya curua cjāna ijiaja. Sa yero tiqiro mari dapu ijyere. Tiqiro yariaro masa mēja māhtariqiro ijyere ijipihiteyquina pāhtoro, ijipihityere cāoriquiro ijyero taro. <sup>19</sup> Cristo ihcāno sahata ijyere mari Pacu tiqiro ijyero sahata. Tiqiro sa ijigāta cahmeahye mari Pacu pehe. <sup>20</sup> Ijipihiteyquina masa tiqiro Pacarore cahme ihña tuhtie tiahye. Sa tiyina cahme ihña tuhtigā ihñano Cristo bosa duahye. Ʋhmase cjēnare, ahri yehpa cjēna gāhare tiqiro Pacarore ihña tuhtieragā ye duahye Cristo. Sa yero Ʋhmase cjē, ahri yehpa cjē gāha quehnoano ijigā cahmeahye tiqiro. Sa bosa duahye tiqiro curusapu yariaro, tiqiro diire cohāno. Tiqiro Pacaro cahmediro sahata yeahye Cristo.

<sup>21</sup> Māsa gāhare sata yeri tiqiro. Tiqiro Pacarore ihña tuhtina tiqiro mehna cjāna ijieramahye māsa gāha. Nāñene yeri jimedi māsa. <sup>22</sup> Tiqiro yariaro mehna tiqiro Pacarore mā sare ihña tuhtieragā yeri tiqiro. Sa yeri tiqiro quehnoana, nāñe mariena, buhiri mariena mā sare ijigā yero taro. Māsa sa ijigā mā sare sa buhiri marienapare tiqiro Pacarore ohorota. <sup>23</sup> Sata ohorota, māsa tiqirore wacū tutuaducugā. Sa yerota tiqiro quehnoañe buheyere māsa tūhorire māsa boeragā. Tī buheyere quehnoañe buheyere ijipihiteyquina ahri yehpapare ijyeyequina tūhori jire. Sa yegu yūhu gāha Pablo tī buheyere tūhugāta ijiaja.

### *Jesu yequinare yedohoriquiro ijyero, bucueahye Pablo*

<sup>24</sup> Cristo mari nāno yeri buhirire nāno yūhdūahye. Sa yegu yūhu gāha mā sare yūhu buheri buhiri nāno yūhdūgu bucueaja. Sa nāno yūhdūgu Cristo marine tiqiro cūrire ye sohtori tigu niaja. Sa yegu bucueaja. Cristo yere mari yeri buhiri mari nāno yūhdū nemoati dūhsarīne. Sa yegu tiqirore māsa wacū tutuatre nāno yūhdūgu bucueaja yūhu. Tiqiro pagu yero saha ijina tiqiro ya curua cjāna ijyere māsa. <sup>25</sup> Jesu yequinare yedohoacjare cūri Cohācū yūhare. Māsa ye ijiatire yedohoacjare yūhare cūri tiqiro. Tiqiro yere mā sare yahu pehoacjare cūri yūhare. <sup>26</sup> Tiqiro yere peye cūhmari panopu cjēnare yahu pehoera tiahye mari Pacu. Yojopu cjēnare tiqiro yequinare tūre quehnoano yahu peho cāhre. <sup>27</sup> “Judio masa ijyeyequinare yūhu buhegu yee buheye quehnoa yūhdūhare”, ni tiqiro yequinare tūre yahuri. Panopu tiqiro yahuerarire yojopu yahuri. Ohō saha ijyere tiqiro ye: Cristo tiqiro yequina mehna ijyere. Tiqiro sa ijigā tiqiro yequina Ʋhmasepa quehnoa yūhdūaropu ijyeta. Tī ijyere panopu tiyina masiedari mari Pacu ye.

<sup>28</sup> Cristoreta yahuaja. Ijipihiteyquinare cuesāgu tiyinare buheaja yūhu. Quehnoano masiñe mehna buheaja yūhu quehnoano Cristore mā sare masigū yegu tagu. Sa buheaja yūhu tiqiro yere tiyina quehnoano yeyequina ijigā yegu tagu. <sup>29</sup> Ahri ijyere yūhu dahraye. Mari Pacu tiqiro ye tutuaye mehna yūhare tiqiro ohori tutuaye mehna tutuaro dahraya yūhu, tiqiro yere buhegu.

## 2

<sup>1</sup> Ahrire m̄sa masigū cahmeaja. M̄sa ye ijiatire, Laodicea c̄ēna ye ijiatire, ijipih̄tiyequina apequina ye ijiatī ḡh̄ure tutuaro dahraja ȳh̄u. Ijipih̄tina m̄sa ȳh̄ure ih̄ñena ye ijiatī ḡh̄ure tutuaro dahraja ȳh̄u. <sup>2</sup> Sa dahraja ȳh̄u m̄sa quehnoano jeripoh̄na tiatire. M̄sa mehna c̄jēna m̄sa cahme cah̄iati ḡh̄ure sa dahraja ȳh̄u. Coh̄āc̄jū ye panop̄u tiq̄iuro yahuerari Cristore masigū yeye ijire. Tiquiro yere masina tiq̄iurore wacū tutuare m̄sa. Tiquirore m̄sa quehnoano masiatire, tiq̄iuro mehna m̄sa quehnoano ijiatire tutuaro yedohoaja m̄sare. <sup>3</sup> Apequina tiquina masiedarire Cristo dih̄ita quehnoano masi peho c̄āhre. Sa yero quehnoano masiniquiro ijire tiq̄iuro. <sup>4</sup> Ahrire niaja m̄sare “Apequina m̄sare sijoro saha t̄h̄o coaye buheye mehna ni mehoari”, nigū. <sup>5</sup> Ȳh̄u m̄sa watoa ijierapegata ȳh̄u wacūno mehna m̄sa watoa ijigū yero saha t̄hotuaja. Sa yegū Cristore m̄sa quehnoano wacū tutuaducurire, m̄sa quehnoano yeri ḡh̄ure masigū bucueaja ȳh̄u.

<sup>6</sup> Sa yena Cristore m̄sa wacū tutua d̄acariro sahata sata tiq̄iurore wacū tutuaye mehna decoripe quehnoano ijiducuya. <sup>7</sup> Tiquirore quehnoano masina ijīya m̄sa. Sa yena decoripe tiq̄iurore masi nemoña panop̄u m̄sare apequina tiquina buheriro sahata. Sa yena Cristore bucue, “Quehnoare”, niducuna ijīya m̄sa.

*Cristo yequina ijina, quehnoañe pehere cahmeaja mari*

<sup>8-10</sup> Quehnoano yeya m̄sa. Masa tiquina esa tuharo tiquina buheye tiquina ni mehoñene t̄ahoerac̄āh̄ña. Tiquina panop̄u c̄jēna tiquina esa tuharo niñene buhere. Tiquina sa niñe d̄h̄seati ijierare. Ūhm̄se c̄jēna p̄h̄toa yere, wat̄a ye ḡh̄ure sa buhe maca c̄āhre. Cristo ye pehere buherare. Cristo mari Pac̄u ijiro sahata ijiriquiro ijiro, Coh̄āc̄jū warota ijirota nine. Tiquiro yequina ijina Coh̄āc̄jū mehna quehnoano ijīaja mari. Tiquirota ijipih̄tiyequina p̄h̄toa bui, angele p̄h̄toa bui ḡh̄ure p̄h̄toro ijire. Tire masina ni mehoñene buheyequinare t̄ahoerac̄āh̄ña. <sup>11</sup> Sa yena Cristo yequina ijina cuhnucunū cahseroḡāre ȳh̄re nediquina yero saha ijire m̄sa. Ti cahseroḡāre tiquina ȳh̄re ne coh̄āriro sahata Cristo m̄sa ñañene tutuaro cahmeñene coh̄āri. <sup>12</sup> Tiquiro yequina ijina wame yenohrina wahari jiri m̄sa. Tiquiro wame yenohrina wahana oh̄o saha ni ih̄ñona nidi jiri m̄sa. Ti m̄sa ñañe yerire m̄sa ya c̄ūboro saha tire duhuri jiri m̄sa. Cristo masa m̄jano quehnoanop̄u wahahye. Tiquiro sa wahariro sahata Coh̄āc̄jūre wacū tutuana “Tiquiro tutuariquiro ijire”, nina, quehnoañe pehere comesari jiri m̄sa. Tiquiro Coh̄āc̄jū pehe Cristore masoriquiro ijire. Tiquiro wame yenohrina ijina quehnoañe pehere m̄sa comesarire ih̄ñona niaga m̄sa.

<sup>13</sup> Panop̄ure m̄sa ñana m̄sa ijiri buhiri pecap̄u wahaborina ijimahye m̄sa. Sa wahaborina ijimahye m̄sa Coh̄āc̄jū yequina ijierana. Tiquiro dutiye mariena ijimahye m̄sa. Yojoṗ̄ure mari Pac̄u marine tiq̄iuro mehna sa ijiducuanare yeri. Cristo tiq̄iuro yariari mehna sa yeri tiq̄iuro marine. Sa yero ijipih̄tina mari ñañe yerire bo c̄āhri jiri tiq̄iuro. <sup>14</sup> Coh̄āc̄jū tiq̄iuro dutiyere ȳh̄d̄d̄c̄cana mari ijiepeḡata tiq̄iuro marine buhiri ti dutierari jiri. Ti dutiye marine buhiri dahre dutiepeḡata ti dutiyere sa ih̄ña c̄āhno, marine buhiri ti dutierari jiri. Cristo curusap̄u tiq̄iuro yariari mehna Coh̄āc̄jū pehe mari ñañe buhirire coh̄ā c̄āhre. <sup>15</sup> Masa tiquina ih̄ñonop̄u wat̄a p̄h̄toare Coh̄āc̄jū ȳh̄d̄d̄c̄ahye. Ihyo ijieyequina tojoa c̄āhye tiquina pehe. Sa yero tiquinare b̄oro wahagū yeahye. Curusap̄u yariaro Cristo ñañequina p̄h̄toare ȳh̄d̄d̄c̄ahye.

### *Ɖhmuse cjēne Cohācjū yere cahmeña*

<sup>16</sup> Sa ye apequina masa ihyayere, masa sihniñe gāhare ihñañe masare “Buhiri tina ijire”, ni ihñaboaga. Tiquina sa ni ihñagū sa ihña cāhña tiquinare. Cahmaripe ijiye decorire, asūripe ijiye decorire, semanaripe ijiye decorire bose decori masa yeragū ihñañe masare “Buhiri tina ijire”, niboaga tiquina. Tiquina sa nigū sa ihña cāhña tiquinare. <sup>17</sup> Panopm ti ihya dutiyere, bose decorire ye dutiyere, apeye dutiye gāhare cūahye Cohācjū marine buhero taro. Ti dutiye mehna camerū tiquiro yeatire Cohācjū ye ihñono niahye. Cristo tiquiro ijie tiatire mehenogā ye ihñono niahye masare. “Tiquiro ohō saha waharota”, nino sa ye ihñono niahye. Sa yeati ijimahye ti dutiye. <sup>18</sup> Ohō saha nimene ti dutiyere ye dutiyequina. “Sijoro saha ijiyere bajuagū ihñau usā”, niñe, tiquina angelere Cohācjūre tiquina ño peoboro saha ño peomene. Apequina masa yero saha tiquina ñañene tutuaro cahmeñene tahotumene tiquina. Sa ijiyequina ijiye “Masi peho cǎ usā”, ni tahotumene tiquina. Sa ye ye tiquina apequinare “Yuhduducaeraja”, niñequina, sijoro saha ye yequina yero saha ye ihñomene masare. Sa ye ye masare tiquinare ihña cū dutire. Tiquina sa dutigū tiquinare sa ihña cāhña. <sup>19</sup> Sa yepeta Cristo tiquiro dutiro saha ye ye niedare. Cristo pehe tiquiro yequinare dapu yero saha ijire tiquiro yequina pahoro ijiro. Tiquiro yequina pehe tiquiro pagū yero saha ijiyequina tiquiro ya curua cjēna ijire. Mari cohāri dohoye mari wa dari gāhu mari pagure ihcā pagū ijigū yere. Sata Cristo pehe tiquiro yequinare ihcāno mehna quehnoano mehna ijigū yere. Sa yero Cohācjū pehe tiquiro yequinare tiquirore masi nemogū yere.

<sup>20</sup> Sa ye Cristo yequina ijina ñañene ye duhurina ijire masa. Sa yena ahri yehpa cjē ñañe buheyere cahmedacāhña. Ti buheye ahmusepū ijimediquina ñañequina pahtoa ye ijire. Sa yena ti buheyere cahmedacāhña. ¿Duhse yena masa tiquina esa tuharo dutiyere ño peoajari masa?

<sup>21</sup> Ohō saha ni dutire tiquina esa tuharo dutiyequina: Ahri borore ihyeracāhña. Ahri borore ne ihya tuhueracāhña. Ahri borore piheracāhña. Sata ni, dutire tiquina. <sup>22</sup> Mari apee borore ihyagū duita pihtia wahare. Sa ijiye borore pihtiyere borore tahotuyere nine sa dutiyequina. Tiquina sa dutigū ahri yehpa cjē dutiye dihita ijire ti dutiye. Masa tiquina esa tuharo tiquina buheye dihita ijire ahri buheye. Sa ye duhseati ijierare. <sup>23</sup> Ti dutiyere ye yequina Cohācjūre ño peoyequina yero saha ijimene. Sa ijiye apequinare yuhduducaeyequina yero saha ye ihñomene. Tiquina pagūgire ñano yuhdugū ye ye Cohācjūre ño peoyequina yero saha ye ihñomene tiquina. Tiquina sa yegū tiquina ye dutiye pehe masi pehoyequina ye dutiye yero saha ijimene. Sa ijierare. Ti dutiyere yepeta tiquina ñañene tutuaro cahmeñene duhuerare. Sa ye tiquina ye dutiye pehe duhseati ijierare.

## 3

<sup>1</sup> Sa yena Cristo yequina ijire masa. Panopm masa ñañe yerire duhu, quehnoañe pehere comesari jiri masa. Sa comesana ijina ahmuse cjēne Cristo yere cahmeña masa. Topure mari Pacu poto pehepū dujire tiquiro. <sup>2-3</sup> Ɖhmuse cjē Cohācjū yere quehnoano tahotuya masa. Ahri yehpa cjē ñañene wacū ñañedacāhña masa. Cristo yequina ijina ti ñañene wacū duerare masa. Tiquiro pehe ti ñañene cahmotare. Sa yena tire wacū ñañedaro cahmene masare. <sup>4</sup> Sa yena Cristo ahmusepū marine sa ijiducuatinare yeriquiro tiquiro ahtagū tiquiro mehna wahanata masa. Sa wahana tiquiro mehna cjāna ijinata.

*Cristo yequina mari ijiatu panore ñañene yemi mari*

<sup>5</sup> Sa ye ñañene ye duhu cãhña m̄sa: Omoca ðahterina gũh, ðahterarina gũh wuana tiyere, ña yuhðaro yeyere, apequiro namonore tutuaro cahmeñene, apecoro mananore tutuaro cahmeñene, ñañene tutuaro cahmeñene duhu cãhña m̄sa. Apee borore tutuaro cahmedacãhña. Apee borore tutuaro cahmena “Cohãcjũ ijire”, tiquina niñe queoyere mari cahmeno sahata yena niaja mari tire. Doeri cjene ño peoyequina yero saha yena niaga m̄sa. <sup>6</sup> Ti ñañene yeyequina Cohãcjũre yuhðuducayequina ijire. Tiquina sa ye yuhðuducagũ ihñano tiquinare buhiri dahrerota. <sup>7</sup> Panop̄are m̄sa pehe ti ñañene yena ijina tiquina mehna ijirina ijimahye m̄sa.

<sup>8</sup> Sa ijimedina ijiepenata vojop̄are ahri ñañene duhu peho cãhña m̄sa: Usuayere, apequinare ñano ni tuhotuyere, apequinare ñano quti dahreyere, ñano yahuducuyere tire ijipihtiyere duhu cãhña. <sup>9-10</sup> M̄sa pehe Jesu yequina wahana ti ñañe yeyere duhu tuhasari jiri. Sa yena quehnoañe pehere comesarina ijire m̄sa. M̄sare quehnoañe pehere cahmegũ yero nine Cohãcjũ tiquiro yero saha m̄sa ijiato saha. Sa yere tiquiro quehnoano tiquirore m̄sa masiato saha. Sa yena m̄sa mehna cjẽnare ni mehoedacãhña. <sup>11</sup> Cristo yequina ijina judio masa, judio masa ijiena gũh ihcãno saha ijire m̄sa, Cohãcjũ ihñagũ. Cuhnucun̄ cahserogãre yuhre nediquina, yuhre nedariquina gũh Cristo yequina ijie ihcãno saha ijire, Cohãcjũ ihñagũ. Ape yehpa cjena, m̄sa masieñequina, m̄sa ya yehpa cjena gũh Cristo yequina ijie ihcãno saha ijire, Cohãcjũ ihñagũ. Dahra cohteyequina, dahra cohteyequina ijieyequina gũh Cristo yequina ijie ihcãno saha ijire, Cohãcjũ ihñagũ. Jesu ijipihtiyequina tiquiro yequina mehna ijire. Ihyo ijiriquiro ijierare, tiquiro yequina ihñagũ.

<sup>12-13</sup> Sa ye Cohãcjũ beserina, quehnoana, tiquiro cahña ijina ohõ saha ijia m̄sa: Apequinare paja ihñana, apequinare quehnoano yena, apequinare quehnoano mehna yena, “Apequinare masi yuhðuducaja”, nienna, m̄sare tiquina ñano yepegũta sa tuhotu cãna ijia m̄sa. M̄sa mehna cjena mehna usuana, tiquinare quti dahrena, m̄sa basi usua duhuya. Mari p̄horo m̄sa ñañe yerire bori. Sa tiquiro boriro sahata m̄sa gũh m̄sa mehna cjena m̄sare tiquina ñañe yerire boya. <sup>14</sup> Ahri dutiye yuhðuro ohõ saha ni dutiaja m̄sare: Apequinare cahña. M̄sa sa yena quehnoano ijipihtiyequina mehna ihcãno mehna ijinata. <sup>15</sup> Cristo marine quehnoano ijigũ yere unureno marieno mari ijiato saha. Tiquiro sa yegũ quehnoano ijia m̄sa basi. Sa yeatinare tiquiro yequina ijiatnare cũahye mari Pac̄a m̄sare. Sa yena Cristo pagũ yero saha ihcã curuata ijire m̄sa. Sa ye Cohãcjũre “Quehnoare”, ni bucuena ijia m̄sa.

<sup>16</sup> Cristo ye buheyere quehnoano wacũducuya m̄sa. Quehnoano masi buheya tiquiro yere. Cua pesaro mehna tire yahuya. Sa yena Salmore Cohãcjũ yere basayere, apeye tiquirore ño peo basayere tiquirore basa peoya. Quehnoano wacũ ño peoye mehna basa peoya. Sa basana tiquiro yere quehnoano wacũña m̄sa. Sa yena Cohãcjũre “Quehnoare”, ni bucuena ijia m̄sa. <sup>17</sup> Ijipihtiyere ðahse ijiyere m̄sa yeyere quehnoano jeripohna ti yeya, mari p̄horo Jesu tiquiro bucueato saha. Cristore ño peore m̄sa. Sa yena tiquirore ño peoye mehna quehnoañe dihitare yahuducuya. Sa yena Cristo yedohoye mehna Cohãcjũ mari Pac̄are sinina “Quehnoare”, ni bucueya tiquirore.

*Jesu yequinare ihcãno mehna iji dutiye ohõ saha ijire*

<sup>18</sup> M̄sa man̄ tina numia, m̄sa man̄sum̄are quehnoano yuhtiya m̄sa. Sata yero cahmene m̄sare mari p̄horo Cristo yequina numia ijina.



<sup>19</sup> MUSA namo tina, MUSA namosãnumiare cahñña. Sa yena tiquina numiare tuhtieracãhña.

<sup>20</sup> MUSA tiquina pohna gãhñ, MUSA PACUSUMARE YUHDUDUCAERACãHÑA. MUSA sa yegũ ihñano mari puhtoro quehnoano bucuere.

<sup>21</sup> MUSA tiquina PACUSUMAA gãhñ MUSA pohñare sa tuhtiducueracãhña “Bajua witigũ yeari”, nina.

<sup>22</sup> Cahacjãna, MUSA puhtoare ahri yehpa cjenare quehnoano yuhtiducuya. Tiquinare bucuere dutina tiquina ihñonopũ dihitarẽ yuhtina ijieracãhña. Tiquina mariedagũ gãhure yuhtiya. Mari puhtoro Cristore cua pesaro mehna MUSA ihñano sahata quehnoano mehna yuhtiya MUSA puhtoa gãhure.

<sup>23</sup> Potota Cristo yequina ijina quehnoano yuhtire MUSA tiquiore. Sa yena MUSA puhtoare ahri yehpa cjenare yuhtina, Cristore MUSA yuhtiro saha yuhtinata nine MUSA. Sa yena MUSA puhtoa tiquina dutiro sahata tutuaro mehna dahraya, Cristo ye dutiye ti ijiboriro saha. <sup>24</sup> MUSA sa yegũ Cristo MUSA quehnoano yerota. “MUSA ohoutja”, tiquiore niñene MUSA ohorota mari puhtoro. Tire masine MUSA. Mari puhtoro Cristo cahacjãna ijire MUSA. Sa yero tiquiore pehe MUSA puhtoro waro ijire.

<sup>25</sup> Tiquina puhtoare yuhduducayequinare buhiri dahrerota mari puhtoro pehe. Sa yuhduducayequinare ihcãquiore dũsaro marieno ihcãno saha buhiri dahrerota tiquiore.

## 4

<sup>1</sup> MUSA puhtoa pehe, MUSA cahacjenare pota queoro quehnoano yeya tiquinare. MUSA gãhñ puhtorore cuore. MUSA puhtoro MUSA cuoriquiro pehe uhmuse cjanõ ijire. <sup>2</sup> Decoripe Cohãcjãre siniña MUSA. Quehnoano wacũ tuhotu siniña. Sa yena “Quehnoare”, niña mari PACURE. <sup>3-4</sup> Ušã ye ijati pehere sini basaya tja. Cristo yere apequina panopũ tiquina masiedarire buhena niaja ušã. Tiquinare ušã quehnoano masigũ yeati pehere sini basaya mari PACURE. Cristo yere yuññ buheri buhiri yuññ yojopare peresupũ ijijaja. Sa yegũ MUSA sa sini basagũ cahmeaja tiquiore yere yuññ quehnoano yahuatire. Cristo dutiriro saha yuññ yahuati pehere sini basaya.

<sup>5</sup> Jesu yequina ijieyequina mehna ijina quehnoano yeya MUSA. Cristo yere yahuya tiquinare. Tiquina mehna MUSA ijiro puno sata quehnoano yeya. <sup>6</sup> Tiquina mehna yahuducuna quehnoano bucuere mehna yahuducuya. Quehnoañe dihitarẽ yahuducuya. Apequina MUSA tiquina sinitugũ quehnoano masiña MUSA yuhtiatire.

### *Quehnoa duti bato tiahye Pablo*

<sup>7</sup> Tiquico mari acayuro Jesu yaquiore ijire. Tiquiro yuññ ijieye tiyere MUSA yahuata. Tiquiro mari cahñiquiro ijire. Cristo yere buhero, ušã mehna dahrariquiro ijire. Sa yero Cristo yere ne duhuerare tiquiore. <sup>8</sup> MUSA cahapũ tiquiore ohou yuññ ušã ijieye tiyere MUSA masino quehnoano. Tiquiro ohou yuññ MUSA bucuere yeatiquiore. <sup>9</sup> Onésimore mari acayurore MUSA cahapũ ohou. Tiquiro gãhñ Cristo yere ne duhuerare. MUSA mehna cjanõ ijire. Tiquina puaro ušã ohõre dũhse yuhdurire yahueta MUSA.

<sup>10</sup> Aristarco peresupũ ijiriquiro yuññ mehna cjanõ MUSA quehnoa dutire. Marco gãhñ quehnoa dutire. Tiquiro Bernabé basuriro ijire. Tiquiro yahu tuhasa MUSA. MUSA cahapũ tiquiore esagũ quehnoano mehna tiquiore piti caya. <sup>11</sup> Jesu “Justo”, tiquina ni pisuriquiro quehnoa dutire tiquiore gãhñ. Ahriquina ihtiarota yuññ mehna dahrayequina judio masa waro ijire. Judio masa waro tiquina dihita Cohãcjũ yere yuññ mehna buhere. Sa buheaja ušã Cohãcjũ yequina masa wahatire, Cohãcjũre tiquina puhtoro tiatire. Tiquina yuññ quehnoano yedohoriquina ijire. <sup>12</sup> Epafra MUSA mehna ijiriquiro

m̄sare quehnoa dutire. Tiquiro Cristore dahra coheriquiro ijire. Cohãcjüre sinino, m̄sa ye ijiatire tutuaro sini basaducuro nine tiquiro. Cohãcjüre quehnoano wacũ tutuaducuatiquinare, tiquiro cahmeno saha yeatiquinare m̄sa ijiatire sa sini basaducuro nine tiquiro Cohãcjüre. <sup>13</sup> Tiquiro m̄sa ye ijiatire tutuaro sini basare. Laodicea cjëna ye ijiatire, Hierapoli cjëna ye ijiati gãhure tiquiro tutuaro sini basare. Tiquiro sa yeriquiro ijigã ihñagũ m̄sare yahugũ niája. <sup>14</sup> Duturu Luca mari cahñiquiro m̄sare quehnoa dutire. Dema gãhũ quehnoa dutire.

<sup>15</sup> Quehnoahdo mari acaye Jesu yequina Laodicea cjëna. Ninfa gãhũ quehnoahdo. Jesu yequina ticoro ya wãhũpũ cahmecoañequina gãhũ quehnoahdo. <sup>16</sup> Ahri pũre yãhũ ojoa ohori pũre m̄sa mehna cjënare m̄sa buhe tuhasari bato Laodicea cjëna gãhure ohoya. Sa yena tiquinare Laodicea cjënare yãhũ ojoa ohori pũre m̄sa gãhũ buheya. <sup>17</sup> Sa yena ohõ saha niña Arquipore: “Mari pãhtoro Jesu yaquiro m̄hũ ijigã tiquiro yere buheacjüre cãri m̄hure. Tiquiro sa cãgã quehnoano buhe sohtori tiya m̄hũ”, niña tiquirore.

<sup>18</sup> Yãhũ Pablo, yãhũ omoca mehna ahrire ojoaja. M̄sare quehnoa dutiaja yãhũ. Peresupũ yãhũ ijiyere wacũ, sini basaya m̄sa Cohãcjüre. Quehnoano ijiya m̄sa. Cohãcjũ cahñe mehna m̄sare quehnoa dutiaja.

# 1 Tesalonicenses

## *Pablo oja ohoahye Jesu yequinare Tesalónica cjênare*

<sup>1</sup> Yũhũ Pablo, Silvano, Timoteo gũhũ m̄sare quehnoa dutiaja. Sa yegu ahrire m̄sare oja ohoaja yũhũ, Pablo. M̄sa pehe Tesalónica cjãna mari Pacũ Cohãcjũ yequina ijire. Mari pũtoro Jesucristo yequina gũhũ ijire m̄sa. Sa yena Cohãcjũ mari Pacũ, mari pũtoro Jesucristo mehna m̄sare quehnoa dutiaja. Tiquina yedohoye mehna quehnoano ijiya m̄sa.

## *Jesu yequina Tesalónica cjãna pehe Jesure quehnoano wacũ tutuahye*

<sup>2</sup> Cohãcjũre sinina ijipihtiyequina Jesure m̄sa wacũ tutuayere wacũna, “Quehnoa yũhdũare usãre”, niducujaja usã m̄sare. Cohãcjũre sinina, m̄sa ye ijiatire sa sini basaducuna niaja usã. <sup>3</sup> M̄sa pehe Jesucristore quehnoano wacũ tutuãñohti. Sa wacũ tutuana, Jesu yere yeñohti m̄sa. Jesucristore, apequina gũhũre m̄sa cahĩñohti. Sa cahĩna, Jesu yere tutuaro yena niaga m̄sa. Jesucristore mari pũtorore wacũ tutuaducũñohti m̄sa. Sa wacũ tutuaducuna m̄sare tiqũiro yũhdũoatire masina, tire cohtena niñohti m̄sa. Sa yena tiqũirore wacũ tutua duhuerañohti m̄sa. Cohãcjũ mari Pacũre sinina, tire m̄sa sa yerire wacũaja usã. <sup>4-5</sup> Usã acaye, Cohãcjũ cahĩna ijire m̄sa. M̄sare tiqũiro beserire masiaja usã. Sohõ ijiri pje m̄sare quehnoañe buheyere buhena sa yahu cãna niedũ m̄sare. Espĩritu Santo tiqũiro tutuaye mehna quehnoañe buheyere buhena nii m̄sare. Sa buhena ti buhaye poto ijigũ quehnoano masii usã. Sa yena m̄sa watoa usã ijina, usã yerire masine m̄sa. M̄sare yedohona sa yei usã. M̄sare buherina ijina, Cohãcjũ beserina m̄sa ijigũ masiaja usã.

<sup>6</sup> Sohõ ijiri pjepe m̄sa ñano yũhdũna, quehnoañe buheyere cahmedi m̄sa. M̄sa sa cahmegũ, Espĩritu Santo pehe m̄sare quehnoano bucuẽgũ yeri. Tiquiro sa yegũ m̄sa pehe usãre ihña cũ, usã yeriro sahata yeri. Sa yena Jesu gũhũre ihña cũri m̄sa. <sup>7</sup> Sa ye Jesu yequina Macedonia yehpa cjãna, Acaya yehpa cjãna gũhũ Jesu yere m̄sa yerire masidi. Sa masiñe tiquina gũhũ m̄sare ihña cũ, m̄sa yeriro sahata yeri. <sup>8</sup> Macedonia yehpa cjãna, Acaya yehpa cjãna gũhũ mari pũtoro yere m̄sa buhegũ tũhooñohti. Cohãcjũre m̄sa wacũ tutuarire tũhoriquina pehe tiquina dihita ijierare. Ijipihtiro cjãna m̄sa wacũ tutuarire tũhooñohti. Sa ye usã tiquinare yahuerapẽgũta tire masi tuhasari tiquina. <sup>9</sup> Sa ye m̄sa cahapũ usã tinidire, usãre m̄sa quehnoano piti carire yahuri tiquina ijipihtiro cjãnare. Sa yena Cohãcjũ pehere wacũ tutuana, “Cohãcjũ ijire”, ni m̄sa ño peoye queoyere cohã cãri m̄sa Cohãcjũ ye pehere yena tana. Tiquiro Cohãcjũ pehe catiriquiro, Cohãcjũ waro ijire. <sup>10</sup> Sa ye “Cohãcjũ macũnore uhm̄sẽpũ ahtatiqũirore Tesalónica cjãna cohteyẽ nine”, ni yahuri masa m̄sare. Tiquiro macũnore yariariqũirore Cohãcjũ masoahye. Tiquiro sa masogũ tiqũiro macũno Jesu pehe marine ña yũhdũaro tiqũiro buhiri dahreborinare yũhdũori jiri.

## 2

## *Tesalónica wame tiri macapũ tiqũiro dahrarire yahuahye Pablo*

<sup>1</sup> M̄sa cahapũ ijina usã sa iji cãna nieda tii. M̄sare quehnoano yedohorina ijie tii usã. Tire quehnoano masine m̄sa, usã acaye. <sup>2</sup> Sa yena Filipopũ ijina ñano usã yũhdũrere, usãre ñano tiquina yerire quehnoano masine m̄sa. Usãre tiquina sa yepẽgũta Cohãcjũ yedohoye mehna cuero marieno Cohãcjũ

yere quehnoañe buheyere buhei usã mûsa gũhare. Usãre masa peyequina tiquina ihña tuhtiepegũta quehnoañe buheyere buhei usã musare. <sup>3</sup> Musare buhena quehnoano usã masidire buhei usã musare. Sa buhena potota musare yedohona nii. Musare buhena ni mehoedu. <sup>4</sup> Cohãcũ cahmeno saha buheaja usã. Quehnoañe buheyere buheanare Cohãcũ beseri usãre. Tiquiro sa beserina usã ijigũ tiquiro ye buheyere usã buhegũ quehnoarĩne, Cohãcũ ihñagũ. Sa yena ohõ saha buheaja usã. Masa tiquina ihña bucueatire buhena niedaja usã. Cohãcũ pehe usãre tiquiro ihña bucueatire tiquiro yere buheaja usã. Tiquiro pehe mari tuhotuyere, mari ye duayerere quehnoano masine. <sup>5</sup> Quehnoañe buheyere buhena tuho bucueati yahuducuye mehna buhena niedu. Queoro quehnoano mehna buhei usã musare. Ahrire masine mûsa. Sa yena usã buhena, musare apee borore wapa cahmena niedu usã. Ahrire Cohãcũ masine. Potota nigu niaja. <sup>6</sup> Sa buhena masa usãre tiquina ño peoatire yena niedu usã. Musare apequina gũhare usãre ño peo dutina tana niedu.

<sup>7</sup> Sa ño peo dutierapenata Cristo cũrina ijiaja. Sa tiquiro cũrina ijina musare wapa cahmeboya usã. Sa yena puhtoato yero saha musare dutina ijiboya usã. Sa ijiepenata numino ticoro nijinogãre ticoro quehnoano masoriro saha quehnoano mehna yei usã musare. <sup>8</sup> Sa yena musare quehnoano cahmena, Cohãcũ yere quehnoañe buheyere buhei usã musare. Sa yena ti dihitarere yena niedu musare. Musare quehnoano yedohou, usã catinina. Usã cahina mûsa ijigũ musare sa yedohou usã. <sup>9</sup> Sa musare cahina tutuaro yedohou usã musare. Tire wacũre mûsa, usã acaye. Cohãcũ yere quehnoañe buheyere buhena mûsa cuoyere sini cariboeru musare. Sa yena decori, ñamini gũhare dahrau usã.

<sup>10</sup> Quehnoano, poto, ni mehono marieno musare Jesu yequinare usã yerire masine mûsa. Cohãcũ gũhu tire masine. <sup>11</sup> Sa yena ihcãquiro masano tiquiro pohnene tiquiro quehnoano yahu bucuegũ yeriro saha mûsa gũhare yahuna bucuegũ yei. Tire masine mûsa. <sup>12</sup> Cohãcũ tiquiro puhtoro ijiropu, quehnoa yuhduaropu musare pijiori. Sa yena tiquiro yequina mûsa ijigũ Cohãcũ cahmediro sahata musare iji dutii usã.

<sup>13</sup> Cohãcũ yere musare usã yahurire mûsa tuhona, ohõ saha ni tuhoturi mûsa: “Masa tiquina esa tuhoro tiquina buheye ijierare. Cohãcũ ye buheyeta ijire”, ni tuhoturi mûsa. Tire mûsa tuhotugũ masina bucueaja usã. Sa yena Cohãcũre sinina “Quehnoare”, niaja usã tiquirore. Ijirota ijire. Musare usã buheye Cohãcũ yahuducuye poto ijirota nine. Sa yero mûsa Jesure wacũ tutuana ijigũ Cohãcũ tiquiro ye buheye mehna musare quehnoañe pehere comesagũ yere. <sup>14</sup> Jesucristore wacũ tutuayequinare Judea yehpa cjẽnare tiquina yeriro saha mûsa gũhare yeri apequina. Judea yehpa cjẽna Jesu yequina pehere tiquina acaye ijiepetata ñano yuhduagũ yeri judio masa pehe. Mûsa gũhare mûsa ya dihta cjẽna ñano yuhduagũ yeri. <sup>15-16</sup> Judio masa pehe Cohãcũ yere yahu muhtariquinare panopu cjẽnare wejẽe tiahye. Sa ye mari puhtoro Jesu gũhare wejẽahye tiquina. Sa yeye tiquina usãre cohãri. Cohãcũre tiquina bujua wutigũ yeri. Sa ye peyequina masare ihña tuhtiri tiquina. Judio masa ijieyequinare Cohãcũ yere usã yahu duami tiquina gũhare pecapu wahaboriquinare “Cohãcũ yuhduoahro”, nina. Usã sa yahu duepegũta judio masa pehe usãre ne Cohãcũ yere apequinare yahu dutierari. Sa yahu dutieraye pajiro buhiri ti nemoñe nine tiquina. Yojopare tiquinare tutuaro Cohãcũ buhiri dahrerota.

<sup>17</sup> ʘsã acaye, yojopure mehenogã mûsa cahapũ ijierana mûsare wacũna niaja. Sa yena mûsare tutuaro ihña duana, mûsa cahapũ waha duami. <sup>18-19</sup> Ihquẽ tahari yũhu Pablo mûsare ihñagu waha duami. Yũhu sa waha duepegãta Satana pehe usã wahaborirore dojemhnedi. Sa yena wahaeru usã. ʘsãre bucuegũ yena mûsa ijigũ mûsare ihña duami. ʘsã buhegũ quehnoano tuhõrina ijire mûsa. Mari pũhtoro Jesu ahri yehrapũ tiquiro tojoa tagũ mûsa pehe usãre bucuegũ yenata. Sa yena bucueye mehna mûsa mehna Jesu poto ducunata. <sup>20</sup> Sata ijire. Mûsare ihñano Jesu pehe “Quehnoano buheri mûsa”, ninota usãre. Sa yena quehnoano bucueaja usã.

### 3

<sup>1-2</sup> Sa ye mûsare yoari pje ihñedana mûsare tutuaro tuhõ duana tire wacũna, Timoteore mûsa cahapũ ohou. Tiquiro mari acayuro Jesu yaquiro Cohãcjũ cahacjũno ijiro, usã mehna quehnoañe buheyere buheriquiro ijire. Sa yena tiquirore ohou Jesucristore quehnoano mûsa wacũ tutuatire, mûsa bucueati gũhare. Tiquirore ohona usã sehõsaro Atena wame tiri macapũ tojoarũ. <sup>3</sup> Mûsa ñano yũhdnepenata Jesu yere mûsa cohãedatire ohou usã Timoteore. Jesu yequina ijina ñano yũhdnata mari. Tire masine mûsa. <sup>4</sup> Panopure mûsa mehna usã ijinina, mari ñano yũhdnatireta yahu tuhasaũ mûsare. Sa yena usã nidiro sahata mari ñano yũhdnũ. Tire mûsa quehnoano masine. <sup>5</sup> Sa yegu mûsare yoari pje ihñedagu mûsare tutuaro tuhõ duan. Sa yegu Jesure mûsa wacũ tutuarire masigũ tagũ Timoteore ohou yũhu. “Watino mûsare ñano ye dutiari”, nigũ, “Mûsare usã buherire mûsapũ duhuari”, nigũ, tiquirore ohou yũhu. Jesu ye buheyere mûsa duhugũ mûsare usã buheri duhseati ijieraboaga.

<sup>6</sup> Sa yero yojopure Timoteo mûsa cahapũ ijiriquiro usã cahapũ tojoa wihiri. Sa tojoa wihiro quehnoañe quitire usãre yahuri tiquiro. Jesure mûsa quehnoano wacũ tutuayere, apequinare mûsa cahĩñe gũhare tiquiro yahuri usãre. Sa ni tuhasa usãre mûsa quehnoano wacũrere, mûsare usã ihña duariro sahata mûsa gũhu tutuaro usãre mûsa ihña duarire yahuri usãre tiquiro. <sup>7</sup> Sa yena usã acaye yojopure ñano yũhdnepenata mûsa Jesure quehnoano wacũ tutuagũ tuhõna usã bucueaja. <sup>8</sup> Jesure mûsa quehnoano wacũ tutuarire tiquiro yere mûsa cohãedarire tuhõna quehnoano jeri sajãja usã. <sup>9</sup> Sa ni tuhõtuna, Cohãcjũ ihñonopũ usã tutuaro bucueaja. Sa bucuenta Cohãcjũre “Quehnoare”, niaja usã. <sup>10</sup> Deco gũhare, ñamipũ gũhare Cohãcjũre siniaja mûsare usã ihñatire. Jesu yere mûsa quehnoano masi pehogũ ye duaja usã quehnoano mûsa tiquirore wacũ tutua nemoatire.

<sup>11</sup> Cohãcjũ mari Pacũ tiquiro basi, mari pũhtoro Jesu gũhu usãre tiquina yedohogũ cahmeaja mûsa cahapũ usã wahatire. <sup>12</sup> Sa yero mari pũhtoro Jesu ijipihtiyequina mûsa mehna cjenare, ijipihtiyequina apequina gũhare cahĩ nemogũ yehro mûsare. Mûsare usã cahĩdiro sahata tutuaro cahĩ nemogũ yehro mûsare. <sup>13</sup> Mûsare quehnoano tiquiro yedohogũ, buhiri mariena, ñañe mariena ijinata mûsa, Cohãcjũ mari Pacũ ihñagũ. Mari pũhtoro Jesu ijipihtiyequina tiquiro yequina quehnoañequina mehna ahri yehrapũ tiquiro tojoa tagũ sata ijinata mûsa.

### 4

*“Cohãcjũre bucuegũ ye duana ohõ saha yeya”, ni yahuahye Pablo*

<sup>1</sup> Yojopure Jesu mari pũhtoro tiquiro dutiro mehna mûsare ohõ saha ni yahuaaja: “Cohãcjũre bucuegũ ye duana ohõ saha yeya”, ni buhei usã mûsare.

Usã sa buheri bato usã buheriro sahata yeñohti mûsa. Mûsa sa yeriro sahata ye nemoña. Tire tutuaro ye dutiaja mûsare.

<sup>2</sup> Jesu mari puhtoro tiquiro buhe dutiro mehna mûsare usã buherire quehnoano masine mûsa. <sup>3</sup> Ahrire mûsare yahu nemoutja: Mûsa ohõ saha ijigũ cahmene Cohãcjũ: Ñañene yeracãhña. Cohãcjũ ye pehere yeya. Sa yena numia mehna ñano yeracãhña. Mûsa numia gũhu umã mehna ñano yeracãhña. <sup>4</sup> Ñano yero marieno, ño peoye mehna mûsa namosãnumiare cõoya. Cohãcjũ mûsa tire masigũ cahmene. <sup>5</sup> Cohãcjũre cahmeeñequina Cohãcjũre masieñequina ñañene tutuaro cahmeñe, numia mehna ñano tiquina yeriro saha yeracãhña mûsa pehe. <sup>6</sup> Tiquina yero saha mûsa yeragũ cahmene Cohãcjũ, mûsa acayuro namono mehna mûsa ñano yeratire. Mûsa sa ñano yena mûsa acayurore yuhduducana niaga. Mari puhtoro Cohãcjũ ti ñañene tiquina yegũ ihñano buhiri dahreatiquiro ijiro nine. Sa yena mûsare cuesãna tire yahua ja mûsare. <sup>7</sup> Ñañene yeanaresa beseahye Cohãcjũ marine. Ñañene ye dutieraro beseahye marine. <sup>8</sup> Sa yena ijipihtina mûsa ahri usã buherire yuhduducana, masa ye buheyerere yuhduducana niedare mûsa. Cohãcjũ ye pehere yuhduducana nine. Tiquiro mûsare Espiritu Santore ohoriquiro ijire.

<sup>9-10</sup> Mûsa acayere Jesu yequinare cahme cahñene Cohãcjũ mûsare buhe tuhasari. Tiquiro sa buhegũ potota Jesu yequinare Macedonia cjẽnare ijipitiyequinare quehnoano cahine mûsa. Mûsa sa cahigũ ihñana “Mûsa acayere cahme cahña”, ni buheraja mûsare. Tiquinare cahĩ tuhasare mûsa. Sa ni buhe nemoedapenata ahri pehere mûsare dutiaja. Yojo pure apequnare mûsa cahĩno sahata cahĩ nemoña mûsa. <sup>11</sup> Sa yena mûsa basi cahme ihña tuhtiro marieno ijija mûsa. Apequnare sijoro saha ni yahuducueracãhña. Sa ihña cãhña tiquinare. Sa yena mûsa ye dahraye pehere quehnoano dahraya. Panoputa mûsare sa ye dutii. <sup>12</sup> Sata yeya mûsa, apequna mûsare tiquina ño peoatire, apequna yere mûsa cariboeratire.

### *Ahri yehpapare Jesu tojoa tatire yahuahye Pablo*

<sup>13</sup> Yojo pure yariariquina mûnare yahutja mûsare: Jesure cahmedaye, masa Cohãcjũ caharu wahasi. Sa ye tiquina mehna cjẽna tiquina yariagũ ihñañe tutuaro buja witiere. Yariariquina mûna tiquina dũhse wahatire potota quehnoano mûsa masigũ cahmeaja usã, apequna tiquina buja witiro saha mûsa buja witiatore. <sup>14</sup> Jesu yariari bato masa mûjari jiri. “Ti potota ijire”, niaja mari. Sa yena ahri gũhare “Ijirota ijire”, ninata. Cohãcjũ pehe tiquiro yequina mûnare yariariquina mûnare masa mûjagũ ye, neanota Jesu mehna. Ti gũhare “Ijirota ijire”, niaja mari.

<sup>15</sup> Jesu tojoa tagũ tiquiro yequina yariariquina mûna catiyequina pano masa mûja mûhtaeta. Mari puhtoro Cohãcjũ ye yahuyeta ijire ahri. <sup>16</sup> Ohõ saha ijirota Jesu tojoa tagũ: Mari puhtoro tiquiro basi tutuaro sañuducu mûhtanota. Sa yero tiquiro yequina angele puhtoro tutuaro pisurota. Sa tiquiro pisugũ Cohãcjũ ya corneta bisirota. Tiquina sa yegũ Jesu yequina yariariquina mûna masa mûja mûhtaeta. <sup>17</sup> Came catiyequinare, yariariquina mûna mehna Cohãcjũ ummusepu mûjagũ yerota. Tiquiro sa yegũ mari puhtoro Jesure piti canata mari. Sa piti cana ijipihtiyere decori mari puhtoro Jesu mehna ijinata mari. <sup>18</sup> Ahri yuhũ yahurire mûsa mehna cjẽnare yahuya. Sa ni yahuna, bucuenata mûsa ijipihtina.

## 5

<sup>1</sup> Jesu tojoa tati decore “Ahri deco tojoa tarota”, ni, mûsare yahu ojoasi. <sup>2</sup> Yojo pure mûsa masino saha tiquiro tojoa tati decore marine masino basioer-

are. Yaqueriquiro ñamipũ wacũeno mehna tiquiro yaquero ahtaro saha ahri yehparũre mari puhtoro wacũeno mehna tojoa tarota. Ahrire m̄sa basita masine. <sup>3</sup> “Yojoũre mari quehnoano ijija. Cuaro mariedare marine”, masa tiquina ni wacũgũ duita ñano waharota tiquinare. Sa wahagũ tiquina duhti masisi. Niji wahcõricoro wacũeno mehna ticoro purĩno tuhoturo saha wacũeno mehna sa waharota masare.

<sup>4</sup> Yũhũ acaye, m̄sa pehere sa wahasi. Yaqueriquiro wuhũ c̄jnore tiquiro cuegũ yeriro saha m̄sa pehere sa wahasi. Jesu ahtaro m̄sare cuegũ yesi. Nahitianopũ ijiyequina tiquina ihña masieno saha apequna Jesure ne masiedare. M̄sa pehe tiquina yero saha ijierare. <sup>5</sup> M̄sa ijiphtina Jesu yequina ijire. Sa yena buhrioropũ tiquina ihña masino saha Jesu ahtatire masine m̄sa. Apequna tiquirore masieñequina yero saha ijieraja mari.

<sup>6</sup> Sa yena Cohãcjũre tuho nũnũna ijiihna. Carĩñequina yero saha Cohãcjũre tuho nũnũena ijieracãhna mari. Apequna sata yere. Tiquina yero saha yeracãhna mari. Carĩñequina yero saha, queheyequina yero saha quehnoano wacũ masina ijiihna mari. <sup>7</sup> Carĩñequina ñamipũ carĩne. Sa ye queheyequina ñamipũ quehere. <sup>8</sup> Mari pehe buhrioropũ ijiyequina yero saha Jesure masina ijina, quehnoano wacũ masina ijiihna. Sa yena surara come suhtiro mehna tiquiro cutirore saña cahmotariro saha Cohãcjũre wacũ tutuaya m̄sa, watĩnore tiquiro cahmotatire. Sa yena Cohãcjũre, apequna gãhũre cahña. M̄sa sa yegũ Cohãcjũ m̄sare ihña ihborota. Sa yena m̄sare pecapũ wahaborinare Jesu tiquiro yũhdũoatire “Potota ijire”, niña m̄sa. M̄sa sa nigũ surara tiquiro dapure come sapea mehna tiquiro pesa cahmotariro saha watĩno m̄sare ñano ye dutigũ Cohãcjũ tiquirore cahmotarota.

<sup>9</sup> Tiquiro buhiri dahreatinare marine beserahye Cohãcjũ. Jesucristo mari puhtoro pecapũ wahaborinare tiquiro yũhdũoatinare marine beseahye tiquiro. <sup>10</sup> Jesu mari ye ijiatireta yariahye tiquiro mehna mari ijiatire. Catiyequina, yariariquina gãhũ tiquiro mehnata ijietta. Sa yena ijiphtina tiquiro mehna ijinata mari tiquiro yequina ijina. <sup>11</sup> Sa yena m̄sa mehna c̄jenare yojoũ m̄sa bucuegũ yeriro saha m̄sa basita bucuegũ ye nemoña m̄sa. Sa yena m̄sa basita Cohãcjũre wacũ tutua nemogũ yeya m̄sa mehna c̄jenare.

### *Jesu yequinare Pablo yahu bato tiahye*

<sup>12</sup> M̄sare buheyequinare mari puhtoro buhe dutiro beseri jiri. Tiquiro sa ni besenohriquinare quehnoano ño peoya m̄sa. M̄sa sa ño peogũ cahmegũ m̄sare tutuaro dutiaja. <sup>13</sup> Tiquina dahrayere yegũ tiquinare cahñe mehna quehnoano ño peoya. Sa yena m̄sa mehna c̄jena mehna cahmequeno marieno ijija.

<sup>14</sup> M̄sare usã acayere, ahrire tutuaro dutiaja: Dahra dueyequinare dahra dutiya m̄sa. Wujũa witiyequinare bucuegũ yeya m̄sa. Jesure wacũ tutuera c̄jũñequinare yedohoya. Tiquina ijiphtiyequina mehna quehnoano usaro marieno bucueye mehna ijija m̄sa.

<sup>15</sup> Ihcãquiro m̄sare tiquiro ñano yegũ ihñana tiquirore ñano ye cahmedacãhña. Sa yena m̄sa mehna c̄jenare, ijiphtiyequina apequna gãhũre quehnoano yeya.

<sup>16</sup> Sa yena decoripe sa bucueducuya m̄sa. <sup>17</sup> Sa yena decoripe Cohãcjũre siniducuya. <sup>18</sup> M̄sa ñano yũhdũepenata Cohãcjũre bucue, “Quehnoare”, niña. M̄sa quehnoano yũhdũeri pje gãhũre “Quehnoare”, niña. Sa nina Cohãcjũ cahmeno sahata yena niaga m̄sa. Cristo Jesu yequina m̄sa ijigũ ihñano m̄sa sa nigũ cahmene tiquiro.



<sup>19</sup> Espíritu Santore yuhtiena ijieracãhña. <sup>20</sup> Espíritu Santo masiñe mehna apequina musare buhere. Tiquina sa buhegã ti buheyere yuhtiena ijieracãhña. <sup>21</sup> Apequina musare sijoro saha tiquina ni buhegã ti Cohãcjũ ye ijieragũ masiña musa. Sa yena Cohãcjũ ye buheye ti ijigũ gũhare masiña musa. Sa masina quehnoañe buheye dihitare cahmeña. <sup>22</sup> Sa yena ijipihtiye ñañene yeracãhña musa.

<sup>23</sup> Cohãcjũ marine quehnoano ijigũ yeriquire ijire. Tiquiro basi musare tiquiro yequinare quehnoana, ñañe mariena ijigũ ye nemoahdo musare. Musa paguri gũhare musa jeripohnari gũhare quehnoano ihña ihboahro. Mari puhtoro Jesucristo ahri yehparare tiquiro tojoa tato pano musare Cohãcjũ quehnoano ihña ihboahro musare “Ñañene yeari”, nino. Tiquiro sa yegũ Cristo ahtagũ ñañe mariena ijinata musa. <sup>24</sup> Sata ijigũ yerota Cohãcjũ. Tiquiro musare beseriquiro tiquiro nidiro sahata yere.

*Pablo gũhu quehnoa dutiahye*

<sup>25</sup> Usã ye ijiatire Cohãcjũre sini basaya musa, usã acaye.

<sup>26</sup> Musa mehna cjẽnare quehnoano mehna piti caya.

<sup>27</sup> Ijipihtiyequina Jesu yequinare ahri pũre buheya musa. Jesu mari puhtoro dutiye mehna ahrire musare dutiaja yũhu.

<sup>28</sup> Jesucristo mari puhtoro cahĩne mehna musare tutuaro quehnoa dutiaja.

## 2 Tesalonicenses

### *Pablo ojoa ohoahye Jesu yequinare Tesalónica cjēnare*

<sup>1</sup> Yũhũ Pablo, Silvano, Timoteo gũhũ m̄sare quehnoa dutiaja. Sa yegũ yũhũ Pablo ahrire ojoa ohoaja. M̄sa pehe Tesalónica cjāna mari Pacũ Cohācjũ yequina ijire. Mari p̄htoro Jesucristo yequina gũhũ ijire m̄sa. <sup>2</sup> Sa yena Cohācjũ mari Pacũ, mari p̄htoro Jesucristo mehna m̄sare quehnoa dutiaja. Tiquina yedohoye mehna quehnoano ijiya m̄sa.

### *Ahri yehpapure Cristo tojoa tagũ buhiri dahrerota Cohācjũ*

<sup>3</sup> Cohācjũre sinina, Jesure m̄sa wacũ tutuayere wacũna “Quehnoa yũhdũare usāre”, niducujaja usā Cohācjũre. Usā sa nigũ quehnoarĩne. Decoripe Cohācjũre m̄sa quehnoano wacũ tutua nemona niñohti. Sa yena decoripe m̄sa mehna cjēnare cahĩ nemona niñohti m̄sa. Sa ye Cohācjũre “Quehnoa yũhdũare usāre”, usā ñigũ quehnoarĩne. <sup>4</sup> Apequina m̄sare ñano tiquina yepegũta Jesure wacũ tutuaducũñohti m̄sa yojopũ gũhũre. Sa yena tiquirore wacũna duhuerañohti. M̄sa sa yegũ ihñana tire m̄sa yerire apequinare Cohācjũ yequinare bucueye mehna yahuaja usā. <sup>5</sup> Sa wacũ tutuaducuna Cohācjũ mari p̄htoro yequina m̄sa ijiri buhiri ñano yũhdũna niñohti m̄sa. Sa yero Cohācjũ tiquiro p̄htoro ijirõpũre waha dutiri jiri m̄sare. Tiquiro sa dutigũ queoro yeriquiro tiquiro ijigũ masiaja mari.

<sup>6</sup> Sa yero Cohācjũ queoro yeriquiro ijire. Sa yero m̄sare ñano yũhdũgũ yeyequina pehere ñano yũhdũgũ yerota tiquiro. <sup>7</sup> Sa yero mari ñano yũhdũrina ijigũ ihñano tiquiro marine quehnoano ijigũ yerota. Mari p̄htoro Jesu tiquiro yequina angele tutuayequina mehna, peca mehna uhm̄sepeũ bajaro quehnoano ijigũ yerota marine, ñano yũhdũrinare. <sup>8</sup> Sa yero Cohācjũre masieñequinare, mari p̄htoro Jesu ye buheyere quehnoañe buheyere yũhdũcariquinare Cohācjũ buhiri dahrerota. <sup>9</sup> Sa yero Cohācjũ tiquinare ohõ saha buhiri dahrerota: Pecapũ tiquina ñano yũhdũducueta. Sa ye tiquina tutuariquiro mari p̄htoro Jesu cahapũ ne waha masiedare. Sa ye tutua yũhdũariquiro tiquiro ijiyere ihñasi tiquina. <sup>10</sup> Sata waharota ti decopũ Jesu tiquiro tojoa tagũ. Ti decopũta tiquiro ahtarota tiquiro yequina “Quehnoariquiro, tutuariquiro ijire Jesu”, tiquina ni ño peotire. Sa ye tiquirore wacũ tutuayequina ño peota tiquirore. M̄sare usā buherire m̄sa quehnoano tũhori. Sa yena m̄sa pehe tiquiro mehna ijinata.

<sup>11</sup> Sa yena Cohācjũre sa sini basaducujaja usā m̄sa ye ijiatire. Ohõ saha ni Cohācjũre sini basaja usā: Tiquiro cahmeno sahata m̄sa yeatire, m̄sa mehna tiquiro bucueatire sini basaducujaja usā m̄sare. M̄sa quehnoana iji duanata niñohti. Sa yena Cohācjũ tutuaye mehna quehnoana m̄sa iji duariro sahata m̄sa ijiatire sini basaducujaja usā. M̄sa Cohācjũre wacũ tutuañohti. Sa wacũ tutuana tiquiro yere yeñohti m̄sa. Tire m̄sa quehnoano ye nemoatire Cohācjũre sini basaducujaja usā m̄sare. <sup>12</sup> Sa yena mari p̄htoro Jesucristore apequinare tiquina ño peogũ yenata m̄sa. M̄sa sa yegũ Jesucristo yequina m̄sa ijigũ ihñañe apequina ño peota m̄sare. Cohācjũ cahĩne mehna, mari p̄htoro Jesucristo gũhũ tiquiro cahĩne mehna sa waharota.

## 2

*Ñano yeducuriquirore yahuahye Pablo*



17 Jesucristo, mari Pacu mehna musare quehnoa dutiaja quehnoano musa bucuatire. Sa ye ijiphtiyere quehnoañene musa yeatire, musa quehnoano yahuducuatire Cohăcjüre musare sini basaja.

### 3

*“Usă ye ijiatire Cohăcjüre sini basaya”, ni ojoahye Pablo găhă*

1 Yojoru usă acaye, usă ye ijiatire Cohăcjüre sini basaya mari păhtoro Jesu ye buheyere peyequina masare usă buheatire. Sa yena tiquiuro ye buheyere musa quehnoano cahmediro sahata apequina pehe ti buheyere ño peoye mehna tiquina cahmeatire sini basaya musa Cohăcjüre. 2 Ihquëquinata Jesure wacū tutuare. Apequina pehe tiquiuro yere tuho dueraye, Jesure wacū tutuerare. Sa yena ñañequina masa usăre tiquina ñano ye duagū Cohăcjüre sini basaya musa usăre tiquiuro yedohogū. 3 Mari păhtoro Jesu tiquiuro nidiro sahata yeriquiro ijire. Sa yero musare tiquiore wacū tutuagū yerota. Sa yero watino musare tiquiuro ñano ye dutigū Jesu musare yedohorota. 4 Cohăcjü musare tiquiuro yedohorire masiaja usă. Sa yena musare usă dutiriro sahata musa yegū găhăre masiaja usă. Sa yena sata yeducunata musa. Ti găhăre masiaja usă. 5 Cohăcjü musare tiquiuro cahñene musare masigū yeahro. Sa yero Cristo yero saha musa ñano yăhdăepegūta ihcāno sahağū yeahro musare mari păhtoro. Sa ihña căhña musare ñano yeyequinare.

*Marine tutuaro dahraro cahmene*

6 Jesucristo mari păhtoro tiquiuro dutiro mehna ohō saha ni dutinatja musare: Jesu yequinare dahra dueyequinare, usă dutiyere yeeyequinare, tiquinare piti ti duhuya. 7 Sohō ijiri pje musa mehna usă ijigū tutuaro usă dahragū ihñari musa. Sa yena usă yeriro saha musa găhăre dahraro cahmene. Tire quehnoano masine musa. 8 Sa yena musa ihyayere wapa yero marieno ihyeru usă. Sa yena decopure, ñamipă găhăre tutuaro dahra usă “Musa ihyayere siniari”, nina. 9 Usă buheri wapa musare wapa ye dutiboaga usă. Sa wapa ye dutiborina ijiepenata wapa ye dutierana, tutuaro dahra usă, usăre musa ihña cūatire. 10-11 Musă mehna ijina, ohō saha ni buhei musare: “Dahraeyequina ihyeracăhdo”, ni buhei usă musare. Ihquëquina musa mehna cĵena ne dahra duerañohiti. Sa ye apequinare ñano quti yeye, caribo yăhdăăñohiti tiquina. Sa yeeyequina musa mehna tiquina ijigū ihñana ohō saha ni ojoaja musare: “Dahraeyequina ihyeracăhdo”, niaja usă. 12 Mari păhtoro Jesucristo tiquiuro dutiro mehna dahra dueyequinare ohō saha niaja: Quehnoano bucueye mehna dahraahro quehnoano tiquina ijiatire.

13 Usă acaye, musa pehe quehnoañene yeducna caributieracăhña. 14 Ihquëquina to cĵena ahrire usă ojarire yăhdăducaboaga. Tiquina sa yegū tiquina yerire quehnoano ihñaña. Sa ihñana tiquinare piti ti duhuya tiquina buoro wahatire. 15 Sa piti ti duhuepenata tiquinare ihña tuhtieracăhña. Tiquina musa acaye, Jesu yequinata ijire. Tiquina sa ijigū tiquina yăhdăăcarire yahuya tiquinare tire tiquina duhugū.

*Pablo tiquinare quehnoa duti bato tiahye*

16 Mari păhtoro Jesu marine quehnoano ijigū yeriquiro mehna decoriye quehnoano ijiducuya musa. Sa yegū “Mari păhtoro musa mehna ijiphtina mehna ijiducuahro”, nigă musare quehnoa dutiaja.

17 Yăhă Pablo, yăhă omoca mehna yojoră yăhă basita oja bato tiaja. Sa yegū musare quehnoa dutiaja. Ijiphtiyere yăhă ojarire purine ohō saha dihita yăhă omoca mehna oja bato tiaja yăhă. Yăhă ohō saha dihita yăhă

ojoa bato tigū ihñana yaha ojoari pū ijigū masinata masa. <sup>18</sup> Mari pahtoro Jesucristo cahñe mehna tutuaro quehnoa dutiaja masare ijiphtinare.

# 1 Timoteo

## *Pablo Timoteore ojoa ohoahye*

<sup>1</sup> Yáhu Pablo ahrire mähare Timoteore ojoa ohoaja. Cohäcjä marine pecapá wahaborinare yúhdúoriqúiro ijire. Jesucristo yere buhe duti tíqúiro cürigu ijiaja yáhu. Mari Pacá, Jesu mehnata tíquina dutiriro sahata tíqúiro cürigu ijiaja yáhu. Jesuta marine yedohore. Sa yena marine tíqúiro yúhdúoatire masina, tire cohteaja mari. <sup>2</sup> Mähare Timoteore Jesu yere buhei. Yáhu sa ni buhegü tühogu Jesure wacü tutua dúcari máhu. Sa yegu máhu potota yáhu macá yero saha ijigata nine. Sa yegu Cohäcjä mari Pacá mehna, mari púhtoro Jesucristo mehna mähare quehnoa dutiaja. Sa yegu mähare paja ihñañe tíquina yedohoye mehna quehnoano ijia yáhu.

## *Pablo ni mehoñe buheyere buhe dutierahye*

<sup>3</sup> Sohó ijiri pjere Macedonia yehpapá wahagu máhure Efesopá cü yúhdú cáu. Topá ihquéquina tíquina ye buheyere ni mehoñe buheyere buheyequina ijiri. Ti buheyere buhe dutieracjäre mähare cüu yáhu. <sup>4</sup> Tíquina esa tuharo sa buhe macá cáre. Sa ye tíquina acaye panopá cjéna tíquina esa tuharo tíquina buherire sa buheducure. Ti buheye mehna apequina mehna cahme duse tutuaducure. Cohäcjä marine tíqúiro dutirire quehnoano yegü yerare tíquina sa buheye. Cohäcjä ye pehere yena tíquírore wacü tutuaja. Sa yegu tíquina esa tuharo tíquina buherire buhe dutieracjäre cüu máhure.

<sup>5</sup> Sa cüu máhure Jesu yequina apequinare “Cahñaho”, nigü. Ñañe buhiri marieno mehna, quehnoañe wacüñe mehna, poto Cohäcjäre wacü tutuaye mehna apequinare tíquina cahñatire sa cüu máhure. <sup>6</sup> Ihquéquina ahri quehnoañe buheyere cohã tuhasa, apeye buheye pehere cahmene. Sa ye ti buheye pehere cahme duse tutuaye wisia wahare. Ti buheyere tíquina cahme duse tutuaye ti dáhseati ijierare. <sup>7</sup> Sa ye tíquina Cohäcjä dutiyere buheyequina iji duamene. Sa buhe duepeta ti buheyere tíquina basi quehnoano masiedare. Sa ye ti buheyere masíñequina yero saha buhepeta ti buheyere ne masiedare tíquina.

<sup>8</sup> Cohäcjä dutiyere Moise marine tíqúiro cürire queoro mari buhegü quehnoañe dutiye ijire. Tire mari quehnoano masiaja. <sup>9-10</sup> Ti dutiyere buhena ahrire masino cahmene: Ti dutiye quehnoañequinare tíquina buheati ijierare. Ahriquina pehere tíquina buheati ijire. Dutiyere yúhdúdcayequinare, Cohäcjäre yúhdúdcayequinare, ñañe dihitaré yeyequinare, Cohäcjäre cahmeeñequinare, tíquina pacásumáre wejéñequinare, tíquina pacosãnumia gühure wejéñequinare, apequina masare wejéñequinare, wáana tíyequinare, cahme numia mehna tíquina ñano yeriro saha umá sehsaro o numia sehsaro ijiepetá tíquina paguri mehna ñano yeyequinare, masa tíquina ijiepegáta tíquinare duayequinare, ni mehoñequinare, Cohäcjä dutiye Moise marine tíqúiro cüri pehe tíquinare buheati ijire. Sa yero apequina ijipihtiyequinare quehnoañe buheyere yúhdúdcayequinare buheati ijire Cohäcjä dutiye. <sup>11</sup> Quehnoañe buheye pehe quehnoariqúiro Cohäcjä tíqúiro ye buheyeta ijire. Ti buheye pehere yáhuare Cohäcjä buhe dutiri.

## *Cohäcjä paja ihñañene yahuahye Pablo*

<sup>12</sup> Sa yáhu buhegü Jesucristo mari púhtoro yáhuare tutuayere ohoro, yáhuare yedohore. “Pablo buhero, yee buheyere quehnoano buherota”, ni tãhoturi Jesu yáhuare. Sa yero yáhuare besero tíquírore yedohoacjäre cüri yáhuare.

Tiquiro sa yegū “Quehnoare”, niaja yāhū tiquirore. <sup>13</sup> Panopure Cristore yāhū ñano yahuducuepegāta, tiquiro yequinare ñano yāhū yepegāta, tiquiro yāhūre beseri. Sa yegū tiquirore masiedarīgū tiquirore ñano yegū “Ñano yei niaga yāhū”, ni tāhotuerū. Yāhū sa masiedagū ihñano tiquiro paja ihñari yāhūre. <sup>14</sup> Sa yero Cohācjū mari pūhtoro yāhūre tutuaro cahño, quehnoano yeri yāhūre. Sa yero Cristo Jesure wacū tutuagū yeri yāhūre tiquiro. Sa yero apequinare cahīgū yeri yāhūre Cohācjū.

<sup>15</sup> Yāhū pehe apequna yāhdūoro ña yāhdūagū ijimi. Nana mari ijiepegūta Jesucristo ahri yehrapū ahtari jiri ñañequinare pecapū wahaboriquinare yāhdūoatiquiro. Ti ijirota ijire. Tiquiro sa ijiriquiro ijigū ijipihtiyequina tire masiahdo. <sup>16</sup> Ña yāhdūagū yāhū ijiepegūta tiquiro yāhūre paja ihñari. Sa paja ihñano Jesucristo usuario marieno yāhūre tiquiro quehnoano yerire masigū yero nidi apequinare came tiquirore wacū tutuatiquinare masigū yero taro. Sa wacū tutuatiquina ahmūsepū sa ijiducuenta. <sup>17</sup> Cohācjū ijipihtiyē decori masa pūhtoro ijire. Tiquiro ne yarierare. Sa yero mari mehna tiquiro ijiepegūta tiquirore ihñedaja mari. Sa yero tiquiro dihita Cohācjū waro ijire. “Potota quehnoariquiro, tutuariquiro ijire tiquiro”, niihna mari tiquirore. Ijipihtiyē decori tiquirore ño peuhna. Sata yeihna.

<sup>18</sup> Timoteo yāhū macū yero saha ijire mūhū. Sa yegū yojopure ahrire mūhūre dutiaja: Mari acaye Jesu yequina Cohācjū yere yahu mūhtariquina mūhūre tiquina ni mūhtariro sahata mūhūre dutiaja. Cristo yere quehnoano yahuducuya. Sa yegū ñano yāhdūepēgāta tiquirore wacū tutua duhueracāhña mūhū. <sup>19</sup> Jesure sa wacū tutuaducuya. Nāñe buhiri mariegū ijiya mūhū. Sa yegū quehnoañe dihitare yeya. Ihquēquina tire yeraye, Jesu yere cohāre. Sa cohāñe tiquirore wacū tutua duhuri. <sup>20</sup> Sata yeri Himeneo, Alejandro mehna. “Watño tiquiro cahmeno sahata yecūnahdo mū sare”, ni cūu tiquinare, Cohācjūre tiquina ñano yahuducu nemoedatire.

## 2

### *Cohācjūre sini basayere yahuahye Pablo*

<sup>1</sup> Yojopure ohō saha ni duti mūhtaja mū sare: Ijipihtiyequina ye ijiatire Cohācjūre sini basaya. Sa sini basana “Quehnoare. Bucueaja”, niña Cohācjūre. <sup>2</sup> Pūhtoa, apequna masa bui dutiyequina gāhū tiquina ye ijati gāhūre Cohācjūre sini basaya, cahmequeno marieno Cohācjūre ño peona mari quehnoano ijiatire. Sa sini basana mari quehnoañe yena quehnoano iji masiaja. <sup>3-4</sup> Sata apequna ye ijiatire mari sini basagū quehnoarīne. Tire mari yegū ihñano Cohācjū marine yāhdūoatiquiro pehe marine quehnoano ihña bucuere. Ijipihtiyequina pecapū wahaboriquinare tiquiro yāhdūoriquina ijigū cahmene Cohācjū. Sa yero quehnoañe buheyere tiquina masigū cahmene tiquiro. Sa yero apequna ye ijiatire mari sini basagū bucuere tiquiro. <sup>5</sup> Ihcāquiota ijire Cohācjū. Sa yero Cohācjūre mari ihña tuhtigū Cohācjū gāhū marine tiquiro ihña tuhtigū, marine bosariquiro ihcāquiota ijire. Tiquiro Jesucristota ijire. Jesucristo gāhū masūnota ijiri. <sup>6</sup> Sa yero wapamonore wapa ye basaro saha ijipihitina mari ñañe buhirire yariahye. Cohācjū tiquiro queori pjerū tire masare masigū yeri. <sup>7</sup> Tire yahuaçjūre, Jesu tiquiro cūaçjūre Cohācjūpū yāhūre beseri. Sa yero judio masa ijieyequinare Jesure wacū tutuayere, quehnoañe buheyere buheaçjūre beseri yāhūre. Potota mū sare yahugū niaja yāhū. Ni mehoedaja.



<sup>8</sup> Cohācjū yere quehnoano yeyequina, ijipihtiro cjēna pehe Cohācjūre tiquina sinigū cahmeaja. Sa yegū tiquina usuaro marieno, unureno marieno tiqiuro mehna tiquina yahuducugū cahmeaja.

<sup>9</sup> Sa yegū numia pehere quehnoañequina numia ye suhti yero saha sañañequina numia ijigū cahmeaja. Sa ye sijoro saha bajuye poari tiquina poarire yeracāhdo. Uru dari busaye darire, perla dari gūhare busaeracāhdo, tiquina umuare “Ihña ne pjeari”, niñe. Sa ye wapa bujuye suhtire sañaedacāhdo tiquina Jesu yequina numia. Umūare tutuaro ne pjegū yeracāhdo. <sup>10</sup> Sa ye tiquina numia quehnoañe pehere yeahro. Sata yero cahmene “Cohācjū yequina numia ijiaja”, niñequina numiare. <sup>11</sup> Dihta marieno ño peoye mehna buheyere tuhohro tiquina numia. <sup>12-14</sup> Sa yeye numia umuare buheracāhdo. Sa yeye umuare dutieracāhdo. Tiquina numia pehe dihta marieno ijiaho. Adāre Cohācjū ye mūhtahye. Tiquiro bato Evare yeahye. Sa yero watīno ni mehogū tuhoriqiuro Adán ijierahye. Tiquiro ni mehogū tuhoro pehe Eva ijiahye. Sa tiqiuro ni mehogū tuhoro, Cohācjūre yūhdūdcaricoro wahahye ticoro. Sa yeye, numia pehe umuare dutieracāhdo.

<sup>15</sup> Numino iji mūhtaricoro ticoro yūhdūdcapegūta numia tiquina pohna tigū ihñano tiquinare Cohācjū yedohorota. Tiquina numia pohna tiye numia pehe Cohācjūre tiquina wacū tutuaducugū tiqiuro yedohorota tiquinare. Sa yero masare, Cohācjū gūhare tiquina cahīducugū, quehnoañequina numia tiquina ijiducugū, ñañe marieñequina numia tiquina ijigū Cohācjū tiquinare yedohorota.

### 3

#### *Jesu yequina pūhtoa tiquina yeatire yahuahye Pablo*

<sup>1</sup> Masa Jesu yequina pūhtoa iji duaye, quehnoañene ye duaye niaga tiquina. Ti ijirota ijire. <sup>2</sup> Jesu yequina pūhtoare besegū ohō saha ijieyequinare beseya: Buhiri marieñequinare beseya “Apequina tiquinare ñano ni yahusāri”, nigū. Sa yegū ihquēquina numiare namo tiyequinare, quehnoano tuho masiñequinare, cua pesayequinare, masare quehnoano mehna tiquina ya wūhare sajā ta dutieyequinare, apequinare quehnoano buhe mihniñequinare beseya mūhū. <sup>3</sup> Sa besegū queheye marieñequinare, cahmequeñe marieñequinare, masare quehnoano yeyequinare, cahme duse tutueyequinare, niñerure cahīñequinare beseya mūhū. <sup>4</sup> Sa ye mūhū beseriquina tiquina pohnene, tiquina namosānumia gūhare ño peoye mehna yūhtigū yeyequina ijiaho. <sup>5</sup> Tiquinare yūhtigū ye masiedaye Jesu yequina gūhare yūhtigū ye masiedaboaga tiquina.

<sup>6</sup> Jesu yequina pūhtoa iji duayequina Jesu yequina coā sajāñequina ijieye, tiquina pūhtoa iji masiedare. Coā sajāñequinare Jesu yequina pūhtoa masa cūgū tiquina “Quehnoa yūhdūana ijiaja”, ni tuhohuboaga. Tiquina sa ni tuhohugū Cohācjū tiquinare buhiri dahre dutirota watīnore tiqiuro yeriro saha. Watīno gūhū sata ni tuhohumahye Cohācjūre yūhdūdca duaro.

<sup>7</sup> Sa ye Jesu yequina pūhtoa ijiatiquina ohō sahata ijiro cahmene. Jesu yequina ijieyequina tiquina ño peonohñequina ijiro cahmene tiquinare. Quehnoano yeyequina tiquina ijigū ihñañe apequina ño peoeta tiquinare. Sa quehnoano yeye, watīno cahmeñene wacūeno mehna tiqiuro ye dutigū tiquina pehe watīno cahmeñene yesi. Sa ye masa tiquinare ñano quitī dahresi.

#### *Jesu yequinare yedohoatiquina tiquina yeatire yahuahye Pablo*

<sup>8</sup> Sa yegũ Jesu yequinare yedohoatiquina pehere besegũ ohõ saha ijiyequinare beseya: Tiquina cua pesarõ ijiyequinare, quehnoano potõta yahuducuyequinare, queheye marieñequinare, apequina yere ni meho ehmeñequinare beseya mahũ. <sup>9</sup> Sa yegũ ñañe buhiri marieno Cohãcjũ ye buheyere sa wacũ tutuaducuyequinare beseya mahũ. <sup>10</sup> Sa yegũ Jesu yequinare yedohoatiquina iji duayequinare tiquina yerire ihñaña mahũ. Tiquinare mahũ sa ihñari bato tiquina pehe buhiri marieñequina ijiye, Jesu yequinare yedohoatiquina sajàahdo tiquina.

<sup>11</sup> Sa yena tiquina namosãnumia ohõ saha tiquina ijigũ cahmeaja mari. Cua pesayequina numia, ñañe quiti marieñequina numia, tũho masiñequina numia, ijipihtiyere quehnoañene yeducuyequina numia tiquina ijigũ cahmeaja mari. <sup>12</sup> Sa yegũ Jesu yequinare yedohoatiquinare besegũ ihquẽquina numiare namo tiyequinare, tiquina pohnene apequina tiquina ya wũhũ cjẽna gãhũre quehnoano yãhtigũ yeyequinare beseya.

<sup>13</sup> Sa ye mahũ beseriquina Jesu yequinare tiquina yedohogũ apequina tiquinare quehnoano ihña bucueeta. Sa ye tiquina yedohoyequina pehe quehnoañe buheyere, Jesucristore tiquina wacũ tutuaye gãhũre cuero marieno buheeta tiquina.

### *Cohãcjũ ye buheyere yahuahye Pablo*

<sup>14-15</sup> Yojoũre mahũ caharũ waha duagũ niaja. Sa waha duepegata yojoũre wahaeranigũ ahri pũrũ yahu, mahũre ojoa ohogũ niaja. Jesu yequina cahmecoañequina watoa masa yeatire mahũre yahu ojoa ohogũ niaja, “Mianore waharĩsi”, nigũ. Jesu yequina Cohãcjũ catiriquiro yequina ijire. Tiquiro yequina potõ ijiye buheyere Cohãcjũ ye buheyere cõore. Sa cõoye tire buheducure. <sup>16</sup> Ahri ijirota ijire. Marine Cohãcjũ tiquiro buheri, panorũ mari quehnoano masiedari quehnoa yãhdũaye buheye ijire. Ahri buheye ohõ saha ijire:

Tiquiro Cristo mari pagũ yero saha pagũ tiriquire masa bajaahye.

Quehnoariquire, ñañe marieniquiro tiquiro ijigũ ihñori Espĩritu Santo pehe. Angele gãhũ tiquirore ihñari. Sa ye tiquiro buhe duti cũriquina pehe apeye yehpari cjẽnare tiquiro yere yahu buhere. Sa ye ahri yehparũ masa peyequina tiquirore wacũ tutuari. Came ãhmãsepũ Cohãcjũ neari tiquirore. Ti ijire quehnoañe buheye.

## 4

### *Quehnoañe buheyere cohãriquinare yahuahye Pablo Timoteore*

<sup>1</sup> Espĩritu Santo ahrire quehnoano yahure: Pihitiri deco panogã ihquẽquina masa Jesu ye buheyere cohãeta. Sa ye ni meho buheyere watĩno ye buheye pehere tũho nanãeta tiquina. <sup>2</sup> Ti buheyere ni mehoducuyequina yahueta masare. Tiquina ni mehoducuyequina pehe “Ñañe buhiri mariedare usãre”, ni tũhotuyequina ijire. Sa ye tiquina ñañe yeyere “Ñañe ijire”, ni tũhotuerare. <sup>3</sup> Ohõ saha ni buheeta tiquina: “Namo tieracãhña. Ahri ihyayere ihyeracãhña”, ni buheeta tiquina. Tiquina sa ihya dutierpegãta Cohãcjũ ihyayere bajumehnenõ mari ihyatire quehnoañene cũahye tiquiro. Mari Cristore wacũ tutuana ijigũ quehnoañe buheyere mari masina ijigũ, mari ye ijiatire ti ihyayere bajumehneahye tiquiro. Ti ihyayere cõona tiquirore “Quehnoare”, mari nigũ cahmene tiquiro. <sup>4</sup> Ijipihtiyere Cohãcjũ tiquiro bajumehnedi quehnoañe ijire. Sa yena tiquiro bajumehnedi ihyayere nena, Cohãcjũre “Quehnoare”, nina, tire marine cohãedaro cahmene. Tire marine bucue ihyaro cahmene. Sa yegũ apequina tiquina ihya dutieragũ tũhoeracãhña tiquinare. <sup>5</sup> Tiquiro bajumehnedi quehnoañe ti ijigũ yahu

tuhasahye Cohăcĵŭ. Sa ye tiquireore “Quehnoare”, mari ni bucueri bato ti ihyaye tiquireo yeri ihyaye quehnoaŋe waro ijiro nine.

*Jesucristo cahacĵănore Timoteore quehnoariquireore yahuahye Pablo*

<sup>6</sup> Ahri yahŭ yahurire Jesu yequinare mari acayere buhegŭ Jesucristo cahacĵŭ quehnoagŭ ijire mahŭ. Sa buhegŭ quehnoaŋe buheyere, quehnoano mahŭ tuhore quehnoano masi pehogŭ ijire mahŭ. <sup>7</sup> Sa yegŭ tiquina esa tuharo tiquina buherire, Cohăcĵŭ ye ijieyere tuhoeracăhŋa. Sa yegŭ Cohăcĵŭ cahmeŋe pehere yepogŭ ijiya mahŭ. <sup>8</sup> Mahŭ dahrapogŭ quehnoa cĵŭre. Mahŭ dahraporiro yahduoro Cohăcĵŭ cahmeŋene mahŭ yepogŭ quehnoa yahduare mahŭre. Cohăcĵŭ cahmeŋene yepogŭ yojorŭre quehnoano ijigŭta mahŭ. Sa yegŭ mahŭ yariari batopŭ găhŭre masa mahagŭ quehnoano ijigŭta mahŭ. <sup>9</sup> Ti ijirota ijire. Ijipihtiyequina tire yahŭ nidire masiŋequinare “Ijirota ijire”, nino cahmene tiquinare. <sup>10</sup> Ijipihtiyequina tire tiquina niatire Cohăcĵŭ cahmeŋene tiquina yeatire mari tutuaro dahraja. Sa yena ŋano yahduaja mari apequina marine ŋano tiquina yegŭ. Cohăcĵŭ catiriquireo, ijipihtiyequinare pecarŭ wahaboriquireore yahduoriquireo ijire. Tiquireore wacŭ tutuayequina pŭritare tiquireo yahduorota. Sa yena tiquireo yahduoatire masina, cohteaja mari. Sa yena Cohăcĵŭ cahmeŋe pehere masa tiquina yeatire tutuaro buhe dahraja mari.

<sup>11</sup> Ti ijipihtiye yahŭ nidire dutiya Jesu yequinare. Sa yegŭ tire buheya mahŭ. <sup>12</sup> Wahmŭ mahŭ ijigŭ ihŋaŋe apequina Jesu yequina mahŭre yahduadŭca duaboaga. Tiquina “Sa yeari”, nigŭ, ohŭ saha ye ihŋoŋa tiquinare. Masare cahŋa. Sa yegŭ Jesure wacŭ tutuaducuya. Sa yegŭ buhiri mariegŭ ijiya. Wahmŭ ijiepegŭta mahŭ sa yegŭ ihŋaŋe mahŭre yahduadŭcasi tiquina. Sa ye mahŭ yahuducurire tuhoje, mahŭ yerire ihŋaŋe mahŭre ihŋa cŭeta. <sup>13</sup> Sa yegŭ mahŭ caharŭ yahŭ esato pano Jesu yequinare Cohăcĵŭ yere tiquina ojoari pŭre buhe tuhasa tiquinare sa yahu quehnoducuya. <sup>14</sup> Jesu yequina pŭhtoare Cohăcĵŭ tiquireo dutigŭ tiquina pehe Cohăcĵŭ yere yahu tuhasa mahŭ bui tiquina omocarine duhu peori. Tiquina sa duhu peogŭ Cohăcĵŭ ye ijiatire mahŭ ye masiatire cŭri mahŭre Cohăcĵŭ. Tiquireo sa cŭirire ye duhoeracăhŋa.

<sup>15</sup> Ahri dutiyere sa yeducuya mahŭ. Sa yegŭ ahri dutiyere quehnoano masiŋa. Mahŭ sa yeri bato quehnoaŋene mahŭ ye nemogŭ ijipihtiyequina ihŋaeta. <sup>16</sup> Mahŭ pehe quehnoano yeya mahŭ, “Sijoro saha yeari”, nigŭ. Sa yegŭ quehnoano buheya mahŭ, “Sijoro saha buheari”, nigŭ. Sa yegŭ mahŭ basita pecarŭ wahaborigŭ yahduagŭta mahŭ. Sa ye mahŭre tuhoriquireore găhŭ pecarŭ wahaboriquireore yahdueta.

## 5

*“Apequina Jesu yequinare ohŭ saha yeya mahŭ”, niahye Pablo Timoteore*

<sup>1</sup> Ne bucŭrore tuhtieracăhŋa. Mahŭ pacŭre mahŭ quehnoano yeriro sahata bucŭro găhŭre quehnoano mehna yahuya. Sa yegŭ mahŭ bahanare mahŭ quehnoano yeriro sahata wahma pĵia găhŭre quehnoano ŋo peoro mehna tiquinare yahuya. <sup>2</sup> Sa yegŭ mahŭ pacore mahŭ quehnoano yeriro sahata bucŭna numia găhŭre quehnoano ŋo peoye mehna yahuya. Sa yegŭ mahŭ bahana numiare mahŭ quehnoano ŋo peoriro sahata nuhmia găhŭre ŋano ŭe pĵero marieno, quehnoano ŋo peoye mehna yahuya tiquinare.

<sup>3</sup> Sa yegŭ wape wiha numiare potota acaye marieŋequina numiare ŋo peoye mehna yedohoya tiquinare. <sup>4</sup> Wape wihero pohna tiricoro ijigŭ, o panamena tiricoro ticoro ijigŭ găhŭre ticoro pohne, ticoro panamena găhŭ yedohoahro ticorore. Sa yedohoye Cohăcĵŭ masare tiquina acayere

tiquiro ye dutiyere yeye nine tiquina. Sa yeye tiquina ticorore wapa-monore wapa yeye niaga. Tiquina sa yegū ihñano Cohācjū quehnoano bucuere. <sup>5</sup> Pejecoricoro, wape wihoro acaye marienicoro ijiro, Cohācjū ticorore tiquiro yedohoatire cohtere ticoro. Sa yero ñaminipe, decoripe ticoro Cohācjūre sa siniducure. <sup>6</sup> Apecoro pehe wape wihoro ñañe mehna bucuere duaricoro ijiro ticoro catiricoro ijieperota pecapū wahatitico ijire.

<sup>7</sup> Ahri ijipihitiye yūhū yahurire Jesu yequina gūhare ye dutiya mūhū, quehnoañe dihitare tiquina yeatire. Tiquina sa yegū ihñañe apequina tiquinare “Ñano yeye nine”, ni masiedare. <sup>8</sup> Ihcāquiro tiquiro acayere ihña ihboeraro, tiquiro pohne tiquina pacoro gūhare quehnoano ihña ihboeraro “Jesu yaquiro ijiaja”, ni masiedare. Sa yero Jesure cahmeeñequina yūhdūoro ña yūhdūariquiro ijire tiquiro.

<sup>9</sup> Wape wiha numiare yedohonata mūsa. Ohō saha beseya mūsa yedohoatiquina numiare. Tiquina wamene ojoa ohōati pūpū ojoagu tagū ohō saha beseya tiquina numiare: Sesenta cahmari cūoricorore ticoro wamene ojoa ohōedacāhña. Sa yegū wape wihoro ihcāquiroreta manū timedicorore ticoro wamene ojoa ohōña. <sup>10</sup> Sa manū timediquina numiare “Quehnoañene yeyequina numia ijire”, masa tiquina niñequina numiare, tiquina pohnene quehnoano masori numiare beseya. Sa yegū tiquina ye wūhūserū apequinare quehnoano saǵ ta dutiyequina numiare, cahacjēna yero saha Jesu yequinare yedohoye numiare, tiquina dahpocārine coseri numiare, ñano yūhdūyequinare yedohoye numiare, quehnoañe dihitare yeye numiare beseya. Tiquina numiare mūsa yedohoati numiare bese tuhasagūpū, tiquina wamene ojoa ohōña mūhū.

<sup>11</sup> Sa ye wape wiha numia nuhmia cjūno tiquina ijigū tiquina numia pehere beseracāhña. Sa yegū ti pūpū tiquina wamene ojoa ohōedacāhña. Came tiquina yere tutuaro ye duaye, Cristore cohā, pari turi manū tiboaga. <sup>12</sup> Tiquina Cristore “Mūhū yequinare yedohonatja”, nidiquina numia ijiepeta camēpūre tiquina nidiro sahata yedohoeraboaga tiquina. Tiquina sa yedohoerari buhiri buhiri tieta. <sup>13</sup> Tiquina numia ohō saha yere: Dahraeye numia ijipore. Sa ye apequina ye wūhūserū waha, ñañe quiti dahre, sijoro saha mari yegū marine sa yahuducure. Sa ye tiquina yahu dutierarire yahu wajare tiquina numia.

<sup>14</sup> Sa yegū tiquina numia ohō saha yegū cahmeaja yūhū: Wape wiha numia nuhmia cjūnogā ijiye numia manū tiahro. Sa ye Jesu yequinare “Ūsāre yedohoya”, nino marieno ijiahro tiquina numia. Sa ye tiquina pohna tiahro. Sa ye tiquina ye wūhūse cjēnare quehnoano ihña ihboahro. Mari ye numia wape wiha numia tiquina sa yegū marine ihña tuhtiyequina marine “Ñañene yeye nine”, ni tuhti masiedare. <sup>15</sup> Yojoṗū pūritare ihquē numia wape wiha numia Cristo yere duhu, watīno cahmeñe pehere ye tuhasare. Sa yegū sa ni yahuaaja mūhare.

<sup>16</sup> Jesu yequina tiquina acayoro wape wihoro ticoro ijigū tiquina ticoro acaye ticorore yedohoahro. Apequina Jesu yequina pehe ticorore yedohoeracāhdo. Sa ye Jesu yequina ticoro acaye cūoricorore yedohoeraye, apequina numia wape wiha numia acaye marieñe numia pehere yedoho masine.

<sup>17</sup> Jesu yequina pūhtoa mū sare tiquina quehnoano buhegū tiquina dahrayere tiquina quehnoano yegū ihñana ño peoya tiquinare. Sa yena quehnoano wapa yeya tiquinare. Ihquēquina tiquina mehna cjēna Cohācjū yere yahuyequina mū sare buheyequina gūhū ijire. Tiquina pūritare apequina yūhdūoro quehnoano ño peoya. <sup>18</sup> Cohācjū yere tiquina ojoari pūpū ohō saha nine, dahrariquirore tiquina wapa yeatire yahuro: “Wecū trigo

pjerire tiqiro dahpocāri mehna suhti wegū tiqiro duserore cahmotaer-acāhña. Tiqiro cahmeno ihyaahro”, ni ojoahye. Sa yero ape pūpū ohō saha nine: “Dahrariqirore tiqiro dahrari wapare ohoro cahmene”, nine Cohācjū yere tiquina ojoari pūpū. Tiqiro sa nigū tahona Jesu yequina pūhtoare quehnoano ño peoya msa. Sa yena quehnoano wapa yeya tiquinare.

<sup>19</sup> Jesu yequina pūhtoro tiqiro ñano yegū ihñano ihcāquiota yahusā masiedare. Pūhtoro ñañene yahusātiquina ihtiaro ijiye, tiqirore yahusā masine. Ihtiaro mariedagū pūaro yahusā masine. <sup>20</sup> Sa yena ñañene yeducuriqirore ijiptina msa watoa tiqiro ijigū tiqirore tuhtiya, apequina cueatire, ñañene tiquina yeratire. <sup>21</sup> Sa yegū Cohācjū, Jesucristo, tiqiro beseriquina angele gūhū tiquina ihñonopū ahrire dutiaja mūhure: Yojoṗū mūhure yūhū dutirire ye pehoya. Sa yegū ijigū ijiptiyequinare Jesu yequinare ihcāno saha yeya. Apeqirore sijoro saha, apeqirore sijoro saha yeracāhña. <sup>22</sup> Apequinare Cohācjū dahrayere mūhū cūatire tiquina bui mūhū omocarine mūhū duhu peoato pano sojaro marieno quehnoano tuho masiñe mehna tiquinare beseya. Tiquina ñañequina ijiboaga. Sa ijiyequinare Cohācjū dahrayere cūedacāhña. Sa cūgū mūhū gūhū mūhū duhu peoyequina tiquina ñañene yero sahata yegū niboaga mūhū. Sa yeracāhña. Sa yegū ñañe mariegū ijiya mūhū.

<sup>23</sup> Usaro waro paa purīnohū ijire mūhū. Sa yegū yojoṗū aco dihitare sihnimene mūhū. Sa yegū mehenogā vino gūhure sihniña mūhū. Paa purīne co ijire ti.

<sup>24</sup> Ihquēquina tiquina ñañene yegū mari ihñaja. Sa yena Cohācjū tiquinare tiqiro buhri dahreatire masiaja mari. Apequina pehere tiquina ñañe yerire mari masiedaja. Tiquina ñañe yerire came masinata. <sup>25</sup> Ti ijiro sahata ihquēquina quehnoañene tiquina yegū tire mari masiaja. Apeye tiquina quehnoañe yerire yojoṗūre masiedapenata camerū masinata mari. Ti quehnoañene nūono basioerare.

## 6

<sup>1</sup> Cahacjēna Jesu yequina pehe tiquina pūhtoare quehnoano ño peoahro. Tiquina sa ño peogū ihñañe apequina Cohācjūre, mari buheye gūhure ñano yahuducu masiedare. <sup>2</sup> Tiquina pūhtoa Jesu yequina tiquina ijigū ihñañe tiquina cahacjēna pehe Jesu yequina ijiye, tiquinare ihñapoye ño peoeraboaga. Sa yeraro cahmene. Tiquina pūhtoa Jesu yequina tiquina ijigū pūritare tiquina cahacjēna quehnoano ño peoahro tiquinare. Sa ño peoye tiquina cahacjēna pehe Jesu yequinare, tiquina cahñequinare yedohoye nine. Tiquina pūhtoare Jesu yequinare yedohoye, Jesure cahmeeñequinare tiquina ño peoriro yūhūoro Jesu yequina pehere ño peoahro tiquina cahñequina ijigū. Ahri yūhū yahurire buheya. Sa yegū ahrire dutiya.

### *Cohācjūre ño peoye gūhure quehnoano ijiye gūhure yahuahye Pablo*

<sup>3</sup> Sijoro saha ijiye buheyere buheriqiro mari pūhtoro Jesucristo ye buheyere quehnoañe buheyere “Ijirota ijire”, ni tuho duerare. Sa yero mari ye buheyere Cohācjūre ño peoye buheyere cahmedare. <sup>4</sup> Sa yero tiqiro “Masi pehogū ijiaja”, nieperota tire ne masiedare. Sa yero tuho masieniqiro yero saha tutuaro cahme duse tutua duare tiqiro. Sa yero Cohācjū yere sa ni maca cāriqiro ijire. Masa tiqiro yero saha ijiyequina cahme duse tutuaye, tiquina basi cahme ihña cooye, cahme ihña duerare. Sa ye apequinare ñano gūiti dahreye, masiedapeta masare ñano ni tuhoture tiquina. <sup>5</sup> Sa ye tiquina ñañe dihitare tuhotuyequina, poto ijiyere ne masieñequina sa cahme duse

tutuaducure. Sa ye “Cohăcĵŭ yere buhena, niñerure wapatanata mari”, ni tūhoture tiŕuina.

<sup>6</sup> Mari ye mehenogă mari cŭoye mehna bucuena, Cohăcĵŭre ño peona, potota quehnoano ijina niaja mari. <sup>7</sup> Ahri yehpapure masa bajuana ne apee borore ne căhtaerŭ mari. Sa yena mari yariari bato wahana, ne apee borore nea masiedaja mari. Sa yena mŭsa yere mŭsa cŭoye mehna to punota bucueya. Pajiro cahme nemoedacăhña. <sup>8</sup> Sa yena mari ihyayere mari suhti gŭhare cŭona apeyere cahme nemoedacăhña. Mŭsa cŭoro punota bucueya mŭsa. <sup>9</sup> Doeri cĵe opana iji duayequinare watŭno ñañene tiŕuero ye dutigŭ tiŕuina pehe peye ñañene yeducuyequina ijiboaga. Sa ye tiŕuina peye tahari tŭho masieñequina yero saha apee borore tutuaro cahmeñe, ñañe yeyere duhueraye, tiŕuina basita ñano yŭhdure. Sa duhueraye, pecarŭ wahaeta tiŕuina. <sup>10</sup> Niñerure tutuaro cahmeñe, peye ñañene ye dŭcare masa. Ihquēquina niñerure cahñe, tutuaro cahmeñe, Jesure wacŭ tutua duhuye, peye tahari ñano jeripohna tire tiŕuina.

### *Cohăcĵŭ yere yena ñañene duhuya*

<sup>11</sup> Mŭhŭ pŭrita Cohăcĵŭ yaŕuira iŕire. Sa yegŭ ahri ñañene yeracăhña. Sa yegŭ quehnoañe pehere cahmeña. Cohăcĵŭ yere yeya. Sa yegŭ Jesure wacŭ tutuaya. Sa yegŭ apequinare cahñña. Ñano yŭhdŭpeguta ihcăno sahaya. Sa yegŭ sa tŭhotu căhña. <sup>12</sup> Ŭhmŭsepŭ sa ijiducucĵure Cohăcĵŭ beseri mŭhare. Sa yegŭ Cohăcĵŭre mŭhŭ wacŭ tutuayere peyequina masare quehnoano yahuri mŭhŭ. Sa yegŭ ñano yŭhdŭpeguta tiŕuore wacŭ tutua duhueracăhña ŭhmŭsepŭ mŭhŭ sa ijiducuatire. <sup>13</sup> Cohăcĵŭ ijipihtiyequinare catigŭ yeriquiro iŕire. Ijipihtiyere ijigŭ yeriquiro iŕire. Sa yero Jesucristo pehe Poncio Pilatore Cohăcĵŭ yere quehnoano yahuriquiro iŕire. Sa yegŭ Cohăcĵŭ, Jesucristo gŭhŭ tiŕuina ihñonopŭ ahrire mŭhare ye dutiitja: <sup>14</sup> Mŭhare tiŕuero dutirire ye pehŭ căhña. Jesucristo tiŕuero tojoa tato pano masa mŭhare ñañene tiŕuina “Yahusări”, nigŭ, tiŕuero dutirireta yeducuya. <sup>15</sup> Tiŕuero queoriro sahta Cohăcĵŭ Cristore tojoa tagŭ yerota. Cohăcĵŭ quehnoariquiro, tiŕuero dihita masare dutiriquiro iŕire. Sa yero ijipihtiyequina apequina pŭhota bui pŭhtoro iŕire tiŕuero. <sup>16</sup> Sa yero tiŕuero dihita ne yarieriquiro iŕire. Tiŕuero asi siteye mehna ijiriquiro iŕire. Sa ye masa tiŕuero asi siteye caharŭ waha masiedare. Sa yeye tiŕuore masa ne ihñedari. Sa yeye yojopŭ gŭhare tiŕuore ihñedare. Tiŕuero pehere ño peuhna. Sa yena “Ijipihtiyē decori tutuariquiro iŕire tiŕuero”, niñna tiŕuore. Sata niñna.

<sup>17</sup> Ahri yehpa cĵena doeri cĵe opanare ohŭ saha ni dutiya mŭhŭ: “Apequinare masi yŭhdŭdŭcĵaja”, ni tiŕuina basi tŭhotueracăhdo. Tiŕuina doeri cĵe tiŕuina cŭoye pihita waharŭta. Sa yeye tiŕuina cŭoye dihitarē bucuercăhdo. Cohăcĵŭ pehere bucuerahro. Ijipihtiyē pototi mari cahmeñene ohoriquiro iŕire tiŕuero. Tiŕuero pehere wacŭ tutuahro tiŕuina doeri cĵe opana. <sup>18</sup> Sa yeye tiŕuina quehnoañe pehere yeahro pajiro quehnoañene yeyequina tiŕuina iŕiatire. Sa yeye tiŕuina cŭorire apequinare ohoahro. <sup>19</sup> Tiŕuina sa yegŭ ŭhmŭsepŭ Cohăcĵŭ caharŭ tiŕuina ye ijirota. Topŭ tiŕuina ye ijigŭ ne butisŭ. Sa ye topŭ sa ijiducuetā tiŕuina.

### *Pablo Timoteore duti bato tiahye*

<sup>20</sup> Timoteo, mŭhare Cohăcĵŭ tiŕuero cŭirire tiŕuero buhe dutirire quehnoano yeya. Boeracăhña mŭhŭ. Ihquēquina masa Cohăcĵŭre cahmeñequina yero saha ni mehoñe, tŭho masieñequina ye buheyere yahuducuducure. Sa yahuducuye “Quehnoano masieñequina ye buhēye iŕire”, nimene tiŕuina. Sa tiŕuina ni buheyere tŭho nŭnedacăhña. <sup>21</sup> Ihquēquina ti buheyere tŭho

nanañequina Cristo yere cohã cãhre. Cohãcjũ tiqũiro cahĩñe mehna mähare  
tutuario quehnoa dutiaja.



## 2 Timoteo

### *Pablo Timoteore pari turi ojoa ohoahye*

<sup>1</sup> Yuh̄u Pablo, ah̄rire m̄uh̄are Timoteore ojoa ohoaja. “Ij̄ip̄iht̄iyequina Jesucristore wacū tutuayequina āhm̄usep̄u sa ij̄iducuenta”, n̄i, cūri marine Coh̄ācj̄ū. Tiquiro sa n̄i cūrīre yahuacj̄ure yuh̄ure bese cūri Jesu. Sa cūno Coh̄ācj̄ū tiquiro cahmeno sahata yero n̄id̄i yuh̄ure. <sup>2</sup> M̄uh̄u Timoteo yuh̄u cah̄iḡu ij̄ire. M̄uh̄are Jesu yere yuh̄u buhegū t̄ahoḡu tiquirore quehnoano wacū tutua d̄acari m̄uh̄u. Sa yeḡu yuh̄u macu yero saha ij̄ire m̄uh̄u. Sa yeḡu Coh̄ācj̄ū mari Pacu, mari p̄ah̄toro Jesucristo mehna m̄uh̄are quehnoa dutiaja. Sa yeye m̄uh̄are paja ih̄ña, tiquina yedohoye mehna quehnoano ijiya m̄uh̄u.

### *Masare Cristo yere tiquina yahurire yahuahye Pablo*

<sup>3</sup> Ñam̄ip̄u, decop̄u gūh̄are Coh̄ācj̄ū mehna yahuducuḡu m̄uh̄u ye ij̄iatire sini basaḡu m̄uh̄u mehna bucueaja. Sa bucueḡu Coh̄ācj̄ure “Quehnoare”, n̄iaja yuh̄u. Panop̄u cj̄ēna yuh̄u acaye ñañe buhiri marieno Coh̄ācj̄ū yere tiquina yeriro sahata yuh̄u gūh̄u yojop̄ure tiquiro yere yeaja. <sup>4</sup> Soh̄o ij̄iri p̄jere yuh̄u wahagū m̄uh̄u uti n̄un̄u t̄ae tirire wacūḡu m̄uh̄are tutuaro ih̄ña duaja, m̄uh̄u mehna quehnoano bucue duaḡu. <sup>5</sup> Sa yeḡu Jesure potota m̄uh̄u wacū tutuarire wacūaja yuh̄u. M̄uh̄u ñeco, Loida, m̄uh̄u paco Eunice gūh̄u m̄uh̄u yero sahata Jesure wacū tutua m̄uh̄tari m̄uh̄u pano. Sa yeḡu yojop̄ure m̄uh̄u gūh̄u tiquirore m̄uh̄u wacū tutuagū quehnoano masiaja yuh̄u.

<sup>6</sup> Sa yeḡu ah̄rire m̄uh̄are wacūgū ye duaja. M̄uh̄u bui yuh̄u omocarine yuh̄u duhu peogū Coh̄ācj̄ū yere m̄uh̄u yeatire tutuayere ohori m̄uh̄are. Ti tutuaye mehna ye nemoña m̄uh̄u. <sup>7</sup> Coh̄ācj̄ū marine tiquiro yaquiro Esp̄iritu Santore ohori. Sa yero masare marine cueragū yere Esp̄iritu Santo. Sa yero tutuana, masare cah̄ña, t̄aho masina marine ij̄igū yere tiquiro. <sup>8</sup> Sa yeḡu mari p̄ah̄toro ye ij̄iatire apequinare yahuḡu, b̄ue tieracāh̄ña m̄uh̄u. Yuh̄u tiquiro yere yuh̄u yeri buhiri peresup̄u ij̄igū n̄iaja. Peresup̄u yuh̄u ij̄igū yuh̄are b̄ue t̄is̄āedacāh̄ña m̄uh̄u. Sa yeḡu quehnoañe buheyere m̄uh̄u buheri buhiri ñano yuh̄duḡu “Quehnoanota”, n̄iña m̄uh̄u gūh̄u. M̄uh̄u sa ñano yuh̄dugū Coh̄ācj̄ū m̄uh̄are yedohorota. <sup>9</sup> Coh̄ācj̄ū pehe marine pecap̄u wahaborinare yuh̄d̄ori. Sa yero quehnoana, tiquiro yequina ij̄ianare tiquiro beseahye marine. Mari quehnoano yeye mehna tiquirore marine besegū yeru. Tiquiro esa tuharo tiquiro cahmediro sahata yero ah̄ri yehpare tiquiro bajumehneato pano marine cah̄ño, tiquiro marine beseahye. Marine sa cah̄ño marine yuh̄d̄oatiquirore Jesucristore ohoahye Coh̄ācj̄ū. <sup>10</sup> Yojop̄ure Jesucristore marine yuh̄d̄oatiquirore ohoro, marine potota tiquiro cah̄ñene masigū yero n̄iahye Coh̄ācj̄ū. Jesu marine tiquiro yequinare pecap̄u wahaeragū yeri. Sa yero “Yuh̄are wacū tutuana Coh̄ācj̄ū mehna sa ij̄iducunata”, n̄ino, quehnoañe buheyere marine yahuro ahtahye tiquiro.

<sup>11</sup> Ti buheyere quehnoañe buheyere yahuacj̄ure tiquiro cūacj̄ure beseri yuh̄are. <sup>12</sup> Sa tiquiro beserigū ij̄igū yojop̄ure ñano yuh̄duaja yuh̄u. Oh̄o saha ñano yuh̄d̄uepegata yuh̄u b̄ue tieraja. Yuh̄u wacū tutuariquirore Jesure masiaja yuh̄u. Tutuariquirore ij̄ire tiquiro. Sa yero yuh̄are tiquiro yere buhe duti cūno quehnoano yedohorota. Sa yero ah̄ri yehparu tiquiro tojoa tato pano, “M̄uh̄are yuh̄d̄oḡatja”, tiquiro n̄id̄iro sahata sohtori tirota yuh̄are. Yuh̄are yuh̄d̄orota tiquiro. Tire quehnoano masiaja.

<sup>13</sup> Mũhũre quehnoano yũhũ yahurire ye pehoya. Cristo Jesu yequina ijina tiqũirore quehnoano wacũ tutuaja mari. Sa yena apeqũinare quehnoano cahĩaja. Sa yegũ tiqũirore sa wacũ tutuaducuya mũhũ. Apeqũinare quehnoano cahĩducuya. <sup>14</sup> Sa yegũ Espĩritu Santo mari mehna ijĩriqũiro tiqũiro yedohoro mehna quehnoañe buheyere quehnoano yeya. Queoro buheya.

<sup>15</sup> Ijĩpihtyequina Asia yehpa cjẽna Jesu yequina yũhũre yedoho dueraye, cohã cãa wahari. Tiquina mehna cjẽna pũaro Figelo, Hermógene sata yeri tiquina gũhũ. Tiquina sa cohã cãĩre masi tuhasare mũhũ. <sup>16-17</sup> Tiquina sa cohãepẽgũta Onesĩforo pehe peye tahari yũhũre yedohoro quehnoano jeri sajãgũ yeri. Sa yero yũhũ peresupũ ijĩgũ tiqũiro yũhũre buẽ tisãedari. Sa yero yũhũ Romapũ ijĩgũ sa macaducuri jiri yũhũre. Sa macaducuro yũhũre bocari. Sa yero tiqũiro pohnene, tiquina pacoro gũhũre paja ihñãnota Jesu mari pũhtoro. Tiquirore sa paja ihñã dutigũ tiqũirore sini basaja. <sup>18</sup> Sa yero ahri yehpapũ Jesu mari pũhtoro tiqũiro tojoa tati deco tiqũirore paja ihñãnota. Tiquirore sa paja ihñã dutigũ tiqũirore sini basaja. Efesopũ marine Onesĩforo tiqũiro yedohorire quehnoano masine mũhũ.

## 2

### *Ñano yũhdũepinata Jesu yequina ijina ihcãno sahoro cahmene marine*

<sup>1</sup> Mũhũ pehe yũhũ macũ yero saha ijĩgũ, Jesucristo yedohoro mehna tiqũirore wacũ tutuaducuya. <sup>2</sup> Sa yegũ peyequina masare yũhũ buherire mũhũ tahorire apeqũina gũhũre buheya mũhũ. Tiquina mũhũ buheyequina Cohãcjũ yere yeducuyequina ijiahro. Sa ye apeqũinare buhe masĩnequina ijiahro.

<sup>3</sup> Surara ñano yũhdũeperota tiqũiro ihcãno sahariro saha mũhũ gũhũ Jesu yaqũiro ijĩgũ ñano yũhdũgũ, ihcãno sahaya mũhũ. Sa yegũ apeqũina Jesu yequina yero saha yegũ nine mũhũ. <sup>4</sup> Surara tiqũiro pũhtoro dutiye pehere yere. Sa yero tiqũiro surara ijieyequina yero saha ihyo ijĩyere yerare tiqũiro. Mũhũ gũhũ sata Cohãcjũ dutiye dihitarẽ yeya. <sup>5</sup> Omariqũiro oma dutiyequina tiquina dutiyere queoro yeraro, tiqũiro oma yũhdũducari wapare ne masiedare. (Sa yegũ omariqũiro ti dutiyere queoro tiqũiro yeriro saha Cohãcjũ dutiyere quehnoano ye pehoya mũhũ.) <sup>6</sup> Sa yero wese dahrariqũiro quehnoano dahrariqũiro pehe apeqũina pano quehnoano wapatare. (Sa yegũ mũhũ gũhũ tiqũiro yero saha quehnoano dahraya mũhũ.) <sup>7</sup> Ijĩpihtiyere quehnoano masĩgũ yerota Jesu mari pũhtoro mũhũre. Sa yegũ yojorapũ mũhũre yũhũ nidire quehnoano wacũ tahotuya.

<sup>8</sup> Sa yegũ Jesucristore wacũña. Tiquiro pũhtoro Davi mũnano panopũ cjãno tiqũiro panamino iji tũriariqũiro ijiahye. Sa yero yariaro masa mũjahye tiqũiro. Quehnoañe buheyere buhegũ tiqũiro sa waharireta buhegũ niaga. <sup>9</sup> Tiquiro yere buhegũ ñano yũhdũaja yũhũ. Sa yegũ tire yũhũ buheri buhiri ñañene yeriqũiro yero saha peresupũ ijiaja yũhũ. Yũhũ sa ijiepegũta Cohãcjũ ye yahuducuyere buhe duhugũ ye masiedare masa yũhũre. <sup>10</sup> Sa yegũ Cohãcjũ beseriqũinare buhegũ peye tahari ñano yũhdũaja yũhũ, tiquina gũhũ Jesucristo yequina tiquina ijiatire. Tiquiro yequina ijieye tiquina pecapũ wahaboriqũina pehe tiqũiro yũhdũoatiqũina ijietã. Sa ye tiquina Cohãcjũ mehna sa ijiducuetã.

<sup>11</sup> Ahri yũhũ niati ijirota ijire. Cristo yere mari yeri buhiri apeqũina marine tiquina wejẽgũ tiqũiro mehna mũmũsepe sa ijiducunata.

- 12 Sa yena tiquiro yere mari yeri buhiri ñano yahduepenata ihcãno sahana tiquiro pãthoro ijiropãre tiquiro mehna pãthoata ijinata mari gãhu.
- 13 “Cristore usã masiedaja”, mari nigũ, tiquiro gãhu marine sata ninota. Tiquirore mari yahduducagũ ihñano tiquiro nidiro sahata marine buhiri dahrerota. Tiquiro nidiro sahata yeriquiro ijire tiquiro. Ne ni mehoedare. Ahri ijiphtiye tiquiro yahuri ijirota ijire.

*Cohãcjũ tiquiro ihña coayequinare, tiquiro yere buheyequinare yahuahye Pablo Timoteore*

14 Ahri yahũ yojopũ yahuatire mahũ mehna cjẽnare wacũgũ yeya. Tiquina esa tuharo ihyo ijyere tiquina yahuducuye dahseati ijierare. Sa yeye tiquinare tuhoriquinare ñano yegũ yere. Sa yegũ mari pãthoro ihñopõrũ ohõ saha ni yahuya tiquina esa tuharo buheriquinare. “Masa yahuducuro saha yahuducueracãhña”, niña tiquinare.

15 Mahũ pehe Cohãcjũ yere quehnoano buheya. Sa yegũ Cohãcjũ yere tutuaro yeya. Mahũ sa yegũ ihñano “Quehnoano yeri mahũ”, ninota Cohãcjũ mahũre. Sa yegũ mahũ buherire tiquiro ihñagũ bue tisi mahũ. Sa yegũ tiquiro ye buheyere quehnoano masiña. Sa yegũ tire queoro buheya. 16 Tiquina esa tuharo yahuducuyequina ñañene sa yeducure. Sa yegũ tiquina sa ni yahuducuyere tuho yabiya mahũ. 17 Tiquina pehe tiquina yahuducuye camino ahba mäjano yero saha ijire. Camino ahba mäjano saha tiquina yahuducuye gãhu apequina Jesu yequinare ñañequina wahagũ yeeta. Sa yahuducuyequina mehna cjẽna Himeneo, Fileto gãhu ijire. 18 Sa yeye tiquina “Jesu yequina masa mja tuhasari”, ni buheye, quehnoañe buheyere duhu cãri tiquina. Sa sijoro saha buheye, meheñequinagã Jesu yequinare tiquirore wacũ tutua duhugũ yeri tiquina. 19 Tiquina sa ñano buhepegũta Cohãcjũ ye buheye pehe ne comesaerare. Ohõ saha nine tiquiro ye buheye: “Mari pãthoro Jesu tiquiro yequinare masine. Sa ye, ijiphtiyequina ‘Jesu yequina ijiaja’, niñequina ñañene duhu cãhdo”, ni yahure Cohãcjũ ye buheye.

20 Mari queoye mehna buhegũ masa sihniñe pari yero saha ijire. Pajiri wahũrũ uru, plata mehna tiquina yeri pari ijire. Sa yero ti wahũrũ apeye pari yucũgũ mehna, dihi mehna tiquina yeri pari ijire. Uru, plata mehna tiquina yeri pari quehnoañene tiquina pose yeati ijire. Apeye pari ihyo ijyere tiquina pose yeati ijire. 21 Sa yero ñañene yerariquiro uru pa quehnoari pa yero saha ijirota. Sa yero tiquiro pehe Jesu ye dihitaro yeducuriquiro ijirota. Sa yero wahũ cjãno quehnoari pa mehna quehnoañene tiquiro yeriro saha, ñañene yerariquiro Jesu ye ijiatire quehnoañene yerota.

22 Wahmũ ijire mahũ. Sa yegũ wahma pjia ñañene tiquina tutuaro ye duaro sahata yeracãhña mahũ. Sa yegũ quehnoañene yeya. Jesure wacũ tuaducuya. Sa yegũ tiquirore, masa gãhure cahiña. Sa yegũ mahũ mehna cjẽna Jesu yequina mehna ijigũ cahmequeno marieno quehnoano ijiya mahũ. Sa yeya mahũ Cohãcjũre yahũtiyequina tiquirore siniducuyequina mehna ijigũ. 23 Sa yegũ tuhõuro marieno tiquina cahme yahuducuyere mahũ gãhu tuho nahuedacãhña. Sa yegũ mahũ gãhu sa cahme yahuducueracãhña. Sa ni yahuducuye masa tiquina basi cahme tuhti, usuare.

24 Cohãcjũ cahacjãno ihcãquiro ijiro, cahme tuhtieraro cahmene tiquirore. Sa yero ijiphtiyequinare quehnoano yeriquiro, buhe mihnidiquiro, duita usueriquiro ijiro cahmene tiquirore. 25 Sa yero apequina tiquiro mehna tiquina cahme tuhtigũ tiquiro tiquinare yahuro, quehnoano mehna usuaro marieno yahuro cahmene tiquirore. Tiquiro sa yahugũ ihñañe Cohãcjũ yedohoye mehna tiquina pehe tiquina ñañe yerire bujua witiboaga. Sa ye quehnoañe buheyere masi ducaboaga. 26 Tiquinare watĩno cõmedi

tiqiro cahmeñene yeatiquinare. Sa ye tiquina ñañe yerire bujha witiri bato quehnoañe buheyere masiñe, watĩnore cohã cãeta.

### 3

#### *Pihtiati deco ijiatire yahuahye Pablo Timoteore*

<sup>1</sup> Pihtiati deco panogãre ñano yũdũeta masa. Tire quehnoano masiña mũhu. <sup>2</sup> Ti pjere masa apequinare wacũ peoyequina, niñerure cahme yũdũdũcayequina, “Apequinare masi yũdũdũcãja”, ni tiquina basi tũhotuyequina, masare ñano tuhtiyequina, tiquina pacũsmũhare yũdũdũcayequina, tiquina ohopegãta “Quehnoare”, niñequina, Cohãcjũre ño peoyequina ijietã. <sup>3-4</sup> Sa ye masare cahĩñequina, pãja ihĩñequina, ñañe quiti dahreyequina, tiquina esa tuharo ñano yeducuyequina, masare sa quẽducuyequina, quehnoañene yabiyequina, tiquina mehna cjenare ñano yeyequina, tuho masiñequina, “Masi pehoaja”, ni tũhotuyequina ijietã masa. Sa ye ñañene cahme yũdũdũcayequina ijijye, Cohãcjũ pehere cahmeeñequina ijietã. <sup>5</sup> Sa ye tiquina masa ihĩnopũ Cohãcjũre ño peopeta “Cohãcjũ ihyo ijiriqiro ijire”, ni tũhotumene tiquina.

Sa niñequinare piti tieracãhña mũhu. <sup>6</sup> Tiquina mehna cjenã tuho masiñequina numia ye wũhsepeũ sajã, tiquina numiare ni mehoñene buhere. Tiquina numia pehe sa ñañene yeducuyequina numia, tutuaro ñañene ye duare. <sup>7</sup> Tiquina numia sa buheducuyẽ ihyo ijijye buheyere, sijoro saha ijijye buheyere tũhoye numia ijijye, Cohãcjũ ye buheye pehere ne masiedare. <sup>8</sup> Panopũ Jane, Jambre yayia mũna Moiserẽ tiquina ihña tuhtiriro sahata pihtiati deco panogã ijijyequina masa quehnoañe buheye pehere ihña tuhtietã. Tiquina ñañe dihitare tũhotuyequina ijietã. Sa ye Jesure wacũ tutuayequina waro ijierare. <sup>9</sup> Sa yeyequina tiquina ni mehoñene tuho duasi apequina pehe. Came tiquina ni mehoñene, tuho masiñequina tiquina ijijye gũhare ijipihtiyequina masietã. Jane, Jambre mehna tiquina ni mehoñene panopũ masa tiquina masidiro sahata sata masietã pihtiati deco panogã ni mehoñequina tiquina ijijyere.

#### *Pablo Timoteore duti bato tiahye*

<sup>10</sup> Yũhu buheyere, yũhu yee tirire, yũhu ijijye tiyere, yũhu ye duayerẽ, Jesure yũhu wacũ tutuayerẽ masine mũhu. Sa yegũ usuaro marieno yũhu yerire, masare yũhu cahĩñene, ñano yũdũepẽgãta yũhu ihcãno saharire masine mũhu. <sup>11</sup> Sa yegũ yũhare tiquina ñano yerire, yũhu ñano yũdũarire masine mũhu. Sa yegũ Antioquiapũ, Iconiopũ, Listrapũ, yũhare ña yũdũaro tiquina yerire masine mũhu. Yũhu sa wahagũ ihñano mari pũtoro Jesu pehe yũhare yedohori. <sup>12</sup> Ijipihtiyequina Jesucristo yequina tiquina iji duagũ Cohãcjũ dutiriro sahata tiquina yeducu duagũ apequina tiquinare ñano yeeta. Ti ijirota ijire. <sup>13</sup> Sa ye ñañequina pehe ni mehoñequina gũhu ña yũdũayequina wahaeta. Apequinare ni mehoñe, tiquina basi ni mehoñene “Sa tjire”, niñe, ña yũdũayequina wahaeta.

<sup>14</sup> Mũhu pehe mũhare yũhu buherire, quehnoano mũhu tũhorire sa wacũducuyã. Sa yegũ yũhu buheriro sahata yeya. Mũhare buheriquinare masine mũhu. <sup>15</sup> Mũhu nijigũ ijigapũta Cohãcjũ yere tiquina ojoari pũre masi dũcãhye mũhu. Tiquiro yere tiquina ojoari pũpũ ohõ saha ni yahure mũhare: Jesucristore wacũ tutuayequina dihitare pecapũ wahaboriquinare yũdũore Cohãcjũ. <sup>16</sup> Cohãcjũ yere tiquina ojoari pũpũ ijipihtiyere Cohãcjũ pehe ojoa dutiahye. Sa yena ti pũre buhena mari masi nemoaja. Ti pũre buhena Cohãcjũ dutiyere mari yeatire masiaja. Sa buhena mari ñañe yerire “Ahri ñañe ijire”, ni tũhotuaja mari. Sa yero ti pũ marine quehnoañe pehere

comesa dutire. Sa yero decoripe quehnoañene mari yeducuatire yahure ti pū. <sup>17</sup> Sa yero Cohācjū yaquiro tiquiro ya pūre buhero, masi pehorota. Sa masino ijiphtiyere quehnoañene ye masinota tiquiro.

## 4

<sup>1</sup> Jesucristo ijiphtiyequina puhtoro, tojoa tatiquiro, catiyequinare, yariariquina gūhure buhiri dahre dutiatiquiro tiquiro ihñonopu mūhure ohō saha ni yahutja. Cohācjū ihñonopu gūhure ohō saha ni yahutja mūhure: <sup>2</sup> Decoripe masa tiquina tūho duagū tiquina tūho dueragū gūhure Cohācjū yere yahuya. Sa yahugū masa tiquina ñañe yerire masigū yeya tiquinare. Sa yegū tiquina ñañe yerire “Ye nemoedacāhña”, ni yahuya tiquinare. Quehnoañe pehere ye dutiya. Sa buhegū ne usuegū, caributieracāhña mūhū. Sa yegū ne apequinare buhe duhueraacāhña. <sup>3-4</sup> Cameru masa quehnoañe buheyere tūho duasi. Sa tūho dueraye, tiquina cahmeno sahata yeye, tiquina tūho coaye dihitare buheyequinare cahmeeta tiquina. Sa ye ni mehoñe buheyere peyequina buheyequinare cūoeta. Tiquina sa yeye quehnoañe buheye pehere cohā, tiquina sa buhe maca cārīre tūho nūnūeta. Sa yegū quehnoañe buheyere buhe duhueraacāhña mūhū. <sup>5</sup> Mūhū gūhū sa ijigū decoripe tūho masigū ijīya. Sa yegū ñano yūhdūepēgūta ihcāno sahaya. Sa yegū quehnoañe buheyere sa buheducuya. Cohācjū mūhūre tiquiro ye dutirire ye peho cāhña mūhū.

<sup>6</sup> Yūhū Cohācjū yere yūhū yeri buhiri yūhū yariato mehenogā dūhsare. Sa yegū meheñe decorigā catiniitja. <sup>7</sup> Yūhū yariato panogā ahrire yahutja: Jesu quehnoañe buheyere yūhūre buhe dutiro tiquiro cūrire quehnoano buhe sohtori tī. Tiquiro ye dutiyere quehnoano ye pehou. Sa yegū ñano yūhdūepēgūta tiquirore ne wacū tutua duhuera. <sup>8</sup> Yojoꝑure quehnoañene yūhū yeri wapare ūhmaseꝑu ihboro niaga. Sa yero mari puhtoro, ijiphtiyequinare masi pehoriquiro, buhiri dahre dutiro queoro yahuriquiro tiquiro tojoa tati deco tiquiro yere yūhū yeri wapare ohorota yūhūre. Apequina gūhūre tiquiro tojoa tatire cohtyequinare tiquirore cahñequinare tiquiro yere tiquina yeri wapare ohorota Jesu.

### *Pablo yahu nemoahye Timoteore*

<sup>9</sup> Yūhū caharu ūmñāno ihñagu ahtaya mūhū. <sup>10</sup> Dema ahri yehpa cjē ijiphtiyere tutuaro cahmeno yūhūre yedoho dueraro cohā cāa wahari Tesalōnicaru. Crescente gūhū Galacia yehpapū wahari. Sa yero Tito gūhū Dalmaciapū wahari. <sup>11</sup> Luca dihita yūhū mehna ijire. Marco yūhūre quehnoano yedohoatiquiro ijire. Sa yegū tiquirore ne cāhtaya mūhū. <sup>12</sup> Sa yegū Tiquicore Efesopū ohou. <sup>13</sup> Ohōꝑu ahtagu, yūhū bui sañari suhtirore, Troapū Carpo ya wūhūꝑu yūhū cūri suhtirore ne cāhtaya. Sa ye sohō ijiri tunuri ojoari tunuri gūhūre ne cāhtaya. Sohō ijiri cahseri ojoari cahseri pūritare tutuaro cahmeaja yūhū. Sa yegū ti cahseri gūhūre ne cāhtaya.

<sup>14</sup> Alejandro comene dahrariquiro yūhūre ña yūhdūaro yeri. Sa yero tiquiro sa yeri buhiri Cohācjū buhiri dahrerota. <sup>15</sup> Tiquiro Alejandro mari ye buheyere tutuaro ihña tuhtiri. Sa yegū tiquiro māsare “Ñano yeari” nigū, tiquirore ihñagu, quehnoano wacū masiña.

<sup>16</sup> Masare beseriquirore peresupū ye dutiriquirore yūhū yerire, yūhū buherire tiquirore yūhū coā yahugū ne ihcāquiro boro Jesu yaquiro yūhūre yedohoerari. Ijiphtiyequina yūhūre yedohoeraye, cohā cāa wahari. Tiquina sa cohāepēgūta yūhūre tiquina cohāri buhiri Cohācjū buhiri dahreracāhdo. <sup>17</sup> Yūhū sa wahaepēgūta Cohācjū yūhūre yedohori. Sa yero tiquiro ye buheyere yūhū quehnoano yahuatire tiquiro ye tutuayere ohori yūhūre,

ijipihtiyequina judio masa ijieyequina ti buheyere tiquina tahoatire. Sa yero yahare tiquina ñano tiquina ye duepegata yahare tiquina ñano yeborigare yedohori mari puhtoro. <sup>18</sup> Ijipihtiyequina yahare ñano yeyequinare yuhduducaro, yahare yedohorota mari puhtoro. Sa yero ahmasepu tiquiropuhtoro ijioropu yahare iji dutiro, yahare yuhdhorota tiquiropu. Sa yena “Tiquiro quehnoa yuhdhariquiro, tutua yuhdhariquiro ijire”, niyhna mari ijipihtiye decori. Sata niyhna.

*Pablo quehnoa dutiahye Timoteo cahapu ijieyequinare*

<sup>19</sup> Prisca, Aquila, Onesiforo ya wuhu cjenaga gahu quehnoahdo. <sup>20</sup> Erasto Corintopu tojoari. Trófilo Miletopu dohatia wahari. Sa yegu tiquiropu topu cuu yahu. <sup>21</sup> Pohero pano umañano ahtaya mahu. Eubulo, Pudente, Lino, Claudia gahu, ijipihtiyequina Jesu yequina mahare quehnoa dutire.

<sup>22</sup> Mari puhtoro Jesucristo mahu mehna ijirota. Sa yegu musare ijipihtinare Cohacju mehna pajiro quehnoa dutiaja.

## Tito

### *Pablo Titore ojoa ohoahye*

<sup>1</sup> Yũhũ Pablo Cohãcǵũ cahacǵũ, Jesucristo yere tiqũiro buhe duti cũrigũ ijiaja. Cohãcǵũ beseriquina Jesure tiqũina wacũ tuatire quehnoañe buheyere tiqũina masiatire Jesu buhe dutiro yũhare cũri. Ti buheye Cohãcǵũ dutiro saha mari yeatire yahure. <sup>2</sup> Sa yegũ ijipihtiye decori Cohãcǵũ yequina uhmũsepũ tiqũina ijiducuati gũhare buheaja tiquinare. Cohãcǵũ ne ni mehoñe marieniquiro ahri yehpare tiqũiro bajumehneato pano ohõ saha ni cũahye marine: “Uhmũsepũ sa ijiducunata mũsa”, ni cũahye marine. <sup>3</sup> Sa yero tiqũiro queori pje Cohãcǵũ tiqũiro ni cũrire yahu dutiri masare. Sata yũhare ni yahu dutiri tiqũiro. Marine pecarũ wahaborinare yũhdũorigũiro ijire. <sup>4</sup> Mũhare Titore Jesu yere buhei. Yũhũ sa buhegũ tũhogũ Jesure wacũ tutua dũcari mũhũ. Sa yegũ mũhũ potota yũhũ macũ yero saha ijigũta nine. Mũhare ahrire ojoagũ niãja. Sa yegũ Cohãcǵũ mari Pacũ mehna, Jesucristo marine yũhdũorigũiro mehna mũhare quehnoa dutiaja. Sa ye paja ihñañe, mũhare tiqũina yedohoye mehna quehnoano ijiaja mũhũ.

### *Creta wame tiri nũcũopũ Tito tiqũiro yeatire yahuahye Pablo*

<sup>5</sup> Creta wame tiri nũcũopũ mũhare yũhũ cũgũ Jesu yequina tiqũina buheati dũhsarĩdi ti pjere. Sa yegũ tiqũina yeatire yahuyucjũre cũgũ nii yũhũ mũhare. Sa yegũ macaripe cǵẽna Jesu yequina pũthoa ijiatiquinare bese dutigũ cũgũ nii mũhare. <sup>6-8</sup> Tiquina pũthoa Cohãcǵũ cahacǵẽna ijire. Sa yegũ tiquinare besegũ quehnoañequinare beseya sijoro saha yeeyequinare. Sa yegũ ihquẽquina numiareta namo tiyequinare, “Apequinare masi yũhdũducãja”, ni tũhotueyequinare, usueyequinare, queheye marieñequinare, cahmequeñe marieñequinare, apequina yere ni meho ehmeñequinare beseya. Sa besegũ tiqũina wũhũsepũ saǵã sayequinare quehnoano ihña ihboyequinare, quehnoañe pehere quehnoano bucueyequinare, tũho masiñequinare, quehnoañene yeducueyequinare, ñañe marieñequinare, ñañene yeeyequinare, niji siaro marieno dahrayequinare, quehnoañene yeducueyequinare beseya. Sa ye mũhũ beseatiqũina pohnene ohõ saha ijieyũquina ijiro cahmene: Jesure wacũ tutuayequina, quehnoano yeducueyequina, ijipihtiyequinare quehnoano yũhtiyequina ijiro cahmene pũthoa pohnene. <sup>9-10</sup> Sa ye quehnoañe buheyere queoro mari buheducuriro sahata ne duhueyequina ijiahro pũthoa mũhũ beseatiqũina. Sa ye tiqũina quehnoañe buheyere yahueyũquina ijiaeta. Sa ye quehnoañe buheyere ihña tũhtiyequinare buheye, tiqũina ye ni mehoñe ijigũ masigũ yeeta tiqũina. Sa yegũ quehnoano beseya Jesu yequina pũthoa ijiatiquinare.

Peyequina tiqũina pũthoare yũhdũducayequina, quehnoano tũhotu yahuducueyequina, ni mehoñequina ijire yojopũre. Sa yeeyequina judio masa pũrita ña yũhdũaro ye ye nine. Tiquina ye buheye poto ijieragũ tiquinare masigũ yero cahmene. <sup>11</sup> Tiquina judio masa pehe niñerure wapata dua, buhere. Sa yeraro cahmene. Sa buheye ihquẽ wũhũse cǵẽnare ijipihtiyequinare Cohãcǵũ ye pehere cohãgũ ye ye niãga tiquinare. Tiquina sa yegũ tiquinare sa ye dutieraro cahmene.

<sup>12</sup> Tiquina yere panopũ yahuriquiro ti nũcũo cǵẽno ijieperota ohõ saha ni yahuahye: “Creta nũcũo cǵẽna sa ni mehoducueyũquina ijire. Ti nũcũo cǵẽna wahiquina yero saha usuayequina ijire. Sa ye sa ihyaducueyũquina ijie ne dahra duerare”, niahye tiqũiro, tiqũiro ya nũcũo cǵẽnare. <sup>13</sup> Tiquiro sa niñe



ijirota ijire. Tiquina sa ijigū ihñagu tiquinare tutuaro tuhtiya Jesu ye buheye pehere quehnoano tiquina masiatire. <sup>14</sup> Sa yegu judio masa panopu cĵena tiquina esa tuhoro tiquina ni maca cārire, Jesu yere cahmeeñequina tiquina dutiye gūhare Creta cĵena tiquina tuho nunædatire tuhtiya tiquinare.

<sup>15</sup> Buhiri marieñequina quehnoañe dihitare tuhoture. Ñañene yeducuyequina, Jesure wacū tutuveyequina pehe ñañe dihitare tuhoture. Tiquina tuhotuyepure ña yuhduare. Sa ye quehnoañe pehere bese masiedare. <sup>16</sup> Tiquina “Cohācjäre masiaja usā”, niepeta, ñañene yere. Sa yeyequina tiquina ijigū ihñana Cohācjäre masieñequina tiquina ijigū masiaja mari. Sa ye tiquina ña yuhduavequina, Cohācjü yere yuhduhucavequina ijire. Sa ye tiquina quehnoañene ye masiedare.

## 2

### *Quehnoañe buheyere queoro yahu dutiahye Pablo Titore*

<sup>1</sup> Mūhu pehe buhegu, quehnoañe buheye ti nidiro sahata quehnoano buheya. <sup>2</sup> Bucunare ohō saha ni yahuya: Cua pesavequina, masa ño peonohñequina, tuho masieñequina, Jesure quehnoano wacū tutuavequina, quehnoañe buheyere quehnoano yeyequina, Jesure masa gūhare cahñequina, ñano yuhdupeta ihcāno sahavequina ijiahro tiquina. <sup>3</sup> Bucuna numia gūhare sata ni yahuya: Cua pesave numia, ñañe quiti dahrerave numia, queherave numia ijiahro tiquina numia gūhu. Sa yeye numia ijiye, quehnoañene buheahro apequina numiare. <sup>4</sup> Apequina numiare ohō saha ni buheahro bucuna numia: Tiquina manushmāre, tiquina pohne gūhare cahñahdo. <sup>5</sup> Sa yeye tiquina tuho masieñe numia, apequina umua mehna ñano yerave numia, ihcā wūhu cĵena ijiyequinare quehnoano ihña ihbove numia, masa quehnoañe numia, tiquina manushmāre quehnoano yūhtiye numia ijiahro tiquina, Cohācjü ye buheyere apequina “Ñano yahu wajari”, niñe.

<sup>6</sup> Sa yegu wahma pĵia gūhare ohō saha ni yahuya: Tuho masieñequina ijiahro tiquina. <sup>7</sup> Sa yegu mūhu pehe quehnoañe dihitare yeducuya mūhare tiquina ihña cūatire. Buhegu ne ni mehono marieno buheya. Sa buhegu cua pesaro mehna buheya mūhu. <sup>8</sup> Sa buhegu tuho masieñe mehna quehnoano buheya apequina mūhare “Yahu wajari”, niĵu. Mūhu sa buhegu ihñañe marine ihña tuhtiyequina ijiepeta marine ihyo warota yahu waja masiedare. Marine sa yahu waja maca cāne, buoro wahaeta tiquina.

<sup>9</sup> Sa yegu cahacĵenare ohō saha ni yahuya: Tiquina puhtoare quehnoano yūhtiarō. Sa yeye tiquina puhtoare quehnoano bucuegū yeahro. Sa dihita yeahro. Sa ye tiquina puhtoare purīno yūhtieracāhdo. <sup>10</sup> Sa ye tiquina puhtoare yere yaqueracāhdo. Sa ye quehnoañequina ijiahro. Tiquina puhtoare dutiye queoro yeducuahro. Tiquina sa quehnoano yūhtiyequina ijigū ihñañe, Cohācjü marine yuhduoriquiro ye buheyere tuho bucueeta apequina.

<sup>11</sup> Masare tiquiro cahñene Cohācjü ihño tuhasari. Sa cahño ijipihtiyequina pecapu wahaboriquinare Cohācjü tutuaro yuhduo duare. <sup>12-13</sup> Masare sa cahño Cohācjü marine ohō saha ni buhere: Cohācjüre ihña tuhtiye, ñañe tutuaro cahmeñene duhu cā dutire marine. Cohācjü tutuariquiro, Jesucristo marine yuhduoriquiro tiquiro asi siteyere mari ihñati decore, quehnoari decore mari cohtena niaja. Sa yero mari cohteri deco pano tuho masina, quehnoañene yeducuna, Cohācjüre ño peoducuna marine iji dutire Cohācjü. <sup>14</sup> Tiquiro Jesucristo mari ye ijiatire yariahe ijipihtiye mari ñañe yerire duhugū yero taro, marine tiquiro yequina wahagū yero taro. Mari ñañene tiquiro sa cohāgū mari ñañe buhiri mariena ijinata. Sa yena tutuaro quehnoañene ye duana ijinata.

<sup>15</sup> Ahri ijipihitiyere ti n̄uc̄o c̄jēnare Jesu yequinare buheya m̄h̄h̄. Tiquina p̄h̄toro ijiḡata nine m̄h̄h̄. Sa yeḡu tiquinare yahuya. Sa yeḡu tiquina ñañene yeḡū ih̄ñaḡu tuhtiya tiquinare. Sa ye ijipihitiyequina apequina m̄h̄h̄re doca c̄uedac̄āh̄do.

### 3

#### *Jesu yequina tiquina yeatire yahuahye Pablo*

<sup>1</sup> Oh̄o saha ni yahuya to c̄jēnare Jesu yequinare: Tiquina p̄h̄toare quehnoano ȳh̄tiyequina ijiāh̄ro. Ijipihitiyere quehnoañene yeatiquina ijiāh̄ro. <sup>2</sup> Sa ye apequinare ne ñañe q̄uiti dahrerac̄āh̄do. Cahme tuhtierac̄āh̄do. Sa ye masa quehnoañequina, ijipihitiyequinare ño peoyequina ijiāh̄ro.

<sup>3</sup> Panop̄are mari ḡāh̄u t̄h̄o masiena, ȳh̄d̄ud̄ucana, ni mehoñene t̄h̄o n̄n̄n̄a, ñañene ye duana, ñañene tutuaro cahme duhu masiena, decoripe ñañene yeducuna, apequinare ih̄ña coona ijie timi mari ḡāh̄u. Sa ye marine apequina ih̄ña tuhtiri. Sa yena mari ḡāh̄u tiquinare ih̄ña tuhtimi. <sup>4-5</sup> Sa ijiřina mari ijiepeḡūta Coh̄āc̄j̄u marine pecap̄u wahaborinare ȳh̄d̄uori. Sa ȳh̄d̄uoro tiq̄iuro quehnoariq̄iuro ijiiyere, masare tiq̄iuro cah̄ñe ḡāh̄re marine ih̄ñono n̄idi. Quehnoano mari yeri mehna ȳh̄d̄uorare marine. Marine paja ih̄ñano mari ñañe yerire coh̄āno Esp̄ritu Santo mehna marine ȳh̄d̄uori. Sa yero marine tiq̄iuro pohna wahaḡū yeri. Esp̄ritu Santo pehe quehnoana mari ijiatire comesaḡū yeri marine. <sup>6</sup> Jesucristo marine ȳh̄d̄uoriq̄iuro tiq̄iuro yaria masa m̄jañe mehna Coh̄āc̄j̄u yaq̄iuro Esp̄ritu Santore ohori marine pajiro tiq̄iuro tutuayere mari c̄uotire. <sup>7</sup> Marine cah̄ño, marine quehnoano ye duari. Sa yero tiq̄iuro yaq̄iuro Esp̄ritu Santore marine ohori ñañe buhiri mariena mari ijiatire, ūhm̄sep̄u mari sa ijiducuatire. Mari sa ijiducuatire masina, tire cohtena n̄iaja.

<sup>8</sup> Ti ȳh̄h̄ n̄idi ijirota ijire. Sa yeḡu tire ȳh̄h̄ ni ojoariro sahata masare buheḡu, ti dutiyere ye peho dutiya m̄h̄h̄. Sa yeḡu Coh̄āc̄j̄ure wac̄ū tutuayequinare tire buheya quehnoañene tiquina quehnoano yeatire. Ahri ȳh̄h̄ ni buheri quehnoañe buheye ijire. Sa ye masa ahri buheyere tiquina t̄h̄o n̄n̄n̄ḡū ih̄yo waro ijierare. <sup>9</sup> Apequina tiquina yahuducuye pehe d̄h̄seati ijierare. Sa ye masiedapeta tiquina yahuducu ȳh̄d̄ud̄ucayere m̄h̄h̄ t̄h̄o n̄n̄n̄ḡū ih̄yo waro t̄h̄o n̄n̄n̄ḡū nine m̄h̄h̄. Sa ye tiquina acaye panop̄u c̄jēna tiquina ijie tirire yahuducu ȳh̄d̄ud̄ucayere, Coh̄āc̄j̄u Moiserere tiq̄iuro dutirire tiquina yahuducu ȳh̄d̄ud̄ucayere ti ijipihitiyere quehnoano m̄h̄h̄ t̄h̄o n̄n̄n̄ḡū ih̄yo waro t̄h̄o n̄n̄n̄ḡū nine m̄h̄h̄. Sa yeḡu tire t̄h̄o n̄n̄n̄edac̄āh̄ñā. M̄h̄h̄ ḡāh̄u tiquina yero saha yahuducu ȳh̄d̄ud̄ucac̄erac̄āh̄ñā.

<sup>10</sup> M̄sa mehna c̄jēno sa ni ȳh̄d̄ud̄ucariq̄iuro masare cahme tu waḡū tiq̄iuro yeḡū ih̄ñaḡu “Yerac̄āh̄ñā”, niña tiq̄iurore. P̄na taha tire tiq̄iurore m̄h̄h̄ ye dutierari bato tiq̄iuro ȳh̄tieraḡū ih̄ñaḡu tiq̄iurore piti ti duhuya. <sup>11</sup> Oh̄o saha yeriq̄iuro ñañe d̄ih̄itare tutuaro cahmeducuriq̄iuro ijire. Tiquiro sa ijiḡū ih̄ñana tiq̄iuro ñariq̄iuro ijiḡū masiaja mari.

#### *Pablo duti bato tiahye*

<sup>12</sup> Nicopolir̄u poh̄es̄u ijiro puno ijiḡu taḡu n̄iaja. Sa yeḡu Artemare o Tiquicore m̄h̄h̄ cahap̄u ȳh̄h̄u oho m̄htaḡū tor̄are ȳh̄h̄re piti caya m̄h̄h̄. <sup>13</sup> Sa yeḡu dutiyere quehnoano m̄h̄n̄id̄iurore Zena wam̄e tiriq̄iurore, Apolo ḡāh̄re quehnoano yedohoya tiquina wahatire. Sa yeḡu apee boro tiquina cahmeñene ijipihitiye tiquinare ohoya tiquinare tiquina cahmeno puno. <sup>14</sup> Sa ye Jesu yequina mari mehna c̄jēna quehnoañene yepoahro apee borore d̄hsayequinare tiquina yedohoatire, quehnoañene yeducyequina tiquina ijiatire.

*Pablo quehnoa dutiahye Jesu yequinare*

<sup>15</sup> Ijiphtiyequina yññ mehna cjēna mähare quehnoa dutire. Topñ ijiye-  
quina Jesu yequina usāre cahññequina quehnoahdo. Ijiphtinare mäsare  
Çohãcjã mehna pajiro quehnoa dutiaja.

## Filemón

### *Pablo Filemo wame tiriquire ore ojoa dꝛcahye*

<sup>1</sup> Yǎhǎ Pablo, Jesucristo yaquiro yǎhǎ ijiri buhiri peresupǎ ijiaja. Yǎhǎ, mari acayǎro Jesu yaquiro Timoteo mehna mǎhǎre Filemore quehnoa dutiaja usǎ. Sa yegǎ mǎhǎre ojoa ohoaja yǎhǎ, Pablo. Mǎhǎ usǎ cahǐgǎ Cristo yere usǎ mehna dahradohogǎ ijire mǎhǎ. <sup>2</sup> Sa yena Jesu yequina mǎhǎ ya wǎhǎpǎ cahmecoañequina gǎhǎre ojoa ohoaja yǎhǎ. Mari acayoro Jesu yacoro Aripa gǎhǎre ojoa ohoaja yǎhǎ. Mari cahǐniquire Arquipo gǎhǎre ojoa ohoaja yǎhǎ. Arquipo pehe usǎ yero saha Cristo yere yahuriquire ijire. <sup>3</sup> Sa yena Cohǎcǎjǎ mari Pacǎ, mari pǎhtoro Jesucristo mehna mǎsare quehnoa dutiaja. Tiquina yedohoye mehna quehnoano ijiya mǎsa.

### *Filemo apequinare tiquire cahǐñene, Cristore tiquire wacǎ tutuayere yahuahye Pablo*

<sup>4-5</sup> Yǎhǎ acayǎ Filemo, Cohǎcǎjǎre mǎhǎre sini basagǎ mǎhǎre wacǎgǎ “Quehnoare”, niaja tiquire ore. Cristore mǎhǎ cahǐgǎ tiquire ore mǎhǎ wacǎ tutuagǎ, apequina Cohǎcǎjǎ yequinare mǎhǎ cahǐgǎ tǎhou yǎhǎ. Sa yegǎ Cohǎcǎjǎre “Quehnoare”, ni bucueaja. <sup>6</sup> Mari ihcǎno mehna Cristore wacǎ tutuana ijiaja. Sa wacǎ tutuagǎ mǎhǎ ijigǎ ohǎ saha ni sini basaja Cohǎcǎjǎre. Jesucristo yequina ijina, pajiore quehnoañene cǎonata mari. Tire quehnoano mǎhǎre masi peho dutigǎ sini basagǎ niaja Cohǎcǎjǎre. <sup>7</sup> Yǎhǎ acayǎ, yojopǎre apequinare mǎhǎ cahǐgǎ tǎhogǎ bucueaja yǎhǎ. Ijirihitiyequina Cohǎcǎjǎ yequinare quehnoano bucuegǎ yeñohiti mǎhǎ. Mǎhǎ sa yegǎ tǎhogǎ bucueaja yǎhǎ.

### *Pablo Onésimore sini basahye Filemore*

<sup>8-10</sup> Sa yegǎ yojopǎre Onésimore mǎhǎ cahacǎjǎnore mǎhǎ quehnoano yeatire mǎhǎre sini basa duaja. Peresupǎ yǎhǎ mehna tiquire ijigǎ Cristo yere yahuu yǎhǎ tiquire ore. Tire tǎhoro Cristore cahmedi tiquire. Sa yero tiquire Cohǎcǎjǎ yaquiro wahari. Sa waharo yǎhǎ macǎ yero saha ijire. Sa yegǎ yǎhǎ Pablo bucǎ ijigǎ Cristo yere yǎhǎ buheri buhiri peresupǎ ijigǎ mǎhǎre yahutja Onésimore mǎhǎ yeatire. Cristo buhe dutiro tiquire cǎrigǎ ijiaja yǎhǎ. Sa tiquire cǎrigǎ ijigǎ Onésimore mǎhǎ yeatire dutioborigǎ ijiaja yǎhǎ. Sa niepegǎta mǎhǎre dutisi yǎhǎ. Cahǐñe mehna mǎhǎre yahutja, to punota.

<sup>11</sup> Cristo yaquiro tiquire ijiato pano Onésimo mǎhǎ cahacǎjǎno ijire dǎhseatiquire ijierari jiri. Mǎhǎre quehnoano yedoho masiedari jiri. Yojopǎ pǎritare tiquire mǎhǎre, yǎhǎ gǎhǎre quehnoano yedohoriquire ijirota. Yojopǎre Cristo yaquiro ijire ihyo ijiriquiro waro ijierare.

<sup>12</sup> Sa yegǎ yojopǎre tiquire ore mǎhǎre wia tojogǎ niaja. Sa yegǎ tiquire ore quehnoano piti caya mǎhǎ. Tiquire ore tutuaro cahǐaja. <sup>13</sup> Quehnoañe buheyere yǎhǎ buheri buhiri peresupǎ yǎhǎ ijiri watoa tiquire ore yǎhǎre yedoho dutiboaya yǎhǎ tiquire ore ohoeragǎ. Sa yegǎ yǎhǎ mehna tojoa dutiboaya yǎhǎ. Mǎhǎ pehe yǎhǎre mǎhǎ yedohoro basioeragǎ tiquire pehe mǎhǎre comesariquire ijiboaya. <sup>14</sup> Yǎhǎre yedohoboriquire tiquire ijiepegǎta tiquire ore mǎhǎre oho tojoaja. Mǎhǎ pehe tiquire ore “Pablo mehna tojoarǐña”, mǎhǎ nigǎ masigǎ yǎhǎ mehna tiquire ore tojoa dutiboaya yǎhǎ. Yǎhǎ pehe “Yǎhǎ mehna cǎña tiquire ore”, ni dueraja mǎhǎre. Sa yegǎ tiquire ore oho tojorǐaja.

<sup>15</sup> Tiquiro Onésimo meheñe decorigã mähare tiquiro duhti cãri bato pari turi mähü mehna ijire. Cohãcã tiquiro cahmediro sahata mähare duhti cãri jiri tiquiro Cohãcã yaquiro tiquiro wahato saha, yähü tãhotugã. Sa yero pari turi mähü mehna ijiro, sa ijiducurota mähü mehna. <sup>16</sup> Sa yero tiquiro yojopãre cahacãno ijierare. Cahacãna tiquina bui cãno ijiriqiro ijire tiquiro, yähü ihñagã. Yojopãre tiquiro mähü acayãro Jesu yaquiro ijire. Sa yegü tiquirore tutuaro cahñaja. Mähü pehe yähü yãhdãoro tiquirore cahñata. Mähü sa cahĩdiquiro ijiro, cahacãno ijieperota yojopãre cahacãno tiquiro ijiriro saha ijierare tiquiro. Tiquiro mähü acayãro Jesucristo yaquiro ijire.

<sup>17</sup> Sa yegü yähüre mähü piti caboriro sahata Onésimo gähare quehnoano piti caya. Mähü mehna cã yähü ijigã tãhotugã tiquiro gähare quehnoano piti caya mähü. <sup>18</sup> Sa yegü mähare sijoro saha tiquiro yeriqiro ijigã mähare tiquiro wapamoriqiro ijigã yähü pehe tire wapa yeitja. <sup>19</sup> Yähü Pablo, yähü basi ahrire mähare yahu ojoatja: Yähü pehe wapa yeitja mähare. Mähare yähü buheri bato Cristo yaquiro wahagü ijipihtiyẽ decori Cohãcã mehna ijiaçü ijire mähü. Mähare yähü sa buheri bato mähü gähü yähüre pajiro wapamorigü ijiboaya. Mähü sa ijiepegãta mähare wapa yeitja tiquiro wapamoñene. <sup>20</sup> Sa yegü yähü acayü, yähü cahñü, mari pãhtoro Cristo yaquiro ijire mähü. Sa yegü Onésimore quehnoano piti caya. Cristo yaquiro ijigü yähü acayü ijire mähü. Sa yegü yähüre quehnoano bucuegã yeya.

<sup>21</sup> Ahri yähü yahurire quehnoano yegãta mähü. Sa yegü yähü yahuri yãhdãoro yegãta mähü. Tire masigü mähare ojoa ohogü niaja. <sup>22</sup> Ahri gähare yahugãtja mähare. Mõsa caharü yähü wahatire Cohãcãre sini basañohti mõsa yähüre. Mõsa sa sini basarire tiquiro yãhtiboaga. “Ah”, tiquiro nigã cahmeaja yähü. Sa yegü mõsa caharü yähü esati tucãre quehnoyuya mähü.

### *Pablo quehnoa duti bato tiahye Filemore*

<sup>23</sup> Epaфра mähare quehnoa dutire. Tiquiro pehe Cristo yere tiquiro yeri buhiri yähü mehna peresupü ijire. <sup>24</sup> Sa ye Marco, Aristarco, Dema, Luca mehna mähare quehnoa dutire. Cristo yere yähü buhegã tiquina pehe yähüre yedohoyequina ijire.

<sup>25</sup> Mari pãhtoro Jesucristo mehna quehnoa dutiaja mäsare. Tiquiro mäsare quehnoano yerota.

## Hebreos

<sup>1</sup> Panopu Cohācjū ijiahye. Tiquiro peye tahari mari acayere panopu cjenare tiquiro yere yahuahye. Apequinare tiquiro bajuaro yahuahye. Apequinare quehēnopu yahuahye. Apequinare tiquiro piti caro yahuahye. Tiquiro yere yahu mahtariquinare yahu dutiro, sa yahuahye tiquiro mari acayere. <sup>2</sup> Yojopare pihtiri deco panogā ijiye decorire tiquiro macunore tiquiro yere yahu dutigū tiquiro pehe marine yahue tiri. Tiquiro Pacuro ye dutiro mehna ahri yehpare, ahmuse gūhure yeriquiro ijire. Tiquiro Pacuro pehe pihtiri deco ijigū ijipihiyere cwoatiquirore cūahye tiquiro macunore. <sup>3</sup> Sa yero tiquiro macuno pehe tiquiro Pacuro ye asi siteyere cworiquiro ijiro, tiquiro tutuayere marine ihñore. Sa yero ihcāno saha tiquiro Pacuro yero sahata ijiro, tiquiro Pacuro ijiye tiyere marine ihñore tiquiro macuno. Sa yero tiquiro macuno tiquiro tutuaye mehna dutigū ahri yehpa, ahmuse gūhu sa ijiducure. Sa yero mari ñano yerire tiquiro coseri bato ahmusepu tiquiro Pacuro tutua yuhduariquiro poto pehe dujiahye, puhtoro tiquiro ijiyere ihñono.

### *Cohācjū macuno angele yuhduoro ijire*

<sup>4</sup> Tiquiro “Cohācjū macuno”, wame tire. Ti wamene Cohācjū cūahye tiquirore. Sa wame tiro apequina puhtoro ijire. Sa yero tiquiro angele yuhduoro ijire. <sup>5</sup> Tiquiro yequina angele pehere Cohācjū ne ohō saha ni yahuera tiahye:

Yuhu macu ijire mahu. Miare mahure bajuagū yei, niahye Cohācjū tiquiro macunore.

Angele pehere ne sa ni yahuera tiahye. Sa yero tiquinare ahri gūhure ne yahuera tiahye:

Tiquiro Pacuro ijitja yuhu. Sa yero tiquiro yuhu macu ijirota, niahye Cohācjū tiquiro macunore.

Angele pehere ne sa ni yahuera tiahye. Sa yero tiquiro macuno tiquina yuhduoro ijire. <sup>6</sup> Sa yero ape taha tiquiro macunore coā masa bajuariquirore ahri yehrapu cūno ohō saha niahye Cohācjū tiquirore:

Ijipihiyequina yeequina angele dusepe curi mehna quehe sa, ño peoeta tiquina yuhu macure, niahye tiquiro.

<sup>7</sup> Sa yero tiquiro yequina angele pehere yahuro taro ohō saha niahye tiquiro: Yeequina angelere wiñono yero saha pagu tigū yeaja yuhu. Tiquina yuhu cahacjena ijire. Sa yegu tiquinare peca pohna yero saha pagu tigū yeaja yuhu, ni yahuahye Cohācjū.

<sup>8</sup> Tiquinare sa nieperota tiquiro macuno pehere ohō saha niahye: Mahu Cohācjū ijipihiyequina puhto sa ijiducugata. Queoro dutigata mahu, mahu yequinare. <sup>9</sup> Ni mehono marieno yeyere, quehnoano yeyere tutuaro cahmene mahu. Sa yegu ñañe yeyere ihña yabire mahu. Mahu sa ijigū ihñagu yuhu mahu Pacu ijipihiyequina apequina yuhduoro mahure bucuegū yei, niahye Cohācjū mari Pacu.

<sup>10</sup> Ahri gūhure niahye tiquiro, tiquiro macunore “Puhto” ni pisuro: Puhto, coā waropare ahri yehpare, ahmuse gūhure bajumehnedi mahu.

<sup>11</sup> Ti ijipihiyee comesa pihtia waharota. Mahu pehe ne comesasi. Sa ijiducugata mahu. Ti ijipihiyee suhtiro ahba bora dijiaro saha pihtia waharota. <sup>12</sup> Ti ijipihiyee ahmuse, ahri yehpa gūhure comesagū yeita mahu. Mynano suhtirore mahu cohāboro saha ti ijipihiyere comesagū yeita mahu. Sa yero suhtiro ahba bora dijiaro saha ti

ijipihtiye comesarota. Mũhũ pehe ne comesasi. Sa ijiducugũta mũhũ, niahye Cohãcũ tiqũiro macũnore.

<sup>13</sup> Ne angele pehere ahrire yahuera tiahye mari Pacũ:

Yũhũ potõ pehe dujiya mũhũ. Pũhto ijire mũhũ. Sa yegũ mũhũre ihũa tuhtiyequinare yũhdũdũca basagũtja. Sa yegũ tiqũina pũhto ijigũta mũhũ, niahye Cohãcũ tiqũiro macũnore.

<sup>14</sup> Ijipihtiyequina angele pehe Cohãcũ cahacjẽna ijire. Sa yero mari Pacũ ohore tiqũiro yequina angelere Cristo yũhdũoatiquinare yedoho dutiro.

## 2

### *Cohãcũ yere quehnoañe buheyere marine sa tãhotu cãhno cahmedare*

<sup>1</sup> Sa yena Cohãcũ macũno waro marine yahuriqũiro tiqũiro ijigũ masina tiqũiro yahuyere mari tãhorire quehnoano wacũno cahmene marine, “Tire boari”, nina. <sup>2-3</sup> Angele yahurire masa pehe yũhdũdũcagũ ihũano Cohãcũ tiqũinare buhiri dahreahye. Sa buhiri dahrero angele tiqũina yahuri potõ ijigũ ihũono niahye. Sa yena angele yahuri potõ ijigũ masina, tire marine yũhtiro cahmene. Ti yũhdũoro Cristo pehere yũhtiro cahmene. Tiqũiro mari pũhtoro marine tiqũiro yũhdũoatire yahu mũhtahye. Sa ye tiqũirore tãhoriquina pehe tiqũiro yahurire marine yahu turiari, marine quehnoano masigũ yee tehe. Sa yero ti buheyere marine tiqũiro yũhdũoati buheyere mari sa tãhotu cãgũ Cohãcũ marine buhiri dahrerota. Tire duhti masiedaja mari.

<sup>4</sup> Ti buheyere tãho mũhtariquina tiqũina buheri watoa Cohãcũ pehe ti buheye potõ ijigũ ihũono nidi. Tiqũiro tutuaye mehna ihũono nidi. Sa yero peye tahari tiqũiro tutuaye mehna ye ihũono ti buheyere potõ ijigũ ihũono nidi. Sa yero tiqũiro yequinare tiqũina ye masiatire tiqũiro cahmeno sahata cũahye. Espĩritu Santo pehe ijire marine ye masigũ yeriqũiro.

### *Jesucristo mari yero sahata pagũ tiriqũiro masa bajuahye*

<sup>5</sup> Pihitiri deco bato ijieyquina Cohãcũ caha ijieyquina pũhtõa ijisi angele pehe. Tiquinare pũhtõa sõsi mari Pacũ. <sup>6</sup> Sa yero ihcãqũiro mari Pacũre tiqũiro yahuducurire ohõ saha ni ojoahye panopũ:

Masa ihyo ijieyquina tiqũina ijiepegũta tiqũinare wacũre mũhũ. Masare quehnoano yere mũhũ. <sup>7</sup> Meheñe decorigã angele docapũ masare cũahye mũhũ. Sa cũepẽgũta yojopũre tiqũinare tutuayere ohogũ, pũhtõa sõahye mũhũ. <sup>8</sup> Mũhũ sa sõgũ ahri yehparũ ijieyquina wahiquina gũhũ bui dũhsaro marieno masare cũahye mũhũ, niahye panopũ cjẽno mari Pacũre.

Sa sõno ahri yehparũ ijieyquina wahiquina gũhũ bui dũhsaro marieno masare cũahye. Masare tiqũiro sa pũhtõa sõepẽgũta ijipihtiyequina ahri yehparũ ijieyquina wahiquina masare ihũa wahãedarĩaga, usã tãhotugũ. Ahri yehparũ ijieyquina wahiquinare ihũa wahãgũ yeraniaga masa. Ijipihtiye bui ijieraniaga masa. <sup>9</sup> Sa tiqũinare ihũa wahãgũ yerapenata Jesu pehere wacũ tutuaja mari. Meheñe decorigã angele docapũ mari Pacũ tiqũiro macũno gũhũre cũahye, mari ñañe buhiri yariatiquĩrore. Mari Pacũ marine cahũno mari yariaborirore Jesure yariagũ cahmeahye. Sa yero tiqũiro sa yariagũ ihũano tiqũirore tutuayere ohoro, pũhtoro sõahye tiqũirore.

<sup>10</sup> Cohãcũ ijipihtiyere bajumehnediqũiro ijire. Sa ye ijipihtiye tiqũiro ye dihita ijire. Sa yero Jesure yaria dutiro ñañe cohãgũ yeahye tiqũirore. Sa yeahye tiqũiro masa peyequina tiqũiro yequina ijiatiquĩnare aũmũserũ neano taro. Jesu sa yero, ñañe marieniqũiro, quehnoa yũhdũariqũiro tiqũiro ijiyere ihũono niahye. Sa yero Jesu pehe marine yũhdũoriqũiro,



mari puhtorota ijire. <sup>11</sup> Ijipihtiyequina masare tiquna ñañe yerire cose were tiqiro. Sa yero Jesu mari tiqiro cose wenohrina mehna Pacu tire Cohācjüre. Mari Pacu ihcāquiota ijire. Mari Pacu tiqiro ijigū Jesu marine tiqiro yequinare tiqiro cose wenohrinare “Yahu acaye ijire”, ni pisuro ne bæ tierare. Tiqiro sa ni pisurire musare yahutja. <sup>12</sup> Ohō saha nino niahye tiqiro:

Cohācjū, mahū ijiye tiyere yahutja yahu acayepare. Ijipihtiyequina yeequina ihñonopa mahure ño peoga “Tutuariqiro ijire”, ni yahutja yahu tiquinare, niahye tiqiro Pacurore.

<sup>13</sup> Ahri gāhare niahye tiqiro:

Cohācjüre wacū tutuahtja yahu, niahye tiqiro.

Ahri gāhare niahye tiqiro:

Ohō ijiaja yahu. Cohācjū pohne mehna ohō ijiaja. Yahure tiqiro cūriquina yahu acaye mehna ohō ijiaja, niahye tiqiro yequinare “Yahu acaye” ni pisuro.

<sup>14</sup> “Tiqiro pohne” tiqiro niñequina pagu tiyequina mari ijigū ihñano, Jesu pehe mari ya pagu saha pagu tiriqiro ahtahye. Sa ijiriqiro ahtahye tiqiro curusapu yariaro taro, watinore butigū yero taro. Tiqiro watino pehe yaria dutiriqiro ijire. <sup>15</sup> Sa ye watinore butigū yero, marine yuhdore. Mari pehe decoriye mari yariatire cuemi. Sa cuerina ijina pecapu wahaborina ijimi mari. Sa ijina mari ijigū ihñano tiqiro marine yuhdore. <sup>16</sup> Sa yuhdoro angele pehere yedohoro ahtaerahye tiqiro. Abrahā panamena iji turianare Cohācjū yequinare mari pehere yedohoro ahtahye. <sup>17</sup> Sa yero tiqiro mari acayuro warota ahtahye. Ihcāno saha mari yero saha pagu tiriqiro ahtahye. Sa ahtaro mari yuhduatire mari ñañe yerire mari Pacure cohā dutiro ahtaro niahye. Sa yero mari yequina pahia puhtoa tiquna yeriro saha yero ahtaro niahye. Mari yero saha ijiro marine quehnoano paja ihñare. Sa yero Cohācjū cahmeno saha sa yeducuriqiro ijire. Sa yero tiqiro mari yaqiro pahia puhtoro ijiro nine. <sup>18</sup> Tiqiro ñano yuhdahye. Sa yero watino tiqirore ñano ye dutimahye. Yerahye tiqiro. Sa ñañene yerariqiro ijiro, tiqiro pehe mari gāhare ñañene yeragū ye masine. Watino ñañene tiqiro ye dutigū ihñano marine ñañene yeragū ye masine Jesu.

### 3

#### *Jesu Moise yuhdoro ijiriqiro ijire*

<sup>1</sup> Jesu tiqiro sa ijiriqiro ijigū ihñana tiqirore quehnoano wacūña masa. Yahu acaye Jesu yequina, Cohācjū besenohrina ijire masa. Tiqiro Jesu pehe Cohācjū cūriqiro ijiro mari yaqiro pahia puhtoro ijire. Tiqiro ye buheyere quehnoañe buheyere mari quehnoano ño peoaja. Tiqiro pehere quehnoano wacūña masa. <sup>2</sup> Cohācjū tiqirore marine yuhduoatiqirore tiqiro cūgū tiqiro pehe Cohācjū cūriro saha yeahye. Ne yuhducaerahye. Moise gāhu Cohācjū yequina Israe masare yedohoro ne yuhducaerahye. Sa ta yeahye Jesu gāhu.

<sup>3</sup> Sa yero Moiserere tiquna ño peoriro yuhdoro Jesu pehere ño peoro cahmene marine. Ohō saha ijire ti mari queoye mehna buhegū. Wahure mari ño peoriro yuhdoro wahu dahreriqiro pehere ño peoro cahmene marine. Sa yero Jesu pehe wahu dahreriqiro yero saha ijiriqiro tiqiro ijigū Moiserere mari ño peoriro yuhdoro tiqiro pehere ño peoro cahmene marine. <sup>4-6</sup> Ohō saha ijire ti. Mari Cristo yequina Cohācjū ya curua cjāna ijiaja. Cristo pehe wahure tiqiro cūboriro saha marine tiqiro ya curua cjāna ijiatınare cūno nine. Masa pehe wahuse yeyequina ijire. Cohācjū pehe

ijipihtiyere yeriquiro ijire. Moise pehe Cohãcjũ ya curua cjẽnare yedohoducuriquiro ijiro, camepũ Cohãcjũ yahuatire yahue tiahye masare. Cristo pehe Cohãcjũ macano ijiro, Cohãcjũ yere yeducuriquiro ijiro, Cohãcjũ ya curua cjẽna puhtoro ijire. Sa ijiriquiro ijigũ ihñana Moiserre mari ño peoriro yãhdũoro Cristo pehere ño peoro cahmene marine. Sa yena mari pehe Cristore wacũ tutua duhuerana, marine tiquiro yãhdũoatire sa bucueducuna, tiquiro ya curua cjãna ijiaja mari.

*Cohãcjũ tiquiro yequinare tiquiro mehna quehnoano sogũ cahmene*

<sup>7</sup> Sa yena Cristore mari wacũ tutua duhueratire ohõ saha yero cahmene marine. Ohõ saha nine Espĩritu Santo:

Miare yũhũ, Cohãcjũ, musare yũhũ yahugũ, yũhti dueyequina yero saha ijieracãhña. <sup>8</sup> Quehnoano yũhtiya musa yũhũre. Panopũ Israe masa masa marienopũ ijiiye, sa yãhdũdũcarĩ yũhũre. Sa ye yũhũre ne bucueraagũ yeri tiquina. Sa yena tiquina yero saha yeracãhña musa yũhũre. <sup>9</sup> Topũre cuarenta cãhmari waro tiquinare yũhũ tutuaye mehna ye ihñomi. Yũhũ sa ye ihñoepegũta tiquina pehe ohõ saha ni tãhotue timedi: “¿Ñañene mari yegũ ihñano Cohãcjũ marine buhiri dahreboagari?” ni tãhotue timedi. Sa ni tãhotuye ñano ye tuhue tiri. <sup>10</sup> Tiquina sa yegũ ihñagũ tiquina mehna usuagũ. Sa usuagũ ohõ saha nii: “Tiquina yũhũ yahuducuyere tãho dueraye, sijoro saha ijiiye buheyere sa wacũducuye nine. Yee pehere ne yũhti duerare”, nii tiquinare. <sup>11</sup> Sa yegũ tiquina mehna usuagũ ohõ saha ni yahuu: “Tiquina yũhũ mehna cjẽna ne ijisi. Sa ye wape tiro marieno ijisi tiquina’, ni yahuu yũhũ”, ni yahuahye Cohãcjũ, niahye Espĩritu Santo pehe.

<sup>12</sup> Sa yena yũhũ acaye, quehnoano yeya musa, “Cohãcjũre cohãri”, nina. Musa ñañene tãhotuna, Cohãcjũre catiriquirore wacũ tutuerana, tiquirore cohãboaga musa. Ne ihcãquiuro musa mehna cjãno sa yeracãhdo. <sup>13</sup> Sa yena ahri pehere yero cahmene: Musa mehna cjẽnare decoripe Cohãcjũ yere musa basi cahme yahuducuya “Ñañene yeari”, nina. Ñañene yena, “Ti mehna bucueraja”, nina ni mehoñene tãhotuna niaja mari. Sa ni tãhotueracãhña. Ñañene yeducuna Cohãcjũ ye pehere cahmedaja mari. Sa yena ñañene duhu dueraja. “Sa yeari”, nina, musa mehna cjẽnare Cohãcjũ yere musa basi cahme yahuducuya. Cristo tiquiro ahtato pano decoripe tire sa cahme yahuducuya. <sup>14</sup> Sa yena coã waropũ Cristore mari wacũ tutua dũcariro saha mari wacũ tutuaducuna, mari catiro puno tiquiro yere duhuerana, tiquiro mehna cjãna ijiaja.

<sup>15</sup> Ohõ saha nine Cohãcjũ yere tiquina ojoari pũpũ:

Miare yũhũ Cohãcjũ musare yũhũ dutigũ quehnoano yũhtiya musa yũhũre. Panopũ cjẽna Israe masa yũhũ yahuepegũta ño peo dueraye, yũhũre yũhti duerari. Sa yena tiquina yero saha yeracãhña musa, niahye Cohãcjũ, ni ojoahye panopũre.

<sup>16</sup> Sa ye Cohãcjũ tiquiro yahurire tãhomediquina ijiepetã tiquina tiquirore yũhtierahye. Tiquina ijipihtiyequina Egiptopũ ijiiyequina Cohãcjũ wioriquina ijiepetã tiquirore ne yũhtierahye. <sup>17</sup> Sa ñano yeye cuarenta cãhmari waro Cohãcjũre usuagũ yee tiahye. Tiquina sa yeri buhiri masa marienopũ yariahye tiquina. <sup>18</sup> Tiquirore tiquina sa yũhti dueragũ ihñano ohõ saha cua pesaro mehna niahye tiquiro: “Tiquina yũhũ mehna cjẽna ne ijisi. Sa ye wape tiro marieno ne ijisi tiquina”, niahye tiquiro. <sup>19</sup> Tiquiro sa nigũ tãhona ahri pehere masinata mari: Cohãcjũre tiquina wacũ tutuerari

buhiri tiqiro mehna cjēna iji masiedahye. Sa ye tiqiro mehna quehnoano so, iji masiedahye.

## 4

<sup>1</sup> Sa yero panopu cjēnare tiqiro mehna tiqina quehnoano soatire cahmeno, tiqinare “Yuhū mehna wape tiro marieno sonata”, ni cūahye Cohācjū. Mari gūhūre sata ni cūahye tiqiro. Sa yena cua pesaro mehna Cohācjūre quehnoano yūhtihna mari, “Wiheari”, nina. Sa wihena tiqiro mehna quehnoano sosi mari. <sup>2</sup> Panopu cjēna Cohācjū yere tiqina tūhoriro saha mari gūhū quehnoañe buheyere tūhou. Tiqina tūho mūhtariqina pehe tūhoye, “Cohācjū ye waro ijire”, ni tūhotuerahye. Sa ye tiqina tūhori dūhseati ijierahye. <sup>3</sup> Mari pehe tiqirore wacū tutuana Cohācjū mehna cjāna ijinata. Sa yena tiqiro mehna quehnoano iji, sonata. Wape tiro marieno ijinata. Cohācjū tiqiro nidiro sahata ijire ti. Ohō saha niahye tiqiro tiqirore yūhtierariqinare:

Tiqina mehna usuagu cua pesaro mehna ohō saha ni yahuu: “Tiqina yūhū mehna cjēna ne ijisi. Sa ye wape tiro marieno ne ijisi”, ni yahuu, niahye Cohācjū yere tiqina ojoari pūpū.

Ahri yehpare tiqiro yeri bato dahra duhurīahye tiqiro. <sup>4</sup> Ahrire mari masiaja. Seis decori ahri yehpare tiqiro yeri bato tiqiro dahra duhurire yahuro ohō saha niahye Cohācjū ye yahuducuyere tiqina ojoari pūpū:

Seis decori bato ijipihtiyere tiqiro dahrarire pehoro, Cohācjū dahra duhuahye, niahye tiqiro yere tiqina ojoari pūpū.

<sup>5</sup> Sa yero Cohācjū yere tiqina ojoari pūpū ohō saha ni yahure tiqiro mehna quehnoano ijieyeqinare:

“Tiqina yūhū mehna cjēna ne ijisi. Sa ye wape tiro marieno ne ijisi”, niahye Cohācjū, nine tiqiro yere tiqina ojoari pūpū.

<sup>6</sup> Sa ye quehnoañe buheyere tūho mūhtariqina tiqirore tiqina yūhdūdcari buhri tiqiro mehna cjēna ijisi tiqina. Sa ye tiqiro mehna wape tiro marieno ijisi tiqina. Apequina pehe tiqiro mehna cjēna ijjeta. Sa ye tiqiro mehna wape tiro marieno soyequina ijjeta. <sup>7</sup> Sa yero masare tiqiro yūhdūoati deco ihcā deco cūahye pari turi Cohācjū. Ti decota yojopūre ijire. Peye cūhmari bato Israe masa Cohācjūre tiqina tūho mūhtari bato ti decore yahuahye Davi pehe. Cohācjū tiqirore yahu dutigū yahuahye. Cohācjū ye yahuducuye tiqina ojoarire māsare yūhū yahuri decore ohō saha ni ojoahye Davi:

Ahri decore yūhū Cohācjū māsare yūhū yahugū yūhdūdcaro marieno quehnoano yūhtiya mūsa yūhūre, ni ojoahye panopūre.

<sup>8</sup> Coā waropūre Josué Israe masare Cohācjū ohoari yehparū ne sahye. “Yūhū mehna wape tiro marieno soyequina ijjeta”, nino, ti yehparū tiqina soatire nino niedahye Cohācjū. Ti yehparū so dutiro, ape deco tiqiro yūhdūoati decore cūedaboaga tiqiro. <sup>9</sup> Seis decori bato ahri yehparūre tiqiro yeri bato Cohācjū tiqiro dahra duhuriro saha mari tiqiro yequina gūhū tiqiro mehna wape tiro marieno mari soati ijjirota. Tiqiro mehna mari quehnoano ijjirota. <sup>10</sup> Sa yero Cohācjū tiqiro dahrarire duhu cārīahye. Sa yena mari gūhū mari wape tirire duhu cānata. <sup>11</sup> Sa yena mari tiqiro yequina quehnoano yeihna. Cohācjū yere quehnoano yūhtihna tiqiro mehna mari quehnoano soato saha. Panopu cjēna mari acaye tiqina yūhdūdcari bato Cohācjū mehna cjēna iji masiedahye tiqina. Tiqina yero saha yeracūhna mari.

<sup>12</sup> Cohãcjũ ye yahuducuye marine catigã yere. Quehnoañe pehere marine comesagũ yere. Sa ye tiquiroye ye yahuducuye ihyo ijiye ijierare. Sa ye ñoseni pji pua peheri siori pji mehna dihirore tiquina yahre ihña tiquina masino saha tiquiroye ye yahuducuye gãhũ mari ijiye tiyere quehnoano masigũ yere. Tiquiroye ye yahuducuyere mari tuhogũ, tire mari buhegũ mari ijiye tiyere quehnoano masi pehogũ yere marine. <sup>13</sup> Ne Cohãcjũre mari ijiye tiyere mari yerire nũo masiedaja mari. Ijipihtiyere tiquiroye bajumehnedire, tiquiroye bajumehnediquina gãhũre ihñare tiquiroye. Sa yena mari yerire tiquiroye yahu yuhũro cahmene marine.

### *Jesu tutuariquiroye mari yaquiroye pahia puhtoro ijire*

<sup>14</sup> Jesu Cohãcjũ macũno tiquiroye Pacũro cahapũ tojoariquiroye ijire. Tiquiroye tutuariquiroye mari yaquiroye pahia puhtoro ijire. Sa yero marine Cohãcjũre sini basare. Tiquiroye sa ijiriquiroye ijigũ ihñana mari pehe tiquiroye yere quehnoano yuhtihna. Tiquiroye quehnoano wacũ tutuaducuhna. <sup>15</sup> Tiquiroye mari yaquiroye pahia mari ñano yuhũgũ ihñano quehnoano paja ihñariquiroye ijire. Mari ñañene tutuaro cahmeñene masine tiquiroye. Watĩno ijipihtiyere ñañene marine tiquiroye ye dutiroye saha tiquiroye gãhũre ñañene ye dutimahye. Tiquiroye sa ye dutiepegãta tiquiroye ñañene yerahye. Sa ñañene tiquiroye ye dutinohriquiroye ijire, marine paja ihñano tiquiroye yedoho masine marine. <sup>16</sup> Sa yena cuero marieno Cohãcjũre sinihna. Tiquiroye marine cahĩne. Sa yero tiquiroye mari sinigũ tiquiroye pehe paja ihñano, marine yedohorota. Watĩno marine tiquiroye ñañene ye dutigũ, mari ñano yuhũgũ gãhũre tiquiroye marine yedohorota.

## 5

<sup>1</sup> Ijipihtiyequinare pahia puhtoare besero, masare besere Cohãcjũ. Sa tiquiroye beseri bato pahia puhtoa pehe tiquina mehna cjẽnare yedohoye tehe Cohãcjũ cahacjẽna ijire. Sa ye ñañene tiquina yeri buhiri Cohãcjũre sini basare tiquina mehna cjẽnare. Wahiquiroye wejẽ ujãa mũoñe, Cohãcjũre sini basare. <sup>2</sup> Pahia puhtoa apequina masa yero saha quehnoano masi pehoeyequina ijire. Sa masieñequina ijiye, apequina masieñequinare yedoho masine. Sa ye quehnoano yerariquina gãhũre quehnoano yedoho masine. <sup>3</sup> Sa ye pahia quehnoano ye pehoeyequina ijiye ñañe buhiri tiyequina ijire. Sa ye tiquina basi ñañene tiquina yeri buhiri wahiquiroye wejẽ ujãa mũo, Cohãcjũre sinine. Apequina masare yedohoye tehe, tiquina ñañe buhiri tiquina sini basariroye saha tiquina basi tiquina ñañe buhiri gãhũre sinine Cohãcjũre.

<sup>4</sup> Sa yero tiquiroye basi tiquiroye esa tuhoro pahia puhtoro sajãedare. Cohãcjũ pehe tiquiroye besero, pahia puhtoro sõre. Panopũ cjãno Aaron mũnanore tiquiroye cũriroye saha apequina pahia puhtoa gãhũre cũre tiquiroye. <sup>5</sup> Sata Cristo gãhũ tiquiroye basi tiquiroye esa tuhoro pahia puhtoro sajãedahye. Cohãcjũ pehe tiquiroye puhtoro sõno, ohõ saha niahye: Yũhũ macũ ijire mũhũ. Miare mũhũre bajugã yei, niahye Cohãcjũ.

<sup>6</sup> Ape taha ohõ saha niahye Cohãcjũ Cristore: Ijipihtiyeyi decori pahia ijiducugãta mũhũ. Melquisede tiquiroye ijiriro saha pahia ijiducugãta mũhũ, niahye tiquiroye macũnore.

<sup>7</sup> Cristo ahri yehpapũ ijire sañuducuye mehna, utiye mehna mari Pacũre tutuaro siniahye tiquiroye “Yũhũre masoña”, nino. Mari Pacũ pehe tiquiroye yariariquiroye maso masiniquiroye ijire. Tiquiroye sa sinigũ mari Pacũ tuhohaye tiquiroye. Mari Pacũ cahmeñe dihitare tiquiroye ye duagũ ihñano mari Pacũ pehe tiquiroye sinidire tuhoro, tiquiroye yuhtiahye. <sup>8</sup> Sa yero Cristo Cohãcjũ

macano ijieperota ñano yãhdãahye tiqairo. Sa ñano yãhdãro yãhtiahye mari Pacure. Sa yãhtiro quehnoano yãhti masiahye. <sup>9</sup> Sa ñano yãhdãro, curusapũ yariaro ijiphtiyequina tiqairore yãhtiatiquinare yãhdãoatiqairo wahahye. <sup>10</sup> Sa yero mari Pacũ pehe tiqairore pahia pãhtoro cũahye. Sa yero Melquisede pahia pãhtoro tiqairo ijiriro saha ijire Cristo.

*Cristo yequina tiqairore wacũ tutua duhugũ cuarĩne*

<sup>11</sup> Peye ohõ saha ijiyere mäsare yahu nemo duaja usã. Usã sa yahu nemo duepegũta mäsare pehe dapu butina ijire. Sa yena mäsare yahuro basioerare usãre. <sup>12</sup> Yoari pje Cristo yequina ijimene mäsare. Sa yena yojoapũre apequinare buhenapũ iji tuhasaboya mäsare. Mäsare sa ijiborina ijiepegũta apequina mäsare pehere buheeta. Cohãcjũ yere mijoeda cjũne buheye dihitare tãhore mäsare. Macanagã epẽco dihitare tiquina apũ masino saha mäsare gũhũ mijoeda cjũne dihitare quehnoano tãhore. Coã buhe dũcayequina yero saha ijire mäsare. <sup>13</sup> Epẽcore apũnequina macanagã ijinine. Tiquina yero saha mäsare gũhũ ijire. “Ahri ñañe ijire. Ahri quehnoañe ijire”, ni ihña masiedare mäsare. <sup>14</sup> Ihyayere ihyayequina pehe bũcãna ijire. Tiquina yero saha ijieyequina quehnoano tãho masiñequina quehnoano buheriquina ijire. “Ahri ñañe ijire. Ahri quehnoañe ijire”, ni ihña masine tiquina pehe.

## 6

<sup>1-2</sup> Sa yena Cohãcjũ yere quehnoano masina, quehnoano yãhtina ijihna. Cristo yere coã warore mari buhe dũcãna ohõ saha masi dũcãna: Mari ñañene yerire bũjũa witi, duhuro cahmene. Mari ñañene yeri buhiri pecapũ wahanata. Sa yena Cohãcjũre wacũ tutuaro cahmene marine. Ahrire coã waropũre marine buhe dũcari. Sa ye wame yeyere, omocarine marine tiquina duhu peoyere, yariariquina tiquina masa mũjãñene, ahri deco pihtiri bato Cohãcjũ buhiri dahreatire, tiqairo buhiri dahreatiquina tiquina ñano yãhdũducuato gũhare ahri gũhare coã waropũre marine buhe dũcare. Sa ijie buheyere masi tuhasana, quehnoano buhe nemouhna tja. <sup>3</sup> Sa yena Cohãcjũre, tiqairo ye gũhare masi nemouhna. Cohãcjũ cahmegũ sa yenata mari.

<sup>4</sup> Mari sa yerana Cohãcjũ yere duhuboaga mari. Cohãcjũ yere duhuriquinare ne pari turi tiquina ñañe yerire tiquinare bũjũa witi gũ ye masiedare. Sa ijieyequina Cristo tiqairo yãhdũcomediquina ijie, Espiritu Santore cũomedi. <sup>5</sup> Sa ye Cohãcjũ ye yahuducuyere tãhoye quehnoañe ti yahuducuyere ijigũ masimedi. Sa ye pihtiri deco batopũ Cohãcjũ tutuaye mehna mari sa ijiducuatire, masare tiqairo buhiri dahreato gũhare tiquina masimedi.

<sup>6</sup> Sa ijiriquinapũre Cristo yere tiquina duhugũ pari turi tiquina ñañe yerire tiquinare bũjũa witi gũ ye masiedare. Sa duhuriquina Cohãcjũ macãnore pari turi curusapũ tiquina quẽ bihaboriro saha tiqairore yeye nine. Tiquina sa yegũ ihñañe apequina masa Cristore bũjũperẽ. Sa ye tiquina ñañe yerire tiquinare bũjũa witi gũ ye masiedare. <sup>7</sup> Ohõ saha ijire ti mari queoye mehna buhegũ: Quehnoari yehpare pajiro acoro ahtagũ ti oteye quehnoano bũcãna, dũca tire. Sa yero ti wese upũro dũcare cũore tiqairo ihyatire. Ti yehpa Cohãcjũ quehnoano tiqairo yeri yehpa ijire. Sa quehnoano yere tiqairo yequina gũhare. <sup>8</sup> Sa ijiepegũta pota mehna, taa mehna ti yehpa diaro dũhseati ijierare. Sa ijiri yehpare Cohãcjũ ujuã cohãnota. Sata yere tiqairo tiqairore duhuyequinare.

*Cristore sa ño peoducuyequinare yãhdũore Cohãcjũ*

<sup>9</sup> Yuhũ cahĩna, m̄sare sa ni yahuepegata m̄sa pehere “Cristore duhuna ijire”, nigũ niedaja. M̄sa pehe Cristo yuh̄duonohrina ijire. Sa yena quehnoañene yena niaga m̄sa. Ahrire masiaja yuhũ. <sup>10</sup> Quehnoano mari yeri wapa queoro marine quehnoano yeriquiro ijire mari Pacũ. Sa yero tiquiro yere m̄sa tutuaro dahrari wapare bosu tiquiro. Tiquirore cahĩna quehnoano yedohore m̄sa tiquirore. Apequina Cristo yequina gũhare yedohore m̄sa. Sa yena tiquinare yedohona niaga m̄sa. Sa yerina m̄sa ijigũ ihñano bosu tiquiro. <sup>11</sup> M̄sa catiro puno apequinare m̄sa cah̄ducugũ, m̄sa yedohoducugũ gũhare cahmeaja usã. M̄sa sa yeri wapa queoro quehnoano yerota mari Pacũ m̄sare. <sup>12</sup> Sa yena m̄sa cape bujuna m̄sa ijigũ cahmedaja usã. Apequina Cristo yequina ñano yuh̄d̄epeta tiquiro yere ne duhuerare. Tiquina sa yegũ ihñano mari Pacũ “M̄sare ohoutja”, tiquiro nidire tiquinare oho pehorota. Sa yena m̄sa gũha tiquina yero saha yeducuya.

<sup>13-14</sup> Panopũ Cohãcjũ Abrahãre ohõ saha ni cũahye. “Yuhũ wame mehna ahrire potu nii niaja m̄hũre. M̄hũre quehnoano yeitja. Sa yegũ m̄hũ panamena iji turiayequinare peyequina masa ijigũ yeitja”, ni yahu cũahye Cohãcjũ. Sa ni yahu cũno tiquiro ye wame mehna wame peo yahuro niahye. Apequiro tiquiro bui ijiriquiro ne mariedagũ tiquiro ye wame mehna tiquiro basita sa wame peo yahuahye. <sup>15</sup> “M̄hũre quehnoano yeitja”, Cohãcjũ tiquiro ni cũrire Abrahã pehere quehnoano tiquiro cohtegũ ihñano tiquiro nĩdĩro sahata tiquirore quehnoano yehye. <sup>16</sup> “Cohãcjũ mehna potu nina niaja”, masa pehe niñe, tiquina bui ijiriquiro wame mehna wame peo yahuye nĩne. “Cohãcjũ mehna potu nii niaja”, ihcãquiro nigũ tãhoro apequiro pehe tiquiro mehna cahme duse tutuariquiro pehe “Ijirota ijire”, ninota. Sa ye cahme duse tutua duhuetã tiquina. <sup>17</sup> Sa yero Cohãcjũ Abrahãre “M̄hũre quehnoano yeitja”, ni cũno wame peo yahuahye. Tiquiro sa wame peorire tũhona “Ijirota ijire ti. Tiquiro sa nidi ne comesasi”, ni, masiaja mari. Tire mari masiato saha tiquiro ni cũri mehna wame peo yahuahye.

<sup>18</sup> Sa yero pũaro tiquiro ni yahuducuri mehna tiquiro nidi potu ijigũ masigũ yeahye Cohãcjũ marine: Tiquiro ni cũri gũhũ tiquiro wame peori gũhũ ti pũaro mehna tiquiro ni yahuducurire yahuahye tiquiro. Sa ye tiquiro ni cũri gũhũ, tiquiro wame peori gũhũ ne comesaerare. Sa yero Cohãcjũ ne ni mehoedare. Tiquiro sa ijiriquiro ijigũ masina, mari tiquirore quehnoano wacũ tutuana, bucueye mehna marine tiquiro yuh̄duoatire cohtenatja mari.

<sup>19-20</sup> Sa tiquiro yuh̄duoatire cohtena, wacũ tutuana ijiaja mari. Sa yena cueraja. Pahia pũhoro Cohãcjũ ijiri tucũ waropũ sajãno, cahmotari suhtirore yuh̄du sajãre. Sa sajãno masa ye ijiatire sini basare Cohãcjũre. Tiquiro sa yeriro sahata Jesu gũhũ came mari wahato sahata uhm̄sepehũ Cohãcjũ cahapũ waharo, mari ye ijiatire sini basare Cohãcjũre. Topũ mari wahato pano tiquiro pehe wahahye. Sa yero ijipihtiyẽ decori pahia pũhoro ijire tiquiro. Melquisede pahi tiquiro ijiriro saha pahia pũhoro ijire tiquiro gũhũ.

## 7

### *Melquisede pahi tiquiro ijiriro saha Jesu pahia pũhoro ijire*

<sup>1</sup> Melquisede Salẽ wame tiri macã cjẽna pũhoro ijiahye. Sa yero pahi ijiro Cohãcjũ tutuariquirore, uhm̄se cjãnore sini basariquiro ijiahye. Sa yero apequina pũhtoare Abrahã wejẽ tuhasa, tiquiro tojoa tagũ waro Melquisede tiquiro ya macapũ ijiriquiro Abrahãre piti caro esahye. Sa piti caro tiquirore sini basahye Cohãcjũre. “Quehnoano yeya ahriquirore”, ni sini basahye Abrahãre Cohãcjũre. <sup>2</sup> Tiquiro sa piti cato pano Abrahã pehe tiquirore ihñã tuhtiyequinare wejẽ tuhasa tiquiro wejẽdiquina pũhtoã yere neahye. Tiquiro

sa nedire mehenogã ohoahye Melquisedere. Melquisede tiquiro wame pehe “Pũhtoro quehnoano yeriquiro ijire”, nino nine. Sa yero tiquiro Salẽ wame tiri maca cẽna pũhtoro ijigũ tiquiro wame ohõ saha nino nine: “Pũhtoro quehnoano ijigũ yeriquiro”, nino nine. “Salẽ” nino, “Quehnoano ijire”, nino nine. <sup>3</sup> Ne Melquisede pacusũmũare, tiquiro pano iji mũhtariquinare, tiquiro acayere tiquina yahu ojoa ohõri mariedare. Tiquiro masa bajarire, tiquiro yariari gãhũre yahu ojoa ohõri mariedare. Sa yero sa ijiducuriquiro yero saha ijire tiquiro. Tiquiro sa ijiriquiro ijigũ Cohãcũ tiquiro mehna marine queoye mehna buhere. Cohãcũ macano tiquiro pahi ijirire marine buhere. Melquisede pahi sa ijiducuriquiro yero saha ijire. Tiquiro yero saha Cristo gãhũ pahi sa ijiducuriquiro ijire.

<sup>4</sup> Sa yero Melquisede ne ihyo ijiriquiro ijierahye. Abrahã mari ñecũ manano pũhtoro waro ijieperota mehenogã tiquiro nedire Melquisede pehere ohoahye. <sup>5</sup> Sa yero Cohãcũ dutiye Moiserere tiquiro cũri ijipihtiequina apequina Israe masare to punota wapa ye dutire. Sa dutiro Levĩ panamena iji turiayequinare tiquina acaye wapa yerire ñehe dutiro, cũahye. Levĩ panamena pahia wahae tiahye. Sa ye Israe masa Abrahã panamena iji turiayequina ijiepetã tiquina pahiare wapa yee tiahye. <sup>6</sup> Melquisede pehe Levĩ panamino iji turiariquiro ijieraperota wapa neahye Abrahãre. Sa yero Cohãcũ “Mũhũre quehnoano yeitja”, tiquiro ñi cũriquiro ijieperota Abrahã pehe Melquisedere wapa yeahye. Sa yero Melquisede pehe Cohãcũre Abrahãre sini basaro quehnoano ye dutiahye.

<sup>7</sup> Quehnoano ye dutiriquiro Melquisede pehe tiquiro quehnoano ye dutinohriquiro Abrahã bui ijire. Tire mari quehnoano masiaja. <sup>8</sup> Mari mehna cẽna pahia marine mehenogã wapa neñequina mari yero saha masa ijire. Sa ye yariatiquinata ijire tiquina gãhũ. Ahriquiro Melquisede pehe Abrahãre mehenogã wapa nediquiro sa catiducuriquiro yero saha ijire. Tiquiro yariarire yahueraro, sata nino niahye Cohãcũ yere tiquina ojoari pũpũ. <sup>9</sup> Yojobũ cẽna Levĩ panamena iji turiayequina pahia ijire, mehenogã wapa nene. Sa ijieyequina tiquina ijiepegũta Abrahã Melquisedere mehenogã wapa yero, ijipihtiequina Levĩ panamena ye ijiahi gãhũre oho basaro saha yero niahye. Sa ye tiquina gãhũ Melquisedere mehenogã ohoyequina yero saha ijire. <sup>10</sup> Melquisedere Abrahã tiquiro wapa yeri pjere Levĩ pehe masa bajueraniahye. Sa ijieperota tiquiro ñecũno manano Abrahã pagupũ tiquiro ijiboriro saha Levĩ pehe iji tuhasaro niahye. Sa yero Melquisede Abrahãre tiquiro piti cagũ Levĩ gãhũ tiquiro ñecũno manano mehna ijero saha ijero niahye. Sa ye Levĩ, tiquiro panamena mehna Melquisedere mehenogã wapa yeyequina yero saha ijire, tiquina tiquiro docapũ ijire niahye.

<sup>11</sup> Tiquiro dutiyere cũno Cohãcũ Levĩre tiquiro acaye gãhũre pahia iji dutiahye. Sa ye tiquiro dutiye nidiro sahata tiquina pahia wahiquinare wejẽ ẽjũa mũo, Cohãcũre sini basahye masare. Tiquina sa yeri mehna mari yehũna, apequiro pahi sijoro saha ijiriquiro pahire cahme nemoedaboya mari. Sa yena apequiro pahire cahmeaja mari yojobũre, Melquisede yero saha ijiriquirore. Levĩ ya curua cẽno Aaron manano yero saha ijieyequina pahiare yojobũre mari cahmedaja. <sup>12</sup> Sa yena pahiare comesana niaja mari. Mari sa comesana, marine dutiye gãhũre comesaro cahmene marine. <sup>13</sup> Aaron, Levĩ gãhũ tiquina ya curua cẽna dihitar pahia sajã duti mũhtamahye Cohãcũ, tiquiro dutiyere cũno. Tiquiro sa dutiepegũta yojobũre mari pũhtoro pahi sũriquiro ape curua cẽno ijire. Sa ye ti curua cẽna ne pahia sajãdahye. <sup>14</sup> Tiquiro Cristo Judã ya curua cẽno masa



bajuahye. Tire mari quehnoano masiaja. Sa yero, Moise pahia sōno, Judá ya curua cjēnare ne pahia sōeda tiahye.

<sup>15</sup> Ahrire masina, ohō saha mari quehnoano masiaja: Yojoꝛꝛe wahma tiꝛꝛo sōriꝛꝛo pahi Cristo Melquisede yero saha ijiriꝛꝛo ijire. <sup>16</sup> Panopꝛꝛ cjē dutiye ti nidiꝛo sahata Leví ya curua cjēna dihita pahia sajāhye. Yojoꝛꝛe tiꝛꝛo sōriꝛꝛo pahia tiꝛꝛina yero saha pahi sajāedare. Tiꝛꝛo Cohācjū tutuaye mehna ijipihtiye decori ijiriꝛꝛo ijire. Sa yero ti tutuaye mehna pahi sajāhye tiꝛꝛo. <sup>17</sup> Ohō saha nine Cohācjū yere tiꝛꝛina ojoari pūꝛꝛ:

Ijipihtiye decori pahi ijiducugata mꝛꝛꝛ. Melquisede pahi tiꝛꝛo ijiriro saha pahi ijiducugata mꝛꝛꝛ, niahye Cohācjū tiꝛꝛo macꝛꝛore, ni ojoahye panopꝛꝛ.

<sup>18</sup> Ti dutiye tiꝛꝛo cū mꝛꝛtari dutiye dahseati ijierahye. Sa yero ti dutiyere duhu cāhye Cohācjū. <sup>19</sup> Moisere tiꝛꝛo cūri dutiye mehna ne yāhdꝛꝛare masa. Sa yero yojoꝛꝛ pehere Cohācjū marine tiꝛꝛo yāhdꝛꝛoatire marine cūre. Tiꝛꝛo sa yegū yojoꝛꝛe tiꝛꝛo mehna yahuducu masiaja.

<sup>20</sup> Sa yero Cristore pahi sōno, wame peoro mehna tiꝛꝛore sōahye. Apequina pahiare tiꝛꝛo yero saha wame peo sōedahye. <sup>21</sup> Cristo pehe Cohācjū wame peoro mehna pahi sajāhye. Ohō saha niahye tiꝛꝛo Pacꝛꝛo Cristore:

Yꝛꝛꝛ mꝛꝛꝛ ꝛꝛhto yꝛꝛꝛ wame mehna mꝛꝛꝛe poto yahutja. Sa yegꝛꝛ ahrire ne duhu cūno marieno yahuaja mꝛꝛꝛe. Pahi sa ijiducugata mꝛꝛꝛ, ni cūahye Cohācjū tiꝛꝛo macꝛꝛore.

<sup>22</sup> Sa wame peo cūno, wahma buheyere quehnoañe buheyere marine cūno, marine tiꝛꝛo yāhdꝛꝛoatire cūno niahye. Panopꝛꝛ cjē dutiye yāhdꝛꝛoꝛo mari quehnoano ijiatire cūno niahye. Sa yero Cohācjū “Mꝛꝛare yāhdꝛꝛoutja”, tiꝛꝛo nidiꝛo sahata yero taro, Jesure ohoahye marine yāhdꝛꝛoatire.

<sup>23</sup> Iji mꝛꝛtariꝛꝛina pahia tiꝛꝛina yariagū ihñañe apequina camesa sajāre tja. Sa ye tiꝛꝛina peyequina pahia wahare. <sup>24</sup> Jesu pehe sa ijiducure. Sa ye tiꝛꝛore comesayequina mariedare pahia. <sup>25</sup> Sa yero tiꝛꝛo sa ijiducuro, Cohācjūre sa sini basaducure tiꝛꝛo yequina ye ijiatire. Sa yero Cohācjū mehna tiꝛꝛina sa ijiducuo saha masare yāhdꝛꝛo masine tiꝛꝛo. Ijipihtiyequina tiꝛꝛore wacū tutuayequina Cohācjū cahapꝛꝛ wahaeta. Sa yero Jesu ijire potota tiꝛꝛinare yāhdꝛꝛoꝛiꝛꝛo.

<sup>26</sup> Sa yero Jesu ijire mari yaꝛꝛo pahia ꝛꝛhtoro. Tiꝛꝛo ꝛꝛiritare tutuaro cahmeaja mari. Ne ñañe buhiri marieniquiro ijire tiꝛꝛo. Sa yero masa yero saha ne ñañene yerare. Sa yero Cohācjū tiꝛꝛore ñañequina cahapꝛꝛ ijiriꝛꝛore neano, ꝛꝛmꝛꝛerꝛ cū, ijipihtiyequina apequina bui ꝛꝛhtoro sōahye. <sup>27</sup> Apequina pahia yero saha ijierare tiꝛꝛo. Tiꝛꝛina pehe decoripe wahiquinare wejē, ꝛꝛñā mꝛꝛo, Cohācjūre sinie tiri. Tiꝛꝛina basi tiꝛꝛina ñañe buhirire sini mꝛꝛtae tiri. Came apequina masa tiꝛꝛina ñañe buhiri gāhꝛꝛe sini basae tiri tiꝛꝛina. Sa ye peye tāhari tiꝛꝛina Cohācjūre sinie tiri. Jesu pehe pahi ijiro, ihcā tahata tiꝛꝛo yariari mehna siniahye Cohācjūre masa tiꝛꝛina ñañe buhirire yāhdꝛꝛo taro. Sa yariaro tiꝛꝛo basi tiꝛꝛo ꝛꝛꝛe tiꝛꝛo jeripohna gāhꝛꝛe tiꝛꝛo ohoboriro saha yero niahye. <sup>28</sup> Cohācjū dutiye Moisere tiꝛꝛo cūri pahia ꝛꝛhtoare sajā dutire. Sa sajāepeta ñañe marieñequina ijierare sa pahia sajāñe. Ti dutiye bato ijiye buheye mehna Cohācjū wame peoro mehna tiꝛꝛo yahuri buheye mehna tiꝛꝛo macꝛꝛo pahia ꝛꝛhtoro sajāhye. Tiꝛꝛo pehe ñañe marieniquiro sa ijiducure.

## 8

*Cohâcǵũ “Mũsare yũhdũoutja”, ni cũahye tja Moiserẽ tiquiro cũrire comesaro. Tire yahu basariquiro ijire Jesu*

<sup>1</sup> Ti ijipihitiyere yahuna, ahri pũritare mũsare yahuna tana niaja: Mũsare usã yahuriquiro pahia pũthoro tiquiro pũrita mari yaquiro waro ijire. Æhmũsepũ Cohâcǵũ tutua yũhdũariquiro tiquiro pũthoro dujiro poto pehe dujire Cristo mari yaquiro pahia pũthoro. <sup>2</sup> Sa yero ahri yehpa cǵã wũhũpũ, masa tiquina yeri wũhũpũ pahia dahrayere yerare tiquiro. Æhmũsepũ ijiri wũhũpũre mari pũthoro tiquiro yeri wũhũpũre pahia dahrayere yere tiquiro. Ti wũhũ pũrita Cohâcǵũ waro ya wũhũ ijire.

<sup>3</sup> Ijipihitiyequina ahri yehpa cǵẽna pahia pũthoa wahiquinare wejẽ ujũa mũo, ohore Cohâcǵũre ño peoye. Sa ye dutie tiahye tiquinare. Mari yaquiro pahi gũhare Cohâcǵũre oho dutiahye. Mari ñañe buhirire tiquirore oho dutiahye. Sa yero Cristo mari ñañe buhiri yariaro bucuegũ yehaye Cohâcǵũre, pahia pũthoa Cohâcǵũre ohoye tiquina bucuegũ yeriro saha. <sup>4</sup> Mari judio masa mari dutiye ti nidiro sahata ahri yehpũpahia masa tiquina ñañe buhirire ohore Cohâcǵũre siniñe. Sa ye ahri yehpũpahia iji tuhasare. Sa yero Jesu pehe mari yaquiro pahi ahri yehpũpahia ijinino, pahi ijieraboa tiquiro pehe. <sup>5</sup> Ahri yehpa cǵẽna pahia tiquina dahrayere ahri yehpa cǵã wũhũpũta dahrare. Ti wũhũpũ Cohâcǵũre tiquina ño peorire ihñana æhmũse cǵã wũhũpũre tiquirore mari ño peoatire masi cǵũna niaja. “Ti wũhũ yero saha ijire”, nino niahye Cohâcǵũ cũhũpũ Moiserẽ tiquiro ya wũhũre dahre dutiro. Tiquiro sa dahreato panogã Cohâcǵũ ohõ saha niahye tiquirore. “Cũhũpũ mũhare yahu ihñoriro sahata ti wũhũ ijiriro sahata ya wũhũre queoro dahreya”, niahye Cohâcǵũ tiquirore. <sup>6</sup> Sa yero yojorũ pehere Jesu pahi ijiro, tiquiro dahraye apequina pahia ye dahraye yũhdũoro ijire. Ihyo waro ijierare. Cohâcǵũ marine “Mũsare yũhdũoutja”, tiquiro ni yahuri panorũ cǵẽ dutiye Moiserẽ tiquiro cũri dutiye yũhdũoro ijire. Marine tiquiro yahuri ti dutiye yũhdũoro marine quehnoano ijigũ yeeta. Sa yero marine yũhdũo basariquiro ijiro, Cristo pehe apequina pahia yũhdũoro ijire.

<sup>7</sup> Coã waropũre tiquiro dutiri mehna mari yũhdũeraja. Ti dutiye mehna mari yũhdũgũ, apewe buheyere cũedaboya Cohâcǵũ. <sup>8</sup> Sa yero ti dutiyere tiquina ihcãno sahaerarire yahuro ohõ saha niahye tiquiro yeequinare Israe masare:

Ohõ saha nine mari pũthoro: “Quehnoano tũhoya. Camepũ apewe buheyere yahutja yequinare Israe masare, Judã ya curua cǵẽna gũhare. <sup>9</sup> Ti buh-eye tiquina ñecũsumũna mũna iji turiayequinare yũhũ yahu cũri yero saha ne ijisi. Yũhũ basi tiquinare Egipto yehpũpahia ijiiyequinare wiogũ tiquinare yahu cũmi. Yũhũ sa ni yahu cũrire yũhdũũcãre tiquina. Tiquina sa yegũ ihñagũ wahmanore tiquinare yũhũ yahumedire duhu cũhũ.

<sup>10</sup> Sa yegũ camepũ Israe masare ohõ saha ni yahutja: Yũhũ dutiyere tiquinare wacũgũ yeitja. Sa ye yũhũ dutiyere yũhtieta. Sa yegũ yũhũ Cohâcǵũ tiquina pũtho, tiquinare ihña ihbogũ ijigutja. Sa ye tiquina pehe yeequina masa ijieta. <sup>11</sup> Sa ye ti pjere tiquina mehna cǵẽnare ne tiquina ohõ saha cahme nisi: ‘Mari pũthorore Cohâcǵũre masiña mũsã’, ne ni cahme buhesi. Tiquina ijipihitiyequina yũhũre masi tuhasaeta. Macanagã, bũcũna gũhũ yũhũre masiñequina dihita ijieta. <sup>12</sup> Sa yegũ tiquina ñañe yerire boutja yũhũ. Sa yegũ tiquinare buhiri dahresi yũhũ. Tiquina ñañe yerire pari turi wacũsi yũhũ”, niahye mari pũthoro, nine Cohâcǵũ yere tiquina ojoari pũpũ.

<sup>13</sup> Yojoṓpũre marine tiquiuro ye buheyere cũno, panopũ cĵē dutiyere duhuro nidi. Sa yero mũna dutiyere tiquiuro duhuri bato ti dutiye comesaa wahare.

## 9

*Ahri yehpa cĵā tucũre ũhmũse cĵā tucũ gũhũre Cohãcĵũre ño peori tucũre yahuahye*

<sup>1</sup> Coã waropũre Cohãcĵũ tiquiuro dutiyere Moiserere cũno, masa tiquiore tiquina ño peoato gũhũre cũahye. Sa yero Cohãcĵũre tiquina ño peoati wũhũ gũhũre ye dutiro cũahye. <sup>2</sup> Ti wũhũ wahiquina cahseri wũhũ ijiahye. Pũa tucũ cũoahye. Paji cĵũri tucũ tiquina saĵã sa mũhtari tucũ “Cohãcĵũ ya tucũ”, wame tiahye. Ti tucũpũ tiquina sihõ docodũ ijiahye. Sa yero mesa gũhũ ijiahye. Ti mesa bui Cohãcĵũre tiquina ohori pã pesahye. <sup>3</sup> Ape tucũ suhti cahseri mehna tiquina cahmotari tucũ ijiahye. Ti tucũ “Cohãcĵũ ijiri tucũ waro”, wame tiahye. <sup>4</sup> Ti tucũpũ uru mehna tiquina yeri altar, ehmeo bueyere tiquina ũĵũari altar ijiahye. Sa yero uru quehnoañe mehna tiquina duhu ohõri acaro topũ cũahye. Ti acaro puhiaṓpũ uru pa manã wame tiye ihyaye pose tiri pa ijiahye. Sa yero ti acaro puhiaṓpũ Aaron yaḁũ tuadũ pũri tidũ ijiahye. Sa yero pũa pĵĩ ũtã pĵĩni Cohãcĵũ dutiyere tiquiuro ojoari pĵĩni gũhũ ti acaro puhiaṓpũ sañahye. <sup>5</sup> Ti acaro bui pũaro angele queoye ijiahye. Ti queoye Cohãcĵũ asi siteyere, ti tucũpũ tiquiuro ijiyere ihũoñe niahye. Ti acaro mohano bui tiquina wũye dũpũri mehna mohahye. Ti acaro mohano bui masa ñañe buhirire tiquina ohorire wejẽ site peoe tiahye pahia pũhtoro. To punota yahutja ahri wũhũ cĵẽne yojoṓpũre.

<sup>6</sup> Sa ye ti wũhũre tiquina quehnoano quehñori bato pahia decoripe tiquina saĵã sa mũhtari tucũpũ saĵã sa, tiquina dahrayere yee tiahye. <sup>7</sup> Sa yero pahia pũhtoro dihita ape tucũpũ saĵãhye. Cũhmaripe ihcã tahata tiquiuro saĵãri deco boropũta saĵãe tiahye tiquiuro. Sa saĵãno tiquina wejẽdiquiro wahiquiuro tiquina ohoriquiro diire ne saĵãno, Cohãcĵũre ño peoe tiahye. Dii marieno ne saĵãedahye. Tiquiuro basi tiquiuro ñañe yeri buhirire diire ne saĵãe tiahye. Sa yero ijipihtiyequina apequina Israe masa “Ñañe ijiaga”, nino marieno tiquina ñañe yeri buhiri gũhũre diire ne saĵãe tiahye tiquiuro Cohãcĵũre sinino taro.

<sup>8</sup> Ijipihtiyere ahri mehna Espĩritu Santo ohõ saha ni marine buhero nine: Ti wũhũpũ Moiserere tiquiuro cũri wũhũpũ mari ño peorĩna, tiquiuro cũri dutiyere yeatina ijinina, ihyo ijina Cohãcĵũre ño peonã wahaeraboya mari. Pahia pũhtoro dihita Cohãcĵũ ijiri tucũ waropũ saĵã masine. Sa yena ihyo ijiyequina tiquina ño peoye wahaeraro saha sa ijiboya mari Moiserere tiquiuro cũri dutiyere yena.

<sup>9</sup> Ahri ijipihtiyere Cohãcĵũre ño peori wũhũpũ ijiyere marine cũno, marine yojoṓpũ cĵẽnare buhero niahye Cohãcĵũ. Wahiquinare wejẽ ũĵũa mũo, masa Cohãcĵũre tiquina ño peori mehna ne Cohãcĵũ cahapũ wahasi. Tiquina sa yeri mehna tiquina ñañe yerire cose werahye. <sup>10</sup> Sa wahiquinare ohoye, tiquina ihyaye, tiquina sihniñe, tiquina pagũ coseye, tiquina ohõ saha yeye mehna Cohãcĵũre ño peoe timahye. Ahri tiquina sa yeri ihyo warota ijire yojoṓpũre. Sa yeye ti dutiye Moiserere tiquiuro cũri dutiye marine quehnoana wahagũ yerahye. Sa ye wahma buheyere Cohãcĵũ tiquiuro cũri bato mũna dutiye pehe dahseati ijierare.

<sup>11</sup> Cristo pehe mari pahia pũhtoro ijiro ahta tuhasari jiri. Sa ijiro marine quehnoañene cũ tuhasari jiri. Cohãcĵũre ño peori wũhũ ũhmũseṓpũ pahia pũhtoro tiquiuro dahrari wũhũ apequina pahia tiquina dahraye wũhũse

yəhdworo quehnoari wəhə ijire. Əhməse cǝ wəhə ijire. Ti wəhə ahri yehpa cǝ wəhə ijierare. Sa yero masa tiquina yeri wəhə ijierare. <sup>12</sup> Sa yero Cristo əhməsepə Cohācǝ ijiro waropə ihcā taha saǝhəyē mari űaűene yeri buhirire Cohācǝre ohoro saha yero taro. Topə əhməsepə ohōpə tiquiro ijiri tucū waro yero saha ijire mari queoye mehna buhegū. Sa yero chivoa diire, wecəagā diire ne saǝ, ohoerahye tiquiro. Tiquiro pehe tiquiro ye dii warore Cohācǝre tiquiro ohoro saha yero niahye yariaro. Ijipihtiye decori Cohācǝ mehna mari ijiducuato saha tiquiro ye diire cohāhəyē. Mari űaűe buhirire yariahəyē.

<sup>13</sup> “Yariariquinare dahra peona məsə pagə wete tina ijire”, ni cūahəyē Cohācǝ Moiserē. Sa ijiyē űaűene wete tiyere cose wee tiahye chivoa diire tiquina ohori mehna. Wecəa diire tiquina ohori mehna, wecəagāre tiquina əǝjari nitine tiquina ohori mehna sa ijiyē űaűene cose wee tiahye. <sup>14</sup> Sa ijiyē űaűene wəhiquina diire tiquina ohori mehna, nitine tiquina ohori mehna tiquina cose wərirō saha ti yəhdworo Cristo pehe tiquiro diire cohāno mehna mari űaűe yerire quehnoano cose we peho cāre. Tiquiro űaűe marieniquiro ijiro, curusapə yariaro tiquiro basita tiquiro pagə, tiquiro jeripohna mehna Cohācǝre ohoro saha yeahyē. Espiritu Santo sa ijiducuriquiro yedohoye mehna sa yeahyē tiquiro. Sa ye mari űaűe yerire tiquiro cose wegū ihűano mari űaűe buhirire Cohācǝ bo cāhyē. Ti űaűe buhirire cəona pecapə wəhəborina ijimi mari. Tiquiro cose wenohrina ijina, Cohācǝ catiriquiro tiquiro cahmeűene ye masiaja mari.

<sup>15</sup> Sa yero “Ohō saha məsare yəhdwoutja”, masare pari turi Cohācǝ ni yahu cūgū Cristo pehe tiquiro yahuyere yahu basariquiro ijire. Sa yahu basare tiquiro Cohācǝ beseriquinare yəhdworo taro. Tiquiro sa yəhdwogū ijipihtiye decori tiquiro mehna ijinata mari tiquiro yequina. Sa yena mari tiquiro yequinare Cohācǝ marine ohoatire cəonata mari. Moiserē tiquiro cūri dutiyē dihita ijigū masa tiquina űaűe buhiri ijiniahəyē. Sa yero curusapə yariaro ti pjeta tiquina űaűe yeri buhirire yəhdwoahyē tiquiro yequinare.

<sup>16-17</sup> Masəno came tiquiro acayere tiquiro ohoatire ojoa ohōyure papera pūpə. Tiquiro ohoatire yahuro taro ojoa ohōyure. Ti pūre ojoa ohōyuriquiro tiquiro yarieranigū ti pū dəhseati ijierare. Tiquiro acayē tiquiro cəorire nea masiedare. Sa ye tiquiro yariagū ihűaűe ti pūpə tiquiro ni ojoariro sahata tiquiro yere neaűeta tiquina. <sup>18</sup> Tiquiro yariato pano ti pū dəhseati ijieraro sahata yariaro marieno dii wijiaro marieno Cohācǝ Moiserē tiquiro cūri dutiyē gūhə ne dəhseati ijieraboya. Sa yero wəhiquiro diire tiquiro weǝ siteri bato ti dutiyere potota yero niahəyē.

<sup>19</sup> Sa yero ohō saha ye məhtahyē Moise: Cohācǝ tiquiro cūri dutiyere masare yahu pehoahyē. Came wecəagā diire, chivoa diire aco mehna moreahyē. Sa yero hisopo wame tidə dəpə mehna oveja poari sohāűe mehna tiquina űimiori poarire torēahyē. Ti dəpə mehna diire soharo, Cohācǝ dutiyere tiquiro ojoari pū bui weǝ site peoahyē. Ijipihtiyequina masa bui gūhəre weǝ site peoahyē.

<sup>20</sup> Sa yero ohō saha niahəyē tiquiro: “Cohācǝ marine tiquiro yahuri tiquiro dutiri ahri dii mehna poto ijigū masiaja mari. Ahri diire ihűana tiquiro nidiro sahata marine tiquiro yeatire masiaja mari. Ti dutiyere yəhti dutiahəyē tiquiro marine”, niahəyē Moise. <sup>21</sup> Sa yero masare tiquiro yeriro saha Cohācǝre tiquina űo peori wəhə wəhiquina cahseri wəhəre, ijipihtiye ti wəhəpə ijiyē gūhəre weǝ siteahyē. <sup>22</sup> Sa tjire. Ti dutiyē ti nidiro sahata peyē űaűene dii cohāno mehna cose wero cahmene. Mehənogā dəhsayē űaűene

apee boro mehna cose wegū quehnoare. Sa yero Cohācjū mari ñañe yerire ne bosì dii cohāedagū.

*Cristo tiquiro diire cohāno, yariaro, tiquiro yequina ñañe yerire cose weahye*

<sup>23</sup> Ti ijipihtiyē Cohācjūre tiquina ño peori wāhū, ti wāhūpū ijīye gāhū ūhmūse cjā wāhūpū ijīye yero saha ijīahye mari queoye mehna buhegū. Ūhmūse cjā wāhū pehe potota Cohācjū ya wāhū waro ijire. Sa yero ahri yehpa cjā wāhūre, ti wāhūpū ijīye gāhūre wahiquina diire tiquiro wejē siteri mehna cose wero cahmeahye. Sa ye ti yāhdūoro ūhmūsepū wahatiquinare tiquina ñañe buhiri tiyequinare cose wero cahmene. Sa yero wahiquina yāhdūoro ijiriquiro ye dii tiquiro cohāno mehna tiquina ñañe yerire cose wero cahmene.

<sup>24</sup> Sa yero Cohācjūre tiquina ño peori wāhū masa yeri wāhū ijire. Ūhmūse cjā wāhū yero saha ijire ti wāhū gāhū, mari queoye mehna buhegū. Sa yero Cristo pahī ijiro, marine sini basaro taro ahri yehpa cjā wāhūre sajāedahye. Potota ūhmūsepū wahahye tiquiro Cohācjū caha marine sini basaro taro.

<sup>25</sup> Mari judio masa mari pahia pūhtoro cūhmaripe Cohācjū ijiri tucū waropū sajāe tiahye wahiquina diire ohoro taro. Cristo pehe tiquiro diire Cohācjūre ohoro saha yero taro, yariaro, peye tahari sajāedahye. <sup>26</sup> Peyē tahari yariariquiro ijiro, ahri yehpa ijī dācari bato peye tahari yariaboya tiquiro. Peyē tahari tiquiro mari ñañe buhirire yariaducuriquiro ijiboya. Sa ijīboriquiro ijīeperota pihtiri deco panogā yojopūre marine ijīpihtinare yāhdūoro taro ihcā taha bajuahye tiquiro ahri yehpāpū. Sa bajuahye yariaro taro, mari ñañe buhirire cohāno taro.

<sup>27</sup> Ijīpihtiyequina masa ihcā tahata yarieta. Tiquina sa yariari bato masa quehnoañequinare, ñañequina gāhūre beserota Cohācjū. <sup>28</sup> Ihcā tahata mari yariaro saha Cristo gāhū ihcā tahata yariahye peyequina masa tiquina ñañe yerire cohāno taro. Came pari turi ahtarota. Mari ñañe yerire cohā tuhasariquiropū ijirota. Sa yero pari turi mari ñañe yerire cohāno taro ahtasi. Sa ahtarō tiquirore cohteyequinare, bucueye mehna tiquirore ihña duayequinare yāhdūoro ahtarota.

## 10

<sup>1</sup> Cohācjū dutiye Moiserē tiquiro cūri quehnoañe buheye yero saha ijīepeta, ihcāno saha ijierare. Ti dutiye ti ye dutiriro saha cūhmaripe wahiquinare wejē, ūjūa mūo, Cohācjūre ño peoducure. Tiquina sa yeye mehna masa tiquina ñañe yerire boerare Cohācjū. <sup>2</sup> Ti mehna tiquina ñañe yerire Cohācjū bogū, ihcā tahata Cohācjūre tiquina ño peori bato “Yojopūre buhiri mariēdare ūsāre”, ni tuhotuboya masa. Sa ye pari turi wahiquinare wejē ūjūa mūo, Cohācjūre ño peo ohoeraboya. Duhu cāboya. <sup>3</sup> Cūhmaripe wahiquinare wejē ūjūa mūo, Cohācjūre tiquina ño peogū tiquinare ñañe buhirire wacūgū yere. To punogāta yedoho duare ti tiquinare. <sup>4</sup> Wecūa dii mehna mari ño peori mehna, chivoa dii mehna mari ño peori mehna ne mari ñañe buhirire cohāedare.

<sup>5</sup> Ti ijirota ijire. Ti sa ijīgū ihñano Cristo ahri yehpāpūre tiquiro ahtato pano ohō saha niahye Cohācjūre:

Wahiquinare ūjūa mūo tiquina ohogū, trigore tiquina ohogū gāhūre māhū ihñagu bucuerare māhū. Sa yegu yāhū pagure yeri māhū ya pagū ijīatire. <sup>6</sup> Ñañene tiquina cohātore wahiquinare wejē, tiquina ūjūa mūogū ihñagu bucuerare māhū. <sup>7</sup> Māhū sa bucueragū ihñagu ohō saha nii māhūre: “Māhū cahmeno sahata yegu wahagūtja. Sata ni yahure māhū ya pūpū”, nii yāhū, niahye Cristo tiquiro Pacūrore.

<sup>8</sup> “Wahiquinare ʉj̄a m̄o tiquina ohogū, trigore tiquina ohogū gūhure ihñagū bucuere m̄hū”, ni yahū mahtahye tiquiro. Coā warop̄are tiquiro ye dutiye wahiquinare, trigo gūhure tiquina ohoye mehna ti ño peo dutiepegūta sa niahye tiquiro. <sup>9</sup> Sa ni tuhasa ohō saha ni nemoahye: “M̄hū cahmeno sahata yegū wahagutja”, niahye. Tiquiro sa nigū ohō saha masiaja mari. Panop̄a wahiquinare wej̄e ʉj̄a m̄oñe mehna tiquina ño peorire duhugū yero, apeye buheye pehere cūno niahye Cohācj̄ū. (Sa cūno yojop̄are Cristo tiquiro yariari mehna masare yūhd̄uorota Cohācj̄ū.) <sup>10</sup> Jesucristo tiquiro pagure ohoro, yariaro, ijipihina marine mari ñano yerire cohāre. Ihcā tahata tiquiro pagure ohore mari ñañene cohāno taro. Sa yero Cohācj̄ū cahmeno sahata yero niahye.

<sup>11</sup> Ijipihina mari judio masa mari yequina pahia decoripe Cohācj̄ūre ño peori wūh̄ur̄a dahraducure. Sa dahraducuye decoripe m̄nanota wahiquinare wej̄e, ʉj̄a m̄o, Cohācj̄ūre siniducure. Tiquina sa wej̄e ʉj̄a m̄oep̄egūta ti ʉj̄a m̄ori mari ñano yerire ne cohāedare. <sup>12</sup> Cristo pehe ihcā tahata mari ñañe buhirire yariahye, mari ñañe yerire quehnoano cohā pehoro taro. Tire cohā tuhasa, waha wahahye tiquiro Pac̄uro cahap̄a tiquiro poto pehe dujiro waharo. Pūhtoro ijiro, top̄a dujire. <sup>13</sup> Top̄a dujiro, cohtero nine. Tiquirore ihñā tuhtiyequinare Cohācj̄ū pehe tiquiro yūhd̄ud̄uca basatore cohtero nine. <sup>14</sup> Sa yero ihcā tahata tiquiro yariari mehna tiquina ñañene cohānohriquinare ñañe marieñequina sa ijiducugū yere tiquinare. <sup>15</sup> Ti ijirota ijire. Sata ni yahure Espiritu Santo marine. Ohō saha ni yahure tiquiro:

<sup>16</sup> Ohō saha nine Cohācj̄ū: “Camep̄are ohō saha ni yahutja Israe masare. ‘Yūhū dutiyere tiquina wacūñer̄a cūtja’, ni yahutja”, nine tiquiro.

<sup>17</sup> Ohō saha ni nemore Cohācj̄ū:

“Tiquina ñañe yerire pari turi wacū nemosi yūhū”, nine tiquiro, ni yahure Espiritu Santo.

<sup>18</sup> Mari ñañe yerire tiquiro sa bogū pari turi mari ñañe buhiri yariatiquirore cahmedaja mari.

*Cohācj̄ū cahap̄a esana, cuero marieno tiquiro mehna mari yahuducuboriro saha tiquiro mehna yahuducu masiaja yojop̄are (Mt 27.51; Mr 15.38; Lc 23.45)*

<sup>19</sup> Sa yena yūhū acaye, Cristo tiquiro yariaro mehna tiquiro dii cohāno mehna yojop̄are mari gūhū cuero marieno Cohācj̄ū mehna yahuducu masiaja. Sa yena tiquirore sini masiaja. <sup>20</sup> Ahri yehpa c̄j̄ano pahia pūhtoro Cohācj̄ū ijiri tucū warop̄a tiquiro yemedi yojop̄are marine dahseati ijierare. Ti mehna Cohācj̄ū mehna yahuducu masiedaja mari. Cristo pehe mari ñañene yeri buhirire yariaro tiquiro dii cohāri mehna Cohācj̄ū mehna yahuducu masiaja mari. Pahia pūhtoro ti tucūp̄a tiquiro sajāriro sahata Cristo pehe Cohācj̄ū cahap̄a esahye mari ñañe yerire bo dutiro waharo. Ti tucū c̄j̄a cahserore cahmotari cahserore tiquiro tūhr̄e cohāriro saha Cristo tiquiro pagure cohāhye Cohācj̄ū mehna marine iji dutiro. <sup>21</sup> Sa yero Cohācj̄ū ya wūh̄ur̄a dahrariquiro mari yaquiro pahī tutua yūhd̄uariquiro ijire tiquiro. <sup>22</sup> Sa yena Cohācj̄ūre siniihna poto ni mehono marieno. Tiquirore quehnoano wacū tutua, cuero marieno tiquirore siniihna. Cristo mari ñañe yerire tiquiro cose wenohrinap̄a ijiaja. Sa yena “Buhiri tina ijiaja mari”, ni t̄ahotuna ijieraja mari. Sa yena wete marieñe aci mehna mari cose wero saha Espiritu Santo tiquiro cose wenohrinap̄a ijiaja. Sa yena Cohācj̄ūre siniihna. <sup>23</sup> “Masare yūhd̄uoutja”, tiquiro nidiro sahata yerota. Sa yena marine tiquiro yūhd̄uatore quehnoano masiaja mari.



Tire masina, ne boeracāhna. Cohācjüre sa wacū tutuaducuhna. Sa wacū tutuana tire apequinare yahuaja. <sup>24</sup> Mari mehna cjēnare cahīna, tiquinare yedohouhna mari, ijipihina mari ihcāno saha mari cahme cahī yedohoato saha. <sup>25</sup> Sa yena quehnoano cahmecoaducuhna Cohācjū yere yena tana. Apequina pehe tiquina cahmecoamedirore duhuye nine. Tiquina yero saha yeracāhna. Mari mehna cjēnare bucuegū yeihna. Ahri yehpapere mari pūthoro ahtato mehenogā dūhsare. Tire masina tutuaro bucuegū yeihna mari mehna cjēnare Jesu yequinare.

<sup>26</sup> Poto ijiye buheyere quehnoañe buheyere mari masiepenata ñañene mari pari turi sa yeducugū mari ñañene cose we nemoato ne mariedare. <sup>27</sup> Sa yero sa yeyequinare cuarīne. Ijipihitiyequina tiquiore ihña tuhtiyequinare buhiri dahrero, tutuaro ujanopu cohānota Cohācjū tiquinare. Sa ye tiquiore buhiri dahreatire cueyequina dihita ijimene tiquiore duhuyequina. <sup>28</sup> Cohācjū dutiye Moiserere tiquiore cūrire yūhduducayequinare buhiri dahreye, mari acaye judio masa wejēne tiquinare. Ne paja ihñano marieno wejēne tiquinare. Ihtiaro tiquina yahusāgū tūhoro beseriquiro tiquina yūhduducarire masino tiquinare buhiri dahre dutire. Ihtiaro mariedagū pūaro tiquina yahusāgū tiquinare buhiri dahre dutire. Sa dutīgū tiquinare wejēne.

<sup>29</sup> Ti bui cjūno Cohācjū macūnore ihña yabiyequina tiquiore buhiri dahreati-quina ijjeta. Cristo dii cohāri mehna mari ñañe yerire cohāre Cohācjū. Sa cohāto-re yahuahye tiquiore marine. Sa yeye tiquina ñañe yerire cohānohriquina ijipeña pari turi ñañene yeye, tiquina ñañe yerire tiquiore cohārire tiquiore dii gūhure “Ihyo waro ijire”, niñe nieta. Sa niñequina tiquiore buhiri dahreatiquina waro ijiye nieta. Sa niñequina Espiritu Santore ñano ni yahuducuyequina ijire. Tiquiore tiquinare cahīniquiro ijire. Tiquina sa ñano yahuducugū ihñano tutuaro buhiri dahrerota Cohācjū tiquinare. <sup>30</sup> Ahrire mari quehnoano masiaja. Cohācjū tiquiore basita ohō saha niahye: “Yūhū ijijaja buhiri dahreatjū. Tiquina ñañene yeri buhiri buhiri dahreitja yūhū”, niahye tiquiore. Ohō saha ni nemoahye: “Yeequina ijimediquinare ñano yeyequinare buhiri dahreitja yūhū”, niahye tiquiore. <sup>31</sup> Cohācjū catiriquiro marine tiquiore buhiri dahregū cua yūhdūare.

<sup>32</sup> Panopu masa ijirire wacūña masa. Ti pjere Cohācjū yere coā masi dūcana peye tahari ñano yūhdūepenata tiquiore yere cohāedari masa. <sup>33</sup> Ihquē tahari masa tiquina ihñonopu apequina mūsare ñano ni, ñano yeperi mūsare. Sa yena apequina Jesu yequinare tiquina ñano yegū ihñana, tiquinare paja ihñari masa. <sup>34</sup> Peresupu ijiyequinare paja ihñari masa. Sa yena masa yere tiquina ehmaepēgāta bucueye mehna, “Quehnoanota”, nidi masa. Ahri yehpa cjē yūhdūoro quehnoañene cūore masa uhmūseru. Ti quehnoañe sa ijiducuetā. Tire masina, masa cūoyere tiquina ehmagū bujūa witierare masa. <sup>35</sup> Sa yena cueracāhña. Cohācjüre sa wacū tutuaducuya. Masa sa yeri wapa tiquiore quehnoano yerota mūsare. <sup>36</sup> Cohācjū “Mūsare ohō saha yedohoutja”, tiquiore ni cūrire quehnoano cohteya masa tiquiore wacū duhuro marieno. Sa cohtena tiquiore cahmeñene yenata masa. Sa yena tiquiore ni cūrire cūonata. <sup>37</sup> Ohō saha nine Cohācjū yere tiquina ojoari pūpu:

Mehenogā dūhsare Cristo wihiato. Sa ahtaro duita wihi madoqueorota.

<sup>38</sup> Yeequina quehnoañequina pehe yūhūre wacū tutuaducuetā. Sa ye yeequina yūhū mehna sa ijiducuetā. Yeere cohāñequina pehere ihña yabijaja yūhū, niahye tiquiore ye yahuducuye tiquina ojoari pūpu.



<sup>39</sup> Mari pehe Cohãcjũ yere cohãrina ijieraja mari. Sa yena pecarũ wahatina ijieraja mari. Cohãcjũre wacũ tutuaja mari. Sa yena tiqiro yãhdũorina ijiaja.

## 11

### *Wacũ tutuayere yahuahye*

<sup>1</sup> Ohõ saha ijire wacũ tutuaye: Cohãcjũre wacũ tutuana, marine tiqiro quehnoano yeatire quehnoano masiaja mari. Cohãcjũ tiqiro nidiro sahata yeraniepegũta tiqiro yahuyere “Ijirota ijire”, ni tãhotuaja mari tiqirore wacũ tutuana. Tiqirore ihñedapenata, wacũ tutuana, “Ijirota ijire”, ni tãhotuaja mari tiqiro yahuyere tãhona. <sup>2</sup> Panorũ cjẽna Cohãcjũre tiquina wacũ tutuagũ ihñano bucueahye tiqiro pehe.

<sup>3</sup> Cohãcjũ tiqiro yahuducuye mehna ijipihtiyere bajumehnee tiahye. Sa yero tiqiro mari ihñedari mehna ijipihtiyere mari yojorũ ihñañene bajumehnee tiahye. Tire mari quehnoano masiaja Cohãcjũre wacũ tutuana pũrita.

<sup>4</sup> Cohãcjũre wacũ tutuaro Abe pehe corderore wejẽ, ãjũa mũo, Cohãcjũre ño peo “Quehnoare”, niahye. Tiqiro wahmino Caĩ yãhdũoro quehnoanore ohõro, ño peoahye tiqiro Cohãcjũre. Sa yero Cohãcjũ tiqiro ohorire bucueahye. Sa bucuero “Quehnoariqiro ijire”, ni ihñahye tiqiro Abere. Sa Cohãcjũre tiqiro wacũ tutuagũ ihñana mari tiqirore ihña cũaja. Sa yena tiqiro yariari bato ijiepegũta tiqiro wacũ tutuarire ihña cũaja mari.

<sup>5</sup> Enoco Cohãcjũre tiqiro wacũ tutuagũ ihñano bucueahye Cohãcjũ. Sa bucuero tiqirore tiqiro caharũ ne mũoahye. Sata nine Cohãcjũ yere tiquina ojoari pũrũ. Tiqiro ne mũori bato masa tiqirore ne bocaerahye. Tiqiro ne mũonohriqiro ijiro ne yarierahye. <sup>6</sup> Cohãcjũre wacũ tutuerana tiqirore bucugũ ye masiedaja mari. Cohãcjũre wacũ tutuerana, tiqirore ño peo masiedaja mari. “Potota tiqiro Cohãcjũ warota ijire. Sa yero tiqirore mari ño peogũ marine quehnoano yere tiqiro”, mari ni tãhotuerana mari tiqirore sini masiedaja.

<sup>7</sup> Noẽ Cohãcjũre wacũ tutuaro, tiqirore Cohãcjũ yahurire quehnoano yãhtiahye. Camerũ tiquina ñano wahatore tiqiro yahugũ tãhoro quehnoano yãhtiahye tiqiro. Sa yãhtiro, pajiria yucũsare yeahye. Sa yeye tia yucũsa mehna tiqiro acaye mehna dia mininore yãhdũahye. Sa wacũ tutuariquiro ijiro ahri yehpa cjẽna ñañequina tiquina wacũ tutuerarire tiquina pecarũ wahato gãhũre ihñono niahye. Sa yero tiqiro wacũ tutuagũ ihñano “Quehnoariqiro ijire”, ni ihñahye Cohãcjũ tiqirore.

<sup>8</sup> Abrahã gãhũ Cohãcjũre wacũ tutuaro tiqirore yãhtiahye. Ape dihtarũre tiqirore ohoati dihtarũre Cohãcjũ waha dutigũ tãhoro Abrahã yãhtiahye. Tiqiro ya dihtarũ ijiriqiro wijiaa waharo, tiqiro masiedi dihtarũ esahye.

<sup>9</sup> “Ahri dihtare mãhũre ohoutja”, Cohãcjũ nigã tãhoro tiqirore wacũ tutuaro ti dihtarũta tojoahye tiqiro. Topũ ijiro ape dihta cjãno ijieperota topũta tojoa cãhye. Tiqirore, tiqiro macũno Isaac gãhũre, tiqiro panamino Jacob gãhũre tiquinare “Ahri dihtare mũsare ohoutja”, ni Cohãcjũ yahue tiahye tiquinape. Tiquina tãhoe tiahye. Sa yeye tiquina ti dihtarũ ijiiye, wahiquina cahseri wãhũserũ ijie tiahye mũnano ijieyequina ijiiye. <sup>10</sup> Topũ ijinie tiahye Abrahã Cohãcjũ mehna tiqiro ijiatore cohtero. Ape macarũ Cohãcjũ ijiri macarũ ãhmũserũ tiqiro wahatore cohtero niahye. Ti macare dahreahye Cohãcjũ. Sa yero ti maca ne pihtisi.

11 Cohãcjüre wacũ tutuaro, bucuro waro ijieperota, tiquiro namono Sara bucuro waro ticoro ijiepegũta, Abrahã pohna tiahye. “Tiquiro nidiro sahata yerota”, Cohãcjüre nino sa pohna tiahye. 12 Sa yero Abrahã bucuro waro ijieperota pohna tiahye. Sa yeye tiquiro panamena iji turiayequinapũ peyequina waha cãhye. Ñahpicoha parire, padũ pjeri gãhũre mari queona ihcãno sahaeraro sahata tiquiro panamena iji turiayequina gãhũre queona ihcãno sahaeraja mari.

13 Ijipihtiyequina ahriquina yũhũ yahuriquina Cohãcjüre wacũ tutua tuhasayequinapũ yariahye. Cohãcjũ tiquinare “Mũsare ohõ saha yeitja”, tiquiro ni cũrĩrore eserapeta yariaa wahahye. Tire ñehedapeta Cohãcjũ tiquiro nidiro sahata camerũ tiquina cũoatire masiahye. Sa masiñe bucueahye. Sa yeye ohõ saha niahye tiquina: “Ahrĩ yehparũ finina ijiaja. Ape yehpa cjãna ijiaja”, niahye tiquina. 14 Sa niñequina ape yehpare tiquina ya yehpa ijiatore cohteyne nine. Tire mari quehnoano masiaja. 15 “Ape yehpa cjẽna ijire”, nigũ panopũ tiquina cohãri yehpare nigũ niedaja. Ape yehparũ tiquina iji mãhtari yehparũ waha dua, wahaa wahaboja. 16 Quehnoa yũhdũari yehpa pehere cahmeñe niahye. Ti yehpa uhmũserũ ijire. Tiquina sa cahmegũ ihñano “Cohãcjũ usã pũhtoro ijire”, tiquina nigũ pũthoro bæe tisi Cohãcjũ. Tiquina ya maca ijiatore dahre basa tuhasahye tiquiro.

17-18 Cohãcjũ Abrahãre tiquiro macũnore Isaare wejẽ ujũa mũo dutiahye. Tiquirore ihña duaro sa dutiahye, “¿Ijirota yũhũre wacũ tutuajari?” nino. Cohãcjüre wacũ tutuaro tiquiro nidiro sahata yemahye Abrahã. “Mũhũ macũ Isaac mehna panamena iji turiayequinare peyequinare cũogata mũhũ”, Cohãcjũ tiquiro nidiro ijiepegũta tiquiro macũnore wejẽno taro nimahye Cohãcjüre ño peoro taro. 19 “Yũhũ macũ Isaare yũhũ wejẽgũ Cohãcjũ tiquirore masonota”, ni tuhoturo, tiquirore wejẽno taro nimahye. Sa nidiro ijieperota Cohãcjũ tiquirore cahmota, wejẽ dutierahye. Tiquiro pacuro tiquiro sa wejẽboriquiro ijiro yaria masariquiro yero saha ijiahye Isaac, Abrahã ihñagũ. Sa yero Abrahã tiquirore catiriquirore pari turi cũoahye.

20 Isaac Cohãcjüre wacũ tutuaro, tiquiro pohnene Jacore, Esaú gãhũre “Camerũ Cohãcjũ mũsare pajiro quehnoano yerota”, niahye.

21 Cohãcjüre wacũ tutuaro Jacob tiquiro yariato panogã José pohnene, mũũare “Cohãcjũ mũsare pajiro quehnoano yerota”, niahye Jacob. Dũsepe curi mehna quehe sa, tiquiro tuadũ mehna tua ñeche cuña, Cohãcjüre ño peoro “Cohãcjũ mũsare quehnoano yerota”, ni cũahye.

22 Cohãcjüre wacũ tutuaro José tiquiro yariato panogã Israe masa Egiptopũ ijieyquina tiquina wijiatare yahuyuahye. Sa tiquina wijiatare masiyuro tiquiro yariari bato tiquiro pagũre nea dutiahye tiquiro pohnene.

23 Cohãcjüre wacũ tutuaye, Moisegãre ihtia asũ waro mũo cũoahye tiquiro pacũmũna, tiquiro masa bajuari bato. Quehnoariquirogã tiquiro ijigũ ihñañe tiquirogãre mũoahye. Ti yehpa cjẽna pũhtoro tiquina pohnene tiquiro wejẽ dutirore yũhdũaca cãhye tiquina. Tiquirore cuerahye.

24 Moisere masoricoro Egipto yehpa cjẽna pũhtoro macono ijiahye. Sa ticoro masonohriquiro ijiro, Cohãcjüre wacũ tutuaro “Ticoro macũno ijire”, ni pisugũ cahmedahye Moise. 25 Cohãcjüre yũhdũacariquiro ijiro tiquirore masoricoro cahapũ meheñe decorigã quehnoano ijiboya. Sa ijiboriquiro ijieperota ti yũhdũoro tiquiro Cohãcjũ yequina mehna ñano yũhdũ duahye.

26 Sa ñano yũhdũoro Cristore tiquina bũjũpeato sahata tiquina bũjũperiquiro ijiahye. Camerũ tiquiro quehnoano yeri wapa Cohãcjũ tiquirore tiquiro quehnoano yeatire masino ñano yũhdũ duahye, Cristo tiquiro ñano yũhdũato

sahata. Ijipihtiyequina Egipto cjēna quehnoañene tiquina curo ynduro tiqiuro Cohācjū pehere tutuaro cahmeahye. Nāno ynduēperota, Cohācjūre cahmeahye.

<sup>27</sup> Cohācjūre wacū tutuaro, Egipto cjēna puhtoro tiqiuro mehna usuagū cuerahye. Sa cuerora ti yehparū ijiriqiuro ti yehpare cohā cāa wahahye. Sa yero Cohācjūre bajueriqiurore tiqiuro ihñaboriro saha cuerariqiuro ijiahye. Cohācjū tiqiurore ye dutirire ne cohāedahye Moise. <sup>28</sup> Cohācjūre wacū tutuaro Moise Israe masare Cohācjū ynduotire masiahye. Sa masino Cohācjū dutiriro sahata Israe masa tiquina sopecaharire ohōñe pñine dii mehna wejē site dutiahye tiqiuro. Tiquina sa yegū ihñano angel masare wejēdiqiuro tiquina wahmisumare wejēboriqiuro Israe masa pohne wahmisumare wejēdahye.

<sup>29</sup> Cohācjūre wacū tutuaye, Israe masa “Sohāri ma”, tiquina nidi mapū aco watoa ijiri maharū aco marieni maharū pehāa wahahye. Tiquina sa pehāgū ihñañe Egipto cjēna gāhu tiquinare ihñā cū, nānū tā pehāmehe, minī yariaa wahahye.

<sup>30</sup> Cohācjūre wacū tutuaye, Israe masa Jericó wame tiri maca cjā sahrīno pajiri sahrīno behero pehe majare sotoahye. Siete decori waro ti macare majare sotoa tiniahye. Tope decori tiquina majare sotoa tinidi bato ti sahrīno sehte bora dijia pihtia wahahye. <sup>31</sup> Cohācjūre wacū tutuaro umā mehna nāno yeducumedicoro Rahab wame tircoro, ti maca cjōno Israe masare yedohoahye. Ti macare tiquina cohāto pano meheñequinagā Israe masa topū sajā tiquina duhti ihñagū, ticoro tiquinare yedohoahye. Ticoro sa yedohogū ihñañe Israe masa wejēdahye ticorore. Sa yeye ti maca cjēnare Cohācjūre yndudacayequinare wejēpeta ticoro pehere wejēdahye.

<sup>32</sup> Apequinare Cohācjūre wacū tutuayequinare yahu nemoboa yūhū. Sa yahu duepegata peyequinare sa Cohācjūre wacū tutuayequinare yahu ojoa peho masiedaga yūhū. Peyequina ijire tiquina. Gedeō, Barac, Sansō, Jeftē, Davi, Samuel, Cohācjū yere yahu mūhtariquina gāhu ahriquina ijipihtiyequina yūhū yahuboriquina ijire. <sup>33</sup> Cohācjūre wacū tutuayequina ihquēquina apeye yehparipū ijiye macari cjēnare cahme wejē yndudacahye. Sa yeye apequina quehnoano dutiyequina ijiahye. Cohācjū tiquinare “Mūsare yedohoutja”, tiqiuro nidiro sahata tiquinare yedohoahye. Tiquirore tiquina wacū tutuagū ihñano sa tiquinare yedohoahye. Sa wacū tutuaye, yayia tiquinare ihya duagū tiquina duserire bihagū yeahye tiquina. <sup>34</sup> Tutuaro ujāri pecarū ijiepetā ujāedahye tiquina Cohācjūre wacū tutuaye. Apequina tiquinare nōse wejē duagū duhti cāa wahahye Cohācjūre wacū tutuaye. Tutuayequina ijiepetā Cohācjūre wacū tutuaye tutuayequina wahahye. Cohācjūre wacū tutuayequina ijiye, cahme wejēñe tutuayequina ijiahye. Sa yeye yehpari cjēna surara tiquinare wejēñe ahtayequina ne ihcāno sahaerahye tiquinare. <sup>35</sup> Ihquēquina numia Cohācjūre wacū tutuagū ihñano tiquina acaye yariagū ihñano Cohācjū pehe tiquinare maso basahye.

Apequina “Cohācjūre cahmedacāhña”, tiquina ni peresu yenohriquina ijiepetā Cohācjūre duhu duerahye. “Cohācjūre mūsa duhugū mūsare wionata”, nimahye tiquinare peresupū yenohriquina Cohācjū yequinare. Tiquina sa niepegāta tiquinare yūhtierahye, Cohācjū caharū tutuaro waha duaye. Sa yeye tiquinare nā ynduro tiquina yepegū yariaa wahahye. <sup>36</sup> Apequinare Cohācjūre wacū tutuayequinare nāno ni bujare tiquinare tana mujae tiahye. Sa yeye apequinare dahpocārīne, omocarīne dūhte cāa, peresu yeahye. <sup>37</sup> Cohācjūre wacū tutuayequinare ñañequina utā mehna doque wejēahye.

Apequinare tiquina pagarire seroti mehna yahre sure mujahye. Apequinare ñoseñe pñini mehna ñose wejēahye tiquina. Sa yeye tiquina sa ñano yepenhñequina oveja cahseri mehna, cabra cahseri mehna suhti tiyequina pejesoyequina ijahye. Sa ye apequina tiquinare ñano yepeahye. <sup>38</sup> Tiquina quehnoa yñhdñayequina ijigū ahri yehpa cñena ñañequina tiquina mehna ijiboriquina ijierare. Ahriquina Cohācñäre wacū tutuayequina wñhuse marieñequina ijiye, masa marienopñ, cññ cñpñ iji soto tae tiahye. Sa iji soto tae, cññpñ ijiye coperipñ, yehpñpñ ijiye coperipñ gñhñre carī soto tae tiahye.

<sup>39</sup> Ahriquina ijipihitiyequina Cohācñäre tiquina wacū tutuagū ihñano buceahye tiqiuro. Tiquina sa wacū tutuepegāta Cohācñjū tiquinare “Mñsare yñhdñoutja”, tiqiuro nidiro eseraniahye. <sup>40</sup> Tiqiuro yñhdñoerandire yahuro ohō saha ni tñhotuahye Cohācñjū. “Ahriquina yeequina camerñre ijiatiquina mehna ihcāno saha ihcā curuapñta yñhdñoutja”, ni tñhotuahye. Sa ni tñhoturo tiqiuro nidiro sahata yerota. Tiqiuro sa yegū quehnoa yñhdñare panopñ tiqiuro yeriro yñhdñoro.

## 12

### *Jesure sa wacūducuhna mari*

<sup>1</sup> Sa yena ahriquina yñhñ yahuriquinare peyequina Cohācñäre wacū tutuayequinare ñañene yeeyequinare masina, ijipihitiye ñañe yeyere duhu cññhna mari gñhñ. Ohō saha ijire mari queoye mehna buhegū: Omaperiqiurore oma tutuagū cahmotaye ijire apeye. Tiqiuro dahpo suhti ññcññe suhti tiqiurore oma tutueragū yeboaga. Ti yero saha Cohācñjū cahmeñene mari ye duagū cahmotaye gñhñ ijire. Ti gñhñre duhuuhna mari. Sa yena omapeyequina tiquina oma tutuaro saha mari gñhñ tutuaro Cohācñjū cahmeno saha yeihna. <sup>2</sup> Sa yena Jesure sa wacūducuhna mari. Tiqiurota ijire marine wacū tutua dñcagū yeriqiuro. Sa yero marine wacū tutua nemogū gñhñre yere tiqiuro. Curusapñ yariaro wacū tutuahye. Came tiqiuro bucueatore masino curusapñ yariahye. Sa yariaro bñe tiboriqiuro ijijerota bñe tierahye tiqiuro. Sa yero yojopñre Cohācñjū tiqiuro pñhtoro dujiro poto pehe dujitñño tiqiuro dutiriqiuro ijire.

<sup>3</sup> Ñañequina masa tiqiurore tiquina ña yñhdñaro yegū ihcāno sahahe tiqiuro. Tire wacūñña mñsa, mñsa gñhñ ñano yñhdñana, “Ihcāno sahaeraboā”, nina. Tire wacūñña mñsa “Tiqiurore wacū tutua duhuari”, nina. <sup>4</sup> Ñano yñhdñepenata ñañene yerare mñsa. Sa ñano yñhdñepenata ña yñhdñaro waro yñhdñeraniaga mñsa. Ñañequina mñsare wejēdarñaga. <sup>5</sup> Cohācñjū mñsare tiqiuro pohñare tiqiuro yahurire bo cññari mñsa? Mñsa ñano yñhdñatire tiqiuro yahurire wacūñña mñsa. Ohō saha niahye tiqiuro:

Yñhñ macñ, mñhñre yñhñ yahugū usueracññña ñano yñhdñepagata. Mñhñre yñhñ tuhtigū tñhogñ bññña witieracññña. <sup>6</sup> Ijipihitiyequina yñhñ cahññequinare yahuaja. Sa yegñ ijipihitiyequina “Yñhñ pohna ijire mñsa”, yñhñ ni ihñññequinare yñhdññca dutieraja. Sa yegñ tiquina yñhdñdñcagū ihññagñ tiquinare buhiri dahreaja, niahye Cohācñjū.

<sup>7</sup> Ñano yñhdñana Cohācñjū yere duhueracññña. Cohācñjū mñsare tiqiuro pohñare buhiri dahrero nine. Tiquina pacññmñña tiquina pohñene sa yahuducure. Sa yeye tiquinare buhiri dahreducure. Sata yere Cohācñjū gñhñ marine tiqiuro pohñare. <sup>8</sup> Ijipihitiyequina tiqiuro pohñene yahure Cohācñjū. Cohācñjū mñsare yahueragū tiqiuro pohña waro ijierare mñsa. Pacññmñña marieñequina yero saha ijire mñsa tiqiuro yahumehñena ijina. Sa ijina “Eññ pacñ waro ijire”, ni masiedare mñsa Cohācñjäre, mñsare tiqiuro yahueragū.

<sup>9</sup> Mari pacññmñña marine tiquina yahugū tñhona tiquinare ño peoaja mari.

Mari pacusumare mari ño peoro yuhduoro ño peoro cahmene mari Pacure Cohãcjüre tiquiro yahugũ. Sa yena tiquirore yuhtiro cahmene marine. Sa yuhtina ijina ijipihtiye decori tiquiro mehna ijinata. <sup>10</sup> Meheñe decorigã ahri yehparũ mari ijinigũ mari pacusumã marine yahuye, buhiri dahrere. Tiquina esa tuharo tiquina masino punota marine yahuye, buhiri dahrere. Cohãcjũ pehe marine quehnoano yahure. Sa yero tiquiro masiñe mehna marine buhiri dahrere, marine quehnoana bucua dutiro. Sata yere marine tiquiro yero saha quehnoana marine iji dutiro. <sup>11</sup> Marine tiquiro buhiri dahregũ bucueraja mari. Mari ihyo bujua witiája. Sa bujua witiepenata tiquiro sa buhiri dahreri bato quehnoana wahanata mari. Sa yena ñañene yero marieno quehnoano ijinata.

*Cohãcjũ marine tiquiro dutiyere mari yuhtieragũ cuarĩne marine*

<sup>12</sup> Sa yena wacũ tutuera cjũna ijiepenata Cohãcjüre wacũ tutuana ijija. Tiquirore duhueracãhña. <sup>13</sup> Quehnoano potori mahare mũasa waharo saha quehnoano poto yeya mũasa. Mũasa sa yegũ ihña cũñe apequna Jesu yequina ñañene yesi. Mũasa quehnoano yegũ ihña cũñe quehnoano wacũ tutuera cjũñequina gũhũ wacũ tutuayequina wahaeta.

<sup>14</sup> Ijipihtiyequina masa mehna quehnoano ijija, cahmequeno marieno. Sa yena ñano yeracãhña. Ñañe marieñequina dihita mari puhtoro Cristore ihñaeta. <sup>15</sup> Quehnoano yeya mũasa. Cohãcjũ mũasa tiquiro yedohogũ quehnoano yuhtiya. Ñañe taa ñiaye tiquina oteyere ti dojomehmeno saha mũasa gũhũ Cristo yere duhueracãhña, “Apequnare dojomehneari”, nina. <sup>16</sup> Ne wũana tieracãhña. Sa yena Cohãcjũ yere cahmeena ijieracãhña. Cohãcjüre cahmeediquiro ijiahye Esaú. Tiquiro wahmino ijimahye. Sa yero tiquiro pacuro yariari bato tiquiro pacuro yere cõoatiquiro ijimahye. Cohãcjũ tiquiro pacurore tiquiro ni cũri gũhũre cõoatiquiro ijimahye. Sa yero ihcã deco ihcã pa ihyaye pose tiri pare cahmeno, ti pa mehna tiquiro bahuro pehere tiquiro wahmino wahagũ yero taro comesahye. <sup>17</sup> Tiquiro sa yeri bato tiquiro dahse waharire masine mũasa. Tiquiro pacuro tiquirore ohoatire tutuaro cahmemahye Esaú. Tiquiro sa cahmepegũta tiquiro bahurore wahmino wahagũ yeri buhiri, came tiquiro cõoborire ohoerahye tiquiro pacuro. Tire utiye mehna tiquiro siniepegũta tiquirore ohoerahye.

<sup>18</sup> Cohãcjũ dutiyere Moiserre tiquiro cũgũ mari acaye Israe masa mũana Cohãcjũ mehna ijie tiahye. Tiquina tiquiro mehna ijiriro saha mũasa pehe ijierare. Ohõ saha yeahye tiquina pehe. Cũnũrũ Cohãcjũ mehna ijije taye, esahye. Ti cũnũrũ pehe Sinaí wame tidũ ijiahye. Ti cũnũrũ dahra tuhu masiahye masa. Ti cũnũrũ tiquina esagũ tutuaro peca ujuahye. Sa yero nahitiano, bueri, tutuaro wihnono mehna ijiahye ti cũnũrũre. <sup>19-20</sup> Ti cũnũrũ tiquina esagũ corneta bisiro ca tahye. Sa yero yahuducuye bisiro ca tahye. Ti sa yahuducuye bisigũ tuhoye, masa ihcãno sahaerahye. Cohãcjũ cuaro mehna ohõ saha ni, dutiahye tiquinare: “Ijipihtiyequina ahũ cũnũrũ dahra tuhuyequinare utã mehna doque wejẽña tiquinare. Ahũre dahra tuhuriquiro wahiquiro waro tiquiro ijiepegũta tiquiro gũhũre utã mehna doque wejẽña tiquirore. O ñosenũ mehna ñose wejẽña tiquirore”, niahye Cohãcjũ. Tiquiro sa nigũ tuhoye ihcãno sahaerahye tiquina. <sup>21</sup> Sa yero ijipihtiye tũ cũnũrũ ijiro tiquiro ihñarire ihña cuero, ohõ saha niahye Moise: “Cuegũ nanaregũ niaja”, niahye tiquiro.

<sup>22</sup> Sa Cohãcjũ mehna tiquina iji dũcariro sahata ijierare mũasa pehe. Cohãcjũ mehna ijina wahana, Siõ wame tidũrũ uhmũse cjãdũrũ mũasa esaboro saha potota Cohãcjũ mehna yahuducure mũasa. Cohãcjũ catiriquiro ya macarũ mũasa esaboro saha potota tiquiro mehna yahuducure mũasa. Ti maca

ape maca wahma maca Jerusalē umuse cjä maca ijire. Topre peyequina angele pari ijire. <sup>23</sup> Tiquina Cohäcjä mehna bucueye tehe cahme-coañequina ijire. Sa yena msa pehe tiquiro ya maca cjana ijina, topre Cohäcjä pohne iji muhtañequina mehna msa cahmecoaboriro saha ijire. Tiquina tiquiro pohne wamene tiquiro ojoa ohöri tjupa umusepa tiquina wamene tiquiro ojoa ohönohriquina ijire tiquiro pohne. Tiquiro pehe mari Pacu pehe ijiphiyequinare beseatiquiro ijire. Tiquiro mehna cjana ijire msa pehe. Sa yena tiquina quehnoañequina Cohäcjä yequina mehna cahmecoano saha ijire msa gahu. Tiquinare iji muhtariquinare ñahe marieñequina ye tuhasahye Cohäcjä. <sup>24</sup> Sa yena Jesu mehna cjana ijire msa pehe. Wahmanopa Moiseru tiquiro duti cürire comesaro “Musare yuhduoutja yuh”, ni cüahye Cohäcjä marine. Tiquiro sa ni cüriro sahata yeriquiro ijire Jesu. Tiquiro diire cohä, tiquiro yariari mehna marine sa yuhduore. Abe manano tiquiro dii cohägü ihñano Cohäcjä Abere wejediquire buhiri dahreahye. Jesu pehe tiquiro diire cohägü, tiquiro yariari mehna quehnoano yuhduaja mari. Sa yero Abe tiquiro dii cohäri ihyo warota ijiahye. Cristo pehe tiquiro dii cohäri bato quehnoa yuhduaro yeahye Cohäcjä marine. Sa ye tiquiro dii cohäri ihyo warota ijierare.

<sup>25</sup> Sa yena quehnoano yeya msa. Cohäcjä yere musare yahuriquire quehnoano yuhina ijia. Panopa ahri yehpapa ijiriquiro Moise Cohäcjä yere tiquiro yahugü tuhoye, peyequina tire tuho duerahye. Sa tiquina tuhoerari buhiri buhiri dahreahye Cohäcjä tiquinare. Tiquina yuhduoro buhiri dahrerota Cristore cohäñequinare. Cristo pehe umusepa ijiriquiro Cohäcjä yere yahuriquire ijire. <sup>26</sup> Ti pjere Moiseru tiquiro dutyere cüri pjere Cohäcjä tiquiro yahuducuro mehna yehpa ñuhmigü yeahye. Yojopa pehere ohö saha ni yahuahye tiquiro: “Ihcä tahata ahri yehpa ñuhmigü ye nemoutja. Ahri yehpa dihitare ñuhmigü yesi yahu. Umusepa gühare ñuhmigü yeitja”, ni yahuahye tiquiro. <sup>27</sup> “Ahri yehpa ñuhmigü ihcä tahata ye nemoutja”, nino, ijiphiyere tiquiro bajumehnedire tiquiro cohätire masigü yero niahye. Cohäcjä puhtoro ijirupre cohäno basioerare. Sa yero tiquiro bajumehnedire cohägü tiquiro puhtoro ijiro dihita tojoarota. <sup>28</sup> Tiquiro puhtoro ijirupa wahanata mari. Sa yena tiquiro puhtoro ijirure tiquiro cohäedagü ihñana, Cohäcjäre “Quehnoare”, niñna mari. Sa yena tiquirore ño peoye mehna, cua pesaro mehna tiquiro yere yeihna mari tiquirore bucuegü yena tana. <sup>29</sup> Peca ujño cuaro saha Cohäcjä gahu cuaro mehna buhiri dahreriquiro ijire.

## 13

### *Ohö saha Cohäcjäre bucuegü yeya*

<sup>1</sup> Msa mehna cjenare cahí duheracähña. <sup>2</sup> Msa msa ihña masieñequina tiquina ijiepegüta tiquinare msa wuhusepa quehnoano mehna sajä ta dutiya. Apequina sa yeye, masiedapeta angelere tiquina ye wuhusepa sajä ta dutiahye. Sa yena tiquina yero saha yeya msa gahu.

<sup>3</sup> Peresupa ijieyequinare paja ihñaña. Msa pehe tiquina mehna peresupa ijina msa ijiboro saha tiquinare paja ihñaña. Apequina tiquina ñano yenohriquina gühare paja ihñaña. Tiquina yero saha msa gahu ñano yuhduoro saha tiquinare paja ihñaña.

<sup>4</sup> Omoca duhterina ijipihina msa basi quehnoano cahme ño peoya. Sa yena apequina mehna ñano yeracähña. Ijiphiyequina numia mehna ñano yepeyequinare, msa mehna ñano yeye numia gühare buhiri dahrerota Cohäcjä.



<sup>5</sup> Niñerure ne cahñedacãhña. Ohõ saha niahye Cohãcjũ: “Mũsare ne cohãsi yũhũ. Mũsare sa yedohoducugũtja”, niahye tiquiro. Sa yena noho puno mũa sa cũoye mehna to punota bucueya. Pajiro cahme nemoedacãhña. <sup>6</sup> Sa yena cuero marieno ohõ saha ni tuhotunata mari:

Mari puhtoro Cohãcjũ marine yedohoriqũiro ijire. Ne cuesi mari. Masa marine tiquina ñano yeatire cuesi mari, ni tuhotunata.

<sup>7</sup> Cohãcjũ yere mũsare yahuriquinare mũsare dutiriquinare wacũña mũa. Sa yena quehnoano tiquina ijie tirire quehnoano tiquina yee tirire wacũña. Sa wacũna, Cristore tiquina wacũ tutuariro saha yeya mũa gũhũ.

<sup>8</sup> Jesucristo ne comesaerare. Панопũ, vojopũ gũhũre, camerũ gũhũre tiquiro ijiriro sahata ijiducurota tiquiro. <sup>9</sup> Peye buheyere sijoro saha ijie buheyere tuhoeracãhña mũa “Quehnoañe buheyere usãpũ cohãri”, nina. “Ahrire ihyaya. Ahrire ihyeracãhña”, ni buhere ihquẽquina. Sa tiquina ni buheyere mari yũhtigũ ti marine yedohoerare. Sa yero sa ijie buheyere mari yegũ ihyo warota ijire. Ti marine wacũ tutuana ijigũ yerare. Cohãcjũ pehe marine wacũ tutuana ijigũ yere. Sa yena tiquiro ye tutuaye mehna tiquirore wacũ tutuana ijia mũa gũhũ.

<sup>10</sup> Cristo mari ñañe buhirire yariahye mari ñañene cohãno taro. Pahia pehe ohõ saha niñequina ijire: “Wahiquina mari wejẽ ujãa mũo, mari ohoyequina mehna yũhdũnata”, niñequina ijire pahia. Sa niñequina tiquina ñañe yerire cohãnohriquina iji masiedare. <sup>11</sup> Mari judio masa mari pahia puhtoro Cohãcjũ ijiri tucũ waropũ diire ne sajãno wejẽ siteahye, masa tiquina ñañe yerire cose wero taro. Sa yero tiquiro wejẽdiqũiro wahiquiro pagure ti maca dũhtũ cahapũ ujãa cohã cãre. <sup>12</sup> Tiquiro yeriro saha Jesu gũhũ maca dũhtũ cahapũ yariahye, masa tiquina ñañene tiquiro dii cohãno mehna cose wero taro. <sup>13</sup> Maca dũhtũ cahapũ tiquiro yariagũ ihñañe, tiquina ye buheyere tiquiro cohãgũ ihñañe judio masa puhtoa tiquirore ihña tuhtiahye. Sa yena mari gũhũ tiquiro mehna cjãna ijiihna. Mari sa ijigũ ihñañe, masa mari gũhũre ihña tuhtieta. <sup>14</sup> Ahri yehparũ mari iji dojoati maca ne mariedare. Mari camerũ ijati macare cohtena niaja mari. <sup>15</sup> Sa yena Jesu yedohoro mehna mari Pacũ mehna yahuducuaa mari. Sa yena tiquirore quehnoano siniilhna. “Mũhũ usã Pacũ quehnoagu, tutuagu ijire”, ni, ño peoducuhna. “Jesu yequina ijiaja”, ni, sa niña mari Pacũre. Mari sa nigũ tiquiro bucuerota. <sup>16</sup> Mũa mehna cjẽnare quehnoano yeya. Sa yena tiquinare yedohoya. Tire boeracãhña. Mũa sa quehnoano yena Cohãcjũre ño peona niaga mũa. Sa yena tiquirore bucuegũ yena niaga.

<sup>17</sup> Mũa puhtoare quehnoano yũhtiya. Tiquina dutiro sahata yeya. Cohãcjũ ihña ihbo, buhe dutiro cũre mũsare tiquinare. Sa cũnohriquina ijie mũsare sa ihña ihboducuye nine “Cohãcjũre yũhdũdũcari”, niñe. Camerũ mũsare tiquina dutirire, tiquina yerire Cohãcjũre yahueta. Sa yena tiquinare quehnoano yũhtiya mũa. Mũa sa yũhtigũ ihñañe bucueye mehna mũsare yedohoeta tiquina. Mũa yũhtieragũ ihñañe tiquina bũjũa witietia. Sa yũhtierana quehnoano ijisi mũa.

<sup>18</sup> Usãre sini basaducuya Cohãcjũre. Decoripe quehnoañe dihitare ye duaja usã. Sa yena “Ñañene yena niaja”, ni tuhotueraja usã. <sup>19</sup> Ahri pũritare tutuaro sini basaya Cohãcjũre yũhũre: Sojaro mehna mũa cahapũ yũhũ wahatire tiquirore sini basaya.

### *Ahri pũre ojoariquiro quehnoa duti bato tiahye*

<sup>20</sup> Cohãcjũ mari puhtoro Jesure yariariquirore masoahye. Marine quehnoano ijigũ yeriquiro ijire. Tiquiro “Mũsare yũhdũoutja”, ni cũahye



Cohãcjũ marine. Tiquiro sa ni cĩrre yeriquire marine yãhdãoriquire Jesu pehe ijire. Mari ñãñe buhirre yariahye tiquiro. Sa yero tutuariquire ovejare ihña ihboriguire yero saha ijiro, marine tiquiro yequinare quehnoano ihña ihbore. <sup>21</sup> Sa yero Cohãcjũ tiquirore masoriguire m̄sa gãhãre yedohoahro ijipihtiye quehnoañene tiquiro cahmeñene m̄sa yeatire. Sa yero Jesucristo yedohoro mehna Cohãcjũ cahmeno saha ijipihinare marine quehnoañe pehere comesagũ yeahro. Sa yena ijipihtiye decori Cristore ño peouhna. Sata yeihna.

<sup>22</sup> Yũhũ acaye, ahrire tutuaro m̄sare dutiitja: Ahri pũrũ yũhũ yahurire quehnoano mehna tuhoya m̄sa. Ahri m̄sare yũhũ ojoari pũ pajiro ijierare. Sa yena ahrire quehnoano tuhoya. <sup>23</sup> Ahri gãhãre m̄sare yahutja: Mari acayũrore Timoteore peresu ijiriquirore wioñõhti. Sojaro mehna tiquiro wihigũ m̄sare ihñagu wahagu tiquirore neagutja. Yũhũ mehna waharota.

<sup>24</sup> M̄sa pãhtoare, ijipihtiyequina apequinare Cohãcjũ yequinare topũ ijieyquinare quehnoa dutiaja. Italia cjẽna Jesu yequina gãhũ m̄sare quehnoa dutire.

<sup>25</sup> Ijipihinare m̄sare Cohãcjũ mehna quehnoa dutiaja.

## Santiago

### *Santiago Israe masare macari wahariquinare ojoa ohoahye*

<sup>1</sup> Yũhũ, Santiago ahri pũpũ mũsare quehnoa duti ojoa ohogũ niaja. Mari Рачũ, mari pũhoro Jesucristo gũhũ cahacjũta ijiaja yũhũ. Sa yegũ Israe masa ye cururi cjanare doce cururi cjanare Jesu yequinare macari waharinare yũhũ acaye mũsare ojoa ohogũ niaja.

### *Cohãcjũ pehe quehnoano masigũ yere*

<sup>2</sup> Yũhũ acaye, peye ijjeta mũsa ñano yũhdũati. Sa ñano yũhdũepenata quehnoano bucueye mehna tũhotuya. <sup>3</sup> Sa ñano yũhdũana, potota Jesure mũsa wacũ tutuarire ihũona ninata mũsa. Sa yena ñano yũhdũepenata Jesure mũsa quehnoano wacũ tutuana ijina, tiquiore wacũ tutua nemona wahanata. Sa wahana mũsa ñano yũhdũyere ihcãno sahanata. <sup>4</sup> Sa yena duhuro marieno sa ihcãno sahana ijiducuya mũsa quehnoano tũho masina mũsa ijiatire.

<sup>5</sup> Mũsa masiati dũhsagũ tũhotuna Cohãcjũre siniña. Tiquiro dũhsaro marieno ijiphiyequinare ohore. Sa ohoro tiquiore siniñequinare sijoro saha nino marieno ohore tiquiuro. Tiquiro sa ijĩriquiuro ijigũ masina, mũsa masiati dũhsagũ tũhotuna, tiquiore siniña. Mũsa sa sinigũ mũsare masi nemogũ yerota tiquiuro. <sup>6</sup> Sa sinina Cohãcjũre quehnoano wacũ tutuatjãna siniña mũsa. “Ušã sinigũ Cohãcjũ ohoeraboaga usãre,” ni tũhotueracãhña. Sa ni tũhotuyequina pajiri ma cjẽ pahcõri yero saha ijire. Pahcõri ti usũro came-saro saha tiquina gũhũ tiquina wacũũperũre usũro comesare. Ihcãno saha yerare tiquina. Sa ye Cohãcjũre wacũ tutuerare. <sup>7</sup> Sa ni tũhotuyequinare tiquina siniepegũta ne mehenogã tiquina siniñene tiquinare ohosi mari pũhoro, Cohãcjũ. <sup>8</sup> Miare ahrire cahmediquiro ijieperota ñamiare sijoro saha tũhoture tja. Sa yeriquiro queoro yerare.

<sup>9</sup> Jesu yequinare ihyo ijieyequinare Cohãcjũ pehe pũhtoa sõnota. Sa ijia-tiquina ijie bucueahro tiquina. <sup>10</sup> Sa ye Jesu yequina doeri cjẽ opana ijieye tiquina ye doeri cjẽ pihtiatire masiñe bucueahro. Ti doeri cjẽ ihyo warota ijire, Cohãcjũ ihñagũ. Cohori ti duita ahba bora dijiaa waharo saha ti doeri cjẽ pihtia waharota. Sa ijieye tiquina gũhũ bucueahro. <sup>11</sup> Asũ mũja taro tiquiuro tutuaro asigũ taa pehe ñaia wahare. Sa ye cohoi gũhũ ñai bora dijiaa waha, quehnoañe cohoi ti ijieye pihtia wahare. Sata waharota doeri cjẽ opanare doeri cjẽne tiquina ne cahmecoano watoa. Tiquina, ti doeri cjẽ mehnata butia wahaeta.

### *Ñano ye dutiyere yerariquiuro bucueriquiuro ijire*

<sup>12</sup> Ñano yũhdũriquiuro ihcãno saharo, ñano ye dutiyere yeraro bucueriquiuro ijirota. Tiquiro sa ihcãno sahaagũ, tiquiuro ñañene yeragũ ijiphiye decori uhmũsepũ ijiducugũ yerota Cohãcjũ tiquiore. “Sa uhmũsepũ ijiducugũ yeitja”, ni cũahye Cohãcjũ ijiphiyequina tiquiore cahĩñequinare. <sup>13</sup> Mũsare apeqũna ñano ye dutigũ “Cohãcjũ yũhũre ñano ye dutiro nine,” ni tũhotueracãhña. Ñano yeyere tũhoturiquiuro ijierare Cohãcjũ. Sa yero tiquiuro pehe masare ñano ye dutiriquiuro ijierare. <sup>14</sup> Masa ñañene tiquina tutuaro cahmeñeta tita tiquinare ñano yegũ yere. <sup>15</sup> Sa ye ñañene tutuaro cahmene masa. Sa ye ti pehere tũhoture. Sa tũhotuye, ti ñañene yeducure tiquina. Tiquina sa yeducuri buhiri Cohãcjũ tiquinare pecarpũ cohãnota.

<sup>16</sup> Sa yena yũhũ acaye yũhũ cahĩna, “Cohãcjũ yũhũre dutigũ ñano yei,” ni tũhotueracãhña. Poto ijierare ti. <sup>17</sup> Mari Рачũ uhmũse cjũno marine

quehnoañe dihitare ohore. Tiquiro pūrita asū deco cjanore, ñami cjanore, ñahpicoha paca gūhare bajumehnediquiro ijiro, tiquiro pehe tiquiro ijiro sahata sa ijuducu cāre. <sup>18</sup> Tiquiro cahmediro sahata quehnoañe buheye mehna marine tiquiro pohna wahagū yeri. Sa yeri tiquiro, tiquiro pohna iji mahana marine iji dutiro.

### *Potota Cohācjāre ño peoye ohō saha ijire*

<sup>19</sup> Yūhū cahīna, yūhū acaye, ahrire quehnoano tuhoya mūsa. Cohācjū yere quehnoano tuhoya mūsa. Sa tuhona, tuhuro marieno yahuducueracāhña. Sa yena usueracāhña. <sup>20</sup> Ihcāquiro usuariquiro ijigū tiquiro yerire bucuere Cohācjū. <sup>21</sup> Sa yena ijipihtye mūsa ñañe yeyere, mūsa ñañene tutuaro cahmedire duhuya mūsa. Sa yena Cohācjāre quehnoano yūhtina ijina tiquiro buheyerē tuho, cahmeña mūsa. Tiquiro ye buheyerē mūsa tuho cahmegū Cohācjū pehe mūsa pecapū wahaborinare yūhdūrota.

<sup>22</sup> Tiquiro yere tuhoepenata yūhtierana ni mehoñene tuhutuna nine mūsa. “Yūhtieragū quehnoanota,” ni tuhutuna ni mehoñene tuhutuna nine mūsa. Sa yena tiquiro yere tuhona ti pehere yeya. <sup>23</sup> Cohācjū yere tuhoepenata, yūhtierana, tiquiro wūhdoare eōno mehna ihñariquiro yero saha ijire mūsa. <sup>24</sup> Tiquiro wūhdoare tiquiro ihñari bato waha, tiquiro ihñarire boaa wahare. <sup>25</sup> Sa yero apequiro pehe tiquiro ihñarire boero saha Cristo ye dutirire tuhoro tire yero, bucuerequiro ijirota. Ti dutiye Cristo cahñe mehna mūsa tiquiro yūhdūoati buheye ijire. Ti buheyerē ne cohāediquiro bucuerequiro ijirota. Tiquiro pūrita tiquiro tuhore yeriquiro ijire. Sa yeriquirore quehnoano yerota Cohācjū.

<sup>26</sup> Ihcāquiro sa ni maca cāriquiro ijiro, potota Cohācjāre ño peerare. “Cohācjāre quehnoano ño peoaja,” ni tuhoturiquiro ijieperota ni mehoñene tuhutore tiquiro. “Cohācjāre ño peoaja,” nidiquiro ijiepegāta tiquiro ño peoye ne duhseati ijierare. <sup>27</sup> Ijirota Cohācjāre mari Pacare mari ño peona, tiquiro cahmeno saha ño peona, ohō saha yeaja mari: Pacasumma marieñequinare, wape wiha numia gūhare tiquina ñano yūhdugū ihñana, tiquinare yedohoaja mari. Sa yena ahi yehpa cĵena ñañene tiquina yerire ne ye dueraja mari. Sa yena potota Cohācjāre ño peonata ijiaja mari.

## 2

### *Masare ihcāno saha quehnoano yero cahmene marine*

<sup>1</sup> Yūhū acaye, quehnoa yūhdūariquirore Jesucristore mari pūtorore tuhona, tiquirore wacū tutuana ijire mūsa. Sa wacū tutuana masare ihcāno saha quehnoano yero cahmene mūsa. <sup>2-3</sup> Sa ye uru behtorire, omoca sañañe behtorire cuoriquiro, wapa bujaye suhtire sañariquiro mūsa Jesu yequina cahmecono cahapū tiquiro ahtagū ihñana tiquirore quehnoano mehna piti caboaga. “Ohōpū dujiro ijire,” niboaga mūsa tiquirore. Sa niepenata ti pjeta pejecuoriquiro gūhū ñano suhti tiriquiro mūsa cahapū tiquiro ahtagū ihñana tiquiro pehere quehnoano piti caeraboaga. “Ohōpū ducuya. O yehrapū dujiya,” niboaga mūsa tiquirore. <sup>4</sup> Mūsa sa yena masare ihcāno saha yena niedaga mūsa. Sa yena ñañene tuhutuyequina masare beseyequina yero saha ijina niaga mūsa. “Ahriquiro pehe quehnoariquiro ijire. Ahriquiro ñariquiro ijire,” ni besemene mūsa.

<sup>5</sup> Yūhū acaye, yūhū cahīna, yūhūre tuhoya. Peyequina pejecuoyequina pehere Cohācjū beseahye. Tiquirore quehnoano wacū tutuatiquinare, tiquiro pūtoro ijiropare ijiaquinare beseahye tiquinare. “Topūre wahanata mūsa,” ni cūahye Cohācjū tiquirore cahñequinare. <sup>6</sup> Tiquinare tiquiro sa

besepegāta m̄sa pehe pejec̄oyequinare quehnoano ño peoerare. Doeri c̄jē opana pehe m̄sare ñano yere. Sa ye tiquina masare beseriquiro cahap̄u m̄sare neare m̄sare yahusāne tehe. <sup>7</sup> M̄sa pehe “Cristo yequina,” masa tiquina ninohna ijire. Peyequina doeri c̄jē opana pehe Cristore ñano ni yahuducuyequina ijire. Sa ye pejec̄oyequinare m̄sa ño peoriro yuh̄d̄oro doeri c̄jē opanare m̄sa ño peoḡū ñarīne.

<sup>8</sup> Cohācj̄ū dutiye mehna c̄jā dutiroke apeye dutiye bui c̄j̄nōgā ijiri dutiroke oh̄o saha ni ojoahye: “M̄h̄u basi m̄h̄u cah̄no saha m̄h̄u cahap̄u ijyequina ḡh̄ure cah̄ña,” nine Cohācj̄ū dutiro. Ahri dutiroke yena, quehnoañene yere m̄sa. <sup>9</sup> Masare ihcāno saha yerana ñano yena nine m̄sa. Sa yena Cohācj̄ū dutiyere yuh̄d̄ud̄cana ijire m̄sa. Sata nine Cohācj̄ū yere tiquina ojoari p̄p̄u.

<sup>10</sup> Cohācj̄ū dutiyere yena ijiepenata ihcāno dutirogāre m̄sa yeraḡū apeye dutiyere m̄sa yepegāta dahseati ijierare. Sa yena ñañe buhiri tina ijinine m̄sa. <sup>11</sup> “Apequiro namono mehna ñano yeracāh̄ña,” ni, m̄sare dutiriquiro Cohācj̄ūta ijire. “Masare wej̄edacāh̄ña,” nidiquiro tiquirola ijire Cohācj̄ū. Apequiro namono mehna ñano yerapenata mas̄nore wej̄ēna Cohācj̄ū dutiyere yuh̄d̄ud̄cana ijire m̄sa.

<sup>12</sup> Cristo marine tutuaro cah̄no, marine dutire marine yuh̄d̄oro taro. Tiquiro dutiyere mari yerire, mari yerari ḡh̄ure ih̄ñano marine besero ahtarota. Tiquiro sa besenohanaja ijina tiquirola dutiyere quehnoano yeihna. Sa yena tiquirola cahmeno sahata yahuducuuhna mari. <sup>13</sup> Yojoorp̄e mari apequinare paja ih̄ñedaḡū Cohācj̄ū pehe masare tiquirola beseri pje ijiḡū marine paja ih̄ñasi. Sa yena apequinare mari paja ih̄ñaḡū Cohācj̄ū pehe marine paja ih̄ñano, marine buhiri dahresi.

### *Cristore wacū tutuayequina pehe quehnoañene yere*

<sup>14</sup> Yuh̄u acaye, tuhoya m̄sa. “Cristore wacū tutuaja yuh̄u,” ihcāquiro tiquirola ni tahotuepegāta tiquirola quehnoañene yeraḡū tiquirola sa nimeri pehe ne dahseati ijierare. Sa ni wacū tutua maca cāriquirone Cohācj̄ū yuh̄d̄osi. <sup>15-16</sup> Jesu yaquiro, Jesu yacoro ñañe suhti dihita tiquina cuoḡū ih̄ñana, tiquina ih̄yati mariedaḡū ih̄ñana, dahse yeajari m̄sa tiquinare apee boro cuona ijina? “Quehnoano ijira m̄sa. Sa yena quehnoano suhti sañaña. Sa yena quehnoano ih̄ya yapi iji cāh̄ña,” niepenata tiquina cahmeñene m̄sa ohoeraḡū m̄sa sa nimeri ne dahseati ijierare. <sup>17</sup> Sa yena “Cristore wacū tutuaja,” m̄sa niepegāta quehnoañene m̄sa yeraḡū Cristore m̄sa wacū tutuaye ne dahseati ijierare.

<sup>18</sup> M̄sa mehna c̄jāno ahri yuh̄u buherire tuh̄o dueraro oh̄o saha masi-ahdo. Quehnoañene yeraperota “Cristore wacū tutuaja,” niboaga tiquirola. Quehnoañene yeraro Cristore tiquirola wacū tutuayere apequinare masiḡū ye masiedare. Quehnoañene yeriquirola p̄rita quehnoañene tiquirola yeye mehna Cristore tiquirola wacū tutuayere masiḡū ye masine. <sup>19</sup> “Cohācj̄ū ihcāquirota ijire,” ni tahoture m̄sa. M̄sa sa ni tahotuḡū quehnoarīne. Sa ijiepegāta to punota Cohācj̄ūre yuh̄tiro marieno tiquirola m̄sa masiḡū ti dahseati ijierare. Wat̄ia ḡh̄u m̄sa tahoturo sahata tahotuñoti. Sa ijye Cohācj̄ū tiquirola ijye tiyere masiñoti tiquina. Sa masiñe, cue, nanareñoti. <sup>20</sup> Ihcāquiro quehnoañene yeraperota “Cristore wacū tutuaja,” ni tahoturiquiro ijiro tuh̄o masieniquiro ijire. Cristore wacū tutuamediquiro quehnoañene yeraro potota Cristore wacū tutuerare.

Oh̄o saha ni yahutja m̄sare ahri: <sup>21</sup> Abrahā mari ñecu m̄nano tiquirola mac̄no Isaac wame tiriquirore wej̄ē basamahye Cohācj̄ūre. Sa yero tiquirola ut̄a paca mehna tiquina yeri buhu bui duhu peomahye. Sa duhu peoro Cohācj̄ū dutiriro sahata tiquirola mac̄nore wej̄ēno taro nimahye

Cohācjāre ño peoro taro. Tiquiro sa yegū ihñano “Potota quehnoariquiro ijire,” ni ihñahye Cohācjū tiquirore. <sup>22</sup> Tiquiro sa ni ihñagū ahrire masine masa: Abrahā Cohācjāre wacū tutuaro tiquirore yahñahye. Sa yahñiro Cohācjāre tiquiro wacū tutuayere ihñono niahye. <sup>23</sup> Sa yero Cohācjū yere tiquina ojoari pūpū tiquiro nidiro sahata sa wahahye: “Abrahā Cohācjāre wacū tutuayere. Tiquiro sa yegū ihñano ‘Quehnoariquiro ijire tiquiro’, ni ihñahye Cohācjū tiquirore”, ni ojoahye Cohācjū yere tiquina ojoari pūpū. Tiquiro sa ni ihñagū masiñe “Abrahā Cohācjū mehna cjäno ijire”, nine masa tiquirore.

<sup>24</sup> Sa yena ahri yahñu yahuatire masine masa: “Cohācjāre wacū tutuaja,” nidiquiro, tiquiro quehnoañene yeragū ihñano Cohācjū pehe tiquirore “Quehnoariquiro ijire,” ni ihñedare. Cohācjāre wacū tutuariquiro pehere potota tiquiro quehnoañene yegū ihñano “Quehnoariquiro ijire,” ni ihñare Cohācjū tiquiro pehere. <sup>25</sup> Sata ni ihñahye Cohācjū Rahab wame tiricorore mñna mehna ñano yeducumedicorore. Josué mñnana tiquiro ohoriquinare quehnoano piti ca, “Quehnoano sajā taya,” niahye ticoro. Sa yero tiquina tojoa duagū ticoro pehe ape maha pehere ihñohaye tiquinare “Tiquinare ihñna tuhtiyequina wejēari,” nino. Ticoro sa yegū ihñano “Quehnoaricoro ijire,” ni ihñahye Cohācjū ticorore.

<sup>26</sup> Sata ijire. Mari pagupure jeripohna mariedagū catieraja mari. Sa yero jeripohna mariedagū mari pagu dñhseati ijierare. Sata “Cohācjāre wacū tutuaja,” mari niepegūta mari quehnoañene yeragū queoro ijierare mari wacū tutuaye. Sa yero mari quehnoañene yeye mariedagū mari wacū tutuaye dñhseati ijierare, jeripohna marieni pagu yero saha.

### 3

#### *Mari duseropu wijiayere mari yahuducuyere yahuahye*

<sup>1</sup> Cohācjū yere masare buheyequina tiquiro yere tiquina quehnoano yeragū ihñano tiquina pūritare masare buheyequina yahñoro Cohācjū buhiri dahrerota. Tire masa masine. Sa yena masa mehna cjäna masare buheyequina peyequina ijieracāhdo.

<sup>2</sup> Ijipihtiyequina peye tahari mari ñañene yeaja. Ihcāquiro ñañene yahuducueriquiro Cohācjū cahmeñene quehnoano yeriquiro ijire tiquiro. Sa yero apeye ñañe gūhure yerare.

<sup>3</sup> Ohō saha ijire ahri mari queoye mehna buhegū: Caballo duseropu come pñi tiquiro ñehmenore ña dihori pñine mari cūaja, tiquirore mari majareducagū yena tana. Sa yena ti pñi come pñi mehna tiquirore tiquiro wahatoru mari weje majare docoaja. Ti pñigā meheni pñigā ijiepegūta ti pñigā mehna tiquirore wahagū yeaja mari. Sata mari dusero mehenogā ijiepegūta ti dusero mehna pajiro yeaja mari.

<sup>4</sup> Yucsa quiti mehna queoye mehna yahu nemoutja masare: Yucsa pajiria ijiepegūta tiare wiñnono tutuaro wēdoqueoepēgūta ohoturiquiro pehe meheni pñigā mehna tiare noho tiquiro waha duaropu ohoture. <sup>5</sup> Sata ijire mari duseropu wijiaye. Mari dusero mehenogā ijiepegūta ti dusero mehna pajiro yeaja mari. Meheni pecagā pajiro ti peca uñū cāno saha mari dusero mehna mari yahuducuyere mehna pajiro ñañene yeaja. <sup>6</sup> Sa yero mari dusero uñū peca yero saha ijire. Mari duseropu wijiaye ijipihtiyere ñañene yegū yere marine. Peca uñū ducaro saha mari duseropu wijiaye mehna mari quehnoano ijiborire ña yahñaro yeaja mari. Ñañene yahuducuna watño tiquiro dutiro saha mari yena niaja.

7 Ijipihtiyequinare nɨcɨ cjenare wahiquinare, minicjuare, sihcō cāhñequinare, wahire mari ihña wahägü ye masiaja. Sa yena mari peyequina tiquina borore ihña wahägü ye tuhasau. Sa ye tiquina quehnoano tuho masine. 8 Tiquirenare mari yuhtigü yepegäta mari dusero pehe ñañene yahuducuro ne duhuera yuhduare. Sa yero nuñequinare mari yuhtigü yero saha mari dusero pehere ne yuhtigü ye masiedaja mari. Mari duseropu wijiaye ña yuhduaye ijire. Sa yero aña apequinare tiquireo wejēno saha marine apequina gühare ña yuhduaro wahägü yere mari dusero.

9 Mari dusero mehna Cohäcju mari puhtoro mehna mari quehnoano yahuducuaja. Sa yahuducuepenata masa Cohäcju yero saha ijiyequinare tiquireo bajumehnediquina tiquina ijiyepegäta tiquirenare ña yuhduaro ni yahuducuaja mari. 10 Ihcä duseroputa quehnoañene yahuducuye gühu, ñañene yahuducuye gühu wijiare. Yuhu acaye, sa ni yahuducueracähña. 11 Mägä pohteru aco wijiari coperu quehnoañe aco, ñañe aco gühu ne wijaerare. 12 Yuhu acaye, higuera gü olivo pacare duca tierare. Sa yero uhse da higuera pacare duca tierare. Sa ye moreno mehna pue paca duca tierare. Sa ye mägä pohteru aco wijiari coperu moa yuaye co wijiagü moa marieñe co wijaerare. Sata mari duseropu quehnoañe yahuducuye, ñañe yahuducuye mehna wijaeracähdo.

#### *Quehnoano masiñe waro ohō saha ijire*

13 Ihquēquina msa mehna cjenā quehnoano masiñequina ijire. Sa yena “Apequina yuhduoro quehnoano masiaja usā,” niedacähña. Sa niedana quehnoañene yeya msa. Sa quehnoano yena potota quehnoano masina ijire msa. 14 Sa yena apequiro apee borore tiquireo cuogü ihñana cahme ihña coona, apequina mehna usuaducuna, apequinare yuhduca duana, “Cohäcju yere quehnoano masiaja usā,” niedacähña msa. Msa sa nina ni mehona ijire msa. 15 Sa yeyequina tiquina wacñe Cohäcju ye wacñe ijierare. Tiquina wacñe ahri yehpa cjenā tiquina ñañe wacñe ijire. Tiquina wacñe pehe watno ye ijire. 16 Masare cahme ihña cooyequina, apequinare yedoho dueyequina sa cahme tuhtiducure. Sa ye ijiptiye ñañene yeducure.

17 Apequina pehe Cohäcju yere quehnoano masiñequina pehe tiquina pūrta sa ye maca quēhe niedare. Sa ye tiquina ne cahme tuhtierare. Sa ye masa quehnoañequina, dutiyere quehnoano yuhtiyequina, paja ihñañequina, masare yedohoyequina, masare ihcāno saha yeyequina ijire tiquina. Tire yeye, ni mehono marieno yere tiquina. 18 Sa yena cahmequeno marieno ijina, apequinare “Cahmequedacähña,” mari ni yahuna quehnoañequina wahägü yena nijaja mari masare.

## 4

#### *Ahri yehpa cje ñañene cahmena, Cohäcjure ihña tuhtina ijire msa*

1 ¿Dahse ijiro boro msa cahme tuhtiajari? ¿Sa yena dahse ijiro boro cahmequeajari msa? Ñañene tutuaro cahmena, cahmeque duare msa. Quehnoañene ye duepenata ñañene yere msa. 2 Apee borore msa cahmene. Sa cahmena masare wejēne msa tiquina yere nena tana. Sa yena apequiro apee borore tiquireo cuogü ihñana tire msa tutuaro cahmene. Sa cahmepenata tire nea masiedare msa. Sa yena tire cahme sehña soducure msa. Cohäcjure siniedana, msa cahmeñene ne bocaerare. 3 Sa yena Cohäcjure sinina, msa ye ijati dihitar sinimene msa, msa cahmeno sahata yeducuna tana. Apequina ye ijati pehere sini basaerare. Sa msa sinigü Cohäcju msa siniñene ohoerare.

4 Cohãcjüre duhurina ijire mûsa. Ahri yehpa cjẽ ñañene cahmena, Cohãcjüre ihña tuhtire mûsa. ¿Tire masiedajari mûsa? Sa yero ahri yehpa cjẽ ñañene cahmediquiro Cohãcjüre ihña tuhtiriquire iji tuhasare. 5 Ohõ saha niahye Cohãcjü yere tiquina ojoari pûpu: “Cohãcjü yaquire Espiritu Santore mari mehna ijatiquireo cûri. Sa yero Espiritu Santo pehe marine cahño, ñañene mari tutuaro cahmegûta cahmesãedare tiquireo. Ihcãquireo namonore tiquireo cahĩ doero saha marine tutuaro cahĩne Espiritu Santo”, ni ojoahye panopu. Tiquireo sa ni ojoari ihyo warota ijierare. Poto ijirota nine.

6 Sa yero Cohãcjü marine quehnoano yedohore tiquireore mari quehnoano yuhtiatire. Ohõ saha nine Cohãcjü yere tiquina ojoari pûpu: “Yûhu pûrita arequinare masi yûhdudacaja, nidiquireore, Cohãcjü ihña tuhtire. Apequireo pehere ‘Ñagu, ihyo ijgu ijiaja,’ nidiquireo pehere Cohãcjü yedohore, tiquireo quehnoano yuhti dutiro”, nine tiquireo yere tiquina ojoari pûpu.

7 Sa yena Cohãcjüre quehnoano yuhtina ijiaja mûsa. Sa yena watĩnore yuhtieracãhña. Sa mûsa yuhtieragü ihñano tiquireo pehe mûsare duhti oma cãa waharota. 8 Cohãcjüre quehnoano yuhtiya mûsa. Mûsa sa yegü tiquireo pehe mûsare yedohorota.

Ñana ijire mûsa. Sa yena ñañene ye nemoedacãhña. Ñañe gãhure cahmena, quehnoañe gãhure cahmena ijire mûsa. Sa yena mûsa ñañe yerire bujña witiya. Mûsa sa yegü ihñano Cohãcjü mûsa ñañe yerire cohãnota. 9 Mûsa ñañene yerire tutuaro bujña witiya. Sa yena mûsa ñañe yeri buhirire utiya. Bucueye mehna bujña ijieracãhña. Sa yena mûsa ñañe yerire ñano jeripohna tina, tire bæ tina ijiaja. 10 “Ñagu ihyo ijgu ijiaja yûhu”, nina, Cohãcjüre ño peoya. Mûsa sa yegü tiquireo pehe mûsa ñañe yerire cohãno, quehnoano yerota mûsare.

### *Tiquina acayere Jesu yequinare tiquina basi ñano quiti ye dutierahye*

11 Yûhu acaye, Jesu yequina ijina, mûsa basi ñano quiti yeracãhña. Mûsa acayõre ñano quiti yena tiquireore buhiri dahre duti duana niaga mûsa. Cristo ye dutiye pehe masare buhiri dahre dutiye iji tuhasare. Sa yena masare ñano quiti yena Cristo ye dutiyere ohõ saha nina niaga mûsa: “Marine quehnoano dutierare Cristo ye. Sa yena mari esa tuharo buhiri dahre dufihna”, nina niaga mûsa masare ñano quiti yena. Sa nina Cristo ye dutiyere ñano ni yahuducuna tojoare mûsa. Sa yena ti dutiyere yerana tojoare. 12 Masare dutiyere ohoriquireo, masare beseriquireo Cohãcjãta ijire. Sa yero masare pecapu wahaboriquireo tiquireota yûhduo masine. Sa yero tiquireota masare pecapu cohã masine. Sa yena mari pehe masare “Ñañequina ijire”, ni masiedaja. Cohãcjü dihita mari acayere beseatiquireo ijire.

### *Ñamiare dũhse mari ijiatire masiedaja mari*

13 Yojoõpũre yûhure tũhoya mûsa. Ohõ saha nina tũhoya yûhure: “Miare, ñamiare ape macapu ijina wahanata. Topũre ihcã cũhma ijina, apee boro dua, dũnata. Sa yena wapatanata mari”, nine ihquẽquina mûsa mehna cjẽna Cohãcjüre wacũno marieno. Sa nina ijina, yûhu pehere tũhoya mûsa. Sa niñequinare ahrire yahugu tagu njaja. 14 Ñamiapu dũhse mûsa ijiatire masiedare mûsa. Ehmeo iji, dũita pihti mũjano saha ijire mari ijie tiye. Ehmeo mehenogã iji, pihtia wahare. Ohõ saha mari gãhu mehenogã ijina, yariaa wahanata. 15 Sa yena ohõ saha ni tũhotuya mûsa: “Cohãcjü cahmegü ijinata mari. Sa yena tiquireo cahmegü ohõ saha yenata mari”, ni tũhotuya mûsa. 16 Yûhu sa niepegũta yojoõpũre “Mari esa tuharo ohõ saha yenata”, niducumene mûsa pehe Cohãcjüre wacũno marieno. Sa niducuna ñañene



yere m̄sa. <sup>17</sup> Quehnoañene mari yeatire masiepenata tire yerana, ñañene yena niaja mari.

## 5

### *Doeri cjē opanare yahuahye Santiago*

<sup>1</sup> Doeri cjē opana m̄sa yojop̄are t̄hoya ȳh̄ure. Camer̄p̄are m̄sa ñano ȳhd̄nata. Sa yena uti sañuducuya m̄sa. <sup>2</sup> M̄sa doeri cjē ahba pihtia waharota. Sa ye m̄sa suhtire casia ḡh̄u ihya pehoeta. <sup>3</sup> M̄sa niñerure m̄sa pajiro ihbogū ne ti d̄h̄seati ijierare. Pih̄t̄iri deco panogā m̄sa sa ihbogū ihñano niñerure m̄sa cah̄igū masine Coh̄ācj̄ū. Sa yena niñerure m̄sa cah̄idi buhiri pihtiri deco ijigū ñano ȳhd̄nata pecar̄u m̄sa ūj̄gū m̄sa pagure ūj̄ p̄ero saha. <sup>4</sup> M̄sa weserire dahra cohteyequinare wapa yerari m̄sa. Sa yena m̄sa tiquinare ni mehor̄i. Sa yero tiquinare m̄sa wapa yerari niñerure ihñano, m̄sa ni mehor̄ire masine Coh̄ācj̄ū. M̄sare dahra cohteyequina wapa ye dutiye, sañuducure tiquina. Tiquina sa ni sañuducugū mari p̄h̄toro Coh̄ācj̄ū tutua ȳhd̄nariquiro tiquinare t̄hore. <sup>5</sup> Ahri yehp̄ap̄are peye doeri cjē mehna ijie tiri m̄sa. Sa yena m̄sa bucueye dihitare yee tiri m̄sa. Sa yena pajiriquiro wec̄u tiquina quehnoano nuriquiro yero saha ijire m̄sa. Sa ye pajiriquiro wec̄u pajiro tiquiro ihyari batō tiquirore tiquina wej̄ati cuhtur̄u ne c̄āre. Sata m̄sa ḡh̄ure pajiro m̄sa c̄ori bato m̄sare tiquiro buhiri dahreator̄u ne c̄anota Coh̄ācj̄ū. <sup>6</sup> Quehnoañequinare peresu ye, wej̄e dutiri m̄sa tiquinare. M̄sa sa yegū tiquina pehe duhti wijia masiedare.

### *Cristo tiquiro tojoa tatire quehnoano cohte dutiahye marine Santiago*

<sup>7</sup> Sa yena ȳh̄u acaye, mari p̄h̄toro Cristo ahri yehp̄ap̄are tiquiro tojoa tatire quehnoano cohteya. Wese up̄aro tiquiro oteye d̄uca tiati pjere quehnoano tiquiro cohtero saha quehnoano cohteya. Tiquiro oteyep̄are “Acoro ahtaahro” nino tiquiro ya wesere ti quehnoano pih̄niatire quehnoano cohtere tiquiro. <sup>8</sup> Sata m̄sa ḡh̄u quehnoano cohteya. Mari p̄h̄toro tiquiro tojoa tato mehenogā d̄h̄sare. Sa yena Coh̄ācj̄ure sa wacū tutuaducuya m̄sa. Sa yena tiquiro ahtatire sa cohteducuya m̄sa. <sup>9</sup> Ȳh̄u acaye, m̄sa basi ñano quit̄i yerac̄h̄ña Coh̄ācj̄ū m̄sare “Buhiri dahreari”, nina. Sa yena ahrire wacūña m̄sa. Buhiri dahreatiquiro tiquiro ahtato mehenogā d̄h̄sare. <sup>10</sup> Ȳh̄u acaye, ñano ȳhd̄nepenata mari p̄h̄torore quehnoano cohteya Coh̄ācj̄ū yere yahu m̄h̄tariquina tiquina yeriro sahata. Tiquina ihc̄āno sahar̄iro sahata ihc̄āno sahaya, tiquinare ihñña cūna.

<sup>11</sup> Sa yena ahri ȳh̄u yahuatire wacūña m̄sa. Ñano ȳhd̄nepeta Coh̄ācj̄ure duhueyequina bucueyequina ijire. Panor̄u c̄j̄anore Job wame tiriquirore tuhori m̄sa. Tiquiro ñano ȳhd̄neperota Coh̄ācj̄ure duhuerahye. Sa yero tiquiro ñano ȳhd̄nari bato Coh̄ācj̄ū tiquirore quehnoano yeahye. Coh̄ācj̄ū mari p̄h̄toro quehnoano paja ihñariquiro ijiro, sata yeahye tiquiro. Ti ijip̄ihtiyere masine m̄sa.

<sup>12</sup> Ȳh̄u acaye, ahrire t̄hoya. Oh̄o saha ni wame peore masa: “Ūhm̄use c̄j̄ano mehna potō nina niaja”, nina masare t̄hō dutiye. Tiquina yero saha sa ni wame peoerac̄h̄ña. Ūhm̄use mehna, ahri yehpa mehna, apee boro mehna sa ni wame peoerac̄h̄ña. Ahrire m̄sare tutuaro dutiaja. M̄sa apequinare yahuna, quehnoano potota yahuya tiquinare. Ni wame peo yahu nemoedac̄h̄ña. Sa m̄sa potō yahugū ihñano Coh̄ācj̄ū sijoro saha m̄sa nidi buhirire buhiri dahresi.

<sup>13</sup> M̄sa mehna c̄j̄ano ñano ȳhd̄nariquiro ijiro, Coh̄ācj̄ure siniahdo tiquiro. Apequiro bucuieriquiro ijiro Coh̄ācj̄ure bucueye mehna basaahro. <sup>14</sup> M̄sa

dohatina, Jesu yequina puhtoare pijioya m̄sa. M̄sa sa pijiogū tiquina pehe m̄sare uhse mehna wisōeta. Sa yeye mari puhtorore Cohācjūre m̄sare sini basaeta tiquina. <sup>15</sup> Sa tiquina sini basagū “Mari sinino sahata tiqiro yerota”, tiquina ni tuhotugū Cohācjū m̄sare dohatinare yuhduorota. Sa yero m̄sare quehnoana wahagū yerota mari puhtoro. Sa ye m̄sa ñaṇe yeri buhiri m̄sa dohatina ijigū ihñañe m̄sare sini basaeta. Tiquina sa sini basagū ihñano m̄sa ñañe yerire borota Cohācjū. <sup>16</sup> Sa yena m̄sa mehna cjēnare m̄sa ñañe yerire cahme p̄a peheri yahu yuhduya. Sa yena m̄sa basi Cohācjūre cahme sini basaya. M̄sa sa sini basagū m̄sa sini basariquinare Cohācjū yuhduorota. Quehnoañene yena m̄sa ijigū Cohācjūre tutuaro m̄sa sini basariro sahata yerota Cohācjū. Sa ye m̄sa sini basaye tutuarāga. Ihyo ijiye ijierare. <sup>17</sup> Cohācjū yere yahu muhtariqiro manano Elia wame tiriqiro mari yero sahata mas̄no ijie tiahye. Sa yero “Acoro ahtaeracāhdo” ni tutuaro siniahye Cohācjūre. Tiqiro sa ni sinigū ihtia c̄hma quehnoano ape c̄hma deco ahri yehpap̄re ne acoro ahtaerahye. <sup>18</sup> Sa yero pari turi tja Cohācjūre acorore tiqiro sinigū acoro ahtahye. Sa yero pari turi ahri yehpap̄re yuc̄ari pihni, b̄c̄ca, d̄ca tiahye. Sa ye Cohācjūre mari siniñe ihyo ijiye ijierare.

<sup>19</sup> Ȳh̄n̄ acaye, m̄sa mehna cjūno Cohācjū yere cohāriqiro Cohācjū yere pari turi tiqiro cahmeatire tiqirore yahuna, quehnoano yena nine m̄sa. <sup>20</sup> Sa yena ahrire masiña m̄sa: Cohācjūre duhuriqirore Cohācjūre pari turi cahmegū yena, p̄c̄ap̄re wahaboriqirore yuhdugū yena niaga m̄sa. Sa yero tiqiro ñañe yerire Cohācjū borota.

# 1 San Pedro

## *Jesu yequinare macari wahariquinare ojoa ohoahye Pedro*

<sup>1</sup> Yuhh, Pedro, Jesucristo tiquiuro buhe duti cürigata ijjaja. Sa yegh mäsare yoaro cjë macariph waharinare Ponto yehparh, Galacia yehparh, Capadocia yehparh, Asia yehparh, Bitinia yehparh ti yehpariph waharinare mäsare ijpihtinare ojoa ohoaja yuhh. Mäsare quehnoa duti ojoaja yuhh. <sup>2</sup> Coã waropure Cohäcjü mari Pacu “Ohõ saha yeitja”, tiquiuro ni wacüyuriro sahata mäsare beseahye. Tiquiro sa beseri bato tiquiuro yaquiro Espiritu Santo mäsare Cohäcjü yequina ijigü yeahye. Sa yeahye tiquiuro Jesucristore quehnoano yuhhtiana mäsa ijiatire, tiquiuro dii cohãno mehna mäsa ñañene cosenohrina mäsa ijiatire. Cohäcjü cahñe mehna tutuaro quehnoa dutiaja mäsare.

## *Jesu yequina ijina marine hhmsep tiquiuro neatire cohtena niaja mari*

<sup>3-5</sup> Cohäcjü marine tutuaro paja ihñano, Jesucristo yaria masa majari mehna marine pecarh wahaborinare yuhdügü yere tiquiuro. Sa marine yuhdügü tiquiuro yegü pari turi mari masa bajariri saha Cohäcjü pohnata wahaja mari. Sa wahana tiquiuro mehna mari sa ijiducuatire quehnoano masiaja mari. Sa yero mäsare quehnoano yero taro mäsare cohtero nine. Tiquiro mehna mäsa sa ijiducuatire cünata tiquiuro. Sa yena sa ijiducunata mäsa. Sa yero tiquiore mäsa wacü tutuagü, Cohäcjü tiquiuro tutuaye mehna mäsare ihña ihboro, yuhdügü yerota. Pihtiri deco ijigü mäsare tiquiuro yuhdhorire masigü yerota tiquiuro. Marine tiquiuro sa paja ihñagü ihñana, tiquiore Cohäcjüre mari pãhtoro Jesucristo pacãrore ño peouhna.

<sup>6</sup> Sa tiquiuro yuhdhoana ijina, mehenogã ahri yehparh mäsa ijiro puno peye tahari mäsa ñano yuhdnepenata bucuere mäsa. <sup>7</sup> Sa ñano yuhdnepenata Cohäcjüre cohãedana mäsa tiquiore wacü tutuaye potota ti ijigü tire masigü yena niaga mäsa. Uru ahri yehpa cjë pürita pihtia waharota. Uru yuhdoro mäsa wacü tutuaye pehe ihyo waro ijierare. Sa ye masa uru ti ijiyere masi duaye doha tuhu ihñare. Uruire tiquina doha tuhu ihñano saha mäsa wacü tutuayere Cohäcjü ihña duaro “Ñano yuhdñahro”, niboaga mäsare. Mäsa sa ñano yuhdri bato potota tiquiore mäsa quehnoano wacü tutuaducugü ihñano, Cristo ño peoye mehna mäsare “Quehnoano yeri mäsa”, ninota. Ahri yehparh tojoa taro sa ninota.

<sup>8</sup> Tiquiore Jesucristore mäsa ihñedapenata cahñe mäsa. Sa yena yojopure tiquiore ihñedapenata tiquiore wacü tutuare. Sa wacü tutuana, tutuaro bucuere mäsa. Cohäcjü tiquiuro sa mäsare bucuegü yegü tutuaro bucuere mäsa. Ti bucueye quehnoa yuhdñare. <sup>9</sup> Sa yero Cohäcjü mäsare pecarh wahaborinare yuhdügü yerota, mäsa tiquiore quehnoano wacü tutuagü.

<sup>10</sup> Cohäcjü mäsare tiquiuro sa yuhdhoatire panorh cjëna Cohäcjü yere yahu mähtariquina tire masi duaye, sinitue tiahye. <sup>11</sup> Cristo tiquiuro ñano yuhdñatire, tiquiuro masa majatire, ijpihtiyequina pãhtoro tiquiuro ijiatire tiquiuro masa bajuato panorãta tire yahuyu tuhasae tiahye tiquina. Jesucristo yaquiro Espiritu Santo tiquiuro yedohoye mehna sa yahuyeahye tiquina. Sa ye tiquina Cohäcjü yere yahu mähtariquina tiquina yahurire quehnoano masi duaye sinitue tiahye tiquina Cohäcjüre. “Cristo wihirota”, Espiritu Santo tiquiuro nidire “¿Noa boro pehe ijirrotari?” ni sinitue tiahye tiquina. Tiquiro wihiatu pje gãhure sinitue tiahye. <sup>12</sup> Tiquina yahuyuri tiquinare masi pehogü yeati ijierahye. Maripare masi pehogü yeatire sa ni

yahue tiahye. Tire tiquinare masigū yeahye Cohācjū. Ʋhmusepū ahtariquiro Espiritu Santo yedohoye mehna yojoṗure quehnoañe buheyere mūsare usā yahuaja. Panopū mūsa masiatire tiquina yahuyuri tita ijire yojoṗure mūsare usā yahuye. Ti buheyere angele gūhū tutuaro masi duae tiahye.

### *Cohācjū marine ñañe mariena iji dutire*

<sup>13</sup> Sa yena quehnoano wacū masitjiāna ijiyuya mūsa. Sa yena tuho masina ijiya. Cristo tiquiro toja tagū Cohācjū mūsare quehnoano tiquiro yeaire wacūña. Sa yena tire quehnoano cohteya. <sup>14</sup> Panopū Cohācjūre masiedarīna ñañene tutuaro cahmena ijimedi mūsa. Yojoṗure tire yeracāhña. Sa yena tiquina pohne tiquina pacūsumtūare quehnoano tiquina yūhtiro saha yeya mūsa. <sup>15</sup> Sa yena tiquiro yequina ijiatire mūsare beseriquiro ñañe marieniquiro tiquiro ijiro sahata mūsa gūhū ñañe mariedacāhña. Sa yena quehnoañe dihitare yeya. <sup>16</sup> Sata ni ojoahye Cohācjū yere tiquina ojoari pūpū: “Ñañe mariegū ijiaja yūhū. Yūhū sa ijigū mūsa gūhū ñañe mariena ijiya”, ni, ojoahye.

<sup>17</sup> Tiquiro Cohācjū ijipihtiyequinare tiquina yerire ihñano ihcāno saha besere tiquinare. Ñañequinare, quehnoañequinare besere. Tiquiro sa yeriquiro ijigū tiquirore “Yūhū Pacū” ni duana quehnoano yeya. Ahri yehpāpū mūsa ijiro puno cua pesaro mehna quehnoano ijiducuya mūsa. <sup>18</sup> Mūsa ñecūsumtūa mūna panopū cjenā tiquina yeri ne dahseati ijierahye. Mūsa gūhū tiquina yeriro saha yena mūsa ijiepegūta Cristo mūsare tiquiro yequina ijigū yeri. Wapamoñequinare tiquina wapamōrire tiquina boriro sahata tiquiro pehe mūsa ñañe yerire potota bo cāhri. Tire quehnoano masine mūsa. Mūsare sa yero plata mehna, uru mehna wapa ye woierare tiquiro mūsare sa yero. Plata, uru butia waharota. <sup>19</sup> Tiquiro pehe oveja quehnoariquiro, wete marieniquiro yero sahata ijiriquiro Cristo tiquiro dii mehna tiquiro yariari mehna mūsa ñañe yerire cohā, mūsare yūhduorota. Tiquiro dii mehna marine sa yero quehnoano waro yero nidi. <sup>20</sup> Panopūre ahri yehpare tiquiro bajumheato pano Cristo tiquiro sa wahatire masi tuhasahye mari Pacū. Yojoṗū pehere pihtiasi deco panogā ijigū, Cristore quehnoano masigū yeri mari Pacū mūsare. <sup>21</sup> Cristo yedohoro mehna mari Pacūre wacū tutuare mūsa. Mari Pacū pehe Cristore yariariquirore masori jiri. Sa yero tiquirore Ʋhmusepū cūno ijipihtiyequinare tiquirore ño peogū yeahye mari Pacū. Tiquiro sa yegū mari Pacūre wacū tutuare mūsa. Sa yena mūsare tiquiro yūhduoatire quehnoano masine mūsa.

<sup>22</sup> Quehnoañe buheyere tiquiro nidiro sahata yena ijina, mūsa ñañe yerire cohānohrina ijire mūsa. Sa yena potota mari acayere Jesu yequinare cahī masine mūsa. Sa yena mūsa mehna cjenare mūsa jeripohnari mehna tutuaro cahīña. <sup>23</sup> Sa yena coā bajuayequina yero saha ijina Cohācjū pohna wahari mūsa. Mari pacūsumtūa mehna masa bajarina ijina came yarianata. Ti yero saha ijierare Cohācjū pohna mūsa wahagū. Cohācjū buheye mehna tiquiro catigū yeye buheye mehna tiquiro pohna wahari mūsa. Ti buheye mehna Cohācjū mehna sa ijiducunata mari. <sup>24</sup> Ohō saha nine Cohācjū yere tiquina ojoari pūpū:

Ijipihtiyequina masa taa yero saha ijire. Sa ye quehnoañe tiquina cūoye, taa cohori yero saha ijire. Taa ñaia wahare. Cohori gūhū buru dijia, ahbaa wahare. Ti yero saha yariare masa gūhū. <sup>25</sup> Mari pūhtoro ye buheye pehe ne pihtisi. Tiquiro nidiro sahata sa waharota, ni ojoahye. Ti buheye mūsare tiquina yahuri quehnoañe buheyeta ijire.

## 2

1 Sa yena ijipihtiye ñañe yeyere, ni mehoñene, masa ihñono dihita quehnoano iji mehoñene, apee borore tiquina cmoğū cooyere, apequinare ñano quiti yeyere tire duhuya masa. 2 Sa yena coā masa bajuayequina epēcore tiquina cahmeno saha masa gāhū quehnoañe buheyere Cohācjū yere tutuaro cahme nemoña. Sa cahme nemoña masa tiquiore masa wacū tutua nemoaire, tiquiore yūhdūonohatina masa ijiatire. 3 Sata ijinata masa. Mari pñhtoro masare tiquiore quehnoano yeyere mehenogā masi tuhasare masa.

*Cristo catigū yeriquiro utā yero saha ijire*

4 Cristo catigū yeriquiro utā yero saha ijire. Wūhū dahreyequina ihcāria utāre tiquina cahmedaro saha masa tiquiore cahmedare. Cohācjū pehe tiquiore ihñagū tiquiore beseriquiro quehnoa yūhdūariquiro ijire. Tiquiore sa ijiriquiro ijigū tiquiore wacū tutuaya. 5 Sa yena masa gāhū wūhū cjē utā paca yero saha ijire. Masa sa ijina Cohācjū ya wūhū cjē utāre ihcāno saha tiquina cūriro saha masa tiquiore yequina gāhū ihcāno saha quehnoano ijinata. Sa yena Cohācjū ya wūhū cjāna quehnoana pahia ijinata masa. Sa yena Jesucristo yedohoye mehna Cohācjū yere quehnoano yenata masa. Masa sa yegū ihñā bucueroa Cohācjū. 6 Ohō saha nine Cohācjū yere tiquina ojoari pūpū:

Utā wūhūpū tiquina cū māhtaria mariedagū wūhūre ye dūca masiedare. Sata Cristo marieno yeequina waha masiedare masa. Sa yero tiquiore ihyo ijiriquiro ijierare. Sa yegū tiquiore Jerusalēpū yojopūre cūgū niaja. Tiquiore yūhū beseriquiro quehnoa yūhdūariquiro ijire. Sa ye tiquiore wacū tutuayequina bucueeta, ni ojoahye.

7 Tiquiore wacū tutuayequina pehe quehnoa yūhdūaro wahaeta. Sa yero ihyo ijiriquiro ijierare tiquiore. Tiquiore wacū tutuayequina pehe sijoro saha wahaeta. Tiquinare ohō saha nine Cohācjū yere tiquina ojoari pūpū.

Ahriquiro Cristo utā yero saha ijire. Utāre wūhū dahreyequina tiquina bese cohāno saha masa tiquiore cohāeta. Tiquina sa yepēgāta yojopūre wūhū dahreyequina wūhūre yeye, tiquina cū māhtaria utāre tiquina cūno saha Cohācjū tiquiore pñhtoro cūri, ni, ojoahye.

8 Ahri gāhūre nine Cohācjū yere tiquina ojoari pūpū:

Omariquiro utāre doque wahā saro tiquiore esaborirore ne eserare. Sata utā yero saha ijiriquirore Cristore cahmedana, tiquiore yūhdūucana, Cohācjū cahapū esasi mari, ni ojoahye panopū.

Tiquina Cohācjū ye buheyere yūhtierare. Sa yeye panopū tiquiore ni ojoariro sahata Cristore cahmedare. Cohācjū panopū “Sa waharota”, tiquiore ni-di-ro sahata Cristore cahmedare tiquina. Sa yeatiquinare cūahye Cohācjū tiquinare.

*Ohō saha ijire Cohācjū yequina*

9 Masa pehe Cohācjū beserina ijire. Tiquiore mari pñhtoro tiquiore yequina pahia, tiquiore yere ye basana ijire masa. Sa yena tiquiore ya curua cjāna ñañe mariedana, Cohācjū yequinata ijire masa. Sata ijire masa. Cohācjū tiquiore quehnoa yūhdūayere tiquiore yerire apequinare yahuatana ijire masa. Masare beseahye tiquiore masare ñañene ye dutieraro. Sa besero quehnoañe pehere yeanajare cūri masare. 10 Panopūre dahseatina ijierari jiri masa. Yojopū pūritare Cohācjū yequina ijire masa. Panopūre masare paja ihñariquiro masare mariedahye. Yojopū pūritare masare Cohācjū paja ihñari.

*Cohācjū yere yena ijiya masa*

<sup>11</sup> Yuhũ cahĩna, ahri yehpapũ iji dojoatina ijierare m̄sa. Cohãcjũ yequina ijire m̄sa. M̄sa sa ijina ijigũ ahrire tutuaro yahuaja m̄sare: M̄sa ñaĩe tutuaro cahmeĩene yeracãhña. Tĩ ñaĩene tutuaro cahmena, ñana wahana niaga m̄sa. <sup>12</sup> Cohãcjũre cahmeeĩequina watoa ijina quehnoano yena ijiya m̄sa, m̄sare “Yahusãri”, nina. M̄sa sa yegũ tiquina yojoap̄re m̄sare ñano yahusã duepeta, m̄sa quehnoano yeyere masieta tiquina. Sa masiĩe, tiquina Cohãcjũre “Quehnoagũ, tutuagũ ijire”, nieta. Sata nieta Cristo ahri yehpapũ tiquiro tojoa tagũ.

<sup>13</sup> Mari pũhtoroŕe yuhti duana ahri yehpa cjẽna pũhtoŕa gũhũre yuhtiya m̄sa. Roma cjãnore m̄sa ijiphtina pũhtoroŕe tiquiro gũhũre yuhtiya. <sup>14</sup> Pũhtoŕe yũhdũdũcayequinare buhiri dahre dutiro, ohori pũhtoro tiquiroŕe yedohoyequinare. Sa yero quehnoano yeyequinare “Quehnoano yeri m̄sa”, ni dutiro ohori tiquiro tiquinare. Tiquiro sa ohogũ, tiquinare yuhtiya m̄sa. <sup>15</sup> M̄sa quehnoano yegũ ihñaĩe tuho masiĩequina tiquina esa tuhoro m̄sare quiti dahre duepeta quiti dahre masiedare. M̄sa sa yegũ cahmene Cohãcjũ. Sa yena m̄sa pũhtoŕe yuhtiya.

<sup>16</sup> Cohãcjũ m̄sa pũhtoro ijire. Apequina cahacjãna ijierare m̄sa. Sa ijiepenata “Usãre dutiriquiro mariedare. Sa yena ñaĩene yematja”, ni tuhotueracãhña, “Ñaĩene yeŕari”, nina. Cohãcjũ cahacjãna ijire m̄sa. Sa yena tiquiroŕe quehnoano yuhtina ijiya m̄sa. <sup>17</sup> Ijiphtiyequina masare ño peoya. Mari acaye Jesu yequinare cahĩna. Cohãcjũre ño peoye mehna ihñaĩe. Ahri yehpa cjẽna pũhtoro gũhũre ño peoya.

*Cristo ñano yũhdũro tiquiro ihcãno sahariro sahata ihcãno sahaya m̄sa gũhũ*

<sup>18</sup> Cahacjãna, m̄sa cua pesaro mehna m̄sa pũhtoŕe yuhtiya. Quehnoañequina, m̄sare quehnoano yeyequina dihitarẽ yuhtina ijieracãhña. M̄sa mehna usuayequina gũhũre yuhtiya m̄sa. <sup>19</sup> M̄sa ñano yerap̄gũta m̄sare tiquina buhiri dahregũ “Cohãcjũ cahmeno sahata ye duaja”, m̄sa ni tuhotugũ tire m̄sa ihcãno saha gũ “Quehnoano yeri m̄sa”, ninota Cohãcjũ m̄sare. <sup>20</sup> M̄sa ñano yeri buhiri tiquina m̄sare buhiri dahregũ tire m̄sa ihcãno saha gũ ti dahseati ijierare. Sa yena m̄sa quehnoano m̄sa yeri buhirire tiquina buhiri dahregũ tire m̄sa quehnoano mehna ihcãno saha gũ Cohãcjũ “Quehnoano yeri m̄sa”, ninota m̄sare.

<sup>21</sup> Sa ñano yũhdũanajare m̄sare tiquiro yequina iji dutiri jiri Cohãcjũ. Cristo m̄sa ye ijiatire ñano yũhdũri tiquiroŕe m̄sa ihña cũatire. <sup>22</sup> Tiquiro ne ñano yerari. Sa yero ne ni mehoedari. <sup>23</sup> Tiquiroŕe tiquina tuhtigũ, tiquiro pehe tiquinare tuhti cahmedari. Tiquiroŕe tiquina ñano yep̄gũta “Quẽitja m̄sare”, ne niedari. Tiquina sa yep̄gũta tiquinare Cohãcjũ tiquiro buhiri dahreatire potota tiquiro yeatire masino, “Yuhũ Pacũpũ tiquinare buhiri dahrerota”, ni tuhoturi. <sup>24</sup> Tiquiro basi curusapũ mari ñaĩe buhirire yariari. Sa waha yariari pari turi mari ñaĩene yeratire, Cohãcjũ cahmeĩe pehere mari yeatire. Tiquiro ñano camĩ tire, marine pecapũ wahaborinare yũhdũoro taro. <sup>25</sup> Oveja wisiaye tiquina butiriro sahata mari gũhũ pecapũ butiatina ijimi. Yojoŕpũ pehere Cristore, ovejare ihña ihboriquiroŕe yero saha ijiriquiroŕe, marine ihña ihboriquiroŕe wacũ tutuaja mari. Sa wacũ tutuana, tiquiro yequina wahaũ mari.

<sup>1</sup> Sa yegü cahacjênare yuhü dutiriro sahata mûsa namosãnumiare dutiitja. Mûsa manûsumûare yuhdüdücaeracâhña tiquina Cohâcjü buheyere tiquina cahmeatire. Ihqêquina tiquina Cohâcjü buheyere cahmeênequina ijiye, tiquinare mûsa yuhdüdücaeragü ihñañe Cohâcjü ye buheyere cahmeboaga tiquina. Ti buheyere mûsa yahuerapegûta tiqiro yere cahmeboaga tiquina.

<sup>2</sup> Sata cahmeboaga tiquinare mûsa quehnoano yeyere, mûsa ño peoye gûhure ihñañe. <sup>3</sup> Mûsa numia, cariboyequina numia yero saha yeracâhña. Sa yena mûsa poarire wûhapo sepahtana numia, uru darire busana numia, wapa bujûye suhtire sañana numia ijieracâhña, umûa mûsare “Ûe pjegü yeari”, nina. Mûsa pagûire masa tiquina ñe pjegü yeracâhña. <sup>4</sup> Sa yena mûsa cua pesaro mehna apequinare tutuaro cahñe mehna yena, cua pesaro mehna yahuna, ti pehere ihña bucuegü yeya. Ti pehere mûsa yegü ihyo waro ijierare, Cohâcjü ihñagü. <sup>5</sup> Sata yee tiahye panopû cjêna numia Cohâcjü yequina numia. Tiquina numia Cohâcjüre wacü tutuaye numia ijiye, tiquina manûsumûare yuhdüdücaera tiahye. <sup>6</sup> Sata Sara ticoro manûno Abrahâre quehnoano mehna yuhtie tiahye. Sa yero tiqirore “Pûhto”, ni pisuahye. Sa yena mûsa quehnoano yena numia ijina, cuero marieno ijina numia ijina, Sara yero saha ijire mûsa gûhü.

<sup>7</sup> Sata mûsa umûa gûhü mûsa namosãnumiare quehnoano yeya. Tiquina numia mari umûa yero saha tutuayequina numia ijierare. Sa yena ño peoye mehna quehnoano yeya tiquina numiare. Cohâcjü ijipihtiye decori tiqiro mehna mari ijiatire tiqiro ohoriro sahata tiquina numia gûhure ohorota tiqiro. Tiquina sa ijiyequina ijigü tiquina numiare quehnoano yeya. Cohâcjüre mûsa siniñene mûsa dojomehnedatire tiquina numiare quehnoano yeya.

*Quehnoano tiquina yepegûta apequina tiquinare ñano yeyere yahuahye Pedro*

<sup>8</sup> Ahri mehna mûsare yahu bato tiitja: Mûsa ijipihtina ihcãno saha quehnoano mehna ijiya. Sa yena mûsa mehna cjênare quehnoano paja ihñaña. Mûsa acaye Jesu yequinare pûa peheri cahme cahña. Sa yena quehnoano yeya tiquinare. Sa ye “Ihyo ijina ijiaja”, ni tuhutuya. <sup>9</sup> Apequina mûsare tiquina ñano yegü tiquinare ñano ye cahmedacâhña. Mûsare tiquina tuhtigü tiquinare tuhti cahmedacâhña. Mûsare tiquina sa yepegûta quehnoano yeya tiquinare. Sa yena “Quehnoano ijiya”, niña tiquinare. Tire yeatinare tiqiro yequinare cûri mûsare Cohâcjü pehe mûsare quehnoano yero taro.

<sup>10</sup> Sata nine Cohâcjü yere tiquina ojoari pûpû: Mûsa quehnoano bucueye mehna iji duana ne ñano ni yahuducueracâhña. <sup>11</sup> Ñaño yeyere duhu cãhña. Quehnoañe pehere yeya. Cahme mûsa basi ihña tuhtiro marieno ijiya. Tire tutuaro yeya. <sup>12</sup> Quehnoañequinare mari pûhtoro sa ihña ihboducuro nine. Sa yero tiqirore tiquina siniñene sa tuhoducuro nine. Ñano yeyequina pehere tiqiro ihña tuhtire, ni ojoahye.

<sup>13</sup> Quehnoañene mûsa tutuaro ye duagü apequina pehe mûsare ñano yuhdügü ye duaye, ye masisi tiquina. <sup>14</sup> Quehnoano mûsa yepegûta mûsare tiquina ñano yuhdügü yegü ihñano Cohâcjü mûsare quehnoano yerota. Tiqiro sa yegü mûsare ñano ye duayequinare cueracâhña. Sa yena bujûa witieracâhña. <sup>15</sup> Mûsa Cristore “Ûsã pûhtoro ijire”, ni tuhutuna, ño peoya tiqirore. Sa yena Cristore mûsa wacü tutuayere, Cohâcjü mehna mûsa ijiatire apequina sinituboaga. Tiquina sa sinituato pano tiquinare mûsa yuhtiatire quehnoano masiyuya. Sa yuhtina cahño mehna, quehnoano ño



peoye mehna yahuya tiquinare. <sup>16</sup> Quehnoana ijiya. Sa yena “Ñañene yeaja”, ni tahotusi m̄asa. Sa ye Cristo yere quehnoano yena m̄asa ijigū apequina m̄sare ñano quti yeye, buoro wahaeta tiquina. <sup>17</sup> Ñañene m̄asa yeri buhiri m̄asa ñano yuhdugū quehnoaedare. Sa yero Cohācjū cahmegū quehnoañene m̄asa yeri buhiri m̄asa ñano yuhdugū quehnoarīne ti pūrta.

<sup>18</sup> Sata ñano yuhduri Cristo. Ihcā tahata ijipihtiyequina tiquina ñañe buhirire yariari tiquiro. Quehnoariquiro ijiri. Sa yero mari ñañe buhiri ñano yuhduri tiquiro. Ñano yuhduri tiquiro marine Cohācjū yequina wahagū yero taro. Tiquiro pagu yariaa wahari. Yariari bato tiquiro masari jiri. <sup>19</sup> Sa masariquiro ijiro tiquina buhiri dahreatire cohteyequina m̄ana yari-ariquina m̄ana jeripohnarine buheahye tiquiro. <sup>20</sup> Sa cohteyequina panoru Cohācjūre yuhtierariquina m̄ana ijahye. Ti pjeru Noé tiquiro ijiri pjeru, pajiria yuc̄sare dohoro niahye. Tiare tiquiro dohori watoa Cohācjūre yuhtierariquina m̄nare tiquina yuhtigū cahmeno, tiquina yuhtiatire yoari pje cohtemahye Cohācjū. Sa ye meheñequinagā ocho masa dia minidi pjeru yuhduahye. <sup>21</sup> Minigū tiquina yuhduriro saha wame yeye mehna yuhdure masa. Mari pagure mari wete tu cosero saha ijierare wame yeye. Sijoro saha ijire wame yeye. Ñañe mariena mari ijiatire Cohācjūre mari siniñe ijire ahri wame yeye. Sa yena Jesucristo tiquiro masa mujari mehna yuhduaja mari. <sup>22</sup> Tiquiro Jesucristo ahmusepu wahahye poto pehepu dujiro taro, Cohācjū mehna dutiro taro. Sa yero tiquiro angele bui, ahmuse c̄jena puhto bui, dutiyequina bui tiquina puhtoro ijire.

## 4

### *Cristo yequina ijina quehnoañe pehere comesarina injinata*

<sup>1</sup> Mari ñano yuhduna ñañe yeyere duhu c̄jā mari. Sa yena Cristo ñano yuhdoro tiquiro cuerariro sahata tiquiro usuerariro sahata m̄asa gūhu tiquiro yero sahata yeya. <sup>2</sup> Sa yeya m̄asa ñañene m̄asa u pjerire m̄asa duhuro quehnoano, Cohācjū cahmeñe pehere m̄asa yero quehnoano.

<sup>3</sup> Panoru Cohācjūre cahmeñequina ñañene tiquina u pjerire tiquina yeriro sahata yeducumahye m̄asa gūhu. Bue tiro marieno ñano yena, ñañene tutu-aro m̄asa u pjerire yena, quehena, queheye bose decorire yena, “Cohācjū ijire”, m̄asa niñe queoyere ño peona ti pehere yee timahye m̄asa. Ti queoyere ihña yabire Cohācjū. Sa yena to punota ye bato tiya. <sup>4</sup> Sa ye ti ña yuhduayere yeyequina mehna m̄asa ijigū yojopure m̄asa tire yeragū ihñañe tiquina pehe ihña maria wahari. Sa ye tiquina m̄sare quti dojomehnedi. <sup>5</sup> Tiquina sa yegū ihñano tiquina ñañe yerire Cohācjū pehe sinituro, yahu yuhdu dutirota tiquinare. Tiquiro catiyequinare, yariariquina gūhare beseatiquiro buhiri dahreatiquiro ijire. <sup>6</sup> Tiquiro sa beseatiquiro ijigū Jesu yequina pehe yojopure yariariquina m̄nare quehnoañe buheyere yahuri tiquina yariato pano. Sa ni yahuri tiquina pagurire Cohācjū tiquiro yaria dutiepegūta. Sa yahuri tiquinare Cohācjū ijipihtiyē decori tiquiro ijiro saha tiquiro mehna tiquina ijiducuatire.

<sup>7</sup> Pihtiatu deco mehenogā duhsare. Sa yena quehnoano wacū masina ijiya, yojopure Cohācjū mehna m̄asa quehnoano yahuducuatire. <sup>8</sup> Apequinare cahña, peye tahari tiquina ñañene tiquina yepegūta sa ihña c̄jā mari. Sa yena m̄asa mehna c̄jenare sa cahiducuya. Apeye dutiye yuhduoro ahrireta yeya. <sup>9</sup> M̄asa mehna c̄jenare unureno marieno m̄asa ye wuhusepu sajā ta dutiya. <sup>10</sup> Cohācjū m̄sare ijipihtinare m̄asa yeatire cūri. Tiquiro sa cūgū, m̄asa ye masino sahata m̄asa mehna c̄jenare tire quehnoano yeya. Cohācjū m̄sape

cūri m̄sa yeatire. Tiquiro cūriro sahata apequinare quehnoano yedohona, Cohācjū cūriro saha quehnoano yena niaga m̄sa. <sup>11</sup> M̄sa quehnoano yahuna, Cohācjū tiquiro yahuboriro saha quehnoano yahuya m̄sa gāh̄. Masare yedohona Cohācjū tiquiro cūri tutuaye mehna apequinare yedohoya. Ti ijiphiytyere yena Cohācjūre masa tiquina ño peoatire sa yeducuya. Jesu-cristo pehe tire m̄sa yegh̄ yedohorota. Tiquirore ijiphiytye decori ño peo, “Tutuagū ijire”, nino cahmene ijiphiytyequinare. Sata niahdo.

### *Jesu yequina tiquina ijiri buhiri tiquina ñano yūhd̄yere yahuahye Pedro*

<sup>12</sup> Yūh̄ cahña, yojop̄re ña yūhd̄aro yūhd̄ana, “Yohou, sijoro saha ijiro wahaga yahure”, ni, wacūedacāhña. <sup>13</sup> Cristo tiquiro ñano yūhd̄ariro saha m̄sa gāh̄ tiquiro yero saha sa wahana, bucueya m̄sa. Sa bucuena Cristo asi siteye mehna tiquiro tojoa tagū m̄sa quehnoano bucuenata. <sup>14</sup> Cristo yequina m̄sa ijiri buhiri apequina m̄sare tiquina tuhtigū Cohācjū yaquiuro Esp̄ritu Santo asi siteriquiro m̄sa mehna ijiro nine. Sa yena bucueya m̄sa.

<sup>15</sup> Sa yena masare wejēdacāhña m̄sa. Apee borore yaqueracāhña. Ñano yeracāhña. Sa yena apequina tiquina yerire ihñana tiquinare sijoro saha ni dojomehnedacāhña. Ti buhiri m̄sa ñano yūhd̄agū ñar̄ine. <sup>16</sup> Sa yena Cristo yequina m̄sa ijiri buhiri ñano yūhd̄ana, b̄e tieracāhña. Ñano yūhd̄epenata Cristo yequina m̄sa ijiye mehna bucuena, Cohācjūre “Quehnoare”, ni, ño peoya m̄sa.

<sup>17</sup> Cohācjū tiquiro yequina yerire ihñano tiquiro beseati pje ijiro nine yojop̄re. Ijiphtina mari tiquiro yequina mari yerire ihñano bese m̄htanota, “Ahri ñañe ijire. Ahri quehnoañe ijire”, nino. ¿Sa bese m̄htano d̄hse yerotari tiquiro yequina ijieyequina pehere? Tiquirore yūhtieyequina pehere tutuaro buhiri dahrerota. <sup>18</sup> Sa ye quehnoañequina yūhd̄eta. Tiquina sa yūhd̄ati mijo cjūre. Ti sa mijo cjūgū Cohācjūre cahmeeñequina, ñañequina pehe ne yūhd̄si. Basioerare tiquinare. <sup>19</sup> Sa yena Cohācjū cahmegū m̄sa ñano yūhd̄ana, quehnoañene m̄sa yerire duhueracāhña. Sa yena m̄sare bajumehnediquirore, m̄sare ne duhueriquirore tiquirore wacū tutuaya m̄sa.

## 5

### *Jesu yequina tiquina yeatire yahuahye Pedro*

<sup>1</sup> Yojop̄re Jesu yequina p̄htoare yahutja. Yūh̄ Jesu yequina p̄hto ijiaja. M̄sa gāh̄ tiquina p̄htoata ijire. M̄sare yūh̄ yero saha p̄htoa ijinare ahrire yahugū tagū niaja yūh̄. Cristo tiquiro ñano yūhd̄arire ihñarigū ijigū, ūhm̄sep̄u Cristo mehna yūhd̄acjū ijigū ahrire m̄sare yahutja: <sup>2</sup> Cohācjū yequina oveja yero saha ijire. M̄sa pehe ovejare ihña ihboyequina yero saha ijire. Tiquinare Cohācjū m̄sare tiquiro cūriquinare tiquiro yequinare quehnoano ihña ihboya. Sa yena Cohācjū tiquiro cahmediro sahata quehnoano jeripohna tiye mehna tiquinare ihña ihboya. Sa yena tiquinare ihña ihbona, “Ūsā ihña ihbori wapa ññerure wapatanata”, niedacāhña m̄sa. Cohācjū cahmeno sahata yeducuna ijiya. <sup>3</sup> Sa ihña ihbona tiquinare ñano dutiperacāhña. Sa yena quehnoano yeya m̄sa Jesu yequina m̄sare tiquina ihña cūatore. <sup>4</sup> M̄sa sa yena Cristo ijiphtinare marine ihña ihboriquiro tojoa tagū tiquiro m̄sare quehnoañene ohoatire m̄sa yūhd̄atire c̄onata. Ti m̄sa c̄oati ne pihtisi.

<sup>5</sup> Tiquinare yūh̄ dutiriro sahata m̄sa wahma p̄ja gāh̄ m̄sa p̄htoare yūhtiya. Sa yena m̄sa mehna cjēnare ijiphiytyequinare ño peoya.

“Masi yuhdudacaja”, niñequina pehere Cohācjū ihña tuhtire. Apequinare ño peoyequina pehere “Ihyo ijina ijiaja”, ni tahotuyequina pehere quehnoano yere tiquiro.

<sup>6</sup> Sa yena Cohācjū tutuariquiro musare tiquiro dutigū tiquirore ño peoya. MUSA sa yegū tiquiro queori pje ijigū musare apequina ño peoeta tiquiro dutiro mehna. <sup>7</sup> Tiquiro musare pajiro tūhotu ihña ihbore. Sa yena tiquirore wacū tutuana, ne pajiro tahotueracāhña musa pehe.

<sup>8</sup> Sa yena wacū masi ijiya. Musare ihña tuhtiriquiro wafino yairo usuariquiro tiquiro maca ihya duaro saha musare ñano yuhdugū ye duare. Sa yero musare ñano ye dutire. <sup>9</sup> Ijipihtiroḡa ahri yehpapare apequina Jesu yequinare ñano yuhdugū yere wafino. Tire masina, tiquirore yuhtieracāhña. Sa yena Cristore tutuaro wacū tutuaya musa. <sup>10</sup> Sa yena mehenogā musa ñano yuhduri bato Cohācjū musare yedohorota. Musare quehnoana ijigū yerota. Sa yero tiquirore musa wacū tutua nemogū, tiquirore musa ne duhueragū yerota musare. Tiquiro ijipihtiye decori ḡhmuseḡa Cristo mehna musa ijiatire musare cūriquiro ijire. Tiquiro Cohācjū ijire ijipihtiyequinare paja ihñariquiro. <sup>11</sup> “Ijipihtiye decori tiquiro tutuariquiro ijire”, ni ño peouhna tiquirore. Sata yeihna.

### *Quehnoa duti bato tiahye Pedro*

<sup>12</sup> Ahri pū meheni pūgāre musare yuhḡa oho duagū Silvano pehe yuhḡe ojoa basari. Tiquiro Jesu yaquiro yuhḡa acayaro Jesure duhueriquiro ijire, yuhḡa tahotugū. Musare quehnoano yahu duaja. Sa yegū “Ahri buheye potota Cohācjū marine tiquiro cahñene yahuri buheye ijire”, ni yahugū musare ahri pūre ojoaja. Sa yena ahri buheyere ne duhueracāhña musa.

<sup>13</sup> Musare tiquiro yequina ijiatinare tiquiro beseriro sahata Jesu yequina Babilonia cjēna gūhḡe beseahye Cohācjū. Tiquina pehe musare quehnoa dutire. Marco gūhḡa yuhḡa macḡa yero saha ijiriquiro musare quehnoa dutire.

<sup>14</sup> MUSA mehna cjēnare quehnoano mehna piti caya.

Ijipihina Jesucristo yequinare quehnoa dutiaja musare.

## 2 San Pedro

### *Jesu yequinare ojoa ohoahye Pedro*

<sup>1</sup> Yũhũ Simo Pedro, Jesucristo buhe duti tiquiro cũrigũ ijiaja. Sa yegũ tiquiro cahacjũta ijiaja. Sa yegũ mũsare ojoa ohoaja yũhũ. Cohãcjũ marine yũhdũoriquiro Jesucristo pehe ñaÑe marieniquiro ijire. Sa yero tiquirore mũsa wacũ tutuagũ, tiquiro yequina wahagũ yeri jiri mũsare. Sa wahana mũsa gũhũ usã yero saha tiquiro yequina ijire. Mari ihcãno saha tiquiro yequina ijiaja. Sa yegũ mũsare ojoa ohoaja. <sup>2</sup> Sa yena Cohãcjũ gũhũre, mari pũhoro Jesu gũhũre masi nemona tiquina cahĩÑe mehna quehnoano ijiducunata mũsa. Sa quehnoano mũsa ijiatire mũsare sini basaja. Sa yegũ mũsare quehnoa dutiaja.

### *Ohõ saha ijire Cristo yequina*

<sup>3-4</sup> Tiquiro yequina ijiatinare Cristo marine pijiri. Tiquiro sa pijigũ tũhona, tiquirore yũhtii mari. Sa yũhtina Cohãcjũre masi nemona, tiquiro tutuaye mehna tiquiro cahmeno sahata quehnoana ijinata mari. Tiquiro ijire tiquiro yequina ijiatinare marine pijiriquiro. Quehnoariquiro, masi pehoriquiro tiquiro ijiro sahata ijiatinare marine pijiriquiro ijire. Sata tiquiro tutuaye mehna marine quehnoa yũhdũaro yeri. “Ohõ sahata mũsare quehnoano yeitja”, tiquiro nidiro sahata marine quehnoa yũhdũaro yeri. Marine tiquiro sa yegũ ahri yehpa cjẽ ñaÑene, ñaÑene mari Ʃe pjeje pehere mari duhu cjã. Ti ñaÑe pehe marine ñano wahagũ yemedi. Sa yena tiquirore yũhtina, Cohãcjũ ijiro saha ijinata mari. <sup>5</sup> Sa yena Cristore wacũ tutuana iji tuhasare mũsa. Sa yena ohõ saha ye nemoña tja: Quehnoana ijiya mũsa. Quehnoano wacũ masina ijiya mũsa. <sup>6</sup> Ñano ye duepenata Cohãcjũ cahmeÑe pehere yeducuya mũsa. Sa yena Cristo yequina mũsa ijiri buhiri ñano yũhdũepenata sa ihcãno sahaducuya mũsa. Sa yena Cohãcjũre ño peona, tiquiro cahmeÑene yeya mũsa. <sup>7</sup> Sa yena mũsa mehna cjẽÑare cahme cahĩna, tiquinare quehnoano yedohoya mũsa. Sa yena ijiphtiyequina apequina gũhũre cahĩña mũsa.

<sup>8</sup> Mũsa sa ye nemogũta quehnoa yũhdũare. Mũsa sa ye nemona, quehnoañene yena ijiducunata. Sa yena Cristo tiquiro cahmeÑene quehnoano yeducuna ijinata mũsa. Ihyo ijina ijisi mũsa. Sa ye Cristore mũsa wacũ tutuari ihyo warõta ijisi. Yũhũ nidiro sahata mũsa ye nemogũ quehnoa yũhdũare. <sup>9</sup> Mũsa sa ye nemoedana Cohãcjũ yere ne masiedabutiare mũsa. Sa ye nemoedana Cristo mũsa ñano yerire tiquiro cohãire ne wacũedare mũsa. Sata bo cã duare mũsa. <sup>10</sup> Sa yena, yũhũ acaye, Cohãcjũ yequina ijiatinare mũsare tiquiro iji dutigũ yũhtiri mũsa. Sa yũhtirina ijina, tiquiro yere wacũducu duana, tiquiro cahmeÑene tutuaro sa yeducuya. Mũsa sa yena potota Cohãcjũ mehna ijinata mũsa. Sa yena potota tiquiro beserina ijinata mũsa. Sa yena ñaÑene yeducusi mũsa. <sup>11</sup> Mũsa sa tiquiro cahmeno saha yerina ijina mari pũhoro marine yũhdũoriquiro Jesucristo tiquiro ijipõpõ quehnoano wahanata mũsa. Potota tiquiro yequina waro mũsa ijigũ ihñano “Quehnoano mehna yũhũ mehna ijiya mũsa”, ninota Jesu mũsare.

<sup>12</sup> Sa yegũ ahrire mũsare sa wacũgũ yeducuutja. Ahri mũsare yũhũ yahurire masi tuhasari mũsa. Sa masina Cohãcjũ yerre mũsa tũhoro sahata quehnoano yena nine mũsa. Sa yerina mũsa ijiepegũta ahri mũsare yũhũ yahurire sa wacũgũ yeducuutja mũsare. <sup>13-14</sup> Mehenogã dũhsare yũhũ yariato. Tire quehnoano yahuri mari pũhoro Jesucristo yũhũre. Sa yegũ catinigũ waro ahri yũhũ yahurire mũsare sa wacũgũ yeducuutja. Yũhũ

sa yegū quehnoarīne. <sup>15</sup> Sa yegū ahri yūhū yahu ojoarire mūsare ojoa cū pehogatja, yūhū yariari bato mūsa quehnoano masiatire. Sa yena ahri yūhū yahurire sa wacūducunata mūsa.

*Cristo tutuariquiuro tiquiro ijiye tiyere ihñahye Pedro gāhū*

<sup>16</sup> Sa yena Cristo tiquiro tutuaye gāhūre tiquiro ahtati gāhūre mūsare yahuna, usā esa tuharo yahuna niedaja. Tutuariquiuro tiquiro ijiyere usā basita ihñahū. <sup>17</sup> Cristo tutua yūhdūariquiuro tiquiro ijiyere usāre ihñori Cohācjū mari Pacū. Tiquiro sa ihñogū tiquiro pehe quehnoano asi siteriquiro ijiri. Tiquiro sa asi sitegū ohō saha nino ca tari ti asi siteropū: “Ahriquiuro yūhū macū, yūhū cahīniquiuro ijire. Tiquiro mehna quehnoano bucueaja”, nino ca tari usā tūhogū. <sup>18</sup> Ūhmūsepu tiquiro sa nigū tūhou usā. Cūnū buīpu Cohācjū tiquiro ijiri cūnūpu Cristo mehna ijii usā.

<sup>19</sup> Tire ihñarina ijina, Cohācjū yere yahu mūhtariquina panopū cjēna tiquina ojoari potota ijigū quehnoano masiaja usā. Tiquina ojoarire quehnoano buheducuna quehnoano yena nine mūsa. Ti tiquina ojoari Cohācjū yere marine quehnoano masigū yere. Ahri yehparū ñano tiquina yeri yehparū mari ijigū quehnoano masigū yere marine. Sa yena Cohācjū yere tiquina ojoarire sa buheducuya. Sa buheducuna Cristo tiquiro tojoa tagūpu buhe dahunata. Sa tojoa taro tiquiro yere mari masiedarire marine quehnoano masi pehogū yerota. <sup>20</sup> Ijipihtiye ti yūhū yahuri yūhdūoro ahri pehere quehnoano masiña mūsa: Cohācjū yere panopū tiquina ojoarire buhena mari esa tuharo tire buhena, “Ohō saha nino niaga”, ni masiedaja mari. Espiritu Santo yedohoro mehna masiaja mari. <sup>21</sup> Ne masa tiquina esa tuharo Cohācjū yere ojoerahye. Panopū cjēna Cohācjū yere tiquina ojoagū Espiritu Santo pehe tiquina ojoatire tiquinare masigū yeahye.

## 2

*“Cohācjū ye buheye ijire”, ni meho buheyequinare yahuahye Pedro (Jud 1.4-12)*

<sup>1</sup> Panopū mari acaye judio masa mehna cjēna “Cohācjū yere yahu mūhtarina ijiaja”, ni mehoñequina ijie tiahye. Tiquina yero sahata yojopū gāhūre mūsa mehna cjēna sa ni mehoñequina ijietā. Potota tiquina buheboro sahata ni mehoñe pehere buheeta. Sa buheye Cristo ye buheye pehere dojomehneeta. Sa ye “Cristo yūhdūonohrina ijiaja”, niepeta Cristo dutiyere ne yūhtierare tiquina. Sa ye tiquirore “Usā pūhtoro ijire”, ni tūhotuerare. Ti ijipihtiye tiquina sa yeri buhiri duita tiquinare Cohācjū pecarū waha dutirota. <sup>2</sup> Sa ni meho tiquina buhegū tūhoye tiquina ñañene tutuaro cahmediro sahata peyequina masa tiquinare ihñā cū ñano yeeta. Tiquina sa ñano yegū ihñañe apequina masa gāhū quehnoañe buheyere ñano quiti dahreeta. <sup>3</sup> Sa ye tiquina ni mehoñequina niñerure wapa cahmeñe, ni mehoñe buheyere buheeta mūsare. Tiquina sa buheri buhiri Cohācjū tiquinare pecarū waha dutirota. Panopūre sa yeyequinare buhiri dahre duti tuhasahye tiquiro.

<sup>4</sup> Sata panopū buhiri dahre dutiahye ñañequina angele gāhūre. Tiquinare pecarū peresu yeahye. Sa yero pihtiri deco bato tiquinare buhiri dahrerota.

<sup>5</sup> Sata panopū cjēnare Cohācjūre cahmeñequinare buhiri dahreahye. Sa yero ijipihtiro ahri yehpare miono, ijipihtiyequina ñañequina masare mio wejēahye. Sa yero Noēne tiquiro mehna cjēna gāhūre yūhdūoahye. Tiquina ijipihtiyequina tiquiro yūhdūoriquina ocho masa ijiahye. Noē pehe quehnoañene ye dutiro ti pje cjēnare buhee timahye. <sup>6</sup> Sata Sodoma wame tiri maca cjēnare, Gomorra wame tiri maca cjēna gāhūre Cohācjū

buhiri dahreahye. Ti macarine peca mehna quehnoano ujāa peho cāhye. Sa yero camep<sub>u</sub> ijiatiquinare tiquireore cahmedatiquinare ihñono niahye. Ñañequinare tiquireo buhiri dahreatire ihñono niahye tiquinare. <sup>7</sup> Sa yero Lote wame tiriquirore yahduoahye. Lote pehe quehnoariquireo ijiahye. Sa quehnoariquireo ijiro Sodoma cjēna Cohācjū dutiyere yahduaducayequina ña yahduaro tiquina yegū ihñano caributia wahahye tiquireo Lote. Sa yero amna tiquina basi tiquina pagari mehna tiquina ñano yegū ihñano caributia wahahye tiquireo. <sup>8</sup> Tiquireo quehnoariquireo ñañequina watoa ijiahye. Sa yero decorige ña yahduaro tiquina yegū ihñano, ñano tiquina yahuducugū tūhoro ñano jeripohna tiahye. <sup>9</sup> Tiquireore Cohācjū yahduogū ihñana ahri yah<sub>u</sub> yahutire masiaja mari. Cohācjū mari pūhtoro tiquireore cahmeñequinare tiquina ñano yahdugū ihñano tiquinare yahduorota. Sa yero ñañequina pehere peresu yero, tiquinare cūore pihitiri deco ijigū tiquireo buhiri dahreatiquinare.

<sup>10</sup> Ñañene tutuaro ne pjeyequina Cohācjūre yahduaducayequina tiquina pūritare ñano buhiri dahrerota tiquireo. Tiquina masa mehna cjēna ni meho buheyequina ñañene yeye, ne cuerare. Sa ye bue tierare tiquina. “Apequinare masi yahduaducaja”, ni tuhutuyequina ijire tiquina. Sa ijiyequina ijiye ahmuse cjēna tutuayequinare ne ño peoera, ñano ni bujupere tiquinare. <sup>11</sup> Angele pehe ne tiquina yero saha yerare. Tiquina pehe ni meho buheyequina yahduoro tutuayequina ijire. Sa ijiepeta tiquina ne bujupere mehna ni meho buheyequinare ñano yahusāedare Cohācjūre, yahduaducayequina ijiye.

<sup>12</sup> Sa ye ahriquina ni meho buheyequina pehe nacu cjēna wahiquina yero saha tūho masieñequina ijire. Nucap<sub>u</sub> boca sa tiquina wejēatiquina yero saha ijire tiquina. Tiquina basi cahmeno saha yere tiquina. Sa ye tiquina masieñequinare bujupere, ñano ni yahuducu cohtere. Sa yeyequina ijigū wahiquinare mari wejēdiro saha Cohācjū tiquinare pecap<sub>u</sub> cohānota. <sup>13</sup> Sa yero tiquina ñano yeri buhiri buhiri dahrerota Cohācjū. Tiquina ñañene tutuaro cahmene. Sa ye ñano yeducure. Masa mehna bose deco yeye, ti bose deco ijigū tiquina ñañene ye yahduare. Sa yeye masa bose decore tiquina wete ohōno saha tiquina ñañene pihore masare.

<sup>14</sup> Sa ye numiare ihñañe, ñehe duare tiquina. Sa ye ñañene sa yeducu duare. Cohācjūre wacū tutuera cjūñequinare ñañene ye dutiye, sa ijiyequinare tiquinare ihña cūgū yere. Sa ijiye tiquina sehsaro apee borore, niñeru gūhure ni meho ehma mihniñequina ijire. Tiquina Cohācjū tiquireo buhiri dahreatiquina ijire. <sup>15</sup> Tiquina Cohācjū yere buheraye, sijoro saha ijiye buheye pehere buhere. Sa ye Balāa yero saha yeye nine. Balāa, Beor macano ijiahye. Tiquireo pehe panop<sub>u</sub> tiquireo ñañe yeri mehna niñerure wapata duamahye. <sup>16</sup> Tiquireo sa yegū ihñano tiquireo yacoro burro tuhtiahye ticoro uparore. Tiquireo yacoro burro yahuducuericoro ijepegūta Cohācjū ticoro uparore tuhti dutiahye ticorore. Ticoro sa tuhtigū tūhoro Balāa tutuaro tiquireo ñañene ye duamedire duhu cāhye.

<sup>17</sup> Ahriquina ni mehoñequina mări pohterip<sub>u</sub> aco marieno yero saha ijire. Aco mariñe pohteri ti dahseati ijieraro saha tiquina ni mehoñequina ne dahseati ijierare. Sa ye ehmeo cururi wiñono ti wēdoqueoye cururi ti sa camesaducuro sahata, tiquina ni mehoñequina gūh<sub>u</sub> ihcāno saha yahuducuera, sa camesaducure. Sa yero nahitiano warore quehno tuhasahye Cohācjū top<sub>u</sub> tiquinare buhiri dahrero taro. <sup>18</sup> Tiquina ni mehoñequina tiquina yahuducuyere dahseati ijierare. Masiñequina yero saha masare sa buhe maca cāhre. Ohō saha ni buhere tiquina: “Mari cahmeno sahata mari yegū quehnoarñe”, ni buhemene tiquina. Tiquina sa ni buhegū masa tūhoye ñañene ne pjeje, tiquina ye buheyere cahmene. Apequina masa Cohācjūre

potota coã cahme ducayequina mehenogãta wahare tiquina ñañene tiquina duhuri bato. Tiqinane ni mehoñequina buhegũ tahoye ñañene cahmene tja Cohãcjũ yequina ijiboriquina ijiepetã. <sup>19</sup> Tiqinane ohõ saha ni buhere ni mehoñequina: “Mari cahmeno sahata mari yegũ quehnoarĩne”, ni buhemene tiquina. Tiquina sa ni buhepegãta tiquina nidiro saha waharare tiqinane. Ñañene duhu dueraye, tire duhu masiedabutiare. Tiquina sa ñano yeye, “Queoro ijire usã yeri”, ni tahotumene tiquina. Sa ye tiquina ti ñañene ne duhu masiedare. Ti ñañe tiquina pãhtoro yero saha ijire.

<sup>20</sup> Mari pãhtoro Jesucristore marine yuhduoriquire coã cahme ducayequina pehe ahri yehpa cjẽ ñañene duhu cãmedĩ. Tiquina sa duhuri bato pari turi ñañene yeye, ña yuhduaro tojoare tiquina. Cristore tiquina masiãto pano tiquina iji muhtariro yuhduoro ña yuhduaro tojoare, pari turi ñañene yeye. <sup>21</sup> Sa ña yuhduaro tojoaye quehnoañe buheye pehere tiquina ne masi muhtaedagũ quehnoa yuhduboya tiqinane. <sup>22</sup> Sa ye pari turi ñañene yeye, masape tiquina ni yahuducue tiro saha yee nine tiquina. Ohõ saha ni yahuducue masa: “Diero etoa tuhasa pari turi tiquire etoa cõrĩre ihyare. Sa yero yesere tiquina coseri bato pari turi tiquire ñari sahparũ cuhsare tja. Sata yere quehnoañene cahmemediquina gũhu pari turi ñañene cahmeñe tja”, ni yahuducue tire masa.

### 3

#### *Cristo ahri yehparũ tiquire tojoa tatire yahuahye Pedro*

<sup>1</sup> Yũhu cahĩna, musare ihcã pũ ojoa oho tuhasan. Sa yegũ ahri pũre tja yojopũre musare ojoa ohogũ niãja. Sa yegũ pũa taha ojoagũ ahri ijipihitiyere musare wacũgũ ye duagu niãja quehnoañe dihitare musare tahotu dutĩgũ.

<sup>2</sup> Ahri yũhu yahuatire wacũña masa: Panopũ cjẽna quehnoañequina Cohãcjũ yere yahu muhtariquina mũna tiquina yahu ojoarire wacũña. Sa yena mari pãhtoro marine yuhduoriquire Cristo tiquire dutiye gũhare wacũña. Ti dutiyere usã tiquire cõrina musare buhei.

<sup>3</sup> Sa yena ahrire wacũ muhtaña: Pihtiati deco panogã Cohãcjũ yere bujũpeyequina ijietta. Tiquina ñañene tutuaro cahmeducuyequina ijieye, ti ñañene yeducueta. Ohõ saha ni bujũpeeta: <sup>4</sup> “Cristo ‘Tojoa tautja’, nieperota ne tojoa tasi. ¿Tojoa ta dueperota duhsero ne bajuerajari tiquire? Ahri yehpa iji ducari bato mari ñecũsmũna mũna iji turiayequina tiquina yariari bato ijipihitiro sijoro saha waharo marieno sa ijiducure. Mũnanota sa ijiducu cãre. Sa yero ahri yehpare ahtatiquire umũsepare mariedare”, ni bujũpeyequina ijietta.

<sup>5</sup> Sa ni bujũpeye ahri pehere ne wacũ duerare tiquina: Panopũre Cohãcjũ tiquire dutiro mehna ahri yehpare, umũse gũhare bajumehneahye. Sa yero ahri yehparũ aco dihita ijirirore dihta ijigũ yeahye tiquire. Sa yero aco mehna ahri yehpa yojopũre ti ijiro sahata ahri yehpare yeahye tiquire.

<sup>6</sup> Sa yero camerũ ahri yehpare miono, cohã pehoahye ahri yehpa cjẽne. Sa yero ahri yehpare ihcã tahata sijoro saha wahagũ ye tuhasahye Cohãcjũ. <sup>7</sup> Sa sijoro saha wahagũ yeperota yojopũre umũsere, ahri yehpa gũhare pari turi comesagũ yerari tiquire. Tiquire dutiro mehna ahri yehpare, umũse gũhare yojopũre ti ijiro sahata ijiducu nemogũ yero nine. Sa yero cohtero nine came ijipihitropũre ujũano taro. Sa cohtero nine Cohãcjũ tiquire cahmeeñequinare buhiri dahrero taro. Sa buhiri dahrero tiqinane pecapũ cohãnota.

<sup>8</sup> Yũhu cahĩna, ahrire wacũña masa: Mil cahmarine “Yoa yuhduari pje ijire”, mari ni tahotuepegãta ihcã decota ijire, Cohãcjũ ihñagũ. <sup>9</sup> “Cohãcjũ tiquire nidiro saha umũñano yerabutiare”, nine masa. Sa ijierare. Masare



quehnoano ye duaro cohtenino nine. Ne ihcãquiro masunore pecapũ cohã duerare tiquiro. Sa yero ijipihtiyequina tiquina ñañene bujua witiğũ, ñañene duhugũ cahmeno nine tiquiro.

<sup>10</sup> Ñamipure yaque bucuro tiquiro wacũeno mehna yaquero sajãriro saha Cristo ahri yehpapure wacũeno mehna ahtarota. Tiquiro ahtagũta to tutuaro bisigũta ahmũse cjẽ pihtia waharota. Ujũ pihtia waharota. Sa yero ahri yehpa gũhũ, ahri yehpa cjẽ gũhũ ujũ pihtia waharota.

<sup>11</sup> “Ahri ijipihtiye pihtia waharota”, Cohãcjũ nigũ tuhona ñañene duhuna, Cohãcjũ cahmeñene yero cahmene marine. <sup>12</sup> Mari pũhtoro ahri yehpapũ tiquiro ahtatire cohtena, sojaro mehna tiquiro ahtagũ yeya mũsa. Ti deco ahmũse cjẽ ujũ pihtia waharota. <sup>13</sup> Ti sa cuaro wahati ijiepegũta mari pehe Cohãcjũ ni cũriro sahata ijipihtiyere tiquiro comesagũ yeatire cohteaja mari. Ijipihtiye ti ujũ pihtiaro bato ohõ saha ijirota. Uhmũsepe gũhũ ahri yehpapũ gũhũ wahma ijirota. Sa ye ti pjeppure quehnoañe dihitare yeeta ijipihtiyequina. Tireta cohteaja mari.

<sup>14</sup> Sa yena yũhũ cahĩna, mari pũhtoro tiquiro ahtatire cohtena, Cohãcjũ ihñonopũ quehnoano yena ijiya mũsa. Sa quehnoano yena ijiya mũsa Cohãcjũ mũsa mehna tiquiro bucueatire. <sup>15</sup> Sa yena yoa cjũri pje tiquiro bajueragũ ihñana ahrire masiña mũsa. Masa tiquirore cahmeñequina tiquiro yũhũoatiquina dahsarĩne yojopũ. Sa yero tiquinare cohtenino nine Cohãcjũ. Sata ni mũsare ojoa ohori jiri mari acayuro mari cahĩniquiro Pablo. Cohãcjũ masiñe mehna tire ojoari jiri tiquiro. <sup>16</sup> Sa dihita ni ojoari jiri Pablo tiquiro ojoaripe. Cristo tiquiro ahtatire, ñañene yeeyequina mari ijiati gũhũre yahuro ohõ saha dihita ni ojoari jiri tiquiro. Ihquẽ tahari mijo cjũñene tiquiro yahu ojoari jiri. Apequina ne masieñequina, tuho masieñequina ni mehoñe mehna tiquiro sa nidire comesa mũjare. Sa ye tiquiro sa nidi ijiepegũta sijoro saha ni comesa yahure tiquina. Apeye Cohãcjũ yere tiquina ojoari pũri gũhũre sata yeri tiquina. Tiquina sa yegũ ihñano Cohãcjũ tiquinare buhiri dahrero, pecapũ cohãnota.

<sup>17</sup> Yũhũ acaye, yũhũ cahĩna ahri ijipihtiyere ti sa wahato pano yahuu mũsare. Sa yena ahrire masina, quehnoano yeya mũsa. Ñañequina mũsare sijoro saha ni tiquina buhegũ tuhoeracãhña tiquinare, “Cristo yere duhuari”, nina. <sup>18</sup> Sa yena mari pũhtoro marine yũhũoriquirore Cristore quehnoano wacũ tutua nemoña mũsa. Tiquirore quehnoano masi nemoña mũsa. Yojopure, ijipihtiye decori tiquirore quehnoano ño peouhna mari. “Quehnoariquiro, tutuariquiro ijire”, niuhna mari tiquirore. Sata niuhna.

## 1 San Juan

### *Jesucristo catiyere ohoriqiro ijire*

<sup>1</sup> Jesu Cohãcjũ mari Pacũ ye yahuducuyere yahuriqiro ijire. Duita coã waropũta ijiriqiro tiqiro mari Pacũ mehna masare sa ijiducugũ yeriqiro ijiahye. Yojoþure usã tiqiro yere, tiqiro ijiye tiyere yahu ojoana niaja. Tiquirore tãhona, tiqiro waroreta ihñau usã. Sata ijire. Tiquirore ihñana, usã omocarĩ mehna tiqirore dahra tuhuu. <sup>2</sup> Ahriqiro mari Pacũ mehna sa ijiducugũ yeriqiro ahri yehpapũ tiqiro masa bajuari bato tiqirore usã ihñau. Sa yena tiqirore yahuaja usã musare. Ijipihtiyere decori mari Pacũ mehna tiqiro ijiducuriqiro ijigũ, yojoþure mari Pacũ tiqirore ihñori usãre. Tire yahuaja usã musare. <sup>3</sup> Mari Pacũ mehna cjãna ijiaja usã. Tiquiro macũno mehna cjãna gãhu ijiaja usã. Sa yena musa gãhu usã mehna cjãna, mari Pacũ mehna cjãna, tiqiro macũno mehna cjãna musa ijiatire usã ihñarire, usã tãhorire musa gãhure usã yahuaja. <sup>4</sup> Ahrireta usã ojoaja quehnoano mari bucueaire.

### *Buhrioro to wete marieno saha Cohãcjũre ñañe ne mariedare*

<sup>5</sup> Ahri buheye Cohãcjũ macũno usãre tiqiro yahuri ijiye nine. Yojoþuta ahrire yahunatja usã musare: Cohãcjũ buhrioro yero saha ijire. Buhrioro to wete marieno saha tiqirore ne ñañe mariedare. Ñañe nahitiano yero saha ijire. Cohãcjũre ne ñañe mariedare. Tiquiro sa ijiye tiyere yahuaja musare. <sup>6</sup> Sa yena nahitianopũ ijina yero saha mari ñañene yena ijiepenata “Cohãcjũ mehna cjãna ijiaja”, nina, mari ni mehona niaja. Sa yena Cohãcjũ yere queoro yeraja. <sup>7</sup> Sa yena buhrioropũ ijina yero saha Cohãcjũ tiqiro yeriro sahata mari quehnoañe pehere yena, apequina Jesu yequina mehna quehnoano ijina niaja. Mari sa yegũ Cohãcjũ macũno Jesu tiqiro dii cohãno mehna, curusapũ tiqiro yariari mehna ijipihtiyere mari ñañe yerire bore.

<sup>8</sup> “Yũhu pũrita ne ñañene yeraja”, ni wacũna, mari ni mehoñene tãhotuna niaja. Mari sa ni tãhotuna Cristo yere ne masiedaja. <sup>9</sup> Sa yena Cohãcjũre mari ñañene mari yahu yãhdũgũ tiqiro poto yeriqiro mari ñañene borota. Sa yero ijipihtiyere mari ñañe yeri gãhure, mari ñano tãhotuye gãhure cose werota tiqiro. Tiquiro ni diro sahata yeriqiro ijire. <sup>10</sup> “Ñañene yeraja”, nina, “Cohãcjũ ni mehoriqiro ijire”, nina niaja mari. Sa niñequina tiqiro buheyere cahmedare.

## 2

### *Cristo marine yedohore*

<sup>1</sup> Yũhu pohna, musare “Ñañene yeari”, nigũ ahrire ojoagũ niaja. Yũhu sa ni ojoapegũta ñañene yeboaga musa. Musa sa yegũ ihñano Jesucristo quehnoariqiro musa ye ijiatire tiqiro Pacũrore ohõ saha ni sini basarota: “Ahriquina tiquina ñañene yeri buhirire buhiri dahreracãhña”, ni sini basarota tiqiro Pacũrore. <sup>2</sup> Cristo mari ñañene cohãriqiro ijire. Mari ñañene mari dihitarere cohãedare. Ijipihitiro cjẽna gãhure tiquina ñañene cohã masine tiqiro.

<sup>3</sup> Cohãcjũ dutiyere yena, tiqirore potota quehnoano masiaja mari. <sup>4</sup> Ihcãqiro Cohãcjũ dutiyere yeraperota “Yũhu Cohãcjũre masiaja”, nino, tiqiro ni mehoriqiro ijire. Sa yero Cristo yere ne masiedare. <sup>5</sup> Apequiore pehe Cohãcjũ dutiyere yeriqiro Cohãcjũre tutuaro cahñiqiro ijire.

“¿Cohācǵū mehna cǵāna ijiajari mari?” ni masi duana, ohō saha mari masinata: <sup>6</sup> Cohācǵū mehna cǵāno Jesucristo quehnoañene tiquiro yeriro sahata yeriquiro ijire. Sata yeducuuhna mari.

### *Wahma dutiroke yahuahye*

<sup>7</sup> Yūhū cahīna, ahri dutiro yojopure musare yūhū yahuati wahma dutiro ijierare. Ahri dutiro musa coā waropure cūoriro muna dutirota ijire. Ti dutiroke musa taho tuhasari. <sup>8</sup> Yojopure pehere musare yūhū yahuati muna dutiro ijieperota wahma dutiro gāhū ijire. Cristo gāhū, musa gāhū ti dutiroke yere. Yojopure nahitiano pihti cā mari ihña masino saha mari masiedarire masi dūca cāna niaja mari. Sa yero buhrioro mehna mari ihña masino saha Cristo musare poto ijiyere masigū yero ahta tuhasari.

<sup>9</sup> “Yūhū buhrioropure ijiriquiro yero saha Cohācǵū dutiyere yegū ijiaja”, ihcāquiro nieperota, apequinare ihña tuhtiro, tiquiro Cohācǵū dutiyere yerare. <sup>10</sup> Sa yero apequirore cahīniquiro pūrita buhrioropure ijiriquiro yero saha Cohācǵū dutiyere yeriquiro ijire tiquiro. Sa yero ñañene pari turi ye duerare. <sup>11</sup> Masare ihña tuhtiriquiro pehe nahitianopure ijiriquiro yero saha ijiro nine. Tiquiro caperi bajeriquiro yero saha ijire. Tiquiro wahatore ihña masiedare tiquiro.

<sup>12</sup> Yūhū pohna, Cristo tiquiro yariari mehna musa ñañe yerire cohāri jiri. Sa yegū musare yahu ojoagu niaja. <sup>13</sup> Musa pacusumua gāhū, musa Cristore coā waropure ijiriquirore masine musa. Musa sa masigū ihñagu musa gāhure yahu ojoagu niaja. Musa wahma pjia ñariquiro watinore yūhduducari musa. Musa sa yūhduducana ijigū musa gāhure yahu ojoagu niaja.

Yūhū pohna, mari Pacure musa masine. Musa sa masigū ihñagu musare yojopure yahu ojoagu niaja. <sup>14</sup> Musa pacusumua, musa Cristore coā waropure ijiriquirore masine musa. Musa sa masigū ihñagu musare yahu ojoagu niaja. Musa wahma pjia potota musa Cohācǵūre wacū tuwana ijire. Sa yena musa Cohācǵū yere yena niaga. Sa yena, musa ñariquiro watinore yūhduducari. Sa yegū musare yahu ojoagu niaja. <sup>15</sup> Ahri yehpa cǵē ñañene cahmedacāhña. Ahri yehpa cǵē ñañene cahmena mari Pacu pehere cahmedare musa. <sup>16</sup> Ñañequina tiquina basi ñañene tiquina tutuaro cahmedi, ñañene tiquina ihña duari mari Pacu Cohācǵū ye ijierare. “Ijipihtiye cūo pehogu, masi pehogu ijiaja yūhū. Ne ihcāquiro masuno yūhure yūhduducaerare”, masa tiquina ni tuhotuye mari Pacu ye ijierare. Ti ijipihtiye ahri yehpa cǵē ijire. <sup>17</sup> Ahri yehpa, ahri yehpa cǵē gāhū masa tiquina cahmeñe pihtia waharota. Sa yero Cohācǵū cahmeñene yeriquiro ijipihtiye decori Cohācǵū mehna ijirota.

### *Cristore ihña tuhtiriquiro pehere yahuahye Ñū*

<sup>18</sup> Yūhū pohna, ahri yehpa pihtiatu deco mehenogā dūhsare. “Cristore ihña tuhtiriquiro ahtarota”, ni, Jesu yequina musare yahu tuhasari. Yojopure Cristore ihña tuhtiyequina peyequina iji tuhasare. Tiquina sa ijigū ihñana yojopure pihtiatu deco mehenogā dūhsagū masiaja mari. <sup>19</sup> Ahriquina Cristore ihña tuhtiyequina pehe mari caha ijiepetota potota mari mehna cǵēna ijierare. Sa ye tiquina marine cohā cāri. Tiquina mari mehna cǵēna ijiye, mari mehna ijiboaga. Marine cohā cāri. Tiquina sa cohāgū mari mehna cǵēna tiquina ijieragū masiaja mari.

<sup>20</sup> Cristo Espiritu Santore musa pehere ohori. Sa yero Espiritu Santo musa mehna ijire. Sa yena musa ijipihtina Cristo yere masi tuhasare. <sup>21</sup> Musare yahugū “Cristo yere masiedare musa”, ni tuhotueraja yūhū. Musa Cristo yere masigū ihñagu musare yahuaia. Cristo ye ne ni mehoñe mariedare. Ti

gūhare masina mūsa ijigū masiaja yūhū. <sup>22</sup> Ahriquiuro ijire ni mehoriquiro: “Jesu Cohācjū macano ijierare”, nidiquiro pehe ni mehoriquiro ijire. Potota Cristore ihña tuhtiriquiro ijire tiquiuro. Mari Pacare, tiquiuro macano gūhare cahmedariquiro ijire Cristore ihña tuhtiriquiro. <sup>23</sup> Ohō saha ijire: Jesure cahmediquiro pehe mari Pacu gūhare cahmediquiro ijire. Jesure cahmediquiro pehe mari Pacu gūhare cahmediquiro ijire.

<sup>24</sup> Coā waropu Cohācjū yere mūsa tuhore quehnoano wacūña. Tire mūsa wacūna, Jesu mehna cjāna ijinata. Sa yena mari Pacu mehna cjāna ijinata. <sup>25</sup> Tireta Jesu marine yahuri. Ohō saha ijire tiquiuro yahuri: “Mūsa ijiphiyere decori Cohācjū mehna ijuducunata”, ni cūri Jesu marine.

<sup>26</sup> Apequina mūsare ni mehoñe nine. Tiquina sa ni mehogū masigū mūsare yahu ojoagu niaja. <sup>27</sup> Tiquina sa ni mehonohrina mūsa ijiepegūta mūsa pehere Cristo tiquiuro yaquiuro Espiritu Santore oho tuhasari. Espiritu Santo mūsa mehna ijire. Mūsa mehna ijiro mūsare buheriquiro ijire. Tiquiuro ijiphiyere mūsare yahure. Tiquiuro yahure ijirota ijire. Ni mehoñene yahuerare tiquiuro. Espiritu Santo nidiro sahata yeya mūsa yojopare. Sa yena mūsa Cristo yere tuhona, tiquiuro mehna quehnoano ijiya.

<sup>28</sup> Sata ijire. Yūhū pohna, mūsa Cristo mehna cjāna ijiya. Sa yena Cristo ahtati decore cuesi mūsa. Sa yena tiquiuro ahtati decore bae tiye mehna duhtisi mūsa. <sup>29</sup> Cristo quehnoañene yeriquiro tiquiuro ijigū mūsa masine. Tire masina ahri gūhare masiña mūsa. Ijiphiyequina quehnoañene yeyequina Cohācjū pohmeta ijire. Ti gūhare masiña mūsa.

### 3

#### *Mūsa Cohācjū pohna ijire*

<sup>1</sup> “Mūsa yūhū pohna ijire”, nino, tutuaro cahī yūhduducaro nine marine mari Pacu. Tiquiuro sa cahñona ijina tiquiuro pohna ijiaja mari. Ahri yehpa cjēna ñañequina Cohācjūre masiedare. Sa yeye Cohācjū pohna mari ijigū ihñañe tiquina mari gūhare masiedare. <sup>2</sup> Yūhū cahña, yojopare Cohācjū pohna ijiaja mari. Sa ijiepenata came mari ijiatire mari quehnoano masiedaja. Sa masiedapenata ahri pehere masiaja. Cristo tojoa tagū mari ihñana, tiquiuro ijirota sahata tiquiore mari ihñanata. Sa yena Cristo marine bajuagū ihñana tiquiuro yero saha mari comesanata. <sup>3</sup> Ijiphiyequina ahrire masiñequina Cristore ihña cūñe, ñañene ye duerare.

<sup>4</sup> Ñañene yena dutiyere yūhduducana niaja. Sa ye ijiphiyequina ñañene yeyequina Cohācjū dutiyere yūhduducayequina ijire. <sup>5</sup> Cristo masare tiquina ñañene cohātiquiro bajuahye. Tiquiuro ne ñañene yerare. Tire masine mūsa. <sup>6</sup> Sa ye ijiphiyequina Cristo yequina ñañene yeducuerare. Apequiuro pehe ñañene sa yeducuriquiro Cristore ne masiedare. Sa yero Cristo yaquiuro ijierare. <sup>7</sup> Yūhū pohna, mūsare ni mehoñequinare tuhocracāhña. Ijiphiyequina quehnoañene yeyequina Cristo yero saha quehnoañequina ijire. <sup>8</sup> Apequiuro pehe ñañene sa yeducuriquiro watīno yaquiuro ijire. Watīno pūrita duita ñañene yeriquiro ijiahye. Sa yero watīno tiquiuro ñañene ye dutiyere cohātiquiro Cohācjū macano masa bajuahye.

<sup>9</sup> Cohācjū pohna ijina Cohācjū yero saha ijina ijiaja. Sa yena ñañene yeducueraja. Cohācjū mari Pacu tiquiuro ijigū mari pehe ñañene yeducu masiedaja. <sup>10</sup> Ohō saha ijieyequina Cohācjū pohne tiquina ijigū masinata: Cohācjū pohne watīno pohne yero saha ijierare. Ñañene yeducuyequina, apequinare cahñequina Cohācjū pohne ijierare.

#### *Mūsa mehna cjēnare cahña*

11 “Mari mehna cjenare cahihna”, ni buheyere coã waropure taho tuhasari musa. 12 Mari Caĩ tiquiuro ñano yeroi sahata yeracahna. Tiquiro watino yaquiuro ijiro, tiquiuro bahurore wejehaye. ¿Dahse yero tiquiore wejeyari, musa tuhutugã? Tire yahutja masare: Caĩ tiquiuro yeri ñahe ijahaye. Tiquiro bahuro pehe quehnoañene yeriquiro ijigã ihñano tiquiuro wahmino pehe tiquiore wejehaye.

13 Sa yena yuhũ acaye, ahri yehpa cjenã masare tiquina ihña tuhtigũ “¿Dahse ijiro boro yuhũre ihña tuhtajari tiquina?” ni, tuhutuercãhña. 14 Mari pecapũ wahaborina ijimi. Yojoipure ahmãsepũ sa ijiducuatina comesarina ijiaja mari. Jesu yequinare cahña, Cohãcjũ marine tiquiuro comesagũ yerire masiaja mari. Masare cahñeniquiro pecapũ wahatiquiuro ijire. 15 Tiquiro acayurore ihña tuhtiriquiro masare wejediquiuro ijire, Cohãcjũ ihñagã. Masare wejẽñequina ahmãsepũ ijiducusi. Tire quehnoano masine musa. 16 Masare cahñene ohõ saha masinata. Ijipihtiyere decori Cohãcjũ mehna mari ijiatire Cristo yariaro marine tutuaro cahĩdi. Sa yariaro marine tiquiuro sa cahĩducure masigũ yero nidi. Sa yena mari gũhare Jesu yequina ye ijiatire yariaro cahmeboaga. 17 Peye cãoriquiro Jesu yaquiore pejecãoriquirore ihñaeperota tiquiore paja ihñedaro, Cohãcjũre cahĩedare tiquiuro. 18 Yuhũ pohna, masare mari cahĩne pehe mari ðusero dihita wiji-aeracãhdo. Masare mari cahña, tiquinare yedohoro cahmene marine.

#### *Cuero marieno Cohãcjũ cahapũ iji masiaja mari*

19-20 Sa cahña mari potota Cohãcjũ yequina mari ijiye gũhare masinata. Sa yena Cohãcjũ cahapũ cuero marieno mari iji masiaja. Sa yena “Ñañe buhiri ijiaja yuhũre”, mari ni tuhutuepegũta, Cohãcjũ cahapũ cuero marieno iji masiaja. Tiquiro pehe mari yahũoro tutuariquiro ijiro ijipihtiyere masine. 21 Yuhũ cahña, quehnoañene yena, “Quehnoañe pehere yena niaja”, ni tuhutuna, Cohãcjũ cahapũ mari cuero marieno iji masiaja. 22 Cohãcjũ dutiyere, tiquiuro cahmeñe gũhare mari yegã, tiquiore mari sinino punota tiquiuro ohorota. 23 Ohõ saha dutire tiquiuro marine: “Cohãcjũ macãnore Jesucristore wacũ tutuaya. Sa yena Cristo marine tiquiuro dutiro sahata musa mehna cjenare cahña musa”, nino, ye dutire marine. 24 Cohãcjũ dutiyere yeriquiro Cohãcjũ mehna cjenã ijiro nine. Sa yero Cohãcjũ tiquiuro mehna cjenã ijire. Cohãcjũ mari mehna cjenã tiquiuro ijiyere mari masi duagũ marine tiquiuro ohoriquiro Espĩritu marine masigũ yerota.

## 4

### *Ni mehoñe buheye gũhare, Cohãcjũ ye buheye gũhare quehnoano ihña masi dutiahye*

1 Yuhũ cahña, apequina “Cohãcjũ yaquiuro Espĩriture cãoaja”, niñequina tiquina ijiepegũta tiquina ye buheye ni mehoñe ijire. Sa ye apequina pehe Espĩritu Santo warore cãoyequina ni mehoño marieno buhere tiquina. Peyequina “Cohãcjũ yere yahu mãhtarina ijiaja”, niepeta ni mehoñequina ijire yojoipure. Ijipihtiroipure ijire tiquina. Sa yena apequina masare tiquina buheye ni mehoñe buheye ijigã ihña masiña musa. Cohãcjũ ye ti ijigã gũhare ihña masiña musa. 2 Cohãcjũ yaquiuro Espĩriture cãoyequinare musa ihña masi duana, ohõ saha masinata: “Jesucristo ahri yehparũ masano pagũ waro cãoriquiro ahtari jiri”, ni, buheyequina Cohãcjũ yaquiuro Espĩriture cãoyequina ijire tiquina. Sa yena sa ni buheyequinare ihña masinata musa. 3 Apequina pehe “Jesu ahri yehparũ masano pagũ waro cãoriquiro ahtaerari

jiiri”, ni buheyequina Cohãcjũ yaquiro Espíriture cœoyequina ijire. Tiquina ye tahotuye Cristore ihña tuhtiriquiro tiquiro tahoturo saha ijire. “Cristore ihña tuhtiriquiro ahtarota”, tiquina nidire taho tuhasari masa. Sa ye tiquiro ye buheye ahri yehpapare wih tuhasari.

<sup>4</sup>Masa pehe yũh pohna, Cohãcjũ yequina ijire masa. Sa yena “Cohãcjũ yere yahu mũhtarina ijiaja usã”, ni, mehoñequinare yũhdũdũca tuhasari masa. Masa mehna ijiriquiro Espíritu Santo pehe tutua yũhdũdũcare. Sa yero ahri yehpa cjẽna yaquiro watĩno yũhdũoro tutuare. Sa yena ni mehoñequinare yũhdũdũcari masa. Sa yena ti buheyere cahmedari masa. <sup>5</sup>Ni mehoñequina pehe ahri yehpa cjẽna ijire. Sa ye tiquina ahri yehpa cjẽ ñañene tiquina buhegũ ahri yehpa cjẽna ñañequina pehe tiquinare quehnoano tahore. <sup>6</sup>Mari pehe Cohãcjũ yequina ijiaja. Sa ye Cohãcjũre masiñequina marine quehnoano tahore. Apequina pehe Cohãcjũ yequina ijieraye, marine ne taho duerare. Tiquina sa taho dueragũ ihñana tiquina ye buheye Cohãcjũ ye buheye ti ijieragũ masinata mari. Sa yena apequina pehe marine tiquina tahogũ tiquina ye buheye quehnoañe buheye ti ijigũ gãhare masiaja mari.

### *Cohãcjũ masare tutuaro cahĩducuriquiro ijire*

<sup>7</sup>Yũh cahĩna, Cohãcjũ marine apequinare cahĩgũ yeriquiro ijire. Tiquiro sa yeriquiro ijigũ ihñana mari mehna cjẽnare cahĩhna mari. Masare quehnoano cahĩñequina pehe Cohãcjũ pohne ijire. Sa ye tiquina Cohãcjũre quehnoano masine. <sup>8</sup>Cohãcjũ masa ijipihtiequinare tutuaro cahĩducuriquiro ijire. Tiquiro sa cahĩducuriquiro ijigũ masare cahĩñequina pehe Cohãcjũre masiedare. <sup>9</sup>Cohãcjũ marine tiquiro cahĩñene mari masi duana, ohõ saha masinata: Cohãcjũ pehe tiquiro macũnore ihcãquiota ijiriquirore marine yũhdũoatiquirore ahri yehpapare ohoahye. Sa ohoro marine tiquiro cahĩñene marine masigũ yero niahye. <sup>10</sup>Apequinare cahĩñe waro ohõ saha ijire: Cohãcjũre mari cahĩñe pehe poto cahĩñe waro ijierare. Marine Cohãcjũ tiquiro cahĩñe pũrita potota cahĩñe waro ijire. Sa yero tiquiro macũnore mari ñañene cohãtiquirore ohoro marine tutuaro cahĩñe tiquiro.

<sup>11</sup>Yũh acaye, Cohãcjũ marine tiquiro sa tutuaro cahĩgũ ihñana mari gãhũ mari mehna cjẽnare cahĩhna. <sup>12</sup>Masa pehe ne Cohãcjũre ihñedari. Tiquirore mari ihñedapegũta mari mehna cjẽnare mari cahĩgũ, Cohãcjũ pehe mari mehna sa ijiducuro nine. Sa yero potota marine cahĩ nemoducugũ yere tiquiro. <sup>13</sup>Cohãcjũ pehe marine tiquiro yaquiro Espíriture ohori. Sa yena Espíriture cœona, Cohãcjũ mehna mari quehnoano ijiyere masiaja mari. <sup>14</sup>Sa yena mari Pacũ tiquiro macũnore ahri yehpa cjẽnare yũhdũoatiquirore tiquiro ohorire usã ihñana. Tire ihñana apequinapare tire yahuaja usã. <sup>15</sup>Cohãcjũ mehna cjãno ohõ saha nidiquiro ijire: “Jesu Cohãcjũ macũno ijire”, nidiquiro tiquiro pũrita Cohãcjũ mehna cjãno ijiro nine. Sa yero Cohãcjũ gãhũ tiquiro mehna cjãno ijiro nine.

<sup>16</sup>Sa yena marine Cohãcjũ tiquiro cahĩñene mari masiaja. Sa yena marine potota cahĩniquiro tiquiro ijigũ masiaja mari. Cohãcjũ masa ijipihtiequinare tutuaro cahĩducuriquiro ijire. Sa yero apequiro masare cahĩducuriquiro Cohãcjũ mehna cjãno ijire. Sa yero Cohãcjũ gãhũ tiquiro mehna cjãno ijire. <sup>17</sup>Sa yena mari quehnoano cahĩ nemoducuaaja Cohãcjũre, apequina gãhare, buhiri dahrire deco ijigũ mari cuero marieno mari ijiatire. Sa yena cuesi mari ahri yehpapũ Cristo yero saha ijina. <sup>18</sup>Apequinare mari cahĩgũ cuero mariedare. Cohãcjũ marine tiquiro cahĩñene masina mari ne cueraja. Masa cueye tiquinare buhiri dahreatire cue nine. Sa cueye ñano yũhdũare. Sa

yero cueriquiro pehe Cohãcjũ cahĩñene masieniQUIRO ijire. <sup>19</sup> Marine Cohãcjũ cahĩ muhtahye. Sa yena mari gũhũ tiQUIRORE cahĩaja. <sup>20</sup> IhcãQUIRO “CohãcjũRE cahĩaja”, nidiQUIRO ijieperota apeQUIRORE ihña tuhtiro, ni mehoriquiro ijire tiQUIRO. TiQUIRO ihñariQUIRORE cahĩedaro, CohãcjũRE tiQUIRO ihñeniQUIRO gũhũRE cahĩ masiedare tiQUIRO. <sup>21</sup> Sa yero ahri ijire marine Cristo tiQUIRO dutiriro: CohãcjũRE cahĩna, masa cahapũ ijijeQUINA gũhũRE cahĩña.

## 5

### *Cohãcjũ pohne ahri yehpa cjẽ ñañene ye duerare*

<sup>1</sup> IjipihtieQUINA Jesure “Cristo ijire. Cohãcjũ ohoriquiro ijire”, niñequina, Cohãcjũ pohne ijire. ApeQUINA pacuroRE cahĩna, tiQUIRO pohne gũhũRE cahĩaja mari. Sata CohãcjũRE cahĩna, tiQUIRO pohne gũhũRE cahĩaja mari. <sup>2</sup> CohãcjũRE cahĩna, tiQUIRO dutiyere quehnoano yena, tiQUIRO pohne gũhũRE mari cahĩna niaja. <sup>3-4</sup> TiQUIRO dutiyere yena CohãcjũRE cahĩna niaja. Marine Cohãcjũ dutiyere yegũ mijoadare. Mari ijipihtina Cohãcjũ pohna ijina, ñañene cahmedaja mari. Sa ye marine tiQUIRO dutiyere yegũ mijoadare. CohãcjũRE wacũ tutuana ñañene cahmedaja. Sa yena tiQUIRORE mari wacũ tutuari bato ñano ye dueraja. <sup>5</sup> Ñañene cahmedana ohõ saha nina ijiaja mari: “Jesu Cohãcjũ macũno ijire”, nina ñañene cahmedaja mari.

### *Cohãcjũ macũnore yahuahye Ñu*

<sup>6</sup> Jesucristo ahri yehpapũ tiQUIRO ahtagũ tiQUIRORE Ñu aco mehna wame yerire masina, curusapũ tiQUIRO dii cohãri gũhũRE masina, Cohãcjũ macũno tiQUIRO ijiyere masiaja mari. TiQUIRO wame yeri dihita Cohãcjũ macũno tiQUIRO ijiyere marine masigũ yerare. TiQUIRO dii cohãri gũhũ marine tire masigũ yere. Espĩritu Santo “Ahri ijirota ijire”, ni yahure marine. TiQUIRO pototo ni yahuriQUIRO ijire. [<sup>7</sup> Sa ye Jesu Cohãcjũ macũno tiQUIRO ijiyere ahmũse cjẽna yahuyequina ihtiaro ijire: Mari Pacũ, tiQUIRO macũno Jesu, Espĩritu Santo mehna “Jesu potota Cohãcjũ macũno ijire”, niñequina ijire tiQUINA. TiQUINA ihtiaro ijiepetata ihcãno mehna yahure tiQUINA Jesure.] <sup>8</sup> Jesu Cohãcjũ macũno tiQUIRO ijiyere ahri yehpapũRE ihtiaro yahure: Cohãcjũ macũno tiQUIRO ijiyere Espĩritu Santo pehe marine yahure. Sa yena Jesure aco mehna tiQUIRO wame yeri gũhũRE masina, Cohãcjũ macũno tiQUIRO ijiyere masiaja mari. Sa yena mari ye ijiatire tiQUIRO yariarire tiQUIRO dii cohãriRE masina, Cohãcjũ macũno tiQUIRO ijiyere masiaja mari. Sa ye ti ihtiaro ihcãno mehna marine masigũ yere Cohãcjũ macũno Jesu ijiyere.

<sup>9</sup> Masa tiQUINA yahuyere tahona “Ijirota ijire”, niaja mari. Sa niepenata mari Pacũ tiQUIRO macũnore yahugũ masa tiQUINA yahuyere yahduoro tiQUIRO pehere tahoro cahmene marine. Cohãcjũ waro tiQUIRO ijigũ tiQUIRO yahuyere tahoro cahmene marine. <sup>10</sup> Sa ye ijipihtieQUINA Cohãcjũ macũnore wacũ tutuayequina Jesure yahuri buheyere quehnoano tahore. “Queorota ijire”, ni tahoture tiQUINA Jesure yahuri buheyere. Cohãcjũ macũnore tiQUIRO yahurire tahoriquiro “Cohãcjũ ni mehoriquiro ijire”, nidiQUIRO ijire tiQUIRO. <sup>11</sup> Cohãcjũ marine ijipihtie decori tiQUIRO mehna sa ijiducugũ yerota. Cohãcjũ macũno yeQUINA mari ijigũ tiQUIRO mehna sa ijiducugũ yerota marine. Ahri ijire Cohãcjũ marine tiQUIRO yahuye. <sup>12</sup> Cohãcjũ macũno yeQUINA ijiye tiQUIRO mehna sa ijiducueti. Sa ye apeQUINA pehe tiQUIRORE cahmeeñequina tiQUIRO mehna sa ijiducusi.

### *Ñu yahu ojoa bato tiahye*



<sup>13</sup> M̄sa Cohãcjũ mac̄nore wacũ tutuana Cohãcjũ mehna sa ijiducunata. Tire m̄sa masiatire m̄sare yahu ojoagũ niaja.

<sup>14</sup> Cohãcjũ tiqũiro cahmediro sahata mari tiqũirore dahse ijiyere mari sinigũ tiqũiro marine quehnoano tãhorota. Sa mari sinina “Potota quehnoano tãhore tiqũiro”, ni masiaja mari. <sup>15</sup> Tiqũirore mari sinigũ, marine tãhore. Tiqũiro sa tãhorire masina, tiqũirore mari sinino punota tiqũiro ohoati gãhũre masiaja mari.

<sup>16</sup> M̄sa acayũro tiqũiro ñañene yegũ ihñana, ti ñañe Cohãcjũ pecapũ tiqũiro waha dutiye ñañe ijieragũ, tiqũirore sini basaya Cohãcjũre. Sa yero Cohãcjũ tiqũirore yedohoro tiqũiro mehna sa ijiducugũ yerota tiqũirore. Cohãcjũ pecapũ tiqũiro waha dutieyequina dihitare sini basaya m̄sa. Apeye ñañe pehe Cohãcjũ pecapũ tiqũiro waha dutiye ñañe waro ijire. Ihcãquiro ti ñañe warore tiqũiro yegũ “Tiqũirore sini basaya m̄sa”, niedaja yũhũ. <sup>17</sup> Ijipihtiye ñañe yeye ñañe warota ijire, Cohãcjũ ihñagũ. Ti sa ijiepegũta apeye ñañe Cohãcjũ pecapũ tiqũiro waha dutiye ñañe ijierare.

<sup>18</sup> Cohãcjũ mac̄no Jesu pehe Cohãcjũ pohnene quehnoano ihña ihbore. Tiqũiro sa ihña ihbogũ watĩno pehe Cohãcjũ pohnene ñano ye masiedare. Sa ye Cohãcjũ pohne pehe ne ñañene sa yeducuerare. Ahrire mari masiaja.

<sup>19</sup> Mari pehe Cohãcjũ yequina ijiaja. Watĩno pehe ahri yehpa cjẽna puhtoro ijire. Ahri gãhũre mari masiaja.

<sup>20</sup> Cohãcjũ mac̄no ahri yehpapũre ahtaro marine quehnoano masigũ yeri tiqũiro. Tiqũiro sa yegũ potota Cohãcjũ waroreta mari quehnoano masiaja. Ahri gãhũre mari masiaja. Cohãcjũ mac̄no Jesucristo yequina ijiaja mari. Sa yena potota Cohãcjũ waro mehna cjãna ijina niaja mari. Ahriquiro yũhũ nidiquiro potota Cohãcjũ waro ijire. Sa yero tiqũiro uhm̄sepũ sa ijiducugũ yeriquiro ijire.

<sup>21</sup> Yũhũ pohna, “Cohãcjũ ijire”, tiquina niñe queoyere ño peoeracãhña.

## 2 San Juan

*Jesucristo yere, potota apequinare cahĩne gũhũre yahuahye Ñu*

<sup>1-2</sup> Yũhũ bũcũ mũsare Cohãcjũ beserinare ahri pũre ojoa ohoaja. Jesucristo yere yũhtina ijiaja mari. Sa ye tiqiro buheye gũhũ mari mehna ijipihitiye decori sa ijiducurota. Sa yegũ potota mũsare cahĩaja yũhũ. Yũhũ dihita cahĩgũ niedaja mũsare. Apequina Jesu yere masiñequina tiquina gũhũ potota cahĩne mũsare. <sup>3</sup> Cohãcjũ mari Pacũ, Jesucristo tiqiro macũno gũhũ pota tiquina cahĩne mehna marine quehnoano yeeta. Sa ye marine paja ihĩaeta. Sa yeye marine quehnoano ijigũ yeeta tiquina. Sata yeahro marine. Sa nigũ mũsare quehnoa dutiaja.

<sup>4</sup> Mari Pacũ marine tiqiro dutiriro sahata ihquẽquina mũsa mehna cjẽna tiqiro yere yũhtiyequina tiquina ijigũ masigũ bucueaja yũhũ. <sup>5</sup> Yojopũre mũsare yũhũ dutiatĩ wahma dutiro ijierare. Coã waropũre ahri dutiro marine duita ijiahye. Ohõ saha dutire marine. Mari mehna cjẽnare cahĩhna.

<sup>6</sup> Tiquiro ye dutiyere ye pehona mari tiqirore cahĩaja. Sa yero coã waropũre mũsa tũhoriro sahata yojopũ gũhũre ohõ saha dutire mũsare. Apequinare sa cahĩducuya.

*Peyequina ni mehoñequina ijire*

<sup>7</sup> Peyequina ni mehoñequina “Potota Jesucristo ahri yehrapũ masũno pagũta cũoriquiro ahtaerari jiri”, niñequina gũhũ ahri yehpa cjẽnare buheye wahari. Cristore ihĩna tuhtiriquiro ni mehoriquiro tiquina yero sahata ijire.

<sup>8</sup> Quehnoano yeya mũsa. Cohãcjũ ye wapare mũsa quehnoano yeri wapare boeracãhña. Mũsa sa boeragũ Cohãcjũ quehnoa yũhdũaro yerota mũsare.

<sup>9</sup> Ijipihitiyequina Cristo yere yũhdũdũcayequina, Cristo yere cohãñequina mari Pacũ yequina ijierare. Sa ye Cristo yere ne duhuyequina Cohãcjũ mari Pacũre, tiqiro macũno gũhũre masine tiquina. <sup>10</sup> Cristo ye buheyere cahmedariquiro, apye buheyere buheriquiro mũsa cahapũ ahtagũ, tiqirore mũsa ya wũhũpũ sajã ta dutieracãhña. Tiquirore piti caeracãhña.

<sup>11</sup> Apeye buheyere buheriquiro Cristo yere cahmedariquiro ñano yere. Sa yero tiqirore piti cariquiro pehe ñano yeriquirore yedohoro nine. Sa yena tiqirore piti caeracãhña.

*Ñu yahu ojoa bato tiahye*

<sup>12</sup> Peye mũsare yahu duepegũta tire ojoa dueraja. Mũsare ihĩagũ waha duaja. Mũsare ihĩagũ mũsa mehna yahuducutja, mari quehnoano bucueatire.

<sup>13</sup> Cohãcjũ beseriquina ohõpũ cahmecoañequina, mũsa mehna cjẽna mũsare quehnoa dutire.

### 3 San Juan

#### *Ñu Gayo wame tiriquireore “Quehnoariquireo ijire”, niahye*

<sup>1</sup> Yũhũ bucũ mũhũre Gayore potota yũhũ cahĩgũre ahri pũre ojoa ohoaja.

<sup>2</sup> Yũhũ cahĩgũ, Cohãcjũ mehna cjũ mũhũ ijigũ masiaja yũhũ. Tiquiro mehna mũhũ quehnoano ijiriro sahata mũhũ quehnoano yũhdũatire, mũhũ pagũ dohatiro marieno mũhũ ijiatire Cohãcjũre sini basaja mũhũre. <sup>3</sup> Ihquẽquina Jesu yequina yũhũ caharũ wihiye mũhũ ijiye tiyere yahuri yũhũre. “Cristo cahmeno sahata potota yere Gayo”, ni yahuri tiquina yũhũre. Tiquina sa ni yahugũ tũhogũ tutuaro bucuei yũhũ. <sup>4</sup> Mũsa Jesu yere yũhũ buherina tiquiro cahmeno sahata mũsa yegũ tũhogũ tutuaro bucueaja.

<sup>5</sup> Yũhũ cahĩgũ, Jesu yequinare yedohogũ quehnoano yeri mũhũ. Sa yegũ Jesu yequinare mũhũ ihña masieñequina pehere yedohogũ quehnoa yũhdũaro yeri mũhũ. <sup>6</sup> Tiquina panorũ mũhũ ihña masieñequina pehe Jesu yequina ohõrũ cahmecoañequinare usãre ohõ saha ni yahuri: “Gayo usãre quehnoano cahĩne”, ni yahuri panorũ mũhũ ihña masieñequina pehe. Came mũhũ ya macare tiquina yũhdũ cãgũ ihñagũ tiquinare quehnoano yedohoya Cohãcjũ tiquiro bucueatire. <sup>7</sup> Tiquina Jesu yere buhe tiniñe wahaye, Cohãcjũre cahmeeñequinare yedohogũ cahmedari. <sup>8</sup> Sa yena tiquinare Jesu yere buhe tiniñequinare yedohouhna mari. Tiquinare sa yedohona, tiquina yero saha mari gũhũ Cohãcjũre yedohona niaja.

#### *Diotrefe tiquiro ñañe yerire yahuahye Ñu*

<sup>9</sup> To cjẽnare Jesu yequinare ojoami. Yũhũ sa ojoaepegũta Diotrefe tiquiro basi tiquina puhtoro yero saha iji duaro, yũhũre tuho duerari. <sup>10</sup> Mũsa caharũ yũhũ esari bato tiquiro yerire mũsare yahu pehoutja. Usãre ñano yahuducure tiquiro. Sa yero ni mehoñe peyariquireo ijire tiquiro. Sa yero apeye ñañe gũhũre yere tiquiro. Jesu yequinare tiquiro yere buhe tiniñequinare tiquiro ya wũhũre sajã dutierare. Sa yero apequina to cjẽna Jesu yequina pehe buhe tiniñequinare tiquina sajã dutigũ ihñano tiquiro pehe “Buhe tiniñequinare sajã dutieracãhña mũsa ye wũhũsepurẽ”, ni yahusãre tiquinare. “Mũsa ye wũhũsepurẽ buhe tiniñequinare mũsa sajã dutiri buhiri mari Jesu yequina mari ya wũhũpurẽ mari cahmecoari wũhũpurẽ sajãedacãhña mũsa pehe”, nine Diotrefe to cjẽnare Jesu yequinare.

<sup>11</sup> Yũhũ cahĩgũ, ñañequinare ihña cũedacãhña. Quehnoano yeyequina pehere ihña cũña. Quehnoañene yeyequina Cohãcjũ yequina ijire. Ñañene yeyequina Cohãcjũre masiedare.

#### *Demetrio quehnoañene tiquiro yerire yahuahye Ñu*

<sup>12</sup> Ijipihtiyequina quehnoano yahuducuri Demetriore. Sa ye tiquiro yerire ihñañe quehnoano tiquiro yeriquiro ijigũ masine masa. Usã gũhũ tiquirore sata ni yahuaja. Sa yena usã yahuye pehere potota ijigũ masine mũsa.

#### *Yahu bato tiahye Ñu*

<sup>13</sup> Mũhũre peye yahu duami. Sa yahu duepegũta tire ojoaeraja. <sup>14</sup> Mehenogã batota mũhũre ihña duaja. Sa yena mari basi cahme yahuducunata.

<sup>15</sup> Quehnoa dutiaja mũhũre. Mari mehna cjẽna ohõ cjẽna Jesu yequina mũhũre quehnoa dutire. To cjẽna mari mehna cjẽna ijipihtiyequina quehnoahdo.

## San Judas

### *Juda Jesu yequinare ojoa ohoahye*

<sup>1</sup> Yuh̄u Juda Santiago bah̄u, Jesucristo cahacj̄u m̄sare Jesu yequinare ahri p̄ure ojoa ohoaja. M̄sare mari Pac̄u Coh̄acj̄u beseahye. Sa yena tiqiuro cah̄iñe mehna quehnoano ijire m̄sa. Sa yero Jesucristo yedohore m̄sare “Ñañene yeari”, nino. <sup>2</sup> Quehnoa dutiaja m̄sare. Coh̄acj̄u yedohoro mehna quehnoano ijiya m̄sa. Sa yeḡu Coh̄acj̄ure paja ih̄ña dutiḡu, m̄sare cah̄i dutiḡu sini basaja Coh̄acj̄ure yuh̄u.

### *Ni mehoñequina tiquina ye buheyere yahu d̄ucah̄ye Juda*

<sup>3</sup> Coh̄acj̄u marine pecap̄u wahaborinare tiqiuro yuh̄duoye pehere tutuaro ojoa duami m̄sare, yuh̄u cah̄in̄are. Sa ojoa duepeḡuta m̄sare yojop̄ure ni mehoñe buheyere cah̄me dutieraḡu m̄sare ojoaja. Sa yena Jesucristo ye buh̄eye pehere tutuaro buh̄eya m̄sa. Ahri buh̄eye pehe Jesu yequinare Coh̄acj̄u c̄uri buh̄eye sa ijiducurota comesaro marieno. <sup>4</sup> Ih̄quēquina masa ñañequina wac̄ūeno mehna m̄sa cahap̄u esari. M̄sa mehna ijiye tiquina oh̄o saha ni buhemene m̄sare: “Coh̄acj̄u yequina m̄sa ijiḡu, tiqiuro cah̄iñe m̄sare. Sa yero numia mehna m̄sa ñano yeḡu tiqiuro m̄sare ne buhiri dahresi”, ni buhemene tiquina. Sa ye mari p̄h̄torore ih̄c̄aquirola ijiriqiurore Jesucristore “Coh̄acj̄u mac̄no ijierare”, ni buhemene tiquina. Oh̄o saha ni buh̄eyequinare Coh̄acj̄u tiqiuro buhiri dahreatire yahuah̄ye panop̄ure. Tiquiuro yere tiquina ojoari p̄p̄u sata ni yahuah̄ye.

<sup>5</sup> Yojop̄ure m̄sare areyere wac̄ūḡu ye duaja. Ahrire m̄sa masiepeḡuta pari turi ahrire m̄sare wac̄ūḡu ye duaja. Coh̄acj̄u judio masare Egip̄toru ijiyequinare tiqiuro wic̄o bato tiquina mehna cj̄enare tiqiurore wac̄u tutueyequinare tiqiuro wej̄eah̄ye.

<sup>6</sup> Sa yena m̄sa apequina ḡah̄ure wac̄ūña. Apequina angele pehe Coh̄acj̄u dutiyere ye duerah̄ye. Sa ye tiquinare tiqiuro iji duti c̄urir̄ore tiquina iji duerah̄ye. Sa ye tiquina ijimedir̄ore duhu c̄ah̄ye tiquina. Tiquina sa duhuḡu ih̄ñano Coh̄acj̄u nahitianop̄u tiquinare peresu yeah̄ye. Sa ye tiquina pihtiat̄i deco pano come dari mehna d̄ah̄teriquina yero saha ijiduc̄ueta. Sa yero pihtiat̄i deco ijiḡu tiquinare buhiri dahrerota Coh̄acj̄u.

<sup>7</sup> Sata yeah̄ye apequina ḡah̄u. Tiquina ḡah̄ure wac̄ūña m̄sa. Tiquina Sodoma wame tiri maca cj̄ēna, Gomorra wame tiri maca cj̄ēna ti macari cahap̄u ijiye macari cj̄ēna ḡah̄u numia mehna ñano yeah̄ye. Sa ye sijoro saha yeye ḡah̄ure ye, ̄m̄sa pehe tiquina basita tiquina paḡari mehna ñano yeah̄ye. Numia ḡah̄u sata yeah̄ye. Tiquina sa yeri buhiri Coh̄acj̄u tiquinare ̄j̄j̄a peho c̄ah̄ye. Tiquinare ̄j̄j̄ano Coh̄acj̄u ijipihtiyequina tiqiurore yuh̄d̄uac̄ariquinare tiqiuro buhiri dahreatire masare ih̄ñoño ni-ah̄ye. Tiquinare tiqiuro buhiri dahreri peca ne yatisi.

<sup>8</sup> Tiquina Coh̄acj̄u buhiri dahrenohriquina m̄na yero saha yojop̄u ḡah̄ure sata yeduc̄ure ni mehoñene buh̄eyequin̄a. Tiquina queh̄ñequina yero saha ijiye, tiquina paḡari mehna ñano yere. Sa yeye Coh̄acj̄u dutiyere cah̄medare tiquina. Sa ye tiquina yuh̄duoro tutuayequinare tiquina pehe ñano yahuducu cohtere. <sup>9</sup> Quehnoañequina angele pehe tutuayequina ijiepet̄a sa ni yahuduc̄uere. Miguel wame tiriqiuro angele p̄h̄toro pehe Moise paḡare cah̄meno, wat̄ino mehna cah̄me seh̄ña soah̄ye. Tutua yuh̄duariqiuro ijieperota tiqiuro “Wat̄ino yuh̄duoro yuh̄u p̄rita tutuaja”, ni t̄ah̄otuerah̄ye. Sa

yero tiquiro esa tuharo watīnore ñano yahuducuera, tiquirore tuhtierahye. Sa yero ohō saha niahye watīnore. “Cohācjūrū mahūre tuhtiahro”, niahye Miguel watīnore. <sup>10</sup> Sa ye ahriquina ni mehoñequina pehe tiquina masieñequinare ñano yahuducu cohtere. Sa ye wahiquina tuho masieñequina tiquina esa tuharo tiquina yero saha ni mehoñequina pehe yere. Sa yeyequina ijiye, pecarū wahaeta.

<sup>11</sup> Tiquinata ñano yahdueta. Caī yeriro saha ñano yeri tiquina. Sa ye Balāa tiquiro yeriro saha tiquina niñerure cahī wapata duaye, ni mehoñene buhere. Sa ye niñeru neati dihitare tuhutu, ti dihitare yere. Sa ye Coré tiquiro pūhtorore cohā duariro saha tiquina gāhū tiquiro yero saha yere. Sa ye tiquiro yero saha tiquina gāhū pecarū wahaeta. <sup>12</sup> Tiquina ni mehoñequina pehe mūsa cahme cahīati bose decorire ihyaye, ño peoro marieno tiquina cahmeno saha apere. Sa ye tiquina sehsarota ihyayere bore apequinare ohoro marieno. Wete yero saha tiquina mūsa bose decorire quehnoañe decori ijiBORIROre DOJOMEHNE cohtere.

Ehmeo cururi acoro marieñe cururi ti dūhseati ijieraro saha tiquina ni mehoñequina ne dūhseatiquina ijierare. Sa ye ehmeo cururi wihnono wēdoqueoye cururi ti sa camasaducuro saha tiquina ni mehoñequina gāhū ihcāno saha yahuducuraye, sa camasaducure.

Sa ye, dūca tiri pje ijigū dūca marieñe cū yero saha ijire tiquina. Ti cū pūa taharū yariaa wahare. Ihcā taha dūca tieye cū, yariaye cū yero saha waha tuhasare. Ti cūre tiquina duhari bato pari turi yariaa wahare tja. Ti cū yero saha ijiye dūhseatiquina ijierare tiquina ni mehoñequina.

<sup>13</sup> Sa ye pajiri ma cĕ pahcōri bājūye pahcōri yero saha ijire tiquina. Ti pahcōri quē ohōgū, wete bājūye sahpori wahare. Dūhse ijiyere tiquina ni mehoñequina tiquina yegū pahcōri cĕ sahpori wete bājūye sahpori ti waharo saha ni mehoñequina tiquina ñano yeye ijire.

Sa ye asi maa cāe paca ñahpicoha paca yero saha ijire tiquina. Sa yeye ñahpicoha paca nahitianorū ti waharo saha tiquina gāhū ñanorū wahaeta. Sa ye topūre sa ijiducuetā tiquina ni mehoñequina.

<sup>14-15</sup> Enoco panorū cĕño Adán panamino iji turiariquiro seis cururi bato masa bajariquiro ohō saha niahye. Tiquinare ni mehoñequinare ohō saha niahye: “Tūhoya yūhūre. Cohācjū peyequina tiquiro yequina angele quehnoañequina mehna ijipihtiyequina ñañequinare tiquina ñañe buhiri buhiri dahrero ahtarota. Sa yero ijipihtiyequina Cohācjūre ihñā tuhtiyequinare tiquina ñañe yeri buhiri tiquinare buhiri dahre dutiro ahtarota”, niahye Enoco. <sup>16</sup> Tiquina ni mehoñequina unureducuyequina, apequinare yahu wajayequina tiquina ñano wacūñe dihitare yere tiquina. Sa ye “Apequinare masi yūhdūducaja usā”, niducure tiquina. Sa ye tiquina cahmeno saha ye duaye, apee borore ehma duaye, tuhorō quehnoanorūta yahuducure masare.

### *Jesu yequinare yahu nemoahye juda*

<sup>17</sup> Mari pūhtoro Jesucristo buhe duti tiquiro cūriquina tiquina buherire wacūñā mūsa, yūhū cahīna. <sup>18</sup> Ohō saha nidi tiquina mū sare. “Ahri yehpa pihtiato panogā Cohācjūre ñano yahuducu bājūpeyequina ijietā. Sa ye tiquina Cohācjūre cahmedaye, ñañene tiquina tutuaro cahmeñene yeeta tiquina”, ni yahuri Jesu cūriquina mū sare. <sup>19</sup> Jesu yequinare tiquina basi tiquina cahme ihñā tuhtigū yere tiquina ni mehoñequina pehe. Sa ye tiquina ñañequina ahri yehpa cĕña ijiye, Espīritu Santore ne cūoerare tiquina. Sa ye tiquina ñañene tutuaro cahmeñe dihitare yere tiquina.

<sup>20</sup> M̄sa pehe ȳh̄n̄ cah̄na, Jesucristo ye buheyere quehnoano t̄ho nemoña, quehnoano wacū tutuana m̄sa ij̄ro quehnoano. Ti buheye pehe quehnoa ȳhd̄n̄are. Esp̄ritu Santo yedohoye mehna Coh̄c̄j̄ mehna yahuducuya m̄sa. <sup>21</sup> Quehnoañene yeya m̄sa Coh̄c̄j̄ m̄sare tiquiuro cah̄ñene m̄sa masino quehnoano. Sa yena Jesucristo mehna m̄sa sa ij̄iducuatire cohteya. Tiquiuro marine paja ih̄ñano ʘhm̄sep̄ sa ij̄iducugū yerota.

<sup>22</sup> Cristo yere t̄ho duera c̄j̄ñequinare paja ih̄ñaña. Sa yena tiquinare buhe, masigū yeya. <sup>23</sup> Tiquinare pecar̄n̄ wahaboriquinare Coh̄c̄j̄re ȳhd̄nogū yeya m̄sa. Sa yena apequinare paja ih̄ñaña m̄sa. Tiquinare yedohona m̄sa ḡh̄n̄ tiquina ñañe yeyere ih̄ña c̄ūedac̄h̄ña. Wete t̄ri suhtirore m̄sa yabiro saha, apequina tiquina ñañe yeyere yabiya, “Tiquina ñañe yeyere pihari”, nina.

### *Juda Coh̄c̄j̄re tiquiuro ño peoye ijire*

<sup>24-25</sup> Coh̄c̄j̄ mari p̄htoro marine ih̄ña ihbo masine “Ñañene yeri”, nino. Sa yero tiquiuro marine ñañe buhiri marienare ʘhm̄sep̄n̄ tiquiuro cahar̄n̄ c̄ū masine. Sa marine top̄n̄ tiquiuro c̄ūgū mari bucuenata. Tiquiuro Coh̄c̄j̄ ihc̄aquiota ijire. Apequiuro mariedare. Sa yero marine pecar̄n̄ wahaborinare ȳhd̄n̄oriquiuro ijire tiquiuro. Tiquiuro pehe panop̄n̄, yojop̄n̄re, ij̄ip̄htiye decori ḡh̄n̄re quehnoa ȳhd̄n̄ariquiuro, mari p̄htoro, tutua ȳhd̄n̄ariquiuro, ij̄ip̄htiyequinare dutiriquiuro ijire. Tiquiuro sa ij̄igū mari p̄htoro Jesucristo yedohoro mehna tiquiore ño peouhna. Sata yel̄hna.

## Apocalipsis

### *Camepare ahri deco dahse wahatire marine masigū yeahye Jesucristo*

<sup>1</sup> Ahri pūpū Jesucristo marine tiqiro masigū yerire yahu ojoagu niaja. Mari Pacū pehe tire yahu dutiro cūahye tiqirore, tiqiro yeahyene tiqiro cahacjēnare masigū ye dutiro. Sa yero mianota dahse wahatire masigū yeri tiqiro. Mehenogā dahsatjiāno nine sa wahato. Jesucristore tiqiro sa cūgū tiqiro pehe angelre tire yahūre Nūre yahu dutiro ohori. <sup>2</sup> Sa yegū yahū Nū ijiptiyere yahū ihñarire yahu ojoagu niaja. Cohācjū ye yahuducuyere Jesucristo ye buheyere yahu ojoagu niaja.

<sup>3</sup> Ahri pūpū camepare dahse wahatire yahu ojoagu niaja. Mehenogā dahsatjiāno nine ahri ijiptiye sa wahato. Sa ye ijiptiyequina ahri pūre buheyequina, yahū yahurire quehnoano tahoyequina ahri pū nidiro saha yeyequina bucuyequina ijieta.

### *Siete cururi cjēnare Jesu yequina cahmecoañequinare ojoa ohoahye Nū*

<sup>4</sup> Yahū, Nū māsare siete cururi cjānare Jesu yequinare Asia yehpa cjānare ojoa ohoaja: Cohācjū tiqiro cahñe mehna māsare quehnoa dutiaja. Sa yena tiqiro yedohoye mehna quehnoano ijiya māsā. Tiqiro panopūta sa ijiducuriqiro iji tiahye. Yojoḡū gūhure sa ijiducure. Camepū ahtarota. Tiqiro pūthoro dujiro poto ijiyequina siete pagū bajueyequina ijire. Tiquina cahñe mehna māsare quehnoa dutiaja tja. <sup>5</sup> Cristo tiqiro cahñe mehna māsare quehnoa dutiaja tja. Cohācjū yere ni mehono marieno yahuriqiro ijire tiqiro. Sa yero tiqiro yariari bato tiqiro masa mājari bato ne pari turi yariasi tiqiro. Sa yero ijiptiyequina ahri yehpa cjēna pūthoa tiquina bui pūthoro ijire tiqiro. Marine cahño tiqiro dii cohāri mehna mari ñañene coseri tiqiro. <sup>6</sup> Sa cosero marine pūthoa sōri tiqiro. Marine pahia wahagū yeri tja. Cohācjū mari Pacū tiqiro yere yeatiquinare marine sa sōri tiqiro. Ijiptiye decori “Tutuagu ijire mahū”, ni ño peoduceta ijiptiyequina tiqirore. Ijiptiyequina pūthoro sa ijiducure tiqiro. Sata ijahro.

<sup>7</sup> Quehnoano wacū masi cohteya māsā. Ehmeo cururi watoa dijia tarota Cristo. Tiqiro sa ahtagū ihñæta ijiptiyequina. Tiqirore quē biha wejēdiquina gūhū tiqirore ihñæta. Sa ye tiqiro ahtagū ihñæne ahri yehpa cjēna ijiptiye cururi cjēna tutuaro utieta. Sata utiahro.

<sup>8</sup> Ohō saha nine mari pūthoro Cohācjū: “Yahū ijiptiyere bajumehnedigu ijiaja. Sa yegū ijiptiyere pihigū yeacjū ijiaja. Tutua yahduducagū ijiaja yahū. Panopū gūhure sa ijiducue ti. Yojoḡū gūhure sa ijiducuaja. Came ahtaŋta”, nine Cohācjū.

### *Cristore asi siteriqirore tiqiro ihñarire yahuahye Nū*

<sup>9</sup> Yahū Nū māsā acayū Jesu yaqiro ijiaja. Sa yegū māsā yero saha yahū gūhū Jesu yere yahū yeri buhiri ñano yahdū. Sa yegū māsā yero saha yahūre tiquina sa ñano yepegūta Jesu yedohoye mehna Jesure cohædu. Mari ihcāno saha tiqiro pūthoro ijiro cjāna ijiana ijiaja mari. Ya dihta cjēna tiquina cohārigū ijigū Patmo wame tiri nūcūopū ijiaja. Cohācjū yere, Jesucristo tiqiro buheri gūhure apeqinare yahū buheri buhiri ohōpū tiquina cohārigū ijiaja.

<sup>10</sup> Ohōpū yahū ijigū ihcā deco domingo ijigū Espiritu Santo yahūre quehēnopū ihñono nidi. Tiqiro sa ihñogū yahū behero pehero tutuaro yahuducuro ca tari. Corneta tutuaro bisiro saha tutuaro bisiro ca tari tiqiro yahuducuye.

<sup>11</sup> Ohō saha nino ca tari yahū tahogū:



—Yuhũ ijipihtiyere bajumehnedigũ ijiaja. Sa yegũ ijipihtiyere pihdigũ yeacjũ ijiaja. Yojoꝛũ mũhũ ihñãtĩre ojoati pũꝛũ ojoa ohõña. Mũhũ sa ojoa ohõri bato siete cururi cjenare Cohãcũ yequinare ohoya ti pũre. Tiquina siete cururi Asia dihtarũ ijiye macari cjenã ijire. Efeso cjenare, Esmirna cjenare, Pẽrgamo cjenare, Tiatira cjenare, Sardis cjenare, Filadelfia cjenare, Laodicea cjenare mũhũ ihñãtĩre ojoa ohoya, nino ca tari yũhare.

<sup>12</sup> Tiquiro sa nigũ tuhogũ majaredũcaũ yũhare yahuducuriquirore ihñagũ tuhũ. Sa majaredũcagũ siete sihãñe pacare tiquina duhu peoye cjure uru mehna tiquina yeri cjure ihñãũ. <sup>13</sup> Ti cju watoa ducuriquirore masũno yero saha bajuriquirore ihñãũ. Tiquiro yoari suhtiro dahpocãriũ esari suhtirore sañariquiro ijiri. Sa yero uru mehna tiquina yeri cahsero mehna tiquiro cutiro bui tũã dihoriquiro ijiri. <sup>14</sup> Sa ye tiquiro poari buhsa cohoꝛi yero saha yehseri. Sa ye tiquiro caperi peca pohna yero saha asiri. <sup>15</sup> Sa ye tiquiro dahpocãri bronco wame tiye come asiye come yero saha asi siteri. Bronco peca mehna tiquina quehnoano mũãã weri bato tire wahtere quehnoano asi paha dutiye. Ti quehnoano wahtenohriro yero saha tiquiro dahpocãri quehnoano asi siteri. Sa yero tiquiro yahuducuyẽ peo tutuaro cuari peo yero saha tutuaro bisiro ca tari. <sup>16</sup> Tiquiro omoca poto pehe siete ñahpicoha pacare cãori. Sa yero tiquiro dũseropũ ñoseni pji pũã peheri siori pjiñe cuhñuri. Sa yero asũ deco cjenãno tiquiro tutuaro asi sifero saha tiquiro wãhdoã tutuaro asi siteri.

<sup>17</sup> Sa yegũ tiquirore ihñagũ tiquiro dahpocãri caharũ doque quehe saũ yariariquiro yero saha. Yuhũ sa doque quehe sagũ ihñãno tiquiro poto pehe cãã omoca mehna yũhare duhu peo ohõ saha nidi:

—Cueracãhña. Yuhũ ijipihtiyere bajumehnedigũ ijiaja. Sa yegũ ijipihtiyere pihdigũ yeacjũ ijiaja. <sup>18</sup> Catigũ ijiaja yũhũ. Yariarigũ ijimi. Yojoꝛũre ihñãña. Ijipihtiyẽ decori sa catiducugũ ijiaja yũhũ. Pari turi masagũ masare pari turi yarieragũ ye masiaja yũhũ. Sa yegũ masare yariariquina tiquina ijiropũ wahaeragũ ye masiaja yũhũ. <sup>19</sup> Sa yegũ yojoꝛũ wahtire ihñagũ, ojoa ohõña. Cãerũ dũhse wahati gũhare ihñãgũ ojoa ohõña mũhũ. <sup>20</sup> Ahri siete ñahpicoha pacare yũhũ poto pehe yũhũ cãoye pacare yahutja mũhare. Sa yegũ siete sihãñe pacare tiquina duhu peoye cju uru cju gũhare yahutja. Ohõ saha ijiye yahuyere panopũ cjenã masare ne yahuera ti. Ohõ saha ijire ti: Siete ñahpicoha paca siete cururi cjenã yeequina pũhtoã ijiye nine, mari queoye mehna buhegũ. Sa ye siete sihãñe pacare tiquina duhu peoye cju siete cururi cjenã yeequina ijiye nine, mari queoye mehna buhegũ, nidi yũhare.

## 2

### *Efeso cjenare Jesu yequinare ojoa oho basa dũca dutiahye Ñuro*

<sup>1</sup> Sa ni tuhasa ohõ saha ni nemori yũhare ojoa dutiriquiro:

—Efeso cjenã yeequina, tiquina pũhoro gũhare ohõ saha ni ojoa oho basaya mũhũ: “Yuhũ omoca poto pehe siete ñahpicoha pacare cãoye ijiaja. Sa yegũ siete sihã docoye cju watoa tinigũ ijiaja. Sa tinigũ ijigũ mũsare ohõ saha ni yahuaja: <sup>2</sup> Ijipihtiyẽ mũsa yerire masi pehoaja. Yee ijiatire mũsa tutuaro dahrarire, yũhare mũsa wacũ tutua duhuerari gũhare quehnoano masiaja. Ñãñene yeriquinare mũsa ihña yabigũ gũhare masiaja. Sa yena ‘Jesu buhe dutiro tiquiro cũrina ijiaja’, nimediquinare queoro tiquina buheragũ ihñãna, ni mehoñequina tiquina ijigũ masidi mũsa. <sup>3</sup> Yeere mũsa yeri buhiri mũsa ñano yũhdũepenata ihcãno sahari mũsa Efeso cjenã. Sa yena yũhare ne duhuerari mũsa. <sup>4</sup> Sa quehnoano yena ijiepenata ihcãno queoro yerari mũsa. Ahri ijire ti: Yũhare mũsa quehnoano cahĩ mũhtariro saha yojoꝛũre

yerare m̄sa. <sup>5</sup> Ȳh̄ure m̄sa cahĩ m̄htarire wacũña m̄sa tja. Yojoꝝure ȳh̄ure m̄sa cahĩeda c̄jũire wacũña. Sa yena m̄sa ñaife yerire buja witiya. Tire duhuya. Sa duhuna, yeere m̄sa ye m̄htariro sahata yeya tja. M̄sa ñaife yerire m̄sa duhueragũ sojaro mehna sihãriare ȳh̄u duhu peodũ m̄sa ya d̄re ȳh̄u dapod̄re ne cohãutja. (Sa nigũ ohõ saha ni yahugũ niaja m̄sare. M̄sa tõ c̄jana ȳh̄ure cohãboaga. Sa cohãna to punota pihtinata m̄sa ñaife yeyere duhuerana.) <sup>6</sup> Ȳh̄ure cahĩeda c̄jũna ijiepenata ahrire quehnoano yeri m̄sa: Nicolaita wame tiyequinare ñaifequinare ih̄ña yabire m̄sa. Ȳh̄u gũh̄u tiquinare ih̄ña yabiaja. <sup>7</sup> Cahmo tina ijire m̄sa. Sa yena m̄sa ye cururi c̄jenare yeequinare Espĩritu Santo tiquiro yahurire tuhoya m̄sa. Ohõ saha nine tiquiro: 'Ijipihtiyequinare Jesure wacũ tutua duhueyequinare Cohãc̄jũ ya wese paraĩso wame tiro c̄jadũ d̄ucare ihya dutiitja. Tũ d̄uca catigũ yeye ijire', nine Espĩritu Santo", ni yahu ojoa oho basaya Efeso c̄jena yeequinare, tiquina p̄htoro gũh̄ure.

### *Esmirna c̄jenare Jesu yequinare ojoa oho basa dutiahye Ñure*

<sup>8</sup> Esmirna c̄jena yeequinare, tiquina p̄htoro gũh̄ure ohõ saha ni ojoa oho basaya m̄h̄u: "Ȳh̄u ijipihtiye bajumehnedigũ ijiaja. Sa yegũ ijipihtiye pihtigũ yeac̄jũ ijiaja. Yariaa wahaũ. Pari turi catiaja tja. Sa yegũ ohõ saha ni yahuaja m̄sare: <sup>9</sup> M̄sa ñano ȳhd̄urire masiaja. Pejesc̄ona m̄sa ijigũ gũh̄ure masiaja. Sa ijiepenata Cohãc̄jũ yere quehnoañene pajiro c̄ore m̄sa. Apequina pehe 'Judio masa ijiaja', nimediquina ni mehonẽquina ijire. Tiquina m̄sare ñano quiti yerire masiaja. Tiquina Satana yequina ijire. <sup>10</sup> Yojoꝝure m̄sa ñano ȳhd̄uatire cueracãh̄ña. Tuhoya m̄sa. Watĩno m̄sare Cohãc̄jũre duhu dutiro ih̄quẽquina m̄sa mehna c̄jenare peresu ye dutirota. P̄na omope decori waro ñano ȳhd̄unata m̄sa. Tiquina sa ñano yegũ m̄sare tiquina sa wejẽ duegegũta yahure, yee gũh̄ure cohãedacãh̄ña. M̄sa sa ȳh̄ure cohãedagũ ih̄nagũ ijipihtiye decori Cohãc̄jũ cahapũ m̄sare sa ijiducugũ yeitja. <sup>11</sup> Cahmo tina ijire m̄sa. Sa yena m̄sa ye cururi c̄jenare yeequinare Espĩritu Santo yahurire tuhoya m̄sa. Ohõ saha nine tiquiro: 'Ijipihtiyequina Jesure wacũ tutua duhueyequina pecapũ wahasi. Tiquina yariari bato pecapũ wahasi', nine Espĩritu Santo", ni ojoa oho basaya Esmirna c̄jena yeequinare, tiquina p̄htoro gũh̄ure.

### *Pérgamo c̄jenare Jesu yequinare ojoa oho basa dutiahye Ñure*

<sup>12</sup> Pérgamo c̄jena yeequinare, tiquina p̄htoro gũh̄ure ohõ saha ni ojoa oho basaya m̄h̄u: "Ȳh̄u ñoseni p̄jĩ p̄na peheri siori p̄jĩne c̄ogũ ijiaja. M̄sare ohõ saha ni yahutja: <sup>13</sup> M̄sa yerire, m̄sa ya maca c̄jena tiquina yeri gũh̄ure masiaja. To c̄jena p̄htoro Satana ijire. To c̄jena Satanare ño peoyequina Antipare yeere quehnoano yahuriquire wejẽdi. Tiquirore tiquina sa wejẽgũ ih̄ñaepenata ȳh̄ure ne wacũ tutua duhuerari m̄sa. <sup>14</sup> M̄sa sa wacũ tutua duhuerapenata mehenogã ȳh̄ure ȳhd̄ud̄ucari m̄sa. Ih̄quẽquina m̄sa mehna c̄jena Balãa ye buheyere cahmene. Panopũ Balac wame tiriquiro p̄htoro ohõ saha ni buhee tiri Balãa pehe: 'Israe masare ȳhd̄ud̄uca duana "Cohãc̄jũ ijire", m̄sa ñiife queoyere ño peo m̄sa duhu peo ihayere ihya dutiya tiquinare. Sa yena numia mehna ñano yegũ yeya tiquinare', ni buhee tiri Balãa m̄nana. Panopũ tiquiro yeriro saha yojoꝝ gũh̄ure ñano yegũ yere ih̄quẽquina m̄sa mehna c̄jena apequinare. <sup>15</sup> Sa ye tiquina yero saha apequina m̄sa mehna c̄jena Nicolaita wame tiyequina ye buheye pehere cahmene. <sup>16</sup> Sa yena m̄sa ñaife yerire duhuya m̄sa. M̄sa sa duhueragũ ih̄nagũ sojaro mehna m̄sa cahapũ wahagũ, sa ñano yeyequina mehna cahmequitja ȳh̄u d̄seropũ ijiri p̄jĩ ñoseni p̄jĩ mehna. <sup>17</sup> Cahmo tina ijire m̄sa. Sa yena m̄sa ye cururi c̄jenare yeequinare Espĩritu Santo tiquiro

yahurire tuhoya m̄sa. Ohō saha nine tiquiro: ‘Ijipihtiyequinare Jesure wacū tutua duhueyequinare maná wame tiye ihyayere uhm̄se c̄jē ihyayere ohoutja. Yehseye utá paca gūhare ohoutja tiquinare. Ti utá pacapare wahma wamene yuh̄u ojoa ohōati utá paca ijirota. Apequina ti wamene ne masisi. Ti utá pacare neŋequina dihita ti wamene masieta’, nine Espiritu Santo”, ni ojoa oho basaya Pérgamo c̄jēna yeequinare, tiquina p̄htoro gūhare.

*Tiatira c̄jēnare Jesu yequinare ojoa oho basa dutiahye Ñure*

<sup>18</sup> Tiatira c̄jēna yeequinare, tiquina p̄htoro gūhare ohō saha ni ojoa oho basaya m̄hu: “Yuh̄u Cohāc̄jū mac̄u yuh̄u caperi peca pohna yero saha asire. Sa ye yuh̄u dahpoc̄ari bronce wame tiye come tiquina wahteri come yero saha asi sitere. M̄sare ohō saha ni yahuaja.

<sup>19</sup> M̄sa yerire masiaja yuh̄u. Cohāc̄jūre, apequina gūhare m̄sa cah̄idire, yuh̄ure m̄sa cohāedarire, apequinare m̄sa yedohorire, ñano yuh̄duēpenata yuh̄ure m̄sa duhuerarire masiaja. Coā warop̄u m̄sa yeriro yuh̄duoro yojop̄u pehere quehnoano ye nemona nine m̄sa. Ti gūhare masiaja yuh̄u.

<sup>20</sup> M̄sa sa quehnoano yena ijiepenata ohō saha yuh̄ure yuh̄duucari m̄sa: Jezabe wame tiricoro ‘Cohāc̄jū yere yahugo ijaia’, ni mehoricoro m̄sare ticoro ñano buhegū tuhona ticorore tuhtierari m̄sa. Ni meho buhero yeequinare yuh̄u cahac̄jēnare numia mehna ñano yegū yere. Sa yero ‘Cohāc̄jū ijire’, tiquina niñe queoyere apequina ño peo, tiquina duhu peoe tiri ihyayere. Ti ihyayere yeequinare ihya dutire ticoro. <sup>21</sup> Ticoro ñañene buj̄na witiatire cohtenimi. Yuh̄u sa cohtep̄egūta am̄ua mehna ticoro ñano yeyere duhu duerari. <sup>22</sup> Yuh̄ure tuhoya m̄sa. Ticorore dohatigū yeitja. Ticoro mehna ñano yeriquina gūhare dohatigū yeitja. Sa ye tiquina tutuaro ñano yuh̄dueta. Sata yeitja tiquinare ticoro mehna tiquina ñano yerire tiquina buj̄na witieragū, tire tiquina duhueragū. <sup>23</sup> Sa yegū ticoro pohnene wejēitja. Yuh̄u sa yegū ih̄ñañe ijipihtiyequina yeequina yuh̄u quehnoano masigū ijigū masieta. Masa tuh̄otuyere tiquina tutuaro cahmeñe gūhare masiaja. Yuh̄u sa masiñene masieta tiquina ticorore yuh̄u buhiri dahregū ih̄ñañe. Ijipitina m̄sa ñañene yeri buhirire buhiri dahreitja m̄sare. Sa yegū m̄sa quehnoañene yeri wapa pehere quehnoano yeitja m̄sare. <sup>24</sup> Apequina m̄sa mehna c̄jēna Tiatira c̄jēna ticoro ye buheyere cahmedari. M̄sa pehe Satana ye buheyere ‘Panop̄u tiquiro yahuerari jiri’, tiquina niñe buheyere cahmedari m̄sa. Sa yegū m̄sa pehere duti nemosi yuh̄u. <sup>25</sup> Ahri dihitare ye duti nemoutja m̄sare: M̄sa cahap̄u yuh̄u tojoa tato pano yuh̄u buheyere m̄sa masidire ne mehenogā duhuerac̄h̄ña. <sup>26-27</sup> Ijipihtiyequina ñañene duhueyequinare, yeere sa yeducueyequinare p̄htoa s̄outja. Yuh̄u Pac̄u yuh̄ure tiquiro p̄htoro s̄oriro sahata m̄sa gūhare p̄htoa s̄outja. Ijipihtiye yehpari c̄jēna bui p̄htoa s̄outja m̄sare. Sa p̄htoa sajāna, m̄sa docap̄u ijieyequinare ijipihtiye yehpari c̄jēnare tutuaro dutinata m̄sa. Dihi suturire mari yuc̄gu mehna pohagū duita wahtiro saha tiquina duita pihtia wahaeta. <sup>28</sup> Sa yegū m̄sare yeere ne duhueyequinare ñahpic̄oha bohrea m̄ja tariare ohoutja m̄sare. Sa yegū m̄sa mehna ijiitja yuh̄u.

<sup>29</sup> Cahmo tina ijire m̄sa. Sa yena m̄sa ye cururi c̄jēnare yeequinare Espiritu Santo tiquiro yahurire tuhoya m̄sa”, ni ojoa oho basaya Tiatira c̄jēna yeequinare, tiquina p̄htoro gūhare.

### 3

*Sardis c̄jēnare Jesu yequinare ojoa oho basa dutiahye Ñure*

<sup>1</sup> 'Sardis cjēna yeequinare, tiquina puhtoro gāhure ohō saha ni ojoa oho basaya muhu: "Yuhu siete pagu bajueyequinare Cohācjū yequinare cuogu ijiaja. Sa yegu siete űahpicoha pacare cuogu ijiaja. Musare ohō saha ni yahuaja:

Musa yerire masiaja. Ohō saha ni tuhotumene apequina musare: "Tiquina Cohācjū yere quehnoano ye pehoyequina ijire", ni tuhotumene musare apequina. Tiquina sa ni tuhotuepegūta Cohācjū yere quehnoano yerare musa. <sup>2</sup> Sa yena quehnoano yeya musa 'űaűene yeari', nina. Cohācjū yere musa masidire quehnoano wacūña, "Tiquiro yere duhuari", nina. Cohācjū ihñagū quehnoano ye pehoerare musa. <sup>3</sup> Sa yena yeere musa tuho muhtarire quehnoano wacūña musa. Sa wacūna yeere yeya. Musa űaűe yerire duhuya. Yuhu nino saha musa yeragū wacūeno mehna musare buhiri dahreitja. Yaqueriquiro wacūeno mehna tiquiro yaquero sajāriro saha musare wacūeno mehna buhiri dahreitja. <sup>4</sup> Ihuqēquina musa mehna cjēna Sardis cjēna űaűene yeducerare. Wete marieni suhtirore musa sañaboriro saha ti űaűe yeyere piha duerare musa. Sa quehnoana ijina, yehseri suhtiro sañana yuhu mehna ijinata musa pehe. <sup>5</sup> Ijipihtiyequina yeere duhueyequina sata yehseye suhti sañaducuyequina ijieta. Sa yeere yuhu mehna sa ijiducuatiquina wamene tiquiro ojoa ohōri tjupū tiquina gāhu tiquina wamene ojoa ohōnohriquina ijieta. Tiquina wamene tiquiro ojoa ohōrire cosesi yuhu. Yuhu Pacu ihñonopu, angele gāhu tiquina ihñonopu yeequina musa ijiire yahutja tiquinare.

<sup>6</sup> Cahmo tina ijire musa. Sa yena musa ye cururi cjēnare yeequinare Espiritu Santo tiquiro yahurire tuhoya musa", ni ojoa oho basaya Sardis cjēna yeequinare, tiquina puhtoro gāhure.

### *Filadelfia cjēnare Jesu yequinare ojoa oho basa dutiahye űure*

<sup>7</sup> Filadelfia cjēna yeequinare, tiquina puhtoro gāhure ohō saha ni ojoa oho basaya muhu: "Yuhu űaűe mariegu ijiaja. Poto yegu ijiaja. Davi manano panopu cjāno sawire tiquiro cuoboriro saha, masare tiquiro puhtoro ijiropu tiquiro pōboriro saha yeitja yuhu. Sa yegu Cohācjū tiquiro puhtoro ijiropu sajātore yuhu pōogū ne apequina tire biha masiedare. Yuhu bihagū ne apequina pōo masiedare.

<sup>8</sup> Ijipihtiyē musa yeyere masiaja yuhu. Wacū tutuera cjūna ijiepenata yuhu buheyere quehnoano tuhori musa. Sa yena yuhure, yee gāhure duhuerari musa. Sa yegu yeere cūu musare. Sa ye apequina 'Tire yeracāhña', ni cahmota masiedare musare. <sup>9</sup> Sa yegu ohō saha yeitja: Apequina musa caha ijijeyequina Satana yequina ijire. 'Judio masa ijiaja', niepeta judio masa waro ijierare. Tiquinare musa caha dusepe curi mehna quehe sa, musare ño peogū yeitja tiquinare. Yuhu sa yegū ihñañe musare yuhu cahñene masieta tiquina.

<sup>10</sup> Musare yeere yuhu duhu dutieragū tuhona quehnoano yuhtiri musa. Musa sa yegū ihñagu ahri yehpa cjēna ijipihtiyequina tiquina ñano yuhduati pje ijigū musare cahmotautja. Ti pje ijipihtiyequina tiquina ñano yuhduati pje ijirota.

<sup>11</sup> Mehenogā dūhsare ahri yehpau yuhu tojoa tato. Yeere musa masidire boeracāhña. Sa yena yuhure sa yuhtiducuya, musa quehnoano yeri wapare 'Boari', nina. <sup>12</sup> Sa yegu yeere sa yeducuyequinare yuhu Pacu ya wahu cjēna ijiatiquinare cūtja tiquinare. Tiquiro ya wahu cjē botari ti yoari pje ijiducuro saha Cohācjū mehna ijiducugū yeitja tiquinare. Sa ye tiquina mehna cjēna sa ijiducuetā. Sa yegu Cohācjū wahu cjē botaripu yuhu ojoa ohōno saha tiquinare tiquina pagaripu ohō saha ni ojoa ohōutja: Cohācjū yuhu Pacu wamene, tiquiro ya maca wame gāhure ojoa ohōutja. Tiquiro ya maca wahma maca Jerusalē ijirota. Ti maca uhmusepu Cohācjū cahapu ahtari maca ijirota. Yuhu wahma wame cuoutja. Ti wame gāhure ojoa ohōutja tiquina pagaripu.

<sup>13</sup> Cahmo tina ijire m̄sa. Sa yena m̄sa ye cururi c̄jēnare yeequinare Esp̄ritu Santo yahurire t̄hoya m̄sa”, ni ojoa oho basaya Filadelfia c̄jēna yeequinare, tiq̄uina p̄h̄toro ḡh̄are.

*Laodicea c̄jēnare Jesu yequinare ojoa oho basa dutiahye Ñure*

<sup>14</sup> Laodicea c̄jēna yeequinare, tiq̄uina p̄h̄toro ḡh̄are oh̄o saha ni ojoa oho basaya m̄h̄u: “Ȳh̄u poto yeḡu ijiaja. Sa yeḡu ni mehono marieno ȳh̄u ih̄narire, ȳh̄u t̄h̄orire sa yahuducuḡu ijiaja. Ijipihtiyere mari Pac̄u tiq̄uero yerire ye basaḡu ijiaja ȳh̄u.

<sup>15</sup> Ijipihtiyere m̄sa yerire masiaja ȳh̄u. Ȳh̄are wac̄u tutuana ijiepenata mehenoḡa wac̄u tutuana ijire m̄sa. Oh̄o saha ijire ti: Aco ȳh̄e ye aco as̄u mehna asi busuye aco yero saha ijire m̄sa. Sata ijiye acore mari coaero saha ȳh̄are wac̄u tutuera c̄jēna m̄sa ijiḡu ȳh̄u ḡh̄u m̄sare coaeraja. Ȳh̄are m̄sa quehnoano wac̄u tutuaḡu quehnoaboaga ȳh̄are. Ȳh̄are m̄sa wac̄u tutueraḡu ñar̄boaga ȳh̄are. Ti ȳh̄d̄uro mehenoḡa wac̄u tuana m̄sa ijiḡu ña ȳh̄d̄are. <sup>16</sup> M̄sa sa ijiḡu ih̄n̄agu yabi ȳh̄d̄aja ȳh̄u. Ñañe acore ȳh̄u sihco puti coh̄ano saha ȳh̄are mehenoḡa wac̄u tutuayequinare yabi ȳh̄d̄aja ȳh̄u. <sup>17</sup> Sa yena oh̄o saha ni t̄hotumene m̄sa: ‘Ijipihtiyere c̄oaja. Ne yabe d̄hsaerare marine’, ni t̄hotumene m̄sa. Sa niepenata pejec̄oyequina yero saha ijire m̄sa. Sa yena suhti marieñequina b̄e tiro saha Coh̄c̄j̄ ih̄nop̄u m̄sa ñañe yerire b̄e tiana ijire m̄sa. Sa yena caperi bajueyequina tiq̄uina ih̄na duayerer tiq̄uina masieno saha Coh̄c̄j̄ yere ne masiedare m̄sa. <sup>18</sup> M̄sa sa yena ijiḡu ih̄n̄agu oh̄o saha ni yahutja m̄sare: Uru warore m̄sa d̄uro saha quehnoañene ȳh̄u c̄oyere neña m̄sa. M̄sare ȳh̄are wac̄u tutuaḡu yeitja. Sa yena potota Coh̄c̄j̄ ye mehna pajiro c̄onata. Sa yena yehseri suhtirore m̄sa d̄u m̄sa sañano saha ȳh̄u dii coh̄ari mehna ȳh̄u yariari mehna m̄sa ñañe yerire cosenohrina ijiya. Sa yena quehnoañe suhti sañañequina tiq̄uina b̄e tiero saha m̄sa ñañene cosenohrina ijina ne b̄e tisi m̄sa ḡh̄u. Sa yena m̄sa caperire m̄sa aco tiri bato quehnoano m̄sare caperi bajuro saha Coh̄c̄j̄ yere quehnoano t̄hoya, m̄sa masino quehnoano.

<sup>19</sup> Ijipihtiyequina ȳh̄u cah̄ñequinare yahuaja. Sa yeḡu ȳh̄u cah̄ñequina tiq̄uina ijiḡu ih̄n̄agu, tiq̄uina ȳhtieraḡu tiq̄uinare buhiri dahreaja, tiq̄uinare yedohoḡu t̄h̄u. Sa yena yee pehere tutuaro cahmeña. Sa yena ñañene duhuya. <sup>20</sup> T̄hoya ȳh̄are. M̄sa w̄h̄are bihari w̄h̄are ȳh̄u esad̄uca ȳh̄u saj̄ duaboriro saha m̄sa mehna c̄j̄ iji duaḡu ñaja. Ȳh̄u sa ye duaḡu t̄hona ȳh̄are m̄sa mehna iji dutiya. Yeequina ijiya. M̄sa sa ye dutiḡu m̄sa mehna ijiitja. Sa yeḡu mari siho ihyaro saha m̄sa mehna quehnoano ijiitja. Sa yena ȳh̄u mehna c̄j̄ana ijinata m̄sa. <sup>21</sup> Ñañene ȳh̄u coh̄ari bato ȳh̄u Pac̄u p̄h̄toro tiq̄uero dujiro cahar̄u dujiya ȳh̄u ḡh̄u dutiḡu t̄h̄u. Sata m̄sa ḡh̄u ñañene m̄sa duhuri bato ȳh̄u p̄h̄toro dujiro cahar̄u dujinata m̄sa dutina tana. M̄sare ȳh̄u cahar̄u dujiḡu yeitja.

<sup>22</sup> Cahmo tina ijire m̄sa. Sa yena m̄sa ye cururi c̄jēnare yeequinare Esp̄ritu Santo tiq̄uero yahurire t̄hoya m̄sa”, ni ojoa oho basaya Laodicea c̄jēna yeequinare, tiq̄uina p̄h̄toro ḡh̄are, nidi ȳh̄are ojoa dutiritiq̄uero.

## 4

*Ĥm̄s̄ep̄u Coh̄c̄j̄ cahar̄u d̄sepe curi mehna quehe sa tiq̄uina ño peoyere ih̄ñahye Ñu*

<sup>1</sup> Ȳh̄are tiq̄uero sa ni yahuri bato ĥm̄s̄ep̄u p̄ori sopcahare ih̄ñan. Pari turi corneta tutuaro bisiro saha tutuaro yahuducuye bisiro ca tari, ȳh̄u t̄hoḡu. Oh̄o saha nidi ȳh̄u t̄hoḡu.

—Ohõrũ mɔja taya. Ahri yũũ yahuati camepũre sijoro saha waharota. Sa wahatire mũhũre ihñoutja. Yũũ nidiro sahata waharota, nino ca tari uhmũsepũ.

<sup>2</sup> Tiquiro sa ni yahugũta topũ mɔja esagũ Espĩritu Santo tutuaye mehna ihñagũ nii. Sa yegũ pũhtoro dujirore uhmũsepũ ihñaa. Topũ ihcãquiro dujiri. <sup>3</sup> Sa yero quehnoano asi siteriquiro dujiri. Jaspe wame tiri utã yero saha, cornalina wame tiri utã yero saha quehnoano asi siteriquiro dujiri tiquiro. Sa yero buheni da esmeralda yero saha asi siteri da docapũ dujiri tiquiro. <sup>4</sup> Sa yero tiquiro dujiro cahapũ veinticuatro dujiyere ihñaa. Ti dujiye pũhtoa ye dujiye yũũ ihñã mũhtariquirore duji behtoori. Ti dujiyepũ veinticuatro Jesu yequina pũhtoa dujiri. Yehseye suhti sañañequina ijiri. Sa ye pũhtoa pesaye behtori uru behtorire pesariquina ijiri tiquina. <sup>5</sup> Yũũ ihñã mũhtariquiro dujiropũ miadoqueori. Sa yero sijoro saha ijiro bisiro ca tari. Upo gũhũ bisiro ca tari. Ti dujiro poto siete sihãñe paca ijiri. Siete sihãñe paca mehna tiquiro queoye mehna buhegũ Cohãcjũ yequina siete pagũ bajueyequina ijiri. <sup>6</sup> Sa yero tiquiro dujiro poto pajiri ma yero saha vidrio yero saha, quehnoano aco sitiri ma yero saha ijiri.

Ti dujiro cahapũ pititiaro sijoro saha bajueyequina ijiri. Tiquina pagũri paa pehe gũhũre tiquina behero pehe pehe gũhũre peye caperi tiyequina ijiri tiquina. <sup>7</sup> Yũũ ihñã mũhtariquiro sijoro saha bajuriquiro yairo sohãriquiro yero saha bajuri. Tiquiro batõ ijiriquiro wecũ yero saha bajuri. Tiquina bato ijiriquiro masano wãhdoa saha wãhdoa tiriquiro ijiri. Tiquina ihtiaro bato ijiriquiro cacũ wãye dũpũri seõ dujiriquiro yero saha bajuri. <sup>8</sup> Tiquiro seis dũpũri wãye dũpũri tiriquiro ijiri. Tiquiro mehna cjẽna gũhũ sa dihita wãye dũpũri tiri. Sa ye tiquina wãye dũpũri paa peheripata peye caperi tiye dũpũri ijiri. Sa ye decoripe, ñaminipe sa basaducuye nidi. Ne basa duhuerari. Ohõ saha ni basari:

Quehnoariquiro, quehnoariquiro, quehnoariquiro, Cohãcjũ mari pũhtoro tutua yũhũriquiro ijire. Tiquiro panopata sa ijiducuahye. Yojopũ gũhũre sa ijiducure. Camepũ ahtarota, ni basaducuye nidi.

<sup>9</sup> Sa basaye tiquina pititiaro sijoro saha bajueyequina tiquiro tutuayere basa peoye nidi. Sa ye tiquirore ijipihtiye decori ijiducuriquirore ño peoye “Quehnoare”, niñe nidi. <sup>10</sup> Tiquina sa ye peogũ ihñãñe veinticuatro Jesu yequina pũhtoa pehe pũhtoro dujiropũ dujiriquiro poto dũsepe curi mehna quehe sa, tiquirore ño peori. Tiquiro ijipihtiye decori ijiducuriquiro ijire. Sa ño peoye tiquina pũhtoa pesaye behtorire tiquiro dujiro caha doque peori. Sa doque peoye ohõ saha nidi tiquina:

<sup>11</sup> Mũhũ Cohãcjũ usã pũhto waro ijire. Tutuagũ, quehnoagũ ijire mũhũ. Mũhũ usã ño peogata ijigũ nine. Mũhũre sa ño peoducuro cahmene usãre. Ijipihtiyere bajumehnedigũ ijire mũhũ. Mũhũ cahmediro sahata ti ijipihtiyere bajumehneahye mũhũ, nidi tiquina Cohãcjũre, topũ dujiriquirore.

## 5

### *Ojoari pũre torẽdi tunure cordero gũhũre yahuahye Ñũ*

<sup>1</sup> Came topũ dujiriquiro tiquiro omoca poto pehe tiquiro cõori pũre ojoari pũre ihñaa. Ti pũ paa peheri ojoari pũ tiquiro torẽdi tunu ijiri. Sa yero siete piha ñeheñe mehna tiquiro piha ñehedi tunu ijiri. <sup>2</sup> Sa yegũ tutuariquiro angelre ihñaa. Tiquiro tutuaro yahuducuye mehna ohõ saha ni yahuri:

—Ahri tunure piha ñeheñene quehnoariquiro dihita tũhrẽ masine. ¿Diquiro pehe ijijari tũhrẽatiquiro? nidi tiquiro angel.



<sup>3</sup> Sa nieperota tiquina ti tunure tahrēatiquireore bocaerari. Ti tunure tahrēatiquireore, quehnoariquireore bocaerari. Ɛhmusep<sub>u</sub>, ahri yehpap<sub>u</sub>, catiyequina watoap<sub>u</sub>, yaria tuhasariquina watoap<sub>u</sub> ne ti tunure ñehēñene tahrēatiquireo mariedari. Sa yero ti tunure buheatiquirore mariedari. <sup>4</sup> Sa yeg<sub>u</sub> tahrēatiquireore, ti püre buheatiquirore tiquina bocaerag<sub>u</sub> ihñag<sub>u</sub> tutuaro uti y<sub>u</sub>h<sub>u</sub>. <sup>5</sup> Y<sub>u</sub>h<sub>u</sub> sa utig<sub>u</sub> ihñano ihcāquiro Jesu yequina p<sub>u</sub>h<sub>u</sub>toa mehna c<sub>u</sub>ño ohō saha nidi y<sub>u</sub>h<sub>u</sub>re:

—Utieracāhña. Ti tunure ñehēñene ihcāquiro tahrē masine. Tiquiro Judā ya curua c<sub>u</sub>ño tutuariquiro ijire. Tutuariquiro ijiro “Yairo sohāriquiro”, tiquina ni pisuriquiro ijire. Tiquiro p<sub>u</sub>h<sub>u</sub>toro Davi panamino iji turiariquiro ijire. Wat<sub>u</sub>ñore y<sub>u</sub>h<sub>u</sub>d<sub>u</sub>g<sub>u</sub>ariquiro ijire tiquiro. Sa yero tiquiro ti tunure siete ñehēñene tahrē masidiquiro ijire, nidi tiquiro y<sub>u</sub>h<sub>u</sub>re.

<sup>6</sup> Tiquiro sa nig<sub>u</sub> tuhogu p<sub>u</sub>h<sub>u</sub>toro dujiro poto cordero ducug<sub>u</sub> ihñ<sub>u</sub>. Pitiaro sijoro saha bajuyequina, Jesu yequina p<sub>u</sub>h<sub>u</sub>toa g<sub>u</sub>h<sub>u</sub> tiquina watoa ducuri cordero. Tiquiro tiquina wejēdiquiro manano saha bajuri. Siete sahari tiriquireo, siete caperi tiriquireo ijiri. Ti siete caperi mehna tiquiro queoye mehna buheg<sub>u</sub> Cohāc<sub>u</sub>j<sub>u</sub> yequina pag<sub>u</sub> bajuyequina siete bajuyequina yero saha ijire. Tiquina tiquiro yequina pag<sub>u</sub> bajuyequina ijipitiaro ahri yehpap<sub>u</sub> Cohāc<sub>u</sub>j<sub>u</sub> ohoriquina ijiri. <sup>7</sup> Sa yero cordero pehe p<sub>u</sub>h<sub>u</sub>toro dujiro cahap<sub>u</sub> esaro, tiquiro poto pehe c<sub>u</sub>ori tunure t<sub>u</sub>ā we nedi tiquireo. <sup>8</sup> Tiquiro sa t<sub>u</sub>ā we neg<sub>u</sub> ihñañe cuatro sijoro bajuyequina, veinticuatro p<sub>u</sub>h<sub>u</sub>toa g<sub>u</sub>h<sub>u</sub> cordero poto d<sub>u</sub>sepe curi mehna quehe sa, tiquirore ño peori. Tiquina p<sub>u</sub>h<sub>u</sub>toa ijipitiyequina arpa wame tiye b<sub>u</sub>a p<sub>u</sub>tēñene, uru pari g<sub>u</sub>h<sub>u</sub>re c<sub>u</sub>ori. Ti pari bueye ehme sitye quehnoano wahpaye pose tiye pari ijiri. Ti ehme sitye mehna tiquiro queoye mehna buheg<sub>u</sub> Cohāc<sub>u</sub>j<sub>u</sub> yequina tiquirore tiquina sini basari yero saha ijiri. <sup>9-10</sup> Sa tiquirore ño peoye ohō saha ni wahma basayere tiquina basa peori tiquireo:

M<sub>u</sub>h<sub>u</sub> tiquina wejēdig<sub>u</sub> ijire. Sa yeg<sub>u</sub> m<sub>u</sub>h<sub>u</sub> dii cohāri mehna usā ñañe yerire coseri m<sub>u</sub>h<sub>u</sub> Cohāc<sub>u</sub>j<sub>u</sub> yequina usāre iji dutig<sub>u</sub>. Sa yeg<sub>u</sub> usāre ijipitiye cururi c<sub>u</sub>ñanare, ijipitiye yahuducuyere yahuducunare, ijipitiye yehpari c<sub>u</sub>ñanare usāre usāre ijipitinare m<sub>u</sub>h<sub>u</sub>re cahmena dihutare usā ñañe yerire m<sub>u</sub>h<sub>u</sub> dii cohāri mehna cosere m<sub>u</sub>h<sub>u</sub> Cohāc<sub>u</sub>j<sub>u</sub> yequina usāre iji dutig<sub>u</sub>. Usāre ijipitinare Cohāc<sub>u</sub>j<sub>u</sub> yequina ijiatinare c<sub>u</sub>ri m<sub>u</sub>h<sub>u</sub>. Sa yeg<sub>u</sub> pahia c<sub>u</sub>ri m<sub>u</sub>h<sub>u</sub> usāre Cohāc<sub>u</sub>j<sub>u</sub> cahac<sub>u</sub>ñana usāre iji dutig<sub>u</sub>. Sa yeg<sub>u</sub> peye yehpari c<sub>u</sub>ña b<sub>u</sub>i p<sub>u</sub>h<sub>u</sub>toa s<sub>u</sub>ri m<sub>u</sub>h<sub>u</sub> usāre. Sa yerig<sub>u</sub> ijig<sub>u</sub> m<sub>u</sub>h<sub>u</sub> ti tunure piha ñehēñene tahrēac<sub>u</sub>j<sub>u</sub> ijire m<sub>u</sub>h<sub>u</sub>, ni basa peori tiquina corderore.

<sup>11</sup> Pari turi ihñag<sub>u</sub> millones angele parire ihñ<sub>u</sub>. P<sub>u</sub>h<sub>u</sub>toro dujirore pititaro sijoro saha bajuyequinare, veinticuatro p<sub>u</sub>h<sub>u</sub>toare angele pehe tiquinare wahme d<sub>u</sub>ca sari. Tiquina angele pari tutuaro tiquina sañuducu peog<sub>u</sub> ihñ<sub>u</sub>. <sup>12</sup> Ohō saha ni tutuaro yahuducu peori tiquina:

Cordero tiquina wejēdig<sub>u</sub> m<sub>u</sub>h<sub>u</sub> ijipitiyequinare dutig<sub>u</sub>, ijipitiyere c<sub>u</sub>og<sub>u</sub>, masi pehog<sub>u</sub>, tutua y<sub>u</sub>h<sub>u</sub>d<sub>u</sub>g<sub>u</sub> ijire m<sub>u</sub>h<sub>u</sub>. Masa tiquina ñañe buhiri tiquina wejēdig<sub>u</sub> m<sub>u</sub>h<sub>u</sub> ijig<sub>u</sub> ihñana sa ni ño peoaja m<sub>u</sub>h<sub>u</sub>re. “Quehnoa y<sub>u</sub>h<sub>u</sub>d<sub>u</sub>g<sub>u</sub> ijire”, ninatja m<sub>u</sub>h<sub>u</sub>re. M<sub>u</sub>h<sub>u</sub>re quehnoano yahuducunatja, ni yahuducu peori angele pari.

<sup>13</sup> Sa yeg<sub>u</sub> apeq<sub>u</sub>ina g<sub>u</sub>h<sub>u</sub>re tiquina yahuducu peoye ca tag<sub>u</sub> tuh<sub>u</sub>. Ijipitiyequina Ɛhm<sub>u</sub>se c<sub>u</sub>ña, ahri yehpa c<sub>u</sub>ña, catiyequina, yariariquina g<sub>u</sub>h<sub>u</sub>, pajiri ma c<sub>u</sub>ña, ijipitirop<sub>u</sub> ijiyequina ohō saha ni yahuducu peoye ca tari: Cohāc<sub>u</sub>j<sub>u</sub>re m<sub>u</sub>h<sub>u</sub> dujirop<sub>u</sub> dujig<sub>u</sub>re, Cordero g<sub>u</sub>h<sub>u</sub>re masare p<sub>u</sub>anare quehnoano yahuducunatja. M<sub>u</sub>sare ño peonatja. “Quehnoa y<sub>u</sub>h<sub>u</sub>d<sub>u</sub>na



ijire. Tutua yǎhdǎna ijire”, nina, ijipihtiyē decori sa niducunatja mǎsare, ni yahuducu peoye ca tari.

<sup>14</sup> Sa ye tiquna pitiari sijoro saha bajuyequina tiquna sa yahuducu peogǎ tǎhoye “Sata ni yahuducu peoahro”, nidi. Sa ye Jesu yequina pǎhtoa pehe dǎsepe curi mehna quehe sa Cohǎcǎjǎre, Cordero gǎhǎre ño peori.

## 6

### *Papera tunure tiqiro nedi tunure piha ñehene tǎhrǎne Cordero*

<sup>1</sup> Came papera tunure tiqiro nedi tunure Cordero piha ñehē mǎhtarire tǎhrǎdi. Tiquiro sa tǎhrǎgǎ ihǎau. Tiquiro sa tǎhrǎdi bato ihcǎqǎiro sijoro saha bajuyequina mehna cǎno, “Ihǎana ahtaya”, nidi. Sa nino ǎpo yero saha bisiri tiqiro.

<sup>2</sup> Tiquiro sa nidi bato ihǎau yǎhu. Yehseriquiro caballore ihǎau. Tiquiro bui pesariquiro bǎedare cǎori. Tiquirore pǎhtoro pesari behtore ohori apequiro pehe. Tiquiro sa ohori bato tiqiro pehe tiquirore ihǎa tuhtiyequinare yǎhdǎdǎcaro wahari.

<sup>3</sup> Came ihcǎno ñehēnore tǎhrǎ tuhasa Cordero apero ñehēnore tǎhrǎdi tja. Tiquiro sa tǎhrǎdi bato apequiro sijoro saha bajuyequina mehna cǎno “Ihǎana ahtaya”, tiqiro nigǎ tǎhou tja.

<sup>4</sup> Sa yegǎ apequiro caballore sohǎriquirore ihǎau tja. Tiquiro bui pesariquirore tutuayere ohori apequiro pehe. Ahri yehpa cǎnare cahme wejǎ dutiatiquirore cǎri tiquirore. Sa ye ijipihtiro cǎna cahme wejǎeta ahri yehpǎ. Sa yero pajiri pjǎ ñoseni pjǎne ohori tiquirore.

<sup>5</sup> Came pǎarore tǎhrǎ tuhasa Cordero apero ñehēnore tǎhrǎdi tja. Tiquiro sa yegǎ pǎaro tiquna yahuducuri bato apequiro sijoro saha bajuyequina mehna cǎno “Ihǎana ahtaya”, tiqiro nigǎ tǎhou.

Tiquiro sa nidi bato ñiniquiro caballore ihǎau. Tiquiro bui pesariquiro balanza nǎcǎne queorore cǎori. <sup>6</sup> Tiquirore yǎhu ihǎari bato sijoro saha bajuyequina watoapǎ ohǎ saha bisiro ca tari:

—Ihcǎ deco dahrari wapa mehna trigore ihcǎ kilota dǎeta masa. Ihcǎ deco dahrari wapa mehna cebada wame tiye pjerire ihtia kilota dǎeta masa. Trigo, cebada gǎhu pihtia waharota. Sa ye ti wapa bǎjǎninota. Sa ijepegǎta ihyaye dahreye ǎhse, vino gǎhu peye ijinota, nino ca tari.

<sup>7</sup> Came ihtiarore tǎhrǎ tuhasa Cordero apero ñehēnore tǎhrǎdi tja. Tiquiro sa tǎhrǎdi bato apequiro sijoro saha bajuyequina mehna cǎno iji bato tiriquiro “Ihǎana ahtaya”, nidi tja.

<sup>8</sup> Tiquiro sa nigǎ tǎhogǎ opoariquiro caballore ihǎau. Tiquiro bui pesariquiro “Yariagǎ yeriquiro”, wame tiri. Sa yero tiqiro batǎ ahtariquiro “Peca”, wame tiri. Sa yero tiquinare tutuayere ohori apequiro pehe. Ahri yehpǎre deco mehna ijiyequina docapǎ peyequina masare wejǎ dutiri. Cahme wejǎne mehna, ǎjǎa ahbaye mehna, dohatiyē mehna, wahiquina nǎcǎri cǎna usuayequina mehna peyequina masare tiquna wejǎetire cǎri tiquinare.

<sup>9</sup> Came pitiari ñehēdire tǎhrǎ tuhasa Cordero apero ñehēnore tǎhrǎdi tja. Tiquiro sa tǎhrǎgǎ altar docapǎ Jesu yequinare tiquna wejǎdiquina jeripohnarine ihǎau. Cohǎcǎ yere tiquna yahuri buhiri, “Jesu yequina ijjaja”, tiquna ni yahuri buhiri tiquinare wejǎdi jiri. <sup>10</sup> Tiquina sañuducuye ohǎ saha nidi Cohǎcǎre:

—Mǎhu usǎ pǎhto, ñǎne mariegǎ, ni mehoñe mariegǎ, mǎhu nidiro sahata yegǎ ijire mǎhu. ¿Ahri yehpa cǎnare, usǎre wejǎdiquinare dǎhse ijjǎ buhiri dahreitjari mǎhu? ni sañuducuri tiquna.

11 Sa yero tiquinare yehseye suhti yoaye suhtire ohori. Tiquinare sa ohoro ohō saha nidi tiquinare:

—Sorīña. Apequina mūsa acaye Jesu yequina mūsa yeriro sahata yojopu gūhure quehnoañe buheyere buheniñe ninē. Mū sare tiquina wejēdiro sahata tiquina gūhure tiquina wejē pehoato dūhsarīne. Sa yena tiquinare ijipihtiyequinare tiquina wejēato pano mehenogā sorīña mūsa, nidi tiquinare.

12 Came ihcā omope ñehedire tūhrē tuhasa Cordero apero ñehenore tūhrēdi tja. Tore tiquiro sa tūhrēgūta tutuaro yehpa ñuhmīdi. Sa yero asū deco cĵano ñiniquiro wahari. Ñini suhtiro yero saha ñiniquiro wahari. Sa yero asū ñami cĵano dii yero saha sohāriquiro wahari. 13 Sa ye ñahpicoha paca yehparu bora dijiaa wahari. Yucu dūca yahsayere wihnono wē bure dijioro saha ñahpicoha paca bora dijiaa wahari. 14 Sa yero ūhmūse butia wahari. Papera tunure mari torēgū bajuero saha bajuerari ūhmūse. Sa ye ijipihtiye cūnu cĵu gūhu, nūcūpo gūhu ape siepu esadūcari. 15 Sa wahagū ihñañe, ahri yehpa cĵena puhtoā cūnu cĵu cĵē ūtā wūhūsepu duhtiri. Apequina puhtoā, surara puhtoā, doeri cĵē opana, tutuayequina, ijipihtiyequina tiquina cahacĵēna, cahacĵēna ijieyequina gūhu topūta duhtimedi. 16 Sa duhtiye, cūnu cĵure, ūtā wūhūse gūhure ohō saha nidi:

—Ūsāre bui bora pĵeya. Ūsāre nūoña. Siquiro puhtorore, dujiropu durijiquirore cue yūhdūaja. Cordero ūsāre ñano buhiri dahrerota. Sa yena nūoña ūsāre. 17 Ijipihtiyequinare tutuaro buhiri dahreati deco iji tuhasare. Sa ye ti buhiri dahreatire ne ihcāquiro duhtiriquiro ihcāno sahasi, nidi tiquina ijipihtiyequina.

## 7

### *Israe masa pagurire Cohācĵū tiquiro wame ña ohōatire yahuahye Ñū*

1 Came pititiaro angelere ihñau. Tiquina ijipihtiropu wahari. Ihcāquiro nortepu waharo topu ahtari wihnonore ahtaeragū yeri. Apequiro surpu, apequiro asū mūja taropu, apequiro asū saĵānopu wahaye, nortepu wahariquiro yero saha yerī tiquina gūhu. Sa yero ahri yehparu, pajiri mapu gūhure ne wihnono ahtaerari. Ne ihcādu yucūgure wihnono ñuhmigū yerari.

2 Sa yegu apequiro angelre ihñau tja. Asū mūja taropu ahtaro nidi tiquiro. Cohācĵū catiriquiro tiquiro wame ña ohōnore ne cāhtaro nidi tiquiro. Sa ne cāhtaro apequina pititiaro angelere tiquiro sañuducuri. Tiquina angele pehe ahri yehpare, pajiri ma gūhure Cohācĵū tiquiro ñano wahagū ye dutinohriquinapu ijiri. 3 Tiquinare sañuducuro ohō saha nidi angel:

—Cohteniña. Cohācĵū cahacĵēna tiquina wūhdoā pacare tiquiro wamene ohōna tana niaja. Ūsā sa ohōato pano ahri yehpare, pajiri mare, yucari gūhure ñano wahagū yeracāhñā mūsa, nidi tiquiro apequina pititiaro angelere.

4 Sa yero Cohācĵū tiquiro wame mehna tiquina wūhdoā pacare tiquina ohōatiquinare “Ohōpequina ijire”, ni yahuri yūhure ihcāquiro. Israe masa doce cururi cĵena ciento cuarenta y cuatro mil masa tiquina ohōatiquina ijīñohti.

5 Ahriquina ijīñohti tiquina ohōatiquina: Doce mil masa Judā panamena iji turiayequina tiquina ohōatiquina ijiri. Apequina doce mil masa Rubē panamena iji turiayequina tiquina ohōatiquina ijiri. Apequina doce mil masa Gad panamena iji turiayequina tiquina ohōatiquina ijiri. 6 Apequina doce mil masa Aser panamena iji turiayequina, apequina doce mil masa Neftalī panamena iji turiayequina, apequina doce mil masa Manase panamena iji turiayequina tiquina ohōatiquina ijiri. 7 Apequina doce mil masa Simeo panamena iji turiayequina, apequina doce mil masa Levī panamena iji

turiayequina, apequina doce mil masa Isacár panamena iji turiayequina tiquina ohōatiquina ijiri. <sup>8</sup> Apequina doce mil masa Zabulón panamena iji turiayequina, apequina doce mil masa José panamena iji turiayequina, apequina doce mil masa Benjami panamena iji turiayequina tiquina ohōatiquina ijiri. Topequinata ijipihtiyequina masa ciento cuarenta y cuatro mil tiquiuro wame mehna tiquiuro ohōatiquina ijiri.

### *Peyequina yehseye suhti sañañequinare yahuahye Ñu marine*

<sup>9</sup> Came peyequina masare ihñau. Ijipihtiye yehpari cjēnare, ijipihtiye cururi cjēnare, ijipihtiye yahuducuyere yahuducuyequinare, ijipihtiye macari cjēnare peyequinare Cristore cahmeñequina dihitare topu ducuyequinare ihñau. Pūhtoro dujiro poto, Cordero caha ducuri tiquina masa. Peyequina masa ijiri. Sa ye queo pehoyequina ijierari. Yehseye suhti sañañequina ijiri tiquina. Sa ye iqui pohnarine cūori. <sup>10</sup> Sa ye tiquina ijipihtiyequina ohō saha ni tutuaro sañuducuri:

Cohācjū ijire usāre yuhdūoriquiro. Tiquiro dujiropu dujiriquiro ijire. Cordero gāhu usāre yuhdūoriquiro ijire, ni sañuducuri tiquina.

<sup>11</sup> Sa ye ijipihtiyequina angele, Jesu yequina pūhtoa gāhu, sijoro saha bajuyequina mehna pūhtoro dujiro cahapu ducuri. Sa ducuye tiquiuro dujiro poto dūsepe curi mehna quehe sa, Cohācjūre ño peori. <sup>12</sup> Ohō saha ni ño peori tiquina:

Sa tjire. Cohācjū usā pūhto, mūhare quehnoano yahuducujaja. Quehnoa yuhdūagu ijire mūhu. Masi pehogu ijire mūhu. Mūhare “Quehnoare”, niaja. Mūhare ño peoaja. Tutua yuhdūagu ijire mūhu. Mūhu tutuaye mehna yerigu ijire mūhu. Sa ijiducugu ijire mūhu ijipihtiye decori. Sa tjire, ni ño peori tiquina.

<sup>13</sup> Sa yero ihcāquiuro Jesu yequina pūhtoa mehna cjāno yūhare sinituri:

—¿Ahriquina yehseye suhti sañañequinare masiajari mūhu? ¿Tiquina ahtariroro masiajari mūhu? ni sinituri yūhare.

<sup>14</sup> Tiquiro sa nigū tūhogu,

—Masiedaja, ni yūhtii.

—¿Noa ijiajari tiquina? ni sinituu tiquiore.

Yūhu sa nigū tūhoro ohō saha nidi yūhare:

—Ahriquina ña yuhdūaro yuhdūri deco ijigū ihcāno sahayequina ijire. Tiquina suhti cosenohriquina tiquina ijiro saha Cordero tiquiuro dii cohāno mehna tiquina ñañene cosenohriquina ijire. Sa ye quehnoano yehseye suhti sañañequina ijire.

<sup>15</sup> Sa tiquiuro cosenohriquina ijiye Cohācjū dujiro poto tiquiore sa ño peoducure. Decoripe, ñaminipe tiquiore sa ño peoducure, pahia Cohācjū wūhūpu tiquina yeriro saha. Sa yero tiquina mehna sa ijiducuro, tiquinare yedohorota Cohācjū “Sijoro saha wahari”, nino. <sup>16</sup> Ne pari turi ujua ahbasi tiquina. Sa ye ne aco wuosi tiquina. Ne asū deco cjāno asiyeve tiquina asiye posi. Tutuaro asiye tiquinare ñano yuhdūgū yesi. <sup>17</sup> Pūhtoro dujiro poto ducuriquiro Cordero tiquinare ihña ihborota. Ovejare ihña ihboriquiro yero saha tiquinare ihña ihborota. Sa yero mári pohteripu catigū yeye mári pohteripu tiquinare ūhmu tā cānota, ovejare ihña ihboriquiro tiquiuro ūhmu tā cāno saha. Sa yero sa bucueducugū yerota tiquinare. Sa ye ne pari turi utisi tiquina, nidi Jesu yequina pūhtoa mehna cjāno yūhare.

## 8

*Seis papera tunurine tiquina piha ñehedire tahrē tuhasaro aperore tahrēahye tja Cordero*

<sup>1</sup> Seis papera tunurine tiquina piha ñehedire tahrē tuhasaro aperore tahrēdi tja Cordero. Tiquiro sa tahrē tuhasagū hora deco topu uhmusepu quehnoano dihta mariaa wahari. <sup>2</sup> Sa yegu siete angelere Cohācjū poto ducuyequinare ihñau. Sa yero tiquinare siete cornetarire ohori apequiro. <sup>3</sup> Apequiro angel uru pare bueye ehme sityere pose yeati pare cūoriqūiro altar cahapu esa, ducuri. Topu tiquiro ducugū peye ehme sityere tiquirore ohori ijipihtiyequina Cohācjū yequina tiquirore tiquina sinidi mehna more- atire. Sa yero uru altarpu Cohācjū dujirō caha ijiri altarpu ti ehme sityere bueri Cohācjūre. <sup>4</sup> Sa ye angel tiquiro cūori pa cjē ehme sityere altarpu tiquiro poho siteri bato ti ehme sitye cjē ohmeo Cohācjū yequina tiquirore tiquina sinidi mehna mūjaa wahari. <sup>5</sup> Sa wahari bato altar cjē nitine ti papu wehe sāa tuhasa, yehpapu doque cūri. Tiquiro sa doque cūgāta mia sitedoqueo, tutuaro upo pari. Sa yero sijoro saha ijiro bisi maa, yehpa ñuhmi maari.

*Cornetarire yahuahye Ñu*

<sup>6</sup> Came siete angele tiquinape tiquina cornetarire putie tee nidi.

<sup>7</sup> Ihcāquiro angel tiquiro yariare puti māhtari. Tiquiro sa putigū aco paca yusūaye paca, peca mehna, dii mehna moreñe paca yehpapu doque dijiori. Sa doque dijioģūta yehpa uģūa wahari. Ohō puno uģūri: Ahri yehpa deco esaro taro yemehno uģūa wahari. Sa yero to puno poseta yucari gūhu, taa gūhu uģūa wahari.

<sup>8</sup> Angel ihcāquiro tiquiro sa puti māhtari bato apequiro angel tiquiro yaria cornetare putiri tja. Tiquiro sa putigū pajidu cūnu yero saha bajudu quehnoano uģādududu pajiri mapure waha maa ñojoaa wahari. Sa yero yehpa uģūriro puno to punota pajiri ma dii ma dojoa wahari. <sup>9</sup> Sa ye pajiri ma cjēna wahi deco mehna meheno esaboro yariaa wahari. Sa ye tope yucūari gūhu minia wahari pajiri mapure.

<sup>10</sup> Pūaro angele tiquina putiri bato apequiro angel gūhu tiquiro yaria cornetare putiri tja. Tiquiro sa putigū pajiria ñahpicoha, sihāria yero saha asiria yehpapu bora sa quehea wahari. Ahri yehpa cjē māri deco mehna meheno esaboro tope māri bui bora sa quehea wahari ñahpicoha. Tope māri pohteri bui bora sa quehea wahari. <sup>11</sup> Tope mārita sūēñe māri wahari. Sa wahagū peyequina masa ti māri cjē acore sihnime, yariaa wahari. Tia ñahpicoha “Sūēñia”, wame tiri.

<sup>12</sup> Ihtiaro angele tiquina putiri bato apequiro angel gūhu tiquiro yaria cornetare putiri tja. Tiquiro sa putigū asū deco cjūno, ñami cjūno gūhu deco mehna meheno esaboro dojoa wahari. Ñahpicoha pari gūhu deco mehna meheno esaboro tope pacata dojoa wahari. Tope paca uhmuse cjē paca quehnoano buhriouerari. Decopu pititia hora warō asū deco cjūno ne buhriouerari. Ñamine pititia hora waro asū ñami cjūno, ñahpicoha pari gūhu ne buhriouerari.

<sup>13</sup> Came ihñadoque mūou tja. Uhmusepu wariquirore cacare ihñau. Sa yegu tiquiro sañuducugū tūhou. Ohō saha nidi tiquiro:

—Ña yūhdūare. Ña yūhdūare. Ihtiaro angele dūhsari yojopu putiatiquina. Tiquina putiri bato ña yūhdūaro waharota. Sa wahagū ahri yehpapu ijiye- quina ña yūhdūaro yūhdūeta, nidi tiquiro.

## 9

1 Came pititiaro angele tiquina putiri bato apequiro angel tiquiro yaria cornetare putiri tja. Tiquiro sa putigū ñahpicoha yero saha ijiriquiro angel uhmusepū bora dijia tariquirore ihñā. Sa yero tiquirore uhcūāri cope cĵā sawire ohori. 2 Sa yero tiquiro ti copere tiquiro pōogū peca ohmeo wijiari. Pajiri peca cĵē ohmeo yero saha pajiro ohmeo wijiari ti copere. Sa wijiario ti ohmeo duita asū deco cĵānore, uhmuse gūhāre butia wahagū yeri. 3 Sa ye ti ohmeo puhiapū ijiyequina poreroa yehpapū ahtari. Sa ye cutipa tiquina tutuaro purīno saha tiquina gūhū tutuaro purīdi. 4 Sa yero taare, yucurire, apeye oteyere ñano ye dutierari tiquinare. Masa dihitare ñano ye dutiri tiquinare. Cohācĵū wamene tiquina wahdoa pacare ohōmehneñequina dihitare ñano ye dutiri tiquinare poreroare. 5 Sa ñano ye dutieperota tiquinare wejē dutierari. Tiquinare wejē dutieraperota ihcā omope asūri waro tiquinare ñano purīgū ye dutiri. Cutipa toaye tiquina purīno saha purīgū yeyequina ijiri poreroa gūhū. 6 Tiquinare tiquina sa purīgū yegū masa yariaa duaeta. Tiquina sa yaria duepegūta tiquinare yaria dutisi.

7 Poreroa pehe caballoa yero saha bajuri. Tiquina cahme wejēato pano caballoare tiquina suhti sāraro saha sa bajyequina ijiri tiquina poreroa gūhū. Tiquina dapu paca bui pūhtoa pesaye behtori uru behtori yero saha bajuri. Tiquina wahdoa paca masa yero saha bajuri. 8 Tiquina poari numia poari yero saha ijiri. Sa ye tiquina upiri yayia upiri yero saha ijiri. 9 Jeripohna cahmotari cahsero come cahsero yero saha bajuri tiquina cutiro. Sa ye tiquina wugū peyequina caballoa omañequina tiquina omano saha tiquina wugū bisiri. Caballoa tunuñe paca wejeyequina tiquina cahme wejēnopū wahaye, tiquina bisiro saha bisiri poreroa wugū. 10 Sa ye cutipa picōno tiro saha, toaria tiquiro cūoro saha ijiri tiquina poreroa. Sa ye tiquina toaye paca mehna toaye, ihcā omope asūri waro masare purīgū yeri. 11 Sa ye tiquina pūhtoro tiyequina ijiri. Uhcūāri cope upūro ijiri tiquina pūhtoro. Tiquiro angel ijiri. Hebreo ye mehna Abadón wame tiri tiquiro. Griego ye mehna Apolión wame tiri. (Apolión “Dojomehneniquiro” nino nine.)

12 Poreroa masare ñano tiquina purīgū yeri bato ahri tiquina ñano yahdū muhtariro pihitia wahari. To bato pūa taha pari turi ñano yahdueta masa.

13 Came ihcā omopequina angele tiquina putiri bato apequiro angel tiquiro yaria cornetare putiri tja. Tiquiro sa putigū Cohācĵū caha ducuri altarpū uru altarpū yahuducuye bisi wijiario ca tari. Ti altar cĵē sahari pititia saharopū yahuducuye bisi wijiario ca tari. 14 Sa yahuducuro cornetare putiriquiro angelere yahuri:

—Eufrates wame tiri ma pajiri mapū peresupū ijiyequinare angelere wioya. Tiquina pititiaro angele ijire, nino ca tari.

15 Sa nigū tuhoro angel pehe tiquinare pititiarore wiori, peyequina masare wejēatiquinare. Ahri cūhmare, ahri asūre, ahri decore, ahri horare queoro cohteye nidi tiquina pititiaro angele. Tiquina cohteriro esa tuhasare. Sa ye wejēne tee nine. Ijipihtiyequina deco esaboro caha masare wejēatiquina ijire.

16 Sa yegū tiquina yequina surarare “Ohōpequina ijire”, tiquina nigū tūhou. Tiquina caballoa bui pesayequina ijiri. Doscientos millones surara ijiri.

17 Sa yegū caballoare tiquina bui pesayequina gūhāre ihñā. Sa ye caballoa bui pesayequina tiquina jeripohnarine cahmotaye suhti come suhti sohāne suhti, yahsaye suhti, bojoyaye suhti ijiri. Sa ye caballoa tiquina dapu paca yayia sohānequina yero saha bajuri. Tiquina dūseripū peca, ohmeo, azufre wame tiye ohmeo gūhū wijiari. 18 Sa ye caballoa dūseripū

wijiaye masare wejēdi. Ijipihtiyequina deco mehna mehenos esaboro waro topequina masare wejēdi. Sa ye peca mehna, ohmeo mehna, azufre mehna peyequina masare wejēdi. <sup>19</sup> Tiquinare caballoa duseri mehna wejēdi. Sa ye caballoa picōri mehna wejēdi tja. Tiquina picōri sohtoap<sub>u</sub> añaa dapu paca yero saha bajuri. Sa ye tiquina picōri mehna ñano yeri tiquina masare.

<sup>20</sup> Peyequina masa yariyequina tiquina wejē dūhariquina pehe tiquina ñañe yerire ne duhuerari. Watāre ño peo duhuerari. “Cohācjū ijire”, tiquina niñe queoye gāhure ño peo duhuerari. Ti queoye uru mehna, plata mehna, bronce wame tiye come mehna, utā mehna, yucari mehna tiquina yeri queoye ijiri. Sa ye ti queoye pehe ihñedari. Tūhoerari. Tiniedari. <sup>21</sup> Peye ñañe gāhure tiquina ne bujua witiarari. Masare tiquina wejēdire, tiquina numia mehna tiquina ñano yerire, tiquina yaqueri gāhure ne bujua witiarari tiquina. Sa ye masare ujuayequina yayia tiquina yero saha yeve, ti gāhure ne bujua witiarari tiquina.

## 10

### *Meheni tunugāre papera tunugāre ne cāhtahye angel*

<sup>1</sup> Came apequiro tutuariquiro angel ūhmasep<sub>u</sub> tiquiro dijia tagū ihñaa. Ehmeo curua watoap<sub>u</sub> ahtari. Sa yero buheni da tiquiro dapu bui pesari. Tiquiro wahdoas asū deco cjāno yero saha asi siteri. Tiquiro ñecari ūjūri peca yero saha bajuri. <sup>2</sup> Sa yero meheni tunugā papera tunugāre tiquiro pāri tunugāre cūori tiquiro. Tiquiro dahpocā poto pehe cjā dahpocā mehna pajiri map<sub>u</sub> cāhta cūri. Tiquiro dahpocā cū pehe pehe mehna dihtap<sub>u</sub> cāhta cūri. <sup>3</sup> Sa ducuro yayia tiquina sañuducuro saha tiquiro tutuaro sañuducuri. Tiquiro sa sañuducuri bato siete ūp<sub>o</sub>a yahuye ca tamedī. <sup>4</sup> Tiquina sa yahugū tūhogū ojoa dūcamī. Yūhū sa ojoa dūcagūta ūhmasep<sub>u</sub> yūhūre yahuducuro ca tari.

—Siete ūp<sub>o</sub>a tiquina nidire apequinare yahueracāhña. Sa yegū tire ojoa nedacāhña, nino ca tari yūhūre.

<sup>5</sup> Tiquiro sa nidi bato pajiri map<sub>u</sub>re cāhta cū, dihtap<sub>u</sub>re cāhta cūriquiro angel tiquiro omoca poto pehe siōdoque mūori ūhmasep<sub>u</sub>. <sup>6</sup> Sa siōdoque mūono Cohācjū sa catiducuriquiro wame mehna wame peori. Tiquiro Cohācjū pehe ijipihtiyere ūhmasepe, ūhmasepe cjēne, ahri yehpare, ahri yehpa cjēne, pajiri mare, pajiri ma cjēne yeriquiro ijire. Sa yero ohō saha nidi angel:

—Cohācjū mehna poto nii niaja. To punota cohtenatja. <sup>7</sup> Seis angele cornetariye tiquina putiri bato apequiro angel putigū Cohācjū panop<sub>u</sub> tiquiro “Ohō saha yeitja” nidiro sahata yerota. Panop<sub>u</sub> masare tire quehnoano yahuerahye. Came tiquiro cahacjēnare, tiquiro yere yahu mūhtariquina pehere quehnoano yahu pehoahye tiquiro. Ti tiquiro yahu cūrire yojōp<sub>u</sub>re yerota tiquiro, nidi angel.

<sup>8</sup> Tiquiro sa nidi bato ūhmasep<sub>u</sub> yūhūre yahuducuriquiro pari turi yahuducuro ca tari tja. Ohō saha nino ca tari yūhūre:

—Pajiri map<sub>u</sub> cāhta cūriquiro dihtap<sub>u</sub> cāhta cūriquiro siquiro angel cahap<sub>u</sub> wahaya. Sa wahagū papera tunugāre tiquiro cūori tunugāre neña, nino ca tari yūhūre.

<sup>9</sup> Tiquiro sa nigū tūhogū angel cahap<sub>u</sub> wahan. Tiquirore papera tunugāre yūhū sinigū tūhoro ohō saha ni yūhtiri yūhūre:

—Neña. Sa yegū ahri tunu papera tunugāre ihyaya. Mūhū coā ihyagū umi yero saha quehnoano bisirota. Mūhū paarp<sub>u</sub> mūhū ihya sōri bato suēne waharota, nidi yūhūre.

<sup>10</sup> Tiqiro sa nigū tūhogu ti tunugāre angelre yūhu nedi bato ihya. Yūhu coā ihyagū umi yero saha bisiri. Yūhu ihya sōri bato yūhu paaru saēno wahadu.

<sup>11</sup> Yūhu sa ihyari bato ohō saha nidi yūhare:

—Pari turi ijipihtiye macari cjēna, ijipihtiye yehpari cjēna, peye yahuducuyere yahuducuyequina, tiquina pūhtoā gūhu came tiquina dūhse wahatire yahuyuya mūhu, nidi yūhare.

## 11

### *Pūaro Cohācjū yere yahuatiquinare yahu ojoahye Ūu marine*

<sup>1</sup> Came yūhare queodure ohori Cohācjū. Tuadu puno yoadu ijiri tu. Ture ohoro ohō saha nidi yūhare:

—Ya wūhare queogu wahaya. Ti wūhu cā altar gūhare queoya. Sa yegu ti wūhuru yūhare űo peoyequinare queoya. <sup>2</sup> Sopecaha wijia saducari paare quehnoari paare queoeracāhna. Ti paa yūhare cahmeeñequinare tiquina cūri paa ijire. Tiquina cuarenta y dos asūri waro Cohācjū ya macare, ti maca cjēna gūhare űano yeeta. Sa yegu queoeracāhna tiquina ya paare quehnoari paare.

<sup>3</sup> Sa yegu yeere yahuatiquinare pūarore ohoutja. Mil doscientos sesenta decori wato yeere yahuefa. Masa dija suhtire sañañequina ijietā tiquina yūhu yahu dutiyequina, ni yahuri yūhare.

<sup>4</sup> Ahri yehpa cjēna pūhtoro poto pūadu Olivo wame tiye cju ducure. Pūadu sihā peoye cju gūhu ti cju caharu ducure. Ti cju mehna queoye mehna yūhu buhegū ahriquina pūaro mari pūhtoro yere yahuyequina ti cju yero saha ijire. <sup>5</sup> Sa ye tiquinare ihña tuhtiyequina tiquinare űano ye duagū tiquina pehe dūseri cjē peca mehna űjūa pehoeta tiquinare ihña tuhtiyequinare. Sata tiquinare űano yeyequinare wejēta tiquina pūaro mari pūhtoro yere yahuyequina pehe. <sup>6</sup> Sa ye tiquina pūaro acoro ahta dutieragū acoro ahtasi. Sa yero mari pūhtoro yere tiquina yahuro puno acoro ahtasi. Sa ye mārīne dii mārī wahagū yeeta tiquina. Sa ye ahri yehpare űano wahagū yeeta. Ijipihtiye dūhse ijiyere, ijipihtiyequina dūhse ijiyequinare masare űano wahagū yeeta. Tiquina cahmeno sahata sa űano wahagū yeeta ahri yehpare.

<sup>7</sup> Tiquina sa ye pehogū űhcuāri coperu ijiriquiro űariquiro űucu cjāno wijiarota. Sa wijiaro Cohācjū yere yahuyequina mehna cahmequenota. Sa cahmequeno tutua yūhduducaro tiquinare wejēnota. <sup>8</sup> Tiqiro sa wejēdi bato tiquina paguri pajiri maca cā maharu cuñaeta. Yahuyequina pūhtorore tiquina que biha wejēdi maca ijire ti maca. Ti maca cjēna űañequina ijie Sodoma cjēna, Egipto cjēna yero saha ijire. <sup>9</sup> Sa cuñañe ihtia deco quehnoano cuña, ape deco deco mehna tiquina paguri maharu cuñaeta. Sa ye ijipihtiye yehpari cjēna, ijipihtiye cururi cjēna, ijipihtiye yahuducuyere yahuducuyequina tope decori waro tiquina pagurire ihñaducuetā. Sa ye tope decori waro tiquina pagurire ya dutisi. <sup>10</sup> Tiquina sa yariariquina ijigū ihñañe ahri yehpa cjēna bucuetā. Sa bucueye bose decore yeeye, tiquina basi apee borore sa oho queeta. Tiquina pūaro Cohācjū yere yahuyequina masare űano yūhdugū yeriquina ijiahye. Sa ye tiquina sa yariagū ihñañe bucue yūhdūeta ahri yehpa cjēna.

<sup>11</sup> Sa yero ihtia deco ape deco deco mehna bato Cohācjū tiquina pagurire masonota. Tiqiro sa masogū tiquina pari turi wahcādūcaeta. Tiquina sa wahcādūcagū ihñañe ijipihtiyequina cue yūhdūeta tiquinare. <sup>12</sup> Came tiquina pūaro űhmasepu tutuaro yahuducugū tūhoeta. Ohō saha ninota tiquinare.

—Ohōru mūja taya masa, ninota.

Tiqiro sa nigū tūhoye ehmeo curua watoa mūjaa wahaeta. Tiquina yabiriquinare mūjagū ihñañe masa. <sup>13</sup> Tiquina sa mūjagūta yehpa tutuaro



ñuhminota. Sa ñuhmigū ti maca cjē wāhuse peye bora dijiaa waharota. Sa ye yehpa ñuhmino mehna siete mil masa yariaa wahaeta. Apequina dūhsariquina pehe acūaa wahaeta. Sa ye Cohācjüre āhmuse cjanore “Tutuagū ijire” ni ño peoeta tiquiore.

<sup>14</sup> Ahri ijiphiṭiye tiquina sa wahari bato pua taha masa ñano yūhdu tuhasariquina ijjeta. Tiquina sa yūhduri batogāta pari turi duita masa ñano yūhdūeta tja.

### *Seis cornetarire tiquina putiri bato apequiro putiahye*

<sup>15</sup> Came seis cornetarire tiquina putiri bato apequiro angel tiquiro yariare putiri. Tiquiro sa putigū āhmusepū tutuaro yahuducuye ca tari. Ohō saha nino ca tari:

Yojoṙū mari Paçū, Cristo mehna ahri yehpa cjenā pūhṭoa ijjeta. Sa yero pūhṭoro sa ijiducurota Cohācjū, nino ca tari.

<sup>16</sup> Sa ye Cohācjū poto pūhṭoa dujiyepū dujiyequina veinticuatro Jesu yequina pūhṭoa Cohācjū poto quehe sa, tiquiore ño peori. <sup>17</sup> Sa ño peoye ohō saha nidi:

Ūsā pūhṭo Cohācjū, tutua yūhdūagū ijire mūhū. Mūhū panopū sa ijiducuahye. Sa yegū yojoṙū gūhūre sa ijiducure. Camerū ahtaata mūhū. Mūhū tutuaye mehna masa tiquina pūhṭo mūhū ijiducagū “Quehnoare” niaja mūhūre. <sup>18</sup> Ijiphiṭiyequina ahri yehpa cjenā mūhūre cahmedariquina mūhū mehna usuamedī. Yojoṙūre tiquinare mūhū buhiri dahreati pje ijire. Yariariquina gūhūre mūhū buhiri dahreati pje ijire. Sa yero mūhū yequina pehere quehnoañene tiquina yeri wapare mūhū ohoati pje ijire. Ihuqēquina tiquina mūhū cahacjenā mūhū yere yahu māhtariquina ijire. Sa ye tiquina, apequina mūhū yequina mehna ijiphiṭiyequina mūhūre ño peoyequina ijire. Sa yegū pūhṭoare, ihyo ijijyequina gūhūre mūhū yequina tiquina ijiri wapa quehnoano yeita mūhū. Sa yero ahri yehpa cjenare dojomehne cohteriquinare mūhū cohāti pje ijire yojoṙūre, ni ño peori pūhṭoa Cohācjüre.

<sup>19</sup> Tiquina sa yeri bato āhmuse cja wāhū Cohācjū ya wāhū tiquiro pōori wāhū ijiri. Sa yena ti wāhūpū ijiri acarore ihñā. Ti acaro puhiarū Cohācjū masare tiquiro yedohoatire yahuri pū sañari. Yūhū sa ihñagūta mia sitedoqueo, řpo pa maari. Sa yero sijoro saha ijiri bisi maa, yehpa ñuhmi maa, aco paca yūsaaye paca āhmusepū peye bora dijia tari.

## 12

### *Numino gūhūre pinono gūhūre yahuahye űu*

<sup>1</sup> Came ahri yehpa dūhse wahatire āhmusepū ihñori. Tiquiro sa ihñori ihyo waro ijierati. Ohō saha ihñā māhta: Ūhmusepū numinore ihñā. Ticoro suhtiro asū deco cjenō yero saha asi siteri. Sa yero asū ñami cjenō bui ducuri. Pūhṭoro pesari behto borore doce ñahpicoha paca cūori behtore pesaricoro ducuri. <sup>2</sup> Sa yero mehenogā dūhsari ticoro pohna tiato. Sa yero ticoro sañuducuri. <sup>3</sup> Came pari turi ihñā āhmusepū tja: Pajiriquiro pinonore sohāriquiore ihñā. Siete dapu paca tiriquiro ijiri. Ijiphiṭiye tiquiro dapu paca pūhṭoa pesaye behtori borore pesaye dapu paca ijiri. Sa yero diez waro sahari tiriquiro ijiri tiquiro. <sup>4</sup> Tiquiro picōno mehna ñahpicoha pacare wahba sitedoque dijiori yehparū. Ijiphiṭiye ñahpicohare deco esaboro caha wahba sitedoque dijiori. Sa yero numino pohna tiatoro poto ducuri pinono. Ticoro macanogā bajuagū tiquirogāre ihyaro taro nimesi. <sup>5</sup> Camegāta cūo tuhasari nininogāre. Ijiphiṭiye yehpari cjenā pūhṭoro ijiatiquiro ijiri tiquirogā. Tiquiro sa pūhṭoro tutuariquiro ijigū, masa

tiqirore yuhduɗɗacaye ihcãno sahasi. Tiquiro sa masa bajuagũta Cohãcǵũ tiqiro dujiro caharũ tiqirogãre ne cãa wahari. <sup>6</sup> Tiquiro sa yegũ numino pehe masa marienopũ duhti cãa wahari. Cohãcǵũ tiqiro quehnoyurirorũ duhti cãa wahari ticoro. Topũre mil doscientos sesenta decori waro Cohãcǵũ ticorore ihña ihbori.

<sup>7</sup> Coã waropũre ahmũsepu cahme wejẽ dũcahye. Miguel wame tiriqiro angel tiqiro yequina angele gũhũ pinono mehna cahmequeahye. Tiquina sa cahmequegũ pinono tiqiro yequina angele mehna Miguel gũhũ mehna cahmequeahye. <sup>8</sup> Sa ye Miguel gũhũ pinonore yuhduɗɗacahye. Sa yero pinono yequina angele gũhũre ahmũsepu iji nemo dutierahye. <sup>9</sup> Sa yero pajiriquiro pinonore cohã cãhye Cohãcǵũ. Tiquiro pinono watĩnota ijiro nidi. Satana wame tiriqiro ijiri. Panopũ tiqiro pinono pagũ saha bajuriquiro ijiahye. Sa yero ijipihitiri yehpa cǵẽnare ni mehoriqiro ijire. Tiquirore tiqiro yequina angele mehna yehrapũ cohã dijioahye.

<sup>10</sup> Came ahmũsepu sañuducuro ca tagũ tãhou: Yojoopũre mari Pacũ masare yuhduɗɗori. Yojoopũ pũritare mari Pacũ mari pũhtoro ijiro ahtari tiqiro tutuayere ihñono taro. Sa yero tiqiro ohoriquiro Cristo gũhũ tiqiro pũhtoro ijiyere tiqiro tutuayere ihñori ijipihitiyequinare. Watĩnore ahmũsepu ijiriquirore yehrapũ cohã dijiori. Sa yero tiqiro tutuayere ihñori mari Pacũ. Tiquiro watĩno pehe decoripe, ñaminipe Jesu yequinare “Ahriquina ñañequina ijire”, ni yahusãno ñahye mari Pacũre. Sa yero mari acayere Jesu yequinare yahusãriqiro ijiahye. <sup>11</sup> Cristo Cordero wame tiriqiro tiqiro dii cohãri mehna mari acaye Jesu yequina tiqirore wacũ tutuayequina tiquina ñano yerire tiqiro cohãnohriquina ijire. Sa wacũ tutuayequina ijije, watĩnore yuhduɗɗacari. Sa ye quehnoañe buheyere buheye, watĩnore yuhduɗɗacari. Tiquiro yere buheye apequina tiquinare wejẽ duepegũta, Cristo yere duhuerari. <sup>12</sup> Sa yena mũsa ahmũse cǵãna bucueya. Watĩnore yehrapũ tiqiro cohã dijiogũ ihñana bucueya. Sa yepegũta ahri yehpa cǵãna, pajiri ma cǵãna gũhũ pejesũona wahanata mũsa pehe. Mũsa caharũ dijiri watĩno. Tiquirore buhiri dahreato mehenogã dũhsare. Sa yero usua yuhduɗɗare tiqiro. Mũsa caharũ tiqiro esagũ pejesũona mũsare tojagũ yerota tiqiro, ni sañuducugũ tãhou.

<sup>13</sup> Sa yero pinono tiqiro cohã dijioriquiro numinore, nijinogã pacorore nũnũ tã cãri. <sup>14</sup> Sa yero ticorore pajiriquiro cacũ tiqiro wũye dũpũrĩre ohori Cohãcǵũ, masa marienopũ ticoro wũ duhti cãtore. Topũ ticorõ esari bato ihtia cãhma quehnoano ape cãhma deco waro ticorore ihña ihbori Cohãcǵũ. Tiquiro sa ihña ihbogũ pinono ticorore ñano ye masiedari. <sup>15</sup> Topũ ticoro ijigũ ihñano pinono acore pajiro puti sitedoqueori ticorore miono taro. <sup>16</sup> Tiquiro sa yegũ yehpa pehe ticorore yedohori. Pinono dũseropũ wijiaye acore yehpa pehe aco ihmi peho cãri. <sup>17</sup> Sa wahagũ ihñano pinono numino mehna usua yuhduɗɗari. Sa usuarõ ihquẽquina ticoro panamena iji turiayequina mehna cahmequeno wahari. Tiquina pehe Cohãcǵũ dutiyere yeyequina ijije, Jesu ye buheyere quehnoañe buheyere ne duhueyequina ijiri. <sup>18</sup> Sa yero pinono pajiri ma dũhtũ caharũ ducuri.

## 13

### *Pũaro nũcũ cǵẽnare yahuahye Ñũ*

<sup>1</sup> Pajiri ma dũhtũ caharũ ducugũ, nũcũ cǵãnore ti marũ ijiriquirore wahcã pahagũ ihñau. Tiquiro pehe siete dapu paca, diez sahari waro cãoriquiro ijiri. Tiquiro sahari pũhtõa pesaye behtori borore pesari. Sa yero tiqiro



queoyere catigū yeri masare ti queoye dutiatio saha. Sa yero ti queoyere ño peoyequinare wejē dutiri masare queoye pehe. <sup>16</sup> Sa yero ijipihtiyequinare tiquina omocari poto pehe, tiquina wāhdoā paca gāhure ojoa ohō dutiri n̄c̄u c̄jāno came ijiriquiro. Ihyo ijieyequinare, p̄h̄toare, doeri c̄jē opanare, pejes̄noyequinare, tiquina cahac̄jēnare, cahac̄jēna ijieyequinare, ijipihtiyequinare tiquina omocarine tiquina wāhdoā paca gāhure ojoa ohō dutiri. <sup>17</sup> Tiquiro iji māhtariquiro n̄c̄u c̄jāno tiquiro wamene, tiquiro ya numerore ojoa ohōñequinare ne dú dutierari. Sa yero tiquinare dua dutierari.

<sup>18</sup> Tire quehnoano wacū masiña m̄sa. T̄h̄o masina ijina n̄c̄u c̄jāno tiquiro ya numerore quehnoano ih̄ña masiña. Ti numero ̄m̄h̄no wame yero saha ijire. Ti numero seis cientos sesenta y seis ijire.

## 14

### *Cohāc̄jū tiquiro yāhd̄uoriquina wahma basayere basahye*

<sup>1</sup> Came Siō wame tid̄u c̄n̄u bui ducuriquirore Corderore ih̄ñā. Tiquiro mehna ciento cuarenta y cuatro mil masa ijiri. Tiquina tiquiro ye wamene, tiquiro Pacuro ye wame gāhure tiquina wāhdoā pacare tiquina ojoa ohōnohriquina ijiri. <sup>2</sup> Tiquinare ȳh̄u ih̄ñaḡūta ̄h̄m̄s̄ep̄u yahuducuro ca tari. Pajiri peo bisiro saha ̄p̄o tutuaro bisiro saha bisiro ca tari tiquiro yahuducuye. Sa yero arpa wame tiyere tiquina b̄uā p̄t̄ēno saha bisiro ca tari tiquiro yahuducuye. <sup>3</sup> Top̄u p̄h̄toro dujoro cahap̄u p̄itiario sijoro saha bajuyequina, Jesu yequina p̄h̄toā gāh̄u ijiri. Sa ye tiquina poto ciento cuarenta y cuatro mil masa ducuri. Top̄u ducuye, wahma basayere basaye nidi. Ti basayere tiquina dihita masidi. Cristo yāhd̄uoriquina dihita ti basayere masidi. Tiquina ahri yehpap̄u ijimediquina tiquiro ne m̄uoriquina ijiri. <sup>4</sup> Ne tiquina ihc̄ā tahagā numino mehna ñano yerari. Sa ye Corderore ih̄ña c̄ñequina ijieyē, tiquiro yere sa yeducuyequina ijiri. Sa yero ñañequina mehna ijieyequinare tiquiro yāhd̄uoatiquinare nedi Cohāc̄jū pehe. Sa tiquiro yāhd̄uoriquina ijieyē, Cohāc̄jū yequina ijiatiquina, Cordero yequina ijiatiquina gāh̄u iji māhtariquina ijiri. <sup>5</sup> Sa ye tiquina mehna c̄jēna ne ihc̄āquiro n̄i mehoriquiro mariedare. Sa ye Cohāc̄jū tiquiro tahotugū ñañe mariñequina ijiri tiquina.

### *Ihtiaro angele yahuducu dijioahye*

<sup>6</sup> Came ̄h̄m̄s̄ep̄u w̄ar̄iquirore angelre ih̄ñā. Tiquiro ahri yehpa c̄jēnare, ijipihtiyē cururi c̄jēnare, ijipihtiyē yahuducuyere yahuducuyequinare, ijipihtiyē yehpari c̄jēnare, quehnoañe buheyere yahuatiquiro ijiri. Ti buheyē ne comesaeraye, sa ijiducure. <sup>7</sup> Sa yero angel sañuducuro ohō saha ni yahuducu dijiori:

—Cohāc̄jūre cueya. “Tutua yāhd̄uaḡu, quehnoa yāhd̄uaḡu ijire”, niña tiquirore. Yojoṗare masare tiquiro buhiri dahreati pje ijiro nine. Tiquiro ̄h̄m̄s̄ep̄u, ahri yehpare, pajiri mare, m̄ari pohteri gāh̄ure yeriquiro ijire. Sa yena tiquirore dusepe curi mehna quehe sa, ño peoya, ni sañuducuri angel.

<sup>8</sup> Tiquiro sa nidi bato apequiro angel ̄h̄m̄s̄ep̄u w̄ar̄iquiro ohō saha ni yahuducu dijiori:

—Tiquinare cohā c̄h̄ri. Pajiri maca Babilonia wame tiri maca c̄jēnare cohā c̄h̄ri Cohāc̄jū. Tiquina tiquiro cohāriquina pehe ijipihtiyequina apequinare ñano yegū yeri. Queheyequina vinore tiquina tutuaro cahmeno saha tiquina ñañene tutuaro cahmeñe, Babilonia c̄jēnare ih̄ña c̄ūri. Sa yero Cohāc̄jū tiquinare tutuaro buhiri dahri, ni yahuducu dijiori apequiro angel.

<sup>9-10</sup> Tiquina p̄uaro angele tiquina sa nidi bato apequiro angel tiquina bato w̄ar̄iquiro ohō saha ni yahuducu dijiori:

—Ijpihtieyequina n̄acu cjanore ño peoyequinare, tiqairo queoyere ño peoyequinare, tiquina wãhdoa pacare, tiquina omocarine tiqairo wamene ojoa ohõnohriquina gãhure buhiri dahrerota Cohãcã. Tiquina mehna usuaro, tiquina pũritare tutuaro waro buhiri dahreducurota Cohãcã. N̄acu cjanore ño peoyequina ijpihtieyequina pecarũ wahaeta. Topũ tutuaro purĩnota tiquinare peca mehna, azufre wame tiye mehna tiquina wijiãri peca mehna. Quehnoañequina angele, Cordero gãhũ tiquina ihñonopũ ñano yãhdæta tiquina. <sup>11</sup> Ti peca sa ohmeo tiducurota. Ne yatisi. Tiquinare sa purĩducugũ yere. Ijpihtieyequina n̄acu cjanõ poto dũsepe curi mehna quehe sa, ño peoyequinare sa purĩducurota. Decoripe, ñaminipe sa purĩducũ cãhnota. Tiquiro queoyere ño peoyequina, tiqairo wamene ojoa ohõnohriquina gãhũ sata ñano yãhdæta, ni yahuducu dijiori angel.

<sup>12</sup> Sa tiquina ñano yãhdægũ ihñana Cohãcã yequina tiqairo dutiyere yena, Jesure cohãedarina ijina, tiqairo yere duhueracãhña. Ñano yãhdæpenata Cohãcã yere cohãedacãhña.

<sup>13</sup> Came ahmãsepũ yãhure yahuducuro ca tagũ tãhou. Ohõ saha nidi yãhure:

—Ahrire ojoaya mãhũ. Cohãcã yequina tiqairore cohãedarina ijina yojopãre mãsa yariari bato gãhure bucuena ijire mãsa, ni yahuducu dijiori yãhure.

Tiqairo sa nidi bato Espiritu Santo pehe ohõ saha ni nemori tja:

—Sa tjire. Poto tjire. Tiquina tutuaro tiquina dahrayere duhu, soeta. Hmãsepũ tiquina wahagũ quehnoano tiquina yerire wacũnota Cohãcã. Sa yero tiquina sa yeri wapa tiquinare quehnoano yerota. Sa ye tiquina bucueyequina ijire, ni nemori Espiritu Santo.

*Wese cãe oteye dũcare mari bese neno saha Cohãcã tiqairo yequinare bese nenota. Ñañequina pehere sijoro bese docorota*

<sup>14</sup> Came ehmeo curua yehseri curuare ihñanũ. Ti curua bui masũno yero saha bajuriquiro dujiri. Tiquiro uru behto pãhtoro pesari behto borore pesari. Sa yero dihi pjĩ siori pjĩne cãori tiqairo. <sup>15</sup> Came apequiro angel Cohãcã wãhũpũ ijiriquiro wijiã tari. Sa wijiã taro tutuaro sañuducuri ehmeo curua bui dujiriquirore:

—Mãhũ dihi pjĩ mehna wese cãe dũcare ahri yehpa cãe dũcare dũte ne pehoya. Yojopãre tiqairo queori pje esare. Yojopãre dũca neni pje esare, nidi angel.

<sup>16</sup> Tiquiro sa nigũ tãhoro tiqairo dihi pjĩ mehna ahri yehpa cãe dũcare ne dũcari ehmeo curua bui dujiriquiro.

<sup>17</sup> Came apequiro angel gãhũ Cohãcã wãhũpũ ijiriquiro wijiã tari. Tiquiro gãhũ dihi pjĩ siori pjĩne cãori. <sup>18</sup> Sa yero apequiro angel altar cahapũ ijiriquiro wijiã tari. Tiquiro pehe altar cãe pecare ihña ihboriquiro ijiri. Sa wijiã taro dihi pjĩ siori pjĩne cãoriquirore sañuducuri:

—Mãhũ dihi pjĩ mehna ahri yehpãrũ ijiri wese, ãhse wese cãe dũcare neña. Hãse pehe ñi tuhasari, ni sañuducuri.

<sup>19</sup> Tiquiro sa nigũ tãhoro angel tiqairo ya pjĩ dihi pjĩ mehna ahri yehpa cãe ãhse tõhorine yãhre nedi. Tiquiro sa yeri bato ti tõhorine ãhse tõhorine tiqairo ñatihãtopũ cohãri. Tiquiro sa cohãriro saha Cohãcã tiqairore cahmeñequinare tutuaro usuaro, cohãnota. <sup>20</sup> Ti maca dũhtũ cahapũ tiquina ñatihãtopũ ti ãhse tõhorine ñatihãri. Topũ tiquina ñatihãgũ dii wijiãri. Dii ma yero saha ijiri. Tres cientos kilõmetro yoari ma, ihcã metro quehnoano ape metro deco ãhcaãri ma ijiri.

## 15

### *Masa tiquina ñano yuhduatire angele cū bato tiahye masare*

<sup>1</sup> Came ahmusepū sijoro saha ijirone ihñau. Tire ihñañe masa ihña maria wahaga. Ahri yehparure dahse wahatore marine ihñori. Sa yero ti ihyo waro ijierare. Ohō saha ihñau: Siete angele ijiri. Cohācjū usuaro, siete tahari masare buhiri dahre bato tiro taro nidi. Sa ye tiquina siete angele pehe buhiri dahre dutiro tiquiro cūatiquina ijiri.

<sup>2</sup> Angelere yuhū ihñari bato pajiri mare quehnoano aco sitiri ma yero saha ijiri mare ihñau. Ti ma peca mehna ijiri ma ijiri. Sa yegū nūcū cjanore tiquiro queoye gūhure yuhducayequinare ihñau. Tiquina tiquiro wamene tiquiro ya numerore cūoyequina ijiri. Tiquina yuhū ihñagū pajiri ma aco sitiri ma dūhtū cahapū ducuri. Topū ducuyequina arpa wame tiyere bua putēñene cūori. Ti bua putēñe Cohācjū tiquiro ohori ijiri. <sup>3</sup> Sa ye Cohācjū cahacjāno, Moise ye basayere basaye nidi. Cordero ye basaye gūhure basaye nidi. Ohō saha ni basari:

Usā pūhto mūhū Cohācjū tutua yuhduagū ijire. Mūhū yerire ihñana ihña maria wahaja usā. Mūhū yeri quehnoa yuhduare. Mūhū ijipihtiye yehpari cjenā pūhto ijire. Quehnoano ni mehono marieno yehdure mūhū. Ijipihtiyequina mūhare cueeta. <sup>4</sup> Ijipihtiyequina mūhare “Tutuagū ijire”, nieta. Mūhū dihita ñañe mariegū ijire. Ijipihtiye yehpari cjenā mūhū cahapū esaye, dūsepe curi mehna quehe sa, mūhare ño peoeta. Sata yeeta tiquina ijipihtiyequina queoro mūhū yerire ihñañe, ni basaye nidi tiquina.

<sup>5</sup> Came ahmusepū ihña mūogū, Cohācjū wūhū pōori wūhare ihñau. Topū Cohācjū ijiri tucū waropū Cohācjū dutiye tiquiro ojoari pñini utā pñini tiquina ihbori pñini ijiri. <sup>6</sup> Ti wūhare yuhū ihñagūta siete angele ti wūhū puhiarū ijiriquina wijia tari. Tiquina Cohācjū buhiri dahre dutiro tiquiro cūatiquina ijiri. Tiquinape tiquina buhiri dahreatire cūori tiquina angele. Quehnoañe suhti, yehseye suhti sañañequina ijiri. Sa ye tiquina cutiro bui uru cahsero mehna tūā dihoriquina ijiri. <sup>7</sup> Ti wūhūpū ijiriquina tiquina wijia tagū pititiaro sijoro saha bajuyequina mehna cjanō tiquinare siete angelere siete uru parire ohori. Ti pari Cohācjū usua tiquiro buhiri dahreati mehna quehnoano wahpari ti pari. Tiquiro Cohācjū sa ijiducuriquiro ijire. <sup>8</sup> Tiquiro sa ohogū Cohācjū wūhū puhiarū tiquiro asi siteye mehna tiquiro tutuaye mehna ohmeo ti sehsaa wahari. Sata ohmeo wūhū wahagū ne masa ti wūhare sajā masiedari. Siete angelere Cohācjū buhiri dahre dutiro tiquiro cūirō saha masare tiquina buhiri dahre tuhasari bato pari turi ti wūhūpū sajā masine tja. Tiquiro buhiri dahreato pano sajā masiedari.

### *Cohācjū masare tiquiro buhiri dahreatore yahuahye*

## 16

<sup>1</sup> Came Cohācjū wūhūpū tutuaro yahuducuro ca tari. Siete angelere yahuro nidi:

—Siete paripū pose tiyere yehparū pio sitedoque dijiona wahaya. Yehpa cjenare Cohācjū tiquiro nidiro sahata buhiri dahreya yojopūre, ni yahuducuro ca tari.

<sup>2</sup> Tiquiro sa nigū tūhoro iji māhtariquiro angel tiquiro cūori papū pose tiyere yehparū pio sitedoque dijiori. Tiquiro sa pio sitedoque dijioḡū nūcū cjanō wamene ojoa ohōnohriquina, tiquiro queoyere ño peoriquina ñano camī tiri. Ti camī tutuaro purīdi tiquinare.

<sup>3</sup> Tiquiro sa pio siteri bato apequiro angel tja tiquiro c̄ori pap̄a pose tiyere pio sitedoque dijiori tja pajiri map̄a. Tiquiro sa pio sitedoque dijioġata ti ma dii ma wahari. Yariariquiro dii yero saha ijiri ti dii. Sa wahagū ti ma puhiap̄a ijijequina yaria pihitia wahari.

<sup>4</sup> P̄h̄aro tiquina sa pio siteri bato apequiro angel tja tiquiro c̄ori pap̄a pose tiyere pio sitedoque dijiori tja m̄ariṗ̄a, ti m̄ari pohterip̄a ḡah̄ure. Tiquiro sa pio sitedoque dijioġa m̄ari dii m̄ari dihita wahari. <sup>5</sup> Sa wahagū ih̄n̄ano apequiro angel m̄arine cohteriquiro oh̄o saha nidi:

Coh̄ācj̄ū m̄ah̄a ṇaṇe marieḡa ijire. Yojoṗ̄a ḡah̄ure sa ijiducuḡa ijire m̄ah̄a. Panop̄a ḡah̄ure sa ijiducue tiri m̄ah̄a. Sa yeḡa masa tiquina ṇano yeḡa ih̄n̄aḡa queoro buhiri dahreri m̄ah̄a tiquinare. Dii m̄arine yeḡa quehnoano yeri m̄ah̄a. <sup>6</sup> N̄uc̄a cj̄āno yequina pehe m̄ah̄a yequinare wejēṇe, dii coh̄āḡū yeri. M̄ah̄a yere yahuyequina ḡah̄ure wejēṇe, dii coh̄āḡū yeri. Tiquina sa wejēdi buhiri m̄ari dii m̄ari wahari. Sa ye tiquinare diire m̄ah̄a sa sihniḡū yeḡū quehnoar̄ine. Sata m̄ah̄a buhiri dahreḡū tiquina ye buhiri ijire, nidi m̄arine cohteriquiro angel.

<sup>7</sup> Tiquiro sa nidi bato altarp̄a yahuducuro ca tari:

—Sa tjire. Coh̄ācj̄ū as̄ā p̄h̄oto tutua ȳah̄d̄uaḡa ijire m̄ah̄a. Ni mehono marieno, queoro masare bese, buhiri dahrere m̄ah̄a, ni yahuducuro ca tari.

<sup>8</sup> Ihtiaro angele tiquina pio siteri bato apequiro angel tiquiro c̄ori pap̄a pose tiyere pio sitedoque dijiori tja as̄a deco cj̄āno bui. Tiquiro sa pio sitedoque dijioġata as̄are masare tutuaro asiḡū yeri Coh̄ācj̄ū. <sup>9</sup> Sa yero as̄a deco cj̄āno masare tutuaro asiri. Sa ye Coh̄ācj̄ū tiquinare tiquiro buhiri dahre dutiḡū masiṇe, tiquirore ṇano yahuducuri masa. Sa ṇano ȳah̄d̄uepeta tiquina ṇaṇe yerire ne buj̄na witierari. Sa ye duhuerari. Coh̄ācj̄ūre “Tutuaḡa ijire”, ni ṇo peo duerari.

<sup>10</sup> Pititiaro angele tiquina pio siteri bato apequiro angel tja tiquiro c̄ori pap̄a pose tiyere pio sitedoque dijiori tja n̄uc̄a cj̄āno tiquiro dujiro bui. P̄h̄oto dujiro ijiri tiquiro dujiro. Tiquiro sa pio siteri bato tiquiro yequina tiquina ijiri yehpap̄a nahitiaa wahari. Sa ye tiquiro yequina masa ṇano puriḡū bahque dihori. <sup>11</sup> Tiquinare ṇano puriṇep̄eḡata ṇano cami tiepeta, ne tiquina ṇaṇe yerire buj̄na witierari. Sa ye tire duhuerari. Sa ye Coh̄ācj̄ū tiquinare tiquiro cami dahreḡū masiṇe tiquirore ṽhm̄use cj̄ānore ṇano yahuducuri.

<sup>12</sup> Ihc̄ā omepequina angele tiquina pio siteri bato apequiro angel tja tiquiro c̄ori pap̄a pose tiyere pio sitedoque dijiori tja Eufrates wame tiri ma pajiri map̄a. Tiquiro sa pio sitedoque dijioġata ti ma sihbi quehea wahari. As̄a m̄aja taro cj̄ēna p̄h̄otoa yequina masa mehna ti mare tiquina peh̄a tatore sa yeri.

<sup>13</sup> Came ihtiaro wat̄are taharoc̄ua yero saha bajuyequinare ih̄n̄an. Ihc̄āquiro pinono puhiap̄a ijiriquiro tiquiro d̄aserop̄a wijia tari. Apequiro wat̄ino n̄uc̄a cj̄āno d̄aserop̄a wijia tari. Apequiro wat̄ino “Coh̄ācj̄ū yere yahu m̄ah̄taḡa ijiaja”, ni mehoriquiro d̄aserop̄a wijia tari. <sup>14</sup> Sa ye tiquina ihtiaro wat̄a tutuaye mehna yeyequina ijiri. Ijipihtiro cj̄ēna p̄h̄otoare cahmecoaḡū yeri tiquina cahme wejē dutiye tehe. Tiquina sa cahme wejēati deco Coh̄ācj̄ū tutua ȳah̄d̄ariquiro ijipihtiyequinare tiquiro dutiati deco, pihtiatu deco ijire.

<sup>15</sup> Oh̄o saha nidi Jesu: “Ih̄n̄aṇa m̄usa. Yaqueriquiro wac̄ūeno mehna tiquiro yaquero ahtaro saha ȳah̄n̄ ḡah̄n̄ wac̄ūeno mehna ahtaut̄a. Ȳah̄n̄ ahtatore quehnoano cohteriquiro bucueriquiro ijirota. Tiquiro ye suhtire quehnoano quehnoyuriquiro yero saha yeere quehnoano yeriquiro ijire



bucueriquiro. Sa yeriquiro ijiro yuhū ahtagū suhti marieniquiro tiquiro bæ tiboriro saha bæ tisi tiquiro”, nidi Jesu.

<sup>16</sup> Came ihtiaro wafīa yehpari cjēna pūhtoare cahmecoagū yeri tiquinare. Tiquina cahmecoano Hebreo ye mehna “Armagedon”, wame tiri.

<sup>17</sup> Seis angele tiquina pio siteri bato apeqiro angel tja tiquiro cūori papū pose tiyere ehmeo cururi cahapū pio sitedoque dijiori tja. Tiquiro sa pio sitedoque dijiori bato pūhtoro dujirōpū Cohācjū wūhūpū tiquiro dujirōpū tutuaro yahuducuro ca tari:

—To punota ijaga, nino ca tari.

<sup>18</sup> Tiquiro sa nigūta mia sitedoqueo, upo pa maa, sijoro saha ijiro bisi maa, cuaro yehpa űuhmīdi. Ahri yehpapū masa tiquina iji dūcari bato ne sa űano yehpa űuhmīdi. Apeye űuhmīne yūhdūoro cuaro yehpa űuhmīdi.

<sup>19</sup> Sa űuhmigū pajiri macare ihtia maha yihti maa wahari. Sa ye bujūye macari ahri yehpapū ijiye macari sehte dijiaa wahari. Sa yero Babilonia wame tiri maca pajiri maca cjēnare wacūri Cohācjū tiquinare buhiri dahrero taro. Tiquina űañene yeri buhiri tiquina mehna tutuaro usuari. Sa usuaro tiquinare tutuaro buhiri dahreri. <sup>20</sup> Tiquiro sa yegū ijipihitiye nūcūpo, cūnū cjū gāhū cohō pihitia wahari. Sa ye ne mariedare. <sup>21</sup> Sa ye bujūye paca aco paca yūshūaye paca yehpapū masa bui bora dijia tari. Ijipihitiye paca aco paca cuarenta kilo nūcūne paca ijiri. Tiquina bui ti paca sa bora dijia tagū Cohācjū masare tiquiro tutuaro buhiri dahregū masīne űano yahuducuri masa Cohācjūre.

## 17

*Ūmna mehna űano yeducuricorore űa yūhdūaro yericorore buhiri dahre dutirota*

<sup>1</sup> Came siete pari cūoyequina angele mehna cjūno yuhū cahapū wihiro ohō saha nidi yūhūre:

—Ihūagū ahtaya. Peye māri bui dujiricorore ūmna mehna űano yeducuricorore űa yūhdūaro yericorore Cohācjū tiquiro buhiri dahreatire ihūagū ahtaya māhū. <sup>2</sup> Ahri yehpa cjēna pūhtoa ticoro mehna tiquina űano yeboro saha ticoro yero saha yeri. Cohācjū ye pehere cahmedari. Ahri yehpa cjēnare ticoro quehegū yeboro saha tiquina mehna ticoro űano yeboro saha ticoro masare űañene tutuaro cahmegū yeri. Sa yero űañene yegū yeri masare, ni yahuri angel yūhūre.

<sup>3</sup> Tiquiro sa nidi bato Espīritu Santo pehe yūhūre ihūori: Angel pehe masa marienōpū neari yūhūre. Topū numinore ihūan. Ticoro nūcū cjūno sohāriquiro bui pesaricoro ijiri. Nūcū cjūno pehe tiquiro pagūpū peye wame tiquina ojoa ohōnohriquiro ijiri. Ti wame űañe wame Cohācjū tiquiro ihūa yabiye wame ijiri. Sa yero siete dapu paca tiriquiro, diez sahari tiriquiro ijiri nūcū cjūno. <sup>4</sup> Sa yero numino pehe quehnoano yahsaye suhti pūhtoa tiquina sañāne suhti saha ijiyere sañaricoro ijiri. Sohāne suhti gūhūre sañaricoro ijiri. Peye urure, wapa tiye utāre, perla pjeri gūhūre ohōri suhtire sañaricoro ijiri ticoro. Sa yero uru pare cūori ticoro. Ti papū pose tiye űañe ticoro yeri jiri. Ūmna mehna űano yero, pajiro űano yeri ticoro. Ti űañene ihūa yabire Cohācjū. <sup>5</sup> Ticoro wūhdoapū ticoro wame tiquina ojoa ohōnohricoro ijiri. Ti wamene quehnoano masiedaja mari. Ti wame queoye mehna buheri wame ijire. Ahri ijire ti wame: “Pajiri maca Babilonia wame tiri maca ijire. Ijipihitiye wūana tiye dahpoto cjūno, űa yūhdūayere yericoro ijire”, ni, ticoro wūhdoapū tiquina ojoa ohōnohricoro ijiri. <sup>6</sup> Sa yero ticoro peyequina Cohācjū yequinare wejēdicoro ticoro ijigū masii. Queheyere ticoro bucuero saha

tiquinare wejēno, tiquina dii cohāgā bucueri ticoro. Jesure tiquina cohāedari buhiri ticoro wejēdi tiquinare. Ticorore ihñagā, ihña maria wahau.

<sup>7</sup>—¿Duhsegu māhū ihña maria wahajari? nidi angel yahūre.

Sa nino yahūre ohō saha ni nemori:

—Māhū masiedarire māhūre yahutja. Numinore māhūre yahutja. Ticoro pesariquiro gāhūre yahutja. Tiquiro nūcū cǰāno ijiri. Sa yero siete dapu paca tiriquiro, diez sahari tiriquiro ijiri. <sup>8</sup>Tiquiro panopū ijiriquiro ijiri. Yojoḡure mariedare tiquiro. Came tiquiro uhcāri coperū ijiriquiro wijia tarota. Tiquiro sa wijia tari bato pecarū waharota. Ahri yehpa cǰēna tiquirore ihña maria, ño peori tiquirore. Ahri yehpa ijiato pano Cohācǰū tiquiro yequina ijatiquinare sa ijiducuatiquinare tiquina wamene ojoa ohōahye. Tiquiro ojoa ohōnohedariquina ijiri nūcū cǰānore ño peoyequina. Tiquiro pehe panopū ijiri. Yojoḡū pehere mariedare. Camerū pari turi bajarota. Sa ye tiquiro bajuagū ihñañe masa tiquirore ihña maria wahaeta.

<sup>9</sup>Yojoḡure yāhū yahuatire masi duana, quehnoano tūhonata mūsa. Sa yena tūho masina ijiya. Nūcū cǰāno dapu paca siete dapu paca siete cūnū cǰū ijire, mari queoye mehna buhegū. Ti cūnū cǰū buipū pesare ticoro mūsa mehna ñano yeducuricoro. <sup>10</sup>Ti dapu paca siete pūhtoa yero saha ijire, mari queoye mehna buhegū. Peyequina masa pūhtoa ijire. Ihcā omopequina pūhtoare cohā tuhasari. Apequiro tiquina bato ijiriquiro pūhthora ijire yojoḡure. Apequiro pehe came pūhthora saǰānota. Sa saǰāno mehenogā pūhthora ijirota tiquiro. <sup>11</sup>Sa yero nūcū cǰāno sohāriquiro panopū iji māhtariquiro, yojoḡure marieniquiro tiquina siete pūhtoa bato pūhthora ijirota. Siete pūhtoa mehna cǰāno ijire. Came pecarū waharota.

<sup>12</sup>Nūcū cǰāno sahari diez sahari diez pūhtoa yero saha ijire, mari queoye mehna buhegū. Peyequina masa pūhtoa ijire. Tiquina pūhtoa saǰāedare yojoḡū. Camerū pūhtoa saǰāñe mehenogā pūhtoa ijieta. Yoari pje iji dutisi tiquinare. Sa pūhtoa ijiye nūcū cǰāno mehna pūhtoa ijieta. <sup>13</sup>Tiquina diez pūhtoa ihcāno saha tūhotuyequina ijire. Sa ijiye tiquina nūcū cǰānore tiquina ye yehpari cǰēna pūhthora sōeta. <sup>14</sup>Sa ye Cordero mehna cahme wejēeta. Tiquina sa cahme wejēpegūta Cordero tiquiro beseriquina mehna tiquirore ne cohāēnequina mehna tiquinare yahdūducaeta. Tiquiro ijipihtiyequina apequina pūhtoa bui pūhthora ijire. Sa yero tiquinare yahdūducarota, nidi angel yahūre.

<sup>15</sup>Ahrire yahūre yahu nemori angel:

—Ūmūa mehna ñano yeducuricoro māri bui dujiri. Ti māri ahri yero saha ijire mari queoye mehna buhegū: Ijipihtiyē yehpari cǰēna, peye cururi cǰēna, peye yahuducuyere yahuducuyequina yero saha ijire ti māri. <sup>16</sup>Nūcū cǰāno, diez pūhtoa gūhū ūmūa mehna ñano yeducuricorore ihña yabieta. Tiquina diez pūhtoa nūcū cǰāno mehna ticoro yere ehma peho, suhti mariedicoro cohāeta ticorore. Sa ye ticoro pagure ihyaeta. Tiquina sa yeri bato ticorore ūjūa pehoeta. <sup>17</sup>Tiquina diez pūhtoa ihcāno saha tūhotuye, nūcū cǰānore tiquina ye yehpari cǰēna pūhthora sōeta. Tiquinare sa yegū yeri Cohācǰū, tiquiro cahmeno saha yero taro. Sa yero nūcū cǰāno pehe pūhthora ijirota. Ijipihtiyē Cohācǰū panopū tiquiro yahuriro sahata tiquiro yeri bato nūcū cǰānore cohānota. <sup>18</sup>Ticoro māhū ihñaricoro mehna ohō saha ni queoye mehna buhere: Ticoro pajiri maca Babilonia wame tiri maca yero saha ijire. Ijipihtiyequina apequina pūhtoa bui ijire ti maca cǰēna, nidi angel yahūre.

## 18

*Babilonia wame tiri maca tiquiro cohāri maca ijire*

<sup>1</sup> Came apequiro angel ʔhmʔsepm dijia tariquirore ihña. Tiquiro puhtoro waro ijiri. Sa yero tiquiro asi siteye ijipihtiropm quehnoano buhrio sehkaa wahari. <sup>2</sup> Tiquiro sa dijari bato tutuaro sañuducu yahuri:

—Cohāri jiri. Babilonia wame tiri maca pajiri maca cjēnare cohāri jiri. Yojoḡre wafā, peyequina ñañequina pagu bajueyequina gūhu ti macapm ijije nine. Ñañequina boro minicjua pari gūhu ti macapm ijije nine. Tiquina minicjua masa tiquina ihña yabiyequina ijiri. <sup>3</sup> Ijipihtiyē yehpari cjēna ti maca cjēnare ñañequinare ihña cūñe, tiquina gūhu ñano yeri. Sa ye ahri yehpari cjēna puhtoā ti maca cjēna numiā mehna ñano yeri. Ticoro sa ʔmua mehna ñano yeducuricoro ijiro wapa tiyere dūe tiri. Pajiro ticoro sa dūgū ahri yehpa cjēna doeri cjē duayequina pajiro wapatari, ni yahuri angel.

<sup>4</sup> Came pari turi ʔhmʔsepm yahuducuro ca tari. Ohō saha nidi:

—Yeequina, ahricoro ʔmua mehna ñano yeducuricoro mehna ijieracāhña msa. Ticoro mehna msa ijigū msa gūhare buhiri dahrerota. Sa yena ticoro ñano yeyere ihña cūedacāhña. <sup>5</sup> Ticoro ñano yeri peye ijire. Ticoro ñano yerire pari tju mari duhu peo mʔogū ti tju pehe ʔhmʔsepm wahā sa cāboaga. Sa ye ticoro ñano yeri peye ijire. Sa yero ticoro ñano yerire wacūre Cohācjū. Sa wacūno ticorore buhiri dahre dutirota. <sup>6</sup> Ticoro tutuaro tiquiro buhiri dahrenohaticoro ijiaho. Masare ticoro ñano yegū yeriro saha ticoro gūhare ñano yūhdagū yeahro. Masare ticoro sa ñano wahagū yeriro saha ti yūhduro ticorore ñano buhiri dahreahro. <sup>7</sup> Ticoro “Quehnoago ijiaja”, ni tūhotumedi. Sa ni tūhoturo, wapa bujūyere pajiro cʔori ticoro. Ti wapa bujūyere pajiro ticoro cʔoro punota ticorore pajiro ñano yūhdagū yeahro. To punota ticorore bujūa witiḡ yeahro. Ticoro basi ohō saha ni tūhotumene. “Ohōpm dutiḡ dujiaja. Wape wiho ijieraja. Sa yego ne ñano yūhdasi yūhu”, ni tūhotumene ticoro. <sup>8</sup> Sa ni tūhoturicoro ijigū wacūno mehna ticorore buhiri dahrerota. Ticoro dohati, yariariquinare yahco uti, ʔjua ahbarota. Sa yero ticorore ʔjūa borota. Msa puhtoro Cohācjū ticorore buhiri dahre dutiriquiro tutua yūhdariquiro ijire. Sa yero sa yūhu nidiro saha ticorore buhiri dahre dutirota, nino ca tari ʔhmʔsepm.

<sup>9</sup> Sa ye ticoro yero saha ijiri macare Cohācjū tiquiro buhiri dahreri bato ahri yehpa cjēna puhtoā tutuaro bujūa witi, utieta. Ti maca cjēna mehna ñano yeyequina ijiri. Ti maca ʔjūḡ ihñañe utieta tiquina. <sup>10</sup> Sa ʔjūḡ ihñañe tiquina puhtoā yoaropm ihñadoqueoducueta, “ʔsā gūhare buhiri dahreari”, niñe. Topm ihñadoqueoducuyē ohō saha nieta:

—Yohou, pejecʔori maca ijire, Babilonia. Si maca pajiri maca tutuari maca ijimedi. Wacūno mehna si macare buhiri dahreri, nieta tiquina.

<sup>11</sup> Ijipihtiro cjēna doeri cjē duayequina ti macare ihñañe tutuaro bujūa witi utieta. Ti maca pihtigū ihñañe, tiquina ye doeri cjēne dūyequina mariedagū ihñañe bujūa witieta tiquina. Sa ye utieta. <sup>12</sup> Tiquina ne cāhtarire urure, platare, wapa bujūyē utāre, perla wame tiye paca gūhare dūyequina marisi. Sa ye apeye tiquina ne cāhtarire suhti quehnoañe suhtire, yahsaye suhti puhtoā tiquina sañañe suhti saha ijije suhtire, seda wame tiye suhtire, sohāñe suhtire dūyequina marisi. Sa ye apeye tiquina ne cāhtarire yucari ehme sitiye yucarire dūyequina marisi. Sa ye apeye tiquina ne cāhtarire marfil wame tiye mehna tiquina yerire, wapa bujūyē cju mehna tiquina yerire, bronce wame tiye come mehna tiquina yerire, come butiye mehna tiquina yerire, marmol wame tiye mehna tiquina yerire dūyequina ne marisi. <sup>13</sup> Sa ye apeye tiquina ne cāhtarire canela wame tiyere tiquina ihyayere ocagū yeyere, apeye tiquina ihyayere ocagū yeyere, bueyere, mirra wame tiye ehme sitiye, apeye ehme sitiye dūyequina marisi. Sa ye apeye tiquina

ne cãhtarire vinore, ahse ihyaye moreñene, trigore, trigo pjerire, wecare, corderoare, caballoare, tunuñe cohrori caballoa tiquina wejeje cohrorire dúyequina marisi. Cahacjẽnare dú tiquinare cwoyequina gũhũ marisi. Masa tiquina ijiepegũta tiquinare dúyequina ijimedi. Yojoþare marisi. Sa ye bũjũa witieta doeri cjẽne duayequina. <sup>14</sup> Sa ye ohõ saha nieta tiquina ti maca cjẽna ijiriquinare:

—Adei, ñabutiario wahayari. Ijipihtiye mũsa cahĩmedi pihitia wahari. Sa ye ijipihtiye quehnoañe mũsa cwoemedi pihitia wahari. Sa yena tire pari turi bocasi mũsa, nieta doeri cjẽne duayequina.

<sup>15</sup> Tiquina ti macare doeri cjẽne duaye, pajiro wapatamedi. Sa ye tiquina ti macare yoaropũ ihñadoqueoducuetã, “Ušã gũhare buhiri dahreari”, niñe. Sa ihñadoqueoducuye ti macare tutuaro bũjũa witi utieta. <sup>16</sup> Ohõ saha nieta ti macare:

—Adei, pejecwoyequina ijire si maca pajiri maca quehnoari maca cjẽna mũna. Si maca numino yero saha quehnoañene cwoiri. Numino pehe quehnoañe suhtire, yahsaye suhti pũhũa tiquina sañãñe saha ijiye suhtire, sohãñe suhti gũhare sañari. Sa yero uru, wapa bũjũe utã, perla wame tiye paca ohõri suhtire sañari. Sa yeri si maca cjẽna. <sup>17</sup> Sa ye wacũeno mehna si maca buti pihitia wahari, nieta ti macare.

Sa ye ijipihtiyequina yucũsari mehna tiniñequina, ti yucũsari opana, tiquina mũna, apequina pajiri mapũ dahra wapatayequina gũhũ ti macare yoaropũ ihñadoqueoducuetã. <sup>18</sup> Topũ ihñadoqueoducuye ti macare to mũgũ ihñãñe ohõ saha ni sañuducuetã:

—Quehnoañe macari si maca yero saha ijiye macari ne apeye macari mariedare, ni sañuducuetã tiquina.

<sup>19</sup> Sa bũjũa witiyequina ijiye tiquina dapu paca bui dihtare orẽ peoeta. Sa ye tutuaro yahco utiye ohõ saha nieta:

—Adei, pejecwoyequina ijire si maca cjẽna mũna. Quehnoari maca ijimedi. Ijipihitina yucũsarirẽ cwoña pajiri mapũ tinina ijina si maca cjẽ doeri cjẽ mehna quehnoano wapatami mari. Sa ye duita si maca cjẽ buti pihitia wahari, nieta yucũsari cjẽna.

<sup>20</sup> Ti macare tiquiuro cohãgũ ihñana bucueya mũsa ahmũse cjãna. Cohãcjũ yequina, Jesu tiquiuro cũrina, tiquiuro yere yahu mũhtarina ijipihitina mũsa bucueya. Ti maca cjẽna mũsare ñano yũhdũgũ yeri. Tiquina sa yeri buhiri buhiri dahreari Cohãcjũ. Sa yena bucueya mũsa.

<sup>21</sup> Sa yero tutuariquiuro angel pajiria utãre ne wahcõ, pajiri mapũ doque ñori. Sa doque ñono ohõ saha nidi:

—Ahria utã bora ñojoariro saha pajiri maca Babilonia wame tiri maca boraro tutuaro bisirota. Sa borari bato ti macare pari turi ihñasi masa. <sup>22</sup> Ti macare butia wahagũ yerota. Sa ye ti macapũ basayere mũsa basaducuriro saha ne acaro tisi. Arpa wame tiyere mũsa bũa pũtẽducuriro saha, flauta wame tiye pacare, corneta gũhare mũsa putiducuriro saha pari turi ti macapũ acaro tisi. Sa ye ti maca mariedagũ pari turi ti macapũ dahrayequina dahrasĩ. Sa ye utã mehna trigore mũsa ña mũtoñe gũhare tũhonohsi. <sup>23</sup> Ne ti maca buhrio cuñariro saha ne ijisi. Sa ye omoca dũhtena mũsa bucue yahuducuriro saha pari turi ne acaro tisi. Ti maca cjãna mũsa doeri cjẽne duana, dũna gũhũ apequina yũhdũoro cwoemedi mũsa. Sa yena yayia masare ujuayequina yero saha yena ijipihtiuro cjẽnare mehori mũsa. Mũsa sa yerire ihñã mariañe, Cohãcjũ pehere cahmedari masa, nidi tutuariquiuro angel.

<sup>24</sup> Ti maca cjẽna Cohãcjũ yere yahu mũhtariquinare apequina tiquiuro yequina gũhare ijipihituro cjẽnare wejẽdi jiri. Tiquina sa wejẽdi buhiri buhiri dahreari Cohãcjũ Babilonia cjẽnare.

## 19

<sup>1</sup> Babilonia dahse wahatire yuhu ihñari bato ahmusepu peyequina masa sañuducue ca tari yuhu tuhogü. Ohõ saha ni sañuducuri:

Aleluya. Cohãcjüre quehnoano yahuducuuhna. Cohãcjü marine yuhdñariquiro ijire. Tiquirore quehnoano ño peouhna. Tutua yuhdñariquiro ijire tiquiro. <sup>2</sup> Mehono marieno queoro masare buhiri dahrere tiquiro. Ñañe buhiri marieñequinare tiquinare buhiri dahrerare. Ñaricorore amua mehna ñano yeducuricorore ihña cñe ijipihtiropu cñena, ahri yehpa cñena ñano yeri. Ticoro pehere buhiri dahreri Cohãcjü. Sa yero tiquiro cahacjñare ticoro wejedi buhirire buhiri dahreri tiquiro, ni sañuducue ca tari.

<sup>3</sup> Pari turi sañuducue ca tari tja:

Aleluya. Cohãcjüre quehnoano yahuducuuhna. Ti maca ñari maca tiquiro ujñari maca sa ohmeo tiducurota, ni sañuducue ca tari.

<sup>4</sup> Sa yeye veinticuatro Jesu yequina puhto, pititiaro sijoro saha bajuyequina mehna dusepe curi mehna quehe sa, mari Pacare tiquiro dujiropu dujiriquire ño peori. Ohõ saha ni ño peori tiquina: “Aleluya. Sata yeihna. Mari Pacare quehnoano yahuducuuhna,” nidi tiquina. <sup>5</sup> Came puhtoro dujiropu ohõ saha nino ca tari:

Mari puhtoro Cohãcjüre ño peoya. Tiquiro cahacjña, tiquirore ño peona, ihyo ijina, puhto gñu ijipihtina masa tiquirore quehnoano yahuducuya, nino ca tari.

*Cordero tiquiro omoca dahateati deco bose decore yahuahye Ñu*

<sup>6</sup> Came peyequina masa tiquina yahuducugü tuhõ. Sa ye pajiri peo, upo mehna tutuaro bisiro saha yahuducue ca tari yuhu tuhogü:

Aleluya. Cohãcjüre quehnoano yahuducuuhna. Tiquiro mari puhtoro pehe puhtoro sajã tuhasari. Tutua yuhdñariquiro ijire tiquiro. <sup>7-8</sup> Cordero tiquiro omoca dahateati pje ijire yojopare. Tiquiro omoca dahateatoro quehnoano tiquina quehno tuhasaricoropu ijire. Ticorore quehnoari suhtiro wete marieni suhtirore ohori. Ti suhtiro Cohãcjü yequina quehnoañene tiquina yeri yero saha ijire, mari queoye mehna buhegü. Sa yena ti omoca dahateati pje ijigü bucueihna mari. Cohãcjüre “Tutua yuhdñariquiro ijire”, niuhna, ni yahuducue ca tari.

<sup>9</sup> Tiquina sa nidi bato angel ohõ saha nidi yuhare:

—Ahrire ojoa neña: “Cordero tiquiro omoca dahateri deco bose decore tiquiro pijioriquina bucueyequina ijire”, ni ojoa neña, nidi angel yuhare.

Sa ninota ohõ saha ni nemori:

—Ijirota ijire ahri yuhu yahuri. Cohãcjü ye yahuducuye ijire, ni nemori yuhare.

<sup>10</sup> Tiquiro sa nigü tuhoguta tiquiro caha dusepe curi mehna quehe sa, tiquirore ño peou tuñ nimi. Yuhu sa yegü waro ohõ saha nidi tiquiro yuhare:

—Tire yeracãhña. Muñu yero saha yuhu gñu Cohãcjü cahacjñata ijiaja. Muñu acaye Jesu yequina ijipihtiyequina tiquiro ye buheyere duhueyequina yero saha yuhu gñu Cohãcjü cahacjñata ijiaja. Sa yegü Cohãcjü pehere dusepe curi mehna quehe sa, tiquirore ño peoya, nidi angel yuhare.

Cohãcjü yere yahu mñhtariquina mña panopu cñena Espiritu Santo yedohoro mehna ti buheyere Jesu ye buheyere yahuyuahye.

*Caballo yehseriquiro bui pesariquire yahuahye Ñu*

<sup>11</sup> Came ahmuse parí maa wahagü ihñau. Topu caballo yehseriquiro ijiri. Tiquiro bui pesariquire ohõ saha wame tiri: Tiquiro nidiro sahata yeriquiro

poto yeriquiro wame tiri tiquiro. Queoro masare dutiriquiro ijiro, tiquirore ihña tuhtiyequina mehna cahme wejēne. <sup>12</sup> Tiquiro caperi peca pohna yero saha ijiri. Sa yero tiquiro dapupū peye puhtoā pesaye behtori ijiri. Sa yero tiquiro pagupū wame ojoa ohōnohriquiro ijiri. Ti wamene tiquiro dihita masidi. Apequina masiedari. <sup>13</sup> Tiquiro sañari suhtiro yoari suhtiro dii wahñari suhtiro ijiri. Tiquiro ohō saha wame tiri: Cohācjū ye yahuducuyere yahuriquiro wame tiri tiquiro. <sup>14</sup> Sa ye tiquiro yequina surara uhmūse cjēna tiquirore nūnū tāri. Yehseyequina caballoa bui pesayequina quehnoañe yehseye suhtire, wete marieñe suhtire sañariquina ijiri. <sup>15</sup> Tiquiro duseropū ñoseni pñine siori pñine cuhñuri. Ti pñi ijiphihtiyē yehpari cjēnare tiquiro yuhdudūcati pñi ijiri. Sa yero tiquiro tutuaye mehna tiquiro dutigū ne ihcāquiro tiquirore yuhdudūcaro cūsi. Cohācjū ijiphihtiyē yehpari cjēna mehna usuare. Tiquiro sa usuagū caballo bui pesariquiro tiquinare tutuaro buhiri dahrerota. <sup>16</sup> Tiquiro suhtiropū, tiquiro ñecu gāhure ahri wamene ojoa ohōri jiri: “Ijiphihtiyequina apequina puhtoā bui puhtoro”, ni ojoa ohōri jiri.

<sup>17</sup> Came asū asiropū ducuriquirore angelre ihñau. Ijiphihtiyequina uhmūsepū wāyeyequina yucaā parire sañuducu mūori tiquiro. Ohō saha ni tutuaro sañuducu mūori:

—Cahmecoana ahtaya. Cohācjū tiquiro bose decopū ihyana ahtaya. <sup>18</sup> Peyē yehpari cjēna puhtoare, surara puhtoare, surara parire, caballoare, tiquina bui pesayequinare, ijiphihtiyequina apequina masare, cahacjēnare, cahacjēna ijieyequinare, apequina puhtoare, ihyo ijieyequinare tiquina ijiphihtiyequina tiquina pagūri ijirire ihyana ahtaya, nidi angel yucaare.

<sup>19</sup> Came nūcu cjānore, ahri yehpa cjēna puhtoā tiquina yequina surara pari gāhure ihñau. Caballo bui pesariquiro mehna tiquiro yequina surara pari mehna cahme wejēñe tehe cahmecoari tiquina. <sup>20</sup> Tiquina sa cahme wejēgū caballo bui pesariquiro nūcu cjānore peresu yeri. Apequiro “Cohācjū yere yahu māhtagū ijiaja”, ni mehoriquiro gāhure peresu yeri. Tiquiro ni mehoriquiro pehe nūcu cjāno tiquiro ihñonopū tutuaye mehna ye ihñoriquiro ijiri. Tiquiro sa ye ihñori mehna nūcu cjāno wamene wahñañequinare tiquiro queoyere ño peoyequinare ni mehori “Ahri Cohācjū ye ijire”, nino. Tiquina puarore tiquiro peresu yeri bato tiquinare catieyquinareta pecapū cohāri. Ti peca pajiri ma yero saha pajiri peca azufre mehna uñari peca ijiri. <sup>21</sup> Sa yero dūhsariquinare tiquina yequina surara parire ñoseni pñi mehna tiquiro duseropū ijiri pñi mehna wejēdi caballo bui pesariquiro pehe. Sa tiquiro wejēdi bato yucaā pari tiquina pagūri ijirire ihyaye, yapi yuhdūa wahari.

## 20

### *Mil cūhmari waro Cristo tiquiro yequina mehna masare dutirota*

<sup>1</sup> Came apequiro angel uhmūsepū tiquiro dijia tagū ihñau. Uhcūāri cope cjā sawire, pajiri da, come da gāhure cūori tiquiro. <sup>2</sup> Sa dijia wihiro pinonore ñehedi tiquiro. Tiquiro pinono panopū pinono saha pagū tiriquiro ijiro, wafino Satana wame tiriquiro ijiri. Tiquirore ñeheno tiquirore dūhteri mil cūhmari waro peresu yero taro. <sup>3</sup> Sa dūhte tuhasa, uhcūāri copopū cohāri tiquirore ahri yehpari cjēnare mil cūhmari waro tiquiro “Mehoari”, nino. Sa cohā tuhasaro ti copere biha, piha ñehe cāri. Sa yero mil cūhmari bato pari turi meheñe decorigā tiquirore wiorīnota.

<sup>4</sup> Came puhtoā dujiyere ihñau. Ti dujiyepū dujiyeyequina gāhure ihñau. Tiquinare masare tiquina beseatore ñañene yeyequinare tiquina buhiri dahreatore cūri Cristo. Apequina gāhure ihñau. Tiquina pehe Jesu yere Cohācjū yere tiquina yahuri buhiri tiquina dapu pacare date cohānohriquina ijiri. Nūcu cjānore tiquiro queoye gāhure dūsepe curi mehna quehe sa ño



peoerari. Sa ye tiquina wãhdoa pacare tiquina omocari gãhure tiquiro wamene ojoa ohõ dutierari tiquina. Sa ye apequina tiquinare wejedi bato masaa wahari tja. Masari tiquina mil cãhmari waro Cristo mehna pãhtoa ijije tehe. <sup>5</sup> Apequina Cristo yequina yariariquina muna masaedaridi. Tiquina wejediquina tiquina masari bato mil cãhmari pãhtoa tiquina ijiri bato apequina gãhũ masaa wahaeta. Sa ye tiquina wejediquina muna Cristo yequina tiquiro bato masa mãhtañequina ijiri. <sup>6</sup> Tiquiro maso mãhtariquina pehe tutuaro bucyequina ijjeta. Ñañe marieñequina ijjeta tiquina. Sa ye pecarũ wahasi tiquina. Masa pecarũ wahaye, pari turi tiquina yariaro saha wahare. Sa ye tiquina pecarũ wahaerare. Masa mãhtariquina Cohãcjũ, Cristo yequina pahia ijjeta tiquina. Sa ye mil cãhmari waro Cristo mehna masa pãhtoa ijjeta.

<sup>7</sup> Mil cãhmari bato Satanare peresurũ ijiriquirore wiorota. <sup>8</sup> Tiquirore sa wiori bato ahri yehpa cjenare mehono waharota tiquiro. Gog wame tiyequinare, Magog wame tiyequina gãhure mehono waharota. Sa ye tiquina tiquiro mehoñene tuhoye, tiquina yequina surara parire cahme-coaeta cahme wejẽñe tehe. Surara pari peyequina ijjeta. Pajiri ma cjẽ padũ pjeri peye ti ijiro saha peyequina surara ijjeta.

<sup>9</sup> Sa ye ahri yehparũre waha siteye, Cohãcjũ yequina tiquina ijiri macare Cohãcjũ tiquiro cahidi macare majare beheota cahmotaeta. Tiquina sa cahmotari bato Cohãcjũ tiquinare ãhmuse cjã peca mehna ãjãadoque dijiorota.

<sup>10</sup> Sa wahari bato watĩnore tiquinare mehoriqirore pecarũ cohãnota. Ti peca pajiri ma yero saha ijiri peca azufre mehna ãjũri peca ijiri. Topũ nũcu cjũnore, “Cohãcjũ yere yahu mãhtagũ ijiaja”, ni mehoriqiro gãhure cohã tuhasari. Topũ tiquina ijigũ deco, ñamirũ gãhure sa ñano purĩducurota tiquinare.

### *Cohãcjũ masare buhiri dahre bato tire*

<sup>11</sup> Came pajiro dujirore quehnoano yehserore pãhtoro dujirore ihñãũ. Ti dujiro bui dujiriquiro gãhure ihñãũ. Ahri yehpa cjẽna gãhũ ãhmuse cjẽna gãhũ tiquirore cueye, duhti oma cãa wahari. Sa duhtiepeta tiquirore duhtiyẽ cũedari. <sup>12</sup> Sa yegu pãhtoro poto yariariquina muna tiquina ducugũ ihñãũ. Tiquina ihyo ijijequina, pãhtoa ijiriquina gãhũ ijiri. Topũ tiquina ducugũ ojoa ohõñe tjurire põori. Ti tjuri masa tiquina yerire tiquina ojoa ohõñe tjuri ijiri. Sa yero beseriquiro ti tjurire ihña tuhasa tiquina yerire masidi. Tire masino yariariquinare beseri ñañequina, quehnoañequina gãhure. Came ape tju gãhure põori. Ti tju Cohãcjũ mehna sa ijiducuatiquinare tiquina wamene ojoa ohõri tju ijiri. <sup>13</sup> Came pajiri marũ, diaru gãhure yaria dijiriquina wahcã mãjaa wahari. Sa ye yehpa puhãparũ ijijequina, yariariquina tiquina ijirorũ ijijequina gãhũ mãjaa wahari. Tiquina sa mãja sagũ topũ dujiriquiro tiquina yerire masi pehoro, tiquinare beseri ñañequina, quehnoañequina gãhure. <sup>14</sup> Came yariarore, yariariquina tiquina ijiro gãhure cohã cãhri Cohãcjũ pari turi mari yariarore. Pecarũ cohã cãhri. Ti peca pajiri ma yero saha ijiri peca pajiri peca ijiri. Pecarũ wahayequina pehe pari turi yariaro saha wahare. <sup>15</sup> Sa yero sa ijiducuatiquina tiquina wamene Cohãcjũ tiquiro ojoa ohõri tjurũ ijipihtyequina tiquina wamene ojoa ohõmehneñequina pehere pecarũ cohãri tiquiro.

## 21

### *Èhmũserũ, ahri yehpa gãhure wahmare comesarota Cohãcjũ*

<sup>1</sup> Came ãhmũserũ, ahri yehpa gãhure wahmare tiquiro comesarire ihñãũ. Èhmũserũ iji mãhtari, yehparũ iji mãhtari, pajiri marũ iji mãhtari gãhũ



pihtia wahari. Mariedari. <sup>2</sup> Sa yegü yuhü Ñu quehnoari macare, wahma macare Jerusalêne ihñau. Ti maca ahmüserü Cohäcjö caharü dijia tagü ihñau. Omoca dakteatorore quehnoañe suhti mehna wahma süore omoca dakteatiquire bucuegü yero taro. Sata ti macare quehnoyuri jiri Cohäcjö, tiquire yequinare bucuegü yero taro. <sup>3</sup> Tire yuhü ihñari bato pühtoro dujiropü tiquire sañuducugü tühou:

—Ihñaña. Yojoprü masa watoprü ijiro nine Cohäcjö. Tiquina mehna ijirota tiquire. Sa ye tiquire yequina ijietä tiquina. Sa yero Cohäcjö tiquire basi tiquina mehna cjäno ijiro, tiquina yaquiro Cohäcjö ijirota. <sup>4</sup> Sa yero sa bucueducugü yerota tiquire tiquinare. Sa ye pari turi büña witiis tiquina. Sa ye ne pari turi yariis tiquina. Ne ñano jeripohna tiye, utiye, puriñe güñu marisi tiquinare. Ahri ijipihitiye panopü cje ijiri pihtia waharota, ni sañuducuro ca tari.

<sup>5</sup> Came pühtoro dujiropü dujiriquire ohö saha nidi:

—Ihñaña. Ijipihitiyere wahma comesagü yeitja, nidi.

Tiquire sa nidi bato yühäre ohö saha nidi tja:

—Ahri yuhü niñene ojoa neña. Yuhü niñe ijirota ijire. Sa yero yuhü nidiro sahata sa waharota. Sa yegü yuhü niñene ojoa neña, nidi yühäre.

<sup>6</sup> Came ohö saha nidi tja yühäre:

—To punota ijiaga. Yuhü ijipihitiyere bajumehnedigü ijiaja. Sa yegü ijipihitiyere pihtigü yeacjü ijiaja. Aco wöoyequina tutuaro tiquina acore cahmeno saha yuhü caharü ahta duayequina yühäre cahmeeta. Sa ye yühäre yuhtieta. Yuhü catigü yeye aco yero saha ijigü ijiaja. Yühäre cahmeñequinare yuhü mehna sa ijiducugü yeitja tiquinare. Tiquina esa tuharo ye dutiro marieno, yuhü tutuaye mehna yuhü mehna sa ijiducugü yeitja. <sup>7</sup> Ijipihitiyequina yühäre wacü tutua duhueyequinare ohö saha yeitja: Tiquina yaquiro Cohäcjö ijietja. Sa ye tiquina pehe yuhü pohna ijietä. <sup>8</sup> Sa ijiereta cueye, yeere duhueyequina, yühäre cahmeñequina, ña yuhdayere yeyequina, masare wejñequina, wüana tiyequina, masare ujuayequina yero saha yeyequina yayia, “Cohäcjö ijire”, tiquina niñe queoyere ño peoyequina, ijipihitiyequina ni mehoñequina pecarü wahaeta. Topü pajiri ma yero saha ijiri peca pajiri peca azufre mehna üjäno nine. Topü wahayequina pari turi tiquina yariaro saha wahaye nine, nidi yühäre.

### *Wahma maca Jerusalêne yahuahye*

<sup>9</sup> Came ihcäquiro angel yuhü caharü wihiri. Tiquire siete pari cöoyequina, tiquire buhiri dahre duti cüriquina angele mehna cjäno ijiri. Sa wihiro, ohö saha nidi yühäre:

—Ihñagü ahtaya. Cordero tiquire omoca daktericorore ihñoutja mühare, nidi angel yühäre.

<sup>10</sup> Sa yero Espíritu Santo yühäre Cohäcjö ya macare ihñori. Ohö saha bajuro ihñori yühäre: Ühmuanü canü buipü yühäre ne müjari. Turü asä ijigü Jerusalêne Cohäcjö ya macare quehnoari macare ihñori yühäre. Cohäcjö caharü ahmüserü ijiri maca dijia taro nidi ahri yehparü. <sup>11</sup> Cohäcjö tiquire asi siteye mehna asi siteri maca ijiri ti maca. Wapa tiye utä yero saha asi siteri. Jaspe wame tiye utä yero saha asi siteri. Sa yero vidrio yero saha quehnoano aco sitiri maca ijiri ti maca. <sup>12</sup> Sa yero pajiri sahrño ahmüari sahrño tiquina sahrñi säri maca ijiri ti maca. Doce sopecahari tiri ti sahrño. Ti sopecaharipe cohteri angele. Ti maca cje sope pahmaripü Israe masa cururi doce cururipe tiquina wame wahñari. <sup>13</sup> Asü müja taro pehe ti sahrño cüori ihtia sopecaha. Sur cü pehe pehe ihtia sopecaha ijiri. Norte poto pehe ihtia sopecaha ijiri. Asü sajäno pehe gühare ihtia sopecaha ijiri. Ijipihitiro doce

sopecahari waro c̄ori ti sahr̄no. <sup>14</sup> Ti sahr̄no doce ut̄a paca bui pesari. Ti ut̄a pacape Cordero c̄urina doce tiquiro c̄urina us̄ape wame wah̄nari.

<sup>15</sup> Sa yero angel yah̄ure yahuriquiro queodu uru mehna tiquina yed̄are c̄ori. Ti macare, ti maca c̄j̄e sopecaharire, sahr̄no ḡuh̄ure queoro taro nidi. <sup>16</sup> Ti maca yoaro punota ehsaro ḡuh̄u to punota ehsari. ̄hm̄uano ḡuh̄u to punota ̄hm̄uari. Sa yero angel queodu mehna ti macare queori. Ti maca dos mil doscientos kilómetro yoari maca ijiri. To punota ehsari maca ijiri. To punota ̄hm̄uari maca ijiri. <sup>17</sup> Sa yero ti maca c̄j̄a sahr̄nore queori angel. Sesenta y cinco metro ̄hm̄uari sahr̄no ijiri. Masa mari queoro sahata queoro nidi tiquiro angel.

<sup>18</sup> Ti sahr̄no jaspē wame tiye ut̄a paca mehna tiquiro yeri sahr̄no ijiri. Sa yero ti maca pehe uru mehna tiquiro yeri maca ijiri. Ti uru wete marieñe ijiri quehnoano asi siteri. <sup>19</sup> Ti sahr̄no docap̄u ijiye ut̄a pacap̄ure peye sijoro saha ijiye wapa tiye paca wah̄nari. Ti ut̄a paca sahr̄nop̄u pesaye paca doce paca ijiri. Iji mahtaria ut̄are jaspē wame tiye ut̄a wah̄nari. Ti paca bato ijiria ut̄are zafiro wame tiye ut̄a wah̄nari. P̄aria bato ijiria ut̄are ágata wame tiye ut̄a wah̄nari. Ihtiaría bato ijiria ut̄are esmeralda wame tiye ut̄a wah̄nari. <sup>20</sup> Pititiaría bato ijiria ut̄are ónice wame tiye ut̄a wah̄nari. Ihc̄a omope paca bato ijiria ut̄are cornalina wame tiye ut̄a wah̄nari. Seis paca bato ijiria ut̄are crisólito wame tiye ut̄a wah̄nari. Siete paca bato ijiria ut̄are berilo wame tiye ut̄a wah̄nari. Ocho paca bato ijiria ut̄are topacio wame tiye ut̄a wah̄nari. Nueve paca bato ijiria ut̄are crisoprasa wame tiye ut̄a wah̄nari. Diez paca bato ijiria ut̄are jacinto wame tiye ut̄a wah̄nari. Once paca bato ijiria ut̄are amatista wame tiye ut̄a wah̄na bato tiri.

<sup>21</sup> Sa ye doce sope pahmari doce perla mehna tiquiro yeri pahmari ijiri. Ti pahmaripe ihc̄a pje perla pje mehna tiquiro yeri pahmari ijiri. Sa yero ti maca c̄j̄a maha uru mehna tiquiro yeri maha ijiri. Ti uru wete marieñe uru ijiri. Sa yero quehnoano aco sitiri maha ijiri ti maha.

<sup>22</sup> Ti macap̄u Coh̄ac̄j̄u w̄uh̄ure ih̄ñed̄u. Mariedari. Ti macap̄u ijipih̄tirop̄u mari p̄ah̄toro Coh̄ac̄j̄u tutua ȳhd̄uariquirore, Cordero ḡuh̄ure ño peore masa. Sa yero ti maca ijipih̄tiro Coh̄ac̄j̄u w̄uh̄u yero saha ijiri. <sup>23</sup> Sa yero ti macap̄u Coh̄ac̄j̄u tiquiro asi sitye quehnoano buh̄riori. Cordero ḡuh̄u sih̄aria yero saha buh̄riori. Sa ye as̄u deco c̄j̄ano ḡuh̄ure ñami c̄j̄ano ḡuh̄ure top̄u tiquina buh̄rioḡa cahmedari. <sup>24</sup> Sa ye ahri yehpap̄u ti buh̄rioye mehna ijieta ijipih̄tiro c̄j̄ena. Sa ye ijipih̄tiye yehpari c̄j̄ena p̄ah̄toa ti macap̄u quehnoa ȳhd̄uayere tiquina c̄oyere ne wih̄ieta. <sup>25</sup> Sa ye decore ti maca c̄j̄e sopecahari p̄ori sopecahari ijiera. Top̄ure ne ñami marisi. Sa ye ti sopecaharire ne bihasi. Sa susuducurota. <sup>26</sup> Sa ye ahri yehpari c̄j̄ena quehnoañene tiquina c̄oyere ti macap̄u ne wih̄ieta. <sup>27</sup> Ñañe pehere ti macap̄u ne ne wih̄isi. B̄ue tiḡu yeyequina, ñañene yeyequina ḡuh̄u ti macap̄u ne wahas̄i. Mehoñequina ḡuh̄u ne wahas̄i. Cordero tiquiro ojoari t̄jup̄u tiquina wame wah̄ñañequina dih̄ita ti macap̄u wahaeta. Ti t̄jū tiquiro ȳhd̄oriquina tiquina wamene tiquiro ojoa oh̄ori t̄jū ijire. Ti t̄jup̄u tiquina wame wah̄ñañequina sa ijiducuenta.

## 22

<sup>1</sup> Came quehnoari mare catiḡa yeri mare ih̄ñori ȳuh̄ure angel. Ti ma quehnoano aco sitiri ma Coh̄ac̄j̄u, Cordero ḡuh̄u tiquina dujirop̄u ahtari ma ijiri. <sup>2</sup> Sa yero ti maca c̄j̄a maha deco bur̄uari ti ma. Ti ma p̄ua peheri d̄ah̄t̄a cahap̄u catiḡa yeye c̄j̄u ducuri. Ti c̄j̄u as̄uripe d̄uca tiri. Ihc̄a cahmare doce tahari d̄uca tiri. Sa ye ti c̄j̄u c̄j̄e p̄uri mehna quehnoano aco tieta ahri yehpa c̄j̄ena. <sup>3</sup> Ti macare ne ñañe buh̄iri dahreati marisi. Ti macap̄u Coh̄ac̄j̄u

dujiro ijirota. Cordero dujiro gāhū ijirota topū. Sa ye ijipihtiyequina masa topū ijieyequina tiquina cahacjēna tiquina poto dusepe curi mehna quehe sa, tiquinare ño peoeta. Sa yero topū ñañe ne marisi. <sup>4</sup> Tiquina Cohācjüre ihña piti ca dujieta. Sa ye tiquina wāhdoa pacapū tiquiro wame wahnāñequina ijietā. <sup>5</sup> Topūre ñami ne marisi. Sa ye sihāñe paca gāhure cahmesi topū ijieyequina. Asū buhriogū gāhure cahmesi. Mari pūhoro Cohācjū buhriorota. Sa ye ti macapū ijieyequina ape sie cjēna pūhtoa ijiducueta.

### *Jesucristo ahri yehpapū tiquiro tojoa tato mehenogā dūhsare*

<sup>6</sup> Came angel yūhure ohō saha nidi:

—Ijipihtiye ahri tiquina yahuri ijirota ijire. Sa ye tiquina nidiro sahata waharota. Mari pūhoro Cohācjū tiquiro yere yahu mūhtariquinare masigū yeriquiro ijire. Tiquiro pehe yojoapūre tiquiro yaquiro angelre ohori tiquiro cahacjēnare masigū yero taro. Came cjūnogā dūhse wahatire masigū yero taro tiquiro yaquiro angelre ohori, nidi angel yūhure.

<sup>7</sup> Jesu pehe ohō saha nidi:

—Tūhoya mūsa. Mehenogā dūhsare yūhū tojoa tato. Ahri pū cjē yahuyere yūhdūcaeyequina bucueyequina ijietā, nidi Jesu.

<sup>8</sup> Yūhū Ñū ahri ijipihtiyere yūhū ojoa nedire tūhou. Sa yegū tire ihñān. Sa yegū yūhū tūhori bato, yūhū ihñari bato yūhure ihñoriquiro angel poto dusepe curi mehna quehe sami. Tiquirore ño peogū tūn nimi. <sup>9</sup> Yūhū sa yegū ihñano ohō saha nidi yūhure:

—Sa yeracāhña. Mūhū yero saha yūhū gāhū Cohācjū cahacjūta ijiaja. Mūhū acaye Cohācjū yere yahu mūhtariquina, ijipihtiyequina ahri pū cjē dutiyere yeyequina gāhū tiquina ijiro saha yūhū gāhū Cohācjū cahacjūta ijiaja. Sa yegū Cohācjū poto dusepe curi mehna quehe sa, tiquiro pehere ño peoya, nidi angel yūhure.

<sup>10</sup> Sa yero ohō saha ni yahu nemori yūhure:

—Ahri pūpū came dūhse wahatire yahure. Sa wahato mehenogā dūhsare. Sa mehenogā dūhsagū ahri pūpū yahurire nūoedacāhña mūhū. <sup>11</sup> Ti pje yūhū yahuri pje ñañequina pehe sa yeducucūnahdo ñañene. Ñabutiayequina gāhū ña yūhdūaro yeducucūnahdo. Quehnoañequina pehe quehnoano yeducuahro. Sa ye ñañe marieñequina gāhū ñañe marieñequina sa ijiducuahro ti pje, nidi angel yūhure.

<sup>12</sup> Ohō saha nidi Jesu:

—Tūhoya mūsa. Mehenogā dūhsare yūhū tojoa tato. Mū sare yeequinare yūhū ohoatire ne cāhtagū tūn niāja. Sa yegū quehnoañene mūsa yeri wapa mū sare quehnoano yeitja. <sup>13</sup> Yūhū ijipihtiyere bajumehnedigū ijiaja. Sa yegū ijipihtiyere pihtigū yeacjū ijiaja.

<sup>14</sup> Ijipihtiyequina wete marieñe suhtire sañañequina tiquina ijiro saha tiquina ñañe yerire cosenohriquina ti macapū esaeta. Sa ye ti maca cjē cju catiyere ohoye cju dūcare ihyaeta. Sa ye bucueyequina ijietā tiquina, nidi Jesu. <sup>15</sup> Ti macapū eseyequina pehe ahriquina ijire: Ña yūhdūayequina, masare ujuayequina yero saha yeyequina yayia, wūana tiyequina, masare wejēñequina, “Cohācjū ijire”, tiquina niñe queoyere ño peoyequina, ni meho peyayequina gāhū ijire ti macapū eseyequina.

<sup>16</sup> Sa yero ohō saha ni yahu nemori Jesu:

—Yūhū, Jesu, yaquiro angelre ohou mū sare yeequinare ahri pū cjēne yahugū tūhū. Pūhoro Davi panami iji turiagū ijiaja yūhū. Yūhū bohrearia yero saha ijigū ijiaja, ni yahu nemori Jesu.

<sup>17</sup> Espíritu Santo Jesure “Tojoa taya”, nine. Jesu yequina tiqiro omoca dñhteaticoro yero saha ijieyequina gñhñ “Tojoa taya”, nine. Ijipihtieyequina tiqina “Tojoa taya”, nidire tñhoyequina gñhñ “Tojoa taya”, niahdo Jesure.

Aco wñoyequina acore tutuaro tiqina cahmeno saha Cohācjñ cahapñ waha duana Jesure tutuaro cahmeña. Tiquiro catigñ yeye aco yero saha ijire. Tiquirore cahmeñequinare ùhmusepñ sa ijiducugñ yerota Cohācjñ. Tiquina esa tuharo ye dutiro marieno Jesu yedohoro mehna sa ijiducugñ yerota.

<sup>18</sup> Yñhñ Ññ, ijipihtina ahri pñ cjñ Cohācjñ yere tñhorinare mñsare ohñ saha ni cua pesaro mehna yahutja. Ahri buheye mehna apeye buheye mehna more yahu nemoñequina Cohācjñre yñhdñdcaye nine. Tiquina sa yñhdñdcagñ ihñano ijipihtie ahri pñpñ tiqiro buhiri dahreatire tiqiro yahuriro sahata cñnota tiqina gñhñre. Sa yero sata tiqina gñhñre buhiri dahrerota. <sup>19</sup> Sa ye ahri pñ cjñ yahuyere yahu dñhayequina Cohācjñre yñhdñdcayequina ijire. Tiquina sa yñhdñdcagñ ihñano catigñ yeye cjñ dñcare tiquinare ihya dutisi. Sa ye sa ijiducusi tiqina. Sa yero tiqiro ya macapñ quehnoari macapñ waha dutisi. Ti cjñ, ti maca gñhñ ahri pñpñ tiqina yahuripñ ijire.

<sup>20</sup> Ijipihtie ahri pñ cjñe yahuriqiro ohñ saha nine:

—Sa tjire. Mehenogñ dñhsare ahri yehpapñ yñhñ tojoa tato, nine tiqiro.

Sa tjiya. Ûsñ pñhto Jesu, tojoa taya.

<sup>21</sup> Mari pñhtoro Jesu tiqiro yedohoro mehna ijipihtina mñsa quehnoano ijija.